



四庫全書存目叢書編纂委員會編

齊魯書社

# 四庫全書存目叢書

子部  
第一八六冊





魯新登字 07 號

責任編輯：孫言誠 賀 偉

ISBN 7-5333-0478-0



EB57/05

四庫全書存目叢書·子部一八六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 47.375 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

# 子部第一八六冊目次

## 子部・類書類

續文獻通考二百五十四卷(二)

〔明〕王圻撰  
中國科學院圖書館藏明萬曆三十一年曹時聘等刻本

.....一

續文獻通考二百五十四卷

(二)

〔明〕王圻撰

中國科學院圖書館藏明萬曆三十一

年曹時聘等刻本

續文獻通考卷之五十一

皇明進士

選舉考 舉官上

宋

寧宗嘉定初表薦薦陸持之于朝謂其議論不為空言緩急有可倚仗寧宗特詔持之秘書省讀書固辭不獲

十二年詔侍從兩宮臺諫各舉文武可用之才二三人

時進士潘彙及第廷對剴切漫塘劉宰嘉其志不苟

求與丞相杜範併薦于朝得宰崑山有政聲

江東轉運司副使真德秀奏曰太平興國中嘗詔諸道

轉運司察訪部下官吏凡罷軟不勝任及黷于貨賄者

續文獻通考卷之五十一

一 賦

俾條上其事狀其清白自守幹局不凡者亦許其明揚

臣仰見祖宗盛時選用監司付以事權者蓋欲其公於

刺舉使貪懦者無所容而廉能者有所勸責任之意蓋

不輕也自嘉泰開禧以來公道不行請囑日盛郡縣之

官有罪狀彰灼為監司者甫欲案劾已求要路之援以

自脫甚者得以施其反噬之計於是刺之權有不行矣

歲舉之員往往奪於權貴之命孤寒無援者雖盡心職

業不免陸沉之歎膏粱庸駘者苟有所挾則若執券以

取償焉於是舉之權又有所不行矣是以州縣之間賢

否不分民受其病今陛下更新大化公道昭明寢還乾

道淳熙之舊矣獨縉紳間親故請托之弊未能盡革臣



愚欲望聖慈特詔戒諭中外士大夫相與維持公道使將指承命者得以展澄清之志而賢不自有所甄別於治道豈小補哉

司令許應龍奏畧曰夫一郡之吏察於太守一路之吏察於諸司滿一期則有闕陞之薦逾三考則有京削之薦歲有常員截然一定固不患其濫也至若政績則聽其剡上初無定數豈固縱其猥濫而無所紀極哉蓋以効績顯著固未易得若拘以歲薦苟未有其人必以庸常之流勉強充數其謹重之意蓋可見矣是以剡牘來上悉從其請或與陞擢或令審察或付中書籍記使賢者知所勸而不賢者亦知自勉進者以爲榮而未進者

續文獻通考

卷之五十一

二

五

亦有所慕得人之效大率由此豈非朝廷之美意乎奈何人情貪榮競欲速進不顧職事之修否而惟欲露章之薦引頭鑽肘刺不得不已以公道自任者旌別淑慝固不肯曲徇其請而樂於周旋者見其既無定數求者必與迨其甚也一章所薦或五六人或十數人載於邸報殆無虛日合一歲而論不知其幾非親故之賞緣則勢要之囑托非閥陞之所不及則京削之所未徧譽過其情則以鉛刀而爲銛舉非其類則以薰蕕而同器此豈非士大夫之私心乎吁不意求才之美意而爲士大夫私心壞之也雖然變而通之夫豈無術一曰定剡薦之數二曰嚴保任之法昔皇祐初詔舉縣令而張易侂

續文獻通考

卷之五十一

三

四

薦一十六人上謂輔臣曰所舉猥多豈無干請可令裁定此定剡薦之數者也馮拯請諸司四品以上具表舉人若効績著明當特酬賞不如所舉依法加罪此嚴保任之法者也數既一定則不容妄舉以徇泛應之私法既加嚴則誰敢失實以干謬舉之罰如此則公論大明群賢並進蓋有不難致者抑又有當察者昔歐陽修有云善惡之人各以類舉廉謹者舉清幹賊汙者舉貪濁徇私者舉請求苟任其責者或非其人亦安能無妄舉哉太宗皇帝親閱班簿常曰不擇舉主何由得人此清源正本之論直萬世龜鑑也惟陛下與大臣亟圖之江東轉運副使直德秀薦知信州丁黼等五人其狀畧曰臣竊見朝奉郎知信州軍州事丁黼性本誠實學有師傳修身立朝物論素所推許今爲郡守曾未數月循良豈弟之政已流聞于四方朝散郎通判建康府事會耆年天資耿介履行端莊出自名家老於州縣精明峻潔意氣不衰承議郎提領建康府戶部贍軍酒庫所主管文字李宋性行粹溫規模模祥慎早親師友多所見聞澹然自持不爲苟進奉議郎分差建康府諸軍糧料院楊若行方識遠論正氣平靜重自持耻爲表暴從政郎建康府學教授楊邁篤於問學副以詞華心術端良守無玷此數人者雖其職守不同然質諸衆論皆所謂君子之材非區區擅一長辦一職者之比用敢仰體清

朝之意各以實聞伏望聖慈特賜甄擢儼一詞謬矣臣  
其伏罔上之誅 直德秀又薦洪彥華趙彥覃二人其  
狀畧曰竊見承議郎江南東路轉運司主管文字洪彥  
華天資樸茂學問淹該居常務自韜晦不以已長示人  
而徐考其所爲則言行相副表裏如一量宰衡之茶陵  
適值儉歲究心拊字民無流亡至於應辦和糴招募効  
用皆不擾而集諸司嘗以政最剋聞于朝甫及期年以  
內艱去邦人父老懷其遺愛久而不忘繼宰信之上饒  
以惠利爲政如在茶陵時然其恬退自持安於平進故  
知之者少臣謂如彥華者若加進用俾究所蘊必有可  
觀從仕郎前江南東路轉運司主管帳司趙彥覃賦性  
敏明持身潔白爲鄂州錄參日其年尚少已爲吳獵  
詹體仁所知目以佳士其在漕幕宣力最多賑荒以米  
朝夕講究如已休戚臣以廣德兩縣舊傷尤甚九月間  
即令彥覃前往與本部守貳圖所以拯救之方而能悉  
心盡瘁不憚勞苦凡所區畫多適事宜給散有方人被  
實惠臣比循行至郡士民稱之如出一口聞其滿替皆  
願借留臣聞如彥覃者若寘之煩劇俾効所長亦必有  
以自見臣於二人者察之既熟又皆當代去儼不亟加  
論薦是謂蔽賢庸敢冒聞以備采擇伏望聖慈將彥華  
彥覃特賜旌權若後不如所舉臣其坐罪 直德秀又  
薦本路知縣政績其狀畧曰竊見江東一道爲國四十

有三而號爲難治者居其大半蓋上供送使爲數寔繁  
月椿版帳率多白撰爲今者朝夕惴恐惟財賦不辦是  
憂至於撫循疾苦伸理寃滯往往視爲弗切上下循習  
謂之當然有能於煎熬之中少施寬裕之政不專以催  
科爲急而以字民爲心其在臣等所當激勸今采諸物  
論得十人焉宣教郎知徽州歙縣馮特卿器資清峻學  
識通明到官以來孜孜所職至誠篤實一意在民催科  
有方不擾而集縣民程暉之子爲盜所殺踪跡曖昧臣  
曾委之迹捕乃能多設方畧日夜究心曾未數月罪人  
斯得姦兇畢伏寃結獲伸考其風績可謂本道之最奉  
議郎知饒州鄱陽縣趙汝俞天族之英篤志爲善清修  
雅澹有儒素之風當官而行不爲阿徇廉靜無擾田里  
安之宣教郎知信州弋陽縣柴景望學校舊人雅有士  
譽強毅自立卓犖不群弋陽舊歲凋敝日甚自其到任  
極意爬梳結立義役以革紛爭賣美之弊優卹戶長以  
除科較代輸之苦裁決獄訟一出至公人情翕然稱爲  
賢令宣教郎知信州玉山縣程榆天資靖重心術端良  
蒞官之初適郡守趙不撫務爲苛暴官吏重足而立同  
時諸邑鮮不逢迎榆於其間獨能弗改常度慈祥豈弟  
藹然有循吏之風去夏邑境洪水驟至榆方在告力疾  
而出巡行拊勞不俟申請捐公錢以予民賴以全活者  
甚衆宣教郎知池州青陽縣許溪學問淹該材力強濟

池之諸邑景因宜限困於預借溪結至官適逢儉歲朝夕勤瘁如理家然既償舊逋又免新借邑之瘡痍於是  
一洗亦賴以少得蓋有功於此邑者宣教郎知太平州  
當塗縣王治故待講師愈之子天資粹雅操行潔修其  
爲邑也心平愛人用刑督賦常有不得已之意士民稱  
誦翕然一辭承事郎知寧國府宣城縣尤煥名家之子  
生長見聞宣城夙號煩劇煥材力精敏治辦有方務以  
恩信及民不爲苛猛歲適旱饑推行荒政曲盡其至殄  
除蝗孽宣力尤多臣等每因百姓至庭試加訪問皆稱  
其賢已決之訟番訴絕少承議郎知建康府溧水縣俞  
遷老成詳練通知物情其治邑以省事不擾爲本人甚

續文獻通考

卷之五十一

六

四百五十五

安之奉議郎知池州貴池縣蔡汝揆廉謹自將精勤不  
懈奉行荒政能盡其心奉議郎知池州銅陵縣魏執中  
持身恪謹爲政寬和始終如一有可稱者右臣等所部  
縣令之可稱者雖非止此十人而得諸見聞間有未審  
者不敢遽加論薦自特卿而下人品高下亦各不同大  
槩主於字民則均在可取之域故臣等輒効舉爾所知  
之誼伏望朝廷特賜甄錄若後不如所舉臣等甘坐謬  
舉之罪

衛涇奏舉王觀之等十二人其狀畧曰臣承乏江西閩  
寄首尾已是三年今蒙恩易鎮行且去此一時官吏之  
政績敢以爲簡切見承議郎江南西路轉運司主簿

宜文字王觀之家學淵深天資夷粹往年編入宣幕守  
荆諭蜀者率賴其助試邑江之德化善政尤多今爲江  
西運管處事極有條理然未嘗矜能以求名持論主於  
正大而尤知潔已以律下議者皆以爲遠器朝請郎撫  
州通判趙時通公族之英自致名第敷歷州縣俱以才  
稱貳政天府遇事不苟垂清而罷或者惜之通守撫州  
就攝郡事邦人既服其明允又稱其廉平驗之行事允  
有實政承議郎江南西路安撫司主管機宜文字洪侯  
風度端凝吏能整密生於相閥克守儒風自爲漢陽簽  
幕諸司已交薦其材及至試邑黃陂治辦之外又有學  
道愛人之政今爲本司機幕每事明審無不合宜雍容

續文獻通考

卷之五十一

七

四百五十六

撥煩廉介可敬陸沉幕屬未盡其長朝奉郎筠州通判  
孫格七閩之秀早拾儒科明習條章老成端介昨來宰  
泉之同安殊有能聲今茲通判筠陽凡所開決未始留  
滯宣教郎知建章軍新城縣何遲策名太學擢第乙科  
初爲隆興節推當路交薦其才且繼任成都撫幹諸司  
亦表其廉能試邑新城盡起宿弊催科不勞而辦田里  
無不安之通直郎知撫州崇仁縣彭耕名父之子克世  
其美其才足以強濟其心主於寬平崇仁當累政玩弛  
之餘耕到官數月治聲藹然獄訟既清財賦亦裕推其  
餘力猶能廣學校築堤岸以惠邑人通直郎知臨江軍  
新淦縣趙公括學古入官修飭廉謹早年甘守遠次



師先達以爲文及壯試吏所至去思新淦縣邑素多蒙  
猾公括廉介守法不畏強禦苗裔而髮櫛之吏不能欺  
邑以大治奉議郎知隆興府新建縣桂如篋儒行吏能  
俱有足取安於平進庶不近名服勤邑事行且受代臣  
察其聽斷之間並無過舉通直郎知筠州高安縣潘熏  
生長名家習熟文獻持心近厚律已以廉其在高安安  
靜不擾而邑事整整有理閭里安之文林郎贛州瑞金  
縣丞陳景仁奮身上庠遂策名第再轉而爲丞劇邑每  
事健決不避權豪海樞邑寄無不辦治州郡才之從政  
即隆興府武寧縣丞連元操守端溫學術該洽黃毗邑  
政潔已奉公靖共自將不事奔競迪功郎臨江軍軍學  
續文獻通考卷之五十一

人

沈祥

江西西路轉運司幹辦公事趙師秀操尚清修詞章典  
麗一第二十七年未脫選曹師秀怡然不以介意自參  
漕幕處事正平持身潔廉贊畫平允承議郎知隆興府  
奉新縣潘景伯器度高雅政術疏通三仕於隆興邦人  
稱之無間言試邑奉新留心撫字剖決滯訟平易近民  
奉新之人無不賢之宣敷郎知隆興府武寧縣趙善泰  
資性宏達才諳端良既由門蔭以登甲第又中法科以  
試廷評出宰武寧曾未數月催科不擾而辦獄訟不察  
而明武寧之人無不德之迪功郎贛州州學教授蔣昌  
宣稟資重厚行已端良自收科名益進學問分教章貢  
士譽日隆其誨人以行義爲先不專以文學爲上迪功  
郎建昌軍軍學教授黃宜履行粹夷文學醇茂奮從合  
選復取甲科初仕盱江歲月未久然其教人必以規矩  
刑詳練登名前列自當注撰教授魏挺乃能不卑小官  
屈就尉職出入阡陌戢盜安民廉謹強濟邑人稱之以  
上七人不惟文學之可采亦有政績之足觀科名皆在  
人前職事猶在人後欲望朝廷他時特賜旌擢以爲一  
道官吏之勸 衛涇又奏舉徐範等九人其狀畧曰通  
者從臣奏請欲復所知之舉嚴臧否之法臣伏觀從政  
郎南安軍大庾縣令徐範名臣之子家有史才試邑大  
庾究心撫字居多可紀之績宣敷郎知筠州新昌縣事

續文獻通考卷之五十一

九

李

沈鑑名臣之孫修謹好學海吏民社胥心聽斷殊有廉平之稱修職郎南安軍南安縣令楊洽學問淵深文詞湛瞻為金南安平易近民迪功郎筠州軍事推官俞機生長名家優有才具贊襄鈞陽事不辭難迪功郎筠州司法參軍詹鼎學問醇正父子世科政術通明守以廉介人稱其賢官教郎知撫州樂安縣董仁澤早擢儒科兼通世務樂安最為荒陋仁澤興什植愷民懷其政宣教郎知江州德化縣事林果克守家法極有吏能究心撫摩令修於庭戶之間民皆便之宣教郎知隆興府分寧縣事陳元衡奮身名第有志事功律已奉公撫民戢吏百姓安之迪功郎監江南西路轉運司造船塲溫良

州湖口縣尉陳華夙有師承蚤收科級務為實學不事空言志尚既高識趣亦遠儻及其華而用之必能以事業表見今仕湖口適丁歲饑採芡有術邑人德之已上三人去替各已不遠輿論既無間言諸司亦嘗交薦驗之行事誠可旌擢欲望朝廷特賜甄錄以風勵一道之官吏使居官廉平行已忠實者有所激勸誠非小補衛涇又奏舉章瑒甄世光二人其狀畧曰臣竊惟用人之道猶之用器擇人之術比之擇材器不可不及鋒而用材不阿及時而擇及鋒則多利器及時則多良材臣前後薦士已成屢實今於所部又得二人其材與器皆堪煩使涵養更久必可大觀然知其可使辦事又當及其英銳早加收拾竊見承務郎監潭州廣積倉兼衙倉章瑒材力強濟識度精明博通舊聞練達世務本州倉官前者並緣久例不免侵漁瑒能持身潔廉遂絕此弊即有亡金之獄累月不得主名臣委之考鞠數日卒得其實使之剖析疑滯當無銜難迪功郎潭州醴陵縣尉甄世光奮身儒科曉暢民事出入阡陌未始辭勞而又

續文獻通考

卷之五十一

十二

蜀

以實聞悉蒙朝廷施行不勝遠民之幸至嘉慶二十石  
治行表表衆所共睹者若知刺而不知舉何以勸功切  
見朝請郎權知全州軍州事徐筠學古好修謹身率下  
不事表暴力行撫摩刑役清平田里安帖餘事著書有  
補後學又能崇教化以厚風俗築城壁以固藩籬其他  
善政不一而足朝請大夫權發遣道州軍州事朱著持  
身潔廉蓄學醇正居家孝友賦政中和到郡之期雖未  
爲久而豈弟之實信服於民財賦獄訟色色整辦加之  
志趣端清不爲苟合人品既高政術亦茂朝散大夫權  
發遣邵州軍州事署筠存心簡靖臨事寬明雖出相門  
實通吏道到官以來能於整辦之中不失拊循之實已  
續文獻通考

續文獻通考

卷之五十一

十三

蜀

中不廢撫字之政終日孜孜主於愛人考之行事尤有  
賢業通直郎知潭州湘鄉縣趙伯駿怡靜有守廉介無  
華剖決得宜不事苛察湘鄉邑大事叢伯駿從容視之  
若有餘地參之輿論委有能稱宣教郎知道州營道縣  
蔡師仲性資融明器度開爽達於政術每事練詳而又  
持身廉勤御下有方若試之事任實爲通才從事郎知  
衡州來陽縣趙彥飭奮由屬籍自致儒科達於吏能不  
廢學業往時帥臣朱熹亦嘗舉之今爲來陽居多惠政  
已上六人臣等互加參稽頗爲詳審欲望朝廷特賜旌  
擢以爲作邑者之勸他日設不如所舉則謬罔之罪臣  
等所不敢逃 衛涇又奏舉李鼎等四人其狀曰國家  
分道置帥許以察吏臣子以身報國未若薦賢臣承恩  
守藩罔功閱歲得於考察宜有薦揚切見宣教郎知潭  
州益陽縣李鼎資性和平學業醇茂初任宜春簿領繼  
爲臨賀教官皆以修潔受知當路循次改秩試邑益陽  
適承凋弊之餘力行撫摩之政能修學校以勸士寬期  
會以安民獄訟不察而明催科不擾而辦平易近民於  
鼎幾之從政郎邵州州學教授陳觀賦資靖共持身端  
介平昔安分未始干進舊從朱熹講學尤以名義氣節  
爲重分教邵陽極力作成不專事於文辭能誨人以廉  
耻恬退有守於觀似之從事郎郴州桂東縣令黃龜鼎  
才諾疏通器能肅給三仕於桂陽民實懷其惠今爲桂



東縣令乃昔崑崙之所巢龜鼎雖移懷柔亦不姑息革暴而良漸有端倪還定安集龜鼎大有力焉從政郎道州江華縣令莫价志氣好修文采亦富見於議論每事正平華之在春陵號爲難治价力行撫字之政不忍鄙夷其民學道愛人价有志焉已上四人在臣部內具有實迹可采欲望聖慈特賜褒擢以勵其餘庶見九重不忘遠之意 衛涇又奏舉宋端常五人其狀曰臣蒙恩任使一路雖職不專於刺舉至官吏能否亦嘗考察以備器使今所部守吏有能名者采之公言纔得四五知而不舉是謂蔽賢伏見朝請郎知南劍州宋端常才學俱優儒雅飭吏羣宰長州縣事整辦諸司列薦其能朝

續文獻通考

卷之五十一

十四

廷常加擢用今守延平尤有治效樽節郡用置惠民倉庫糴米儲積以助常平閱習禁軍月有按試等第支賞以厲士卒考其施設實有可觀朝奉郎通判泉州何松性資明達政術亦優一試劇邑以辦治稱兩爲郡丞以循良著溫陵浩壤民夷錯雜屯戍軍兵供億以時彌縫關決賴以協濟承議郎通判邵武軍趙善徐宗室近屬能自奮勵強用敢決所至有聲通守齊安牙稅增羨十餘萬緡盡數起解無所欺隱殆爲諸郡之最今倅邵武合發上供亦不擾而辦宣教郎通判建寧府張國均性質篤誠遇事不苟奉議郎通判汀州樓銳才華茂美所至有聲富沙大府民物繁夥臨汀偏州俗習獷悍皆協

贊其守政化大行此五人者考察已久並著能名委有政績欲望朝廷特加表用以爲官吏之勸 衛涇又奏舉陳嗣宗等十五人其狀曰臣誤蒙聖恩付以一路玩歲愒日無補毫分惟有薦賢是爲報效近則親所目擊遠或採之公言既得其人不敢隱默伏見儒林郎福建路提刑司檢法官陳嗣宗天資靜重學問深醇斷獄議刑持平守正處置明允人無異辭文林郎前汀州州學教授孔夢符文學著稱議論英發曾爲從臣列薦中書籍記選用從事郎西外宗學教授林士遜風猷醞藉經學淵源訓導有方麟趾化洽宜教郎前知福州寧德縣王克恭學問正醇器識宏遠究心樞宇遺愛在民繼之

續文獻通考

卷之五十一

十五

者宜教郎郭伯良器質純厚才識茂明平易近民催科不擾奉議郎前知泉州同安縣章太蒙學術醇正操履端方政尚中和民惜其去久漳州縣未盡其才承務郎知福州長溪縣江潤祖聽訟有方催科不擾濬河以便民耕修學以養士類具有實政非敢溢美承務郎知福州懷安縣趙師玘以宗室子能自飭修撥煩劇劇綽有餘乃宣教郎知建寧府建陽縣黃千里舍選優等擢第乙科文學議論可備館閣承奉郎知建寧府崇安縣趙必愿克紹家學奪取儒科抱負不凡實爲遠器從政郎建寧府左司理參軍吳端忠稟資仁恕遇事詳明盡心平反獄無冤濫承務郎知福州長溪縣承黃以大操尚

剛潔政事通明剖決民訟無不平允修職郎泉州安溪縣主簿王仲龍名臣之後學有本源簿領卑官未究其用迪功郎福州侯官縣主簿黃倫詞學優贍論議有餘迪功郎福州閩縣主簿鄧樞履行端潔通曉事情皆限於特科無以自見此十五人或懷才抱藝或立事建功片善寸長悉有可錄量能授任不厭其多伏乞特加旌擢衛涇又奏舉蔡汝揆等六人其狀曰臣誤蒙聖恩再昇江右閭閻已五閱月日夕搜訪吏之有實政者已得六人焉竊見朝散郎通判筠州軍事蔡汝揆受才膚碩遇事精明昔宰貴池諸司嘗合薦其政今爲高安通守公心開決郡無留事吏民一辭稱之朝奉大夫前通判隆興軍府事史復祖優有吏材動守法律三爲郡佐所至有聲隆興滿歸人惜其去考其行事具有條理宜教郎知隆州府豐城縣事汪綬奮自名門留心官業才雖強毅政甚和平本府日放詞狀豐城邑大而訟獨少田里相安俱無間言承事郎知建昌軍南城縣事黃以大家世良吏復親名儒律已蕭平示民安靜昔丞長溪臣嘗舉其政績今南城邑政殆過長溪遠甚行且音滿民憂其去宣教郎知撫州樂安縣事孫起予儒學吏能皆足稱述一第三十六年人歎其滯樂安獲俗而起予反著學道愛人之美承事郎知袁州宜春縣事黃應酉有文有政精力英發初登名第鄉黨稱之宜春劇邑而

應酉兼有催科撫字之譽是六人者臣不惟觀諸文移之申明而又考諸案牘之剖決不惟采諸士大夫之公論而又訪諸詞訟之細民委得其實故敢冒言欲望朝廷特賜旌擢衛涇又奏舉留丙楊恕等八人其狀曰臣竊見朝請大夫知撫州軍州事留丙稟資重厚賦政和平雖生相門深諳民事丙到官五月不趣迫而事以辦鎮靜不撓田里安之年事以迫若速加擢用猶足以得其數年之力朝散郎權知臨江軍事楊恕器識沉靜學術醇明備更繁難曉暢吏事到郡踰年臨政不事察察力行撫摩崇尚教化財計昔迫而今寬訟牒先煩而後簡軍民相安人稱其賢朝奉郎添銓通判隆興軍府事葉澄文行粹夷資性誠慤不以館閣清流而不屑吏事不以耆儒宿齒而簡畧訟牘每事詳審精力強明有德有才人愛而敬之朝奉郎通判隆興軍府事俞遷充守家學卓有能聲昔宰溧水其政已爲諸邑之最今倅是邦一力裨贊郡事多賴之搜剔蠹弊而吏不敢肆灼知情僞而民不敢欺施於內外繁劇之任必有可紀通判隆興軍府事張清臣生自名門習於吏事敷歷州縣安於平進南安斗壘自巽嶠擾變以來民產失耕冒佃而經總制欠額類多幾於束手清臣於關決平允之餘能調理財賦以無乏供人所甚難者承議郎通判隆興府事許援胃出世家持身清謹存心職業不事表暴

到官方及數月其見於閭閻者已多可觀吏民信之累  
無間言從事即充江南西路安撫司幹辦公事徐清吏  
學素醇茂奮身甲科分教當塗隣境士類從之如歸今  
茲建畫卒皆可行之實守正不阿足爲遠器從事即江  
南西路轉運司幹辦公事方大琮志氣好修文采亦贍  
早爲南宮亞選士論稱之主畫漕幕剖決詳明考其行  
事允有賢業已上八人在本路守貳幹官之內考察頗  
審誠未多得其間率皆監司累次論薦欲望聖慈特賜  
甄擢 衛涇又奏舉范應鈴等八人其狀曰臣邇者不  
揆疎外以一道官吏之政有實績者冒昧敷奏而縣政  
之卓然可稱者猶未殫舉也宣教郎知撫州崇仁縣事  
續文獻通考卷之五十一

十八 四十七

范應鈴持身清介遇事精明初任尉於吉之永新屢與  
郡太守爭辦是非而守當屈崇仁當積弊難治之後應  
鈴嚴於吏而寬於民苦節浮泛之費蠲罷亡藝之取私  
謁不行豪猾屏迹不畏強禦實可大用奉議郎知隆興  
府南昌縣事趙師陶稟資粹溫持心平正六年領外休  
譽詔然得邑南昌仍在舊所遊學人情至稔之地師陶  
善待故舊屏絕請托凡民爭訟親自體訪必欲盡得其  
情而獲罪者皆伏而不怨平易近民允有賢業承議郎  
知袁州萍鄉縣事趙彥章文學優長議論公正一第三  
十五年安恬自若前任本路提刑司幹官以所得京削  
遜與別司母老之人今爲萍鄉無非愛人學道之政

神樂道之宣教郎知筠州高安縣事余珪稔度溫雅政  
術詳明生於相家宛若寒素初入浙西倉幕已有令譽  
今於高安凋瘵之邑不事敲朴月解自辦撫摩小民而  
獄訟平息上下皆安之奉議郎知隆興府新建縣事邵  
應祥爲學醇正處事寬明分教于衢于徽皆移士論改  
秩作邑餽以儒雅能於催科之中不廢撫字之政參之  
公議委有能稱宣教郎知撫州臨川縣事趙崇尹賦姿  
開爽遇事直前犯險潢池以脫陷穽臨川頗號煩劇崇  
尹到官未久聲譽甚休能於整辦之中不失和平之政  
考之行事可謂通才承事郎知建昌軍廣昌縣事滕仲  
宦生長名族服習典刑平進宦途多所跋歷廣昌僻在  
續文獻通考卷之五十一

十九 四十七

山谷風俗頑犢仲宦一以無事理之獄訟簡寡政譽翕  
然從事郎知吉州永新縣事潘復擢自儒科精曉吏事  
前者分教蘄春大得士譽今永新鄰接峽嶠加以豪戶  
盤結復調治得宜強者伏而弱者愛之刑役清簡綱紀  
肅然此八人者皆作邑有善狀字民有實政爲一道所  
稱欲望朝廷特賜甄錄 衛涇又奏舉吳軫等九人其  
狀畧曰邇者頒示監司帥臣繼自今凡舉部內人才與  
夫所知臧否科目之薦務在公心採訪取其才行卓絕  
績用彰著者指實聞上臣竊見迪功郎撫州州學教授  
吳軫文學俱優恬退有守始到官舍訪問郡之宿儒率  
學之諸生親登其門請爲學正提點刑獄孫德輿聞之



謂此風不行久矣不待有求即騰升陞之薦考其教育  
動有成法從政即隆興府學教授梁致恭學術醇正質  
直無華奮自膠庠以取科第留意教養每考察士子於  
文詞之外孤寒無媒請臺自舉於其垂浦人惜其去從  
事即筠州軍事推官李伯賢生長名家自有植立持身  
勤恪遇事詳明筠之郡政多其區畫并有條理士論才  
之修職即隆興府武寧縣丞趙公珊奮身屬籍卓有吏  
能律已公平持身寬厚武寧巖邑公珊一以和平佐其  
長財賦辦治人情安之迪功郎江州德安縣主簿周良  
學有源流行無瑕玷德安凋弊不可為邑宰為之引去  
良被檄越丞職以攝邑事整治半年不輟朴而財計蘇

續文獻通考

卷之五十一

二十

四

民稱其賢從事即建昌軍南豐縣主簿趙希楚服習家  
訓通曉吏道臨事不苟諸臺多所委任本司凡有差檄  
究心了辦不表暴而聲譽著人誦其能迪功即隆興府  
奉新縣主簿黃之望才具優長器能肅給養志學有  
聲場屋奮身名第留意職業委以事任皆得其當迪功  
郎建昌軍南城縣尉黃師稷天資端謹才諳通明於職  
事所當為者莫不修舉而檄禪贊其長以分任邑事求  
之下察未易多得修職郎興國軍永興縣尉趙崇畏才  
識優長政事勤恪奮身科第抗志高齋出入阡陌戡盜  
字民境內肅清邑人德之軫等九人實臣所知欲望聖  
慈特賜褒擢 衛涇又奏舉趙汝誠等其狀曰臣近奉

撫州教授吳軫等充所知而一路官吏猶有四人焉與  
其取蔽賢之罪寧受再瀆之譴敢盡為公朝言之臣竊  
見奉議郎通判建昌軍兼管內勸農事趙汝誠器資峻  
拔政術詳明為丞為宰當路交薦今倅江開決平允  
財計辦治人稱其能通直郎知隆興府奉新縣主管勸  
農公事趙希普賦性開爽遇事傳明敷歷寔多政譽具  
蠲催科撫字皆究其心一邑相安人器其業承奉郎知  
隆興府武寧縣主勸農公事兼兵馬監押趙師嚴智不  
執方才無滯用雖生屬籍實事儒素租賦趣辦縣務簡  
寡田里雖然民安其政迪功郎贛州司法參軍鄭斯立  
經學通明操行端潔手不釋卷月評所推自是館閣之

續文獻通考

卷之五十一

二十

四

器淹汨州縣士論惜之以上四人今舉充臣所知後不  
如所言甘坐謬舉之罰 衛涇又應詔舉李燾等三人  
其狀畧曰臣伏見文林郎添差江南西路轉運司幹辦  
公事李燾經術精博越操剛方早從師友多士推服分  
教襄陽為帥臣鄭挺挾私奉効自是杜門刻志學問不  
屑意祿仕堂審掌故列屬寺廷皆辭不就尚淹選調未  
厭師虞宜加崇獎以勵廉退奉議郎前荆湖南路安撫  
司主管機宜文字陳元勲文采高華吏能強濟素安平  
進有志事功方峒冠槍攘宣勞慎府刺裁區置曲盡事  
宜帥臣曹彥約嘗以功狀聞于朝廷今已書滿以其才  
力使任劇煩優有餘裕承直郎奎元江淮荆浙福建廣

南路坑冶鑄錢司幹辦公事鄭準性資邁爽學術淹該策名儒科通練世故陸沉州縣未究所蘊若蒙選擇必有以自見於時臣誤蒙聖恩俾分閭寄自揆疎拙無以補報祗承明詔許之薦舉敢以所知三人者冒昧以聞如燭之學行實堪臺閣之選若元勳若準俱可以備中外之職任將來或不如舉臣甘坐謬舉之罰 衛涇又奉詔舉趙崇度等三人其狀曰臣等伏見宣教郎知桂陽軍趙崇度家法嚴正吏事詳明推其惻怛忠誠之心施於拊摩愛利之政桂陽爲郡地險而僻民徯以歸崇度臨之以至廉行之以不擾人有感服舉無異詞即其操履允自遠器文林郎知郴州宜章縣趙彥北沉湎詩

續文獻通考卷之五十一

二十二

四

書被服儒素其父公說在孝宗朝爲賢監司遺愛去思今滿蜀道彥北克濟前美不墜家聲今宰山邑政有條理申嚴舊制結集土丁邑境有備故峒寇之擾止在旁邑而獨不犯其境百姓以此感之從事郎邵州新化縣令徐簡出自儒家邃於講學文墨議論能世其傳故施於邑政藹有循良豈弟之風險俗頑民安其政教善怙惡懼百里知懷是三人者分處郡邑皆能爲陛下牧養小民培植國本况崇度乃故忠定公汝愚之子陛下念其父之忠勲諸子多蒙錄用豈待臣等以爲軒輊特以職守所在不敢蔽賢如彥北如簡則沉淪無援若不論薦何由自達伏望聖慈特賜擢用則三人必能有所建

立仰益明時後不如所舉甘坐謬舉之罰 衛涇又奏舉黃學行等三人其狀曰臣通班秘殿分闕遐藩圖報國恩所當薦士知賢不舉臣竊耻之臣竊見從事郎前全州州學教授黃學行識度高華學業醇茂蚤優舍選復占儒科分教清湘留意樂育鄰境士類從之如歸餘日著書進而未已守臣曾松徐筠嘗薦其政績文學近者提刑樂章提舉林行知亦薦其文行俱高臣參酌公言允有實績從政郎永州零陵縣令劉用行器資沉靜趨向端方決科効官尤精吏事初任真州揚子縣尉充舉其職備著公勤制帥黃度守臣潘友聞皆露章薦其才美今爲零陵令勞心撫字已著善聲稽之輿論允

續文獻通考卷之五十一

二十三

四

謂通才迪功郎潭州寧鄉縣主簿李劉學問深粹器識醇明更化之初於貢闈對策論事剴切知舉榷鑰等得其文以爲洋洋是重公孫之對可爲清朝得人而從臣曾松何異黃疇若又以其學問淵源文詞秀發可備古作薦之於朝今爲寧鄉部領臣每試之以事見其剖決詳明議論平正表裏無瑕足爲遠器已上三人資歷雖淺文學俱優在臣部內考察頗審况前後各有論薦欲望聖慈特賜甄擢以爲館閣之儲設他日不如所舉臣敢辭謬舉之罰 衛涇又奉詔舉張聲道等三人其狀曰竊見朝請改權發遣永州軍州事張聲道早擢儒科嘗丞冊府文采學問士論所推自去班行游更

摩節今爲永州留心郡政剖決民訟發擿吏姦節浮  
泛之費罷去非義之取如零陵舊有竹稅久已無竹而  
稅額尚存聲道到任採訪即爲蠲放客旅舊苦重征多  
不入城市井蕭條聲道寬其稅額商旅遂通又能損依  
助學勤身率下豈弟之政田里安之識者謂其才堪臺  
閣不當淹抑遠外朝請即通判潭州軍州事張俊信賦  
資清謹臨事強濟昨宰嚴邑已著能聲跡守監司屢嘗  
論薦通判本州過滿三考凡事任責未始辭難起發經  
總制錢數目浩瀚稱提新會協贊爲多其他關決舉無  
淹滯持身廉潔始終如一試以內外劇繁之任必有可  
觀朝奉郎前通判衡州軍州事廖視器質端方克守家  
績又獻通考卷之五十一

卷之五十一

二十四

四

法嘗任理檄以直去官兩爲劇縣治狀稱最衡陽貳郡  
備著賢勞承攝永道二州首尾年餘剔除姦弊愛惜財  
賦一毫不以妄用代者賴之近雖蒙朝廷差知房陵然  
其才術操行宜在激濁揚清之選已上三人在本路守  
貳之內不易多得欲望聖慈特賜甄擢他日必能各以  
所長見於世用 衛涇又應詔舉游九言等三人其狀  
畧曰臣伏覩通直郎主管建昌軍仙都觀游九言資才  
剛實不事意於文藝淳樸聞知靜江府張拭嘗薦薦章  
於孝廟朝稱其臨事有斷竊意軍伍間事今已三十年  
更嘗既多其才益老近任江東撫諭替監師閩區處事  
務軍民至今思之但其人過於自許幾有允許之累如

朝廷棄瑕錄用置之幕府或適鎮任使必能盡瘁報國  
有所植立朝奉郎主管台州崇道觀錢文子器識弘毅  
不以科目自居頃繇模倣改秩宰邑醴陵不卑其官刻  
意民事撫摩良善鋤治姦惡盜賊爲之屏息豪猾畏其  
風采治民馭軍寬猛得宜偶嘗處事少差未免矯枉之  
失如朝廷滿後處以繁劇州郡或經理財賦必能彈壓  
幹旋不至乏事承議郎前通判慶元軍府黃宜世事精  
練吏道敏強嘗爲劇縣財計不擾而辦獄訟咸得其平  
吏畏民愛前後少見其比嘉泰二年有旨令宰執論薦  
過郡守臣謂宜才學優長邑牧有聲足以充選緣其資  
格未及且俾實歷通判得倅四明郡政多所裨補海道

續文獻通考

卷之五十一

二十五

四

利便講之尤熟兼曾在淮郡守官諸悉事體議論可聽  
倘蒙朝廷照已降指揮擢用或別有繁難職任其才蓋  
所優爲臣竊惟朝廷興舉事功方錄才使過之時此三  
人者皆有可用之實不宜真之閒地今或嘗因瘠黜見  
處祠祿或任滿替繼未有差遣是敢冒昧上陳明詔如  
後不如所舉臣甘坐謬舉之罪 衛涇又奏舉蕭運等  
六人其狀曰臣蒙恩分闕自揆固功惟念薦賢可以報  
上今有當官可紀居鄉有譽察識已熟詎敢壅蔽弗以  
名聞臣伏見朝請大夫充荆湖南路安撫司參議官蕭  
遵才識優長政事勤恪克守家學蔚有名聞前宰臣侍  
從皆舉充著述之選嘗以倅得郡而有恬退之心兩爲

湖南師慕深知利便軍民相安人誦其德朝請即通判  
潭州軍州事施獨器度愜閭才識明達愜意官輩備者  
勞能嘗爲淮東倉屬荒政賴其經理爲邵陽倅善拊養  
徑再貳長沙關決平允不事奇擾閩郡稱之朝奉郎通  
判潭州軍州事姜注稟性溫粹持心正平濟美故家餘  
以儒雅其試邑贊幘俱有聲稱當路交章至于再四今  
倅是邦稱提錢會公私流通人蒙其惠承議郎元荆湖  
南路安撫司主管機宜文字謝孫復天資廉謹識見疏  
通出自名門精於吏事昨任建寧庾屬能區畫茶利及  
宰浦城能字民發姦今贊機幘曉暢軍務措置獨賞禪  
助爲多從事郎全州州學教授謝興甫文行華美氣質  
續文獻通考

梗民訟以時剖決曲直各得其當催科先出信由並無  
重疊追擾一邑之政整然可觀從事郎知潭州善化縣  
事趙彥指屬籍老成儒科自奮持心寬厚律已廉平善  
化爲潭州附庸爰自前官縱弛之後繼以貪吏哀歎之  
餘彥指區畫有方鈎索蠹弊不事鞭朴財計自裕一郡  
之人皆以爲能從政郎衡州來陽縣令祝夢良上庠秀  
發才學優長吏事詳明如有素習來陽爲衡外邑自比  
歲盜起鄰境實調發屯駐之衝民不與居正資安集夢  
良到任未久一意拊摩平易近民推爲循吏此三人者  
皆作邑有善狀不負字民之選臣愚欲望聖慈特與甄  
擢就器使以勸循良 衛涇又奏舉宋億其狀曰臣二  
續文獻通考

年分閩初乏寸長僅免曠疎寔賴僚佐臣伏見奉議郎  
前僉書武安軍節度判官廳公事宋億學有師承行無  
玷闕靜重能守廉潔不污奮由甲科雅安平進用舉主  
考第始獲更選以年制所拘遂授僉幘臣在鄉里已知  
其賢及來長沙適同王事朝夕相與識察益熟凡擬斷  
獄訟悉得其平區處職事皆協于理清不矯亢和不詭  
隨一郡賓僚少出其右臣嘗乞以倅貳奏辟後準回降  
以不曾爲縣難於施行臣實愛其人不吝但已乞令再  
任仰荷俞允首尾四載操守如一臣之拙政蒙助甚多  
近日滿皆感惜其去而臣又誤叨改畀之命若不再以  
億之人才政績僭竊天聽則實有蔽賢之罪其何以勸



來者欲望聖慈察臣所舉出於公論特降旨試以內  
外升擢之職俾盡所長庶幾明時無失士之望在下免  
陸沉之嘆扶持世道豈曰小補

淮東制置使李曾伯特薦陳通判等其狀曰臣恭貳淮  
邊涓埃無補見具奉祠歸里之請未忘薦賢報國之忠  
即其周旋事任之間得於嘗試嚮吸之熱其有已為公  
朝之所識別本司之所薦辟不改復贅乃若懷珪璋而  
滯邊瑣抱把梓而困泥塗者得二十人焉竊見宣教郎  
通判泰州軍事陳力修以經術飭吏以直道事人議論  
不凡器識宏遠從事郎充淮西江東總領軍馬錢糧所  
幹辦公事陳應先學造前修而益力文為後進之所宗  
續文獻通考卷之五十一

二十八

一

退然一儒不競於物是二人者望寔素乎宜備館學之  
選通直郎通判淮安州軍事李仲賢軍旅之事生長見  
聞通敏之才閱歷詳熟文林郎充浙西兩淮發運使司  
幹辦公事鎮江府分司陳夢炎閩士之萍實見諸飛輓  
有治劇才文林郎差充淮西轉運司提轄催促綱運物  
料官孫具會淮士之翹英采諸條陳有事功志是三人  
者佐藩條辦漕運幹畧俱優足任邊方繁重之寄迪功  
郎淮東提舉司幹辦公事林月卿贊畫臺懷以肅給聞  
從事郎俞書招信軍判官廳公沈遜膚佐理邊城以  
公勤著迪功郎廬州舒城縣主簿章公權議論豪偉時  
賢多以大魁期之今讀其文而信譽樓枳棘人所共歎

迪功郎濠州州學教授鄧益恒福無華辭藻純麗從事  
郎滁州州學教授孫子秀刻意問學操履端方迪功郎  
泰州州學教授林遷經明行修甚宜厥官從事郎通州  
州學教授費弁夬科稽古克世其家若乃氣節之克自  
植立言論之不為詭隨俱能風猷之相尚則迪功郎高  
郵軍高郵縣主簿余鰲文才俱懿學政兼優明清謹於  
三尺惠愛洽於一方則迪功郎高郵軍司法參軍周福  
孫從事郎直州楊子縣令茅弁其人也律已以嚴蒞事  
以敏讞獄以恕則從事郎林子顯從事郎泰州司理參  
軍李貴從政郎高郵軍錄事參軍趙希炤其人也此數  
人者雖才行各有不同而器能皆適於用夫廣度集衆  
續文獻通考卷之五十一

二十九

四

材而成菁莪自微草而育如蒙唐慈悉賜甄錄隨才器  
使必有可觀

理宗寶慶元年詔今後見供職及在外帶職從官依元祐  
十科舊制歲舉三人從右正言虞泗請也三年知江  
寧縣劉屋為政愷悌慈祥不擾而事辦制閭以賢能薦  
于朝俾垂幃府紹定元年梁成大奏乞申嚴薦舉法  
除陞陟所知政績姑從舊法改官庶吏犯入已贓者許  
舉主悔舉從之又奏選人改官舉主五員內用職司  
一員始為及格近奔競巧取者或用職司三四員甚至  
五員而寒畯終身不得職司乞下吏部止用一員過數  
毋令收使從之成大又奏銓法官吏交承必避親嫌

宗室贊頭无所不許庶革前後積弊乞下吏部遵守舊法從之 留之英奏乞下吏部應銓量官令長貳從容延接訪問民事其疾病癯老者請指揮施行如不堪任職貪酷累被按劾者與別注降等差遣稱量能授官之音從之 二年詔廣西州縣應闕官毋得以白身借補人充攝 三年臣寮言乞下吏部今後縣獄官須曾歷三考有縣令主三員無過犯人許注毋得作破格輕授或監司帥守辟置亦令吏部審實合格方許放行從之 五年詔吏部太常寺行下太學武學曹監自今後補試文臣外任帶朝職與放牒試武臣外任帶閣職與在外貼職同不許放行 瑞平二年臣寮奏列郡縣兼攝官之弊乞勅吏部自今內地官吏注闕不必限以年齒兩淮荆襄枋任及再任不許注六十五以上人詔吏部檢坐累降禁約指揮遍下諸路監司州郡各令遵守見入幙人並還本任 嘉熙三年詔四川連年擾攘州縣闕官其赴銓人年二十已上者免試發還曹司庶引放行注授一次 淳祐元年詔舊制兩任通判人與內郡一任注廣郡改官年及免作縣人得入倅闕並宣禁制其令吏部及制置監司常切遵守仍關詳差案 是年詔求人才令內而侍從兩省卿監郎官外而宰執侍從帥臣監司各舉二三人悉疏其才能委堪用指實來上以備器使 四年詔臺諫耳目之寄若稽舊章悉由親

擢自今不許大臣薦進 七年臣寮言格法日壞天下視聽益不美因條陳添差攝局須入奏辟改任薦舉借補職職匿過等十弊乞風示中外從之 八年二月監察御史陳垓奏乞宣諭輔臣申飭吏部未歷郡者不許為郎已為郎者更送補外未歷縣者必令須入已作縣者須及任滿闕次必依先後毋或改差庶幾抑僥倖以重名器從之 十年右司諫陳垓言改官班引之人先令赴都堂或御史臺各試書判合理法者許集注如不通且令為丞再試中方與入從之 是年又詔兩淮極邊作邑人照川廣例令監司引試書判實祐三年詔令宗正少卿歲舉宗學官選人一員 開慶元年詔四川續求獻通考卷之五十一 三十一 選入應關陞磨勘改官銓審守臣申辟倅令可從舊錄宣司審量 丁大全奏士大夫于請州郡者甚衆上曰遴選賢才宰相責也千里之寄不容輕畀宜審處之 景定元年詔今之天下靡弊極矣所以轉移變化者獨有用人一說耳舊來當國者多徇私意貽害不小今丞相虛心無我詞之同列以用人此轉亂為治轉危為安一大機括機括若差利管匪輕今當立一準的之說須專求實用勿泛取虛名外之為監司郡守者當用廉潔凡稍涉貪污而謀利者汰之內之為朝士者當忠謹朴實凡稍涉諱競而沽名者汰之若用舍之意向明白貪污者可化為廉潔諱競者可化為忠朴夫苟用人一

差待其貽毒于民貽害于國而後去之亦已晚矣賈似  
道奏乞宣付史館 二年都省言知縣於民最親必五  
得改官親民舉狀始以命之重其選也勢利之習燎原  
薦舉之意浸失挾貴用賄如取諸寄舍庸得志民不堪  
命欲窒其源惟有嚴繆舉之罰是遵祖宗舊制其禁職  
薦舉尤當加嚴令吏部目下遍牒遵守施行仍令御史  
臺常切覺察 四年詔令侍從臺諫給舍卿監郎官以  
上及制總監司各舉所知不拘員限以待量才擢用後  
不如所舉則連坐之制宜在必行 五年詔沿江兩淮  
制帥監司不許差軍功借補挾術游謁等人權攝害民  
如州郡闕員則差曹職官屬縣闕員則差丞簿尉暫時

續文獻通考卷之五十一

三十二

四十五

兼權候正官之任或有違戾令臺臣覺察以聞 又詔  
令侍從兩省于內外官舉堪充監司郡守者疏其實以  
聞令中書籍記遇有關官精加審察取旨擢用如犯贓  
私當正謬舉之罰

度宗咸淳元年詔朕初踐祚即以人才為先其令侍從給  
舍臺諫卿監郎官各舉所知二人按實狀限三日以聞  
勿事溢美之辭而孤責實之意 二年詔侍從給舍臺  
諫卿監郎官各舉所知二人 五年詔舉人才 六年  
左史陳懋欽薦人才高真監王積翁二十員

續文獻通考卷之五十一終

續文獻通考卷之五十二

皇明進士雲間王圻纂輯

選舉考 舉官下

遼

聖宗統和中邢抱朴為參知政事樞密使韓德謀薦按察  
諸道守令能否而黜陟之大協人望 十一月詔諸部  
所俘宋人有官吏抱器能者具以名聞遂官衛德升等  
六人 聖宗獵雲中故事車駕經行長吏必有所獻節  
度使進曰臣境無他產惟慕僚張儉一代之寶願以為  
獻先是上夢四人侍側賜食人二口至聞儉名始悟召  
見容止朴野訪及世務占對三十餘事由此寵遇特異  
續文獻通考卷之五十二 乙 三百七十六

金

世宗大定二年詔隨朝六品外路五品以上官各舉廉能  
官一員 三年定制若察得所舉相同者即擬旌除若  
聲跡穢濫所舉官量約降罰 十一月詔求仕官輒入  
權要之門追一官仍降除以請求有所餽獻及受之者  
具狀奏裁 六年十一月上諭宰臣曰朝官必慎選其  
人庶可激勵其餘若不當則啓觀視之心卿等必知人  
才優劣舉實才用之 八年七月諭平章政事完顏思

敬曰朕思得賢才寤寐不忘自今朝官出外即令體訪外任職官廉能者及草萊之士可助治者具名以聞八月諭宰相舉用人才無間親疎令監察御史分路刺舉善惡九年上曰朕思得忠廉之士與之共治故嘗命五品以上各舉所知于今數年矣以天下之大豈無其人由在上者知而不舉也忝知政事魏子平奏曰可今當舉官者每任須舉一人視其當否以為旌賞上曰一任舉一人則人才或難恐涉干濫又少有所犯則罪舉者故人益畏而不敢舉宋國被舉之官有犯罪者所舉官雖宰執亦不免降黜若有能名則被遷賞且人情始慕進故多廉慎既得任用或失所守宰執自掌黜陟

且初除丞簿第五任縣令升正七品兩任正七品升六品三任六品升從五品兩任從五品升正五品正五品三任而後升刺史計四十餘年始得至刺史也其他資格出職者可知矣拘于資格之滯至于如此其令提刑司採訪可用之才臧資考而用之庶使可用者不至衰老省臣擬凡三任升者減為兩任於此資歷內遇各品闕多則于第二任未滿人內選人才若辛可以超用者及北路提刑司所採訪者升擢之其二曰舊格隨朝若辛驗資考升除者任滿回日復降之如正七滿回降除從七品從五品回降為六品之類今若其人果才能可為免降尚書吏部擬今隨朝考滿遷除外路五品職事

并應驗考次職滿有才能者以本官任滿已前十五月上二十月以下察訪保結具省其三曰隨路提刑所訪廉能之官就令定其堪任職事隨宜遷注其四曰從來宰相不得與求仕官相見如此何由知天下人才優劣其許相見以訪才能尚書刑部謂在制求仕官不得于私第謁見達官違者追一官降等奏除若有求請謁遺則以奏聞仍委御史糾察上遂命削此制其五曰舊時臣下雖知親友有可用者皆遠嫌不引薦古者舉賢不避親仇如祁奚舉仇仁傑舉子崔佑甫除吏八百皆親故也其令五品以上官各舉所知幾人違者加以蔽賢之罪吏部議內外五品以上職事官每歲保

廉能官一人外路五品隨朝六品願舉者聽若不如所舉者各約量降罰今擬賢而不舉者亦當約量降罰其六曰前代官到任之後即舉可自代者其令自今五品以上官舉自代以備交承吏部按唐會要建中元年勅文文武常參官外節度觀察防禦軍使刺史縣令畿令并七品以上清官大理司直評事受命之三日于四方館上表讓一人以自代外官則馳驛奏聞表付中書門下每官闕即以所舉多者量授今擬內外官五品以上到任須舉所知才行官一員以自代太傅丞相平章謂自古人才難得若令舉以自代恐濫而不得實才參政謂自代非謂即令代其人也止類姓名取所舉多者

遘刺史同知縣令吏部擬若依本格資歷恐妨才能若舉察得實者依本格減一資歷擬注尚書擬依青升品擬注其十曰內外官所薦人才即依所舉試之委提刑司採訪虛實若果能稱職更加遷擢如或碌碌即隨常調古者進賢受上賞不肖有罰其立之賞罰條格庶使人不敢徇私也省臣議隨款各欲舉人則一人內所舉不下五七人自古知人為難人才亦自難得防數多則猥避賞罰務苟簡不副聖主求賢之意擬以前項各款隨色能舉一人即充歲舉之數如此則不濫而人才得矣每歲貢人數尚書省覆察相同則置簿籍之如有關則當隨才奏擬

章宗明昌元年八月選才幹之官為諸州刺史皆召見戒諭之三年八月諭宰臣任官令久于事十月勅應保舉官及應中書制者委官覆察言行相符者量與陞除隨朝及六品以上各隨所長用之六年八月勅官中承應人出職役三年內犯賊罪者元舉官連坐不在去官之限著為令承安三年二月諭宰臣任才能雖資品未及亦具以聞毋避親故泰和二年十二月勅命監察御史非特旨不許舉官七年正月勅宰臣舉才幹官同議南征事六月詔朝官六品外官五品以上及親王舉通錢穀一人不舉者罪舉不當者論如律宣宗貞祐三年三月詔沿河州縣官罷軟不勝任者汰去

令五品以上舉仍許今季到部人內先擇能者量缺急用之 興定元年令隨朝七品外路六品以上職事官舉正七品以下職事官年未六十不犯賊堪任使者一人 三年十月定保舉縣令能否黜陟舉主格 十一月詔朝官七品外路六品以上官歲舉縣令一人先是監察御史完顏素蘭上言曰臣近被命體問外路官庶幹者擬以差遺若懦弱不公者罷之具申朝廷別議擬注臣伏念彼懦弱不公之人雖令罷去不過止以待闕者代之其能否又未可知或反不及前官蓋徒有選人之虛名而無得人之實跡古語曰縣令非其人百姓受其殃今若後官更劣則為患滋甚豈朝廷恤民之意

續文獻通考

卷之五十二

六

四百三十四

元

世祖至元八年詔舉守令以戶口增田野闢詞訟簡盜賊息賦役均五事備者為上選陞一等四事備者添一資三事有成者為中選依常例遷轉四事不備者減一資五事俱不舉者黜降一等 十五年詔自今罷免之官

續文獻通考

卷之五十二

七

四百三十五

宰執為官應官應為路官為州官 十六年八月范文虎薦可為守令者三十人詔今後所薦朕自擇之凡有官守不勤于職者勿論漢人回回皆論誅之且沒其家 十九年中丞崔彥言選用臺察若由中書必有偏徇合從不當選擇因敕御史臺得選御史 時監察御史魏初上疏曰舊制常察官諸州刺史上任三日舉一人自代况風紀之職與常員異請自今監察御史按察司官在任一歲各舉一人自代所舉不當有罰不惟砥礪風節亦可為國得人 二十年四月禁近侍為人求官紊亂選法 二十四年敕行省宣慰司勿濫舉官吏 二十八年詔路府州縣除達魯花赤外長官並相應者佐貳官遴選色目漢人參用庶期于政平訟理民安盜息

趙天麟策畧曰選用之法莫貴於德莫急於才才德兼全者大丈夫也德勝才者君子也才勝德者豪英也有德無才者淳士也有才無德者小人也才德兼無者愚人也淳士以上四德皆所當用也小人愚人皆所當棄也於是辯三德分而為九科簡八才分而為二十六等所謂三德九科者一曰正直之三科直而溫也直而敬也擾而又也二曰剛德之三科剛而塞也強而毅也簡而廉也三曰柔德之三科柔而立也愿而恭也寬而栗



也翁受敷施九德咸事皋陶告舜詳且虞書所謂八才  
二十六等者一曰贊化之才三等文史也禮官也樂官  
也二曰銓選之才三等知人也敬賢也考校也三曰風  
憲之才二等糾察也廉訪也四曰戎事之才六等宿衛  
也籌計也督領也鎮防也五曰田也芻養也六曰政事之  
才四等使臣也決斷也農桑也董役也六曰監守之才  
二等關津也營造也七曰錢穀之才二等明利也算數  
也八曰方術之才四等僧官也道官也醫官也陰陽也  
八等之才以德爲基方今俳優之戲具見喜之庸人間  
有懸金印衣紫服者竊恐臣下或有勤勞將士或有當  
賞而後益難照者聞斯事則不能不起悵悵之心而解  
續文獻通考

其體焉此馬周所以駟駟堅倡子鳴王曳屣同立於朝  
而上疏以諫文王也伏望陛下以三德九科八才二十  
六等之說明諭選曹使之從事於斯凡未嘗進而初進  
者據此法而置之於所宜之方凡已進而考當流轉者  
據此法而就改於當然之地更望陛下惜名器之重勿  
以假于人如是而行之何患弊之不革乎何患官之不  
稱乎官稱而政成政成而民安民安而國慶也  
陶安氏曰銓選重內輕外自古爲然今官京師者稱美  
任官中原者次之江南又次之接境又次之邊遠又次  
之故仕由江南者不得歷中原自中原出邊遠必先進  
資格用是莫不重京師中原而樂趨於江南接境邊遠

樂視以爲輕惟風憲則不然天下分道二十有二其勢  
均一在內者固重而在外者亦不輕

成宗元貞元年命廉訪司及省臺選官覈實定其殿最以  
明黜陟以中書省臣奏近者阿合馬桑哥怙勢賣官不  
辨能否止憑解由選調由是選法大壞故有是命是  
年中書省臣言樞密院御史臺例應奏舉官屬其餘諸  
司不宜奏請今皆請之非便詔自今以後專令中書奏  
擬大德元年四月省臺議上風憲事宜乞依舊不立  
臺選惟御史及本臺首領官許自舉用廉訪司必擇蒙  
古人爲使或闕則以色目世臣子孫爲之其次參用色  
目漢人各省文案聽行臺委官檢覆有宿衛近侍奉特  
旨令臺憲擢用者必須明奏然後任之行臺御史秩滿  
而有効績者或遷內臺或呈都省選調廉訪司亦如之  
不稱職者省臺擇人代回未歷有司者授任牧民經省  
臺同選者聽臺自調中書或用臺察之人亦宜臺臣同  
議各官府風憲官毋得輒入體察制曰可三年立遷  
官之法從七以下屬吏部正七品以上屬中書三品以  
上非有司所干奪由中書取進止自六品至九品爲敕  
授則中書牒署之自一品至五品爲宣授則以制命之  
三品以下用金寶二品以上用玉寶有特旨者則有詔  
詞其理算論月日遷轉憑散官內任以三十月爲滿錢  
穀典守以二歲爲滿而理考通以三十月爲則內任官

續文獻通考

卷之五十一

十

十一

率一考陞一等十五月進一階京官率一考視外任減一資外任官或一考進一階或兩考陞一等或三考陞二等四品則內外考通理此秋毫不可越然前任少則後任足之或前任多則後任累之一考者及二十七月兩考者及五十七月三考者及八十一月以上遇陞則借陞而補以後任此又其權衡也 七年議文翰師儒難同常調翰林院宜選通經史能文辭者國子學宜選年高德邵能文辭者須求資格相應之人不得預保布衣之士若果才德素著必合不次超擢者別行具聞 八年詔父子兄弟有才者許並居風憲 又詔樞密院宗正府等選調官員雖經特旨用之而于例未允者亦聽其奏 九年令御史臺集賢翰林院六部于五品以上各舉廉能識治道者三人行省臺宣慰廉訪司各舉五人 十一年武宗未中書省臣言內降旨與官者八百八十餘人已除三百未議者猶五百餘人請自今越奏者勿與帝曰卿等言是自今不由中書奏者不與官是年御史大夫言舊例中書省樞密院御史臺宣政司得自選其人他司悉從中書銓擇近臣不得輒奏如此則紀綱不紊帝嘉納之 是年中書省臣言內外選法向者有旨一遵世祖成制兩宮近侍遷叙惟上所命比有應入常調者貪緣驟遷其已仕廢黜及未嘗入仕者亦復請自內降旨臣等奏請禁止蒙賜允從自後所

續文獻通考

卷之五十二

十一

四百一

降內旨復有百餘臣等已嘗銓擇奏行第中書政務他人又得輒請實以整飭其效定難自今銓選請如前制非由中書議者毋得越奏制從之 武宗至大三年敕尚書省事煩重諸司有才識明達者並從尚書省選任樞密院御史臺及諸有司毋輒奏用違者論罪其或私意請託罷之不叙 至大五年仁宗時敕國子監師儒之職有才德者不拘品級雖布衣亦遷用 仁宗皇慶元年謂侍臣曰郡縣官有善有惡其命臺官選正直之人為廉訪司官而體察之果有廉能愛民者不次擢用則小人自知激勵矣 是年敕李孟博選中外才學之士任職翰林 十二月中書省臣言世祖定立選法陞降以示激勵今官未及考或無故更代或躡等進階倍受國公丞相等職諸司已裁而復置者有之今春以內降旨除官千餘人其中欺偽豈能悉知壞亂選法莫此為甚帝曰凡內降旨一切勿行 英宗至治三年春正月敕常調官外不次銓用者但陞以職勿陞其階 泰定帝泰定二年選守令推官舊制臺憲歲舉守令推官二人有罪連坐至是言其不便復命中書於常選擇人用之 文宗至順三年監察御史陳思謙言銓選之弊入仕之門

太多黜陟之門太簡州郡之任太淹朝省之除太速欲設三策以救四弊一曰至元二十年以後增設衙門冗濫不急者從實減并其外有選法者并入中書二曰宜參酌古今設辟舉之科令三品以下各舉所知才則受賞失實則受罰三曰古者刺史入爲三公郎官出宰百里蓋使外職識朝廷治體內官知民間利病今後歷縣尹有能聲善政者受郎官御史歷郡守有奇才異績者任憲使尚書其餘各驗資品通選在內者不得三考連任京官在外者須兩任乃遷內職績非出類守不敗官者則循以年勞處以常調凡朝缺官員須十二月之上方許遷除命中書議行之 天曆元年韓鏞食浙西廉

續文獻通考

卷之五十二

十二

四百四十九

訪司事特舉烏程縣于文傳治行爲諸縣最

寧宗初即位詔監察御史肅政廉訪司官并內外三品以上正官歲舉才堪守令者一人申達省部先行錄用如果稱職舉官優加旌擢一任之內或犯賊私者量其輕重黜罰

順帝元統元年命臺憲部官各舉才堪守令者一人至元元年伯顏請內外官悉循資銓注今後毋得保舉並滯選法從之 至正五年詔定薦舉守令法 七年以連年水旱民多失業選擇臺閣名臣二十六人出爲守令 八年詔京官三品以上歲舉守令一人守令到任二月亦舉一人自代 十二年詔隨朝一品職事及省

臺院部諸正官各舉循良才幹智勇兼全堪充守令者二人知人多者不限員數各巡試用守令並授無管義兵防禦諸軍與勸農事所在上司不許擅差守令既以優陞其佐貳官員比依入廣例量陞二等任滿驗守令全治者與真授不治者全削二等依本等叙半治者減一等叙雜職人員其有智勇之士並依上例凡除常選官於殘破郡縣及迫近賊境之處陞四等補近賊境陞二等 十六年命六部諸監院正官各舉才堪守令者一人

元朝舊制銓曹有行止科吏主之日具內外官十名上中書省中書籍以遷擢其後吏怠不爲意任者淹滯有待續文獻通考

卷之五十二

十三

四百六十六

選十餘年者至正時危素責吏日具五名五日上中書吏樂易習各思奉職而久滯者獲申

皇明

國初令在外官員有政蹟者舊制許巡按等官奏舉其後又有旌異之名今錄事例于後

凡監察御史按察司官巡歷去處但知有司等官守法奉公廉能昭著者隨即舉聞

太祖洪武十五年正月 命天下朝覲官各舉所知一人左春坊正字魏德壽舉文學汪叔瑜等 詔有司各以楮幣聘之 十二月吳沉揭樞薦方孝孺舉行 上召入見喜其舉動端雅曰此壯士當老其才而用之遣還

鄉以仇家得罪詞連孝孺籍其家械送闕下上

識其名特令開釋十七年九月御史秦元之薦金陵

處士陳遇上召語大悅遂日侍帷幄多所獻納車

駕幸其第者再命之官輒辭既而命為翰林學士

者再又固辭尋命為禮部侍郎進禮部尚書皆固辭

遇淨澹恬退始終一致宸翰時加存問眷待之厚隆

於動戚尋卒三十一年閏五月建文帝詔內外

五品以上文官及縣令薦賢才定保舉連坐法

成祖永樂九年閏十二月吏部尚書兼義同六部等官上

言在外布按二司府州縣官職在承流宣化以撫字為

職必須得人得入之道在銓選精嚴薦舉有法宜令在

續文獻通考卷之五十一十四四十八元

內文職七品以上在外五品以上及縣正官各舉所知

賢能廉幹堪任牧民及居風憲者一人吏部考驗如果

賢能量材擢用其所保非才或授職之後闕茸貪污舉

主連坐上是其言命所司速行之

仁宗洪熙元年十月都御史劉觀王彰李素奏舉才能之

士前應天府尹于潛等十餘人上曰卿大夫所舉必

當昔孫抃言吾輔政無功惟薦一二臺臣無愧卿等必

能知此復諭之曰古者除官則署舉主姓名貪穢則

連坐今亦當循此法

宣宗宣德元年十二月楊士奇薦行人王翱為山東道御

史七年八月上御奉天門視朝罷召楊士奇楊榮至

榻前諭曰今春命京官三品以上者舉方面郡守

後又出舊作招隱倚蘭之詩以示意已踰半歲都不舉

一人近因卿二人舉黎恬等朕思今天下之廣豈無人

才但羣臣不以國家生民為心又無以忌嫉注念故往

往視朕言為虛文吏部怠忽至此其降敕責之十

年詔府州縣官廉勤公正能恤民者親臨上司宜以

禮待仍具其政績奏聞以憑旌擢

英宗正統元年正月大學士楊士奇以侍講劉永清才堪

繁劇薦為廣東右布政使二年九月楊士奇等上疏

言宣德七年以前藩臬二司及府州正官惟聽吏部所

舉權衡獨擅聞見不廣未盡得人百姓受害是以宣

續文獻通考卷之五十一十五四百一

宗皇帝勅令大臣保舉自茲得人遂多間有一二非

才蓋緣舉主審察不至亦或徇私不公所致昔唐太宗

命在京三品以上官舉郡守縣令後來致天下斗米三

錢之效近年有等京官無人舉保造為謗語專欲隳壞

先帝良法伏望聖斷仍遵先帝勅旨行但所

舉之人籍記舉主後有犯賊必明正舉主之罪則人知

謹畏不敢徇私官必得人矣詔從其議

景皇帝景泰三年十二月申勅薦舉

憲宗成化四年十二月雲南道御史戴用言六事其一言

公薦舉上曰今後兩京四品以上官吏部具缺朕自

簡除方面官照正統間例保舉餘付所司計議以聞

七年奏准有司官員必待三年六年政績卓異方許薦舉仍令吏部先察舉主舉者廉即用其人不必覆勘舉者非人雖有政績亦必覆勘

孝宗弘治六年奏准各處巡撫巡按并布按二司遇州縣官才行俱優者無分歲貢吏員出身一體保舉五品以上官員果有才德出眾者開報本部奏請定奪九年奏准在外布按二司府州縣等官及教官有政績才行者並許撫按奏舉十八年奏准凡天下諸司官員才行超卓者撫按官各屬官但有誠心愛民者雖離流出身一體從獎

武宗正德十一年令有司歷任二年之上果有政績卓異續文獻通考卷之五十二

方許撫按薦舉職濫連坐

十六

四百三十三

世宗嘉靖九年題准撫按薦舉官員須歷任年深政績卓異方許舉奏若有不公及所舉之人或以貪酷等項問革吏部舉奏連坐十一年題准朝覲年分考察既畢備查被責方面有司官員追究所舉巡按御史四人以上革職閑住二人以上降一級調外任一人罰俸半年十七年詔撫按官有濫舉市恩及賢否倒置舉劾異同者該科不行糾奏一體究治二十一年題准撫按官不許將升遷任淺及去任久者一概薦舉仍通行直隸各府浙江等按察司每年終將撫按及別差御史獎勸過官員批詞造冊送部查所薦劾并開報考語或

一人自相牴牾或彼此薦劾不同考語賢否各異題調勘實罪其誣者四十一年題准如有被劾考察革任致仕聽劾聽調等項撫按不許更行舉劾如違參究仍將奏詞立案四十二年議准養病丁憂升遷去任官員撫按若有舉無劾聽吏部一體查究四十五年議准撫按官在地方未及半年丁憂養病者俱不許一舉舉劾

穆宗隆慶六年題准今後各撫按衙門糾劾廢官擬為民者必述其貪酷之實擬開住者必述其不謹罷軟之實擬致仕者必述其老疾之實擬降調改教者必述其行止未虧不宜煩劇之實應提問者不得止論罷官已經降調者不得再論不及如有仍前議擬失當者聽本部參究

續文獻通考卷之五十二

十七

四百三十八

今上萬曆十年議准撫按官被論不拘罷降勘調聽用及丁憂雖係半年之上不許舉劾若遇考察年近撫按止有一員見在而見在復有丁憂被論者不在此例又議准撫按官舉劾應會同者照例會同如果獨見甚真即從直具奏不必以異同為嫌

凡保留官員巡按仍會上司覆勘即與奏聞以憑旌異陞用若有作弊妄保者罪坐所由

凡在外有司官員果有政績深得民心者任滿去職許令百姓保舉

總督及中差御史舉劾事例

世宗嘉靖十五年題准中差御史舉劾官員內係專屬者量爲查覆其餘仍候撫按奏到之日叅酌相同一併題請 二十六年令總督都御史并中差御史所劾吏部查訪相同即與題覆不必候撫按奏到 三十八年令中差御史止許舉劾本差事內官員如違叅治

兵馬舉劾事例

凡巡視五城御史舉劾嘉靖四十年題准將兵馬等官每歲終會本舉劾 四十二年題准南京五城兵馬照在京事體行

穆宗隆慶四年題准今後兩京五城兵馬司官歲終不必續文獻通考卷之五十二 十八

舉劾只令各城御史差滿備造考語送部院以憑查考今上萬曆五年題准五城兵馬歲終舉劾之外如有貪酷顯著壞法殃民者仍不時叅劾

辟舉

宋

理宗寶慶三年詔銓部今後司法叅軍不許以諸司年勞出官人注授諸道檢法官照條格差注憲司無得妄辟從梁成大之奏也 紹定四年臣寮奏乞戒飭諸道監司除正任屬官外不得別令見任官入幕違者定行奏劾從之 五年詔二廣監司今後武臣非經公朝拔擢不許辟郡特科人不得辟入郡幕如遇關守抵于隣郡

差攝著爲令 淳祐十一年詔諸道制總監司州郡不得緣堂除部注之闕撓越申辟縱元係辟闕若見任有人亦不許預辟下次仰常切遵守如違將來辟人降罷

時中書省言乞辟校勘檢閱等官從之 詔襄蜀兩淮極邊并新復州郡縣及二廣惡弱去處或遇闕官許令斟酌辟上 景定二年詔有連年闕正官處許監司

選辟 三年詔安豐六縣陞爲軍令沿江制司選辟軍使一次以其縣里迢遙邊鄙險要也 四年詔吏部具

諸路見闕知縣不拘常格限十日許人指射限滿無人注者令監司郡守列衙奏辟一次 時衛湮奏辟宋億

文潭州通判其狀曰臣契勘潭州管縣十二獄訟繁多續文獻通考卷之五十二 十九

事緒叢委全藉倅貳相與協力濟辦其有久替書誥備宣賢勞廉潔著聞士論推服就俾開決允爲公舉臣伏見宣教郎武安軍食判宋億資稟粹美學問深醇奮身科目雅安平進三任九考始脫選階今爲食幕已遂過

滿凡擬斷民訟共稱公平臣自到任以來見其處事明審不爲詭隨持身廉勤不自表暴一郡僉屬少出其右臣今照得通判潭州軍州事張履信合在今年十月滿

替已辦取接下政鮑華據張履信繳申鮑華回書稱以地遠艱於涉歷別求便利闕次欲望聖慈就差宋億抵替鮑華見闕已差下馬相改替宋億不特倅貳之得人郡事亦賴以協濟庶使本路官吏知廉平有守如億者



得見知於公朝而寡廉鮮恥之人聞風知慕莫不洗心  
易慮以趨事赴功所謂崇靖退以抑躁競勵廉隅以革  
奸貪激揚勸沮之方莫此爲急 徐鹿卿嘉定間教授  
南安軍辟幹辦福建安撫司公事後直德秀復辟宰南  
安 許炳登嘉定壬戌進士授寧鄉縣尉轉運使李公  
鼎惜其才行辟置運幕 張康湘潭人早孤力學步通  
術數江萬里留夢炎皆推重之辟置幕下 王登少讀  
書喜兵法慷慨有大志舉淳祐四年進士調興山主簿  
後馬光祖辟充參謀官遷京西提點刑獄 賈似道師  
荆辟萬鎮充公安書院山長不赴 魯仕能淳祐甲辰  
進士任監利令應王登辟充沅州錄事兼餉事 李申  
續文獻通考卷之五十二 二十 四百十六

金

宣宗貞祐三年三月詔河北州縣官令文武五品以上辟  
舉不聽以他事差占仍勒終任有勞績者但陞遙領之  
職應降罰者亦止本處居住時河北殘毀吏治多苟且  
故者是令 興定五年制辟舉縣令考平者元舉官不  
得復舉他人舉之者聽後以舉官或私其親或徇于請  
求或謬于鑒裁而妄舉數歲之間以濫去者九十餘人  
乃罷辟舉縣令之制元光元年四月更定辟舉縣令法  
行之

哀宗正大元年立辟舉縣令法命監察御史司農司官先  
訪察隨朝七品外路六品以上官清慎明潔可爲舉主  
者然後移文使舉所知仍以六事課殿最而升黜舉主  
旣爲之盡心而被舉者亦爲之盡力是時雖迫危亡而  
縣令號得人由作法有足取云

元初世祖分藩在秦辟蕭勣楊恭懿韓擇侍秦邸勣以疾  
辭授陝西儒學提舉不起 世祖初凡諸王分地與所  
授湯沐邑得自舉其人以名聞朝廷而後授其職 孟  
祺爲東平嚴實辟掌書記後官嘉興路總管 姚樞辟  
王樸爲詳議官尋擢監察御史 姚天福以才辟懷仁  
丞至元五年拜監察御史累官叅知政事兼大興府尹  
續文獻通考卷之五十二 二十一 四百十五

商挺爲嚴忠濟辟任經歷挺累官樞密副使

陶安曰銓衡重守令之選而經歷次之蓋不輕以授人  
也自幕僚不辟於長官而命于朝得以均禮抗論彼可  
于上此否于下彼非于前此是于後準律而裁之當也  
據理而行之決也其責任豈易乎哉

張孔孫以文學名辟萬戶議事官累官提刑按察副使  
陶安曰朝廷立制使士出而致用其目有三曰進士也  
曰學官也曰儒吏也州郡吏曹士或不屈從而進士拔  
一于千百未易猝與寧受辟爲學官耳

至元十九年詔兩廣福建五品以下官從行省就便銓  
注 二十六年詔以雲南行省地遠州縣官多闕六品

以下許本省選辟以聞 元明善爲董士選辟署省掾  
累官翰林學士

皇明

吏部職掌凡內外大小官員悉聽本部銓除轉擢並無辟  
舉之例間有撫按官以地方多事奏請改調陞職者亦  
必下吏部覆議再奏然後允行

穆宗隆慶元年十二月吏部請令兩京九卿三品以上堂

上官併各科道等官博訪才畧過人忠誠任事可任諸  
邊督撫兵備有司及熟知屯鹽利弊堪清理塩屯之選  
者各舉所知上請簡用異時功罪併及舉主 上從之

四年三月吏部言各處撫按叅劾故事止施于州縣

續文獻通考

卷之五十二

二十二

四十五

正官而不及佐貳教官中間雖有不肖彰聞者遠則必  
待三年黜落近則改陞正官俱屬寬縱不足以懲請  
下都察院行各撫按所屬佐貳以下罪過顯著者遵  
旨逮問差薄者革任閒住每季具題以備覆奏報可

五月調南京操江右僉都御史吳時來於外任初時來  
疏薦所部有司至五十九人吏科光懋等論時來濫舉  
市恩請調外任吏部覆可且禁自今陞遷行取及任淺  
者毋繫列名薦中 七月奉總督宣大山西撫臣陳其  
學陝西巡按潘民模俸一月坐提薦有司失格也時高  
拱議定薦舉格凡陞任行取及俸淺等項不許繫列疏  
中而其學等首犯禁于是拱復奏請申明前格今後據

按官止稱其差已滿例當舉劾訪得某某賢能有何政

績所宜薦揚某某不職有何證據狀所宜糾劾此外雖當

久任者亦不得與列 上是之仍令宣示各省一體遵

行違者聽該部叅治 五年十一月直隸崇明縣縣丞

孫世良已陞吉府奉祀正詐爲縣人黃善述等上疏乞

留吏部庶得其狀請下世良于大理且言近來狡黠成

風凡有司不得志去任徃徃邀求無賴詣 關奏保爲

吏者既啖以目前之利而又許爲他日之通主爲民者

既餌其目前之賄而又冀爲他日之憑藉彼此煽惑以

售奸欺不一重處恐將來效尤無所抵極乞行通政司

以後值奏保官者先送兵馬司禁錮候本部研鞫如有

續文獻通考

卷之五十二

二十三

四十六

前弊必以法痛繩之報可 六年二月吏部言邇來薦

舉明例限制甚嚴但臣前以廣東多事拊循在良有司

總校其正官以進士居三之一舉人居三之二皆擇年

力富強才識通敏者以充而監生以下不與焉若使撫

按保薦亦拘近例則科目多而與薦少非所以示風勸

也今宜于廣東舉劾另立科條如有彈盜安民循良著

績者毋拘多寡盡登薦剡本部更加諮訪亦盡數行取

超擢他省不得援以爲例 從之

今上萬曆九年正月初十日 上勅都察院曰近來薦舉

汎濫屢有 明旨禁諭通不遵守今後撫按官薦舉查

照本年以前額數不許聽囑徇私偏濫都察院嚴加考

續文獻通考卷之五十二  
嚴奏請 十九年三月兵科給事中葉初春奏議

曰夫官紳才品有賢有不肖黜一不肖所以爲用一賢者地也但世所稱不職雖出郡佐邑長而監司以上鮮可尋刺惟在攬轡之臣加之意而已邇來按差復命指摘過嚴于卑秩低昂脫畧于大僚即有論列多取離任而見在鮮及即論列見任多擬降調而重處罕聞矣以故彰瘡風微去留途塞甚至衰朽不堪士論共鄙者尚不甘心安分反噬嗟嗟 國家綱紀所存幾何臣謂御史爲 朝廷持三尺按一方正當以舉刺爲風裁不當以崇卑爲軒輊且存恕美名也非所加于衰庸方今大計伊邇品階方殷撫按行有舉劾用備考察在此黜陟大典關係匪輕臣願 陛下特 勅該部嚴行撫按諸臣綜核惟公糾彈罔避固不可偏托耳目誤用聰明亦不可優假尊崇苛求卑小除官箴大壞者毋一日苟容即才守未至多疵而年力已無可望正須直陳衰狀擬以退休况 朝廷原有致仕一例以示優也非示辱也按臣何不明白援引而務輕處示長厚爲哉若憲臣疏或有遺而輿論更有難掩聽該部從公徑處用勵將來庶仕路清人心警亦除秀扶苗之意乎 上下其章于吏部

續文獻通考卷之五十二終

續文獻通考卷之五十三

皇明進士雲間王圻纂輯

選舉考 考課上

宋

寧宗嘉定九年詔邊縣擇才不拘常制其餘並遵三年之制

十年嚴試法官七等之制

理宗紹定六年右正言何琮乞倣紹興成憲內委省部外

責監司嚴糾州縣凡赦令德音寬恤事件恪意奉行仍

委監司取見行事實類申朝廷攷其違戾重寘于罰從

之是年何琮又奏乞申飭監司賑濟結局將所部州縣

奉行臧否從公比較第列來上仍命大臣合監司救荒

續文獻通考卷之五十三

乙

三

績效總課殿最以示賞罰從之 淳祐二年考功郎官

劉漢弼言吏部考功條法十六事上曰當付外施行

度宗咸淳三年危察奏課吏當嚴考覈之法從之

遼

太宗會同二年閏七月以南王府二刺史貪蠹各杖一百

仍繫虞候帳備鬼箭選郡臣爲民所愛者代之 三年

六月東京宰相耶律羽之言渤海大素賢不法詔係佐

部民舉有才德者代之

聖宗統和九年七月詔諸道舉行能察貪酷 十二年六

月詔州縣長吏有才能無過者減一資考任之 開泰

三年十二月劉晨言殿中高可垣中京留守李可舉決

獄明允詔超遷之 太平六年十二月詔南北諸部廉察州縣及石烈彌里之官不治者罷之詔大小職官有貪殘虐民者立罷之終身不錄其不廉直雖處重任即代之能清勤自勵者在卑位亦當薦拔其內族受賂事發與常人所犯同科

興宗重熙十一年七月詔外路官勤瘁正直者考滿代不治事者即易

道宗太康元年六月知三司事韓操以錢穀增羨授三司使

金

金考課法凡內外官之政績所歷之資考更代之期去就續文獻通考卷之五十三

之故秩滿皆備陳于解由吏部據以定能否又撮解由之要于銓擬時讀之謂之銓頭又會歷任銓頭而書于行止簿行止簿者以姓爲類而書各人平生所歷之資考功過者也又爲簿列百司官名有所更代則以小黃綾書更代之期及其所以去就之故而制其銓擬之要領焉凡縣令則省除部除者皆通書而各疏之

章宗明昌三年九月諭宰臣隨路提刑司舊止察老病不任職及不堪親民者如得其實即改除他路提刑司體察得實勿復注親民之職上問考課法今可行否右丞相夾谷清臣曰行之亦可但格法煩則有司難承用耳尚書右丞劉瑋曰考課之法本于總核名實今提刑司

體察廉能賊濫以行賞罰亦其意也若別議設法恐涉太煩上問唐代何如瑋對以四善二十七最 六年十一月初定縣官增水田升除制 承安二年十一月諭尚書省猛安謀克既不隸提刑司宜令監察御史察其減否 十二月勅御史臺糾察諂佞趨走有實跡者

熙宗天眷三年四月溫都思忠檢問諸吏得廉吏杜遵晦以下百二十四人各進一階貪吏張軫以下二十一人皆罷之 八年四月遣叅知政事等廉察官吏

世宗大定七年十一月上謂宰臣曰聞縣令多非其人其令吏部察其美惡明加黜陟 十年十月上謂大臣曰比因巡獵聞固安令高昌喬不職已罷之霸州司侯成

續文獻通考卷之五十三

三

四百六十四

奉先奉職恪謹可進一階除固安令 十一年七月詔外路官與內除者察其公勤則陞用之但苟簡于事不須任滿便以本品出之 十二年二月尚書省奏廉到同知城陽軍事山和尚等清疆官上曰此輩暗察明訪皆著政聲可第其政績各進官旌賞 三月詔尚書省賊污之官已經廉問遣使即日罷之 十八年七月諭宰臣以職官再犯賊罪不以多寡并除名 二十年二月詔犯罪被問之官雖遇赦不許復職 二十三年二月御史臺進所察州縣罪命并察善惡以聞 泰和元年十月御史臺奏在制按察司官比任終遺官考覆然後尚書省命官覆覈之今監察御史添設員多宜分路

巡行每路女直漢人各一人同往從之仍勅分四路

四年二月諭按察司近制以鎮靜而知大體者為稱職  
苛細而闇于大體為不稱由是各路按察以因循為事  
莫思刺舉郡縣以貪黷相尚莫能畏戢自今若糾察得  
實民無冤滯能使一路鎮靜者為稱職其或煩紊使民  
不得申訴者為曠職 四月定考課法准唐令作四善  
十七最之制四善者一曰德義有聞二曰清慎名著三  
曰公平可稱四曰勤恪匪懈十七最者一曰禮樂興行  
肅清所部為政教之最二曰賦役均平田野加闢為牧  
民之最三曰決斷不渝與廢當理為判事之最四曰鈐  
束吏卒姦盜不行為督領之最五曰案部分明評議均

續文獻通考

卷之五十三

四

四百五十四

當為檢校之最以上皆課縣令簿丞警巡使副錄事司  
侯判官也六曰詳讞合宜咨執當理為幕職之最七曰  
盜賊消弭使人安靜為巡捕之最八曰明于出納物無  
損失為倉庫之最九曰訓導有方生徒充業為學官之  
最十曰檢察有方行旅無滯為關津之最十一曰提防  
堅固備禦無虞為河防之最十二曰出納明敏數無濫  
失為監督之最十三曰謹察禁囚輕重無怨為獄官之  
最十四曰物價得實姦濫不行為市司之最十五曰戎  
器完肅捍守有方為邊防之最十六曰議獄得情處斷  
公平為法官之最十七曰差役均平盜賊止息為軍職  
之最凡縣令以下三最以上有四善或三善者為上陞

一等三最以上有二善者為中減兩資歷三最以上有

一善為下減一資歷節度判官防禦判官軍判以下一

最而有四善或三善為上減一資歷一最而有二善為

中陞為榜首一最而有一善為下陞本等首 五年十

二月更定考試隨朝檢知法條格 八年十月以軍民

共舉為廉能官條附善最法此條明昌四年所定

宣宗貞祐三年九月詔河北山東等路及平涼慶陽臨洮

府涇汾秦鞏德順諸州經兵四品以下職事官並以二

十月為滿又詔司縣官能募民進糧五千石以上減一

資考萬石以上遷一官減二資考二萬石以上遷一官

陞一等注見闕

續文獻通考

卷之五十三

五

四百五十四

宣宗興定元年行辟舉縣令法以六事考之一曰田野闢  
二曰戶口增三曰賦役平四曰盜賊息五曰軍民和六  
曰詞訟簡六事俱備為上等陞職一等無四事者為中  
等減二資歷其次為下等減一資歷否則為不稱職罷  
而降之平常者依本格 御史張升卿言進士中下甲  
及第人及監官至明威當入縣丞主簿而三事以下減  
一資歷注下令四事減二資歷注中令皆七品也若  
復八品矣輕重相戾宜更定之遂定制自今四事以下  
如前條六事完者進士中下甲及第監官當入縣丞主  
簿人減三資歷注上令餘出身者亦同此任二十月以  
上雖未秩滿若以理去官六事之跡已經覆察論陞如

秩滿例 六月制鄆邠州四品以下州縣官視環慶例以二十月終更 八月更定監察御史失察法

時李英爲御史中丞上言兵興以來百務皆弛其要在於激濁揚清獎進人才耳近來改定四善二十七最之法徒爲虛文大定間數遣使分道考察廉能當時號爲得人頃改前日徒設之文遵大定已試之效庶幾人人自勵以爲國家用納之

元制

凡官員考數省部定擬從九品擬歷三任陞從八品正九品歷兩任陞從八品八品歷三任陞從七品歷三任呈省正七品歷兩任陞從六品通歷三任陞

續文獻通考

卷之五十三

木

四百

前

從五正六品歷兩任陞從五從五轉至正五緣四品闕少通歷兩任須歷上州尹一任方入四品內外從四品通理八十月陞三品

世祖中統三年詔置簿立式取會各官姓名籍貫年甲入仕次第 至元六年制凡隨朝職官一考陞一等兩考通陞二等止六部侍郎正四品依舊例通理八十月陞三品左右司郎中員外郎都事考滿陞二等六部郎中員外郎主事三十月考滿陞一等兩考通陞二等 七年尚書省臣言管民官遷轉以三十月爲一考數於變易人心苟且自今請以六十月遷轉從之 十年定內外官復舊制三歲一遷 十一年獲嘉縣尹常德課最

諸縣詔優賞之 十七年立遷轉官員法凡無過者授

見闕物故及故犯選人補之滿代者令還家以俟 十

九年定內外官以三年爲考滿任滿者遷叙未滿者不

許超遷 是年諸職官解由到省部考其功過以憑黜

陟外任官解由到吏部止於刑部照過將各人所歷立

行止簿就檢照定擬 二十二年詔各道提刑按察司

能遵奉條畫蒞事有成者任滿陞職職污不稱任者罷

黜除名 二十八年詔改提刑按察司爲肅政廉訪司

每道仍設官八員除二使留司以總制一道餘六人分

臨所部如民事錢穀官吏奸弊一切委之俟歲終省臺

官遣官考其功效 二十九年燕公楠言歲終各行省

續文獻通考

卷之五十三

七

四百六十八

臣赴關奏事亦宜令行臺臣赴關奏一歲舉刺之數制

可 三十三年增課守令式于八年所定五事外又增

以勸課農桑克勤奉職者陞獎其怠事者皆罷之

在選

集賢直學士兼秘書少監程鉅夫奏國朝建御史臺雖

有考課之目而未得其要莫可致詰乞照前朝體例應

諸道府州司縣下至曹掾等各給出身印紙曆子一卷

書本人姓名出身於其前俾各處長吏聯銜結狀保明

書其歷任月日在任功過于後秩滿有司詳視而差其

殿最則人之賢否一覽而知考核得實庶無僥倖東平

布衣趙天麟上太平金鏡策畧曰舉世英賢多皆一節



爲人上者取節可也今國家選法腹外三年爲一考腹內二年半爲一考自非負罪之員皆有進而無退臣以爲方今選法宜以賢能爲先不宜以日月爲上且人才有大有小例以初仕者職小則淹滯英才例以久宦者職遷則施爲安得皆稱切恐郡縣之官以苟且存心有更張之事則計之曰三年之後吾將去此何勞吾心哉因循而已矣見賄賂之物則思之曰一旦交代未獲即除何以爲家費哉管資而已矣又况郡縣之民迎新送故甚爲勞費其弊將至於無如之何者或以郡縣之官久則擅權生事錢穀之官久則私弊難制臣謂此言非也若循三德八才而用之則皆才德應官之人矣伏望

天麟論考幽明曰唐朝以體貌豐偉爲貴所謂市瓜喜

大而或失其香晉室以清談虛曠爲先所謂畫餅充饑而委無真用此唐之不能及三代而晉之不能及漢唐也今國家入仕之門太多考選之方太闕臣以爲王者之左右陪僕亦貴乎正不正則如蝎蠹之內生天下之大官小吏並須乎賢不賢則如蝗螟之外起臣謹依經考史斷以愚意條陳聖人之九徵及當今所切二十六美之三十九類與夫三要惟陛下察之所謂九徵者一曰遠使之而觀其忠二曰近使之而觀其敬三曰煩使之而觀其能四曰卒然問焉而觀其智五曰急與之期而觀其信六曰委之以財而觀其仁七曰告之以危而觀其節八曰醉之以酒而觀其則九曰雜之以處而觀其色所謂二十六美之三十九類者一曰文史之美三類草制誦詔諄懇詞情也校書正字可爲定體也教誨後學才德多成也二曰禮官之美三類補袞拾遺將順其美也朝會祭祀儀章丕舉也宣慰風俗雍熙華致也三曰樂官之美一類金石宮商角徵理聲正也四曰知人之美一類善惡周覽洞曉于心也五曰敬賢之美一類推轂進士常若不及也六曰考校之美一類彰善癉惡昭文無失也七曰糾察之美一類彈劾所至不避權豪也八曰廉訪之美二類廉察官吏儆懼肅清也訪問風俗化成禮義也九曰宿衛之美一類小心周密京輦增威也十曰籌計之美二類帷幄畫計折衝倒戈也排壘

整陣臨時合權也十一曰督領之美三類器械精完士卒閑習也號令嚴明部伍齊肅也臨敵耀威身先士卒也十二曰鎮防之美一類勸勵稼穡勤事多獲也十四曰芻養之美一類華蓄頭匹茁壯蕃滋也十五曰使臣之美二類喉舌宣納成美昭光也委幹事務濟濟平允也十六曰決斷之美三類勾檢考覈瑕隙無隱也要察圓明因無間言也疑獄得情處置合律也十七曰農桑之美一類董督樹藝永早有備也十八曰董役之美一類監役合宜丁夫悅事也十九曰關津之美一類姦詐不漏行旅不壅也二十曰營造之美一類練事分功捷于供奉也二十一曰明利之美一類出納有常簿籍易照也二十二曰算數之美一類多寡有方了然胸臆也二十三曰僧官之美一類弘宣釋教守戒精嚴也二十四曰道官之美一類弘宣道教守德精嚴也二十五曰醫官之美二類科品分明舉無不應也開發後學成材者衆也二十六曰陰陽之美二類歷法推步授時無舛也上筮循經不爲詭異也所謂三要者一曰公二曰廉三曰勤徑情服事不邀功利謂之公賄賂在前不以爲念謂之廉服勞王室悉心竭力謂之勤九徵之徵盡矣二十六美之類備矣三要之要具矣選法考校之源委終矣伏望陛下以九徵考左右攜僕僕臣正而厥后益以正矣更望陛下以二十六美之三十九類與夫三要

三說明諭選曹及內外百官若三年當考之時凡一美三要者爲上等凡一美二美者爲中等凡一美一美者有要無美有美無要者皆爲下等凡美要並無而雖無大罪者亦停免之凡罪犯顯明則有憲職在焉始以三德八才用之終以二十六美三要考之則自中及外大小官吏若王壺之水秋霜之月凜乎其清皎乎其明矣成宗大德八年中書省臣言自內降旨除官者果爲近侍宿衛踐履年深依以除叙賞宿衛未官者視散官叙始歷一考准爲初階無資濫進降官二級官高者量降各位下再任者從所隸用三任之上聽入常調蒙古諸人不在此限從之

武宗至大二年令州縣正官以九年爲任三年給親民長吏考功印曆令監治官歲終驗其行蹟書而上之廉訪司御史臺尚書禮部考校以爲黜陟

仁宗皇慶元年御史中丞郝天挺言國初設官在內須三十月在外須三周歲考其殿最以爲黜陟比者省院臺部之臣久者一二歲少者三五月甚有旬日之間而屢遷數易者奔走往來之不暇何暇宣風布化參理機務哉乞自今惟大臣可急闕選授其餘內外大小官屬必候任滿考績方許選調庶免朝除夕改啓倖長奸之弊從之

二年命監察御史檢察監學官考其殿最是年勅守令勸課農桑勤者陞遷怠者黜降者爲令

文宗天曆二年中書省臣言舊制朝官以三十月爲一考外任則三年爲滿比年朝官卒不久于其職或數月即改遷於典制不類且治績無從考驗請如舊制爲宜勅除風憲官外其餘朝官不許二十月內遷調

順帝至元四年詔考覆郡縣官功過命佛家間爲考功郎中喬林爲員外郎魏宗爲主事考覆郡縣官功過以憑黜陟至正四年春正月詔守令黜陟之法六事備者陞一等四事備者減一資三事備者平遷六事不備者降一等六事見前至元二十三年

皇明

太祖洪武五年十二月勅中書令有司今後考課必書續文獻通考卷之五十三

農桑學校之績官民有不奉天時負地利及師生情於教學者皆論如律山西汾州平遠縣主簿成學考績州上其考曰能恢辦商稅吏部以聞上曰地之所產有數官之所取有制若曰恢辦是額外剝削主簿之職在佐理縣政撫安百姓豈以恢辦爲能州之考非是爾吏部其移文訊之十一年三月河間府知府楊翼安等考績入朝上命吏部曰考績之法所以旌別賢否以示勸懲今各官來朝宜課其殿最第爲三等稱職而無過者爲上賜坐而宴有過而稱職者爲中宴而不坐有過而不稱職者爲下不預宴序立于門宴者出然後退庶使有司知所激勸十七年八月吏部尚書俞懷

定考績法二十年三月雲南左布政張統秩滿來朝

上以統在雲南能撫綏夷人俾復職賜璽書勞之二十三年勅方今所用布政司府州縣按察司官多係民間超取秀才人材孝廉各人受職到任之後略不以到任須知爲重公事不謀體統不行終日聽信小人浸潤謀取賊私酷害下民以此仁義之心淪沒殺身之計日生一旦繫獄臨刑神魂倉皇至於哀告懇切奈何虐民在先當此之際雖欲自新不可得矣如此者往往相繼而犯上累朝廷下辱鄉閭悲哀父母妻子孰曾鑑其非而改過哉所有責任條列于後

一布政司治理親臨屬府歲月稽求所行事務要察其續文獻通考卷之五十三

勤惰辨其廉能細舉到任須知內事目一一務必施行少有頑慢及貪污坐視恬忍害民者驗其實跡奏聞提問設若用心提調催督宣布條章去惡安善儻耳目有所不及精神有所不至遺下貪官污吏及無籍頑民按察司方乃是清

一府臨州治亦體布政司施行耳目有所不及精神有所不至遺下貪官污吏及無籍頑民布政司方乃是清一州臨縣治亦體府施行耳目有所不及精神有所不至遺下貪官污吏及無籍頑民本府方乃是清

一縣親臨里甲務要明播條章去惡安善不至長姦損良如此上下之分定民知有所依巨細事務庶有所歸

上不素政於 朝廷下不啣冤於滿境此其治也若耳  
目有所不及精神有所不至遺下無籍頑惡之民本州  
方乃是清

一各布政司不能清府府不能清州州不能清縣縣不  
能去惡安善遺下不公不法按察司方乃是清

一按察司治理布政司府州縣務要盡除奸弊肅清一  
方耳目有所不及精神有所不至巡按御史方乃是清  
倘有通同貪官污吏以致民冤事枉者一體究治

一此令一出諸司置立文簿將行過事蹟逐一開寫每  
季輪差吏典一名齎赴本管上司查考布政司考府府  
考州州考縣務從實勘毋得誑惑繁文因而生事科擾

續文獻通考 卷之五十三

十四

四百五十六

每歲進課之時布政司將本司事蹟并府州縣各齎考  
過事跡文簿赴京通考敢有坐視不理有違責任者罪  
以重刑

凡官員任滿考覈及朝覲考察各有定制若因事考察間  
一舉行無常例

近例惟試御史一年考覈實授試中書舍人三年考覈實

授主事署郎中員外郎六年考覈實授員外郎署郎中  
三年考覈實授其餘京官一年考覈之例俱不行 凡

一二品官考滿 賜羊酒鈔錠尚書都御史六年考滿

加 太子少保九年加 太子太保吏部尚書有三年

加 太子少保六年加 太子太保者 內閣三六

九年考滿應陞官秩取自 上裁其一品九年考滿或

賜宴或 賜勅獎勵及 誥命廕子等項俱出 特

恩或奉 旨查例議擬奏請 凡督撫官考滿三年六

年滿日移咨到部具奏復職仍行本官知會 嘉靖三

十一年題准宣大薊遼保定山陝延寧甘肅各邊巡撫

係僉都御史三年陞副都即照三品例廕子再考陞侍

郎加從二品俸級副都御史三年除本等廕子外陞侍

郎加正二品俸級服色再考陞部院正官即與二品廕

得 誥命其以侍郎及右都御史或尚書總督三年考

滿者侍郎陞右都御史右都御史陞尚書尚書陞 官

續文獻通考 卷之五十三

十五

四百五十六

要實歷邊俸及邊俸居三分之二以上者轉行兵部查  
無地方失事或雖曾失事而罪不掩功方准題請其有  
未及考滿別以軍功蒙恩者不在此限有考滿而各項

恩典已得者不再重加 四十二年議准僉都三年

廕子副都三年陞正二品服俸又三年加正二品封贈

俱要兵部查同果有安攘之功曾經賞賚者臨時酌擬

上請定奪其山西保定陝西三邊較之七邊不同止與

題請陞職以上 恩典雖曾以別項軍功蒙 恩相等

者亦准重加其歷俸月日中間如帶有別俸通理者必

須邊俸居三分之二以上方得照例題請 隆慶五年

題准在內部寺爲督撫在外督撫回部院某處督撫陞

調某處督撫俱候到任支俸乃作實歷其在途在家月日不許一槩朦朧計算若已陞調候代尚在地方理事者得准實歷離任之後截日任支待其給由吏部查理明白方為引奏 萬曆元年令以後各官考滿例該陞級者止許開具應陞緣由以俟 朝廷裁于毋得輒自定擬職任

成祖永樂元年令府州縣官到任半年之上者巡按御史按察司察其能否廉貪之跡具奏

仁宗洪熙元年令考察布按二司官不職者降為縣官

宣宗宣德五年令國子監官九年考滿學行端慤者量加翰林史職仍理教事正德中議准加俸 七年令各處

續文獻通考

卷之五十三

十六

四十五

巡撫侍郎同巡按御史考察方面官仍同方面官考察州縣官直隸府州縣從巡按御史考察 十年 勅諭直隸府州縣從吏部差官及巡按御史考察各布政司府州縣從布政司及巡按御史考察其布按二司堂上官從吏部都察院考察屬官從巡按御史按察司考察英宗正統二年奏准收糧經歷三年考滿任內收糧十萬石之上者給與 勅命不及者不准在外司府州縣及衛首領等官九年考滿查係本部考稱者類行詢察無碍同兩京官類題其本部考數姑稱平常者不准今該大學士高穀查得九年考滿既經撫按查無違碍許其給由又經本部查考稱職復行彼處衙門取結具奏往

返動經歲月稽查未便今後止據考功司付考稱職明白比照外官事例即與類題

景皇帝景泰三年 勅都御史等官考察天下有司官員

七年令天下府州縣官年老殘疾罷軟不任事及貪酷生事科歛害民者許巡按巡撫并按察司堂上官會同考察其布按二司官聽巡撫巡按官考察 三年七月

命侍郎李賢姚夔副都御史洪英等分詣兩直隸及十三省考察庶官不職者 按李賢曰洪英儒雅君子時往浙江考察為被黜者妄訴且加謗毀 朝廷不

及察而罷之今致仕二三大臣雖知其故莫能扶持朝士皆後進不知其為人既去方惜彼謫智若阿世同俗

續文獻通考

卷之五十三

十七

四十六

無所可否是非而因循以致高位世顧謂之能人噫此朝廷所以無任怨之臣而小人多致亂邦也

憲宗成化五年閏二月大理寺評事申安言旌異之典

朝廷所以激勸有司今撫按官於廉能者未必旌異旌異者未必廉能如紹興知府吉惠先為上虞知縣以旌異而陞今貪酷百狀一郡之人奚罪焉乞 詔大臣議

自今旌異必待三年考滿之後若所舉不公後以姦貪敗者連坐庶幾吏稱其職民安其業 十九年十一月

吏科給事中王瑞等言三載黜陟 朝廷所以勵廉官之典也今天下諸司除土官外無慮九千餘處諸司官除陰陽醫僧道外無慮千萬餘員吏部於各官之賢否

在布按二司則據撫按揭帖在諸司則參布按等官揭帖上之詢訪雖出於公心下之奏報多任其私意或假公以市恩或乘機以償怨毀譽失真賢否失實其他弊端不一而足乞諭吏部榜示各官凡揭帖所報失實者連坐或有當黜而留者許本處撫按論奏有當黜而妄訴者亦罪之上曰朕以黜陟之典付吏部吏部以賢否之實寄長吏使其所報失實則黜陟不公賢否無別何以示勸懲于是宜嚴連坐之罰其當黜而留與當黜而妄訴者俱如所言二十二年奏准南京各衙門屬官首領官三年九年考滿照例赴京聽引其六年考滿從南京吏部考覈具由題奏復職免其赴京其赴

續文獻通考

卷之五十三

十八

四百四十一

京考滿官員以給文日為始除水程四十日外扣違四箇月之上參問雖有事故亦不准理

孝宗弘治十八年詔給由官吏紀錄過名悉與除免照例陞用收考

武宗正德四年奏准考滿以給批日為始係任滿者違限一年之上送問二年之上發回原籍致仕係三年六年給由者四箇月之上送問一年之上發回原籍致仕五年三月內該江西僉事馬慶奏稱原任南山東道御史歷俸三年已經給由中塗報陞該本官考滿在先特未引奏然既得陞遷即係稱職自後考滿遇陞未經復職別無違碍者與引奏復職官一體遵行

世宗嘉靖三年奏准宣府東路懷來等城堡倉場官聽各該撫按官會議每官一員定與應該收放料草數目守支盡絕方許給由吏部覈實如果稱職照各邊收糧判官經歷事例改選十年該本部查得祖宗舊制在外有司官員九年考滿稱職者給與應得誥勅至正統十四年奉有詔書事例凡外官曾經撫按官保舉果有卓異政績者不拘三六年考滿先與應得誥勅旌異蓋九年例得封贈者所以待常流三六年先得旌異者所以優異等國家之制未為不備但舊例薦舉官員必須轉行巡按御史覈實明白方與奏請文移往返動經歲月以致恩典稽遲人不知勸近該節奉

續文獻通考

卷之五十三

十九

四百四十二

欽依但有及民善政舉保覈實便查奏給庶內外恩典均施以為牧民之勸欽此照得在外官員職在臨民比之京官勤勞數倍顯揚之願尤人情所同但近年保舉每病其冗濫旌異之典似難加於非人合無今後撫按官薦舉所屬應合旌異官員務要遵照正統年間欽依事例將本人任內卓異政績明白開奏不許濫及通候各官考滿到部察訪相同即與比照京官事體按月類題免其再行覈實時題准衍聖公襲封照例查題兩京堂上四品以上及欽天監太醫院翰林院正官三品考滿請給取自上裁兩京五品以下三年考滿各查勘明白照例類題十三年奏准每遇年終各府



州縣將佐貳首領屬官并衛所首領官守巡道將本道屬官布按二司掌印官將各佐貳首領并府堂上官州縣正官填注賢否考語揭帖印封送本布政司類齊嚴限送部查考若二司官進表各該守巡司府照前查造揭帖印封送進表官親遞進表官不必將通省官梁報考語巡按任滿巡撫年終將所屬大小官填注考語揭帖送部其考語俱要自行體訪如有雷同含糊作惡偏私本部參奏治罪

凡朝覲進表官考滿宣德間令來朝官員回任三六年滿期已過者許先赴部告明令所司造冊送合干上司考覈差人奏繳 十六年奏准回任將及考滿者亦照

續文獻通考

卷之五十三

二十一

百五十一

宣德間例 十七年奏准考察存留官員願考滿文冊者免其考覈引奏復職 十九年題准今後撫按官于六品以下有司貪酷不法者許徑自拏問不待劾奏 二十一年題准兩京欽天監太常寺太醫院屬官及譯字通事等官九年考滿有應陞之缺者照例陞職無應陞之缺而原缺見在者陞俸二級仍以舊職辦事原缺不補若係額外冗員并無見缺可陞而原缺又已補者照例塔選不許牽合比例添註帶俸若譯字通事例難改選者候換次照缺陞補 二十一年奏准三年六年考滿不依期限到任者照朝覲例過限一月之上問罪申報二月之上送部別用三月之上罷職不叙監司

容隱不舉罪亦同之 是年定朝覲官告乞齋繳者查

其考滿年日如在七月以內方准其月日尚遠及九年考滿者俱不准 二十二年題准太醫院屬官三六九年考滿先送禮部填注考語轉咨吏部遠越者禮部參究欽天監鴻臚寺通事官俱照此行 後又題准吏目九年考滿應陞御醫者行禮部查回應否陞補方與題請其原係署職者九年考滿止題實授職銜 時又題准考滿官員起文之日類多隱匿過名冒報功績希圖陞用兩考吏役初參陞參轉參頂補丁憂接喪緣事服役間革等項猶多隱詐行各該巡按御史遵照舊例將紀錄過名教官功績民情吏役三冊督行按屬掌印官

續文獻通考

卷之五十三

二十一

百五十一

備查明白類造年終差人齋繳到部 二十七年奏准在京各衙門給由官員堂上官務要嚴加考覈從公填注賢否的實考語封送本部以憑覈考案候考察年分查照黜陟毋得市恩避怨含糊浮泛以致是非顛倒人心不服仍行南京吏部轉行各衙門一體遵行 三十年九月原任都水司署郎中事主事陞山東僉事趙介夫奏因公差在外照例給由公文到部隨陞前職乞要請給原任 勅命 時題准 王府官在京未之國者歷俸三年照依京官請給 在外者歷俸九年 王具奏訪詢無碍方與類題 三十二年議准中書舍人及兩殿辦事中書係官恩生儒生出身者九年考滿陞

寺副帶俸辦事 三十四年題准南京官考滿給文將  
及三年未到部者吏部查叅冠帶閒住 三十四年奏  
准各衙門所屬官員六年之內未經考察者不拘陞遷  
見任行各堂上官關注事跡揭帖親携赴部以憑叅酌  
去留如有遺漏聽科道連名糾劾 四十年議准翰林  
院講讀學士春坊諭德品級相同准通轉俸歷考滿  
四十二年議准中書係 內閣廕官出身者九年考滿  
陞禮部各司主事照舊帶俸辦事 四十四年議准中  
書係監生儒士出身九年考滿陞光祿寺署正帶俸辦  
事

是年又題准進表官考滿日期不遠者照朝覲例告明  
續文獻通考卷之五十三

齊繳

凡考滿京官候審引間如陞兩京別官品級不同及陞  
遷外任者俱不與引奏止類付三司知會如原係署員  
外郎主事陞署郎中主事者仍照舊引奏如先係署職  
得陞實授者不准

凡在京給由官員不拘陞俸住俸罰俸俱以見任職事  
所歷月日准作實歷

凡在京致仕閒住爲民起用復任官員舊例以後任俸  
日爲始另歷三年給由至正德六年令前後歷俸俱准  
通理

凡在京官原係考滿陞俸者即同見任照俸扣滿其餘

不准病痊支俸者只算實俸其患病住俸月日不准  
四十五年題准今後南京各堂上官雖遇考滿之期必  
須本衙門見有堂官在任方許給文赴京如無堂官各  
先具由移咨本部知會候有官接管然後起行

穆宗隆慶元年十二月總督京營戎政鎮遠侯顧寰會巡  
視科道官孫枝等考閱三大營將領優劣疏名以聞得  
旨把總蘇奎等獎賞有差副將艾梓等策勵供職坐營  
官九臬等致仕遊擊楊守承等調用毛恭等革任閒住  
吏科王治等疏飭吏治三事 一定等則以辨材賢

欲以三等九則評論方面有司官上三則以處懷奇蘊  
醇器識遠大才守超然事功顯盛者中三則以處心術

續文獻通考卷之五十三

二十三

習卒二漸

不壞才守可觀職務修舉者下三則以處才守平常存  
留供職及純疵相半難以遽棄者 二公論劾以一事  
體言臣等先議有司貪酷遺奸請同方面官論拾而部  
覆許科道官各單疏論劾不必會同第恐章疏滋煩瀆  
擾 聖聽且各任已見摘傷必多故不若科道會同品  
題歸一劾其甚者得數人不爲多二三人不爲少雖無  
亦不爲缺不必紛紛彈擊令善類過生危疑也 三修  
實政以圖治安言屯田鹽法既議遣大臣整理然其事  
亦必責成于司府州縣屯鹽專官今各官俱以應朝至  
請令悉陳所見條議上請付之所司採擇施行他如防  
邊治水諸重大事情部臣各以職掌采訪亦如之部覆

皆如其言惟賢能分爲九則燠于太煩宜上中下三等  
爲限而言官糾劾則以屬之吏科河南道二年議准  
三六九年考滿官到部仍照舊例分別三等不得驟考  
稱職其平常與不稱職各官或量行別處或請旨罷  
黜正月上覽直隸巡按顧廷對奏曰貪官止于罷  
黜誠不足示懲今次考察諸司職多跡著者部院列其  
罪狀奏請處治吏部請朝覲官員擇其屢經薦舉允  
愜輿情者如正德十四年例行撫按官給賞綵段羊酒  
以示獎勵從之吏部奏請副使張天復知縣汪堯仁  
賊罪之跡尤著宜令所司逮問如法以爲貪墨之戒從  
之三年題准除良醫典樂引禮舍人原無陞補者照  
舊不考外其護衛首領典簿典膳奉祠典寶典儀工正  
教授及郡王教授典膳等官務與長史審理紀善一體  
查覈有老疾不謹及占缺年深者各該撫按官開奏  
四年二月吏部疏請申明朝覲考察事宜先行各撫按  
官悉心廉訪手注考語指實直書毋得拘泥對偶組織  
浮詞抄謄舊案虛應故事其四品以上尤當奉公秉直  
甄別分明以釐夙弊來朝正官如有支詞漫語應答無  
據及畏避上官附和任情者先以罷軟論黜奏可五  
月吏部覈南京科道官王楨王嘉賓等條陳考察事宜  
可行者六一集衆論以辨人才一嚴考劾以公黜陟一  
嚴旌飭以昭勸懲一明頒知以責實政一寬斥黜以惜

人才一審聽聞以求至當一抑奔競以防積弊上命  
如議行七月掌吏部事高拱言數十年來考察懲汰  
之數大較前後不相上下以是襲爲故常其數既足雖  
有不肖姑置勿論其數不足雖無其人強索以充可謂  
謬矣乃其稱爲不肖者又多苛求隱細苟應故事而所  
謂大奸大惡者或有所不敢問或有所不能識縱豺狼  
於當路覓狐鼠以寒責此人心所爲不服也又考察半  
歲之前撫按論劾俱不題覆夫爲不善者方其未露猶  
或有僥倖之心少存顧忌若其既露明知必去則將無  
所不至矣而乃留之半歲民何以堪自今撫按官凡有  
糾劾疏既具即革任聽處疏下即覆其去者如考察例  
不得復用其留者撤到乃覆至于考察懲汰必大奸惡  
一切隱細勿論斥去不肖從其多寡惟求至當毋襲故  
常上是之十月諭掌吏部事高拱等曰朝覲在  
通糾察宜公自朕即位四年科道官放肆欺亂朝綱其  
有奸邪不職卿等嚴加考察詳實以聞高拱言京官六  
年考察皆吏部都察院同行惟丙辰春大學士李本掌  
部事考察科道奉旨專行都察院不與焉臣愚以爲  
耳目宜廣宜與都察院同事上是之十二月掌吏  
部事高拱言外官考才力不及者不徒曰調用而必曰  
酌量調用原無定議然部院考察與撫院論劾槩以不  
及則銓補之日無所適從尚得遷就其間自今方面有

司有才不宜於地者當移其地不易其官署曰調簡僻有官不稱其才者雖易其官當仍其品署曰調閒散亦有操守未壞性氣稍偏而尚有他長可錄年勞當叙者署曰降級或才力不宜有司文學猶堪造士者署曰改教四者皆麗不及之條者也至于先以調簡再考不及者此終難策勵即如吏科給事中韓楫議從罷斥直置罷軟之下奏可 五年題准長吏有貪肆者不必候六年考察許不時叅劾以懲懲治 六年奏准陝西延寧甘肅四鎮各城堡倉場官攢一年已滿許將經手錢糧呈詳撫按委官查盤明白交付接管官攢即與起送不必守支盡絕

續文獻通考

卷之五十三

四庫全書

今上萬曆元年題准各邊倉場俱照陝西事例 又題准兩殿中書官陞至正五品而止再有年勞止許加陞服俸 四年題准在外有司官滿後不計閏扣違年半之上方纔投文到部者不准考滿係三年者候六年再考六年者候九年通考 七年題准有司三六年已滿照例齎繳文冊聽撫按保留間丁憂回籍者候復除之日准補給由 又題准凡外官陞任考滿其方面有司三年已滿給文間適遇陞任本部查其陞遷月日果在任滿之後不論已未保留但公文開稱考覈稱職者一體准理如陞遷 命下而歷俸未滿即少一日不許槩准本年又題准南京官三九年考滿官員行至中途或

丁憂患病回籍服滿病痊起文到部者候復除之日准補給由 十年議准在外降俸官員除錢糧不完積穀不及數被盜失囚者待追完捕獲撫按官具奏開復內有災疲難完及擒獲別賊亦聽撫按考覈平常不稱即行議處稱職准贖先與奏復原俸然後給文考滿其三年滿後降俸者撫按查果稱職酌量具奏若遷官事發着于陞任內扣降者雖係糧穀不完被盜失囚等項既經離任亦照註誤之例 又題准在外罰俸官員考滿及期必扣除月日另歷補足撫按官方與起送或保留其罰俸月日以題奉 旨之日為始不得以文書未到為辭失囚失盜糧穀不及分數者未奉處分不得遽行

續文獻通考

卷之五十三

二十七

四庫全書

起文 又議准撫按官于長史以下賢否嚴訪實跡巡撫于年終巡按于復 命各造冊送部不檢者叅處有愛惜名節者 王府員缺遞陞左長史保陞服俸 又令各處衛所巡檢官係關兩處隔越者該管上司注考凡諸司置立文簿將行過事蹟逐件從實開寫承行發落緣由務要簡當每季差典吏一名依期齎赴本管上司查考布政司考府府考州州考縣務從實效除將勅諭事理令諸司進課官吏齎擎前去及行移布政司并直隸府州縣照依 勅諭事理各置紅油木牌刊刻青字於本衙門公廳上常川懸掛永為遵守每歲進課之時將考過事跡各齎赴京奏繳以憑通考若遇三

年 朝觀來朝官吏先將舊年春夏秋三季來考冬季事跡未完許於次年進課之時令該吏進呈毋得誑惑繁文因而生事科擾 十二年題准南京官公差到京復 命已准復職計其回任半年之內遇應考滿者比照 朝觀事例免其赴京從南京吏部都察院考覈咨部題奏 凡官員任滿後務于半年之內給文除各該水程外定限十月到部若水程之外滿後不計閏無故延至一年者送問在外者提問干碍參提者參問若違至半年者雖有事故一併查參處治如有規避情由及無故遲違半年者俱從重參來議處 十三年題准倉場官收到糧草任內隨時支放周歲任滿交與新官接續文獻通考 卷之五十三 二十八 四百六十八

### 公差考課事例

凡公差官員考滿如管理各邊糧草屯種并河道輓廠及漕運理刑南直隸提學御史等官不得赴京具呈該衙門將行過事蹟并考語咨部應行河南道者候牒回覆考具題就彼復職管事其巡按審錄并各鈔關洪關等差俱候事完赴部補考 嘉靖四十五年議准南直隸

印馬屯田御史雲南貴州廣東廣西福建四川巡按御史不拘三六年若滿期已過差事未完不得赴京及南北各差未完而考滿及期遇有陞選事故者俱許具由呈部在京者聽都察院考覈在南京者聽南京部院考覈移咨吏部覈考具題應得 恩典一體請給其餘各差御史仍照舊例事完回京補考 隆慶五年題准雲貴兩廣福建四川審錄郎中等官許就差考滿具由申部其餘省分審錄官仍照例事完回京補考 又題准公差官員考滿到部正限內准作實係若違限日久應送問者照例送問其未及送問者正限之外俱作虛曠在差陞任者必到任之日方准實係如有假捏月日隱續文獻通考 卷之五十三 二十九 四百三十一

### 考察京官

京官考察以五年為期亦分四等年老有疾者致仕貪者為民不謹者冠帶閒任浮疎淺露才力不及者降一級調外任

凡內外官遇該考察有央求勢要囑托者即以不謹黜退凡考察京官每十年一次舉行不拘見任帶俸丁憂公差

養病省察等項俱公同本衙門堂上官考察

宣宗宣德三年十二月 勅南京刑部侍郎段民考察京官

按宣德三年 勅段民考察在京百司以民庶介端謹也民武進人永樂二年進士庶吉士與修永樂大典除刑部主事與修五經四書性理大全進員外郎郎中十九年陞山東左叅政當是時索妖婦唐賽兒急盡逮山東北京尼既又盡逮天下出家婦女先後幾萬人民撫定綏輯曲爲解釋人情始安 文廟再征虜 勅民舟車轉餉節省財力民不擾而事集 文廟在道中 勅民與巡按御史考所過郡縣吏宣德二年召充會試考績文獻通考 卷之五十三 三十一 四百七十八

官三年召入南京戶部爲右侍郎尋改南京刑部九年卒官貧不能喪都御史吳訥力爲經紀始克殮成化間吏部右侍郎葉盛請褒民不果

英宗正統元年奏准南京五品以下官員從本衙門堂上官考察如有不才及老疾者本部驗實具奏定奪國子監教官禮部尚書及祭酒司業公同考察如無學行者送部別用

景皇帝景泰三年奏准六部等衙門堂上官考察各屬主事等官才力不勝者降縣典史老疾者冠帶致仕英宗天順八年奏准本部都察院會同 內閣考察在京五品以下文職并在外布按二司官有不公者許令科

道官指實劾奏南京各衙門照例考察有不公者令南京科道劾奏

憲宗成化四年令兩京文職堂上官會經科道糾劾及年老不堪任事才德不稱職者各自陳致仕取自 上裁五品以下官本部會同都察院及各堂上掌印官公同考察年老無爲貪淫酷暴者革職翰林院屬官并帶俸官譯字等官本院學士會同 內閣考察

孝宗弘治元年令兩京五品以下官照例考察翰林院官亦從吏部考察其被黜之人有造言生事撫拾妄奏者發遣爲民 十年令南京官照例考察惟翰林學士不在五品之例 十七年八月令京官六年一考察 十

續文獻通考 卷之五十三

三十一 四百七十八

七年令翰林學士免考

武宗正德六年奏准應天府治中以下順天府經歷以下宛平大興上元江寧四縣俱從京官例考察 十六年題准詹事府坊局五品以下官照例考察學士照例免考仍會同考察

世宗嘉靖六年題准各衙門堂上五品以下官照成化以來節年舊例考察詹事府坊局等官照正德十六年例考察學士免考察遺漏者互相糾舉 六年題允各衙門堂上五品以下官照成化以來節年舊例吏部會同都察院并各本衙門堂上官考察翰林院詹事府左右春坊司經局等官及 內閣辦事譯字各衙門帶俸等



官照正德十六年例學士免考准自陳欽天監官免考  
南京官該南京吏部都察院會同考察 十七年十一  
月 詔科道官互相糾劾原非定制近年徇利塞責往  
往挾私報復排擊善類甚非治體今後不許互糾其賢  
否看吏部都察院從公考察 二十年科臣戚賢等言  
郭勛張璠樊繼祖李廷相胡守中李開先胡經夏浚王  
廷相王同祖黜于大計者不宜復叙而聞淵熊浹劉天  
和呂柟魏校程啓元程文德徐樾王幾魏良弼葉洪馬  
明衡王臣等雖以計黜亦宜引例錄用 上曰 宗廟  
災變朕方祗懼戚賢等肆意妄言顛倒是非如王幾詐  
偽小人亦擅引薦懷奸植黨一至于此令自引列賢等  
懼輸罪乞 恩乃原之 二十四年三月大計京職南  
科王燁先曾劾嚴嵩奸貪嵩喚所私尚寶丞諸傑賂書  
南考功薛應旂黜燁應旂執傑使擬欲奏聞尚書張淵  
力阻不果而傑爲南兵主有物議應旂亦黜之時常州  
守符驗先爲南御史亦在所黜嵩又令所親御史桂榮  
劾應旂以私怨黜本郡守應旂遂補外至二十五年春  
正月南科游震得爲應旂訟冤稱其抑遏官邪宜復京  
秩從之支大綸又言應旂一遭蹉跌遂變初心濡足于  
趙文華之門以其子白丁趙慎思疊置首列不無遺議  
三十年大計京官徐學詩以劾嚴嵩削籍其兄應豐  
爲中書亦擬黜疏上 上知其枉特留復職 又題准

南京吏部都察院遇京官六年考察之期將應天府并  
上元江寧二縣隨同南京官員考察其所屬在外旬容  
等縣每于三年朝覲之期本府堂上官帶領赴京聽候  
部院考察如通州良鄉等州縣例 又題准例該考察  
年着以二月內舉行將堂上五品及所屬五品以下見  
任住俸公差丁憂養病侍親給假及行查未報升六年  
內陞任未經考察等項官員備開脚色務在三月以內  
先送本部查收約會考察 三十五年三月嚴世蕃欲  
排異已乃降 中旨考察京官李本承順風指去取惟  
命而問以行其私黜大臣十五人科道三十八人如葛  
守禮以不附吳國倫以泣別楊繼盛公論譁然  
穆宗隆慶元年議准先期三月吏部并南京吏部咨劄各  
衙門堂上掌印官將所屬但在應考數內者查取考語  
務要或賢或否明注實跡類送部院以憑面議酌處至  
於給事中係近侍封駁之臣例無考語止照舊規不必  
紛擾時 上新即位考察兩京官吏部尚書楊博都御  
史王廷司其事稍失平吏科都給事中胡應嘉劾奏去  
留不公有妨新政有 旨部院公同考察已有 旨處  
分胡應嘉這厮乃敢黨護同官挾私妄奏好生恣橫亂  
政本當重究姑革了職爲民 時振 吉者大學士郭朴  
已而給事中辛自修等御史陳聯芳等交章請宥應嘉  
罪遂謫外任是年六月 召補南京禮部主事 應嘉准  
吏部人

嘉靖丙辰進士其疏大畧謂京官五品以下之去留付之吏部都察院但近日之都御史自周延以後率皆風紀不正雖云會同吏部不過唯唯承命昨楊博考察給事中鄭欽御史胡維新亦在浮薄淺露之列緣二臣志向既端議論甚正有任事任怨之誠無畏首畏尾之意如鄭欽曾條陳吏部之不公楊博遂深銜之維新亦以昔按宣大彼時博任本兵建議過激以拂本兵之心王廷都御史亦惜其風力以臺長不能救一御史之冤烏在其爲風紀哉又謂博專務沮抑言官如曲庇知府何東序之交虐而處之善地給事中趙格以論東序而抑之外補片御史熊迥以有疾阿文選郎中晉應槐之貪汚言甚

續文獻通考卷之五十三 王十四 四百廿六

割切是時王廷楊博俱上疏乞休不允廷四川南允人嘉靖壬辰進士周延江西吉水人貌嚴肅而言笑不苟雖文學稍劣而治才甚優居臺長數年朝望歸之三年題准文華武英各辦事官通行考察惟欽天監御用監等官照舊免考其太醫院官照例考察四年正月南京都察院吳時來以考察在邇請量留南科道歲久當遷者一二人使主其事報可

今上萬曆十三年題准京外官三六年正考之後不得妄請閏考

續文獻通考卷之五十三終

續文獻通考卷之五十四 皇明進士

選舉考 考課下

皇明

國初外官每年一朝 洪武二十九年始定三年一朝之制以辰戌丑未年爲期 朝正後本部會同都察院考察奏請定奪其存留者俱引至 御前刑部及科道官各露章糾劾怠職之罪一時譴責有免皆出 上命及有免還任各 賜勅一道以申戒飭云

凡在外官員三年徧行 朝覲其各布政司按察司巡司府州縣及土官衙門流官等衙門官一員帶首領官吏各一員各理問所官一員照依到任須知依式對數攢造文冊及將原領 勅諭諸司職掌內事蹟文簿具本親齎奏繳以憑考覆各衙門先儘正官正官到任日淺佐貳官到任日久必先佐貳官來朝若係裁革未及二十里長州縣止設正官首領官各一員去處只令首領官吏來朝其程途遠近各量里路比照行人馳驛日期起程本衙門速將起程月日申部遠者不許過期近者不許預先離職俱限當年十二月二十五日到京其來朝官員服色各照品級花樣及 欽依今定樣製務要新鮮潔淨俱各自備脚力不許馳驛及指此爲由科

續文獻通考卷之五十四 一 三

擾於民

大明令凡各處府州縣有司官員在任三年不許注代許令親將三載任內行過事蹟赴京 朝覲如無規避依舊復任其佐貳官首領官一體三載來朝如一時勾當輪換前來 國朝定例凡天下諸司官每三年一入覲除市舶提舉司外浙江等布按順天應天所屬及直隸各府州縣巡運行太僕苑馬監庫提舉司官各帶首領官吏一各布政使理問一上林苑監各署及各土官官吏各一茶馬司吏一若裁減處首領官帶吏一名照原降到任須知文冊親齎奏繳官儘正官如正官任未及三月方以次代各離任後雖有陞調別故亦須赴京續文獻通考卷之五十四 二

畢事不許改委其遠近照水程日期不許預離職職先將官吏姓名并起程日期申部限九月以裏到部其各該官吏俱限十二月十五日至二十五日以裡到京違限者陸續奏服色品級花樣照 欽定製務須新潔脚力盤費聽撫按酌量不許私自馳驛及科擾

太祖洪武元年正月天下官來朝 六年春正月癸卯朔守令來朝 上命 賜酒饌明日辭復 諭之曰慈祥愷悌身之德也刻薄殘酷德之賊也君子成其德故惠及於人小人養其賊故殃流於衆朕舉廉興孝崇德勸善惟欲移風易俗若偽爲慈祥必無仁愛之實偽爲愷悌必無樂易之誠爾等宜勉修厥德廣施惠政以副朕

懷 八年春正月辛酉朔各省郡縣入朝 上以濟寧知府方克勤有善政 錫燕儀曹 八年春正月癸亥朔吏部言天下布按二司及府州縣 朝覲官凡四千一百一十七人考其政績 詔稱職者陞平常者復其職不稱職者降貪污者送法司罪之闕茸者免爲民六月 上諭吏部曰天下府州縣官一歲一朝未免曠官滋費自今定爲三年一朝齎其紀功圖冊赴部考覈布按二司官亦然著爲令 是年八月 命吏部都察院考察在外方面及郡縣官之昏懦不才者罷黜之凡在外大小衙門官員考察洪武六年令監察御史及按察司舉有過犯具奏黜陟

續文獻通考卷之五十四

二

四百五十四

建文建文二年春正月丙寅朔天下官來朝免賀成祖永樂五年十二月廣東布政徐奇入 覲載嶺南藤簞將以饋 廷臣邏者獲其單目以進 上視之無楊士奇名乃獨召問故士奇曰奇自都給事中受 命赴廣時衆皆作詩文贈之故有此餽臣時有病無所贈不然亦不免今衆名雖具受否未可知且物甚微當亦無他 上意解即即單目付中官令毀之一無所問 十一年夏四月 上謂呂震曰朕嘗命布按二司及府州縣官至京者陳民間利病近有以時和歲豐民安物阜爲言者及驗視之田野荒蕪人民饑寒水旱蟲蝗皆不以聞朕已寔諸法今後所言有切民情治理者宜旌賞

之否則重懲勿貸

宣宗宣德五年正月初天下 朝覲官至京 上命行在

吏部廉察其賢否又令方面官各具所屬官貪官及不

稱職者上名吏部至是吏部奏貪污者二十五人當充

邊軍老疾及鄙猥無能者五十五人當北京為民上曰

老疾者鄙猥無能者皆罷歸為民貪污者民之害宜發

戍邊 是年令廉察 朝覲官員貪污者發邊衛充軍

老疾鄙猥者為民其考滿月日已過者回任後將行過

事跡造冊送今于上司依例考覈差人奏繳

英宗正統九年令廣西臨邊縣分係裁減衙門免其 朝

覲須知文冊府州縣類進 十年令 朝覲官員廉能

續文獻通考

卷之五十四

四

四百五

著稱治行超卓賞衣服一襲鈔一百錠仍 賜宴于禮

部 十年春正月 宴天下來朝賢能官布政丁鉉等

于禮部先是刑科給事中鮑輝言天下各官來朝乞

勅吏禮二部詢訪有廉能者稱治行超卓者禮部官引

赴 御前面獎勸賞吏部具錄姓名待其考滿舉薦擢

用上從之至是會舉司府州縣官丁鉉等 賜以

勅諭宴于禮部是年給事中鮑輝題洪武十八年以來

府縣正官佐貳官超出郡職者十有三員悉加遣官勞

以尊酒永樂七年汶上縣知縣史誠賦役均平撫民有

方翰林院寫 勅書陸濟寧知州仍掌縣事禮部差人

將酒一尊鈔一千貫緋金紗衣一套賞之今來朝運使

等官丁鉉等十員係會官訪察廉能治行比眾為優宜

加獎勸賞勞奉 旨已與 勅諭每人賞衣一套鈔一

百錠禮部與吏部記待陞用 十四年令考察存留

官員內有才行兼優政跡顯著及守已廉潔人無間言

者行各撫按官買辦采幣羊酒齋獎仍不次擢用

英宗天順四年令 朝覲官賢能卓異者 賜宴及衣如

例 是年令 朝覲官員才行超卓政績顯著者 賜

宴禮部仍賞衣服一襲鈔一千貫老疾者致仕罷軟無

為者冠帶間住食酷分在逃者為民才力不及者斟酌

對品改調 是年春正月天下諸司官吏 朝覲至京

上召李賢謂曰 朝覲之弊不可不革賢曰誠如

續文獻通考

卷之五十四

五

四百五

聖慮即出榜示約不許與京官交通餽送主物亦不許

下人挾讐告害由是肅然不犯 上曰黜陟之典亦當

舉行賢曰此 祖宗舊制時吏部都察院退其不職者

數百人旌其才行超卓政績顯著者布政以下賈鈐等

十人 賜以衣服幣幣禮部進宴 命太監牛玉及李

賢王翺待宴隨於其中召布政蕭璠為禮部尚書賈鈐

為副都御史

按是年布政官賈鈐等十員弘治十五年布政等官周

孟中等六員正德九年布政等官陳恪等一十六員俱

行撫按獎勵

憲宗成化五年奏准雲南長官司免來朝州縣裁減去處

止該吏一名齋文隨司府州縣官員進繳其各府首領  
官遇邊務差占亦免來朝 六年九月吏部言邇者兩  
奉 詔旨以人才難得恐考察黜退官中尚有一二可  
用者 命臣等集議臣等詳審得廣西平樂知府袁襄  
山東泰安知州畢宗賢河南修武知縣劉昭山東濟寧  
州判官張寧歷城主簿郝志道俱在被黜之數舍短取  
長尚有可用其餘一時難知不敢泛舉至於伸訴奏告  
之人難以准理宜照舊發遣從之 十一年春正月吏  
部奏罷 朝覲官布政使楊文琳按察使王琳等一千  
三十一員 十四年春正月吏部以 朝覲奏老疾罷  
軟貪酷及素行不謹官二千十六員 詔老疾者致仕  
罷軟不謹者冠帶閑住貪酷者為民惟福建右布政鍾  
清浙江按察使劉紆江西按察使趙啟清慎正直中外  
所聞為權奸忌陷俱列不謹君子惜之紆忠愍公球之  
仲子也學行為尤著云 十六年十二月吏科給事中  
王瑞等言比湖廣江西等處巡撫等官各奏所部灾傷  
民饑盜起請免各官明年 朝覲臣等以為 朝廷  
命官初意惟欲其安養生民撫綏地方今民饑盜起皆  
各官不職所致正當罪以示警顧乃為之請留前後因  
仍恐為定制諸司正官既留則進退人才無由而審止  
憑巡按等官所報揭帖則考察之典亦應故事而已且  
地方多事自宜設法拯濟何至故違舊制使 朝覲大

典漸至廢弛明年來朝分在任官乞嚴加考察或有不  
公者聽科道糾之庶足以為徇情欺罔之戒 上曰三  
年述職 國家舊典若徇所司各庇其屬有貪暴荒怠  
者烏得而覈之給事中言是其令吏部知之 二十三  
年正月吏部尚書李裕建言 朝覲考察天下官員乞  
創立才力不及一例照品級調簡僻衙門用從之遂為  
定制  
孝宗弘治元年令考察罷閒官吏在京潛住有擅出入  
禁門交結者各門官盤詰拿送錦衣衛打一百發烟瘴  
地面永遠充軍 六年令方面知府年老未考滿罷軟  
無為非本部訪有實跡或有巡撫巡按止是一處開報  
一併其餘官員到任未及二年非老疾貪酷顯者者俱留  
辦事且令朝覲之年先期行文布按二司考合屬巡撫  
巡按考方面年終具奏行各該衙門立案待來朝之日  
詳密考察如有不公許其伸理其科道官必待吏部考  
察後有失當方許指名糾劾 八年奏准各處巡撫巡  
按會同考察布按二司分直隸府州縣各監運司行太  
僕寺苑馬寺等官賢否如無巡撫巡按會同清軍或巡  
撫考察俱無巡按自行考察其布政使按察使及分巡  
分守分府知州知縣分司寺正官各訪所屬官員賢  
否開具揭帖送巡撫巡按以憑稽查其巡撫官當 朝  
覲之年仍具揭帖密報本部止據見任不謹名目不許

追論素行其開報官員若受僭任情議擬不當本部都察院分科道官指實劾奏罪坐所由若被黜官員有不暇考察撫按妄奏者發遣為民 十六年奏准陝西洮河西寧茶馬司大使等官俱免 朝覲止今該吏部冊應朝 十七年五月 勅吏部都察院比年考察 朝覲官員率多撫按官考語多不得實爾等詢訪亦欠周詳以致賢否倒置明年正旦適當 朝覲之期宜預行撫按官從公開報爾等備悉叅詳精白一心秉持公道庶幾澤被生民上回天意其欽承之

武宗正德八年令各處被災被兵地方許撫按官預先勸實具奏免其正官 朝覲若有科欽官民者仍許提問

續文獻通考卷之五十四

木

四百四十四

勅奏 九年令 朝覲官各陳地方利病又區處方略吏部行各該衙門斟酌會議奏請施行 十年令 朝覲官員庶能著稱治行超卓者賞衣一襲鈔百錠仍賜宴于禮部至十四年給事中趙漢奏不拘官職出身不論來朝在任行各撫按支給官錢每官買辦綵段一表裡羊一牽酒二樽遣人齎獎超擢以彰激勵奉 旨考察過應劄官員內有才行無優政績顯著及守已廉潔人無間言的依擬旌獎不次超用

世宗嘉靖二年題准方面知府正官考才力不及者照京官不及降調例不許止議調簡 六年令 朝覲考退官員果有執法被誣奪職許大臣言官即時論辯吏部

查司否具奏定奪 八年令求朝官員各陳地方民

情利弊興革事宜開送二司官取其可用者類送吏部都察院看議奏請 又令吏部將賢能官員分別等第

奏聞優等官員查照舊例奏請宴賞給與 誥勅 十一年 詔吏部將賢能官員分別等第開奏來開優等官

員查照舊例奏請 賜宴賞資給與 誥勅以寵異之但要簡拔精當則人心自服如此行之庶幾人人有所奮勵各修職業守令自重民生自安矣部院大臣其體

朕此意推廣而行毋得徒應故事 十六年以考察全提考語未免失實令吏部都察院先事秉公查訪旌別

黜陟 十二年題准 朝覲考察預行各該撫按官冊

續文獻通考卷之五十四

九

四百四十五

三年內所屬大小官員不分陞調考滿丁憂起送緣事在逃等項凡係廉勤公謹及貪酷罷軟不謹老疾才力不及者各手注考語密封送部以憑考察務要賢否明白去留可據如毀譽任情是非淆亂及枝詞蔓語自相矛盾者聽本部都察院指實奏 二十四年奏准各衙門黜陟降調官員不許在京潛住造言生事撓拾妄奏違者不分有無冠帶俱發口外為民 二十五年令部院嚴加查考如有貪酷實跡者不拘曾經撫按旌舉俱要開奏罷黜

是年奏准考察後陞調事例凡應朝大小官員陞調外任者不問已未領憑俱要到部聽候考察事畢改給憑



限赴任違者奏罷職 凡應朝不到官員係堪存器  
人數患病者查實着令復任丁憂者查明准令守制其  
不係患病丁憂者以逃論 又題准方面等官應朝逃  
回者行各撫按備查因何事故如有賊私實跡嚴行本  
處官司提問追贓照依律例從重問擬

穆宗隆慶元年八月以虜患免山西大同太原二府并各  
屬應蔚渾翔保德岢嵐忻代八州大同懷仁山陰馬邑  
靈丘廣昌靈河曲興嵐繁峙五臺靜樂臨寧定襄寧鄉  
十七縣及行太僕寺正官來朝 以水災免湖廣荊漢  
二府及江陵公安石首監利均州襄陽襄陽南漳宜城  
穀城商州洋縣各正官來朝 南直隸浙江撫按官各

續文獻通考

卷之五十四

十

四百五十一

以地方災寇奏免淮揚二府及枕寧溫台四府正官來  
朝吏科王治言 朝覲大典六府官不宜援有事例乞  
免 上命仍來朝如制 十二月 諭吏部 朝覲官  
來京 祖宗時不許各處營求於是尚書楊博等都御  
史王廷等給事中王治等各上疏請嚴行申飭内外官  
有私相問餽五城御史以聞從之 二年正月陝西副  
使姜子羔言入 覲官各有道里費及餽遺私齎宜令  
進獻羨餘以佐 國計布政司官銀三百兩按察司官  
二百苑馬行太僕二寺官一百運司及府正官二百五  
十佐貳官一百州縣正官二百佐貳官五十首領及邊  
遠者量進疏入 上曰進獻非事理 朝廷亦不籍此

足用不許第以諸司路費皆取諸民令御史查照原給  
銀數追收貯庫自後進表 朝覲官更不得派給累民

四年題准考察官員不分方面有司若才力不勝繁  
劇尤堪以原職調用者擬調簡僻地方若原非煩劇不  
堪以原職調用者擬調開散衙門其跡涉瑕疵尚未大  
者者擬降級或才力不宜有司文學尤堪造士者擬改  
教若先經調簡再考不及者即擬罷軟仍咨行各撫按  
官以後論劾不及官員悉照前欵明白考注以憑議覆  
不許只爲含糊降調之說 是年給事中光懋等題准  
兩廣見在用兵要查某處事勢危急及各省地方果有  
災傷賊情事勢重大正官必不可缺者量留數員料理

續文獻通考

卷之五十四

十一

四百五十二

其一切零賊小災及兩廣不用兵郡縣俱要責令依期  
入覲奉 旨依擬 本年御史王嘉賓等奏覆考察多  
寡之間不當容心雖一方果有不肖固不必較數省之  
中以爲常亦不當視往歲之數以求加如有過跡可疑  
蒞任極淺者尤當容令改圖至於科道拾遺舊止及於  
方面而知縣以下不與焉今次仍當照例申明不許緊  
及有司以免風聞之誤奉 旨依行 是年題准已經  
考察間住後朦朧在任官員行巡按巡撫擒拿問罪冒  
支俸糧追去還官 是年十月 聖諭非時考察科道  
凡故相徐階門生故吏鄉里親友及助階攻高拱者削  
籍謫外有差考察之日趙貞吉惡其不公大詬于部堂

五年議罷卓異貪汙之尤者各疏名上 請賞則悉

照舊典公之 朝堂量行宴 賜以昭其寵罰則除

詰勅已迫仍發撫按嚴行追賊以盡其辜不係來朝及

聞報逃回者轉行各撫按官一體獎賞追問奉 旨依

行 又該部給事中韓楫御史孫丕揚等條陳貪酷之

罰着實舉行有按察使等官楊綵等一十五員俱庶能

卓異知府等官徐必進等二十一員俱貪肆之甚通判

等官畢效欽等四員俱酷烈之甚奉 旨楊綵等既賢

能卓異依擬宴賞徐必進等貪酷異常都着革了職爲

民仍行各該巡按御史提問具奏 是年二月 勅諭

天下 朝覲官曰朕續承大業五年於茲夙夜兢兢惟

續文獻通考 卷之五十四 十二

敬天勤民是務顧四方萬國豈朕一人所能徧察所冀

承流宣化又安元元實賴爾藩臬郡縣諸臣與朕分理

共圖至治茲當大計群吏之期既令所司審復簡汰其

貪虐異常者仍盡法重按之政績卓異者特 賜宴賚

用彰彝典令爾等各還舊任尚益加省勵恪守乃職守

法奉公約已惠下俾生民樂遂德澤旁流庶副朕眷賢

求治之意如或殃民自殖怠棄官常憲典具存朕不爾

貸爾等其勉之戒之欽哉

今上萬曆元年正月奉 旨朝覲考察係重典朕臨御之

初方精覈吏治圖寧邦本便行與各該撫按官將所屬

官員賢否務要虛心秉公定注考語部裏還細加詢訪

有徇私報復模糊抄寫是非失實的即便參來處治來

朝正官說事支漫附和的以罷欺論 是年題准今後

考察凡方面已陞京堂者止聽兩京科道官論劾各撫

按官不得一槩參論 二年令吏部都察院將來朝官

員有廉能超衆者查實具奏引至 御前面加獎賞仍

賜宴于禮部其貪酷異常者着錦衣衛拏送法司問

罪不應朝者着各該巡按御史提問 本年正月 聖

諭朕御極之初深思治理惟以察吏治安民生爲要務

茲 朝覲考察方面有司官其中有貪酷害人及廉能

超衆實心愛民的着吏部都察院不拘出身資格官職

大小從公分別賢否查具實跡并保薦論劾之人另本

續文獻通考 卷之五十四 十三

開坐有布政等官謝鵬舉等二十五員奉 旨道廉能

官着吏部都察院堂上官并吏科都給事中掌河南道

御史引來會極門朕面加獎賞知府等官賈洪等一十

八員俱貪酷奉 旨這貪酷害民官都革了職爲民見

在應朝的錦衣衛等送法司問其餘的各該巡按御史

提問具奏隨該錦衣衛鞫具奏 內閣張居正等題

請 欽定行禮日期奉 旨十八日行禮 該具儀來看

該吏部酌議上 請欽奉 明着先行演習本日恭荷

皇上 御會極門將見在應朝廉能官謝鵬舉等二

十員引至 御前 皇上親發 王音你每都是好官

回去還要用心供職替朕受養百姓在外的都傳與他

每知道又 命與他賞賜還與酒飯吃 五年令廉能卓異者紀錄擢用貪酷異常者各巡按御史提問追賊具奏 七年題准 朝覲官員回任違限一月之上問罪三月之上送部別用半年之上罷職不叙 十年議准先會調用官員再考不及者查果才力綿弱即照罷軟例開住如以別事議調才力尚有可用仍照不及例酌量改降 十三年議准致仕官員有志甘恬退爲親告休者不得復入考察 又題准 朝覲事例凡官員棄職回籍若情有可原事無規避會經申請奏報稽遲不得已而始去者撫按官遇大計之時止坐以擅離之罪另本論斥另文革職不必類入考察數內槩坐以逃竄不獻通考 卷之五十四 十四 四百五十五條

其新選新陞輒棄官不任者查無觀望規避重情止昭過違憑限事例革職開住亦不得槩以逃論 十七年令天下諸司官吏來朝明年正旦各造事跡文冊仍畫土地人民圖本俱以十二月二十五日至京其服色各以品級爲差惟雲南遠在邊鄙特免其來 二十二年都察院奏先年事例天下 朝覲官員入京本院預將禁約事宜請 旨出榜禁約 一謂在京官吏軍匠各色人等不許挾奸嚇騙投揭陷害外官 一謂 朝覲官員不許交通京官營求打點即門生故屬不得私相交際 一謂被論黜官員不許捏情奏辯及父兄弟弟托故代辯或因而挾仇反噬 一謂入 覲需用官員

不許明肆餽遺陰擬賄賂在京官員亦不得先送下程開設筵宴 一司府各官不許派令所屬供應及備送鄉官禮儀 以上數端俱當嚴行申飭乃臣等又准往年餽遺之禁能止其不以非儀顯加於閒曹卑秩而不能止其不以縉禮暗投于要地尊官是使人心愈壞而吏習愈卑即敝風難遽以轉移而矯枉不嫌于過正合無責成于吏部分本院及九卿堂上六科十三道等官各嚴拒餽遺有暗投者即從直糾發則外官安肯甘心餽遺自罹法網奉 旨俱依擬着實行 是年吏部尚書孫丕揚奏二十三年正月初一日例刻天下官員朝覲本部會同都察院一應禁約事宜議案呈出示曉

續文獻通考 卷之五十四 十五 四百五十六條

論遵守 一來 朝覲官到城外在京官不許私出相見入城之日不許乘夜潛謁巧托夤緣及私令家人往還透漏消息其私求囑托節奉 明禁但其勢要官員無故而爲人薦揚伸理者所薦之人雖素稱賢能其爲鑽刺可知定以不謹論黜 一投文見部之日布按二司及知府俱遵照慶奉 欽依將所屬各司道各府佐州縣正官貪酷異常者無論撫按已劾未劾無論已經優薦具揭帖開其實跡密封到部惟各官所真知酌見毋得觀望撫按迴避勢要如各官隱匿本部別有訪聞則各官之不能察吏可知即以不及議處 一考察過堂來朝方面分運司各直隸府州縣官各將屬官賢否

從實聲說如有冤枉許爲辯白如有俸習許爲糾舉若  
狗私庇護挾忿誣害及含糊兩可觀望雷同本官才品  
即此可見本部考察方面以此爲第一義毋自貽悔

一各官坐達節年各省官員俱于十二月二十六日坐  
起至考察完日止該吏科條議要將坐達盡行裁革隨  
該本部會同都察院覆奉 欽依量搭數間爲各官聽  
考察過堂之所各省方面官員如遇聽考之日務要鈐  
束屬官在寓安心靜坐其該考察之日照依派定次序  
坐達以聽掣籤至晚候牌方散其日用之數俱從簡省  
不許擡扛層架聚飲喧譁違者巡宿官吏拏獲稟究仍  
當謹慎火燭本部行五城兵馬司各委官一員帶領火

續文獻通考

卷之五十四

十六

四十五

甲不時巡視及把截閒雜人等不許擅進達舍私相交  
通 一來朝官員或有假以開報賢否爲由嚇取僚屬  
財物及索要土儀派令餽送者訪出以貪論有容所屬  
僱房雇役并各項供給以不謹論其不遵嚴禁沿襲舊  
套潛行饋送京官者聽五城及緝事衙門照屢次題奉  
欽依緝拿重究或本部訪出特參究治 一搭蓋蓬  
廠近經條議裁減照例創行順天府動支官銀各役工  
食俱已究給其考察流水等冊俱係本部自造并行都  
察院謄寫如有假稱匠役及造冊人役需索財物者許  
來朝各官稟明本部拿究具見風力如聽信詭騙本部  
訪出以不及議處 一本部文冊關防嚴密如有無賴

棍徒指稱本部弟姪子男家人各色及吏書火房冊庫  
長班各役潛到各官稱說洗改劣考可圖倖免及抄送  
優考需求賞犒許來朝官即時拿送本部參送法司從  
重論究本官才力可知另行優處雖已經論劾官員亦

得分別稍從末減若各官縱容聽其詐騙者事發一併  
重究 一在京在外官吏軍民人等敢有詐冒緝事名  
色挾要來朝官員財物并捏執詞狀向各官嚇騙者許  
歇家同被害之人拿送本部轉送法司照例問遣 一  
投遞私揭節奉 明禁近來各緝事衙門通不緝拿致  
使匿名揭帖得黏布街衢甚有聽人指使捏詞奏告陷  
害官員本部密差的當人役仍行五城及緝事衙門嚴

續文獻通考

卷之五十四

十七

四十六

訪拿究仍聽諸人首告拿者照舊題准事例比捉獲強  
盜條格陞賞原詞棄毀不行 一存留二司府州縣正  
官事畢之日各具揭帖一通備開某地方有何賢人伏  
在巖穴堪備起用有何才士抑在下僚當與振拔邊方  
助勦何人堪寄干城督撫重鉅何人堪授節鉞文學德  
行誰可備督學之選循良卓異誰可應 聖書之徵上  
自 廟堂之大計下至閭閻之細微何利當與何弊當  
革各舉所知備開報部每一樣二本以憑採擇施行各  
官經濟之畧具于此而可觀焉 一被黜官員即便辭  
朝回籍若潛住京師撝拾妄辯者不分有無冠帶照  
例問發口外爲民其存留官員即依限赴任不許遲延

曠職業如違例限聽各撫按奏處治奉 旨依擬行

軍官考察事例

今上萬曆二十二年三月兵部奏兵科都給事中張棟等  
條陳三事 一議軍政之限所當定大約爲各省  
選軍政前後具 奏參差不一乞要一如文臣考察事  
例依期具疏照得考選軍政之期本部于前十月內先  
期題請通行各省直撫按所屬官員覆加考選依期具  
奏聽本部覆議上 請今據各該撫按軍政素抄到部  
遲速不齊以致陸續題覆煩瑣非體相應依擬通行各  
省直撫按衙門凡遇五年考選軍政一如文臣考察之  
例無論地方煩簡路途遠近俱先時考定于該考年分  
續文獻通考卷之五十四 十八 四百五十四

十月內齎疏到京十一月初一日赴通政司類報具

奏本部查明類覆如有稽延後期者聽本部分該科查  
參及照各省直掌印僉書都司與衛所官俱一時考選  
即當一疏具奏今查有同一疏者有各一疏者亦屬參  
差相應依議以後考選軍政將各都司分別優劣叙于  
衛官之前一併具奏不得又各具疏 又議考選之例  
所當重大約各省直軍政素冊參差違例及謂賢否失  
真進退不一乞要定爲 典制照得考選例有素冊青  
冊今查各省直有遺冊者有以青冊代素冊送科者委  
非慎重之體應如科臣所議通行各省直撫按衙門凡  
軍門考選具奏之時以素冊送科青冊送部以憑查核

如仍前疎漏草率者聽該科查參至各官賢否則巡撫  
年終巡按復 命將所屬武官考語造冊送部本部點  
陟則又專憑撫按舉劾與所造考語相同質對其五年  
考選在京衛者博訪巡視京營 皇城科道等官及驗  
軍主事各開造賢否併參前後差御史平日之所薦論  
獎戒者以定去留俱無敢輕忽惟近時被薦者或擬韓  
白或擬孫吳直將並之鷹揚而盛名則難副也無幾又  
以劾去矣被劾者賊至數百賊至千餘殆不勝狼籍而  
究竟止革籍也無幾又以薦起矣是舉刺無所實據則  
用舍安得定衡如于薦者止擬其二三實事而錄之  
不必爲四六之套語若全材爲難或用其所長畧其所  
續文獻通考卷之五十四 十九 四百五十五

短不嫌並陳鼓舞之中寓砥礪之意於應劾者亦據其  
二三實事而刺之無盡據訪單之風聞若貪暴顯者或  
審實於被害或審實於佐証然後提問參問之後無展  
轉之端查得參劾文職者節奉 聖旨前有 旨各撫  
按訪有所屬官員惡跡或被告許即便嚴提干証面審  
果有實跡方行論劾近來各官通不遵行始則輕行論  
劾以著風力終則模糊問擬圖了前件以致公道不明  
罪有枉縱今後再有這等的著吏部都察院從公查處  
參治欽此參劾武職亦當遵照比例其薦之也求實則  
被薦者勸不至于方進復退其劾之也求實則被劾者  
懲不至于方蹶復起矣 又議武官糾拾之例所當嚴

大約爲邊腹將領及錦衣衛南北司官糾拾不及無以  
示懲照得武察與文察不同經文察者攢斤終身經武  
察者有薦復用文察則潘臬郡邑之長俱集於京師  
採訪爲便武察則止據撫按之疏以爲去留此外耳目  
難寄體察難周且慮棄而復用必生玩易慎無輕棄以  
免數易故先年武察糾拾內止于五府錦衣衛堂上官  
外止于邊腹總兵及副總兵有府衙應自陳者就其閱  
歷之最少責任之最重者而糾之若副叅遊守都司等  
官在京營每年有巡視科道糾劾在邊腹每年有督撫  
按臣糾劾而臨時又有備考察者故言官糾拾未議及  
此近來人心日玩武備日弛則澄汰之法宜益加嚴至  
續文獻通考卷之五十四  
二十

於錦衣衛南北兩司不在自陳之例先年亦有糾拾之  
例今應酌議除僉書都司及守備把總衛禦提調等官  
仍聽各撫按考察或不得論劾外則邊腹副叅遊擊掌  
印都司及錦衣衛南北兩司凡遇考選畢日悉聽言官  
糾拾如漏網者多則不拘泥于舊數以致倖免如應刺  
者少則不必盡取盈于舊數而爲苛求庶武弁皆知惕  
勵而于軍政大有裨矣

### 王官考察事例

穆宗隆慶三年題准除良醫典樂引禮舍人原無陞補照  
舊不考外其護衛首領典簿典膳奉祠典寶典儀工正  
教授及郡王教授典膳等官務與長史審理紀善一體

查叢有老疾不謹及玷缺年深者各該撫按官開奏  
五年題准長史有貪肆者不必候六年考察許不時參  
劾以憑懲治



續文獻通考卷之五十五

皇明進士雲間王圻纂輯

學校考 太學

宋理宗紹定二年臣寮言國子監內外學校之官令於士子程課之外迪以義理之學勵以行誼之實從之又奏近年士習萎靡乞申飭賢監師儒之官專意訓導使之痛習經傳考訂義理課試選論須合體格去浮華之弊轉移士風從之 端平二年詔榮文恭王府皇后宅置教授各一員皇后宅可依紹興舊典四姓小侯立五經師之遺意三省并行省參酌以聞 淳祐六年詔曰朕臨朝願治每念乏才有意作成既親書扁題分賜諸學續文獻通考卷之五十五 乙 三

并賜諸生束帛以示激勵其令二三學官於前廊長輪及齋生中公舉經明行修氣節之士別議旌賞京學如之 度宗咸淳八年詔加太學餐錢寬料場恩例從賈似道之請也

丘氏濬曰處士橫議必在國家未造當隆盛時無此事也方漢盛時無有所謂浮議也而黨錮之興乃在桓靈之世宋時忠厚立國不殺士大夫當時士大夫毅然以氣節名義爲重一遇國家有事輒明目張膽別白言之不少顧忌往往以此得美名躋顯位不幸禍譴遭遷謫以去及其事久論定直聲勁節亦從此益大以著士大

夫習見其然其中不逞者遂借此以爲取名之階進身之徑其流弊之極遂至學校所養之士亦效尤之至於景定淳祐之間朝廷任一宰執用一臺諫稍不若衆心三學之士相率攻之必去其人而後已賈似道入相度其不可以力勝遂以術籠絡之於是加太學餐錢寬料場恩例三學之士啖其利而感其恩目擊似道之誤國噤不敢出一聲甚至要君去國亦上書贊美挽留之無所不至嗚呼三學諸生平日所以叩閣上書經臺授卷者無非仁義之言聖賢之道至是其心迹盡露矣嗚呼士大夫之在學校者尚知所以自守而毋蹈宋人之失哉或曰學校之士遇國家有事上下蒙蔽之時亦可以

續文獻通考卷之五十五

二

四

默與曰漢之王成唐之何蕃宋之陳東當言而言專爲國而不爲私是固君子之所與也

宗學 寧宗嘉定七年秋七月復建宗學置博士教諭各一人弟子員百人在屬籍者三歲一試補弟子員如太

學法 九年以宗學隸宗正寺

理宗淳祐元年七月詔以宗學博士諸王宮大小學教授輪日詣榮邸講授

小學 理宗嘉熙元年詔建內小學擇宗子十歲以下資

質美者二三人置師教之 淳祐二年詔建內小學置

教授二員選宗室子俾就學 八月詔小學開講 七

年正月詔皇姪孟啓特授宜州觀察使建資善堂于內

小學置直講贊讀二員

遼

太祖時置上京國子監設祭酒司業監丞主簿時南京

立太學

聖宗統和九年八月以南京太學生員遷廣特賜水磴莊

一區

道宗清寧五年詔設學養士頒經及傳疏置博士助教各

一員六年六月中京置國子監

金

海陵天德三年始置國子監定制詞賦經義生百人小學

生百人以宗室及外戚皇后大功以上親諸功臣及三

續文獻通考卷之五十五

三十五

品以上官兄弟子孫年十五以上者入學不及十五則

取有物力家子弟年十三以上二十以下者充凡會課

三日作論策一道季月私試如漢生制

章宗太和元年九月更定贍學養士法國子生人給民佃

官田百八畝歲收以所入租官爲掌其數

筭學金制凡司天臺學生女直二十六人漢人五十人

聽官民家年十五以上三十以下試補又三年一次選

草澤人試補其試之制以宣明曆試進步及婚書地望

新書試合婚安葬并易筮法六壬課三命五星之術

醫學金制凡醫學十科大興府學生三十人餘京府二

十人散府節鎮十六人防禦州十人每月試疑難以所

對優劣加懲勸三年一次試諸太醫雖不係學生亦聽

試補小學國子學及女直國子學內皆設之

元

太宗六年設國子總教及提學官以馮志常爲國子學總

教命侍臣子弟十八人入學

按此元置學之始也夫以一蠻夷之主金革未定即思

文教之興豈夫子所謂夷狄之有君與

世祖至元六年七月癸酉立國子學七年命侍臣子弟

十有一人入學以長者四人從許衡童子七人從王恂

至二十四年立國子學而定其制設博士通掌學事分

教三齋生員講授經旨究正音訓上嚴教導之術下考

續文獻通考卷之五十五

四

習字

肄習之業復設助教同掌學事而專守一齋正錄申明

規矩督習課業凡讀書必先孝經小學論語孟子大學

中庸次及詩書禮記周禮春秋易博士助教親授句讀

音訓正錄伴讀以其次傳習之講說則依所讀之序正

錄伴讀亦以此而傳習之次日抽籤令諸生復說其功

課對屬詩章經解史評則博士出題生員具藁先呈助

教俟博士既定始錄附課簿以憑考校許衡又著諸生

入學雜儀及日用節目是年又命生員八十人入學

俾永爲定式而遵行之八年命設國子學增置司業

博士助教各一員選隨朝百官近侍蒙古人子孫及俊

秀者充生徒九月選胄子脫脫木兒等十人肄業小學

十年劉秉忠等請增置生員從之

十三年不忽木與同舍生堅童太答禿魯等請廣學制  
疏畧曰堯舜禹湯文武之世莫不有學故其治隆加上  
俗美於下而為後世所法降至漢朝亦建學校詔諸生  
課試補官魏武帝起自北方既定中原增置生員三千  
儒學以興此歷代皆有學校之証也臣等今復取平南  
之君建置學校者為陛下陳之晉武帝嘗平吳矣始起  
國子學隋文帝嘗滅陳矣俾國子學不隸太常唐高祖  
嘗滅梁矣詔諸州縣及鄉並令置學及至太宗數幸國  
學增築學舍至千一百間國學太學四門學亦增生員  
其書筭各置博士乃至高麗百濟新羅高昌吐蕃諸國

續文獻通考

卷之五十五

五

四十五

苗長亦遣子弟入學國學之內至八千餘人高宗因之  
遂令國子監領六學一曰國子學二曰太學三曰四門  
學四曰律學五曰書學六曰算學各置生徒有差皆承  
高祖之意也然晉之平吳得戶五十二萬而已隋之滅  
陳得郡縣五百而已唐之滅梁得戶六十餘萬而已乃  
其重學校已如此况我堂堂大國奄有江嶺之地計  
亡宋之戶不下千萬此陛下神功自古未有而非晉隋  
唐之所敢比也然學校之政尚未全舉臣竊惜之臣等  
向被聖恩俾習儒學欽惟聖恩豈不以諸色人仕宦者  
常多蒙古人仕宦者尚少而欲臣等曉識世務以任陛  
下之使令乎然以學制未定朋從數少譬猶責嘉禾於

續文獻通考

卷之五十五

六

四百五十五

數苗求良驥於數馬臣等恐其不易得也為今之計如  
欲人材衆多通習漢法必如古昔偏立學校然後可若  
白未暇宜且於大都弘闡國學擇蒙古人年十五以下  
十歲以上質美者百人百官子弟與凡民俊秀者百人  
俾廩給各有定制選德業允備足為師表者充司業博  
士助教而教育之使其教必本於人倫明於物理為之  
講解經傳授以修身齊家治國平天下之道其下復立  
數科如小學律書筭之類每科設置教授各令以本業  
訓導小學科則令誦讀經書教以應對進退事長之節  
律科則專令通曉吏書書科則專令曉習字畫筭科則  
專令熟閑筭數或一藝通然後改授或一日之間更次  
為之俾國子學官總領其事常加點勘務要俱通仍以  
義理為主有餘力者聽令學作文字日月歲時隨其利  
鈍各責所就功課程其勤惰而賞罰之勤者則升之上  
舍惰者則降之下舍待其改過則復升之暇日則聽令  
學射自非暇日無故不令出學數年以後上舍生學業  
有成就者乃聽學官保舉蒙古人若何品級諸色人若  
何仕進其未成就者且令依舊習學俟其可以從政然  
後歲聽學官舉其賢者能者使之依例入仕其中不可  
教者三年聽令出學凡學政因革生員增減若得不時  
奏聞則學無弊政而天下之材亦皆觀感而興起矣然  
後續立郡縣之學求以化民成俗無不可者臣等愚勿

見於書聞於師者如此未敢必其可行伏望聖慈下臣此章令諸老先生與左丞王贊善等商議條奏施行臣等不勝至願帝覽之喜

翰林集賢學士程鉅夫奏曰臣聞國家天下必需才以爲用而人才之盛非自盛也全在國家教育之勤其衰也反是參之歷代可考也國家自中統建元以來中外臣寮亦時聞表表偉傑者皆自往時故老宿儒薰陶浸灌而然歷時既久以次淪謝邇來晨星寥寥無幾何矣臣不知更十餘年後人物當何如其瑣瑣也而主國論者恬不知怪視學校爲不急謂詩書爲無用不知人才盛衰張本於此蓋嘗有自行貢舉求好秀才上意非不續文獻通考卷之五十五

七

四百五十六

續文獻通考卷之五十五

八

四百五十六

時各道儒司悉以曠官罷浙西道儒學提舉葉李召至京師上奏曰臣欽觀先帝詔書嘗創舉軍務繁劇尚招致士類今陛下混一區宇偃武修文可不作養人材以弘治道各道儒學提舉及郡教授實風化所係不宜罷請復立提舉司專令提調學官課誨生講明治道而上其成材於太學以備錄用凡儒戶徭役乞一切蠲免帝可其奏二十四年設國子監立國學監官祭酒一員司業二員監丞一員學官博士二員助教四員生員百二十人蒙古漢人各半官給紙劄飲食仍隸集賢院葉李爲尚書左丞一日從世祖至翰林奏曰善政不可以徒行人才不可以驟進必訓以德義摩以詩書使知古聖賢行事方略然後賢良輩出膏澤下流唐虞三代咸有胄學漢唐明主數幸辟雍非爲觀美也乃薦周砥等十人爲祭酒等官凡廟學規制條具以聞帝皆從之

翰林國史院檢閱官袁桷上國學議曰成周國學之制略見於大司樂其遺禮可法者見於文王世子三代而上詳莫得而聞焉漢武表章六經興太學至後漢爲尤盛唐制微附益之而其制愈加詳密今可考也宋朝承唐之舊而國學之制日陳至於紹興國學愈廢雖名三學而國學非真國子矣夫所謂三舍法者崇寧宣和之弊也至泰檜而復增之月書舉考又甚於唐明經帖括

之弊唐揚綰嘗曰進士誦當代之文而不通經史明經但記帖括或投牒自舉非虛席待賢之意宋之末造頻不出此今科舉既廢而國學定制深存典學教胄子之意倘得如唐制五經各立博士俾之專治一經互為問難以盡其義至於當世之要務則略如宋胡瑗立湖學之法如禮樂刑政兵農漕運河渠等事亦朝夕講習庶足以見經濟之實往者朱熹議貢舉制亦欲以經說會粹如詩則鄭氏歐陽氏王氏呂氏書則孔氏蘇氏吳氏葉氏之類先儒用心實欲見之行事自宋末年尊朱熹之學廢腐舌弊止於四書之註故凡刑獄簿書金穀戶口靡密出入皆以為俗吏而爭鄙棄清談危坐卒至國

盡儒何能以病於世哉

二十五年十一月修國子監以居胄子 二十七年正月勅從臣子弟入國子學

成宗元貞元年三月增置蒙古學正以各道肅政廉訪司領之 大德八年二月增置國子生仍增蒙古生百員至是增置二百員選宿衛大臣子孫充之四月分教國子生於上都 是年冬始定國子生蒙古色目漢人三歲各貢一人 十年二月營國子學于文宣王廟西偏定蒙古色目漢人生員二百人三年各貢二人

武宗至大元年五月御史臺臣言成宗朝建國子監迄今未成請畢其功制可 二年十一月擇衛士子弟充國

子學生 四年閏七月詔興學校上諭省臣曰國子學世祖深所注意如不忽木等皆蒙古人而教以成才朕今親定國子生額為三百人仍增陪堂生二十人通一經以次補伴讀著為式 是年復立國子學試貢法蒙古授官六品色目正七品漢人從七品試蒙古生之法宜從寬色目生宜稍加密漢人生則全用科場之制 仁宗皇慶元年二月徙大都路學所貢周宣王石鼓于國子監命中書平章李孟領國子監學諭之曰學校人材所自出卿宜數詣國學課試諸生勉其德業 二年二月命張珪綱領國子學六月以參知政事許思敬綱領國子學又命監察御史檢監察學官考其殿最旋建崇

文關於國子監 延祐元年二月命參知政事趙延世綱領國子學以齊履謙爲國子司業 四月立回國國子監 二年八月增置國子生百人陪堂生二十八歲貢伴讀四員用集賢學士趙孟頫禮部尚書元明善等所議國子學貢試之法更定之 一曰陞齋等第六齋東西相向下兩齋左曰游藝右曰依仁凡誦書講說小學屬對者隸焉中兩齋左曰掾德右曰志道講說四書課肄詩律者隸焉上兩齋左曰時習右曰日新講說易詩書春秋科習明經義等程文者隸焉每齋員數不等每季考其所習經書課業及不違規矩者以次遞陞

二曰私試規矩漢人驗日新時習兩齋蒙古色目驗志道掾德兩齋本學實歷坐齋二週歲以上未嘗過犯者許今充試限實歷坐齋三歲以上許充貢舉漢人私試孟月試經疑一道仲月試經義一道季月試策問表章詔誥內科一道辭理俱優爲上等準一分理優詞平者爲中等準半分每歲終通計其年積分至八分以上者陞充高等生員以四十名爲額內蒙古色目各十名漢人二十名歲終試貢員不必備惟取實才有試同闕少者以坐齋月日先後多少爲定 三曰黜罰科條應私試積分生員其有不事課業及一切違戾規矩者初罰一分再犯罰二分三犯除名應已補高等生員其有違戾規矩者初犯殿試一年再犯除名從學正錄糾舉之

正錄知見而不糾舉者亦從本監議罰之應在學生員歲終實歷坐齋不滿半歲者並行除名除月假外其餘告假並不准算學正錄歲終通行考校應在學生員除蒙古色目別議外其餘漢人生員三年不能通一經及不肯勤學者勒令出學其餘責罰並依舊規

集賢脩撰虞集上學校議略曰師道立則善人多今天下教官猥以資格注授強加之諸生之上而名之曰師有司生徒皆莫之信如此而望師道之立可乎爲今之計莫若使守令自求經明行脩之士身師尊之以求其德化之及庶乎有所觀感也其次則操履近正確守經義師說爲衆所服者又其次則取鄉貢至京師罷歸者其議論文藝猶足以動人非若泛泛莫知根柢者及爲考官謂同列曰聖經深遠非一人之見可盡不必先有主意若先有主意則求賢之心狹而差自此始矣同列服其言故所取多得人焉

英宗初罷回國子監 至治元年五月命世家子弟成童者入國學 三年四月命張瑄及右司員外郎王士熙勸勵國子監學

泰定帝三年更積分而爲貢舉並依世祖舊制其貢試之法從監學所擬大槩與前法略同而防閑少加嚴密焉其本學正錄各二員司樂一員典籍二員管勾一員及侍儀舍人舊例舉積分生員充之後以積分既革於上



齊舉年三十以上學行堪範後學者為正錄通曉音律  
學業優贍者為司樂幹局通敏者為典籍管勾其待儀  
舍人於上中齊舉禮儀習熟音吐洪暢曾掌春秋釋奠  
每月告朔明替衆與其能者充之 四年九月初國子  
監仍舊制歲貢生員業成者六人

文宗天曆二年勅增伴讀員數初二十人歲貢二人後於  
大德七年定四十人歲貢六人至大四年定四十人歲  
貢四人延祐二年歲貢八人為淹滯既額設四十名宜  
充部令史者四人路教授者四人是後又命所貢生員  
每大比選士與天下士同試於禮部策於殿廷又增置  
備榜而加選擇焉 十一月命中書左丞趙世延提調  
續文獻通考卷之五十五 主 四百四十五

國子監學 至順元年十一月以國子生積分及等者  
省臺集賢院奎章閣官同考試中式者以等第試官不  
中者復入學肄業 二年六月監察御史韓元善言歷  
代國學皆盛獨本朝國學生僅四百員又復分辦蒙古  
色目漢人之額請凡蒙古色目漢人不限員數皆得入  
學不報

順帝元統二年三月詔科舉取士國子學積分膳學錢糧  
儒人免役悉依累朝舊制學校官選有德行學問之人  
以充 至元六年十二月國子監積分生員三年一次  
依科舉例入會試中者取一十八名時復科舉制故也  
後又詔國子生會試不中者同終場下第舉人例授

山長學正 十五年六月中書叅知政事實理門言舊  
立蒙古國子監專教四怯薛并各愛馬官員子弟今宜  
諭之依先例入學俾嚴為訓誨從之

書學 世祖至元九年七月和禮霍孫奏蒙古字已設國  
子學而漢官子弟未有學者及官府文移猶有畏吾字  
詔自今詔令並以蒙古字行仍遣百官子弟入學 二  
十六年尚書省言亦思替非文字宜施于用今翰林院  
益福的哈魯丁能通其字乞授以學士凡公卿子弟與  
俊民依漢人入學肄習為便遂置回回國子學

文宗至順元年九月詔舉蒙古字學  
筭學 世祖至元八年六月令蒙古官子弟好學者兼習  
續文獻通考卷之五十五 十四 三百九十五

皇明

國初都金陵以元集慶路儒學為國子學 洪武三年設  
中都國子學 十四年改建國學于雞鳴山之陽明年  
春作先師孔子廟改國子學為監 二十六年革中都  
國子監

國朝歲報監生冊即周人學士之版也每歲終總一歲諸  
生之數分舉貢官例舊管新收開除實在之目具冊以  
獻於 天府蓋人材興替於是驗焉 祖宗時未有入  
貲之例而在監者輒將萬人今開例極廣而班生落落  
歲終出入不滿千人是不求其故耶

太祖洪武己未遣國子生王文同等一百三十四人歸省  
仍各賜其父母帛各四疋先是上諭中書省臣曰  
諸生入學之日久矣令歸省其親賜其父母帛各四  
疋有妻孥者携以來月與累錢務得其歡此勿惜有司  
費於是同等皆告歸有司如詔賚之三年詔談  
科取士自是國子生得就官闈鄉試十七年三月  
命禮部頒行科舉成式凡三年大比子午卯酉年鄉試  
辰戌丑未年會試祭酒司業擇國子生之性資敦厚文  
行可稱者應之十八年會試國子生多在前列會元  
登一甲一丁顯練上大嘉二十一年三月殿試上  
以監生任亨泰廷對第一召祭酒宋訥褒諭之  
續文獻通考卷之五十五 十五 四百五

命撰進士題名記立碑于監門二十四年三月以監  
生許觀會試殿試皆第一召國子監官褒獎之按  
皇祖設科舉士既許國子生就試而國子生或得舉  
者多或在高等則又以爲喜豈私於國子哉蓋亦敦崇  
教始開勵學途其汲汲者如是也二百年來六館青衿  
仰承休德爭自淬磨每禮闈啓試入對大廷國子生  
居天下人士十之六七且輒褒然爲舉首焉然後知  
聖人之神化流洽於無窮也

成祖永樂二年始以北平府學爲北京國子監今太學是  
也里曰崇教坊在都城東北隅即元國學遺址  
仁宗洪熙元年北京諸司皆稱行在永樂六年定都于北

乃車行在止稱國子監八年重建左廟右學南雍六堂  
居大堂之後茲則分列于前諸弘規密畫一視皇祖  
之舊

英宗正統九年三月初一日大學士李賢請修建國學  
孝宗弘治十四年春掌祭酒事禮部右侍郎謝鐸以廟前  
規度弗稱及諸學舍傾圯題奉欽依修葺是後節年  
修理未能歷記

世宗嘉靖十一年祭酒林文俊題修櫺星門前屏牆及內  
外牆倒塌者時以大駕將臨廟學盡加煥飾近歲工  
部題准凡各衙門修理工計百金以上各衙門具奏  
行部覆修百金以下移部估修廟學各舍宇墻垣以歲  
續文獻通考卷之五十五 十六 四百六

火多圯近或行工部量修或本監節膳夫銀自修然皆  
小補缺敝而已其傾沒已甚者尚不無待於奏請也  
按四代之學虞商貴在郊夏周貴在國在國以敦禮樂  
教化之原在郊以遠朝禘市紛之劇高皇帝卜太學  
于南都之雞鳴山去朝市且十里今太學雖沿元址其  
去朝市亦如之不越都闔而實隔霄會列聖所取蓋  
有深意

#### 北雍規制

成祖初改北平郡學爲國子監正堂七間曰彝倫堂中一  
間列聖幸學俱設座於此上懸勅諭五通東一間  
祭酒公座面南司業座面西堂前爲露臺臺南中爲甬

路前至太學門長四十三丈 聖駕臨幸由之東西爲  
墀諸生列班於此後堂三間東講堂三間西講堂三間  
藥房三間折而東爲繩愆廳三間鼓房一間率性堂  
心堂崇志堂各十一間博士廳三間鐘房一間修道堂  
正義堂廣業堂悉如率性堂六堂乃諸生肄業之所東  
折而南爲廊房九間門一間西亦如之太學門三間門  
東 勅諭碑一通洪武十五年申明學制一通洪武三  
年定學規碑一通洪武初年 欽定永樂三年申明學  
規碑一通洪武十六年并三十年 欽定廟學園碑一  
通廟學規制地界四至丈尺盡勒焉正統十二年十一  
月初四日立外西東并亭一又東爲持敬門以入廟自  
續文獻通考

地人崔仁勇文行忠信規矩準繩紀綱法度九一十八  
號并退省房三連混堂淨房各一所

四夷遣子入學事例

國初高麗遣金壽等四人來入太學 洪武四年濤登進  
士授官縣丞不就乃與三人者同遣歸國明年西夏平  
其國來賀復請遣子弟來學 上以其涉海之難令與  
群下熟議而來 二十一年雲南囉囉土官遣其二子  
入監讀書 二十二年西南諸夷建昌烏撒烏蒙芒部  
各土官皆遣子入監日本國奏遣其官生來學 二十  
五年秋琉球國遣其子及陪臣之子日於每等至上  
命工部給羅絹爲秋衣給鋪蓋從人亦給衣馬 冬琉

球中山王遣其舅仁悅慈等至是時雲南四川等處土  
官時遣子弟民生入監者甚衆 給賜亦每與外夷同  
監前別造房百間居之 永樂二年琉球中山王從子  
三五良璽等九人以謝 恩至京奏請入監 給賜一  
如洪武中故事令工部建王子書房於監前以處焉  
雲南土官生張文禮等入監者二十八人 四川天全  
六番招討使高敬謙來朝亦遣其子虎入監是後滇蜀  
土夷官民生入監多或至六七十人 三年琉球山南  
王遣塞官子李傑至 四年中山王遣塞官子石達魯  
等六人至其後李傑石達魯等在監三年得乞歸省  
九年中山王遣王相之子懷得塞官子祖魯古至十一

卒遣塞官子周魯等三人至是年有奏歸省者 上命禮部厚賜以榮其歸是後乞歸省或令候其使臣還國以行求樂以後至于正德嘗三四遣至焉 嘉靖五年中山王遣官生蔡廷美等四人至十一年歸國十七年遣梁炫等四人至二十三年歸國隨又遣蔡朝用等五人至今在南雍處以光哲堂歲時給衣物如例向慕文教琉球於諸夷爲最篤 國家待之亦爲最優令其授姓命名一如中夏非復初遣之比我 明人文之化於是益可徵矣太學前有文趾號舍蓋 成祖設北監以來所以處文趾官生者乃知當時各夷遣子入學之盛而今文案陳遠不可具考

續文獻通考卷之五十五

十九

四百四

勲戚入學事例

太學初設大本堂即 命功臣子弟徐允恭等入從 東官 親王講讀尋又令公侯伯初承襲年幼者鄭國公常茂蘄春侯康鐸等入大本堂讀書 洪武五年令年幼公侯伯及武官子弟初承襲者皆入國子學肄業是時武官子弟自常氏而下蓋二百餘人 十六年上慮武臣子弟頑梗繩愆聽不能朴罰 命曹國公李文忠兼領監事以蒞之 十八年又 諭武臣從朕定天下以功世祿其子弟長於富貴又以父兄早歿鮮知問學宜令讀書知古今識道理俟有成立然後 命官庶幾得其實用也昔霍光功非不高身死未久而子孫橫

肆卒致夷滅者不學故也郭子儀中興唐室功蓋天下位極人臣而心常謙退保全名而福及後嗣者識道理也今武臣子弟但知習武事特患在不學耳 永樂十六年以永康侯徐安建平伯高福安鄉伯張永年少未諳禮度 命入監讀書 景泰天順以來勲戚如汝陽大長公主孫謝琰平江侯陳豫之弟祐南漳郡主子周境殺城郡主子魯璣皆乞 恩入監寧國大長公主曾孫梅俊懷慶大長公主曾孫王隆則由 特命焉 成化十年令公侯伯駙馬初襲授者送監讀書習禮祭酒一依學規教之不率者奏聞是歲入監者保定侯梁傳等凡十四人 上累遣太監黃賜諭祭酒周洪謨嚴

續文獻通考卷之五十五

二十

四百六

加訓誨毋令惰學十一年 命西寧侯宋愷寧晉伯劉福入監又令公侯伯襲爵并駙馬年二十五以下者俱送監讀書崇信伯費淮曠不習讀本監參題奉 旨住俸祿一半革冠帶用衣巾讀書習禮 十二年以儀賓王憲禮貌粗率發監讀書 十九年大名大長公主賁孫李楨奏乞 恩入監 弘治三年八月刑科給事中胡金建言儲養將材嚴著程式文事武藝相半講習行移兩京五府各將侯伯都督凡新襲未任事者子孫應該襲蔭者通行送營以習武藝送監以習文事在營月一試驗馬步中箭若干在監即聽祭酒司業月一試驗策略并背誦武經等書各按季類報兵部覆聞 上從

之六年春 命常寧大長公孫沐珩入監讀書

九月都察院右副都御史張敷華奏准公侯駙馬伯子孫年十五以上三十以下者送監照例監生讀書作課講習禮儀每歲間月赴監比較文事一次間月又赴教塲操練武藝一次其侯伯駙馬亦令將兵家諸書及五倫等書季季送祭酒司業處每日相兼授與二本各定起止令在家誦讀免其作課季終拘驗如初必至三十歲方免拘束雖公爵已襲在閒官亦依此例時邊圉多棘上方注意將材故云 嘉靖元年禮部舉故事具題奉 旨公侯伯未經事任年三十歲以下都遵照累朝舊典送國子監讀書着祭酒司業用心訓誨試驗

續文獻通考

卷之五十五

二十一

五十五

是歲公侯入監者八人 六年九月司禮監太監韋霏傳奉 聖旨朕欲爲駙馬都尉謝詔選儒臣爲師讀書習禮吏部便會禮部查照 先朝勲戚之家遇有訓導教書事例於國子監博士助教等或見在部及附近教官內推選行止端莊年力英銳文學優長義理精明的一員着在駙馬府教讀經書習字使其知忠孝仁義之訓及通曉禮樂名物古今事類庶幾德器有成仍聽禮部堂上官提調稽考教書官三年六年考滿若教有成効不拘年分奏薦擢用本部會推助教金克厚及議得本官原係進士出身比之先 朝監生儒士止陞學錄者不同合無推陞部屬職銜聽堂上官提調專在駙

馬謝詔府教習奉 旨金克厚陞禮部儀制司主事職

銜專在駙馬都尉謝詔府教習經書仍聽禮部堂上官提調稽考還照京官一例考滿陞用博士李欽吳監丞林介俱陞儀制司主事教駙馬讀書 七年春 命金山大長公主曾孫尹衡入監讀書 九年禮部題公侯伯未任事送監者二十二人王田伯蔣榮奏免赴監不允仍行國子監務要通行稽考毋令怠惰 十五年吏部奏准公侯駙馬伯家教書訓導按月各將功課照例赴監考校九年到部行查 時祭酒呂柟奏公侯伯子孫已未襲爵及未管事官舊規每日在監後偶從寬簡定以三八日期近年到監止二三人餘多不至蓋此輩

續文獻通考

卷之五十五

二十一

五十五

惟耽驕惰不修禮讓一旦管事豈知練撫軍士乞 勅該部轉行各爵戒飭子孫使之敬業樂學求保祿位有違例久曠者許臣等指名劾禮部覆奏行之 十七年兵科趙士賢題公侯伯禮貌粗疎孺態猶存宜送監讀書習禮令祭酒擇監生有學識者爲友伴日誦兵書問試策論以驗進否禮部題准入監如故事 十九年五月禮部覆國子監司業兼司經局校書王同祖奏陳四事一曰教世胄臣考之洪武五年令將官子弟承襲幼者入監讀書成化等年節令公侯伯并駙馬初襲爵者送監讀書習禮弘治正德間屢經舉行我 皇上龍興致治崇化其於世胄之教亦既已行之矣但今世祿

之家間有一二入監督禮者又往往虛影故事不守訓規其於齒胃之道恐莫能知况世臣祿位崇高驕奢易長使不及其弱冠之年教之詩書禮義以敦其儒素之風約之規矩準繩以移其傲慢之志則他日委任將見膏粱纨绔之餘豈勝分闡干城之責鮮有不債事者臣請自今公侯伯子弟年十八以上者該部具名上請送監讀書習禮本監仍每名選撥友伴監生二名與之講學相資薰陶規勸每五日一赴監俟諸生立班定友伴引至階下恭揖而退侍立兩傍以觀揖讓周旋之節俟堂儀畢赴廂授書講習其有不率教者憑本監堂上官奏聞區處三年之後學有成效者本監奏聞仍續文獻通考卷之五十五

十三

習禮

加表異該部注記俟異時襲封之後有所委任據以甄別賢否則庶乎彬彬向風知所警勸而國之大事亦有賴等因查得嘉靖九年正月內該兵部題准為申明舊例預養年幼勳戚大臣事內稱公侯伯等爵除已推用及年至三十歲已上外其餘未經任事三十歲以下及應襲舍人年十四以上者通行查出送國子監祭酒司業以大學語孟諸書相兼點授令其誦讀又查得禮部堂稿為申明舊例預養年幼勳戚大臣事儀制司案呈奉本部送准兵部咨該本部題武選司案呈查得成化十一年六月二十二日該太監黃賜傳奉聖旨西寧侯宋愷寧晉伯劉福送國子監讀書今後公侯伯襲爵

并駙馬年二十五歲以下的都照例送監讀書又弘治二年禮科給事中等官王繪等奏准要將在閒侯伯駙馬分送各營隨同總兵官操練閒時督令習讀兵書周知邊備方略每月一次總兵官聽其陳說觀其用心以備錄用該本部擬議於五軍營將在閒侯伯駙馬另做一隊聽提督大臣五日一次提督操練將兵家諸書并五倫等書每季送國子監祭酒司業處每日相兼授與兩本定與起止令其在家習讀季終赴監試驗有無通曉六義其侯伯連舍人通算與駙馬俱至三十歲方不拘東公爵已襲在閒者亦如此例又該兵科等科都給事中楊瑛等于弘治九年奏准要將坐營侯伯擇師而

續文獻通考卷之五十五

十四

習武

教該本部議得合無俱令常操時月若彼營歇操團營該走營下操之日俱赴團營一同坐營官閱視畢俱赴將臺聽提督官叩其韜略試其弓馬而回托故不到者亦聽察究以後遇有閱實邊關或整飭邊備文職大臣赴邊者奏差一員同去閱武他日任用大為有益又正德八年該本部議得公侯伯等爵生長膏粱承授祖廕年少既不讀書習禮年長又不操習武藝倘或一旦委用未免束手無策合無本部通行五軍都督府通查帶俸未任公侯伯除年未三十歲相應送監讀書者通行查出開送本部轉送國子監祭酒司業處查照舊例舉行奉武宗聖旨帶俸公侯伯未及三十的都着送監



讀書每季依擬試驗又嘉靖元年該本部議得公侯伯等爵官員先年各依父祖或翊運靖難之元勳或椒房戚畹之族屬朝廷推恩許令世襲有賢能者又獲世官崇報之典極爲優渥但人生資稟既殊好尚不一况此等世家之孫年幼之時若失於教養成立之後必鮮能繼承雖有祖宗訓誥武臣之舊章累朝教育嗣亂之良法類皆廢閣不行難臻實効合將公侯伯等爵未經任事年三十歲以下者通行查出開送本部轉送國子監行祭酒司業將小學四書武經七書御製武臣大誥臣鑒五倫等書每相兼點授令其在家講讀照依舊規量加損益每十日一次赴國子監聽提督大臣

續文獻通考

卷之五十五

二五

禮部

督令操演每月終令各爵下教讀隨同赴監試驗有無通曉大義如有孝弟忠信禮義廉耻等行超卓實跡及文義弓馬精否年終該管該監回報本部附寫簿籍以憑進呈御覽兼備參考推用不許推故安閑不行前去本部再行吏部備查各爵下見任教讀姓名履歷賢否先行考校以爲去留如遇名缺務選學問老成行止端莊者授以應得職分責令前去用心訓課并其應襲及子孫弟姪年幼俱聽教誨果有成效照例推用如有因循怠惰及縱令無籍荒淫異術邪佞之徒出入門下誘引非爲貽患各爵身家者該部查訪得實具奏黜退奉旨公侯伯未經任事三十歲以下的都遵照累

朝舊典送國子監讀書着祭酒司業用心教誨試驗還十日一次赴國子監聽提督大臣督令操演其餘俱依擬行看得公侯駙馬伯係勲戚重臣兩京提督坐營坐府及在外總兵等官遇有員缺多於公侯伯數內推選守衛將軍亦例用年深老練駙馬管領須教之有素庶幾互相勸勉習與性成用之於內忠孝足任腹心用之於外材略堪充將領若徒有送監送操之虛名而無考校試驗之成法將見良心怙亡於外誘良能昏蔽於驕奢終身不可與入於善矣合候命下之日申明前例通行五軍都督府各將公侯伯等爵除已推用及年三十以上外其餘未經任事年三十歲以下及應襲舍人年

續文獻通考

卷之五十五

主未

禮部

十四以上者通行查出開送本部轉送國子監行祭酒司業將大學語孟諸書相兼點授令其在家講讀仍授以下學切要功夫以忠信篤敬培養本原心既篤實不僞聰明自然日進毋先之孫吳變詐之術以啟其奸僞好殺之心毋導之詞章浮艷之習以長其紛競爭勝之念至於射御之法軍師行伍之列皆他日之所有事然亦必學而後能每十日一次赴國子監聽提督大臣督令操演每月令各爵下教讀隨同赴監試驗年終該管該管營將各爵舍勲情進否緣由回報本部附寫簿籍以憑參考推用俱至三十歲或有推用而止如有托故不行前去亦聽參究其各爵下教讀人員師道不立訓誨

續文獻通考

卷之五十五

二十七

四百六十八

無效以致各爵交結奸佞誘引為非一體坐罪參問退黜見缺教讀者轉行吏部查處其駙馬都尉年三十以下者應否亦照前例施行緣係申明舊例預教年幼勲戚大臣事理未敢擅便嘉靖八年十二月二十二日太子太保本部尚書李時等具題奉 旨通行遵照今國子監司業王同祖奏要將公侯伯子弟具名上 請送監讀書習禮及要甄別賢否各一節為照勲臣之家前代既加褒錫後世子孫得以承襲爵祿或遇任使管理軍務責任匪輕虞廷典樂之職胄子之教所由設也易云蒙以養正書亦曰若生子罔不在厥初生皆言立教之不可不早也况公侯伯應襲子弟出自膏粱素養貴貴易生驕惰苟非預教而養之欲望其能不變於習而成其德也難矣我 國家慎重典禮凡將官子弟年幼者送監讀書自洪武至弘治年間節經舉行 皇上登極益隆治化至嘉靖元等年又因該部建白申明前例題 請凡公侯伯爵等無分已襲未襲已任未任年三十以下十四以上通行查出送監讀書仍每十日赴營觀操照例通行今本官奏要疏名 上請送監脩諸勸典無非修明禮教至意相應議處合候 命下本部通行在京五軍都督府及行南京兵部轉行南京五軍都督府將見任公侯伯爵等爵及應襲子弟年十四以上三十以下未任者通行查出許隱匿脩具年甲籍貫

續文獻通考

卷之五十五

二十八

四百六十九

徑自開送禮部類具姓名上 請分送兩京國子監照依嘉靖八年題准教法分撥習禮肄業本監堂上官躬親督率轉行本堂教官擇老成有德器監生二名與之朝夕講明道義習學典禮不許引誘為非以後照例每年二月查照一次舉行仍候教有成效該監開具行跡送該部照例承襲祖父廕爵已襲未任者開送本部以憑查考推用中間若有不率教者聽本監堂上官及監丞等官照例糾過甚者奏 聞區處 二十年崇信伯費煥等入監者二人 二十八年至三十年恭順侯吳繼爵等次第入監者五人 三十一年入監已襲爵者永康侯徐喬松廣寧伯劉允中未襲爵者定國公之子徐文壁靖遠伯之子王學詩 勲戚歷年入監習讀姓氏 正統二年駙馬石璟 五年駙馬薛瑄 天順四年西寧侯宋讓 五年豐潤伯曹振 七年彭城伯張瑾 成化十年保定侯梁博恭順侯吳鑑泰寧侯陳桓鎮遠侯顧博駙馬都尉王增蔡震楊偉樊凱馬誠游泰靖遠伯王添崇信伯費淮武進伯朱霖 十一年西寧侯宋愷寧晉伯劉福 十二年陽武侯薛倫永順伯薛勲宗人府儀賓王憲 弘治十五年晉寧伯劉岳 十七年定國公徐光祚鎮遠侯顧仕隆彰武伯楊賢東寧伯焦淇遂安伯陳鏞 正德間文籍無考 嘉靖元年咸寧

侯仇鸞秦寧侯陳儒隆平侯張偉慶陽伯夏臣長寧伯  
周大經平江伯陳圭東寧伯焦棟忻城伯趙武 九年  
定國公徐延德已襲爵英國公張溶成國公朱希忠昌  
國公張宗說未襲爵定西侯蔣傳已襲爵會昌侯孫應  
乾西寧侯宋天驄武安侯鄭琨未襲爵駙馬都尉謝詔  
寧晉伯劉文王田伯蔣榮昌化伯邵杰已襲爵成山伯  
王維熊宣城伯衛中正懷仁伯施壽彭城伯張勳建平  
伯高繼宗遂安伯陳惟忠安仁伯王燧武靖伯趙國斌  
南寧伯毛重器應城伯孫猷未襲爵 二十年崇信伯  
費煒應城伯孫永爵清平伯吳嘉彥襲城伯李應臣興  
安伯徐夢賜 二十八年恭順侯吳繼爵新寧伯譚功  
續文獻通考 卷之五十五 四十五

太學出身事例

二祖篤建二雍紹隆周室 列聖光嗣不替前徽一代人  
賢之盛近古莫並焉太學諸生聚列四途曰貢曰舉曰  
廩曰例貢若師達許觀虞謙張本周新劉子輔吳寬舉  
若夏原吉楊鼎陳諤陳綱姚瑋商輅彭時王恕岳正張  
寧羅倫陳獻章何景明朱希周廩若張敷華例若羅玘  
或以行義或以風節或以功業或以理學皆卓然特出  
著名當世不特擬科躋膺仕徧于中外已也

國初太學生皆貢自郡邑選鄉學之秀彥者充之其後乃  
有各省鄉試舉人時進士之科未盛內而臺諫外而藩  
臬率以授諸太學生之成材者自制科既重太學生成  
材者與天下賢士盡入蒐羅於是內外要重之司皆歸  
進士而舉貢所稱監生者則有遺賢銓人高等不過授  
以省府幕僚郡佐州正而臺諫藩臬則必待其歷官有  
譽而後得之然亦千百而什一耳往年江陵張相當國  
嘗力主三途並用之議僅一行焉而輟不能繼豈太學  
之英能盡錄於甲科耶

太祖洪武二年擇國子生試用之巡行列郡舉其職者竣  
事復命即擢行省左右叅政各道按察司僉事及知  
府等官 五年夏四月以國子生王鐸攝監察御史初  
上命祭酒司業選錄等侍講 王官至是試用之鐸  
能其官擢浙江布政司左叅政六年九月纂修日曆選  
善書者詹儒國子生陳益賜等與焉 是年暫罷科舉  
今有司察舉賢才必以德行為本文藝次之仍令吏部  
選國子生之成材者與所舉俱參用量材授主事給事  
中御史等官 七年擇博士趙儼等所教國子生年少  
聰明者李擴等入文華武英二堂說書謂之小秀才甚  
見寵遇明年以擴等為監察御史 上以擴及郎敏等  
在二堂學業日進宜職清要故擢用之 九年三月以  
武英堂紀事國子生黃義為湖廣行省叅政趙信為考

續文獻通考 卷之五十五

三十

四百五

功監丞 十九年五月 上以天下郡縣多吏弊民盡  
皆由雜流得為牧民官乃 命祭酒司業擇監生千餘  
人送吏部除授知州知縣等職 二十年十二月擢監  
生李慶者都察院右僉都御史 二十四年選監生練  
達政 恒者得方文等六百三十九人 命行御史事稽  
覈天下百司案牘 二十五年擢監生師達墨麟等為  
監察御史夏原吉為戶部主事 二十九年擢監生盧  
祥為刑部郎中 三十五年 成祖即位三月擢監生  
丁瑛姚山李晟九月擢王孚陳禮朱摩何海陸積王政  
姚炯阮瑤姚伯善俱為給事中

成祖永樂元年二月擢監生孔復楊銳張文明李時秀蔣  
續文獻通考 卷之五十五 三十一

彥祿歐彥貴何器劉先為監察御史四月擢監生余傑  
祥梁觀潘熙和為給事中張政原汪俊民趙能為監察  
御史五月 太祖高皇帝實錄成 賜騰寫監生梁達  
吉等各銀十兩鈔三十錠六月擢騰寫監生鍾子勤陳  
晏訓劉謙沈文為中書舍人梁逢吉葉蕃沈紹先葉松  
喬岳衛浩鄭中余從善陳俊良陳實為監察御史七月  
以監生汪必先鍾震劉觀就林金英張翥陳英楊泰劉  
寔王文為監察御史十月擢監生張恂十二月擢監生  
郭宣畢進華楨王生沈旻張麟熊觀薛魯俱為給事中  
二年二月擢監生李矩周正秦瓚魏清文振許信閔  
和呂衡楊祥楊儼任重王理陸必壽王良為監察御史

四月擢監生楊銘游顏為給事中 四年二月擢監生  
彭進徐鑑方霖林道顧斌實承芳朱福王輔彭鑑劉煥  
黃員相七月擢監生宋仲祥周輅徐奇艾良俱為監察  
御史十月擢監生蔡誠彭昭尹醇鍾恕為給事中 五

年九月擢監生李琳為山東道監察御史 六年三月  
擢監生田謙張冀四月擢監生孫儼王增朱應祖孫嵩  
俱為監察御史擢監生党忠為吏科給事中宋載為戶  
科給事中胡渙王成美為禮科給事中周鎬蕭鼎李頻  
為兵科給事中劉誠任憲為刑科給事中劉泉胡進張  
用中白永為工科給事中 七年二月擢監生署六科  
給事中汪藻吏科李節戶科劉伯蘊禮科金文英兵科

續文獻通考 卷之五十五 三十二

萬質刑科史壽工科擢監生劉子輔張觀鄭璘劉保陳  
耘張濬王瑄張善王渥朱侃劉洵潘浩陳禮李本俱為  
監察御史 八年署六科汪藻等俱實授擢監生許堪  
蹇賢周珙金文斌駱大良許琪賈旭劉可范寧鄭季輝  
蕭良張意汪泳劉政孫昇為監察御史郭良周順沈和  
傅璇吳正陳鐸楊葵周岐陳諤周汝賢為給事中 九  
年擢監生陳模李復鄭進善張添祿王杲商賢胡寧劉  
廣胡良誠于敏林勝宗白璧宋友諒為監察御史 是  
年春進士鍾英張習張式馬信邵聰改翰林院庶吉士  
初五人者由監生選入翰林習譯書至是登科故有此  
改後以為例十年十六人十三年三十二人 十年三

月擢監生程玖爲中書舍人隸翰林院書制勅擢監生張勤龍景章趙文施悅濮恭任旺祝和陳恕郭端賈節趙益慶唐周教李善楊俊張斌吳文吳克聰顧立鄒烜李弘蕭原祝昇苗貫謝庸廉傑童員吳銘張達雷恭解昌党衢周尚賓俱爲監察御史十二月擢監生梁通爲河南按察使張岳趙彬爲副使章錄李清爲僉事二月擢監生李華盧榮趙真趙旭卜禎楊益馮得爲給事中黃文惠王維新韓眞李遜申嶽張肅封貴朱哲爲監察御史錢博葉泰姚扶金勉焦莊陳謨洪益中倪琮劉維新王賓爲中書舍人冬十月擢監生王自蘇鄒楊和李謙張志葛紹祖王憲許侃岳順梁鳳張毅朱昭紀文

續文獻通考

卷之五十五

三十五

三十四

崔卣李濬王勵劉仲許能屈良張寶朱威陸德厚張籍邵寔張守信苗友直李應庚張翔馬駿牛麟田綱爲六科給事中

宣宗宣德四年五月擢監生韓偉張王爲監察御史

英宗正統二年以宣廟實錄成膳錄監生俱授中書舍人

憲宗成化二年八月擢監生羅麟孫迪爲中書舍人侍

崇王讀書習字三年五月擢監生呂憲爲中書舍人

憲故學士原之子以廕補也是後官生命於中書舍人習字出身以爲常八月命監生高岷入翰林習

字出身岷故工部尚書謹身殿大學士兼東閣大學士

穀之子也十九年九月授吏部聽選舉人監生陳獻章爲翰林檢討而聽其回

自正統以來舉貢監生無復有徑授臺諫及藩臬長貳者嘉靖八年廷議復甲三途並用之例於是舉人監生孫翥爲給事中舉人監生阮徽歲貢監生張澍爲監察御史

續文獻通考

卷之五十五

三十四

三十四

續文獻通考卷之五十六

皇明進士雲間王圻纂輯

學校考 祠祭上

宋度宗咸淳三年帝釋菜於孔子以顏淵魯參孔伋孟軻配列邵雍司馬光從祀又陞顯孫師於十哲追封雍新安伯講官監官三學長貳及諸生推恩有差

遼太祖神冊元年春立子倍爲皇太子問侍臣曰受命之君當事天敬神有大功德者朕欲祀之何先皆以佛對太祖曰佛非中國教皇太子對曰孔子大聖萬世所尊祀宜先太祖大悅即建孔子廟詔皇太子春秋釋奠四年八月謁孔子廟

續文獻通考卷之五十六

乙

三百八

史稱遼之義宗可謂盛矣其始慕泰伯之賢而爲讓國之謀終疾陳恒之惡而爲請討之舉李從珂討王志趣之卓蓋已見於早歲先祀孔子之言終遼之世賢聖繼統皆其子孫至德之報昭然矣

道宗清寧六年六月命以時祭先聖先師

金

熙宗天會十五年立孔子廟于上京 天眷三年詔求孔子後加四十九代孫璠承奉即襲封衍聖公奉祀事

皇統元年二月親祭孔子廟北面再拜退謁侍臣曰朕幼年游佚不知志學歲月逾邁深以爲悔孔子雖無位其道可尊使萬世景仰大凡爲善不可不勉自是頗讀

尚書論語及五代遼史諸書或以夜繼焉 三年衍聖

公孔璠薨以其子拯襲封加文林郎

海陵天德二年二月杓定襲封衍聖公俸祿有加于常品

又加拯承直郎

世宗大定元年以顏歆從祀廟廷 十四年國子監言歲

春秋仲月上丁日釋奠于文宣王用本監官房錢六十

貫止造茶食等物以大小樸排設用留守司樂以樂工

爲禮生率倉場等官陪禮于古禮未合也伏觀國家承

平日久典章文物當燦然具備以光萬世况京師爲首

善之地四方之所觀仰據釋奠器物行禮次序合行下

詳定夫交國公親承教者也鄒國公功扶聖教者也當

續文獻通考卷之五十六

二

五二四六

于先聖像左右列之今孟子以燕服在後堂宣聖像側

還虛一位禮宜遷孟子像于宣聖右與顏子相對改塑

冠冕粧飾法服一遵舊制禮官乃參酌唐開元禮定擬

釋奠儀數文宣王交國公鄒國公每位遵豆各十犧尊

一象尊一簋簋各二俎二祝版各一皆設案七十二賢

二十一先儒每位各遵二豆一爵一兩廡各設象尊二

總用遵豆各一百二十三簋簋各六俎六犧尊三象尊

七爵九十四其樽皆有玷璽二洗二篚勺各二罍六正

位并從祀籍尊疊俎豆席約用三十幅尊席用葦俎豆

席用莞牲用羊豕各三酒二十瓶禮行三獻以祭酒司

業博士充分奠官二讀祝官一太常令一捧祝官二疊



洗官一爵洗官一中篚官二禮直官十一學生以儒服陪位樂用登歌大樂令一員本署官充樂工三十九人十六年詔立兗州學闕里廟宅子孫年十三以上入學者不限數二十年十二月特授襲封衍聖公孔梃兗州曲阜令封爵如故時召撫至京師欲與之官尚書省秦槐主先聖祀若加任使守奉有缺上曰然乃授曲阜縣令二十三年二月以尚書右丞張汝弼攝太尉致祭于至聖文宣王廟

章宗明昌元年三月詔修曲阜孔子廟學三年四月詔日衍聖公秩視四品階正八品不稱可超遷中議大夫永著于今八月定先聖廟春秋釋奠三獻官以祭酒司續文獻通考卷之五十六

業博士充祝詞稱皇帝謹遣及登歌改用太常樂工其獻官并執事與享者並法服陪位學官公服學生儒服蓋用大定時禮官所議也十月有司奏增修曲阜宣聖廟勅党懷英撰碑文朕將親行釋奠之禮其檢討故事以聞十一月賜党懷英所薦孔子四十八代孫端甫同進士出身四年八月釋奠孔子廟北面再拜親王百官大學生陪位六年四月勅有司以增修曲阜宣聖廟工畢賜衍聖公以下三獻法服及登歌樂一部仍遣太常舊工往教孔氏子弟以脩祭禮七月命兗州長官以曲阜新修廟告成于先聖承安二年二月特命襲封衍聖公孔元措世襲兼曲阜令時春丁童宗

親視以親王攝亞終獻皇族陪祀文武群臣助奠上親為贊文舊封公者陞為國公侯者為國侯郡伯以下皆封侯四年二月詔刺史州郡無宣聖廟學者並增修之五年三月諭有司進士名有犯孔子諱者避之仍著為令

宣宗貞祐三年十月召中奉大夫襲封衍聖公孔元措為太常博士上念元措聖人之後山東盜賊縱橫恐罹其害是使之奉祀而反傷之也故召入朝元措歷事宣宗哀宗後歸于元

遷汴後建廟會朝門內歲祀如儀宣聖顏孟各羊一豕一餘同小祀共用羊八無豕其諸州釋奠並遵唐儀哀宗天興元年八月釋奠孔子

續文獻通考卷之五十六  
四

太祖初平燕京以金樞密院為宣聖廟

內翰王文康公鶚元初自保定應聘北行時故人馬雲漢以宣聖畫像為贈既達北庭值秋公奏行釋奠禮世祖悅即命舉其事公為祝文行三獻禮禮畢進胙于上上飲福熟其胙命左右均霑所賜自是春秋二仲歲以為常蓋元之所以尊師重道者實公有以啟之

太宗五年勅修孔子廟八年復修孔子廟

世祖中統二年詔宣聖廟有司歲時致祭月朔釋奠禁官員使臣軍馬毋得侵擾襲遺者加罪八月丁酉命開平守臣釋奠於宣聖廟三年正月修宣聖廟成至

元四年勅修曲阜宣聖廟 五月初上都重建孔子廟  
曲阜孔子廟歷代給民百戶以供洒掃復其家至是尚  
書省以括戶之故盡收爲民翰林學士王磐言林廟戶  
百家歲賦鈔不過六百貫僅比一六品官終年俸耳聖  
朝疆域萬里財賦歲億萬計豈愛一六品官俸不以待  
孔子哉且于格庫所省無多其損國體甚大時論寢之  
十三年以孔子五十三世孫曲阜縣尹孔治兼權主  
祀事 十九年以宋衍聖公孔洙爲國子祭酒兼提舉  
浙東學校

按孔子後自宋南渡初其四十八代孫端友子玠寓衢  
州元既平宋擬所立或言孔氏子孫寓衢者乃其宗子

續文獻通考

卷之五十六

五

聖

召洙赴關洙遜於居曲阜者帝曰寧違禁而不違親其  
聖人後也故有是命

成宗元貞元年詔中外崇奉孔子

瓊山丘氏曰按寧獻王所著通鑑博論於至元十八年  
有云帝信桑門之惑盡焚中國道藏儒道二教爲外  
學貶孔子爲中賢尊桑門爲正道又爲世祖斷云聽妖  
僧梓逼之誘作妖書以毀昊天上帝貶孔子爲邪道擬  
爲中賢不足稱聖及考元史止於是年焚毀道書而不  
見所謂貶孔子之實惟成宗本紀世祖正月崩成宗即  
位是年秋七月即詔中外崇奉孔子夫孔子自唐宋以  
來天下學校通祀之已非一日又何待今日始詔中外

崇奉之哉噫當時必有所施行如博論所云者元史臣  
爲世祖諱故略去之嗚呼孔子既沒之後世主未嘗敢  
有異論者使誠有是事則世祖之罪浮於始皇矣疑以  
傳疑史家通例也故因所疑而書之以俟知者

大德六年六月建文宣王廟於京師先是京師未有孔  
子廟而國學寓於他署至是左丞相哈剌哈孫乃奏始  
建之 七年給大都文宣王廟洒掃戶五 九年給曲  
阜林廟洒掃戶以尚珍署田五十頃供歲祀

閻子靜復曲阜廟碑略曰聖上嗣服之初祗述祖考之  
成訓興學養士嚴祀宣聖自曲阜始明年元貞改元先  
聖五十三代孫密州尹治入朝願書賜命中議大夫

續文獻通考

卷之五十六

六

聖

封衍聖公月俸有千秩視四品孔氏世爵弗傳者久至  
是乃復申命有司制考辟雍作廟於京師由是四方嚮  
風崇建廟學惟恐居後闕里祠宇燬於金季之亂闕號  
奎文若大中門闕存者無幾右轄嚴公忠濟保魯嘗假  
清臺頒曆錢佐營繕之費歲戊申始復鄆國後寢以寓  
先聖顏孟十哲像至元丁卯衍聖公治尹曲阜主祀事  
將圖起廢奎文杏壇齋廳黌舍即其舊而新之禮殿則  
未遑也國初封建宗室畫濟寧兗單三州爲魯國大長公  
主駙馬濟寧王分地置濟寧總管府屬縣十六曲阜其  
一也濟寧守臣按擅不華恭承詔旨會府尹僚佐鄉長  
者謀以廟役爲任首出錢幣萬緡衆翕然助之傭工僱

力市木於河輦石於山掄材於野束棟橧楹礎之屬  
悉具又得泗水渠堰積石數百石聖稱是露階銘砌咸  
足用焉郡政之暇躬爲督視甄陶鍛冶丹雘髹漆以至  
工師廩積各有司存經始於大德二年之春屬歲侵中  
止續事於五年之秋不期月而告成殿重簷九以層  
其飾以修廊大成有門七十二賢有廡泗沂二公有位  
黼座既遷更塑鄆國像於後寢締構堅貞規模壯麗大  
小以楹計者百二十有六貨用以器計者十萬有奇落  
成之日遠近助祭者衣冠輻輳衆庶瞻顙千禩祖庭頓  
還舊觀於是行聖公治遣其子曲阜令思誠奉表以聞  
且以廟碑爲請會選胄子入學擢思誠國子監丞特勅

續文獻通考

卷之五十六

七

四十六元

中書賜田五千畝以供崇盛戶二十八以應洒掃仍下  
翰林書其事於石臣復承命踰階既述興造始末竊惟  
聖元神武造邦天兵傳汴戎事方殷不忘先聖之祀詔  
令五十一代孫衍聖公元措歸魯集奉常禮樂於兵  
燼之餘燕翼之謀肇於此矣世祖聖德神功文武皇帝  
仁沾義洽九域混同文物煥然可觀內立國學外置郡  
邑學官而於先聖之後尤所注意遴選師儒訓迪作成  
需賢以嗣封爵茲志未究皇上繼而行之用能培植教  
本光昭先業以致魯國臣民思樂泮水如附靈臺子來  
之衆至矣哉觀文化下必世後仁之效豈特震耀一時  
實宗社無疆之福也

十年大都宣聖廟成行釋奠禮牲用太牢樂用登歌  
十一年七月制加孔子號曰大成制曰先孔子而聖者  
非孔子無以明後孔子而聖者非孔子無以法所謂祖  
述堯舜憲章文武儀範百王師表萬世者也可加大成  
至聖文宣王遣使闕里祀以太牢嗚呼父子之親君臣  
之義求惟聖教之尊天地之大日月之明奚聲名言之  
妙尚資神化祚我皇元

武宗至大二年定釋奠禮祭用二丁牲用太牢 四年遣  
使祀曲阜命國子祭酒劉廣以太牢致祀

仁宗即位遣宦者李邦寧釋奠於孔子邦寧既受命行禮  
方就位忽大風起殿上及兩廡燭盡滅燭臺底鐵鐃入

續文獻通考

卷之五十六

八

四十七

地尺許不可拔邦寧悚息伏地諸執事者皆伏良久風  
息乃成禮邦寧因慙悔累日

胡粹中曰祭祀所以交神明故將有事焉必先射以觀  
德及期則齋以告虔戒以告潔刑罪喪疾之人不敢以  
與執役況敢主其祭乎邦寧闇腐餘醜其爲刑疾孰甚  
焉而使之釋奠曾謂仲尼不如林放乎神不享非禮大  
風之變吾先聖豈可誣哉仁宗胡主宜不知此李孟以  
平童兼領國學而致其以非禮事先聖罪蓋不容揜矣  
皇慶二年六月以宋儒周敦頤程顥程頤張載邵雍司  
馬光朱熹張栻呂祖謙及故中書左丞許衡從祀孔子  
廟庭

瓊山丘氏曰自唐以諸儒從祀孔子廟庭後世因之必  
其人於孔子之道有發明羽翼之功然後與焉非徒崇  
德亦必觀功也夫孔子有大功於天地以其刪述六經  
也世之儒者必於是六經躬而行之闡而明之然後行  
以與於從祀之列苟棄其書而不用背其道而逆施陪  
食聖人廟庭之間其心安乎春秋一經關係尤大宋王  
安石真春秋之經者也一時群小附和雖躋之於從祀  
之列其後公論卒足褫而去之元之許衡則悖春秋之  
經者也春秋之道內夏外夷一會之頃尚不容其主中  
國况四海之大其肯容之爲君乎或曰仕元之人多矣  
乃獨責衡可乎曰此朱子責倫楊雄之意也他人隨世  
就功者何責焉或曰宋室南遷大直據有中國韃靼奄  
而有之三綱淪而九法斁矣賴許子以河洛正傳起而  
輔之中國不純變于戎夷人類不盡入於禽獸未必非  
許子功也則許子豈可輕嘗乎哉曰爲一世計則許子  
固不爲無功矣爲萬世計則許子豈得無罪哉嘗即元  
史考之妻無偏正皆稱后子無嫡庶皆稱太子父死而  
子承其妾兄喪而弟妻其嫂倫理皆蕩然矣八思巴以  
夷狄之黠大朝會坐於正殿之上與其君同受群臣朝  
賀又造爲字書以亂吾中國自結繩以後之文焉其敦  
法蓋蔑然矣官之正員必有胡類國有大議遂出漢臣  
使不得與聞其政事是三者治天下之大經大法也許

子曾一言及之乎言則史必書之矣此其大者不能謹  
之則其功效之小者何補哉中國所以不純變於夷狄  
人類所以不盡入於禽獸是蓋天理在人心者不容終  
泯中國先王之澤猶存乎人耳豈盡許子功耶或曰今  
許子從祀孔子廟庭幾二百年矣名公鉅儒生其後者  
曾無一人一言非之子獨何據而云然乎曰此蓋元人  
自祀其臣而其門人自尊其師亦如宋人以王安石配  
享夫子耳故 我朝沿之未革焉夫衆言淆亂折諸聖  
子蓋折諸孔子春秋者也夫豈無稽之言哉  
延祐三年詔春秋釋奠於先聖以顏子曾子子思孟子  
配享加封顏子交國復聖公曾子邠國宗聖公子思沂  
國述聖公孟子邠國亞聖公 六月制封孟軻父爲邾  
國公母爲邾國宣獻夫人  
許約曰自唐祀夫子配以顏子至宋陞孟子與顏子並  
配然當時未知道統之傳也自伊洛之學興性理之說  
明始以顏曾思孟並列于夫子之左蓋得夫子之傳者  
顏曾子思也得曾思之傳者孟子也故江南諸路學廟  
皆以四子並配以子張居七十二子之首自兩廡升於  
十哲補曾子之闕此當因而不當革者也今京師學廟  
與河北諸路府學並循亡金之舊左顏右孟與夫子並  
居南面有是理哉孟子學于子思子思學于曾子是知  
孟子乃曾子門人之弟子曾子乃孟子師之師也今屈

魯子於從祀之中降子思於廊廡之末師之師不過一  
籩一豆門人弟子牲牢幣帛一與先聖等又豈有是理  
哉况今天下一家豈容南北之禮各異或謂學校所以  
明人倫路黠皆父也回參皆子也子先父食于理安乎  
竊以爲不然廟學乃國家通祀猶朝廷之禮也父爲庶  
僚子爲宰職各以其德與勲如遇朝會殿廷班列則  
父雖尊安能超於子之上哉蓋抑私親而昭公道尊道  
統以崇正學乃所以明人倫也如今序傳道之配使顏  
魯思並列於夫子之左虛其右隅以避古者神位之  
方自兩廡升子張於十哲以補魯子之闕不惟先儒師  
弟之禮不廢使南北無二制天下無異禮亦可以見

續文獻通考

卷之五十六

十一

典

我朝明道統得禮之中足以垂世無窮矣

延祐六年追封宋儒周敦頤爲道國公 是年封遠瑗  
爲內黃侯從祀孔子 時上問孔子之後今幾世襲爵  
爲誰廷臣具對曰未定帝親取孔氏譜謀按之曰以嫡  
應襲封者思晦也復奚疑時授中議大夫襲封衍聖公  
月俸百緡加至五百緡賜四品印

英宗至治二年春正月勅有司卹孔氏子孫貧乏者

泰定帝泰定元年遣使詣曲阜以太牢祀孔子 三年山

東廉訪副使王鵬南言孔思晦襲爵上公而階止四品

于格弗稱且失尊崇意明年遂進階嘉議大夫

文宗天曆二年遣使祀曲阜以翰林侍講學士曹元用往

祠 至順元年孔思晦以聖父舊封齊國公封爵未崇

因言于朝曰宣聖封王而父爵猶公願加褒崇乃加封

孔子父齊國公叔梁紇爲啟聖王母魯國太夫人頗爲

啓聖王夫人孔子父母有封爵自此始時四配皆加贈又河南伯程

顥加豫國公伊陽伯程順加洛國公 十月降南書申

飭衍聖公崇奉孔子廟事十一月以董仲舒從祀孔子

廟位列七十子之下 二年正月勅建孔子廟于後衛

七月藝文少監歐陽玄言先聖五十四代孫襲封衍聖

公爵最五等秩登二品而用四品銅印於爵秩不稱詔

鑄從三品印給之 八月立閔子書院於濟南 賜上

都孔子廟碑 三年正月封孔子妻鄆國夫人入册官氏

續文獻通考

卷之五十六

十一

冊

爲大成至聖文宣王夫人 追封孟子父爲聊國公母

爲聊國宣獻夫人 二月詔修曲阜宣聖廟 先是开

官夫人神座生木芍藥一本見者異之而修廟令下

五月追封顏子父顏無繇爲杞國公謚文裕母齊姜氏

杞國夫人謚端獻妻戴氏兗國夫人謚貞素

順帝元統元年命浙江行省範銅造和寧宣聖廟祭器凡

百三十有五事 至元元年四月遣使者詣曲阜孔子

廟致祭 四年七月詔修曲阜孔子廟 六年以孔克

堅襲封衍聖公 至正二年十二月詔遣官致祭孔子

於曲阜 八年七月遣使祀曲阜孔子廟 十五年十

月以襲封衍聖公孔克堅同知太常禮儀院事以克堅

子希學襲封行聖公 十六年命集賢直學士楊俊民致祭孔子曲阜廟仍葺其廟宇 十九年江浙行省請楊時李侗胡安國蔡沉真德秀五人從祀 二十二年禮部定擬五先生封爵謚號俱贈太師楊時追封吳國公李侗追封越國公胡安國追封楚國公蔡沉追封建國公真德秀追封福國公各給祠額宣命遣官賚往福建行省訪問各人子孫給付如無子孫者於其故所居鄉里郡縣學或書院祠堂內安置施行 是年追謚朱熹父松為獻靖改封熹為齊國公

祠祭先聖禮儀

元祝幣之式 祝版三各一尺二寸廣八寸木用楸梓柏續文獻通考 卷之五十六 主一 四

文曰維年月日皇帝敬遣某官等致祭于大成至聖文宣王先師曰維年月日某官等致祭於某國公幣三用絹各長一丈八尺

牲齊器皿之數 牲用牛一羊五豕五以犧尊實之齊象尊實醴齊皆三有上尊加羣有初獻堂上太尊實汎齊山壘實醴齊有上尊著尊實登齊尊實醴齊象尊實沈齊壘尊實三酒皆有上尊設堂下盥洗位在阼階之東以象尊實醴齊有上尊加羣有初設於兩廡近北盥洗位在階下近南邊十豆十簋二簋二登三鉶三組三有毛血豆正配位同邊豆皆二簋一簋一組一從祀皆同凡銅之器六百八十有一宣和爵站一豆二百四十

有八簋簋各一百一十有五登六犧尊象尊各六山尊二壺尊六著尊太尊各二體二洗二龍勺二十有七玷二十有八爵一百一十有八竹木之器三百八十有四邊二百四十有八筐三組百三十有三陶器三瓶二香爐一邊巾二百四十有八簋簋巾二百四十有八組巾百三十有三黃巾蒙單十其樂用登歌其日用春秋二仲月上丁有故改用仲丁

省牲 前期一日晡時三獻官監祭官各具公服詣省牲所昨階東西向立以北爲上少頃引贊者引三獻官監祭官巡牲一匝北向立以西爲上待禮牲者折身曰充贊者曰告充畢禮牲者又折身曰膾贊者曰告膾畢贊者曰告膾畢禮牲者又折身曰膾贊者曰告膾畢續文獻通考 卷之五十六 十四 四

者復引三獻官監祭官詣神厨視滌滌畢還齋所釋服釋奠 是日丑前五刻初獻官及兩廡分奠官二員各具公服於幕次諸執事者具儒服先於神門外西序東向立以北爲上明贊承傳贊先詣殿庭前再拜畢明贊升露階東南隅西向立承傳立於神門階東南隅西向立掌儀先引諸執事者各司其事引贊者引初獻官兩廡分奠官點視陳設引贊者進前曰請點視陳設至階曰升階至殿簷下曰詣大成至聖文宣王神位前至位曰北向立點視畢曰詣兗國公神位前至位曰東向立點視畢曰詣鄒國公神位前至位曰西向立點視畢曰詣東從祀神位前至位曰東向立點視畢曰詣西從祀神



位前至位曰西向立點視畢曰詣酒尊所曰西向立點視畢曰詣三獻爵洗位至階曰降階至位曰北向立點視畢曰詣三獻官盥洗位至位曰北向立點視畢曰詣就次方初獻點視時明贊二人各引東西廡分奠官曰請詣東西廡神位前東曰醑西曰醢向立點視畢曰先儒神位前至位曰南向立點視畢曰退詣酒尊所至酒尊所東西向立點視畢曰退詣分奠官爵洗位至位曰南向立點視畢曰請就次兩廡分奠官點視畢引贊曰請詣望瘞位至位曰北向立點視畢曰請就次

初獻官釋公服司鐘者擊鐘初獻已下各服其服齊班於幕次掌儀點視班齊詣明贊報知引禮者引監祭官監

續文獻通考

卷之五十六

十五

四百七十九

禮官就位進前曰請就位至位曰就位西向立明贊唱曰典樂官以樂工進就位承傳贊曰典樂官以樂工進就位明贊唱曰諸執事者就位承傳贊曰諸生就位引班者引諸生就位明贊唱曰陪位官就位承傳贊曰陪位官就位引班者引陪位官就位明贊唱曰獻官就位承傳贊曰獻官就位引贊者進前曰請就位至位曰西向立明贊唱曰闕戶侯戶闕迎神之曲九奏樂止明贊唱曰初獻官以下皆再拜承傳贊曰鞠躬拜興拜興平身明贊唱曰諸執事者各司其事侯執事者立定明贊唱曰初獻官首贊引贊者進前曰請詣盥洗位盥洗之樂作至位曰北向立播笏盥手悅手出笏樂止及階曰

續文獻通考

卷之五十六

十六

四百八十

升階升殿之樂作樂止入門曰詣大成至聖文宣王神位前至位曰就位北向立初前奠幣之樂作播笏跪三上香奉幣者以幣授初獻初獻授幣奠訖出笏就拜興平身少退再拜鞠躬拜興拜興平身曰詣兗國公神位前至位曰就位東向立奠幣如上儀曰詣鄒國公神位前至位曰就位西向立奠幣如上儀樂止曰退復位及階降殿之樂作樂止至位曰就位西向立侯立定明贊唱曰禮饌官進俎奉俎之樂作乃進俎樂止進俎畢明贊唱曰初獻官行禮引贊者進前曰請詣盥洗位盥洗之樂作至位曰北向立播笏盥手悅手出笏請詣爵洗位至位曰北向立播笏執爵滌爵拭爵以爵授執事者如是者三出笏樂止曰請詣酒尊所及階升殿之樂作曰升階樂止至酒尊所曰西向立播笏執爵舉爵司尊者酌犧尊之泛齊以爵授執事者如是者三出笏曰詣大成至聖文宣王神位前至位曰就位北向立酌獻之樂作初前播笏跪三上香執爵三祭酒奠爵出笏樂止祝人東向跪讀祝祝在獻官之左讀畢興先詣左配位南向立引贊曰就拜興平身少退再拜鞠躬拜興拜興平身曰詣兗國公神位前至位曰就位東向立酌獻之樂作樂止讀祝如上儀曰詣鄒國公神位前至位曰就位西向立酌獻之樂作樂止讀祝如上儀曰退復位至階降殿之樂作樂止至位曰就位西向立侯立定明贊

唱曰亞獻官行禮引贊者進前曰請詣盥洗位至位曰  
北向立播笏盥手出笏請爵洗位至位曰北向立播  
笏執爵滌爵拭爵以爵授執事者如是者三出笏請詣  
酒尊所曰西向立播笏執爵舉爵司尊者酌象尊之醴  
齊以爵授執事者如是者三出笏曰詣大成至聖文宣  
王神位前至位曰就拜北向立酌獻之樂作稍前播笏  
跪三上香執爵三祭酒奠爵出笏就拜興平身少退鞠  
躬拜興與平身曰詣兗國公神位前至位曰東向立  
酌獻如上儀曰詣鄒國公神位前至位曰西向立酌獻  
如上儀樂止曰退復位及階曰降階至位曰就位西向  
立明贊唱曰終獻官行禮引贊者進前曰請詣盥洗位  
至位曰北向立播笏盥手出笏請爵洗位至位  
曰北向立播笏執爵滌爵拭爵以爵授執事者如是者  
三出笏請詣酒尊所至階曰升階至酒尊所曰西向立  
播笏執爵舉爵司尊者酌象尊之醴齊以爵授執事者  
如是者三出笏曰詣大成至聖文宣王神位前至位曰  
就位北向立稍前酌獻之樂作播笏跪三上香執爵三  
祭酒奠爵出笏就拜興平身少退鞠躬拜興與平身  
曰詣兗國公神位前至位曰東向立酌獻如上儀曰詣  
鄒國公神位前至位曰西向立酌獻如上儀樂止曰退  
復位及階曰降階至位曰就位西向立明贊唱曰分獻  
官行禮引贊者分引東西從祀分獻官進前曰詣盥洗

位至位曰北向立播笏盥手出笏請爵洗位至位  
曰北向立播笏執爵滌爵拭爵以爵授執事者出笏請  
詣酒尊所至階曰升階至酒尊所曰西向立播笏執爵舉  
爵司尊者酌象尊之醴齊以爵授執事者出笏請東從  
祀神位前至位曰就位東向立稍前播笏跪三上香執  
爵三祭酒奠爵出笏就拜興平身少退鞠躬拜興與  
平身退復位及階曰降階至位曰就位西向立引西從  
祀分獻官同上儀唯至神位前東向立作西向立明贊  
唱曰兩廡分真官行禮引贊者進前曰詣盥洗位至位  
曰南向立播笏盥手出笏請爵洗位至位曰南向  
立播笏執爵滌爵拭爵以爵授執事者出笏曰詣東廡  
酒尊所及階曰升階至酒尊所曰北向立播笏執爵舉  
爵酌象尊之醴齊以爵授執事者出笏詣東廡神位前  
至位曰東向立稍前播笏跪三上香執爵三祭酒奠爵  
出笏就拜興平身稍退鞠躬拜興與平身退復位至  
階曰降階至位曰就位西向立引西廡分真官同上儀  
唯至神位前東向立作西向立俟終獻十哲兩廡分真  
官同時復位明贊唱曰禮饌徹籩豆徹饌之樂作禮饌  
者跪移先聖前籩豆略離席樂止明贊唱曰諸執事者  
退復位俟諸執事者至板位立定送神之樂作明贊唱  
曰初獻官以下皆再拜承傳贊曰鞠躬拜興與平身  
樂止明贊唱曰祝人取祝幣人取幣詣泰次俟徹祝幣

者出殿門北向立望瘞之樂作明贊唱曰三獻官詣望瘞位引贊者進前曰請詣望瘞位至位曰就位北向立日可瘞埋畢曰退復位至殿庭前候樂止明贊唱曰典樂官以樂工出就位明贊唱曰闔戶又唱曰初獻官以下退詣圓揖位引贊者引獻官退詣圓揖位至位初獻在西亞終獻及分獻已下在東陪位官東班在東西班在西俟立定明贊唱曰圓揖禮畢退復位引贊者各引獻官詣幕次更衣其飲福受胙除國學外諸

例

續文獻通考卷之五十七

皇明進士

學校考 祠祭下

皇明

凡立學必舉 先師之祀 贅宗在學之典可考也漢世以前樂祖經師習其道則祀其人蓋未有定祀東京雖以聖師禮周孔而未始有特廟也廟祀 孔子於學自唐始夫 孔子修六經扶五教終古所宗承歷代嚴裡典制本稱我 朝建雍作廟昭揭兩都崇祀儀章尤布寰宇 世宗正名秩禮 先師位號益顯以隆

按後魏太和十三年始立 孔子廟於京師唐高祖武

續文獻通考卷之五十七

乙

三

德二年於國子監立周公 孔子廟各一以四時致祭貞觀二年從左僕射房玄齡議停周公祭陞夫子為先聖專祀焉歷代因之前元置宣聖廟于燕京舊樞密院地我 太祖高皇帝初平江淮即 詣學謁孔子後建學金陵作先師廟遂 親行釋菜之禮每歲春秋上下丁則降 御香遣官致祭 列聖以來視學釋奠率敦懿典至我 世宗獨再舉焉二丁非輔弼大臣不遣故今廟址雖循元舊而制度之崇典禮之密則非前代所能及

廟制

國初洪武十五年春作 先師孔子廟今在南京太學左

正殿七間舊稱大成殿今題曰先師廟高三丈六尺闊十三丈一尺深七丈一尺露臺東西八丈八尺南北四丈五尺基高六尺上有石欄杆前有石階級左右石階級各一殿之東掖爲祭器庫十一間高一丈五尺每間闊一丈三尺深一丈三尺基高一尺八寸西掖爲樂器庫十一間高闊深入與祭器庫同東廡十九間高一丈六尺每間闊一丈三尺深一丈八尺基高二尺當廡門之中有小階級西廡間數并階級同內墀東碑亭一座御製新建太學碑樹焉碑文見前西井一口石甃兩堦綠植松檜槐栢共六十一株兩廡之南折而北向爲東西序各十一間門各高一丈五尺每間闊一丈三尺深一丈三尺基高一尺八寸兩序之中爲大成門今題曰廟門五間中門三東西各列戟十二門高二丈二尺闊七丈九尺前後深四丈八尺基高五尺週環石欄杆前後各石階級三門內石鼓各五西石鼓文音訓碑一通別錄于後門外東神廚五間宰牲亭三間并亭一座井一口石甃西神庫五間持敬門一間致齋所三間外墀東元加封聖號詔書碑一通大德十一年七月十九日建碑文錄祀典下西元加封先聖父母妻并顏曾思孟制詞碑一通至順二年九月建制詞亦錄祀典下東西各有南北對廊樹屋科進士題名碑今四十七座雜植松柏共五十七株櫺星門三間闊爲三層牆下地

一方東西闊七丈五尺深四丈爲木欄以護焉 廟中正座舊爲 大成至聖文宣王塑像 唐玄宗二十七年詔曰弘我王化在乎儒術發輝此道啓迪含靈自生民以來未有如孔子者也所謂自天攸縱將聖多能施配乾坤功揭日月故能立天下之大本成天下之大經美政教善風俗君君臣臣父父子民到于今受其賜不其偉歟雖代有褒稱未爲崇峻不副其實人其謂何夫子改稱先聖可追謚爲文宣王令三公持節冊命其後嗣褒聖侯改封嗣文宣公 宋真宗大中祥符元年十一月制曰王者順考古道懋建大猷崇四術以化民昭宣教本總百王而致治丕變人文方啓迪於素風思丕揚於鴻烈先聖文宣王道膺上聖體自生知以天縱之多能實人倫之先覺玄功侔乎簡易景鑠配乎貞明惟列辟以尊崇爲億載之師表肆朕以寡昧欽承命曆曷嘗不遵守彝訓保乂中區屬以祗若元符告成喬嶽觀風廣魯之地飭駕數仞之牆躬詣遠祠緬懷遐躅仰明靈之如在肅奠獻以惟寅是用稽簡冊之文昭聰獻之德聿舉追崇之禮庶申嚴奉之心備物典章垂之不朽誕告多士昭示朕意宜追謚曰玄聖文宣王 五年以聖祖諱改 元大德十一年加封聖號詔曰蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也

朕纂承丕緒敬仰休風循治古之良規舉追封之盛典  
加號爲大成至聖文宣王遣使闕里祀以太牢於戲父  
子之親君臣之義永惟聖教之尊天地之大日月之明  
累罄名言之妙尚資神化祚我皇元 至順二年封先  
聖夫人制曰我國家惇典禮以彌文本閨門以成教迺  
睠素王之廟尚虛元嬋之封有其舉之斯爲盛矣大成  
至聖文宣王妻開官氏來嬪聖室垂裕世家遵豆出房  
因流風於殷禮琴瑟在御存燕樂於魯堂功言邈若於  
遺聞儀範儼乎其合德作爾禕衣之象稱其命鼎之銘  
噫秩秩彞倫吾欲廣關雎鵲巢之化皇皇文治天其與  
河圖鳳鳥之祥可特封大成至聖文宣王夫人 下四

續文獻通考

卷之五十七

四

四百九十九

配制年月同 東配爲充國復聖公制曰朕惟得孔氏  
之門入聖人之域顏子一人而已觀其不遷怒不貳過  
已成復禮之功無伐善無施勞益著爲仁之效蓋將不  
日而化矣惜乎天不假之以年也朕緬懷哲人留心聖  
學將大彰於風教故特示於褒嘉於戲用之則行舍之  
則藏雖潛德一時之不顯吾見其進未見其止顧聖言  
百世而彌彰尚服寵光丕隆文治可加封充國復聖公  
沂國述聖公制曰昔曾子得聖人之傳而子思克承  
厥統稽夫中庸之一書實開聖學於千載朕自臨御以  
來每以嘉惠後學爲念萬幾之暇覽觀載籍至中和而  
天地位萬物育雅留意焉夫爵秩之榮旣隆於升配景

行之懿可後於褒加於戲有仲尼作於前孰儼世家之  
美得孟氏紹其後益昌斯道之傳渥命言承茂隆丕緒  
可加封沂國述聖公 西配爲郕國宗聖公制曰朕惟  
孔子之道曾氏獨得其宗蓋本於誠身而已也觀其始  
於三省之功繼聞一貫之妙是以友於顏淵而無愧授  
之思孟而不湮者與朕仰慕休風景行先哲爰因舊爵  
崇以新稱於戲聖神繼天立極以來道統之傳遠矣國  
家化民成俗之效大學之書具焉其相予之脩齊茲式  
彰於褒顯可加封郕國宗聖公 鄒國亞聖公制曰孟  
子百世之師也方戰國之縱橫異端之文塞不有君子  
孰任斯文觀夫七篇之書惓惓乎致君澤民之心凜凜

續文獻通考

卷之五十七

五

四百六十七

乎拔本塞源之論黜伯功而行王道詎敢行而放淫辭  
可謂有功聖門追配神禹者矣朕遠稽聖學祗服格言  
乃著新稱益彰渥典於戲誦詩書而尚友緬懷鄒魯之  
風非仁義則不陳期底唐虞之治英風千載蔚有耿光  
可加封鄒國亞聖公 殿左東哲五位爲費公閔損薛  
公冉雍黎公端木賜衛公仲由魏公卜商 殿右西哲  
五位爲鄆公冉耕齊公宰子徐公冉求吳公言偃陳公  
顓孫師 唐玄宗開元二十七年八月制曰門人三千  
見稱十哲包大衆美實超等夷暢玄聖之風規發人倫  
之耳目並宜褒贈以寵賢明其顏子旣稱亞聖宜頒優  
秩追贈于淵充公子魯費侯伯牛鄆侯仲弓薛侯子有

續文獻通考

卷之五十七

六

四百六十六

徐侯子路衛公子我齊侯子貢黎侯子游吳侯子夏衛侯會參等六十七人皆封伯 宋神宗元豐六年詔封孟軻爲鄒聖公配食於兗公之次 度宗咸淳三年正月陞會參封鄆國公孔汲封沂國公配食大成顯孫師升十哲 東廡五十五位爲金鄉侯澹臺滅明任城侯原憲汝陽侯南宮适萊蕪侯會點須昌侯商瞿平輿侯漆雕開睢陽侯司馬耕平陰侯有若東阿侯巫馬施陽穀侯顏辛上蔡侯曹卹枝江侯公孫龍馮翊侯秦商竊澤侯顏高上邽侯壤駟赤成紀侯石作蜀鉅平侯公夏首膠東侯后處濟陽侯奚容蒧富陽侯顏祖滄陽侯句井疆鄆城侯秦祖即墨侯公祖句茲武成侯縣成沂源并疆鄆城侯秦祖即墨侯公祖句茲武成侯縣成沂源

續文獻通考

卷之五十七

七

四百六十七

陽侯伯虔諸城侯冉季濮陽侯漆雕哆高宛侯漆雕徒父鄆平侯商澤當陽侯任不齊牟平侯公良孺新息侯秦冉梁父侯公肩定聊城侯鄆單祈卿侯罕父黑淄川侯申黨厥次侯榮旂南華侯左人郢胸山侯鄭國樂平侯原亢胙城侯廉潔博平侯叔仲會高唐侯邾吳臨朐侯公西輿如內黃侯蘧伯玉長山侯林放南頓侯陳亢陽平侯琴張博昌侯步叔乘中都伯左丘明臨淄伯公羊高乘氏伯伏勝考城伯戴聖曲阜伯孔安國廣川伯董仲舒岐陽伯賈逵扶風伯馬融高密伯鄭康成任成伯何休偃師伯王鼎新野伯范甯道國公周惇願洛國公程顥鄆伯張載徽國公朱熹開封伯呂祖謙宋理宗景定二年增崇安伯蔡沉浦城伯真德秀臨川郡公吳澄俱正統中增入 以上塑像封謚至嘉靖中皆撤革太祖洪武初年翰林國史院學士承旨詹同侍講學士樂韶鳳上文廟釋奠樂章舞六佾禮部尚書牛諒上禮儀制曰可遣御史大夫陳寧釋奠時誠意伯劉基陪祭不至已而受胙爲丞相胡惟庸所論劾 上曰基學聖人之道不陪祀使弗學者何以勸既不與祭而享胙禮乎奪俸一月寧坐不舉亦奪半月 二年 詔以大牢禮祭先師孔子于國學以歲仲春秋上下傳 制遣官以丞相初獻翰林學士國子祭酒亞終獻已而又遣使詣曲阜致祭曲阜孔子故里也使者陞辭 太祖諭之



曰仲尼之道廣大悠久與天地相並故後世有天下者莫不致敬盡禮脩其祀事朕今爲天下主期在明教化以行先聖之道今既釋奠國學仍遣爾脩祀事于闕里爾其敬之 是後壬戌夏四月丙戌 詔天下通祀孔子遂 賜學糧增師生廩膳 上諭禮部尚書劉仲質曰孔子明帝王之道以教後世使君君臣臣父子子綱常以正彝倫攸叙其功參乎天地今天下郡縣廟學並建而報祀之禮止行京師豈非缺典卿與儒臣其定釋奠禮儀頒之天下學校令每歲春秋仲月通祀孔子乃有是 詔

初定制以春秋上丁 皇帝御奉天殿傳 制遣大臣續文獻通考 卷之五十七 八

以太牢祭 至聖先師孔子於太學南京太學遣祭酒禮三獻樂六奏文舞六佾司府州縣衛學各提調官行事用少牢禮樂如太學樂不能備則已京府及附府縣行釋菜禮殿中先師南向復聖顏子宗聖曾子述聖子思子亞聖孟子配享東西相向先賢關閎冉耕冉雍宰予端木賜冉求仲由言偃卜商顓孫師十哲從祀亦東西相向兩廡從祀先賢詹臺成明宓不齊原憲公冶長南宮适高柴漆雕開樊須司馬耕公西赤有若琴張申枋陳亢巫馬施梁鱣公皙哀商瞿冉孺顏幸伯虔曹卬冉季公孫龍漆雕徒父顏高商澤壤駟赤任不齊石作蜀公良孺公夏首公肩定后處卽單奚容蔑罕父黑頽

祖祭於秦祖左人郢句井疆鄭國公祖句茲原亢縣成廉潔燕叔叔仲會顏之僕邦異樂欽公西與如狄黑孔忠公西歲按叔乘施之常秦非顏增先儒左丘明公羊高穀梁赤伏勝高堂生孔安國毛萇董仲舒后蒼杜子春王通韓愈胡瑗周惇頤程顥歐陽脩邵雍張載司馬光程頤楊時胡安國朱熹張栻陸九淵呂祖謙蔡沉真德秀許衡九十一人 是日子夜先祭啓聖公孔氏用少牢先賢顏無繇曾點孔鯉孟孫氏左右配享兩廡先儒程珦朱松蔡元定從祀 時江西崇仁縣訓導羅恢上疏云孔廟從祀當以道學論當時有若優子寧我論語記有若言行者四皆有裨世教記寧子言行者四皆

續文獻通考 卷之五十七

九

四百六十七

見貢聖人宜以有若居十哲而宰子居兩廡公伯寮阻壞聖門不宜從祀漢伯王孔子故人行年六十而化今在兩廡六十位次之下未當宜例陞孔聖廟不報恢江西永豐人 三年五月 詔正祀典禮惟孔子封爵仍舊是時 上如江淮府先謁文廟幸學至南昌亦如之四年國子司業宋濂上孔子廟堂議曰世之言禮者咸取法於孔子不以古之禮祀孔子襲祀也發祀不敬不敬則無福奈何今之人與古異也古者主人西面几筵在西也漢章帝幸魯祠孔子帝西面再拜開元禮先聖東向先師南向三獻官西向猶古意也今襲開元二十七年之制遷神南面非神道尚右之義矣古者木主樓

神天子諸侯廟皆有主大夫束帛士結茅爲菽無像設之事開元禮設先聖神座於堂上兩楹間先聖東北皆莞席尚掃地而祭也今因開元八年之制搏土而肖像焉失神而明之之義矣古者灌鬯燭蕭求神於陰陽也今用重簫代之非簡乎古者朝覲會同郊廟祭饗皆設庭燎司烜共之火師監之示嚴敬也今以秉炬當之非瀆乎古之有道有德者使教焉死則以爲樂祖祭於瞽宗謂之先師若漢禮有高堂生樂有制氏詩有毛公書有伏生也又凡始立學者必釋奠於先聖先師釋奠必有合謂國無先聖先師則所釋奠者當與鄰國合若唐虞有夔伯夷周有周公魯有孔子則不合也當是時學者各祭其先師非其師弗學非其學弗祭學校既廢天下莫知所師孔子集群聖之大成顏曾思孟實傳其道尊之以爲先聖先師而通祀於天下固宜若七十二子止於國學設之庶幾弗悖禮意開元禮國學祀先聖孔子以顏子等七十二賢配諸州惟配顏子今以荀況之言性惡楊雄之事王莽王弼之宗莊老賈逵之忽細行杜預之建短喪馬融之黨附勢家亦廁其中吾不知其何說也古者立學專以明倫子雖齊聖不先父食又矣故禹不先鯀湯不先契文王不先不窋宋祖帝乙鄭祖厲王猶尚祖也今同參僂坐饗堂上而其父列食於廡間顛倒疊倫莫此爲甚吾不知其何說也古者士見師

以萊爲贄故始入學行必釋菜以禮其先師其學官時祭皆釋奠今專用春秋非矣釋奠有樂無尸釋菜無樂是二釋之重輕以樂有無也今襲用魏漢律所製大樂乃先儒所謂亂世之音可乎哉古者釋奠釋菜名義雖存而儀注皆不可考開元禮彷彿儀禮饋食篇節文爲詳所謂三獻獻後各飲福卽尸酢主人主婦及賓之義也今憚其煩唯初獻得行之可乎哉他如廟制之非宜冕服之無章器用雜乎雅俗升降昧乎左右此類甚多雖更僕不可盡若乃建安熊氏欲以伏羲爲道統之宗神農黃帝堯舜禹湯文武次而列焉臯陶伊尹太公周公暨稷契夷益傳說箕子皆天子公卿之師式宜秋祀天子之樂若孔子實無祖述憲章之任其爲通祀則自天子下達苟如其言則道統益尊三皇不汨於醫師太公不辱於武夫矣昔周立四代之學學有先聖虞庠以舜夏學以禹殷學以湯東膠以文王復各取當時左右四聖成其德業者爲之先師以配享焉此固天子立學之法也上不喜謫濂安遠知縣時令進士釋褐行釋菜禮更定釋奠祭器禮物擇監生及文職大臣子弟在學校者充樂舞生五年罷孟子配享踰年上曰我聞孟子辯異端闢邪說發明孔子之道宜配享如故七年仲春上丁日食改仲丁致祭十五年作文廟成遣官以太牢祭上遂視學釋菜

始詔司府州縣衛學通祀孔子頒釋奠儀正獻鎮海濱城隍忠臣烈士封號惟大成至聖文宣王及配享從祀諸賢儒封爵如故十七年議大成樂二十六年頒大成樂器於天下府學令州縣學式於府學二十九年從行人司副楊砥議罷楊雄從祀進董仲舒配享成祖即位之八月遣官釋奠先師永樂八年正文廟聖賢繪塑衣冠

英宗正統元年用禮官議判定文廟從祀名爵位次頒行天下二年進宋儒胡安國蔡沉真德秀從祀三年

祭祀孔子於釋老官令祭物非土地所產者以所產代八年從輔臣楊士奇議追封吳澄爲臨川郡公從祀

續文獻通考卷之五十七

十二

四百三十四

景皇帝景泰六年從太常寺奏加兩京太學兩廡祭物

憲宗成化二年追封仲舒廣川伯安國建寧伯沉崇安伯德秀浦城伯

世宗嘉靖九年上用大學士張孚敬等議釐正祀典撤

去塑像改大成至聖文宣王爲至聖先師孔子神

位木主高二尺三寸七分闊四寸厚七分座高四寸長

七寸厚三寸四分朱地金書四配爲復聖顏子宗聖曾

子述聖子思子亞聖孟子神位木主各高一尺五寸闊

三寸二分厚五分座高四寸長六寸厚二寸八分十哲

以下凡及門弟子皆止稱先賢某子神位木主各高一

尺四寸闊二寸六分厚五分座高二寸六分長四寸厚

二寸左丘明以下稱先儒某子神位木主各高一尺三寸四分闊二寸三分厚四分座高二寸六分長四寸厚

二寸俱赤地黑書申黨申枨二人疑以據論語爲證乃

存枨去黨而公伯寮秦冉顏何荀况戴聖劉向賈逵馬

融何休王肅王弼杜預吳澄十三人俱罷從祀林放蘧

瑗鄭玄鄭衆盧植服虔范甯七人令各祀於其鄉后蒼

王通歐陽脩胡瑗四人增入從祀用故詹事兼翰林院

學士程敏政之言也尋用行人薛侃議增陸九淵於是

東廡從祀四十七位爲濬臺滅明原憲南宮适商瞿漆

雕開司馬耕有若巫馬施顏辛曹卹公孫龍秦商顏高

壤駟赤石作蜀公夏首后處奚容蒧顏祖荀并疆秦祖

續文獻通考卷之五十七

十三

四百三十五

公祖句茲縣成燕汲顏之僕施之常秦非申枨顏噲穀

梁赤高堂生毛萇后蒼杜子春韓愈程顥邵雍司馬光

胡安國張栻楊時陸九淵許衡西廡從祀四十四位爲

宓不齊公冶長公哲哀高柴樊須公西赤梁鱣冉孺伯

虔冉季漆雕開漆雕哆漆雕徒父商澤任不齊公良孺

公有定鄆單罕父黑榮旂左人鄆鄭國原亢廉潔叔仲

會邾異公西與如陳亢琴張步叔乘左丘明公羊高伏

勝孔安國董仲舒王通周敦頤歐陽脩張載程頤胡瑗

朱熹呂祖謙蔡沉真德秀凡舊封公侯伯爵盡皆革去

仍改大成殿爲先師廟大成門爲廟門時徐階疏辨改

號易像爲非宜帝怒切責之既而復疏曰聖謨洋洋

非臣所能窺測 上謂其諛佞謫延平推官且立佞人碑 十一月奉 詔行南京國子監責令祭酒等官通行改正以稱崇儒重道之意於是 車駕重幸太學仍行南京遣官祭焉

慈利縣學教諭蔣明於宣德十年四月疏言有功於道學者皆得從祀若元儒吳澄未見舉行行在禮部尚書胡濙以聞 上命濙會同少傅兵部尚書兼華蓋殿大學士楊士奇等議士奇等議曰考得元翰林學士吳澄所著書及奎章閣侍書學士虞集所狀澄事行益澄自十歲得宋儒朱熹所註大學讀之即知爲學之要專勤誦讀次讀語孟中庸亦然遂大肆力於諸經十五專務續文獻通考卷之五十七 十四 四十五

聖賢之學致踐履之實以道自任其所自勵有勤謹敬和自新自脩消人欲長天理克己悔過矯輕警惰頗再理一等銘其教學者有學基學統等篇深得濂洛關閩之旨考正孝經校定易書詩春秋修正儀禮小戴記及邵雍張載之書有易春秋禮記纂言及易纂言外翼皆所以啓大道之堂與開來學之聰明傳之百世而無弊也時朝廷屢起之乃就國子監丞稍進司業一言不合即自解去後屢徵復起亦不久於位進退之際卓然君子蓋元之正學大儒許衡及澄二人衡遭世祖功在朝廷澄在朝之日雖濙其職論思教成均勸講經筵咸積誠意預大議論大事咸引古道而功在學者尤多故二

人之沒皆謚文正衡在當時已列從祀澄既後出又卒於元衰之際當時已有建議宜列從祀者屬元綱日頽未及舉行今澄所著諸書具在我 國家崇儒重道大明四書五經及性理之旨凡澄所言皆見采錄以惠學者蓋澄問學之功朱熹以來莫或過之而從祀諸賢自荀況下至范甯語其事功皆未及澄今若升澄從祀孔子廟庭列諸許衡之次允愜斯文之公議昭 國家之盛典矣

祭酒周洪謨於成化十二年七月奏請加孔子封號改大成至聖爲神聖廣運疏畧曰若謂孔子陪臣不當稱帝則先儒羅從彥嘗曰唐既封先聖爲王襲其舊號可續文獻通考卷之五十七 十五 四十五

也加之帝號而褒崇之亦可也所封乃當時天王之王既正南向之位宜服冕十二旒衣十二章十運十豆各增爲十二六佾之舞增爲八佾之舞且古者鳴球琴瑟堂上之樂笙鏞祝敔堂下之樂而干羽舞于兩階今舞羽居上而樂器居下非古制也宜令典樂者改正 上命禮官議之於是尚書鄒幹上言正統十二年三月巡按直隸御史李奎奏請加封孔子 英宗皇帝制曰孔子萬世帝王所尊已有大成至聖之號 祖宗以來既仍其舊不必增益今神聖廣運出於伯益贊堯之詞不若大成至聖本於孟子中庸猶可以擬議也洪武中新建南京太學止用神主不設塑像故當時祭酒宋訥奏

勅撰文有像不土繪祀以神主百年夷習乃革  
今北監所有塑像皆因元舊不忍撤毀耳以此觀之冕  
旒蓋因塑像之舊亦非 聖朝之制而遵豆佾舞之數  
則 祖宗斟酌已有定式矧易謚號加器數舉不足爲  
孔子重輕所貴乎孔子之道者在身體力行乃尊崇之  
實耳所據加封遵豆佾舞俱當仍舊惟佾舞居下則行  
太常寺考正之 上是其言 九月壬子洪謨等題  
近言孔子封號冕服遵豆佾舞等事禮部尚書鄒幹等  
參稱洪武年間新創南京太學止用神主不設塑像今  
國子監有塑像者不過因前元之舊亦非 聖朝之制  
臣以爲不然自古帝王之有天下莫不因所當因革所

續文獻通考

卷之五十七

十六

四百六十三

當革我 太祖高皇帝正祀典百神封號凡前代所封  
者盡行革去惟孔子封號仍存其舊天下郡縣元時三  
皇廟像以民間不可褻瀆亦皆革去惟孔子塑像除南  
京太學用神主外天下府州縣學元時塑像悉存其舊  
所因所革皆以定一代之規垂萬世之法豈可謂所革  
者爲 聖朝之制而所因者非 聖朝之制乎又謂謚  
號器數之加否不足爲孔子重輕所貴乎孔子之道者  
在身體力行乃爲尊崇之實臣以爲孔子之道不外乎  
禮樂今欲體孔子之道亦莫先乎禮樂若不能備其禮  
樂則無以將其誠敬報本之義既疎體道之功安在今  
查得唐開元中始封孔子爲文宣王被以袞冕樂用官

懸當時袞冕之名通乎上下天子之袞冕十二旒十二  
章一品之袞冕九旒九章官懸者天子之樂也樂既用  
天子之官懸服必用天子之袞冕是唐之奉孔子者已  
用天子之禮樂矣今冕服既用天子之禮而佾舞則用  
諸侯之樂以禮論樂則樂不備以樂論禮則禮爲僭禮  
既不明樂又不稱孔子在天之靈必所不享夫禮樂之  
因於前元者既又缺畧則法制之明於 聖朝者當爲  
釐正若復因循不加釐正後世君子必見非笑如蒙准  
言乞 勅內閣大臣并六部三法司六科十三道等官  
計議首則正其封號合無表明孔子周人當用周制其  
所封乃當天王之王非後世國王之王故從前代以來

續文獻通考

卷之五十七

十七

四百六十四

皆用天子冕服封號既正則冕服與封號相稱而禮不  
爲僭矣次則增其器數合無將十遵十豆爲十二遵十  
二豆六佾之舞爲八佾器數既加則舞佾與冕旒相稱  
而樂不爲缺矣禮明樂備則可以格聖靈可以厚風化  
可以補前代缺畧之典可以備 聖朝尊崇之制題奉  
聖旨是尊崇孔子是朝廷盛典遵豆增爲十二六佾  
增爲八佾通行天下該衙門知道自是丁祭羽舞始居  
下焉  
學士程敏政於弘治元年考正祀典疏曰臣聞古聖王  
之治天下必以祀典爲重所以崇德報功而垂世教淑  
人心也故有功德於一時者一時祀之更代則已有功

德於一方者一方祀之踰境則已然猶欲以觀一時範  
一方而不敢輕議焉况先師孔子有功德於天下萬世  
天下祀之萬世祀之則其廟廷之間侑食之人豈可苟  
焉而已必得文與行兼名與實副有功於聖門而無疵  
于公議者庶足以稱崇德報功之意若侑食者非其人  
則豈惟先師臨之神不顧歆將使典模範者莫知所教  
爲弟子者莫知所學世教不明人心不淑通于天下而  
施及後世其爲關繫豈特一時一方之可比哉邇者言  
官欲黜文廟從祀諸賢之有罪者詔禮部集議臣愚  
亦在預議之列疑其所言尚有未盡而議者相持憚於  
改作臣考之於書揆之於心不敢妄爲異同謹畫一條

續文獻通考

卷之五十七

十一

四百六十八

陳上讀 聖覽伏乞 皇上不顯文謨王張斯道仍下  
禮部通行集議采而行之一洗前代相習之陋永爲百  
世可遵之典使世教有興起之益人心得趨向之公其  
於治道未爲無補 一唐貞觀二十一年始以左丘明  
等二十二人從祀孔子廟庭蓋當時聖學不明議者  
無識拘于註疏謂釋奠先師如詩有毛公禮有高堂生  
書有伏生之類遂以專門訓詁之學爲得聖道之傳而  
并及馬融等行之至今誠不可不考其行之得失與議  
之可否而釐正於大明有道之世也臣考歷代正史馬  
融初應鄧騭之召爲秘書監官南郡太守以貪濁免官  
髡徙朔方自刺不殊又不拘儒者之節前授生徒後列

女樂爲梁冀草奏殺忠臣李固作西第頌以冀冀爲正  
直所羞卽是觀之則衆醜備於一身五經爲之掃地後  
世乃以其空言目爲經師使侑坐于孔子之庭臣不知  
其何說也劉向初以獻賦進嘉誦神仙方術嘗上言黃  
金可成鑄作不驗下吏當死其兄陽城侯救之獲免所  
著洪範五行傳最爲舛駁使箕子經世之微言流爲陰  
陽術家之小技賈逵以獻頌爲郎不修小節專以附會  
圖識以至貴顯蓋左道亂政之人也王弼與何晏倡爲  
清談所註易傳祖老莊而范甯追究晉室之亂以爲王  
何之罪深於桀紂何休則止有春秋解詁一書黜周王  
魯又註風角等書班之于孝經論語蓋異端邪說之流

續文獻通考

卷之五十七

十九

四百七十一

也戴聖爲九江太守治行多不法懼何武劾之而自免  
後爲博士毀武於朝及子賓客爲盜繫獄而武平心決  
之得不死則又造謝不慙先儒謂聖禮家之宗而身爲  
賊吏子爲賊徒可爲世鑒王肅在魏以女適司馬昭嘗  
是時昭篡魏之勢已成肅爲世臣封蘭陵侯官至中領  
軍乃坐觀成敗及母丘儉文欽起兵討賊肅又爲司馬  
師畫策以濟其惡若好人佞已乃其過之小者杜預所  
著亦止有左氏經傳集解其大節益無可稱如守襄陽  
則數饋遺洛中要人曰懼其爲害耳非以求益也伐吳  
之際因所廢之讖畫殺江陵之人以吏則不廉以將則  
不義凡此諸人其於名教得罪非小而議者謂能守其



遺經轉相授受以待後之學者不爲無功臣竊以爲不然夫守其遺經若左丘明公羊高穀梁赤之於春秋伏勝孔安國之於書毛萇之於詩高堂生之於儀禮后蒼之於禮記杜子春之於周禮可以當之益秦火之後惟易以卜筮僅存而餘經非此九人則幾乎熄矣此其功之不可泯者以之從祀可也若融等又不過訓詁此九人所傳者耳况其書行於唐故唐得以備經師之數祀之今當理學大明之後易用程朱詩用朱子書用蔡氏春秋用胡氏又何取於漢魏以來駁而不正之人使安享天下之祀哉夫所以祀之者非徒使學者誦其詩讀其書亦將識其人而使之尚友也臣恐學者習其訓詁續文獻通考

自顏回而下七十六人家語之書出於孔氏當得其實而司馬遷史記所載多公伯寮秦冉顏何三人文翁成都廟壁所畫又多蘧瑗林放申枹三人先儒謂後人以所見增益殆未可據臣考宋邢昺論語註疏申枹孔子弟子在家語作申續史記作申黨其實一人也今廟庭從祀申枹封文登侯在東廡申黨封涓川侯在西廡重復無稽一至於此且公伯寮懇子路以沮孔子乃聖門之讎謗而孔子稱瑗爲夫子決非及門之士林放雖嘗問禮然家語史記邢昺註疏朱子集註俱不載諸弟子之列秦冉顏何疑亦爲字畫相近之誤如申枹申黨者但不可考耳臣愚以爲申枹申黨位號宜存其一公伯寮秦冉顏何蘧瑗林放五人既不載於家語七十子之數宜罷其祀若瑗放二人不可無祀則乞祀瑗於衛祀放於魯或附祭于本處鄉賢祠仍其舊爵以見優崇賢者之意亦庶乎名實相符而不舛於禮也洪武二十九年行人司司副楊砥建議請黜楊雄董仲舒太祖高皇帝嘉納其言而行之主張斯道以淑人心可謂大矣然荀悅楊雄實相伯仲而悅以性爲惡以禮爲儒以子思孟子爲亂天下以子張子夏子游爲賤儒故程子有荀卿過多楊雄過少之說今言者欲并黜悅之祀宜也然臣竊以爲漢儒莫若董仲舒唐儒莫若韓愈而尚有可議者一人文中子王通是也通之言行先儒之語已

多大約以爲僭經而不得比于董韓云爾臣請斷之以程朱之說程子曰王通隱德君子也論其粹處殆非荀揚所及若續經之類皆非其作然則程子豈私於通哉正因其言之粹者而知其非僭經之人耳朱子曰文中子論治體處高似仲舒而本領不及爽似仲舒而純不及又曰韓子原道諸篇若非通所及者然終不免文士之習利達之求若覽古今之變措諸事業恐未若通之精到懇惻而有條理也至於河汾師道之立出於魏晉佛老之餘迨今人以爲盛則通固豪傑之士也今董韓並列從祀而通不預疑爲闕典臣又按宋儒自周子以下九人同列從祀而尚有可議者一人安定胡瑗是也

續文獻通考

卷之五十七

二十二

禮考

瑗之言行先儒之論已詳大約以爲少著述而不得比于濂洛云爾臣亦請斷之以程朱之說程子看詳學制曰宜建尊賢堂以延天下道德之士如胡瑗張載邵雍使學者得以矜式朱子小學書亦備載瑗事以爲百世之法臣以爲自秦漢以來師道之立未有過瑗者矧程子於瑗之生也欲致其與張邵並居於尊賢之堂其沒也乃不得與張邵並侑于宣聖之廟其爲闕典或又甚矣况宋端平二年議增十賢從祀以瑗爲首若以爲瑗無著述之功則元之許衡亦無著述但其身教之懿與瑗相望誠有不可偏廢者臣考之禮有道有德于教與學者死則爲樂祖祭于瞽宗鄉老先生歿則祭于社若

通瑗兩人之師道百世如新得加封爵使與衡得並列祀于學官最得禮意是年禮科右給事中張九功奏言孔子之道大同天地從祀諸賢豈容或苟如荀况馬融王弼楊雄皆在所當黜今之儒臣禮部侍郎無翰林學士薛瑄在所常入命禮部會議於是尚書周經等僉言楊雄已黜於洪武時而薛瑄嘗與元儒劉因並欲從祀以大學士楊廷和謂其無所著述而止自餘皆有羽翼聖經之功宜仍舊從祀

南京國子監祭酒謝鐸于四年奏脩明教化大事其三曰正祀典以端教化之本臣愚竊謂孔廟從祀之賢實萬世瞻仰所繫一有不合於天理人心之公何以爲教

續文獻通考

卷之五十七

二十三

禮考

化本原之地是誠不可以不正也且所謂十哲七十二子以及左氏以下二十二人其所當黜陟者先儒程子與熊去非已有定論而近時大臣與禮官亦嘗會議但此外猶有不能以無疑者有若龜山先生楊時程門高弟伊洛正傳息邪放淫以承孟氏不愧南軒所稱繼往開來吾道南矣實演晦翁之派雖其晚節一出不克盡從其言而新經之闕誠足以衛吾道論行檢漢儒如馬融戴聖之徒固爲不可幾及論著述宋儒自周程張朱之外恐亦未免有疵如是而不預從祀之列臣竊惑焉又若臨川郡公吳澄著述雖不爲不多行檢則不無可議生長於淳祐貢舉於咸淳受宋之恩者已如此其父

爲國子司業爲翰林學士歷元之官者乃如彼其榮出  
處聖賢之大節夏古今之大防處中國而居然夷狄  
忘君親而不耻仇虜迹其所爲曾不及洛邑之頑民何  
敢望首陽之高士昔人謂其專務聖賢之學卓然進退  
之際不識聖賢之於進退果如是否乎如是而猶在從  
祀之列臣固不能以無惑况二人者皆太學之師其於  
廟祀黜陟之際尤不可以不正也乞 勅陞時以上附  
宋諸賢之位斥登以下從莽大夫之列不惟天下之公  
論允愜而於世道教化亦不爲無補矣 八年少傅兼  
太子太傳吏部尚書謹身殿大學士徐溥等題爲崇  
祀典以重道學事該禮部手本開送國子監博士楊廷  
續文獻通考 卷之五十七

二十四

徐重

四百六十九

用奏前事要將宋儒龜山楊時定議從祀孔子廟庭查  
得成化元年浙江紹興府知府彭誼亦要將楊時從祀  
及福建將樂縣歲貢生員何昇亦奏前事內稱宋儒朱  
熹張栻元儒許衡吳澄俱以有功聖門得預從祀而楊  
時獨不得預近年南京國子監祭酒謝鐸亦以爲言可  
見後學之心皆有未安合行翰林院查照議擬奏 請  
定奪臣等會同太常寺卿兼翰林院侍講學士程敏政  
等議得諸儒從祀于孔門者非有功於斯道不可然道  
非後學所易知也要必取證于大儒之說斯可以合人  
心之公竊考程氏遺書及朱子伊洛淵源錄所載龜山  
楊氏行狀墓誌等文俱稱其造養深遠踐履純固溫然

無疾言遽色與明道程子相似方其學成而歸程子目  
送之曰吾道南矣然則是道也豈易言哉自兩程子嗣  
孔孟不傳之統及門之士得以道見許者龜山一人而  
已蓋龜山一傳爲豫章羅氏再傳爲延平李氏以授朱  
子號爲正宗文定胡氏親承指授而春秋之傳作南軒  
張氏上溯淵源而太極之義闡心學所漸悉本伊洛使  
天下之人曉然知虛寂之非道訓詁之非學詞華之非  
藝則龜山傳道之功不可誣矣崇宣之世京輔柄國躋  
王安石于配享位次孟子而頌其新經以取士尊王安  
石爲聖人不復知有孔子誦新經爲聖言不復知有古  
訓僭聖叛經凡數十年龜山入朝首請黜其配享不令  
續文獻通考 卷之五十七

二十五

徐重

四百七十三

廟宣聖之廟庭廢其新經不令童學者之心術又請罷  
綱運以收人心斥和議以張國勢竄權臣以正邦憲培  
主德以崇治本竊議謹言雖不盡用然使天下之人知  
邪說之當息誠行之當距淫詞之當放則龜山衛道之  
功亦不可掩或有疑其出處之際而少其著述之功則  
亦有可言者朱子謂龜山之出惟胡文定公之言最公  
曰當時若能聽用決須救得一半文定亦曰蔡氏馬能  
挽之然則以出處見疑者未考之過也龜山值洛學黨  
禁之餘指示學者以大本所在體驗之功轉相授受而  
朱子得聞其指訣則見于何鑄之書朱子於理一分殊  
之論稱其年高德盛而所見益精則見于西銘之跋要

之無龜山則無朱子而龜山之道非知德者殆未可輕議然則以著述見少者亦未考之過也又按元史至正二十一年因杭州路照磨胡瑜建言已將龜山與延平李氏文定胡氏九峯蔡氏西山真氏俱加封爵列于從祀以世變不及徧行天下此殆近于愷所謂有其舉之莫敢廢者然則親講於龜山若文定私淑於龜山若朱張咸在脩食近私淑于朱子若蔡真遠私淑于朱子若許吳亦在脩食獨其師有傳道衛道之功可以繼往開來抑邪與正者反不預焉揆之人心誠爲闕典考大儒之定論參前代之故實伸弟子從師之義慰後學向道之心以龜山躋于從祀宜合公論伏乞 聖裁奉 旨

續文獻通考

允行 十四年國子監管祭酒事禮部右侍郎謝鐸建言維持風教四事其一曰正祀典以究明倫之實臣愚竊惟學校之設皆所以明人倫也人倫莫先於父子離齊聖不先父食奈何承訛襲故以顏曾思三子配享堂上而其父則皆列祀廡下冠履倒置有是理哉爲今之計莫若於闕里立廟祀叔梁紇以顏路曾皙孔鯉諸賢配享如先儒熊去非之論庶幾各全其尊而神靈安妥也人倫莫大於君臣殷之頑民猶不忍忘紂柰何忘君事仇若吳澄者親爲有宋之遺臣覩顏胡元之官祿名節掃地復何言哉後死之誅正宜律以春秋大義斥其用夷變夏之罪罷黜從祀以列於莽大夫之列庶幾

不掩其惡而人心慄也此前一事人雖屢言而未見施行此後一事臣亦嘗言而未蒙俞允臣非不知重復觀屢言之誠爲可愧特以每當奉祠對越之際輒起顛顛不安之心心所不安又不得不發之言耳乞 勅禮部翰林院重加考定議處使祀典以正人倫以明則所以維持風教者不淺淺矣

大學士張璪於嘉靖九年歷舉前後諸臣之議崇正孔子祀典祀啓聖公及黜諸從祀之未安者 上一一行

之諸臣議已見前其議歐陽脩當從祀曰臣按歐陽脩乃有宋一代人物未與從祀嘗觀其所著本論實有翊衛聖道之功蘇軾曰自漢以來道術不出於孔氏而亂天下者多矣五百餘年而後得韓愈學者以配孟氏蓋庶幾焉愈之後三百有餘年而後得歐陽子其學推韓愈孟子以達於孔氏故天下翕然師尊之曰歐陽子今之韓愈也夫韓愈既以從祀歐陽脩豈可少哉

禮部尚書嚴嵩覆薛瑄從祀議曰臣等考之昔者帝王秩祀孔子以孔子道德刪述有教萬世之功而祀之所以教民報也諸孔子之徒俎豆堂廡亦以其人躬備道德能有以羽翼聖學功可祀而祀之而從祀之典通乎萬世是謂崇德是謂報功自漢以來大儒從祀代不乏人逮我 國朝正統間以宋胡安國蔡沉真德秀元吳澄從祀弘治間以宋楊時從祀 皇上嘉靖九年又以

續文獻通考

卷之五十七

二十八

高

宋陸九淵從祀表章先儒定爲國家盛典而累朝諸臣若給事中張九功楊應解一貫都御史姚鏌參政許讚俱嘗建議請以本朝名臣禮部侍郎薛瑄從祀謹按瑄山西河津縣人年甫幼學一見濂洛之書嘆曰此學道之正脉也即焚棄詞賦以程門居敬窮理爲學之法以孟子復性爲學之功由壯至老造詣純篤蓋見於大學士李賢尚書彭韶國子監丞閻昂錫等所撰行狀碑文者如此瑄所著有讀書錄十卷今觀其書格言要論發明理道每有新得非體認密切踐履真實者不能至於立朝行已風采卓絕有功名教可謂豪傑之崛起聖門之宗裔矣自瑄之歿言者頌其學術行德凡數十上今

續文獻通考

卷之五十七

三十九

高

坐孔庭受職嘉享事重禮殷其選不得不慎臣等謹按漢法有大事中朝逮文學掌故皆以其議上號爲近古今祀典重事必下廷議集衆思斯於事體爲得而據考經典折衷群言又非頃刻立談可盡查得弘治間宋儒楊時從祀該本部奉旨行翰林院諸臣撰議上進伏望皇上特勅翰林院詹事府左右春坊國子監諸文學之官令其博考詳論各撰議進呈御覽以俟聖明裁擇施行庶盡天下之公使後世罔有遺議奉聖旨是着翰林院詹事府左右春坊司經局國子監堂上官人各上議諸臣議上謂當祀者二十三人謂姑緩者二人謂不必祀者郭希賢一人禮部覆議曰臣等爲照從祀始見請於臺章繼詳延於廷議諸臣之奏無非以我祖宗列聖培養作興百有餘年之久孔庭俎豆宜得其人焉以彰國家之盛則如瑄者庶無忝茲選矣故集衆之詞無或疵議此推仰先哲之心也而庶子童承叙謂程朱高弟如羅從彥李侗尹焞黃幹尚未得祀近時儒者如吳與弼胡居仁陳獻章亦應從祀舍彼取此似爲未偏贊善浦應麒亦曰俟之後世二臣之言無非以論必久而後定故聚訟之議不嫌異同此慎重祀典之意也臣等切惟光嶽氣分世無全士度長絮短自有可觀薛瑄之造詣其視宋儒雖若有間然實爲本朝理學之倡必若從祀無以踰瑄臣等推仰先哲

之心與諸臣一也。乃若其諸人亦皆爲一時士論之所推許。但時同地近。臣等難以軒輊決擇於其間矣。夫衆言折諸聖人。議禮本諸天子。惟茲孔廟之祀。關係萬世天下之所仰瞻。實爲重大。伏乞聖明特賜虛斷。以垂式萬世。又看得尚書霍韜奏內欲將宋臣司馬光陸九淵議黜。從祀。夫司馬光平生所學。惟是漢王之議。失父子之倫。委爲昧禮。若其公忠鯁亮。勲業偉俊。爲宋一代名臣。無間賢不肖。皆知尊信。似未可以一肯病之。陸九淵資稟高明。見道超悟。據其學術。論議當在薛瑄之右。今議進瑄。則九淵似難遽罷。臣等又看得司直呂懷奏內欲將道統正傳。皆欲進廟堂。系四配之下。夫十

哲四科之賢。親受聖教者也。濂洛諸儒。似難越居其上。以上合無只照舊祀伏乞聖裁。嘉靖十九年三月初五日奉旨。聖賢道學。不明士習。趨流俗。朕深有感焉。薛瑄能自振起。誠可嘉尚。但公論久而後定。宜俟將來司馬光陸九淵從享。與四配等位次。具歷代秩祀。又經我太祖欽定。都只照舊。今後不許妄議。

按孔子及諸賢封爵先儒。亦嘗疑之。啓聖立祠。顏路曾哲孔鯉。改祀議亦發於前代。而未之能行。國朝洪武中。宋濂解縉始復起其說。厥後程頤諸臣相繼闡明之。洪武二十九年。黜楊雄。進仲舒。宣德十年。增吳澄。正統二年。增胡安國。蔡沉。直德秀。弘治八年。增楊時。嘉靖九

年用廷議。乃正先師位。號祀典。肇祀啓聖公。而諸儒從祀。增后蒼王通。歐陽脩。胡瑗。陸九淵。其當罷祀及祀于鄉者。一如宋濂程敏政之言。惟本朝薛瑄從祀。頻經請覆。尚以世近未行。豈非昭代名賢之盛。將不無待於並舉與若乃著述之求。則未必爲定論也。

戶科給事中魏時亮於隆慶元年十月請錄真儒以彰道化。舉薛瑄陳獻章王守仁均得聖學真傳。宜從祀孔廟。先是給事中趙軌御史周弘祖請以故禮部侍郎薛瑄從祀。御史耿定向亦請以故新建伯兵部尚書王守仁從祀。下禮部議。覆薛瑄潛心理道。勵志修爲。言雖不專於著述。而片言隻簡。動示楷模。心雖不繫於事功。而偉節恢猷。皆可師法。王守仁質本超凡。理由妙悟。學以致良知爲本。獨觀性命之原。教以勤講習爲功。善發聖賢之旨。但瑄則相去百年。輿論共服。守仁則世代稍近。不無異同。請勅翰林院國子監儒臣。廣咨博訪。撰議進覽。仍下本部會同集議。以俟聖斷從之。

六科韓楫等十三道御史馬三樂等。于五年交章請以瑄從祀。下禮部會廷臣雜議。至是議曰。臣等謹按瑄山西河津縣人。方幼年一見濂洛諸書。即嘆曰。此道學正脉也。遂棄去。詞賦專心。于是其學以復性爲的。以居敬窮理爲功。以及躬踐履爲實。潛心體究。至老彌精。克養之純。超然自得。此學問之大原也。平生言動舉止。悉合

續文獻通考卷之五十七

三十三

四百五十五

于矩辭受取與一溪諸義居家則孝友無間與人則樂  
易可親中正足以矯枉闢邪剛直足以應頑立懦此行  
履之大畧也所著有讀書錄有河汾集雖不專以述作  
爲事而隻簡片言皆可師法微詞與義悉合聖謨至今  
學者莫不尊信而誦習之此著述之大旨也至于立朝  
行已之際不折節于權門不謝恩于私室不屈法于貴  
近不憚志于臨刑榮辱無以關其心死生無以易其操  
此樹立之大節也故一時信從者有河東夫子之稱一  
代真儒之許至今無異議焉間有疑其著述之寡不知  
學貴心得道在躬行矧瑄所著書且十餘萬言不爲不  
多又有言宋時羅從彥李侗諸儒尚未徧祀瑄不應獨  
續文獻通考

體遵行

國子監學錄張養蒙於萬曆二十六年四月題爲釐正  
祀典以安神明 一孟軻之父不得祭曰孟孫氏蓋訛  
傳懿子何忌非軻父也宜改書先賢孟激公而懿子亦  
應從祀兩廡 一林放蘧瑗不宜改祀于鄉蓋不見傳  
記而從祀者不止林放不及門而從祀者不止伯王况

一探本超乎時尚一出處合乎聖人從祀正協輿論  
一蔡元定精詣卓識早聞性道與顏曾之父不同今從  
啓聖若以沉之故崇報其父非所以彰元定之賢也合  
將元定改祀文廟東廡 一輔成旣得比例于珣松則  
張載之父自應比例於輔成

續文獻通考卷之五十七終

續文獻通考卷之五十七

三十三

四百五十五



續文獻通考卷之五十八

皇明進士雲間王珩纂輯

學校考

聖裔

舊考雖載世次太封爵故重述于左

聖裔 附四氏裔

孔子周靈王二十年巳酉當魯襄公二十一年十月庚子生年三十三適周明年魯亂適齊年四十三自齊反魯年五十二當魯定公十九年爲中都宰遷司空又遷大司寇明年會夾谷二十二年墮三都二十四年攝行相事誅少正卯齊人歸女樂季桓子受之三日不朝孔子行遂適衛年五十七明年過宋適鄭遂至陳居三歲去陳適衛衛不用將西見趙簡子臨河不濟自衛復如陳續文獻通考卷之五十八

四百三十八

時魯定公二十七年也哀公四年孔子自陳之蔡明年如葉又還蔡六年有陳蔡之厄楚昭王迎之得免昭王卒孔子自楚反衛年六十四哀公十一年魯以幣召孔子歸而刪詩定書繫易年六十九哀公十四年魯西狩獲麟乃因史記修春秋至獲麟而止哀公十六年孔子卒年七十四其先宋人也周成王封微子啓于宋以奉湯祀啓弟仲沂生宋公稽稽生丁公申申生愍公共共生弗父何自何而下世爲宋大夫何生宋父周周生世父勝勝生正考父正考父生孔父嘉其後奔魯遂爲魯人嘉生木金父木金父生畢夷父墨夷父生孔防叔防叔生伯夏伯夏生紇字叔梁爲陬邑大夫娶顏氏女徵

在時公尼丘生孔子因名丘字仲尼生時五老降庚二龍遠室其相貌于姬天文足履度字置二十八采額頰鼻陶肖類子產腰大十圍自腰以下不及禹三寸二代鯉字伯魚孔子之子學通儒術魯哀公以幣召之稱疾不行年五十先孔子卒 忠孔子兄之子在七十子之列

三代伋鯉之子字子思對孔子以其父析薪其子弗克負荷是謂不肖孔子忻然曰其克昌乎對魯穆公以除非法之事行周公伯禽之政不能用乃適衛管言當我先君周制雖衰君臣正位上下相持若一體然夫欲行其道不執禮以求之則不能入也今諸侯力爭競招英雄以自輔翼伋於此時不自高入將下我不自貴人將賤續文獻通考卷之五十八

四百三十九

我時移世異各有宜也於是在衛緼袍無表三旬九食著書四十七篇曰中庸教授弟子孟軻之徒數百人年六十二

四代伋伋子字子上請所習於子思 子思曰先人有訓焉學必由聖故夫子之教必始於詩書而終于禮樂雜說不與焉白通習群書又善兵法孫威王召白爲國相年四十七

五代求白子字子家通習儒道有遯世之志楚召不仕年四十五

六代箕求子字子京爲魏相年四十六

七代穿字子高箕子傳學沉靜有遁世之志楚魏趙皆召

之不仕嘗折公孫龍白馬非馬之論著儒家語十二篇  
名調年五十一

八代譙史記世家作慎字子順又名斌魏安釐王迎以爲  
相改發寵之官以事賢才奪無任之祿以賜有功諸失  
職者謗之九月致仕曰不出十年天下其盡爲秦乎秦  
莊襄王召之不行魏以孔子後封魯文信君年五十七  
三子鮒騰樹

九代鮒字子魚一字申該覽六藝秦分天下召爲魯國文  
通君拜少傅秦焚書乃歸藏書屋壁隱居嵩山陳涉起  
聘爲大傅仕六月言不用退卒于陳年五十七著孔叢  
子 騰字子襄長九尺六寸漢高帝祠孔子封爲奉嗣  
續文獻通考卷之五十八 三 四百一十一節

君亦嘗爲惠帝博士遷長沙太傅年五十七生子忠  
樹字子文

十代忠字子貞騰子有高志爲博士年五十七生武及安  
國家語以爲子襄生季中季中生武及安國 趙字元  
路鮒子 聚字子產樹之子以將軍破楚垓下封蓼平  
侯年五十三謚夷一統志孔子十世孫孔貞諡魯古今  
有高尚志微爲博士封褒成侯疑即  
孔忠也蓋以字爲名耳  
然不云封褒成侯何也

十一代武字子威爲漢文帝博士仕至臨淮太守早卒  
安國字子國武帝博士仕至太守訓註經籍 臧聚之  
子嗣蓼平侯歷位九卿遷御史大夫辭乞爲太常典臣  
傳家業

十二代延年字無考博覽群書漢武帝時爲博士轉少傅  
又遷大將軍年七十一 邛安國子傳家特善詩禮  
琳臧之子嗣蓼平侯亦傳家業

十三代霸字次孺幼有奇才漢昭帝時爲博士宣帝時爲  
太中大夫選任皇太子司經遷詹事爲高密相元帝即  
位拜爵關內侯號褒成君奉夫子祀年七十二卒謚烈  
驪邛子爲博士善春秋三傳 黃琳子坐事失侯  
茂黃之弟大司徒光以其祖有功德而邑土廢絕復封  
關內侯

十四代福霸之子襲封關內侯奉孔子祀卒年六十二  
捷福之弟列校尉諸曹 喜捷弟列校尉諸曹 光喜  
續文獻通考卷之五十八 四 四百三十四

弟字子夏經學尤明歷輔成哀平三世王莽盛憂懼辭  
位年七十卒 宣聚之元孫長安公士詔復其家 立  
驪之子善詩書教授數百人 安鮒五代孫以殷後封  
殷紹嘉公先武時有孔安封殷紹嘉公恐尊行  
爲何齊之叔而封在何齊之後也

十五代房福之子襲封關內侯 求光兄之子封寧鄉侯  
放光之子歷侍郎嗣博山侯 元立之子爲校書郎  
與楊雄友善 何齊吉之子封宋公

十六代均房子字長平初名恭避王莽改今名好學有大  
才襲封關內侯平帝更封魯國褒成侯追謚夫子爲褒  
成宣尼公王莽篡位拜太尉辭疾還鄉年八十一 書  
捷之孫通左氏春秋光武時守姑臧長賜爵關內侯後

拜武都太守 奇奮之弟著左氏義詒 子建元之子

不仕莽朝關里荆棘自除 尚霸之曾孫鉅鹿太守

十七代志均子漢光武拜大司馬上幸魯祠孔子封褒成

侯卒謚元成 嘉奮之子城門校尉作左氏說 仁子

建子

十八代損志子字君益漢明帝時襲封褒成侯和帝時徙

封褒亭侯

十九代曜損子字君曜襲褒亭侯 宙霸六世孫太山都

尉

二十代完曜子襲褒亭侯早亡無子以毋弟讚之子美襲

封 呈霸七世孫漢靈帝徵拜議郎補洛陽令自霸至

續文獻通考 卷之五十八

五

三百九十六

昱爵位相係卿相牧守五十三人列侯七人 褒宙子

為藏張儉而死 融宙次子初為北海相漢獻帝徵為

將作大匠大中大夫每譏誚曹操為所害

二十一代羨字子餘魏文帝黃初元年拜議郎封宗聖侯

二十二代震羨子字伯起晉武帝泰始三年改封奉聖亭

侯拜太常卿黃門侍郎 衍少好學年十二能通詩書

晉元帝引為安東參軍 潛後漢太子少傅避地會稽

途為郡人 孟從王肅學

二十三代震震子字功成晉襲封奉聖亭侯 啓衍之子

廬陵太守 竺潛之子吳南昌太守 晉史作潛

二十四代撫疑子晉舉孝廉辟太尉掾襲封奉聖亭侯為

豫章太守 恬竺三子吳侍中選部尚書晉湘東太守

中竺次子丹陽太守 奕竺少子全椒令有惠化

二十五代懿撫子晉襲封奉聖亭侯 愉恬長子晉左僕

射 侃中子大司農 倫奕子黃門郎註儀禮一卷

群倫弟少知名晉御史中丞 祇倫弟為太守周札功

曹札為沈充所害祇冒刃收其喪

二十六代鮮懿子字鮮之恢廓有大度好學善誘誨宋文

帝時襲奉聖亭侯後改封崇聖侯 閭愉子建安太守

汪愉少子廣州刺史 安國愉幼子晉左僕射舊譜

避漢博士諱安國但云名國 坦侃之子晉散騎常侍

封晉陵男有集五卷 嚴倫子領尚書有集五卷

續文獻通考 卷之五十八

六

四百五十六

二十七代乘鮮子字敬山博學有才魏舉孝廉封崇聖侯

晉閭子尚書令 靜閭次子宋侍中 侯汪子江夏

太守 混坦之子嗣晉陵男爵 道民嚴之子宣城內

史 靖民嚴之子散騎常侍 福民嚴之子太子洗馬

道隆嚴子位至侍中 沉群之孫丞相掾 據史沉

二十八代靈珍乘子後魏封崇聖侯 祐晉子有至行

靈符靜之子會稽太守 靈運靜之子著作郎 幼侯

之子 靈產道隆子光祿大夫 獻沉之子廷尉光祿

大夫 景偉安國孫孫散騎常侍

二十九代文泰靈珍子襲封崇聖侯年五十八 道微昭

之子守志業不仕 珪靈產子齊散騎常侍 湛之靈

符子 深之靈符子宋比部郎 琇之靈運子宋江夏  
內史有吏能 琳之厥子以草書擅名宋侍中御史中  
丞有集十卷 璩之厥子楊州從事 滔景儀子梁海  
鹽令 遙之冲五世孫宋尚書左丞 靈龜楊七世孫  
後魏國子博士

三十代渠文泰子襲封崇聖侯比齊文宣帝改封恭聖侯  
後周靜帝進封孔子為鄒國公立後因改封鄒國公

孫琇之子尚書三公郎 珮遙之子齊通直郎孫史珮  
有誤 曄遙之子中書侍郎 士邈琳之子楊州中從

事 總道微兄之子有操行除竟陵王侍郎不至 岱  
滔之子歷清要 碩靈龜子後魏南臺丞

續文獻通考 卷之五十八

七

四百二十七

三十一代長孫渠子襲封鄒國公 休源珮子梁都官尚  
書有集十五卷 幼孫璩之子梁無錫令 虔孫璩子

觀士邈子宋御史中丞尋陽王右軍長史行會稽郡  
事 道存士邈子南海太守 範岱之子博涉書史

得仁範從祖弟 安齊碩之子青州法曹 微觀從弟

三十二代嗣祖渠次子隋文帝時應制登科襲封鄒國公  
煬帝改為紹聖侯 雲章休源長子揚州別駕 宗範

休源幼子陳中書黃門侍郎 與幼孫之子陳中書令  
有集十五卷 長公觀之子 徵長公從父弟 頴達

八歲日記千餘言大業中舉明經高第仕至司業祭酒  
常侍撰五經孝正義集五卷年七十五

三十三代德倫嗣祖子唐高祖改封襲聖侯 伯恭宗範  
子陳散騎常侍 紹安貞第五子唐中書舍人有集五  
卷 紹新與之子以文學知名 紹忠與之子鄱陽東  
曹掾 志玄頴達長子唐國子司業 志約頴達少子  
禮部郎中 思政得仁孫端州刺史

三十四代崇基德倫子武后時襲封襲聖侯 德紹伯恭  
子隋秘書省正字 稱紹安長子 楨紹安次子絳州

刺史 構紹安少子贈蒲州刺史 惠元志玄子國子  
司業 頴達後三世為司業 琮志約子洪州都督

圭志亮子

三十五代琮之崇基子字藏輝唐明皇時襲封襲聖侯開  
續文獻通考 卷之五十八

八

四百五十八

元二十七年追謚孔子為文宣王因改琮之為文宣公  
昌寓德紹子貞觀中對策高第為膳部郎中 季詡

楨之子登制科終左補闕 若思構長子禮部侍郎  
仲思若思弟給事中 立言惠元子黃州刺史 務本

頴達族孫滄洲東光令

三十六代萱琮之子襲封文宣公兼兗州泗水令 舜昌  
寓子監察御史 至若思子著作郎明氏族學 如珪

務本子海州司戶  
三十七代齊卿萱之子一作齊賢唐德宗時襲封文宣公

齊參舜之子實開令 岑父如珪子著作佐郎 巢  
父岑父弟仕至御史大夫陝華招討使

三十八代惟睦齊卿子唐憲宗元和十三年襲封文宣公  
年六十五 惟昉齊卿子兗州參軍 充符齊參長子

至孝隱嵩山 克讓齊參子 述唐齊參子德宗時和  
諫議大夫 載岑父長子貞元二十七年及第 鐵崇

父子舉進士仕至禮部尚書年七十四韓愈銘其墓  
威岑父子及第掌澤潞書記知盧從史必敗謝病歸

戡岑父子舉明經仕至京兆尹御史大夫 戡岑父勿  
二

三十九代策明經及第襲封文宣公 敏行述唐子仕至  
集賢學士 溫資太子少保 溫質戡長子四門博士

溫孺戡子明經 溫憲戡子明經 溫裕戡第四子  
續文獻通考卷之五十八 九 四百八十八

舉進士太平軍節度使 溫業戡長子第二人及第為  
吏部侍郎 溫諒戡之子

四十代振唐懿宗咸通四年狀元及第仕至刑部員外郎  
襲封文宣公年七十四 極振之弟中和二年狀元及

第歷侍郎 郁極之弟 絢溫質子及第 綸溫質子  
及第歷殿院 纁溫質子狀元及第 緯溫孺子狀元

及第相傳宗昭宗 綠明經及第 照及第 織戡之  
孫 總戡之孫 緒溫裕之子帥令 續溫諒子

四十一代昭倫襲文宣公 述郁之子 昌明照之子第  
七人及第 昌廣照之子及第為虞部郎中 昌廣繼

之子 昌弼緯之子及第仕至散騎常侍 昌鵬繼之

子 邈第五人及第仕至諫議大夫 遘織之子乾符  
命

四十二代光嗣泗水令陵廟主 莊昌庶子晉太常少卿  
四十三代仁王長七尺善六藝襲封文宣公後周高祖謁

祠廟令兼監察御史 承恭莊之子將作監  
四十四代宜仁王子字不疑幼聰悟宋乾德四年拜章閣

下自叙家門授曲阜縣主簿太宗命為皇子寧襲封文  
宣公雍熙二年沒於邊年四十六 憲仁王次子及第

工部侍郎致仕 勗仁王少子勗子道輔知鄉郡在具  
慶下侍立年八十九

四十五代延世宜長子字茂先魁梧大度宋真宗朝以長  
續文獻通考卷之五十八 十 四百八十九

葛令襲封文宣公賜東帛銀器及太宗御書并九經等  
書卒年三十八 延澤宜次子及第贈諫議大夫 延

握宜幼子知集州清化縣 延之居江西新喻縣慶曆  
間舉進士九遷至司封郎中平生惟與周敦頤曾肇友

善 道輔勗長子及第仁宗朝以剛毅直諫聞天下知  
諫院為御史中丞請明肅皇太后歸政天子郭后廢伏

閣爭得罪後復召為御史中丞出知鄆州道病卒 良  
輔勗次子慷慨長於吏才至大理寺丞 彥輔勗少子

幼聰悟性至孝官至國子博士  
四十六代聖祐延世子宋天禧五年以光祿寺丞襲封文

宣公年三十五卒無嗣以堂弟宗願承襲與聖祐共為

一代宗愿者宜次子延澤字子莊博涉書史嘉祐中用祖無擇之言改封爲衍聖公 舜亮道輔長子左中散大夫致仕著粹籍 宗翰道輔次子刑部侍郎與兄皆鎮廳及第 宗壽良輔長子承議郎 宗贊良輔次子仙源丞 漢英彦輔長子幼慧博覽 宗慈彦輔次子 宗旦邕州司戶參軍 政隱居汝州父亡廬墓三年卧破棺中日食米一溢壁間生紫芝數十本州以行義聞特賜旌表按一統志作孔子四十六代孫 文仲延世之長子嘉祐間舉進士哲宗時官中書舍人有文藻五十卷 武仲延世之次子嘉祐間舉進士累官禮部尚書有雜文總百餘卷 平仲延世之季子治平間續文獻通考卷之五十八 十一 四百五十九

舉進士累官金部郎中有續世說等書行世按一統志作孔子四十八世孫八疑六字之誤

四十七代若蒙宗愿子字公明襲封衍聖公宋元祐二年改封奉聖公坐事廢以弟若虛襲封 若虛字公實元符元年襲封豐熙間專主祀事不任他職大觀中復爲衍聖公 若愚宗愿子 若拙宗愿子及第 若升舜亮子以朝散郎致仕 傳舜亮少子舊名若古博涉群書操行介潔建炎中與拜疏闕下叙家門舊典始寓居三衢於是孔氏有因仕而家于雪川新安臨川鄂渚者皆自此而分 傳知邠陝撫三州有政績自號杉溪進續白氏六帖文樞要紀書東家雜記杉溪集官至中散

大夫年七十五 恢朝散大夫 惇朝散大夫 忱文林郎 恂奉議郎右宗翰 若涉若陟若訥若采若晦若時右宗壽 若采迪功郎先是崇寧三年詔孔子後與親屬一名判司簿尉孔宗哲死若采繼之 若谷若惠若貽若盤漢英子 若鑑若初及第若師若冲若符若禹若玦右宗慈

四十八代端友若蒙子字子文宋崇寧三年襲封衍聖公端友於建炎初偕叔父孔傳姪孔玠扈從高宗南渡寓三衢終知柳州 玠端操第四子繼端友上賜玠田五頃供祀權以衢州學爲祠堂玠生搢搢生文遠文遠生萬春萬春生洙俱宋襲封於衢至元始罷封 端操端續文獻通考卷之五十八 十二 四百五十九

蕭皆端友弟 端本端裕端民皆若虛子 端弼端雅端稟端立皆若愚子 端中端申皆若拙子 端節朝散大夫 端夫端義端端智端直端慈皆若升子 端朝若升子爲若谷後宣和四年始以幸學賜第仕至臨江軍 端問仕至奉新丞著沂川集 端守端已侍杉溪渡江歷官五十年介潔不阿年八十一 端位常德府錄參 端植武康丞端隱江陵察權皆傳之子 松恢之子宣義郎 淵將仕郎與潛皆惇之子懋忱之子承議郎 端言端行端拱皆若訥子 端甫以金虎懷英薦特賜及第除將仕郎小學教授見澤

四十九代玠紹興二年襲封衍聖公 玠璋玠皆端操子

第知相潭  
文進文適文振文敏鄉舉  
文質文彬

生子思誠



右闕里譜系元豐八年四十六代孫宗翰始以舊譜錄  
板紹興二年四十八代孫端朝逃虜難南奔平生所資  
皆失之獨此譜山人得之轉以見歸因爲序錄紹興  
五年洪興祖守廣德軍刊於郡齋景定三年五十一代  
孫應得令台州太守時差添廣德軍判又附入紹興五  
年以後至景定三年云

自五十四代以後罷衢州襲封

五十四代思晦字明道按宗譜先宗愿生若愚若愚生端  
立端立生琥琥生拂拂生元孝元孝生之厚之厚生浣  
浣生思晦元仁宗延祐三年襲封衍聖公鑄四品印泰  
定四年改從三品印卒年六十七謚文肅生子克堅

續文獻通考

卷之五十八

十五

四百五十八

五代時孔末之後欲以偽亂真宜聖子孫被其殘害幾  
盡至是其裔復欲冒稱宣後思晦以爲不早辨則真偽  
久益不可明彼與我不共戴天乃列于族與共拜殿庑  
可乎遂會族人稽故典斥之既又重刻宗譜於石而孔  
氏族裔益明矣

五十五代克堅字璟夫元至元六年襲封衍聖公賜秩二  
品改授銀章二十八年我太祖詔入朝待以賓禮

洪武三年卒年五十五子九人長希學

五十六代希學字士行元順帝至正六年襲封衍聖公

洪武元年仍令襲封卒年四十七

五十七代訥字言伯元順帝年襲封衍聖公洪武祭未

丁父憂丙寅受誥仍襲封庚辰卒年四十三

宋元聖裔

宋

理宗寶慶元年克平山東以孔子五十一世孫元用權襲  
封衍聖公仙源令二年改濟州通判兼京東西路安撫  
使主管機宜文字時嫡孫元指從金宣宗遷汴

元

太祖時木華黎統諸道兵至山東承制封拜以元用權襲  
封衍聖公世襲曲阜令給降衍聖公印又贈孔子五  
十二代孫之厚亞中大夫濟寧路總管輕車都尉魯郡  
侯乙酉年元用從木華黎征益都以其子之全權襲

續文獻通考

卷之五十八

十六

四百五十八

封衍聖公曲阜令

太宗祭已年元指自汴還仍襲封衍聖公之全止充曲阜  
令

憲宗壬子年宣差之全東平路行軍萬戶總管管民長官  
依奉牙魯花赤衆斷事言語權襲封衍聖公降到印信  
兼曲阜令是年又贈五十三代孫浣中議大夫太常  
禮儀院同僉上騎都尉追封東平郡伯再贈通議大夫  
禮部尚書上輕車都尉追封魯侯又令五十三代孫  
治補父之全缺充曲阜管民長官

世祖中統元年改治曲阜令四年令權祀事至元十三  
年授治承事郎曲阜令兼管諸軍奧魯仍權祀事二

十三年授治奉訓大夫單州防禦使二十九年又授奉直大夫密州知州

成宗元貞元年治赴闕朝見特授中議大夫襲封衍聖公爵一品散官四品給四品俸

仁宗延祐二年勅中書省定議孔子五十三代孫當襲封衍聖公者以名聞 三年授五十四代孫思晦中議大夫襲封衍聖公

泰定帝泰定四年改思晦嘉議大夫

文宗至順二年改鑄三品印與思晦卒贈通議大夫河南河北等處行中書省參知政事護軍追封魯郡公諡文肅

續文獻通考卷之五十八

十七

三百七十七

順帝至元六年授五十五代孫克堅嘉議大夫襲封衍聖公

至正六年以五十六代孫希學襲封衍聖公 八年制授克堅中奉大夫易以銀章 十四年徵克堅為

同知太常禮儀院事遂拜治書侍御史辭歸追拜山東廉訪使受詔復辭歸會山東亂北行抵冀城召入為集賢直學士 十九年遷克堅禮部尚書出為西臺侍御

史復召拜國子祭酒謝病歸又起為集賢學士元亡與子希學受恩 太祖尤厚

皇明聖裔

第五十五代克堅字景夫思晦子後至元元年襲封衍聖公六年進階中奉大夫從二品賜銀印召為同知太常

禮儀院以子希學襲公爵拜中臺治書侍御史改山東

道肅政廉訪使起為集賢直學士改禮部尚書知貢舉遷陝西行臺侍御史改國子祭酒謝病歸召為資善大

夫集賢學士再起山東廉訪使俱不赴 洪武元年召至京師待以賓禮而不名俾食公祿不視事卒年五十

五

第五十六代希學字士行克堅子後至元十五年克堅拜同知太常禮儀院以希學襲爵兼秘書卿洪武元年

詔襲封改 賜階資善大夫正二品別給銀印每入朝班亞上相予 誥還其祭田倘禮器樂器樂舞置屬官

管勾典籍司樂各一員每至京中使慰勞館饋殊等辛

續文獻通考卷之五十八

十八

年四十七 賜祭

第五十七代訥字言伯希學子洪武十七年襲封衍聖公詔不稱資善大夫以王軸 誥文給之時革丞相每入朝令列文臣首 賜一品金織衣 誥命白玉軸每入 觀給符乘傳庚辰卒年四十三 賜祭

第五十八代鑑字昭文訥子洪武三十三年襲封衍聖公又明年卒年二十三 文皇帝遣使致祭

第五十九代彥縉字朝文鑑子十歲襲封衍聖公每入朝仍列文臣首洪熙元年 賜第東安門北 景皇帝

視學召入觀禮 賜金箱犀帶大紅鶴袍三年來朝復賜三臺銀印織金麒麟服白王東帶卒年五十五

論祭治喪葬賻卹優厚

第六十代承慶字永祚先卒年三十一後追封衍聖公

第六十一代弘緒字以敬承慶長子景泰六年年八歲襲

封衍聖公 賜鶴袍玉帶如例以其軀小去二勝俾藏

之以爲榮又範金爲圖書以 賜之其文曰謹禮崇德

天順元年入 朝見便殿 上握手置膝上改 賜

大第成化中坐奸淫殺人法當斬 詔以宣聖故削爵

爲民弘治中復冠帶卒年五十七

第六十一代弘泰字以和承慶次子成化十七年代兄弘

緒封衍聖公 憲宗朝加先聖廟祭禮樂 孝廟初幸

太學俱 詔入觀禮 賜襲冠帶如例又改 賜第於

續文獻通考 卷之五十八 十九 四百〇三

慶壽寺之北卒年五十有四 賜諭祭者五工部官屬

治葬

第六十二代聞韶字知德弘緒子也弘泰卒法當聞韶襲

以弘治十六年封衍聖公 上賜麒麟服白玉帶黃金

盆正德年 幸太學召入觀禮 賜宴冠服靴帶寶鈔

如故事嘉靖初 上兩幸太學召 賜亦如之卒年六

十有五 賜祭葬加禮

第六十三代貞幹字用濟聞韶子嘉靖二十五年襲封衍

聖公 賜勅約束其宗人以入 朝卒年三十有八

上命禮部尚書 賜祭凡九工部治葬行人護喪歸

第六十四代尚賢字象之貞幹子嘉靖三十五年以父貞

幹卒京師即 命襲爵時方穉齒 勅山東撫按諭其  
族人謹視之不爾治以重罪

第六十五代胤椿尚賢子隆慶元年吏部覆郭諫臣奏衍

聖公或遇親喪仍令守制其襲封一事所司代爲奏請

令其守護印信候服滿起送承襲服內死其入賀

聖裔居溫考

按宋淳祐中于溫之府城西南建永嘉書院中奉宣聖

燕居像而孔裔居溫不知所自舊考自檜始檜子奕奕

子源源子實實子會會子公志公志子師古師古子炳

炳子貴敬貴敬子潼孫潼孫子文升至 洪武中平陽

孔克表以博學篤行薦爲翰林修撰則孔子五十五世

續文獻通考 卷之五十八 二十 三百六

孫也

曲阜世尹考

皇明崇厚孔裔極其優渥在曲阜者襲封衍聖公之外復

世襲曲阜縣令一人以約束其宗人正德中復以六十

二代孫聞禮爲翰林五經博士世襲以奉子思後在衢

州者復官其長嫡一人世襲五經博士然皆不使治事

蓋不欲以吏議繩聖人之後 本朝之崇聖裔過先朝

遠矣

按世尹以衍聖公兼者唐文宣公宣兼泗水令昭倫兼

曲阜令後唐仁王兼曲阜令宋延世兼曲阜令聖衍兼

知仙源縣事金衍聖公總兼知曲阜縣事元楷兼世襲

曲阜令元用兼仙源令份宋選授元仍兼曲阜令

專授者宋四十四代坊曲阜令四十五代道輔四十六代宗楨四十五代彥輔四十六代宗翰四十六代舜亮四十六代宗壽俱知仙源縣令五十五代克昌五十四代宗愿俱曲阜令元五十三代濟五十三代治五十四代思凱五十四代思誠五十五代克欽五十六代希章俱曲阜尹

國朝五十六代希範五十五代克中五十八代公鏜五十七代澳五十八代公錫五十八代燮五十六代希永五十九代彥士六十代承泗六十代承夏五十八代公統六十代承震五十八代公珪五十八代公澤六十代承

續文獻通考卷之五十八

二十一

四百十五

業六十一代弘廡六十代承厚六十一代弘復俱曲阜縣知縣內燮陞兗州府通判弘復陞濟寧州知州俱仍領縣事希大克仲克簡希範克中公鏜領勅

五經博士考

皇明正德中以孔子六十二代孫聞禮爲翰林院五經博士奉子思後聞禮卒弟聞詩卒聞韶之子貞寧代弘治中以衢州長嫡一人世襲五經博士萬曆二十二年十月吏部奏覆衍聖公次子孔胤桂授五經博士

顏子生歆歆生儉儉生威俱魯大夫威生莊莊生億億生嵒俱下大夫嵒生卸秦大夫卸生譽舍人譽生產項羽

聘之不受產生異漢大夫異生愚卿士愚生遠大夫遠

生緯一作肆書傳作駟武帝時尚書郎緯生衷一作忠聳令衷生凱張禹薦於朝凱生遠郡上計吏遠生俞州舉茂才俞生綽綽生準始仕爲從事復高尚不仕準生阮舉有道不起阮生亮郡功曹亮生歆州舉茂才二十

斐盛斐京兆尹有善政二子魯歡無傳盛漢尚書郎魏關內侯始自魯國徙居瑯琊臨沂盛生欽明詩禮易尚書多所通說學者宗之爵葛繹縣子謚曰貞欽生默襲葛繹縣子三子襲襲舍長次無傳舍歷官光祿勳晉成

續文獻通考卷之五十八

二十二

四百十六

帝美其素行加右光祿大夫致仕謚曰靖舍生髦惇於學行襲爵西平縣侯加秩光祿勳謚曰定髦生絳州西

散騎都尉西平縣侯絳生靖之御史中丞靖之生騰之善草隸書有風格歷巴陵太守二子興之炳之興之安寧太守生子登榮鄱陽王府郎中令無傳炳之歷奉朝請員外散騎常侍生子見遠博學有志行正色立朝高

祖受禪不食發憤痛哭而絕武帝恨之曰我自應天從人何預天下人事而頗見遠乃至如此歷治書御史兼中丞見遠生協湘東王右常侍領西記室撰晉仙傳日月災異圖文集等書事具梁書生子之儀之奇之推之儀周同麟趾學士御正大夫平陽縣公隋文輔政不署矯詔索璽書又拒之出爲集州刺史新野郡公事具周書二子冠和無傳弟之奇亦無傳次弟之推隋太子文

學著家訓二十篇寃魂志三卷證俗音字五卷文集三十卷事具本傳之推生思魯博學善屬文尤工訓詁嘗與劉臻講論經義臻屈服焉唐拜儀同秦府記室思魯生師古太宗即位拜中書侍郎琅邪男遷秘書少監奉詔校定經史修五禮成進爵子終秘書銀青光祿大夫弘文崇文兩館大學士從征遼道卒謚曰戴師古生趣庭吉州刺史趣庭生尚賓下邳令尚賓生鼎生迢迢生傳贊傳贊生旻旻三子長君則無傳次君佐君雅君佐金鄉丞子文威五代時隱魯之嶧山號虛中先生文集傳於世文威生承祐承祐二子長崇德無傳次仲昌宋太宗淳化二年講五經賜第仕終南京判官仲昌生

續文獻通考

卷之五十八

二十三

四百五十五

太初南京國子監說書號見嶧先生文集傳于世太初生後東魯名儒嘗爲國子監直講出爲臨晉簿嘉祐中訪有道儒士京東部使者以復應試命爲校書郎知永康縣擢太常博士乞詔禮官考正祀典遷吏部員外郎時孔宗翰乞尊奉孔子祠復因上五議一曰專其祠享二曰優其田祿三曰復其廟幹四曰司其法則五曰訓其子孫朝廷多從之元祐中爲起居郎兼侍講以天章閣待制充國子祭酒卒以次子岐執政贈太師生六子曉岐嶠嶠嶠嶠承務郎此支自曉以下建炎時俱南徙而君雅一支世居隱巷故宅君雅二子文蘊文鐸文蘊生涉父子鄉貢進士涉四子俱無傳文鐸生行戶部

尚書行生程生端端生繼進士繼生昌昌生肇肇生价价生順順生寶寶生椿椿生之美元東明縣尹之美生池三氏學教授池生拳拳生希仁希仁生議

皇明成化中授翰林院五經博士世襲約景泰二年授希惠翰林院五經博士後以不係嫡派罷黜至是授議議生公鉉鉉生重德重德生從祖從祖無傳以重禮長子肇先嗣俱襲職重禮未詳所出肇先生嗣慎隆慶六年正月襲

曾子生元申華三子皆賢公行子之子燕遇元于道曰燕君何如元曰志卑志卑者輕物輕物者不求助苟不求助何能舉底羗之虜也不憂其係也而憂其不焚也利

續文獻通考

卷之五十八

二十四

四百五十六

大秋毫害靡國家然且爲之幾爲知計哉元生西與或人問答之言見孟子西生欽欽生導導生羨羨生遐遐生偉偉生樂前漢封都鄉侯樂生免免生旃旃生嘉嘉生寶寶生琰琰生據漢末王莽篡逆耻仕遷豫章廬陵郡之吉陽鄉即今吉安府永豐縣遷鶯鄉地名睦坡也據生闡闡生植植生耀耀生培植生德德生珣珣生渙渙生梓梓生總總生端端生鉉鉉生海海生橫橫生興興生隆隆生鈞鈞生謀謀生丞丞生珪珪生寬寬生莊莊生慶慶生禕禕生輝輝生四子崇崇崇崇崇崇崇崇禎三子之後流離無踪惟崇德傳三代孫中行徙居古巷五代孫朝陽仍居睦坡次孫載陽徙居新陂是爲龍

潭之祖傳十二代孫晞頰宋末為監察御史生雷順德  
裕巽申並仕元雷順為萬載縣尹德裕為翰林直學士  
巽申為應奉翰林文字德裕嘗建武城書院于龍潭地  
方自推賢者一人主領教事置有祭田百畝吳文正公  
澄為記德裕曾孫是為國朝學士祭副使出傳生見  
充永豐縣學生員高衮兄弟等駢生耀遷居木塘耀生  
崇範唐拜太子洗馬東宮使崇範生延膺延膺生碩碩  
生承昌承昌生萬敵萬敵生公整公整生九思九思生  
文傑文傑生好古好古生尚忠尚忠生敬甫敬甫生元  
德元德生价翁价翁生汝霖汝霖生崇文崇文生利賓  
利賓生輔世輔世輔志輔志生德曾曾氏題疏云利賓  
續文獻通考卷之五十八 二十五 四百七十一

生輔智輔智生德曾與充志異德曾生奮用奮用生質粹

皇明正德間山東僉事錢宏訪得曾子之後一人於嘉祥  
深山中未請於朝後竟湮沒嘉靖十二年吏部侍郎  
顧鼎臣奏准訪求曾氏嫡派得高克兄弟以生長南  
方不樂北徙惟質粹肯行後授質粹翰林院五經博士  
世襲

孟子生罽宇仲子受學於公孫丑著書論詩毛萇詩傳中  
嘗引其語云趙岐註以仲子為孟子之從昆弟朱子亦  
以為第三遷志以仲子為子罽為孫未知孰是罽生寓  
寓生舒漢高祖九年為雲中太守愛士卒士卒戰死者

數百人田叔稱為天下長者文帝曰賢哉孟舒復召守  
雲中舒生之後之後生昭博覽經史為博士昭生但受  
易王同武帝時為太子門大夫但生卿授經后蒼疏廣  
世傳后氏禮疏氏春秋皆本於卿卿生喜從田王孫受  
易故有孟氏易傳於世宣帝時舉孝廉拜為郎遷曲臺  
署長喜生鉉鉉生興為尚書興生嘗舉茂才拜徐令遷  
合浦太守有去思桓帝時楊喬薦之竟不受嘗生展展  
生穢靈帝時為太常後為太尉穢生敏博學能文靈帝  
時三公俱辟並不屈敏生光無書不覽昭烈定蜀拜議  
郎後主踐祚累遷大司農光生康魏明帝時為散騎侍  
郎後轉為監封廣陵亭侯註漢書康生宗避吳主皓字  
續文獻通考卷之五十八 二十六 四百七十一

改諱仁性至孝母老病篤冬月思笋食宗泣竹笋生作  
羹食母病即愈實鼎中為司空宗生揖晉惠帝朝為廬  
陵太守揖生觀解天文為殿中郎觀生嘉性冲默有遠  
量成帝時舉秀才為大將軍桓溫參軍溫重之穆帝時  
以脚疾不仕詔使扶入見之其優禮如此嘉生懷王從  
宋武帝定建業以功封鄱陽縣五等侯後封陽豐縣男  
位江州刺史南中郎懷王生表仕齊為馬頭太守元魏  
孝文帝時據郡歸魏賜爵譙縣侯後封汝陽縣伯歷濟  
州刺史謚曰恭表生斌為右丞斌生威閔帝除大鴻臚  
卿威生恂恂生儒儒生景事隋煬帝為鷹揚郎將景生  
善誼恭帝時為河內通守善誼生誼唐中宗朝擢進士

後拜同州刺史致仕肅宗召之以老固辭有食料本草傳于世說生大融大融生浩然少好節義喜賑人患難玄宗召問其詩浩然自誦所作詩至不才明主棄上曰卿自不求仕朕未嘗棄卿奈何誣朕因放還浩然生雲卿肅宗朝為校書郎雲卿生郊以詩鳴於世年五十得進士第憲宗朝鄭餘慶鎮興元奏為參謀卒諡曰貞曜先生郊生韋謙為侍御史安州防禦兵馬使韋謙生遵慶遵慶生瑄元和未召不仕瑄生方立僖宗朝為昭義節度留守方立生承誨事後晉少帝為太府卿承誨生漢卿事後周世宗為左羽林大將軍漢卿生貫工詩貫生昶昶生公齊公齊生寧宋仁宗景祐四年孔道輔守

之州訪孟子後得寧後薦於朝授鄒縣主簿寧生堅德學俱優特授徐州知州堅生寬寬生欽欽生津津生德義元進士授魚臺縣尹辭秩德義生允祖允祖生惟恭惟恭生之訓莒州學正之訓生思諒鄒縣主簿思諒生克仁克仁生希文

皇明景泰二年授翰林院五經博士世襲希文生元元生公肇事繼母孔以孝聞公肇致仕弟公祭襲自孟子至公祭交州府志稱五十七代三遷志稱五十八代萬曆二十九年翰林五經博士孟彥璞卒以子孟承光襲朱子婺源人生子三塾塾在皆以廕補官在紹定中為吏部侍郎朱子平生所為文皆其類以塾生鑑湖廣總領

隨季父在由建寧遷居建安之紫霞洲鑑生浚官至右文殿修撰兩浙轉運使丙子元兵至福安州浚不屈死之子生林元其肅儒學提舉林生炯炯延平府照磨炯生堅堅生銘銘生泮泮武平縣主簿生子堂堂生鑾鑾生滋滋生挺

皇明景泰壬申 詔授翰林院五經博士世襲以奉祀事挺生燉燉生學以上世居建安嘉靖三十七年婺源子孫請乞如建安例於是復以守婺源祠十一世孫聖歷錄博士 萬曆二十四年十二月禮部覆宋儒朱熹十三代孫朱德洪銓註翰林五經博士職銜回籍奉祀聖賢封爵

魯哀公十六年夏誅孔子曰尼父 漢平帝元始元年追謚為褒成宣尼公 和帝永元四年封褒尊侯 後魏太和十六年改謚為文聖尼父 後周大象二年詔封為鄒國公 隋文帝贈先師尼父 唐太宗貞觀二年升為先聖十一年詔尊為宣父 高宗乾封元年追贈為太師 武后天授元年追封為隆國公 玄宗開元二十七年追謚為文宣王 宋真宗大中祥符元年詔加謚為玄聖文宣王 五年以玄字犯聖祖諱改謚為至聖文宣王 元武宗大德十一年詔加封為大成至聖文宣王

皇明謚號俱仍元舊至 嘉靖中始改稱 至聖先師孔



子

配享四賢封爵

顏子 唐高宗總章元年詔贈太子少師 睿宗太極元

年加贈太子太師配享孔子廟 玄宗開元二十七年

贈兗國公 宋真宗大中祥符二年封兗國公 元文

宗至順二年加贈復聖公

曾子 唐總章元年詔贈太子少師 睿宗太極元年加

贈太子太保配享孔子廟 玄宗開元二十七年贈鄆

伯 宋真宗大中祥符二年封瑕丘侯政和元年以丘

字犯 先聖名改封武成侯增封成侯 咸淳三年升

鄆國公配食大殿 元文宗至順二年加贈宗聖公位

續文獻通考

卷之五十八

二十九

三百五

次顏子

子思 宋徽宗崇寧元年封沂水侯 度宗咸淳二年升

封沂國公配食大殿 元文宗至順二年加贈述聖公

孟子 宋元豐六年追封鄒國公 七年詔配享先聖位

次兗國公下元文宗至順二年加贈亞聖公

宋初顏孟配享並列于先聖左後升曾子子思又並列

先聖左而虛其右不以相向太學博士陸鵬升嘗云初

制顏孟配享左顏而右孟熙豐新經盛行以王安石爲

聖人歿而躋之配享位顏子下故左則顏子及安石右

則孟子未幾安石塔墓下當國謂安石不宜在孟子下

遷安石於右與顏子對而移孟子位第三次顏子之下

遂左列顏孟而右列安石又未幾蔡下再欲升安石歷

顏子漸次而升爲代先聖張本倭人李氏以藝諫殿下

託一大言之士戲薄先聖顏子出爭之不勝子貢出爭

之不勝子路出而盛氣爭之又不勝公冶長旁視無言

子路乃擊其首而叱之曰汝何不一力爭且看他人家

女壻蓋蔡下安石壻而公冶長先聖壻也蔡下聞之遂

不敢進安石于顏子上顏孟左而安石右遂爲定制南

渡後安石罷配享宜遷孟子以對顏子如舊制議者失

於討論故安石既去其右遂虛而顏孟並列於左岳珂

嘗記其事後增曾子子思又並列於左亦未有討論至

我朝而分列始定

續文獻通考

卷之五十八

三十

三百六

皇明國初四配封爵俱仍元舊至 嘉靖中始改爲復聖

顏子宗聖曾子述聖子思子亞聖孟子

從祀十哲封爵

東哲五位

費公閔損字子騫魯人唐元宗開元二十七年贈贊侯宋

真宗大中祥符二年加封瑯琊公度宗咸淳三年改封

費公

薛公冉雍字仲弓伯牛之族唐贈薛侯宋真宗祥符二年

加封下邳公度宗咸淳三年改封薛公

黎公端木賜字子貢衛人唐贈黎侯宋真宗大中祥符二

年加封黎陽公度宗咸淳三年改封黎公

衛公仲由字子路沂人唐贈衛侯宋真宗祥符二年加封

河內侯度宗咸淳三年改封衛公

魏公卜商字子夏衛人唐贈魏侯宋真宗大中祥符二年

加封河東公度宗咸淳三年改封魏公

西哲五位

鄆公冉耕字伯牛魯人唐贈魯侯一作鄆侯宋真宗大中

祥符二年加封東平侯度宗咸淳三年改封鄆公

齊公宰字子我魯人唐贈齊侯宋真宗大中祥符二年

加封臨淄公度宗咸淳三年改封齊公

徐公冉求字子有仲弓之族唐贈徐侯宋真宗大中祥符

二年加封彭城公度宗咸淳三年改封徐公

續文獻通考

卷之五十八

三十一

四百五十五

吳公言偃字子游吳人唐贈吳侯宋真宗大中祥符二年

加封丹陽公度宗咸淳三年改封吳公

陳公顗孫師字子張陳人唐贈陳伯宋真宗大中祥符二

年加封宛丘伯度宗咸淳三年改封陳公升十哲位

皇明十哲封爵俱仍元舊至嘉靖中始改爲先賢某子

從祀諸弟子封爵

唐開元二十七年詔贈曾參卨伯

今升顯孫師陳伯

澹臺滅明江伯一密子賤單伯二原憲原伯三公治長

昔伯四南宮适鄉伯五公哲哀郈伯六曾點宿伯七顏

路杞伯八商瞿蒙伯九高柴共伯十漆雕開滕伯十一公

伯寮任伯十二司馬耕向伯十三樊遲凡伯十四有若下伯十五

公西赤郈伯十六巫馬期卨馬施卨伯十七梁鱣梁伯十八

顏辛蕭伯十九冉孺紀伯二十曹卨曹伯二十一伯虔鄒伯二十二

二公孫龍黃伯二十三冉季字子產東平伯二十四秦商字

子南少梁伯二十五漆雕哆字子欽武城伯二十六顏高字

子驕郈伯二十七漆雕徒父須句伯二十八壤駟赤北徵

伯二十九商澤睢陽伯三十石作蜀成紀伯三十一任不齊任

城伯三十二公夏首元父伯三十三公良孺東平伯三十四后

處管丘伯三十五秦冉字子開彭衙伯三十六奚容箴下邳

伯三十七公有定新田伯三十八顏祖臨邑伯三十九鄒單銅

鞮伯四十句井疆淇陽伯四十一罕父黑乘丘伯四十二秦祖

上洛伯四十三申黨郈陵伯四十四公祖句滋字子之期思

續文獻通考

卷之五十八

三十二

五百五

伯四十五樂期寧妻伯四十六縣成鉅野伯四十七左人郈臨

淄伯四十八燕伋漁陽伯四十九鄭國榮陽伯五十顏之僕東

武伯五十一原亢字子籍萊蕪伯五十二樂欬昌平伯五十三

庶潔莒父伯五十四叔仲會瑕丘伯五十五邾異平陸伯五十六

六顏何史記作顏輿開陽伯五十七狄黑臨濟伯五十八孔

忠汶陽伯五十九公西輿如重丘伯六十公西箴祝阿伯六十一

一遽瑗衛伯六十二施之常乘氏伯六十三秦非汧陽伯六十四

四林放清河伯六十五陳亢顯伯六十六申棖魯伯六十七琴

牢南陵伯六十八顏瞻朱虛伯六十九步叔乘淳于伯七十

唐會要止於公西箴其遽瑗以下九人以杜祐通典附

入

宋真宗大中祥符二年詔封 郕伯曾參瑕丘侯 陳伯

顓孫師究丘侯 江伯澹臺滅明金鄉侯 單伯宓不

齊單父侯 二原伯原憲任城侯 三首伯公冶長高必侯

四郊伯南宮适襲丘侯 五郕伯公哲哀北海侯 六宿伯

曾點萊蕪侯 七杞伯顏無繇曲阜侯 八蒙伯商瞿須昌

侯 九共伯高柴共城侯 十滕伯漆雕開平輿侯 十一任伯

公伯寮壽張侯 十二向伯司馬耕楚丘侯 十三凡伯樊須益

都侯 十四伯有若平陰侯 十五部伯公西赤鉅野侯 十六鄆

伯巫馬施東阿侯 十七梁伯梁鯉千乘侯 十八蕭伯顏辛陽

穀侯 十九紀伯冉孺臨沂侯 二十曹伯曹卹上蔡侯 二十一鄒

伯伯虔沐陽侯 二十二黃伯公孫龍枝江侯 二十三東平伯

續文獻通考 卷之五十八 三十三 五百

冉季諸城侯 二十四少梁伯秦商鄆城侯 二十五武城伯漆

雕哆濮陽侯 二十六瑯琊伯顏高雷澤侯 二十七須句伯漆

雕徒父高宛侯 二十八北徵伯壤駟赤上邽侯 二十九睢陽

伯商伯鄒平侯 三十成紀伯石作蜀成紀侯 三十一任城伯

任不齊當陽侯 三十二東平伯冉季諸城侯 三十三東平伯

公良孺牟平侯 三十四彭衙伯秦冉新息侯 三十五下邳伯

奚容蒧濟陽侯 三十六淇陽伯句井疆滏陽侯 三十七少梁

伯秦商鄆城侯 三十八邵陵伯申黨淄川侯 三十九期思伯

公祖句茲郎墨侯 四十雩婁伯榮期厭次侯 四十一鉅野

伯縣成武城侯 四十二臨淄伯左人鄆南華侯 四十三漁陽

伯燕伋沂源侯 四十四榮陽伯鄭國响山侯 四十五東武伯顏

之僕宛句侯 五十一開陽伯顏何宋色侯 五十二瑕丘伯叔

仲會博平侯 五十三臨濟伯狄黑林慮侯 五十四平陸伯邾

奚萬堂侯 五十五汶陽伯孔忠鄆城侯 五十六重丘伯公西

與如臨朐侯 五十七祝阿伯公西嚴徐城侯 五十八衛伯遽瑗

內黃侯 五十九乘氏伯施常臨濮侯 六十清河伯林放常

山侯 六十一沂陽伯秦非華亭侯 六十二顏伯陳亢南頓侯

六十三魯伯申振文登侯 六十四南陵伯琴牢頓丘侯 六十五

朱虛伯顏瞻濟陰侯 六十六淳于伯步叔乘博昌侯 六十七崇

寧元年改封孔鯉爲泗水侯

大觀四年詔封公夏首鉅平侯 三十八后處膠東侯 三十九

公有定梁父侯 三十九顏祖富陽侯 四十鄆單聊城侯 四十一

續文獻通考 卷之五十八 三十四 四百六十一

罕父黑祈鄉侯 秦祖馮翊侯 原元樂平侯 樂劾

建城侯 燕潔胙城侯 政和元年改從祀先聖封邑

者瑕丘侯曾參改武城侯 宛丘侯顏孫師改潁川侯

襲丘侯南宮适改汝陽侯 楚丘侯司馬耕改睢陽

侯 頓丘侯琴牢改平陽侯

皇明國初封爵俱仍元舊至 嘉靖中改稱先賢某子

從祀諸儒封爵

宋大中祥符三年詔封魯史左丘明瑕丘伯 七十二政和

齊人公羊高臨淄伯 七十一魯人穀梁赤襲丘伯 七十二

伯陽 秦博士伏勝乘氏伯 六十八漢博士高堂生萊蕪伯

七十九江太守戴勝楚丘伯 七十八改 河間博士毛萇

樂壽伯<sup>七十</sup>淮南太守孔安國曲阜伯<sup>八十</sup>中壘校尉劉

向彭城伯<sup>八十</sup>後漢大司農鄭衆中牟伯<sup>八十</sup>河南杜

子春絃氏伯<sup>八十</sup>南郡太守馬融扶風伯<sup>八十</sup>中郎將

盧植良鄉伯<sup>八十</sup>大司農鄭康成高密伯<sup>八十</sup>九江大

守服皮榮陽伯<sup>八十</sup>侍中賈逵岐陽伯<sup>八十</sup>諫議大夫

何休任城伯<sup>九十</sup>魏將軍太常蘭陵侯王肅贈司空<sup>九十</sup>

尚書郎王弼偃師伯<sup>九十</sup>晉鎮南大將軍開府儀同三

司當陽侯杜預贈師徒<sup>九十</sup>豫章太守范甯新野伯<sup>九十</sup>

四

元豐七年詔荀况封蘭陵伯<sup>七十</sup>楊維封成都伯<sup>八十</sup>韓

愈封昌黎伯<sup>九十</sup>

續文獻通考卷之五十八

三三五

三百六十八

實慶三年追贈太師朱熹爲信國公紹定二年改封徽國

公

淳祐元年封周敦頤汝南伯<sup>九十</sup>張載郿伯<sup>百</sup>程顥河南

伯<sup>七十</sup>程頤伊陽伯<sup>八十</sup>並列從祀

景定二年封張栻華陽伯<sup>百</sup>呂祖謙開封伯並列從祀

咸淳三年封邵雍新安伯<sup>九十</sup>司馬光改封鄴國公並列

從祀

皇明 國初諸儒封爵俱仍元舊至 嘉靖中改稱先儒

某子

續文獻通考卷之五十八終



續文獻通考卷之五十九

皇明進士

學校考

幸學養老

三氏



幸學

宋

理宗淳祐元年帝謁孔子遂臨太學仰崇化堂命祭酒曹

廩講禮記大學篇監學官各進一秩諸生推恩賜帛有

差以紹定三年所制伏羲堯舜禹湯文武周孔顏曾思

孟道統十三贊就賜國子監宣示諸生復親書朱熹白

鹿洞規賜焉 景定二年詔皇太子謁孔子于太學手

詔畧曰虎闥蘭闥胃太子事也此禮廢久矣如設真舍來

續文獻通考卷之五十九

乙

四百四十四

之事我朝未嘗廢也然敦師敬道又不可拘舊制可令

太子謁拜焉太子既謁孔子還即上奏曰臣恭奉聖旨

擇用正月十五日令臣謁拜先聖文宣王於太學臣仰

體聖心祇承嚴訓區區愚衷因而感發焉蓋先聖之道

至我朝盛時運際文明眞儒迭起而後有以續夫孟氏

之傳然其時諸說並駕未知統一迨乾淳間文公臣朱

熹與宣公臣張栻成公臣呂祖謙志同道合切偲講磨

如義利之辨如近思錄之書擇精語詳開牖後學誠有

功于聖門中間邪說又幾晦蝕陛下聖德奮興罷斥詖

邪表章正學然後人心一正聖道大明天下學士得沿

淵源而溯洙泗實萬世無疆之休今熹已秩從祀而栻

祖謙尚未奉明詔臣竊望焉從之 四年正月詔曰周尊黃耆忠厚所基漢事三老祿養無缺陳埜林彬之史李溫夙被擢用今皆耆年奉祀歲久宜示獎崇陳埜授端明殿學士林彬之寶謨閣待制史李溫直華文閣各因其祠 五年詔郡縣行鄉飲之禮

度宗咸淳三年車駕幸學棧謁先聖命講中庸畢執經官

陳宗禮講經官雷宜中各轉一級

遊聖宗統和十二年正月朔州民李在宿年百三十有三

賜束帛錦袍銀帶仍復其家 十六年六月詔婦人年

踰九十者賜物 太平四年二月詔賜諸官分耆老食

道宗大安十年十二月三河縣民孫賓及其妻皆百歲復

續文獻通考 卷之五十九

二 三百五十四

其家

金海陵天德三年四月沂州男子吳具犯法當死有司以

其母老疾無侍為請命官與養濟著為令

世宗大定十六年十二月詔諸流移人老疾者官與養濟

二十五年四月詔會寧府百姓年七十以上者補一

官九月次轄沙河賜百歲老嫗帛 甲申次遼水召見

百二十歲女直老人能道太祖開創事上嘉嘆賜食并

賜帛

元

世祖至元時順天路民王住兒過誤致死罪其母年七十

言於朝曰兒死則妾亦死矣乃宥其罪俾養母

成宗大德九年六月立皇子德壽為皇太子詔賜高年帛八十者一匹九十者二匹親年七十別無侍丁者從近遷除

武宗至大二年三月賜大都路民年九十者二千三百三

十一人人帛二匹八十者八千三百三十一人人帛一

匹

文宗至順二年四月寧國路涇縣民張道殺人為盜逆弟

吉從而不加功拘囚七年不決毋老無他子孫中書省

臣以聞勅免死杖而黜之俾養其母

順帝至元四年正月詔內外廉能官父母年七十無侍丁

者附近銓注以便侍養 至正元年十二月詔民年八

續文獻通考 卷之五十九

三 四百

十以上蒙古人賜繒帛二表裏其餘州縣旌以高年耆

德之名免其家雜役 八年帝臨國子學賜衍聖公銀

印陞秩從二品定弟子員出身及省親奔喪制

按順帝每事驕奢不恤國政而獨於臨太學之事差近

人情此由其人欲雖多而天理間有萌動之機耳

皇明

國朝南雍初建 大駕數臨位置規圖一由淵畫廟學既

成復躬行釋菜之禮皮弁執圭再拜而後奠爵仍再拜

而退崇祀之重前古莫及焉且躬 御講筵延禮司成

坐講堂上親為論說既 諭戒師生復 賜宴竟日乃

返儒均光寵未始前聞 列聖遵承踐祚之初必舉斯

典至我 世宗獨臨幸至再秩禮興教屢渙 天章尤近伐所未覩也

太祖洪武十五年禮部及儒臣奏定 視學儀前期一日有司灑掃殿堂設 御幄於大成門東上南向設 御座於彛倫堂至日學官率諸生迎 駕於成賢街左駕至學官及諸生俯伏叩頭興 駕入櫺星門止於大成門外 上入 御幄禮官入奏請具皮弁服次請行禮導引官導 上出 御幄就 御位百官各就位導引官導 上詣盥洗位搢圭盥洗出圭詣酒尊所酌酒詣 先師神位前再拜百官皆再拜搢圭執事官跪進爵 上獻爵授執事官奠於神位前出圭再拜百官皆

續文獻通考

卷之五十九

四

四

再拜四配十哲兩廡分獻如常儀導引官導 上入御幄易常服升輿詣學學官率諸生先列於堂下東西上至彛倫堂 升御座贊唱學官諸生行禮五拜三叩頭東西序立於堂下三品以上及侍從官以次入堂東西序立贊進講祭酒司業博士助教四人以次升堂由西門入至中堂贊舉經案於 御前禮部官奏請授經於講官祭酒跪受 賜講官坐乃以經置講案叩頭就西南隅設几榻坐講 賜大臣及翰林儒臣坐皆叩頭序坐於東西諸生圍立以聽講畢祭酒叩頭退就本位司業博士助教各以次進講畢出堂門復位贊唱有制學官諸生列班俱北面跪聽 宣諭五拜叩頭禮

畢學官率諸生出成賢街跪候 駕還明日祭酒率學官上表謝 恩 是年十二月復 幸學先是五月丁巳 上謂禮部尚書劉仲質曰 國學新成朕將釋菜令諸儒議禮議者曰孔子雖聖人臣也禮宜一奠而再拜朕以爲孔子明道德以教後世豈可以職位論哉昔周太祖入孔子祠將拜左右曰孔子陪臣不宜拜周太祖曰百世帝王之師敢不拜乎遂再拜 朕深嘉其明斷不惑於左右之言今 朕有天下敬禮百神於先師之禮宜加尊仲質乃與儒臣定議 上服皮弁服執圭詣先師再拜獻爵後又再拜退易服詣彛倫堂祭酒司業博士助教進講 賜坐侍臣以次坐於東西講畢

續文獻通考

卷之五十九

五

四

宣諭學官諸生而還明日祭酒率學官上表謝 恩 上從之已未遣官祭先師孔子以太牢禮畢祭酒吳顥等升堂諸生受業乙丑 上遂幸國子監謁先師孔子釋菜禮成退 御講筵祭酒吳顥等以次講畢 上謂之曰中正之道無踰於儒上古聖人不以儒名而德行實儒後世儒之名立雖有儒名或無其實孔子生於周末身儒道行儒行立儒教率天下後世之人皆欲其中正惜乎魯國君臣無能用之者當時獨一公父文伯之母知其賢責其子之不能從則一國君臣可愧矣卿等爲師表正當以孔子之道爲教使諸生咸趨乎正則朝廷得人矣復 命取尚書大禹皋陶謨洪範 親爲

講說反覆開諭群臣聞者莫不悚悅遂 賜宴竟日而  
還丙寅祭酒吳顥率博士龔敦等上表謝各 賜羅衣  
二襲官民生許恒等四百三十人各 賜春夏布衣  
成祖永樂四年三月辛卯朔 幸學先是 勅諭禮部曰  
朕惟孔子帝王之師帝王爲生民之主孔子立生民之  
道三綱五常之理治天下之大經大法皆孔子明之以  
教萬世天下不可一日無生民生民不可一日無孔子  
之道朕 皇考太祖聖神文武欽明啓運峻德成功統  
天大孝高皇帝膺君師億兆之任正中夏文明之統復  
衣冠禮樂之舊渡江之初首建學校祀孔子 御經筵  
講書守帝王之心法繼聖賢之道學集其大成以臻至  
續文獻通考 卷之五十九

六 四書章句

治 朕承鴻業惟 皇考之成憲是遵今春時和躬詣  
太學如 皇考故事稱 朕崇儒重道治安天下之意  
布告群臣咸使聞之爾禮部擇日舉行其合行禮儀禮  
部詳議以聞故 勅禮部尚書鄭賜言宋制謁孔子服  
靴袍再拜 上曰見先師禮不可簡必服皮弁行四拜  
禮於是進 視學儀注即洪武中所定也是日 上親  
行釋菜禮 命吏部尚書蹇義戶部尚書夏原吉翰林  
院學士解縉祭酒胡儼分獻十哲兩廡畢 上御藝倫  
堂 命坐講祭酒胡儼講尚書堯典司業張智講易泰  
卦大臣及翰林院詞官皆 賜坐講畢宣 諭曰六經  
聖人之道彌綸天地昭揭日月垂憲萬世率由彝訓與

卿等皆勉之遂 命光祿寺 賜百官茶次日早祭酒  
胡儼等上表及箋稱謝 賜祭酒以下宴於 奉天門  
監生宴於 丹墀仍 賜儼及司業張智紵羅衣人  
二襲學官王峻用等三十五人紵絲衣人一襲監生朱  
璫等三千七十四人鈔各五錠時禮部會試舉人中式  
者璫第一故璫爲諸生班首云壬辰 命工部修 太  
祖高皇帝 詔書碑亭禮部奏立視學之碑 上親爲  
製文在南京國子監

朕惟帝王之興必首舉學校之政以崇道德弘教化正  
人心成天下之才致天下之治唐虞三代之盛率由於  
茲後世之君其學政或修或否是以不古若也我 皇  
續文獻通考 卷之五十九

七 四書章句

考聖神文武欽明啓運峻德成功統天大孝高皇帝龍  
飛淮甸渡江首建學校親祀孔子日引儒臣講論經義  
求古聖人之道身體力行旣統在萬方即 詔府州縣  
皆立學天下士子雲集京師復新作廟學於鷄鳴山之  
陽親製教條頒布中外又 命天下增廣生員復其家  
府州縣皆用春秋有事孔子賜以樂舞德教廣被海外  
諸國及蠻夷酋長並遣子入學教化之隆視古爲盛  
朕續承大統仰遵成憲乃永樂四年三月朔日躬詣廟  
庭謁先師孔子前期三日而將事之夕霧雲澄霽星緯  
昭明旣旦天宇穆清旭日鮮嚴舍菜廟庭退即藝倫堂  
文武群臣咸侍左右師儒在席諸生序列堂下 命祭



酒胡儼等以次講經成禮乃還夫學以明道也道之體廣大光明配乎天地日月而其實不離乎彝倫日用之間孔子明之上以承堯舜禹湯文武之傳下以爲後世植綱常開太平於無窮而世之極其尊崇之體者非於孔子有所增益特以著明其道之至天下不可一日而無也惟我 皇考繼統帝王尊師孔子舉天下皆約之使由於斯道是以治化之盛淪洽周徧薄海內外固不嚮風慕義 朕景仰宏謨夙夜祇敬思維繼承之道不敢怠遑爰因視學謹敘述 皇考所以致隆治化之本勒碑於廟俾我子孫臣庶尚克欽承於斯萬年

英宗正統九年 幸學儀注先是二月十五日 勅禮部

續文獻通考

卷之五十九

人

賈島

曰國家建學丕隆文教以圖化理今太學新成 朕將祇謁先師孔子勸勵師生肅禮部其擇日具禮儀以聞禮部具上儀注

前期一日太常寺整理祭儀國子監灑掃殿堂錦衣衛設 御幄於大成門東上南向設 御座於彝倫堂正中鴻臚寺設經案於堂內之左至日置書於上設講案於堂西南錦衣衛設國簿教坊司設大樂俱於 午門外百官朝退先詣國子監門外迎 駕陪祀官先詣國子監具祭服伺候行禮 駕出國簿大樂以次導行樂設而不作是日早太常寺陳設祭儀於各神位前設酒樽爵如常儀設 上拜位於先師神位前正中其日學

官率諸生迎 駕於成賢街上 駕至學官入諸生跪俯伏叩頭興學官陪祀行禮諸生先由太學東西小門入列於堂下東西序立 駕入櫺星門南簿大樂俱止門外 上至大成門入 御幄禮官入奏請具皮弁服次奏請行禮導引官導 上出 御幄由中道詣大成殿陛下典儀唱執事官各司其事執事官先酌酒於爵候導引 上至拜位贊奏就位百官亦各就位四配十哲分獻官各詣殿階東西階下兩廡分獻官各詣廡前俱北向立贊奏 上鞠躬拜興拜興平身通贊百官行禮同贊奏摺圭 上摺圭執事官跪進爵 上受爵獻畢復授執事官奠於神位前奏出圭 上出圭四配十哲兩廡分獻官以次詣神位前奠爵訖仍以次出殿外東西向立贊奏 上鞠躬拜興拜興平身通贊百官行禮同導引官導 上由中道出分獻官以次退 上入御幄易常服訖禮官奏請 幸彝倫堂 上升輿禮官前導由櫺星門出從太學門入學官先分列於諸生前 駕至學官諸生跪候 駕過然後起仍前序立百官分列堂外稍上左右侍立 上至彝倫堂升 御座贊學官諸生行五拜叩頭禮東西序立堂下三品官以上及翰林院學士升堂執事官各以次序立贊進講祭酒司業以次升堂由東西小門入至堂中執事官舉案於 御前禮官奏請授經於講官祭酒跪受 上賜謙

續文獻通考

卷之五十九

九

賈島

官坐乃以經置講案叩頭就西南隅几榻坐講 上賜武官都督以上文官三品以上及翰林院學士坐席叩頭序坐於東西諸生圍立以聽祭酒李時勉講帝廟作歌與皇陶賡歌一章講畢叩頭退就本位司業趙璘進講周易文言如儀畢出堂門復位贊唱有制學官諸生列班俱北面跪聽宣諭曰聖人之道具在六經躬行圖治君臣所同尚能勉之宣諭畢贊行五拜叩頭禮畢學官諸生以次退先從東西小門出仍於成賢街右列班伺候尚膳監進茶御前上命光祿寺賜各官茶畢各官退列堂門外叩頭序立駕輿升輿由太學門出升輦園簿大樂前導樂作駕出太學門學

復謝 恩

景皇帝景泰二年二月初三日 幸學圃期月日 勅禮

部 朕惟帝王之道莫先於宗孔子 朕將祇謁廟

躬修祀禮退臨太學勸勵師生以不隆文教於天下爾

禮部其擇日具儀注以聞本年正月初八日禮部擇日

具儀注題奏奉 聖旨是議官并學官添與紗帽帶監

生每人添與綳一疋着陳懋于謙王直陳循高穀江淵

商輅劉鉉分獻於是欽天監選擇景泰二年二月初二

日辛未宜用卯時吉餘同前是日祭酒蕭鑑講書經畢

陶篇天聰明一章司業趙璘講周易泰卦象辭

憲宗成化元年 幸學儀注

續文獻通考

卷之五十九

十一

四十六

欽天監選擇成化元年三月初十日丁巳宜用辰時吉餘俱同前惟前期一日太常寺設大成樂器於殿上列樂舞生於階下之東西至進爵時樂作上受爵獻畢復授執事官尊于神位前樂止贊出圭上出圭四配十哲兩廡分獻官以次詣神位前奠爵訖仍出殿門外東西向立典儀唱送神樂作樂止贊上鞠躬拜興拜興平身禮官奏請 幸彝倫堂講畢宣諭曰聖人垂法具載六經爾師生各宜進修以輔我文明之治尚其勉之次日謝 恩 賜祭酒司業學官及孔顏孟三氏子孫衣服諸生鈔錠是日 賜宴武官都督以上文官三品以上翰林院學士及祭酒司業學官三氏子孫

與宴 一前期各衙門辦事監生俱各取回迎 駕觀

禮 一 賜孔顏孟三氏子孫襲封衍聖公紵絲衣一

套犀帶一條五經博士顏議孟希文俱紵絲衣一套帶

一條各與紗帽一頂其餘族人各與紵絲衣一套帶

一條 賜講官每人紵絲衣一套羅衣一套學官每人

紵絲衣一套監生每名鈔五錠吏典每名鈔二錠

孝宗弘治元年 幸學儀注先是吏部尚書王恕奏議釋

尊儀注禮部尚書周洪謨等具題奉 旨是尊先師當

以禮既成化初年有所舉只孔子前加幣用太牢改分

獻為分奠其餘儀物俱照永樂年例行欽天監選擇弘

治元年三月初三日丁卯巳時吉是歲始用幣加太牢

續文獻通考 卷之五十九

十二

四百三

武宗正德元年 幸學儀俱同成化

世宗嘉靖元年 幸學儀注

一欽天監選擇嘉靖元年三月初七日甲寅宜用辰時

吉前期致齋一日太常寺預脩祭儀祭帛設大成樂器

於殿上列樂舞生於階下之東西國子監灑掃殿堂內

外司設監同錦衣衛設 御幄於大成門之東上南向

司設監設 御座於彝倫堂正中鴻臚寺設經案於堂

內之左設講案於堂內西南至日置經於經案錦衣衛

設 鹵簿駕教坊司設大樂俱於 午門外是日早百

官免朝先詣國子監門外迎 駕分奠陪祀等官武官

都督以上文官三品以上及翰林院七品以上同國子

監官具祭服伺候行禮 駕從東長安門出內庫入樂

以次前導樂設而不作太常寺先陳設祭儀於

前設帛設酒罇爵如常儀司設監設 上拜位於 先

師神位前正中學官率諸生於成賢街左迎 上至大

成門外降輦禮部官導 上入 御幄禮部官奏具服

上具皮弁服訖奏請行禮太常寺官導 上出 御

幄由中道詣大成殿陛下典儀唱執事官各司其事執

事官各斟酒於爵候導 上至拜位贊就位百官亦各

就拜位四配十哲分奠官各列於陪祀官前俱北面立

贊迎神樂作樂上贊 上鞠躬拜興拜興平身通贊分

奠官陪祀官行禮同贊釋奠指主 上播主太常寺卿

續文獻通考 卷之五十九

十三

四百三

進進帛樂作 上立受帛獻畢授太常卿奠於神位前

樂止進爵樂作 上立受爵獻畢復授太常卿奠於神

位前樂止贊出圭 上出圭四配十哲兩廡分獻官以

次詣神位前奠爵訖各以次退就原位贊送神樂作樂

止贊 上鞠躬拜興拜興平身通贊分奠官陪祀官行

禮同贊禮畢太常寺官導 上由中道出 上入御幄

更翼善冠黃袍訖禮部官入奏請 幸彝倫堂 上升

輿禮部官鴻臚寺官前導由櫺星門出從太學門入諸

生先分列於堂下東西相向祭酒司業學官列於諸生

前 駕至祭酒以下及諸生跪伺 駕過然後起序立

北向百官分列堂外稍上左右侍立 上至彝倫堂升

御座贊祭酒司業學士行五拜叩頭禮武官都督以上文官三品以上及翰林院學士升堂光祿寺預設連几於左右執事官各以次序立贊進講祭酒從東階升由東小門入至堂中鴻臚寺官舉經案進於御座稍前禮部尚書奏請授經於講官祭酒跪禮部尚書以經授祭酒祭酒受經置於講案訖復至堂中叩頭上賜講官坐祭酒復叩頭就西南隅几榻坐講上賜武官都督以上文官三品以上及翰林院學士坐皆叩頭序坐諸生圍立於外以聽祭酒趙永講尚書大禹謨篇帝曰俞允若茲一章講畢以經置於案叩頭退出堂外就本位司業吳惠從西階升進講周易乾卦文言時

百官退初八日 襲封衍聖公率三氏子孫國子監祭酒率學官監生上表謝 恩 上具皮弁服 御奉天殿錦衣衛設 鹵簿駕百官朝服侍班行禮畢 上易服御奉天門禮部官引奏 賜祭酒司業學官三氏子孫衣服諸生鈔錠畢 駕還是日 上御奉天門賜宴武官都督以上文官三品以上及翰林院學士并檢討以上祭酒司業學官三氏子孫及禮部及太常光祿鴻臚寺執事官員與宴初九日祭酒司業率學官監生謝 恩 上賜 勅勉勵師生祭酒捧置彩輿師生迎導至太學開讀行禮如儀初十日祭酒司業率學官監生復謝 恩 一各衙門辦事監生俱各取回迎駕觀禮 一 賜孔顏孟三氏子孫襲封衍聖公紵絲衣一套犀帶一條紗帽一頂五經博士顏重德孟元各紵絲衣一套帶一條紗帽一頂其餘族人各與素紵絲衣一套 一講官每人照例各與紵絲衣一套羅衣一套其餘學官每人與紵絲衣一套監生每名鈔五錠吏典每名鈔二錠 是年續定 幸學儀注 聖駕將至陪祀官武官自都督以上文官三品以上翰林院官七品以上同國子監官具祭服伺候行禮 駕至櫺星門外卽降輦步入 御輦易常服祭畢仍自 御輦步出櫺星門外陞輦次日襲封衍聖公率三氏子孫國子監祭酒率學官諸生上表謝 恩是日 賜三氏子孫衍

聖公等及祭酒司業宴於禮部 命本部尚書行禮餘如成化間儀 十二年以 先師祀典既正再視學命大臣一員致奠啟聖公祠先是 嘉靖十年十一月十六日禮部尚書兼翰林院學士夏言等具題本月二十四日奉 聖旨先師祀典既正 朕當躬謁於是欽天監選擇三月十三日丙辰宜用寅時吉餘同元年儀惟祀禮公侯伯俱迎 駕聽講觀禮跪受宣 諭班列於學官之次諸生之前是日祭酒林文俊講虞書益稷篇元首明哉股肱良哉庶事康哉司業馬如驥講周易頤卦孔子彖辭天地養萬物聖人養賢以及萬民頤之時義大矣哉講畢退就本位祭酒以下學官及諸生俱續文獻通考卷之五十九 十六 四百五十二

北面跪聽宣 諭曰 朕惟治平之道備載六經爾諸子宜力講求體行以資政化其勉之 十三年三月祀太學釋奠先師進諸生橫經布講 諭以敦本務實勿徒事詞章學官 賜帛有差 穆宗隆慶元年五月 命公侯伯應襲子弟俱赴國子監習禮 八月癸未朔 上幸太學行釋奠於先師 命輔臣徐階等分貢四配十哲兩廡啟聖祠 上御彝倫堂 命武官都督以上文官三品以上及翰林院學士坐 賜茶授祭酒司業經坐講 上宣 諭師生曰聖人之道如日中天講究服膺用資治理爾師生其勉之 今上萬曆元年八月 上幸太學 命大學士陳以勤釋

奠於先師孔子 賜輔臣羊酒鈔錠有差 四年續定視學儀注 駕至樞星門外降輦禮部官吉服導至上入 御幄禮部奏請具服 上具皮弁服訖禮部官奏請行禮 上出 御幄太常寺官導 上由大成門中道入盥洗詣廟中與嘉靖元年儀稍異餘俱同前儀次日方行慶賀禮襲封衍聖公率三氏子孫祭酒司業率學官諸生各上表謝 恩先期設表案於 皇極殿簷下裏王門外至日早錦衣衛設 鹵簿駕百官朝服侍班 上具皮弁服 御中極殿禮部官及各執事官行禮如常儀鴻臚寺官奏請 陞殿導 駕官前導樂作 陸座樂止鳴鞭傳替排班班齊鴻臚寺官致詞百續文獻通考卷之五十九 十七 四百五十三

官行慶賀禮樂作五拜三叩頭訖樂止分班侍立序班引衍聖公三氏等族人國子監師生過中替鞠躬樂作四拜興平身樂止贊進表樂作執事舉案由裏王門入至簾前置定樂止贊宣表目鴻臚寺堂上官一員隨禮部堂上官捧表目過中內替贊跪外亦替跪進表官俱跪宣畢贊俯伏樂作興平身傳贊同樂止執事官舉案過東邊替鞠躬樂作進表官俱四拜興平身樂止各入本班立鴻臚寺官奏禮畢鳴鞭百官退出仍于 皇極門朝服侍立 上易常服 御門鴻臚寺官傳奏事起案執事官舉案置 御路中序班引襲封衍聖公等并族人及國子監祭酒等官諸生上 御路替跪禮部官

奏請 頒賞承 旨訖贊叩頭衍聖公并祭酒等叩頭  
起執事官舉案過東邊鴻臚寺官奏事畢鳴鞭 上興  
還 官百官退是日免 賜宴後二日儀俱同前 又  
查成化元年令取三氏子孫赴京觀禮 命衍聖公分  
獻又查 嘉靖十二年題准衍聖公及顏孟之博士禮  
部先期差行人前去行取及另取孔氏老成族人五人  
顏孟族人各二人一同馳驛赴京迎 駕陪祀前期八  
日 內閣及執事官赴國子監習儀至日習禮公侯伯  
俱迎 駕聽講觀禮跪受宣 諭班列於學官之次諸  
生之前三氏族人聽講序立文官之次各衙門辦事監  
生俱取回迎 駕聽講觀禮

續文獻通考

卷之五十九

十八

四頁五

養老事例

太祖洪武元年令民年七十以上者許一丁侍養其雜  
泛差役 五年壬子夏五月 詔中外學官行養老之  
禮先是 太祖念海內晏安思化民俗以復其古遂  
命禮部考儀禮及唐宋之制又采周官屬民讀法之旨  
參定每歲孟春正月孟冬十月有司偕學官率士大夫  
之老者行之于學宮其民間里社以百家為一會糧長  
或里長王之百人內以年最長者為正賓餘以齒序坐  
每季行之于里中大都皆本于正齒位之說而賓與賢  
能春秋習射亦可通行焉酒餼不許奢靡若讀律令則  
以刑部所編申明刑諭書兼讀之其武職衙門在內各

衛親軍指揮使司及指揮使司凡鎮守司每月朔日亦  
以大都督府所編戒諭率僚佐讀之 制曰可遂 詔  
應天府及直隸府州縣并各布政司府州縣俱舉行之  
八年乙丑再頒示天下申飭之

十六年頒行鄉飲酒禮圖式 一各處府州縣每歲正  
月望日十月朔日舉行于學宮除僎賓外衆賓肩齒列  
坐其僚屬則序爵前一日執事者于明倫堂依圖陳設  
坐次至日主及僚屬司正先詣學遣人速僎賓以下比  
至執事者報賓至主偕僚屬迎於庠門之外以入主東  
賓西三讓之揖而後升堂東西相向立贊兩拜畢皆坐  
僎至介至儀亦同既齊至各就位執事者引司正由西

續文獻通考

卷之五十九

十九

四頁五

階升詣堂中北面立執事者唱僎賓以下皆立各相揖  
執事舉酒授司正司正曰恭惟 朝廷率由舊章敦崇  
禮教舉行鄉飲非為飲食凡我長幼各相勸勉為臣盡  
忠為子盡孝長幼有序兄弟友恭內睦宗族外和鄉里  
無或廢墜以忝所生讀畢司正飲酒以饌授執事仍  
各相揖司正復位及僎賓以下皆拱立行揖禮如揚饌  
儀及讀皆肅而聽之有過之人俱赴正席立聽讀畢執  
事者舉僎案至賓前次僎次介次主三賓以下次第舉  
之乃主獻賓執事者斟酒以授主主受爵詣賓前置手  
席稍退贊兩拜賓答拜以次奠爵儀如之畢主復位賓  
遂酬主賓起僎從之執事者斟酒授賓賓授酒詣主前

置於席稍退兩拜賓僕王皆退就位坐酒三行湯三品遂徹饌各起離席僕王僚屬居東賓位三賓衆賓居西行兩拜禮遂送賓分東西行乃三揖出屏門而退

一里社每歲春秋社祭會飲單行鄉飲酒禮所用酒餼即一百家內供辦坐以齒次年老者雖至貧上坐少者雖至富必下之不許挽越違者以違制論有過犯者雖年長而富亦坐席末聽讀律受戒論供飲酒畢同退如不行赴飲及強坐衆賓之上者爲頑民許主席及諸人首告遷遠遠爲民主席及衆賓容隱者同罪其各里社以百家爲一會內以里長主席其餘選年最高有德人所推服者一人爲賓其次一人爲介餘以年齒叙坐如續文獻通考卷之五十九

卷之五十九

二十

四

有致仕者主席請以爲僕擇通文學者一人揚解一人讀律一人贊禮前期王詣賓門請曰某日行鄉飲酒禮吾子年高德邵敢請爲賓賓曰某固陋恐辱命敢辭王曰詢諸衆莫若吾子賢敢固請賓曰夫子申命之某不敢辭王遂拜賓答拜請介亦如之但改請吾子爲介先執事者設賓席于堂中稍西南向設主席于堂東南西南向賓六十以上者席于堂中上兩序東西相向如賓多年幼者席于堂下階之南北而西上至日王迎賓及獻酬揚解讀律酒數行皆如學宮儀飲畢明日賓介僕衆賓詣王家拜謝鄉飲之賜王出門拜諸辱昨日之來一鄉飲之設所以尊高年尚有德雖讓敢有誼譁

失禮者許揚解者以禮責之其或因而致爭競者王席者會衆罪之 十九年夏四月 詔曰昔元末播蕩海

內擾兵所在黔黎苦殃甚矣如此者一紀有奇朕命前征虜大將軍中山武寧王及公侯群將發兵諸道所向克敵民得粗安統一天下曰 大明今十有九年然奸臣在位謀間臣民恩本施而弗及德將布而沮行政乖理悖莫甚於此獨去歲 大誥頒行民從朕 命至奸擾吾民者循法而歛迹進士監生職任諸司想吾民樂生有漸矣今特 命有司存問高年優恤無告鰥寡孤獨廢篤殘疾者收入孤老歲給所用使得天年所有合行事理條列于後凡民八十九十而鄉黨稱善者有續文獻通考卷之五十九

三

四百六十九

司以時存問若貧無產業年八十以上者月給米五斗肉五斤酒米三斗九十以上歲加帛一疋絮一斤其有田產能贍者止給歲酒肉絮帛惟應天鳳陽二府富民年八十以上 賜爵里士九十以上 賜爵社士與縣官平禮復其家冠帶服色別議頒行其鰥寡孤獨不能自給者悉蠲其差徭 二十年閏六月 命試禮部尚書李原名申諭有司行養老之政先是 太祖召原名諭之曰尚齒所以敘敬事長所以教順處夏商周之世莫不以齒爲尚而養老之禮未嘗廢是以人興於孝弟風俗淳厚治道隆平曩者朕 詔天下 大明會典卷十九 行養老之政凡者民年八十九十鄉黨稱善者有司以



時存問若貧無產業年八十以上者月給米五十酒米三斗肉五斤九十以上歲加帛一匹綿一斤其有田產能自贍者止給酒肉絮帛其應天鳳陽二府富民九十以上賜爵社士八十以上賜爵里士咸冠帶其家尚虞有司奉行不至爾其以朕命申之會典云里士禮官平二十二年定鄉飲酒禮凡良民中年高有德無公私過犯者自爲一席坐於上等有因戶役差稅遲悞及曾犯公杖私笞招犯在官者又爲一席序坐中門之外其曾犯奸盜詐僞說事過錢起城詞訟蠹政害民排陷官長及一應私杖徒流重罪者又爲一席序坐於東門之外執壺供事各用本等三家子弟各要分別三等

續文獻通考卷之五十九

二主

四百五十六

坐以善惡不許混淆其所行儀注並依原頒定式如有不遵圖序坐及有過之人不行赴飲者以違制論按圖席主對大賓主位于東南大賓位于東北介對僕介位于西南僕賓位于西北是四正也三僕自大賓以次而東三賓自僕賓以次而西司正從主而位于東南以教官爲之主楊解僚屬居東衆賓居西恭聞太祖此制不獨行于官而又令各行于里社不怒而勸懲攸屬不言而情文交洽審若此不啻唐虞三代之風矣惜乎爲有司者視爲故事未聞有着實行之者而况可責之里社之小民乎

建文帝元年詔軍民男婦有八十九十者賜米一石

肉十斤酒三斗九十十者加賜帛一疋綿一斤若身犯杖以上隸卒倡優不與所在鰥寡孤獨無產不能自存者有司歲給米三石令親戚收養無親戚隣里養之毋令失所

成祖永樂辛丑詔民年八十以上有司給絹二疋布二疋酒一斗肉十斤時加存恤明年甲寅令民年七十以上及篤廢殘疾者許一丁侍養不能自存者有司賑給八十以上者仍給絹二疋綿二斤酒一斗時加存問英宗天順八年詔凡民年七十以上免一丁差役有司歲給酒十瓶肉十斤八十以上者加綿二斤布二疋九十以上者給冠帶每歲待一次百歲以上者給板木

續文獻通考卷之五十九

三主

四百五十七

世宗嘉靖中祭酒呂柟定視學養老儀注惜不果行按柟據開元禮圖衆定養老禮儀歲季春之月擇吉日行養老禮於太學有司先奏定三師三少致仕者用德行年高一人爲三老次一人爲五更三品上下年德高邵者爲群老併開具致政之老與其族姓名事狀以聞前期三日設御幄於太學堂後設御座於太學堂正中南向莞筵粉純加藻席畫純次席黼純設三老座於西楹近北東向設五更座次三老東向皆莞筵粉純加藻席畫純設群老位於西階上東向皆蒲筵繒布純加莞席玄帛純几席皆不相屬設致政之老與其族館幕於門外太常卿展官懸列舞綴於庭設升歌於堂

上及舉麾位等一如元會之儀有司設罇於東楹之西北向左玄酒有坩以置爵前期一日有司具牲帛祭器祭先師孔子 上遣官行禮齋宿省牲陳設奠獻一如丁祭之儀惟祝文曰維某年月日朔甲子 皇帝謹遣某致祭於先師孔子是月某日養三老五更群老於太學用幣敬伸奠告以顏子魯子子思子孟子配尚享昧爽卒事復 命又設先老位於廟門之前陳設如儀至日黎明鼓徵瞻衆設六佾舞生皆至 駕乃出宮太學官率諸迎 駕于太學路左 駕至太學官及諸解伏稽首與傳 制迎三老五更于其第三老五更俱朝服乘安車導從如常儀擇史官充傳史二人朝服從之

替酌酒訖太常卿引 上詣三老座前執爵而酌訖上即座三老以下皆坐光祿卿進酒 上飲酒三老以下坐食飲酒各三爵笙入三終光祿卿進加饔羹飲酒各三爵間歌三終三老乃論父子君臣長幼之道治政之要五更飲亦如之 上俱虛躬聽受傳史執筆錄之乃大合六樂羽舞大韶以雲門咸池合之千舞大武以大夏大濩合之 上興冕而總干三老以下皆興稽首遜辭 上復即座三老以下皆復坐飲酒各三爵樂九變畢太常卿跪奏樂闕致政之老與其孤館於門外者飲酒食畢皆入侍 制命有司曰養爾老幼毋違 朕命三老以下趣出 賜三老五更襲衣冠帶醴菜幣

其餘帛衣米肉三老以下序立于庭皆拜三稽首與分班序立有司奏禮畢 上興出就 駕還 宮明日三老率五更以下詣 闕謝表

尊年 恩例

高皇帝 詔諸耆老謁見而岷山周壽誼居首年一百十六歲 賜宴及鈔幣 天順中召京師人百四歲茹大中入見便殿 賜宴順天府 賜冠帶襲衣 命禮部尚書姚夔造其第賀之 成化中濟寧人王自能以百十六歲徵又七年終又 韓王泰群牧所千戶朱政曾祖信年一百六歲而終祖全一百二歲父鏞八十二歲見存三代皆以千戶致仕 詔信全俱進階宣武將軍

各賜羊酒白米二石 弘治中太倉州毛瀾年百歲而孫澄狀元及第有司爲建人瑞狀元坊 福建林知府春澤百歲時有司爲蓋百歲坊而子侍即應亮年七十三孫學憲如楚乞歸侍又四年而春澤始卒

### 三氏學

魏黃初中於闕里建三氏學專教孔顏孟三氏子孫也唐以來興廢不一 宋乾興元年孫興公守兗因廟建學請以楊光輔爲講書轉奉禮即元祐四年尹復奏以文潞公薦爲教授而學正學錄分任其事前代皆孔子後爲之蓋當時教授自置也 元世祖中統初立曲阜廟學遴選師儒充孔顏孟三代子孫教授正錄各一員訓

續文獻通考

卷之五十九

二十六

四百五十五

其子弟比之常例優加擢用時大司農姚樞請以儒人楊庸教授其三氏子孫入國學者俾同朝官子列任教官者比常例每減一考入流學舊有田三千畝占千畝民至順中孔思晦理而復之

皇明宣德中 詔三氏教授所學錄保任孔氏一人五十五代克晏爲之後五十七代論五十五代克晏五十五代克照五十八代公璜五十八代公杰五十八代公鉉五十九代彥備五十九代彥佩六十代承高六十代承祚相繼代任

天順中給三氏教授印開生員歲格蠲孔氏田租

景泰弘治嘉靖隆慶四 幸學衍聖公率三氏子孫觀禮

公賜大紅織金仙鶴羅紗帽金犀束帶三氏賜冠帶有差 又以衍聖公次子一人爲子思後得世襲五經博士而嫡系在衢州者亦得世襲五經博士還其西安祭田五頃在河南者世襲國子學正又推保族之賢者一人世爲曲阜知縣又給復其家人五百名

### 宗人授官附

永樂中宗人孔諤以會試副榜第一人見 皇太子特授左春坊中允後改御史 天順中宗人公恂自禮科給事中起拜爲詹事府少詹事

續文獻通考卷之五十九終

續文獻通考

卷之五十九

二十七

四百五十五

續文獻通考卷之六十

皇明進士雲間王圻纂輯

學校考 郡國鄉黨學

字學諸學  
蒙古學附

宋

寧宗嘉定中趙彥執監青龍鎮稅務重建鎮學以養士百里之間絃誦相聞 是時趙崇本知崇安興學校捐俸請買開平廢寺田以充學廩又請佃西林興福二寺廢租以折納餘美助養士之費

理宗景定初王鏜任江寧知縣縣舊無學鏜下車慨然以興學爲任時值諸學置官鏜曰有師無學非所以稱上旨即建學於縣解之北又置田若干畝以備學之廩粟

續文獻通考卷之六十

乙 三

焉 嘉熙元年趙汝鎰知桐廬縣發縣帑五千緡增置學田養士 淳祐元年王泌知睦州修州學行鄉飲新鈞臺書院次第脩舉

遼聖宗統和元年十二月歸州言其居民本新羅所遷未習文字請設學以教許之

道宗清寧元年十二月詔郡縣設學養士頒五經傳疏置博士助教各一員 咸雍時太公鼎爲良鄉令省徭役務農桑建孔子廟學部民服其化 太康時耶律孟簡爲高州觀察使修學校招生徒以循吏著

金

太宗時赤蓋暉爲歸德軍節度使時宋州舊無學暉爲營

建學舍勸督生徒肄業者復其身人競趨之

世宗大定十六年四月詔京府設學養士凡十七處共千人初以嘗與廷試及宗室皇家袒免以上親并得解舉人爲之後增州學遂加以五品以上官曾任隨朝六品官之兄弟子孫餘官之兄弟子孫曾經府薦者同境內舉人試補三之一經府薦及終場免試者不得過二十人凡試補州府學生以提舉學校學官主之曾得府薦及終場舉人皆免試凡經史註疏會課學規一同太學之制 二十九年章宗已即位上封事者乞興學校推行三舍法及鄉以八行貢春官以設制舉宏詞事下尚書省集百官議戶部尚書鄧儼等謂三舍之法起于宋熙寧

續文獻通考卷之六十

二 四

間王安石罷詩賦專尚經術太學生補外舍無定員由外陞內舍限二百人由內陞上舍限百人各治一經每月考試或特免解或保舉補官其法雖行而多藉勢力尚趨走之弊故蘇軾有三舍既興貨賂公行之語是以元祐間罷之後雖復而宣和三年竟廢臣等謂立法貴乎可久彼三舍之法委之學官選試啟僥倖之門不可爲法唐文皇養士至八千人亡宋兩學五千人今策論詞賦經義三科取士而太學所養止百六十人外京府或止十人天下僅及千人今若每州設學專除教授月加考試每舉所取數多者賞其學官月試定爲三等籍之一歲中頻在上等者優復之不率放行惡者黜之庶

樂得入之道也上從其議遂計州府戶口增養士之數  
于大定舊制京府十七處千人之外置節鎮防禦刺史  
州學六十處增養千人各設教授一員選五舉終場或  
進士年五十以上者為之府學二十有四學生九百五  
人大興開封平陽真定東平府各六十人太原益都府各五十人  
大定河間濟南大名京兆府各四十人遼陽彰德府各三十人河中慶陽臨洮河南府各二十五人鳳翔平涼延安咸平廣寧興中府各二十人  
節鎮學三十九共六百一十五人絳定衛懷滄州各三十人交州各二十五人代同鄆州各二十人  
奉聖州十五人餘二十三節鎮皆十五人防衛州學二十人  
以上共千八百人其長貳幕職內各以進士官提控其事仍具入銜  
泰和元年九月更定贍學養士法郡縣生員給民佃  
續文獻通考卷之六十

官田六十畝歲支粟三十石 承安四年八月詔諸路  
學校生徒少者罷教官止以本州府文資官提控  
宣宗興定元年二月尚書省以軍儲不足請罷州府學生  
廩給上曰自古文武並用向在中都設學養士猶未嘗  
廢況今日乎其令仍舊給之 時任天寵為威戎縣令  
縣故堡寨無文廟學舍天寵以廢署建之

女直學 金世宗大定四年以女直大小字譯尚書頒行  
之後擇猛安謀克內良家子弟為諸生諸路至三千人  
九年取其尤俊秀者百人至京師以編修官溫迪罕  
締達教之 十三年以策論取士始于諸路設汝直府  
州縣二十二中都上京胡里改恤頻合懶蒲與婆連咸

平泰州臨潢北京冀州開州澧州西京東京蓋州隆州  
東平益都河南陝西凡取府學生之制皆與詞賦經義  
生同又定制每謀克取二人若宗室每二十戶內無願  
學者則取有物力家子弟年十三以上二十以下者充  
凡會課三日作策論一道季月私試如漢生制 二十  
九年勅以女直進士提控其事具入官銜河南陝西女直學承安二年罷餘如舊

世祖中統二年始命置諸路學校官凡諸生進修者嚴加  
訓誨務使成材以備選用 三年嚴忠範奏請補東平  
路廟學從之 至元初王遵為彰德路總管重修廟學  
續文獻通考卷之六十

訓飭生徒褒勸勲怠賢才重典 十三年賽典赤為雲  
南行省平章盡爾俗無禮義男女往往自相配偶親死  
則火之不為喪祭子弟不知讀書賽典赤教以拜跪之  
節婚姻行嫁死者為棺槨真祭教民播種為陂池以蓄  
水濟旱創建孔子廟明倫堂購經史授學田由是文風  
稍興 十五年張立道除忠慶路總管先是雲南未知  
尊孔子祀王逸少為先師立道首建孔子廟置學舍勸  
士人子弟以學擇蜀士之賢者迎以為子弟師歲時率  
諸生行釋菜禮入習禮讓風俗稍變矣 十九年命雲  
南諸路皆建學以祀先聖 二十三年閏二月設江南  
各道儒學提舉司帝御德興府行宮詔江南學校舊有

學田復給之以養士初浙江行省理算錢穀甚急驚所  
在學田輸其直于官則司監臣撤里見之謂曰學有田  
以供祭祀育賢才安可驚耶遂奏罷之 是年大司農  
上諸路學校凡二萬一百六十所 二十五年十月尚  
書省臣奏令集賢院諸司分道鈎考江南郡縣學田所  
入羨餘貯之集賢院以給多材藝者從之 二十六年  
九月置高麗國儒學提舉司 二十八年令江南諸路  
學及各縣學內設立小學選老成之士教之其他先儒  
過化之地名賢經行之所與好事之家出錢粟贍學者  
並立爲書院凡師儒之命于朝廷者曰教授路府上中  
州置之命于禮部及行省與宣慰司者曰學正山長學  
續文獻通考 卷之六十 四庫全書

錄教諭州縣及書院置之路設教授學正學錄各一員  
散府中上州設教授一員下州設學正一員縣設教諭  
一員書院設山長一員中原州學山長學錄教諭並授  
禮部劄付凡各府所屬州縣學正山長學錄教諭並授  
行省及宣慰司劄付凡路州府書院設直學以掌錢穀  
從郡守及憲府官試補直學考滿又試所業十篇陞爲  
學錄教諭凡正長諭錄教授或由集賢院及臺憲等官  
舉充之諭錄歷兩考陞正長正長一考陞散府上中州  
教授上中州教授又歷一考陞路教授教授之上各省  
設提舉二員正提舉從五品副提舉從七品提舉凡學  
校之事後改直學考滿爲州吏例以下第舉人充正長

脩榜舉人充諭錄有薦舉者亦參用之自京學及州縣  
學以及書院凡生徒之肄業于是者守令舉薦之臺憲  
考覈之或用爲教官或取爲吏屬往往人材輩出 是  
年司業司上諸路所設學校凡二萬一千三百餘  
陶安曰先王仁愛斯民其政尤要者三治有封建養有  
井田教有學校三代迹熄首變治養之制惟學校久而  
益廣漢晉以下學盛于京師而郡縣無定設唐宋以來  
熙布于郡縣而教官無常銓縣倚郭者皆弗克特建附  
隸郡庠而已今 邑必置學學必置官祿雖輕而道則  
尊勢雖孤而事則專是以儒者試仕願階乎此  
二十九年詔江南州縣學田其歲入聽其自掌春秋釋  
續文獻通考 卷之六十 四庫全書

真外以廩給師生及士之無告者貢士莊田則令數  
入官 至正間蒲理翰知鄭州下車首事廟學範銅爲  
祭器製革帛爲禮服 至元間司仁知輝州增飭學舍  
敦理師儒選秀民充弟子員復設鄉學以教之 是時  
段直以功授澤州長官招撫逃民澤爲樂土大修孔子  
廟置書萬卷迎儒士李俊民爲師以延四方來學者不  
五六年學之士于以通經被選者百二十有二人朝廷  
特命提舉本州學校事 時陳佑爲衛輝路總管創立  
孔子廟  
成宗大德元年五月詔各省止存儒學提舉司一餘悉罷  
之 時李仲彬爲武安尹擇師教子弟必以孝弟忠信

為本春秋修行釋菜禮以易風俗為已任

仁宗延祐二年楊景行以進士授贛州路會昌州判官創學舍禮師儒勸民出腴田以膳士弦誦之聲遂盛

時史璵為常州路總管教興放勸學即郡庠建尊經閣以儲書籍俾學者得以觀覽 皇慶元年敬儼為浙江道

廉訪使取憲司廢堂材木及諸路學廩之羨者建孔子廟民無勞費 三年五月置甘肅諸路儒學提舉司

英宗至治間趙鳳儀為台溫路總管諭民喪祭婚嫁以禮規廟學延明師以淑後進

泰定帝五年王由義為彰德路總管割俸修學 時白景亮為衢州路總管郡學之政久廢從祀諸賢無塑像諸

續文獻通考 卷之六十 七 生無廩給祭服樂器有缺景亮皆為備之儒風大振縉紳稱頌焉

順帝元統二年二月詔內外各舉學校 是時月魯不化為台州錄事司達魯花赤縣未有學乃首建孔子廟既

又延儒士為師以教後進 至元元年十月勅以所在儒學貢士庄田租給宿衛衣糧時宋文懿為烏程縣丞

首建學校以崇文教 至正七年韓鑄為饒州路總管選民俊秀入學求者宿有學者為五經師朔望幅巾

深衣以謁先聖每月考課以示勸勉 時文殊海涯監尤溪縣與學政增置弟子員及鄉社俱今立學擇師儒

以主教事 時又有李起巖為淦江簿勸民立學諭以

孝弟廉恥 時又有蘇宗端尹上海為文廟置禮器凡

蓮豆罍爵琴瑟鐘鼓之屬莫不備具 時又有王至和知松江府考訂釋奠禮製執事者冠制 時又有夏思

忠為杭州路總管杭學兵火之後前守帖木烈思興造甫畢後被火燼思忠以興復為已任因烈思舊緒盡購

禮拜寺地以廣學基廟宇嚴整杭學遂為浙右冠

字學 世祖至元六年置諸路蒙古字學中書省定學制頒行之命諸路府官子弟入學上路二入下路二入府

一人州一人餘民間子弟上路三十入下路二十五入願充生徒者許免一身雜役以譯寫通鑑節要頒行各

路俾肄習之至 成宗大德十年又定生員散府二十續文獻通考 卷之六十 八

人上中州十五入下州十人 元貞元年命有司割地給諸蒙古學生員餼廩其學官 至元十九年定擬路

府州設教授以國子在諸學之上 大德四年添設字學生員上自國學下及州縣舉生員高第者從翰林院

考試凡學官譯史取以充焉

醫學 世祖中統二年太醫院使王猷言醫學久廢後世無所師授學非其傳為害甚大乃遣副使王安仁授以

金牌往諸路設立醫學其生員擬免本身差撥等役俟其學有所成每月試以疑難視其所對優劣量加勸懲後又定醫學之制設提舉綱維之凡隨朝太醫及醫官子弟與路府州縣學官並須試驗其各處名醫所述醫



經文字悉從考校其諸藥所產性味真偽悉從辨驗其  
隨路學校每歲出降十三科疑難題目具呈太醫院發  
下諸路醫學士生員依式習課醫業年終製簿解納送  
本司以定其優劣 二十八年廉訪副使陳詳建明州  
府醫學

王應麟記畧曰醫不可無學岐伯之師曰蹴候李秦越  
人之師曰長桑君倉公之師曰公孫光陽慶然學孰爲  
要一言蔽之曰仁程子謂醫書以痿痺爲不仁最善明  
狀仁者又曰切脉可觀仁仁人心也天地生生之心人  
得之以爲心心仁則疾病切身若保赤子萬物一體也  
不仁則善不勝利理泊於欲肝膽楚越也以仁存心以  
續文獻通考卷之六十 九

心合天如浩翁之不求報宋清之不爲市龍安常之好  
施許叔微之陰功精義入神將得不傳之妙于釜蹄之  
表其或專已意逆乃曰醫者意也是猶昧學古入官之  
訓而曰何必讀書其害不止誤註本草而已

武宗至大五年七月仁宗已即位禁醫人非選試及著籍者毋  
行醫學

陰陽學 世祖至元十六年始置諸路陰陽學詔江南若  
有通曉陰陽之人各路官司詳加取勘依儒學醫學之  
例每路設教授以訓誨之其有術數精通者每歲錄呈  
省府赴都試驗果有異能則于司天臺內許令近侍  
延祐初令陰陽人依儒醫例於路府州設教授一員凡

陰陽人皆管轄之而上属于太史焉  
皇明

### 郡國學校

國初兩京及中都俱設國子監天下府州縣俱設儒學其  
後載中都國子監而各都司衛所亦設學

太祖洪武二年十月辛卯 詔郡縣立學校曰古昔帝王  
育人材正風俗莫先于學校自元入主中國夷狄腥羶  
汚染華夏學校廢弛人紀蕩然加以兵亂以來人習爭  
鬪鮮知禮義今朕統一天下復我中國先王之治宜大  
率風以興治道今雖內設國子監恐不足以盡延天下  
之後其令天下郡縣並建學校以作養士類師生月廩  
續文獻通考卷之六十 十一

食米人六斗有司給魚學官月俸有差學者專治一經  
以禮樂射御書數設科分教務求實材頑不率者黜之  
八年立社學是年 命御史臺選國子生分教北方  
建文中罷北平山東河南山西陝西五省及江北學校  
貢士靖難後復故

### 選補生員事例

洪武初今在京府學生員六十人在外府學四十人州學  
三十人縣學二十人日給廩膳聽于民間選補仍免其  
家差徭二丁 二十年令增廣生員不拘額數 二十  
五年奏准起取富民原係生員者送應天府學讀書  
永樂三年令起取人匠內有生員照例送應天府學

宣德三年定增廣生員在京府學六十人在外府學四十人州學三十人縣學二十人照例優免差徭 正統元年令生員名缺許本處官員軍民之家及社學俊秀無過犯子弟選補 十二年奏准生員常額之外軍民子弟願入學者提調教官考選俊秀待補增廣名缺一體考送應試 天順六年令廩膳有缺于增廣內考選學問優等者補 弘治七年奏准廩膳有缺不許將別學增廣調補 正德十年奏准都司衛所學原定一年一貢者與設優等次等生員各四十名原定三年二貢者與設優等次等生員各三十名原定二年一貢者與設優等次等生員各二十名通行提學官考補以後於優等內照例考選充貢有多餘者俱作附學不堪者不必取足 嘉靖二年令增順天府廩膳生員二十名三年令增應天府學廩膳增廣生員順天府學增廣生員各二十名 十一年奏准承天府學廩膳增廣生員六十名其鍾祥縣學生員亦照例通隸府學 十五年詔各處學校廩膳生員有親老無人侍養願告侍親者聽親終復學其累科不第年五十以上願告退閒者給與冠帶榮身仍免本身雜泛差徭凡衛學 成化三年令衛學四衛以上軍生八十人三衛以上軍生六十人二衛一衛軍生四十人不及者不拘有司儒學軍生二十人 嘉靖二十一年題准直隸金山衛學照福建

平海衛學例添設廩膳二十名應給廩米華亭上海二縣出辦 又題准貴州普定等十三衛各設廩膳生員二十名各該衛門通融處給廩米 隆慶二年題准直隸各衛儒學原屬衛官提調者仍以本衛官提調惟季考生員及考選童生聽各該巡按御史定委通判等項 文職官管理 凡軍舍入學洪武二十七年令武官舍餘年十五以下許入府州縣學讀書 宣德七年令衛所官舍軍餘俊秀者許入附近府州縣學聽本處鄉試 景泰二年令雲南貴州軍民生相兼考補廩膳照例科貢 三年令各處軍生許考補廩膳照例科貢 嘉靖二十六年題准歸順土官子孫照舊例送學食廩讀書 萬曆四年題准廣西雲南四川等處凡改土為流州縣及土官地方建有學校者令提學官嚴加查試果係土著之人方准考充附學不許各處土民冒籍濫入 學規 太祖洪武二年 詔天下府州縣立學校學者專治一經以禮樂射御書數設科分教 三年定學校射儀前期戒射定�耦選職事充司正副司正司射司射器請射舉

爵收矢執旗樹鵠陳設訖至日執事者入就位請射者引主射正官及各官員子弟士民俊秀者各就位司射器者以弓矢置於各正官及司射前請射者請正官前圓揖畢引詣司射器前受弓矢訖復位司正執筭入立於中後請射者詣司射前曰請誘射引司射二人耦進各以三矢播于腰帶之右以一矢挾于二指間推年齒相讓年長者爲上射年幼者爲下射上射先詣射位向鵠正立發矢司正書中投筭置于中舉旗者如所射應之射畢退立于傍讓下射者詣位射訖請射者俱引復位收矢者收矢復于射者司正取所中筭請射者次請士民俊秀射次請官員子弟射次請品卑至品高者射其就射位發矢筭書中舉旗收矢復位皆如前儀既畢司正副司正各持筭白中于主射正官舉爵者酌酒授中者飲之中的者三爵中采者二爵飲訖請射者請屬官以下仍捧弓矢納于司射器還詣主射正官前相揖而退六年令今後一應文字只用散文不許爲四六誤後學十五年頒禁例于天下學校鐫勒卧碑置于明倫堂之左永爲遵守一今後府州縣生員若有大事干於已家者許父兄弟姪具狀入官辯訴若非大事含情忍性毋輕至于公門一士員之家父母賢智者少愚癡者多其父母賢智者于自外入必有家教之方子當受而無違斯孝行矣何愁不賢者哉其父母愚癡

者作爲多非子既讀書得聖賢知覺雖不精通實爲聖父母之幸獨生是子若父母欲行非爲子自外入或就內知則當再三懇告雖父母不從致身將及死地必欲告之使不陷父母於危亡斯孝行矣一軍民一切利病並不許生員建言果有一切軍民利病之事許當該有司在野賢人有志壯士質朴農夫商賈技藝皆可言之諸人毋得阻當惟生員不許一士員內有學優才膽深明治體果治何經精通徹年及三十願出仕者許敷陳王道講論治化述作文詞呈稟本學教官考其所作果通性理連僉其名具呈提調正官然後親齋赴京奏聞再行面試如果具才實學不待選舉即行錄用一爲學之道自當尊敬先生凡有疑問及聽講說須誠心聽受若先生講解未明亦當從容再問毋恃已長妄行辯難或置之不問有如此者終世不成一爲師長者當體先賢之道竭忠教訓以導愚蒙勤考其課撫善懲惡毋致懈惰一提調正官務在常加考較其有敦厚勤敏撫以進學懈怠不律愚頑後詐以罪斥去使在學者皆爲良善斯爲稱職矣一在野賢人君子果能練達治體敷陳王道有關政治得失軍民利病者許赴所在有司告給文引親齋赴京面奏如果可采即便施行不許坐家實封入遞二十四年令各處儒學每遇朔望有司官至日早詣學謁廟行香師生出大門

外迎接行禮畢請至明倫堂師生作揖散官侍坐生員東西序立講書提調官考課畢退師生復送至大門外回學其別廟行香師生不必隨行如春秋祭祀迎捷詔旨師生仍依定例 又今生員就讀 大 待今歲貢時出題試之民間習讀 大誥子弟亦令誦律 又令教官人等務要依先聖先賢格言教誨後進使之成材以脩任用敢有妄生異議惑後生乖其良心者誅其本身全家遷發化外 二十五年定禮射書數之法一朝廷頒行經史律誥禮儀等書生員務要熟讀精通以備科貢考試 一遇朔望習射于射圃樹鵠置射位初三十步加至九十步每耦二人各挾四矢以次相續文獻通考 卷之六十 十五 置美

總長官主射射畢中的飲三爵中采二爵 一習書依名人法帖日五百字 一數務在精通九章之法成祖永樂三年申明師生每日清晨陞堂行恭揖禮畢方退晚亦如之生員會食肄業毋得出外游蕩英宗正統六年令提調官置簿列生員姓名又立爲籤公暇揭取稽其所業提學官所至察提調勤怠以書其稱否其生員有奸詐邪僻貌視師長齟齬教法者悉黜退爲民憲宗成化三年令提學官躬歷各學督率教官化導諸生仍置簿考驗其德行儀文藝贍治事長者列上等簿或有德行而劣于經義或有經義而短于治事者列二等

簿經義雖優治事雖長而德行或缺者列三等簿歲課月考循序而上非上等不許科貢孝宗弘治十六年題准生員不拘廩廩附學敢有傲慢師長挾制官府敗倫傷化結黨害人者本學教官具呈該管官員查究得實依律問罪令充吏者發本布政司衙門充吏役滿爲民當差世宗嘉靖十年題准生員內有刁潑無耻之徒號稱學霸恣意非爲及被提學官考校或訪察黜退妄行訛毀赴京奏擾者奏詞立案不行仍行巡按御史鞫問 十六年令士子文字敢有肆爲怪誕不遵舊式者提學官即行革退續文獻通考 卷之六十 十六 置美

廩餼太祖洪武初令師生廩食月米六斗後復令日米一升魚肉鹽醢之類皆官給之 十五年令廩餼月米一石英宗正統元年令師生日逐會饌有司僉與膳天府學四名州學三名縣學二名孝宗弘治三年奏准膳夫每名歲出柴薪銀四兩以備會饌之用 八年令膳夫每名歲出柴薪銀十兩若師生不行會饌有司失于供應聽提學官究治世宗嘉靖十九年題准孔顏孟三氏教授司生員廩米充州府通融處給穆宗隆慶六年議准劄行順天府將交趾歸順土官膳夫

照例編給不許額外增編

考試事例

太祖洪武二十七年令生員入學十年之上學無成效送部充吏其有成效及十年以下照依入學年月編次造冊解部以備取用其科舉歲貢亦照編次起送 又令廩膳十年之上學無成效增廣年二十之上不通義理者皆充吏其托故偽訟革罷不應選者照卷追徵食過廩膳還官米數實收開繳戶部知數本生送吏部充吏 二十九年令凡罷閒等項生員食糧年深以偽訟愚鈍等事革退者假父殘疾告回侍親者以富戶技藝戶倉腳夫起取戶丁因而在京潛住者侍親親終及病痊

續文獻通考卷之六十

十七

四百五十四

制終不行入學者因愚鈍患病侍親等事經斷罷閒後以人材等項舉保為官者皆充吏不追糧凡在學讀書及在家丁憂病故者因父伯叔任軍官別無親男坐名起取襲職者告單丁重役及父母年老侍親者因父為事代父起解問發充軍者父兄叔姪當軍戶內無丁告退者為手足殘疾耳目盲聾告退者為事充軍工役及以愚鈍犯法等故黜罷後為事充軍工役者為本支親屬極刑黜退者戶內單故勘合坐名勾補者皆免充吏不追糧

成祖永樂二年令增廣生員入學十年若年二十之上魯鈍不能行文者充吏

宣宗宣德三年奏准巡按御史會布按二司并提調教官考試生員廩膳十年之上學無成效者發附近布政司直隸發附近府州充吏六年以下鄙猥無學者追還廩米為民

英宗正統元年令廩膳六年以上不諳文理者充吏增廣六年以上不諳文理者為民 四年令生員以疾病罷黜者免追廩米有犯誑誤聽贖罪還學若犯奸盜詐偽挾制官府毆罵師長教唆詞訟說事過錢包占人財物田土等項廩膳追糧解京增廣附近軍民衙門俱贖罪充吏其犯受賄奸盜不分廩增照例運載運炭納米擺站等項滿日發回原籍為民 十年奏准提學官會布

續文獻通考卷之六十

十八

四百五十五

政司堂上官一員兩直隸會巡按御史公同提調教官考選生員年四十以上不諳文理者廩膳十年以上送吏部六年以上送附近布政司增廣十年以上送本布政司兩直隸送本府俱充吏六年以上并鄙猥殘疾者悉黜為民雲南貴州免考 十四年令生員有犯該發充吏者廩膳免追糧米若犯受賄奸盜冒籍宿娼居喪娶妻妾事理重者兩直隸發充國子監膳夫各布政司充隣近儒學膳夫齋夫滿日原籍為民廩膳仍追廩米英宗天順五年令各處會官考選廩膳未及六年考不中者追廩為民六年令生員爭貢及越訴者俱充吏是年定 勅諭以後奉以從事

憲宗成化九年奏准直隸考退生員免追廩米

風憲官提督

英宗正統元年奏准各處添設按察司副使或僉事一員  
南北直隸監察御史各一員請 勅專一提督學校  
十年令提學官遍詣所屬學校嚴加考試提督生徒學  
業務見實效有不職者禮部都察院堂上官詢察具奏  
罷黜

景皇帝景泰元年革罷提學風憲官聽巡按御史各司府  
州縣官提督考察 又令按察司分巡各道副使僉事  
照依提學官先奉 勅書事理提督兩直隸御史提督  
英宗天順六年復設各處提督學校官各 賜勅諭 一  
續文獻通考 卷之六十 十九 國朝

學者讀書貴乎知而能行先將聖賢經書熟讀背誦牢  
記不忘却從師友講解明白俾將聖賢言語體而行之  
敦尚孝弟忠信禮義廉恥之行不許徒務口耳之學將  
來 朝廷庶得真才任用 一爲學工夫必收其放心  
主敬窮理毋得鹵莽間斷其於修己治人之方義利公  
私之辨須要體認精切庶幾趨向不差他日出仕方能  
顧惜名節事業可觀 一習學舉業亦窮理之果能  
精通四書本經便會行文有等生徒不肯實下工夫惟  
誦舊文意圖僥倖出身今宜痛革此弊其所作四書經  
義策論等文務要典實平順說理詳明不許浮誇怪誕  
至於習字亦須端楷庶不乖教養之意 一學效無成

皆由師道不立今之教官賢否不齊先須察其德行考  
其文學果所行所學皆善須禮待之若一次考驗學問  
疎淺及怠于訓誨者姑戒勵之令其進學改過若再考  
無進不改送吏部別用其貪污不肖實跡彰聞者不必  
考其文學即送按察司直隸送巡按御史問理吏部別  
選有學者補其缺 一師生每日坐齋讀書及日逐  
會饌有司僉與齋夫膳夫府學膳夫四名齋夫八名州  
學膳夫三名齋夫六名縣學膳夫二名齋夫四名不許  
違悞缺役 一生員考試不諳文理者廩膳十年以上  
發附近去處充吏六年以上發本處充吏增廣十年以  
上發本處充吏六年以上罷黜爲民未及六年者量加  
續文獻通考 卷之六十 二十 國朝

決罰勉勵進學 一生員之家並依洪武年間例除本  
身外戶內優免二丁差役有司務要遵行不許故違  
一凡巡視學校水路乘驛舟陸路乘馬仍于本司帶書  
吏一名隨行陸路與官驢俱支廩給 一府州縣提調  
官員宜嚴束生徒不許出外遊蕩爲非凡學內殿堂齋  
房等屋損壞即辦料量工修理若特有提督憲職將學  
校中一切合行之事推故不行用心整理量加決罰懲  
戒 一所過之處遇有軍民利病及不材官吏貪酷害  
人事于奏請者從實奏聞 一本職專督學校不理刑  
名如有軍民人等訴告冤枉等事許受詞狀輕則發下  
所在有司問理重則送按察司直隸送巡按御史提問

一科舉本古者制舉選之法今南北所取舉人名數已有定制近年奉競之徒利他處學者寡少往往赴彼投克增廣生員詎料鄉貫隱蔽過惡一舉盡試所在教官僥倖以為已功其弊滋甚今後不許違例本職及提調科舉官監試官拿問 一布政司按察司官及巡按御史不許侵越提督者職事若以公務至府州縣亦當勉勵師生勤力學業不許推故不理若提督官行止不端許巡按監察御史指實奏聞 一所轄境內遇有衛所學校一體提調整理武職子弟悉令其習讀武經七書百將傳及操習武藝其中有能習舉業者亦聽科舉 一各處歲貢生員照例將食糧年深者嚴加考試不必會官如果年深不堪充貢就便照例黜罷却以次者充務要通曉文理方許起送赴部 一廩膳增廣生員已有定額廩膳有缺于增廣內考選學問優等者補補增廣有缺於本處官員軍民之家選擇資質聰敏人物俊秀子弟補充不許聽信有司及學官徇私作弊若有額外之數須嚴加考選通曉文義者存留待缺不許將不堪者一舉存留躲避差徭 一古者鄉閭里巷莫不有學即今社學是也凡提督去處即今有司每鄉每里俱設社學擇立師範明設教條以教人之子弟一年一考較擇取勤効仍免為師之人差徭 一師主於學校一切事務並要遵依洪武間印碑行不許故違

憲宗成化六年令貴州按察司分巡官兼理本處學校孝宗弘治十七年令提學官有徇情將老病鄙猥之人濫容在學及充貢者參究黜罷 武宗正德十年給各按察司提督學校官關防 又令口外衛學并各都司衛所土官學雖本布政司寫遠提督官不能歲歷者許各道分巡官歲加考校行提學官知會 世宗嘉靖十六年題准大同所屬府州縣衛所儒學生員俱令冀北道分巡官代理宣大俱令巡按御史帶管 二十六年議准甘肅各衛所儒學生員行甘肅巡按御史帶管提調遇該科舉之年聽考送陝西布政司應試 今上萬曆三年換給提學官勅諭 一聖賢以經術垂訓 國家以經術作人若能體認經書講明學問何必又別標門戶聚黨空談今後各提學官督率教官生儒務將平昔所習經書義理着實講求躬行實踐以需他日之用不許別創書院群聚徒黨及號召地方遊食無行之徒空談廢業因而啓奔競之門開請托之路違者提學官聽巡按御史劾奏遊食人拿問解發 一孝悌廉讓乃士子立身大節生員中有敦本尚實行誼著聞者雖文藝稍劣亦必量加獎進以勵類俗若有平日不務學業曠托公事或捏造歌謠興滅詞訟及敗倫傷化惡過彰著者體訪得實不必品其文藝即行革退不許



續文獻通考卷之六十

二十一

四庫全書

徇情姑息亦不許輒信有司敎官開送致被挾私中傷  
誤及善類 一我 聖祖設立卧碑天下刊病諸人皆  
直言惟生員不許今後生員務遵 明禁除本身功已  
事情許家人控告有司從公審問倘有冤抑即為昭雪  
其事不干已輒便出入衙門陳說民情議論官員賢否  
者許該管有司申呈提學官以行止有虧革退若糾眾  
扛幫聚至十人以上罵詈官長肆行無禮為首者照例  
問遣其餘不分人數多少盡行黜退為民 一國家明  
經取士說書者以宋儒傳註為宗行文者以典實純正  
為尚今後務將 頒降四書五經性理大全資治通鑑  
綱目大學衍義歷代名臣奏議文章正宗及當代 諸  
續文獻通考卷之六十  
律典制等書課令生員誦習講解俾其通曉古今適于  
世用其有剽竊異端邪說炫奇立異者文雖工弗錄所  
出試題亦要明白正大不得割裂文義以傷雅道 一  
提學官奉 勅專督學校不許借事枉道奔趨撫按官  
于求薦舉各撫按二司官亦不許侵伊職掌行事若有  
不由提學官考取徑自行文給與生儒衣巾及有革退  
生員赴各衙門告訴復學者即將本生問罪革黜若提  
學官有行止不端怠玩曠職者許巡按御史指實劾奏  
一該管地方每年務要巡視考校一遍不許移文代  
委及于隔別府分調取生儒以致跋涉為害亦不許令  
師生匍匐迎送考畢即于本地方發落明示賞罰不許

續文獻通考卷之六十

二十二

四庫全書

攜帶文卷于別處發案致令書吏乘間作弊士子無所  
勸懲亦不許招邀詩朋酒友遊山玩水致落僻門妨廢  
公務其水陸夫馬廩給隨帶吏書俱照常行 一提學  
官巡歷所屬凡有貪汙官吏軍民不法重情及敎官干  
犯行止者原係憲司理當拿問但不許接受民詞侵官  
喜事其生員犯罪或事于對理者聽該管衙門提問不  
許護短曲庇致令有所倚恃抗拒公法 一廩膳增廣  
舊有定額迨後增置附學名目冒濫居多今後歲考務  
要嚴加校閱如有荒疎庸耄不堪作養者即行黜退不  
許姑息有捏造流言思逞報復者訪實拿問照例問遣  
童生必擇三場俱通者始收入學大府不過二十人大  
州縣不得過十五人 十一年題准人才衆多地方就試  
人衆許酌量增取但不許徇私過濫 如地方乏才即四  
五名亦不為少若鄉宦勢豪干托不遂暗行中傷者許  
徑自奏聞處治 一兩京各省廩膳科貢皆有定額近  
來有等奸徒利他處人才寡少往往詐冒籍貫投充入  
學及有詭駕兩名隨處告考或假捏士大夫子弟希圖  
進取或原係娼優隸卒之家及曾經犯罪問革變易姓  
名援例納粟等項僥倖出身殊壞士習訪出嚴行拿問  
革黜若敎官納賄容隱生員扶同保結者一體坐罪  
一府州縣提調官員宜嚴束生徒按季考校凡學內殿  
堂齋房等屋損壞即辦料量工修理其齋夫膳夫學糧

學田等項俱要以時發給不許遲悞尅減 一生員之家依洪武間例除本身外戶內優免二丁差役 一生員考試不諳文理者廩膳十年以上發附近去處充吏 六年以上者發本處充吏增廣十年以上發本處充吏 六年以上者罷黜爲民 一儒學教官士子觀法所係按臨之日考其學行俱優者禮待獎勵其行履無過但學問疎淺者一次考驗姑行戒飭再考無過送吏部別用有老病不堪者准令以禮致仕若卑汗無耻素行不謹者不必試其文學即拿送按察司問革 一考貢照近日事例每歲預將次年應貢生員限年六十以下三十以上屢經科舉者六人嚴加考選取其優者充貢後題准考貢止用一正一陪定限次年四月到部聽候廷試文理不通者即行停降年老衰憊者姑授以冠帶榮身不許但挨次濫貢其有停廩降廩者必考居一二等方許收復 十二年題准停廩降廩者考居三等亦准復未收復者不許起送應貢如有濫貢及 廷試發回五名以上提學官照例降調 一補貢有缺務查人文未經到部果在一年以裏者將原給批咨朱卷追繳方取年力精壯文學優長者一人補貢定限該貢年分次年到期到部方准收考如有不遵舊例將年遠貢缺濫補市恩者起送部即將本生發回革廩學業提學官參究 一遇鄉試年分應試生偏名數各照近日題准事例

每舉人一名取科舉三十名此外不許過多一名南京監生亦依解額照數起送有多送一名者各監試官徑行裁革不許入場 一名宦鄉賢孝子節婦及鄉飲禮賓皆國之重典風教所關近來有司忽于教化學校是非不公濫舉失實激勸何有今後提學官宜以綱常爲已任遇有呈請務須核實非年久論定者不得舉鄉賢名宦非終始無議者不得舉節婦孝子非鄉里推服者不得舉鄉飲賓俱如有妄舉受人請求者師生人等即以行止有虧論其從前冒濫混雜有玷明典者照近例徑自查革 一所轄境內有衛所學校一體提調整理武職子弟悉令習讀武經七書百將傳及操習武藝有願習舉業者聽社學師生一體考校務求明師責成量免差役其行止有虧及訓誥句讀音韻差謬字畫不端不通入理者即行革退 四年令各處鄉試畢日吏部會同禮部將各提學官從公考察分別等第優異降調有差 六年題准南直隸廬鳳淮陽四府滁徐和三州學校以江北巡按兼之湖廣衡永二府柳州以上湖南道副使兼之辰州一府靖州以辰沅道副使兼之廣東瓊州府以海南道副使兼之各請專 勅行事每歲巡歷考校 十年題准鄉試後提學官考察停止 十一年題准各提學每歲考校一次入學務要不失原額間有他故巡歷不周次年即

行如數補足雖係科舉之年亦宜昭歲考例總計三年之內大府務足六十人大州縣務足四十五人其地方果係科目數多就試人衆則于定額之外量加數名但不許倍于原數如乏才之處亦毋得因而一舉取盈十二年令南直隸提學御史仍兼管江北湖廣提學官照舊專管該省惟瓊州府仍屬海南道

### 社學

太祖洪武八年 詔有司立社學延師儒以教民間子弟十六年 詔民間立社學有司不得干預其經斷有過之人不許爲師 二十年令民間子弟讀 御製大誥者赴京禮部較其所誦多寡次第給賞又令兼讀律續文獻通考卷之六十

今

英宗正統元年令各處提學官及司府州縣官嚴督社學不許廢弛其有俊秀向學者許補儒學生員

憲宗成化元年令民間子弟願入社學者聽貧乏不願者勿強

孝宗弘治十七年令各府州縣建立社學訪保明師民間幼童年十五以下者送進讀書講習冠婚喪祭之禮

### 宗學

武宗正德十四年令吏部于各王府長史紀善伴讀教授等官務擇學行優長堪爲師範者除授凡世子衆子長子將軍中尉等年未弱冠者各隨資質嚴立課程

教養如法不得虛應故事撫按提學等官訪其賢否動情以聞

今上萬曆十年題准凡宗室之子年十歲以上俱入宗學其師即以本府教授紀善等官選取學行俱優者充之若宗生衆多則置教師或于宗室中推舉一人爲宗正主領其事各生誦習 皇明祖訓孝順事實爲善陰騭等書至于四書五經史鑑性理亦相兼講讀俟年至十五許照例請封先給祿米三分之一仍習學五年驗有進益 親王方與奏請出學支本等全祿嘉靖四十四年例另城者該府郡王或管理府事者奏請其有放縱不循禮守法者學師具啓各該親郡王小則徑自訓責大則奏降革

### 醫學

皇明除在京設太醫院外各王府設良醫所良醫正正八品副從八品各府設醫學正科從九品州設典科縣設訓科俱未入流各率醫生主療治疾疫及疔瘡囚人患病諸務

### 陰陽學

皇明除在京設欽天監外各府設陰陽學正術從九品州設典術縣設訓術俱未入流各率陰陽生主中輿雨澤救護日月諸務續文獻通考卷之六十終

續文獻通考卷之六十一

皇明進士

學校考 書院

書院之制昉自石鼓嶽麓白鹿睢陽皆碩德鴻儒講道明教之地世所謂四大書院者是也厥後書院遍天下日增月益星羅而鱗次然多尚虛名而實學荒矣按諸本以淮海列四大書院之中蓋以淮海書院在丹徒疑卽應天書院也不知宋之應天書院乃在歸德府亦或以睢陽名之人以其字之相近遂以睢陽爲淮海非矣又玉海所謂四大書院者有嵩陽而無石鼓今當以玉海爲正

續文獻通考卷之六十一

浚儀王氏曰漢初郡國往往有夫子廟而無校官且不置博士弟子員其學士嘗課試供養與否不見經傳然諸儒以明經教于其鄉率從之者數百人其齊魯燕趙之間詩書禮易春秋論語名家者甚盛則設書院昉是矣蓋未修庠序之教士病無所于學相與擇勝地立精舍爲羣居講習之所若嶽麓白鹿洞之類是也逮慶曆熙寧之盛學校之官遂徧天下

宋元

白鹿洞書院在江西南康府廬山五老峯下唐李渤與兄涉俱隱於此後爲江州刺史卽洞創臺榭南唐昇元中因洞建學館置田以給諸生學者大集以李善道爲洞

主掌教授當時謂之白鹿國庠 宋朝太平興國元年三月庚寅知江州周述言廬山白鹿洞學徒數千百人請賜九經書肄習詔從其請仍驛送之五年六月己亥以白鹿洞主明起爲褒信主簿賜陳裕三傳出身起補有是命咸平五年勅有司重修繕又聖宣聖十哲之像祥符初直史館孫冕請以爲歸老之地皇祐五年其子琛卽故址爲學館十間牌曰白鹿洞之書堂俾子孫居而學焉郭祥正爲記淳熙六年南康守朱熹重建爲賦示學者曰明誠其兩進抑敬義其偕立允幸摯之所懷謹卷顏之攸執呂祖謙爲記

續文獻通考卷之六十一

二 四六八

嶽麓書院在湖廣善化縣宋開寶九年潭州守朱洞始創宇于嶽麓山抱黃洞下以待四方學者作講堂五間齋序五十二間孫邁爲記咸平一年潭守李允則益崇大其規模三年王元之爲記曰西京首述文翁東觀先書衛輿其理蜀郡教桂陽率以庠序爲先云云中開講堂揭以書樓塑先聖十哲之像畫七十二賢瀟湘爲洙泗荆蠻爲鄒魯四年三月二十日辛卯允則奏岳麓山書院修廣舍宇生徒六十餘人請下國子監賜諸經釋文義疏史記玉篇唐韻從之祥符五年山長周式請于太守劉師道廣其居譚紳爲記式以行義者八年召見便殿拜國子主簿使歸教授給詔因舊名賜額仍增給中秘書于是書院之稱聞天下乾道元年帥臣劉珙重建

爲四齋定養士額二十人二年十一月張拭爲之記淳熙十五年帥臣潘時廣三齋益額十人陳傅良爲記淳祐六年賜御書岳麓書院四字揭之中門書院南風雲亭之下別建湘西精舍

應天書院

即睢陽書院應天府乃歸德府也宋曰應天金曰歸德

宋祥符二年二

月二十四日庚戌詔應天府新建書院以曹誠爲助教初有戚同文者通五經業聚徒百餘人許宗度郭承範董循陳象與王礪滕涉皆其門人于是誠卽同文舊居建學舍百五十間聚書千五百餘卷願以學舍入官令同文孫舜賓主之故有是命并賜院額天聖三年應天府增解額三人六年九月晏殊言請以王洙充書院說續文獻通考卷之卒

續文獻通考

主

四十五

京

書從之明道二年十月乙未置講授官一員景祐二年十一月辛巳朔以書院爲府學給田十頃

范仲淹南京書院題名記皇帝功揭日月澤注河漢金革塵積絃誦風希睢陽先生同文賁于丘園教育爲樂祥符中曹氏請以金三百兩建學于先生之廬以舜賓幹其裕王濟掌其教張吉甫領其綱真宗嘉嘆面可其奏盛度文其記陳堯佐題其榜章甫如星縫掖如雲聚學爲海淬詞爲鋒二十年間羽儀臺閣益翩翩焉

嵩陽書院在河南登封縣太室山下五代時建宋至道元年七月甲辰賜院額及印本九經書疏祥符三年四月癸亥賜太室書院九經景祐二年九月十五日巳丑西

京府河南重修太室嵩陽書院王魯奏置學官詔以嵩陽書院爲額賜田一項至道三年五月戊辰河南言甘露降書院講堂已上古今號稱四大書院北直隸

南宮北宅書院宋祥符三年七月壬寅詔南宮北宅大將軍以下各赴書院講讀經史諸院十歲以上並入學受經學書委侍教勤心誘勸

太極書院在燕京城內元中書行省楊惟中以河朔未知濂洛之學建書院及周惇頤祠以二程張楊游朱配食刻太極圖通書西銘于祠壁延趙復王粹等爲師由是河朔始知道學按元史世祖與姚樞議建選取遺書續文獻通考卷之卒

續文獻通考

卷之卒

四

三

京

八千餘卷置其中所載微不同

諫議書院在昌平院元爲劉賁建設山長主之文靖書院在房山縣元趙密賈壤爲師劉因建益津書院在霸州元宮君祺建

靜修書院在新安縣元劉英董爲劉因建

毛公書院在河間縣元建祀漢毛萇

董子書院在景州廣川鎮元王思誠奏建祀董仲舒

太行書院在獲鹿縣

封龍書院在元氏縣封龍山漢李躬授業之所唐郭震宋李昉元李治皆嘗講學于此

西谿書院在元氏縣龍首峯西唐姚敬棲遁之所宋有九

經張著為山長復增葺之

中谿書院在龍首峯下宋李昉授業之所元中統初李治增葺之

壁里書院在新樂縣西元邑人趙士廉所立義學祭酒蘇天爵作記

明道書院在鎮寧軍開州初程純公以權御史裏行出判鎮寧既去士民思之創以祀公後為士人講學之所

崇義書院在開州元國子生唐元建為育材之地且置學田四頃餘請于朝賜名崇義

景賢書院在宣府城南紅挑口元相康里脫脫建別墅延師訓子鄉人化之賜名景賢書院碑碣尚存

續文獻通考卷之六十一  
西關書院在龍門衛治東南

雲州書院在雲州堡東南  
南直隸

明道書院舊在應天府學宮宋淳熙初劉珙建祀程明道後守劉渠改築新祠于鈴轄故地李珣扁其堂曰春風

旁二塾曰主敬行恕尋廢後守吳淵更創理宗親書明道書院四大字為額與四書院等馬光祖繼之又給田

增廩  
南軒書院舊在天禧寺宋張栻嘗讀書於此轉運使真德

秀為立祠後馬光祖建主一堂求仁任道明理潛心四齋極高明樓且增撥田以惠學者元移置于城東明道

書院之西南

昭文書院在應天府湖熟鎮元至元間建

崇聖書院在鳳陽府第一山漢孔安國父子相繼為臨淮守後人因建書院于此上有先聖燕居殿遺址

西湖書院在潁州西湖濱宋歐陽修守潁樂其風土晚年終老于此遂築書院

學道書院一在長州縣學南宋咸淳間建以教言氏子孫元廢一在常熟縣西元至順間置名文學書院置山長

甫里書院在蘇州府東五十里本唐陸龜蒙祠元元統間總管錢光弼奏建書院置山長

文正書院在蘇州府范仲淹宅元至正間總管吳秉彜請續文獻通考卷之六十一  
以祠堂置

和靖書院在蘇州府治東南宋尹焞舊有讀書庵在虎丘寺後人立書院元祐初移建于此後復移虎丘寺名虎丘書院

鶴山書院在蘇州府城西南隅宋理宗賜魏了翁第宅于此并賜鶴山書院四大字元至順間博士柯九思奏復

書院虞集撰記

孔宅書院在松江府城北七十里舊有孔子廟在慧日院側宋淳熙間院僧浚渠得寶玉璧三環二簪一藏之郡

學蓋孔子三十四代孫禎宦遊至吳因立家廟葬衣冠于此寶蓋墓中物也元至元間里人章弼建書院以居

鄉俊之來學者

九峯書院在松江府治西北朱邑士衛謙建按華亭趙驥建書院議云華亭尉舊有折桂閣宋李璣爲尉時生子綱于此後綱爲相因呼相公閣今因建書院并立祠祀之

西湖書院在松江府城內瑁湖泳波亭舊址元郡守張之翰建

清忠書院在上海縣元至正間邑人董元澤建取宋仁宗賜其祖得象清忠二字爲名

龜山書院在常州府城東南六里宋楊時寓常州講道于此紹定間郡守鄭必萬增剏其舊書堂爲書院元設山續文獻通考卷之六十一 七 三〇四二 京

東坡書院在常州府治東南祀宋蘇軾地卽軾卒處也

淮海書院在丹徒縣治西宋南渡後進士多寓京口因建書院爲講學之地故名

濂溪書院在丹徒縣治東南宋周惇頤後舅氏鄭向居此後人因建書院祀之

丹陽書院在丹陽縣宋景定中劉貢士建郡守朱禕孫聞于朝賜額

申義書院在金壇縣治西宋太府丞張鑑那家塾教族人子弟取中之以孝弟之義爲名

龍山書院在金壇縣南觀龍山宋咸淳間立

茅山書院在金壇縣西茅山宋初建後廢紹定中知縣孫

子秀因其故址新之以待遺學

謝安書院在揚州府城東北召伯鎮因晉謝安鎮廣陵故建

安定書院在泰州城西安定先生胡瑗如皐人爲師有道後人宗仰因立書院又一在湖州府治東北宋淳祐中

文翁書院在無爲州儒學前內有文翁祠及碑記

龍眠書院在舒城縣治東宋李公麟讀書處蘇軾黃庭堅嘗往來于此

三賢書院在合肥縣治東祀宋包拯馬亮王希呂

山谷書院在安慶府治東北今爲府學文廟後有祠堂祀宋黃廷堅

二良書院在安慶府治東祀漢文翁朱邑

近思書院在安慶府治北祀周程張朱四子

天門書院在太平府天門山宋郡守陳瑄奏建理宗書額內有周子二程子張子朱子張南軒呂東萊七賢祠

采石書院在太平府采石山宋嘉定間郡守賈實建爲士子講學之地

丹陽書院在當塗縣南黃池八十里元至大間建

齊山書院在池州府城西六十里元建設山長職教授

李白書院一在貴池縣華竹嶺一在青陽縣九華山化成



寺西斷碑存焉一在銅陵縣五松山一在石埭縣杉山  
紫陽書院在徽州府治東宋淳祐中郡守韓浦爲朱晦菴  
建理宗書額賜之元陳浩記

明經書院在婺源縣元至大初里人胡浚建官爲設山長  
主之

### 山西

冠山書院在山西太原府冠山元呂思誠父祖數世皆讀  
書于此後以宰相言賜額建于故宅虞集作記

松峯書院在樂平縣南四十里羅庄宣聖裔孔克威建呂  
思誠作記

溫公書院在夏縣學之東元至正間重建祀司馬溫公  
續文獻通考卷之六十一

董澤書院在聞喜縣東三十里宋趙鼎世居董澤其後六  
世孫箕翁仕元爲國子博士歸作書院于故里虞集爲  
記

晉山書院在太原府城東北隅

暖泉書院在蔚州西三十里暖泉里元工部尚書王敏建  
文忠書院在澤州陵川縣治南文忠元郝經謚也

### 山東

閔子書院在山東濟南府治東五里閔子墓前元建設山  
長

伏生書院在鄒平縣東北一十八里元主簿楊溫建祀漢  
伏勝

泰山書院在泰安州北五里宋孫明復講道之所石守道  
有記

洙泗書院在曲阜縣西北八里卽孔子講道之所元設山  
長

聖澤書院在汶上縣西南三十里一名孔堂世傳孔子宰  
中都政餘講學于此

尼山書院在曲阜縣尼山上宋慶曆間建廟元至順中孔  
思晦以故廟已毀民冒耕祭田且百年乃復其田請立  
書院從之

子思書院在尼山旁舊有管運錢萬緡貸于民取子錢以  
供祭祀久之民不輸子錢并負其本孔思晦理而復之

續文獻通考卷之六十一

有留子書院在郟城縣西北六十里又嘉祥縣南四十里亦  
有留子書院

性善書院在滕縣西北元大德間建取孟子告滕文公性  
善義

思聖書院在費縣西九十里元至元間建

野齋書院在東阿縣境內元翰林承旨李謙卒詔卽其故  
居建書院立山長以祀謙

弦歌書院在武城縣南元游爲武城宰其治在今兗州  
府費縣西北此以名同故立書院祀之舊在縣西四十  
里元泰定中徙于南學士承旨劉賡扁名學士張起巖  
撰記

鄭玄書院在郛墨縣東二十五里

東萊書院在萊州府治西門外東萊以先世萊州故號

東萊先生後人慕之爲立書院于此祀焉

河南

儒林書院在河南禹州城南二十里元州人楊可道建

崇正書院在夏邑縣慈勝寺西

滄濱書院在永城縣南南城鄉元縣尹張思立建

頤谷書院在封登縣西南宋崇寧間建立立廟以祀宣聖

後廢復建

伊川書院在嵩縣治北元延祐間建東有九賢祠

洛西書院在永寧縣治東元延祐間建有五賢堂祀宋周

續文獻通考卷之六十一

十一

濂溪程明道伊川邵康節張橫渠司馬溫公後廢復建

同文書院在洛陽縣西南

諸葛書院在南陽府臥龍崗漢諸葛孔明故地之東元至

大中建程鉅夫作記

涑水書院在光山縣治西涑水先生宋司馬光號也光父

洙爲光山令時生光于此後人因講書堂祀光故名

謝顯道書院在上蔡縣宋建祀謝顯道

陝西

魯齋書院在陝西咸寧縣治東北元延祐中奉元路臣爲

故臣許衡建

學古書院在三原縣治西北元延祐中因舊址重建蕭野

有記

橫渠書院在郛縣東五十里卽宋儒張橫渠故居立書院

中有祠堂元泰定四年建文禮愷作記

岐陽書院在鳳翔府元天曆二年勅賜書院額祀周文憲

王仍命設學官春秋釋奠如孔廟儀

浙江

龜山書院在浙江餘杭縣治南宋崇寧末楊時知縣事有

遺愛于民民請立書院祀之仍延師教子弟其中

城南書院在杭州祀張九成

西湖書院在杭州府治北本宋太學故基元至元末肅政

廉訪使徐琰改爲書院

續文獻通考卷之六十一

十二

東岡書院在海寧縣東三十六里宋邑人賈氏置義塾元

至正間改爲書院

宣公書院在嘉興府治北元至元間建祀唐宣公陸贄

傳貽書院在崇德縣治東北宋儒潛庵輔廣讀書之所廣

德朱熹教扁堂曰傳貽蓋以傳先貽後爲任也後人卽

其所立書院文及翁爲記以祀廣焉

白社書院在崇德縣宋末衛富益建

東湖書院在湖州長興縣東北二十五里元時邑人蔣必

勝勅詔賜額名

釣臺書院在嚴州府城東五十里乃漢嚴光隱釣處宋范

仲淹始勅祠宇紹定中郡守陸子適卽其地建書院

石峽書院在淳安縣東北五里宋方逢辰講道之所度宗手詔賜額名

麗澤書院在金華府城東北五里宋呂祖謙會友講道于此取易父象以扁其居嘉熙中恩賜麗澤書院元御史

王龍澤有記

月泉書院在浦江縣西二里宋咸淳間知縣王霖龍構精舍于泉上元改為書院

四賢書院在金華府城中元時江浙省建以祀郡儒何基王栢金履祥許謙

齊芳書院在蘭溪元唐良驥延金仁山講學于此

仁山書院在蘭溪祀金仁山

續文獻通考

卷之六十一

十三

三月廿八日

燕東書院在蘭溪宋葉誼讀書所

北山書院在金華盤溪上宋末為何基立

桃源書院在寧波府城西三十里宋王說隱居教授神宗

特恩補官仍書桃源書院四大字賜之

廣平書院在奉化縣東一十里宋舒璘講學于此王應麟作記

甬東書院在寧波府城東五里宋鄭清之建以祀樓昉理宗御書扁賜之

慈湖書院在慈谿縣治北宋郡守劉黻以祀楊簡元設山

長主之

杜洲書院在慈谿縣西北六十里童居易讀書之所

東湖書院在寧波府城東三十里元時邑人陸莒祐建程端學作記

鄧山書院在寧波府城西五里元時邑人趙儒建祀宋朱文公後設山長主之袁槐有記

鄧江書院在寧波府治東南元時邑人張式良建

上蔡書院在台州府東湖上宋景定中州守王華甫建祀上蔡謝良佐初良佐遭黨禁未解而卒子孫有流落台

州者州守黃當訪而得之因祀良佐于州學後華甫至遂建書院徙祀焉又僊居縣南亦有上蔡書院

桐江書院在僊居縣西四十五里宋方斲本唐方干之裔居台州朱熹嘗書鼎山堂扁遺之元皇慶中其孫志道

續文獻通考

卷之六十一

十四

三月廿七日

建書院以祀公

鑑溪書院在台州府城東南一百三十里元邑人柯鵬建

迴浦書院在黃巖縣東南五十里元元貞中建

安洲書院在僊居縣東二十五里元至元中隱士翁森建

永嘉書院在温州府城西南宋淳祐中建中奉宣聖燕居像東室祀伊洛諸儒西室祀鄉先賢

宗晦書院在樂清縣舊名枕堂宋咸淳中改今名宗晦菴也

中村書院在泰順縣宋淳祐中吳子良建

侯林書院在泰順縣宋淳祐中吳子益建

清獻書院在衢州府城北宋咸淳中郡守請于朝即趙抃

故居立書院因以杜謚扁焉

柯山書院在衢州爛柯山右宋郡人毛友鄭可簡于此建

精舍讀書淳祐中郡守請于朝立書院

南塘書院在江山縣宋逸平先生徐存講學之所逸平卒

而朱子往吊書院已爲毛氏墓田朱子因賦詩致哀令

重建于騎石山下曰逸平書院

包山書院在開化縣北三十五里宋汪應辰有軒名聽雨

紹定中改爲書院

明正書院在西安縣東宋汪應辰及子達寓衢郡守張嶠

築室居之後人卽此建祠咸淳中趙孟奎重建扁曰明

正

續文獻通考卷之六十一

十五

桂山書院在處州龍泉縣西十五里宋端平間邑人張奉

議立以訓子弟丞相吳潛題扁

石門書院在青田縣西七十里石門洞宋淳熙九年朱文

公提舉常平至此愛欲居之元至正中廉訪副使王侯

始卽謝客堂故址建

明善書院在松陽縣

獨峯書院在縉雲縣東三十三里朱文公至此愛其山水

似武夷嘉定中郡人葉嗣昌建

美化書院在縉雲縣東六十里因朱文公講道于此嘉熙

中縣尉陳寔建

稽山書院在紹興臥龍山之陽宋淳祐中馬天驥建祠以

祀朱文公以公嘗提舉浙東常平也後吳革請祠爲書院

高節書院在餘姚東北一十五里漢嚴子陵墓側宋淳祐

中劉公黼建有夫子燕居祠外置遂高絲風雲三亭

扁華表于道旁曰客星山

鼓山書院在新昌縣祀石子重

江西

梧桐書院在江西奉新縣南唐時中庸明誠兩羅先生講

道之所山多梧桐故名

東湖書院在南昌府治東南宋郡丞豐有俊假李寅廬虛

閣故址創書院以館游學之士今爲南昌縣學

續文獻通考卷之六十一

十六

宗濂書院在南昌府治南宋江萬里以濂溪周惇頤普典

是邦葺宇祠之扁曰宗濂精舍元移于東湖改爲書院

又寧州治東旌陽山麓有濂溪書院卽周惇頤作簿時

建相連有山谷書院

華林書院在奉新縣華林山宋雍熙中光祿寺丞胡仲堯

建四方游學者常數百人

龍光書院在豐城縣西鰣池廟側元至正間邑人陳必強

建取實鰣龍光爲名

貞文書院在豐城縣南八十里元揭傒斯之父來成學行

師表一方謚曰貞文後傒斯請立書院遂賜以額

鄱江書院在饒州府城北宋朱熹門人金去爲講學之所

忠定書院在餘干縣琵琶洲宋丞相趙汝愚與朱熹講道處忠定汝愚謚也

東山書院在餘干縣冠山左趙汝愚弟汝覲建朱熹嘗講道于此謝枋得記

石洞書院在餘干縣東五十里今屬萬年縣宋雙峯饒魯講道之所

昌溪書院在餘干縣東政新鄉今萬年縣境宋提刑柴中行講學之所元時其子孫作書院以教里族事聞爲置官

慈湖書院在樂平縣治東南宋楊簡爲令以禮讓變俗時號慈湖先生簡沒民思不忘因立書院

續文獻通考卷之六十一  
新田書院在浮梁縣古樓嶺宋侍郎李椿年建今其地名義岸塢又縣之景德鎮有長蘄書院宋李齊愈建

錦江書院在安仁縣西南四十里宋倪介講學處元至元間其子鏗請賜額

初庵書院在德興縣治南元邑人傅立建立號初庵稼軒書院在廣信府鉛山縣南二里宋辛棄疾讀書處初名瓢泉書院後以其號名

端明書院在玉山縣治東宋端明殿學士汪應辰講學處元監縣壽安始建書院蘇天爵記

象山書院在貴溪縣宋陸九淵講學之所袁甫建書院以錢時主講

鵝湖書院在鉛山縣鵝湖山下宋朱熹與陸九淵會講于此

疊山書院在上饒縣南安輯鄉宋謝枋得講學之所

桐源書院在貴溪縣西一十里宋國子學錄高可仰建以教鄉之子弟

藍山書院在弋陽縣水南地元初張卿弼隱居教授于此學者甚衆其門人楊應桂申益章爲作書院處之虞集記

景星書院在九江府城東唐李渤刺江州元和中以右拾遺召不拜韓愈書有景星鳳凰爭先快觀之語後人因建景星書院

續文獻通考卷之六十一  
濂溪書院在九江府廬山麓宋周惇頤建後守潘慈明增築朱熹爲記

靖忠書院在彭澤縣治觀音山後元邑令王國輔建取晉陶潛之靖唐狄仁傑之忠爲名

盱江書院在建昌府南城縣治西北宋李觀教授之所中有明倫堂前有洙泗堂左右列誠正格致四齋元末燬

南豐書院在南豐縣治東元至正間知州史文斌建中有孔子殿左有曾鞏祠堂後有講堂齋舍

臨汝書院在撫州府城西南二里宋馮去疾以朱文公嘗臨是邦故立書院于湖山上宋元皆有官領之

我峯書院在撫州城南青雲峯左宋叅政李璧屬縣令續

子 186-153

幹建堂面我峯故名

槐堂書院在金谿縣學東宋令陳詠之建以陸子靜家塾之名扁曰槐堂

鹿岡書院在宜黃縣南四十里宋邑人孫子野建

文溪書院在崇仁縣東陶家巷口運幹陳溪月建

草廬書院在崇仁縣南御書閣基前元邑令阿里建

邵庵書院在崇仁縣治北元邑令重喜建

青田書院在金谿縣北三十里元邑士洪觀瀾宗陸氏學建此以祀三陸先生

柳塘書院在樂安縣治東後改梅隱書院元人建

爲溪書院在樂安縣治東元邑人夏友蘭建吳澄記

續文獻通考卷之六十一

十九

清江書院在臨江府新金縣治東宋縣令黃餘建

金鳳書院在臨江府治東南隔江金鳳洲上宋國子司業

黎立輔建立輔又有講書堂在新喻縣

鷺洲書院在吉安府白鷺洲上宋淳祐間知吉州江萬里

建延歐陽守道以教俊秀

龍洲書院在泰和縣治南賴江之上宋嘉泰間縣令趙汝

暮建周必大記

文溪書院在泰和縣治西宋里人曾季禮講學授徒之所

邑令趙師與記

雲津書院在泰和縣治南龍洲之上宋嘉定間里人劉逢

原建曾歷記

柳溪書院在泰和縣治西宋嘉定間里人陳德卿建嚴萬全記

清節書院在泰和縣治北宋蕭楚以春秋教學者卒謚清

節元至正間其宗人繼文作祠扁曰清節書院

匡山書院在泰和縣東匡山下昔里人羅洞晦清修不仕

後唐徵拜官不就從遊益衆名所居曰匡山書院

礪溪書院在吉水縣西宋周澤之建

陽豐書院在永豐縣西元進士陳應求與弟起原建後賜

額設官領教

武城書院在永豐縣西元學士曾德裕建派自武城南分

續文獻通考卷之六十一

二十

故名吳澄記

雲興書院在萬安縣治西宋周惇頤趙抃皆嘗經此人因

立像祀之且爲縉紳講學之地

西澗書院在瑞州府治西宋劉渙家高安子恕孫義仲三

世一節端平初知州張軾立書院西澗渙號也

樂善書院在瑞州府治南宋郡守王淹以郡中宗姓寔繁

乃初書院置田以教育宗子孤幼者

文溪書院在瑞州府城南文溪上宋陳仲微建爲讀書之

所

正德書院在上高縣南三十里元提舉姜榮建趙孟頫書

扁刻石

石溪書院在新昌縣東北四十里元提舉胡俊字建

南軒書院在袁州府東湖上中有張南軒祠歲時祀之

鈴岡書院舊在分宜縣東宋建邑庠遂廢淳祐初邑宰王

抗建祠以祀周二程張朱仍扁曰鈴岡書院

胡安之書院在萍鄉縣東二里宋朱子門人胡安之讀書所

宗濂書院在萍鄉縣東五十里宋周濂溪監稅處溪鎮時

立書院以授門人學後人即其地建祠又于縣治南立

濂溪書院皆祀焉

張巖書院在萬載縣治東臨江儒學教授張千崖立有禮

殿以祀先聖有祠以祀周程張邵司馬六君子虞集記

其事

續文獻通考卷之六十一

三十一 三百五十七 京

濂溪書院在贛州府贛縣治東三里周濂溪管通判虔州

後人因建書院

先賢書院在贛州治東宋楊澹軒精舍故址其門人尚書

陳韓請于朝建之

安湖書院在興國縣東宋縣令何時建文天祥記

梅江書院在寧都縣宋縣令夙子興建

湖廣

東山書院在武昌府黃鵠山東宋建

南湖書院在武昌縣治東宋權壽昌軍事京規建元設山

長領之

龍川書院在武昌縣南金牛鎮元時領以山長

竹溪書院在蒲圻縣東五里宋建蘇軾書額

新溪書院在蒲圻縣宋進士周登仕建

疊山書院在興國州東一里湖堤上宋謝枋得寓居者書

于此今稱其地曰謝公墩

南湖書院在承天府沔陽州學宋建以祀武成王及狄梁

公張太冲

東山書院在荊門州東宋知軍孫鏞二子何僅讀書于此

後皆為狀元學者稱二孫先生為立祠稱東山書院

隆中書院在襄陽隆中山蜀漢諸葛亮嘗寓此後人因建

廟祀之元改為書院

鹿門書院在襄陽府治南任顯宗居此

續文獻通考卷之六十一

三十一 九十一 京

長庚書院在德安府唐李白讀書處元程鉅夫記

河東書院在黃州府治東宋天聖中程珣為黃陂尉生二

子顯頤于官舍寶祐時守李節請建書院祀之

東坡書院在黃州府治東蘇軾謫居于此及去以田宅俾

潘大臨陳慥教養學徒後人為建書院

南門書院在蕪水縣南謝朝宣建祀王逸少陸鴻漸蘇子

瞻

公安書院在荊州府公安縣宋宣撫孟珙因蜀士聚于公

安為建書院以沒入田廬隸之元廉希憲營更新焉

白水書院在枝江縣西三里元拔都府林溫司建

車渚書院在岳州府澧州東三十里其地一名營渚晉車



胤聚螢讀書處

文山書院在澧州治南唐李羣玉讀書之所文山羣玉字也

溪東書院在澧州治東宋范仲淹嘗遊此後人慕之作書院祀焉

城南書院在長沙府城南臨湘門外宋張栻講學之地

碧泉書院在湘潭縣西七十里宋胡安國南遊築室其子宏與張栻講道于此以近碧泉因名

文定公書院在長沙府治中祀胡安國

東萊書院在醴陵縣北四十里宋東萊呂祖謙讀書于此

連溪書院在湘鄉縣東南連水濱初在崑崙橋西宋嘉定

續文獻通考卷之六十一  
間真德秀帥潭命知縣徐質夫置立扁其堂曰春風德

祐初燬知縣趙晟重建于連水東元至正中知縣王文

彪復移建連水西

東岡書院在長沙縣東二十五里元中書左丞許有士父

號東岡嘗讀書于此因賜額

喬岡書院在長沙縣西北九十里喬口鎮舊有三賢堂祀

屈原賈誼杜甫元元統中邑人黃潛因設義學於此詔

賜今額

文靖書院在瀏陽縣南宋楊時嘗字是邑後人因建書院

名以其謚

湘西書院在善化縣相水西宋時建潭士以居學肄業爲

重州學生月試積分高等升湘西岳麓書院生又積分

高等升岳麓精舍生潭人號爲三學生劉輔之重建

慶州書院在益陽縣治南江中元邑人劉履泰講學之所

事聞詔授慶州書院山長

南軒書院在衡州府張栻朱熹講學處

石鼓書院在衡州府石鼓山唐元和間州人李寬讀書之

所宋初勅賜額朱文公有記

南嶽書院在衡山堂教有官育士有田宋開禧中建寶慶

中遷于集賢峯下元因之

杜陵書院在來陽縣北二里杜甫墓前

清溪書院在安仁縣清溪宋周必大嘗讀書于此後人因

續文獻通考卷之六十一  
建書院元王正間縣令王雪巖重修

沅陽書院在常德府城東北黃龍坡宋末丁易東建號石

壇精舍元賜今額遺址碑刻尚存

浯溪書院在永州府祁陽縣治南元縣尉曹圭與子堯臣

創中大殿奉先聖殿左祠祀唐元結顏真卿

濂溪書院在道州學西祀宋周惇頤理宗賜額

鶴山書院在靖州治北宋魏了翁建自爲記鶴山了翁號

也

作新書院在靖州學旁宋黃榮知靖州時建取書作新民

義

觀瀾書院在郴州興寧縣西建置未詳

四川

紫巖書院在成都府綿州縣治南宋張浚讀書之所

丹梯書院在巴州南龕山宋時建

果山書院在順慶府城北五里蜀漢譙周建後郡人邊叔

達以秘書監歸隱于此藏書萬卷今爲南充文學

柳溝書院在敘州府富順縣東九十里宋李文淵建

雲臺書院在南溪縣北雲臺山上有石鐫雲臺書院四大

字尚存元廖蜀望有詩記其勝

南溪書院在南溪縣治西北唐楊發詩美其景似桃源

濂溪書院在合州學旁祀宋周濂溪

北巖書院在涪州治北宋程頤註易于此黃廷堅榜曰鈞

續文獻通考

卷之十一

十五  
九十三京

深堂嘉定中范仲武請爲書院塑像祀之

鳳山書院在夔州府大寧縣鳳凰山建置未詳

南陽書院在夔州府宋孟珙建以處四方遊士

竹林書院在夔州亦宋孟珙建以待四方遊士

金華書院在潼川府射洪縣北元至正間建肖唐陳子昂

像祀之

張九宗書院在遂寧縣書臺山唐貞元間建

東臺書院在鹽亭縣西南二十五里宋任伯傳讀書處

東館書院在眉州城西七十五里東館鎮宋紹興初鄉士

創爲肄業之所馮時行有記元至正間重修

柵頭書院在丹稜縣東北二十五里柵頭鎮宋紹興間縣

今馮時行建

鶴山書院在瀘州治南宋魏了翁建

五峯書院在瀘州城北五峯山下宋慶曆間尚書楊汝明

創爲士友講會之所

龍門書院在江安縣東七十五里宋乾道中鄉士呂伯祐

建

魏了翁書院在邛州蒲江縣治北宋嘉定間建又了翁嘗

築室白鶴山下曰鶴山書院聚書授徒由是蜀人始知

義理之學

玉淵書院在舊黎州城內宋開禧初知縣薛紱建于崇德

祠西

續文獻通考

卷之十一

十五  
九十三京

福建

勉齋書院在福建府城內宋儒勉齋黃榦讀書之所

三山書院在福州府西湖旁宋提刑王似建

古靈書院在侯官縣陳襄讀書處

尊拙書院在侯官縣三山驛西宋林之奇講學處

龍江書院在福清縣東南宋時建

石塘書院在福清縣宋景定四年立林公遇講學處

城南書院在古田縣南宋時學元改爲書院

浣溪書院在古田縣南宋時建

螺峯書院在古田縣南宋時建

藍田書院在古田縣東宋時建以上三書院皆朱熹書扁

嵩高書院在古田縣元時即學基建書院

清源書院在泉州府宋嘉泰中郡守宗希泰建

歐陽書院在泉州府唐歐陽詹讀書于此

大同書院在同安縣元至正間邑令孔公俊建請額賜名

以祀朱文公

石井書院在泉州府晉江縣西南石井鎮舊名鰲頭精舍

朱松鎮于此熹官同安皆有教及民嘉定中鎮官游絳

立書院塑二先生像祀焉

泉山書院在晉江縣宋咸淳中建今改為學

建安書院在建安縣郡守王埜立以祀朱熹

紫芝書院在建寧府學宋時建以待四方賢士

續文獻通考

卷之六十一

三十七 三十七四 京

鵲峯書院在建陽縣西崇泰里唐尚書熊秘建

廬山書院在建陽縣廬山下宋儒游酢建又崇安縣建書

院以祀酢亦扁曰廬山書院

雲谷書院在建陽縣朱文公建

雲莊書院在建陽縣嘉熙中建祀劉燭

考亭書院在建陽縣西三桂里唐御史黃端構亭以祀其

先朱熹晚年居此理宗詔立書院親書扁額

同文書院在建陽縣崇化里朱熹建

瑞樟書院在建陽縣劉仲會建劉氏視樟榮枯為盛衰

武夷書院在崇安縣武夷山朱熹建精舍于此景定中命

建書院設山長

鵲峯書院在建陽縣西北峯下宋蔡沈建理宗書扁賜之

文定書院在崇安縣西元縣尹彭庭堅建祀宋儒胡安國

以其子寅寧宏及從子憲配

屏山書院在崇安縣東南屏山下一名忠文元時建前祀

孔子後祀劉子疊朱熹劉珙其一在建安後改為學

南山書院在崇安縣宋儒蔡沈建

湛盧書院在松溪縣西元末建祀朱文公

諫議書院在延平府沙縣治西宋陳雍嘗為諫議嘉定初

郡守余景瞻即其故宅建書院

豫章書院在沙縣元至正中羅從彥五世族孫建

鳳岡書院在沙縣鳳凰山下宋邑人黃顯建

續文獻通考

卷之六十一

三十八 三十八六 京

九龍書院在延平府有宣聖四配十哲像及楊時羅從彥

李侗朱熹四公像蓋四公講學所也

龜山書院在將樂縣封山麓即龜山先生舊宅宋咸淳初

建

延平書院在南平縣紉津之泮宋嘉定間郡守陳宓建南

山下祀延平先生李侗後守董洪徙此有禮殿祠堂明

誠忠恕敬義中和四齋及光風霽月亭

景溪書院在政和院祀朱文公父子

雲根書院在政和院朱松所建文公謁祖墓必信宿于此

今廢

南溪書院在尤溪縣治南宋朱熹生于此嘉熙初縣令李

修建祠以祀熹及其父松咸淳初增置書院于其右元分祠爲二

雙峯書院在順昌縣宋咸淳中邑人廖邦傑建祀楊時廖剛朱熹廖德明四先生

涵江書院在興化府莆田縣東北宋知軍事楊棟建祀唐

莆田令先聖裔孔仲良理宗賜御書扁元至大中訪求

孔氏之後得五十三代孫敬山遂以明經舉充涵江書

院山長令世紹其職

樵溪書院舊在邵武府東門外宋景定中知軍錢謙孫建

以祀丞相李綱元時移置城內樵樓五曲之上

雲巖書院在光澤縣雲巖山下宋果齋李方子講學之所

續文獻通考

卷之六十一

子九

三

京

元天曆中縣尹况達建虞集有記

雲谷書院在建寧縣南宋待制俞豐讀書所後致政歸扁

曰雲谷書院有怡雲來薰致爽舒嘯浮香諸亭

崇仁書院在光澤縣北元至正中邑人龔永劉濂建

翠雲巖書院在汀州歸化縣宋熙寧間立張若谷陳世卿

避亂讀書于此

龍江書院在漳州府登高山舊爲臨漳臺宋朱熹守漳時

將築室講學未果後守危楨創書院以成其志元泰定

間郡儒黃元淵亦建龍江書院于城外東北虞集有記

丹詔書院在漳浦縣南三都宋紹定間南詔場西尉周中

建淳祐中郡守黃朴書額

東山書院在福寧州宋淳祐中邑人林仲明讀書所  
來青書院在寧德縣姚周二族鄉

廣東

濂泉書院在廣州府城內宋建祀濂溪周惇頤

尊韓書院在陽山縣東唐韓愈讀書于此後人因建書院

丞相書院在連州嘉魚場之左宋相張浚嘗寓此後人建

書院祀之

古岡書院在新會縣治西南元至元間縣尹沈壽建

湘江書院在韶州府帽子峯南麓宋淳祐間楊大異建祀

周惇頤

涇暉谷書院在英德縣涇暉谷宋景德初郡守王仲達奉

續文獻通考

卷之六十一

三十

三

京

詔建後慶曆初守宋任天禧中守臧制修之

孔林書院在南雄府城東一百里唐憲宗時曲阜孔戣爲

嶺南節度使因家焉後孫振玉始建書院

豐湖書院在惠州府歸善縣南宋淳祐中建

張留書院在惠州石埭山宋丞相留正秘書郎張宋卿徵

時共學于此

羅浮書院在博羅縣西八十里宋建

簪峯書院在龍川縣舊學元建

韓山書院在潮州府治西南隅元郡守王翰建以祀唐韓

愈趙德及宋陳堯佐吳澄記

元公書院在潮州府學西宋元公周惇頤嘗潛廣東其孫

梅叟爲郡時建

得全書院在潮州府城內宋紹興間宰相趙鼎謫潮州號得全居士其後六世孫質翁爲郡時建

星巖書院在肇慶府城北五里宋郡守包拯建

三洲書院在德慶州東七十里三洲巖畔祀宋周惇頤

濂溪書院一在四會縣治北金鷄山麓一在陽江縣學東

熙寧中周惇頤提刑嶺南多惠政故皆祀之

茂山書院在高州府城南八十里晉時龍驤將軍王濬謫

居高涼自號茂山嘗以禮教化民後人建書院

松明書院在石城縣西一百二十里宋蘇軾建

翔龍書院在吳川縣南一百三十里宋景炎中宰相陳宜

續文獻通考

卷之六十一

三

三百三十三

中建

平湖書院在雷州府城外西湖之東宋寇準蘇軾蘇轍相

繼謫此軾有西湖平狀元生之語郡守陳大震取其語

作書院而名之元郭思誠重修呂思誠記

文明書院在樂平千戶所城內宋蘇軾謫儋州徙濂州道

經于此謂人曰斯地景勝當有文明之祥後人遂卽其

地建書院扁曰文明元彭從龍重修凌光謙作記

東坡書院在瓊州府城北宋蘇軾謫昌化軍時寓此後人

因其號爲建書院元時嘗設山長趙孟頫書扁

桐墩書院在瓊山縣東五里貢士陳文徽建會鄉子弟講

學于此

廣西

宣成書院在桂林府治北宋景定間經畧朱禔孫以張栻  
呂祖謙嘗遊此合二公謚爲名請建書院理宗書額賜

焉

清湘書院在全州北二里宋守林岳因柳開讀書地築室

館士後守程瑜請賜額趙必愿增修魏了翁記

駕鶴書院在柳州駕鶴山有碑記文字剝落

真仙書院在融縣真仙岩前宋守李興時所建

龍溪書院在慶遠縣城西二里宋嘉定間建中設孔子像

旁立黃廷堅祠

江東書院在平樂府富川縣北六十里宋淳祐間詹然居

續文獻通考

卷之六十一

三

三百三十三

士毛基建

勾漏書院在梧州府容縣舊爲州學宋建

皇明

國朝修建書院初未有禁至嘉靖十七年夏四月吏部許

讚言撫按司府多建書院以聚生徒供億科擾亟宜撤

毀從之萬曆十年閭臣張居正以言官之請繁行京省

查革士論紛然不平然竟亦不能盡撤今據舊額書之

北直隸

明道書院在青州府開州治內宋時爲程純公建 本朝

萬曆三年圻知州事重修有記

獨石書院在開平衛治東南隅 本朝建

雲州書院在雲州堡東南 本朝重建

南直隸

獨山書院在鳳陽府治東南獨山麓 本朝嘉靖初御史

張維恕建

文正書院在蘇州府治范仲淹宅東元至正間建後毀

本朝宣德間重建

和靖書院在府治東南 本朝嘉靖五年重建於府城內

龍興寺

鶴山書院在府城西南隅宋魏了翁第舊址 本朝宣德

間重建

金鄉書院在府治澹臺坊內宋贈澹臺子羽為金鄉侯故

續文獻通考

卷之六十一

三十一 三百三十三

名 本朝嘉靖五年胡纘宗建

練川書院在嘉定縣學南 本朝正德間提學張鰲山廢

南寺創建

東坡書院在常州府東南祀蘇軾 本朝弘治間建

濂溪書院在鎮江府丹徒縣東南宋周惇頤嘗居焉 本

朝正統中從黃鶴山移建于此

包公書院在廬州府城南杏花墩上 本朝弘治年建

毛公書院在廬江縣東北七十里 本朝嘉靖初即漢毛

義讀書故址建

采石書院在太平府無湖縣昇仙橋西狀元坊內 本朝

正德間建

宛陵書院在寧國府治西 本朝正統年建

鳳山書院在寧國縣儒學旁 本朝正德間知縣王時建

甘泉書院在池州府化成寺東 本朝為禮書湛若水建

陽明書院在化成寺西 本朝為王守仁建

嘉靖十六年春二月御史游居敬疏乞成即得大臣以

端士習言王守仁之學主于致良知湛若水主于體認

天理皆祖陸九淵而少變之以號召好名媒利之士然

守仁謀國之忠應變之才猶不可泯若水迂腐之儒廣

收無賴私塾書院其言近似其行大非乞戒諭以正人

心禮官覆言王守仁既經禁革不必更議若水掌教南

雍間有生徒附和標榜居敬責倫太甚若水年已七十

續文獻通考

卷之六十一

三十四 四百三十三

屢乞休致方且慰留可再議耶 上曰若水既有成命

書院令所司毀之

東山書院在徽州府祁門縣東南 本朝正德中知府留

志淑廢東岳廟為之中祀環谷先生汪克寬

龍山書院在安慶府桐城縣治西即太霞宮故址 本朝

嘉靖間建祀周程張朱黃勉齋游廣平

皖山書院在潛山縣即天寧寺故址 本朝知府胡纘宗

以伊川晦庵嘗居潛而黃直卿游定夫皆有政績祀之

江西

正學書院在南昌府治東 本朝嘉靖中提學副使王宗

沐建祀周敦頤程明道

馬融書院在南康府建昌縣 本朝正德間知縣周廣建  
釣臺書院在嚴州府城東五十里嚴光隱釣處宋時建

本朝正統初知府萬觀重修又構清風高節二軒大學  
士楊溥有記

惜陰書院在臨江府新淦縣治東陶侃讀書堂下 本朝  
成化初建夏寅記

金川書院在新淦縣 本朝正德七年李夢陽建祀練子  
寧

一峯書院在吉安府永豐縣儒學西 本朝弘治間建祀  
修撰羅倫邵寶記

雲興書院在萬安縣治西宋時建 本朝隆慶元年所知  
續文獻通考卷之六十

縣事重修有記

陽明書院在贛州府濂溪書院後王陽明講道于此 本  
朝士人建

山東

尼山書院在兗州府 本朝永樂十五年重建

東萊書院在萊州府 本朝景泰五年重修

河南

應天書院在歸德府城西北隅 本朝嘉靖間以社學改  
建

錦襄書院在睢州駱駝岡舊為僧寺 本朝嘉靖初改建

志學書院在南陽府城外西關

豫山書院在豫山之麓俱 本朝成化八年知府段堅建

汝南書院在汝寧府城南五里 本朝成化十一年建

涑水書院在光山縣西祀宋司馬光 本朝正統九年重  
修

青雲書院在汝州郊縣城內 本朝成化五年建

程子書院在寶豐縣 本朝成化十六年建

紫雲書院 成化十五年兵部右侍郎李敏奏襄城縣紫  
雲山之麓臣市地三十畝有奇建屋若干楹積書數千

卷日與學者講讀其中願藉之于官以為社學 賜額  
為紫雲書院

湖廣

續文獻通考卷之六十

濂溪書院在武昌府學前舊為射圃 本朝嘉靖四十三  
年巡撫改建

鳳山書院在漢陽府學後 本朝趙蕃蔡鑑讀書處

郢門書院在承天府陽春臺左 本朝洪武中曹國公李  
文忠鎮郢時建

文忠鎮郢時建

昭明書院在襄陽府學西 本朝汪道昆建

鳳棲書院在襄陽府治東龐德公宅 本朝正德中為書  
院祀龐統司馬徽

院祀龐統司馬徽

五賢書院在鄖陽府治北 本朝正德間建祀周程張朱  
二程書院在黃州府黃陂縣魯臺山 本朝景泰中蔡受  
建



龍峯書院在岳州府華容縣同覺寺旁 本朝黎淳劉大夏讀書處

東山書院在寶慶府城東 本朝嘉靖中建祀周敦頤以張九成配享

陽明書院在辰州府東王守仁謫貴州講學于此鄒守益羅洪先記

福建 石井書院在泉州府晉江縣西南石井鎮祀朱文公父子

本朝重建 鰲峯書院在建寧府建陽縣西崇泰里 本朝正統中重修

崇文獻通考 卷之六十一 三十五京

考亭書院在建陽縣西三桂里 本朝宣德中重修

武夷書院在武夷山 同文書院在建陽縣崇化里俱 本朝正統中重修

屏山書院在崇安縣東南屏山下祀劉子翬朱熹劉珙 本朝洪武中重修

湛盧書院在松溪縣西祀朱文公 本朝景泰中重修

諫議書院在延平府沙縣治西陳璘宅 本朝永樂中修

龜山書院在封山之麓楊時宅 本朝洪武七年建

延平書院在劍津之陽祀李侗 本朝永樂初重建

南溪書院在尤溪縣治南朱文公生此 本朝永樂中重修

薌江書院在漳州府城東北二十里 本朝洪武初知府錢古訓建祀朱文公

鴻江書院在漳浦縣東十七都 本朝洪武中鄉人陳則燮建授徒講學

泰亨書院在長泰縣南登科山 本朝洪武末教諭章泰建以教鄉士子

狀元書院在登科山之西 本朝正德六年副使楊子器建塑狀元林震像

東瀛書院在玄鍾所舊為佛刹 本朝嘉靖五年參政蔡潮改建塑朱文公像于中以北溪勉齋配

廣東 續文獻通考 卷之六十一 三十四京

濂泉書院在廣州府城內祀周濂溪 本朝正統中重建

崧臺書院在肇慶府治東二里石頭庵 本朝正統間改為書院

廣西 宣城書院在桂林府治北祀張栻呂祖謙 本朝洪武初以其地為桂林縣學正統間復建于學之西

清湘書院在全州北二里 本朝永樂間重修

三元書院在梧州府藤縣治西宋馮京讀書處 本朝建

純心書院 嘉靖三十一年 楚王英食奏請書院額

上賜名純心并四書五經集註各一部後屢有請 萬

曆十年議准 宗室中有讀書好禮奏討書籍及以書

院請名者禮部俱與題覆請給但不許假借虛名以滋欺罔書籍簿數書院各領俱取自上裁其茲造書院止今自備工料不得因而干涉有司煩擾百姓違者許撫按官叅治

### 義學

宋

侯宣衡陽人少遊四方還家築室道旁俾遊學之士館焉行之二十年曾無倦色遠近號曰侯家書院

洪文撫南康建昌縣人於所居雷湖北創書舍集學者太宗飛白一軸曰義居以賜之

汪紹發源人開義學教鄉里子弟割田三百畝以充膳延續文獻通考卷之六十一

舊邑簿呂廣問為師

手九

三頁十

京

林國鈞莆田人創書堂延林光朝為師復置田以贍來學之士學者空郡從之謂之紅泉義學

黃問字公裕莆田人創學于居廬之南以聚四方英俊號上林稅齋其齋中有五規一曰修身謹行二曰立志抗節三曰潛心經術四曰學通世務五曰限日收功

范仲淹蘇州人建義學于天平山西延師以教同族及四方學者號為范氏義學中有孔子廟後又增仲淹祠中清白堂左右設敬身知本兩齋

蔣沐東陽人景定五年建義學于縣南以訓四方來學者號楊城義學元至正間沐四世孫大同重修學者益眾

鍾鼎上猶人嘗觀范仲淹義田偕姪日新置義莊建書院教鄉族子弟子三傑登紹興進士

方泳莆田人天禧間與弟洞築義齋以來四方賢士歲不下五十餘人時號壽峯義齋

新昌縣有萬卷堂為義學尚書石待旦所建杜衍輩由此登科凡七十二人

劉允迪玉山縣人割田勸室聘名士以教族子弟及鄉人願學者號曰劉氏義學朱文公記畧曰今士大夫徒

步至三公然一日得志則高堂深池鐘鐃舞女所以自樂其身者惟日不足雖廩有餘粟府有餘錢不為里黨

災害足矣義學之舉固未暇及也如劉侯者身雖寵而續文獻通考卷之六十一

未登六品家雖溫而未能千金乃其用心如此可謂賢

四十一

三頁十

京

於人遠矣

王必正尤溪人宋紹定間慕范文正公為人以郭外田五百餘畝勸義莊以資族人冠婚喪祭之費又設義塾延師以訓族里子弟子四人慈恭勸慈皆登進士第

王沂之晉江人端平間以曾祖秉嘗立義齋延師誨學者遺命子起震繼其志闢堂于家之南扁曰文雅列齋四

捐田三百餘畝以贍師生真德秀表其閭曰義塾

周天賦仙遊人與弟羽義塾撥田租七十斛以供束修之費

元

邵天驥其先洛人高祖宗謨始家塾亭齊浦鄉志在澤物

開義塾以教鄉之子弟割田二百餘畝給之

姚玉用華亭人至治中割田立義塾以周宗族鄉黨建義

塾以教鄉之子弟後郡守孫秉禮聞其義委葺西湖書

院遷義塾其中以學者

吳森嘉興人家饒於貲施予不吝嘗捐田二頃建義塾訓

鄉人至大間廉訪使以名聞表其門曰義士

韓元善字大雅汴梁之太康人仕至中書左丞至正交鈔

初行賜近臣各三百錠元善以買田六百畝爲義塾延

名士教族人子弟

陸天祐鄞縣人欲建義塾以教鄉子弟未就而卒遺命子

續文獻通考

卷之六十一

四十一

居敬思誠置田廣居構學一區于東湖之里崇奉朱文

公像浙東帥王本齋命名曰東湖書院割田一頃六十

畝奇以爲報祀餼廩之需建先進祠祀鄉先生陳文介

公而下凡十人延師講學以淑一鄉子弟

應本仁字本立鄞人素慕范文正爲人建義莊創屋舍五

百餘間割慈谿腴田五百餘畝以濟鄉親貧乏又卽其

中爲義塾延名師以訓導鄉親子弟供膳服用悉有常

制時其出納定其條約使後裔世守之世傳爲應家館

續文獻通考卷之六十一終

續文獻通考卷之六十二

皇明進士雲間王圻纂輯

節義考 忠臣一

商

武王伐紂伯夷叔齊叩馬諫曰父死不葬爰及干戈可謂

孝乎以臣弑君可謂仁乎左右欲兵之太公曰義人也

扶而去之夷齊耻食周粟隱于首陽山作歌曰登彼西

山兮采其薇矣以暴易暴今不知其非矣神農虞夏忽

焉沒兮我安適歸矣吁嗟徂兮命之衰矣遂餓而死

春秋

徒人費齊臣襄公誅屢弗得鞭之見血走出遇賊于門劫

續文獻通考

卷之六十二

一

而束之費請先入伏公而出闕死於門中

陳不占齊臣聞崔杼弑莊公將赴之餐則失匕上車則失

朝御者曰怯如是有益乎不占曰死君義也無勇私也

吾不以私害公遂往聞戰關聲恐駭而死

申削齊莊公侍御崔杼弑莊公蒯謂其宰曰爾以罕免我

將死宰曰免是反子之義也與之皆死

邢蒯墮齊臣崔杼弑莊公蒯墮使而返將入死而報其君

其僕曰君無道不聞大夫何死之墮曰食其祿者

死其事吾食亂君之祿矣又安得治君而死之遂驅入

死僕曰人有亂君猶死之我有治長可生乎遂結轡自

刎

杞梁齊大夫莊公伐莒爲車五乘之宿梁不與歸而不食

其母曰汝生有義死有名則五乘之宿盡汝下趣食乃行出關獲甲首三百莊公止之不聽遂闕而死

華周齊大夫齊侯伐莒周先遇莒子于蒲侯氏莒子重賂之使無力戰周曰貪貨棄命何以事君遂與杞梁俱戰死

石他人齊人陳恒弑齊簡公而盟者皆完其家不盟者殺之石他人曰昔之事其君者皆得其君而事之今謂他人曰舍而君而事我他人不能雖然不盟則殺父母也從而盟是無君臣之禮也不如退而自殺以禮其君遂自殺

續文獻通考卷之六十一

二

巴蔓子巴國人仕爲將軍周浚國亂蔓子請師于楚許以三城楚已救巴遣使請城蔓子曰藉楚之靈克濟禍難誠許楚王城可持吾頭往城不可得乃自刎使者以蔓子之首報楚王楚王曰使吾得臣如蔓子用城何爲乃以上卿之禮葬其首巴亦以上卿之禮葬其身于施州朱厲附莒臣穆公不知其才斥之及穆公有難朱厲附力戰而死曰吾以激天下不知其臣者

田單晉臣佛盼以中牟叛田單曰義死不避銖鉞之罪義窮不受軒冕之服無義而生不仁而富不如烹遂死之莊善楚臣聞白公爲亂辭其母而行三廢車下其僕曰子懼矣何不返曰懼者吾私也死義吾公也及公門刎頸

而死

長兄子魚絕智伯蠶而去之三年矣及聞智伯見殺曰吾聞仁者無餘愛忠臣無餘祿吾聞智伯之死而動吾心餘祿之加于我者至今尚存吾將往依之遂返而死

解揚晉大夫奉使如宋使無降楚楚人執而厚賂之使反君命揚卒致君命楚欲殺之以其不屈既而釋之

荀息晉大夫晉獻公將卒囑其子奚齊卓子曰以是藐諸孤辱在大夫息曰臣竭其股肱之力加之以忠貞其濟則君之靈也不濟則以死繼之後里克弑奚齊卓子荀息死之

狼獾晉大夫晉襄公斥而不用後與楚戰彭衙獾將死之

續文獻通考卷之六十一

三

人曰子不見信于君奚爲死獾曰今若不死是君之斥我宜矣遂以其屬馳秦師死焉晉師從之大敗秦

弘演衛大夫狄人滅衛殺懿公而殘其屍僅留肝焉演遠使返報哭於肝之側曰臣請爲表自剖其腹納肝于內而死

戰國

王蠋臨淄畫邑人初燕以樂毅爲上將軍伐齊齊師大敗潘王出走樂毅入臨淄開王蠋賢令軍中環畫邑三十里無入請蠋蠋謝不往燕人曰不來我且屠邑蠋曰忠臣不事二君烈女不更二夫齊王不用吾諫故起而耕于野國破君亡吾不能存而又欲劫之以兵吾不忍其不

義而生不若死遂經其頸而死殺乃封其墓

豫讓智伯臣也智伯爲趙襄子所滅讓欲報仇伏橋下襄子至橋馬驚索之得讓襄子曰此義士也吾謹避之耳釋之後乃漆身爲癩吞炭爲啞其妻不識其友識之乃曰以子之才臣事趙孟必得近幸子乃爲所欲爲顧不易耶何自苦如此讓曰旣委質爲臣而又求殺之是二心也吾所爲愧天下人臣懷二心者耳卒不聽後入襄子宮中塗廁欲刺襄子襄子執之請於襄子三斬其衣而死

肥義趙人趙武靈王廢太子章而立少子何爲王自爲主父使肥義輔之後章因武靈王遊沙丘詐以王父命召

續文獻通考

卷之六十一

四

三十三

王義知有變請先嘗之曰無故而後王可入也肥義乃先入章殺之

李同趙邯鄲人秦圍趙急同說平原君以家財享士得敢死士三千遂與赴秦軍秦軍却三千里後竟戰死封其父爲侯

漢

張良韓人韓爲秦所滅良自以五世相韓弟死不葬期必報仇乃陰募力士伺始皇至沙丘以鉄椎擊之誤中副車始皇命天下大索十日後輔漢滅秦又報項羽乃從赤松子遊

周苛爲御史大夫楚圍滎陽急漢王遁去使苛守之楚破

滎陽苛嫂罵不屈項羽怒烹苛

紀信爲漢王將項羽圍漢王于滎陽甚急紀信願假王衣服夜從女子二千人出東門僞降漢王因出西門遁去羽執信烹之

蘇武杜陵人武帝天漢中武以中郎將持節使匈奴會長水虞常等謀殺漢降人衛律而劫單于母閼氏歸漢單于使律治之常引武副張勝知其謀單于怒召武受辭武謂假吏常惠等曰屈節受命雖生何面目以歸漢引佩刀自刺律驚自抱持之武氣絕半日復息單于壯其節遣人候問武而收繫勝律謂武曰副有罪當相坐舉劾擬之武不動律曰律前召漢歸匈奴蒙恩富貴蘇君

續文獻通考

卷之六十一

五

四十六

京

今日降明日復然空以身膏草野誰復知之武罵律曰汝爲人臣子不顧恩義畔主背親爲降虜于蠻夷何以汝爲見且單于信汝使決人死生不平心持正反欲闕兩主觀禍敗匈奴之禍從此始矣律曰單于單于愈欲降之乃幽武置大窖中絕不飲食天雨雪武嚙雪與旃毛并咽之數日不死匈奴以爲神乃徙武北海無人處使牧羝曰羝乳乃得歸別其官屬各置他所武留匈奴凡十九年始以強壯出及還鬚髮盡白  
龔勝楚人哀帝末徵爲京兆尹王莽秉政謝病歸養復遣使迎勝使者至以印綬就加勝身勝輒推不受兩子及門人勸之行勝曰吾受漢家厚恩無以報今年老矣旦

暮入地豈宜以一身事二姓下見故王哉語畢遂不復開口飲食積十四日死

翟義青州牧王莽居攝時義舉兵西誅不當攝者兵敗死之餘衆歸王翁亦守節力戰死之

章明周新繁人官至大中大夫王莽篡位明周曰吾不以一身事二姓遂自殺

田強武陵五溪酋領王莽欲錫強銅印強以子十人雄勇過人乃曰吾等漢臣誓不臣莽以其三子將五萬人下屯浣東各築一城烽火相接田子居上城王子居下城倉子居下城

馬適求鉅鹿人以布衣謀誅莽不克死之

續文獻通考卷之六十一

六 三七六

東漢

王嘉王皓蜀郡人王莽篡位並棄官西歸建武初公孫述稱帝遣使徵皓嘉恐不至遂先繫其妻子使者謂嘉曰速裝妻子可全對曰大馬猶識王况于人乎皓先自殺以首付使者述怒遂誅皓家屬王嘉聞而嘆曰後之哉乃對使者伏劍而死

虞俊無錫人哀帝時爲御史稍遷丞相司直王莽秉政召爲司徒俊仰天嘆曰願爲漢鬼不能事兩姓飲樂而卒光武卽位表其墓

解文卿鄭文伯俱仕公孫述爲尚書時述據蜀成都人羅衍說解鄭諫述使速歸漢爲子孫福解鄭從之述怒閉

二子于薄室二子守志不回遂幽死

李業字巨游蜀人平帝時除爲郎王莽以業爲博士病不之官因匿山谷公孫述僭號素聞業名徵之欲以爲博士業固辭疾不起述羞不能致乃使持毒酒奉詔命以切之業不屈遂飲毒而死蜀平光武詔表其門閭

溫序太原人建武中徵爲侍御史遷護羌校尉行部至襄武爲隗囂別將所拘劫諭使從序曰分當效死義不貪生遂以口啣髮曰旣爲賊所殺毋令髮汚血遂伏劍死伏誼湛之子光武時爲大中大夫張步據齊地隆奉使不屈死之

臧洪爲東郡太守表紹圖其城歷年糧盡城陷洪被執不屈死之郡丞陳容亦同日死

續文獻通考卷之六十一

七 四二

吉平建安時醫人與董卓謀誅曹操事洩爲操所擒掠無完膚猶欲以舌吞賊竟死之

耿紀漢少府韋晃漢司直又有金禕者自以世爲漢臣與紀晃起兵欲挾天子以討曹操南援劉備竟不克而死徐璆字孟玉廣陵海西人中平初爲汝南太守轉東海相獻帝遷許以廷尉徵方諸京師爲袁術所逼授以上公之位璆嘆曰龔勝鮑宣獨何人哉守以必死術不敢逼審配爲袁紹冀州牧操兵入冀被執不屈死之

蜀漢

習珍襄陽人仕先主爲裨將孫權襲殺關羽珍與樊冑等

舉兵弗克潘濬招降珍曰吾爲漢鬼不爲吳臣糧盡自  
滅贈邵陵太守

張任事劉璋璋遣任與劉瓚率精兵拒先主於涪爲先主  
所破已復敗于滙橋先主聞任之忠勇令軍降之任厲  
聲曰老臣終不復事二主矣乃殺之

王連劉璋時爲梓潼令昭烈起兵葭萌連守不降昭烈義  
而釋之

嚴顏劉璋時爲巴州刺史張飛破巴州斥以胡不早降顏  
曰我州但有斷頭將軍無降將軍飛大怒趣命斫頭顏  
曰斫頭便斫頭何爲怒耶飛義而釋之後竟自刎死

諸葛瞻亮之子也仕蜀爲尚書僕射魏鄧艾寇蜀遣人誘

續文獻通考卷之六十二

八 蜀 京

降瞻斬其使後及子尚皆死之

曹魏

劉整鄭像合肥守城士也諸葛恪圍合肥城中遣整像後  
先出城傳消息皆爲賊所得以不從賊而死嘉平中鎮  
軍將軍毋丘儉上言整像爲兵能守義執節弟子宜有  
褒異詔追封皆關內侯子襲爵

閻溫天水人仕魏以涼州別駕守上邽會馬超奔上邽郡  
人舉迎之溫不能禁乃還州超復圍之溫夜潛出欲告  
急夏侯淵賊執詣超超曰若謂城中無救則貸汝溫僞  
許及詣城下大呼曰大軍不過三日至勉之超怒殺之  
韋忠平陽人年十二喪父哀慟廬墓武帝時爲郡功曹太

守陳楚爲山羌所執忠願代死賊義而釋之後以鎮西  
大將軍討叛者矢盡不屈死

晉

周處字子隱陽羨人惠帝永熙七年齊萬年屯梁山有衆  
七萬梁王彤夏侯駿使處以五千兵擊之戰敗弦絕矢  
盡救兵不至左右勸處退處按劍曰是吾効節致命之  
日也遂力戰而死

稽紹康之子也惠帝時爲侍中河間成都王舉兵帝征之  
奉準謂曰今往安危難測卿有佳馬乎紹正色曰死生  
以之佳馬何爲乘輿敗績于蕩陰帝面中三矢百官侍  
御皆散紹朝服登輦以身衛帝兵人引紹斫之帝曰忠

續文獻通考卷之六十二

九 三 九 二 京

臣也勿殺對曰奉太弟令惟不犯陛下下一人耳遂殺之  
血濺帝衣後左右欲浣帝曰稽侍中血勿浣也  
王斌仕晉爲安北將軍懷帝永嘉二年石勒陷長樂斌死  
之

王連爲扶風太守劉曜攻陳倉連敗死之  
吉朗仕晉爲御史中丞愍帝建興四年劉曜陷長安帝出  
降朗嘆曰吾智不能謀勇不能死何忍君臣相隨北面  
事賊虜乎乃自殺

卞壺句容人成帝咸和中爲尚書令成陽公督軍討蘇峻  
戰敗死之二子瞻盱亦赴敵死其母撫屍哭曰父爲忠  
臣子爲孝子夫何恨乎時丹陽尹羊曼黃門侍郎周導



廬江太守陶瞻俱戰死瞻侃子也壺後贈侍中謚忠貞  
二子皆贈官

段匹磾大興中官幽州刺史爲石勒所敗乃着朝服持節  
見石季龍曰我受國恩志在滅汝不幸至此不能爲汝  
敵及見勒又不爲禮遂遇害

虞悝臨湘人譙王承爲湘中刺史徵爲長史王敦反援長  
沙悝被執遂死之弟望亦爲譙王司馬討敦力戰死詔  
贈悝襄陽太守望榮陽太守祭其墓以少牢

易雄瀏陽人少爲縣吏念無由自達乃脫幘掛縣而去後  
舉孝廉爲州主簿張昌之亂執太守萬嗣將斬之雄與  
賊爭論曲直賊乃舍去雄後爲春陵令會王敦反雄首

續文獻通考

十一

四九京

奮忠義起兵討之力屈城陷爲魏人所虜送到武昌抗  
辭不屈敦遣人殺之

樂道融丹陽人爲王敦參軍敦以討劉隗爲名遣道融道  
融憤敦之逆因說甘卓襲敦卓大然之旣而卓與敦和  
將旋軍道融晝夜泣諫憂憤而死

周崎邵郡人爲湘州從事譙王承使求救于外爲王敦將  
魏人所執又臨以白刃曰汝爲語城中稱大將軍已破  
劉隗等外援隔絕我當活汝崎僞許之至城下大呼曰

王敦軍敗於吳甘卓已克武昌即日分遣大衆來赴此  
急努力堅守賊今散矣又殺之

周該慈利人從父級宜郡內史王敦爲逆級遣該使湘州

一約譙王承甘卓同獎王室爲敦所執訊掠之至死不  
級由是得免于難

周積字國寶會稽人好學知兵永徽間四面盜起積糾鄉  
人禦之衆寡不敵賊誘之從爲亂積怒曰恨不斬汝萬  
段肯從汝反耶遂手刃數十人自刎而死事聞立廟以

祀

俞縱宣城人成帝時爲桓彞部將蘇峻分兵陷臺城內史  
一桓彞死之縱守蘭石韓晃攻之將敗左右勸退軍縱曰  
吾受桓侯厚恩當以死報吾之不可負桓侯猶桓侯之  
不負國也遂力戰而死彞後追贈廷尉謚曰簡縱贈義  
興太守

續文獻通考

十二

四九京

陽瓚穆帝永和中爲司馬魏攻滑臺瓚堅守死之詔稱寧  
遠司馬漢陽太守陽瓚滑臺之逼勵誠固守投命殉節  
在危無撓古之烈士無以加之可贈給事中爲恤其家  
賜絹一百疋粟三百斛

辛謚晉故散騎常侍隴西人也永和中趙石閔盡滅石勒  
之族而自立爲帝以謚有高官乃備禮徵爲太常謚遣  
閔書以爲物極則反數至則危君王功已成矣宜因茲  
大捷歸身於朝必有由夷之廉享喬松之壽矣閔不聽  
因不食而卒

丁穆爲順陽太守孝武帝寧康時符堅遣衆入寇穆戰敗  
被執至長安稱疾不仕僞朝遂遇害贈龍驤將軍雍州

刺史

吉挹爲魏興太守秦陷魏與挹死之符堅嘆曰周孟威不

屈于前周彪字也秦獲其母遂將丁彥遠累已於後丁

穆吉祖冲開口而死何晉氏之多忠臣也

常簡爲東平太守孝武時慕容垂遣子寇廩丘簡與戰死

之

袁松汝陽人安帝時爲吳郡太守孫恩作亂攻陷滬瀆城

松死之

何無忌東海剡人盧循之亂握節而死謚曰忠肅

沈勁吳興人常以父克失身王敦爲耻後守洛陽城陷不

屈爲慕容恪所害神色自若恪曰今定洛陽而殺沈勁

續文獻通考卷之六十二

十二

齊有愧于四海

謝邈晉人爲吳興太守孫恩之亂爲賊所執逼令北面邈

勵聲曰我不得罪天子何北面之有遂被害

王充爲博陵守將秦苻丕天安中燕慕容麟攻秦博陵城

中糧竭矢盡功曹張猗踰城出聚衆以助麟充臨城數

之曰卿是秦民吾是卿君卿起兵應賊而號義兵何名

實之相連也古人求忠臣必于孝子之門卿母在城棄

而不顧吾何有焉今人取卿一時之功則可矣寧能忘

卿不忠不孝之罪乎麟拔博陵執充殺之

韓延之堵陽人爲西平府錄事參軍劉裕代司馬述之密

書招延之延之報書甚倨厲以裕父名超字顯宗于是

宋

字已曰顯宗名子曰翹示不臣劉氏

劉康祖彭城人累官司馬左軍將軍受命北伐率師出許

洛還救壽陽力戰而死魏人傳其首面如生贈益州刺

史謚曰壯

上天與吳興餘杭人元嘉末爲廣威將軍元兗劭入弑事

變倉卒舊將皆望風屈附天與不暇被甲執刀持弓疾

呼左右出戰射賊劭于東堂幾中逆徒擊之臂斷倒地

乃見殺世祖贈龍驤將軍益州刺史謚曰壯侯以旌忠

節

劉琨之爲竟陵王誕司空主簿誕作亂以琨之爲中兵參

續文獻通考卷之六十二

三

軍不就死之贈黃門郎

袁粲字景倩湛之從孫宋明帝時累官中書令臨崩粲受

顧命順帝立徙粲鎮石頭及齊篡位粲不欲事二姓率

宿衛兵攻之不克見害沈休文撰宋書擬立袁粲傳世

祖曰袁粲自是宋家忠臣

齊

丘冠先字道元吳興人少有節義永明中位給事中使蠕

蠕蠕逼令拜冠先執節不從以臨之冠先日能殺

我者蠕蠕也不能以天子使拜戎狄者我也遂見殺武

帝以冠先不辱命賜其子雄錢一萬布三千疋雄不受

詣闕上書曰臣父執節如蘇武守死如谷吉遂不書之

良史甄之褒贈萬代之後誰死社稷先建元四年車僧朗時使不異抗節是同詔贈員外郎此天朝舊軍臣父成例也今僧朗反葬家坐臣父湮棄絕域語忠烈則亦不謝車論茶毒則彼優而此劇名位不殊禮數宜等乞申褒贈不省

劉思忌為新野太守時魏王引兵寇新野築長圍守之城陷不屈遂遇害

顏見遠為御史中丞因梁武受禪不食發憤痛哭而卒

梁

程文秀以功至新安太守後從吳明徹侵周戰敗不屈死

于獄

續文獻通考卷之六十二

忠貞堂

樂子雲清陽人以江陵令除光祿卿魏克江陵東皆奔散呼子雲子雲曰終為虜矣不如守以死節遂仆地卒于

馬足之下

北魏

于什門代人胡元時使論馮跋聲氣厲然遂被拘智衣裳敗壞跋遣以新服堅拒不受歷二十四年後馮弘上表稱臣乃送什門歸拜侍御史太武褒美比之蘇武

朱長生代人孝文時為員外散騎常侍與同郡于提俱使高車其王阿伏至羅以兵脅之降長生與提厲聲曰我為魏鬼不為汝臣拘三歲始放還孝文以其守節拜長生河內太守提隴西太守並賜男爵

王榮世館陶人仕魏為方城縣子梁師攻圍自知力不可全乃先燒府庫後殺妻子既而城陷不屈被害品進爵為伯贈齊州刺史

崔楷博陵鮮卑人孝文帝時為殷州刺史賊來攻楷拒守力竭城陷執節不屈死之贈侍中子士元亦戰歿贈平州刺史

劉渴侯稟性剛烈魏太和中為徐州牧以禦敵被擒不降而死贈平州刺史上庸侯

道登永安初為梁將韋休等所虜固縛臨刃令其招降鄉曲道登厲聲唱呼但當努力賊無所能賊遂屠戮之又

荆州被圍行臺宗君恩遣使宗女等四人入城曉諭為賊所獲執女等巡城令其改辭女等大呼大軍垂至堅守莫降賊忿各刺其腹然後斬首二州表其節義道登等並賜五赤鄉五等子爵聽子弟承襲遣使詣所在吊祭

續文獻通考卷之六十二

十五 三十五

北齊

鮮于世榮漁陽人為太子太傅周武帝入代遣以瑪瑙酒鍾世榮得卽碎之周兵入鄴被執不屈而死

隋

皮子信為洮州刺史高祖開皇三年吐谷渾寇臨洮皮子信死之

劉弘彭城人平陳以功加上儀同拜泉州刺史會高智慧

作亂弘堅守百餘日賊知其饑欲降之弘抗節彌厲比城陷爲賊所害上嘉歎久之官其子

張須陀榮陽通守李密逼榮陽須陀拒守後被伏兵邀擊衆皆潰散須陀仰天嘆曰兵敗如此何面目見天子下馬戰死

游元明根玄孫也煬帝時奉使黎陽楊玄感作逆脅以兵不屈死之贈銀青光祿大夫

杜松贊北海人大業末賊楊厚爲寇松贊出覲爲賊所獲令之招降不從死之詔贈朝散大夫

先君素隋恭帝侗皇泰元年即唐武德元年守河東唐遣獨孤懷恩攻之不下招之不從遣其妻至城下謂之曰隋室已續文獻通考卷之六十二

亡君何自苦君素曰天下名義非婦人所知引弓射之應弦而倒君素志在守死每言及國家未嘗不歎歎及江都聞變左右殺君素以降

陰世師武威人壽之子也煬帝時拜張掖太守後遷左翊衛將軍與代王留守京師唐軍至世師自以世荷隋恩拒守不下見殺

穆肅江南人隋末守臨汀政尚清明秩滿之京假道將樂金溪聞唐受隋禪義不事二姓遂投水死邑人義之殮其屍葬沙磧立祠祀之

唐

張德政高祖時爲鄆州都督突厥來寇鄆州德政死之

劉感岐州鳳泉人武德初以驃騎將軍鎮守涇州爲薛仁果所圍戰敗被執不屈而死

李育德趙州人武德初爲涉州刺史引兵援賊河內堡三十一所王世充怒悉銳士攻之育德力戰與三弟皆歿李玄通武德四年爲定州總管時劉黑闥取定州黑闥執玄通愛其才欲以爲大將玄通不可囚之故更有以酒肉餽之者玄通飲醉給守者曰吾能劒舞願假吾刀玄通舞竟太息曰大丈夫受國厚恩鎮撫方面不能保全所守有何面目視息世間哉引刀自刺而死

鞠稜武德四年爲冀州總管時劉黑闥取冀州稜死之王公政武德五年爲垣州刺史劉黑闥陷垣州公政死之續文獻通考卷之六十二

葉顯爲建州刺史武德初妖賊亂城陷不屈而死

夏侯端壽州壽春人唐初詔以大將軍招撫關東爲王世充阻而留之不屈死

常達陝州人武德初爲隴州刺史不屈于薛舉而死

呂子臧河東人武德中爲鄆州刺史不屈于賊朱粲而死

王行敏并州樂平人武德中以屯衛將軍死于竇建德

羅士信歷城人武德中以絳州總管死于劉黑闥

張道源鄭州人武德中守趙州爲竇建德所執不屈而死

敬士弘絳州人武德時爲隱太子死

周積金壇人永徽間四境盜起積糾合鄉人拒之衆寡不敵賊誘之爲亂積曰恨不斬汝萬段肯從汝爲賊耶遂

手刃數十人自刎死事聞封爵立廟至今祀之

龐孝恭博白人龍朔中以遼東道行軍總管征高麗爲蓋蘇文所敗不屈而死

李安靜高宗時爲右驍衛將軍武后受禪獨不肯勸進有司劾以謀反安靜曰以我唐家老臣欲殺卽殺若云謀反實無可言遂遇害

格元輔沒儀人舉明經累鳳閣鸞臺平章事武后欲以武承嗣爲太子元輔不從坐以謀反斬之

顏杲卿字昕臨沂人玄宗天寶十五載爲常山太守賊將

史思明陷常山杲卿起兵纔八日守備未完史思明蔡

希德引兵皆至城下杲卿晝夜拒戰糧盡矢竭城陷執

續文獻通考

卷之六十二

十一

京

杲卿及袁履謙等送洛陽祿山數之曰汝是范陽戶曹

我奏汝爲判官不數年起至太守何負于汝而反耶杲

卿瞋目罵曰汝本營州牧羯奴天子擢汝爲三道節度

使恩幸無比何負於汝而反我世爲唐臣祿位皆唐有

雖爲汝所奏豈從汝反耶我爲國討賊恨不斬汝何爲

反也臊羯狗何不速殺我祿山大怒并袁履謙等縛於

天津橋柱而剛之二人比死罵不絕口顏氏死者三十

餘人杲卿後贈太子太保謚忠節

崔無諤玄宗天寶時爲滎陽太守安祿山反圍滎陽無諤

率衆乘城聞師謀自墜如雨無諤與官屬皆死之詔贈

尚書謚毅勇

龐堅涇陽人薛愿汾陰人天寶時安祿山反堅與愿共守

潁川城中士單糧少愿堅晝夜戰自正月至十一月諸郡兵無援者城遂陷二人不屈俱死之

畢炕天寶末爲廣平太守拒安祿山城陷死之詔贈戶部尚書

雷海清天寶中樂工初祿山取長安樂工犀象詣洛陽宴

其群臣於凝碧池盛奏衆樂梨園子弟往往歔歔泣下

賊皆露刃睨之雷海清不勝悲憤擲樂器於地西向慟

哭祿山怒縛於試馬殿前支解之

張興東鹿人肅宗至德元年爲饒陽裨將時史思明陷河

北攻饒陽彌年不能下思明併力圍之外救俱絕城陷

續文獻通考

卷之六十二

九

京

擒興謂曰將軍壯士能與我共富貴乎興曰興唐之

忠臣固無降理今數刻之人耳願一言而死思明曰試

言之曰主上待祿山恩如父子群臣莫及不知報德乃

興兵指闕塗炭生人大丈夫不能剪除克逆乃北面爲

之臣乎且足下所以從賊求富貴耳譬如燕巢於幕何

能久安何如乘間取賊轉禍爲福長享富貴不亦美乎

思明怒錐殺之至死罵不絕口

張巡南陽人許遠敬宗曾孫杭州人巡初爲真源令遠爲

睢陽守遠自以才不及巡邀巡同守遠居中而巡出禦

賊至德二載賊將尹子奇久圍睢陽城中食盡始與士

卒同食茶紙既盡遂食馬馬盡羅雀掘鼠鼠雀既盡巡

出愛妾殺以食士遠亦殺其奴然後括城中婦人食之  
既盡繼以男子老弱賊登城將士病不能戰巡西向再  
拜曰臣力竭矣不能全城生既無以報陛下死當爲厲  
鬼以殺賊城遂陷巡遠俱被執子奇問曰聞君每戰皆  
裂齒碎何也巡曰吾志吞逆賊但力不能耳子奇扶之  
以刃乃與南霽雲雷萬春等三十六人皆被殺巡且死  
顏色不亂生致許遠於洛陽後亦死之

陶閻洛陽人爲城父令與張巡同守睢陽城陷被執與石  
永平李辭陸光煌朱珪宋若虛楊振威耿慶禮馬日升  
張惟清廉垣張重孫景趨趙連城王森喬紹俊張恭默  
祝忠李嘉隱翟良輔孫庭皎馮良等三十六人皆死于

續文獻通考卷之六十一

子

四庫全書

難肅宗時贈閻潞州大都督

元正仕監門尉兵曹恭軍肅宗時史思明陷河洛賊以名  
購正仕度事急謂弟曰彼利吾名難免矣然不污身而  
死吾猶生也遂兄弟皆遇害事平贈秘書書

盧奕滑州人懷慎少子安祿山陷東都奕朝服端坐被擒  
不屈數祿山罪賜刑西向再拜罵不絕口而死肅宗詔  
贈禮部尚書諡曰貞烈

李愬汶水人天寶中以東京留守死于安祿山之難穆宗  
詔褒其處難居首正色就死兩河聞風再固危壁

張介然猗氏人以守陳留死于安祿山

賈循華原人守幽州死于安祿山

程千里萬年人以禮部尚書死于安祿山

已上四人肅宗時詔追贈官其子孫

段秀實德宗建中四年爲司農卿朱泚召秀實議稱帝事  
秀實勃然起奪源休象笏前唾泚面大罵曰狂賊吾恨  
不斬汝萬段豈從汝反耶因以笏擊泚衆爭前殺之明  
年與元元年詔贈太尉諡曰忠烈帝還都詔旌其門  
張徹幽州節度判官至任遇府軍怨其從事盡殺之而囚  
其師且相戒獲徹置之帥所徹出門罵衆曰汝何敢反  
罵不絕口而死事聞贈給事中

顏真卿吳郡從弟與元元年李希烈陷汝州詔真卿宣慰  
之既至與朱滔等四使同宴四使曰都統將稱大號而  
續文獻通考卷之六十一

子

四庫全書

太師適至是天以宰相賜都統也真卿叱之曰汝知有  
罵安祿山而死者顏杲卿乎是吾兄也吾年八十知守  
節而死耳希烈掘坎於庭云欲坑之真卿怡然見希烈  
曰死生已定何必多端亟以一劍相與豈不快公心事  
耶希烈乃謝之繼希烈僭號遣其將辛景臻謂真卿曰  
不能屈節當自焚積薪灌油於庭真卿趨赴火景臻遽  
止之至是聞希烈伏誅忿怒遣中使繼殺之明年元貞  
元年贈司徒諡曰忠  
高重捷德宗時名刺也與朱泚將李日月戰敗斫首而去  
朝廷憫其忠命東蒲爲首葬之朱泚見其首亦曰忠臣  
也東蒲爲身而葬之

吳淑章敬皇后弟建中時以大將軍自願持節諭朱泚執之不屈被害

劉廵字永夷伊闕人建中時爲兵部侍郎以朱泚亂車駕幸梁州憂憤不食而卒

蔡廷玉昌平人朱泚辟置幕府泚反不屈投河而死

符令奇臨沂人德宗時田承嗣任爲右職後田悅逆命令奇勸以忠順不從其子璘率三子同降唐將馬燧悅怒遂被害

孟華德宗時以檢校兵部郎中兼侍御史往諭王武俊使不與朱滔協謀武俊不從稱王授華禮部尚書華不肯起嘔血死

續文獻通考

卷之五十一

張仵爲澤潞將守臨淮爲田悅所執不屈而死

周曾李希烈部將也希烈反密謀取希烈不克而死時王玢姚愐韋清亦希烈部將與曾同謀獨清得不死德宗贈安定郡王實封二百戶又有呂貴康秀琳梁興朝賈樂卿侯仙卿皆死希烈之難

張名振事李懷光爲部將欲懷光急攻朱泚以收京城爲懷光所拉殺

石演芬本胡人爲李懷光養子懷光與朱泚連和演芬遣人至行在言懷光無破賊意請罷其總統懷光知之罵曰我待汝爲子汝何故反演芬曰太尉既負天子演芬安得不負太尉懷光使卒鬻之皆曰義士也斷其喉而

去

袁人傑無爲人唐末盜起人傑以土豪招集強壯保障一方賊大入人傑挺身血戰度不能支仰天大呼自刎而死屍僵立者累日賊驚異舍其境遁去鄉人收葬立廟祀之

董全積德興人天祐中爲御史兼八砦將首一日賊自浙東來全積兵寡不能敵乃自斷其首已而雷電晦冥如有兵戈甚威賊大驚潰邑人祀之

顧彥暉爲東川節度使王建來攻城陷不屈自刎舉族皆死

溫庭皓爲徐州觀察使龐勛反以刃脅之爲表求節鉞不從遂遇害

續文獻通考

卷之五十一

黃碣閩人威勝軍節度使董昌辟以自副及昌大罵不從爲所殺抵首溺中夷其家百口

王進岌爲冀州刺史憲宗元和十五年王庭湊陷冀州進岌死之

高沐渤海人貞元中爲李師道判官師道謀逆沐力解諭之不從遂爲所害

林蘊莆田人爲西川節度使劉闢推官闢反蘊諭以禍福闢怒欲殺之命行刑者以刀磨其頸脅之蘊罵曰死卽死我頸豈汝礪石耶闢知不可屈釋之

崔彥畤宗咸通初爲徐州觀察使會龐勛反死義贈



部尚書焦璐李稅崔蘊柳泰廬宗嗣韋廷範皆爲勛所害後贈官有差錄用其子

林慎思字虔中長樂人咸通中登第由校書郎至水部郎中萬年縣令黃巢入長安迫以僞祿慎思罵賊而死

何武壽州人嘗被誣枉至州投石自明守釋之未幾寇起卽請于守曰此真畢命之秋也命領偏裨入樅陽伏盜發兵潰武獨闕死

丘弘禮爲曹州刺史僖宗時朱全忠陷曹州弘禮死之

孫揆字聖圭爲昭義軍招討使昭宗時討李克用被執不屈鋸解之鋸齒不行罵賊曰羯狗奴解人當束以板汝輩安知行刑者如其言鋸齒乃行至死罵不絕口

續文獻通考卷之六十二

三四

四庫全書

張瞻爲隸州刺史昭宗朝平盧節度使王師範陷隸州瞻死之

劉康義益都人昭宗時爲密州刺史楊行密陷城康義死之

王師範青州人爲淄青平盧節度使朱溫圍鳳翔師範捧詔書而泣起兵討溫兵及淮南力不能支爲溫所族

敬播昭宗朝爲隸州刺史朱全忠陷隸州播不屈死之

黃岳寧德人唐末由鄉貢入太學朱溫篡位王審知竊王號欲起岳岳度不能拒遂投于淵而死

周朴字太朴福州人黃巢得朴將用之朴曰我爲處士尚不仕天子安能從賊巢怒遂斬之湧白膏起數尺後人

### 立廟祀焉

張承業字繼元內常侍張泰養子初以特進監河東軍朱溫篡唐承業佐晉王存勗有復讐之志已晉王欲稱帝承業亟詣魏州諫曰吾王世世忠於唐室老奴三十餘年爲王收拾財賦召補兵馬誓滅逆賊復本朝宗社耳今河北甫定朱氏尚存而王遽卽大位殊非從來征伐之意天下其誰不解體乎王何不先滅朱氏復列聖之深讐然後求唐後而立之南取吳西取蜀汛掃宇內合爲一家當是之時雖使高祖太宗復生誰敢居王上者讓之愈久則得之愈堅矣老奴之志無他但以受先主大恩欲爲王立萬年之基耳王曰此非余所願奈群下意何承業知不可止慟哭曰諸侯血戰本爲唐室今王自取之誤老奴矣卽歸晉陽邑邑成疾不復起

續文獻通考卷之六十二

三五

三六八

續文獻通考卷之六十二終

續文獻通考卷之六十三

皇明進士

節義考 忠臣二

後梁

王彥章字子明鄆州壽昌人末帝時爲鄆州防禦使與唐將夏魯奇戰馬蹶被執莊宗愛其驍勇欲全活之彥章曰朝事梁暮事晉何面目見天下人乎終不從遂見殺張源德梁末守貝州時郡邑皆歸晉獨貝州堅守或勸出降不從遂被害

後唐

姚洪以指揮使戍閬州梁將董璋破閬州執洪不屈然鏖

續文獻通考 卷之六十三

于前令壯士刳其肉而食洪至死罵不絕口明宗聞之泣下錄其二子

夏魯奇字邦傑唐莊宗賜姓名曰李紹奇常解莊宗重圍又擒王彥章官河陽節度使徙忠武後董璋攻遂州魯奇閉城拒之旬月救兵不至城中食盡自刎死

張敬達爲唐將契丹兵圍之楊光遠勸敬達降敬達不忍背唐謂曰何不殺我降光遠卽斬敬達降契丹後耶律德光哀其忠遣人收葬

裴約唐澤州刺史時李繼韜以潞州留後叛降唐來攻澤州約泣以諭衆曰吾死不從也嬰城自守城陷死之唐主憫其忠爲立祠

後晉 沈斌祁州刺史時趙延壽引契丹兵攻祁州斌在城上延壽語之曰使君何不早降斌曰侍中父子失計陷身虜庭忍帥犬羊以殘父母之邦不自媿耻更有驕色何哉明日城陷斌自殺

後周 韓通爲周侍衛親軍副都指揮使恭帝元年遣宋祖帥師禦漢至陳橋爲諸軍推戴通謀平衆禦之軍校王彥昇逐焉通馳入其第未及闔門爲彥昇所害妻子俱死後宋祖贈通中書令以禮收葬

後蜀 高彥儔爲江寧制置使太祖乾德二年曹彬帥師至夔蜀彥儔拒之力戰不勝奔歸府第整衣冠望西北再拜縱火自焚死光義得其骨於灰燼中以禮葬之

續文獻通考 卷之六十三

南唐

劉仁贍爲壽州節度使堅守不下世宗遣使招降其子崇諫應其招仁贍立命斬之監軍周廷構以城降周仁贍遇害周以壽州爲忠正軍以旌仁贍之節

李延鄒爲泗州叅軍時周主自將伐唐攻濠泗州唐郭廷謂知唐不能救命延鄒草降表延鄒責以忠義廷謂以兵臨之延鄒擲筆曰大丈夫終不負國爲叛臣作降表廷謂斬之

張彥能南唐楚州守將也周世宗攻之與其副鄭昭業戰死所部千餘人皆無降者  
孫晟密州人仕南唐爲右僕射及使周謂其副王崇質曰

吾終不負永陵一抔土世宗召問江南事不對乃收下  
獄臨刑怡然南望拜曰臣惟以死報國唐主贈魯國公  
鍾清爲江南主勤政學士時曹彬克金陵清朝服坐于家  
兵及門舉族死之

胡則爲唐指揮使時曹翰攻江州不下刺史謝彥實集衆  
謀納款則謂其下曰吾屬世受李氏恩安忍負之刺史  
不忠欲背國爾曹能從我乎衆皆聽命乃與同列宋德  
明等攻彥實執而殺之集衆爲唐固守城陷翰執之數  
其拒命之罪對曰犬吠非其主公何怪也翰殺之

陳喬爲唐門下侍郎開寶八年曹彬克金陵喬與張洎約  
同死社稷然洎實無死志至是喬徑入白唐主曰今日

續文獻通考

卷之六十三

三

四

國亡願加顯戮以謝國人唐主曰此乃曆數卿死無益  
也喬曰縱不殺臣臣何面目對士人乎遂自經死

宋

秦傳序江寧人淳化五年以夔陝巡檢使禦李順亂城陷  
父子皆死太宗錄其次子煦爲殿直煦死復以煦弟昉  
爲三班奉職

康保裔爲瀛州都部署真宗咸平二年契丹侵瀛州圍之  
數重左右請保裔易甲以遁保裔曰臨難無苟免正吾  
效死之日也遂決戰數十合兵盡矢絕而援不至保裔  
與宋順俱死之

劉紹榮爲益州都巡檢使時咸平三年益州戍卒作亂紹

榮死之

裴濟爲靈州知州咸平五年趙保吉集蕃部來攻靈州濟  
被圍餉絕刺指血染奏求救兵不至城遂陷濟死焉

景林洙通州人咸平間王均叛州有賊應之者林洙將鄉  
兵拒戰爲賊所戕首隕而身不仆跨馬奔歸州城東北  
隅人訝而呼之曰公無首矣于是始陞邦人卽其地立  
祠

劉平爲鄜延路副總管仁宗景祐時元昊寇延州平帥師  
往援與賊大戰衆潰平被執死之贈朔方節度使兼侍  
中

高敏登州人慶曆中爲涇源指揮使與西夏力戰而死贈

續文獻通考

卷之六十三

四

五

嘉州刺史錄其子

任福開封人慶曆中元昊寇渭州不屈死節贈武勝軍節  
度使賜第一區給其家錢及粟麥追封母妻錄其子

耿昭化河南人仕爲蜀州司戶叅軍盜據城欲脅以官昭  
化大罵至斷手足不屈而死

耿傳昭化子以父隆累官通判儀州徙慶州元昊入寇叅  
任福行營軍事諸將失利或勸傳避之傳愈前指顧自  
若被數創乃死詔贈右諫議大夫官其四子

王珪涇源都監也元昊入寇珪從任福戰好水川福陷圍  
中珪誓以死報國復入援福殺數十百人鞭撻掌裂奮  
擊自若矢中目乃還夜卒

張憲爲武畧大夫慶曆時貝州宣毅卒王則據城以叛憲與其子琳同死之贈武功大夫官其兩子

馬遂開封人爲北京指揮使王則叛賈昌朝使持榜入貝州招降既見則諭以禍福不荅遂奮起抵則拒其喉毆之流血賊黨攢刃聚謀乃縛而支解之事聞仁宗嘆息久之贈官苑使官其五子

董元亨深州人仁宗時以貝州通判罵王則爲所害贈太常少卿錄其子三人

李英高要人爲欽州推官死儂寇之難一家十有三人贈比部郎中廟食高要

宋士堯馬平人與儂寇力戰于邕州敗北賊斷其首屍不續文獻通考卷之六十五

什翁奔馬而還贈屯衛大將軍

觀字仲賓建安人爲建州司戶叅軍皇祐中知封州儂智高叛攻封州率徒決戰不勝被執賊戒勿殺梓使拜

且誘以美官觀不肯拜且詈賊猶惜不殺徙置舟中觀兩日不食賊知其無降意害之至死詎賊不絕事聞贈

太常少卿錄其四子後立廟封州

張拱廣西都監也儂賊圍邕州拱自州來援既入而城陷不屈而死踰月得其屍如生

王正倫以太尉將兵擊儂賊戰死于難子景仁卽其地結草堂祠之朝廷嘉其節贈節度使謚曰忠顯

張日新安仁人皇祐間爲廣西邕州都監儂智高陷邕日

新力戰不支被執不屈死之

孔宗旦魯人皇祐中以邕州司戶叅軍叱罵儂智高爲所害贈太子中允

趙師旦積之從子皇祐中以太子右贊善大夫移知康州奮罵儂賊被害贈光祿少卿賜其母長安縣太君冠帔官其子弟并從子三人

王從政爲閭門祗候與儂賊戰于太平場被執以沸湯沃之終不屈而死贈信州刺史錄其孫三人

梁仲賢賓州人儂賊犯境率衆力戰死之郡人爲立廟徐靈博白人爲宜州長史追儂賊至金城驛力戰死之贈大理丞

續文獻通考卷之六十五

郭恩開封人累官秦隴路兵馬鈐轄嘉祐中夏人入寇臥牛峯恩與力戰自旦至食時失利被執不屈自殺贈同

州觀察使錄其子弟有差張吉爲淮安鎮守烽卒神宗熙寧三年夏人寇慶州吉爲

夏人所掠驅至城下呼令降吉反其辭賊怒害之至死罵不絕口事聞贈內殿崇班勇烈將軍錄其子

景思忠字進之普州安岳人神宗時以遂州駐泊都監與夷人力戰而死官其子及同死者之子七人

王奇汾州人神宗時以廣西都監死于蠻貊贈皇城使忠州防禦使官其後六人

蘇緘晉江人爲邕州知州熙寧九年交趾人圍邕緘悉力

拒守外援不至城遂陷緘殺其家三十六人因自焚死  
城中人感緘之義無一人從賊者帝聞之嗟悼贈奉國  
軍節度使謚忠勇邑人爲立祠元祐間賜額懷忠子明  
正孫廣淵直溫與緘同死皆蒙褒贈

高永能元豐初破夏人有功進榮州團練使元豐五年夏  
人寇永樂城陷其孫昌裔欲挾之從間道走永能嘆曰  
吾結髮與西羌戰未嘗挫今年已七十受國恩恨無以  
報此吾死所也遂戰而死詔贈房州觀察使錄其子世  
亮爲忠州刺史

張建侯政和中爲辰州守與盧陽令王憲之救鎮江寨爲  
賊黃安俊所執迫使諭寨中人出降建侯給諾至寨下  
續文獻通考卷之六十三 七

大呼曰爲人當識順逆我萬無求全汝等堅守勿二賊  
怒并憲之俱害之郡人立祠以祀

徐禧分寧人元豐中城永樂禧以給事中召與內侍李  
舜舉往相其事會賊趨新城禧亟往禦或曰被詔相城  
禦寇非職也禧不聽與舜舉俱至永樂城陷死之贈吏  
部尚書謚忠愍

高永年河東番官也崇寧初知岷州爲降羌所執死之  
彭汝方知衢州徽宗宣和初方臘陷城汝方罵賊以死贈  
龍圖閣直學士謚忠毅官其家七人

鞠嗣復宣和初知休寧縣爲方臘所得不屈賊不忍加害  
卒生還

宋旅字庭實莆田人知刻縣不屈於方臘而死贈朝散郎  
錄其四子

詹良臣字元公睦州分水人以縉雲尉不屈于方臘被害  
贈通直郎官其子孫二人

丁仲修字敏之溫州人方臘陷樂清將渡江巡檢陳奎往  
捕死之賊至仙遊夏祥遣輔爽迎戰數十合喪死之仲  
修乃率鄉兵禦諸樂灣力屈而死

項德武義人郡之禁卒也與方臘戰于黃姑嶺下死邑人  
哭聲振山谷圖其像歲時祝之

蔣煜仙居人有文學方臘欲妻以女煜辭之脅以拜亦不  
從寇曰吾戮汝矣煜伸頸就刃置聲不絕而死

續文獻通考卷之六十三 八

胡堊爲婺州教授遇方臘作亂以武奮遇害舉家死之詔  
贈奉議郎推恩二子

王行之太平人初除婺州士曹方臘黨寇婺州守臣皆遁  
去行之曰吾獄官也守吾職死分耳遂遇害事聞贈通  
直郎官其一子

毛臬字淑鎮江山人以特恩爲欽士曹睦寇攻城官吏皆  
遜臬曰吾職司寇獄有繫囚義不可去乃攝州事時二  
子貢辟雍卽遣人持獄印縋城以出令獻于朝城陷臬  
坐府上賊脅使降不屈罵賊不絕口死之妻錢氏掖其  
姑弗忍去俱遇害事聞贈朝請郎官其後三人

劉士英宣和中通判太原府與將士王稟俱死于金寇

程迪宣和中從楊惟中征方臘有功累遷榮州團練使時金人入寇詔以迪提舉永興路軍馬及永興破迪率其徒力戰身被創幾徧絕而復蘇猶厲聲叱戰不已遂死之詔贈明州觀察使謚忠愍

張克戡字德祥侍中耆曾孫也宣和間知汾州與虜力戰而死一門同死者八人贈延康殿學士銀百兩絹五百匹紹興中謚忠確

傅察字公晦孟州濟源人宣和七年以太常少卿奉使金虜迺至境上幹離不脅之降不屈死之

江仲明台州人宣和間寇亂載老母進山澗中猝遇寇逼使降仲明奮起罵賊死之

續文獻通考

卷之六十三

九

四十一

京

朱昭字彥明府谷人宣和中爲震武城兵馬監押攝知城事金人逼城盡殺其家人死守後中矢而死

張甲德興人爲邕州巡檢宣和時金兵犯順甲力戰死德祐元年詔贈忠利侯

史抗濟源人宣和末爲代州沿邊安撫副使金人圍代急抗夜呼二子稽古稽誓曰吾昔語用事者鴈門宜擇帥增戍彼皆不吾省今城必陷吾將死事汝輩亦勿以妻子爲念而負國也二子泣曰惟命明日城破父子三人突圍力戰死于城隅

李翼麟州人宣和末爲代州西路都巡檢使金人取代遣使諭降翼射却之後兵敗被執粘罕欲臣之怒罵不屈

而死同時不屈而死者縣令李聳丞王唐臣尉劉子英監酒闔城將官折可與

陸有常知臨淄縣臨胸土兵作亂有常率兵拒守死于陣知益都張侃千乘縣丞丁興宗亦死之

孫益以福州觀察使知朔寧府被命救太原時張孝純已將太原降金不肯啟門遂死之初益奏郡人孫谷爲掾屬至是嘆曰吾身已許國又不忍負孫公亦死之

張確守隆德府時粘沒喝入威勝軍或勸確潰圍出確斥曰吾守土臣頭可斷膝不可屈力戰而死

种師中洛陽人累官奉寧軍承宣使會金人內侵師中戰死贈少師謚莊愍

續文獻通考

卷之六十三

十

四十二

京

李彥仙字少嚴鞏昌人爲陝州知州靖康元年金婁室攻陝奇彥仙才百端誘陷彥仙悉斬其使力盡城陷投河死贈彰武軍節度使建廟商州號忠烈官其子給宅一區田五頃謚忠威時裨將龍門邵雲夏縣呂員登陝縣宋炎與賈何閻平趙成皆死並贈官

杜翊世華陽人通判懷德軍靖康初金兵奄至城陷翊世先火其家與妻張同縊死贈朝議大夫官其後十人名所居曰忠義坊

高子儒狄道人知蘭州龔谷寨金人陷熙河子儒聞副總管劉惟輔戰死力窮莫支乃先自办其家與軍將韓清皆罵賊而死

黃璘字邦美浦城人登政和八年第後丞拱州靖康元年  
金人襲拱州城陷虜迫郡縣吏役爲鄉導璘移病不出  
虜驅迫之遂赴井死事聞贈朝奉郎官其弟之子爲璘  
後

蔣興祖常州宜興人徽宗時知楊武縣靖康初金兵犯京  
師道過楊武或勸使避興祖曰吾世受國恩當死于是  
與妻子留不去及師至力不敵死焉年四十四詔贈朝  
散大夫

楊震字子發代州崞人靖康中知麟州守建寧砦與子居  
中執中俱死建炎二年贈武經郎長子存中貴請于朝  
謚恭毅

續文獻通考

卷之六十三

十一 四庫全書

曾悟字蒙伯肇之孫靖康中爲亳州士曹金人破城抗辭  
慢罵衆刃削之屍體無存者妻孥同日被害

李震汴人靖康初金人迫京師震時爲小校率所部三百  
人出戰殺人馬七百餘已而被執問南朝皇帝所在震  
曰我官家非爾所當問斮垂盡猶罵不絕口

司馬朴光兄旦之孫靖康初以兵部侍郎使金握節而死  
贈兵部尚書謚忠潔

郭忠孝字立之洛陽人少以父逵任補官舉進士累遷河  
東路提舉坐事靖康初爲永興軍路提點刑獄及金人  
寇永興兵寡或勸忠孝以監司出巡可以避禍忠孝不  
答與經畧唐重分城而守金人陣城下忠孝募人以神

臂弓射之敵不得前已而城陷忠孝死之贈大中大夫  
歐陽詢字全羨廬陵人靖康中以將作監臣出使極言祖  
宗之地不可割時宰怒欲殺詢迺道詢奉使割深州詢  
至深州城下慟哭謂城上人曰朝廷爲奸臣所誤吾已  
辦一死來矣汝等宜勉爲忠義報國金人怒執送燕焚  
死之詔錄其忠無子官其壻曾敏恭

姜綬麗水人以忠勇士召募到服藏書緹下南壁將往南  
京求援爲金邏騎所獲厲聲叱罵被害官其子特立承  
信郎

徐徽言西安人靖康中知晉寧軍兼嵐石路沿邊安撫使  
晉寧不守金挾徽言去不屈死之統副孫昂及士卒皆

續文獻通考

卷之六十三

十一 四庫全書

不屈被害事聞贈晉州觀察使謚忠壯再贈昭化軍節  
度徽言子岡從孫適俱死事世著忠義

孫昂靖康初爲太原路兵馬都監與徽言協志禦虜後引  
刀欲自刎爲金人所奪擁至軍前不屈而死贈成忠郎  
團練使昂父翊宣和中知朔寧州抹太原死于陣亦世  
濟忠義云

李拱永福人官至武功大夫金虜犯關召天下兵拱謂蔣  
炳文曰主憂臣辱主辱臣死豈可以道遠便自營私乎  
募死士三千人倍道兼行與賊戰死之贈忠州防禦使  
宋炎陝縣人蹶張命中補秉義郎金人圍城射死數百人  
比再圍以勁弩發毒矢殺千餘人城陷虜求善射者官



之災不應力戰死

李若水字清卿曲周人靖康中爲吏部侍郎帝如青城至金營金人逼帝易服若水抱持而哭詆金人爲狗軍金人曳若水出擊之且令曰必使李侍郎無恙若水絕不食或勉之曰事無可爲者今日順從明日富貴矣若水嘆曰天無二日若水寧有二主哉其僕亦慰解之曰公父母春秋高若少屈冀得一歸覲若水叱之曰吾不顧家矣後旬日粘沒喝召計事若水因歷數而罵之監軍搥破其古槩血罵愈切至以刃裂頸斷舌而死金人亦相與言曰遼國之亡死義者十數南朝惟李侍郎一人呂由誠字子明諱之季子以父恩補官靖康初徙知集慶

續文獻通考

卷之六十三

十三

四十三

府時羣盜蜂起崎嶇至郡金兵來攻由誠與判官趙令佳同心誓守城陷俱被執不屈死之

龔端新昌人欽宗稱其淳厚有直臣節後奉使河東路聞二帝北狩憤惋而卒

程振樂平人靖康中拜刑部侍郎金人寇汴梁索金帛無厭振與梅執禮等四人詣金營言比屋盡空無以塞命虜酋怒遂遇害贈端明殿學士謚剛愍

孫鉉自眉徙居戎州爲博士二帝北狩金人以鉉有名上庠指名擢取之義不屈以死

王履以修武郎副李若水使金抗虜不屈與若水俱死臨死畧無懼色且歌詩末章云矯首問天今天卒無言忠

臣效死今死亦何憊人聞而悲之

劉幹字仲偃崇安人第進士靖康中以資政殿學士充河北宣撫副使太原陷召入覲爲京城四壁守禦使京城失守遣使金營金人欲用之歸書片紙使親信持報諸子卽沐浴更衣酌卮酒而縊建炎初贈資正殿大學士累贈太師謚曰忠顯

吳革字義夫華陽人靖康初爲閭門宣贊舍人女直立張邦昌爲楚帝革率衆討邦昌不克死之

吳玠晉陵人靖康末仕爲禮部員外郎金人立張邦昌王時雍用事坐政事堂怒發憤罵之曰反虜吾不能擊汝

如段秀實耶時雍面頸俱赤後吳玠以表狀詣虜

續文獻通考

卷之六十三

十四

四十三

營愬竟不屈

郭許德順中安堡人靖康中爲涇原副將不降金虜而死贈武翼大夫忠州刺史同死者西安朱友恭亦涇原副將贈敦武郎

王士言武舉進士靖康中畢力禦金虜死于澤州贈拱衛

大夫忠州團練使官其後五人

祝公明處州麗水人爲太原府蓋縣主簿靖康中與金人力戰而死贈承事郎子陶爲唐州司戶亦死官所

陳遘知中山府爲金師所圍半年外無援師京都既陷割兩河求和遘弟光祿卿適至中山臨城諭旨遘遙語曰

主辱臣死吾兄弟平居以名義自處寧肯賣國家作囚

奴乎適泣曰兄但盡力勿以弟爲念後爲步將沙振所害及其子錫并僕妾十七人建炎初贈特進

李熙靖晉陵人提舉醴泉觀邦昌使直學士院固拒不食而卒贈延康殿學士

謝貺汝州人欽宗卽位上封事十篇論事切至金人犯汝州貺自襄陽領兵往援力戰而死

李洎南豐人靖康之難率兵勤王至蔡州與金人戰死之高宗官其二子

霍安國靖康中知懷州城陷一門無噍類高宗建炎元年詔諸路詢死節之臣以聞贈延康殿學士

張叔夜永豐人從淵聖北行至白溝河仰天大呼扼吭而

續文獻通考

卷之六

三十九

卒建炎紹興間羣衣冠于寶積院之西朝廷褒其節詔有司卽墓立廟賜額旌忠謚忠文

李邈字彥思清江人靖康中以青州觀察使知真定城陷金人欲其被髮左衽邈自去髮爲浮屠遂遇害高宗贈

昭化軍節度使謚忠壯

劉翊靖康中爲真定府路都鈐轄金兵逼之解絛自縊死徐揆衢州人靖康中以太學生上書金酋請還二帝爲所

殺建炎中贈宣教郎官其後

郭永大名元城人爲北京提刑建炎二年女直陷北京永死之家屬皆遇害

劉汲丹陵人爲鄧州安撫使時女直陷鄧州汲死之通判

鄭州趙伯振知潁昌府孫默知汝陽府郭贊皆不屈死劉倚友字夢澤處州人靖康初以進士宰開封金人犯闕受檄爲東壁彈壓官登城按視爲寇所獲脅使降倚友罵不絕口死之

孫昭遠字顯叔眉山人建炎中爲河南尹金兵來攻衆欲擁昭遠南還昭遠罵曰若等衣食縣官不以此時報國耶叛兵怒反擊昭遠遂遇害官屬無免者贈徽猷閣待制

唐重字聖任眉州彭山人建炎中爲永興軍經畧使知京兆府城陷不屈而死贈資政殿學士謚恭愍時副總管相宗閔提舉軍馬程迺等俱死之

續文獻通考

卷之六

四

曾孝序字逢原晉江人建炎初知青州金兵至爲叛卒所害城遂陷贈孝序光祿大夫謚威愍子許承議卽餘贈官有差

陳求道字得之咸寧人建炎中爲襄鄧隨郢鎮撫未幾招撫劉忠叛欲奉求道爲主求道正色斥罵賊拔舌斷之妻及二子俱被害

王琦字門若巡檢建炎中禦金人于熙河金人立招降旗衆皆招拜琦獨不拜金人殺之

楊粹中真定人建炎二年知濮州時金人入寇粹中固守月餘城陷粹中登浮圖不下粘罕嘉其忠義許以不死粹中竟不屈而死事聞贈徽猷閣待制

向子韶字和卿敏中之從孫舉進士累官京東轉運使高  
宗朝知淮寧府金人犯城子韶親授甲冑率諸弟誓以  
死守及城陷爲賊所執執手責罵金人殺之闔家遇害  
贈通議大夫謚忠毅

周中維州人建炎二年金人攻城中卒家衆乘城拒守城  
陷闔門死之紹興六年贈官

杜昉爲密州通判建炎初寓居武陵賊鍾相亂欲強使從  
已昉罵不絕口遂遇害

上官悟字仲達用蔭累官秘閣修撰充京畿轉運使建炎  
三年爲京東副留守時劉豫叛降金因遣人說降悟斬  
其使復賂悟左右使說悟復斬之金兵攻東京愈急力

續文獻通考卷之六十三 十七 三才京  
不能支城陷死之贈右文殿修撰官其後五人

王復知徐州建炎三年女直陷徐州復死之闔門百口皆  
被殺贈資政院學士謚壯節

章雲就麗水人建炎中賊將逼處州雲就以守將募往諭  
降賊許諾既而官兵掩至賊以爲賣已遂遇害後人立

祠祀之

張鎮金壇人建炎中守楊州金兵圍城城陷鎮及妻子皆  
死之

楊邦乂吉水人政和進士知溧陽縣僕射杜充降金濟江  
鼓行迫城李稅陳邦光率官屬迎拜邦乂以血書衣裾

曰寧作趙氏鬼不爲他邦臣金將宗弼遣人說之明日

選望宗弼大罵宗弼怒剖其心事聞贈直秘閣賜田三  
頃官爲殮葬卽其地賜廟褒忠謚忠襄官其四子

崔縱字元矩臨川人高宗將遣使通問二帝縱毅然請行  
乃授朝請大夫右文殿修撰試工部尚書以行比至首

以大義責金人請還二帝又三遣之責金人怒徙之窮  
荒縱不爲少屈久之金人許南使自陳而聽其還縱以

王事未畢不忍言又以官爵誘之縱以悲恨成疾竟握  
節以死洪皓還始歸縱之骨詔以兄子延年爲後

洪皓樂平人建炎初使金不屈欲殺之一酋曰此忠臣也  
爲請免死得流冷山凡一十五年恒以仁者以大事小

智者以小事大重論金酋故宋得與金和歸卒謚忠宣  
續文獻通考卷之六十三 十八 四才京

吳安國字振卿處州人紹興中以太常少卿使金值金人  
渝盟拘留脅服之安國毅然正色曰我首可得我節不

可奪惟知竭誠死王事王命惡敢辱金人不敢犯還  
後知袁州卒

朱弁建安人文公叔父紹興中副王倫使金金人令使與  
副探籌歸報弁曰吾將命出國門已置死生度外豈幸

得先歸哉古者使人有節今無節有印願以印留于我  
正使先歸吾獨在此于是倫解印與之而歸弁留金十

餘年備嘗艱苦後與洪皓俱歸至今子孫有留印堂  
林冲之字和叔莆田人靖康初以主客郎中副中書侍郎

陳過庭使金同被拘執初猶給乳酪迨宇文虛中受其

命金人亦以是遷之冲之奮勵見詞色金人怒徙之奉聖州二年過庭卒金人逼冲之仕偽齊不屈徙上京又不屈置顯州極邊沍寒之地幽佛寺十餘年漸復飲茹以義命自安髭髮還黑病亟語同難者曰某年七十二持忠入地無恨所恨者國誓未復耳南向一慟而絕僧寔之寺隅洪皓歸朝以聞詔與二子官過庭亦卒于燕建炎中謚忠肅

滕茂實字秀穎東陽人一云臨安人靖康元年以工部員外郎假工部侍郎副路允迪出使為金人所留時茂實兄絢通判代州已先降金粘罕素聞茂實名乃遷之代州又自京師取其弟華實同居以慰其意欽宗自離都

續文獻通考

卷之六十三

十九

四十八京

城舊臣無敢候問啟居者茂實聞欽宗將至即自為哀詞且篆宋工部侍郎滕茂實墓九字取奉使黃旛裹以授其友人朔寧府司理董詵欽宗及郊茂實具冠幘迎謁拜伏號泣金人諭之曰國破主遷所以留公蓋將大用逼令易服茂實力拒不從見者墮淚茂實請從舊主俱行金人不許憂憤感疾卒雲中詵歸錄所為哀詞言于張浚以詵為陝西轉運判官上其事紹興二年贈龍圖閣直學士官其家三人

魏行可建州建安人建炎中以太學生應募奉使補右奉議郎假朝奉大夫尚書禮部侍郎充河北金人軍前通問使時河北紅巾賊甚衆行可始懼為所攻既而見使

旌皆引去行可見金人于澶淵金人知其布衣借官待之甚輕留不遣行可嘗貽書金人誓以不戰自焚之禍大國舉中原與劉豫劉氏何德趙氏何罪若亟以還趙氏賢于奉劉氏萬萬也紹興六年卒十三年張邵來歸言行可執節沒于王事行可父通直郎伯能亦懇于朝遂贈朝奉郎秘閣修撰先已官其二子一弟至是復官其一孫行可之使也吳人郭元邁以上舍應募補右武大夫和州團練使為之副不肯髡髮棄官亦卒于北

閩進隸宣武建炎初遣使通問進從行既至雲中府金人拘留使者散處之進亡去追還留守高慶裔問何為亡對曰思大宋耳又問我主待汝有恩汝亡何故進曰錦

續文獻通考

卷之六十三

二十

四十八京

衣玉食亦不戀也慶裔義而釋之凡三亡乃見殺臨刑進謂行刑者吾南面受刃南則我皇帝行在也行刑者曳其臂令面北進踴身直起盤旋數四卒南面就死朱勛為武進校尉從使者至北在粘罕所為求妻室固其意不半月亡去追之還勛含笑死挺下

李之邵建炎初為新喻武尉隆祐太后幸虔州從後軍叛之邵拒之兵敗不屈大罵賊感殺之賊酋壯其言誅害之邵者

易青惠州人為都督行府摧鋒軍經畧使效用紹興中為廣賊所執終不從賊怒焚死之贈保義郎閣門祗候何斌為殿前司將官董德興提禁旅戍邵武紹興中竭力

禦盜而死其屍殭立移時始什贈武節大夫錄其後一人

連萬夫建炎四年郡賊犯應山破之賊知萬夫勇敢謀欲

留萬夫萬夫怒屬聲罵賊為所害贈右承務郎

鄭單字季厚明州人靖康二年貢于鄉建炎四年金人陷

明州單為兵所劫去逼使之降屬辭罵不屈躍入水中

死妻董亦自沈後以孫清之顯貴贈太師秦國公董泰

國夫人

趙立徐州益村人建炎四年以鎮撫使兼知楚州堅守孤

城為飛砲所中而卒贈奉國節度使儀同三司官其子

孫十人謚忠烈

續文獻通考

卷之六十三

王

四十八

阮駿字千里莆田人紹聖初登進士第建炎初為河南府

少尹金人來寇拒戰不利亟收兵護神御殿而其餘兵

再戰兵敗抱神御馬賊至死聲不絕口特贈奉直大夫

薛慶起羣盜據高郵後歸朝與金人力戰而死贈保寧軍

承宣使官其家十人封其妻顧氏

楊照濠州將官也金人圍城照刺賊洞腹抽腸俄中流矢

死有都統丁金者遇賊十八里洲被圍大呼其徒勉以

毋得負國一舟二百人皆闕死並贈承信郎錄其後

樊昌進賢人建炎初以書生為閤門祗候舍人王虎謀逆

率鄉民力戰死之紹興中贈修職郎

凌唐佐字公弼休寧人登元符進士建炎初知建康府城

陷劉豫使守應天唐佐欲圖豫密疏虛實上于朝事泄

被捕見豫責豫曰國家何負于汝而反面事虜耶豫怒

命引出斬之事聞贈徽猷閣待制

閻琦靖康中為承務郎二帝北遷後宗室南渡不及者多

散民間豫募人索之琦匿不以聞為豫杖死

劉化源耀州人知隴州城陷被執金使人守之不得死遂

驅入河北鬻蔬果隱民間十年終不屈學同時原州通

判朱璞簽書蒲州判官劉長儒皆與化源同鄉亦不屈

于豫紹興中各轉兩宮奉祠又鳳翔教授陰諱彭陽知

縣李嘉皆守節不屈贈朝奉郎官其家一人

龔楫字濟道原之孫仕為兵部侍郎本處州人居和州元

續文獻通考

卷之六十三

三

四十八

宋據和州楫率家屬襲之不克而死

方允武衢州人為宜興巡檢建炎三年與金寇力戰而沒

曾志字仲常輩之孫建炎初通判溫州金酋巴八陷越志

獨不屈盡驅其家屬四十口同日殺之事聞官其弟與

三子及兄子皆將仕郎

宋昌祚和州鈴轄建炎初元宋犯和州州人推昌祚權領

軍事城破昌祚與倅唐塋歷陽令憲譽司戶徐兢縣尉

邵元通及指揮鄭立軍士胡廣皆死譙樓上軍士多不

降保淞湖水砦事聞贈官錄其子弟

郭瓚內江人建炎初為汝陽令金人陷城瓚朝服坐廳事

戟手大罵與二子俱死

金光庭羅源人累官光祿寺丞出知南陽郡建炎初金人陷南陽不屈而死舉家悉遭殲戮

王相如宜城人建炎初江右盜起被執逼令草檄相如奮髯曰吾雖死不能為賊作牒遂遇害盡室殲焉

趙不試太宗六世孫建炎初知相州金人求割地不試固守不下及州被圍久外援不至不試知不可為遂登城與金人約勿殺許之既啟門乃納其家并中然後以身赴井命提轄官實以土州人皆免于死

趙令晟燕懿王玄孫建炎中知黃州城陷不屈而死贈徽猷閣待制謚忠愍

趙拔伯太宗八世孫建炎中通判鄭州守城力戰遇害贈

續文獻通考卷之六十三

主

四百八十八

趙叔憑太宗之後建炎間為陝州都監金人圍陝州既久援兵不至城危時叔憑子官盧氏遺以蠟丸書曰人臣當死難況吾以近屬其可辱命耶死固其所也遂死之時通判王許職官劉效陳思道馮湮李岳杜問縣令張玘蔣佐盧亨等五十一人俱死無降者

趙士跋濮王曾孫靖康末為右監門衛大將軍吉州團練使金人驅宗室北行士跋得問道遁去居邢州結土豪將舉義金人覺而殺之贈保寧軍節度使謚忠果趙叔皎秦悼王四世孫建炎中為德州兵馬都監城陷為金人所執不屈而死

趙訓之字誨道秦悼王五世孫建炎二年知吉州永豐縣與尉陳自仁衛孟太后于虔州俱為叛賊所害贈訓之朝散郎直秘閣謚忠果自仁通直郎

趙聿之安定郡王叔東子建炎中為成忠郎金人陷潭州為所執大罵而死贈左監門衛大將軍時武經郎衛玠亦死之贈武經大夫皆官其家

李亘字可大死州乾封人建炎中劉豫使守大名密謀圖豫事洩而死贈官立祠曰愍忠又有武顯大夫孫安道為應天府兵馬鈐轄城陷不得歸謀挺身還朝為人所害而死贈忠州刺史

陳淬字君銳莆田人建炎中以淮南招撫使援建康與從

續文獻通考卷之六十三

三四

四百八十八

子仲敏俱死贈拱衛大夫明州觀察使官其子塔郝仲連昌化人建炎中為貴州防禦使權河中府事城陷不屈及其子皆死贈中侍大夫明州觀察使

韓青為熙河馬步軍第六將間行從劉惟輔為金人所擒罵不絕口死

趙覲自金歸宋知環州與其弟震堅守孤城城陷不屈死焉贈觀察使立廟西和州賜額旌忠

李伸知天長縣建炎中金虜陷城不屈而死

牛皓福州人為川陝宣撫後軍中部將與金人力戰而死時承信郎高萬且罵且戰與熙河路部將任安宣撫司隊官秦元薛琪張亨皆死于陣後皓安贈翊大夫官其

家五人贈萬元等官錄其子

孫暉霍丘人靖康之亂率淮民團結保護鄉井擢招信尉  
建炎中金人將渡淮暉率射士民兵禦之城陷竟死于  
勅書樓

屈堅爲忠州防禦使建炎三年收陝府圍被害贈三官錄  
其家五人

方致堯寧國人賊戚方寇寧國致堯中流矢臥不能起遂  
爲所執罵而死謚義烈詔立祠祀之

王棣守開德府建炎二十年九月金兵寇開德棣死之

孫安武長沙人爲州學正金人入城安武率居民巷戰金  
人四面縱火人皆竄伏惟安武挺身罵不絕口死

續文獻通考

卷之六十三

三五

三十三

京

劉玠潭州將官建炎中金人陷潭州玠挺身血戰中數十  
矢死于陣民爲立廟張栻作記

胡唐老字俊明宿之曾孫也建炎中知鎮江府潰卒戚方  
等欲犯臨安唐老諭以順逆衆環脅之唐老怒罵遂遇  
害贈徽猷閣直學士謚定愍時安撫司機宜鄭疑之亦  
以兵死詔官其家一人

王儔以通判真州權通判廣德軍建炎末戚方爲亂與權  
判官李唐俊權法司潘偁權知廣德縣韋續權丞蔣瓊  
皆死俱贈卹

朱嗣孟樂平人以廣德司戶安撫戚方被害贈宣教郎官  
其子

劉晏字平甫嚴州人以進士來歸累功直龍圖閣後授  
宣城爲戚方所害贈龍圖閣待制官其子四人死所立  
廟曰義烈

鄭振字亨叔仙遊人率鄉兵禦詹鈇又賊遇害廟食里中  
袁顯益陽人建炎中湘寇楊么猖獗顯請于縣宰魏舜臣  
團鄉兵以捍一日賊傾寨來戰顯極力鏖戰爲賊所得  
賊欲用之顯罵賊不屈么置諸鼎鑊而死

程全休寧人爲筠州都監金人犯江西守臣遁全攝州事  
賊劫掠至郡全領兵拒之兵少力罷賊遂剗其腹而去  
贈協大夫錄其子孫

孟彥卿忠厚從父建炎中通判潭州與潰賊杜彥戰死于  
續文獻通考

卷之六十三

三六

四十三

京

劉陽時添差通判趙民彥邑士謝淳俱于賊力戰被執  
殺之贈彥卿民彥直龍圖閣官其家各三人淳贈成忠  
郎官其子希古後朱熹帥潭爲請立廟

王煥知武當縣建炎中賊犯均州煥率邑人保山寨賊至  
或勸之遁煥曰使吾有此心則不能與邑人爲此舉矣  
遂舉家死之

謝臯開封人爲鎮撫使統制官建炎中李成陷虢川欲降  
之臯指腹示賊曰此吾赤心也自剖其心以死

薛良顯字貴勳瑞安人以河東轉運使與江寧亂軍周德  
力戰不勝而死贈卹甚渥

丁公膺醴陵人爲高郵尉紹興初拒金兵力戰死之朝廷



嘉其忠節官其子倚

梁楚電白人紹興中攝縣令交趾犯境力戰連斃數賊後城破被害高宗贈禮部侍郎

唐傑知扶風縣與金將馮宜戰宜愛傑欲招之傑奮曰吾當死于陣不能降敵宜乃殺之

徐景知興化縣楚民胡德等寇掠馳入縣治景諭以順逆禍福賊怒欲害之景曰人誰不死得死王事亦何不可但勿傷百姓吾含笑入地矣賊義而不加害

王玠勦黃鎮撫使司幹辦公事會鎮撫使孔彥舟謀叛玠開陳百端不聽入罵曰逆賊萬段彥舟怒并家屬沈之龍眠磯

續文獻通考

卷之六十三

二十七

三十九

范旺順昌人爲縣巡檢司軍校紹興初順昌盜俞勝苛作亂土軍陳望者與射士張袞謀舉若應之旺叱不從凶黨剔其目而殺之妻子皆遇害賊平旺死迹在地隱隱不沒邑人驚異爲設像城隍廟歲時祭享六年詔贈承信郎更立祠號忠節二十八年復詔立愍節廟以祀之呂祉字安老建陽人宣和初上舍釋褐紹興中知建康府累官兵部尚書參謀軍事以鄜瓊叛執祉迫使趨劉豫祉大罵不從遇害贈資政殿大學士慶元間立廟賜額以旌其忠

李靚龍泉人紹興十年與虜戰敗死之詔贈兩官仍官其一子

舒繼明羅山人善射紹興間守信陽偽齊劉豫襲郢城矢盡被擒罵賊而死

唐敏求字好古當塗人爲德化主簿盜起挺身率衆扞禦遂遇害贈升朝官補其子楠將仕郎

王師道字居中兗州人紹興中任吉州果傳砦巡檢與賊戰于吳村而死立廟其地官其二子

楊載涪陵人金人立劉豫載願得白刃橫行虜中當手刃劉豫張浚壯其言使借十士至金僞降載行反間豫果廢及欲刃虜酋而十士已亡其八遂決南歸

朱勇利州都統捍金人有功戰于瓦亭寨被執罵不絕口死賜廟名忠節

續文獻通考

卷之六十三

二十七

四十九

朱友恭涇源路第一副將捍金人有功後被執不降遇害朱蹕湖州安吉人爲錢塘令金兵迎戰欸敵使民得爲逃計中流矢創甚猶叱左右負已擊賊後數日遇害王倫大名入紹興十四年以行人使金金欲以爲平滌二路都轉運使倫曰奉命而來非降也金脅以威倫拒益力俾縊殺之倫遂冠帶南鄉再拜慟哭曰先臣文正公以直道輔相兩朝天下所知臣今將命被留欲汚以僞職臣敢愛一死以辱命遂就縊於是河間地震雨雹三日聞者哀之

姚興相州人以武功累遷荆湖南路兵馬副都監紹興二十一年金人渝盟興諫都統王權麾下時權奔仙宗山

嚴兵自衛興告急數不應初李二者嘗有私恩于權因得出入軍中竊權旗幟以遺金人至是金人立權旗幟以誤興與奔之父子俱死焉詔贈容州觀察使謚忠毅立廟戰所賜額曰旌忠

孫知微高宗時通判舒州淮賊劉忠薄舒州知微繕城郭

治甲兵力與之抗久而不下及入舒知微被執又不屈忠怒饑食之後朝廷官其二子

李明高宗時金兵入犯明從宜撫使楊存中力遏其衆外援不繼死之廕其子守中為進武校尉

李邁字彥和龍泉人紹興中以承信郎與金人戰于西京天津橋死之

續文獻通考

卷之六十三

三十九

三十九

原

劉宣為秦鳳路兵馬都監密遣蠟書與吳玠相約且欲率金將任拱等以所部歸朝金人覺取宣縶劈之家屬配

曹州

韓浩知淮州高宗時金兵攻濰州城陷浩與通判朱廷傑

皆力戰死北海縣丞王允功司理王震皆全家陷沒浩特贈三官官其家三人餘各官其家一人

王忠植太行義士紹興中以功為河東經畧安撫使為叛將趙惟忠所執不屈而死贈奉國軍節度使開府儀同

三司官其家十人

唐琦本衛士建炎中欲襲擊金將琶八不克而死詔立廟賜名旌忠

馬俊太平州慈湖砦兵紹興中周青等據州叛俊隸青左右得其陰謀潛結其徒期殺賊于是伺青上馬斫中頰而其徒不敢前遂與妻子俱遇害贈俊修武郎立祠號登勇

翟興字公祥河南伊陽人紹興元年為忠州團練劉豫俾之啗裨將楊偉以利偉殺興攜其首奔豫弟進知河南府亦為賊楊進所害俱贈官錄其家

劉惟輔涇州人任熙河副總管為金人所執誘之百方竟不從而死詔贈昭化節度使官其子孫十二人立廟成

州號忠烈

朱良字良伯仕海鹽尉時金人分兵入境良集射士百餘

續文獻通考

卷之六十三

三十九

三十九

京

奮而前然力不敵竟死事聞官其子思孜等

劉十六郎瑞金人金虜犯境十六郎見弟三人義勇戰死岳飛以聞詔立祠旌之

魏彥明開封人通判延安金人陷西城彥明死節詔贈中

大夫官其一子

郭正孫邛州人官大府寺丞帥興元金人內侵屹守孤城

三戰三却左右勸之避正孫不從遂死于敵

金從龍浮梁人知廬州虜寇大至力不能支死之贈官廕

其子

張文之樂平人通判濠州金兵至被執送燕山欲授以官不屈囚之土窟後王朴清于囚得一家書附還朝廷悼

嘆月給恤其家官其子孝忠

黃友字龍友平陽人也金人入寇友通判澶州戰敗被執不屈死之帝書忠節傳家四字旌其門

鄭驥字潛翁玉山人建炎初以直秘閣知同州金人來寇援絕力孤城陷虜衆欲降之不屈曰所謂太守者守死而已遂死之詔贈通議大夫謚威愍官其子五人後復

加贈樞密直閣學士立祠同州賜廟額曰愍節

毛士毅富川人爲化州石城令李接反來攻城士毅謂尉曰吾與君當以死衛百姓糾合義丁與賊戰衆寡不敵遂罵賊死高宗贈承事郎

劉位招信人知滁州節制徐泗二州軍事金人入寇遣使

誘降位斬其使後出戰中流矢死于陣贈建寧軍節度使建廟滁陽號剛烈

邊知章字公望通判開德府金人犯關尋以和退明年冬虜大至城下知章軍潰死之贈朝散大夫官其二子

章永壽以統制官紹興末與子承節同死于和州父子同贈官

种朴洛陽人諤之子以父任右班殿直累遷鳳河關會鈐

轄兼知河州時蕃部叛屬羌何童入寇胡宗同使朴討之朴至州纔二日賊鋒方銳且盛寒欲姑徐之馳檄

至六七不得已遂出兵羌知朴來伏以待朴遇伏首尾不相應朴殊死戰爲賊所殺事聞贈雄州防禦使官其

後十人

張玘字伯玉涇池人紹興末以御營宿衛軍前都統與金人力戰于海州北中流矢卒贈正任觀察使官其後九

人廟號忠勇孝宗卽位又命祠于戰所贈清遠軍承宣使子世雄武節大夫

陳亨祖淮寧大豪紹興末以功知海寧府與金兵力戰舉家五十餘人皆死贈容州觀察使立閔忠廟于光州

劉泰樞密院忠義前軍正卒也金人犯壽春泰身被數十創死贈武翼郎官其家三人

郭僕字同升祥符人以父任調東海縣尉歷遷通判全州權梁宰未行會賊張項已逼縣境衆止之僕曰安逸則

就艱危則辭非我所學竟至縣約束吏卒誓以死戰賊聞之僞降旣入邑爲變官皆竄伏僕曰吾爲宰義不可去端坐公署賊徒至僕大罵不絕口遂遇害詔贈承議

郎錄其後二人

王觀國登紹興壬辰進士授陝州宜興縣尉遇黃巾賊不屈遇害事聞詔贈官一等

王拱建康府前軍統制隆興五年與金人力戰于江北而死贈正任觀察使卽其若立忠節廟又忠亮大夫朱贊

亦死之贈承宣郎

吳庸淳熙間李接作亂庸與同郡徐邦直唐捷起兵禦不克庸歿于陣徐與唐罵賊而死帥劉惇上其事俱贈承

仕郎仍官其子

王輝貴州人嘗爲果傳皆巡檢淳熙二年擊茶寇爲賊所得欲全之含血大罵遂死贈忠州刺史與恩澤二人立廟羅坡

楊震仲字華父成都人淳熙中吳曦招之不從飲毒死贈朝奉大夫直寶謨閣官其二子表其里曰義榮謚節毅立廟旌忠

吳政寧宗嘉定十二年女直寇西和成鳳州入黃牛堡政死之

李誠之字欽茂東陽人寧宗時知蘄州金人南侵城陷于士元戰死誠之引劍將自剄呼其琴曰城已破汝等宜

續文獻通考

卷之六十三

速死無辱妻許及婦若孫皆赴水死事聞贈朝散大夫秘閣修撰封正節侯賜廟曰褒忠

秦鉅字子野檜曾孫通判蘄州城破自焚而死贈秘閣修撰封義烈侯祀于褒忠廟子浚渾同死贈通直郎淳祐

十二年加封鉅義烈顯節侯時教授阮希甫防禦判官趙汝標皆死之同時死事者蘄春主簿甯時鳳錄事叅

軍兼司戶杜諤監蘄州都大監轄蘄口鎮倉庫嚴剛中各贈官有差又統制官孫忠小將江士田陳興曹金丘

十軍士李斌等皆闕死司理叅軍趙與裕奪關出外求援而全家十六人皆沒黃州陷守臣何大節亦投江死

陳霖字傳容泉州人嘉定中爲瑞金尉不屈于賊而死

徐梅龜壽昌人爲霍丘尉虜寇犯境梅龜與子尚古皆死

之理宗嘉其忠贈梅龜宣教郎尚古承信郎各官其子劉宥知天水縣金兵犯境掠宥行索視其誥命曰隨我去官北朝宥罵曰我爲南朝鬼不爲番賊官遂遇害

彭義斌理宗寶慶元年領兵徇真定嚴實以蒙古兵來襲義斌死之

陳寅咸子升卿孫知西和州寶慶年蒙古入西和寅謂妻杜氏可避兵鋒杜氏厲聲曰安有生同君祿死不共王事者寅死之杜氏飲藥自殺二子及婦俱死毋傍賓客同死者二十八人

黃復字乾叟沙縣人寶慶二年第進士後攝滁州因虜攻

續文獻通考

卷之六十三

城援不至殁在圍中遺子書曰父老矣食君之祿繼之以死雖死猶生也

賈子坤童川懷安軍人爲西和州推官寶慶中虜至城陷與其家人十二口俱死之

舒瀛字登甫奉化人登寶慶二年進士第授衢州西安尉兵難卒起瀛先衆捍敵死之朝廷嘉其忠官其子祺

曹孝先字元先奉化人官承直郎任楚州錄事叅軍寶慶乙酉沒于王事贈通直郎官其子說立廟號旌忠

劉純字君錫建陽人以父廕補沙縣簿紹定間調湖北帳幹知邵武縣會率兵招降下翟賊爲賊所得不屈死之事聞贈朝散郎與二子下州文學後又封壯義侯謚忠

烈純之族給諫忠顯子羽諡忠定珙諡忠肅領諡忠簡  
純諡忠烈爲五忠劉氏

趙師積淮右人以罪客游于閩紹定中起汀州郡司農  
丞潘景伯嘗守高郵知師積荐于提刑王夢龍俾統兵  
禦尤溪賊大書旗上曰誓不與賊俱生轉戰田中馬陷  
于泥賊斷左臂擒以右手殺賊力盡大呼曰師積報國  
死于此矣遂歿嘉熙初都丞旨王埜上其事贈武節郎  
民爲立廟名忠愍

高談字景遂邵武光澤人紹定二年爲旁郡賊執欲其率  
鄉子弟東破武陽談唾賊大罵遂遇害而里人賴以免  
曹友聞字允叔彬十二世孫端平初權知沔州與蒙古兵  
續文獻通考卷之六十三

戰于鷄冠隘與弟萬皆死贈友聞龍圖閣學士大中大  
夫賜廟褒忠諡曰節官其二子承務郎塔迪功郎贈萬  
武翼大夫官其二子成忠郎

高稼蒲江人魏了翁同產也知沔州端平二年蒙古濶端  
入沔稼死之贈龍圖閣直學士諡曰忠

李復明爲江陵統制端平三年蒙古將忒木解寇江陵復  
明死之

楊壽孫爲雲安軍主簿端平中元兵至中江縣與蔣官何  
庾安惟臣田廣直友坤等連戰二日俱死之贈恤有加  
劉銳知文州嘉熙元年元兵攻急銳集其家人盡飲以藥  
而死家素有禮法幼子同哥方六歲授以藥猶下拜受

之左右感勵銳父子三人登文王臺自刎死

趙汝鼎宣城人爲文州通判城陷不屈元人先斷其兩臂  
而後斃殺之

何充漢州德陽人通判黎州攝州事元兵破關自刺不死  
百方誘之終不從臨死時東望再拜曰臣夫婦同死可  
以對趙氏無愧矣上下感泣同死者四十餘人勇士麟  
孫駒行從子仲桂先充死惟長子士龍得免

寒襄潼州通川人通判金州端平中元兵攻陷金州義舉  
家死焉弟維之利州行參軍事亦迎敵力戰死官其子  
王进字純文饒州樂平人紹定間爲固始縣簿攝邑事金  
兵犯淮守令望風遁去进度力不能禦懷印自投于井

續文獻通考卷之六十三

而死

鄭勳字景周興化縣人嘉泰壬戌登第端平中知博羅縣  
能裔部下回戍卒焚掠州境或勸勳避其鋒勳曰吾爲  
長官見賊而去如吾民何衣冠坐廳事賊至諭以禍福  
不屈死之事聞贈朝奉郎

陳隆之爲制置使成都將田世顯以城叛降于蒙古隆之  
舉家數百口死于元兵贈徽猷閣待制加與兩子恩澤

賜諡立廟

吳從龍字雲奉化人紹定中以建寧都統制爲先鋒援不  
至被擒不屈而死廟祀恭揚二州賜額褒忠官其弟從  
虎

孫益泰興人紹定中李全犯揚州應縣令王煥募為兵後賊勢甚盛身先赴敵死之贈保義郎官其子一人同時顧緒顧珣皆戰死贈恤亦同

王仙蜀都統守涪州二年城破自刎斷其吭不死以兩手自適其首而墮

曹琦蜀進士知南平軍被執脫身歸制置司辟主管機宜文字聞統制趙安以城降就守禦地自經死

侯昂字道子樂清人寶祐五年制置使賈似道辟通判海州與山東賊李松壽鏖戰于連山闔室遇害立旌忠廟于海州謚節毅仍立廟其鄉

張順民兵部將也開慶中與張貴同救襄陽不克而死立

續文獻通考

卷之六十三

三七

四三

廟祀之

陳元桂撫州人開慶元年元人侵臨江元桂力疾督戰有勸其移治者曰時事如此與其死于饑寒盜賊孰若死于守土之為光明俊偉哉遂死之詔贈待制謚正節賜錢二十萬官其二子勅立廟死所賜額褒忠

曾墳紹興人開慶已未為瑞州錄事叅軍以州命行各縣賑恤饑民值元兵至被擒不屈死之事聞贈秩官二子羅夢棫新喻人景定元年兵入靖安夢棫死之贈宣教郎官一子

許彪孫奕之子為四川制置司叅謀官景定二年知瀘州劉整將叛降于元命彪孫草表彪孫曰朕可斷筆不可

書合門服藥死整既降襲都統張桂營桂及統制金文德戰死納溪曹翥合門死之又景定四年沔州都統胡世全護糧運至虎象山戰死咸淳二年元兵取開州守將龐彥海死之德祐元年瀘州守梅應春以城降珍州守江彥清巷戰死之

密祐廬州人守隆興咸淳中元兵下隆興密祐為都統兵敗被執不屈而死

張漢英奉化人為樊城守將時樊城被圍四年與都統制范天順牛富力戰不降既而漢英死焉天順仰天嘆曰生為宋臣死當為宋鬼於守處繼死牛富身被重傷以頭觸柱赴火死裨將王福見富死嘆曰將軍死國事

續文獻通考

卷之六十三

三八

四三

吾豈宜獨生亦赴火死後天順贈定江軍承宣使

史季倫威州棋城主簿也成都陷于良震與督楊誠夫爭先為死各特贈兩官與一子下州文學

王翊字公輔郫縣人嘉熙元年為制置使丁黼叅議官元兵破蜀朝服赴井死時轉運副使蒲東郭亦死之元兵屠漢州權州事劉當可判官邵復錄事叅軍羅由司戶叅軍趙崇啟知雒縣羅君文皆不屈而死復雍六世孫也兵入眉州知丹稜縣馬仲燁死之取簡州簡守李大全死之叩守趙晨力戰死之至遂寧民兵趙用拒戰臂已斷而戰不休至重慶進士胡天啟夫婦同罵賊死翊與趙汝鼎同立廟賜謚餘褒恤有差寶祐六年元兵援

吉平監守將楊禮周德榮死之拔長寧守將王佐父子俱死至閬州推官趙廣死之至達州轉運使施擇善死之至順慶帥守段元鑑堅守為麾下殺之以降

陶居仁蕪湖人為鎮江錄事叅軍元兵來攻城陷被執居仁曰得以死報朝廷夫何憾竟不屈為所殺護棺還家汴流數百里不時而至鄉人異之為立祠

張孝忠淮人德祐初呂文煥道元兵東下知信州謝枋得走入安仁調孝忠逆戰團湖坪矢盡揮雙刀斃殺百餘人後伏兵發孝忠中流矢死

王世昌德祐初權瀘州安撫使後元兵逼城誓不屈節城破自殺死

續文獻通考

卷之六十三

三十九

邊居諱隨州人為新城守將咸淳中元人進逼新城居諱堅壁不降呂文煥至城下招之居諱射煥中其右臂率所部三千死戰皆沒居諱赴火死事聞贈利州觀察使立廟死所

趙昂發字漢卿昌化人德祐元年權守池州元人陷池州昂發死之初元人遊騎至李王河都統張林諷昂發迎降昂發瞠目視林不敢復言已而林陰遣人納款昂發知事不濟乃謂妻雍氏曰城將破吾守臣不當去汝先出走雍曰君為命官吾為命婦君為忠臣吾獨不能為忠臣婦乎昂發笑曰此豈婦人女子所能也雍曰吾請先君死昂發笑止之明日乃散其家貲與弟姪僕婢悉

遣之及元師薄城昂發晨起書几上曰國不可背城不可降夫婦同死節義成雙遂與雍氏盛服同縊從容堂伯顏入城問太守安在左右以死對深歎惜之命具棺余合葬祭其墓而去

唐震字景實會稽人為饒州知州元軍入饒遣使來取降款通判微諷震降震怒叱之曰我何忍偷生負國也城中年少感震言殺元使者已而城陷執贖使署降震不屈遂死焉兄椿與家人俱死贈文華閣待制謚忠介廟號褒忠官其二子震客馮驥何新之後俱死節

江萬里都昌人以故相家居聞元兵破襄樊乃鑿池芝山後園扁其亭曰止水人莫喻其意及城欲破遂赴止水

續文獻通考

卷之六十三

四十一

死左右及子鎬相繼投沼中積屍如疊翌日萬里屍獨浮出從者歛葬之贈太師益國公謚文忠

鮑廉知臨江軍元人徇臨江廉死之

馮仲燁知丹稜縣元兵入眉州仲燁死之米立為江西都統元軍畧江西立逆戰於江坊兵敗被執不降繫獄制置使黃萬石舉軍降元元行省遣萬石諭立曰吾官銜一牙牌書不盡今亦降矣立曰侍郎國家大臣立一小卒耳但三世食趙氏祿趙亡何以生為立乃陳上生擒合死之人與投拜者不同萬石再三諭之不屈遂遇害

阮應得守無錫德祐中蒙古兵入無錫應得死之



王汝翼知廣德縣德祐中元人入廣德汝翼死之

司馬夢求監岳州沙市城鎮德祐中蒙古阿里海涯入岳

州沙市城夢求死之夢求司馬光五世孫也

夏椅安慶通判蒙古兵犯安慶知府范文虎以城降椅力

不能自爲曰有死而已乃飲藥卒衣襟中有遺筆云職

當其遽厄逢其否負吾君親方寸亂矣命無所逃當死

而死五十六年歸其天理

趙與穡守寧國德祐初蒙古陷寧國與穡死之

姚崇知常州德祐初蒙古伯顏陷常州書與通判陳炤都

統王安節死之炤字光伯常州人城陷或勸走常熟炤

曰去此一步非死所矣遂止死焉安節堅之子也守常

續文獻通考

卷之六十三

四十一

四十一

州力圖恢復不克而死贈普龍圖閣待制炤直寶章閣

並官其子時節度判官胡應炎武進知縣包圭俱晉陵

人亦同戰死

徐道明常州玄妙觀道士德祐初元兵屠城道明知太守

姚崇死守取觀之文籍置石函藏坎中危坐燭香讀老

子書兵至以刃脅使拜不爲動遂死之

汪立信新安人德祐元年賈似道將出師召立信爲招討

俾就建康府募兵以援江上諸郡既至建康守兵悉潰

四面皆元兵立信知事不可成率所部四十人至高郵

欲控引淮漢以爲後圖及聞似道師潰嘆曰吾今日猶

得死宋土乃扼吭而死

劉霖昌州永川人後居瀘州安撫使梅應春以城降元霖

說合州張珪潛斬關入城殺應春復瀘州珪以霖知南

平軍後卒死于兵

彭震龍永新人知永新縣值元兵至城守不下親黨劉榮

內應執震龍去震龍罵不絕口腰斬之

蕭壽夫與兄敬夫吉安人見文天祥起義兵兄弟協贊彭

震龍謀復永新縣屠兄弟同死之

尹玉寧都人從文天祥勤王死于伍牧贈濠州團練使官

其二子賜田二頃以恤其家

程洙休寧人淳祐十年進士授貴池縣簿調上元縣德祐

元年建康陷百官投牒降附程洙自縊而卒

續文獻通考

卷之六十三

四十一

四十一

李成大字實夫建昌人德祐初知金壇縣元兵至與戰不

勝吏民脅之降乃潛與胡用存謀復金壇事泄繫獄至

殺其二子終不屈死贈直秘閣謚忠節

李天勇臨川人德祐初元攻饒州天勇統強壯應援兵敗

與張忠孝俱死之

李芾字叔章由廣平爲汴人官潭州知州元兵圍潭日久

芾慷慨登陴與諸將分地而守民老弱皆結保伍相助

不令而集芾日以忠義勉其將士死傷相籍猶乘城殊

死戰城將陷召帳下沈忠道之金曰吾力竭分當死若

家人不可辱于俘汝盡殺之而後殺我忠泣而諾取酒

飲其家人盡醉乃徧刃之芾亦引頸受刃忠縱火焚其

居還家殺其妻子復至火所大慟舉身投地乃自刎衆議楊震赴園池死妻妾奔救無及遂皆死幕僚陳億孫顏應焱皆死潭民聞之多舉家自盡城無虛井繼於林木者相望寶慶通判曾如驥亦不屈而死事聞贈節端明殿學士謚忠節

尹毅衡州進士寓居潭城元兵至知事不可爲乃爲二子冠招鄉人行冠禮鄉人曰此何等時行此迂濶事毅曰正欲令兒曹冠帶見先人于地下耳既畢禮與其家人自焚潭太守李希命以酒酹之

李長庚爲湘潭丞元兵至被執不屈死之

趙良淳汝愚曾孫爲安吉州知州與提刑徐道隆固守元續文獻通考卷之六十三

兵圍安吉范文虎致書誘良淳降良淳焚書斬其使既而戍將吳國定開門納元兵良淳閉閣自經道隆見執守者少怠亦赴水死

鄧得遇字達夫邛州人德祐二年爲廣西提刑守蒼梧元人徇桂林州南望拜書紙曰宋室忠臣鄧氏孝子不忍偷生寧甘溺死彭咸故居乃吾潭府屈公子平乃吾伴侶優哉游哉吾得其所遂投南流江而死

徐夢發浦城人登嘉熙二年進士第累官朝議大夫廣奉招捕使德祐二年元兵下江南夢發守仙霞襲兵猝至左右皆潰夢發獨踞坐大詎遂遇害

李申巽知上猶縣德祐二年元兵攻上猶申巽死之邑人

李梓一家四十七口俱死之

豐存芳字公茂鄞人稷玄孫也爲太平州倅景炎元年蒙古兵至知州孟知綱謀以城降存芳諫不聽嘗之知綱遂引蒙古兵屠其家同死者十八人卒方義竊其八歲孤匿民間得存其祀

劉子存字貢伯安福人爲廣西經畧使參議官元兵至靖江時宋主已入燕子存取笏書曰我頭可斷膝不可屈堅守而死

呂文信文德弟也德祐初以沿江副使咨議官與元兵遇于白鹿磯戰死贈定遠軍承宣使官其子立廟賜額時河湖巡檢張興宗亦死之贈武翼郎仍賜錢官其子續文獻通考卷之六十三

鍾季玉樂平人德祐時爲大都提點坑冶元兵渡江徙寓建陽兵至不屈死之

潘方平陽人監慶元府市舶慶元降元方不屈死之

耿世安爲兩淮都撥發官迎元兵鏖戰身被七創猶能追殺收兵還至數里歿贈五官立忠武廟于淮安

丁黼成都制置使也與元兵力戰死于石筍街賜額立廟王孝忠爲鎮江前軍統制兼淮東路分戍淮陰楊貴叛孝忠率衆迎戰俄承軍統制朱信降賊孝忠力不敵死焉姜才濠州人貌短悍知兵善射騎爲通州副都統與元兵屢戰屢勝復守揚州元將使人招之才曰吾寧死豈作降將軍耶被執死之

蕭龍雷字顯辰新城人建昌降元與同里人黃巡檢起兵圖與復度勢不可支將奔入閩爲同安武人徐浚中獲送縣尹劉聖仲素與龍雷有怨殺之後聖仲于孤山見其神驚死

宋應龍以諮議官寓泰州元兵至裨校開門迎降應龍與其妻自縊園中

褚一正字粹翁廬州人武舉進士爲提刑諮議督戰高沙被創竟没于水知興化縣胡拱辰縣破亦死之

張鎰衡山人浚之後益王立詔天下勤王鎰起兵衡山得民兵數千與文天祥接應既而兵敗被執元參政崔斌欲降之鎰罵曰今日降而死何以見我祖魏國公于地

續文獻通考

卷之六十三

四十五

四百四十五

下斌今述起兵本末鎰奮斥罵千百言斌怒殺之

鄒鳳字鳳叔吉水人從文天祥勤王死事同死者泉州陳龍復廬陵劉子浚劉沐龍泉孫臬永新彭震龍蕭陶寧

都陳繼周蜀人張忬太平州步卒呂武安豐軍人輩信

太和蕭明誓丞相範從子杜沂閩人林琦溫州人徐臻

幕下書史蕭資職書司金應樂安何時賴州陳子敬何

陳二人隱竄不知所終

劉士昭太和人嘗爲鍼工與鄉人同謀復太和縣事敗血

指書帛曰生爲宋人死爲宋鬼赤心報國一死而已以

帛自縊死又有王仕敏者與士昭同謀而敗題其額曰

此生無復望生還一死都歸談笑間大地盡爲腥血汚

好收吾骨首陽山臨刑嘆曰恨吾失聲不能大罵

趙孟壘合州人爲金華尉臨安降與從子由鑑懷太皇太后書詣益王擢宗正寺簿監軍復明州戰不歸磔死

孟余福王與苗從子也元兵駐紹興余謀舉兵事泄執至

臨安范文虎詰其謀逆余詎曰賊臣召國恩共危社稷我帝室之胄欲一世宗社之耻乃更以爲逆乎文虎

怒驅出斬之過宋廟呼曰太祖太宗列聖之靈在天何

以使孟余至此都人莫不隕涕旣死雷電晝晦者久之

上官夔萬州守將也元兵圍城夔戰守甚力招之降不從

城陷巷戰而死

吳楚材名炎建昌南城人德祐元年建昌降明年春楚材

還其鄉領村糾集民兵攻城元兵三道蹶之奪其長梯

鐵鉤因進攻領村不得入事聞益王府元帥承制還楚材

材宣議郎帶令太社令知建昌軍俾聚軍圖再舉時江西制置使黃萬石匿其命楚材旣失利且乏援走光澤

爲人所執及其子應登以獻郡遣錄事婁良訊之曰何爲錯舉楚材抗聲曰不錯不錯如府錄所爲乃大錯

耳府錄受宋官爵今乃爲敵用事還思身上綠袍自何

而得吾一鄙儒特爲忠義所激爲國出力事雖不成正

不錯也南良媿而語塞後爲江西制置招討使斬其父子

傳首諸邑益王聞而哀之贈官朝奉郎卽邵武境上

立廟賜名忠勇

續文獻通考

卷之六十三

四十六

四百四十六

黃介字剛中分寧人德祐初率鄉兵爲保聚計北兵奄至

面中六矢不動復中十三矢倚柵而死妻劉被虜子用

中逃不死及壯求母十三年始獲人稱黃孝子

張珏字君玉鳳州人德祐初知重慶府守節不屈而死時

閬州守將楊大淵推官趙廣逢州守將張大悅運使施

擇善皆死節

趙立字德修重慶人德祐初爲大社令湖北提刑使趣蜀

諸將入衛不成自沈于水

周偉德祐間爲浮梁丞元兵起偉曰以守無城以戰無兵

奈何然受人之命而不爲其事非仁也食人之祿而不

死其難非勇也卒死之

續文獻通考

卷之六十三

四七

四七

趙與擇秀王嗣也德祐二年出鎮瑞安與守臣方洪同伏

節而死又有趙孟錦者襲元兵不克而死

徐道隆字伯謙武義人德祐初以江陵提點刑獄入援臨

安爲元兵所執與子同赴井死贈官賜諡厚恤其家立

廟吉安

洪福夏貴家僮也從貴積勞爲鎮巢雄江左軍統制江北

降福與子大淵大源復之貴降元招福不聽使從子往

福斬之後爲貴詭誘破城先戮其子次及福福大罵數

貴不忠請身南向死以明不背國也聞者流涕

高應松字實畝長樂人開慶元年進士官翰林權直德祐

末元兵至臨安應松不肯草降表後從弟舅至燕絕粒

不語越七日卒

陳奎安仁人益王卽位奎領江東安撫使師屯火焚山戰

潰復起兵敗于積烟山與弟年同死之

林空齊永福人失其名舉進士歷知縣解官家居益王立

張世傑圖泉州乃率鄉人黃必大劉全祖卽其家開忠

義局起義兵復永福值王積翁以福安送款約北兵屠

永福空齊乃盛服坐堂上嚙指血書壁曰生爲忠義臣

死爲忠義鬼俄見執不屈而死

李庭芝字祥甫由汴徙爲應山縣人恭帝時守揚州元水

圍揚久庭芝與指揮使姜才守禦益力及臨安既陷元

水以太皇太后手詔諭降庭芝登城謂使者曰奉詔守

續文獻通考

卷之六十三

四八

四八

城未聞以招諭降也及帝如瓜州太皇太后復賜庭芝

詔庭芝不答及夏貴以淮西降元水復遣貴降卒至城

下示庭芝庭芝曰吾惟一死而已使者復持詔招之庭

芝開壁納使者斬之焚其詔於壁已福州使至庭芝

與姜才將兵七千趨泰州元水驅庭芝妻子至壁下招

降會姜才疽發背不能戰泰州守將胡惟孝孫貴開門

納元兵庭芝赴蓮池中水淺不死遂與姜才俱就執元

水責其不降才曰不降者我也憤罵不已皆見殺揚民

聞者莫不泣下

徐應德字巨翁江山人爲太學生景炎元年蒙古伯顏入

臨安應德與其二男琦松一女元娘同登樓自焚諸僕

撲火救免乃同赴井死益王立贈秘閣修撰

黃俊為廣州推鋒將景炎元年蒙古軍入廣州俊死之

苗再成為直州守將景炎元年蒙古兵陷直州再成死之

趙時踐字容月宋末人僑居采石德祐間攝建平縣事元

人南下入縣提鼓禦敵勢窮與妻子僕妾九人赴溪潭

死焉

馬堃石昌人以六郡鎮撫使守咸淳府元將楊文安與堃

同里招降不聽既而城陷悉力巷戰死之

丘必明保昌人官韶州僉判德祐中元兵逼城下必明不

屈為敵所殺白血流地韶人哀其忠節立祠祀之

馬堅為靜江守將時阿里海牙克靜江府斷其首猶握拳

續文獻通考

卷之六十三

四九

四百三

京

奮起立踰時始什堅既死部將妻鈴轄等守月城求牛

米掠饑而降既得食之擁一火砲然之聲如雷震城皆

崩烟焰蔽天外兵多驚死者火息入視之灰燼無遺

黃文政淮人戍蜀軍潰間道走靜江馬堅邀與同守城破

文政被執大詬不屈元人斷其舌以次剗之文政含

胡叱咄叱死不絕聲

熊飛曾逢龍與元人戰於南雄敗績曾死之飛奔韶州元

人圍韶州守將劉自立以城降飛率兵巷戰敗赴水死

陳文龍字君貴興化人俊卿之後益王稱制時守興化被

執元兵欲降之文龍指其腹曰此皆節義文章也可相

逼耶卒不屈乃械送杭州文龍不食死

趙時賞張日中德祐二年元李恒襲文天祥於興國縣天

祥出走師潰於空院時賞日中皆死之

趙希洎宗室子居宜春德祐中以廣東轉運使勤王文天

祥兵敗與從子必向被囚俱不食而死

陳瓚文龍從子也守興化元唆都攻之瓚閉城拒守唆都

臨城諭之矢石雨下城破巷戰終日瓚車裂之

張德興淮安人景炎二年與淮西野人原寨劉源等起兵

興復司空山與黃州壽昌未幾元襲破司空山復陷壽

昌德興死之

劉伯文吉水人景炎二年伯文詣督府受文書結約遠近

為巡兵所執斬于袁市慷慨自引一不累人

續文獻通考

卷之六十三

五

四百四

京

陳學心安仁人歷官高州知府謝枋得起兵令守安仁元

兵至力戰而死時餘干張仁且亦率鄉兵應枋得力戰

而死

楊恕字仲如四明人篤學力行歷陞憲司知事宋祚將危

以忠義自勵不食數日赴菱塘而死

袁鏞字天與鄞人咸淳進士尚氣節元兵至鄞鏞往軍前

責以大義元將奇其才脅令降縱火燎之鬚髮盡不少

變遂死其日家人驚悼赴水死者十有七人

馬發知潮州景炎中蒙古兵陷潮州發死之

顏思立顏起巖鞠叔華聞文丞相開府于汀相結赴義後

元兵奄至三人同日死之

張烈良為河南制置使帝昺祥興元年起兵應厓山與元

阿里海牙戰敗死之海南州縣皆陷沒趙與裕亦死之

陸秀夫字君實塩城人以左丞相輔帝昺于崖州儼然如

治朝祥興二年元張弘範攻厓山張世傑兵潰秀夫奉

帝昺赴海死時丹徒茅相以秀夫薦授兵部侍郎亦同

死於海

高貴祥符人舉進士累官知高郵府扈從之海上擢樞密

使與陸秀夫同死厓山

彭呂泰和人文兵陷度呂不屈入廣從文丞相赴難死

蕭資吉水人文丞相幕下書史與元兵遇死之

吳希與安福人文丞相起兵與自以名通于督府後遇元

續文獻通考

卷之六十三

五十一

四〇二京

軍衆寡不敵一門三十口俱死之

伍隆起新會人三世仕宋末隆起率義兵從帝昺于厓

山與元將張弘範力戰不屈其麾下謝文子殺隆起降

弘範宋相陸秀夫惜之刻木為首以葬又募人執文子

戮以祭墓

孫奧文丞相之妹婿也丞相方擁兵出賴奧為叛者所陷

不屈死之

劉昂孫江陵人官翰林學士德祐初從二王至厓山陸秀

夫負王赴海死昂孫亦驅家屬並輜重沈海不死為元

兵所執榜掠無完膚一夕得脫卒蹈海死

劉洙廬陵人文丞相隣曲也兵敗被執至豫章與長子同

### 日被刑

張雲吉水人城降元雲不勝忿乃謀興復引所部夜襲元

營天明戰渴赴江飲水元軍衝擊之雲赴水死

趙孟濟以功知清江後元兵至城陷孟濟死之

張世傑范陽人以樞密副使越國公立衛王昺于厓山既

敗欲浮海再圖恢復颶風大作舟人欲抵厓世傑曰無

以為也為我取辦香來乃焚香祝天曰若天不欲復興

宋室則大風覆我舟舟遂覆世傑死之

汪繼宗歙人生淳祐間見國祚不競有恢復中原之志福

王與芮召見愛之妻以女宋亡自以受國恩不即死無

以見祖宗于地下遂不食而卒

續文獻通考

卷之六十三

五十一

四二六京

王用龍進賢人宋亡用龍誓不為異國民後為元鎮守兵

所獲碎甕器劇吃而死

謝君直名枋得號疊山信州弋陽人景定甲子江東漕闡

校文發策問權姦誤國趙氏必亡忤買似道貶興國軍

三年遇赦得還元兵南下郡城潰棄家入閩至元二十

三年御史程文海承旨留夢炎等交薦累召不赴二十

六年春正月福建行省叅知政事魏天佑復被詔旨集

守令成將迫促上道臨行以詩別常所往來者曰雪中

松栢愈青青扶植綱常在此行天下豈無龔勝潔人間

不獨伯夷清義高便覺生堪捨禮重方知死甚輕南八

男兒終不屈皇天上帝眼分明夏四月至京師不食死

年六十有四秋八月子定之奉柩歸葬門人誄而題之

曰文節先生謝公墓

家鉉翁眉州人宋末知建寧府兼福建轉運副使後簽書樞密院事元兵迫郊鉉翁獨不署降表宋亡旦夕哭泣不食飲者數月成宗即位放還賜號處士錫賚皆不受羅一理進賢人宋亡謝枋得爲江西招諭使一理偕弟起潛赴義被擒不屈皆腰斬弟臨刑謂一理曰今日得死所矣

文天祥吉水人宋右丞相少保信國公初元張弘範襲執

天祥於五坡嶺天祥吞腦子不死至潮陽見弘範左右命之拜天祥不屈崖山旣平弘範謂天祥曰國亡丞相

續文獻通考卷之六十五

五十三 三十八六京

忠孝盡矣能改心以事宋者事大元將不失爲宰相也天祥泣然出涕曰國亡不能救爲人臣者死有餘罪況敢逃其死而貳其心乎乃以天祥北去道經吉州痛恨不食八日猶生乃復食至燕館人供帳甚盛天祥不寢坐達旦遂移兵馬司設卒守之旣而丞相孛羅召見天祥入長揖欲使跪天祥不屈孛羅怒命囚於獄所作有正氣歌已而又召天祥於獄欲用之天祥固辭欲殺之不果後以中山狂人之變乃殺之

續文獻通考卷之六十三終

續文獻通考卷之六十四

皇明進士雲間王圻纂輯

節義考 忠臣三

遼

阿果達爲遼輦帳詳穩酌古爲客省使高清明爲勃海詳穩海里爲天雲軍詳穩聖宗開泰中同蕭排押等與高麗戰於茶陀二河遼兵失利阿果達等皆死之

撻烈哥爲國舅詳穩蕭打里爲官使聖宗統和四年與宋

戰于莫州皆死之

撻不野爲北路招討使道宗大安九年西北夷磨古斯僞降旣而乘虛來襲撻不野死之

續文獻通考卷之六十四

一 三十八五京

金

完顏部人太祖時從軍爲詐降人高永昌所執神色自若罵永昌曰汝叛君逆天今日殺我明日及汝矣罵不絕口死贈遙領節度使

特虎雅撻闡水人太祖時從軍以死捍遼兵没于陣皇統

間贈明威將軍

粘割韓奴皇統中以仗義將軍護衛招耶律大石降大石憤其不下馬且挾使跪韓奴不屈而死世宗贈昭義大

將軍

曹珪徐州人大定四年州人江志作亂珪子弼在賊黨中珪謀誅志并弼殺之詔以大義斌親進一官正班用之



溫迪罕蒲觀爲元者群牧使被賊執欲其同反曰吾世受國恩子姪皆仕宦不能從汝而累吾族也賊憐之子孫皆被害

鶴壽鄧王昂子五院部人老和尚率衆招鶴壽同反不從遂與二子俱見殺

訛里也契丹人大定初招諭契丹窩幹不屈節死褒贈納蘭綽赤威平路猛安人不從契丹括里招後被執縛殺之褒贈

魏全壽州人泰和六年爲宋將李璣所執至死罵不絕口都陽宗室子爲符寶祗候至寧元年爲亂臣紇石烈執中所害贈宣武將軍順天軍節度副使

續文獻通考

二

三、七十九

夾谷守中咸平人至寧末爲彰德軍節度使城陷爲下人所執欲其招降平涼守中僞許之至城反其辭交刃殺之贈資善大夫東京留守

王晦高平人有將帥才明昌初累官翰林學士勸農使順州受兵其故部曲王臻者欲說之降晦不從竟就死加贈其官命有司立碑歲致祭焉

石林元毅威平路人明昌中官彰德府治中奮力禦敵而死贈武信將軍

伯德梅和尚泰州人正隆時爲崇義軍節度使與敵拒戰而死贈龍虎衛上將軍

烏古孫兀屯上京路人貞祐中以元帥左監軍留守北京

後以兵入衛中都守定興軍敗而死

高守約字從簡遼陽人宣宗時爲觀州刺史元兵徇河朔不屈而死贈崇義軍節度使謚忠敬

和速嘉安禮字子敬大名路人宣宗時爲泰安州刺史被元兵執或以酒監對安禮曰我刺史何諱爲使跪不屈以戈撞其胷殺之贈泰定軍節度使謚堅貞

王維翰字之翰利州龍山人宣宗時爲定海軍節度使結營自守力窮被執不降死妻姚氏亦同死贈中奉大夫

姚氏芮國夫人謚貞潔

移刺古與涅宣宗時爲安化軍節度使與元兵力戰流矢連中其頰援去復中其頰死贈安遠大將軍

續文獻通考

三

三百八十一

宋辰宛平人宣宗時爲沁南軍節度使元兵至懷州城破死之

王祿爲泗州新城提控宣宗時宋人襲泗州祿死之

木甲法心宣宗時守密雲家屬在薊州者爲元兵所得示以不降則盡殺法心不顧城破而死贈開府儀同三司樞密副使封宿國公同死者咬查刺札合十方奴皆贈官仍命樹碑以時致祭

高錫字永之宣宗時爲河北東路按察轉運使城破自投城下而死

吳僧哥西南路部落人宣宗時以同知太原府事死于元兵贈鎮國上將軍順義軍節度使

蒲魯虎宣宗時爲陝州宣撫使元兵取潼關戍卒皆潰蒲魯虎獨禦戰兵敗死之

完顏訛可爲同州節度使宣宗與定時元兵取同州訛可死之

合納蒲刺都守潞州與定中元兵攻潞州刺都力戰死之贈御史大夫

烏古論德升益都人宣宗時以河東元帥不能完城自縊死其姑及妻皆自殺贈翰林學士承旨以奉御俸養其幼子兀里偉

張順淄州士伍宣宗時元兵圍淄州行省提控王庭玉將兵救之使順往覘爲所執使宣言行省兵敗宜速降順

續文獻通考

卷之六十四

四 三十八六 京

佯許之至則反其辭臨死曰得爲忠孝鬼足矣贈宣武將軍同知棣州防禦使事有司給養其親任用其子孫郭斌會州將也元兵圍會州城斌驅妻子入一室焚之已而自投火中死

馬驥禹城人宣宗時爲濟陰令爲元兵所執求金曰吾書生何從得是又使跪曰吾膝不能屈欲殺卽殺得爲大金鬼足矣遂死贈朝列大夫奉定軍節度副使

伯德家哥奚人宣宗時以東勝軍節度使死于元軍

與屯醜和尚宣宗時以代州經畧使被元兵執不屈死

完顏六斤中都人宣宗時以元帥右監軍守潞州與元人力戰而死贈御史大夫

女奚烈幹出宣宗時仕至植州刺史元兵至曰吾曹坐食官祿可忘國家恩乎誓力戰而死爲張提控所害

時茂先密州人紅襖賊據密州時過茂先所居村居民相率迎之茂先獨罵不迎賊執而殺之至死罵不絕詔贈武節將軍同知沂州防禦使

溫迪罕老兒爲同知上京留守事蒲鮮萬奴攻上京其子鉄哥生獲老兒脅之使降不從鉄哥怒亂斫而死贈龍虎衛上將軍婆速兵馬都總管

梁持勝字經甫宣宗時以保大軍節度使守鄆州城破自投崖下死贈特進知延安府事

紇石烈鶴壽河北西路人宣宗時行元帥府于鄆州城破

續文獻通考

卷之六十四

五 四十五 京

猶據土山力戰而死謚果勇

蒲察婁室東北路人宣宗時以孟州防禦使救鄆州死之贈資德大夫定國軍節度謚襄勇

任福爲汴城縣軍官宣宗時元兵下汴城福死之

馬甫爲潞州都統宣宗時元兵攻潞州甫死之

劉仲亨爲錦州元帥宣宗時元兵徇錦州仲亨死之

汝奚烈資祿咸平府人宣宗時以金安軍節度使救鄆州被執不降死贈銀青光祿大夫中京留守復錄其子

完顏訛出虎爲汾州節度使宣宗時元兵徇汾州訛出虎死之

郭用爲平陽提控宣宗時元兵攻平陽用死之

李革及從坦知平陽府事權參知政事行尚書省宣宗時元兵下平陽革及從坦死之

納合蒲刺爲潞州元帥右監軍王良臣爲都參議官脩起居注宣宗時元兵收潞州蒲刺及良臣死之

趙益太原人宣宗時爲太原同知城將破焚其府庫殺妻子投其符印于井遂自殺贈銀青榮祿大夫河東北路宣撫使求其子孫錄用

侯小叔河東縣人宣宗時以權元帥左都監守河中凡言降者皆斬之有表兄張先諷以保妻子侯卽縛先于柱而殺之後城破而死下詔褒贈

郭秀爲武州軍事判官宣宗時元兵下武州秀死之

續文獻通考

卷之六十四

六十三

元京

喬天翼爲合河縣令宣宗時元兵下合河天翼死之

烏古論仲溫爲鎮西軍節度使宣宗時元兵下嵐州仲溫死之

王佐字輔之霍州人宣宗時王沁州王女寨救襄垣中流矢卒贈金吾衛上將軍

黃摑九任臨潢人宣宗時知彰德府元兵至戰沒贈榮祿大夫南京留守仍錄用其子孫

王毅大興人以經義進上累官至東明令貞祐末東園急教率民兵願戰者數百人拒守城破率衆抗戰力窮被執縣人王八欲降之毅厲聲曰忠臣不佐二主驅殺者以刀斫其頸不屈而死

烏林荅乞住大名人宣宗時以元帥右都監援中都戰沒贈榮祿大夫參知政事以參政半俸給其家

陀蒲斜烈咸平路人宣宗時知彰德府事城破死之高霖東平人官兵部尚書參知政事中都留守兵亂死之

謚文簡

高憲遼東人爲博州防禦判官遼陽城破死于兵粘葛貞宣宗興定二年權元帥守晉安城破貞與府官十餘人皆死之

餘人皆死之

徒卑航宣宗時爲安州刺史元兵大至謂民曰我家兩世駙馬受國恩不可降民曰太守不屈我輩願同死守及城將危航先縊其妻孥謂家人曰我死卽撤屋焚之遂

續文獻通考

卷之六十四

七十三

元京

自縊民同死者甚衆

完顏陳和尚名暴字良佐宣州人宣宗時以忠孝軍統領戰于三峯山敗走鈞州城破殺掠稍定乃出自言曰我忠孝軍陳和尚也我死亂軍中人將謂我負國家今日明白死時欲其降斫足頸折不屈割口吻至耳嚙血而呼至死不絕大將義之酌以馬湏祝曰好男子他日再生當令我得之贈鎮南軍節度使塑像褒忠廟勒石紀其忠烈

伯德爲東勝州節度使宣宗時元兵徇東勝伯德不屈死之

移剌阿里合爲霍州刺史宣宗時元兵下好義堡阿里合

死之

楊沃衍朔州人爲北邊屯田小吏後守鈞州元兵使人誘降沃衍拔刀斫之曰我起身微賤蒙國大恩汝欲以此汚我耶遂語部曲後事望汴京再拜且哭曰無面目見朝廷惟一死耳卽自縊從死者十餘人

楊敏中淄州人故致仕屯留主簿宣宗時元兵取淄州與判官齊鷹揚郡民張乞驢等募兵備禦城陷率衆巷戰鷹揚戰死敏中乞驢被執不屈而死贈敏中同知橫海軍節度使乞驢同知淄州軍事

完顏承輝宗室也宣宗貞祐元年爲右丞相都元帥元人圍燕京承輝與抹撚盡忠期同死社稷盡忠不從承輝

續文獻通考

卷之六十四

八 軍事

乃辭家廟召左右司郎中趙思文謂之曰事勢至此惟有一死報國耳乃盡出財物給散家人仰藥死

興哥鳳翔人起于群盜人呼曰熱劉後于清化戰死元兵酌酒以吊西州耆老語之至爲泣下

烏古論黑漢以親軍入仕爲唐鄧元帥府把軍官哀宗時元兵攻急城中糧盡人相食黑漢殺其愛妾啖士士爭殺其妻子黑漢守益堅後爲宋軍所獲脅使降不屈死馬慶祥字瑞寧澤州人宣宗時守鳳翔命盡工肖其像付家人出城外殊死戰矢盡元兵圍之數匝欲降之竟不屈而死贈輔國上將軍恒州刺史諡忠愍凡同死者十有三人哀宗爲立褒忠廟仍錄其孤

陀滿胡土門字子秀策論進士也哀宗正大三年爲臨洮府總管城破被執誘之降不應使之跪不從以刀亂斫其膝頸終不屈遂殺之贈中京留守立像褒忠廟仍錄用其子孫

完顏愛申爲順德節度使哀宗正大四年元取順德愛申死之

草火訛可爲權簽樞密院事正大八年元取河中府訛可死之

姬汝作字欽之汝陽人哀宗時守汝州力戰而死

馬肩龍字舜臣宛平人哀宗時同守汝州晝夜二十戰力盡乃已肩龍以劒自剄詔各贈官配食褒忠廟

續文獻通考

卷之六十四

九 三 左 七 京

禹顯雁門人哀宗時權元帥府都監守襄垣軍內變城破被擒帥不忍加害既而密遁去將往從上黨公軍復爲

追兵所執不屈死

張邦憲秦州人正大中進士爲永固令天興二年避兵徐州被亂兵卓翼所執將驅之北罵曰我進士也朝廷用爲邑長可從汝曹反耶遂遇害

商衡字平叔曹州人哀宗時爲泰監總帥府經歷官爲元兵所得欲降之不屈望闕瞻拜曰主將無狀亡兵失利臣之罪責亦無所逃但以一死報國耳遂引佩刀自剄水甲脫魯灰上京人哀宗時以元帥屯商州大吉口將潼關兵入援至商山遇雪元兵邀擊之士卒凍餒不戰而

潰脫魯灰被執不屈拔佩刀自刎

吳邦傑登州判官也爲元兵所得驅令攻城邦傑曰吾荷國恩詎忍攻吾君之城與之酒食不顧乃被殺

楊達天字晉卿三原人嘗以進士王郛縣簿事家居金末詔徙入關爲元游騎所執將就太官之達夫大言曰我金國臣子旣爲汝所執不過一死忍袒裸以贖天日耶遂見殺南山潛伏之民皆曰如此好官他日祠之當作我橫山之神

烏林答咬住爲防禦使哀宗時元兵薄鄭州咬住死之

慶山奴守許州哀宗時許州兵變降元慶山奴死之

張若遇攝臨須令哀宗時元兵徇臨須若遇死之

續文獻通考

卷之六十四

十一

四十二

馮延登字子俊吉州人哀宗時以翰林學士奉國書至金金欲誘鳳翔帥不從再三迫誘以刀截去其鬚髯岸然不動乃監之豐州後放還權刑部尚書元兵下汴京欲擁之北行延登躍城旁井中死

烏古論仲端字子正哀宗時留守汴京數言人死亦易事以燕之春來秋去爲此書諭裴滿思忠既畢連飲數杯送思忠出門曰此別終天矣卽自經其妻亦從死明日崔立以城降

烏古孫奴申字道遠由譯史入官哀宗時以行省左右司郎中兼知官省事留汴京居守崔立作變明日同御史大夫裴滿阿虎帶自縊于臺中時同死者戶部尚書完

顏珠顆奉御完顏忙哥睦親府事吾古孫端大理裴滿德輝左副點檢完顏阿撒右副點檢溫敦阿里參政完顏奴申之子麻因左右司員外郎聶天驥

完顏褚兒都喜爲元帥哀宗時元擊大河南岸都喜死之蒲察琦字仁卿陽信人哀宗立講議所受陳言文字琦以安平都尉與焉崔立變後令改易巾髻琦謂元好問今日易巾髻在京人皆可琦獨不可琦一刑部譯史襲先兄世爵安忍作此今以一死付公然死則卽死付公一言亦刺矣其母夢三人潛伏梁間驚寤琦曰兒意在懸梁此鬼已先見母夢母曰兒所處是也卽自縊

蘇椿大名人以元帥守許州元兵至使招降椿卽斬之既續文獻通考

卷之六十四

十一

四十七

而城陷不屈被殺

完顏撒合輦爲中京留守哀宗開興元年元圍洛陽撒合輦赴水死

完顏賽不花爲行省右丞相天興二年徐州降于元賽不花死之

強伸爲中都留守天興初元兵取洛陽伸死之

蔡八兒不知所始哀宗末爲忠孝軍元帥哀宗禪位承麟群臣入賀八兒不拜謂所親曰事至于此有死而已安能更事一君遂戰死

毛佺恩州人哀宗遷蔡以佺爲都尉城破自縊時同死事有滑州閻忠感州郭乙河中王阿驢樊喬皆以職官戰

死

溫敦昌保皇太后之姪哀宗居燕以殿前左副點檢潛出城巡邏又潛取練江魚以供尚食與元人力戰而死納垣胡失打前爲御史監察聞其州城破勸其投水而死完顏忽斜虎爲尚書左丞哀宗天興三年孟珙入蔡州忽斜虎死之泰政字术魯小其室等及軍士五百餘人皆從死焉

完顏絳山哀宗之奉御哀宗傳位承麟卽自縊于幽蘭軒絳山舉火焚之元兵入衆皆逃絳山獨不去曰吾君終于是吾候火滅收瘞其骨耳兵笑曰汝命不能保能瘞而君耶絳山曰人各事其主吾君有天下十餘年身死社稷忍使其遺骸暴露耶吾瘞吾君之後雖寸斬不恨矣其帥奔逃稱奇男子聽之絳山乃以獎食裝餘燼瘞汝水旁再拜號哭將赴汝水死軍士救之得免後不知所終

聞忠滑州人衛王時爲開州刺史賽哥叛忠車騎入城縛之出哀宗遷蔡與義軍招撫毛城等同日戰死

畢資倫縉山人守泗州爲宋人所執宋人賞其忠憤不撓欲全活之囚于鎮江府獄哀宗自縊宋人告資倫資倫嘆曰吾無望矣容我一祭吾君乃降耳宋人爲屠牛羊設祭鎮江南岸資倫祭畢伏地大哭投江而死

吳禹錫利州龍山人歸德受兵禹錫爲行院都事經畫守


禦一府倚重聞變或勸以微服免不從遇害

郭蟬蝦會州人哀宗時知鳳翔府守節不屈而死王浩哀宗末爲扶溝令民錢大亨等執浩送款于元以有恩于民不忍加害遣所知勸之降終不聽於是殺之無血王薄劉坦尉宋乙並見害棄屍道傍日春也夏獨浩屍儼然如生目且不瞑鳥犬不敢近若有神護者

續文獻通考卷之六十四終

續文獻通考卷之六十四終

三



元

李伯溫守賢之孫毅之子也元初知平陽府爲金兵所破伯溫拔劍殺家屬投井中以刃植柱刺心而死子守正爲河東路兵馬都元帥兼知平陽府後亦爲金所執不降置鐵籠中火炙死

石珪新泰人朱石守道裔元初爲山東諸路都元帥與金戰馬什被擒蒸殺於市其麾下立社交州祀焉

董俊藁城人金末歸元以功累官左副元帥後圍金主于續文獻通考卷之六十五

歸德力戰而死封壽國公諡忠烈

攸哈剌拔都渤海人元初守太原誓與城共存亡遂死于陣

任志潞州人元初統元帥金擒其長子如山招之志親射其子死志後死于武安次子存亦爲金將武仙所殺

耶律忒末契丹人元初以河北西路安撫使致仕居真定爲金將武仙所陷因誘其子天祐以趙州降當活汝父

母忒末密令人語天祐曰母以我故虧臣節天祐乃殊死戰仙怒盡殺忒末家十八人後天祐亦傷憊卒

伯八兒合丹氏太祖時爲萬戶討脫鐵木兒死焉其子八刺居脫鐵木兒左右謀報父仇力窮被執逼令跪不屈

以鐵搗碎其膝終不跪與弟笑不蘭同被害

合刺普華岳懌帖木兒子也世宗時爲廣東都轉運鹽使護征交趾餉道遇劇賊歐鍾等被執欲奉之爲主不屈而死贈戶部尚書守忠全節功臣諡忠愍

石天應與中人木華黎投以興中府尹從南征臨敵應變捷出如神以功累遷兵馬都元帥屯河中金兵來攻天應力戰死之

蔡公直樂安人爲益都勸農官世祖召授領兵荆南等處招討使司事奉旨南伐有功後從伯顏戰洪水山追擊寇遠援兵不至公直與妻俱陷于瑗力戰而死

劉天孚字裕民大名人元世祖時知河中府爲叛臣阿思招兵至河中天孚極力拒守城陷被執斫河水開投水而死事聞贈官諡忠毅

李文爲權萬戶世祖中統三年斬縣陷文與千戶張好古死之

呂义故東平權萬戶中統四年以义死王事賜諡貞節關文興至元中陳昂眼作亂攻漳州文興帥兵與戰死之

妻王氏被掠義不受辱自投火中死元統二年事聞贈文興英毅侯妻王氏貞節夫人廟號雙節

鞏彥暉易州人代兄彥榮爲百夫長從攻宋次武昌大戰被傷度不免遂投水中敵援之載歸江州不屈而死

張懷德爲貴州知州成宗大德五年雲南土官宋隆濟反



攻貴州懷德與戰死之

董文彥爲威楚路知事文宗天曆間中慶守收孤叛引兵攻威楚文彥死之賜諡莊愍官其子時中爲祿豐主簿

褚君實石樓人泰定中官淮東憲訪副使汝穎盜起君實守淮安凡五年經數十百戰人比之張巡後城陷爲賊所屬

侯彥直雅州人仕爲忠翊校尉副千戶至元間王虎寇州彥直引兵力戰于名山縣二日兵少力弱爲賊所擒義不屈罵不絕被害

蕭景茂漳州龍溪人順帝至元間漳寇亂景茂率鄉人立續文獻通考卷之六十五

三八七京

柵堡險堅不可破會旁里有人導之從間道入景茂被執賊使拜不屈既欲脅之降景茂大罵賊遂縛之于樹刳其肉使自啖嚼且曰我食我肉無若汝賊行將萬段狗彘棄不食賊怒絕其舌而死

王伯顏字伯敬濱州霑化人至正九年知福寧州賊自邵武間道來逼乃募壯兵五萬與子相馳破之繼賊帥王善擁衆壓州西門伯顏與戰被執善欲其仍尹此州伯顏叱罵不屈遂挺頸受刃頭斷湧白液如乳暴屍數日不變復欲官相相亦罵賊死相之妻潘氏挈二女被獲亦罵賊母子俱死御史余闕以狀聞追封太原郡侯命立廟祀之

陳陽盈字子謙以父蔭累官侯官縣尉調泉州府稅課司

副使至正中卓寇攻州知州王伯顏檄陽盈率民兵拒敵奮不顧身陷于賊帥王善脅之使降陽盈執大義罵賊遇害事聞勅贈敦武校尉安溪縣尹旌表其門

張桓字彥威素城人爲西臺監察御史謝職居雄山縣城陷賊素聞公有活人績置公上座脅之使受偽官公唾罵之遂縛公妻奴九人至前先殺妾次殺子女及妻每殺一人則曰御史若降餘可免公罵如仇賊怒拽下殺之時至正十一年秋八月賊語曰張御史直鐵漢

星吉順天河西人爲江南行臺御史大夫至正十一年妖賊徐真一等起汝穎吉督兵討之屢有戰功後以糧盡續文獻通考卷之六十五

四一四六京

士疲被虜不食九日而死賊義之焚斬之鳳凰山下御史囑囑請褒其義贈上柱國追封咸寧王謚忠肅

柴肅襄陽總管至正間竹山賊寇襄陽肅等死之

泰不華爲台州路達魯花赤至正中死事追贈江浙平章謚忠介立廟台州賜額崇節

葉景仁字天德松溪人至正十二年由政和尉陞蒲城尹奉省檄討政和西里寨寇勝之後深入以援不繼爲賊所執斷其右膊大罵而死

劉天祐清江人紅巾寇起天祐結好義者謀誅之後爲賊所執罵不絕口而死

脫脫同知萍鄉州事至正壬辰斬黃紅巾寇起脫脫集義

一之父祖世爲國家臣子而爾忍爲盜耶既而賊勢復盛竟奪張去下今日有生得林教授者賞夢正匿他處搜得賊曰前日罵我者非爾耶夢正曰然賊曰降我則爾爲元帥夢正曰爾盜也我何爲降再三終不屈縛于樹下解衣冠而殺之

潮海札刺台氏爲靖安縣達魯花赤至正十二年斬黃賊起爲所執殺于富州子民安圖襲父職爲太孫達魯花赤迎戰力竭賊執而剛之時縣尹黃紹縣中進士胡斗元並罵賊而死

聶炳字蘊夫江夏人至正十二年知荊門州纔半歲而淮漢賊起陷荊門炳出募兵復之已而斬黃安陸之賊復

續文獻通考卷之六十五

六十四

來攻晝夜血戰援絕城陷被執炳極口罵不絕賊以刀扶其齒盡乃斷左臂而支解之未幾賊陷潛江縣達魯花赤明安達爾亦死之

桂完澤永嘉人爲平江管軍鎮撫與妻弟金德同爲賊所執縛于樹臨以白刃脅之降金德意未決完澤呼曰金舅男子漢即死不可聽賊德曰此言最是因大罵賊怒剖二人腹而死

丑閻字時中蒙古氏人至正十二年知安陸州斬賊魯法興犯安陸閻拒戰乘勝追之而賊自他門入城中火起軍民潰亂閻乃歸服朝服坐公堂賊脅以白刃使下拜不屈且怒罵賊酋不忍害明日又逼其從亂閻復叱之

賊以刀斫左臂斷而死其妻侯氏亦自縊死贈丑閻河南行省叅知政事侯氏寧夏郡夫人表曰雙節郭庸字允中蒙古氏監察御史累轉中書省叅政兼留守京師事城破大將召至衆叱之拜庸曰人各爲主死自吾分何拜之有遂遇害

梅實宣城人集慶路總管府照磨至正間大兵圍集慶之援乃謂友李端曰事急矣當以死殉國城陷閻門皆死馮三湖廣省公使也素不知書湖廣爲寇陷阜隸輩悉起爲盜拉三以從三辭曰賊名惡我勿爲賊賊怒將殺之三遂唾罵賊乃縛諸十字木昇之以行而刳其肉三益罵不止抵江上斷其喉委去妻隨三號泣俯拾封肉納

續文獻通考卷之六十五

七

四百九十九

布裙中侯賊遠收血骸脫衣裹之大泣投江死

劉濬字濟川興州人至正十三年爲連江縣寧善鄉巡檢與江西賊帥王善屢戰屢勝後中箭墮馬與仲子健俱被執濬執手大罵賊縛濬階下先斷手一指罵益罵再斫一指亦如之指且盡斫兩腕次及兩足濬色不少變罵猶不絕遂割其喉舌而死健亦以死拒賊義之縱使飲父屍後結死士報仇手斬殺父者張破四并擒善及寇首陳伯祥以獻磔之贈濬福建行省檢校官授健古田縣尹官爲濬立祠致祭

朶里不花字端甫蒙古人至正中拜江西行省叅知政事爲賊金榮所殺罵不絕口妻卜顏氏妻高麗氏皆遇害

野史台世延子也至正中以四川行省參政為賊所害贈官賜諡

陳君用字子才延平人至正中以權知副都元帥與紅巾賊戰于江中鎗而死贈官賜諡

李羅帖木兒字國賓高昌人至正中為襄陽路達魯花赤與賊戰被重創屢其姪馬哈失力使去曰吾以死報國汝無留此馬哈失力泣曰死生從叔父既而被賊執賊請同為逆字羅帖木兒怒罵之遂遇害馬哈失力亦死

彭庭堅字允誠瑞安人至正中以功陞同知福建道宜慰使司都元帥領邵武屢平賊有功以麾下萬戶岳煥縱卒為暴欲繩以法岳乘不備詐為賊兵突入眾皆潰庭

續文獻通考卷之五十五 八 四十四京

堅獨留不去遇害立祠祀之旁邑亦立祠封忠愍侯

陶起祖銅陵人元末兵起嘗募集義兵官至同知後為趙軍所執伏義而死

鄧可賢乳源人至正中郝寇圍乳源甚急可賢率若民并其子弟死守凡兩月糧盡奮身出戰被執與第七人皆

死若民無一人降者

魏中立字伯時濟南人至正間遷饒州路總管徐壽輝攻饒中立被執以紅衣被其體中立叱之鬚髯盡張賊執

歸斬水欲屈其從中立大罵不絕而死

湯自恩餘干人至正間斬賊項普陷饒被執不屈死省憲

聞于朝命致祭

崇卿鄱陽人仕無錫倉使張士誠入無錫被執誘以仕不屈死之贈樂平州判官

劉耕孫字存吾至正十五年官寧國路推官長鎗賊項南班等攻城時救兵遠來方疲而城恃有援不為備賊乃

夜四鼓緣堦而上城遂陷耕孫力戰遇害弟陶孫以常寧州儒學正死于常寧子碩以江夏縣舉湖大使起義

兵援茶陵亦死之

李齊字公平廣平人為高郵知府至正初張士誠復攻陷高郵齊被執不屈遇害贈翰林學士追封曹南郡公諡

忠烈

盛昭字克明歸德人由儒學官累遷淮南行省照磨遣人續文獻通考卷之五十五 九 四十七京

高郵諭張士誠士誠不聽拘諸丹中既而官軍逼高郵士誠授昭以兵使拒官軍昭叱曰吾奉命招諭汝之拘

留詔使罪不容斬又欲吾從汝為賊耶罵不絕口賊怒先剗其臂肉而後磔之

熊義山安鄉人累官至萬戶至正間倪文俊兵至執縣尹張惟和義山保障黃山一縣獲安越二年文俊襲執之

逼使連降義山罵不絕口文俊大怒剖其腹而死

王翁宣城管軍百戶至正十五年長鎗叛帥璫南班等攻郡城將陷翁呼弟曰我受國恩遇難當死顧老母在汝

等宜出避語訖即殺妻子焚其居自刎而死

朵兒只班為中興元帥至正十五年張士誠將倪文俊復

陷中興只班死之

鄭玉字子美歙縣人至正十七年 大明兵入徽州守將

要致之玉曰吾不得慷慨殺身以勵風俗猶當從容就

死以全節義遂夫婦同縊而死

張文貴宣城百戶至正十七年 天兵下寧國路守將出

降文貴劉死妻妾亦自殺

釋家訥爲膠萊守臣至正十七年劉福通遣毛貴攻膠萊

州訥死之

王士元字充佐恩州人至正十七年知磁州賊至州兵悉

散士元安坐堂上顧其子致微使避賊子不忍去賊欲

縛士元士元奮拳擊賊遂父子害之

續文獻通考 卷之六十五

十一 三十八 京

金普庵撒里字子仁高昌人至正中以功拜江西行省泰

政分省于蕭陳友諒來攻城陷自到諡曰徹哀哈海赤

守贛尤有功城陷之日謂賊曰不降者我爾無殺百姓

遂見殺

僧住守婺州至正十八年 大明取婺州住及浙東廉訪

使楊惠死之

余闕至正間爲淮安宣慰副使分治安慶屹然爲江淮保

障陳友諒攻城闕以孤軍血戰自刎墮清水塘中妻子

皆赴井死追贈幽國公諡忠宣

余闕合肥人元至順中累官浙東廉訪司僉事分守安慶

陳友諒陷安慶闕力戰死之妻耶律氏及子德生女福

童皆赴井死同時死者故守臣韓建一家皆被害事聞

贈闕淮南行省平章政事諡文忠 本朝諡文宣 命

有司立祠祀之

帖木補化蒙古氏也至正進士遷桐城縣達暮花赤時縣

已陷敵補化乃就郡中招集其避地之民諭告切至民

樂効勞守帥余闕擢爲都事城陷與闕同死懷寧尹陳

道夫亦闕所辟同闕死

張昇建陽人官至江西儒學提舉至正十八年陳友諒據

豫章追取諸司印昇乃投其印于井不食而死

劉以忠字恕夫湯陰人至正十八年劉福通侵河朔以忠

避地林縣鹿嶺山群盜襲之請以忠爲主擁坐盤石衆

續文獻通考 卷之六十五

十一 四十五 京

卒選拜于前以忠曰我書生也不能爲國討賊反附之

乎遂以頭觸石血流滿面賊度其志終不改刺殺之

于大本字德中密州人爲信州總管被賊執僞主釋其縛

昇僞印一組且命以官大本投印于地痛罵之遂遇害

普顏不花字希古蒙古氏至正十八年經畧江南至建寧

陳友諒遣將鄧克明來寇而諸將皆遁不花誓與城同

存亡卒大敗賊後爲山東宣慰使 大明兵壓境城陷

不花及總管胡濬知院張俊俱死之時普顏不花二弟

之妻各抱幼子及婢妾溺舍南井死不花妻阿魯其欲

下而井填咽不可容乃抱子投舍北井其女及妾女孫

女皆隨溺焉時有申榮者平章山東行省守東昌告父

忠孝不能兩全遂自經

董博霄字孟起磁州人官山東宣慰使都元帥有疾其功者譜于總兵太尉紐的該令博霄從上關溪同征益都博霄曰我去濟南必失請以弟昂霄代領其衆朝廷從之博霄遂率兵北行至南皮縣魏家庄營壘猶未完而毛貴兵至諸將謂博霄曰賊至當何如霄曰以死報國因授劔督兵以戰而賊兵突至執博霄殺之是日濟南陷昂霄亦死事聞追封博霄魏國公謚忠定昂霄隴西郡侯賜謚忠毅

伯顏前江西廉訪僉事至正十八年伯顏謀起兵討賊不克而死事聞謚文節

續文獻通考

卷之六十五

主

四、廿一京

彭敬叔爲河北倉憲致仕歸道遇兵亂執之使拜不屈死之贈兵部尚書隴西侯

喬彞字仲常晉寧人至正十八年賊襲晉寧城陷彞整衣冠聚妻子坐大井上令妻子婢循次投井而已隨之贈臨汾縣尹謚純潔時有張巖起字傳霖汾州人以國子助教與妻赴井死王佐字元輔晉寧人教授里巷詬賊不較而死吳德新字止善建昌人工醫往寧夏爲賊所執誓不從賊乃縛其兩手加白刃頸上迫其畏屈德新罵不已乃曳之井上陽欲擠之而德新即自投井中仰罵賊賊射矢貫其頂罵益力賊以長鎗刺之然亦壯其志憐其死曰此真丈夫也以土埋井而去

王英字邦傑益都人性剛果有大節以平寇功拜懷遠大將軍至正間毛貴陷益都英曰吾老不能報天子尚忍食異姓之粟以求生乎遂餓而死

張名德爲般陽總管至正間毛貴攻般陽名德死節贈河南行省左丞謚忠襄

張輔爲陵川尹至正間山東寇亂突入陵川逼輔使降輔抗節不屈具公服坐廳事爲賊所害

張俊山東行樞密院知院大明兵攻益都悉力拒守城陷携妻子投井死

張士謙樂安人知婺源州事敵兵至踰五十餘日城陷被執先戮其妻仍加刃于頸以脅之士謙曰吾爲國死忠

續文獻通考

卷之六十五

主

三、十三京

豈畏死耶至死罵詈不絕追封清河郡伯

張祖信爲山東臺幕至正間毛貴入山東祖信被執不屈而死贈河南省員外郎

脫歡簽書樞密院監膠州至正間毛貴陷膠州脫歡力戰死之

神保北庭人至正間爲林州達魯花赤會劉福通兵陷林州神保與民避守蟻尖寨攻急神保懷其所授白麻投崖而死

鄧椿吉水人爲臨江府吏爲漢陷臨江率廬陵義士千百偕萬夫長楊獻與賊大戰三月丘潰投江死

蕭生吉水人爲建州儒學正用辟爲叅謀爲漢陷廬陵泰

政金子仁遁去蕭生赴井死

呂震爲懿州總管至正十九年關先生等兵陷遼陽震死之贈河南左永東平公

張正蒙暨妻韓氏至正十九年紹興兵變夫婦俱縊死女也奴年十七亦投崖而死

姜碩樂安人由相府掾累官禮部員外郎至正二十年奉詔招安陳友諒等賊不從碩大罵遂遇害事聞詔嘉其烈不徑不實以偷生惟忠惟孝之在念贈禮部侍郎諡忠烈

劉玄謨爲弋陽知州至正二十一年寇兵逼州玄謨力拒十九日衆皆欲其降大罵曰吾雖死當殺此賊援兵不

續文獻通考卷之六十五

十四 十六 六 京

至城陷罵賊而死

顏瑜字德潤曲阜人顏子五十七代孫爲鄒及曲陽兩縣教諭至正間田豐起山東瑜携家走鄆城道遇賊爲所

執使見主帥瑜罵曰賊何主帥使之寫旗大詬曰我腕可斷豈能爲旗從逆賊以鎗刺之而死妻子皆遇害

變理翰爲雲南儒學提舉至正二十三年明玉珍寇雲南城陷理翰死之

朵耳爲宣政院使至正二十三年大明兵取福州朵耳死之

齊邵博興人爲山東西道宣慰司僉事至正中大明兵取益都齊邵死之贈汝南伯

陳元善龍溪人世以儒名家至正二十七年海埔逃兵作亂渠魁薛陽以元善素行孚于鄉里欲先脅之以爲民望元善罵曰吾所畏者義不畏者死汝賊豈能久生耶與其妻郭氏及三子皆遇害

楊居仁爲開化尹銑兵陷治伏義不屈罵賊而死

迭里彌實字子初回回人初爲漳州路達魯花赤大明

兵下福州興化泉州皆納款迭里彌實仰天嘆曰有死而已及聞招諭使者至乃具公服北面再拜引斧斫其

印文又大書手版曰大元臣子卽端坐拔所佩刀刺喉

中以死旣死而手猶執刀按膝儼然如生時有獲獨步丁者回回人官僉廣東廉訪使有呂復者爲江西行省

續文獻通考卷之六十五

十五

四百三十八

左右司都事皆閒居寓福州而復以行省命攝長樂縣

尹福州旣下二人皆死獲獨步丁兄曰穆魯丁官建康曰海魯丁官信州先是亦皆死國難云

栢帖穆爾字君壽蒙古人累遷福建行省郎中大明兵

至福州召引妻妾坐樓上謂曰丈夫死國婦人死夫義也今城且陷吾必死若等能吾從乎皆應曰有死而已

縊而死者六人有十歲女度其不能自死給之拜卽擊囊米壓之死僅匿三歲兒以全宗祀追兵入城卽舉燈

自燃死

陳端孫字伯都登武舉首選出鎮福清時陳友定勒兵侵州境端孫率衆拒之中流矢墜馬被執友定背之使從

端孫憤罵曰我家三世事元今從汝反耶友定怒殺之其妻孫氏抱幼女投井死

卜顏帖木兒爲知樞密事至正二十八年 大明兵至通

州帖木兒力戰死之八月克燕京淮王帖木兒不華丞相慶童左丞丁敬可大都路總管郭允中皆死之

黃復圭安仁人至正兵起圭陷賊庭爲詩寫志賊怒將剖其腹圭曰腹可剖赤心不可剖遂死之

鐵木兒不花以副都元帥鎮婺源時所在寇亂戰無虛日戊戌春敵兵東下夫人披甲突陣而前謂元帥曰事至此有死無二督戰益力夫婦俱死

高文鼎爲廣東元帥至正間三山寇攻廣城文鼎力拒幾

續文獻通考卷之六十五 七十六 四十三 京

一年援兵不至城陷遂自刎一家皆死

卜里牙敦北庭人至正中爲山南廉訪使寇犯中興與戰被執不屈而死明日中興判官上都復與戰而東門失

守倉皇反關力屈被執使降上都大罵賊怒剗其腹剖其肉而死

塔不台字彥暉不知何所人至正中爲襄陽錄事同達魯花赤餉魏王軍于汝亳俱爲賊執魏王拜乞活塔不台

以足蹴曰猶欲活乎賊屈其拜塔不台拒而詬之且與縛者角遂支解

韓因字可宗汴梁人至正中應詔授唐州判官招群盜降賊黨止因于外納詔不讀詰問再三因答以恩宥寬大

禍福所係甚切不聽乃縱因歸報因出乘馬周城屯大言曰汝輩好百姓何不出降歸田而甘從逆賊賊渠追因寸割之

卜琛大名入至正中以國子生丁母憂治農于家鄰郡盜起來標掠琛與從子小十等協謀統丁壯擊賊勢不敵爲賊所執罵賊死之

趙璉字伯器潁川人宏偉之孫也至正中淮南江北行省叅知政事爲張士誠所執瞋目大罵而死弟琬字德仲仕至台州路總管至正二十七年方國瑛以丹挾琬至黃巖琬潛登白龍與舍于民家絕粒不食七日而死

孫搗字士謙曹州人至正初進士授濟寧路錄事張士誠

續文獻通考卷之六十五 七十七 四十九 京

以高郵叛使搗爲馬兒招降士誠拘之肆其凌辱搗不恤也後謀復高郵事泄罵聲不絕竟爲所害追封南郡公謚忠烈厚恤其家

布景龍新都人舉進士授益涼州同知時李頗驢來寇舉義兵拒之力戰終日矢盡而死

石普字元周徐州人至正中以樞密院都事從長官守淮安欲取高郵城而忌嫉者多不得盡行其志遂爲賊鎗所中猶手握鎗斫賊賊攢鎗以刺與從者皆力戰死之

周鏜字以聲瀏陽州人至正中爲四川行省儒學提舉便道還家無何盜至欲推鏜爲主鏜瞋目厲聲大罵賊乃殺之時同縣有謝一魯字至道嘗舉進士爲石林書院



山長賊陷潭州爲所縛罵賊甚厲舉家咸遇害

姜天祐吉水人至正間盜起與賊力戰賊勢大盛竟死于賊雖死罵不絕口

李鉉字伯昂衛縣人至正間兄鈞字伯衡者累功至懷遠

大將軍郅復上萬戶府副萬戶討寨寇于清流而殲鉉

襲職守延平與寨寇戰于政和泗州橋弗克遂死之事

聞追贈鎮國上將軍江東道都元帥護軍隴西郡侯

樊復字明仲進賢人至正間寇攻北山與弟文仲姪用行

死之贈明仲進賢尹文仲臨川丞用行崇仁簿

雷燦鄉貢進士至正中閩中亂燦起兵助王師死之贈汀

州路上杭縣主簿

續文獻通考

卷之六十五

七

四〇八

納速刺丁字士瞻大名人爲淮東廉訪司書吏至正間李

連入據興化納速刺丁力戰不勝與其三子寶童等皆

死之贈淮東元帥府經歷

陳無咎永豐人值兵亂叛寇強之從無咎曰相從可矣乞

與我紙筆乃大書一詩與寇寇怒拔其舌剗其腹含糊

罵不絕口而死

韓心淵武安人以文學徵入國子監至正間任衡水縣尹

以德化民蝗不入境調真定縣尹會掃地王作亂心淵

與子拒守城陷父子俱死之

張遠永豐人元季盜起汚陽所過殺掠遠與友羅惟遠謀

督郡兵禦寇寇知其謀被執俱不屈死之

許則祖樂平人至正間亂兵四起則祖倡義兵恢復德興

縣後屢戰勝一日追賊馬陷泥中遇害謚忠顯

楊本嚴廬陵人白鹿書院山長元季兵起至吉本嚴率民

兵保障遷廬陵主簿往捕東固寇盜乘勢深入本嚴死

之子節聞父死力與寇敵亦死

閔本字宗先河內人始爲御史臺掾五轉爲吏部尚書移

刑工二部皆以能稱嘗上章乞謝事不允詔授集賢侍

講學士大明兵薄京城乃北向再拜大書其職銜姓

名于壁與妻程氏及二女皆縊死

邢飛翰霍州人以兩淮鹽運司同知致仕元末兵亂被執

不屈而死追封工部尚書謚忠義

續文獻通考

卷之六十五

二

四〇九

馮文舉什邡人舉進士爲雲南儒學正提舉大明兵攻

雲南文舉謂妻馬氏曰我元進士蒙厚恩今軍至有死

無二汝光州馬中丞子孫其從之乎馬氏曰官人既去

生亦何益遂皆自縊

胡濬爲益都路總管大明兵攻其城自縊死時山東宣

慰副使于德文僉山東宣慰司事齊都皆死之

拜任字聞善康里人爲太子司經大明兵至赴井而死

王遜志歷官監察御史出爲江西廉訪副使召簽太常禮

院元末京城不守公卿爭出降遜志獨家居衣冠而坐

其友王翼來告曰新朝寬大盍出詣官自言狀遜志

斥之曰君既自不忠又誘人爲不義耶即日投井死

趙弘毅字仁卿晉州人爲國史編脩官 大明兵入城弘

毅嘆曰我今但有一死報國耳乃與妻解氏皆自縊其

子恭爲中書管勾亦與妻訣曰吾父母俱死尚敢愛生

乎遂公服北面再拜縊死

黃得字殷士金谿人仕至翰林待制兼國子編脩京城既

破得赴井死

孔會心新淦人元末守臣不屈赴水死贈恭軍都錄事

陳祖仁字子山汴人至正初進士第一官翰林學士除參

知政事及順帝北遁祖仁死焉時年五十有五

朱春元末爲三原尹洪武二年 天兵克城春與妻俱投

崖死

續文獻通考卷之六十五

王

三六六

王翰字用文廬州人任福建江西行省郎中後表授潮州

總管元亡屏居永福山中 洪武中或上書薦之 命

下乃嘆曰女可更適哉遂爲詩別其友即自引決

吳訥休寧人至正末以召授建德路判官兼民兵萬戶與

元帥李克魯攻城復之丁酉 天兵臨郡訥戰敗不屈

自刎而死

潘炎字光大扶溝人舉進士再遷襄城縣尹免官歸賊將

劉太保陷扶溝遣人辟之爲學士炎罵曰我豈從賊者

耶以首觸庭柱而死

高傳字起巖謙曾孫爲林州團練萬戶赴調遇盜邏卒且

戰且行盜率大衆突擊傳疋馬挾勁弓射無不中盜憚

不敢前援兵不至盜復合攻誘使降傳厲聲大罵力戰而死

董成夫以軍功授察罕腦兒宣慰使司宣慰使胡寇犯邊

沒于王事贈中大夫樞密院副使謚忠烈命配食廟庭

羅次炳廬陵秀川人以征連爲寇所敗被擒備極慘酷竟

不屈而死贈番禺縣主簿

馬哈麻回回人討政和夷兵入寇馬哈麻率鄉兵拒戰弗

利被執瞋目罵賊賊怒剖其腹腸出委地猶罵不絕口

昔里吉思爲鳳翔兵馬判官死國事贈輔國上將軍恒州

刺史廟號褒忠

張鳳儀紹州路經歷領孤軍追賊兵潰不屈死于萬里覆

續文獻通考卷之六十五

王

四四七

賊首張韶卿剖胃劈肝生啖之尋補父官亦死于贛寇

李宗可有勇略善禦衆余闕嘗以兄女妻之以州判官權義

兵萬戶統新軍守水砦前後多戰功城破人勸之降怒

曰元帥平日遇我厚我負元帥異日何以見于地下驅

其家屬盡殺之據胡床縱飲至醉自刎

楊樸字文素河南人早以文學得推擇爲吏官至滁州全

椒縣尹盜入城樸度必死盡殺其妻女朝服坐堂上盜

欲降之樸指妻女示曰我已戕吾屬政欲死官守耳乃

連唾之賊繫之倒懸樹上而割其肉至盡猶大罵不絕

毛鐸南昌人署爲富州學正時土賊李明道據州治者爲

從事鐸罵不絕遂遇害

祝典可寧州人世業儒與寇吳娘子等戰敗被執罵不輟口而死

堵簡金壇人元末平章慶童領兵復松江簡爲參謀兵敗爲賊所擒欲留用之不屈而死

喜同河西人調南陽縣達魯花赤賊陷南陽突圍而死妻邢氏聞同死帥家僮數人出走遇賊奪刀斫之且罵且前亦見殺一家死者二十餘人

陳新泰和人以新淦州判居家監州達正道聞其賢辟守州之東境寇至援少食盡被執抗節不屈死之

李蕭字子敬安福人知信豐時兵起父子俱死于賊邑人立雙節祠祀之

續文獻通考

卷之六十五

三

二百九十六

朴賽因不花字德中合台人爲中書政事兵至被執請速死殺之

張庸字存中溫州人爲刑部尚書仍領房山團結兵至寨民李世傑執庸出降不屈而死

丁好禮字敬可真定蠡州人官中書平章政事留守京師天兵至不肯謁大將軍昇至齊化門抗辭不屈而死

牛富霍丘人勇而知義爲侍衛馬軍司統制戍襄陽移守樊城累戰不少衄城破率死士百人巷戰遇民居燒絕街道以頭觸柱赴火死贈靜江軍節度謚忠烈裨將王福曰將軍死國事豈宜獨生亦赴火死

李黼隸州人父守中爲元工部尚書泰定中以明經魁累

官宣文閣監書博士兼經筵官數與勸講至正中江南寇起出守江州路總管捍賊有功詔爲行省參政賊大至城陷巷戰叱曰殺我無殺百姓與從子秉昭皆罵賊而死謚忠文兄冕居頴亦死于賊

曹彥可亳州人至正間妖賊起里中皆不知書者群趨彥可家以刀斧逼之寫旗彥可唾曰我儒者知有君父寧死耳豈爲汝寫旗者耶遂遇害事聞謚節愍

趙觀光鄞人以博士弟子員得推擇試吏奉化州尋遷昌國至正十年黃岩寇起昌國孤懸觀光招諭有方不援事集明年寇衆數倍力不支遂死焉

郭嘉開州濮陽人祖昂父惠俱以戰功顯嘉有大志舉泰定進士累官禮部員外郎至正十八年遼陽騷動特授

續文獻通考

卷之六十五

三

二百九十七

康寧路總管既至賊勢日張孤城無援賊遣使脅之降嘉殺其使開門督戰力竭死之詔謚忠烈

周宏遷安人元時爲無極寧昌昌黎三縣尹在昌黎時程思忠作亂宏率其民赴永平城拒守城陷被執宏不屈七日不食罵不絕口而死

福壽江南行臺御史大夫 本朝兵圍集慶福壽數督兵出戰城破有司皆奔潰或勸之去福壽曰吾爲國家重臣城存則生城破則死尚安往哉遂遇害

胡善至正間爲松江府學訓導苗賊陷松江欲毀孔廟善罵賊遂被害初善聞賊至卽以死節自誓題詩于壁曰

領檄來司教臨危要致身

劉溶武進縣尹至正末寇兵陷常州官軍潰散溶獨率民

兵戰于葛橋南死之

石林宜孫元副都元帥守處州 本朝獲其弟及母以書

招宜孫不至遁入建寧復出與 王師戰敗走死于桃

坑 朝廷嘉其盡忠遣使諭祭州民立祠祀之

俞述祖象山人累官翰林國史院編脩出爲沔陽府推官

至正中斲黃賊迫州境述祖以民兵捍禦兵力不支城

陷爲賊所執械至僞主徐壽輝所誘使降述祖罵不輟

賊怒支解之贈禮部郎中象山縣男

楊乘字文載濱州人負氣博涉經史累官浙省員外郎主

續文獻通考

卷之六十五

三

三十五

正壬辰杭州陷非罪被黜依青龍章元澤以居丙申松

江陷或傳張氏將起乘笑曰吾豈事二姓使果至乘知

不免以家事屬章具禮享先祠畢設飲起行後園中顧

西日晴好慨然曰晚節如是足矣處置家事如平日夜

分就寢遂自縊遺書言死生如晝夜不足介意且以得

全臣節爲快云

續文獻通考卷之六十六

皇明進士雲間王圻纂輯

節義考 忠臣五

皇明洪武死事諸臣

花雲懷遠人洪武庚子閏五月僞漢陳友諒陷太平雲爲

行樞密院判被縛雲奮身大呼縛盡裂奪刀殺賊五六

人賊衆執雲縛於舟檣射之雲罵賊至死不變

張德勝合肥人洪武初陳友諒襲金陵戰死追封蔡國公

謚忠毅

耿再成五河人洪武初以院判爲苗將李祐之賀仁德等

所獲罵賊被害

續文獻通考

卷之六十六

三十五

趙德勝洪武初以平章爲陳友諒圍南昌效死時知府葉

琛皆以守城死千戶張子明軍士捨命王以使事死

韓成虹縣人洪武初以爲帳前總制都指揮時 高廟及

陳友諒大戰于鄱陽湖事急成假 高廟冠服赴水死

賊遂退時戰死者樞密院判丁普郎院判張志雄總軍

元帥宋貴陳兆先副元帥俞永昌文貴王勝李信萬戶

程國勝千戶姜潤鎮撫傅信等凡三十六人

俞通海吳元年爲平章征張士誠中流矢卒

康茂才吳三年從征漢中戰死

廖永安吳三年爲平章征姑蘇以守節死時指揮茅成亦

攻張士誠于姑蘇妻門左脅中箭死

卷之六十五

濮真洪武十年征高麗被執不屈死之

孫興祖洪武三年兵次三不刺川遇胡兵力戰死于五郎口

曹良臣洪武中封宣寧侯五年六月追虜至土刺河戰死

時指揮周顯常榮張耀俱戰歿

童存道洪武中指揮五年七月遇虜于斷頭山戰死

濮英中軍都督僉事洪武二十年殿大軍還道爲虜所執自剖腹而死

黃政洪武中僉都御史二十二年五月從征雲南還次普

安遇寇與其子死皆死之

王鼎儀真人趙忠之養子忠戰沒襲其職復姓王守太平

續文獻通考卷之六十六

陳友諒攻太平力戰死之追封太原侯

朱顯忠如皋人嘗爲張士誠將守松江洪武初以城降從

征有功授濠梁衛指揮僉事調守文州會西寇攻城顯

忠力戰死贈鎮國將軍都指揮使

周顯合肥人陸驍騎左衛指揮洪武中從副將軍李文忠

進兵阿魯渾河與虜戰沒迎柩賜葬

徐明合肥人國初爲百戶陳友諒攻洪都之新城門從

指揮薛顯開門突戰被執死之追封合肥男

桑世傑無爲人爲樞密院判攻張士誠奮戈誓必克其城

躍馬陷陣遂死之追封永義侯

王愷當塗人天兵克衢州命兼總制及胡大海爲行

省恭政愷爲郎中吳將呂珍決諸暨堰水灌城大海奪

堰水濯珍珍勢感誓解兵愷曰彼狡謀勿聽大海不忍

食言竟引還珍果敗盟大海及愷俱被害追封愷當塗

縣男

王禕義烏人累官至翰林待制兼國史編修奉命使雲

南爲梁王祀都所害正統間贈翰林學士諡忠文

胡深龍泉人本朝師至處州卽迎見曰吾所以爲此者

欲郡邑之民安耳召至京擢浙東郎中總制處州以征

福建陳友定遇害追封縉雲伯

葉琛麗水人歸附本朝授營田司僉事守洪都寇陷城

琛遇害追封南陽郡侯

續文獻通考卷之六十六

劉廣羅田人洪武中以軍功爲指揮僉事守永平胡騎入

寇廣率四十餘騎與遇于城北力戰死之事聞賜其

家楮幣以葬

劉林涼州衛百戶衛之西北五里有寶融臺洪武初土官

也先帖木兒叛涼州境林力戰死土臺旁上嘉其忠

遣祭臺下人遂改名劉林臺

關敏南海人本朝師下全城歸附授巡檢後爲餘寇攻

陷死之舉家二十口皆被害事聞贈兵馬副指揮命

有司立廟歲祭

年魯青州府莒州同知洪武初青州民孫古朴等聚衆爲

亂襲莒州執魯欲脅其降魯叱曰今民皆安魯泣革何

爲自取夷戮卽悔過自新猶可轉禍爲福不然官軍至汝輩寧有遺種乎我守土臣有死而已所可惜者良民也賊未敢加害擁至城南鄒家庄曾大罵賊遂殺之事聞 命厚恤其家

張文煥洪武中爲白洋鎮巡檢與胡寇戰死其妻聞之亦同日死一子貧不能自存召養于京給以父俸

鄧瑜洪武間濟南衛指揮同知將率軍士從征囑其妻曰

我爲人臣當盡死節汝爲人婦能盡貞節乎胡氏許諾

瑜竟歿于陣胡氏亦守節不渝旌表

曾萬中吉水人元季爲千夫長江右大亂萬中與弟粹中

保障鄉里歸 本朝還守吉安兵至走京師乞援授萬

廣文獻通考 卷之六十六

四

中江省叅知政事弟粹中親軍指揮使後城陷兄弟皆

戰死

于光都昌人從 本朝征九江戰鄱陽降武昌皆有功累

官鷹揚衛指揮使移守肇州王保保襲蘭州光帥兵往

援猝遇敵戰敗被執使呼蘭州降光大呼曰公等堅守

大軍至矣敵怒遂遇害 詔配享功臣廟

許瑗樂平人曾試不第放浪吳越間 本朝初求賢瑗與

宋濂同赴召奏對稱 旨授博士留帷幄中叅預謀議

尋 命知太平府瑗至勵士卒修城池撫黎庶陳友諒

攻太平拒守彌月城陷被執不屈死之追封高陽郡侯

張子明 國初爲千戶從大將守洪都陳友諒來攻子明

游出詣京師請優兵旣還爲友諒所獲使誘城降子明偽許之至城下大呼曰大軍且至宜固守以待友諒怒殺之事聞追封忠節侯

孫炎句容人長身跛一足博學善辯論長于歌詩 本朝

初建請延攬英才以圖大業從征浙東以功授處州總

制後爲賊執脅使降炎大罵不屈賊怒拔刀叱解衣炎

曰此紫綺裘 君所賜者我當服之以死遂被害追封

丹陽男

皇甫斌壽州人任遼海衛指揮同知爲人勇有智畧遇警

急不避險艱身先士卒適虜寇犯邊領軍禦之至密城

東峪與寇遇交戰自旦及晡斌氣愈銳戰愈力以矢盡

廣文獻通考 卷之六十六

五

死于弼從戰以身衛父亦死事聞 詔褒恤之

建文死事諸臣

郭資建文元年秋七月癸酉 成祖兵起布政郭資都指

揮張信謝貴侍郎張昺長史葛誠伴讀余逢辰俱不屈

死之

莊得建文初爲都指揮隸宋忠麾下懷來之敗惟得一軍

獲全盛庸戰夾河得力戰助庸斬譚淵已而北兵乘暮

掩擊得力戰以死

陳質建文初充叅將守大同靖難兵至懷來質以師助朱

忠忠敗退守大同後被執不屈死

楚智洪武中都指揮建文初從李景隆禦靖難兵死于夾

河之役

皂旗張係都指揮力挽千斤建文中禦北兵轉戰山東屢有俘馘至夾河力戰死猶執皂旗不仆軍中皆異之

崇剛揚州衛指揮使靖難兵至城下悉力固守為城中懷貳心者所縛以不屈死

宋瑄鄆國公宋晟子也建文中以指揮禦北兵有功靈壁之戰躍馬先登斬首數級已酉諸營兵敗瑄尤格鬪力屈死之

曾濬薊州衛鎮撫建文中與馬宣守州城靖難兵攻之不克為張玉所執不屈死

姚善安陸人洪武末守蘇州時稱大治為列郡最靖難兵

續文獻通考

卷之六十六

六

三十七

原

至抗大義以死

練子寧新淦人洪武乙丑對大廷極言朝失無忌避太祖嘉之擢第二自少以名節自砥礪建文初拜吏

部侍郎多所建白尋改都御史靖難兵起廷斥李景

隆賣國秘謀後以不屈族誅姻戚被逮論死者百五十

一人戍遠方者數百人

鐵鉉鄧州人初為五軍斷事奏對詳明太祖嘉之每法

司有疑獄久不能決者屬鉉片時而剖尋擢山東叅政靖難兵至城圍月餘不下每以計窘文皇知不能克

乃棄去後登極擒至令一顧不可得去其耳鼻亦不

顧碎分其體死尚屬聲喃喃不絕

方孝孺寧海人讀書務精思力踐擔荷綱常羽儀斯文士

類推服建文君倚重之靖難兵入以衰絰哭

草詔抗拒不從被戮夷三族死者八百四十七人時

溧水人刑部尚書魏澤謫寧海典史悉力保護以故方

氏有遺育謝文肅公謂孫枝一葉澤之力也後過孝孺

故居為詩悲悼云笏與衝雨過侯城撫景令人感慨生

黃鳥向人空百嚙青猿墮淚只三聲山中自可全高節

天下難居是盛名却憶令威千載後重歸華表不勝情

高巍遼州人宕軼負氣建文初藩檄未作疏論時政借

漢為喻欲定經制極數千餘言及靖難兵起願使燕軍

上書亦極數千餘言陳說大義慷慨不顧危禍書再上

續文獻通考

卷之六十六

七

四十八

原

不報文皇臨御自縊驛舍死

黃子澄分宜人少務學有俊聲建文初為太常卿諸藩不

靖澄與本兵協圖靖難師起遣將調兵多出指畫及大

將李景隆敗奔澄泣諫當特誅不聽已而徐凱盛庸相

繼敗澄拊膺大慟曰大事去矣後以北撤攻急澄借謫

南徵以圖募兵文皇踐祚族誅一子易姓田奔咸寧

齊泰溧水人建文中為兵部尚書初太祖召問邊將姓

名泰歷數無遺又欲考諸圖籍出袖中手冊甚悉太

祖大漸將傳位建文泰預受顧命靖難兵起泰戮力

竭心嗣君惟召學士輩討論周官法度處便殿弄柔

翰事遂不可支泰竟族誅



景清真望人氣倜儻有大節民有女爲妖所憑清館其家書景清在此四字粘其尸妖竟滅 文皇御極死事者甚多公爲都御史獨晏然侍朝人以其素少之一日早朝星者奏文曲犯帝座甚急 文皇意固疑清及見清着緋衣遂檢之得所帶劍不屈而死

周是修建文中爲紀善博學富者述孝友忠信非義不取靖難兵起陳論大計及指用事者誤國衆共讓挫之屹不爲動 文皇師駐金川門 宮中悉自焚乃留書其家別其友江仲執解縉胡廣蕭執楊士奇付以後事入應天府學自縊死

暴昭山西潞州人爲北平參政時防藩府甚嚴遷刑部侍郎充北平採訪事甫至境聞變亟歸以聞請預爲備建

文元年設平燕布政司於真定陞昭刑部尚書掌司事平安諸兵敗召歸京師靖難兵入城出亡被執見成祖抗罵不屈去齒截手足罵不絕口至斷頸乃已

侯泰順德南和人累官至刑部尚書北兵起泰督餉山東濟寧不守輜重船沒還京建文四年又出淮安總軍餉得便宜行事京師告急泰還至高郵被執下獄是年七月十日死之弟敬祖子玘皆死籍其家幼子京兒永樂

九年猶繫錦衣獄  
卓敬戶部侍郎建文初 燕王來朝敬密奏裁抑 宗藩畧曰北平者強幹之地金元所由興也宜徙 燕封南

續文獻通考 卷之六十六 八 晉書 京

昌以絕禍本建文君覽奏大驚語敬曰 燕王骨肉至親卿何得此言曰楊廣隋文非父子耶建文君默然事竟寢卓嘗抑姚廣孝 成祖執敬欲殺之而憐其才曰敬欲徙朕內地建文若聽其言則干戈息矣廣孝曰不然南昌地居下流金陵加兵特囊底探物耳使敬言用上豈有今日哉 上乃殺敬敬臨刑從容嘆曰變起

宗親畧無經畫死有餘罪神色凜然經日如生夷三族胡子昭刑部左侍郎建文四年九月死臨刑詩曰兩間正氣歸泉壤一點丹心在帝鄉時年四十一

郭任戶部侍郎調兵食北兵入金川門任不屈而死

盧迥戶部侍郎靖難後被縛不屈臨刑長謳而死聞者悲

之

黃魁禮部侍郎靖難初不屈死之

李大方泰興人建文元年擢右副都御史北兵起遺詩淮南守將梅殷云幽燕消息近如何聞道將軍志不磨縱

有火龍翻地軸莫教鐵騎過天河關中事業蕭丞相塞上功勳馬伏波老我不才無補報西風一度一悲歌四年八月被執死之

周璿諸城人建文初以神策衛經歷言事擢左僉都御史靖難後不屈死之妻子沒官

司中洪武三十年擢左僉都御史建文時死事  
彭與民萬安人大理寺丞時擇知兵有風裁者督察諸將

續文獻通考 卷之六十六 九 國士京

推與民出淮西至靈壁會何福戰敗被執與陳性善同死一日名與明

胡閏都陽人建文中為大理少卿靖難兵起數與齊黃議軍國事壬午七月不屈死之籍其家

盧原質寧海人母方孝孺姑也任太常少卿事建文君屢有建白靖難後召見不屈死之弟原朴論死族其家

陳繼之莆田人戶科給事中北兵起建白指斥徐增壽陰謀北兵入城不屈而死

韓永西安人戶科給事中靖難後杜門不出召入見不屈就死

戴德彝奉化人左拾遺北兵起與方黃畫兵事靖難後不屈文獻通考卷之六十六

屈死

高翔朝邑人監察御史靖難後召翔翔服喪服入見大哭語又不遜遂族翔沒其產諸給高氏產者皆加稅曰令世世罵翔也

王度歸善人監察御史北兵南下勅度勞軍徐州北還鳳陽失守方孝孺與度書誓死社稷四年七月坐奸黨謫戍賀州語不遜坐死吏其族

甘霖懷寧人舉鄉貢權監察御史靖難師起被執死之謝昇沛縣人建文時為御史練兵給餉靖難後不屈死

葉希賢監察御史松陽人靖難後坐逆黨死董庸監察御史信諸御史劾將校懷二心不力戰者輒彈

効之靖難後為衆所持謂庸逆黨論死

王玘蘇州人監察御史永樂時以匿革除奸黨子孫被誅巨敬平涼人戶部主事靖難後被逮責問不屈死之夷其族

宋徵宗人府經歷靖難後縛至不屈死并殺其妻子黃彥清國子博士以在駙馬都尉梅殷軍中私謚建文君坐死

李文敏蔚州人永樂初以奸黨誅

湯宗為北平按察使事上言北平按察使陳瑛受王府金錢有異謀逮瑛瑛廣西靖難後瑛召還窮治建文諸臣多坐夷滅宗亦論死

續文獻通考卷之六十六

十一

京

葉惠仲臨海人建文初克史官永樂元年二月二十二日以坐修貢錄時書靖難事為逆黨論死籍其家陳彥回莆田人徽州知府北兵至江上彥回募義勇入援事平被繫爭以大義而死籍其家

程通績溪人遠府左長史建文君遣人至荊州通上防禦北兵數千言成祖即位衛士紀綱為錦衣衛指揮使乘間言通曩有封事指斥遂械通至京論死

耿璿長興侯炳文子也懿文太子長女江都郡主為駙馬都尉掌前府事建文君遜去璿杜門稱疾竟坐罪死耿璿長興侯仲子官至後軍都督僉事楊文守遼東獄數請文永平以動北平文不聽靖難後獄論死

張倫河北諸衛指揮建文元年十二月薊州衛官起兵攻北平不克而死倫聞之發憤合兩衛官率兵南奔結盟報國初從李景隆已而從盛庸並有功靖難後死之王資以指揮從偏將防守淮北靈壁之役率步卒護軍餉諸將兵敗被執遣還京遂走鳳陽靖難後追罪廢死倪諒燕山左護衛千戶上變告逮燕府官校于諒周鐸等皆伏誅沒產靖難後諒死之

周拱元沅州人錦衣所鎮撫軍前差遣占候輒中主將令引步兵防餉舟靖難後死之

陳思賢茂名人漳州府學教授靖難詔至慟哭曰明倫之義正在今日遂堅臥不出迎率其徒伍性原陳應宗

續文獻通考

卷之六十六

十一

林珏鄒君默曾建瑞呂賢即明倫堂為舊君位哭臨如禮郡人執送京師思賢暨六生成以身殉

徐輝祖中山王長子魏國公北兵至江上輝祖及開國公常昇分道出師禦戰成祖入金川門羣臣勸進獨輝

祖不屈成祖親召問嘿不應下吏令自招罪操筆惟書其父開國功及券詞子孫得免死耳上大怒削爵

秩勒罷尋下獄卒

劉瑞南昌人建文二年進士與鄉人王高同年同為大理寺左寺丞坐縱方孝孺息樹陰俱削鼻而死

鄭公智寧海人建文初從孝孺至京舉賢良為監察御史靖難後坐方黨論死

鄭居貞其先徽州人河南試左叅政永樂初坐方黨死林嘉猷寧海人陝西按察僉事嘗被成祖召居燕邸最久知三郡王素傾世子以告孝孺孝孺言之建文君遣錦衣千戶張安持書詣燕許世子王燕燕內使黃儼因間世子計且得行世子竟先發事遂沒靖難後坐方黨逮至京建文四年九月死

黃希范為徽州知府北兵起大修武備金川門失守素服不治事後坐與程通善嘗共議條上防禦策為錦衣邏卒捕去論死籍其家

廖鏞巢人歷官至都督建文中與議兵事時宿衛殷庭靖難後成祖以廖侯兩子鏞與銘嘗受學方孝孺令

續文獻通考

卷之六十六

十一

召之孝孺怒曰汝讀幾年書還不識箇是字兩子復命上怒令收孝孺族誅之廖兩子拾遺骸葬聚寶門外

山上甫畢廖氏見收兩子逃去永樂元年四月鏞衣衛奏獲鏞送刑部論死

黃觀貴池人禮部侍中掌尚寶司事與方齊並見信用北兵起觀草詔極其詆斥建文四年觀奉詔募兵安慶且督諸郡勤王至李陽河聞建文君遜位衣冠號泣東向

再拜自沈于羅刹磯下

廖昇襄陽人太常少卿聞茹瑞等龍潭還慟哭與家人訣自經死

王叔英黃巖人翰林修撰北兵至淮上游兵逼江干建文

君遣使四出叔英寡兵廣德間建文君遜位慟哭會齊  
泰奔叔英曰泰二心矣今執之泰至告之故乃相抱慟  
哭與泰圖後舉知事不可為乃沐浴衣冠書絕命詞藏  
裾間自經於玄妙觀銀杏樹下詞曰人生穹壤間忠孝  
貴克全嗟余事君父自省多過愆有志未及竟奇疾忽  
見纏肥甘空在案對之不能嚙意者造化神有命歸九  
泉嘗念夷與齊餓死首陽嶺周粟豈不佳所見良獨偏  
高蹤邈難繼偶爾無足傳千秋史官筆慎勿稱希賢又  
題其案曰生既久矣未有補於當時死亦徒然庶無慚  
於後世

王良祥符人歷官刑部左侍郎建文三年間燕國人罪從  
續文獻通考卷之六十六 十四 四百五十五

末減遷浙江肅政按察使至浙江謁岳鄂王墓誓曰苟  
愧武穆非人也建文君遜位大慟九月 詔召良良執  
使者將斬以徇為衆劫去良乃集諸司印于私第嗟嘆  
者久之妻問故曰我分應死未知所以處汝耳妻曰我  
何難遂餽良食抱其子歛歛如厨置其子池旁自投池  
死良殮妻畢即列新於戶寫遺囑付家人令妾抱幼子  
逃匿以存宗祀遂舉火闔室自焚死

顏伯瑋名瓊廬陵人知沛縣北兵入東門指揮王顯迎降  
伯瑋冠帶升堂南拜慟哭曰臣無能報國乃自經死  
陳性善山陰人北兵起性善為副都御史監李景隆軍建  
文四年三月辛巳戰靈壁敗績與彭與民劉伯完王

皆被執 成祖縱之歸性善躍馬入河死後加追戮

王良吉水人翰林修撰初聞北兵起輒憂不食日靡憊及  
渡淮閉門涕泣不已訣妻子曰吾不可復生豈能復顧  
汝等服毒死建文君哀其忠遣禮部侍中黃觀 諭祭  
鄒瑾永豐人任大理寺丞北兵至徐增壽約開門降瑾與  
魏冕等廷毆之幾死靖難後自殺 詔夷其族

魏冕永豐人建文時為監察御史北兵至金川門徐增壽  
約開門降冕與大理丞鄒瑾率同僚十八人即殿前啟  
之幾死會輟朝冕及瑾大呼請速加誅臣等義不與此  
賊同生不聽明日 宮中火起或謂冕宜急迎附冕殺  
色厲聲曰使吾改臣節徒自壞也靖難後冕與瑾自殺

續文獻通考卷之六十六 十五 四百五十六

法官請追罪 詔夷冕族 曾鳳韶廬陵人建文初為監察御史會 藩王來朝馳  
皇道入且不拜鳳韶侍班言 殿上宜展君臣之禮

宮中乃敘叔姪之倫由 皇道不拜大不敬建文君曰  
至親勿問北兵逼議遺書於燕使罷兵息民無敢行者  
鳳韶慷慨請行姚廣孝勸其書不報靖難後 召復  
御史不至尋加吏部侍郎 召又不至刺血書憤詞襟

上曰予生廬陵忠節之邦素負剛鯁之強讀書而登進  
士第仕宦而至繡衣郎既一死之得宜可以含笑于地  
下而不愧吾文天祥屬妻李及子公望曰我死勿易衣  
遂自殺李亦自經死

龔太義烏人都給事中 成祖渡江太與妻傳訣曰事至

此我自分死爾第攜幼穉歸否則俱溺井無辱也俄宮中火起太馳赴為兵校所執見 成祖金川門以非奸

籍得釋太自投城死 成祖大怒立 命軍卒剖其屍

黃鉞常熟人建文中授刑科給事中改禮科父喪將歸方

孝孺問曰北兵日南蘇常鎮京師左輔君吳人 朝廷

近臣宜有以教我鉞曰蘇州知府姚善忠義激烈能當

一面孝孺因附書于善期戮力王室善得書與鉞相對

慟哭以死自誓北兵至江上善受建文君詔總蘇松常

鎮嘉興五郡兵勤王以書招鉞鉞即日營壘事竣遂至

善所靖難後 詔補善急善麾下許百戶素權詐得親

續文獻通考

卷之六十六

十六

四十七

善縛善邀賞鉞聞善死慟哭起登琴川橋西向再拜祭

善畢給家人歸祭具自投琴川橋下而死

何申為中書舍人建文末使四川至峽口聞金川門不守

發憤慟哭吐血不數日疽發背死

程本立江西按察副使聞北兵入金川門自縊死

王省吉水人浮梁教諭母喪復除睢陽八年又改濟陽北

兵至省為游兵所執從容引譬詞義慷慨衆舍省省歸

坐明倫堂伐鼓聚諸生謂曰若等知此堂何為名明倫

今勿多論且說君臣之義何如省大哭諸生亦哭遂以

頭觸柱死

劉璟基之子為谷府長史并提調 肅遼慶寧燕趙 六

王府事璟嘗至燕與 成祖對奕 成祖曰卿獨不少

讓我也璟正色曰可讓處璟不敢不讓不可讓處璟不

敢讓也北兵起璟馳還家獻十六策不聽還家養疾建

文君遜位璟稱疾不起法宮 誦璟逃叛逮至京見 上

猶稱殿下 詔獄辯髮自經死

樓璉金華人翰林侍讀北兵入京 命方孝孺草詔不從

改命璉惶懼應命歸自經死

楊本建文中精於道法授錦衣鎮撫持一鐵棒重三十斤

禦敵皆披靡每帥孤軍獨出被擒繫北平獄 文皇攻

濟南失利奔還北平恐人心動搖索本誅之

毛太建文元年代王謙為吏部左侍郎靖難兵起數上封

續文獻通考

卷之六十六

七

四十三

事條陳方畧後尚書張純死太亦死

郭任廉慎有吏才建文中仕至戶部侍郎調兵食軍興不

乏靖難兵入金川門任不屈死之

陳植廬江人建文中兵部侍郎靖難兵至植受命督師江

上有督將密議降者植數以大義督將恨之遂遇害

李堅尚 太祖第七女嘗奉 命賑貸北平素負才勇從

長興北進遇北兵戰互有勝負封灤城侯後戰濬沱河

薛祿引眾中堅隆馬擒見 成祖械繫送北平道卒

平安一名保兒洪武末為山東都指揮靖難師圍濟南安

同鐵鉉為城守計圍解率兵追至東昌大戰禦幾及

文廟馬踏而止 文廟嘉其忠勇不之罪轉大寧都司

京師既定乃自經死

蔡運南康人建文中歷四川叅政清諒不諧於俗罷歸復起賓州知州有惠政靖難後論死百姓憐而思之

鄭恕清介不妄取建文中擢蕭縣知縣靖難兵破城恕死之籍其家二女亦死之子濂湜姪溫汲謫北平種田

徐讓建文中山西布政司理問有口辭應募書物至北平議和受而不答建文四年赴軍前差遣戰沒

衛健建文中山西孝義縣丞膽智過人與徐讓同應募使北平不答健曰願殿下熟思之亦不答還與徐讓並赴

軍前差遣戰沒

俞道淵淵以父兄功充叅將有功封越雋侯建文元年召見上壯之曰老將也從大將軍禦北兵敢戰有功白

溝河之役淵歿于陣

梅殷汝南侯梅思祖從子尚寧國大長公主靖難兵起殷充總兵官守淮安 文皇假道殷絕之 文皇乃渡泗

水出六合至京師即位殷尚擁兵淮上 上迫公主招殷殷得公主書慟哭詢建文君所在中使曰去矣殷曰

君存與存君亡與亡吾姑忍侯之乃還京見 上 上曰駙馬勞苦殷曰勞而無功永樂三年冬入朝殷警家

都督譚深等命人擠殷質橋下死

盧振靖難兵起與徐輝祖齊黃謀畫攻守效力為多靖難兵畏之壬午秋逮至不屈榜振名數其罪殺之夷其產

劉政長洲人有經學以舉人為沛學教諭建文元年孝孺

試圻府士千五百人題命論語托孤寄命節不可奪章得政卷喜曰此鳥中孤鳳當虛左處子建文遜位殺孝

孺政慟哭不食死之

張統富平人雲南叅政三十一年召為吏部尚書靖難後成祖命統輔導統出遂自經吏部後堂

馬宣建文中為北平都指揮使靖難兵起殺張昺謝貴宣巷戰不勝走薊州起兵再戰被執死之

朱鑑建文中以都指揮守大寧城靖難兵至大寧力戰不支被執死之

卜萬謀勇自負建文中為大寧守將 文皇忌之以間書續文獻通考卷之六十六

今黨與自疑敗之下獄死

瞿能建文中為都指揮驍勇有名後從李景隆戰白溝河能父子力戰死之

宋忠錦衣衛指揮使建文元年三月 勅忠以都指揮總邊兵靖難兵至忠以兵三萬至居庸大戰以死

余瑄建文中為都指揮與謝貴密謀不遂貴死瑄走居庸且戰且守援兵不至被執死之

孫泰以都指揮從宋忠戰懷來頗有斬獲靖難兵擇善射者射泰中矢猶力戰大呼陷陣死之

唐子清建文中為沛縣主簿與顏知縣守沛專調兵食靖難兵至被執不屈死之

鄭華洪武間進士謫東平吏目靖難兵起與妻訣別殉國率吏民馮城自守力不支援兵不至不食而死

黃謙建文中以儒生爲沛典史果敢能戰同顏知縣守城靖難兵至被執不屈死

陳廸宣城人通經術有志操任雲南布政大著軍績陞尚書疏清刑獄集流民免獾租皆切政體靖難師起被

命督軍餉卽陳論大計及文皇登祚罵不屈同子鳳山等六人就戮乃熬鳳山鼻令廸食尤肆指斥

牛景先禦靖難兵數有功金川門失守遂死蕭寺中後窮治妻妾發教坊司

儲福無錫人初隸燕山衛卒靖難後調曲靖衛因仰天哭續文獻通考卷之六十六

日吾雖一介賤卒今遇國難決不爲不義屈不食而死松江同知不知何許人勤王詔至遂出榜募義勇入援

文廟卽位械至京磔于市劉仲禮字用和上海縣人忠義素持盛有文譽以春秋明

經辟召至應天遇靖難師入不食七日而死後三世孫與官建寧太守

嘉靖十四年給事中楊傑言建文死節諸臣齊泰鐵鉉黃子澄張鉉等忠義凜然宜付史局加官贈謚錄後立

祠禮官夏言覆建文時誤國悖正君側之惡成祖所討楊傑新進小生未諳大義上恕其狂原之

永樂死事諸臣

陳文建文四年爲燕大將與南將都督何福戰敗死時指揮韓貴亦戰死

張玉建文中爲燕大將靖難兵至東昌與盛庸戰敗死陳亨建文中爲燕將與平安戰于白溝河被斬

劉儁字子奇江陵人洪武中進士永樂六年爲兵部尚書時沐晟帥師與交趾賊簡定戰大安海口敗績儁與都

督僉事呂毅交趾布政司叅政劉昱皆死之洪熙初贈少傅謚節愍

郭驥永樂七年爲給事中齎書使北虜諭令通好爲本雅失里所殺

張益安平人永樂中由明經任刑科給事中陞禮科性質續文獻通考卷之六十六

直奏對多稱旨上目爲響張尋奉使北虜王將失利公爲虜所持不屈而死

丘福永樂七年福以淇國公帥師北征本雅失里出塞敗績福及王聰火真王忠李遠皆死之

劉忠永樂十八年三月安遠侯柳升征山東妖賊唐賽兒忠以指揮接戰死之

侯保贊皇人以國子生爲交州知府永樂十八年遷交趾右叅政廉恕得民與賊黎利力戰死之時同官馮貴亦

戰死王煥永樂二十年以都指揮守興和阿魯台入寇煥被殺楊樸全椒尹寇陷廬江入城縱火樸盡殺其妻子朝服坐



堂上盜欲降之大罵不屈而死

譚淵清流入洪武中以軍功授燕山護衛副千戶後從靖  
難戰于真定至夾河馬蹶遂死之永樂中追封崇安侯  
謚壯節

黃正碭山人爲命都御史忤權貴出爲廬州英山縣史平  
金山叛寇陞右僉都命討雲南叛夷降服而還至普安  
爲權貴遣賊中傷

印岳楚雄衛千戶洪武末征革石瓦那寨糧絕殺所乘馬  
以食軍士永樂間征麓川力戰而死

陳鋤福安人永樂間領鄉薦拜御史監軍甘肅與虜寇遇  
奮兵大戰力乏被執大罵死之

續文獻通考

卷之六十六

三百八十八

京

陳士淵永樂間爲尤溪巡檢討平吳十師之亂後餘黨復  
突起士淵倡勇力戰于羅倉場兵敗死之

王聰斬水人洪武末以靖難功封武城侯征北虜戰死贈  
漳國公

陳洽武進人累官吏部侍郎佐英國公討平交趾陞兵書  
交趾復叛成山侯引兵渡河洽力陳利害弗聽明日與  
賊遇遂被害贈少保官其子樞爲給事中

易先相陰人永樂初由太學高等選授交趾諒山知府陞  
按察使宣德初交趾叛攻城先嬰城固守糧盡闔家同  
死事聞 諭祭贈廣西叅政

徐葵永樂中武岡州判官洞蠻寇亂葵率民兵出戰死之

高士文咸陽人質直剛果善騎射洪武末從平內難出入  
戰陣累陞前軍都督僉事征交趾多效勞勳取廣源州  
與賊力戰而死追封建平伯

王真咸寧人洪武中以功授燕山右護衛百戶從靖難出  
可制勝肥河之戰斬獲無算而後隊不繼被圍數匝真  
氣愈奮斬敵數十人馬上自刃而斃追封金鄉侯

薛崑陝州閿鄉人洪武間累官大理寺卿謫廣西永樂初  
安南國王爲黎季犛所殺其孫陳天平自老過來歸季  
犛子蒼表請還君之 上命廣西都督黃中以兵五千  
送歸其國中舉崑爲輔行至芹站伏發劫天平崑被虜  
死之

續文獻通考

卷之六十六

三

京

劉呈東昌武城人初任吏科給事中歷陞交趾叅政與尚  
書劉儒質黔國公沐晟軍務被圍與儒同死之

史安豐城人永樂初進士授禮部主事時交人再叛用薦  
舉入交趾總戎柳升戰沒安被執不屈死之

李遠懷遠人沉毅有膽力善騎射從軍靖難累功封安平  
侯征北虜突陣力戰馬蹶被執罵不絕口而死追封莒  
國公謚忠壯

吳克忠襄泰順伯洪熙初加侯從征虜寇力戰而歿追封  
邠國公弟克勤爲都督與兄同歿于陣

宣德死事諸臣  
陳懷合肥人宣德中以軍功累陞左都督正統中進封平

鄉伯征虜沒于陣追封侯謚忠毅

何忠郴州人永樂中進士授御史宣德元年以言事出爲交趾政平州知州至是黎賊圍鎮城藩鎮以忠有膽畧使懷奏潛請王師被執諸酋強其從忠大怒罵奪其杯擲中賊面流血盈順遂遇害事聞勅旌其門賜謚

忠節楊士奇傳云子輔倡義守城城破自經

崔聚宣德元年安遠侯柳升敗死交趾明日崔聚被圍聚固宿將倉卒賊驅象闖衆亂被執史安陳鏞曰吾輩當見危授命皆死之

劉子輔江西廬陵人初爲廣東按察使坐累左遷知交趾

諒江府撫民如子民愛戴之時黎賊陷諒江子輔與守

續文獻通考

卷之六

三

四

將倡兵民死守食盡城陷城中人皆力闢以死無一人

降者子輔知事不支遂自經死一子一妾皆先子輔死

事聞贈子輔參政賜祭復其家

正統死事諸臣

方政全椒人正統四年春政以都督同鎮守雲南黔國公

沐晟率兵討麓川不利政戰死追封威遠伯謚忠毅

陳詔正統十三年七月處州賊葉宗留反詔以都督禦

賊戰死

陳榮正統十三年處州賊反榮以副總兵禦賊戰歿

朱瑛爵西寧侯正統十三年七月親征也先瑛及武進伯

朱冕全軍覆沒成國公朱勇俱被殺

張輔爵英國公車駕北狩輔及尚書鄭瑩王佐學士曹

瑄張益皆死之

王清廣州人正統十四年七月廣州盜黃蕭養圍廣州清以副總兵都指揮僉事禦敵被殺朝廷加其子世襲

二級

恭順侯吳瑾左都御史寇深天順五年七月擊反賊曹吉祥姪曹欽俱被殺死贈瑾梁國公謚忠壯深少保謚莊愍

高靈無錫人由國子生授潭州府通判鄧茂七亂會府使

督餉遇賊以刃脅之靈罵曰汝等無狀上勞王師下毒

黎庶指日梟首敢殺汝父母邪遂受害

續文獻通考

卷之六十六

三

四

程思溫婺源人正統間進士遷禮部員外已巳之變死于

難景泰中追贈錄用其子

莊英歙縣人舉鄉貢擢廣昌知縣寇入境挺身捍禦遂遇

害贈廣昌通判錄其子爲太學生

耿定和州人官刑部郎中浙江叅議正統末處州盜起定

率兵勦捕死于兵贈按察副使遣官諭祭

張瑛知建寧府以征沙尤功陞叅政掌府事明年盜復猖

獗瑛直抵其巢與弟敬力戰死之

雷潛建安人宣德中領鄉薦除武選司主事陞郎中死于

正統已巳之變

滕員旣寧縣人宣德已酉鄉薦遷禮部郎中死于正統已

已之變

張敏正統間爲尤溪主簿沙寇亂犯城敏奮力誓師出與賊戰因民兵不熟行伍且前後不援力戰死

陳順建寧人正統戊辰沙尤寇亂順集民兵與戰大勝後賊奄至順衆潰手殲十數人力竭遂遇害時邑人甯宗珮亦同死之

王用相龍巖人永樂辛丑進士歷官戶部員外正統間歸省遇沙寇亂被執不屈死之

姚銑候官人進士宣德初給事中正統己巳之難死于土木時邑人陳鈍懷安人周傑皆進士俱以扈從死

熊尚初南昌人由吏員任都察院都事經歷正統末知泉州府文獻通考卷之六十六

州府鄧茂七犯境尚初曰受命一方寇出不時由我不職寧一人受害遂單騎出城中流矢卒後有司錄其死

事立祠祀焉

崔惠晉江人宣德中領鄉薦任江西石城教諭叛賊陳椿陷城惠爲所執賊逼從之惠罵曰豈從汝狗奴反耶會燬草管即投火焚死

李思鄒晉江人正統沙尤賊亂據黃山脅使從已思鄒叱曰我作太平百姓豈從汝作賊耶遂以義倡鄉里四百人立柵爲禦屢與賊戰俱勝一日早適天霧晦賊乘間攻柵衆奔潰思鄒獨率六七人力戰死之暨殮顏色如生

劉祥監利人以左軍都督府都事死正統己巳之變天順間錄其子

呂鏞斬水人領宣德丙午鄉薦任福之清流知縣值流賊鄧茂七陷縣鏞拒之力不能支具服端坐中庭抗罵不屈賊支解以死邑人立廟祀之

鄧鑑黃陂人任光祿署丞正統己巳從英廟北征亡于陣景泰初錄其子

翟亨平溪衛指揮僉事正統中以麓川功累遷指揮使後復征麓川偕其弟戰死朝廷遣官諭祭

馬豫臨清人宣德中登進士官大理寺副正統己巳土木失利奮不顧身厲聲叱賊遇害英廟復辟憫其忠贈

續文獻通考卷之六十六寺正錄其子入監

尹昌吉水人宣德癸丑進士官至行人司正己巳之變扈駕北征自刎而死朝廷官其子

羅如璠廬陵人正統壬戌進士授行人己巳扈駕北征土木敗績死之景泰間詔旌異錄其子

楊清正統末爲建昌所千戶閩寇亂廣昌告急清統兵勦襲瀕行以鳳仙花染足指囑家人曰他日尋吾屍以此爲識後與敵戰果死之

鄧顯樂昌人舉進士正統間知廣信永豐縣時閩寇犯境顯伏兵大破之賊悉衆至顯力戰遇害民哀之肖像于城隍廟祀之贈光祿卿

張益吳縣人永樂中進士授中書舍人累陞翰林侍讀正統已巳沒于王事

王永和崑山人好學能文器識宏雅永樂中領鄉薦獲主師席生徒多所造就宣德中陞兵科給事中歷工部右侍郎正統已巳沒于王事

景泰死事諸臣

陶成景泰元年五月處州賊陶得二寇武義成爲浙江按察副使戰死

毛吉餘姚人景泰中進士歷廣東僉事劇賊楊輝攻掠郡邑吉督死士破之陞副使賊衆遁于陽江我師徂勝突入失利吉死之贈按察使

續文獻通考

卷之六十六

子八

三六十六

楊海清城步人景泰八年洞苗肆掠邵湘海清率其妻及其徒追戰于龍王橋後援不至與妻徒俱遇害

劉實安福人宣德五年進士改庶吉士未嘗授足權門爲金華同知擢順天治中景泰中召修元史擢南雄知府商稅毫不染指因忤中貴驛奏公抗勅使詔逮下獄不數日竟卒人皆冤之

王廷桂宜章人領天順壬午鄉薦授贛州府同知巨寇流劫州縣廷桂率鄉兵禦之援兵不至死于難事聞贈官錄子

成化死事諸臣

卜馬祥岳州人成化中任指揮同知流賊掠洞庭祥奮身

督戰死之

馬鉉永新人成化中進士授工部主事陞廣西叅議會古田苗賊猖獗自將往勦出其不意斬獲過半班師歸爲伏兵夾戰竟死之諭祭贈叅政錄子

正德死事諸臣

楊源豐城人御史楊瑄子弘治中官欽天監候正德元年

奏占候得大角及心宿中星搖動天璇天機天權星不明因勸上安居深宮絕遊戲至是復奏連日霾霧交作爲陰冒于陽臣欺于君小人擅權之象劉瑾怒縮

肯廷杖已復奏正德二年以來火星入太微垣帝座之前或東或西往來不一意在劉瑾瑾召源面叱之曰你

續文獻通考

卷之六十六

子九

三六十六

是何等官也要做忠臣復廷杖充軍肅州行至懷慶傷重而死妻度氏斬盧荻覆尸葬于驛後

郁采正德六年流賊趙風子破裕州采爲同知死之贈光祿寺少卿廕其一子時有上蔡縣知縣霍恩城破不屈而死真定知縣王佐素強知縣段勇與賊戰死朝廷憫之咸贈官賜廕

馮禎正德七年流賊攻河南禎總兵戰歿

陳立正德十年四月元良哈寇馬蘭谷乾爲叅將戰死

芮寧正德十一年九月土魯番入犯寧爲肅州遊擊將軍禦之敗沒

陸震官兵部員外郎正德十四年四月伏闕諫南巡震

行人司副余廷瓚劉校評事林公輔照磨劉珏行人

孟陽李紹賢劉平甫李翰臣詹軾俱 廷杖死

孫燧餘姚人樸謹不外飾自刑曹 勅獻刑獄會劉瑾嫉

公連坐贖罰正德末年江西宸濠密謀漸彰當事者擇

公巡撫其地及謀惡大者公屢疏罪狀以聞俱為中道

遮匿弗能達乃與御史范輅叅議陳洪漢副使許逵死

之謚忠烈

許逵固始人初為樂陵令以靖寇功陞命事尋轉江西副

使時寧藩起叛兵縛巡撫孫忠烈將殺之一時官屬駭

愕不敢言獨公反覆辯論且厲聲大罵慷慨激烈并命

縛斬於惠民門外刑時公顧孫忠烈云早聽我言當不

續文獻通考卷之六十六

三十一

四十三

至此公益嘗有先發後聞之計為忠烈所阻贈左副都

御史謚忠節祀旌忠祠

馬思聰莆田人弘治乙丑進士以戶部主事督糧江西因

謝宸濠宴語家人曰我倘不歸將 勅藏于高處人皆

不論其意已而濠果怒其不從遂遇害後配享豫章旌

忠祠

何孟循名遵吳江人正德中為工部主事官江彬導

上南巡孟循與同官林大輅蔣山卿上疏請罷 巡幸

勿為左右奸豪蒙蔽彬大怒下孟循等于獄尋被 旨

荷校暴午門外五日杖五十罷遣彬看視孟循體故羸

又憤所言不達瘡潰骨糜越二日死嘉靖初贈光祿少

卿詹一子

黃宏六合人弘治進士累官江西叅議時宸濠不軌殺都

御史孫燧及副使許逵以脅迫諸司宏不服以手械向

柱感項而死濠誅贈宏太常少卿祀旌忠祠

吳璟南陵人舉進士官四川僉事流賊鄒藍之黨突入川

東進逼江津璟受檄守之兵援後期城陷被執而死贈

副使官其子鎬為宣州衛百戶

萬琛宣城人為清江令改瑞金流賊夜遁入城或勸避琛

曰當手刃諸賊以報 國恩賊擁入縣遂遇害贈光祿

少卿官其子麟為侍讀

喻江柳州百戶正德間崗寇大作江分營宜章之章橋遇

續文獻通考卷之六十六

三十一

敵死之

吳勛辰州衛指揮正德間督兵征流賊行至德安應山與

賊遇奮勇前驅冒矢陣亡事聞 諭祭加子官

胡節零陵人由行人授御史巡城山東振肅風紀適逆瑾

擅權怒節守正捕下錦衣獄捶死嘉靖改元 賜祭贈

光祿少卿

鄧旻靖州衛指揮正德間賊逼州境旻與遇于雙魚嶺大

戰力盡死之

曹鵬靖州衛指揮正德中流賊劉六等破應山縣鵬督戰

力竭死之

宋以方黔陽人進士歷知瑞州府逆濠中之黨欲濠反賊

赴彭蠡不屈且憤罵為濠所殺嘉靖初贈官錄子

丁泉行都指揮僉事上杭寇發泉擣其巢穴破石馬岐等

三寨與賊遇力戰而死邑人祠祀之

曾連江陵人正德初以吏員任四川綿州判官流寇廖麻

子攻却州縣連率兵禦敵方屈死之事聞贈上林苑監

丞廕子

鄧進石首人正德初以吏員任四川榮山縣典史鄆賊猖

獮城陷與子俱死事聞廕子

麥成正德中任安鄉縣典史流賊掠鼎江口成父子集民

兵禦之比戰馬躓賊叢槊刺之猶徒步手刃數人遂遇

害子亦死之

續文獻通考卷之六十六  
周憲安陸州人弘治癸丑進士歷刑部員外郎上疏言事

調宛州通判復職晉郎中正德七年擢大理知府轉江

西按察副使征華林寨寇策馬先驅援兵不至死之

賜葬祭于幹亦死于難 詔旌曰孝烈祀旌忠祠

王鼎正德初知永城縣時流賊攻城鼎率眾守禦及城陷

鼎取印綬繫于身瞑目端坐以待賊入被執不屈死之

贈官及子

安宣正德中授夏邑縣丞時流賊楊虎等擁眾逼城宣尚

未至任聞之兼程而進或止之宣以義辭遂入城分守

及城破死之錄其子

董綸歸德府經歷時逆賊師尚詔潛伏于柘城塘中招集

亡叛日久剽掠陷府城為賊所執不屈且罵不置口賊

怒殺之妻賈氏與子奎皆遇害贈官建祠

熊驂正德間萊蕪知縣值流賊侵境驂率民眾出戰為賊

所執與主簿韓塘俱不屈死之

陳韜正德間為登州招遠縣丞值流賊攻掠韜率眾死守

城陷被執不屈死之事聞贈登州府通判

王禎吉水人夔州府通判荆襄劇賊石和尚反禎領民壯

與戰大敗之越三日賊大集禎曰今日當以死報國復

領兵壯衝鋒殊死戰援兵不至遂為賊所獲禎奮罵不

已賊殺之 詔贈夔州府同知錄其子

表珪正德初任高安主簿善騎射時建昌徐賊聚亂珪承

檄統兵分勦以寡寡不敵死于陣贈知縣從祀節愍祠

梁奎正德間通判袁州姚源洞賊猖獗奎領兵勦捕奮勇

力戰歿于陣

王天與正德間寧都知縣逆濠之變率師勤王死于難士

人塑像祀學宮

王業高以父廕授吉安所副千戶扈蹕從征陞正千戶正

統已已調征浙寇于丁公崖遇敵死戰援孤勢窮猶手

刃數人而死其孫莊剛果有謀嘗平湯存文于萬安殲

金耀于永豐擒周天鑾于梅花洞正德庚午從征桃源

拔所佩刀指天畫地誓不與賊俱生領兵至鼓樓舖

獲甚眾進屯梁山師失利指揮徐壽等下馬先遁壽

前死戰賊勢將却援兵不至力殫死之事聞官其孫爲指揮

王祐正德中知廣昌縣廣寇至民皆逃散勢絕援孤乃引刀自刳其腹曰有城郭不能死守何以生爲左右驚奪其刀後以援至寇稍退越七日復突入祐倉皇赴敵遂死之

鄧俊正德間建昌所千戶桃源盜熾俊奮欲自效戰數合皆利盜陰識之百弩相攻俊馬陷淖泥中盜磔殺之當道上其事優給其子

紀鏞由吏員授福建漳浦縣丞正德丁丑南靖寇熾鏞率兵與戰斬首數千級乘勝抵其穴因遇害事聞贈官錄續文獻通考卷之六十六

辛酉 三六四 京

子

王廷翰彭澤人正德己卯宸濠作亂遊兵掠境翰挾弓矢率其子弟鄉兵迫敵賊有畏心遂擲金于地誘之翰不視奮擊愈厲連射斃二賊對敵終日矢盡力竭身中十餘鎗罵賊不絕口賊乃斷其頭而去

羅明南昌人由吏員授衛知事歷四川劍州判官正德中劇盜鄧藍等數萬人攻城民竄明偕其子介死守孤城不支明被執罵賊就死介奮身救父亦被殺事聞蒙恩卹廕

李俊饒州守禦正千戶正德庚午桃源盜據險爲亂官兵夾攻次梁山坂時行伍未集賊乘虛突至軍士奔北俊

獨奮身直前手刃賊十餘力屈受執罵不絕口其弟李二遠馳盡力助兄遂同遇害副千戶高鉅百戶鄭鑑同死

唐天恩常熟人舉鄉貢知葉縣尉賊劉六劉七擁衆壓境天恩奮戰生擒百餘人戮之旣而援兵不至城破被執一門死者六七十人贈光祿少卿廕其子

李情江西按察司副使整飭饒州兵備時桃源降賊復攻萬年縣有告賊至請去情曰我憲臣柄兵者寧死不去遂遇害同死事者通判秦碧陳遠照磨馬驄指揮邢世臣千戶許政等

續文獻通考卷之六十六

三五 九五 京

續文獻通考卷之六十六終



續文獻通考卷之六十七

皇明進士雲間王圻纂輯

節義考 忠臣六 忠隱

嘉靖死事諸臣

賀冕邵陽縣人嘉靖十年流賊劫掠冕率弟璋并姪四人奮勇拒敵以後援不繼死之

魏祥榆林參將嘉靖十四年虜吉囊入榆林古北口祥出兵禦敵力戰而死 詔旌其忠

劉世忠山西西路參將嘉靖二十一年套虜板不孩小王子不及兒台吉與掩答魯苗叛人高懷智等入大同塞破鴈門掠太原而南及潞州平陽諸郡世忠誓將驍虜

續文獻通考 卷之六十七

乙 三百五十四

力戰應援不至虜集精騎三千圍之世忠裹創步戰虜衆亦窘會金矢火藥俱罄虜盡銳攻之世忠中二矢死事聞 贈官謚忠愍立祠祀之

王恭大同指揮嘉靖三十一年北虜以市薄入寇大同諸將觀望或有陰結潞路者獨恭禦戰死之 代府饒陽

王以聞 贈官廕子有加

郭都大同總兵嘉靖三十二年北虜入寇都出戰死之事

聞優卹

劉梅延綏副總兵嘉靖三十二年北虜入寇梅出戰死之

優卹如例

李沐山西總兵嘉靖三十二年北虜犯山西趙時春禦之

續文獻通考 卷之六十七

王鈇嘉靖三十四年爲常熟知縣率民禦倭力竭而死事

聞 贈卹

黃釗爲温州同知嘉靖三十五年倭寇温州逆戰而死事

聞 贈官廕子

奚世亮黃岡人嘉靖丁未進士授主事知延平府倭夷寇閩世亮與武帥分城拒守城陷亮猶西向迎戰身被數

鎗死之事聞 贈官錄子

錢鏞顯陵衛人嘉靖庚戌進士知江陰縣倭夷寇亂鏞與戰死之 贈光祿少卿廕一子

朱衷郎西人嘉靖丁酉領鄉薦爲知揚州府值倭亂衷率兵

征之力戰死于陣事聞 贈參議廕其子

陳聞詩拓城人舉嘉靖鄉試以親老不仕及親沒哀毀骨立癸丑秋賊苗詔亂被執不屈乃絕飲食誓以必死後

三日得自經追 封鳳陽府同知

許勇衛百戶嘉靖末征倭至泗州力戰而死 詔世襲千

戶

萬曆死事諸臣

梁琦寧夏遊擊萬曆十九年禮部覆奏琦死難宜建祠致

祭從之

馬承先寧夏守備萬曆十九年禮部覆奏承先死難宜立

祠致祭從之

陳緒等孟夏常信登戶萬曆十九年禮部奏逆賊煽虐全堡遭屠緒等死難宜建祠致祭從之

李如松遼東總兵官萬曆二十六年出塞殺虜陣亡 贈少保寧遠伯應襲兒男准授勲銜照本職例俸加陞三級仍廕一子本衛指揮使世襲還 賜謚立祠加祭營奠

忠隱

春秋 風沙登鼓子之臣晉荀吳率師襲鼓滅之風沙種以其孥行軍吏執之辭曰我君是事非事主也名曰君臣豈曰主臣今君實遷臣何賴于鼓穆子召之曰鼓有君矣爾心事君吾定而祿爵對曰臣委質于狄之鼓未續文獻通考卷之六十七

委質于晉之鼓也臣聞之委質爲臣無有二心委質而策死古之法也穆子嘆曰吾何德之務而有是臣也聽使行

漢

梅福壽春人成帝時爲南昌尉上書諫不宜專任外戚不聽王莽將篡位遂棄官變姓名爲吳市門卒

陳咸沛國人以律令爲尚書見王莽篡位何武鮑宣皆死曰吾可逝矣即乞骸骨三子參豐欽悉令解官閉門不出入猶用漢家祖臘曰我先人豈知王氏臘乎時喻糜郭欽爲南郡太守杜陵蔣詡爲兗州刺史皆稱病歸卧母將隆東海蘭陵人成帝朝爲諫大夫上封事選冀州

累官至京兆尹王莽秉政隆不附免官徙合浦胡剛華容人平帝時大司徒減宮辟之值王莽攝政剛解其衣冠縣府門而去遂亡命入交趾隱于屠肆之間莽敗乃歸鄉里

蔡勲陳留圉人平帝時爲郡令王莽遣人授勲戎連帥勲對印授仰天嘆曰吾策名漢室死歸其正昔曾子不受季孫之賜况可事二姓哉遂携家屬逃入深山

管寧字幼安朱虛人漢末避亂依公孫度後浮海還郡曹魏時華歆屢請以位讓之固辭不起卒年八十四

魏 范粲爲太宰從事中郎魏主芳廢素服拜送哀動左右遂稱疾佯狂不言寢所乘車足不履地者三十六年續文獻通考卷之六十七

孫和薦其操行詔郡縣給醫藥歲以二千石祿養病又加賜帛百匹子以父病篤俱不受年八十四卒于所乘之車

晉

郭琦陽曲人趙王倫篡位欲用琦琦曰我已爲武帝吏豈容復爲今世吏終身隱居

辛勉狄道人博學有貞固之操仕爲侍中及洛陽陷劉聰欲署爲光祿大夫國書曰大丈夫豈虧高節事二姓乎聰爲築室于平陽西山月致酒米辭不受

辛恭靖狄道人爲河南太守姚興來寇恭靖固守百餘日援兵不至城陷被執恭靖厲色曰我寧爲國死不爲羌

臣與幽之別室後走歸江東

陶潛長沙人自以晉世宰輔耻復屈身後代宋武帝王業漸隆不復肯仕所著文章皆題其年月義熙以前明書晉氏年號自永初以來惟書甲子而已

唐

甄濟有操行安祿山為採訪使奏堂書記濟察祿山有異志詐得風疾昇歸家祿山反使人封乃召之濟引首待刃蔡希德以實病白得免後慶緒亦使強昇至洛陽會官軍平東京濟詣軍門上謁廣平王俶遣詣京師上命館于三司令受賊爵者列拜以愧其心蘇源明亦稱疾不受祿山官後以濟為秘書郎源明知制誥

續文獻通考

卷之六十七

五

五

孫邵奉化人唐末為左拾遺朱溫篡唐著春秋無賢人論

上世論即脫冠裳服布衣以隱著書記年悉用甲子以示不臣之義

梁震蜀依政人唐末進士也唐亡歸蜀過江陵高季昌愛其才識欲奏留為判官震耻之欲去恐及禍乃曰震素不慕榮宦明公必欲使參謀議但以白衣侍樽俎可也季昌許之震終身止稱前進士不受高氏辟署

劉昌嗣湘鄉人漢時為磁湘二州刺史隱帝遇害昌嗣憤之即避地衡山馬氏招以賓禮不赴周行逢逼以偽祿昌嗣曰吾嘗致身漢氏縱不能為夷齊獨不可效梅福乎乃改姓氏號愚叟躬耕釀酒以終身焉

宋

孫逢眉山人靖康時為太學博士張邦昌僭位獨不入賀祠部貢外郎喻汝礪亦捫膝曰不能為賊臣屈遂掛冠去

譚世勛長沙人仕為禮部尚書張邦昌僭位使權直學士世勛稱疾不起後贈延康殿學士

趙俊字德進南京宋城人官至朝奉郎隱居杜門劉豫僭號欲官之辭疾不就凡家書文字但書甲子卒贈承信郎

徐端益虹縣尉也張邦昌偽詔至縣令以下迎拜如常式端益獨不拜而走

續文獻通考

卷之六十七

六

史次秦眉山人為軍教授吳曦招之偽以桐油塗兩目木

生附子付之比至目盡腫其母又偽以訃音報曦乃聽還後官至合州太守

潘汝一海陵人淹貫經史善文章建炎中許容攝州事迎

虜汝一不食數日所親強之乃起虜遣人誘之罵曰吾生于宋死于宋得為忠義鬼含笑入地矣後以進士名次得官歷攝州縣

殷澄華亭人元兵入華亭澄避地南錢後伯顏授華亭軍民都統管使守其地澄即棄去野服隱居浦上放浪九峰三泖間

許月卿婺源人宋亡三年不言雖言亦如病狂卒年七十

謝疊山嘗書其門曰要知今日謝枋得便是當年許月卿

吳欽休寧人中漕舉補府學教授宋亡不仕題其所居之屏曰殷周雖代而首陽自存晉宋雖更而陶徑自若

周嶽吉水人寶祐進士官南昌知縣元有天下誓不復仕邵桂淳安人咸淳進士授處州教授國亡不仕

胡仲霖高安人元革宋命耻食其祿與子希俱隱遁終身游汝德清人咸淳中歷江西江東福建提刑俱有能聲宋

亡隱居元恭政蒲大全薦爲福建路總管固辭不就嘗大書衣背云前宋提刑今爲百姓服之以出入焉

馬端臨廷鸞仲子以廕補承事郎明年宋亡隱居不仕續文獻通考卷之六十七

王序字景禮晉江人少與兄庚齊名相繼擢咸淳進士知長泰縣攝守惠州宋亡徜徉丘壑以終身焉

吳應崇休寧人年十六舉鄉貢入太學因宋革命不仕陳存湖州人累官至殿中侍御史宋亡元遣使七徵不起

遂却醫絕粟旬有四日卒黃森字水心甌寧人父駟宋季爲吏部郎中森景定間預

鄉薦國亡不仕隱于天湖山自號弗能如夷齊之餓死將游翁政和人宋末爲太學生國亡隱于滿月山

危後之臨川人宋末貢補太學國亡隱居不仕李士華撫州之崇仁人宋亡爲元更易方笠窄袖衫公獨

深衣幅巾翱翔自如人歲以爲迂公曰我故國之人

當然耳

劉揚祖字弘宗慈谿人景定三年進士爲刑部員外郎見

賈似道執政國事日蹙遂有肥遯山林之志逾年而宋亡改冠裳慟哭及元下詔求賢揚祖不忍聞遂徙家雲

湖寺山之東原更求其西茅山建介白樓自號介白散人以示不臣于元

應本仁字本立鄞人由曾大父伯謙而上逮文敏公繇世顯于宋本仁以家世爲宋臣義不仕元隱居城南以終

陳應麟字天祺鄞人以通儒稱至元間安車徵之謂使者曰吾祖宗世爲宋臣子孫不忍食異姓祿固辭不起賜

號純德先生續文獻通考卷之六十七

汪懋卿與弟森卿奉化黃甘里人也宋末同學同貢宋亡後並隱居不仕杜門著書其子瀨字季夷翰字幼海受

家學治春秋亦躬耕孝養薦辟不就姚緝孫字應緝慈谿人宋末舉鄉薦補國子助教改學錄

及元混一不屑于仕退隱雙峰別墅王昌世鄞人應麟子也自以先世仕宋隱居不仕惟蒐輯

遺書露抄雪纂而已袁上元鄞縣人父鑄咸淳進士尚氣節元兵至鑄往軍前

責以大義遂遇害後士元薦爲翰林國史檢閱官不就胡餘學不知何許人宋亡不仕作媒發問答見意曰媒問

發汝何傷汝爲國秀時辛苦事蘇桑中年得夫婦懽懽

拜姑嫜肅容采蘋藻洗手供茶湯良人正年少相期家  
道昌良緣天所妬夫婿淹云亡自從夫婿亡十年守空  
房皓月照枕衾暴雨頽山嶺獨宿誰呼喚獨語誰交相  
幾來吾語汝琴瑟更張汝篋篋單薄汝門復淒涼死  
者不復起生者宜自詳鄰有美夫夫顯顯更昂昂牛羊  
量用谷金玉堆滿堂門下繁珠履庭前沸笙簧出則專  
城居入則侍明光吾慕昔寒修與汝解佩褱以此窈窕  
婦配彼英俊郎花樹戲映蝶蓮浦浴鴛鴦世無百歲人  
倏忽如風狂莫將泡影身徒置冰灰場敗絮須換局作  
戲且逢楊有髮可重結有耳何自戕鬼妻變人婦毋作  
老死孀 發各媒妻自伶妾家貧如洗妻貌粧不妍中  
續文獻通考 卷之六十七 九 四 九

張山翁字君壽普州人德佑初爲荆湖宣撫使幹官鄂守  
張晏然納欵山翁以書誚讓已而被執軍前諭曰若降  
不失作顯官山翁酬對不屈然義而不殺後居黃鵠山  
聚徒教授而終

黃申字酉卿井研人爲安樂丞元兵至今欲申同降申抗  
不從吏民數百人彈輿致之申顛踣于地若中風然今  
無如之何至暮衆昇入宣中堂或食以粥得免隱巴山  
以終

賈應符華亭人少謹身飭行爲鄉里推重景定中進士授  
迪功郎會宋亡遂隱不仕族人光遠中進士辟軍器監  
簿宋亡衣冠不改人稱爲大頭巾相公云

陸震龍華亭人咸淳鄉貢進士宋亡即棲隱講授終其身  
衣冠不易嘗自贊畫像其略曰勤勤劬劬耽嗜慕悅而  
不舍者聖賢之書趙趙起起畏懦退縮而不敢則者世  
利之途或者見之而指笑此必抱遺經行古道之拘儒  
謝國光華亭人咸淳中鄉貢宋亡遂不仕元治書侍御史  
程鉅夫奉詔搜賢以國光薦輒杜門稱疾

金

張天綱霸州益津人哀宗時推舉知政事國亡爲宋械至  
臨安有司令供狀迫書虜主天綱曰殺即殺焉用狀爲  
止書故主而已後不知所終  
元好問秀容人天興中爲行尚書左司員外郎金亡不仕

元

吳當江西人嘗爲行省叅政陳友諒陷江西遣人辟之卧床不起以死自誓乃舁床載之舟送江州拘留終不爲屈

蔡子英永寧人舉進士累顯秩及元軍敗卑騎走關中入南山有司以形求之械送京師命釋之授以官不受退而上書大畧謂臣之事君猶女之適人一與之醮終身不改事君之道一食其祿終身不二朝廷重之命館于儀曹忽一夜大哭不止人問故曰思舊主耳上知其志不可奪勅有司送之出塞不知所終

皇明

續文獻通考

卷之六十七

十一

言大

彭與明江西萬安人國初以貢入太學洪武二十五年授兵科給事中陞刑部浙江司員外郎建文已卯陞湖廣按察司僉事遷大理寺右寺丞北師起與禮部左侍郎陳性善欽天監副劉伯完指揮王貴等俱從李景隆軍中白溝河敗與明等皆被執尋悉縱遣之北師渡江與明遁去徧遊四方志欲有爲越數年微服來歸翼日竟去不復返不知所終

周縉字伯紳湖廣武昌人曾祖壽元翰林直學士國初縉以貢入太學試事有廉謹名時戶部奏遣太學諸生勘天下錢穀凡幾千輩歸報多失實論坐者十八九縉獨無所坐授北平永清縣典史居官廉慎既而攝縣事

境內多盜縉捕治有法一邑晏然歲旱蝗不爲災無何潛邸師興一時守令相率迎降永清地尤密邇縉極力拒守民多寡弱逃散縉自度無可爲佩印南奔欲有所爲道聞繼母喪還家營築甫畢亟圖勤王戰艦戎器畧具而天命有屬國事已去縉乃走匿編民間已而蹤跡漸露有司見收縉自必死慷慨就行械送闕下文皇義其志下之獄謫戍興州居數年以其子代還屏迹田園年八十而終吳文定公寬爲縉傳有曰以愧世之爲丁公而倖免者嗟夫縉亦所謂不可奪志者哉

東湖樵夫未詳何郡人與姓名壬午七月樵夫獨新臨海

續文獻通考

卷之六十七

十二

言大

東湖上見里巷傳相語曰新即位詔至矣樵夫瞠視久之含擔奮擲于水而死

石允常字恒德浙江寧海人洪武甲戌進士歷官河南按察司僉事廉介有聲人稱石清潭爲僉事時嘗徵行民間聞哭聲甚悲允常廉知其女爲閹宦逼奸而死受其訴聞於朝捕宦抵大辟羣宦銜之糾結巧誣左遷常州同知俄北師起允常棄官歸文皇登極追錄建文間廢毀周府官僚事逮至者五十餘人允常與焉衆悉洵懼服罪人止贖米五十石命于原官加一秩仍用之獨允常銀鍊百端堅不服繫獄三年免死謫戍中也衛躬掇甲冑幾三十年年七十代還過南畿感愴病卒

舟中遺文曰遇安集

葉希賢浙江松陽人 國初舉賢良擢監察御史建文壬午六月之變家人意希賢必死發喪以衣冠歸葬希賢實出亡爲僧號雪庵溯江而西抵重慶之善慶里隱者杜景賢知其非常人於白龍山爲寺希賢率其徒居之朝夕誦經咒諦聽之易乾卦也景賢婉諷之曰和尚沮釋而誦儒將儒行乎希賢悟遂轉誦觀音經因名觀音寺焉又好誦楚辭時放舟中流朗誦一葉畢輒投一葉于水誦已輒哭哭已又誦終卷乃已性嗜酒日注一壺飲客雖樵夫牧豎亦拉入與飲半醺呼兒童和歌瞑焉而寐希賢形頽而傾落筆成章不事工密而意氣渾發續文獻通考卷之六十七

七

卷之六十七

能愴人見者驚異或曰希賢當建文壬午爲翰林學士滅迹以死死之日其徒問曰師即死宜銘師故何許人但答曰松陽而已遺詩若干篇時又有河西傭馮翊翁韜光匿采意亦雪庵之儔然竟莫可踪跡云

補鍋者不知何許人往來隆安里間帕首挂短衲業補鍋而食其力垂老不滿一字偶值三數詩老酌酒聯句補鍋者立千步怪其語澀而艱輒然者再諸老怒曰汝能詩乎補鍋者持詩讀而應諸老驚起延之上坐請賦席上獅頭柑不可強之後可過此若病風然卒晦以死人言其與雪庵故僚友矢死不相問訊云

程濟陝西朝邑人有方術洪武末以明經舉爲四川岳

縣學教諭建文間上言某年某月西北兵起以爲非所宜言械繫至京入問故將斬之濟叩頭曰陛下幸囚臣至期無兵臣死未晚也乃繫濟詔獄已而北師起乃出濟命爲軍師護諸將北伐諸將與北師先鋒戰於徐州大捷已而李景隆師敗北師乘勝席卷遂至江上濟逃去不知所終初徐州之捷碑載戰伐次第及諸將姓名濟忽夜往祭碑莫測其故及潛邸過徐望碑問故大怒顧左右趣椎碑一再擊遽曰止止爲我錄碑來於是按碑誅諸將無得脫者濟名正在擊處得免曩者之祭蓋禳之也或云建文之出濟始終左右之高賢寧山東濟陽人建文中爲太學生北師圍濟南不下

續文獻通考卷之六十七

七

卷之六十七

潛邸射書城中諭諸守者亟降賢寧作周公輔成王論射城外亟請罷兵後賢寧被執潛邸識之曰此作論秀才耶好人也留官之固辭其友紀綱勸受命賢寧曰君學校棄才吾廩食太學義固不可綱爲之言全其志而遣之年九十七卒綱故諸生除名故謂葉才云王徐字叔寬紉之子積學能文有大父禕風受業方孝孺孝孺甚器重之許妻以女孝孺之及于難也徐周旋其間又與鄭珣至聚寶門外求孝孺遺骸歸葬不得卒生逮繫文皇念其祖禕死國特有免方欲向用徐以疾辭還金華結屋讀書青巖之下將終身焉復購孝孺遺文爲續城集以傳人咸義之徐性至孝初紳痛念父



歿每食必斥兼味祿一遵遺志子孫相承閱數十年不變事母丁如事其父送終盡禮三年酒肉未嘗入口學問該博從游者日衆郡邑交重之禮爲鄉飲賓至以分獻先聖廟祿疎髯偉貌出必儼然古冠服人爭覩之曰此王先生也所著有青巖稿聖廟文纂金華賢達傳續文章正宗卒年五十九門人私謚曰孝莊先生

郭良不知何許人建文末與梁中節俱棄官爲道士云

梁良用浙江定海人建文中父子兄弟八人同仕于朝

壬午之變相率去爲舟工後皆死于水

梁田玉浙江定海人洪武末仕至郎中建文末與葉御史俱髡髮逃禪晦跡終其身

續文獻通考

卷之六十七

十五

音

梁良王建文中中書舍人田玉族人也靖難後逃入廣之

南海鬻書爲業以死

宋和不知何許人建文中爲中書舍人與郭節及海州人

何洲皆棄官變姓名爲巫死異域

續文獻通考卷之六十八

皇明進士

節義考 忠諫 忠婦

忠諫

上古東里子栗陸氏臣以直諫而死

上古箕文夙沙氏臣以直諫被殺

夏 關龍逢安邑人桀時諫桀無道桀殺之

殷 比干紂諸父也諫紂無道紂曰吾聞聖人心有七竅

令剖視焉

周 左儒宣王時臣與杜伯友善王欲殺杜伯而非其罪

左儒爭之強王曰汝何別君而異友也對曰君道友逆

續文獻通考

卷之六十八

乙

音

則順君以誅友友道君逆則順友以違君臣能明君之

過以彰杜伯之無罪王殺杜伯左儒死之

春秋 洩冶陳大夫也陳靈公與孔寧儀行父通于夏姬

衷其和服宣淫于朝洩冶強諫靈公殺之

戰國

狐咥齊臣也湣王侵楚及三晉欲并二周爲天子狐咥正

議其失辭之檀衢

周舉齊臣也與狐咥同諫湣王直言不諱殺之東閭

屈原字子平楚三閭大夫也諫懷王不用乃作離騷之歌

自沉汨羅而死

漢

續文獻通考卷之六十七終

汲黯字長孺濮陽人性倨少禮武帝時爲主爵都尉帝嘗曰吾欲云云黯曰陛下內多欲而外施仁義柰何欲效唐虞之治乎帝不悅退謂人曰甚矣汲黯之戇也後竟出爲淮陽太守

朱雲平陵人成帝時爲槐里令上書求見既而願借尚方斬馬劍斬佞臣一人頭以勵其餘帝曰誰也曰安昌侯張禹帝大怒曰小臣居下訕上廷辱師傅大不敬趣斬之御史遂將雲下雲攀折殿檻呼曰臣從龍逢比干遊于地下足矣未知聖朝何如耳將軍辛慶忌爲叩頭請得釋後左右請治檻帝曰勿易因而輯之以旌直臣

王章成帝時爲京兆尹素剛直敢言會日食極言王鳳蔽賢文獻通考卷之六十八

主之惡鳳使尚書劾章下獄死獄中

杜根潁川人以安帝年已長上書請鄧太后還政太后大怒威以縶囊撲殺之載出城外得蘇逃爲宜城山中酒家保

李雲桓帝時爲白馬令以帝多封恩舊關宦露布上書移副三府帝震怒逮雲送獄弘農椽杜衆傷雲以忠諫獲罪上書願與雲同死帝并下之獄殺之又張鳳曹鸞臺帝時極諫黨錮被殺

偽漢 陳允達劉聰時廷尉也聰爲后起鵠儀殿元達切諫聰大怒曰朕爲天子營一殿何關汝鼠子乎命曳出斬之時元達先鎖腰而入即以鎖鎖堂下樹左右曳之

不能動會劉后密勅左右停刑手疏救之乃得免

陳

傅繹字宜事靈州人後主時爲秘書監右衛將軍被諸下獄乃于獄中上書曰陛下頃來酒色過度不虔郊廟之神卑媚淫昏之鬼小人在側宦豎弄權惡忠直若仇讐視生民如草芥神怒民怨衆叛親離恐東南王氣于斯而盡書奏後主大怒頃之稍解遣人謂曰我欲赦卿卿能改過否對曰臣心如面而可改則心可改矣後主益怒賜死獄中

章華字仲宗吳興人後主時爲大市令上書畧曰陛下即位于今五年溺于嬖寵惑于酒色祠七廟而不出拜妃嬪而臨軒老臣宿將棄之草莽諂佞護邪昇之朝廷今疆場日蹙隋軍壓境陛下如不改弦易轍臣見麋鹿復遊于姑蘇臺矣書奏後主大怒即日命斬之

唐 安金藏長安樂工也時有告皇嗣謀不軌者武后將使酷吏訊之金藏自剖其心以明皇嗣不反五臟皆出流血滿地太后聞之驚曰吾有子不能自明而使汝至此耶立命良醫納其五臟以桑白皮作線縫之歷時而醒卒獲愈後官加大將軍卒配享睿宗廟庭

趙奉璋咸寧太守上言李林甫罪二十條死于杖下燕欽融許州司戶參軍也再上書斥韋后逆節遂見殺

劉栖楚敬宗時右正言也以帝晏起不朝政事失理請碎首王階以謝諫職之曠乃叩頭不已聲聞閣中流血被地帝令人持之乃止

侯昌業僖宗時左拾遺也諫上遊戲無度賞賜無節帝怒殺之

孟昭圖僖宗時左拾遺也以上日夕與宦官議事待外臣疎薄乃上書極言田令孜屏不奏矯詔貶嘉州司戶遣人沉于墓順津聞者氣塞

常濬僖宗時右補闕也上言不宜姑息藩鎮宜稍振典刑以威四方田令孜落上賜死

范氏曰殺諫臣者其國必亡一時而殺三諫臣唐之亡續文獻通考卷之六十八

决矣

南唐 廖居素將樂人以剛直見忌驟諫後主不聽服朝衣冠立死井中大書于篋曰吾不貶國破王辱耳

宋

陳禾鄞縣人徽宗時為左正言嘗奏對論童貫反覆不已徽宗欲起禾引帝衣願畢其說衣裾落帝曰正言碎朕衣矣禾曰陛下不惜碎衣臣豈惜碎首以報陛下

唐介字子方江陵人仁宗時為殿中侍御史極論文彥博燈籠錦事貶英州別駕直聲動天下天下稱真御史必曰唐子方

鄭俠福州人熙寧中監安上門以王安石變法饑民流離

于道乃繪圖以獻閣門不納發馬遞進銀臺神宗覽之長吁數四即罷新法十餘事時大旱即日雨既而以謗訕編管連州

陳東字少陽丹陽人高宗時為太學生請留李綱被殺歐陽澈字德明崇仁人高宗時以布衣請罷汪伯彥黃潛善相被殺所著有飄然集六卷後贈秘閣修撰范應鈴為祀于學

馬伸字時中東平人高宗時以監察御史始請張邦昌避位後又請斥汪黃貶死濮州

胡銓字邦衡廬陵人紹興中為樞密編修官上疏乞斬秦檜孫近王倫以排和議除名編管新州又移吉陽軍檜續文獻通考卷之六十八

死得還

呂祖儉字子約祖謙之弟寧宗時以太府丞諫用韓侂胄安置韶州量移高安死

呂祖泰字泰然居常州亦祖謙族弟寧宗時以布衣諫用韓侂胄杖之百配欽州牢城後得生還授迪功郎

楊宏中字克甫福州人寧宗時以太學生與林仲麟徐範張衡蔣傳周端朝上書救趙汝愚編管太平州

華岳字子西寧宗時以武學生請罷韓侂胄貶建寧園土中後得釋又謀去史彌遠杖死東市

劉允升名階以字行建州布衣也聞岳武穆被逮詣闕上書訟其冤泰檜大怒下棘寺論死

金 祁宰字彥輔江淮人太醫院使也海陵時伐宋會元

妃有疾召宰診視既入見即上疏大畧謂宋人無罪師出無名加以大起徃役營中都建南京繕治甲兵調發軍旅賦役繁重民人怨嗟此人事之不修也間者晝星見于北斗熒惑伏于軫翼已歲自刑害氣在揚州太白未出進兵者敗此天時之不順也舟師水涸舳艫不繼而江湖渚島之間騎士馳射不可驅逐此地利之不便也言甚激切海陵大怒命戮于市世宗即位詔贈資政大夫復其爵位章宗時詔訪其子忠勇校尉平定州酒監公史擢尚樂局都監又以尚書省掾李秉鈞言賜諡忠毅

續文獻通考

卷之六十八

六

三百九十五

皇明

葉居昇洪武時爲山西平遙訓導應 詔爲萬言書言三事一曰分封太侈二曰求士太急三曰用刑太繁上大怒曰小子何敢間吾骨肉 詔逮繫獄刑曹問狀竟死焉

陳諤洪武間任刑科給事中遇事剛果嘗奏事繫響甚洪聽者悚然 上令餓之數日奏對如前乃嘆曰此天生也每見呼爲太聲秀才嘗以直諫觸 上怒命爲坎奉天門外瘞之露其首七日不死遂釋還職陞吏科都給事中

錢唐刑部尚書字惟明象山人洪武二年己酉 詔孔子

惟國學春秋釋奠天下不必通祀唐上疏言孔子百王

宗師乞令天下通祀從之已而 太祖覽孟子土芥寇讎章謂非人臣所宜言欲去其配享 詔有諫者不敬論且 命金吾射之唐抗疏入諫輿輓自隨袒臂受箭且曰臣得爲孟軻死死有餘榮 太祖覽其疏情詞剴切遂復孟子祭仍 令太醫院療其箭瘡一日 召講虞書陞立而講或糾唐草野不知君臣禮唐正色曰以古聖王之言陳於 陛下不跪不爲侶嘗諫 宮中不宜揭武后圖忤 旨待罪於門外終日 太祖悟 賜飯即 命撤圖惟明貌魁梧善飲居常以豪杰自負因元亂遂隱年近六十謁 太祖獻長詩一章稱 旨拜 刑部侍郎

續文獻通考

卷之六十八

七

四百零五

周新廣東南海人浙江按察使由鄉舉爲御史彈劾不避權貴擢雲南按察使尋改浙江屢有異政名震一時錦不指揮紀綱怙寵差千戶往浙緝事作威索賂新捕之千戶遁入京訴綱綱奏新專擅 上命官校逮至 陛前新抗聲曰在內都察院在外按察司 朝廷法官也臣奉法捕惡奈何罪臣 上怒 命殺之臨刑大呼曰生爲直臣死爲直鬼吾無憾矣 上尋悟其冤而惜之解縉吉水人永樂中爲翰林學士初 上欲征交趾縉謂自古羈縻之國得其地恐亦難守 上不喜 東宮而寵高煦縉謂不宜過寵致起覬覦縉由此得罪由廣

參議改交趾又上言欲用數萬人鑿贛江以通往來  
上大怒逮下錦衣獄暴卒時十三年正月也

李仕魯字宗孔濮州人聞蔡人朱公遷得朱子之傳乃從  
之遊太祖起兵時已識之洪武初詔求朱學者郡  
吏以仕魯應上迎謂之曰吾求子久矣何至之晚也  
仕魯對曰臣聞君求臣未聞臣求君陛下方以武定  
天下而臣欲以文進故臣有待耳除黃州同知初願備  
顧問太祖曰朕姑以民事試子耳後果以治聞召  
為大理寺卿時金碧峰應對稱旨上欲以為諫職司  
事仕魯三上章謂今天下學校尚未建儒風尚未振而  
先為異端立赤幟非所以訓遠也上怒仕魯乞歸遂  
續文獻通考卷之六十八 人 四 四

得罪以死

劉球安福人永樂辛丑進士擢禮部主事改翰林侍講正  
統八年應詔陳言宜親政務權不可下移太監王振  
怒欲置之法適編修董璘自陳願為太常卿詔獄辭  
連球并逮下獄振令錦衣指揮馬順遣小校入監捽球  
球知不免但曰死詎太祖太宗遂支解其體景泰  
初贈翰林學士謚忠愍

韋綸樂清人正統初進士景泰中為儀制郎中時英廟  
別居南宮憲皇乃易儲位兩宮嫌隙災異薦臻  
綸特陳修德弭災十四事疏上忤旨下錦衣獄榜掠  
慘酷體無完膚明年偕南京大理卿廖莊御史鐘同

于闕庭至百綸絕復甦禁錮詔獄越二載英廟  
復辟憲皇還儲首錄其忠出之獄擢禮部右侍郎卒  
贈刑部尚書謚恭敏

龔遂榮係千戶景泰元年庚午八月十一日英廟自虜  
還將入境遂榮具揭帖達之大學士高穀大畧言上  
皇之出非遊畋無益為宗社計耳今都人一聞駕  
旋無不喜躍則人心尚未厭上皇也今日奉迎禮當  
從厚上當避位而後受命乃可不然恐千載史書  
難洗署其尾云書上修史先生穀即袖入朝出與文  
武重臣聚觀皆驚駭謂胡濙曰此所言若封進或可感  
動上心胡濙質之都御史王文文曰匿名文書不得  
續文獻通考卷之六十八 九 四

言又以告少保于謙于言第封進亦無妨蓋其意亦持  
兩端衆因偕禮科董疏同上題其疏謂告言人罪蓋以  
破匿名之說俄而有旨繳進時胡濙已因王文言還  
之高矣乃復取以進王文有憂色曰諸公勿累小子與  
牢飯也學士陳循見之恚甚請捕治之遂榮自首詔  
下錦衣衛議獄時門謝二鎮撫議以當具奏而不具奏  
坐不應尋會赦得釋揭帖亦留中

賈斌山東商河縣人景泰初充山西行都司天城衛令史  
先是王振有寵用事朝臣無敢訟其非土木變後斌上  
疏云漢桓帝不任賢臣權歸宦官唐文宗忽於良士受  
制家奴宋之徽欽從虜北行亦閣寺用事之所致也

太上皇帝失位去國皆由倚托匪人然群臣無一捐生以赴難者事君能致其身豈空言歟皇上肇登寶位宜法高皇帝以爲治事無大小悉經宸斷除去竊柄闢人專僭掃洒凡阿諛者必斥之端本澄源謹終如始則天下一新矣臣于歷代直諫盡忠守節之士與侍寵宦官擢其尤者錄爲四卷名之曰忠義集伏乞刊布臣僚必能觀感以興起其忠義之心而宦者亦不得縱其奸宄之私矣疏入下廷臣議時禮部尚書胡濙覆奏斌言雖有理然章皇帝御製臣鑑錄已行頒給足爲勸戒所編不必刊布且斌擅自離役欲送法司問罪誠恐阻塞言路今發回原衛仍行天下在官之

人建言不許擅離職役違者罪之機密重事不在此例制曰可斌回衛後莫知所終

鐘同吉未豐人父復翰林編修同吉任御史景泰中與章綸疏諫易儲廷杖下獄而死天順初贈大理寺丞王淵字志默山陰人王徽字尚文金陵人成化初俱南京給事中時中官有寵人莫敢言二人以氣節相得乃率同官疏五事一曰覽書史二曰開言路三曰重大臣四曰重選良將五曰保全內臣而言之尤剴切上嘉納之時冊吳氏爲后太監牛玉之力也已而上嘉悔遂廢吳氏立王氏爲皇后然王猶免死惟謫南京徵論其故謂淵曰是可輕賞乎又率同官上疏數太監

牛玉大不韙之罪四乞寘諸法奏入群聞欲中以免法科道交章論求徹謫判普安州淵謫判茂州鄒智四川合州人爲庶吉士十二歲能文成化丁未有星變智謂星變見於朝廷蓋陽不能制陰之象也宜進君子退小人因上疏云正天下之衙門當自內閣始少師萬安恃權怙寵少師劉吉附上罔下太子少保尹直挾詐懷奸皆小人也南京兵部尚書致仕王恕素志忠貞可任大事兵部尚書致仕王竑秉節剛勁可寢大奸巡撫直隸右都御史彭韶學識正大可決大疑皆君子也然君子所以不進小人所以不退豈無自哉宦者陰主之也願陛下下法太祖以待宦官法太宗以任內閣疏入不報是時麻城進士李文祥雅著才名文祥見浮沉世事者輒斥且嘗惟與鄒智及御史湯鶴中書舍人吉人等十餘人往來高自標榜謂鶴爲先鋒文祥爲大將餘皆有名目適詔開言路文祥上新政疏中官傳旨詰中興再造等語爲不祥遂票旨令吏部除文祥繁難衙門做縣承着歷練遂補咸寧縣性伉爽喜爲大言以風節自負先疏論劾萬安劉吉尹直留中不出又劾都御史馬文昇等復聲言將劾三原王恕未幾萬安尹直皆罷鶴與文祥智等日夜酣呼以爲君子進小人退雖劉吉尚在不足忌一時直聲震天下吉聞之密令門客徐鵬唱御史魏璋以利使伺隙劾壽州

人也 弘治元年戊申春壽州知州劉槩貽書與言嘗  
夢一人牽牛陷澤中僊手提牛角引之而上蓋人牽牛  
象 國姓此 國勢瀕危賴僊復安之兆也因餽白金  
爲壽僊大喜出書示客璋以此劾之謂其妖言誹謗遂  
捕僊及槩下錦衣獄時馬文昇掌都察院欲坐妖言斬  
三原力救之僊後數年得放釋爲民先是王恕奏還李  
文祥授兵部職方主事及是劉吉憾智嘗劾已因諷錦  
衣令僊辭連智遂併下獄逼供與僊等往來誹謗 朝  
政欲處以死刑部侍郎彭韶辭疾不爲判案獲免遂謫  
廣東石城千戶所吏目尋卒吉人以言事下獄乃有煤  
孽文祥前妄議 朝政者亦被逮獄謫爲貴州興隆衛

續文獻通考

卷之六十八

十一

置

經歷未幾進表南還至商河城曲河水陷溺死

何文鼎弘治中太監也以 皇親入 禁城觀燈諸不法  
事極言其非 上怒下錦衣衛雜治并究所主鼎曰有  
兩人但不可執按曰姑言之曰孔子孟子也文鼎死猶  
能于禁中拽銅缸作聲若稱冤者 上特命勒碑祭之  
蓋文鼎少習舉子業能古詩文至壯始闔也

陸汝亨等十一人正德十四年 武宗欲南視岱宗歷徐  
揚抵南京下蘇州從浙江浮漢登太和大岳且徧中土  
盤蹙麗是時寧藩蓄逆侯璩而動人情洶洶皆懼不測咸  
憤激力請于 上不宜輕出一時首義者舒芬夏良勝  
萬潮汪子宿連疏先入明日吏部郎中張衍慶禮部郎

中姜龍兵部郎中孫奉刑部郎中陸天象陸傑等疏俱  
入又明日兵部郎中黃輦貢外郎陸震同疏入又有太  
醫院醫士徐鑒以醫諫又明日工部郎中林大輅等大  
理寺正周敘等行人司副余廷璿等並連名疏入 上  
大怒下黃輦陸震夏良勝萬潮陳九川徐鑒錦衣衛獄  
命舒芬張衍慶姜龍孫奉陸傑等百有七人跪 午  
門外五日越二十二日林大輅周敘余廷璿二十餘人  
俱下獄明日同黃輦等六人亦跪 午門外五日是日  
工部林以乘等三人大理寺周子厚等十人亦連疏入  
明日俱下獄亦跪五日 京師陰霾晝晦越二  
十五日戊午 宮城內海子水忽漲自橋高四尺橋下

續文獻通考

卷之六十八

十一

置

鐵柱七根齊折如斬復有金吾衛指揮張英者以是爲  
天變明甚言 車駕出必不利乃肉袒露刃于胸囊土  
數升持諫疏當 蹕道跪哭諫不允即拔刀自刎血流  
滿地侍衛即縛 詔鞠英囊土何爲曰恐汚 帝廷洒  
土掩血耳已而死獄中無子 上乃 命舒芬等百有  
七人俱 午門前各杖三十爲首者調外任其餘罰俸  
六個月四月十六日巳卯月食 上命黃輦等六人  
午門前杖五十徐鑒發邊遠充軍輦震良勝潮九川俱  
爲民林大輅周敘余廷璿杖五十降三級調外任其餘  
俱杖四十降二級調外任時死于杖者貢外郎陸汝亨  
主事劉宗夏吳江何遵評事劉須夫照磨劉珪行人司



司副徐伯獻行人孟陽劉平甫李德卿王山詹賦吳崇德蓋十一人也 車駕遂不出是役也士氣少伸江彬奸謀少沮而 國體亦少損云嘉靖改元贈何遵劉校尚寶卿林公黼余廷賢太常寺寺丞劉珪詹軾劉璽孟陽李紹陽李惠王瀚監察御史仍各廕子姪一人入國子監張英贈都指揮廕其弟雄都指揮

時禮部主事仵瑜上疏曰正德間給事中御史挾勢凌人趨權擇便交遊貴俠飲宴園亭凡 朝廷大關失群臣大奸惡緘口閉目不復救正一時犯顏敢諫視死如歸或拷死 廷闕或流竄邊隅者皆郎中員外主事行人庶吉士等官又張英本一武夫直諫就死行道悲傷

續文獻通考

卷之六十八

十四

四百七

諸給事中御史揚揚出入若罔聞知今幸 聖皇馭極褒恤忠諍此輩更無面目復立清明之朝章下吏部寢閣不報夫事雖寢而一時羣省聞者赧然竦懼則亦膽落溫御史矣

王鑾吳江人以戎籍家南京正德辛未進士授吏部主事至郎中以諫 武皇南巡 廷杖致傷踰年卒

蔣欽常熟人以進士拜監察御史劾馬永成人之奸時劉瑾用事繫獄鞠問挺言不回竟死杖下贈光祿少卿

桎其子

徐禎新淦人弘治己未進士知江陰遷御史忤逆瑾以禍中之死于錦衣獄瑾誅 命復官 諭祭

林質夫長樂人爲大理評事李紹賢盱眙人授行人正德中 武宗南巡二人同疏入諫忤 旨杖于 闕庭昇出俱死

俞廷瓚鄱陽人以進士授行人司副正德己卯 武宗南巡廷瓚條上十事皆人所不敢言者詞極剴切奮不顧身遂死于諫嘉靖改元遣官 諭祭

王相王思等一十七人嘉靖三年何孟春奏金豐熙及臺諫各疏爭本生二字章十三上不報 帝罷朝齋居

文華殿金獻民徐文華倡言諸疏留中必以 孝宗爲皇伯考矣何孟春曰昔 憲宗時 慈懿太后葬禮

書姚夔率百官伏哭 文華門力諍 憲宗從之此我

續文獻通考

卷之六十八

十五

四百七

朝故事也楊慎王元正等遂遮留群臣于金水橋曰萬世瞻仰在此一舉不力爭者共擊之孟春等二百二十餘人俱跪伏左順門大呼 萬皇帝 孝宗皇帝

上使司禮諭退不從自辰至午 上怒甚 命收豐熙張璉余翔余寬黃侍顯陶滋相世芳毋純德等八人下獄楊慎王元正乃抵 奉天門大哭群臣皆哭聲徹

大內 上大怒 命繫馮理等一百三十四人俱下獄有避匿者悉追繫之并何孟春金獻民等共二百二十

人越二日 命下學士豐熙科官張璉御史余翔吏侍余寬戶部黃侍顯兵部陶滋刑部相世芳大理寺正毋純德俱戍邊編修王相等一百八十餘人各杖有差

王相王思科臣裴紹賢毛玉御史胡璠張日翰郎中楊維賢員外章燦申良王事愆應許查余禎安爾殷承叙等十七人病創卒

馮恩華亭人嘉靖丙戌進士官南道御史嘉靖十一年彗出東井以修省上言舉時政之得失以更張不若舉臣丁之邪正以進退遂指斥張孚敬方獻夫汪鉉罪惡而以孚敬為根本之彗鉉為腹心之彗獻夫為門庭之彗三彗不去庶政不平雖欲召和不可得也李時為太平宰相翟璵為伴食中書許讚為守成尚書夏言為救時宰相王憲為通達王時中為具臣趙璜為廉介周用為通敏許論為迂邪湛若水為無用道學王守仁為有用

續文獻通考

卷之六十八

十六

道學顧鼎臣不局偏長錢汝京為安靜黃宗明為通儒聞淵為正直朱廷吉為篤實黎輿為滑稽林廷楫為敏達乞斬三姦以應除舊布新之象上怒逮繫即訊十二年正月上召張孚敬汪鉉許思諸不法事因摘疏內舉時宰言為上言大臣德政律斬及朝審鉉遂書情真應決王邦相曰不可我朝一百六十二年不殺言官吾儕安得作俑上微聞之是歲遂免行刑其母吳氏擊登聞鼓聲冤子行可請以身代皆不報是冬行可復于長安街刺血書疏自縛闕下通政使陳經見而憐之為引奏上動容曰忠孝乃出一家耶遂得減死戍雷州隆慶起大理丞贈三品都建父子忠孝祠

楊繼盛初為兵部員外郎以諫馬市謫狄道典史尋復職又上疏論嚴嵩其畧謂臣前本內脫字罪應下獄被逆鸞威屬問官將臣手指按折脛骨夾出必欲置之於死荷蒙皇上聖恩薄罰降調不二年間復陞今職夫以孤直罪臣不死逆鸞之手已為萬幸而又遷轉如此之速則自今已往之年皆皇上再生之身也况臣官居兵曹以討賊為職然賊不專於胡虜凡有害於社稷人民者均謂之賊臣觀大學士嚴嵩盜權竊柄誤國殃民其天下之第一大賊乎方今在外之賊惟胡虜為急在內之賊惟嚴嵩為最胡虜者犬羊之賊瘡疥之疾也賊嵩者門庭之寇心腹之害也賊有內外攻宜有先

續文獻通考

卷之六十八

十七

後未有內賊不去而可以除外賊者故臣請誅賊嵩當在勦絕胡虜之先至列嵩專政叛君之十大罪疏入世宗大怒杖百詔獄尚書何鰲受嵩指撫摘本內召問二王之語論詐傳親王令旨律絞而侍郎王學益贊鰲其獄以上令監候處決在獄三年竟死西市隆慶改元贈太常少卿謚忠愍廕一子入監讀書勅建旌忠祠

沈鍊字純甫浙江山陰人嘉靖戊戌進士以縣令任錦衣衛經歷嘉靖二十年嚴嵩專權亂政鍊獨抗疏論劾嵩父子奸貪數十大罪天下皆知其忠夏邦謨希嚴嵩意摘鍊在縣不檢懼黜肆詆大臣編發保安州為民錄

在州教授生徒共相習焉父子又為三木偶人曰秦檜  
李林甫嚴嵩日鞭射之世蕃聞知密囑撫按而巡撫楊  
順巡按路楷遂誣鍊通同白蓮教勾虐虛情本兵許論  
附和成獄竟坐腰斬天下莫不切齒隆慶初贈光祿少  
卿順楷抵死海內稱快後楷賂新鄭竟得脫罪善類為  
之扼腕

楊最四川射洪人正德戊辰進士嘉靖十八年為太僕卿

時太廟災世宗欲更建九廟最力諍不可且論

太祖當配天而唐考不當侔太祖天戒未必無意

忤旨廷杖死隆慶初贈都御史諡忠節或云最諫信

宗大怒逮訊竟死

續文獻通考卷之六十八 十八

商大節嘉靖中為都御史北虜入犯時募材士脩廩餼

精練以備非常仇鸞以秋防徵隸麾下復檄大節守城

大節以卿貳非鸞所轄兵部巡卒不隸京營安得專領

因上言鸞包藏禍心宜稍抑之以除禍本鸞上疏力排

大節遂逮繫竟死獄中

馬從謙嘉靖三十一年官光祿寺少卿劾太監杜泰乾沒

內帑金巨萬泰誣譏誹謗不忠皆逮訊泰以發奸免罪

謙竟死杖下

郭希顏江西豐城人嘉靖壬辰進士入翰林至左中允謫

鹽運司大計削籍嘉靖庚申上建諸疏大畧云臣往

歲恭讀聖諭欲建帝立儲者道路相傳以立

儲賀臣不敢言立儲請言安儲何者君臣相信則

儲安兄弟相保則儲安父子相體則儲安相信

有道釋疑是也相保有道分封是也相體有道總攬是

也三者安儲之急務也奏入上震怒諭輔臣嚴

嵩徐階等曰本中有建帝立儲四字夫立子為

儲固是不知所建之帝是誰人耶必無可赦之理下

廷議奏依違妖言惑眾律斬即命彼處巡按官處決

禍各省

沈東字宗約會稽人嘉靖甲辰進士任推官陞禮科給事

中嘉靖中疏劾嚴嵩并直周尚文有功忤旨下獄東

妻張氏願以身代夫囚上疏云臣夫沈東叨中嘉靖二

續文獻通考卷之六十八 十九

十三年進士除授直隸徽州府推官行取選授禮科給

事中繼以愚昧皇上寬宥下獄經今一十四年束上

有老親下無子女孤苦伶仃俯仰無賴止遺臣一身寄

居旅舍早暮力作女工以供口食艱難萬狀度日如年

臣夫之父今年八十有七衰病侵尋風燭不定養生送

死之具更無可託臣願以身代夫繫獄暫容臣夫送父

畢仍即赴獄疏上不允四十五年冬十月奉旨出獄

為民隆慶元年復職擢通政

吳時來僊居人為科臣張紳廣西人董傳策松江人俱主

事嘉靖三十七年三人同日各疏劾嚴嵩奸貪萬狀

宜罷斥上怒逮三人繫鎮撫獄擬坐重辟刑部尚

鄭曉執不可遂降 中旨廷杖謫戍嶺南後俱擢顯職  
海瑞廣東南海人以舉人由教官知縣爲戶部主事嘉靖  
四十五上年疏畧曰 陛下初年刻除積弊與天下更  
始過漢文帝遠甚二十年來法紀漸廢名器日濫 二  
王不相見人以爲薄于父子以積疑僇辱臣子人以爲  
薄于君臣樂西苑而不返人以爲薄于夫婦賦役日煩  
萬方縣罄天下之人不直 陛下久矣修齋修醮相率  
進香天桃天藥相率表賀修建宮室工部極力營繕買  
香市岳戶部差求四出 陛下誤爲之而諸臣誤順之  
無一人爲 陛下言者夫玄修以求長生然堯舜禹湯  
下歷漢唐未有至今獨存者 陛下師事仲文而仲文  
續文獻通考卷之六十八 二十一

已死彼既不能保其身 陛下何獨神其術乎 上覽  
之怒甚抵于地已復取再讀之太息自悔留中數月會  
不豫乃 詔曰海瑞等 主毀 君悖道不臣錦衣收  
訊并追噤使者以聞尚書黃元昇希 旨以大辟獻上  
而獄詞竟留中不下  
石星大名府東明縣人嘉靖壬戌進士爲給事中隆慶二  
年正月奏請圖政理以慰人心曰養聖躬修鰲山之樂  
縱長夜之飲沉湎聲色不可不節曰勤聖學經筵久輟  
屢請未復曰勤視朝正月以來視朝稍倦恐奸諛有以  
嘉靖末年導 上者曰逮俞允言涉 聖躬者留中不  
下事于內宦者稽遲不允甚且因而獲戾若軍機處

呼吸立變而槩至遲期豈左右抑遏不達 宸聰耶曰  
廣聰納周怡一觸忌諱而謫外陸鳳儀偶違 聖旨而  
削籍乞召二臣以延忠直曰察讒譖頃緣內江專擅言  
官攻發切齒中傷譖以欺慢 陛下得無入其言而不  
暇察乎疏入 命廷杖削籍後起爲大司馬以誤東事  
斃獄有讖傷其不以諫時死云

曹大埜四川人疏劾高拱大畧云昔嚴嵩欺 君納賄過  
惡貫盈乃嵩之死未久而又有罪惡過於嵩如大學士  
高拱者昔侍 陛下於 潛邸見有危疑即營幹轉爲  
國子祭酒嘗因言官交劾特令其致仕矣 陛下冀其  
改過復加委用且任以掌吏部之事拱乃專肆曰其放  
續文獻通考卷之六十八 二十一

縱無忌前者 王體達和臣工皆寢食不寧獨拱言笑  
自若且過侍郎曹金飲酒作樂視 陛下之疾若罔聞  
知此其大不忠者一也 東宮出閣講讀拱當每日進  
侍左右乃止欲三八月叩頭而出是不欲以事 陛下  
者事 東宮何其無人臣之禮敢於自尊哉此其大不  
忠者二也拱以復舊仇爲事昔日直言拱之惡如岑用  
賓等二三十人一切降斥舉 朝善人爲之一空此其  
大不忠者三也自拱掌吏部以來其所不次超擢者皆  
親戚鄉里門生故舊如副使曹金給事中韓楫任其所  
喜即輒超用不可勝記此其大不忠者四也科道衙門  
爲 陛下耳目拱於選授科道即先在吏部堂上戒諭

不許私言大臣過失此蔽上下耳目以恣其奸惡之計大不忠者五也科道多拱心腹爲之隱晦不言則拱之罪惡 陛下其曷自聞之故内外皆知有高拱不知有

陛下此其結黨爲惡大不忠者六也嚴嵩未嘗無吏部今拱掌吏部不肯辭退故用舍予奪皆在其掌握之中撫按舉劾有所不計在 朝清議有所不惜故其權之重過於嚴嵩引用匪人排斥善類甚於嚴嵩此其專權放肆大不忠者七也嚴嵩止其子世蕃貪財納賄今拱親開賄賂之門董文案餽以厚幣六百金即陞爲河南叅政張四維餽以別儀八百金即留爲 東宮侍班講讀其他暮夜千金之餽難以盡數故拱家屢被盜劫

續文獻通考

卷之六十八

二十一

四十五

不止數十萬金賍迹大露此其大不忠者八也沈鍊在嚴嵩專權之日獨抗疏論劾謫發保安州爲民巡撫楊順巡按路楷乃承嵩意將鍊捏作勾虜虛情竟至腰斬天下切齒恨之 陛下大奮乾斷將楊順路楷問擬死罪天下賢人莫不稱快今高拱乃受路楷千金爲楷強辯脫去死罪此其大不忠者九也吳時來抗疏劾嚴嵩所謂忠臣徐階受 先帝顧命所謂元老拱以私恨多方害之至於太監陳洪之閒住乃出於 陛下之獨斷拱思往來情家嘗諷言官欲爲之辯復是黨洪而謂其不當去也傳答歸順拱乃揚言於人曰此非 國家之威乃我之力歸功予已不知上有 陛下此其大不忠

者十也高拱不忠負國難以盡記大要指斥正士任用匪人多植朋黨專權納賄蔽塞言路放肆無忌拱一日不去則忠臣義士無由立朝而小人結黨 社稷不安矣疏入有 旨大禁妄言調外任

高舉山東淄川人萬曆二十七年巡按直隸疏畧曰 皇上登極之後孝養 兩宮動遵 二祖講筵時 御郊廟必親簡賢進直遣賑蠲租至 朝講之暇遇有大軍機大 朝政時 召閣部大臣 面爲商確以故海晏河清民安物阜識者皆謂我 皇上十數年勵精勤政所致也柰之何自十七年以還 聖體違和將爲靜攝此其時以鼓舞人心光昭 帝德上下得有所聯屬

續文獻通考

卷之六十八

二十一

四十五

而政事不至廢弛者全在 朝講召問一二事乃今經筵輟矣日講罷矣視 朝召問之典杳乎未之聞矣此在清平已爲不可今何時也天鳴地震湧血隕星黃氣蔽天鉞飛旗落帝夏逆賊一逞狂謀數月于茲乃彼狡獪胡雛日持金帛子女以厭虜之欲聲以讓地讓位以結虜之心烏合雲從賊勢日甚且火酋于諸部中最稱爲難方西竄海上而倭爾遠來似欲藉力于彼而取償于我勢可虞也臣恐寧夏一搖則關中不可保而宇內從此多事矣東之而關白空國大寇朝鮮失利背城以敗而不得援於我勢必折而南入于倭且倭之不耽輕犯 中國者恐高麗之攻其後也今高麗既破撤我

籬臣恐一揚帆則遼左無寧日而神京有千障之恐矣近知勦賊于西則借兵于官府禦倭于東則調兵于薊鎮似矣萬一北邊諸虜鴟彼之利而寒我之盟狡焉生心牧馬而南顧此失彼將何所調而何所援耶又萬一奸民俠士有如劉汝國者乘機作難揭竿而影從則處處戒嚴人人整備又將何調而何所援耶此不可不慮也邇年搜索外窖房之積僅得六百餘萬年來賑荒補餉支用一空除內窖房未敢擅動內帑未易測度兩京各部馬船事例暨太僕寺馬價等銀總之數不盈千萬止耳當此供用浩煩之際而所藉止此安所稱富今天下關管衛所詎不夥多第冊籍空存逃亡過半而半之存者亦皆老弱羸難以爭鋒安所稱強邇來姑息太過法紀漸隳軍卒大抵怯于禦敵而敢于背公鼓譟要挾接踵如是自西寧變起曾幾何時一見于中州再見于薊門人心渙散安所稱和夫以此不富不強不和之勢即并力以遏方張之虜勝負未可預卜矧今兩來而兩敵之乎又復有左顧右盼前牽後掣之足虞者乎思患及此良可寒心伏蒙皇上命將遣師發金給餉是聖心詎不孔疚綸音非不日渙乃竟晏然于九重之內足不出紫禁之門睿策神謀未一指授中外臣民紛紛籍籍咸謂事勢之岌岌若此皇上之泄泄若彼倘或移時而西虜就擒南倭立馘海

內帖然其無事焉則陛下將終于不朝終于不講置天下于度外乎懇惟皇上念國步之艱奮大行之機決策臨朝諸凡軍機秘策面與閣部大臣互相籌畫而又童疏之不留講筵之日舉建儲格廟敬天憫人日與臣工圖所為保太定傾之策則國祚永繫于苞桑矣奉旨該部知道

忠婦

周

丘子妻戎伐蓋殺其君令於蓋群臣曰敢有自殺者妻子盡誅丘子自殺人救之不死既歸其妻謂之曰吾聞戰而亡勇非孝也君亡不死非忠也今軍敗君死子獨何生忠孝忘於身何忍以歸丘子曰吾固自殺也以救故不得死妻曰曩自有救今又何也丘子曰吾非愛身也戎令曰自殺者誅及妻子是以不死死又無益於君妻曰吾聞主辱臣死今君死而子不死可謂義乎多殺士民不能存國而自活可謂仁乎憂妻子而忘仁義背故君而事強暴可謂忠乎人無忠臣之道仁義之行又可謂賢乎周書曰先君而後臣先父母而後兄弟先兄弟而後交友先交友而後妻子妻子私愛也事君公義也今子以妻子之故失人臣之節無事君之禮棄忠臣之公道營妻子之私愛偷生苟活妾等耻之況於子乎吾不能與子蒙耻而生遂自殺戎君賢之祠以太牢而以

將禮葬之賜其弟金百鎰以爲卿而使別治蓋君子謂  
蓋將之妻潔而好義

漆室女魯人倚柱而嘯鄰人婦曰子欲嫁吾爲子求偶女  
曰吾豈爲不嫁悲哉吾憂魯君老太子幼鄰婦曰此乃  
魯大夫之憂婦人何與焉女曰昔晉客舍吾家馬踐吾  
園中致使吾終歲不飽鄰人女奔倩吾兄追之溺死使  
吾終身無兄吾聞河潤九里浸淫三百里今君老悖子  
少愚魯國有患婦女獨安避哉越三年魯果亂男子戰  
鬪婦人轉輸不休

戰國 魏曲沃婦者大夫如耳母也哀王爲太子納妃而  
美將自取焉婦使其子諫王會使于齊婦乃自焚王門  
續文獻通考卷之六十八 三美

上書曰妾聞君臣父子夫婦三者天下之大綱紀也三  
者治則治亂則亂今大王亂人道之始棄綱紀之大南  
有勁楚西有強秦而魏居其間可謂僅存矣王不憂此  
而從亂無別父子同女妾恐大王之國政危矣王曰然  
寡人不知也遂與太子妃而齊婦三十鍾如耳還而將  
之

齊 王孫賈寧閔王王出奔賈失王之處其母曰汝朝出  
而晚來則吾倚門而望汝暮出而不還則吾倚閭而望  
汝今事王王出走汝不知汝尚何歸王孫賈乃入市中  
曰淖齒亂齊國殺閔王與我誅齒者桓右市人從者四  
百人遂與誅淖齒刺而殺之

西漢 王陵歸漢陵母爲項羽所質漢使至見陵母母曰  
漢王長者終成大業願爲妾語陵使終事之母以老妾  
故持二心妾今以死送使者遂伏劍而死

東漢 馬超入涼州殺刺史韋康參軍事楊阜外兄姜叙  
屯兵歷城阜往見叙及其母敘歔悲甚曰守城不克完  
君亡不能死馬超背叛父叛君虐殺州將豈獨阜之憂貴  
君擁兵無討賊之心此趙盾所以書弑君也叙母慨然  
曰人誰不死死于忠義得矣我不以餘年累汝叙乃與  
趙昂等合謀討超時超已取昂子月爲質昂謂妻異曰  
當奈何何異厲聲曰雪君父之大仇喪元不足爲重况  
一子乎遂同進討超殺叙母及月而奔

續文獻通考卷之六十八 三美 晉

吳興太守虞潭母孫氏聞蘇峻反入石頭命其子起義兵  
赴救且曰汝當舍生取義勿以吾老爲累盡遣家僮從  
軍鬻環珮以給軍費潭卒與陶侃破峻兵復晉室

襄陽太守朱序母韓氏以秦符丕寇襄陽克外郭序固守  
中城韓氏自登城餞行西北隅以爲不固帥百餘婢及  
城中女丁築斜城于其內及秦兵至北隅果潰移守新  
城襄陽號爲夫人城秦圍之經年不克

何無忌母劉氏征虜將軍建之女也少有志節弟牢之爲  
桓玄所害劉氏每銜之常思報復及無忌與劉裕謀而  
劉氏察其舉措有異喜而不言會無忌夜于屏風裏制



檄文劉氏潛以器覆燭徐登梯于屏風上窺之既知泣而撫之曰我不如東海呂母明矣既孫其誠常恐壽促汝能如此吾讐耻雪矣因問其同謀知事在俗彌善乃說桓玄必敗義師必成之理以勸勉之後果如其言

北魏

梓潼太守苟金龍妻劉氏平原人宣武時金龍爲郡帶關城戍主梁人攻圍會金龍病不堪部分劉遂率勵守城人修理戰具夜悉登城脩戰百有餘日兵士死傷過半戍副高景陰圖叛逆劉與守城人斬之及其黨數十人自餘將士分衣減食勞逸必同莫不畏而懷之會益州刺史傅監眼率救兵至梁人乃退監眼嘆異之具狀奏

續文獻通考

卷之六十八

三元

四十三

聞明帝正光中賞其子慶珍平昌縣子又得一子出身武功縣孫道溫妻趙氏者安平人也乃侯醜奴之反圍岐周久之無援趙乃謂城中婦女曰今州城方陷務在同憂遂相率負土晝夜培城城竟免賊文皇帝大統六年贈道溫岐州刺史贈趙安平縣君

隋 鍾士雄母蔣氏者臨賀人也士雄仕陳爲伏波將軍

陳主以士雄爲嶺南酋帥慮其反覆留蔣氏於都下及晉王廣平江南以士雄在嶺表欲以恩義致之遣蔣氏歸臨賀既而同郡虞子茂鍾文華等作亂攻城遣召士雄士雄將應之蔣氏謂曰汝若背德忘義我當自縊於汝前士雄遂止蔣氏復爲書與子茂等諭以禍福子茂

不從羣爲官軍所敗上聞蔣氏甚異之封安樂縣君

譙國夫人洗氏高涼人爲高涼太守馮寶妻有謀略知大義廣州刺史歐陽紇謀反召其子僕至南海誘與爲亂僕遣使歸告夫人曰我忠貞兩世不能偕汝負國遂發兵拒境紇徒潰散僕以夫人之功封信都侯加平越中郎將轉石龍太守冊夫人爲高涼郡太夫人後番禺王仲宣反圍洗夫人遣其孫暄帥師援洗而暄素與逆黨陳佛智相善夫人大怒遣使執暄繫州獄又遣孫蓋計佛智斬之後竟敗仲宣封贈加厚每歲時大會出累朝所賜物陳于庭示子孫曰我事三代主惟用一好心今賜物具存此忠孝之報仁壽初卒謚誠敬夫人

續文獻通考

卷之六十八

三元

四十三

伊川寡婦胡氏其有志節江南之亂諷諭宗黨守節不從叛逆封爲客陵縣君

唐

鄒保英妻姜氏武后萬歲通天初契丹入寇平州姜氏率家僮女乘城不下詔封誠節夫人

高獻妻秦氏獻爲趙州刺史爲黠戛所攻州陷獻仰藥不死黠戛欲降之獻視秦氏秦氏曰君受天子恩當以死報賊一官安足榮自是皆瞑目不語黠戛知不可屈乃殺之

金節婦者安南賊帥陶齊亮之母也常以忠義誨齊亮頑不受遂絕之自田而食紡而衣州里矜法焉大曆初詔

賜兩丁侍養本道使四時存問終身

楊烈婦者李侃妻也建中末李希烈陷汴謀襲陳州侃爲

項城令希烈分兵略定諸縣侃以城小賊銳欲逃去婦

曰寇至當守力不足則死焉且縣不守則地賊地也倉

廩府庫皆其積也百姓皆其戰士也于國家何賴調宜

重賞募死士尚可濟侃如其言而守中流矢還家婦責

曰君不在人誰肯固守死于外猶勝死於牀也侃遂登

城卒退賊詔遷太平令

高氏飛狐令古玄應妻也默啜攻飛狐高能固守虜引去

封殉忠縣君

衛州女子侯氏滑州女子唐氏青州女子王氏憤史思明

續文獻通考卷之六十八

三十

黃汝

之叛相與歃血赴行宮討賊滑濮節度使許叔冀表其

忠皆補果毅

董昌齡母楊世居蔡昌齡更事吳少陽至元濟時爲吳房

令母嘗密戒曰逆順成敗兒可圖之昌齡未決徙偃城

楊復曰逆賊欺天神所不福當速降毋以我累兒爲忠

臣吾死不恨會王師逼偃城昌齡乃降憲宗喜即拜偃

城令兼監察御史昌齡謝曰母之訓也臣何能帝嗟嘆

蔡平封北平郡太君

昭容李漸榮唐昭宗內人也朱溫使蔣玄暉弑昭宗漸榮

以身蔽帝曰寧殺我毋殺大家遂并遇害

宋

李母蔣氏江陰僉判李易之母也建炎三年金兵至夏港

守臣胡紉調易曰吾曹義當死公母宜少避易歸具告

其母今避母曰我去則汝決不能守矣願與汝同死聞

者義之

馬氏者下邳李好義妻也好義爲興州正將吳曦反將汝

之拜決于家廟囑馬氏曰日出無耗當自爲計生死從

此決矣馬氏叱之曰汝爲朝廷誅賊何以家爲我決不

辱李氏門戶馬氏之母亦曰行矣勉之汝兄弟生爲壯

夫死爲英鬼好義喜曰婦人女子尚念朝廷不愛性命

我輩當如何

徐氏宋和州人金人犯維揚官軍奔潰多肆虜掠執徐欲

續文獻通考卷之六十八

三

四

汚之徐睨目大罵曰朝廷用汝輩以備緩急今敵犯行

在既不能赴難又乘時爲賊我恨不能斷汝頭肯爲汝

辱第速殺我賊慚恚殺之投江中

毛惜惜高郵妓也端平二年別將蔡全擾高郵叛與同黨

王安等宴飲召惜惜佐酒惜惜不應命曰初謂太尉降

爲太尉更生賀矣今閉門不納使者乃叛逆耳雖賤妓

不能事叛臣安斥責之惜惜罵曰汝本健兒也官家何

負于汝輩而反叛吾有死耳不能爲反賊行酒樂全以

刃裂口立命繼之罵至死不絕後閩臣以聞特封黃烈

夫人且賜廟祀後潘紫巖詩曰淮海艷姬毛惜惜蛾眉

有此萬人英恨無七首學秦女向使裴頭真果卿玉膏

花顏城下土水魂雪魄史間名古今無限腰金者歌舞  
筵中過一生

雍氏昌州人宋池州通判趙昂發之妻元兵渡江昂發攝  
州事知不可守與雍氏訣今先出走雍曰君為忠臣我  
獨不能為忠臣婦平遂同縊於從容堂事聞朝廷贈昂  
發官待詔謚文節雍贈順義夫人立廟有司歲以三月  
望日致祭

林氏福清人福建招撫使劉全子之妻也宋末全子起義  
兵後亡命自經死有司執其妻具反狀林叱曰林劉二  
族世為宋臣欲以忠義報國事不成天也何為反乎汝  
知去歲有以血書壁而死者乎是吾兄也吾與兄忠義

續文獻通考卷之六十八  
三十一  
遇害之心則一死且求治汝于地下可生為汝等凌辱耶遂

安康夫人朱氏故宋宮人宋亡夫人與安定夫人陳氏隨  
謝全兩后至虜與二三小姬沐浴整衣焚香自縊死朱  
夫人遺四言一篇于衣中云既不辱國幸免辱身世食  
宋祿羞為北臣妾輩之死守于一貞忠臣孝子期以自  
新丙子五月吉日泣血書世祖覽之命斷其首懸之死

金

金玉妻益普人王署元帥府監軍時武仙叛遣人齎命  
誘于妻妻拒曰妾豈可使夫懷二心于國家耶仙怒圍

之數匪殺其子寧壽

寶符李氏哀宗時內人也崔立以汴京降元諸妃嬪皆北  
遷李氏從至宣德州居摩訶院自入院止寢佛殿中作  
幡旛會當同后妃北行將發佛像前自縊死且自書門  
紙曰寶符御侍此處身故

元

徐州娼者至正壬辰秋邊寇陷常州守吏望風奔潰徐為  
寇所執命以佐宴憤誓弗從竟刺死之嘉興張翼嘗作  
忠婦徐娼詩以傳于世

脫脫懷氏副樞密燕帖木妻大明兵平雲南燕帖木敗  
續于曲靖馳歸氏閉門不納曰爾受梁王厚恩兵敗不

續文獻通考卷之六十八

三十一

三十一

死何以見為乃鴆其二男一女命其侍者曰我死爾舉  
火焚屋毋令辱我遂飲鴆死

皇明

翁氏池州貴池人建文朝禮部侍中掌尚寶司事黃觀之  
妻靖難師入京索傳國寶不得或言許尚寶已赴上游  
起兵即黃尚寶也文廟命執其妻翁氏并二女配象  
奴翁叱奴取釵釧出市酒餼遂携二女率家屬十人赴  
淮清橋下溺焉一云城南濠中先是觀募兵至安慶聞  
京師已定哭語人曰吾妻素有志節必不受辱因招  
魂葬之江上明日家僮逝至果如其言觀亦自投羅網  
殲而死

歐陽氏衡山董惟嶽妻惟嶽糾擒流寇賊黨斬之夜焚其家歐陽率子姪擊賊不勝奮身跳入火中以死人咸稱其忠節

續文獻通考卷之六十八

三十四

六十七

續文獻通考卷之六十八終

續文獻通考卷之六十九

皇明進士雲間王圻纂輯

節義考 孝子一

虞舜父頑母瞽嘗耕稼陶漁以隆孝養帝堯將遜位四岳舉舜乃使其子九男二女百官牛羊倉廩備以事舜於畝畝天下之士就之帝將胥天下而遷之為不順於父母如窮人無所歸卒之瞽瞍底諫而天下化孔子曰舜其至孝矣楊子曰事父母自知不足者其舜乎

周文王為世子朝於王季日三雞初鳴而衣屢至於寢門

外問內豎之御者曰今日安否何如內豎曰安文王乃

喜及日中又至亦如之及暮又至亦如之其有不安則

續文獻通考卷之六十九

乙

三十九

內豎以告文王文王色憂行不能正履王季復膳然後

亦復初食上必在視寒暖之節食下問所膳命膳宰曰

未有原未勿也原再也謂所食之餘不可再進也應曰諾然後退文王有疾

武王不脫冠帶而養之文王一飯亦一飯文王再飯亦再飯

再飯

周公旦事文王行無專制事無由已身若不勝衣言若不

出口有奉持於文王洞洞屬屬如將不勝如恐失之可

謂能子矣

春秋

尹伯奇吉甫之子也為後母所讒而見逐乃編芰荷以為

衣采葶花以為食清朝履霜援琴而歌從親之命不墮

有怨

老萊子楚人孝奉二親行年七十作嬰兒戲身着五彩斑斕之衣嘗取水上堂詐跌仆地爲小兒啼哭難於戲則欲親之喜

穎考叔鄭封人也莊公以其叔故置母姜氏于城穎而誓之曰不及黃泉無相見也既而悔之穎考叔聞之有獻于公公賜之食食舍肉公問之對曰小人有母皆嘗小人之食未嘗君之羹請以遺之公曰爾有母遺緊我獨無考叔曰何也公語之故且告之悔考叔曰若掘地及泉隧而相見其誰曰不然公從之公入而賦大隧之中其樂也融融姜出而賦大隧之外其樂也洩洩遂爲續文獻通考卷之六十九

晉申生獻公子也獻公信驪姬之讒謂其謀害父公欲殺之人勸自明申生曰君安驪姬若自明驪姬必得罪是使君不安也人又勸之行申生曰吾被殺父之名天下豈有無父之國哉其誰與我于是之新城自經而死人號其世子

郊子性至孝母病思鹿乳乃衣鹿皮入鹿群中求之卒遇獵者彎弓欲發亟告之故乃得免競遺以鹿乳子爲字仲由事親至孝家貧食藜藿之食爲親負米於百里外親歿之後南遊於楚從事百乘積粟萬石累因而

坐列鼎而食乃嘆曰雖欲食藜藿之食爲親負米何可得也孔子聞之曰由也可謂生事盡力死事盡思者也曾參字子輿孔子以爲能通孝道故受之業孝子經嘗曰往而不可還者親也至而不可却者年也椎牛而祭墓不如雞豚之逮親存也故吾嘗仕齊爲吏祿不過鍾釜尚猶欣欣而喜者非以多也樂其逮親也既歿之後吾常南遊於楚得尊官焉猶比鄰而泣悲者非爲賤也悲不逮吾親也故家貧親老不擇官而仕若夫信其志約其親者非孝也

閔損字子騫早喪母父娶後妻生二子母嫉損所生子衣綿絮衣損以蘆花絮父冬月令損御車體寒失朝父察續文獻通考卷之六十九

知之欲遣後妻損啟父曰母在一子寒母去三子單父善其言而止母亦悔遂成慈母  
皋魚哭於道孔子行聞其聲甚悲避車而與之言曰子非有喪何哭悲也皋魚曰樹欲靜而風不止子欲養而親不待往而不可返者年也去而不可得見者親也吾請從此辭矣

高子羔執親之喪泣血三年未嘗見齒君子以爲難爲成宰戍人有其兄死而不素者聞子羔將至遂爲衰少連大連善居喪三日不怠三月不懈期悲哀三年憂終正子春下堂而傷其足數月不出猶有憂色門人問曰何也樂正子春曰吾聞諸曾子曾子聞諸夫子曰天之

所生地之方。惟人爲大父母全而生之子全而歸之。可謂孝矣。不虧其體。不辱其身。可謂全矣。故君子頃步而不敢忘孝也。今予忘孝之道。是以有憂色也。

孟莊子魯大夫其父獻子有賢德莊子能用其臣守其政。曾子曰吾聞諸天子孟莊子之孝也其他可能也其不改父之臣與父之政是難能也。

漢

文帝初封代王居代時母薄太后嘗病三年爲之目不交睫衣不解帶湯藥非口所嘗弗進仁孝聞於天下。

石建萬石君奮之子爲郎中令每五日洗沐歸謁親入於舍竊問侍者取親中裙廁身自澣灑復更侍者不敢

續文獻通考卷之六十九

四

四百十

今萬石君知之以爲常萬石君卒建哭泣哀思杖乃能行諸子孫咸化其孝。

韓伯俞梁人嘗有過其母笞之泣其母曰他日笞子未嘗泣今泣何也對曰俞得罪笞常痛今母乏力笞不覺痛是以泣。

于未東海鄉人父定國死居喪如禮以孝行聞。

蔡順君仲汝南人以至孝稱少孤養母嘗出求薪有客

宰至母望順不還乃嚙其指頭順心即動棄薪馳歸王

莽時人相食順拾桑椹赤黑異器遇赤眉賊問故順曰

黑者奉母赤者自食賊因遺米受而不食母終未葬里

中大將逼其舍順伏棺號哭火遂越燒他室順得獨

母平生畏雷亡後每有雷震順輒環塚泣曰順在此太中鮑衆舉孝廉順不能遠離墳墓遂不就。

東漢

樊條字長魚南陽人事後母至孝及母卒哀毀過禮光武帝常遣中黃門朝暮送餼粥。

祭遵潁陽人喪母負土起墳位至征虜將軍。

鄧禹字仲華新野人事母至孝封高密侯卒謚元侯。

姜詩字仕遊廣漢人事母至孝妻龐氏奉順尤篤母好飲江水水去江岸六七里常命子汲子溺死不令母知託

言遊學妻泝流而汲後值風雨不時得還母渴詩責而遣之妻乃寄止鄰舍晝夜紡織市珍羞使鄰母以意自

續文獻通考卷之六十九

五

四百廿

遺其姑如是者久之姑怪而問鄰母鄰母具對姑慚感呼還奉養益謹姑嗜魚膾又不能獨食夫婦常力作供

膾呼隣母共之舍側忽有湧泉味如江水每旦輒出雙鯉常以供二母之膳明帝永平二年察孝廉詔曰大孝

入朝凡諸舉者一聽平之由是皆拜郎中。

董永千乘人少失母獨養父父亡無以葬乃從人賃錢一

萬求謂錢主曰後無錢還君當以身作奴主甚憫之永

得錢葬父畢將往爲奴於路忽逢一婦求爲妻永曰

貧若是身復爲奴何敢屈夫人爲妻婦曰願爲君婦不

耻貧賤永遂將婦至錢主主曰本言一人今乃有二永

曰言一得二理何乖乎主問永妻曰何能曰能織耳二

曰爲我作絹三百匹即放爾於是索絲一月之內三百匹絹足主孀遂放夫婦二人去行至舊相逢處乃謂未曰我天之織女感君至孝天使我爲君償債君事畢不得久停語訖雲霧四垂騰空而去

廉范字牧度京兆杜陵人父遭喪亂客死蜀漢范遂流寓西州西州平歸鄉里年十五辭母西迎父喪與客步負喪歸葭萌載船觸石破沒范抱持棺柩遂俱沉溺衆傷其義鉤求得之療救僅免於死范將父骨歸葬畢詣京師受業顯宗時累官至蜀郡太守

魯恭平陵人父建武初爲武陵太守恭年十二弟丕七歲晝夜號踊不絕歸服喪禮過成人鄉里奇之位至司

徒

毛義字少卿廬江人家貧以孝行稱張奉嘗往候之府檄適至以義爲安陽令義捧檄而入喜動顏色奉心賤之及母死徵辟皆不就奉乃曰賢者固不可測往日之喜乃爲親屈也建初中章帝下詔褒寵賜穀千斛常以八月長吏問起居加賜羊酒

董黯慈谿人母至孝以母嗜溪水徙居其旁遂成邑裏因名縣焉比鄰王寄以母時嘗諷寄寄惡之伺黯出辱其母黯恨之後母死斬寄首以祭自陳于官和帝詔釋其罪且旌異行召拜郎中不就

鄧彪字智伯禹之族父少勵志修孝行父卒讓國與異母

弟荆鳳明帝高其節許之和帝時進太僕錄尚書事賜爵關內侯

顏烏會稽烏傷人事親孝父亡負土成墳鄰爲叩土助之其吻皆傷因以名縣

阮相捷爲人事父母至孝母惡江邊水不潔必得江心水乃食相以升汲之患其流急後江心忽湧出一石舟乃可依人以爲孝感所致朝廷徵爲郎

顧翔吳人少失父事母孝母好食雕胡飯躬自採擷供養家近太湖湖中乃生雕胡無復雜草得以爲養郡縣旌之

江革齊國臨淄州人失父獨與母居遭天下亂盜賊並起

常採拾以爲養數遇賊欲將去革輒涕泣求哀言有老母賊以是不忍犯之轉客下邳貧窮裸袒行傭以供母每當歲時縣當案比革以母老不欲搖動自在轅中輓車不用牛馬由是鄉里稱之曰江巨孝太守嘗備禮召革以母老不應及母終廬於墓側服竟不忍除臨淄令楊音特設席顯異之親奉錢以供養

蔡彤潁陽人早孤至孝遇天下亂野無烟火獨處塚側每賊遇見彤尚幼有至節皆奇而哀之位至太僕

彭修字子陽會稽毗陵人年十五時父爲郡吏得休與修歸道爲賊所劫修拔佩刀前持盜帥曰父辱于死賊顧死耶盜相謂曰此童子義士也不宜逼之遂許修



去鄉黨稱其名

杜孝巴郡人少失父事母盡孝尤役成都不得朝夕在側知其母喜食生魚乃截竹筒貯水盛魚二頭以草塞之置江中祝曰我母必得此已而其妻偶出渚見竹筒橫流觸岸異而取視之乃有二魚含笑曰必我夫所寄也熟而進之於姑聞者嘆服

蕭固字秀異東海蘭陵人少孝謹連遭父母喪六年哀毀盡禮雉鵲遊仰其居藥鹿出入其門固子芝字英髦亦純孝官至尚書郎有雉數十棲宿其廬嘗上直雉輒送之飛鳴車側人以為孝感所致

郭基京兆督郵班固稱其孝行著于州里

續才獻通考卷之六十九

八百四十四

朱穆字公叔暉之孫五歲以孝稱未與元年擢冀州刺史後拜尚書

申屠蟠字子龍陳留外黃人九歲喪父哀毀過禮廬于塚側致其露白雉之祥服除不進酒食十餘年每忌日輒

三日不食當時以孝稱

季曇潁川人少孤事繼母至孝

趙咨字文楚南燕人咨少孤有孝行盜嘗夜劫咨恐驚母

迎盜謝曰老母病須養乞少置衣糧妻于物一無所請

盜慚歎奔出咨追以物與之不及由是知名靈帝朝為

熒煌太守

陸績吳人年六歲之九江見其舅表術術出橘績懷數

出拜墮地術曰陸郎作賓客乃懷橘耶績跪答曰將以遺母術大奇之

衛公佐華亭人少業舉子以親老棄去母郁早卒事繼母

陳盡孝

陳紀字元方許州人兄弟孝養父寔歿紀每哀輒嘔血氣絕雖服除而積毀消瘠幾將滅性豫州刺史上其事簡

書圖像以勵風俗

郭巨隆慮人家貧養母盡孝有子三歲每供饌母常戒食與之巨謂妻曰兒分母饌母食不飽貧乏不能供子可

再有母不可再得乃埋其子掘地三尺得金釜上有丹

書曰天賜孝子郭巨官不得奪人不得取

續才獻通考卷之六十九

九

三五八

丁蘭河內人少喪母刻木為像事之若生朝夕定省隣人張叔醉罵母像以杖擊其首蘭歸見母像色若不懼問

其妻具以告之即奮擊張叔吏捕蘭去像為之垂淚郡

縣嘉其至孝通于神明奏之詔圖其形像

周磐字堅伯汝南安城人事母至孝居貧常以養母不克

為歎和帝末舉孝廉歷任三地頻致祿養後省母還鄉

里及母歿哀慟幾于滅性服終廬墓側

戴伯鸞慎陽人性至孝母卒伯鸞居廬啜粥非禮不行與

弟良俱有毀容時人稱之

張遐字子遠餘干人幼時稱孝童

韋彪字孟達平陵人孝行純至父母卒哀毀三年不出廬

寢卧竟羸瘠骨立醫療數年乃起

蘇不韋平陵人父謙為金城太守既罷私至洛陽為司隸李嵩掠死以報宿怨不韋曰伍子胥何人哉遂變姓名募劍客邀嵩不克因殺其妾并及小兒及至魏郡掘其父塚斷頭以祭父墳嵩憤傷發病嘔血死

姜肱字伯淮彭城廣戚人與二弟俱以孝行著聞

孔奮魯人事母孝謹雖處儉約奉養必求珍膳躬率妻子同甘菜茹位至武威太守

歐寶未豐人性至孝父喪廬墓有衆逐虎入其廬寶蔽之幕內衆至問虎安在寶曰虎豈可藏耶衆乃去虎得免歲時啣鹿以供祭祀

續文獻通考

卷之六十九

十

三百九十九

孫期字仲或濟陰成武人事母至孝牧豕大澤中以奉養

陸績會稽人為州別駕從事坐楚王英事徵詣廷尉績母

遠至京師覲候獄事特急無緣與績相聞但作饋食付

門卒以進之績雖見考苦毒而辭色慷慨未嘗易容惟

對食悲泣不能自勝使者怪問其故績曰母來不得相

見故泣耳使者問其故績曰吾母切肉未嘗不方斷慈

以寸為度今餽食如是故知母來使者覲之果然獄吏

以聞得釋其罪同輩亦多寬縱

班超字仲升安陵人為官寫書受直以養老母明帝聞之

除為蘭臺令史

古初長沙人遭父喪未葬隣人失火初匍匐上以身扞

大火為之滅

方儲字聖明歙人幼喪父事母孝母卒終日負土成墳種

奇樹千株有白兔遊其下

程堅字謀父南陽人居貧以磨鏡給養母母喪哀號櫬下

有馬每聞堅哭輒淚出輟草

鮑未高城人事後母至孝妻嘗於母前叱狗未即去之位

至趙州牧

馮豹衍子也後母惡之嘗因豹夜寐欲行毒嘗豹走得免

敬事愈謹時人稱其孝位至尚書

寶章居貧蓬戶蔬食躬耕孝養位至大鴻臚

續文獻通考

卷之六十九

十一

三百九十九

樂恢父為縣吏得罪於令收將殺之恢年十一俯伏寺門

晝夜號泣令聞而矜之即解出其父位至騎都尉

汝郁性仁孝年五歲母病不能食郁常抱持啼泣亦不食

母憐之強為飯宗親共異之因字曰叔異

黃香字文強江夏人年九歲失母思慕憔悴殆不克喪鄉

人稱其孝獨養其父躬執勤苦夏則扇枕席冬則以身

溫被太守劉護表而異之名聞於世

鄧閭字之新野人年少孝行尤著母新野君死與兄隲並

居塚次

袁閭字夏甫汝陽人父賀為彭城相卒閭兄弟迎喪衰經

扶柩冒犯寒露體貌枯毀手足血流見者莫不傷之

嚴舉已郡人延熹中為父行喪踰禮旌表門閭舊有嚴孝  
子碑在郡儀門

楊震字伯起華陰人少孤貧獨與母假地種植以給供養  
諸生嘗有助種監者震輒拔更種以拒其後鄉里稱孝  
位至太尉

張武吳郡由拳人父與賊戰亡失屍骸武時年幼不及識  
父後至太學受業每節嘗持父遺劔至亡處祭酹泣而  
還太守第五倫嘉其行舉孝廉遭母喪過毀絕命

劉茂少孤獨與母居家貧以筋力致養孝行著於鄉里位  
至侍中

孔融字文舉魯人年甫十三喪母哀悼過毀扶而後起州  
續文獻通考卷之六十九

里歸其孝又嘗以匿張儉事與兄憂爭死位至大中火  
夫

沈瑜沈儀烏程人瑜十歲儀九歲父亡居喪毀瘠過于成  
人外祖盛孝章慰之曰汝並黃中通爽終成奇器何遽  
逾制自取戚性耶

薛包汝南人父娶後妻而憎包分出之包日夜號哭不能  
去至被毆扑不得已廬于外旦入洒掃父怒又逐之晨  
昏不廢積歲餘父母慙而還之

郭泰字林宗介休人有至性遭母憂嘔血發病歷年乃瘳  
茅容字季偉陳留人年四十耕于野避雨樹下獨箕踞郭  
泰見而異之因求宿明旦殺雞泰意為已設也既而以

供母自以草蔬與客同飯泰起揖曰卿賢乎哉郭林宗  
尚藏三牲之養以供賓客卿乃能如此勸使就學卒成  
令德

胡廣字伯始華容人為太傅年已八十繼母在堂朝夕瞻  
省傍無几杖言不稱老及母卒居喪盡哀率禮無愆  
鮑昂有孝義節行初父得病數年昂俯伏左右衣不解帶  
及虞喪毀瘠抱負乃行服闋遂潛於墓次不關時務

蔡邕字伯喈陳留人性篤孝母常滯病三年邕自非寒暑  
未嘗解襟帶不寢寐者七旬母卒廬於墓側有馴兔迷  
其室又木生連理遠近奇之

朱雋上虞人少孤母嘗販繒為業雋以孝養致名位至大  
續文獻通考卷之六十九

司農

田豐少喪親居喪盡哀日月雖過笑不至咽

徐庶字元直長社人嘗薦諸葛亮于劉備及母為曹操所  
獲乃辭備曰本欲與將軍共圖大事今失老母方寸亂  
矣請從此別遂歸操然亦不為謀事也

續文獻通考卷之七十

皇明進士雲間王圻纂輯

節義考 孝子二

魏

鮑出字文才扶風人興平中三輔亂出與母兄弟五人家居本縣以饑餓留其母守舍行採蓬實得數升使其二兄初雅及其弟成先持歸爲母作食出獨與小弟在後到家而母爲賊所掠初等怖恐不敢逐之出攘臂結衽獨追之所殺四五人已又殺十餘人賊乃解還出母并還其比舍姬建安五年出來北歸而母不能步行兄弟共輿之出謂不如負之安乃以籠盛其母獨自負之到鄉里士大夫嘉其孝烈

續文獻通考卷之七十

三四四

蜀漢

李餘涪城人年十三父殺人出亡母下獄餘乞代母死吏不許遂自殺郡以狀聞詔圖像府庭

黃朗以父嘗爲卒伍後爲郡長常忌不呼鈴下伍伯而呼其姓至于忿怒亦終不言

王脩字叔治營陵人年七歲喪母母社日亡來歲隣里社脩感念亡母哀甚初喪隣里聞之爲之罷社位至秦常趙昱年十三母嘗病經三月昱憐戚消瘠目不交睫握粟出卜祈禱泣血鄉黨稱其孝

吳

斯敦東陽人赤烏初父偉爲廷尉失議當死敦叩闕泣血乞以身代吳主嘉其孝赦偉罪仍表其閭

顧悌字子通吳人悌每得父書常酒掃整衣服更設几筵舒書其上拜跪讀之每句應諾畢復再拜若父有疾耗則臨書垂涕聲語哽咽父終悌飲漿不入口五日大帝強令悌釋服悌雖以公義自割猶以不見父喪常畫壁作棺柩象設神座於下每對之涕泣服未闕而卒劉宗爲吳令時不得將家之官每得賄物先以寄母及聞母亡犯禁委官時禁長吏以喪去官特爲減死一等復使爲官蓋優之也

夏方字文正會稽永興人家遭疫癘父母伯叔群從死者

續文獻通考卷之七十

二四〇

十有三人方時年十四夜則號泣悲慟晝則負土營墳十有七年而畢廬於墓側烏鳥猛獸馴擾其旁宛頸同遊不擇巢以棲人以爲孝感所致

孟宗字武恭江夏人孟子十九代孫母嗜笋冬月無笋宗入林泣之笋遂生得以供母

陳表與兄修異母而表庶出修亡表母不肯事修母表謂其母曰兄不幸早亡表統家學當奉嫡母如母若能爲表屈情承順嫡母是至願也若不能直當出別居耳母從其言善事嫡母

晉

王祥字休徵臨沂人性至孝早喪母繼母朱氏數苦之毋

使掃除牛下祥愈謹父母疾不解帶湯藥必親嘗有丹  
柰結實母命守之每風雨祥輒抱樹而泣母冬月思魚  
祥卧冰求之忽有雙鯉躍出又思黃雀炙有黃雀自投  
于幙因得供母母終居喪毀悴杖而後起

夏孝先桐廬人父亡負土成墳廬其側時有野火燎山將  
近塋域孝先逃墓號慟鳥獸羣集以毛羽濡水灑火俄  
頃撲滅

山濤河內人居貧事母曲盡孝道後爲吏部尚書濤以母  
老心在色養旦夕不倦母卒時濤年已六十居喪過禮  
負土成墳手植松栢時人稱之

司馬芝字子華河內溫人少爲書生避亂遇賊同行者皆  
續文獻通考卷之七十

棄老弱走芝獨坐守老母賊至以刃臨芝芝叩頭曰母  
老惟在諸君賊曰此孝子也殺之不義遂得免害以鹿  
車推載母居南方十餘年躬耕以養

李信遼東襄平人父敏河內太守去官歸鄉里遼東太守  
公孫度欲強臣之敏乘輕舟浮海莫知所從信追求積  
年無所見因不聘娶或以不孝莫大於無後勸使娶妻  
旣生子宣伯遂絕房室常如居喪不堪其憂數年而卒  
子宣伯亦以孝聞

范宣字宣子陳留人年十歲嘗以刀傷手奉手改容人問  
痛耶荅曰不足爲痛但受親之全體而致毀傷不可處  
耳家人以其年幼而異焉家至貧儉躬耕養親親沒負

土成墳廬於墓側

盛彥字翁子廣陵人母王氏因疾失明彥每語及未嘗不  
流涕母食必自哺之有婢數見樞機伺彥斲出取蟬蟬  
炙飼之母食以爲美然疑是異物密藏以示彥彥見之  
抱母慟哭幾絕母目豁然即開從此遂愈

王延宇延元西河人九歲喪母泣血三年幾至滅性每至  
忌月則悲啼三旬繼母卜氏遇之無道恒以蒲穰及敗  
麻頭與延貯衣其姑聞而問之延知而不言事母彌謹  
卜氏嘗盛冬思生魚使延求而不獲杖之流血延尋卧  
冰叩冰而哭忽有一魚長五尺涌出水上延取以進母  
食之積日不盡於是心悟撫延如已生延事親盡色養

續文獻通考卷之七十

四

四子京

夏則扇枕席冬則以身溫被隆冬盛寒身無全衣而親  
極滋味父終廬於墓側

稽紹字延祖譙郡人中散大夫康之子十歲而孤事母至  
孝和色柔聲常若不及親執刀俎以他人不如已之誠  
至也

孟陋武昌人嘉之弟也少孤喪母毀瘠殆至滅性不飲酒  
食肉十有餘載親族迭勸曰聖人制禮令賢者俯就不  
肖者企及若毀性無嗣更爲不孝陋感此言然後從之  
由是名著海內

許孜東陽吳寧人二親歿柴毀骨立建墓於縣之東山躬  
自負土不受人助列植松栢五六里時有鹿犯其墓

孜悲嘆曰鹿獨不念我乎明日忽見鹿爲猛獸所殺置於所犯栽松下孜悵惋不已乃爲作塚埋於隧側猛獸即於孜前自撲而死孜益嘆息又取埋之積二十年乃立宅墓次朝夕奉亡如存鷹雉栖其梁檐鹿與猛獸擾其庭圃邑人號其居爲孝順里成帝咸康中太守張虞上疏言孜孝行有詔旌表門閭嗣復子孫子生亦有孝行圖孜像於堂朝夕拜焉

吳達吳興人經饑疫合門死者十有三人達時亦病篤喪皆隣里以葦席裹而埋之達夫妻既存家極貧窘冬無衣被晝則傭賃夜燒博覽晝夜在山未嘗休止夜行遇虎虎輒避之期年成七墓十三棺時有贈賻一無所受

續文獻通考

卷之七十

五

四

原

太守張崇義之以羔雁之禮禮焉

符表符朗兄子也年十六母姜氏有疾晝夜省侍母一食表亦一食母不食將絕表感咽而殞太守爲表其墓

馮恢長樂人父爲私農太守愛少子淑欲以爵傳之恢父終服闋乃還鄉里結草爲廬陽瘡不能言淑得襲爵恢始仕爲博士祭酒

吳隱之字處默甄城人年十餘父卒每號泣行人亦爲落淚事母孝謹及執喪哀毀過禮

辛堆有孝性居父憂哀毀異形殆不可識

王談吳興烏程人年十歲父爲隣人賣度所殺談陰懷復讐志而懼爲度所疑寸又不育至年十八乃密市利鍾

陽若耕鋤者後以鍾終之歸罪有司太守孔熾義其孝勇列上宥之吳元興中舉孝廉不應卒于家

桑虞字子深魏郡黎陽人仁孝天成年十四喪父毀瘠過禮日以米百粒用糝糝其姊論之曰汝毀瘠如此必至滅性滅性不孝宜自抑割虞曰藜藿雜米足以勝哀何琦字萬倫司空充之從兄也琦年十四喪父哀毀過禮事母朝夕色養常患甘鮮不贍乃爲郡主簿丁母憂居喪泣血杖而後起停柩在殯爲鄰人所逼撫棺哀號俄而風止火息僅免一聞其精誠所感如此

吳猛豫章人少有孝行夏日常手不驅蚊懼其去已而噬親也

續文獻通考

卷之七十

六

四

原

王哀字偉元城陽營陵人父儀爲魏安東將軍司馬司馬昭東關之敗問於衆曰近日之事誰任其咎儀對曰責在元帥昭怒曰司馬欲委罪於孤耶遂引出斬之哀痛父非命於是隱居教授終身未嘗西向而坐示不臣晉也廬於墓側旦夕常至墓前拜跪攀栢悲號涕淚着樹樹爲之枯母性畏雷母卒每雷輒到墓曰哀在此及讀詩至哀哀父母生我劬勞未嘗不三復流涕門人至爲廢蓼莪之篇

何曾荀顗俱以孝稱傳玄嘗曰古稱曾閔今曰荀何又稱其能以文王之道事親

丘昂吳興人家貧好學織屨自給與弟給事中夷太守

並以孝行著時稱三立

王接字祖遊幼喪父哀毀過禮鄉親皆嘆曰王氏有子哉  
母終柴毀骨立居墓次積年位至征虜將軍司馬

庾闡鄆陵人少隨舅孫氏過江母隨兄肇爲樂安長史在  
項城永嘉末爲石勒所隔闡母亦歿闡不柳沐不婚宦  
絕酒肉垂二十年鄉里稱之

趙煥父琨爲司馬勲殺而棄其屍煥求父屍不得乃悲號  
不及忽有群鳥悲鳴從山來因得父屍

陳遺吳郡人少爲郡吏母好食餽底飯遺在役每煮食輒  
錄其焦以遺母後孫恩作亂聚得數升恒帶自隨及敗  
逃竄多有餓死遺以焦飯得生初母念遺晝夜號泣目

續文獻通考

卷之七十

七十四

爲損遺還入戶再拜號咽母目豁然復明

劉宋

孫法宗一名宗之吳興人父隨孫恩入海被害屍骸不收

母兄並餓死法宗年小流徙至十六方得還霜行草宿

營辦棺槨造立塚墓葬母兄儉而有禮以父屍不測入

海尋求聞世間論是至親以血漚骨當悉凝浸乃操刀

沿海見枯骸則刻肉灌血如此十餘年臂脰無完皮血

脉枯竭終不能逢遂衰經終身常居墓所山禽野獸皆

悉馴附嘗忽苦頭瘡夜有天使女人至曰取牛糞煮傅

之即驗一境頌之終身不娶

臧質字宣卿昔人居父母喪五年不出廬形骸枯槁家人

不識高祖聞而嘉之除丹陽尹遷御史中丞卒謚曰中

劉瑜歷陽人七歲喪父事母至孝年五十二又喪母三年

不進鹽酪號泣晝夜不絕聲勤身力以營葬事服除二

十餘年布衣蔬食言輒流涕嘗居墓側文帝元嘉初卒

郭世道會稽永興人年十四喪父居喪殆不勝哀家貧備

力以養繼母婦生一男夫妻共議曰動身侍養力猶不

足若養此兒所費者大乃垂泣瘞之母亡負土成墳親

戚咸共賻助微有所受葬畢傭賃還其直服除後哀感

思慕終身如喪者元嘉初表其淳行文帝嘉之勅

表門閭蠲其稅調改所居獨楓里爲孝行里

賈思會稽諸暨人少有志行元嘉三年母亡居喪過禮未

續文獻通考

卷之七十

八

爲孝行

墓爲隣人所逼恩及妻柏氏號哭奔救俱燒死隣近赴

救毋視得免有司奏旌其里爲孝義里蠲租布三世追

贈天水郡顯親左尉

潘綜吳興烏程人孫恩之亂妖黨攻破村邑綜與父驃共

走避賊驃年老行遲賊轉逼驃語綜我不能去汝走

可脫幸勿俱死驃困乏坐地綜迎賊叩頭曰父老年乞

賜生命賊所驃綜抱父於腋下賊斫綜頭面凡四創綜

時悶絕有一賊從旁來相謂曰此兒以死救父云何可

殺殺孝子不祥乃父子並得免元嘉四年有司奏改其

里爲純孝里蠲租布三世

王彭亨台直瀆人少喪母元嘉初父又喪家貧力勤

子 186-274



營葬兄弟二人晝則傭力夜則號感鄉里哀之戶各出夫力助作碑碑湏水而天旱穿井數十丈泉不出墓去淮五里荷擔遠汲困而不周彭號天自訴如此七日一旦大霧霖歇碑竈前忽生泉水鄉隣並嗟神異葬竟水即竭元嘉九年太守劉伯龍表言改其里爲通靈里獨租三世

崔懷慎河東武城人父邪利魯郡太守元嘉中爲魏所獲懷慎與妻房氏篤愛聞父見虜即日遺妻布衣蔬食如居喪禮歲時北嚮流涕泰始初淮北入魏懷慎因此歸北至代都而父已卒懷慎絕而復蘇載喪還青州徒跣冰雪上氣寒酷而手足不傷時以爲孝感

續文獻通考

卷之二十

九

張楚益州梓潼人母疾命在屬續楚祈禱苦至截指自誓精神感格疾應時得愈元嘉中詔榜門曰孝行張氏之問易其里爲孝行獨租布三世身加旌命

張敷字景胤吳郡人生而母殘十許歲求母遺物得一畫扇乃緘錄之每感思輒開筭流涕父亡吳興奔喪成服十餘日始進水漿蔬草不進鹽菜遂毀瘠成疾而卒孝武贈侍中散騎常侍張孝單

余齊民晉陵人也少有孝行大明初父卒于家齊民忽語人曰此肉痛心煩有如割必有異故尋而訃音至夜行四百里母子相對慟絕復蘇問父遺言母曰汝齊民汝齊民曰相見何難亟走殯所號頓而頌都以聞詔

更所居里曰孝義獨租布賜其母穀百斛蔡邕字子度陳留考城人仕晉爲著作郎孝武時遷爲太尉從事中郎未拜遭母憂三年不櫛沐奉兄執如父家事大小皆咨而後行

臧肅字德仁莒人以母老家貧與弟熹躬耕約已養親者十餘年父母亡居喪六年以毀瘠者稱宋武帝以后兄徵拜太常所得俸與親戚共卒贈榮祿大夫

郭原平字長恭永興人世道子也稟至行養親必以已力每爲人傭作主人設食原平自以家貧父母不辦有味唯食塩豉而已若家或無食則虛中竟日義不獨飽頂日暮作畢受直歸糶買然後舉爨父篤疾彌年衣不解

續文獻通考

卷之七十

十一

帶口不嘗鹽積寒暑未嘗睡卧父亡哭踊慟絕數日方蘇以營殯凶工不欲假手而已又不解作乃訪邑中有營墓者助人運力父乃閑練又自賣爲十夫客以供衆費父喪終自起兩小屋爲祠堂每至節歲常於此哀思絕飲粥自父服除後不復食肉母終毀瘠彌甚父墓前耕田者恒裸袒原平貴買其田農月束帶垂泣躬耕

東華父遺傳病甚冬中思瓜忽廢入謂華曰而父思瓜故送助養呼從者進之華跪受齋而瓜在手其香非常父食之病愈

丘傑字偉時吳興烏程人年十四遭母喪以熟菜有味不嘗常食生菜因而過毒忽夢母曰死止是分別耳何事

乃爾茶若汝嗽生菜過蝦蟆毒靈床前有三丸藥可取服之傑驚起視果得甌中藥服之下科斗子數升丘氏世保此騁

錢延慶烏程人父仲期爲同郡奚慶恩所殺時延慶屬役在都聞父死馳還於庾浦埭逢慶恩手刃殺之自繫烏程獄吳興太守郗顯表不加罪許之

秦綿河南孝廉母喪送葬不忍還鄉人爲作茅庵止其中過有米則食粥無米食菜而已哀號之聲行者爲之墮淚

謝晦字宣鏡幼有殊行年數歲所生母郭氏久嬰痼疾晨昏溫清嘗藥奉侍不怠恐僕役懈倦躬自執勞母病畏

續文獻通考

卷之七十

驚一家尊卑感觸至性咸納履而行屏氣而語如此十餘年

何子平會稽人爲海虞令母喪去官哀毀踰禮每哭踊頓

絕方蘇屬宋末造東土饑荒繼以師旅八年不得營葬

晝夜號哭常如袒括之日冬不衣絮夏不就涼一日以

米數合爲粥不進鹽菜所居屋敗不蔽風日兄子伯興

欲爲葬理子平不肯曰我情事未申天地間一罪人耳

屋何宜覆蔡邕與宗爲會稽太守甚嘉矜賞爲營塚壙

師覺授涇陽人與宗少文並有素業以琴書自娛路遇一

人貽書函題曰至孝師君苦前俄而不見覺授即奔歸母果歿一號而絕良久乃蘇後撰孝子傳八卷

顧歡鹽官人燃松讀書幼有孝行母亡水漿不入口者七日廬于墓遂隱不仕

樂順之字文德涇陽人仕宋爲京參軍父在郢病亡順之

忽悲因請假還中塗得凶問徒步奔赴勺水不入口數

日嘗遇病與母隔壁忍而不言嚙被至碎恐母聞而憂

也吏部郎庾杲之嘗往候順之設枯魚菜菹杲之不能

食母乃自出魚羹數種杲之曰卿過茅季偉我非郭林

宗

袁昂字千里陽夏人粲從弟初武帝誅父顓藏其首于武

庫以添題誌會赦乃還顓首昂號痛嘔血絕而復蘇以

淚洗所題字皆滅人以爲孝

續文獻通考

卷之七十

袁最陽夏人順帝昇平初父粲謀誅蕭道成不克被獲劉

僧靜奮刀直前欲劈之最大叫抱父乞死兵士莫不殞

涕

齊

華寶無錫人晉義熙末父豪戍長安寶年八歲臨別父謂

曰我還爲汝冠後長安陷寶年七十不婚冠或問之不

忍答輒號慟彌日太祖建元三年詔表門閭

蕭啟明南蘭陵人母病風積年沉痾啟明晝夜祈禱時寒

啟明下淚或叩頭血出皆爲水忽有人授之石函曰此

療夫人疾發函惟三寸絹書日月字母服之即平復後

母卒啟明哀慟亦卒武帝永明五年詔曰啟明喪過于

哀遂致毀滅可贈中書郎

王虛之石陽人年十三歲喪母三十三喪父鹽醋不入口

者二十五年哀毀備至永明中詔旌其門復三世

孫淡太原人世居長沙事母至孝母疾不眠食以差爲期

母哀之後疾不使知也建元三年旌表門閭

薛天生晉陵無錫人母遭艱菜食天生亦菜食母未免喪

而死天生終身不食魚肉又同郡劉懷胤與弟懷則年

十歲遭父喪不衣絮帛不食葷菜建元三年詔並表其

門閭

公孫僧遠會稽剡人居父喪至孝事母及伯父甚謹年饑

僧遠省餐減食以養母及伯父兄弟亡貧無以葬身自

續文獻通考卷之七十

三十九

販鵲與隣里供送終之費建元三年虞炎表列詔表門

閭蠲其租布

劉璠沛郡相人幼有至性祖母病疽經年手持膏藥漬指

爲爛母孔氏甚嚴謂親戚曰阿稱便是今世曾于阿稱

歟小名也年四十餘未娶建元中太祖與司徒褚淵爲

娶王氏穿壁掛帳土落孔氏床上孔氏不悅歟即出其

妻父喪足不出廬

剡縣小兒年八歲明帝建武二年與母俱得赤癰病母死

家人不令知小兒疑問云母嘗數問吾病昨來覺聲羸

今不復問何也因自投下床扶匍至母尸側頓絕而死

鄉隣告求表廬

庾黔婁字子正新野人性至孝爲屏陵令到縣未旬父易

在家遭疾黔婁忽心驚舉身流汗即日棄官歸時易疾

始二日醫云欲知差劇但嘗糞甜苦後泄痢黔婁輒取

嘗之味轉甜滑心愈憂苦每夕稽顙北辰求以身代俄

聞空中聲曰聘君壽命盡不復可延汝誠禱旣至故得

至月未晦而易亡黔婁居喪過禮廬於墓側

杜栖字孟山吳郡錢塘人隱士京產之子也栖肥白而長

比及京產病旬日便骨立京產亡水漿不入口七日晨

夜不罷哭不食葷菜每營買祭奠身自看視號泣不自

持朔望節歲絕而復蘇嘔血數升至祥禪祭夢見其父

慟哭而絕

續文獻通考卷之七十

十四

王文殊字令章吳郡人文殊父沒于魏文殊思慕泣血終

身蔬食不衣帛服麻縵而已不婚不交接人歲時伏臘

月朔十五未嘗不望北長悲如此三十餘年太守孔琇

之表其行詔榜門閭改所居爲孝行里

陸彥師字雲房臨漳人父喪哀毀與兄卽廬于墓側負土

成墳公卿重之多就墓次存問晦朔之際車馬不絕文

宣聞而嘉歎旌表其閭號其所住爲孝終里

鮮于文宗漁陽人年七歲喪父父以種芋時亡至明年芋

時對芋嗚咽如此終身

劉渢字處和南陽人母早亡父紹仕宋中書郎被勅納太

后兄女路氏爲繼室渢始數歲路氏不以子視之已而

路氏生子瀟風憐愛之不忍舍路氏病經年瀟晝夜不離每有增加即涕泣不食路氏病差感其意慈愛遂隆劉靈哲所生母病靈哲躬自禱祈夢見黃衣翁與藥云食此疾可立愈靈哲驚覺於枕間得之如言而疾愈藥似竹根

傳琰靈州人爲尚書右丞遭母喪居南岸隣家失火延燒琰屋琰伏柩不動隣人競救得俱全琰股髀之門已被烟焰

庾道愍少孤貧所生母漂流交州道愍尚在襁褓及長知之求爲廣州綏寧府佐府去交州尚遠乃自負擔肩陰而進僅得自達求其母經年不獲日夜悲泣嘗入村值

續文獻通考

卷之七十

五

四十五

暴雨寄止一家乃有一姬負薪自外還道愍心動因訪之即其母也于是俯伏號哭遠近聚觀莫不揮淚

江泌字士清考城人母早亡泌以生缺供養爲歎遇鮭不忍食食菜不食心惟食老葉母墓忽爲野火所燒泌哭三日淚盡繼以血世謂之孝泌

袁廓之字思度陽夏人因父死非罪終身不聽音樂布衣蔬食足不出戶誓不仕宋

解叔謙字楚榮雁門人母有疾叔謙夜於庭中稽顙祈福聞空中語云此病得丁公藤爲酒便差訪無識者乃求至宜都郡遙見山中一老公伐木問其所用答云此丁公藤療風尤驗叔謙便拜伏流涕具言來意老公怡然

以四段與之并示以清酒法叔謙受之依法爲酒母飲之病即瘥

朱謙之吳郡錢塘人年數歲喪所生母父昭之假葬田側爲族入朱幼方燦火所焚同產娣密語之謙之雖小便持刀殺幼方詣獄自繫

匡昕字令先廬陵人有至性母病亡已經日昕奔還號呼即蘇皆以爲孝感

康祚扶風人有至行母患乳癰諸醫療不愈康祚跪兩手捧癰大悲泣母即覺少寬因此漸差時人以其有冥應

韓靈敏會稽剡人早孤與兄靈珍並有孝性尋母亡家貧無以營葬兄弟共種瓜半畝朝採暮生已復如此遂辦

續文獻通考

卷之七十

十

三十五

葬事人以爲神助

梁

吉玃字彥霄馮翊蓮勺人玃幼有至性年十一遭所生母憂水漿不入口殆將滅性天監初父任吳興原鄉令爲

吏所誣逮詣廷尉玃年十五號泣衢路祈請公卿過登聞鼓乞代父命武帝異之尚以其童幼疑受教於人勅

廷尉嚴加審誘取其款實玃不改辭乃宥其父丹陽尹王忠欲以嚴首舉文純孝玃曰因父買名一何甚辱拒

之而止

李慶緒廣漢鄭人也父爲人所害慶緒九歲而孤爲兄所養日夜號泣志在復讐授州將陳顯達仍於部伍白日

手刃其仇自縛歸罪州將義而釋之天監中爲東莞太守母憂去職廬於墓側每慟哭吐血數升

肅修字南昌人五歲能孝母楊氏患熱思瓜非其時也雲恭歷求不得啣悲過一僧問故曰我有一瓜相遺持歸舉室驚異天監中表異之號肅曾子

成景雋范陽人天監六年常邑和殺雋父淮陽太守安樂以城內附普通六年邑和爲鄱陽內史景雋購人刺殺之未久重購邑和家人鳩殺其子弟雋類無遺武帝義之每爲屈法

蔡景仁廣平人父天監初爲同縣章法所殺景仁時年八歲及長志在復讐普通七年遇法於公田渚手斬其首續文獻通考卷之七十

十七 四上京

以祭父墓事竟請郡自縛乞依刑法太守蔡天起上言于州時簡文在鎮下教褒美原其罪下屬長鬪其一戶租調以旌孝行

劉覽字孝脣彭城安上里人以所生母憂廬於墓不嘗鹽酪冬止着單布衣家人慮其不勝喪中夜竊寘炭於床下覽因暖氣得睡既覺知之號慟嘔血高祖聞其至性數遣省視

阮孝緒字士琮陳留尉氏人武帝時嘗於鍾山聽講母王氏忽有疾兄弟欲召之母曰孝緒至性冥通必當自到果心驚而歸隣里嗟異之合藥須得生人侵舊傳鍾山所出孝緒躬歷幽險累日不逢忽見一鹿前行孝緒

而隨後至一所遂成就視果獲此草母得服之遂愈時皆言其孝感

肅修字世和宗室子性至孝年十二丁所生徐氏艱自荆州反葬中流遇風脩抱柩長號血淚俱下隨波搖蕩終得無虞葬訖因廬墓次先是山中多猛獸至是絕迹野鳥馴狎猶息簷宇武帝嘉之頒告宗室

庾沙彌鄆陵人父珉王坐沈攸之事誅沙彌五歲輒不肯衣采母問其故流涕對曰家門禍酷用是何爲嫡母劉氏寢疾沙彌晨夕侍側衣不解帶或應鍼灸輒以身先試及母亡冬日不衣綿纈終喪不食鹽味晝夜號慟墓在新林忽生稻松百許枝葉鬱茂劉好嗽蔗沙彌遂不

續文獻通考卷之七十

十八 四上京

食焉武帝召見嘉之官其二子

沈崇儔字思整吳興武康人六歲丁父憂哭踊過禮及長事所生母至孝家貧常傭書以養母母卒崇儔以不及侍疾將欲致死水漿不入口晝夜號哭旬日殆將氣絕以兄論乃稍進食母權瘞去家數里哀至輒之瘞所不避風雨倚墳哀慟飛鳥翔集夜恒有猛虎來望之有聲狀如嘆息者遷葬無力行乞經年始獲葬焉既葬廬於墓側自以初行喪禮不備後更服三年食麥屑不敢鹽酢坐卧於單薦因虛腫不起武帝聞即遣中書舍人慰勉之詔令釋服擢補太子洗馬旌其門閭

甄恬字彥約中山無極人數歲喪父哀戚若成人家人矜

其小以肉汁和飯飼之恬不肯食嘗恨生不識父悲泣  
思感忽若有見言其形貌則其父也居喪廬墓側有鳥  
玄黃雜色巢于樹恬哭則鳴又有白雀棲廬之異累主  
旌其閭

韓懷明上黨人客居荊州年十歲母患屍疰每發輒危殆  
懷明夜于星下稽顙祈禱時寒甚切忽聞香氣空中有  
人語曰童子毋須更求瘥無勞自苦未曉而母豁然平  
復鄉里異之十五喪父負土成墳助不受師南陽劉  
虬一日廢講涕泣云是外祖亡日時虬母亦亡矣懷  
明即日還家養母朝夕不離側母年九十一終懷明水  
漿不入口一句號哭不絕聲有白鳩巢其廬上

續文獻通考

卷之七十

十九四九京

江德藻華之子性至孝與異產昆弟居恩惠甚篤仕梁為  
尚書比部郎以父憂去職服闋後容貌毀瘠如居喪時  
弟從簡位司徒從事中郎侯景亂為任約所害子兼叩  
頭流血乞代父命以身蔽刃遂俱見殺

蕭統字德施梁高祖太子所生母薨水漿不入口哭輒慟  
絕

蕭統字希夷居喪以孝聞所居廬有慈烏來集人以爲孝  
感

庾子與字孝卿新野人性至孝母亡哀輒嘔血父域出守  
巴西子與乞從養後父卒哀慟將絕者再奉喪還蜀巴  
東有灩澦石最險其次則瞿塘子與至值秋水急流撫

心長號其夕水驟退明旦既南下水復如故行人爲之  
語曰灩澦如幙本不通瞿塘水退爲庾公

江紆字含潔考城人性至孝年十三父患眼紆侍疾時期  
月衣不解帶夜夢一僧云患眼者飲慧眼水必差紆乃  
捨里舍爲寺及就創造因泄故井其水清冽取以洗眼  
煮藥遂瘥時謂之孝感及父卒紆廬于墓終日號慟不  
絕聲月餘卒

何炯字士光廬江潯人父疾衣不解帶頭不柳沐容貌毀  
瘁及卒號慟成疾卒

陸襄餘千人母常猝患心痛醫方須三反水漿是時冬月  
日又逼暮求索無所忽有老人詣門貨漿如方劑始欲

續文獻通考

卷之七十

二十四七京

酬直無何失之時以爲孝感

高真與弟謐俱至孝父亡治喪墓次甘露白雉降集詔表  
其閭里

劉景昕河東人事母孝謹母常病癖三十餘年一朝而瘳  
鄉里以爲誠感

張稷字公喬母遭疾年十一侍養衣不解帶或竟夜不寢  
及終毀瘠杖而後起兄璠善彈箏稷以母嘗聽此技聞  
之悲感頓絕遂不聽父求及嫡母繼殯六年廬于墓側  
荀匠字文師潁陰人父法超仕齊爲安復令卒于官匠聞  
號慟幾絕至夜乃蘇既而奔喪扶襯至家極力營葬居  
憂歷四年不出戶不擗沐髮皆禿落號哭無時聲盡繼

之以泣目皆皆爛形體枯悴雖家人不復識之

阮卓尉氏人性至孝父問道卒于官卓年十五自都奔赴水漿不入口者累日載柩還都中流遇疾風船幾沒者數四卓仰天悲號俄而風息人以爲孝感所致

蕭勵字文約宗室子也爲太子洗馬母憂去職殆不勝喪每一思至必徒步之墓所或遇風雨仆卧中路坐地號慟起而復前家人不能禁父景龍於郢鎮勵奔赴江夏不進水漿者七日廬於墓所親友隔絕悲慟嗚咽傍人亦爲隕涕

夏侯祥字叔夏譙郡人年十六遭父艱居喪哀毀三年廬於墓常有雀三足飛來集其廬戶衆咸異焉

續文獻通考

卷之七十

七十一

四〇九

宋璣字普少以孝行稱母魯病秋月思瓜不已璣夢想見求而隨獲時人稱異

謝蘭字希如陳郡陽夏人蘭五歲時父未食乳媼欲令先飯蘭終不進及丁父憂晝夜號慟毀瘠骨立母阮氏常自守親譬抑之後使媼母辛還入境夜夢不祥旦便投刺馳歸及至號慟嘔血氣絕久之水不入口每哭眼耳口鼻皆流血經月餘竟因夜臨而卒

褚修吳郡錢塘人性至孝父喪毀瘠過禮因患冷氣及丁母憂水漿不入口二十三日每號嘔嘔血遂以毀卒

王規字威明臨沂人八歲丁所生母憂居喪有至性太尉徐孝嗣每見必爲之流涕稱曰孝童

劉孺字孝稚彭城安上里人年十四居父喪毀瘠骨立宗黨咸異之爲吏部尚書以母憂去職居喪未葬以毀卒嚴植之字孝源建平秭歸人性純孝少遭父憂因菜食二十三載餘後得風冷疾乃止

庾聿字休野新野人年十歲遭父憂居喪毀瘠爲州黨所稱

徐普濟長沙臨湘人居喪未葬而隣火起延及其舍普濟號慟伏棺以身蔽火幾被焚隣人往救普濟已悶絕累日方蘇

劉霽字士烜平原人十四居父憂有至性每哭輒嘔血母明氏寢疾霽年已五十衣不解帶者七旬誦觀世音經

續文獻通考

卷之七十

七十一

四〇九

數萬遍夜中感夢見一僧謂曰夫人等盡君精誠萬至當相爲申延後六十餘日乃亡霽廬於墓哀慟過禮常有雙白鶴馴翔廬側

劉曇字元光彭城人父慧鏡以孝聞曇淨萬行有父風父卒于官曇淨奔喪不食飲者累日絕而又蘇每哭輒嘔血服闕因毀成疾事母尤淳至身營餐粥不以委人母疾衣不解帶及母亡水漿不入口者殆一旬母喪權盛藥王寺天寒曇淨身衣單布廬于墓所晝夜哭臨不絕聲哀感行路未基而卒

劉苞字孝嘗彭城人年四歲而父終及六七歲見諸父常泣母謂兒憚諸父顯貴邪苞曰早孤不及識父聞



多相似故心中嘆悲無有他意

表君正少聰敏年數歲父疾晝夜不眠專侍左右家人勸令暫卧答曰父疾未差眠亦不安

陳

吳明徹字通昭秦郡人性至孝年十四念父母墳塋未治乃勤力耕種時天下亢旱苗稼焦枯明徹哀憤常于田中號哭仰天自訴數日有自田還者云苗已更生明徹往視果如言秋遂大穫足充葬用

司馬延義建昌人事親孝居喪哀毀朔望日詣墓哭奠終始如一

司馬昂字之昇河內溫人年十二母病禱于先祠願以身續文獻通考卷之七十

三十五京

代母病得痊後母卒孺慕過禮水漿不入口經二旬每號慟必至悶絕及父卒廬墓側日進麥粥一升豺狼絕迹兩鳩馴狎

殷不害字長卿陳郡長平人性至孝居父憂過禮魏平江陵失母所在時雪寒凍死者滿溝壑不害行哭求之見死人溝中即投身捧視七日始得母母憑而哭輒氣絕弟不佞亦以至孝稱

徐孝克東海鄒人性至孝侯景亂歲饑乃賣妻臧氏于富室假穀帛以養母高宗時侍宴取珍果還以遺母因嗟嘆勅所司餉其母

張昭字德明具郡人父煥嘗患消渴嗜鮮魚昭身自結網

捕魚以供朝夕弟乾字玄明亦有至性父卒兄弟並不衣綿帛不食鹽醋目惟食麥屑粥一升而已每一感慟必致嘔血鄰里聞其哭聲皆為涕泣母陸氏繼亡兄弟哀毀形容骨立親友莫識焉

徐份性孝友父陵嘗遇疾甚篤份燒香涕泣跪誦孝經晝夜不息者三日陵遂愈

王知玄太原人僑居會稽剡縣居家以孝聞及丁憂哀毀而卒宣帝嘉之詔改所居清苦里為孝家里

北魏

閻元明河東安邑人孝文太和五年為北郡太守元明以違親養與言悲慕母亦慈念泣淚喪明元明悲號上疏請歸奉養以見其母母目便開刺史呂壽恩列狀上聞詔下州郡表為孝閭復其租調

續文獻通考卷之七十

四〇七京

長孫慮代人母因飲酒其父真呵叱之投之以杖便即致死縣拘直處以重坐慮列辭尚書云父母忿爭本無餘惡直以誤誤一朝橫禍今母喪未殯父病旦夕兄弟五人並冲幼慮身居長今年十五有一女弟尚始四歲更相鞠養不能保全父若就刑交墜溝壑乞以身代老父命使嬰弱衆孤得蒙存立尚書為奏孝文帝詔特恕其父死罪慮從之遠流

王續生滎陽京縣人遭繼母憂居喪哀毀杖而後起及終制髻髮盡落有司以聞宣武帝旌表門閭蠲其徭役

李顯達陽翟人父喪形體毀悴六年廬于墓側哭不絕聲  
殆于滅性州牧高陽王雍以聞靈太后詔表其門

郭文恭太原平遙人年踰七十父母喪亡文恭孝慕罔極

乃居祖父墓次晨夕拜跪跪足負土培祖父二墓寒暑  
竭力積年不已見者莫不哀歎尚書聞奏旌表其閭

張昇榮陽京縣人喪父飲水絕鹽菜毀過度髮落殆盡聲  
聞邑里盜賊不侵其鄉州表以聞標其門閭

王崇字乾邑陽夏雍丘人兄弟並以孝稱身勤稼穡以養  
二親母亡杖而能起鬢髮墮落權殯宅西崇廬於殯所

晝夜哭泣母喪始闋復丁父憂哀毀過禮是年夏月風  
雹所經禽獸暴死草木摧折至崇田畔風雹便止禾麥

續文獻通考

卷之二十

二十五

四

十項無所損落及過崇地風雹如初咸稱至行所感州

以聞奏表其門閭

楊引葵垣人三歲喪父爲叔所養事母至孝母年九十而

終引年七十五哀毀過禮三年服畢恨不識父迫服斬

衰食粥衣麤誓終其身有司奏宜旌賞詔復其一門扁

其純孝仍詔集書標引至行又假以散員之名

崔承宗齊州人其父於宋世仕漢中母喪殯彼後歸魏遂

爲隔絕承宗性至孝萬里投險偷路負喪還京師黃門

侍郎孫惠蔚聞之曰吾於斯人見蕭范之情矣

瞿浩父疾篤浩乃剪髮庭中仰禱斗極爲父請命求

以身代叩頭流血踰年不息家人罕有知者及父終居

喪盡禮時人稱之

楊固爲洛陽令丁母憂號慕毀瘠杖而能起練禪之後猶

酒肉不進時固年踰五十而喪過於哀鄉黨宗族咸加

嘆服

楊玄就安西將軍仲宣之子仲宣爲爾朱氏所害就收捕

時年九歲挽兵人謂曰欲害諸尊乞先就死兵人以刃  
斫斷其臂猶請死不止遂先殺之

北齊

陸卽字雲駒代人也父喪居憂哀毀骨立母魏上庸公主

教訓諸子以義方卽克遵母訓動依法度朝廷發詔褒

揚之改其所居里爲孝終里繼遭母喪哀慕毀悴遂至

續文獻通考

卷之七十

二十六

三

沉篤頓伏牀枕致成風疾以弟搏死一慟而絕朝野悲

之弟彥師亦有孝行

楊愔字尊彥魏太傅津之子幼喪父嘗詣舅子恭與之飲

問讀何書曰誦詩子恭曰誦至渭陽未耶愔號泣感咽

子恭亦對之戲歎爲罷酒後爲神武行臺右丞適罹家

難常以喪禮自居哀毀骨立神武憫之嘗聘梁過家嘗

佛寺見太傅容像悲感慟哭嘔血數升遂病瘵不成行

周

泰族洛川人性至孝事親竭力及父喪哀毀過禮每一慟

哭酸感行路母沒哭泣無時惟飲水食菜而已終喪之

後猶蔬食不入房室邑人上狀詔表其門閭

陸政吳郡人性至孝初祖載從宋武帝平關中遂居長安其母生長吳郡好食魚而北土難得政求之甚苦後居旁忽水泉湧出而有魚遂得以供母時人以為孝感因謂其泉為孝魚泉

皇甫遐河東汾陰人少喪父事母以孝聞保定末遭母喪乃廬於墓側負土成墳晝夜勤力未嘗暫停食粥枕塊櫛風沐雨形容枯悴家人不識郡縣表上其狀有詔旌異之

寇雋馮翊人與兄某並有志行父亡雖久而猶於平生所處堂宇備設幃帳几杖以時節列拜垂涕陳薦吉凶之事必先啓告遠行往返亦如之

續文獻通考

卷之七十一

二十七

三百五十五

梁彥光字修芝安定烏氏人少有至性七歲父顯遇篤疾醫云必餌紫石英可愈彥光求之不得憂悴不知所為忽于園中見一物怪而持歸即紫石英也親屬咸異之以為至孝所感

柳遐字子昇河東解人有孝行父季遠卒于揚州遐自襄陽奔赴六日而至哀感行路毀悴不可識後奉喪西歸中流風起遐抱棺號慟愬天求哀俄頃風止浪息其母嘗乳間發疽醫不能治或云得人吮膿可止其痛遐應聲吮之母疽遂瘳咸以為孝

隋

田德懋高平人丁父艱哀毀骨立廬于墓側負土成墳

祖聞而嘉之降璽書存問賜帛及米下詔表其閭楊慶字伯悅河間人祖父剛並以至孝知名慶年二十五郡察孝廉以侍養不起母有疾不解襟帶者七旬及居母憂哀毀骨立負土成墳齊文宣表其門閭賜帛及綿粟各有差高祖受禪屢加褒賞

經因字孝政河東安邑人性至孝父母喪廬於墓側負土成墳廬前生麻一株高丈許圖之合拱枝葉鬱茂冬夏恒青有鳥棲止因舉聲哭鳥為悲鳴時人異之周武帝表其廬于士雄喪父復廬於墓側負土成墳庭前有一槐樹先甚鬱茂及士雄居喪樹遂枯死服闋還宅死槐復榮高祖聞之歎其至孝下詔褒揚號其居為累德里

續文獻通考

卷之七十一

三十一

四百五十五

薛濬字道順河東汾陰人少孤養母以孝聞高祖聞濬事母孝以其母老賜與服几杖四時珍味當世榮之後丁母艱歸葬夏陽時隆冬極寒濬衰經徒跣冒犯霜雪自京至鄉五百餘里足指凍墮瘡血流離朝野為之傷痛王頒字景彥太原祁人父僧辯為陳武帝所殺號慟而絕食頃乃蘇哭不絕聲毀瘠骨立服闋常布衣蔬食藉藁而卧隋平陳夜發其陵焚骨取灰投水中而飲之既而自縛歸罪高祖義而釋之

田翼養母以孝聞其後母卧疾歲餘翼親易燥濕母食則食不食則否開皇中母患暴痢翼謂中毒藥遂親嘗糲惡母終翼一慟而絕妻亦不勝哀而死鄉人共厚其矣

朱昌寧末城人有孝行母病思瓜時方四月瓜未熟昌寧號哭于瓜田中一夕瓜盡熟昌寧取以奉母母食之即瘞開皇中有司以聞詔旌其門

裴子通聞喜人開皇中以大中大夫居母喪哭喪明有白鳥巢於塚樾兄弟八人皆有孝行詔書旌表世謂義門裴氏

翟晉林楚丘人事親以孝聞父母疾親易燥濕不解衣者七旬大業初父母俱終哀毀殆將滅性廬于墓側負土成墳盛冬不衣繒絮唯著單縗而已

華秋汲郡人幼喪父事母以孝聞家貧傭賃養母秋容貌毀悴鬢髮盡改母卒廬於墓側負土成墳人欲助之者續文獻通考卷之七十

秋輒拜而止之大業初有司大獵見一兔入秋廬馴擾左右久而不去郡縣以狀聞詔遣使勞問旌其門後群盜起往來廬之左右咸相戒曰勿犯孝子鄉里賴秋全者甚衆

陳孝意河東人少有孝行煬帝大業中爲侍御史以父憂去職居喪盡禮有白鹿馴擾其廬人以爲孝感未暮起授雁門丞在郡菜食齋居朝夕哀臨未嘗不絕倒悴毀骨立見者哀之

荆可河東猗氏人苦身勤力供養其母甘旨終無匱乏母喪水漿不入口者三日悲號擗踊絕而復蘇葬母之後廬於母側晝夜悲哭負土成墳不櫛沐菜食水飲哀

遠近文帝令州縣表異之

劉士雋彭城人性至孝丁母喪廬于墓側負土成墳虎狼馴擾爲之取食文帝旌其門

李士謙字子約趙郡平棘人髫髻喪父事母以孝聞母嘗嘔吐疑爲中毒因跪而嘗之

李孝子吉水人幼喪母哀毀踰禮事父孝養惟勤父歿未及葬比舍失火火驟至慟哭伏棺死有司世表其墓

陳果仁晉陵人事繼母以孝稱母病思牛炙適屠禁割股作羹以進病良已郡上其事詔表門閭

徐孝肅汲郡人事親以孝聞孝肅早孤不識父及長問其母父狀因圖其形構廟置之而定省焉朔望饗祭養母

續文獻通考卷之七十

三十九

至孝母老疾孝肅親易燥濕憂悴歷歲見者憫焉母終茹蔬飲水盛冬單縗毀瘠骨立祖父母父母墓皆負土成墳廬於墓所垂二紀被髮徒跣以終其身弟倫德卒其子靈默亦廬于墓世以孝稱

李德銑柏人天性至孝父寢疾終日不食十旬不解衣及丁憂水漿不入口者五日哀慟嘔血數升葬之日會仲冬積雪行四十餘里單衰徒跣號踊幾絕

崔定博陵人丁父母憂齋居三十餘年蔬食衰服刻木爲像晨昏定省隋末群賊蜂起莫有侵掠者詔旌其門

續文獻通考卷之七十終

續文獻通考卷之七十一

皇明進士

節義考 孝子三

唐

張志寬蒲州安邑人居父喪哀毀過禮州閭稱之後爲里正忽詰縣稱母疾求歸令問狀對曰母有疾志寬輒病是以知之令謂其妄繫於獄馳驗如言乃慰遣之母終負土成墳手植松柏高祖遣使者就吊拜員外散騎常侍賜段物四十旌表其閭

房玄齡臨淄人父病歷十旬玄齡盡心藥膳未嘗解衣交睫父終勺飲不入口者五日

續文獻通考卷之七十一

一

二

薛萬備燉煌人爲通事舍人初丁母艱截髮以充歛及葬廬於墓次負土成墳太祖聞而嘉之降璽書吊慰

土君操即墨人父隋末爲鄉人李君則所殺亡命去時君操尚幼至貞觀時朝世更易而君操寧孤仇家無所憚詣州自言君操密挾刃殺之剔其心肝噉之立盡趨告刺史曰父死兇手歷三十年不克報乃今洩憤願歸死

太宗貸之

王少玄博州聊城人父死亂兵遺腹生少玄甫十歲詢父所在母告以故即哀求尸時白骨遍野少玄纔膚血漬齒果獲之創痍彌年貞觀中事聞拜王府參軍

許坦豫州人年十歲隨父入山採藥父爲獸所噬即號叫

以杖擊之獸遂奔走父得全太宗聞之謂侍臣曰坦雖幼童遂能致命收親至孝自衷深可嘉尚授文林郎賜物五十段

黃桓邵武人母喪廬墓三年芝二本生墓側邑素無鶴時有鶴來巢于墓貞觀中旌表門閭

任敬臣字希古棣州人五歲喪母哀毀天至七歲問父英曰若何可以報母英曰顯親揚名可也遂刻志從學後舉孝廉授著作局正字父亡數問絕繼母曰而不勝喪謂孝可乎乃稍進饘粥後官至弘文館學士

沈季詮字子平豫章人少孤事母孝貞觀中從母渡江母溺焉季詮號叫投水救母食頃持母臂出與詮俱死矣

續文獻通考卷之七十一

二

四

都督府謝叔方遣人具禮祭而葬之

張無擇慈谿人高宗時官至中散大夫遷和州刺史性篤孝父死七日絕漿三年不櫛廬墓有醴泉芝草之瑞今有孝子祠在邑之西南春秋祭莫以後裔之孝者張福配享

支叔才定州人生有至性隋末荒饑丐食野中將進母爲賊所執欲殺之告以情賊憫其孝爲解縛母病癰叔才吮瘡注藥及亡廬墓白鵲止廬傍高宗時表異其家

銅鞮知壽同官人永徽中父爲族人所害知壽與弟知英候諸途殺之爭自首罪以弟首謀乃論死臨刑曰仇已報死不恨知壽投身委頓身無完膚詎知英血盡乃已

見者傷之

程表師宋州人母病十旬不禡帶藥不嘗不進代弟戍洛州母終聞計日走二百里因負土築墳常有白狼黃蛇馴墓左每哭群鳥鳴翔永徽中授儒林郎旌之

武弘度士韜之兄子也永徽中父卒于徐州聞喪截髮徒跣奔赴廬墓側負土為墳晨夕哀號悲感行路廬前樹生素芝方圓一尺又有野狸每至弘度齋時必來求食帝聞之下詔褒美旌表之

趙師舉絳州人父為人殺師舉幼母改嫁仇家不疑師舉長為人傭夜讀書父之手殺仇人詣官自陳高宗原其罪

續文獻通考卷之七十一

四百一十八

裴敬彞聞喜人父智周暴卒敬彞時在長安忽泣涕不食謂所親曰大人每有病吾即不安今日心痛手足皆廢事在不測遂請急倍道歸果聞父喪羸毀踰禮事母復以孝聞高宗封中累轉監察御史時母病有醫人許仁則足疾不能乘馬敬彞每自輿之以俟母既居喪哀慟毀瘠詔贈緇帛官為作靈輿

陳元慶下邳人父喪為縣尉趙師韞所殺元慶變姓名為驛家保乘間殺師韞詣官自首武后欲宥之陳子昂請伏辜而旌之

宋思禮字過庭事繼母徐以孝聞補蕭山主簿會大旱井池涸母羸疾非泉水不適口思禮憂懼且禱忽有泉出

於庭味甘寒日不乏汲縣尉柳冕為刻石題其事

元讓武功人擢明經以母病不肯調侍膳不出間數十年母終廬墓次廢擲沐飯菜飲水咸亨中太子監國下令表其門永淳初巡察使表讓孝弟

陳集原隴州開陽人世為酋長父龍樹為欽州刺史嘗有疾集原輒不食及亡嘔血數升即瑩作廬盡以田貲贖兄弟武后時歷右豹韜衛大將軍

李迥秀字茂之母少賤妻嘗賸婢母聞不樂即出其妻後所居堂產芝犬乳隣猫中宗以為孝感旌表門閭

王友貞瑯琊人弱冠母病篤醫云惟啖人肉乃差友貞獨念無求理乃割股肉以貽親病尋愈貞亦無苦則天開

續文獻通考卷之七十一

四百一十八

而奇之命就其家驗問特蒙旌表

狄仁傑字懷英并州太原人授并州法曹秦軍親在河陽仁傑登太行山反顧見白雲孤飛謂左右曰吾親舍其下瞻望久之雲移乃去

崔玄暉博陵安平人少舉明經為高陵主簿居父喪盡禮有燕更巢共乳母盧氏有賢操常戒訓玄暉辭語切至

玄暉遵奉教戒以清謹見稱母亡哀毀甘露降庭樹潘見廣德人事親孝嘗役京師夢神告曰汝父病篤見驚還宿于道神復曰父病已愈矣歸果如夢人以為孝感及父卒廬墓有芝草之異玄宗時旌其門授廣德令

梁文貞閔鄉人少從軍守邊逮還親已亡自傷不得養即

穿墳爲門晨夕汛掃墓左暗默三十年家人有所問  
畫文以對會官駁新道出墓前行旅見之皆爲流涕有  
甘露降塋木白兔馴擾縣令刻石紀之開元中刺史許  
景先表貞孝絕倫類詔付史館

沈景筠烏程人性至孝母懼雷及卒築宅西每雷鳴則奔  
墓所號哭云其在此賀知章爲作孝德傳

鄭潛曜豫陽人母代國長公主開元中主寢疾潛曜侍左  
右造次不去累三月不洗面主疾劇潛曜乃刺血爲書  
請諸神丐以身代火其書而神許二字獨不化翼日主  
愈成左右無敢言

榮壁河南濟源人開元二十四年河南尹崔尹甫素壁割  
續文獻通考卷之七十一 五

股肉以療母疾及刺項血寫佛經母疾以瘳請宣付史  
館從之

元德秀字紫芝河南人少孤事母孝舉進士不忍去左右  
母亡廬于墓側食不塩酪卧不茵席服除補魯山令

顏真卿臨沂人顏子之裔事親以孝聞

許法慎滄州清池人甫三歲母病輒不飲乳恻恻有憂色  
或以珍餌誑悅之輒不食還以進母後親喪常廬于塋  
有甘露嘉禾靈芝木連理白兔之祥玄宗天寶中表異

其門

張瑄張琇河東解人父審素官雋州都督被誣爲監察御  
史揚汪所殺琇與瑄尚幼徙嶺南父之逃還汪更名萬

頃瑄時年十三琇少二歲夜伺萬頃于魏王池瑄斫其  
馬萬頃驚不及闕爲琇所殺張九齡議當貸死裴耀卿  
執不可長卒殺之臨刑賜食瑄不能進琇怡然曰下見  
先人復何恨人莫不憫之

計伯會越州蕭山人舉孝廉肅宗上元中爲衡陽博士母  
喪負土成墳不御絮帛不甘滋味野火將逮坐楸悲號  
於天俄而雨至火滅歲旱泉湧廬前芝草屢生

高郢字公楚衛州人九歲能屬文父伯祥爲好時尉安祿  
山及將殺之郢尚幼解衣請代賊義并釋之寶應初舉  
進士官至同平章事以右僕射致仕

李貞古南鄭縣人肅宗寶應元年梁州刺史臧希讓上言  
續文獻通考卷之七十一 六

貞古孝行彰聞請付所司旌表從之初貞古六歲而孤  
母欲改嫁貞古雨泣留之母遂守志母未食寢貞古不  
食寢及母亡負土成墳廬于墓側有白鼠見於墓門猛  
虎馴於廬前

賈直言父道中以伎術得罪貶之賜酖於路直言令其父  
拜四方辭上下神祇伺使者視稍息即取其酖以飲遂  
迷仆而死明日酖洩於足而後復蘇代宗聞之臧父死  
直言亦自此病變

王讚諦梓潼人少喪親培土成墳二十年不脫衰麻黜陟  
使常頌奏劍南孝子十六人讚諦爲首

何起門建德人父死廬於墓大層中刺史肅定以狀聞表



其門

徐仲源望江人性至孝母疾刲股爲羹以食邑宰以事聞  
德宗敕名所居里曰昭賢鄉曰孝感後母卒葬宅東南  
隅母性畏雷凡遇雷輒伏墓曰仲源在斯仲源在斯  
郡守德上其事再命築孝義坊賜白華軒以彰之  
趙翺安州人徙居天水母沒廬墓刺血以爲佛書及父沒  
益毀瘠後翺死子光遠毀瘠如其父詔表門閭  
楊炎鳳翔天興人父喪廬墓號慕不絕有紫芝白雀之祥  
詔表其閭炎三世以孝聞門楹六闕  
劉常建陽人父喪廬墓七年有芝兩莖生廬前建中元年  
詔旌其門賜粟帛改其里曰忠孝

續文獻通考

卷之七十一

七

四十五

林攢字會道莆田人貞元間仕爲福唐尉母亡水漿不入  
口者五日旣葬廬墓右有白鳥甘露之祥觀察使遣官  
屬驗實會露晞里人失色攢哭曰天所降露禍我耶俄  
而露復集鳥亦回詔旌表其墓隧門閭復蠲其家徭役  
董召南安豐人讀書苦學事親以孝聞韓愈作董生行以  
送之有云嗟哉董生孝且慈人不識惟有天翁知  
魯季文清江人貞元間廬父母墓每思江水遠不可汲忽  
一虎于廬側跑地得泉人以爲孝感所致  
章成緬於潛人喪母廬墓烏鵲來巢廬鹿共處貞元中表  
其門人以章孝子稱之

費冠卿元和初登第聞母病革馳歸而母已卒號泣躃踊

祿養親耳得祿而親沒何以祿爲堅不起

吳悉達河東開喜人父母爲人所殺四時號慕悲感鄉隣  
及長報仇避地永安昆弟同居四十餘載閨門和睦刺  
史以悉達兄弟行著鄉閭表贈其父渤海太守悉達欲  
以葬亡失墓所號泣推尋晝夜不止哀禱于神方出行  
所履之地忽陷得父銘記因遷葬曾祖以下九喪哀感  
毀梓有過初喪有司奏聞表閭後役以彰孝義

杜羔洹水人貞元初舉進士父任河北尉而卒母經兵亂  
不知所之羔遍求不獲後隨從兄兼仕澤潞判官兼  
獄于庭羔在側有一姬熟視羔曰此少年貌類吾夫詰

續文獻通考

卷之七十一

八

四十五

之即羔母也遂迎歸又訪父墓所在邑中父老無知者  
館佛寺中日夜悲號忽于柱上見字數行拂視之乃父  
遺跡云吾子孫若求吾墓當于某村問之羔哭而往果  
得父墓元和和中仕至工部尚書

萬敬儒廬州人三世同居喪親廬墓刺血寫浮屠書斷手  
二指輒復生州改所居曰成孝鄉曰廣孝聚大中時表  
其家

王博武許州人會昌中侍母至廣州及沙涌口暴風母溺  
死博武號泣赴水救之亦死嶺南節度使廬貞俾吏沈  
呂訪獲二尸葬之表其墓曰孝子塚詔爲刻石

廖洪萬載人家貧養親至孝二親亡捧土成塋結廬于側

哀慟不絕有青蛇白獸之異咸通中詔加旌表

朱寶積潯州人自喪親後廬於墓側逮至逾年竟以斃卒

陳岷鎮州彭城人居父喪哀毀廬于墓側不掩墓門

張士巖汴州人父病藥須鯉魚冬月冰合有獬獬魚至前得以供父父遂愈母病癰士巖吮血父亡廬墓有虎狼依之

焦懷肅益州人母病每嘗其唾若味異輒悲號幾絕母終水漿不入口五日負土成墳廬守日一食杖然後起繼母沒亦如之

張進昭巢縣人母患狐刺左手墮而終及殯進昭截左腕廬于墓

續文獻通考卷之七十一

九

三夏上折

尹嗣宗性至孝親沒居喪踰禮子悻侍養彌篤嗣宗卒廬墓廬紫芝孫恭先曾孫仁恕皆有孝行被旌表世稱其

一門四孝

張阿九趙言俱京兆人阿九母病割股肉餽之疾遂愈言亦割股養母事聞朝廷嘉之賜阿九及言物五十段以旌表其孝行

旌表其孝行

張常清字巨川句容人天性純孝父沒廬墓三年廬側產瑞芝十二莖太守表奏旌其閭姪孫公延亦以孝聞時人謂張氏孝傳三世云

丁公著字平子吳人舉明經高第授校書郎父喪負土作塚詔賜粟帛旌其孝

塚詔賜粟帛旌其孝

司旌表其門

許利川為睦州司士奉軍居母喪以孝聞有芝草八莖及連理樹一株產於廬墓詔旌表其門

樊濟邛州依政縣人居父喪負土成墳廬于墓側有兔鵲馴擾木連理慈竹自生詔表其門閭

張球信州弋陽人父歿五年廬於墓側哀毀過禮墓門墁上生芝草七莖有鵲巢於墓之藁竹詔旌表其門

尹務榮陽彭城人喪親廬於墓側有芝草之祥詔旌表其門

應光東郡人父亡廬於墓側生芝草連理樹詔旌表其門

續文獻通考卷之七十一

十

三夏上折

尹弘宗京兆人葬父母廬墓次廬前生芝草七十餘莖見者以為孝感詔免其課

賈辟扶風人母卒醫一指置棺中因廬墓次

路敬淳具州臨清人遭喪三年不出廬寢服竟方號慟入

見其妻形容羸瘦妻不識也

許康佐登進士第以家貧母老為知院官人或輕怪笑而不答及母亡服除不就府辟

盧操字安節河東人事繼母張氏至孝張生三子溺愛之嘗命操主炊為三弟設席及遣讀書命操策驢隨之操

即執鞭如僮僕三弟嗜酒縱逸抵忤於人詎及其母操

涕泣拜解繼母亡操訓養三弟恩愛過於平日服母喪

哀毀骨立每夕有狐狸羅列左右將旦乃去時人以爲  
孝感

李興安豐人父死捧土成墳廬於墓左扶服頓踊晝夜哭  
訴廬上產紫白芝醴泉湧出人以爲孝感柳宗元作孝  
行銘

吳奉廣陵人性至孝太守張載舉爲孝廉

何澄粹青陽人性至孝母沒哭慕哀毀而卒時稱孝子

劉師貞字文通彭城人早失母及長不記容狀至忌辰終

日涕泣未嘗寢食忽夢見其狀曰我爾母也爾孝通神

明故我得見夢於爾師貞乃作偶人像以事之朝夕起

居及告如常每新物必先薦然後食父福年老患目凡

續文獻通考卷之七十一

十一

四百二十五

飲食非師貞親調則不能食兄有疾經旬不差師貞衣

不解帶夢神人曰若兄苦風取胡王使者酒漬服愈師

貞求之藥肆莫能曉因夢其母曰胡王使者羌活也覺

而求之兄疾遂愈後父沒居喪有雙白雀飛宿戶間除

几筵之日對師貞悲鳴狀若躡躑父之乃去

朱仁執字德容永城人隱居養親親歿哀毀過禮有赤烏

白鵲棲其庭樹觀察使趙承恩表其異弟敬則好學重

氣節與三從昆弟居四十餘年皆產無異

李孝子者霍王元軌孽子也年十一母獲罪于父被逐孝

子隨母別居母病思食肉無調直因割股充膳

梁悅富平人父爲秦果所殺悅殺果諸縣請罪憲宗詔許

志州

原母梁人母喪廬墓手自耕植以脩祠祭田產嘉禾一本

五六穗

孫旣昔州人少孤母亡執喪哀毀廬墓側髮墮面垢疋瘵

骨立有泉湧于墓所里人名曰孝源泉

吳海邵武人母喪廬墓十三年墓側產芝二十莖

侯知道靈州靈武人居親喪作塚作壙皆身執其勞鄉人

助者即哭而却之廬墓次哭泣無節七年不止垢塵積

首率夜半撫墳踊而哭鳥獸爲悲號時邑人程俱羅孝

行不異知道李華作二孝贊以表之

陳太竭浦江人武昂之子二親併亡即墓手藝松栢終身

續文獻通考卷之七十一

十二

三百五十七

裴麻哀哭弗輟每奠果殺烏爲不啄

賈會京兆華原人親亡負土成墳廬其左手蒔松栢時號

閔中曾子旣卒縣人私謚曰廣孝徵君

表鳴忠州臨江縣人居喪廬于墓側啣哀發聲猛獸咆哮

而至旣見搖尾有仁心當哭必來旣哭而去

郭景華蜀郡人孝行過人父亡景華晝夜啼泣喪明宅中

忽湧甘泉因以洗目明漸復

按唐時陳藏器著本草拾遺謂人肉治羸疾自是民間

以父母疾多割股而進其至割肝剖心不顧滅性者然

而親疾往往痊愈果人肉之功歟抑精誠所格獲冥

歟

奉天趙正言

滑縣清泌

羽林飛騎談榮祿

鄭縣吳孝友

華陰尹義華

潞州張光玘

解縣南銀

河東李忠孝韓放

鄆陵任客奴

絳縣張子英

平原楊仙朝樂工段日昇

河東將陳涉

襄陽馮子誠

固雍孫入

虞鄉張抱王

滑縣英秀

榆次馮秀誠

封丘楊嵩珪劉皓

清池李庭玉弟庭金

繁昌朱洵

歙縣黃芮

左千牛薛鋒

續文獻通考卷之七十一

十三

三百七十五

河陽劉士約

十三

三百七十五

以上皆以刳股旌表門閭名在國史雖其居喪廬墓至行事實未詳然亦因地著名于右庶足垂不朽云

萬年王世良

長安嚴侍封

涇陽田伯明

華原韓難陀

華州王曇雲

下邳張萬微

鄭縣辛法汪郭士舉郭士度鄭迪柳仁忠熊居德劉崇甘

元爽韓子尚韓思約

鴉觚張元亮

朝邑申屠思恭呂昂

鴉觚張元亮

靈臺孫智和

宜川司馬芬

洛交周崇俊

洛川何善宜

冀州燕實倩

滄州鄭士才

清池孫楚信劉賢

渤海邊鳳與

澤州朱寶積

樂陵蘇伏念

具州馬衡

邯鄲章徵

鷄澤馮仁海郭守素

文安董相

沙河趙君惠

南樂谷感德

武邑王達多張丘感張藝朗孫思才張義節

魏縣毛仁

武城茹智達

歷亭王師威李肆仁

臨河李文綱

湯陰后斤奴

彭城彭思義陳屹田提岳

太原竄遺仁王知道

蒲州賈孝才

續文獻通考卷之七十一

十四

三百七十五

解縣衛玄表

南岳張利見

安邑曹文行孫懷應相里志降楊王操邵玄同張衡曹存

勳李文褒董文海李文秀張仙兒張公憲

虞鄉董敬直

河東張金城呂神通呂雲呂志挺呂元光趙舉張祐姚熾

張師德馮巨源杜山藏

河西郭文政

伊闕任仲

陳留家師諒董允恭

尉氏楊思貞

中牟唐良瑗暨子季通

陽武時惠珣

封丘楊嵩珪

許田李肥道

卽山胡君才

昨城蔡洪石善雄暨孫彥威

徐州皇甫恒

荊州劉寶

長壽史搏

益州郭景華

鄭縣曹少微

涪城趙裡

賓陽趙光寓黃昇

梓潼馬冬王秦舉王興嗣

依政樊漪

巴西韋士宗文傳宗賢子詮

南鄭李貞古

南陵蘇仲方

鄱陽張讚

樂平謝惟勤沈晉妻嵒

上饒鮑嘉福虞錄真

戈陽張球李營暨子凝孫楚

貴溪黃舟

建昌熊士瞻

臨江袁鳴

贛縣謝俊

續文獻通考卷之七十一

十五

三百六十六

餘杭何公升方宗

桐廬祝希進

諸暨張萬和

蕭山李渭許伯會戴恭俞瑾

信安徐知新徐惠譚

東陽應先唐君祐

建陽劉常

邵武黃豆張巨錢吳海

泉山黃嘉猷

永泰王奕

以上皆事親居喪著至行者雖無事蹟可紀而志秉所載不敢逸也

後梁 王去奢趙州軍人疾漸篤其子三人繼繼各爭割

已肉以供其父續割左股繼割右股繼割左右股去奢

食之病遂驟愈太祖嘉其孝行令本道給醫藥賜以錢

帛

後唐

韓德潞州屯留人同光中母死割乳以祭廬於墓側累年

種瓜合歡同帝詔旌表之

張建立滄州乾符人割股以治母病母卒割心瀝血以祭

辮髮跣足廬於墓所三十年

後晉

李澤濮州人刻木為父割股乳奠祭廬墓持服

宗修已濟州金鄉人父母亡葬送後辮髮跣足日一食截

指祭奠廬於墓所

北漢

王殷大名人事母以孝聞欲與人遊必先白母母所不可

續文獻通考卷之七十一

十六

三百六十七

者即不敢往為刺史政有小失母輒責殷殷即以杖投

婢答于母前母亡哀毀如不欲生

孟熙販果實養親承顏順志不憚苦辛其父常云我雖貧

養一曾孫及父亡絕漿哀號幾至滅性布苦於地寢處

其上三年不食鹽酪遠近嘆服因見胤掘地得黃金數

斤遂巨富焉

後周

柳敏河東解人九歲而孤事母以孝聞遭母憂居喪旬日

之間鬻髮半白毀瘠過禮杖而後起太祖見而異之特

加廩賜

張藏英范陽人父母為賊孫居道所殺後逢居道于幽州

市引佩刀刺之不死爲吏所執節帥趙德鈞壯之釋不問居道避于關南藏英求爲關南都巡檢使至則微服携鉢過伏居道舍伺其出擊之仆于地齧其耳嗽之遂擒歸設父母位陳酒殺縛居道于前號泣鞭之嚼其肉經三日剝其心以死即詣官首服官爲上請而釋之燕前間目爲報仇張孝子

宋

劉孝思太原人母病經三年孝思割股肉斷左乳以食之母病心痛又燃火掌中代母受痛母尋愈及母卒爲傭富家得錢以葬富家養爲已子後養父兩目失明孝思舐之復能視太祖親征太原召見慰諭

續文獻通考卷之七十一

十七

四百三

羅居通成都人親喪廬墓感甘露芝草之瑞開寶中授延長主簿

李璘河間人晉末有陳友者乘亂殺璘父及家屬三人軋德初璘隸殿前散祗候友爲軍小校相遇於京師寶積坊側璘手殺友而不遁自言復父仇太祖壯而釋之

常真項城人父母死廬墓終喪不茹葷開寶間兩詔旌其門真妻病子晏割股肉以療疾及死次子守規徒跣日一食廬墓三年太平興國中詔旌表之

甄婆兒京兆鄠縣民母劉與司里人董知政忿競知政擊殺劉氏婆兒始十歲妹方稚保託鄰人張氏乳養婆兒避徙徙居後稍長大悲泣曰大讐不報何以生爲時方

寒食具酒殺諸母墳慟哭歸取桑條斧置袖中往見知政知政方與小兒戲婆兒以斧砍其腦殺之太宗嘉其能復母仇特貸焉

郭琬台州黃巖人至性孝悌少喪父常有罔極之嘆事母張氏極恭順飲食必萃珍異凡母之所欲必親以奉之或經家人之手則憂形於色絕飲酒茹葷者三十年以析母壽母年一百四歲耳目不衰飲食不減鄉黨異之太宗至道三年同里狀其孝行詔旌門蠲役黃巖之人感其行善事父母者極多

陳侃字君和永泰人事親以孝聞親有疾省膳嘗藥夜不解衣執喪盡禮五世同居家無異爨至道二年郡守何

續文獻通考卷之七十一

十八

四百五

蒙上其事太宗嘉之詔旌門曰孝門賜母李氏粟帛

祈神留深州陸澤人父趙逋官租里胥督租與趙超駁里胥死神留年十六詣吏求代父死州以聞特詔減死賜里胥家萬錢爲棺殮具

王翰南宮人淳化中母喪明翰自抉右目睛補之母目復明詔賜粟帛

沈正泰州海陵人父爲屯田院衙官凶暴無賴使酒毆平人死正中途偶見父恐述其故正即號呼褫衣就毆其屍警巡者捕逮怡然就戮聞者悲之

呂昇萊州人性孝父權失明昇剖腹探肝和藥以進父服之復能視昇亦不死淳化中詔賜粟帛

王光濟廬州人喪母刻像奉養如平生孝道純篤真宗咸平中旌表

易延慶釣州上高人父喪廬墓致紫芝王芝之祥以母嗜

果墓側樹二果後成連理蘇易簡等爲詩贊美

侯義楚丘人貧無產傭身事母咸平中母卒義力自辦葬

晝則負土築墳夜則慟哭墓側妻子困匱不給田主曹

氏資以餼糧踰年墳間瓜異蒂同實木連理又有巨蛇

繞其側野鴿飛而不去嘗遇盜劫其衣服旣而知是義

物悉還之

董道明蔡州褒信人葬母空墳旁潛匿其中經三日家人

知而發取之尚無恙乃終身廬墓側

續文獻通考

卷之七十一

十九

二百九十七

成象渠州流江人父母被賊李順驚悸而死廬于墓側以

衰服襟飾土墳上日三斗虎豹環廬而卧無畏色燕百

餘集廬中禾生墳側吐九穗知禮者爲書諭之遂歸教

授號成孝子

龐天祐江陵人性至孝父疾割股以愈之父卒後結廬其

側晝夜哭不絕聲知府陳堯咨上其事旌之

陳思道江陰人鬻鹽爲業母病衣不解帶雙目瘡爛母喪

水漿不入口七日後結廬墳側拒妻子不與見夏時種

瓜以待過客晝則白兔馴狎夜則虎豹衛廬而卧咸平

三年旌

劉斌定州人父加友爲從弟志元所殺斌兄弟皆幼隨母

改適母嘗戒之曰汝等長必復父讐景德中斌兄弟挾  
刃同志元于道刺之不死即詣吏自陳州具獄上詔志  
元黥面配隸汝州釋斌等罪

李諮字仲詢新喻人幼有至性父文捷出其母詔日夜號

泣食不入口父憐之而還其母遂以孝聞真宗顧左右

曰是能安其親者擢第三人除大理評事

王文義大寧人景德中母疾篤割股進藥疾愈後母卒廬

墓鄉人憫其貧日給之食墳去水遠無以資洗滌祭莫

器用感夢得泉人稱孝感泉

畢士安字仁叟代州雲中人事繼母以孝聞

丁雋新喻人事父母至孝大中祥符間旌其門

續文獻通考

卷之七十一

二十

一百三十三

周善敏益州雙流人喪父廬墓又割股愈母疾大中祥符

年旌表

李祚徐州豐人喪親廬墓二十七年大中祥符年旌表

黃德興資州人葬親負土成墳甘泉湧出大中祥符間旌

何保之梓州通泉人舉進士親卒負土成墳廬于側有群

鳥飛集哀鳴不去又有兔馴于坐隅祥符中旌

李玘宗城人力耕事母母卒讓田與弟廬于墓側天禧中

郡守張智以狀聞詔賜粟帛

盧世豪贛州人仁宗天聖中母歿廬墓廬中泉湧一虎爲

守視有巨蛇入墳俄震死縣令陳廷揭其事于石

范廷召棗強人父鐸爲里中惡少所害召手刃父仇割取



其心以祭父墓

鄧長孺字齊賢泰寧人仁宗時與太學試居上第聞父喪哀毀過禮既葬廬墓芝生塚上

鄧中和開封長垣人慶曆中親喪廬墓負土累墳高三丈張揆歷城人父蘊病刲股療之舉進士慶曆中知益都江白建昌南城人爲鄆尉父卒負土成墳廬其側晝夜號泣終制猶然轉運使以狀聞賜粟帛醪酒

李訪韶州人業進士廬親墓側虎傷旁人而不近訪又有白鳥集墓上

趙朴字閱道衢州西安人母卒廬墓三年縣榜其里曰孝子嘗夢父母曰汝至孝孝子不匱求錫爾額天必相汝

續文獻通考卷之七十一

三十一 三十九

及子嘯執父喪而甘露降未幾卒于雲又以哀毀死人稱其世孝

范仲淹字希文平江人性至孝幼隨母適長山朱氏後貴迎其母歸養

孫唐卿字希元青州人仁宗時登進士判汝州未幾丁父憂毀瘠嘔血卒詔賻其家

曹矩休寧人登景祐進士以純孝聞其任都官日父汝稱贈殿中丞燎黃之夕芝產塋上郡上其事詔以所居爲忠孝鄉孝芝里孫央死于方臘之難時稱忠孝曹家母印安丘人善事父母父卒葬邑西郊朝夕哭奠風雨不輟妻馬氏從哭焚香于臂母卒亦如之邑令馬驥以事

閩進士周元富銘其墓碑刻尚存

朱道誠全州人母卒廬墓冬筍生瑞竹覆其墓詔賜絹米號朱孝子其子揚善孝亦如之至和中旌

蘇頌字子容泉州南安人嘗知婺州方泝桐廬江水暴汎舟幾覆溺頌以母在舟哀號赴水挽舟舟忽自正甫及岸奉母先登舟乃履衆以爲純孝所致

林正華字君輔福清人至和中入太學後棄歸養母母卒水漿不入口者累日卜葬于湧泉山鑿石營墳手舐足舐不少暇既葬廬于墓寢苦枕塊哀慕不已俄而祥雲

滿甘露降烏鳥翔集虎豹遁藏鄉人白于官旌之正華安之六代孫也安母死廬墓旁石湧泉閩主異之以其

續文獻通考卷之七十一

三十二

廬爲湧泉寺故世稱湧泉大小孝子

申積中成都人樞樞中楊繪求爲子及長知非楊氏而口絕不言年十九登進士事所養父母盡孝終身有二弟

一妹爲畢婚娶始歸本族復姓申氏人以純孝稱之

毛安輿洪雅人九歲父喪負土成墳廬其側三年知益州張方平聞之遺以酒餼狀其事以聞

胡淵字澤之崇安人熙寧初以親老家貧授學江浙每歲終度父母所須力能致者盡市歸以獻後以母疾不復遠遊即里開教生徒晨夕歸省每諸生餽食有甘腴必持歸以佐母膳母憐其誠爲之強進食

陳道周湘潭人少孤家貧奉母至孝母沒廬墓自陶碑且

成五放歷四年發墓高三丈墓成而道周繼亡從葬母傍鄉人立碑表之

黃庭堅字魯直分寧人性資至孝奉母安康郡君每夕親為滌溺器未嘗頃刻不供于職故史傳稱其孝友之行追配古人

朱壽昌字唐叔揚州天長人初壽昌生七歲父守雍出其母劉氏嫁民間母子不相知者五十年壽昌行四方求之不已飲食罕御酒肉與人言輒流涕熙寧初棄官入秦與家人訣誓不見母不復還行次同州得焉時母年七十餘歲雍守錢明逸以事聞詔壽昌還就官

李肅之鄆城人迪從子也母喪廬墓撫幼孤弟承之成立續文獻通考卷之七十一

神宗稱其一門忠孝

錢褒晉江人性純孝母喪負土成墳結廬居山草腥不入口形容毀瘠終制方還嘗著志孝六篇州縣以進熙寧中郡守兩聞于朝乞召試擢用

彭瑜安福人熙寧間失其母每旦焚香額天願知母所在一日人告在泰和為倪氏婦遂市婦人首飾造門須臾母果出遂為母子如初倪卒瑜迎歸養

沈宣梁縣人母亡既葬不塞墓門三年晝負土夜附棺而卧為墳廣百尺妻高氏亦有孝行元豐中褒賜粟帛

郝戴石州定胡人貧時人或貸以錢者留五六年不用復還之舉進士為通山令年未五十以父樵老不第請

仕為父求官執政諭使赴官可推恩于是留妻子獨奉父行踰歲竟謝事未至鄉而樵卒自畚土造墳人有助者隨撤之服除詔賜粟帛司馬光為銘其墓

鄧宗吉簡州安陽人父卒培土為墳廬其側甘露降焉號鄧孝子

趙君錫洛陽人性至孝母亡事父良規不離左右夜則寢于旁凡衾裯薄厚衣服寒溫藥石精粗飲食肯否櫛髮剪爪整冠結帶如內則所載者無不親之哲宗時登進士第以親故不願仕良規每出必扶掖上下

司馬康字公休夏縣人溫國文正公光之子也事親至孝丁母憂勺飲不入口者三日哀毀骨立光薨喪祭皆用禮經家法居廬蔬食寢于地遂得腹疾竟以是卒贈右諫議大夫

仰忻字天祝永嘉人年五十餘執母喪盡孝躬自負土廬於墓側有慈烏白竹之瑞紹聖中郡守楊蟠表其里

艾君瑜求豐人性至孝母疾革割股和藥以進病果愈母喪廬于墓側崇寧中郡守以聞詔復其家

劉詵福清人崇寧中歷官太常居母喪盡禮有芝產墓側陳天隱蘭谿人端重好學事母以至孝聞大觀初詔以孝弟睦姻任卹忠和八字旌其門

趙文澤麗水人六歲喪父廬墓有群鼠銜花白鶴來巢之異郡表于朝大觀初詔賜帛五十四

李華深陽人父歿居喪毀瘠盡哀母疾華水不解帶者十餘年有田十餘頃穀貴平價食其一方大觀政和間蝗數害稼不食其田

徐積字仲車楚州山陽人孝行天稟三歲喪父求之甚哀使讀孝經輒淚落不能止事母至孝朝夕冠帶定省應舉入都不忍捨其親徒載而西以父名石終身不刪石器行遇石則避而不踐母亡水漿不入口者七日悲慟嘔血廬墓三年卧苦塊裏經不去體雪夜伏墓側哭不絕聲既終喪不徹筵几起居饋獻如平生州以孝聞詔賜果帛皇祐初近臣金言積之賢宜在所表乃以楊州司戶參軍爲楚州教授使者交薦累改宣德郎監中獻續文獻通考卷之七十一

廟政和六年賜諡節孝處士官其一子

毛溥吉水人父嬰疾嘗藥而後進兩目盡瘡父卒未踰月母繼亡溥哀號慟絕水漿不入口以哀毀卒弟洵連中進士拔萃科九守四官再以親疾辭位父母繼亡親持鍾荷土以爲殯手胼面黥親友不識廬墓凡二十一月朝夕哭踊食脫粟飯抱疾歸數日卒詔贈帛五十匹米五十斛

李壽李衡吉水人同乳兄弟也幼而孤每以不逮事親爲恨政和中改葬母于楊山負土成墳廬于墓左未幾廬所產木一本兩幹高丈許復合於一至末分兩幹五枝張根饒州德興人徽宗時以朝散大夫終于家性至孝父

病盛戒蔬根爲食淡母嗜河豚及鱸母終根不復食母方病每至雞鳴少蘇後不忍聞雞鳴

母慶鄧人父病貧不能召醫乃割股肉啖之後母病不能食慶取右乳焚之以灰和藥進焉入口遂瘥久之乳復生宣和三年守樓名其坊曰崇孝

荀與齡字壽隆滁州來安人事其親生養死葬力竭而禮盡鄉黨稱之母歿廬墓側有芝十九莖生於墓亭郡縣以事聞宣和中下詔旌表

荀允中中江人其父自培其墓三年有虎豹馴擾其旁醴泉湧其下

趙伯深字逢原父曰子淵宣和間爲棧州兵官屬奉檄往續文獻通考卷之七十一

塞上伯深與母獨居棧屬金兵渡河母子相失伯深訪求二十餘年入滇至瀘南得之母子相持號泣哀感行路曾慥賦詩美之

張琪莘人靖康中有賊掠村琪負母而逃賊欲害之一賊曰此孝子也遂得免

王珠龍泉人以孝謹聞建炎間居父喪廬墓芝生數本枯竹生柯葉紹興間再罹母喪廬墓有瑞竹靈芝之應

王大臨吉水人建炎中胡馬南牧父被虜大臨年十二三徒跣從行盜欲兵其父抱持號哭請代盜義而免之汪與成銅陵人一家百餘人盡斃于建炎之難獨遺與成後三年改葬其父念母形骸不存刻木肖形侍養十年

而後附葬

申世寧鉛山人紹興六年潘達六襲鉛山父愈未及出戶  
遇賊欲殺之世寧年未冠引頸願代賊感其孝兩全之  
李彭年紹興進士嘗割股愈親病歿感慕不已蔬食終身  
事聞旌表

楊希吉水人奉酒肉事親未嘗及妻子紹興中負米百里  
外遇盜奪之不與欲加兵希吉哀哭曰吾為親負米不食  
三日矣賊義而釋之

李儼甫鄱陽人母疾籲天割股疾亟鑿肝以進母疾頓蘇  
紹興間表之曰孝子李儼甫之門

王進慶澄邁人性至孝紹興間其母陳氏病瞽而疾且殆  
續文獻通考卷之七十一  
三七  
三

進慶割股為粥以奉母疾愈瞽目復明

程俊徽州宜陽社人幼歲父母陷于夏國號泣自毀幾不  
能生後為中大夫康州防禦使權鈴轄隴右都護悉捐  
家財數十萬以贖父母西嚮號泣祈禱飲食幾廢夏人  
感動遂歸其母邵氏既歸日夕侍奉承顏色紹興十年  
旌表門閭又事族兄恭謹諸弟友愛復收養母邵氏族  
黨百餘口服食器用與已同焉

楊富老麗水人七歲喪父廬墓三年不返感鳥鵲來巢木  
生連理之異紹興中太守葉顥延入都學奏於朝詔賜  
粟帛錄付國史

劉子輩字彥冲崇安人父齡死靖康之難痛憤哭墳三年

事繼母及兄子羽盡孝友

郭義字慶仁莆田人客錢塘聞母喪旋跣歸每一慟輒嘔  
血及葬廬于墳傍甘露降白鵲馴集有司上其事紹興  
十三年旌其閭

詹惠明婺源人紹興中父直坐殺人當死惠明乞以身代  
不許乃齧斷指取艾灼頂辭旨甚哀太守曾開奏聞詔  
減父死而釋之因名其所居為孝弟里

胡師徐字宗武崇安人紹興中第進士幼失怙事母盡孝  
朱文公亦稱其操行母喪廬墓三年

虞允文字彬甫隆州仁壽人天性至孝丁母憂哀毀骨立  
既葬朝夕哭墓側念父之饑且疾七年不調跣步不忍

續文獻通考卷之七十一  
三七  
三  
離左右父死喪盡禮

李彭年廣德人紹興中進士以二親沒于兵蔬食終身郡  
守洪興祖聞于朝詔旌表其門號孝里

李植字元直泗州臨淮人事親以孝稱秦檜當國植丐祠  
奉親竭力以奉甘旨恪恭于職務得親惟檜死方有意  
大用以母老固辭願便養除知桂陽軍丁母憂歸養哀  
毀廬墓有白鷺朱草之祥

岳飛字鵬舉相州湯陰人性至孝高宗時為將母在河北  
遣人求訪迎歸母有痼疾藥餌必親及卒水漿不入口  
者三日扶襯還葬累詔起復飛連表乞終喪廬母墓側  
哀毀過人

陳亨運字俊民仙遊人父母繼歿廬墓三年常倚墓水而哭木爲之枯縣令餽粟帛以旌其孝乾道間詔舉孝廉李宗質字文叔先濮州人文定公迪裔母展氏罹靖康亂相失者十餘年宗質求之不已行次江州水南市中得之遂奉以還居郵之石塘色養者二十餘年樓鑰銘其墓楊萬里爲之傳

張超定海人年十九父塋患氣疾革經禱無效乃剖脅取肝煮粥以進不踰日父愈軋道四年守趙伯圭命縣優恤嘉泰四年令葛洪復其家封殖其父母墓禁樵採焉吳璿定海人母宋氏卧疾璿剖股療之而愈妻楊氏亦遭疾子安時皆剖股以愈嘉定三年建崇孝門旌之

續文獻通考卷之七十一

二十九

曾九鼎

袁鎮奉化人端平初父年七十病羸剖股和藥愈之父病垂絕復存者十有五年

江文卿永新人端平間其母病革不可療文卿剖股和藥進之病遂愈詔表其門

張茂馮忠俱上高人端平嘉熙間父母病篤皆剖股以進遂愈同郡又有割股救父者李德勝聶汝清黃顯吳應發廬十一仇大任晏十二救母者王文旺吳仲三雷大年劉信伯戈廷秀

張興渭德化人性至孝母楊氏病篤累百藥勿効興渭窮迫即額天欲割肝以進既而母疾立愈淳祐六年有司表表其門

王仲友武寧人淳祐七年父文才病劇割股作肉糜以進疾遂愈有司爲書篤孝之門

張季和上猶人咸淳間割股救父時稱孝子

東崇芳丹陽人德祐時北兵俘其父國寶崇芳詣軍門號泣請代父于是釋國寶留崇芳久之憫其孝思縱之歸父子皆得免

歐陽守道字公權吉水人少孤貧里人聘爲弟子師舍肉主人矚知其遺母爲別設一器馳送乃肯食肉隣兒無不感動兄嫂俱早世一姪年五歲一姪生甫數月守道時未有室無能乳哺日夜抱二子泣里巷憐之

鮑壽孫字子壽徽州歙人宋末盜起里中壽孫與父宗巖避地山谷間父爲賊所得束縛樹上將殺之壽孫拜前

續文獻通考卷之七十一

三十

四六折

頤代父死宗巖曰吾老矣僅一子若見殺宗祠絕矣吾寧自死賊兩釋之

夏侯訢字長况寧陵人侍母疾衣不解帶者二年母憐其苦令出便寢息訢方假寐忽夢其父告之曰汝母疾沉痾非凡藥可愈天帝憐汝至孝賜以仙藥在居室後桑枝上訢忽驚起如所言得藥進之母病頓瘳

高登字彥先漳浦人事母至孝嘗行至封康間方念無以奉晨膳忽有白魚躍於前母疾思康肉忽虎啣一鹿置門而去母食肉病遂愈

顧忻泰興人十歲喪父以母病葷辛不入口者十載每雞

初鳴具冠帶率妻子詣母室問所欲如此者五十年母目不能視物忻日夜號泣祈天母目忽明

李瓊杭州仁和人幼失父家貧至孝於母後稍豐厚孝心益堅娶妻有子移居母室夜常十餘起母諭之曰汝年來筋力頗憊盍求婢以給侍我瓊曰凡母之所欲不親經手意如有失耳凡市人知瓊之孝者物新出必先求以奉瓊瓊必倍酬其價或問之曰異誘其甘滑以奉母豈議價乎淄川人張用聞其至孝因遷與隣居

劉藻躬造問之

吳二臨川水東小民事母至孝一夕忽夢人言明午當震

續文獻通考卷之七十一

三十一

晉書六

死吳以老母在堂求救護不得又恐驚其母侵晨具膳以進白母暫詣妹家母不許俄黑雲起日中天地晦暝雷聲闐然吳益慮驚母輒閉戶自出野田待罰頃之雲開吳亦免禍亟歸拊其母是夜復夢以至孝感天已宥宿惡宜加敬事自是孝養其母終身

朱泰湖州武康人家貧鬻薪養母常適數十里外易甘旨以奉母一日入山遇虎負之而去泰已瞑眩行百餘步忽稍醒厲聲曰虎爲暴食我所恨母無託耳虎棄泰於地疾走不顧如人驅狀泰匍匐歸母持之泣泰亦強舉動不踰月如故鄉里聞其孝感率以金帛遺之目爲朱虎殘

郭居敬尤溪人性至孝事親左右承順得其歡心嘗撫虞舜而下二十四人孝行之繁序而詩之名二十四考詩以訓童蒙

支漸資州資陽人事父母至孝年七十持母喪負土成墳廬於墓側達首垢面三時號泣哀毀瘠甚有白兔白狸馴擾其旁白雀白鳥日集墓木四翔悲鳴若助哀者鄉人句文鼎自娶婦後與父離居覩漸孝行深自悔責號慟而歸孝養盡志鄉閭觀感而化者甚衆

鄒致新昌人事母篤孝母死廬墓有芝五色產焉

沈麟性至孝父死廬墓感慈鳥集廬之異

續文獻通考卷之七十一

三十二

四〇三

曾肅泰和人性純孝居父喪廬墓側有慈鳥來巢之祥子安止安中安強皆登科第有節行

鄒異長樂人親終廬墓凡六年有甘露芝草之瑞

許知言閩人兄逢言弟知白知什知億母病知言兄弟昕夕不離側越三月藥弗効知言乃齋戒籲天剖股肉烹調以進母病遂愈年七十卒知言兄弟哀毀踰禮俱燃香于臂以資冥福

林公遇字養正閩人性孝謹初以父蔭補寧化尉不忍舍朝夕養乞奉南岳祠弟養直亦有至性母歿養直兄弟懼戚其父服勤左右跣步不離每夜闌燭盡不忍退上官怡字友先閩人母年高羸疾方暑晨夕侍側驅蚊蚋

不寢逾月居憂極哀毀二兄繼歿奉嫂撫孤敬愛兼至  
史本鄱陽人性至孝父歿廬墓悲號有芝草之瑞

姜岬樂平人性至孝庭生連理木刺史常頌署曰姜岬行  
孝有聞兄弟兼美陶我王化毓此休祥

王凱字和中晉江人事父母篤孝居喪廬墓三年不忍去  
與其弟相友未嘗一日離

黃繁字平叔龍溪人父忠助遺疾傾貲求醫或言不為子  
孫計繁泣曰苟疾愈雖子孫饑餓我亦無憾父年九十

六母鄭氏年九十九父將卒曰為人子者如爾甚少吾  
願為爾子以報言畢而卒後繁妻有娠將稱月夢其舅

曰吾某月日某時為爾子及期生子彥臣官至朝散大  
續文獻通考卷之七十一

夫封堅承議郎賜緋累贈朝散郎

徐定豐城人性至孝父國會卒廬墓三年晝夜不絕哭有  
紅紫牡丹忽變為白號大孝子定于義末弱冠居父喪

足不履房聞寢于墓號少孝子曾孫傳霖事親孝謹人  
謂徐氏世襲孝子

過昱豐城人母早卒刻木為像早暮飲食必以進愈久愈  
虔考古人勉于孝者類成三十卷號至孝通神集

丁天錫如皋人事母克盡愛敬盜忽入其家以刃脅母索  
財天錫勇往爭之曰寧殺我所有任取之勿驚吾母盜

因感動曰天道不殺孝子遂捨去  
吳汝明揚子人志興之子性至孝嘗割股療母疾有靈芝

生堂側開禧中虜入境他室廬皆焚湯汝明室獨存嘉  
定中旌其門

張汝明廬陵人事親孝執喪水漿不入口三日病羸疾行  
步輒踣憂父諭以服天南星法用之果驗人以為孝感

柯應烈建德人性孝母聞氏病不解衣侍湯藥瘡瘻盡瘁  
每夕露禱減筭以益母壽空中有聲特延一紀後果如

數

羅蒙新喻人性至孝母病篤剔肝以救剝膜未寸許及摧  
折母病亦瘥

查道歙人性至孝母病思鰕羹市無鰕者道泣禱于河得  
之母疾遂愈初應試貧不能就道親舊贈錢三萬遇父

續文獻通考卷之七十一

三十四

三百五十一

友呂翁將鬻女營墓盡與之且嫁其女

蔡定字元應會稽人父革坐法被繫時年七十餘矣法當  
免繫胥削其年籍而入之罪定詣府請代弗許仰天呼

曰父老而刑定生何益自赴河而死府帥聞之驚曰真  
孝子也立命出革厚為定具棺殮而撫周其家

章瑛丹徒人事親盡孝母亡思慕切至墓上枯竹復生  
鍾伯龍南人性至孝喪母盡哀有群鳥鳴于墓人名其廬

曰感鳥堂

陳宗來嘉人年十六母蔡氏病篤割股為餌病愈已復病  
不救宗一慟而絕郡守陸德輿云陳宗自毀其體哀慟

傷生雖非孝道之正而能為人所難為之事亦天性之



至為合葬榜曰陳孝子墓

貢觀象江夏人家于賢興居喪哀毀廬墓六年墓側產芝  
詔賜粟帛蠲其役旌之

伍瑞厚安福人事父母以孝著部使者聞於朝賜號孝節  
處士

祁曉字坦之膠水人性孝母卒廬于墓旦夕悲號經隆冬  
墮足二指有白烏白兔馴擾之異詔賜粟帛

甯從龍浮梁人事親以色養母疾嘗割股事聞授徵仕郎  
以旌其孝

熊仁瞻建昌人為宜春令居父母喪廬于墓側有慈烏來  
翔事聞詔旌其門

續文獻通考卷之七十一

二十七

三百六十五

上官超光澤人性純孝母病篤割左脇取肝飼母已而母  
愈縣令張碩名其門曰孝感

薛半千字子中漳浦人天性孝友母疾嘗藥視膳水不解  
帶疾轉劇乃割股肉以進其伯兄亦嘗鑄心血以調藥

仲兄復焚香于頂以資冥福母疾隨愈兄弟三人日侍  
親側雍雍愉愉鄉里推重縣令林稽道因即所居立孝

義坊以旌之

張以中甌寧人仕至都提舉生事既盡孝及父歿訃至哀  
毀踰禮自以親老在堂宦遊于外且有厚祿生不能為

養死不得就殮遂不食哭死道中詔旌表其門曰純孝  
之家

檀念二母章氏病幾絕念二刺脰取髓食母母遂愈王希  
呂上其事詔付史館仍令有司優給

李繼成河南人母卒負土成墳晝夜哭不絕聲郡守上其  
事詔旌門廬賜以粟帛

楊有事親盡孝親亡哀毀泣盡繼以血廬墓終身有白芝  
白烏白兔之瑞事聞褒封至孝公植坊墓道以旌之

江白南城人為鄞縣尉父卒罷還負土營墓廬于墓側有  
甘露之異事聞賜粟帛

孔攸字寧極孔子四十六代孫隱居汝州漁陽城事親至  
孝其父廬墓三年即破棺中日食米一盞壁間生紫

芝數十本州以行義聞特賜旌表

續文獻通考卷之七十一

三十六

四百五

杜誼字漢臣台州黃巖人事父母至孝父剛嚴誼獨失愛  
喘不自容伺顏色而後進繼喪父母號慟晝夜不絕勺

水不入口者累日一英徒跣負土為墳往來十餘里日  
渡塘澗雖大雨雪未嘗少止手足皸裂每覆一畚必三

繞墳號而後去既葬遂舍墓傍一飯不葷雖虎狼交於  
墓側誼無所畏

嚴冕溧水人舉武舉進士授學諭時元兵渡江冕負母避  
之道遇兵欲刃其母冕挺以身蔽為兵所傷斃吳草廬

澄嘗哀以詩

潘祺溧陽人性至孝好學尚氣節父疾篤焚香籲天請以  
身代後果愈愈謂誠孝所感

許遂宣城人早喪父事母以孝聞里人每勵其子輒曰汝獨不慚許伯通乎伯通遂字也

張修金壇人居母喪祥禪逾年猶不御酒肉有甘露白鵲之祥

孫之翰字文舉慈谿人母病割體取肝為粥以進病遂愈郡守趙伯圭將聞于朝翰曰本心救母非為他也止之

張子英建寧人幼孤侍母王氏獨居宋季盜賊擾攘妻子俱被擄子英負母外避備經險阻後居寓黃溪備書為養母常思婦孫寢食不安子英跪曰但得毋安妻子可復返賊退奉母歸故里妻子亦果得還

馮順德建寧人早喪父奉母王氏至孝飲食必親供時遭續文獻通考卷之七十一

亂離負母逃于山谷孝敬不替母病順德或終夜不寢勵志學醫親調藥物母病遂愈

吳順熒道人累官為永昌太守性至孝有赤鳥集其門人以為孝感

徐膺字思文莆田人七歲喪父朝夕孺慕若成人母發哀毀骨立上兆于虎嘯巖廬其傍蔬食三年時陟巖巔哀號聲震原野虎為遁去墳左有坑塹深數十丈一夕山有聲如雷翼旦視之平地矣

劉潞定陶人知蓬萊縣過渾州聞母疾亟歸母死一慟遂絕其妻哭潛亦死時人傷之曰子死于孝妻死于義

羅威番禺人事母至孝遇寒必先以身溫席母歿盡哀

白鹿止其墓側

劉孝誠富順人親喪廬墓有芝草之異李見紀其行于學之雁塔同邑又有李變既葬父母廬櫬白虎白鳥馴擾之祥

王震文登人母患風疾割股以進病遂愈母歿哀毀踰禮日翳服除不藥而愈入以為孝感事聞賜同進士出身詔尚書省擬注職任

徐初華亭人早喪母父信後母譏初事之益恭父暑月病疽穢惡流衽席初身自浣滌不解帶者經月父乃悟曰汝吾孝子也後母子耳少鍾愛長不以兄事初初愛之不衰聞者莫不高其孝友

續文獻通考卷之七十一

趙善應字彥遠餘于人宗室子也性純孝親病嘗刺血和藥以進母畏雷每聞雷則披衣走其所嘗寒夜遠歸恐驚其母不敢叩門露立達明母喪哭泣嘔血瘠毀終日俯首樞傍聞雷猶起側立垂涕生朝必哭于廟父終肺疾每膳不忍以諸肺為羞母生歲值卯謂卯兔神也終身不食兔家食諸弟未製衣不敢製已製未服不敢服一瓜果之微必相待共嘗之

金景文蘭谿人親歿廬墓夜有五色光燭爛然射墓上人以為孝感所致咸淳間知縣沈應龍請于朝立碑建祠于學

續文獻通考卷之七十一終

續文獻通考卷之七十二

皇明進士雲間王圻纂輯

節義考 孝子四 金元 孝釋附 皇明

金

陳頤汲縣人父光爲家奴誣告賊殺人繫獄不勝拷訊因自誣服頤詣郡請代父死郡守哀之不敢決適帥臣至郡以其狀白帥曰此真孝子也遂併釋之太宗天會七年詔旌其門閭

劉政洛州人性至孝母目喪明政旦夕餽之母忽能視後母有疾刲股肉啖之疾即愈詔旌其廬除太子掌飲丞劉瑜豫州人母喪不能具葬質其子以給喪事章宗明昌三年詔賜粟帛復其身

續文獻通考卷之七十二

三百九十五

溫石相州人幼孤八歲奉母居郡南後母以天年終石自穿土起墳旣葬親舊勸令歸石曰營緝未就姑待之時石已骨立親舊恐其遂死固勸令歸石曰祥而歸未晚也竟至禪榻廬側設竈旦作粥一盂析爲三食之不復舉火負土累月鄉人願代之石稽顙謝曰非石願也垂老時享祭器必親滌年七十有一而卒

劉全武陟人性至孝金末河朔擾攘父源母崔氏俱爲北兵所掠父病卒母被鬻不知所往全就虜而去後三年以母故祝天子身南道尋訪于祁彝之間數月果得母所在哀號祈請主家拒而弗許全行乞于市得金若干

續之而復爲母子者三十餘年克盡孝敬

薛繼元字景卿河東人事母孝所居化之

元

詹士龍字雲卿固始人宋都統鈞之子元兵破鄂鈞歿士龍甫三歲董忠獻公獲之以見世祖嘆曰此忠臣子也汝善養之旣長知非董出晝夜痛哭他日從獵澤沱懇求復姓忠獻戲曰原欲復爾姓乎試爲投石水中浮則爾從士龍祝天曰吾父有靈石當暫浮因以石投水中沉而復浮者數四忠獻愕然曰天也遂許之

廖人俊寧都人元初父死于寇母亦被虜人俊七歲與祖母居旣長詣求父骨得于叢塚間又往北方求母聞在滄州至則已死欲負骨歸葬異父弟不許遂刻母像而還合葬焉具澄有文記其事

續文獻通考卷之七十二

二

三百九十六

王閏東平涇城人事父甚孝父嘗卧疾夜失火不得出閏突入解衣蒙父抱而出之肌體灼爛父無少傷中統二年復其後

郭道鄉閩人義重五世孫至元初閭盜起與弟佐卿守孝子祠不去被執兄弟各求代死賊感而釋之子廷偉爲建寧路平準庫使辭歸侍養道鄉嘗病危甚廷偉憂悴扶護一夕髮盡白有司言狀旌之

周古象新水人元初兵虜至薊贅蒙古氏旣生子未嘗喜妻詢其故曰有母在欲得歸省妻許之且囑曰母在當

奉養勿以妾故復來及歸母尚無恙古象奉養盡孝母  
歿廬墓妻亦終身不嫁淮西憲食韓克莊爲立孝里門  
蕭道壽與平人家貧鬻鐵自給母年八十餘奉養盡禮每  
旦夫婦親自盥櫛母食然後退就食母寢然後退就寢  
出入必告母怒欲笞之道壽自進杖伏地而受起則再  
拜遠教母疾割股肉啖之而愈至元八年朝命賜羊酒  
表其門

郭狗狗平陽翼城人父寧爲欽察先鋒使首領官戍大梁  
平宋將史太尉來攻寧全家被俘史將殺寧狗狗年五  
歲告史曰勿殺我父寧殺我史驚問知其歲曰五歲兒  
能爲是言吾當全汝家即以騎送寧等往合州道遇國  
續文獻通考卷之七十三

兵騎驚散寧家俱得還事聞旌之

周良佐唐山人事親孝親歿廬墓三年至元間旌表其門  
孔全鹿邑人父成病全割股肉啖之即愈後卒居喪盡哀  
廬于墓側負土爲墳日六十肩風雨有虧俟齊則補之  
三年起墳廣一畝高三丈餘至元間詔旌其門

田吹住汶上人父病不能愈禱于天去衣卧冰上一月同  
縣王住兒母病卧冰上半月

孟君用臨川人至元間兵掠臨川君用生三歲母被驅不  
知所往後求得之則已歿矣請喪歸葬不從乃號慟墓  
下得其遺衣杯棬以還而喪祭焉

寧猪狗山丹州人母七十餘患瘋疾藥餌不効猪狗割股

肉進啖遂愈歲餘復作不能行猪狗手滌溷穢護視甚  
周造版輿載母夫婦共舁行園田以娛之後卒居喪盡  
禮鄉里稱焉

李家如潭州萬戶移刺瓊子也母病醫不可治割股肉和  
糜以進病乃痊撫州路總管管如林潭州民朱天祥並  
以母疾割股旌其家

畢也速蒼立迷裏氏秦州人父喪廬墓次晝夜悲號有飛  
鳥翔集墳土湧起

尹慶龍中興人母喪負土爲墳結廬居其側手書孝經千  
餘卷散鄉人讀之有群鳥集其塚樹

胡景清龍溪人元兵下漳南景清甫五歲隨父母逃難倉  
續文獻通考卷之七十三

卒失其母景清長知學每念母輒涕下一日辭其父抵

幽薊覓之于燕市遇其叔胡巨川知母已至燕而未知  
其處踰年始得之蓋母子不相見者四十年矣事聞詔  
旌表之仍給驛以歸

陳魯字魯夫福清人性孝友至元中母林氏病魯割股肉  
療之子觀泗字友達亦篤孝父母疾俱嘗割股肉和粥  
以進

張鏐下蔡人事母至孝母卒居廬三年致有紅蓮變白之  
異郡立孝達坊事聞大德二年旌表

陳韶孫廣川番禺人父瀏以罪流肇州韶孫年十歲朝夕  
號泣願從遂與俱往道過遼陽平章塔出見而憫焉曰

吾返汝故鄉汝頭之乎詔孫曰既不能以身代父當死  
生以之歸非所願也大德六年父死詔孫哀慟見者為  
之泣下肇州萬戶以聞命遣還里仍旌異之

張子葵安西人父喪每夜半以背負土肘膝行地匍匐至  
墓所飾細土為墳

李忠晉寧人幼孤事父至孝大德七年地震山移民居皆  
摧壓將近忠家分為二行五十餘步復合

吳國賓雷州人父喪廬墓大德八年境內蝗害稼惟國賓  
田無損

章卿孫蜀人本劉氏幼為童提刑養子與母富氏相失三  
十八年遍訪于江西諸郡迎歸養之旌其家

續文獻通考卷之七十三

五

四百上共新

李鵬飛池州人生母姚氏為嫡母不容改嫁為朱氏妻鵬  
飛幼不知也年十九思慕哀痛學醫濟人祈早見母行  
求三歲至蘄州羅田縣得馬時朱氏家方疫鵬飛起之  
遂迎還養父之復歸朱氏時渡江省觀既卒歲時携子  
孫往祭墓終其身事聞旌其家

徹徹祖思古氏幼喪父事母篤孝稍壯母沒慟哭頓絕水  
漿不入口者三日既葬居喪有禮年四十餘思慕如童  
孩每見人父母則嗚咽流涕曰人皆有父母我獨無至  
大三年褒異

王初應漳州長泰人至大四年從父義士樵劉嶺山虎搏  
父傷右肩初應抽鐮刀刺虎鼻殺之父得生同縣施舍

德泰定二年父真祐出耘為虎扼于田合德與從弟發  
仔持斧前殺虎父得生並旌其門

李茂大名人徙家揚州母病目失明茂禱於泰山神三年  
復明每夕祝天乞損已年益母壽及期母歿哀慟幾絕  
大德間揚城火燒千餘家及茂廬反風滅火事聞旌表  
廉希憲字善甫布魯海牙子也至元元年丁母憂率親族  
行古喪禮勺飲不入口者三日慟則嘔血不能起寢卧  
草土廬于墓旁宰執以憂制未定極力起之相與詣廬  
聞號哭聲竟不忍言

祖浩然字養吾建寧浦城人至元中盜黃華起政和朝廷  
命將帥師往討未至盜已就縛回軍經浦城焚其廬舍

續文獻通考卷之七十三

六

四百上共新

浩然母全氏遭掠而北是時浩然年六歲母子相失者  
二十八年至大三年福建閩府檄為三山書院山長將  
之任或告之曰而母在河南不能名其處浩然欣然棄  
職辭父抵河南每舍逆旅行道塗間聞操南音者必就  
與語或云此有趙副使故為軍校歸自軍中得婦人全  
氏非而母耶趙死而家替全氏歸一蒙古氏挈之而南  
當在汝鄧間耳浩然喜遂回汝州抵鵲路山不過至牛  
蹄白石不遇至棗陽雀橋又不遇浩然夢神人顧而言  
有月缺再圓之語益喜忭自雀橋至別蓋山訪其母在  
焉抱持涕泣遂奉南歸人皆歌詩以美之會稽韓莊節  
先生性作孝子傳行于世

樊淵句容人至元中奉母避兵茅山兵至欲殺其母淵求以身代兵兩釋之母歿哀慕終身臺窻交薦淵不忍去墳墓終不起皇慶初旌其門

黃直星子人皇慶壬子母疾剖股爲藥疾即愈郡守立碑以彰其孝

賴祿孫寧化人延祐初賴寇作亂祿孫負母挈妻子入山寇至祿孫守母不去欲刃其母祿孫以身蔽之曰寧殺我無殺我母時母病渴乏水祿孫含唾哺之盜竊窺相顧嘆駭不忍害有掠其妻去者衆盜責曰奈何辱孝子婦使歸之事聞旌表

朱良吉平江常熟之支塘里民也延祐乙卯母錢氏年六續文獻通考卷之七十一

十餘病將死良吉沐浴禱天以刀剖胃割取心肉一片煮粥以飲母食粥而病愈良吉心痛就榻不可起隣里憐其欲絕乃累財醮告神明陰祈佑之是日邑人俞浩齋聞而過其家觀良吉胸間瘡裂幾五寸氣騰出痛莫能言俞爲納其心以桑白皮線縫合未及期月已無恙陶九成曰人以父母遺體而剖心剖股恐其傷生故有禁止之令然世降俗薄悖逆其父母者視良吉何如哉原其一念之純剖心之際動天地感鬼神固不待賞之于有司而天地神明固已陰錄其孝矣  
匡國政母病刲肝以進病愈旣而復病又刲腦和藥愈之及卒廬墓終喪延祐中旌表

丁文忠鄆城人業鼓冶母和氏疾與弟文弄竭力調侍母卒文忠廬墓側不與妻面者三年父貴又病醫不能療文忠造車一輛兄弟共御之載父禱于嵩山五臺泰安河濱諸祠遇異僧遺藥而愈延祐七年旌之

邵敬祖宛丘人父歿廬墓母繼歿河決不克葬殯于城西敬祖露宿依其側風雨不去友人哀之爲縛草舍庇之前後居廬六年兩髀俱成濕疾至治三年旌其家

越楓橋里人丁氏母雙目失明丁至孝每朝盥漱訖即舐母之目積有年矣俄而母左目明未久右目復明憲司上其事于朝表其閭曰孝子之門蓋至治年間也

黃覺經南城人五歲失母稍長誓天誦佛書願求母所在續文獻通考卷之七十一

乃渡江涉淮行乞而往衝風冒雨備嘗艱險三十八年得之梁縣至治中旌表其門

尹華浦川人至治初遊學于京師忽憂母疾心怪之馳歸母已亡居廬蔬食哀毀骨立每雞鳴起手治祭饌詣墓所哭奠雖風雪不廢父輔臣嘗病疫華侍湯藥衣不解帶夜則禱于天願死以代父命數日疾愈鄉里嗟異之孫希賢高唐人母病痢方書曰血溫身熱者死希賢嘗之其血溫乃號泣祈天求代母遂愈

卜勝榮高郵人母病不能藥日嘗糞以求愈兄疾禮北辰乞減已年延之並痊

宗祀大都人年十九父內宰卒僻踴號泣絕而復生過哀

成疾卧床榻猶哭不止淚盡繼以血疾轉甚嗚其妻楊氏善守志以事繼母遂卒楊氏遺腹生一男人稱孝感泰定三年旌

高可燾有孝行文宗二年旌其門

張聚新鄉人性至孝天曆間母卒廬于墓側三年朝夕負土成墳有司以聞詔旌其門

五庸字伯常雒州歸信人母李氏疾祈北辰叩頭出血母疾遂愈及母卒哀毀幾絕露處墓前旦夕悲號一夕雷雨暴至鄉人持寢席欲蔽之見庸坐卧之地獨不沾濕嘆異而去復有蜜蜂數十房來止其家歲得蜜蠟以供祭祀

續文獻通考卷之七十二

九

四百九

黃贊字止敬臨江人父君道延祐間求官京師留贊江南及長聞父娶後妻居永平乃往省之則父沒已三年矣庶母聞贊來盡挾其貲更嫁拒不見贊贊號泣思得父柩歸殮欲庶母指示亟累糧往叩庶母復拒之三曰不納庶母弟憐之與偕至永平屬縣樂亭求父墓又弗得贊哭禱于神夢老父以杖指墓處曰見片磚即可得明日就其地求之庶母之弟曰真是已殮時有某物可驗啓朽棺得父骨以歸

何從義延安洛川人祖長祖母李氏偕亡從義廬墓側旦夕哀慕不脫經帶不食菜果事父世榮母王氏孝養尤至伯祖溫叔祖恭讓叔父玠皆無子咸爲治築築高墳

祭以禮人義之

哈都赤大都固安州人母疾不痊殯所佩小刀割開左臂取肉一片進母母曰此何肉其甘如是數日病瘥

高必達建昌人五歲時父明大棄家遠遊莫知所適必達旣長晝夜哀慕乃娶妻養母而身往四方求其父十餘年不得心愈悲忽傳黃州全真道院有虛明子學道三十年矣本建昌人姓高氏必達詢知爲父即往叩頭不已虛明瞑坐不顧久之斥曰我非汝父汝亟去必達留侍左右不少懈辭氣哀惻其徒謂虛明曰師有子如此可勿歸乎不得已還家必達孝養篤至鄉里稱之

曾德漁陽人曾子裔也母早亡父仲祥再繼左氏樂襄陽

續文獻通考卷之七十二

一

四百九

風土同往居焉亂兵陷襄陽遂失左氏德邇來五年得于廣海間迎歸孝養備至詔旌其門

靳昂字克昌曲沃人兄榮爲奎章學士奉母王氏官于朝母歿昂與兄榮護喪還家至平定大雷兩流水驟至昂伏柩上榮呼之避水昂不忍舍遂爲水漂沒後得王氏柩于三里外得昂屍于五里外詔賜孝子碑

張恭偃師人以兵部符署鷹房府案牘親老辭歸侍養父喪過哀奉母馮氏尤謹歲凶恭夫婦採野蔬爲食而嘗奉甘旨無乏母病恭手除溷穢喂哺飲食且嘗冀驗疾勢天曆初西兵至河南居民悉竄恭視母病項中一劍不去母驚悸而歿恭居喪盡禮人稱孝焉詔旌其門



孫璿丹徒人父喪哀毀踰禮葬時載柩渡江潮波方湧俄順風張帆如履平地繼母唐氏患癰親吮之又喪目眦之復明唐氏卒十日將葬天雨不止璿號天乞霽至期開明甫掩壙復雨詔旌其孝

吳希魯睢寧人父卒葬之日大雨希魯跪柩前炷艾燃腕火熾雨止既葬廬墓左詔旌之

龐遵永年人文宗至順間母病腫三年不能起忽思食鯉魚遵求於市不得求漁者又不得歸塗嘆恨忽有鯉躍入其舟遵作羹以獻母病即瘥

鮑壽孫歙人至元丙子盜起與父皆被獲父子爭相代死賊哀之忽大風起叢林間賊疑兵至駭散父子俱免人

續文獻通考卷之七十一

十一

三月十六朔

稱爲慈孝

繆倫字叔彝東平人侍父宦遊寓居錢塘至正十六年淮兵寇城執其父將殺之倫哀號乞免弗聽傾家貲以贖又弗聽乃自縛請代于是殺倫而釋其父

陳道邵武人至正七年群虎晝傷人一日道父樵爲虎所噬道以柴擔齋前縱擊虎舍其父遂噬道啖盡鄉人爲殮其父屍葬之

張紹祖潁川人以孝聞至正中奉父避兵山間賊至將殺其父紹祖泣曰吾父行善請即殺我以代父且君等非父母所生乎何忍害人父賊以戈擊之戈隨挫因相謂曰此真孝子也釋之

史彥斌邳州人有孝行至正十四年河溢金鄉魚臺水漂母柩彥斌縛草爲人置水中仰天呼曰假此靈芻指示母棺經十餘日果得于桑林中復葬之

李明德上高人孝行純篤至正中兵陷泰州因掠上高劫其父欲殺之明德泣告曰子豈不能代父乎兵遂殺明德免其父

張琦岳州臨湘人生二歲而母劉氏遭亂陷于兵琦思母不置嘆曰人皆有母我獨無輒泣下及冠請于父往求其母數歲不得後得于池州之貴池迎以歸養其後十五年而父歿又三年而母歿終喪猶蔬食表門曰孝義

姜蕪嚴州淳安人幼孤與二兄養母至孝母死哀慕幾絕

續文獻通考卷之七十三

十二

四月九朔

旣葬獨居墓下朝夕哭奠荒山中躬自樵爨蔬食飲水一衰麻寒暑不易同里陳氏戴氏子不能事其父母感無行慙悔皆迎養焉

劉思敬延安宜君人孝養繼母沙氏杜氏無異已母父年八十兩目俱喪亂兵剽掠負父避岩穴中有兵至欲殺思敬思敬泣言曰父老矣又無目我死不足惜使我父何依乎兵憐其孝父子皆免于難

朱仁靖安人至正間母劉氏病篤割肝取股救母得活立旌孝坊表之

過宗一海鹽人早喪父獨與母居至正間張士誠隔姑蘇畧地至海上宗一負母逃與寇遇欲殺之以身蔽母中

數鎗賊舍而去既返益困傭以給食母卒六年不克葬  
寢苦服衰蔬食不變語輒泣下白燕巢其室東西相向  
及焚燕不復至

呂祐晉江人至正末郡城破有卒拔刃脅其母索財不得  
欲斫其母祐奪其刃手指盡裂仆地良久而甦開目視  
之曰母幸無恙我死無憾遂瞑目死

秦十一輝縣人早孤養母劉氏元末兵至母目失明十一  
負母携妻子避兵于山時子方三歲母得食嘗哺之十  
一謀于妻曰今兵荒缺食母餐不飽莫若棄其兒幸得  
母全兒不足惜妻從之遂棄兒負母避處險阻採食為  
養事定乃歸

續文獻通考

卷之七十三

十三

四百十五

孫抑字希武晉寧洪洞縣人有孝性關係之變有亂兵剽  
掠拔白刃嚇抑母求財不得舉刃欲斫之抑亟以身蔽  
母請代受斫母乃得免父為所虜不知所向或語之曰  
被驅而東矣東軍得所掠民皆殺之汝慎無就死抑曰  
吾可畏死而棄吾父乎遂往出入死地屢瀕危殆卒得  
父以歸

石永壽新昌人性淳厚事親至孝元末兵亂其父謙孫年  
老被執兵欲殺之永壽亟抱父請代兵遂殺永壽其父  
獲免鄉人哀之

趙應祥廬陵人性至孝年十四其父行賈不還年二十六  
因從父從比來知父已死而不知其處日夜哀號即辭

母徂求聞都下有曾老者與父善走數千里詢之知父  
死濱州利津縣又走利津得朱琪張文者言若父吾所  
葬棺具有題識在城南門外第歲久墓塚疊疊不可辨  
識矣應祥行哭七日求不得即解髮繫馬鞍祝曰隨馬  
所之過吾父墳者當髮解鞍墮既經一墳髮解鞍墮發  
之棺上具有父姓名遂獲歸骨人以爲孝感

周樂溫州瑞安人父日成海賊據溫州拘日成置海舟上  
樂隨往事其父甚謹一日賊酋沉日成於水樂哭請曰  
有祖母幸留父侍養願以身代父死不聽樂抱父不捨  
遂同死焉

郭通徐州人少以孝稱父柩在殯隣火延及通舍通仰天  
續文獻通考

卷之七十三

十四

四百十六

訴曰柩不能移寧與柩俱焚死伏柩痛哭火須臾遂息  
俛文質字孟彬十歲割股以療母疾

黃一清休寧人少孤吳氏守節卧病醫欲得蜜乃夜乞諸  
隣遇虎一清號曰死不足惜如母何虎熟視而去人謂  
孝感之應

楊明性至孝父秀病適隆冬明冒雪跪行禱祝神水飲之  
病愈母張氏卒廬于墓側鄉黨稱其孝

楊暉扶風人父清母牛氏嘗病劇暉叩天求代遂痊如是  
者再牛氏歿哀毀持甚葬之日大雨獨暉墓前後數百  
步密雲蔽之既葬廬墓肩土為墳蔬食飲水終其喪父  
卒亦如之

趙榮扶風人母種氏有疾割股肉啖者三後卒痛哭不食三日方飲水七月乃食粥葬之日白雲蔽其墓前後十五里負土成墳廬其側終喪

王克已延安中部人父伯通歿克已負土築墳廬于墓側貊高縱兵暴掠民皆逃竄克已獨守墓不去家人呼之避兵克已曰吾誓守墓三年以報吾親雖死不可棄也俄而兵至見其身衣衰經形容憔悴曰此孝子也遂不忍害

張茂濱州人母王氏病不愈剖右脅出肝假湯餌以進病即愈人以爲孝感

鮑興宇雄飛鄒平人事父母孝母疾瘡資求醫母喪三年續文獻通考卷之五十二

不入私室復慮父缺侍置大樓舡共載隨遇爲家浮游江河以娛其志

張緝字士明膠州人性篤孝後遭賊突入卧內欲刃其母緝以身蔽中脇下三日而死

陶忱仲台之臨海人少失母繼母弗之愛及長娶吳氏繼母不能容乃出居外後父年老家又匱迎父繼母養之

更爲繼母弟娶婦嫁其妹于凱亦有孝友之行

祝大朋字公亮麗水人事母呂氏孝母卒刻木爲像事之如平生

白珽橋李人性至孝嘗患奇病割股和藥而進病遂愈董茂春莊愍之子事母至孝飲食寒燠未嘗一日少離母

疾輒籲天願以身代

趙和母遭兵被虜年十四思之不寢籲天至遼東尋獲母被得者留不遣和具奏乃得與母俱還

林逸字國安自號愚愚龍溪人早喪父獨奉母以居一兄贅居桐城逸欲貽書請其兄及嫂氏同居以養母妻楊氏不聽乃自搥以感動之甚至對案不食者累日楊氏化而順從及兄嫂歸逸事之甚謹私房不蓄一錢

陶煜字明元用道家法事玄武神甚謹母病心痛歲瀕死者六七醫莫能愈明元每搗心嚼舌以代母痛一日危甚計無所出走禱玄武前曰剖股割肝非先王禮在法當禁其非不知也今事急矣敢犯死取一臂爲湯劑

續文獻通考卷之五十二

志

四百五十九

神爾有靈病庶其瘳禱畢引刀欲下忽有二童自外躍入叱曰母自損我天醫也明元大駭伏地乞哀童子取案上筆書數字于几面擲筆二童子咸仆地隨呼家人救之嘆以水良久蘇乃鄰家兒叩之無所知視其書藥方也隨讀隨隱明元私喜曰此必玄武神也吾母其瘳矣即如方治之藥甫及口而痛以失終母身不再舉

張旺男霍丘人幼失父母陳氏居貧守志旺男九歲賣錫以養及長母病醫藥無資惟日夜哭痛祈天求代未幾遂愈又自以生業微不能多給遂不娶以終母年縣令言于朝旌之

郭回邵武人性至孝家貧竭力養親母年九十八卒傭身

以英母且詣墓哭祭如是者十有四年守臣以聞詔旌異之

楊惠父早卒事母劉氏盡孝母疾求以身代母忽夢神告之曰爾疾當終爲爾子誠孝所感今特延之疾果瘳母歿廬墓哀毀喪明有司以聞旌表其門仍蠲其徭役吳大中天性孝敬父七十二寢疾衣不解帶父歿泣血幾絕既葬奉母陳氏廬于墓側十有七年母年踰九十而卒居喪哀痛逾昔有司以孝聞上旌其門曰吳氏孝子袁知周泰州人父敬夫諱丁爲總催虐死知周誓復仇寢苦枕塊陰佩刀伺間者六年後仇爲他人所殺乃以刀棄之郊事聞詔旌之

續文獻通考卷之七十三

十七

四節下

李仲叔新淦人幼孤事二母俱孝一日母病思橘仲叔求橘以食之遺核床下生而漸長仲叔撤屋成之有司以其事聞召爲贛州巡檢

趙孟致母徐氏病割股和藥以進病愈旌表其門曰篤孝劉從竹字友直福清人事母孝母終廬于墓側所居門楣及墓前之石皆有芝產

李奉先葉縣人性至孝父卒既葬竊自嘆曰奉先兄時父嘗戒家人兒幼勿令獨入林野恐其驚恐今親歿一旦棄于林野安所忍乎乃結庵于墓側晝夜臨哭其中植楸數百株時呼爲孝子林

劉源中年人母吳氏年七十餘病甚不能行適兵火起且

延至其家隣里俱逃源力不能救乃呼天號泣趨入抱母爲火所焚而死

梁琮安陽人父卒廬墓負土爲墳朝饌暮粥若將終身從子鐸父喪廬墓與弟五人同居無間言時同邑趙信皇甫達皆以孝聞居喪廬墓達念母老無棺一日大雨漂巨木至門視之良材也後遂取以殮母云

顏應祐同安人母許氏先以患難遷徙失所之母于不相知者二十六年應祐訪求不得常悲號流涕一日得書知在滇南即往求之果得母遠迎以歸士君子咸歌詩以嘉其孝

彭季世江州人爲義門陳氏之傭父喪明已久有子一人續文獻通考卷之七十三

十八

四節下

嘗聞陳之子弟言舜爲父瞽瞍舐目而致明乃歸効之不旬日父目忽然明朗

杜枯下邳人爲河南水馬站提領父病於家枯忽心驚流汗即棄職歸父病始三日遂禱求代且嘗糞以驗病父卒廬墓有馴兔之瑞

郭全遼陽人幼喪母哀戚如成人及壯父庭王又卒居廬三載啜粥面墨事繼母唐古氏甚孝唐古氏生四子皆幼全躬耕以養既長娶婦各求分財全不能止凡田廬器物悉取朽弊者奉唐古氏甘旨無乏唐古氏卒全年六十餘哀毀廬墓終喪被旌

王薦福寧人性孝而好義父嘗病甚薦夜禱於天願減已

年益父壽父絕而復甦告其友曰適有神人黃衣帕首  
恍惚語我曰汝子孝上帝命錫汝十齡病遽愈母沈氏  
病渴語薦曰得瓜以啖渴可止時冬月求之不得行至  
深奧頗值雪避楹下忽見巖石間青蔓離披有二瓜焉  
因摘歸奉母母渴頓止

季原禮性最孝親終廬墓不食鹽醬其子立與曾孫廷春  
居父母喪並如之立誥母瞽目復明人謂一門純孝

楊汝義昆明人仕爲騰衝府同知事親至孝親歿負土成  
墳詔旌其門

馬伯傑山東鄒縣人父拜江南行臺監察御史不以家行  
係獨與母居盜起汝顙轉畧齊魯境係負母匿草間母

續文獻通考

卷之七十二

十九

四百九折

死舍卒不能具棺殮聚石葬鄆城西盜入鄆城係伏于

墓上衆欲驅而前脅以白刃係大慟曰母在此母在此

盜曰此孝子也乃舍之復送以衣糧旣而邑剝于兵失

墓所在求之二年得于榛莽中故衣尚存始克遷柩祖

塋御史轉浙西憲僉留江南者八年遂冒鋒鏑間關數

千里省之錢塘人咸稱爲馬孝子云

石明三餘姚人家貧喪父獨與母居山中一日明三自外

歸覓母不見見壁穿而卧內有三虎子知母爲虎所害

乃盡殺虎子礪巨斧伺母虎至斫其腦裂而死復往蟻

石斫殺牡虎明三亦立死不仆張目如生所執斧牢不

可拔

公崇字大昌麗水人養親甚孝母歿居喪盡禮家人失  
火公榮力不能救乃伏棺悲哭其火自滅鄉里異之塑  
二親像於堂朝夕事之如生焉

陸思孝山陰樵者性至孝母老病痼醫請久不効思孝方  
欲剖股肉爲糜以進忽夢寐間恍若有神人者授以方  
藥思孝得而異之即以奉母其疾遂愈

夏永慶字章甫定海人大德中侍父文德轉粟京師浮海  
而北舟抵海洋鎮時易一小舟盤載喧呼雜揉文德顛  
仆溺水永慶震駭號天沒入洪濤載父出波面舵工提

戟鉤其衣父賴不死永慶力不支竟沉其後諸弟傷之  
皆以孝義維其家居同室食同爨至正十三年表曰孝

續文獻通考

卷之七十三

二十

四百九折

義之門

馬英河內人性孝友父喪哀毀二兄繼沒獨事母并奉二

寡嫂與居比母喪卜地葬諸喪親負土爲四墳手植松

栢廬于墓側終其身

武德政真定人事母蘇氏至孝母死時天大旱方掘地求

水忽二蛇躍出一東一西隨其地掘之果得泉事聞旌

復其家

唐韓唐轍鄆人父復禮以擅匿官釐事被陷且拘以歸于

京轍詣吏代父命不省乃叩頭流血繼之以死吏憫其

情脫父桎而格之行至越州時轍自杭回遇諸途挽轍

衣袂哭曰兄爲家子宗祀所托不可以死弟請代兄行

韓不從較給之曰兄訥于言往必不免弟有一計可生  
幸無苦竟奪其械加已手吏亦閱而從之較抵京係獄  
旬日近臣奏其非罪得免

馬安父安勝行負土成墳廬于側號泣三年有司以聞旌  
表其門

杜世壽母劉氏病篤封股煮粥以進母病遂愈事聞詔旌  
其門曰純孝

段德隆寧晉人事父母孝母歿廬墓二千石聞于朝命復  
其家

王忠三原長孫里人能盡孝道值母有疾欲爲之娶忠曰  
吾母疾安忍爲此後母卒廬墓日夜號哭既食飲水人  
續文獻通考卷之七十三

所不堪有司奏旌其門

許敬觀明州衛兵事母至孝一日拉十兵駕舟販鹽至郡

江北渡忽暴風電掣霹靂擊舟人上泥塗衆皆震死時

敬觀昏絕默念我死母將誰依如有人援之去死所三

丈許而甦雷火燎髮如禿人以爲孝行之報

鄭覺民字以道鄞人母嘗患目日以舌舐之即愈後病痲

衣不解帶父當葬適病瘡甚劇人止其臨壙泣曰幸從

先人訖大事即道死無憾既還而瘞

葉志道德興人事母至孝母歿廬墓側有馴虎鳥巢之異

事聞旌表其門

段文瑞雲南河陽人讀書奉母盡孝母卒以手履地行一

里外送母喪事聞旌表曰孝義之門

湯霖新建人早孤事母孝母病熱思水時天燠霖累日號

泣地上忽聞池中受受聲視之乃水也取以奉母遂愈

郡守以聞嘉其孝行授臨江路儒學教授

王士弘中部縣人父搏有疾傾家資求醫即拜徧禱諸神

叩額成瘡父歿哀毀廬墓三年有奇鵲來巢飛鳥翔集

之異終喪復建祠于塋朔望必往奠祭風雨不廢事聞

旌表其門

劉通亳州譙人家貧業農母卜氏目失明通誓斷酒肉祈

禱三十年不懈卜氏年八十五目復明事聞褒美之

黃道賢字君典晉江人事母唐氏以孝行稱有司聞于朝

續文獻通考卷之七十三

三十一

二百九十九

榜其門曰旌孝坊

胡光遠太平人母喪廬墓一夕夢母欲食魚晨起號天將

求魚以祭忽見生魚五尾列墓前俱有鬚鬚隣里驚異

聚觀有獵出池草中浮水去衆知獵所獻狀聞表其閭

胡伴侶密縣人其父實嘗患心疾數月幾死更數醫俱莫

能療侶乃齋沐焚香泣告于天以所佩小刀于右脇旁

剖其皮膚割脂一片煎藥以進父疾遂瘳其傷亦旋愈

朝廷旌其門

陳乞兒夏邑人年九歲喪母哀毀負土爲墳高一丈廣十

六步人憫其幼欲助之乞兒泣拜而辭有司以聞特表

異之

馬仲河安陽人性至孝每定省必得親悅方休父母卒結廬墓側詔旌其家

王慶新鄉人幼孤事母克孝母病慶禱于天地願以身代母病遂愈朝夕奉甘旨二十餘年未嘗少怠鄉里化之有司以聞詔蠲其家

徐丙瑞安人幼喪母泣血成疾父亡不忍葬結廬古山下殯其中閉戶守視有牧童遺火延殯廬丙與子慈亟撲不止欲投身火中與樞俱焚俄暴雨火滅

耿昌獲嘉人少有志家貧養親竭力以供甘旨父亡廬于墓側三年有司以聞旌表其門

李全獲嘉人王節婦之子年十歲喪父家貧甚躬耕以養續文獻通考卷之七十二

母者四十年一日母疾藥不可療全額天祈以身代割股作羹以啖母母尋愈後母卒全哀毀骨立廬墓三年

總管奏聞詔旌其門閭

戚敬嘉興人事母至孝居喪哀毀過禮既葬廬墓有白芝之瑞又以木刻母像事之如生邦人稱之

蕭珩字公璣武陟人父母相繼而卒先後皆廬于墓側哀慟無已凡二年竟以羸瘵而卒部使者上其事特加旌表

王思聰延安塞人素力田農隙則教諸生得東修以養親母喪盡哀事繼母如所生以家多幼穉侵父食別築室曰養老室奉之朝夕定省愈久不怠父嘗病劇思聰

祈於天額膝皆成瘡得神泉飲之愈後復失明思聰既之即能視縣上狀命表異之

徐鈺鎮江人始冠侍父鎮將之婺源父失足墮水中鈺投溪擁鎮出鈺力困憊遂溺死江浙行省言狀詔旌異之

趙天爵字伯廉平陽解州夏縣人母喪廬墓三年父繼喪又如之惟蔬食菜羹不飲酒食肉不與妻妾見有司聞于朝旌表門閭復其身

陳汝楫字傳巖象山人父宋助教應魁母楊氏汝楫事親至孝親沒未葬隣家失火延及楫室楫與妻徐氏伏樞哀慟誓不獨存風反火息樞獲存人以爲孝感

華昭鄆人生未晬父亡母沈氏家貧不能自存父母欲奪續文獻通考卷之七十二

其志誓死不從後疾亟昭尚幼刻意茹素禱之弗痊乃露禱于天封左股作糜以進母愈至正十年尹許廣大書節孝字表其門

臨江劉良臣

汴梁陳善

同官強安

瀋州高守質

安豐高澤

鞏昌王欽

修武員思忠

榆縣王士寧

河南朱友諒

泉州葉森

寧陵呂德

汲縣劉洪

建昌鄭佛生

崇邑張復亨

保定邢政

寧夏趙那海



臨潼任居敬	隴西周慶徐德興
真定張慶	汝慶李從善
華州要敬	色目氏沙的
晉江黃道賢	樂安許正臣
安平李思敬	羅田吳大中
以上皆事親篤孝實跡未詳者	
太原王構	萊州任梓
平滌王振	北京張洪範
登封王佐	下蔡許從政
富平王賈僧	
鄭州段好仁趙壁薛明善張齊	
續文獻通考卷之七十三	二十五
汴梁韓榮劉斌張裕何泰史恪高成鄧孝祖李文淵杜天	二五三
麟張顯祖	涇陽張國祥
延安王旻	東昌張暈
永平梁訥	高堂鄭榮劉居敬
同州趙良	
南陽周郁陳仁劉權李廷瑞怯烈友	
大同高著	江都毛翔
汲縣徐昌祖	
歸德葛祥張德成張遜王珪劉珣	
真定宋貞王世賢	晉寧史貴
保定耿德溫張行一賈秉實張鼎	

河南王宗道孫裔	夾谷天祐
趙州趙德隆	安豐王德新石思讓
翼寧王溥	大都王麟李簡
華陰李寧屈秀	懷慶侯榮丁用郭天一
耀州王思	中牟閻讓
曹州鄧淵呂政	徐州胡居仁張允中
衛輝王慶	福建朱虞龍
隨州高可素	濟寧魏鐸
武康王子中	溫縣趙成
峨眉鄭國安	息州移刺伯頰
淮安穆謏	汶上趙恒
續文獻通考卷之七十三	二十六
涇城許時中	衡山歐陽誠復
江陵穆堅	荊州王欽
定陶元顯祖	絳州姚好智
宿州孫克忠	集慶傅霖
濟南宋懷忠牟克孝	汝寧張都
泉州黃道賢	谷城王福
鮮州靖與魯張琛	般陽戴貞
兗州王治	汴陽徐勝祖
興中石秣昌齡	峽州秦桂華
莘縣王德新	
蒙古色目氏納魯赤丁思馬改住阿合馬拜住木八刺玉	

帖木兒瑣住唐兀及晏只哥李朵羅及塔塔思及

以上皆居喪廬墓嘗表其間或復其家

孝釋附

道丕性至孝遭時擾亂自擔負其母避於華陰山中自乞食以爲養其父亦以行役歿於事道丕往其死處求遺骨亂散莫辨道丕泣禱忽有髑髏躍而前因得父骨以歸人皆謂孝感

張策後梁時少爲僧居雍之慈恩精廬廣明末盜犯關策遂反初服奉父母逃難及丁父艱以孝聞太祖聞而嘉之奏爲鄭滑支使

應天寺僧失其名幼貧無以養母剃髮乞食以給母年一

續文獻通考卷之七十三

二十七

三百五十五

百五歲而終

紹清禪師居潭州興化寺乃南嶽下十二世法嗣也常爲母說法以報劬勞

皇明

宗室通山王華侯父故哭臨至死萬曆中巡撫郭惟賢奏

其孝行 恩賜表揚扁名旌孝

原武王朝倫係周府下郡王萬曆二十六年以禮部覆

請旌獎孝行

古朴國子生洪武丁卯春三月除爲兵部主事先是朴奏言家貧母老願任異祿養母太祖嘉其志遂除是職朴得迎養京師

陳興故元鎮撫洪武三年庚戌放歸嵩州養母仍賜白金

衣帽先是上遊後苑偶見巢鵲卵翼之勞嘆曰禽鳥

劬勞若是况人母子之情乎下令群臣有親老願歸養

者聽適興被俘來京因奏云有母在嵩州年八十餘乞

歸養上即許之與陞辭上顧謂侍臣曰陳興雖武

夫聞朕言即愴然朕始不知其有母若知之肯令其離

遠耶侍臣曰陛下以孝治天下無微不燭上曰人

情莫不愛其親必使之得盡其孝一人孝而衆人皆趨

於孝此風化之本也故聖王之於天下必本人情而爲

治

江伯兒洪武時母疾割脇肉以食不愈禱於岱嶽願母病

續文獻通考卷之七十三

二十八

四百八十八

愈則殺子以祭已而母愈遂殺其三歲子祭事聞太

祖怒曰父子天倫至重禮父爲長子三年服今百姓乃

手殺其子絕滅倫理宜亟捕治之逮逮伯兒杖一百謫

戍海南命禮部詳議旌表孝行事例禮部議子之事

親居則致其敬養則致其樂有疾則拜托良醫常進善

藥至於呼天禱神此懇切之至情人子之心不容已者

若卧冰割股前古所無事出後世亦是間見割肝之舉

殘害爲最且如父母止有一子割股割肝或至喪生卧

冰或至凍死使父母無依宗祀乏生豈不反爲大不孝

乎原其所自愚昧之徒一時激發反務爲詭異之行以

驚俗駭世希求旌表規避徭役割股不已至於割肝割

肝不已至於殺子遺道傷生莫此爲甚自今人子遇父母病醫治弗愈無所控訴不得已而則水割股亦聽其爲惟不在於旌表之例從之

北直隸

崔克昇內黃人幼以孝聞父遺疾醫弗能療昇取父大小便嘗之以審輕重卒治得廖父年九十九卒昇跣足負土築塋廬墓三年有司上其事詔旌表

甘澤開州人與弟潤俱以純孝稱歷官御史廣西副使既謫滁州天順初召還至張秋聞父喪徒跣三百餘里歸葬廬墓旦暮泣奠盡哀有鬼蛇馴擾墓傍弟潤事母亦薦孝俱詔旌表

續文獻通考

卷之七十一

子九

三百九十九

侯英開州人與弟仇俱篤孝母病眼疾愛泣輟食每夜稽首祈祐疾竟愈歷官江西按察使聞訃奔還偕弟廬于墓有白鷺數千遶墓事聞旌表仕終河南都憲

王鳳東明人性孝友補邑庠生居喪執禮廬墓三年致平地湧泉事聞詔旌表弘治壬子鄉薦歷官監察御史浙江僉事

李得成涑水人母張氏避兵度不能脫自投于河後得成夢母在河水下卧冰七日致河水俱釋洪武中以孝薦舉授光祿寺署丞遷尚寶司丞永樂間歷陞陝西右布政使

顧仲禮保定人幼孤事母至孝遇歲凶負母就養他郡七

年始歸見蝗起食其田苗仲禮泣曰吾將何以爲養乎俄疾風蝗盡去苗得不傷母卒廬墓三年哀慟如初喪洪武中事聞旌其門

邊靖慶都人由太學生爲廣寧經歷自幼以孝聞父友諒卒靖哀慟幾絕及葬負土成墓廬于側環植以楸歲旱不雨靖旦暮汲水灌之俄有泉湧出道傍足以灌漑人以爲孝感所致事聞詔旌其門

史五常內黃人父萱洪武中任廣東按察司僉事卒於官五常始七歲母以幼子且無資不能歸葬遂即和光寺僧地權厝之携五常北返嘗諭之曰汝父棺中有大錢可驗待汝長成時尋骨歸葬則汝可報父恩而我亦盡

續文獻通考

卷之七十一

三十

三百九十九

婦道矣後母歿五常年五十乃入廣求之既至不得已泣告於天里人哀之有爲進食者數日憲慕張珪知之爲白于臺馳簡巡司李斌多方物色果識其處啟之遺骸大錢猶在五常以禮歛襯當道爲給舟車路費歸葬五常仍廬墓側居三年正統間有司列狀聞詔表其門

楊勝松北直隸遷安人以孝行隆慶四年旌郝烈邯鄲人萬曆二十六年以子戶部主事郝大猷奏父烈孝行旌表如例

南直隸

范從文吳人仲淹之十三世孫文之六世祖柔食邑於崑

父爲吏潮州卒不能歸從文尚幼遂奔走求喪哀感道  
路初失所在偶遇天雨土墮乃露父柩遂啟之以歸人  
謂孝感所致洪武中以孝廉徵奉使不辱命擢御史改  
綜戶曹事奏貸株送徒百餘人其僚嫉之中以法特伏  
鎖呼曰幸以議賢得百世宥上問而知爲仲淹後乃  
免之謫莊浪頃復追戍金齒永樂初復以薦召爲掌故  
歸年八十餘乃卒所論著甚衆

曹閔上海人舉進士授沙縣知縣性至孝正德初爲南臺  
御史上疏極論宦官竊弄下錦衣獄杖幾死瑾誅後官  
卽引退養母十年母終枕塊得喪疾卒

錢敏舒城人幼喪父家貧力學事母至孝及中進士乞還

續文獻通考

卷之七十一

三十一

四十四

鄉侍母母患瘡侍湯藥不離側母歿廬墓 詔旌表

高興合肥人性至孝父歿哀毀骨立廬墓三年歸有白鵲  
數百隨集于宅人以爲孝感事聞旌表

權謹徐州人十歲喪父哀毀幾絕洪武中以薦知樂安縣

陞光祿署丞迎母祿養母疾籲天求以身代母年九十

卒躬負土成墳廬墓三年哭泣不輟事聞 召拜文

華殿大學士固辭 朝廷不允欲以風勵天下之爲人

子者尋改通政司叅議致仕仍旌其門曰孝行

王忠武進人洪武初父友諒以輸稅後期法當死忠時年

十七卽自詣京懇請代父比至會赦得免人以孝稱宣

德中以國子生除兵部主事竟以母老乞致仕

平壤字用嘉吳人篤孝淳德無愆古人生一月失父四歲  
記四言十歲通孝經論孟疏議成童人便師之教授甚  
廣嘗到股愈母疾有司欲上其事瓊曰民爲此以母疾  
迫切何上爲君候或以風教爲務彰表母節則大願耳  
守令從之得旌其門每遇 詔求賢輒辭公薦居樂園  
里號東原生晚得鹿冠又云鹿冠道人爲文辭取達意  
不務纖麗有東原集紀善錄耕餘錄書體適婉丹青遠  
澄春歲標致益高年八十餘卒門人私謚淵孝先生  
朱顯字景南長洲人父病不飲不葷不內處不解冠服  
雖消糞積問卜迎醫俱優奔市中若狂及克廬墓終喪  
甲午下 詔旌之

續文獻通考

卷之七十一

三十一

四十五

金子安上海人事母孝母疾甚禱神願以身代母忽寤曰

神語我加壽三十四天後母歿月數如之人以爲孝感

高承順華亭人性至孝母亡哀毀過禮父常疾劇且丹尼

於風順哀禱獲免嘉靖壬子父遇倭迫之以兵順延頸

請代倭兩釋之子振聲亦有至性人稱爲兩世孝子

馮行可華亭人父恩御史直言詔獄行可年十四刺血上

疏請代 世廟感動改戾尋登鄉薦 隆慶詔旌廬仕佐

南京兆爲廉吏致仕後屢薦不出 萬曆特恩再進廬

楊應祈華亭人父給事中允繩建言死子 朝祈刺血上

書以幽卒後子舉人忠裕奏聞 萬曆二十三年與妻

節婦袁氏同旌堅坊

浙江

崔永海塩人七歲喪父母韓氏從繼父謫海南後永徒步至瓊州求母時繼父已歿有司以配屬不許歸永復號泣請于朝許之舟行遇風永入水負母因感疾卒江西布政司以聞爲之祭葬仍給驛舟歸其母永往返數四廣海間人以崔孝子稱之

王紳棉仲子性至孝痛父死節遂匍匐往雲南求遺骸既至不可得乃即其處製神主號慟幾絕洪武末以文行薦授國子博士著繼志齋集二十卷

徐允讓山陰人元末兵亂允讓奉其父安避山谷間遇寇斫安傷頸讓大呼曰汝寧殺我勿殺吾父寇捨安殺讓

續文獻通考卷之七十三

三十五

四百九

陳圭字錫玄台州黃巖人其父叔弘與其鄉人多讐圭常諫之後其讐人以賊告叔弘罪當死圭以狀告於通政司曰圭爲子不能諫其父以陷於不義得罪死此圭之不孝所致義當死乞罪圭原圭父使得自新誠不勝至願通政司以聞上大喜曰不意今日乃復有孝子宜赦其死俟天下百官朝覲將播告之爲天下勸頌之刑部尚書開濟奏曰罪有常刑不宜屈法以開僥倖之路請論如法遂聽圭代父死而謫其父叔弘隸兵雲南聞者皆嘆圭之孝而惜其死

朱照台州仙居人家世儒者母楊氏性嚴急照事之盡恭順之道其伯父二人長季敬次季誠俱有令望嘗稱之

曰是姪猶吾子也其父季用由薦知福州府洪武十八年詔天下盡革今歲以上有司積歲官吏爲民害者季用視事僅五月以例起入京吏一以法論罪作抵罪役嚴償重日用錢數十緡季用又病謂照曰吾實力豈足堪此吾旦夕死矣汝勿深憂但收吾骸歸葬耳照懼懼不敢離左右復戒二弟熊正共守不敢少窺用由是不得死時後告枉者甚衆令益嚴告而謫隸兵雲南者二人被極刑者四人照不顧死而陰與父僚友同役者謀曰吾無術脫吾父矣訴不訴皆死萬一吾父由訴獲免雖戮死萬萬無憾遂具辭通政司以聞上憫其情遂赦季用而復其官同時以照告得免復官者十四人

續文獻通考卷之七十三

三十四

四百六

江西 皆拜照父謝曰微君有孝子吾儕骨肉爲城下土矣

陳仲賢武寧人母病割股以食母尋愈未幾初以事聞權鴻臚署丞旌表其門

喻德昭臨川人洪武初父以尸無田移種鳳陽昭六歲育于所親年十四知之詣鳳陽尋弗得聞開十年得見于漢中屯所而母已歿乃扶父歸病卒廬于墓哀慟過禮竟死墓傍

于顯德新塗人六歲喪父踰年知求父像時拜且哭家貧事母能盡養及卒水漿不入口者數日比葬廬墓所虎馴其側人咸異之正德三年奉詔旌表

傳興高安人性至孝父疾感憂百里外徒跣求醫得撫州  
絕嶺古井水調藥愈祖母曹氏孀居爲華林賊所掠欲  
殺之興渡水以救賊以巨撻壓之撻忽斷賊驚異釋之  
事聞 詔冠帶表其門

謝麟高安人應例監生正德初華林賊劫其家麟負母以  
避賊追尋益近家人速之走麟曰母在安可棄去旣而  
賊劫其母麟奮力奪之母獲免麟竟死於賊

唐孝子名治始江西之清江人僑居華亭之團江孝子起  
家功曹掾而實儒行孝謹守禮言動退讓人稱諱秀才  
父尚儒亦以德稱九十卒孝子苦塊未除而隣家火起  
早火勢昌熾孝子盡出資裝募人出其父柩而人心

續文獻通考卷之七十二

三五

四百五

駭亂無應者或挽孝子出曰父柩在此我死不出火息  
後所居歸然獨存孝子竟以薰灸伏棺死柩上皆成血  
掌痕事聞有司爲旌門曰孝子婦桂氏鞠四孤之屏等  
而食貧辟纒不忘訓迪

王溥貴溪人父名晉母葉氏生溥及弟漢二陳友諒據江  
西以漢二任宣慰溥守建昌至正辛丑漢二爲胡大海  
所獲 太祖破江州溥亦自建昌來降拜中書右丞仍  
鎮建昌初溥父早世兄弟二人奉其母避兵貴溪之桃  
源山倉卒兵至母子相失溥日夜思母不置及洪武庚  
戌春正月忽夢母告以所在因命卜者筮之其繇辭曰  
非巖即穴朽骨是藏溥以情告于 太祖惻然聽之

勅賜祭物以歸溥旣至遂躬率士卒請母舊時避兵處  
伐木入山以物色之不得哀號者三日旣乃得其居人  
吳誨能告以賊兵逼時夫人病不能行即自投井中死  
矣溥披榛棘尋獲其井俄有一鼠自井中跳入溥懷旋  
復入井溥汲井索之遂得其骸仍具衣衾棺槨即其地  
葬之

羅瑞字宗器江西吉水人其先曰復仁 國初以私文館  
學士從 太祖定天下後辭封爵 太祖嘉之賜歸田  
里其孫汝敬登永樂甲申進士歷官工部侍郎瑞即其  
孫也自幼友愛敬長尤善屬文以廕補太學生授四川  
布政司經歷屢遷常州府同知所至清慎有善政居母

續文獻通考卷之七十二

三六

四百八

喪廬墓螺子山下三年嘗隨一白犬主哀亦哀主息亦  
息山故無虎至是一虎渡江周旋坐次狎犬爲侶瑞偶  
以疾卧其杖竹倚壁生枝葉一白鴉爲鳩鳴又而不去  
當是時墳生芝荷華生於原徐太史舜和爲叙其事薦  
紳多爲詩以詠之後邵寶視學江西爲立傳且述其忠  
信博雅云

山西

王約猗氏人父早喪母遭風疾不能動約朝夕扶持躬侍  
湯藥母亡廬墓不御酒肉正統初旌爲孝子  
焦鑑大同人父喪廬墓成化六年旌爲孝子  
張倫潞安府人父母喪廬墓致馬免馴擾禾生聯穗之瑞

成化十一年旌之

楊智介休人母亡廬墓哀毀正統末旌為孝子

山東

趙讓肥城人事母孝傭力以給母終廬墓有虎夜至聞讓悲泣輒避去有刼入廬讓告止有二升米為母忌祭資賊感其孝以百錢遺之永樂中旌曰孝行

趙嚴榮邑人母亡奉父甚謹家貧時借貸以供父艱苦不使父知父歿令母葬建祠墓側圖親容事之如生永樂中旌孝行

河南

何清許州人由貢授陝西環縣學訓導聞母喪徒步奔

續文獻通考

卷之七十二

三十七

三百五十二

歸襄事廬母墓側朝夕悲泣有黃狸相隨紫燕二巢累

年不去成化初旌

呂仲和歸德衛人少喪父事母路氏至孝路因疾喪明百藥罔療仲和叩天泣禱紙之遂愈後卒廬墓鳩雀馴集墓所正統初旌

楊敬歸德衛人父昱洪武間陣亡敬方十歲聞訃即哭爾

每思求父遺骸不果乃取衣冠葬于先塋之次事母文氏極孝謹聞戰陣事輒流涕不已時人以至孝稱之母卒哀毀踰禮方殮在堂隣不戒火將及樞敬仰天大哭俄及風息火鄉里異之受旌子愍舉人仕至知州

沈忠歸德衛人父疾籲天願以身代父卒母姚氏表明忠

送死養生盡禮未幾姚卒廬墓手自封植成化間旌忠

後患難長子湜吮之忠卒季子瀚廬墓人謂一門三孝

孫毓武陟人初登洪武丙子鄉試後代祖父行戌十有四年母喪廬墓躬負磚土築臺丈五許年幾百齡而卒

王中登封人家業農母沒廬墓披麻食粥未常櫛髮易衣時旱後鑿井四丈餘不得泉中環井再拜籲天泉乃湧出鄉里謂誠孝所感洪武間表其門

周炳舞陽人事母焦氏至孝母病哀號籲天願以身代母

思獐肉炳四出求之弗得悲痛愈切晚忽有獐入其室殺以啗母病遂愈洪武中旌

蔡毅中光州舉人萬曆二十六年三月巡按姚思仁奏其

續文獻通考

卷之七十二

三十八

四百四

孝行旌表

劉進光州人由貢中順天鄉試除大平府判連遭父母喪

廬墓負土成墳致烏鵲鳴驚馴集之異旌為孝子陸太

僕寺丞子廷璽舉人廷璽進士官監察御史

張登元河南新鄭縣生員有孝行隆慶五年旌

湖廣

趙說麻城人性孝友以詩書教授鄉里父母同日而死說號慟欲絕者累日負土成墳廬于墓側有白鵲馴棲之祥正統間旌表

許恩蘄水人年甫冠正德辛巳季冬夜鄰家火延恩舍恩思母江氏未出即反救母遂俱為燼止存其手尚抱母



身邑人痛之

邵敏湘陰人事母孝母歿廬墓三年一夕有虎來墓所敏了無懼色忽數鹿來逐之去墓旁產芝數本人以為孝感所致成化間旌其門

方觀武岡人性至孝年十四夜母哭泣踰牆及父卒廬墓三年孝事繼母卒遂終身廬墓景泰中旌

御顯芳辰州人正德七年鎮草苗叛掠村寨衆皆逃避芳以母極在堂固守勿去人休以偶芳曰棄母而逃心實不忍況平生讀書所學何事苗至使芳為鄉導芳不從遂遇害支解于母極之前聞者憐之

楊成章道州人父泰任浙江長亭巡檢嫡母何氏無子泰續文獻通考卷之七十一

三十九

四百六十八

娶杭州丁氏生成章甫四歲泰卒於官丁氏留杭州何氏携成章扶襯歸成章長為庠廩生初丁與子別剖銀錢為記及何氏臨沒出銀錢付成章且告之故成章待服闋出遊尋母不獲而歸意猶懇切後因鄉人李紹義為東陽典史偵知丁氏所在復往求之遂得母人以為誠孝所感知州葉文浩以聞吏部侍郎唐龍上其事授國子學錄以旌其孝

福建

陳真展字剡夫泉州布衣家始微賤父為打銀匠嘗携公執業主人密為防公年十一語父曰何業而蒙盜賊之防乎勸父舍之問賣油者所得曰日餘油二壺喜曰

足備養矣貨油至書舍聞講有子孝弟童大悅明日又聞弟子入則孝益喜入請其師曰小人願受學日以餘油為贄師曰諾復告曰我本以賣油代父之業俚日養耳專一于學則累我父願得每旦一受講日仍賣油師從之逾年學大進成名儒今理學名臣錄稱其自拔流俗厭末作之靈心而棄之正謂此也

廣東

郭張善潮陽人永樂丁酉夏六月由儒士為翰林檢討先是善自陳少孤賴繼母撫成而教之今願出仕資養上嘉其孝令翰林試之頗有文學故授是官人咸謂不媿孝廉之選

續文獻通考卷之七十一

四十一

四百六十八

林祖潮陽人早孤遇寇亂失母弟所在遍歷郡縣訪至梅州山中得見為獠人所阻祖乃潛赴梅州訴之得還相離十有四年矣人以為誠孝所感洪武中有司上其事賜衣九套鈔千貫官終河間府通判

何宇新字子完廣東博羅人幼失父事母至孝鄉人稱之及母沒貧不能葬聞者爭贖比發引奠者七十餘筵遇積雨不止及輓車扁道隨在輒晴雨若為之遷避者既葬縛草廬墓側夜有虎蹲其門宇新祝曰罪惡之人孤哀萬死盡蠶食我母徒相怖穴壁覘之二虎左右馴如也既旦散去夜輒復至每決旬則易二新者猶瓜代然宇新忽得危疾鄉人舁歸治之其家在市虎亦尾之去

疾愈還墓則虎又來逐狎焉若素養者先是家蓄一黃犬三五日輒候墓所宇新欲有所需即書片紙繫其頸家人見之具倫繫使負還人稱皆孝感云鄉人爲白於藩司以聞詔旌其門後宇新舉鄉貢入南太學與蘇人錢士弘友善見其近體尚結衰綬帶牢不可解以示終身之張

續文獻通考卷之七十二終

百五十九

續文獻通考卷之七十三

皇明進士

節義考 節婦一

周

陶嬰魯門女少寡魯人將求焉嬰乃作黃鵠歌以自明終身不改

母師魯九子之寡母臘月休作從幼子歸視父母與諸婦孺子期夕而返歸太早止閭外期盡而入穆公聞之賜號母師使夫人諸姬皆師之

伯姬宋共公夫人魯宣公之女歸于宋十年共公卒伯姬寡居偶宋宮災左右曰火將至矣伯姬曰婦人之義保

續文獻通考卷之七十三

三百五十九

傳不俱夜不下堂頃之左右又曰夫人蓋少避伯姬曰越義而生不如守義而死遂逮于火而死

蔡人妻宋人之女既嫁于蔡而夫有惡疾其母將改嫁之女曰夫之不幸即妾之不幸也奈何去之適人之道一

與之醮終身不改夫茱萸之草雖甚臭惡猶始于捋采之終于懷擷之浸以益親況于夫婦之道乎彼無大故又不道妾何以得去終不聽

鮑女宗宋人鮑蘇妻養姑甚謹蘇仕魯三年而娶外妻甚寵厚女宗如謂曰可以去矣夫人既有所好又何留乎女宗曰婦人以專一爲貞以善從爲順豈有專夫室之愛爲賢哉吾姒不教吾以居室之禮而反欲使我爲見

棄之行將安所用遂不聽事姑愈謹宋公聞之表其廬號曰女宗

楚伯嬴秦穆公之女楚平王之夫人昭王之母也吳師入郢闔閭盡妻其後宮次至伯嬴伯嬴持刀拒之曰妾聞生而辱不若死而榮吳王怒遂退舍伯嬴閉永巷之門三旬不釋兵秦救至昭王乃復國

貞姜齊侯之女楚昭王之夫人也王出遊留夫人漸臺之上而去王聞江水大至使使迎夫人忘持其符使者至夫人曰王與宮人約召宮人必以符今使者不持其符不敢從及還取符則水至臺崩夫人沉水而死王曰嗟夫守義守節不為苟生處約持信以成其貞乃謚曰貞

續文獻通考卷之七十三 二 姜

貞姬楚白公勝之妻白公死其妻紡績不嫁吳王以重幣聘焉白妻辭之曰忠臣不借人以力貞女不假人以色豈獨事生若此于死者亦然妾不能從夫死今可更嫁乎卒拒不行

魯潔婦秋胡子妻也納之五日而去官于陳五年乃歸未至家見路旁婦人採桑秋胡子悅之下車謂曰力田不如逢豐年採桑不如見貴郎吾有金願與夫人婦人曰吾不願金所願卿無有外意妾亦無滯佚之志收子之齋與荷金秋胡子遂去至家奉金遺母使人喚婦至乃獨採桑者秋胡子慙婦曰子束髮離親往仕五年乃還

當馳驟揚塵疾至今乃悅路旁婦而聲之金是忘母也是汚行也遂投河而死

韓憑妻宋人宋王悅其色築高臺而窺之既而殷憑欲以爲夫人憑妻歌曰燕雀卑棲不樂鳳凰妾是庶人不樂宋王遂自縊而死宋王怒令速夫墓葬之不得合殯後二墓上常有鴛鴦飛相往來

梁高行梁之寡婦色婉而性淑夫早逝梁貴人多欲娶之不能得梁王聞之遣使聘焉高行曰妾夫不幸死妾爲養其幼孤貴人多求妾者幸免今又辱王命妾聞婦人之義一醮不改以全貞信之節今志主趨生是不信也貴而忘賤是不貞也棄義從利無以爲人乃援鏡持刀

續文獻通考卷之七十三 三 以割其鼻曰王之求妾以色也今妾刑矣何以事王使還報王重其義復其身號曰高行

共姜衛世子共伯之妻共伯早死共姜守節父母欲奪而嫁之不許作柏舟之詩以自誓

杞梁殖妻齊人也莊公襲莒殖戰而死莊公歸遇其妻于路使弔之辭曰有先人之敝廬在下妾不得與郊吊莊公乃還詣其室成禮妻無子內外無五屬之親乃枕其夫之屍于城下而哭城爲之崩既葬夫赴淄水而死

代趙夫人者趙簡子之女襄子之姊代王之夫人也襄子誘代王使厨人以斗擊殺之而迎其姊姊曰吾聞婦人執義無二吾豈有二夫哉欲迎我何之遂呼天磨笄自

八人同門

秦 羅敷邯鄲女子爲千乘王仁妻仁後爲趙王家令羅

敷出采桑陌上趙王登臺見而悅之置酒欲奪之羅敷善彈箏作陌上桑詞三解以自明不從

漢

桓煥沛郡劉長卿之妻桓鸞之女也生一男五歲而長卿卒妻遠嫌疑不肯歸寧兒年十五天歿妻慮不免乃豫刑其耳以自誓沛相王吉上奏高行題其門閭號曰行義桓煥縣邑有祀必膳焉

王莽女爲孝平皇后孝平崩莽移漢號其女爲黃皇室主欲更嫁之令立國將軍孫建世子豫將醫往問疾后大

憤又獻通考卷之七十三

四 四〇三

怒因稱廢疾不肯起莽遂不敢強及漢兵誅莽后曰何面目見漢家自投于火而死

禮宗者安定皇甫規妻也不知何氏女規初喪室家後更

娶之及規卒時年猶盛而容色美董卓爲相國聘以輜

輶百乘馬二十疋如婢錢帛充路氏乃輕服詣卓門跪

自陳請辭甚酸愴卓使傳奴侍者悉拔刀圍之而謂曰

孤之威教欲令四海風靡何有不行于一婦人乎氏知

不免乃立罵卓卓乃引車庭中以其頭懸轆轤朴交下

氏謂持杖者曰何不重乎速盡爲惠遂死車下後人圖

畫號曰禮宗

趙萬妻宕渠人名娥避黃巾寇走萬足疾不能行娥扶之

行萬爲賊所殺賊欲污娥以刃迫之娥聳身將刀貫心達背而死

樂羊子妻河南人羊子嘗遊學七年不返妻常躬勤養姑兼餽羊子後盜有欲犯者先劫其姑妻操刀而出盜曰釋汝刀從我者可全汝姑不從則殺妻仰天而嘆舉刀刎頸而死盜亦不殺其姑太守聞之即捕殺盜而以禮葬之號曰貞義

唐姬漢廢帝弘農王妃靈帝崩子辯襲位董卓令李儒進

酖王謂姬曰卿王者妃勢不復爲吏民妾幸自愛遂飲

酖死姬時年十八歸潁川父會稽太守瑁欲嫁之姬誓

不許及李傕破長安得姬欲妻之固不聽尚書賈詡知

續文獻通考卷之七十三

五 四三

之白獻帝帝感愴迎置園中使使持節拜爲弘農王妃

陰瑜妻荀氏名采潁川人奕之女明敏有才藝年十九而

瑜卒無子同郡郭英喪偶奕以采許之因詐病召采既

不得已而歸懷刃自誓奕命侍婢奪其刃女既至郭氏

乃僞爲懽悅之色因勅令左右辦浴既入室掩戶以粉

書扉曰尸還陰氏遂自縊

魏 夏侯令女爲曹爽從弟文叔妻早寡無子父文寧欲

嫁之令女以刀截兩耳自誓居常依奩哭誅其家上書

絕婚強迎以歸復將嫁之令女竊入寢室引刀自斷其

鼻其家驚惋謂之曰夫家夷滅已盡守此欲何爲令女

曰仁者不以盛衰改節義者不以存亡易心司馬懿聞

而賢之聽使乞子自養為曹氏後

吳許昇妻呂氏字榮由拳人許昇少為博徒無操行榮勤業養姑數勸許昇修學有不善輒流涕進規榮父疾許昇呼榮改嫁榮終不肯歸許昇感激自勵遂以成名尋被辟命行至壽春為盜所害刺史尹耀捕得之榮乃手斷其頭祭許昇巨族多欲聘之榮誓不再嫁黃巾之亂賊欲污榮義不以身受辱賊遂殺之是日疾風暴雨雷電晦暝

焦仲卿妻劉氏仲卿為廬江小吏妻為姑所逐自誓不嫁其家逼之乃投水死

公孫達妻劉氏李公謀妻戴氏遭寇劫與俱行二婦罵續文獻通考卷之七十三

晉不絕口遂被害

孫奇妻范氏名姬歸奇一年奇亡父母以其無子迎還其家姬不往迎者迫之姬乃截耳與鼻曰父母迎我者以我色能事人也今殘廢人矣行將何為迎者乃返

王氏女平度州人女家貧從夫秦友策未毛城暴糧以從夫亡乞棺葬之剖心以殉時人哀之為起祠

顧承妻張氏兄溫以承為孫權所囚奪張改嫁丁氏張飲藥死

張白妻陸氏續之女名鬱生年十三適白白罹家禍因還徙異郡遂誓不嫁姚信表之

晉綠珠石崇妾也姓梁氏孫秀得寵于趙王倫使人求

之崇出諸妾美麗者使任所取使者曰奉命求綠珠他人無與也崇曰綠珠吾所愛不敢奉命使者乃返後秀族滅崇家崇謂綠珠曰吾為汝受禍汝將如何綠珠曰妾終不負君乃自墜樓而死

辛氏狄道人嫁散騎常侍梁緯西都陷緯為劉曜所害辛有殊色曜將妻之辛撓地大哭曰女不再隲乞就死曜曰貞婦也任所之乃自經死以禮葬之

愍懷太子妃王氏太尉衍之女也字惠風太子既廢居於金墉衍請絕婚惠風號哭而歸行路為之流涕及劉曜陷洛陽以惠風賜其將喬屬屬將妻之惠風拔劍拒屬曰吾太尉女皇太子妃義不為逆胡所辱屬遂害之

續文獻通考卷之七十三

七

嚴憲京兆人杜有道妻年十八而寡誓不改節撫教孤子植及女譁後植果顯女亦有淑德

賈渾妻宗氏渾為介休令被劉淵將喬晞攻破死之宗氏有姿色晞欲納之宗氏罵曰屠奴豈有害人之夫而欲加無禮於其妻於爾安乎何不促殺我因仰天大哭晞遂害之時年二十餘

許延妻杜氏延為益州別駕為李驥所害驥欲納杜氏為妻杜氏號哭守夫尸罵驥曰汝輩逆賊無道死有先後寧當久活我杜家女豈為賊妻也驥怒遂害之

皮京妻龍氏字憐秋道縣人年十三適京未逾年而京卒京二弟亦相次隕既無胤嗣又無期功之親憐貨其嫁

時資裝躬自紡績數年間三喪俱舉葬殮既畢每時享祭無闕州里聞其賢屢有聘者憐誓不改黜守節窮居五十餘載而卒

北凉 楊氏呂纂之妻私農人美豔有義烈慕焉呂起所殺遂欲妻之謂其父桓曰后若自殺禍即及宗桓告楊氏曰大人賣女圖富貴一之已甚其可再乎乃自殺張氏泰安呂紹妻年二十紹死便請為尼呂隆見而悅之欲微其行張遂升樓自投于地二脛俱折而死

張天錫妾閻氏薛氏咸有寵天錫疾謂曰汝二人何以報我吾死後豈可為人妻乎皆曰尊若不諱妾請效死供洒掃地下誓無他志及疾篤二妾皆自刎天錫疾瘳追續文獻通考卷之七十三

悼之以夫人禮葬焉

北秦 符登妻毛氏壯勇善騎射登為姚萇所襲遂欲納之毛氏罵曰吾天子后豈為賊羌所辱何不速殺我因仰天大哭曰姚萇無道殺天子今又欲辱皇后皇天后土寧不鑒照萇怒殺之

南燕 段豐妻慕容氏德之女德既僭位署為平原公主年十四適於豐豐為人所譖被殺將改適偽壽光公餘熲慕容氏謂侍婢曰我聞貞女不事二夫今主上不顧禮義嫁我若不從則違嚴君之命矣於是冠日交禮偽辭以疾熲不之逼三日還第沐浴置酒言笑自若至夕密書其裙帶云死後當埋我於段氏墓側遂於浴室自

縊死

南齊 蔣雋妻黃氏宜興人夫早世矢志不踐二庭家人逼之欲自殺乃已建元二年表其閭

梁 王氏潯陵王整之妹冒母姓姚氏名姚王京年十六歸衛敬瑜敬瑜溺水死王京守志養舅姑嘗有雙燕巢梁間雄為鷲鳥所傷其雌悲鳴至秋集王京臂如告別王京以紅縷繫足曰新春復來為吾信也明年果至如是者五六年王京病卒燕復來家人語曰王京死矣墳在南郭燕遂至墳所亦死雍州刺史晉昌侯操題曰旌義衛氏之門

南陳 楊氏會稽人張彪之妻陳文帝入會稽遣章昭達續文獻通考卷之七十三

領兵購之并圖其妻兵殺彪并其弟首致於昭達文帝遣兵迎楊楊便破涕為笑給昭達殯彪畢當從命殯事既畢還經彪宅謂昭達曰婦人本在容貌今辛苦日久請暫過宅粧飾楊入屋遂割髮毀面哀哭大慟誓不更行文帝聞之歎息許為尼終不敢逼

北魏

董景起妻張氏陳留人皇興間景起早亡張時年十六痛夫少喪且無子息遂哀傷過禮終其身不食葷血獨守貞操鄉曲高之終見標異

史映周妻狄氏榮陽人年十七適于映周太和二十三年映周卒狄恐父母奪其志因焚映周遂慟哭嘔血而殞

見者莫不悲嘆屬觀風使以狀上詔表其閭

刁思遵妻魯氏榮陽人始笄爲思遵所聘未逾月而思遵亡其家憫其少寡許嫁已定魯聞之以死自誓父母不達其志遂赴郡訴稱刁氏恠護寡女不使歸寧魯乃與老姑徒步詣司徒府自陳狀普泰初有司聞奏詔本司依式標榜

張洪和妻劉氏榮陽永縣人年十七夫亡遺腹生一子三歲又歿其舅姑年老朝夕奉養兄矜其少寡欲奪嫁之劉自誓不許以終其身

後周鄭善果母崔氏清河人年十三適榮陽鄭誠生善果周末誠討尉遲迥力戰而死母年二十而寡父彥睦續文獻通考卷之七十三

欲奪其志母抱善果曰婦人無再適人之義且鄭君雖死幸有此兒棄兒爲不慈背死夫爲無禮寧當割耳截髮以明素心違禮滅慈非敢聞命後善果爲魯郡太守有過母蒙被而泣終日不食善果由此克已號爲清吏

隋永興公主文帝之女始嫁爲周後主后後文帝受禪後主卒仍稱公主欲嫁之公主誓不從而卒

韓觀妻于氏河南人字茂德于氏年十四適于觀年十八觀從軍歿氏哀毀骨立慟感行路父以其幼少無子欲更嫁之女誓無異志截髮自明養夫之孀子世隆爲嗣愛同已生自孀居後惟時或歸寧至於親族之家絕不

往來有尊屬就省謁者送迎皆不出戶庭蔬食布衣不聽琴樂以終其身高祖聞而嘉嘆下詔褒美表其門閭長安中號爲節婦閭

孫神妻陳氏河北郡人神戌夏州未幾喪亡柩至陳望見哀慟一哭而卒文帝詔表其閭

襄城王恪妃者循州刺史柳旦女妃姿貌端麗年十餘以良家子召見娉爲妃未幾而恪被廢妃修婦道事之愈謹煬帝嗣位復徙過帝令使者殺之於道恪與辭訣妃曰若王死妾誓不獨生恪死棺殮訖遂撫棺號慟自經而卒

元務光母盧氏范陽人盛年寡居漢王諒及遣將恭良往續文獻通考卷之七十三

山東略地良以務光爲記室及良敗慈州刺史上官政簿籍務光家見盧氏逼之盧氏以死自誓政凶悍怒甚以燭燒其面盧氏執志彌固竟不屈節而死

裴倫妻柳氏河東人大業末倫爲渭源令爲賊薛舉所陷倫遇害柳氏年四十有二女及兒婦三人皆有美色柳氏謂曰我輩遭逢禍亂汝父已死我自念不能全汝我門風有素義不受辱於群賊我將與汝等同死如何女等垂泣曰唯母所命柳氏遂自投於井其女及婦相繼而下皆死井中

崔氏趙元楷妻清河人隋末宇文化及反元楷奔至河北將歸長安至滏口遇盜僅以身免崔氏爲賊所拘請以



為妻崔氏曰裁士大夫女為僕射子妻今日破亡自可即死終不為賊婦群賊裂其衣縛於牀責之上將陵之崔氏懼為所辱詐之曰今力已屈當受處分賊遂釋之崔因取賊刀倚樹而立曰欲殺我任加刀鋸若覓死可來相逼賊大怒亂射殺之元楷後得殺妻者支解以祭其墓

唐

李德武妻裴氏字淑英安邑公矩之女以孝聞鄉黨德武在隋坐事徙嶺南時嫁方踰歲矩表離婚德武謂裴曰我無還理君必僂他族于此長別矣答曰願死無他即欲割耳自誓保母持不許自是不御薰澤讀列女傳見

續文獻通考卷之七十三

十三

四百九

述不更嫁者謂人曰不踐二廷婦人之常何異而載之書後十年德武未還矩決嫁之斷髮不食矩知不能奪晚之德武更娶爾朱氏遇赦還中道聞其完節乃遣後妻迎裴復為夫婦如初

楊三安妻李氏高陵人舅姑及夫相繼卒子孤寡李晝田夜紡三年間葬七喪太宗賜帛二百免其徭役

房玄齡妻盧氏清河人玄齡微時病且死謂盧曰吾且死君年少不可寡居善事後人盧泣別一言以見志

崔繪妻盧氏營衛侍郎獻之女繪喪盧年少家欲嫁之稱疾不許女兄適工部侍郎李思冲早亡思冲欲求為繼室歸幣三百舉盧不可曰吾豈再辱于人寧沒身為婢

耳是夕出自寶龕機幃面還崔舍斷髮自誓武后詔為浮屠尼以終

樊會仁母敬氏河東人字象子并而生會仁夫死事舅姑孝順舅姑以其少欲嫁之潛約婚于里人至期陽為母病使歸視敬至知見給乃佯為不知者私謂會仁曰舅將奪吾志汝云何會仁泣敬曰兒母啼乃伺隙遁去追及半道以死自誓乃罷會仁未冠卒敬母亦死葬畢謂所親曰毋死子亡何生為不食數日死聞者憐之

樊彥琛妻魏氏江都人魏以彥琛病篤欲殉以死彥琛止之及卒值徐敬業亂陷于兵聞魏善音今鼓箏魏即以刀斷其指軍中猶愛之魏固拒求死遂見殺

續文獻通考卷之七十三

十三

四百五十五

楚王靈龜妃上官氏下邳士族靈龜出繼哀王後而舅姑在朝夕侍養謹甚靈龜卒將葬議者欲不舉前妃妃曰逝者有知冤可無托乃備禮合葬服除兄弟諭以無子可不有行妃泣曰丈夫以義婦人以節我未能殉溝壑尚可御粉澤祭他祚乎將自剗眾救乃止

王泛妻裴氏永泰中遇賊欲污之罵曰吾衣冠子豈愛生受污耶賊臨以兵罵不止乃支解贈河東縣君

李氏二女白之孫也已為編民陳雲劉勸妻宣欽觀察使范傳正與白有世誼訪得之勸之改適士族二女曰夫婦之匹命也在孤窮既失身下俚伏威力又援締他門死何面目見大父于地下傳正不奪其志且為復其得

役

王諶秀王忠嗣女忠嗣鎮北京以女歸元載元載少貧歲父見輕諶秀勸之遊學肅代兩朝載為宰相資盛賓客候門諶秀復為詩以諫之有公孫開館招佳客知道浮雲不久長之句元載不聽被誅上令王氏入宮嘆曰二十年太原節度使女十六年宰相妻誰能為長信昭陽之事遂斃于京兆杖下

蘇飛妻陳氏餘千八十七適飛未幾飛死廬于墓悲苦凡三十年親黨莫奪其志永貞間賜旌表

堅貞節婦李者年十七嫁為鄭蕙妻未踰年蕙死常布衣蔬食夜忽夢一男子求為妻初不許後教教夢之李自

續文獻通考

卷之七十五

十五

浸容貌未衰醜所召也即截髮衣麻衣不薰飾垢面塵屑自是不復夢刺史曰大威欽其操號堅貞節婦表旌

其門名所居曰節婦里

符鳳妻某氏字王英貌姝美鳳以罪徙儋至南海為獠賊

所殺脅王英欲私之對曰一婦人不足事眾男子請推

一長者賊然之乃請更衣有頃盛服立于舟罵曰受賊

辱不如死自沉于海

王琳妻常者士族也琳為眉州司功參軍俗僭侈盛飾常

不知有簪珥訓二子堅冰有法後皆名聞琳卒時常年

二十五家欲強嫁之常固拒不聽音樂處一室或終日

不食卒年七十五著女訓行世

盧惟清妻徐氏淄川人惟清仕校書郎以僚姻累貶播州

尉徐還鄉里糲食不御鉛膏采綸會大赦徐聞開迎惟

清至荆州聞惟清死二髯奴將劫徐歸下江徐知之數

其罪奴不敢逼劫其貨去徐倍道行至播州足蘭流血

得惟清尸以喪還閱歲至洛陽葬之以無子終服還陳

留汴州刺史徐澣高其節頌而詩之

郭待微妻薄氏從待微官河東會袁晁亂薄為賊所掠將

污之不從語家媼使報待微曰我義不辱即死于水賊

去得其尸義聲動江南李華作哀節婦賦

李廷節妻崔氏乾符中廷節為郾城尉王仙芝攻汝州廷

節被執賊見妻姝美將妻之詎曰我士人妻死亡有命

續文獻通考

卷之七十三

十五

奈何受賊汚賊怒刺其心食之

殷保晦妻封敖孫也名絢字景文能文章草隸保晦歷校

書郎黃巢入長安共匿蘭陵里明日保晦逃賊悅封色

欲取之固拒賊誘說萬詞不答賊勃然怒曰從則生不

然膏我劍封罵曰我公卿子守正而死猶生也終不辱

逆賊手遂遇害保晦歸一慟而絕

張真妻黃氏名帛襲道人真因過江覆沒帛求夫尸不得

于溺所仰而嘆遂自沉積十四日帛尸抱夫尸出灘下

慶德公主李氏宣宗女也為高陵于琮妻琮為常保衛貶

韶州公主偕之韶州行則肩輿相隨坐則執琮之帶琮

由是獲全及琮為黃巢所殺欲脅公主公主曰我唐宗

之女誓與僕射俱死賊并殺之

羅文姬字叔善南昌人年十六適鄭氏疾篤執文姬曰汝盛年當別適人姬誓不嫁鄭亡投繯而死

朱延壽妻王氏延壽之妹為楊行密妻行密狎延壽延壽怒陰欲歸唐行密詐執而殺之捕騎至家妻集家人聚寶貨焚府舍曰妾誓不以皎然之軀為讐人所辱遂赴火而死

賈直言妻董氏名德真淑儀人直言坐事貶嶺南以妻少乃訣曰生死不可期可亟嫁無須也董不答引繩束髮封以帛使直言署曰非君手不解直言貶二十年乃還署帛宛然及湯沐髮墮無餘

續文獻通考卷之七十三

十六

四百四十四

洪勝可妻梅氏夫死于黃巢之亂賊且逼梅梅誓以死白馬將軍見而奇之恐卒見汚因殺之以全其節

李誼妻盧氏美姿容能屬文咸通末極擢進士仕考功郎中黃巢亂避地平陽僖宗召為翰林學士極死盧伏屍哭王行瑜兵逼之不從脅以刃斷一臂死

何氏女餘干人年十六為黃巢所執罵賊不受汚遂死之惡善鄧氏賤詔妻也南詔主殺其夫欲聘為妻不從發兵嚇之閉城三月食盡盛服端坐而卒

五代

親成妻周氏良鄉民也成年五十乏嗣娶周氏生一子後成殺周氏年二十服闋親戚咸勸之再適周氏曰嘗聞

烈女不更二夫妾雖愚婦豈肯更二姓乎于是服勤耕織事姑三十餘年事聞詔旌其門

王凝妻李氏青州人凝為虢州司戶參軍卒于官携其幼子負骸骨以歸過開封逆旅主人不納牽其臂出李氏慟曰我不能守節此手為人所執引斧自斷其臂事聞官為賜藥而答主人

南唐樂平公主徐知誥女嫁為江南國主楊璉后知誥受禪復稱公主每涕泣不食曰我為人冢婦而宗社覆滅何以生為諸兄皆惡之知誥曰婦人內夫家此宜也後璉卒主相繼亦卒

余洪妻鄭氏建州人查文徽平建州鄭氏為亂兵所獲文徽欲犯之鄭氏罵曰王師吊伐九義夫節婦宜旌賞乃欲加非禮于一婦人文徽愧求歸之

續文獻通考卷之七十三

十七

四百五十五

續文獻通考卷之七十四

皇明進士雲間王圻纂輯

節義考 節婦二

宋

周渭妻莫氏名釜恭城人劉銀時渭避難奔走不暇與釜訣二子孩幼釜尚年少父母欲嫁之釜泣誓曰渭必能自奮于是親舂績確煮以給朝夕二子皆婚娶凡二十六年太平興國初渭復歸人皆異之

劉氏建安曹觀之妻皇祐五年觀守封州儂智高陷郡死之劉逃難林垌中知觀死亦自經曰吾不可污于賊事聞追封彭城縣君加贈冠帔

續文獻通考卷之七十四

三子于山

張氏江夏民婦里惡少謝師乞過其家持刀逼欲污之張大罵曰庸奴可死不可辱也師乞以刀斷其喉未即死猶能擒師乞告隣人遂死嘉祐中封旌德縣君表墓曰烈女賜酒帛令郡縣歲時致奠

趙節婦達州人發居有竟人欲犯之脅以白刃終不屈既而訟以百端終不可遂刺殺之皇祐二年知州薛倅爲立碑于州之西北山上後邑令薛仲侃創祠祀焉

趙氏貝州人賊王則反聞趙有殊色劫欲爲妻趙以計脫歸使賊禮迎至期恐不行則賊將屠其家乃登輿自縊而死

永泰縣王太祖從孫女性孝敏年十四歸元班殿直梁千

才克執婦道事舅姑孝謹夫亡時永泰年二十二哀毀幾隕諸族欲奪志永泰以節自誓終身不渝初封共康郡君元豐中加今封以褒榮之

包縵妻崔氏縵早亡惟一幼兒姑意崔不能守使人試其心崔達垢涕泣曰生爲包婦死爲包鬼誓無他也後兒亦卒母呂誘崔嫁崔曰舅歿姑老將安之乎呂怒崔泣曰倘以不義見迫必絕于尺組之下母乃止卒于包氏事聞旌表縵極之予也

吳白妻徐氏餘干人年十九白將死喻之曰幸念爾子善事後人徐矧目以示白建中靖國間旌表門閭

姚三五妻程小姑大邑人一日姚如外小姑執然獨居夜漏半強奴挾刃逼之號呼義不受辱身被重創者十四訖全大節縣上其事論奴如律大觀中封旌德縣君

續文獻通考卷之七十四

二

四百五十一

張廷榮妻王氏壽光人宣和間賊邢貞執其翁王以金帛贖之又欲逼其從王怒罵不止遂見殺時年二十詔旌其門廷榮後歸金中進士

孫節婦項氏吉水人宣和間夫以逋出走項爲里胥執送官至中途欲犯之項即引刀自刺郡以聞詔旌其廬

王氏睢陽人適宗室趙子一一亡王氏誓不嫁靖康之變避地鎮江亂兵陷城王氏用堊土自毀負其姑秀容縣君以逃且襁携幼子他子引其裾曼然轉徙亂戶間越四年始達溫陵移居莆田終焉一時名人如陳俊卿輩

皆有詩哀之

張晉卿妻丁氏新鄭人靖康中與夫避金兵爲所獲挾之馬上丁自投于地戟手大罵連呼曰我死即死誓不受辱復挾上馬再三罵不已卒忿然舉槌縱擊死杖下

王氏二婦汝州人建炎初金人至汝二婦爲所掠置之舟中二婦乘間遂投漢江而死尸皆浮出不壞時人收葬城外江上爲雙塚以表之

向氏長陽人建炎中保山寨以避寇賊皮仲破寨向義不辱被殺人見其白乳自吮流踵向之子後誘賊醉而殺之以復母仇

南劍州小常村婦人失其姓氏建炎四年五月楊勅叛卒

續文獻通考

卷之七十四

三

四百

由建安寇延平道出小常村掠婦逼脅欲犯之婦毅然誓死不受污遂遇害橫屍道傍賊退人爲收瘞之而其屍枕藉處迹隱然不滅每雨則其迹乾晴即濕宛如人影往來莫不嗟異鄉人或削去之隨即復見覆以他土而其迹愈明

葉氏長汀人歸爲石城賴仲元妻事舅姑無間言仲元遊嶺表未還建炎中盜起寧化直抵石城葉以夫旅遊舅姑年邁勢不能遁委命以待俄寇至閭里婦女悉驅迫棄家葉極口罵賊以身自觸白刃寇怒斷其喉舌子女皆遇害

師氏彭州永豐人適范世雍子孝純建炎初還蜀至唐州

爲賊朱顯忠所掠孝純先被害欲汚師氏師氏大罵不屈遇害

馬元穎妻榮氏儀真人元穎爲將作監薄建炎兵亂榮氏奉姑携子以逃爲賊所劫以兵脅之不從賊怒傷其姑榮氏叱之又殺其子榮氏自刃其臂罵賊不已遂殺之王宣妻曹氏臨淮人建炎中盜馬進掠臨淮宣要曹氏同避曹曰吾聞婦人死不出閨門賊至遂赴刃而死

鍾離婦紹興間金人攻陷濠城欲驅之去婦曰吾良人子從汝賊耶金人怒斷其臂婦罵不絕而死

梁氏龍泉人適同邑李生盜彭友犯吉州梁義不受辱赴水死

續文獻通考

卷之七十四

四

三百八十七

黎婦管氏寧都人紹興間李冠破縣欲汚之管不從罵賊被殺

黃淑字致柔建寧進士王防妻防爲泗洲戶曹卒黃挈柩歸未幾母又卒所親議改適廬陵令黃誓不改節詠竹詩以見志議遂寢後憂鬱死臨終囑其妾以詩置柩中廖氏新喻人貢士歐陽希文妻紹興間建昌白鵲盜過臨江廖以身蔽姑使希文負之逃廖爲賊所執正色叱之至斷其耳與鼻猶罵賊遂遇害淳熙間郡守以聞勅封護其墓

羅愛卿年十八適趙氏子趙入京求仕因亂爲劉萬戶所虜誓不屈自縊而死

吳氏建陽人兵部尚書呂祉之妻累封淑人祉爲鄆璵所害有得社括髮之帛歸吳中者吳氏持帛自縊以殉吳永年妻何氏金兵陷平江執何氏及永年姊何紿之曰婦人東西惟命何繫爲賊信之不爲備行次水濱何投于河姊繼之陳長方爲作二烈婦傳

張弼妻徐氏名觀和州人建炎三年金兵犯邑官軍奔潰肆掠執徐欲污之徐瞑目大罵賊刺殺之投于江

譚氏英州真陽縣人曲江村士人吳琪妻也紹興五年爲觀音山盜所執欲妻之譚怒罵不屈被害同時有南雄李科妻謝氏囚于虔盜中數日有欲犯之者唾其面曰寧萬段不汝狗盜殺之

續文獻通考

卷之七十四

五

四百三十一新

涂端友妻陳氏臨川人紹興九年盜驅入黃山寺逼以刃大罵不屈乃幽之屋壁數日族黨有得釋者咸齎金帛以贖其孀賊引端友妻令歸曰吾聞貞女不出閨閣今吾被驅至此何面目復登涂氏堂復罵賊不絕竟死之劉生妻歐陽氏安福人紹興十年生以事出惡少欲侵之不受辱而死

劉氏海州朐山人適同里陳公緒紹興末公緒挈其子歸宋劉時歸寧倉卒不得與偕獨居二十五年緯蕭自給公緒音問不通或勸其改適終不從後于寢長思母奔走淮甸遂得迎母以歸

常豐婦張氏嘉定中爲寇蔡六所掠罵賊不屈遇害帥

公嘉其節以禮具葬題其墓曰節婦張氏之墓

龔自立妻張氏樂昌人嘉定中寇至夫妻機負二稚竄匿爲賊所得脅以行張與夫訣曰妾死無憾所憐者二子幸善撫之中道詒賊曰吾渴欲飲可暫解我縛賊從之遂投江中邑人立祠祀之

廖氏沙縣人性慧解歌舞紹定三年爲賊所掠命之歌舞廖罵曰我恨不礮汝寧肯悅汝耶賊怒殺之時賊欲窺城廖有娠賊剝其腹觀男女以卜進退得女遂引去招捕使陳韓以聞詔贈懿節夫人立廟祀之

林氏龍溪人年十九嫁爲謝氏婦踰年而寡父母以其無子欲奪而嫁之誓不許曰吾立一嗣亦無不可守志六

續文獻通考

卷之七十四

六

四百六十一新

十餘年嘉熙間縣令趙絳夫爲立碑于墓郡守李韶書曰守節婦林氏墓

王友筠妻李氏句容人年二十一而友筠卒有子方在襁褓父母欲奪其志李泣曰夫不幸死尚有子使我又棄其子乎因剪髮自誓淳祐間詔旌其門

吳世靜妻涂氏進賢人夫早卒止有一女勵志守節淳祐中北兵遊騎至章江涂氏撫其女曰世亂如此無辱身相携赴水死

王德甫妻余氏德甫以訟喪家令余改適余卒不行咸淳中危惡吉即其里立節婦坊與以粟帛

羅李二氏保昌人宋末賊掠其村二婦義不受辱投水而

死

李氏樂安人適邑西楊氏德祐間元兵至爲賊所獲逼之李抗罵而死

譚氏婦趙氏永新人元兵破城趙氏抱兒匿鄉按禮殿中爲悍卒所獲欲污之不從臨以刃曰吾與不義而生寧死從吾舅姑耳遂與嬰兒同遇害血漬禮殿入碑上宛如婦抱嬰兒狀或磨之其狀益顯詔即學內立廟祀之宋氏莆田人通判興化軍陳用虎妻也封安人元兵寇閩用虎之兄文龍知軍事發兵固守及元執文龍以去朱氏遂自經死

饒氏寧國人年二十一適宣城吳寶信嫁甫七日元兵犯續文獻通考卷之十四 七 四百四

浙寶信從張世傑等奉廣王益王浮海死饒氏守節無他志

謝枋得妻李氏安仁人元購枋得急拘李于獄時總兵欲妻之李解裙帶縊死有一女亦死

臨海民婦王氏美姿容伯顏師至被掠于夫長殺其舅姑與夫而欲私之婦誓死不可令倖婦堅守之因陽曰能裨我笑舅姑與夫乃可事主君千夫長從所請王送笑畢至嶼上清風嶺仰天竊嘆曰吾知所以死矣即嚙指出血寫口占詩于崖石上曰君王無道妾當火棄女拋男逐馬來夫面不知何日見此身料得幾時回兩行清淚偷頻滴一片愁眉鎖未開回首故山看漸遠存亡

丙字實哀哉寫畢即投崖下以死血滲入石間將陰即墳起如始書時不爲風雨剝蝕嶮徐君端樹石刻碑于死所浙東元帥泰野不華守越日爲立廟像鄉之人私表曰貞婦易嶺名曰清風

韓希孟岳州人開慶己未北兵破州爲游卒所掠以獻主將韓知不免乘間赴水死時年十八越三日有得其屍于練裙中題五言長句曰宋未有天下堅正臣禮兼開國百戰功每陣惟雄整及侍周幼主臣心常炯炯帝曰卿北伐山戎今有警死狗莫擊尾此行當繫頸即日辭陛下盡敵心欲逞陳橋忽兵變不得守箕穎禪讓法堯舜民物普安靜有國三十年仁義道馳騁未改祖宗法續文獻通考卷之七十四 八 四百六十三

天胡肆大青細思天地理中有幸不幸天果喪中原大似裂冠社君誠不獨活臣實無魏丙失人馬得人垂戒當耿耿江南無謝安塞北有王猛所以戎馬來飛渡江陵境大江限南北今此一舸艚本期固封疆誰謂如畫餅裂火燒崑岡不辨金玉礦妾本良家子性僻守孤梗嫁與尚書兒御署紫微省直以才德合不棄宿痼癯初結合歡帶誓比日月炳鴛鴦會雙飛比目願常並豈期金石堅化作桑榆景旄頭勢正燃車尤氣未屏不意風馬牛復及此燕鄧一方遭劫虜六族死俄頃退鷁落迅風孤鷺吊空影簪堅折白玉瓶沉斷青綬一死空冥府憂心常炯炯意堅志不移改邑不改井我本瑚璉器安



肯作溺血志節匪轉石氣噓如吞鯁不作燭火燃領爲  
死灰冷食生念麴蛾乞憐羞虎穿借此清江水葬我全  
首領皇天如有知定作血面請願魂化精衛填海使成  
嶺韓名希孟年十有八魏公五世孫襄陽賈尚書子瓊  
之婦

王氏婦梁臨川人歸夫家纔數月元兵至與夫約曰吾遇  
兵必死若後娶當告我頃之夫婦被執有軍千戶強使  
從已婦紿曰夫在此不忍乞歸之而後可千戶以所得  
金帛遺其夫而歸之約行十餘里千戶即逼之婦拒且  
罵被殺數年夫以無嗣謀再娶議輒不諧因告其故妻  
夜夢妻曰我死後生某氏家今十歲矣後七年當復爲  
續文獻通考卷之二十四 九

君婦明日遣人聘之一言而合詢其生與婦死年月同  
云

劉全子妻林氏福清人全子以福建招撫使起義兵敗自  
經死有司執其妻具反狀林大罵曰劉林二族世爲宋  
臣欲以忠義報國何爲反乎吾死且求治汝于地下遂  
遇害

岳州徐君寶妻某氏被虜來杭居韓蘄王府自岳至杭相  
從數千里主者數欲犯之而終以巧計脫蓋某氏有令  
姿主者弗忍殺之也一日主者怒妻將即強焉因告曰  
俟妾祭謝先夫然後乃爲君婦不遲也妾用怒哉主者  
喜諾即焚香再拜默祝南向飲泣題滿庭芳一詞于壁

上已投大池中其詞曰漢上繁華江南人物尚遺宣政  
風流綠窓朱戶十里爛銀鈞一旦刀兵齊舉旌旗擁百  
萬貔貅長驅入歌樓舞榭風捲落花愁清平三百載典  
章文物掃地都休幸此身未北猶客南州破鑑徐郎何  
在空惆悵相見無由從今後斷魂千里夜夜岳陽樓

王氏龍溪人蘇宋傑妻年二十一而寡方娠夫家貧父母  
欲奪其志誓不許父母怒絕其往來既生男父母意猶  
未解不得歸寧者七年及男既長則曰吾今不復強汝  
嫁矣愛如初

侯氏南豐人謝泌妻家貧事姑孝盜起侍姑不去盜逼之  
不從刃之不死遂得生仆溝中賊退漸甦見一金珠篋  
續文獻通考卷之二十四 一

族婦以爲已物稍分之辭曰非我有不願也後夫與姑  
俱亡子幼父母欲改嫁侯曰寧餓死耳卒終其節

李氏歸劉汝霖生子安雅未及百日夫卒誓不負所天一  
節終身

葉氏慈谿人歸鄞之史簡簡爲縣尉杖死葉氏時年二十  
五日夜抱幼女悲泣夫死時方娠囑曰若生女當嫁果  
男也幸謹視之葉氏泣受遺言後果得子於是毅然自  
守隣保咸謂汝家若是穠中兒寧可恃耶葉氏誓死不

聽

張氏名妙靜慈谿人年十九歸本邑李慕甫入門夫已病革一顧而易簀或云伉儷未成盍返而從其父母張氏誓不許曰入李氏之門即李氏之婦義不再適守節終身年八十四卒

張氏婺源人許其妻也年二十餘夫死遺腹生一子明年姑與子俱死夫族盡滅其家而有之乃還母家鬻簪珥自營一室奉許氏祀娶居二十三年而歿

吳中孚妻其氏進賢人少寡景定元年兵亂携孤女自沉于縣之染步曰義不負吾夫

楊氏知欽廉州友之女適蔡若訥喜讀書通大義夫卒時續文獻通考卷之十四

年二十有三守節不二書乞為寒水王頌作冷秋孤二句于壁以自勵

黃氏名桃娘德化士族女美姿色早喪父年十六適同里陳德環期年夫以役死于外計至痛哭絕而復蘇尋尋夫屍歸葬母憐其少無子每追之嫁黃知不免一日假以澣衣于門前溪側遂投水死

王氏奉化人年十九歸廣平許立三月而夫亡後媒灼踵至王氏答曰雖父母有命我志不可奪也守節終其身年八十八卒參政樓鑰立石于塚上題曰宋節婦王氏之墓

胥氏金谿人嫁黃君雋未期而寡父問所志答曰生為忠

孝家婦死為忠孝家鬼蓋以雋為忠孝黃君遠之裔也

朱氏開封民婦夫日與俠少飲博犯法徙武昌父母欲奪而嫁之朱曰何迫我如是耶其夫將行一夕朱自經死且曰及吾夫未去使知我不為不義屈也

金氏高淳人少寡居貧甚里有惡少欲污之持刃逼脅余曰決無從汝之理可即殺我遂見害有司以事聞表其市曰節婦里

鄭臘兒妻康氏曹州人夫早卒康以死從之旌曰貞節

徐順妻彭氏東平人夫早卒彭尚艾竟以死殉詔旌其閭夏氏德興人余應琦妻年十九應琦卒無子立嗣以守後旌表其門曰節義

續文獻通考卷之十四

十二

四百三十三

張吉妻李氏河內人自遊學數年不返家人欲嫁李竟守節而死表其坊曰節婦

程起宗妻吳氏休寧人嫁再期而舅與夫皆歿以夫族子為後強族利其貲欲改立嗣訟之不得乃迫置一室困之使不能存吳不為動未幾所立子亦卒僅一孫相依為命年八十有二而終

王粉兒汝州人許嫁同里張得山未行而得山死粉兒即柩旁慟哭幾絕既葬復至墓所哀哭遂自縊青楊樹下北辰烈婦某氏楚州淮安人有美色夫為小商載之同行隨至北辰夫病死貧無以殮同舟富商假貨為喪費自恃有恩顧其妻以為已物烈婦既葬之三日復墓以歸

見勢且迫遂取其嬰兒縛置胸號哭赴淮而死徐積嘗記其事作詩哀之曰海水猶可泛君身不可犯淮水猶可滿君身不可污鸞鳳猶可馴君身不可親不是雲間月便是月邊雲

陳節婦臨海人貢士朱伯履妻年少夫亡有欲奪其志者陳氏撫膺慟絕既甦嘆曰吾寧速死忍聞此言引刀欲自剄姑亟奪之乃免事父母舅姑至孝詔封安人旌其門

梁氏臨川人歸王氏纔數月會元兵至夫婦俱被掠有千戶強使婦從已婦結歸其夫而後可千戶從之約夫行遠即拒罵而死

續文獻通考

卷之七十四

十三

三百九十七

耶律奴妻蕭氏小字辛國舅駙馬都尉陶蘇幹之女美姿容年二十始事奴睦族以孝謹聞奴被乙辛誣流烏古部上以辛公主之女欲使絕婚辛辭曰陛下以妾葭莩之親使免流竄實天地之恩然夫婦之義生死以之妾自笄年適奴一旦臨難頓自乖離與禽獸何異幸陛下哀憐與奴俱行妾即死無恨帝感其言從之後舉家召還保大中命諸子避賊辛死之

耶律木者妻蕭氏國舅字謹之女性端慤有容色年十八歸木者謹恪貞婉婢奴推重及居木者喪謂所親曰夫婦之道如陰陽表裏無陽則陰不能立無表則裏無所

附末者早歲登朝有才不壽儻死者可見則從不可見則當與俱自刃而卒

耶律中妻蕭氏小字接蘭年二十歸中事夫敬順天慶中為賊所執置刃於頸以死自誓賊遁而免中拜五院都監金兵逼城中謂妻曰吾當以死報國汝能從我乎接蘭對曰謹奉教後中死接蘭無憾容俄躍馬突至中所自殺

金

王氏安陽人進士郭丙妻也海陵王南遷丙避亂居杞及元兵渡河夫婦相失王暨少女俱被掠泣謂女曰今夕不死必被辱矣吾勢不能顧汝守者少緩遂投河死

續文獻通考

卷之七十四

十四

三百九十八

劉氏蒲城人許古妻貞祐初賊圍蒲急劉恐見驅為所污與二女相繼自盡貞祐四年五月追封劉氏為郡君諡曰貞潔長女諡曰定姜次曰肅姜以其事付史館相琪妻樂氏貞祐問紅襖賊陷掖樂夫婦及子皆被執殺琪與子而欲妻之樂大罵不從賊怒殺之追封西河縣君諡曰莊潔

烏古論氏臨洮總管陀滿胡土門之妻崔立之變衣冠家婦女多為所污烏古論氏自縊死

李伯通妻周氏石城人元兵之亂為所獲謂同行者曰人雖愛其生萬一受辱不如死即自投于堦幸不死續緋自給教其子易讀書有成

李英妻張氏英為監察御史元兵破維欲取為夫人不從  
遂見殺追封隴西郡夫人謚莊潔

翟節婦易州人金末年二十餘夫從年死翟出入兵刃往  
復數百里晝伏夜行以其尸歸負土而葬之既葬又自  
以無子遭時亂思以義自完乃自決于墓側鄰里救而  
復蘇始終一節年八十卒

康氏鄆州人夫早亡服闋父取之歸家許嚴沂為妻康氏  
誓死弗聽投崖而死事聞命有司祭其墓

史氏白水縣人李文妻夫亡誓不更嫁父強以許邑人姚  
乙史不聽姚訴之官被逼自縊死詔有司旌其墓

蕭氏行唐人嫁樊氏為妻未幾樊卒誓不再適時有山寇  
續文獻通考卷之七十四 十五 三百五十六

逼求為妻蕭氏跳于崖下水中而死鄉人號曰義姜稱  
其水為王女塘

續文獻通考卷之七十四終

續文獻通考卷之七十五

皇明進士雲間王圻纂輯

節義考 節婦三

元

劉氏伏羌張忠妻年二十夫亡守節終身至元三年旌表  
周木忽妻崔氏元初從忽官平陽金將破平陽令官屬妻  
子敢匿者死時忽以使事在上黨崔氏即抱幼子禱詭  
言于將將信之使軍吏書其臂出之崔氏不使吏執臂  
自揜袖吏懸筆而書既而將知其詐追之伏土窖三日  
得免與木忽會未幾木忽亡崔年二十九大慟扼前誓  
不更嫁有謀娶者乃自爬毀其面四十年不妄言笑人

續文獻通考卷之七十五 乙 三百七十七共浙

以比古烈婦云

薛世榮妻韓氏河內人世榮歿時年二十一孀居守節年

七十八而終至元五年旌表其門

王傑妻盧氏溫縣人年二十傑亡志行貞潔終始如一至

元五年旌表其間

張興祖妻周氏澤州人少年守節其祖母及母並以貞節

著人或勸改適曰不孝不義吾不為也居養三十年舅

姑與父及外祖皆盡孝祭禮詔旌其門

陳氏韓城人適邑人孫謙生子景仁甫一歲而謙卒氏方

十九誓不易節至元十六年旌表其門

李氏涇陽人符文進妻年二十六文進卒誓不再嫁至元

中詔旌其門

任建妻王氏尉氏人建仰弋林中墜矢中面而死時王年二十三一子尚在襁褓父母憐其早寡欲嫁之王曰任氏有後豈忍背之誓不他適歷四十餘年而終至元間事聞詔旌其門

李氏南豐人曾聞妻夫死守節至元壬午葫蘆峒寇猝至甘言誘之大罵賊而死

段氏隆興人霍榮妻榮卒段氏年二十六止有養子而諸父貪其產逼段再醮使養子歸宗段引針刺面墨漬之誓死不二大德初旌其門

吳氏興和人夫死自刺其面誓不改嫁詔旌其門

續文獻通考

卷之七十五

三百七十六共節

謝思明妻趙氏成紀人夫死自斃其髮誓不再醮詔旌其門

田濟川妻武氏冀寧人曹子英妻尤氏溧水人夫亡皆鬻指滴血誓不再嫁各旌其門

霍氏二婦俱鄭州人至元間尹氏夫擢卿歿姑命其更嫁尹曰再嫁失節妾不忍爲也姑不能強楊氏夫顯卿繼歿慮姑欲其嫁即先曰婦願與尹共修婦道姑曰汝果能如是吾何言哉於是同處數十年節孝著聞于世

王氏懷安人歸爲同邑吳氏婦年二十有九而寡守志不

二大德五年旌表門閭  
李君用妻王氏遼陽人大德八年哭夫而死

耶律忽魯不花妻移刺氏夫同知湖州路事既歿割耳自誓廬墓側不食死

謝氏上猶人名十九娘邑徐仁妻年三十夫死夫黨有徐祥者陰許爲富家妾謝聞之悲慟自縊而死大德間廉訪司至縣祭之表其墓曰貞婦

闕文興妻王氏名醜醜建康人至元中文興從軍漳州爲萬戶府知事會陳弔眼作亂文興戰死王氏爲賊所執

逼汚之給曰收葬吾夫然後惟命及得夫亂屍中積薪焚之亦投火死大德中漳州路上其事下詔旌其門仍封文興英毅侯王氏貞烈夫人立廟祀之賜額雙節

溧陽甘士人妻大德丙午士人挈妻館寓句容潘家村值

續文獻通考

卷之七十五

三

四百三十二節

歲荒績網給食一日夫携網出賣不復還人有利其色爲給食因欲私之婦正色曰我非如是人也其人謂我不汝給汝亦餓死矣婦曰我寧餓死誓不苟生閉戶益嚴彌月人開視之則已死矣

丁氏新建人鄭伯文妻大德時伯文病時丁與訣曰君脫有不諱妾當從但君父母已老妾且忍死以奉其餘年必不負君伯文卒丁氏年二十七始終不改節事舅姑盡孝事聞詔旌表其門

郝氏永壽人田大妻胥氏田二妻周氏田三妻兄弟三人俱死于兵郝年二十一周年十八胥年十九俱堅心守節終身不嫁延祐二年旌表時邠州任氏亦一家三婦

少寡不他適戮力垂桑以養舅姑俱被旌

范遇時妻顧氏既嫁而早寡育孤謹節垂四十年延祐間事聞旌表其門

關氏鄆州人孫世昌妻年二十三而世昌卒守志不渝六

十年延祐中旌表

熊氏南城人喻克成之妻克成早卒熊氏始終不虧婦節至治間旌表其門

宋天民妻陳氏汝州人年二十五而夫亡之嗣誓不再適守節三十六年始終不渝至治中旌表其間

譚拱辰妻黃氏夫喪年幼子景星甫四歲堅白自持訓其子起家永明教諭以孝行稱延祐泰定中母子俱旌

續文獻通考

卷之七十五

四

四百十四

余氏名正順昌人年十六父從周許妻黃壽明年將樂土

豪伍馬榮者欲強娶之余氏告其父曰既受貢聘即黃婦也吾寧死而不失節父以其辭辭之又明年歸黃黃

迎之土豪遺百餘价俟于道殺黃而奪余氏余氏給其价還乃扶黃柩歸自于官土豪坐誅遂卜地葬其夫自

殺以從時致和己巳歲也

趙彬妻朱氏洛陽人名錦哥天曆初為西兵所掠將犯之

朱度不能脫即給之曰幸釋我舍後并傍遶金發以遺汝西兵信之朱得近井即抱三歲女赴井死

羅五十三妻貴哥蒙古人五十三同知宣政院事天曆初以罪竄籍其家以貴哥賜近侍卯罕貴哥自經死

杜友門妻吳氏江陰人友開儒者家貧教授吳辟繼助之

天曆間歲歉友開竟餓死吳昆弟欲挈吳以歸吳以義折之遂相枕籍而卒

馬奔妻胡氏名順奴順德人奔死自縊殉葬至順元年詔旌表其門

黃景立妻彭氏永豐人年十八生一子景立亡斷髮誓不改適至順間詔表其門

哈刺不花妻脫脫尼雍吉刺氏蒙古人不花死前妻有二子欲以本俗收繼脫脫尼患且罵乃謝罪

李世安妻王氏成都人世安卒弟世顯欲收繼之王氏引刀斷髮割耳親戚為醫療百日愈旌其門

續文獻通考

卷之七十五

五

四百十五

以給妻劉氏順寧人一日地震屋壞壓叔齡不能起家後失火叔齡母往救不得欲就焚叔齡望見妻呼曰吾

已不得出當亟救吾母劉謂夫妹曰汝救汝母汝兄已死吾無用生矣即自投火中死火滅家人收二屍燼中

手猶相握

江文鑄妻范妙元奉化人年二十一歸于江及門未合卷夫忽以癩疾卒范誓曰我既入門即江氏婦也遂居江

氏家守節撫諸姪如已子

趙美妻王氏內黃人至治初美溺死王誓守志舅姑念年少無子欲使更適人王曰婦義無再醮安可棄而去

舅姑欲以族人繼婚王不從舅姑逼之王即自經死

趙慶妻高氏新安人年二十一慶亡子幼高躬親耒耨撫育其子以成立元統三年旌其門年九十五而卒

唐斗輔妻文氏靜江人大德中斗輔任賓州幕官卒時文氏年方二十餘哀慟幾絕執義自誓孝養舅姑舅姑既沒葬祭無遺憾其子明蚤世婦將氏慕姑之義亦自誓靡他至治中旌其門曰貞節

向氏二婦宜都人存仁妻張存禮妻杜各一子二婦年皆未及三十堅守節義至元中旌表其門曰節義

花山節婦高淳人失其姓氏至元間爲兵所逼至崇賢鄉碑亭橋嚙指濡血題詩亭上有云遙望花山何處是遂自縊鄉人哀恤之因名花山節婦

續文獻通考

卷之五十五

六

四百三十五

陳端才之妻蔡氏三王龍溪縣澳里人後至元間本處寇起掠其里里媼集里中婦女同舟避難寇追及三王亟以水漬衣冠視王有姿色欲先汚之三王紿曰衣濕更求衣冠取衣遂投水死

楊氏鄆縣人閭頑妻頑卒楊甫二十二歲誓志守節約五十年至正元年詔旌表其門

湯氏名潤字妙光處之麗水人適葉河早卒年始二十一守節三十一年卒至正時旌其門且復其役

蘇守義妻齊氏安平縣新莊人守義病篤謂齊曰我郎不諱爾年少可善事後人齊曰烈女不懷二心及死即死以殉有司上聞旌曰死節之門復其徭役時至正六年

郭氏台州千夫長李某部卒妻李見郭氏有令姿心慕焉去縣七十八里有盜出沒李分兵往戍卒遂在行旣而

日至卒家調之郭毅然莫犯經半載夫歸具以告一日李過卒門邀入其室轉身持刀出李幸脫走訴縣捕問

傳死罪桎梏囹圄郭氏躬餽食于卒閉戶績紡以資衣食人不取一至其家久之獄卒葉姓者尤有意于郭

氏乃顧視卒曰飲食之情若兄弟遂謀之干卒欲以爲妻卒喜諾郭氏曰汝之死以我色我又能二適以求生

乎旣歸持二幼痛泣遂携出市召人與之人有憐之者納其子女贈錢三十緡郭以三之一具酒饌携至獄啜咽不能語旣而曰君擾押獄多矣可用此答之又有錢

續文獻通考

卷之七十五

七

四百六十一

若干可收自給我往一富家執作糊口恐旬日不及看君也垂泣而別走至仙人渡溪水中危坐而死見者報縣爲具棺殮葬所死之側山下上司表其墓曰貞烈郭氏之墓至正六年朝廷遣使廉得其事原卒初情釋之一說郭貞婦齊義妻也義酗酒刺其千夫長不死事覺當流於廣郭以廣多瘴度義不能生還乃歸其女於童氏送義出郭額天赴水而死收其屍則端坐水中顏色不變衆因立祠祀之

李青妻張春兒葉縣人年二十而青疾革顧春兒曰吾殆矣汝善事後人春兒斷髮示信誓不再離春卒春兒號慟幾絕囑其梓匠曰造棺宜極大將以盡納亡者衣



服方劍之屬匠如其言既殮乃自經隣里就用此棺同  
葬之至正八年旌表其墓

毛氏名清娘早適人至正九年寇亂闔門走避毛氏竟不  
能脫遂大書其壁云寧死義不從賊賊至毛氏以利刃  
刺賊首遂為所殺

史五妻徐氏定遠人五為義兵百夫長至正十年暴兵至  
五戰死徐氏求夫于積屍中莫能識以口吮血辨驗得  
載歸治大棺以殮乃沐浴自經死

王相妻潘氏霑化人其舅王伯顏死節于福寧州城陷潘  
為賊所執不食而死追封太原郡夫人

程晉妻彭氏偃師人寓居開興壬辰兵變軍士驅迫使隨  
續末獻通考卷之七十五 八 四百〇五

彭給之曰我有金若干私瘞于家爾可取之願以從行  
賊拘少懈至井彭大罵曰吾良家婦肯自愛其生以污  
身耶遂投井死鄉人號曰烈婦

李氏永新彭九萬妻至正十二年紅巾至李及其子女俱  
被執脅以白刃欲犯之李罵賊而死

鄧氏崇仁周九成妻至正壬辰盜起被執欲污之罵而死  
楊用霖妻蕭氏子婦劉氏隣婦陳氏鄧氏壬辰寇起懼為  
所污俱投井死

徐氏張孟庸妻德興人壬辰盜欲納徐哭曰芳谷吾祖也  
夫被爾殺及又事之豈不辱吾祖乎沉水死

王氏德興人壬辰盜起王在室或強娶之赴水死

唐氏龍泉項思可妻至正壬辰紅巾寇亂思可具舟遠避  
甫及新林寇奄至唐見事急與其母俱赴水死

鄭維禎妻曾氏教城人至正壬辰紅巾寇至教城執曾氏  
欲妻之不從俟間自盡

萬氏樂安人曾希仁妻生三女至正壬辰之亂母子四人  
恐為盜所辱俱縊死又勗貴妻劉氏王仁妻劉氏蔣恒  
妻劉氏俱樂安人守節被旌

董氏譚友妻餘干人紅巾之亂殺其夫與父母兄弟欲污  
之赴火死

友蘭王妻葉氏閩人至正壬辰王死于戰紅巾萬戶毛壽  
素慕蘭王德欲庇其母子義不受庇携子赴水死

續末獻通考卷之七十五 九 四百〇六

鄭氏建寧路照磨雷景昭之妻紅巾寇亂剽掠其村落景  
昭及父俱為賊所害鄭有容色義不受辱遂自殺次日  
復甦竟全節終

朱至真妻袁氏豐城人壬辰兵變遇寇投水死

劉節婦冀之衡水人通古文孝經小學適同郡曹泰時紅  
巾陷河朔因避兵聊城村賊掩至大掠見節婦居群人

中特妍整持刀驅之行節婦曰吾婦人惟知從夫而已  
不從賊也賊欲移其心乃感陳金玉珠璣仍以錦繡承  
服被節婦身裂碎之強擡上馬墮地者數四賊怒繩其

項就馬上曳之節婦以手爬地以頭觸石流血罵不絕  
聲遂遇害

史氏深陽人元末遭紅巾之亂舉家被害以刀自刎不絕乃抱子入水死

段氏史宛妻餘干人紅巾亂其僮欲犯之殺一女罵不從又殺一男罵不從竟死焉

粉娘南豐人年十八值紅巾掠去不從賊怒極死之

王弘妻李氏安陽人至正間紅巾賊起弘亡于兵李收尸

發喪晝夜哭泣李頗有姿部人爭求為妻李以死自誓人知其不可干乃白于帥帥許之李度不能支伴曰必

待卒虞之後求者諾之迫期逐飯僧大作佛事散家貲

翼日清晨引一老婢徑往天寧寺登浮圖絕頂自投而死衆皆駭愕瘞于西門外築土為臺高數尺以旌節婦

續文獻通考卷之七十五

十一 四百五十六

王氏俞士淵妻嚴州人至正十三年賊陷威平剽掠至士

淵家童氏以身蔽姑衆欲污之童氏大罵不屈一卒以刀斷其左臂愈不屈又一卒斷其右臂罵猶不絕乃扶

其面而去明日死

黃氏泰寧邑士元實之女至正十三年鄉惡少為亂元實

遇害黃氏被髮跣足奔父死所抱屍哭踊賊憐其色欲

污之黃氏罵不絕口亦遇害

陳氏名道回古田蔣國秀妻至正十三年紅巾賊攻破縣

治國秀親族俱被殺道回見太姑蘇妙仁為賊所擒懇告願代其死賊殺其太姑執道回義不受辱自刎而死

邑上其事于朝旌表其門

王氏惠士女妻大都人至正十四年夫病嘗冀夫死育妾子自守妾子復死曰無復望矣自經于墓樹下

費隱妻王氏良鄉人夫病嘗冀夫死撫其子女已而子又死女稍長以管鑰付之遂相抱慟哭縊死園中

潘氏汪琰妻婺源人琰卒誓不他適以夫仲子元圭為後

元圭孫燕山妻李氏燕山兄子惟德妻俞氏皆早寡矢

不他適人稱汪氏三節

蔣氏歙縣吳子恭妻夫亡孀居五十年年七十八卒至正

十四年旌

李哥潮州倡女年十二三時母教之歌舞泣不肯學母告

以業不可廢哥曰若此聽母母亦當從我好否則有死

續文獻通考卷之七十五

十一 四百五十六

已爾母陽許之因是不粉澤不茹葷所歌多仙曲道情

有召者先詢主客姓名然後往人亦相戒毋戲狎哥疑

立筵前酒行歌闌目不流盼與之酒弗飲州判官嘗忤

哥徑還誓不與見孟津縣達魯花赤厚賂哥母夜抵舍

哥懷利刃閉卧內罵之曰汝職在牧民而狗彘之不若

可急去不污吾刃矣慚怒以回明日知州聞之嘆曰州

有貞女而吾不知是一失也吾次子明經舉秀才真若

配以禮聘娶之未幾紅巾入寇夫婦被執見哥妍麗將殺其夫哥走前抱夫項大呼曰吾斷不從賊求活寇并

殺之

李賢卿妻王氏至正十五年旌表

鄧氏名貞定金谿葛絲妻年二十八居嫗至正十五年鄉

寇至執欲汚之罵而死

樂壽孫妻劉淑靜鄞人歸壽孫三年壽孫溺死同載者多

不得屍劉氏生男甫周歲抱之沿流上下仰天哭而求

屍屍忽自浮得歛葬焉時年二十九勤苦守志撫孤成

業旌其門

張定山妻妻道真范淦妻章守貞謝德政妻仁和陳氏張

穀寶妻祝清皆以守節被旌

吳興祖妻呂氏歙人至正丙申夫婦避亂黃山遇賊興祖

走賊執呂欲汚之不屈遇害

吳文妻戈蘭丹徒人年十八歸文至正十六年賊攻城將

續文獻通考卷之七十五

十二

四百九所

破懼辱投井死時年二十一

劉節婦泰州技埭人至正丙申春隨父渡江居吳門適張

士誠部將曹某方數月夫陣亡劉不避凶險躬至死所

求得其屍歸葬欲以身殉父不許既而權貴人聞劉美

且賢爭欲強委禽焉劉誓死不二遂削髮為比丘尼

黃氏名妙姝松溪人至正丙申青田寇侵縣治黃氏時方

盛年與群婦逃山谷間為盜所執義不受汚哀哭而伏

地不行賊怒驅迫以前行數里經高崖數十丈遂投崖

下盜意其必死舍而去至暮其夫蹤跡之得于崖下幸

不死遂昇而歸鄉黨高之

江必大妻朱氏至正間喪夫無子遭亂至拾草根樹皮為

竟以節終

丁尚賢妻李氏汴梁人年二十餘有姿容至正中賊至欲

虜之李怒曰吾家六世義門安能從賊以辱身乎於是

闔門三百餘口皆遇害

高恪妻段氏安陽人奉祀郎思謙女既歸高氏婦道毋儀

鄉人範馬至正間寇掠村鎮家人悉奔竄段投井而死

年二十有八

張政妻秦氏臨漳人至正間兵至投井而死有司上聞旌

表其門閭

張和妻王氏溧水人年未三十而和卒黃截髮誓不改節

撫孤子王成立至正間旌表

續文獻通考卷之七十五

十三

三百五十四所

王容妻陳氏溧水人與其妾汪氏俱年少容死子幼至正

間淮兵陷城邑力脅二氏不從俱餓死後當道嘉之贈

貞烈

王氏鄞州人康德明妻年二十而德明卒半月生遺腹子

育孤守節至正中旌表

張氏鄞州人賀敏妻敏年二十四疾卒張即自縊同穴而

葬至正中旌表

妻氏定遠人于氏婦年二十餘至正中為亂兵所驅義不

受辱赴濠水而死

鄭氏呂氏歙人俱為程氏婦至正間兵亂鄭呂匿千里之

王鎮橋呂有姿容卒至虜之鄭力救拒卒怒斬之因以

懼呂呂大罵不屈并遇害

羅宣明妻蔣氏歟人至正間靳黃盜起蔣氏往依兄弟于香山寨賊攻寨破蔣氏以二子屬其僕出遇賊力拒罵曰死狗奴何不殺我賊斫其臂墜崖而死

齊氏太原人適王履謙至正中賊陷太原齊氏與蕭呂二婦及二女避難趙莊賊至度不能免顧謂二女曰汝家五世同居號曰清白豈可辱身以苟生哉長女曰吾夫已死今得死爲幸呂曰吾夫之孫也義不受辱乃與二婦二女及二孫女俱投崖下死

張氏太倉人年十七始笄周某爲夫之父爲有夫長嘗與同伍謀刺其帥事泄罪連其子及婦斬之帥之子

續文獻通考

卷之七十五

十四

四百五十五

惜張姿容曰能從我即活張忿罵帥子憤而殺之

范氏名回松溪人葉彥寬妻至正間彥寬得授政和縣簿未任而歿范氏年未三十子一尚幼誓不履二庭有介婦同居新寡將改適范氏力諍不聽乃獨撫其子以居子既長從戎又撫其孫孀居五十年餘終始如一節人無間言壽八十

田氏渾源知州劉仲亨妻生一子彬年七歲至正間仲亨卒田氏年未三旬遂自經喪側事聞於表其門

趙野妻柳氏薊州人野爲戶部主事未合邑而野卒柳誓不再嫁病不服藥曰我年二十六寡今年逾半百死可矣遂卒

姜善諒妻王氏新泰人至正間夫卒自縊

曹氏奉新人余文佐妻至正中渠寇虜掠鄉里縛文佐殺之尋驅費氏欲汙焉投潭水而死

姜本道妻彭氏弟本源妻葉氏至正中道源兄弟爲賊黨余祐二所殺彭與葉訣曰我夫既死賊必見辱俱死之焦士庶妻王氏博興人養姑至孝至正中毛貴作亂爲官軍所虜王氏給取藏金于墓所至則罵曰我欲死墓旁耳與妾杜氏皆遇害

趙氏女平陽人年二十未嫁爲賊所執給賊取藏金自投于廁而死

李宗顏妻夏婉常富州人與女避賊後園中賊至共投井死

續文獻通考

卷之七十五

十五

三百五十五

阿魯溫氏僉事赫赫妻夫亡既葬不食五日而死至正間旌其廬

姜氏開州谷有源之妻夫卒自縊死至正未旌表

毛氏婦胡氏武定州人至正中姑與婦同爲賊所執義不受辱罵賊而死旌曰雙節

楚錫妻鄭氏杞縣人夫亡時鄭年二十三哀毀幾絕以禮

營喪遺子咨哲幼弱鄭紡績自給守節四十七年至正間事聞旌爲貞節之門仍命月給永糧

也先忽都蒙古欽察氏大寧路達魯花赤鐵木兒不花妻以夫恩封雲中郡君夫免官居大寧至正中紅巾賊至

忽都與妾王蓮走尼寺中爲賊所得令與衆婦縱衣拒不肯曰我達魯花赤妻不能爲賊作針工遂與王蓮俱見殺先是其子完者帖木兒與父出城見執于賊完者拜哭請代父死賊愛其姿秀遂挈以從後獲脫歸訪母屍并王蓮葬焉

呂彥能姊及妻女陵州人至正中賊犯陵州彥能姊孀居寓其家先曰我喪夫二十年又無子不死何爲赴井死妻劉氏語彥能曰妾爲君家婦二十八年茲逢亂離必不負君亦入井二女及子婦王氏二孫女皆隨溺一門死者七人

劉公翼妻蕭氏濟南人至正中毛貴將陷城慮不免謂夫

續文獻通考

卷七十五

十六

附二

曰妾詩書家女當作清白鬼于泉下城陷解條自縊死趙洙妻許氏湯陰人有子姪女洙時爲儒學提舉同避賊資善寺洙先被殺許氏不知賊甘言誘百方終不從已而知夫死慟哭仆地罵不絕口遂遇害寺僧哀其貞烈與洙合葬之

張正蒙妻韓氏紹興人正蒙爲湖州稅務提領至正中紹興兵變正蒙與韓氏俱縊死女池奴年十七投崖死

余同祖妻曹氏茶陵人至正中城陷自剄死妾抱持不得亦自剄死

卓氏尤溪施九泰妻嫁未幾九泰卒卓以死自誓遺腹生一子紡織勤劬以供及食教其子成立至正中有司以

開詔旌表復其家

杜氏即友直母年十八夫卒誓不改節至正間旌爲母慈子孝之門

關惟一妻周氏登封人至正間夫病死周時年二十四囑工造棺須大潛自縊而死與夫同棺葬之

蔣義甫妻許氏妻張氏益都人夫卒皆守節至正十七年毛貴兵亂俱投井而死

韓軌妻邢氏安陽人至正十七年盜陷河朔時軌知林州守黃華砦盜攻之甚急邢語其女曰恐事不濟吾與汝必受辱遂俱投崖而死

謝氏諱蒂金華人適蘭溪吳履至正十八年師破睦州遊

續文獻通考

卷七十五

十七

兵四出虜婦女帝度不能免抱女投崖下死宋濂有傳

王時妻安氏名正磁州人至正十九年時以參知政事分守太原正從之明年賊兵寇太原城陷衆皆逝正與妾

李氏同赴井死事聞贈梁國夫人諡莊潔

陳氏名三長樂人嫁同鄉柯宗實至正二十年海賊劫石梁宗實適在縣郭陳氏將赴避念其父疾弗能遠致奔

往省之與賊遇執爲陳氏且行且罵賊怒亂捶之驅至舟置之蓬上使其徒守之陳氏乘間赴水死

李弘益妻申氏冀寧人至正二十年賊陷城投井死再娶安氏二年而弘益卒安氏膏沐薰香自縊柩側

胡氏岷縣刺溪人諱妙端適同邑祝某至正春爲苗獠虜至金華縣將妻之義不受辱乘間嚙指血題詩壁上已赴水而死三月二十四日也縣師服其節爲立廟祀之邑人咸曰烈女廟詩曰弱質空懷漆室憂搜山千騎入深幽旌旌影亂天同條金鼓聲滯鬼亦愁父母劬勞何日報夫妻恩愛此時休九泉有路還歸去那箇雲邊是越州

趙宗澤妻衡氏金陵人少有志操時汝穎兵起攻陷建康衡與趙棟妻夏氏趙楷妻劉氏俱誓不受辱沉水而死時號三烈

余忠宣公夫人蔣氏廬州人公守安慶時城陷夫人率其續文獻通考卷之七十五

女福童赴水死

楊和卿妻尼氏益都人夫早卒守節毛貴兵陷益都自縊而死

劉朝綱妻段氏宋氏俱益都人綱爲山東行省理問卒俱縊以殉

管氏政和張子方妻至正末磔冠入邑邑人子女多驅迫以去管氏時年二十餘遂自刎死

陳氏光澤危管妻至正末寇陷彰關驅掠鄉民男女陳氏與萱俱被執賊索金帛不愜其欲萱被害陳氏去陳氏罵不從亦被害

劉氏名俞娘沙縣劉國美妻至正末江西寇鄧克明攻破

縣治俞娘失夫所在奔匿草莽間爲賊所掠迫以行至安濟傾謂同行諸婦曰吾寧死不受辱遂抱懷中子投河而死通判劉總以聞詔旌其門

柯節婦陳氏長樂人至正中爲賊所執罵不已忽振厲自投江中屍逆流而上夫驗其背有黑子昇歸殮之

李馬兒妻袁氏瑞州人至正二十二年李病沒袁氏年十九誓不再嫁有王成者挾勢欲強娶之遂縊夫墓

王世明妻李賽兒房山人至正二十五年竹貞軍至縣李氏及其女皆被執李氏謂其女曰與其受辱不若死女曰毋先殺我李氏先殺其女而自殺竹貞爲築祭仍書其門曰王世明妻李氏貞節之門有司上其事爲樹碑

續文獻通考卷之七十五 十九 四百二十五

陶宗媛杜思綱妻台州人早寡守節賊至護姑極不去賊迫脅之曰任汝殺我從先姑地下耳遂遇害妹宗婉娣王淑皆赴水死

高麗氏宣慰副使索羅帖木兒妻至正二十七年夫死于兵積薪自焚

丑間妻侯氏間爲賊所殺以布囊囊其屍昇至其家侯氏出大哭且列酒肉滿前渴者令飲酒饑者令食肉以紿賊之不防已至夜自縊死事聞贈河南行省參將侯氏寧夏郡夫人表曰雙節

馮三妻閩人不知何氏三不從賊賊剛之妻隨三號泣俯拾封肉納布裙中伺賊遠收三血骸脫衣裹之大泣投

江而死三事詳見忠義考

系里不花妻妾蒙古人不花拜江西行省參政土寇金榮作亂不花死其妻卜顏氏妾高麗氏在側不去皆大罵曰我平章遇爾父子至厚何暴逆至此皆遇害

普顏不花妻阿魯真蒙古人 大明兵至山東不花死阿魯真歷呼家人告之曰我夫受國恩我亦封夫人今事至此惟有死耳已而不花二弟之妻各抱幼子及婢妾溺舍南井死井已填塞阿魯真遂抱子投舍北井女及妾孫女皆隨溺焉

張思孝妻華氏大同人爲額高兵所執以不受辱見殺其婦劉氏大罵不已賊并殺之死後姑婦手猶相持

續文獻通考卷之七十五

二十 四

觀音奴妻卜顏的斤蒙古氏宗王黑間女大都人被兵謂夫曰我國族且年少必不容于人自縊死

張棟妻王氏大都人被兵語家人曰吾狀元妻義不可辱赴井死其姑哭之慟亦赴井死

安志道妻劉氏順州人軍欲污之劉氏曰我弟與夫皆進士豈受汝辱軍士以兵摩其體劉氏大罵乃斷其舌而死

宋謙妻趙氏大都人城破趙氏于婦溫氏高氏孫婦高氏徐氏皆美色合謀曰兵且至我等豈可苟全趙即自經死諸婦四人諸孫男女四人衆妾三人皆赴井死

王宗仁妻宋氏永平人進士宋蒙女從夫避兵俱爲軍虜

行至王田縣有窺其色美欲害宗仁者宋氏顧謂夫曰我必不以身累君携一女投井死時年二十九

徐孫頭妻岳氏大都人城陷夫婦同赴火死其母王氏二女一子皆抱持赴火死

朱氏黃仲起妻杭州人至正中張士誠寇杭州其女臨安奴先別母求死俄賊驅諸婦至其家且令朱氏母子看守朱氏懼受辱與女及妾馮氏俱縊死仲起嫂蔡氏抱幼子玄童與乳母湯氏皆自縊

韋雍妻蕭氏沂州人元末兵亂雍被虜蕭呼雍曰願死君前義不受辱賊俱殺之詔贈蘭陵縣君

李氏光澤人成一元妻至正末江西寇陷光澤邑民依烏

續文獻通考卷之七十五

二十一 四

君山之王隆官以居鄰寇乘機入山剽掠李氏被執驅迫以前行經龍牀石崖深壑處李氏力曳所縛繩與賊俱投崖死

杜原妻蕭氏安陽人元末兵亂原挈家之官真定途遇群盜蕭謂其夫曰汝當避難我自爲計遂投河而死

李銳妻何氏龍泉人至正中避兵于邑之繩門嚴賊至被執欲污之乃與子榮兒女回娘俱投崖而死

韋順妻王氏名惠高郵人元末城將破里中衆亂恣掠惠匿薪中盜發薪惠恐辱給賊以薪下有金得脫赴井死

年二十四姑夏氏俯井悲慟亦自墜有女奴始笄亦赴井死



陳氏福寧州人林克威妻也元季亂兵屠戮克威家陳氏扶姑抱子走匿山谷中後潛歸母家時年方二十有四母憐其少欲使改適令人微諷之陳氏泣曰棄老穉而他適禽獸所不忍爲也毅然勵操終養其姑撫成其子年八十三而終

葉氏大同人張思孝妻元季爲朔高兵所執以不受辱見殺其婦劉氏僵壓姑尸大罵不已兵并殺之後家人驗其尸婦姑之手猶相持不舍

陳九淵妻袁氏分宜人元季兵亂邑萬戶王同者屬袁氏妾容殺其夫欲娶之袁曰夫爲我死我當以死報遂自刎

續文獻通考

卷之七十五

二十二

四百七十四

李氏名智貞瀘城鄭全妻九歲母卒哀慟欲絕不茹葷三年父以許全後客邵武邵武豪慕其聰慧強納采聘智貞斷髮拒之且數求自死豪不能奪卒歸于全事舅盡婦道泰定間全病歿智貞悲泣不食數日而死元季旌表門閭

蘭氏江西安吉人爲鄭家婦陳友諒部屬鄒平章陷其縣帥某聞蘭有殊色將納之蘭曰帥貴人妾事之無恨然吾良人以禮幣聘妾爲婦者若干年與生二子妾不忍即背恩軍中禮不備請持一月喪乃爲帥婦帥許之服未終移兵別縣帥曰吾如汝約今夕諧吾婚乎蘭曰諾旣而帥他之使二卒守蘭曰爲取鷄酒具香火今夕吾

爲帥婦敢告先良人靈卒俱出乃先殺嬰兒嚙指血書壁曰涇渭難分濁與清此身不幸厄紅巾孤兒未忍更他姓烈婦何曾嫁二人白刃自揮心似鐵黃泉欲到骨如銀荒村日落猿啼處過客聞之亦慘神書罷先刎二子即自刎帥返詢二卒卒指壁間題倩人讀其詩馳白鄧聞之陳陳爲立廟旌表

陳道安妻林氏文昌人元末寇亂道安陷于中欲密圖賊謀泄被殺林氏瘞道安泣盡哀自啖土梗而死

閔本妻程氏河內人本爲集賢學士有子一女二 大明兵至北本謂程曰吾當死于忠程曰君能死忠妾敢愛其生乎夫婦自縊二女見父母死悲號哭泣亦縊本旁

續文獻通考

卷之七十五

二十三

四百七十五

少男歸河內

李水魯妻雷氏順陽人遠爲襄陽尹拒賊被害雷爲賊所執欲妻之乃詆賊曰我魯參政家婦縣令嫡妻肯從汝狗彘生乎遂見殺

天台金沙里女王靜安年十七歸同邑楊伯瑞瑞爲樞密院斷事官未幾死于兵靜安守節不嫁權貴爭求之至截髮自刎幸不死

陰有光妻張氏句容人年十五歸陰氏六年而有光卒誓不改節父母迎歸許嫁尹氏子氏知乃自刎明日姑至復甦曰不幸至此母以新婦爲念言旣而絕

王粹甫妻呂氏少寡獨一女織紉鍼黹爲食義不易節至

正中大饑有欲強聘者乃携其女赴水死

萬性善妻胡氏進賢人夫歿于幼諸舅諷欲嫁之胡不應一日歸集諸姊妹動以利害卒不變言未既而禮幣至門胡乃引刀斫案曰必欲強我命盡今日衆懼而止後卒揭文安題其墓曰貞烈婦

匡才妻高氏邳州人與百家奴守邳時徐守張某攻下邳才擊敗之未幾才計事幕府賊乘虛襲破邳執高氏以去高氏大罵不屈賊怒拔刀斫面仆地賊以爲死獲免百家奴破賊幕府分其產畀之以旌其節名其田曰夫人莊

張氏定遠人樊某妻也有容色夫死于兵子宗吉方十歲續文獻通考卷之七十五 二十四

張爲兵所驅溺水渚驅者謂宗吉曰呼汝母來則活汝母子張竟不從遂溺死

暗都刺妻張氏華亭人夫爲舊縣監卒于官張自縊死

李如忠繼妻馮淑安字靜君大名人如忠山東人初娶蒙

古氏生子任而卒如忠後爲山陰尹病篤謂馮曰奈汝何馮斷髮自誓如忠沒兩月生遺腹子名伏李氏及蒙

古氏族相率來山陰盡取其貲及子任以去惟餘如忠

及蒙古氏二柩馮朝夕哭臨權厝二柩載山下携其子

廬墓側時年始二十二父母來欲使更適人馮爪面流血不從居二十年始護喪歸葬

趙哇兒妻蕭氏大寧人夫死命匠製巨棺自縊同殮

孟志剛妻承氏汴梁人志剛儒士家貧無子及卒衣給匠者曰棺可寬大吾夫有遺衣服欲盡置其中匠者然之是夕衣祭其夫自縊死

曹德妻侯氏鈞州人德病死侯曰欲守志而時值亂離如此其能免乎遂縊死于墓

奉化陳氏婦以貞節稱者五人初陳元娶竺氏生子侗而元卒竺氏年二十二義不再適侗娶璩氏生子瑞泰二

人侗亦以疾天璩氏年二十六後五十八年卒瑞娶王

氏生子通甫而瑞復天王氏年三十後五十五年卒通

甫娶樓氏樓氏甫笄歸于陳至二十六而寡父母欲奪

其志泣不從其姑王氏年老事之尤謹姑卒殮葬悉如

禮子四人長養才娶樓氏生子孟雅孟熙而養才遇疾

不愈方卒時樓氏年二十六亦守節不移

李忠妻王氏忠偶溺死王氏求屍得之號痛幾絕既殮又

欲赴水死姑救免還家日夜哭絕不飲食數日自縊死

劉氏燕山人幼失怙贅壻松江人初不知爲亡卒而自有

妻父之會赦壻謂劉曰吾歸松當即還後竟不返劉尋

至松壻不復認劉仰天痛哭剪髮自誦佛經行丐于市

宿于嫠姥家人憐之不乏施因構一室製棺夜卧其中

殆五十餘年鄰火劉入棺呼曰嚚物悉取去乞闔棺以

畢吾事于是與室俱燬

李氏餘千人歸邑女子高苗民猝至被執欲污之大罵而

死

張婦鄭氏淄川人寡居以老孫婦李氏亦有節操詔旌曰  
雙節

母丘氏四川人適邑人蕭璩年二十三璩死矢心不二詔  
旌其門復其家

相氏朱原方妻安丘人年二十夫卒自縊同葬旌表

王氏馬英妻夏津人英卒王誓不再醮餓而死旌表

張氏女沂州人適王氏夫卒剪髮歛葬後蒙旌表

孫氏三原張德妻德亡孫年二十四誓死靡他子世享亦

蚤卒妻王氏年二十九亦誓不再嫁世享子忠亦早卒

妻劉氏年二十八亦能守義不渝操履清白先後相望

續文獻通考

卷之七十五

三十

三百六十五

事聞詔旌表其門

焦氏涇陽人表天祐妻天祐從征死甘州宗族欲改嫁之

焦氏哭曰表氏不幸三世蚤寡皆守節義豈可至吾遂

廢衆不復言事聞旌表

趙十一妻袁氏宣城人年二十生男甫一歲而夫亡袁勵

節撫成其子年六十二終詔旌表

李義賢妻趙氏南陵人二十四夫亡勵節終身事聞旌表

寧天驥妻胡氏青陽人胡及笄適寧齡年夫亡守節六十

餘年辛事聞旌表

步善慶妻陳氏善慶子陳早卒父曰汝年少當爲汝求

配陳不答即自經死事聞旌表

李聚妻王氏獲嘉人孝子全之母有淑德生一子二女夫

卒時年二十四勵志不貳人莫能奪拾穗紡績撫育孤

子總管許公以聞旌表其門

李彬妻張氏新安人年十九夫亡生一子二歲其家憐其

少寡欲嫁之張誓不易操有司以狀聞旌其門曰堅節

劉應麒妻郝氏建康人初應麒卒子方孩時祖姑王氏以

夫虎爲統帥死敵不出戶者數十年姑郝氏亦自二十

歲守節應麒妻上事二姑惟謹而志操尤勵人謂三世

貞節云

隴西李茂德聘同郡張氏女年十七歸李氏生子庸甫六

歲而寡舅姑憐其少欲嫁之使左右諷之即引刀截髮

續文獻通考

卷之七十五

二十七

四百三十六

以見志乃止茂德之弟仲德亦早卒其妻張氏年二十

有八生子慶方亂亦誓不再適從弟希賢妻陳氏年二

十有四希賢卒時其子亦方孕四月守志益堅一門三

婦以貞白聞

薛穀妻馬氏名瑞香湯陰人幼讀孝經列女傳通大義父

母鍾愛擇婿得穀贅之生一女穀拙于家事婦翁怒責

穀遂離去踰三年父母憐其幼諭令再嫁俛首不答乃

書女無再醮之義以告父母不從乃投井死留片紙于

懷中書謝別父母之辭聞者傷之御史王構作傳

齊關妻劉氏河南人關應募爲千夫長戰死劉家貧守節

有來強議婚者劉給曰吾三月三日有心愿償畢當從

所言至日徑往彰德天寧寺登浮圖絕頂仰天曰妾本河內名家女夫已死不敢失節遂投地而死

燕山項氏其夫江南人行賈燕薊間項與居未幾夫死項時年二十奉柩回江南誓以夫餘貲養姑以自終比至姑已改適勵志孑居以守天祀旣江李宗閔列其事而賦之曰少無依倚老何堪白髮婆娑亂不簪憂裏尚思江北好悔將夫骨葬江南

傅氏紹興諸暨人年十八適同里章瑜瑜爲苛吏脅軍興期會迫死道上計至傅氏蒲伏抱屍歸號泣三日夜不忍入觀屍有腐氣猶依屍呵舍日冀復甦旣入棺至嚙其棺成穴及葬投其身壙中母強挽以出制未百日母

續文獻通考

卷之七十五

二十八

四百四十一

欲奪志語聞遂大慟連日不食母囑侍婢謹視之閱數日給婢吾當浴若輩理沐具俟子旣而失所在明日婢汲井見二足倒植井中乃傅氏也

鄭氏四節婦歙人鄭千齡妻洪氏年二十六而寡始終貞白子二曰王曰璿王死節妻程亦死之妾何矢志撫其孤璿早卒妻王亦不二志云

汪氏休寧人夫亡監郡欲取之託媼探其意汪罵曰監郡風化之首而爲此何以見吏民乎守節終其身

管玉田妻梅氏兵破城夫婦匿小民家兵入夫逸去梅爲賊所得將活之梅棄間赴水水淺不得溺至以刀臨之不爲動復以鈎力挽不肯升乃以戈戡其腋死

武食事妻陳氏武卒父母迫之再嫁陳對鏡以墨刺面爲痛念夫情四字矢不更嫁

龔氏三女晉江人長曰益適柯允中允中從戎而役益年二十五次源能誦說古賢女言行年十八適張仁仁早卒源年二十二欲死相從時其孤尚幼家人苦諭以宗祀無託而止季婉年十七適劉允正允正早世婉年十九携二孤躬負土築墳三女俱早孀而舅姑皆先卒第無依喪終咸挈孤依父以居甘貧自力誓死不二楊貞妻趙氏濱州人夫卒旣葬不食死

惠高妻李氏濱州人夫卒自縊

觀音奴妻羅氏濟寧州人夫歿王事投水死

續文獻通考

卷之七十五

二十九

四百四十一

任仲文妻林氏寧海人家貧早寡守節不移年一百三歲而卒

劉應震妻范氏合卺之夕應震疾作不能成禮未幾卒服除母欲改嫁不許母曰未配非改節也對曰名在劉氏家廟且有姑在姑歿復有以爲請誓死不易

平章闊闊及之側室高麗氏有賢行平章死誓弗貳適正室子拜馬孛兒赤悅其色欲妻之而不可得乃以其父所有大答納環子獻于太師伯顏伯顏特爲奏聞奉旨命拜馬孛兒赤收繼小母高麗氏高麗氏夜與親母踰垣而出削髮爲尼

丁氏名月娥西域人軍職馬祿丁之女歸蕪湖葛家已而

南江兵起，縣城中無何，汚寇奄至，城失守。月娥慨然曰：「吾君纓家女，何忍見犬豕耶？」即抱所生女赴水死。婢勝凡九人，皆爭入水，無後者。

范氏汝陽縣民，莊十一妻也。夫亡，范年二十七，舅姑老子，勿家貧，所親勸其他適，截髮自誓，縫績以養舅姑。恪守婦道，年八十，事聞，詔旌為貞節。

張訥妻劉氏，藍田人。訥為監察御史，早卒。劉守志不二，河東受兵，其二子衡衍俱以事出外，劉度不能自脫，遂與二婦孫氏、姚氏同縊死。

吳中妻劉氏，安陽人。夫亡，劉旦夕號泣，人不忍聞。未半歲，生子，一日服練歸寧，父母欲更適，劉曰：「夫亡子在焉，可續。」

續文獻通考 卷之七十五

三十

四百三十三

他適，况舅姑年老，無人奉侍，自是不復歸寧。比舅姑歿，送終盡禮。教子成立，年八十四卒。有司以聞，旌表其門。何氏衢州龍游縣儒家婦，至正間為亂兵所掠，裂帛題詩曰：「失身無補，君王事死節難酬。夫壻恩題畢，投江而死。」劉氏大同人，至正戊申秋，與姑華氏俱為河南軍帥所掠，苦被驅迫，華謂劉曰：「汝芳年，奈何？」劉曰：「有死耳。」華曰：「勿無刃縊，無索奈何？」劉曰：「當激賊怒，以就死耳。」遂相與大罵，遇害時年二十二。嘗賦庭柏以自況，有「既保歲寒心，不在退年壽之句」。

孝節婦崑山人，水得之妻。年二十，夫亡，誓不嫁。或勸之曰：「無子，老將何依？」婦拒曰：「夫者天也，天可二乎？夫死，無子。」

命也。欲自經，其兄子覺之，得不死。後同籍繫獄，婦當連坐。任事者脅之曰：「若適人，可全婦。」曰：「吾不忍以危難棄禮義，雖死無悔。」事聞，詔旌之。

韓氏保寧人，年十七，遭明王珍兵亂，慮為所掠，乃服男子服，混民間。既而被虜，居兵五六年，人莫知為女子。後從王珍兵掠雲南，遇叔父贖歸，咸都以適尹氏人。號貞女。柳氏女，嘉興人。父為縣吏，至正末，紅巾賊陷嘉興，女時年十八，與其父母同竄，匿為賊所得，驅以行至河澗，紿欲結襪，賊不知防，遂投水而死。郡人金綱作記表之。

羅氏名妙，安弋陽人。能暗誦烈女傳，年二十，歸鄭琪，以功擢鉛山州判。羅封宜人，至正末，信州陷，羅取所佩刀，淬

續文獻通考 卷之七十五

三十一

四百三十五

礪，令鋸理問，何為曰：「時事如此，萬一遇難，為自全計耳。」已而兵至，自刎死。

尹大中妻黃氏，穀城人。至正末，為賊所虜，欲辱之，不從，分其尸。

黃氏崇明人，季富妻。至正初，海寇入境，掠士女，登舟者二十餘人。黃氏義不受辱，即投海死。時年二十七。

王子溫妻華亭人，姓諸氏。子溫家貧，諸以女紅給其服膳，畧無愠色。元丙申，兵劫松江，子溫欲挈以逃，難諸流涕曰：「豈可以我一婦人致累汝耶？」汝第去，我自為計。乃與鄰嫗避於南城陋室中，少頃，賊入，隣嫗皆為所汗獨諸怒罵不從，賊掣刃剖其腹，罵不絕口而死。

怒罵不從，賊掣刃剖其腹，罵不絕口而死。

費元瑋上海名家女歸廣陵朱氏元至正間從宦江陰盜起因歸寧避亂邑陷苗軍露刃欲私之元瑋罵不已苗怒刺之妹元徽有女德歸華亭陶氏年三十喪夫誓死不嫁時號雙節

沈景新母妻平江人元至正中景新調上海吏江浙苗軍大肆殺掠母與婦謀曰吾家素清白義不受辱尋爲苗軍所擒曰你能從我不殺汝婦姑大罵苗軍怒刃其姑縛婦髮爲尾曳殺之

禹氏崇德石門人吳守正妻名淑靜嘗從容謂守正曰方今群盜蜂起萬一不測妾惟有死而已元至正中盜陷崇德淑靜倉皇移八歲女登舟以避有盜數輩奔入其

舟乃抱幼子投河死

三十二

四百〇七

茅氏崇明人朱虎妻元大德間虎官都水監坐罪籍其家吏錄送茅氏及二子赴京太醫提點師甲乞婦家欲妻之茅氏誓死不從母子三人以裾連結晝夜號泣形貌銷毀師知不可奪釋之虎故人王大卿等贖茅氏爲永明寺尼憂憤不食卒後虎兄子謙以聞旌表其墓錄付史館

周婦松陽人姓毛氏美姿色至正中隨夫避亂麻鷺山中爲賊所得脅之曰從我多與金否則殺汝毛氏曰寧剖我心不願汝金賊以刃磨其身毛氏大罵曰賊碎則臭我碎則香賊怒割其腸而去

金氏鄞縣人程徐妻父端學仕元爲詳定使有女名瓊適湖州同知陳介至正中京城破金氏謂女曰汝父出捍城我三品命婦汝儒家女又進士妻不可受辱抱二歲子及女赴井死

徐氏天台人伙恒妻恒早沒徐年十八守節不再醮至正末避亂牛園山爲賊所執驅迫以前給之曰吾渴甚欲求水一杯賊令自汲即投井死

卽氏安吉人宋進士朱甲妻甲仕浙東以卽從至元間朱沒卽護養還至王山里留居避盜勢家柳氏欲強聘之卽不從死拒得免家居事姑甚謹姑嘗病卽禱天割股肉進啖而愈後姑喪以哀聞大德中旌

續文獻通考卷之七十五

三十三

四百〇二

湯輝妻張氏龍泉人滇兵亂先移家財出砦夫與姑守之舅以疾未行張歸供藥膳賊至卽以輿載舅行已而遇賊賊以刃脅之曰從我則生否則死張掠髮整衣請受刃賊未忍殺張懼汚卽奪其刃自刺死時年二十七

臨淄陶國賓妻許氏

齊東柴文志妻孫氏

長清楊惟儉妻任氏

膠州田婦閻氏

行省都事賈訥母劉氏

沔池李四妻茹氏

大名王德政妻郭氏

益都秦江妻馮氏

諸城崔立妻紀氏

諸城王瑞妻鄭氏

昌邑呂義妻岳氏

莒州鄒惟新母徐氏

高密李章妻王氏

嘉祥黃宅妻武氏

潤川王德用妻張氏	樂安蔣恒妻劉氏	龍興張仁興妻鄒氏	南陽邨二妻張氏	奉元李郁妻崔氏	河間王成妻劉氏	高州蕭又妻趙氏	寧海姜思敬妻閻氏	即墨張約妻宋氏	章丘趙讓妻王氏	南樂睢伯顏妻劉氏	續文獻通考卷之七十五	鄒縣房天驥妻祝氏	臨淄牟處士妻耿氏	中興路伯顏妻阿迭的	章丘劉聚妻王氏	濟寧王德妻秦氏	濟寧李鳳妻劉氏	濟寧尹貞妻神氏	南樂韓德妻楊氏	蒲城党通妻張氏	臨朐巨林妻王氏	潤川馬宅妻王氏
滋陽劉洋妻史氏	樂安王仁妻劉氏	懷慶阿魯輝妻翟氏	濮州王義妻雷氏	冀寧李孝仁妻寇氏	衛輝安寅妻陳氏	城武王宅妻苗氏	建昌王時清妻李氏	樂安蕭貴妻劉氏	長山尚敬溫妻氏	三十四	濰州韓敬妻周氏	濰州國忠妻鞠氏	章丘馬榮妻晉氏	臨清宋居讓妻王氏	章丘游貞妻王氏	濟南李名妻劉氏	章丘盛時中妻劉氏	利津馮母劉氏	南樂趙遜妻庫氏	臨朐楊原妻顏氏	濰州王寶妻傅氏	

潤川王婦胡氏	壽光蔣婦毛氏	昆明皇甫璇妻楊氏	昆明景縣尹妻王氏	東平州楊三妻張氏	新昌蔡玄通女	德興葉起巖妻方氏	魯山王大妻張氏	古田李仕遠妻余氏	續文獻通考卷之七十五	馮翊王義妻盧氏	大都潘居敬妻陳氏	河南閻遂妻楊氏	冀寧梁世明妻程氏	昌樂尚成妻劉氏	辰州萬戶圖格里不花母石林氏	金州杜祖隆妻張氏	大都同知忙兀禿魯迷失妻海迷失	山丹州郝榮妻李閨	甘州阿兒思蘭免古妻忽都的斤	濟南馬萬妻晉氏	吳江方伯淳妻江氏	壽光張婦件氏	壽光朱行義妻赫氏	高苑楊富妻崔氏	昆明桑知州妻李氏	東平州刺臺妻蒲氏	陽穀劉王妻王氏	高安胡氏	鍾離程寬妻孫氏	漢陽劉通判妻梁氏	燕人張買妻王氏	睢陽劉澤妻解氏	大同李文寶妻張氏	大都王成妻高氏	大興郭仲安妻李氏	大都劉德仁妻王氏	大都右警巡院胡德妻曹氏
--------	--------	----------	----------	----------	--------	----------	---------	----------	------------	---------	----------	---------	----------	---------	---------------	----------	----------------	----------	---------------	---------	----------	--------	----------	---------	----------	----------	---------	------	---------	----------	---------	---------	----------	---------	----------	----------	-------------



大寧李天麟妻韋氏	沁州劉煒妻張氏
午城王德妻秦氏	金華吳垣妻宋氏
廬州高仁妻張氏	甘州岳忽南妻失林
孟州完顏帖哥住妻李氏	良鄉章安妻張氏
永城縣民張氏	奉化舒燕妻徐德柔
奉化朱春妻舒淑初	奉化張紹庭妻汪本奇
慈谿方婉妻翁淑真	慈谿沈景莊妻顧氏
慈谿沈則妻王氏	
以上皆守節被旌行實未詳附著于此	
雷州朱克彬妻周氏	大都費嚴妻王氏
大都買哥妻耶律氏	曹州鄧臘兒妻康氏
續文獻通考卷之七十五	三十六
陝州陳妻別娥	大同宋堅童妻班氏
大同李安童妻胡氏	晉州劉恕妻趙氏
冀寧王思忠妻張氏	饒州劉梅妻趙氏
東平徐順妻彭氏	大寧趙雁兒妻安氏
大寧陳恭妻張氏	大寧武壽妻劉氏
大寧朱敬先妻謝氏	大寧撒里妻蕭氏
大寧何千妻桓都賽兒	古城魏貴妻周氏
任城郭灰兒妻趙氏	襄陽朱某妻于氏
益都楊和卿妻尼氏	益都劉朝綱妻段氏妾宋氏
安丘朱元方妻相氏	葉縣王保子妻趙氏
興州民妻魏氏	樂州裴妻董貴哥

真定民妻周氏	冀寧民妻魏益紅
成都張保童妻郝氏	利州高塔必妻白氏
河南張妻盧氏	蒙古泰木妻阿不察
蒙古相兀孫妻脫脫真	
以上並以死殉夫蒙褒表或賜錢贈謚行實未詳附著于此	
續文獻通考卷之七十五終	
子 186-359	

續文獻通考卷之七十六

皇明進士

節義考 節婦四

皇明

宗室知志娶賀氏生三女志病革度不起賀即潛靜室自

縊家人驚救之後吞水銀求死又救之遂閉口不食亦

不言與志同時卒慶成王以聞世廟嘉其節詔

旌之

肅府沿山王繼妃楊氏未配王薨楊願入府奉姑守節

終身嘉靖二十八年九月禮部覆巡按路楷題貞烈異

常詔楊氏准封沿山王繼妃入府守節

續文獻通考卷之七十六

北直隸

胡氏南城李華妻華隨父出外其姑易氏與徐璉通因逼

污胡氏以滅口胡堅不從易與璉乘夜以土囊掩殺之

事聞嘉靖二十年上命立祠曰哀烈諭祭誅易璉

孫氏中城時雍坊民趙嘉彥妻嘉彥病亡孫不食而死萬

曆十九年以御史楊鎬奏旌之

劉氏薊州李彥賓妻年二十四而彥賓卒家貧子幼誓不

更適子既長娶婦楊氏未幾子亦死婦姑相依以貞節

自持至老不渝洪武中旌爲雙節之門

梅氏安東人年十八適士人謝黑兒夫疾篤囑曰爾年少

勿爲我慮梅泣下欲自盡以隨姑覺而止之曰吾夫婦

無他兄弟備養兒汝娠未婉倘得一子以續吾祀豈不

美乎梅悟後果生一子夙夜紡績奉舅姑課幼子舅姑

卒脫簪珥以襲事其子俊亦成立孀居四十餘年有司

以聞宣德間旌表其門

王氏豐潤縣人嫁興州前屯衛千戶胡海海歿王氏年少

無子誓不再適人母欲奪其志王氏嘆曰若事二姓孰

與從夫子地下乎遂自縊正統中旌表其門

房氏鉅鹿人爲魏溥妻溥疾革顧房曰死不足惜但母老

家貧赤子蒙眇房垂泣曰母慮母子在妾一身溥卒房

操刀自割左耳置棺中曰鬼神有知相期泉壤終身不

預燕席事姑敬養訓子成立後孫爲濟南太守

續文獻通考卷之七十六

二

陳氏開州張慶妻慶疾革顧天願以身代謂其夫曰汝死

父母必再嫁我不如從汝庶幾免辱是夕自經明日慶

亦死郡人莫不哀嘆

崔氏真定深州周傑妻洪武間傑任兵科給事中以疾沒

崔氏奉骸骨歸祭奠畢告其親戚曰夫婦義當同穴今

夫死我無生理遂經死合葬

高氏真定深州人適清河李茂茂充吉安衛總旗墮馬病

臥高奉湯藥不離左右茂亡悲泣甚哀乃盡散家貲爲

喪具復買一間館置尸側至夜沐浴更衣自經死與茂

合葬洪武中旌表其門曰貞烈

岳氏深州岳興女適傳嘉嘉病革呼岳曰爾年少善事後

夫岳涕泣曰吾豈忍事他人寧俱死及嘉卒岳憑尸號哭遂經死合葬之洪武中表其門曰貞烈

李氏安平人郭士文妻年二十五而士文卒李奉舅姑撫遺孤孝節兼全洪武中事聞旌其門曰貞烈

范氏東強人蔡甫原妻年二十四而夫卒父母欲嫁之范不從養其姑終身教育諸子成底成立鄉人嘉其節事聞宜德庚戌旌表

孫氏南宮人御史孟著妻年二十夫亡撫子以慈矢靡他志始終一節事聞宣德五年旌表

張氏安平人翟得妻年二十一而夫以國子生卒於京張聞之遂自縊死事聞旌表其門曰貞烈

續文獻通考

卷之七

施氏定州衛百戶何教妻年二十一生子甫二齡教死哀

痛漿水不入口欲自殺殉葬姑知有孕勸阻之後果生子舅姑親戚憐其少欲嫁之施曰夫亡子幼况舅姑年老無依可適人乎遂奉舅姑以終撫二子至於成立年

六十二歲本衛事聞旌表

徐氏藁城人教諭石麟之繼室隨夫之仕廣東正統初麟

卒於官時徐年二十四踰三月生子玉前妻子方五歲

徐攜二幼扶櫬還鄉禮葬養舅姑甚謹舅姑相繼卒皆

以禮葬之徐以紡績為生終無異志教二子繼承父志

勉以修學後登甲申進士任御史成化二年旌表

喬氏臨城王祥妻生一子年方七歲而夫卒家貧守志躬

親紡績撫養幼子始終無玷成化四年旌表

李氏臨城王慶妻生子方五歲而夫卒堅心紡績侍養舅姑恪守婦道始終無玷成化四年旌表

秦氏王璟妻稟性貞恪恪盡婦道璟歿時秦方一十九歲哀痛幾絕生一子名友才守節撫養翁姑欲奪其志秦苦辭誠切翁姑感悟乃止成化中奉聞旌表

劉氏邯鄲民冀相妻夫亡守節終身隆慶五年旌表

高氏東強人宋亮妻年二十六亮嬰疾日夜籲天求以身代及亮卒孀居五十餘年始終一志成化中事聞旌表

王氏齊道妻北直隸昌黎人隆慶二年旌

陳氏牛氏高邑人洪武初監察御史許顥之妾顥病卒二

續文獻通考

卷之七

妾皆自經死事聞旌為雙節

南直隸

尤氏溧水人曹子英妻年少夫死尤氏嚙指滴血誓不更嫁有司以聞旌表之

吳復妻楊氏金陵民家女復爵安陸侯守黔陽以疾亡楊

氏自縊以殉 太祖親降 手勅封貞烈夫人

石氏句容人朱約妻石歸約甫一歲約病奉侍湯藥三年

不懈約卒守節終身洪武間旌表

孫氏劉彥陽妻高淳人彥陽授平江倉官卒於任值兵亂

賊脅二女二女給賊為埋父母至江濱皆赴水死洪武

中旌表

陳忠妻王氏江東人忠爲都指揮守交趾王隨之會黎賊叛忠陣亡王與二女登竹筏出交趾東海城進海門潛賂賊徒收忠尸殮之扶柩浮海南歸以塋後毀容紡績度朝夕卒與忠歸土鄉人謂夫妻忠節兩不愧云

倪氏江寧人十六適張豫卒倪年二十六撫二孤益晉稍長遣就學舅姑壽終力營喪事膏沐不施者五十年後益舉進士累官學士宣德間旌表

魏氏上元人伊端妻年二十一歲守節大學士劉定之爲作永貞堂記正統中旌表

鄭雍妻袁氏六合人年十八受鄭聘而雍得奇疾不能治續文獻通考卷之七十五

哀告於父母歸鄭侍夫疾二年不懈及歿求自盡家人救之得不死曰我一寡婦耳留此何爲聞者感泣太守蕭山魏驥作鄭節婦傳

趙和妻孫氏和爲府軍千戶永樂六年征安南卒於軍孫年二十四守節育孤後子輝爲駙馬都尉天順間守臣以聞旌表

任忱妻焦氏江陰衛人忱領應天已卯鄉薦病卒焦時年未三十守節終身弘治間旌表

俞氏江浦人吳達妻年二十二守節有求配者叱罵之輒以刀自盡家人覺而止正德間旌表

江氏六合人馬鑑妻鑑亡躬紡績以事姑教子年八十餘

嘉靖間旌表

花夫人邵氏懷遠人東丘侯花雲妻陳友諒陷太平雲死邵以其子煒囑侍兒孫氏卽以死殉

杜氏鳳陽人夫卒於元末杜年二十三守節育孤洪武十年旌表

周氏臨淮人詹奎妻年十七適奎奎卒無子家特貧周守志不二事夫祖母及姑生養殯葬惟謹永樂中旌表

劉錫妻張氏靈璧人錫卒張年二十有三子幼夫兄逼改適張剪髮自矢遣子珍就學後舉鄉貢正統中旌表

金源妻盧氏程義妻何氏俱亳州人景泰中同以守節旌表

續文獻通考卷之七十五  
胡氏五湖人年十九夫亡守節終身天順間旌表

陳氏宿州人方諒妻諒卒陳年十八守節撫遺腹子亦尋卒陳守益堅弘治中旌表

方淳妻居氏定遠人正德壬申流寇攻陷定遠居死節一時女婦死節者計五十六人賊平侍郎叢蘭上其事

詔悉旌表  
王綬妻徐氏靈璧人正德辛未流賊猖獗徐被虜不從被

三箭七鎗而死時有李希儒妻張氏赴水死董鸞妻茅氏攜子女赴井死事聞俱旌

李驥妻胡氏太和人正德辛未賊攻太和胡不受辱被殺

一時同節王昭妻陳氏李氏女玉蓮後事聞並旌之

俞氏顧春妻春患病將革與俞訣勉其守節俞號泣不止

因以指抉雙目不得出乃以剪先刺其左目又欲刺其

右姑奪其剪諭曰汝欲養舅姑育二子留一目可也俞

乃止遂守節終焉

彭餘璋妻鄭氏字宜君生儒家歸再替餘璋卒子方晬抱

持號哭成殮赴水死正統癸亥旌表

徐宜妻卓氏蘇州人宣卒遺孤二逾年二孤既而舅姑

皆歿卓操守益堅嘗割股作糜以愈母疾後母亡執喪

盡禮人稱節孝

葉氏崑山人葉文莊公盛之女字夏景澄合卺四月而夫

續文獻通考卷之七十五

京

死即誓死以守先依於母母歿復歸于夏夏之舅歿為

喪如禮比卒謂家曰只為名節二字一生如執玉如捧

盈虞元凱銘其墓

鄒氏適葉芸成婚僅兩月芸卒鄒毀容誓死不出房限不

見男子姑曰如火盜疾病何鄒曰火至委軀灰燼盜至

先自刎疾聽其死不得令醫診察年六十而卒

王彥章妻楊氏華亭人楊年二十四夫亡撫孤端長娶婦

倪氏端亦蚤死姑婦並以節著正統初事聞並旌表

李從吉妻劉氏及二貞女從吉任上海主簿歿於官劉氏

訓二女以女道長貞贊壻唐文祥次堅贊壻沈源仲皆

蚤世母子三人撫三姓之孤各有成壽皆八十餘人為

### 三節婦傳

錢岐妻宋氏華亭人夫卒棄其二女自縊眾救之復甦

誓不復生遂屏食卒年二十五有司以聞詔旌其門

曰貞烈

張氏三節婦華亭人齋妻胡氏璣妻瞿氏珩妻楊氏俱夫

亡守節成化中旌表三節之門胡氏又以子貴受封

趙氏女北京人幼有令質刑部尚書張鑑為次子昱聘之

未婚而昱卒父母將嫁之女曰我聘於張又誰適乎姑

衛夫人迎歸華亭守制終身弘治壬戌旌表

何氏女華亭人楊允修妻未婚而夫卒父母強令再適不

從何自往夫家守制終身以盤車傳餐家人亦莫觀其

續文獻通考卷之七十五

京

面萬曆二年旌表壽七十

袁氏華亭人孝子楊應旂妻夫故守節不渝教子忠裕成

立願鄉薦萬曆二十三年以忠裕奏旌表

桂氏華亭人郡庠生唐整妻年二十六整亡矢志不二子

堯賓甫三歲苦訓成名卒為良吏壽六十七隆慶中巡

按吳從憲類奏請旌

任仕中婦上海人姓俞氏二十一寡居有女始二歲男始

五月誓不二天撫教男女女既笄適俞邦用邦用亦早

喪親戚勸再適女曰再嫁則俞氏祭祀誰奉且辱吾母

乃歸與母同居守志洪武中旌為雙節

張文通婦俞氏上海人永樂初文通嬰瘵疾藥不能療囑

俞氏曰吾將死汝年少無子宜善事後人俞泣曰父命以妾事夫夫今死矣又無子女將何從願從夫于地下文通歿是夕俞亦自經正統年旌表

蔡倫婦唐氏上海人夫亡守志育二子式堅皆已成立式娶侯氏亦早卒姑婦並以節著成化中旌表

金氏上海縣庠生金應登女美姿容隆慶中嫁富人徐茅為妻茅性好賭宦家悍奴因誘之家遂傾復誘其鬻妻因獻于主主遣數十人要迫之金氏義不受辱自縊死任氏華亭民張某妻年十九夫亡屏食數日幾絕復甦躬紡織養舅姑鄉黨稱任孝婦嘉靖癸卯旌表

姚氏華亭庠生馮衍可妻年少夫亡泣哀自昏貞操白首續文獻通考卷之七十六 九 四十四 京

不渝姊嫁張德瑜亦節孝俱鄉科姚臣女入稱雙節云程氏丹陽人千戶陳存信妻初王師攻常州存信死之

程氏年二十七聞之號慟幾絕兵退行求其尸歸葬之子壽嗣為江陰衛百戶征閩為盜所殺存信遂無嗣程氏守節不渝被旌

臧氏武進人陳旭妻旭疾革語臧曰吾殆不起汝宜善事後人臧泣不能答翌日旭亡臧給家人入室取衣衾為殮具即自經表曰貞烈

巢氏武進人許聘憚氏子憚父卒女言於親為制服未幾子亦卒父母將擇對女曰恐以一女擇二姓遂自經死臧氏武進人故民賈熊妻守節六十七年萬曆二十二年

御史饒位奏聞旌表

蕭氏高淳縣故民陳時美妻二十二歲喪夫守節四十三萬曆二十二年御史饒位奏旌

吳氏三節江陰人吳宗傑妻周氏宗道妻木氏宗善妻花氏吳兄弟俱以行役死殊方三婦相與謀歸夫骨附葬先塋誓不適他姓 詔表曰三節

楊氏無錫人俞彥昭妻彥昭戍滇南卒楊年二十一子甫期家貧誓不他適養姑強以天年終既而子婦俱蚤世楊又撫其孤志愈厲 詔旌之

吳氏江陰人華緯妻正德壬申避賊賊追及吳詐仆負塗賊禁之問曰洗塗曰不洗更衣曰不更且晉曰汝當速殺我我江國公勲臣家女奈何汚耶明日又問答如之續文獻通考卷之七十六 十一 三百八十五 京

賊怒爭刃之沈于江 袁範妻陳氏武進人夫亡守節受旌

吳谷祥妻無錫人姓劉氏夫亡守節受旌 趙氏江陰人適夏師顏顏早卒趙誓不他適矢志自守終其身惟謹受旌

謝氏宜興人宋仲庸妻夫亡守志終其身受旌 萬敬妻史氏金壇人適敬未閱歲敬得惡疾終家人依俗火墓史躍入火衆救獲免瘞畢自經 詔旌表復其家

吳氏丹徒人葛彥祥妻夫亡守節受旌 儲氏丹陽人趙德華妻夫死矢志自守受旌

朱氏金壇人莊秀五妻夫卒守志始終一節受旌

高氏婦高郵人攜其女從夫避亂見道旁空舍入其中賊將迫脫金繩臂與女且語夫令疾行夫挈女稍遠乃解足纏自經賊至焚其舍夫抵儀真夜夢婦告曰我已縊死彼舍其精靈如此

管氏二婦揚州人籍賢妻閔氏管哲妻馬氏洪武中賢卒閔氏年二十六子在襁褓且誓誓死不嫁後哲繼卒馬氏年二十一姑以其無嗣諷之他適馬氏曰伯氏能守節我獨不能乎俱力事紡績以養姑賢子稍長教之學星卜以資日給姑以天年終併力葬之後二婦俱年七十餘郡上其事旌為雙節

續文獻通考

卷之七十六

十一

京

李氏興化縣監生王之麟妻夫亡以死殉隆慶四年旌為

烈婦

高氏江都人儒學生戴和妻永樂中和鄉試不利抱愧投水死高氏每哭踊隕絕誓不獨生一日盛飾白姑歸寧父母乃請夫沈處號數聲投水死事聞旌為貞烈

方氏合肥人陳順妻夫蚤卒方抱節自守終其身受旌

周氏無為人倪景四妻景四早喪周矢志自守事聞旌表

聞旌表

趙氏巢縣葉榮妻夫亡守節有司上其事旌表

周氏六安州人趙軌妻正德壬申為賊所掠給還至家携

子女赴水死

王氏合肥人正德辛未賊眾至王懼辱抱子女赴塘水死御史聞人詮書王烈婦家以旌之

尹氏華亭陳鳴韶妻韶早卒尹矢志不渝茹苦萬狀以養舅姑課子善道成立領鄉薦萬曆壬寅何按院題旌

孫氏桐城人刑部主事錢時妻時當刑孫拔髮為縷繫臂自矢哀請歸養寡姑既生遺腹子惠守節不渝被旌

張氏懷寧人嚴文昌妻文昌早卒張為守節旌表

陳氏宿松人年二十夫卒陳日夕奠哭守節終身旌表

王寬妻張氏太湖人寬望江人寬早卒張年少家貧紡績以養其姑姑憐其苦欲嫁之張嚙指剪髮以誓姑乃止

續文獻通考

卷之七十六

十一

三八六

京

守節二十六年旌表

陶氏四節婦桐城人陶鏞妻鍾氏鏞子繼娶方氏繼子亮

領景泰癸酉鄉薦妻王氏妾吳氏鏞繼俱早喪鍾方各

守節亮亦早卒妻妾共守一室抗節終身詔表門曰

陶氏三世四節

汪世衡妻戴氏桐城人正德間遇流賊欲驅掠之戴抱柳樹不動賊以刀厲其頸戴厲聲曰何不速殺我賊怒遂

殺之

周氏繁昌縣丞之女為徐俊妻俊卒無子周為守節成化

初旌表

胡氏寧國縣人葛之孚妻年二十二而寡生孤觀稍長亦



死胡與婦施氏相勵以節洪武間上其事旌表

金氏寧國縣人年十六歸胡選孫孫有痼疾臥牀安吉叛軍突至家人出走金獨持夫不去後夫歿年甫十八無子持志甚堅洪武末旌表

蕭氏涇縣人趙敬忠妻早寡守節天順間旌表

陳氏宣城人郭祥妻早寡守節正德間旌表

張氏旌德人劉旭妻旭死張少且無子倚妾胡氏遺腹子

二婦相吊卒成其志嘉靖間旌表

張氏南陵人劉定妻夫亡守節嘉靖初旌表

阮氏趙仲成妻潘氏姚添麟妻俱銅陵人二婦守節不渝

洪武中旌表

續文獻通考

卷之七十六

三十九

黃夫人雍氏貴池人侍中觀之妻與二女同死於節

何氏青陽人年十八適陳景景登永樂中進士差湖廣公

務卒于道何守節終身旌表

李氏石埭人桂智妻夫亡子幼舅姑欲嫁之乃斷髮截耳

守節不渝成化九年旌表

黃氏建德人相延鄰妻年二十二夫亡無子守節終身弘

治初旌表

吳氏青陽人陳運妻夫亡守節終身正德中旌表

何文宇妻江氏青陽人年二十七無子夫病革謂江曰願

適人乎願事吾父母乎江涕泣不已夫絕遂自縊

俞氏績溪人許德仁妻夫亡撫孤里人高姓者求婚不聽

而怒中以他事俞訴不得免乃詣 闕陳情事下法司抵高罪時稱其賢

胡氏績溪黃德俊妻夫亡守節旌表

俞氏婺源人鮑叔用妻夫亡守節旌表

孫希賢妻程氏休寧人年二十一寡矢志撫孤卒年六十

二希賢姪英德亦早卒妻汪氏年二十八無子誓死不

二時號號節

程氏休寧人汪道夫妻生二子夫卒未幾而二子繼卒獨

奉舅姑其父與弟逼使再醮遂自經

汪氏休寧人金希佑妻夫亡守節受旌

陳氏程克良妻祁門人夫亡守節受旌

續文獻通考

卷之七十六

三十九

張氏婺源人胡某妻少貞潔知書年十六而嫁未幾夫亡

或欲娶之乃嚙指書哀自刎而死

汪氏黟縣人韓文炳妻夫亡守節旌表

張友妻洪氏歙人友死預治塋晉必同穴姑憐其早寡無

子欲嫁之不聽乃陰納富人聘至期逼之洪曰嫁不辭

當與夫別乃造夫墓慟哭而歸拜姑告別入室閉門自

縊

洪氏歙人劉昌妻年二十而寡絕穀十日死

許氏歙縣江務本妻夫亡守節旌表

陳氏六安衛舍餘趙繼妻夫亡守節終身隆慶四年旌

蔡氏廣德人陳善慶妻年二十一夫亡守節事姑終身不

改洪武初旌表

屈氏大河衛義官張蓋妻蓋死誓不再適隆慶四年旌

呂氏廣德人曹丑兒妻年二十一夫亡姑憐其少欲嫁之以死自誓至老不易永樂二十一年旌表

田氏廣德人俞國良妻年二十四夫亡終身守節旌表

張氏和州人周德新妻夫亡守節終身旌表

尹氏舍山人張子文妻夫亡有遺腹子可成尹守節訓育後爲千戶洪武間旌表

包氏高化實妻和州人夫亡守節終身宣德間旌表

丁氏全椒人袁蘭妻蘭卒丁氏誓不再生竟自縊死旌表

謝氏徐州人段二妻元末兵亂舅姑與夫俱亡乃依父家續文獻通考卷之七十六

守志年八十卒洪武二十五年旌

姜氏沛縣陳恕妻夫亡以死殉隆慶三年旌

白氏沛人李伯奴妻夫亡於邊白年二十簪衣櫛食寡居四十餘年宣德間旌

汪氏潁上縣民王敷紀妻夫亡死節隆慶三年旌

薛氏徐州王五妻年十八夫亡子甫週誓不再適正統十年旌表

邵氏徐州民李重妻夫亡守節不改隆慶四年旌

孟氏徐州人居滄妻年二十餘夫臥病久孟許與同死夫

果弗起孟視殮畢從容自縊

胡氏沛縣民張化龍妻夫亡以死殉隆慶四年旌爲烈婦

浙江

平氏仁和人年十九歸同里何富五年而富沒越五月生

男誓不再適事舅姑惟謹撫孤至成人四十年如一日

洪武間旌表

郎氏錢塘高瑞妻未婚而瑞卒矢志守節隆慶四年旌

彭氏嘉興人父公衍鍾愛特甚館張昱爲甥未幾昱病卒兒尚在抱旣殯彭求自盡姑泣戒曰吾年老兒年幼且病忍棄捐耶乃奉姑命調護其兒兒愈遂絕飲食號泣五日而死

李氏桐鄉人年十八適高逾生子能方暮而適亡家貧舅姑相繼亡往依母居母諭之改適輒慟絕母止不復強

續文獻通考卷之七十六

熊旣長娶曹無子爲置妻陸氏甫得子熊又亡曹與陸皆勵操事姑以撫刃兩世三節

沈氏海鹽人年十九適崇德方瑄甫十八日瑄死沈悲摧

辱絕而蘇服訖舅姑貧乏令婦依其母母謂年少無子

勸改適不從母潛以許人沈覺之給其母往告外氏母

行遂沐浴更衣自縊

沈氏嘉興人大守馬與之繼室與以壽終沈年尚少無子悲啼不絕聲者八日遂自經死

梅氏嘉興人父諱江官僉憲擇婿得顧燁妻之燁第進士

爲給事中早卒梅卽不食以死

沙氏主事郎理妻安吉人洪武初從夫官京師理死沙哭

曰夫爲忠臣妾獨不得爲烈婦乎遂自經 賜祭馳驛歸葬

徐氏烏程人年十六嫁未暮而夫病篤顧徐曰我母老爾年少奈何徐泣下引刀斷左小指以死誓夫死遂布衣長齋卒年七十六

石門烈婦湖州人莫詳姓氏正德初湖饑婦與其夫及姑走崇德石門市乞食婦有殊色市人欲挑之與之食不顧與之財亦不顧寓東高橋上伺夫與姑不至及三日聚觀者益衆乃從橋躍入水中以死

王氏吳忠妻安吉人家甚貧正德初疫死婦無依有欲收之者婦不應乃爲麥飯瘞夫塚前痛哭良久以草簣裹身自沈溪而死

黃紳妻洪氏淳安人年十七歸紳甫一年而紳死生一女一日歸寧父母逼奪其志遂抱女觸寒水濟河以歸終其身年九十婦胡氏姪婦吳氏皆幼年孀居守節不變人以三貞稱之

何道妻鄭氏淳安人年十六歸道越二歲而寡家貧無子舅姑欲奪其志度不能免遂自經死

董敦妻李氏名榮壽昌人年二十四而敦卒營敦墓所結壙于旁喪終父欲奪志李知勢不可遏又慮自死遺禍舅姑家乃屬舅姑家以後事泣拜而歸自經死舅姑爲送衣衾及棺至遂昇葬于敦之旁

石氏金華人諱勝浦江義門鄭洪妻洪爲內藏庫提點以他累死獄石乃絕粒不食者八日求其死而不可得遂引繩自絕 皇祖聞而嘆曰此真義門婦也

陳氏永康人王和欽妻年二十九夫亡遺孤歲餘苦志守節勤以自給孤名德中性至孝一日東門失火德中向火稽首火遂西轉人謂節孝所感洪武中旌其門

徐榮妻吳氏武義人年十九歲適榮生子甫三歲而榮死未幾榮弟廣繼卒其妻顏氏年二十七撫二孤妯娌一志奉姑育子恪守婦節年踰六十洪武中表門貞節

李軻妻俞氏永康人年二十五居孀守節子祿婦吳氏年二十九夫亡無子誓繼姑志孫齊娶陳氏年十九亦寡

因自誓曰守節婦文常事况李氏世德有自乎台州王一寧題其堂曰一門三節婦四世九賢孫

徐氏名瑩東陽趙爲潛妻年二十七爲潛歿撫遺孤晝夜哭者累年有爲言禮婦人不夜哭自是夜惟飲泣間誦孝經論語小學以節哀痛氣且絕猶誦割不正不食席

不正不坐目不視邪色耳不聽邪聲諸語緝緝不絕口婦郭氏亦以孝聞有司兩上其事 詔旌旌之

夏氏三節衢州夏應保妻王氏文達妻袁氏文質妻邵氏俱龍游人青年喪夫相繼守節歷元末亂離中無少玷缺洪武初旌其門爲夏氏三節婦

蔣全娘西安人夏顯七妻夫亡時年二十二子在襁褓值

元末兵亂備嘗艱險誓不改節洪武中旌其門

魏氏衢州人時文壁妻年二十二而夫亡子嵩尚在襁褓

魏育幼養姑誓不再適年七十餘志節如一吳紳陳敬宗皆以詩哀之

程氏衢州潘仲岳妻永樂間仲岳戍遼東解戍者見程色戲之程怒解戍者遂以軍政挾與偕行法不能阻程恐在途遭辱即入室自經死

何與適妻范氏衢州人年二十夫亡撫孤兒奉舅姑雖極貧窘終無二志正統間旌

董貴珍衢州人董士疇女年二十適勞載是未三月而載是卒服闋姑憐其少無子勸改適貴珍剪髮自誓姑不續文獻通考卷之五十六

復強孀居三十七年 詔旌之

吳質妻潘氏松陽人正統間宜平寇起避難橫山賊攻寨兵潰賊至欲脅以行潘不從抱子投崖而死

蔡儼妻包氏宣平人正統中鄉寇作亂包從舅姑避難東巖被執給賊曰我有金銀藏巖穴中當往取之賊以為然同至其所遂自投崖以死成化二年旌表

谷得與妻陳氏雁水人年二十景泰初鄉賊掠陳與隣婦同避難穴被執欲置之陳憤罵不從賊脅以白刃罵愈厲遂遇害賊去鄉人殮其體葬于小嶺

葉孔賓妻鄭氏青田人孔賓以父卒去官迎喪覆舟死鄭年二十三遺子十月矢心自守妾何氏年猶少鄭謂之

曰我守大家汝無子宜自擇也妾曰主母旣以節守妾當奉承以全其節何以出為相與同處年各八十餘時人謂之雙節

蔡氏諸暨人王琪妻元至正中張士誠陷諸暨蔡氏避之長寧鄉山中兵猝至有造紙鏹方沸遂投其中而死

潘氏妙圓山陰人徐允讓妻元末兵變允讓與潘氏奉其父安避山谷間遇寇斫安傷頸允讓大呼曰汝輩殺我勿殺吾父寇捨安殺讓將辱潘氏潘紿曰吾從必矣若能焚吾夫則吾無憾焉寇為聚薪焚其夫火方烈潘赴火死安始獲免洪武中旌為孝節之門

孟貞女名蘊諸暨人許嫁縣學生員蔣文易未婚文易死續文獻通考卷之五十六

貢入監為御史病卒蘊年纔二十聞喪號慟歸蔣執喪三年奉舅姑盡孝宣德中旌表

舒貞紹興諸仕俊妻年十八歸仕俊數月俊死于商其姑念貞年幼謀嫁貞以死自誓慕貞者乃重賂其父母私盟之貞知不免給父母治齋荐夫齋畢沐浴衣麻自經死

寶烈婦餘姚妻榮妾京師人榮判瑞縣護郡符時華林賊攻陷其城突入郡堂寶匿其符而榮未之知也賊竟虜寶以行去數里賊中有一郡民求歸賊許焉寶乃密語以符之所在俾歸以告榮再行見道傍有井給賊求飲遂投井以死

潘氏餘姚縣民任正妻夫死守節終身隆慶四年旌

張氏蕭山陳曙妻聘後陳貧不能娶父謀改嫁之張引刀

自刎母力奪得不死後歸陳未幾而夫亡張哭之哀未

三月卽自縊于寢所

孫氏蕭山人許聘葉氏未幾葉氏子病篤將不起孫卽潛

製歛具囑父母令納葉棺尋忽自盡時守浮梁戴珊躬

禮其家以旌異之

吳江妻李氏餘姚人舅與夫俱瘵死姑幸存有澄水黃姓

者謀娶之李誓死不從黃乃通其父詐稱母暴病迎李

歸省陰令肩輿者輿至黃氏及出輿則非母家姑亦徐

至李度不可脫乃從容請湯沐湯具求如廁久之不出

續文獻通考

卷之七十六

三

四十六

闕廁戶視之則已經矣

徐氏山陰包慎妻徐歸慎七年而慎死無子同邑右族欲

強娶之徐髡髮毀形以相拒既知不免竟自縊死時余

享妻朱氏享死朱年二十三無子享旣葬辭墓慟絕亦

投河死

馬德真山陰朱偉妻家病瘵舅與夫偕亡姑張氏亦病篤

德真艱難萬狀待姑疾少愈而母家欲奪其志德真斷

指爲誓屹不肯從及姑歿德真撫膺大慟明日死之

李氏蕭山徐舖繼室輔任晉江學訓導妻亡就彼娶李指

揮女未幾舖卒于官李年十九父憐其少戒勿隨行不

從百計懇留之乃求自盡父母縱之扶柩歸葬毀容荆

布訓子成立苦節至老事聞旌表

孫妙吉山陰農家女適同里吳善慶慶死尚艾無子邑人

有謀爲婚者乃厚貽其尊長令奪嫁之孫知有盟給以

供佛飯僧爲亡夫福始行既具齋乃沐浴更衣禮佛甚

恭頌之竟走夫墓縊死

徐氏鄭翰卿妻山陰儒家女嫁未逾月而翰卿遊山右十

年不返徐奉舅姑極敬順姑疾劇籲天自代疾果愈後

翰卿歸甫旬日病卒徐營塋畢遂絕粒七日死

季氏名添寧波人歸同邑許瑜瑜爲盜所害季抱幼兒從

舅氏董仲載走慈谿仲載欲再嫁之季泣訴欲歸自盡

仲載不敢復言後盜敗季歸治田廬養其孤從學爲名

續文獻通考

卷之七十六

三

四十六

士年七十卒

陳氏名真黃嚴程有德妻洪武間以軍生至京鎮撫陸林

見陳美欲污之不從百方脅之陳愈嚴厲遂被毆而死

夫訴于朝林以罪誅

盧津奴黃嚴趙叔民妻洪武中叔民被誣以黨卒于京明

年籍其家盧聞官軍至邑遂題詩壁上飲藥而絕

張瓊奴黃嚴人適徐宗谷宗谷爲仇人所害張負姑匿嚴

穴中間道達姻家既而遺娘生女幸妾生男張撫之若

已出明年仇以姑訴受顯戮張始還家招夫魂而墓之

誓死不二年五十四卒

林汝殷妻王氏黃嚴人生二十歸林未幾汝殷卒里人欲

娶之王斷髮以死自誓其父母防之且勸之力王伴許  
既而防者少懈乃陰囑侍婢分其嫁時服一歸其母一  
予其妹一以爲殯殮之具遂自經死

陳氏名小奴臨海人適王三狗一日其夫爲虎所攫卽攘  
奮悲號而往虎驚駭舍之去負夫以還夫死未幾有欲  
納爲妾者陳不從乃強致聘物促迫以歸陳度不免亟  
走姜巖自投而死

劉文淑溫州人榮陽教諭黃應發妻應發死無子鞠其婢  
之子通誓不再適鬻垂老孝事甚謹舅卒撫通令就學  
得狂疾文淑慮黃氏絕祀急與婚配生于性通卒乃抱  
性育之就學成名後文淑臨終謂性曰我爲汝家婦不  
續文獻通考卷之七十七

幸三世短命今保汝成立吾可以下見汝祖矣

續文獻通考卷之七十七

皇明進士雲間王圻纂輯

節義考 節婦五

江西

舒氏四節靖安舒弘道妻王氏年二十八而寡子三長仲  
甫生子未一周而卒妻陳氏亦操志不二女長曰靖正  
適項坊張氏次曰靖貞適奉新鄭氏俱蚤寡無出矢志  
自持皆無愧于母

周玘妻吳氏玘邑庠生早卒殮畢吳自縊死遂合葬

熊氏名譽奴豐城人余繼妻年二十一歸繼繼疾度不能  
起語以備後事熊出篋中衣對繼紉定每襲爲二泣且  
續文獻通考卷之七十七

謂曰卽有不幸吾當服之以俱死不能獨生繼卒熊視  
殮畢聞家人議舉棺焚化卽衣所紉衣期赴火家人察  
其意防之少懈卽自縊與繼同日合葬于施家園

胡氏奉新李瓚妻瓚早卒遺二孤長浹甫三歲次中尚在  
懷時有欲奪其志者胡守益厲三十九年始終無玷華  
林賊亂嘗迫于寇投懸崖不死人謂天佑完節云正德  
十年旌表

洪氏南昌人張士琦繼室年十七歸張越二載而寡居夫  
志不二撫夫前妻子源得有成立貞白之操如一日  
朝廷特加旌表

張文娥新建人指揮使方印妻梧州知府張元春女正德

庚午印督兵討桃源劇盜死之張聞計號曰吾夫以死報國吾何難以死報夫一慟遂絕救之得甦有娠默禱曰姑俟之生男吾與俱生生女吾與俱死踰月生子恩值家徒壁立惟紡績事姑以終天年嘉靖間旌表後以子貴封太淑人贈太夫人

陳氏豐城人誼姪妻姪為江州巡司掾流寇掠其境姪被執陳氏同女壽華俱美色賊欲污之遂殺姪陳指賊罵罵賊怒又殺之壽華哭抱二屍以血塗面籲天而呼復厲聲以罵賊又殺之有司奇其節聞之旌表

張氏奉新人余陽妻年二十二時華林賊衝入縣境張以少艾被虜前去至後坪旅店衆欲污之張憤罵曰有死

續文獻通考卷之七十七

而已決不受賊奴辱罵不絕口賊斬之

江氏奉新易功廉妻被華林賊執欲污之江堅不從且叱罵之賊怒斷其首

楊氏新建謝聰妻年二十聰卒誓不再適立姪廷和為嗣娶媳方氏生孫天胤和亦早卒胤長娶鄧氏未幾胤又早卒遺腹生子彥正嘉靖丙辰楊年七十而終事聞旌表

秦氏鄧氏新建人共事夫胡進秦其妻而鄧其妾也鄧生子綱甫二歲而進卒二氏俱少誓不再適共撫一孤嘉靖二十四年歲大饑撫臺令民納穀賑濟者表揚義名綱納穀二千石辭義名而願表揚其二母撫臺嚴其實

旌以雙節孝義二扁仍上其事 詔旌表之

孫氏新建金日榮妻年二十二榮故長子應輝三歲次應隆甫八月孫勵志守節貧苦萬狀為人績紉以教其孫孫名銑第進士官知府嘉靖三十六年旌表

徐氏豐城人部憲祚繼室又張氏李氏俱副室也俱芳齡徐氏事姑以孝聞嘗從棋北上抵河西忽棋墜舟徐躍出便中亦項抱以出棋逝奉觀沂長沙風烈舟顛危甚徐哀哭籲天舟乃定李無出張嗣孩提或有以他意諷之者徐曰婦人夫死稱未亡人無再醮禮守適各惟所志張與李泣曰烈女無二肯憚一死辱大人于地下茹苦服緇共撫其孤事聞旌表

續文獻通考卷之七十七

三

何氏進賢胡煌妻正德六年寇至姑老疾艱于行何負之踰牆避焉姑尋以驚卒冬寇復至家人逃匿何泣守姑柩不去遂被執以行至苦腸坡曰此死所也胡不遂殺我遂罵不絕口投入坡死次日夫往收其屍儼然若生人咸哀之

樊鳳英南昌樊昱女聘新建石頭萬尚弘未婚弘病女不寢食計至女痛哭亟召母曰吾欲歸治萬郎喪母曰父歸乃遣若女痛不能禁即登樓自縊後合葬焉旌之徐氏南昌庠生萬文式妻式亡徐年二十七撫一孤亡立一嗣又亡再立一嗣不肖蕩覆家產殆盡全無怨悔守節終身表其門曰貞節



陳氏樂平人徐德安妻年二十夫病革曰汝年少無子我

死汝更善事他人陳泣曰既為君婦尚忍事二姓乎即

割耳剪髮為誓夫死納之棺中終身不改節 本朝旌

表

鄭氏浮梁人金添麟妻舅姑與夫繼歿又遭兵亂鄭終無

二心洪武乙亥旌表

戴氏鄧謙妻謙會試罹火災戴哀毀踰禮守節自終永樂

間旌表

齊氏曹旺七之妻餘干人正德間盜猝至曹氏室齊走匿

草莽中賊搜得曳之去齊哭且罵沿途援竹木不行抱

樹大罵求死賊刺之仆地而絕夫收其屍創痕不漬血

續文獻通考

卷之七十七

四

四

怒氣勃勃如生章昂傳其事

吳氏蔡梁妻正德間盜起梁被創垂死屢目吳意以吳年

若貌必有奪其志者吳知之以爪碎其容又斷二指納

棺中後母家欲他適遂不食而死

張氏樂平人董璵妻年二十六夫歿以節自勵正德三年

姚盜猖獗母懼其為盜所污陰遣其子諷之改嫁以圖

自全張泣曰從一而終婦人之義麾去之一夕忽自經

劉氏安仁人李介妻正德九年寇至介家擁之以行劉憤

罵曰為婦人而辱于賊生何以見夫歿何以見祖宗于

地下乃投于池中賊竟殺之

翁氏廣信之永豐人周德成妻年二十五夫卒撫幼奉姑

守節又玉山葉德彰妻王氏夫早亡守節洪武間俱受

旌

徐氏 永豐人傅彥恭妻年二十六夫亡無子以姪為嗣

生孫姪又亡撫孫守志始終一節 永樂間旌表

劉氏永豐人鄭友東妻友東出戌早亡鄭年二十五子甫

周且兵亂公姑為仇家所殺以禮葬之守節無玷永樂

間旌表

鄭氏雙節俱上饒人祝氏名臨歸孔貫年二十六而孔貫

亡劉氏名錦雲歸貫子麟年二十九而麟亡姑婦相繼

守節完壁以終都穆為作雙節傳

劉氏上饒汪芳妻芳病瘋癡謀更遣之劉泣曰夫貧且疾

續文獻通考

卷之七十七

五

五

妾命也敢不以死從備紡績以給朝夕正德庚午桃源

賊至劉護芳不忍去賊欲辱之不從斬芳首以脅之劉

罵聲益厲遂遇害

團氏上饒鄭贊妻桃源賊至團度難兼免使夫昇其姑先

走自縊于從之不及被執賊欲污之給求緩乃并其子

張氏鉛山費珣妻珣領鄉薦未第卒張剪髮入殮髮居三

十餘年節操如一旌表

鍾氏浙江上虞人玉山知縣孫景雲妻弘治十五年景雲

卒于官鍾哀慟迫切自縊以從是學邵寶立亭以紀其

事

祝氏端山傳周妻傳終祝年二十六姑議改嫁祝泣辭  
甚極意欲奪之聘至祝伴爲閉門檢飭狀竟赴河邊  
抱石而死是秋大旱知縣張昂禱不應乃集耆老問故  
有以祝氏節義告者昂卽具牲醴爲文親詣死所奠之  
是夕大雨祝之死節處水深莫測後湧成洲俗呼爲節  
婦洲

蔣氏名善鉛山人適弋陽蘇榮年二十八夫亡撫孤守節  
事聞旌之

虞氏弋陽人李元順妻正德壬申流賊剽掠元順挈家以  
逃賊勢迫虞度難免拔簪遺夫曰吾分死矣決不受辱  
子爲全母計耳果被執且哭且罵聲益厲賊殺之

續文獻通考卷之七十七

六

京

危氏貴溪聞一貫妻正德壬申桃源賊剽掠危度難免顧  
謂夫曰禍迫矣夫全老祖我負二子且逃後爲賊所執  
出首飾祈免賊取之復逼以去危罵曰吾儒家婦豈爲  
狗彘從耶賊殺其幼子脅之奮罵愈厲遂遇害事聞旌  
表

李氏弋陽人黃觀妻年二十夫喪守節有司奏請旌表

鄭氏彭澤人鄭英長女年十八嫁同邑民畢彥昇三月而  
夫亡遺腹生子仲遠鄭養老撫幼紡績爲家竟以壽終  
洪武中旌表

董氏南昌人董和用女適德化民魏輔甫四載生男魏宏  
中夫故董氏守節奉舅姑始終無玷永樂中旌表

周氏名端秀湖口人張仲偉妻年十九傾于張生子德潤  
周歲而偉亡舅姑憫其家貧子幼欲奪其志周曰寧爲  
張氏鬼不作他人妻孀居三十年水清玉潔鄉人稱之  
劉氏名玉蘭彭澤人年十八適同邑民計偉越五載夫亡  
哀痛殊切圖與俱死旣而翁舉夫喪劉泣告願少留乃  
移別室停之劉告鬼以居悲號傷心嘔血數升父母恐  
遷柩塋墓劉曰吾今得死期矣遂不解衰經七日不食  
而卒舉其屍見袖中所遺巾帨皆夫遺物

危氏南城人寧顏孫妻稟性貞節夫亡時年二十七誓不  
二志翁姑老而子幼危勤紡績以資之守節四十四年  
洪武二十四年旌表

續文獻通考卷之七十七

七

四〇五京

劉氏南城人張孺文妻孺文逝年二十六嫗戚憐其子幼  
家貧咸勸改適劉氏以不汚爲誓朝夕號泣喪明守節  
三十餘年正統三年旌表

劉氏廣昌人年十九適張世昌生二子俱亡世昌病二年  
不起劉侍湯藥不離左右世昌卒劉拔髮納于棺中誓  
不改節景泰三年旌表

劉氏廣昌人陳希妻夫亡劉年二十五甘貧守志誓不再  
適事聞旌表

聶氏廣昌人年十六配何本容生子三女一而容病聶買  
藥刲股救治極力及容卒伏尸以哭終身無玷景泰三  
年旌表

鄧氏南豐人年十九適傅志華閱九月而夫卒居喪守節  
事舅姑益謹父娶繼母悍戾譴逐諸子譚規諫憾之謀  
奪其志密聘鄉人戚姓者而譚不覺一日誘之歸見戚  
備粧具請期哭謂父曰夫死肉未寒何忍爲禽獸之行  
亟潛匿於樓之複壁累日不進水漿而死

揭氏廣昌人高宏妻宏以較藝卒建昌家僅歸其喪揭迎  
于邑之東門外哭拜畢遂自肩輿櫬如男子素歷者然  
旣殯朝夕哀哭屢絕而甦越月餘以鎖鑰納見袖中誘  
之出戶遂自縊死時年二十旌表

儲氏南豐人丘宏妻正德間流賊猝至宏方臥病自知不  
免赴水死儲隨之牽裳而溺

續文獻通考卷之七十七

人四四京

李氏廣昌人妻于黃正德辛未流賊破縣李出亡于牛鼻  
嘴賊執欲污之罵曰我儒家婦不幸被汝執欲殺即殺  
豈從汝耶賊復持其子劫之李亦不顧仆地求死賊遂  
刃之

何氏廣昌人魏寵妻年二十五喪夫居孀守節正德辛未  
流賊猝至家人各竄何不知所從乃攜幼孩走依母家  
途遇賊掠之行何義不受污大勵賊奪子而刃之何遂  
投水死

鄧氏名崇玉臨川人適章宗原甫再歲而宗原死室無期  
功親鄧往依父母踰月生子惠數攜歸故廬撫養成家  
洪武末旌表

劉氏名順慶吉水人元國史院編修劉楚奇女臨川饒伯  
振妻夫亡守節永樂間旌表

黃氏名季貞崇仁王仲高妻仲高以戶役死于郡黃年二  
十四父母欲嫁之黃曰使吾兄弟或亡其外父奪弟婦  
以嫁父豈欲乎寧忍饑寒以奉舅姑不可違禮父母知  
不可強從之正統間旌表

熊氏樂安丘咨疇妻夫故無子舅姑且沒哭曰妾不幸如  
此尚何用此生乃自縊以殉正統間同臨川聶同文妻  
胡氏旌表

許氏臨川進士何書女適宜黃李時傑傑死年十九守志  
不二天順初旌

續文獻通考卷之七十一

九

三八八五

貝克寬妻王氏崇仁人夫亡守節成化間旌

董氏名官貞樂安王表之妻年二十二夫卒歛畢即入室  
自經成化間旌

聶氏名妙真樂安人年十五納同邑王所聘未嫁而所亡  
計聞涕泣欲往弔父母不可聶曰兒雖未入王門然旣  
以身許之不可再離遂闔戶自經死以其喪歸王氏合  
葬焉成化中旌

郭氏崇仁李賢妻年十九歸于賢病足伏牀者三年旦暮  
侍湯藥久而彌謹比卒歛畢大慟曰妾望夫以終其身  
夫亡無子妾將焉托遂潛縊于後園之水尋受旌

萬氏崇仁羅元方妻夫亡守節弘治間旌

齊氏女同嫂李氏臨川人正德壬申盜突至其里姑嫂走避之至舍傍有湖盜追之將及二女相攜投湖而死

詹氏樂安洪立妻正德辛未流賊犯邑執詹與男去行至杏村井乃給賊求水密謂男曰記母在此井遂投之賊退收其屍面如生時同邑傅俞銘妻易氏詹從妻潘氏俱被執不從遇害

周氏撫州陳忠妻正德七年盜起忠率族入與戰不格潰走周被執自投于沼其伯母王氏楊氏婿張氏饒氏王氏女金玉俱溺水後皆旌表同邑李貫五妻張氏梁元一妻周氏梁伯一妻晏氏俱被執不屈遇害

沈氏新喻軍伯高妻年二十五夫亡或諷改適沈曰婦人續文獻通考卷之七十七

足不踐二庭此足一移三綱即淪吾知有童氏而已洪武間旌表

陳貞婦新淦人幼納庠生黃體堅聘堅謫吏金陵貽書娶陳父母欲易他女以往陳曰吾命也遂遣歸後體堅以里誤棄市累訴不得白徒步收其屍殮而瘞之乃自經于柩側曾榮傳曰生以義歸死以節殉

張氏新喻阮尚德妻年十九夫亡或以無子勸其改嫁張曰吾夫無子吾夫之兄弟有子苟可繼嗣吾無他求

詔旌之  
蔡氏新喻廖益慶妻夫亡艱于自給或逼其嫁蔡曰妾聞餓死事小失節事大事聞立貞節坊

胡氏新喻張和積妻和積亡遂不御膏沐以未亡人自處立坊表之

丁氏新喻彭元鼎妻年二十一而夫亡所親欲奪其志丁曰夫臨終托吾養其母吾今去母孰與養天順間旌王氏新喻周達理妻年二十夫亡有強他適者王曰妾聞禮一與之離終身不改苦節壽終事聞旌表

廖氏羅氏新喻人廖為蕭嘉迪妻羅為蕭嘉聞妻廖年二十三羅年二十一迪聞繼亡同事舅姑清貞一心年皆八十餘卒成化間旌

嚴氏清江嚴孟端女適黃時訓年二十七而寡苦節弗渝成化間旌

簡氏名祥貞新喻簡啟女適鄒濟泰年二十一夫亡父母欲改嫁簡死誓不從服闋又私納采簡持刀哭于濟泰靈石斷二指誓不再適父母患之乃止成化間旌

彭氏新淦人年十七歸李厚載閱三載夫亡父母欲奪其志彭誓曰從一而終婦人之義遂以針刺眼一目紡績教孤弘治間旌

彭氏清江熊斐妻正德辛未華林賊入城彭被執義不屈死之提學李夢陽立石表其事後受旌

易氏清江縣學生鄧介妻正德乙亥盜入介室易奔出遇賊盡脫簪珥祈免賊執不貪欲污之易給與偕行賊不備至江赴水而沒賊追刃之

陳氏清江陳廷賢妻杜氏贊子德純妻華林賊至姑媳相  
攜奔李家塘賊搜入隣居欲污之相持愈力罵不絕口  
賊并刀之而投于水

邵氏臨江府城劉清徹妻年二十夫死撫孤守節正德間  
華林賊入城邵走匿孔家塘賊搜之登岸邵蒲伏水中  
堅不肯行賊怒殺之

熊氏劉清渭妻華林賊至清渭寢疾垂絕家人悉竄惟熊  
在旁賊掠其資擁之出戶乃抱幼子偽隨賊行至李隆  
德塘置子于涯自投水水淺不溺以泥汚面目且罵且  
拒賊殺之

翁氏劉淮妻華林賊至淮病不能興謂翁富避翁曰君或  
續文獻通考卷之七十七

不諱我獨以生何為乃盡其貲與賊賊猶搜至隣寺翁  
仆地不行遂遇害

胡貞女大學士胡廣女吉水人在姪時 太祖皇帝命與

大學士解縉子為壻越數月果生貞女名吉慶遂訂盟

未幾解氏被誣舉家戍遼諸父欲改適貞女以刀截耳  
家人救之血被兩頰因曰薄命之婦 皇上主之父面

承之一與之盟終身不改今背主違父何以生為越數  
年解氏蒙宥胡歸解氏終以孝聞

楊節婦泰和州部主事楊相妻年十九相亡撫子養姑守  
節終身正統間旌表

曾氏三節泰和人進士曾思文妻楊氏年二十四思文卒

守節撫孤嶽旣長為娶康氏生子洵時年二十四嶽卒  
守節如其姑有司請旌之 詔下而洵亦卒妻任氏  
人勸之嫁曰吾曾家無背夫婦人亦守節以終

鄧氏婦姓蕭吉水人編修鄧琛妻琛卒年二十二無子貞  
靜自閑勤紡績以終身卒年八十餘天順間旌

劉氏三節婦孫氏文貞廬陵劉燧妻年十八守節胡氏滿  
貞歸燧之兄澹年二十七守節胡氏寧貞歸澹之從弟  
澹年二十六守節皆旌表

羅節婦曾氏名溥秀永豐副使曾鼎女歸里人羅年二十  
三守節成化間旌

羅氏三節歐陽氏吉水人諱壽琅鵝田羅輶置妻置卒婦  
續文獻通考卷之七十七

年二十五長子篤溫方二歲次篤良尚在姪越四月而  
生氏撫二孤無他志溫長娶歐陽酉貞生于甫期而溫

亡良娶袁氏蘭秀生子五歲而良卒酉貞蘭秀相告曰  
姑為節婦我屬獨改節乎協力共守姑年六十卒蘭年

五十五卒酉貞年幾九十卒

王氏素英吉水生員周必登妻王氏年十九歸必登弘治  
七年必登以疾卒王氏誓與同死不食數日母死歸吊

一日語弟曰我死屍還周氏弟方出忽以無疾終弟如  
其言還屍于周里人莫不慟之

胡氏坤秀萬安周賢佐妻庚午之亂貞婦出走賊追急度  
不能免乃跪坐于地賊驅之起行曰不能行指與使乘

之曰不能乘賊怒以刀叱之遂伏地而死死頗慘酷行  
遺傷之

蕭氏高安張榮一妻年二十七孀居誓不他適正德初爲  
華林賊所執且罵曰我誓不爲賊狗辱乃斬之數斷事  
聞旌表

劉節婦江氏新昌人劉習恭妻夫死江年甚少乃撫遺腹  
子守節終身正德間旌表

敖氏萬載人張鼎實妻元末舅姑及夫俱歿于寇敖年二  
十餘無子撫兄子爲嗣撫訓成立洪武中旌表

楊節婦周氏宜春人年十九歸楊伯憲未幾伯憲以同知  
蔚州卒于官周護喪歸葬撫遺腹子成立年八十三卒

續文獻通考

卷之七十七

正統初旌表

蕭氏宜春人適庠生劉顯順早卒蕭年二十五矢志守節  
撫二孤成立弘治間旌表

歐陽節婦鄧氏安福人父授湖廣僉憲鄧年十九歸府庠  
生分宜歐陽鳳鳳沒無子守節自矢弘治間旌

袁氏鄆都人李崇仁妻年二十適仁明年夫故遺腹生子  
時姑年八十苦節奉養洪武中旌表

陳氏寧都人國器妻少戩守節矢不二心後值寇亂子死  
育幼孫人後成立年九十餘受旌賜粟帛

謝氏賴縣人年二十九夫亡遺腹生子舅姑衰老  
躬織以養續書畫撫孤成立洪武中旌表

歐陽氏賴縣劉德潤妻年二十餘夫亡遺一子玉輝先是  
玉輝曾祖母廖祖母蕭相繼歿居至歐陽氏三世清節  
危後先一轍歐陽孝慈尤著洪武末旌表稱三節世  
家

劉氏賴縣朱宗文妻二十八孀居撫遺孤顯後顯領鄉薦  
授石城訓導亦遵母訓稱職永樂中旌表

管氏寧都吳九暉妻年十五適暉未甚而卒得遺腹子秉  
性矢心不二善養其姑弘治庚戌旌表

葉氏信豐人黃信義妻年二十五夫亡無子孀居砥節年  
七十七旌表

李氏大庾人劉繼妻繼卒李方十九誓不他適所親憐其  
續文獻通考

卷之七十七

五

言五九京

少諷之李泣曰吾夫爲官族子苟有二志辱門多矣弘  
治改元照例給綿壽終八十九

山西

張氏崞縣陳光先妻夫亡守節以壽終隆慶三年旌

馮氏陽曲人董三漢妻年二十一夫亡守節三十餘年宣  
德五年旌族人各榮者妻郝氏年二十二而寡與馮齊  
節並受旌表

朱氏陽曲人胡源妻夫亡朱年二十一奉姑撫幼守節二  
十五年正統六年旌

趙四女夏縣民李汝聘爲妻未婚而汝死女誓以死守隆  
慶三年旌

梁氏石州人適阮福克州學生卒時梁年二十慟哀不已  
是夜自縊與夫同柳而葬旌為貞節之門

孫氏五臺人陳紀妻夫亡孫年二十四能以節自勵孀居  
五十餘年無玷成化初旌

焦氏長治縣民李曉妻曉亡不嫁終身無玷隆慶三年旌

李氏臨汾張妻晨為乾州學正卒時閨中兵起道梗不  
能還子文璠甫九歲李紡績度日兵稍息遂與子負骸

骨歸葬守志不易永樂初旌

蕭伯政平陵人女年十九適舉人姜未幾姜卒子一歲  
孀居四十餘年貞潔不玷永樂八年旌

張氏吉州人張頤女年十九適郝銘甫三歲銘卒守節五  
續文獻通考卷之七十七

十餘年正統十二年旌

崔參妻信氏聞喜人年二十三夫亡舅姑令再適信弗從  
守節五十六年始終無玷天順間旌

胡氏洪洞人胡復中女年十六適續慧閨六載夫亡胡年  
二十三矢志紡績貞節不渝成化二年旌

朱氏解州李孟冬妻夫亡守節隆慶三年旌

劉氏靈丘人張文德妻年二十五夫亡子政賢甫一歲劉  
矢志守節撫子有立洪武十八年旌

楊氏大同左衛指揮使范安妾居常克敦婦道宣德中夫  
陣亡楊即自縊以殉家人止之不從竟辭死詔贈

淑人

陳氏聞喜縣民張文定妻夫亡守節無議隆慶四年旌

柳氏蔚州人王福海妻夫亡柳年二十七子二歲守節不  
玷天順初旌

焦氏大同人齊景才妻年二十四夫亡子幼守節不渝成  
化六年旌

程氏壺關人王觀妻年十九夫亡遺一子甫期程居喪三  
年悲號幾絕者數四終身守節洪武末旌

朱氏潞城人史廣妻廣卒朱年十七子二歲以節自矢終  
身不玷成化五年旌

周氏應州山陰縣民朱積妻積亡周氏誓不再適隆慶四  
年旌

續文獻通考卷之七十七

七十一

靳積妻王氏黎城人年二十夫亡守節終身成化六年旌

陳氏汾州人郭世玉妻生子一歲陳年二十有一孀居七  
十餘年兩經大兵藏匿岩穴未嘗虧節國初特詔

旌之

張氏猗氏縣民任宏妻宏亡守節至老不渝隆慶五年旌

杜氏遼州人李聚妻年二十四夫卒守志峻潔洪武中旌

陳氏張澤妻遼州人年二十一夫亡事繼姑甚謹終始不  
渝節正統間旌

邢氏沁源人張承祖妻夫亡年二十五無子守志不再醮  
洪武初旌

党鳳妻張氏澤州人年二十三夫卒以節自矢養姑以孝



撫子有威景泰改元旌

武氏陵川人父母早喪依兄簡居貧邑人張旺為婿未婚  
旺代簡役病卒同行者函其骨歸武哭之哀既葬遂自  
縊正統間旌

山東

鄧瑜妻胡氏瑜濟南衛指揮同知洪武中將從征屬其妻

以盡節瑜竟歿于陣胡守節終身 詔旌表

訾氏禹城人楊天璽妻璽早歿訾矢節終身永樂間旌曰  
貞節

王敏妻周氏德州人夫卒自縊正統十年有司上其事

詔旌表

續文獻通考

卷之七十七

十八

三十四

京

劉氏歷城人王雲妻雲卒守節無虧子允為布政景泰三  
年旌表

盧氏齊東人張珮妻從夫戍京師生子昌二歲珮卒盧年

十八扶柩歸葬紡績事姑守節昌娶呂氏昌亦早卒呂

亦不再嫁成化十六年表曰雙節

馬聰妻司氏禹城人聰舉鄉試及卒司年二十二子魁方  
一歲司守節事舅姑盡孝魁後亦舉鄉試成化十七年  
旌表

殷氏濱州人李陵妻弘治九年夫疾篤願謂殷曰若之何  
殷以死自誓及夫卒夜半以孝帶自縊而死

馬氏陵縣人邢端妻端舉鄉試早卒馬守節子東亦舉鄉

試任知縣而卒婦張氏訓子有姑風旌曰雙節

孫氏齊城人陳策妻正德六年流賊入境策守東門拒敵  
死之孫收其屍悲號不食居數日自縊死合葬焉事聞  
旌之

范瑄妻李氏利津人夫卒守節事姑撫子繡舉進士正德  
中表曰苦節貞婦

王氏陽信人丁鑑妻鑑亡守節終身嘉靖七年旌表貞節

曾氏德州人張崇禮妻嘉靖間夫卒自縊因合葬焉

王氏鉅野人馬善經妻夫歿守節終身洪武十七年旌表

齊氏名淑賢山西代州人適寧陽許超超舉鄉試及卒無  
子齊守節終身景泰間旌表

續文獻通考

卷之七十七

十九

三十三

京

高氏武城人王俊妻天順三年夫卒與其妾蔣氏同縊死  
柩側三人同穴而葬旌曰雙烈

李繼妻王氏曹州人繼舉鄉試卒王為不食而死成化二

十年旌表

孫氏濟寧州人錢官保妻年十九夫歿于軍骸骨歸孫即

自縊正統十一年旌

趙氏名巧雲曹縣人郭憲妻夫卒守節正德六年流賊入  
其家欲污之趙曰吾孀居十八年矣今豈受污辱賊按

劍厲聲脅之終不從遇害事聞旌表

喬氏定陶縣生員孔彥弼妻彥弼病亡喬守節清白隆慶

三年旌

孔孝臣妻王氏由子人正德六年遇賊死節旌表

趙氏汝上人張鳳翥妻嘉靖五年夫疾語趙曰汝年少雖

有女不可恃以終身慎圖之趙未答夫方迷亂將絕趙

卽縊死頃之夫復蘇家人語故夫遂瞑目後合葬旌表

郝氏莘縣人祝大用妻夫早喪郝孀居終身如一日正統

十二年有司上其事旌曰貞節

崔氏莘縣人故顯妻顯早卒崔守節子山仕至提學副使

成化十二年旌表

孫氏恩縣人李資妻弘治元年夫卒孫觸牆而死旌表

侯氏館陶人郭維貞妻維貞早歿侯矢志自守撫訓其子

良後受旌表

續文獻通考卷之七十七

王三十九京

張氏博平人吳旻妻旻卒張守節養姑或勸其再適張一

勸幾絕于世長舉鄉試正德間旌表

李茂妻王氏堂邑人弘治間茂同吏焦讓輸稅京師讓誘

茂醉酣夜分殺之匿其屍王聞馳至京擊登聞鼓訴之

嘉靖四年旌表

鄒氏莒州人王政妻政亡無子養姪惟一爲嗣亦卒婦邊

氏事鄉守節終身洪武十七年兩旌之

趙氏蒙陰人宋文美妻孀居矢志自守終身無玷正統間

旌表

潘氏沂水人王經妻正德六年遇賊死節受旌

劉氏萊陽人董漢妻夫卒守節洪武二十一年旌表

楊芳妻孫氏萊陽人芳舉鄉試卒孫爲守節成化十年旌表

張氏寧海州人王祺妻麒令靖海及卒子軒甫三歲張守

節教其子軒後舉進士成化十四年旌表

畢氏文登人邢和妻和亡畢爲守節弘治十年事聞旌表

閻氏萊陽人曲溥妻正德六年賊入城執閻欲污之不屈

被鎗仆地已而聞夫被殺遂自縊旌表

葉氏蓬萊人衛琮妻夫喪葉以節自守嘉靖初有司具事

上聞旌之

王氏平度州人車勸妻勸爲青州總管卒王誓不再適子

文昇亦早卒婦陶氏守節如姑洪武三十二年旌表

續文獻通考卷之七十七

王四十五

王三妻李氏高密人王歿季爲守節正統八年旌曰貞節

李氏膠州人王山兒妻山兒早亡李守節天順間旌

趙錢兒膠州人劉倫妻正德六年流賊入其家值趙搗衣

奮椎擊賊會賊大至遂遇害旌表

劉氏維縣人靈山衛指揮劉奇女正德六年爲賊所執欲

犯之大罵觸石而死旌表

趙氏遼東大寧人名哇兒年二十夫蕭病劇謂哇兒曰我

死汝年少若之何哇兒曰君幸自寬脫不可諱妾不獨

生遂命匠製巨棺夫歿卽自縊同棺殮葬其同郡又有

趙雁兒妻安氏東萊妻張氏武寧妻劉氏宋敬先妻謝

氏並早寡以死從夫事聞悉命褒表

畢氏新城人夫翰林檢討王象節病故畢潛自縊西城御  
史奏聞豎坊旌表仍 賜御祭

河南

孫氏陽武人陳子英妻英充飛虎衛小旗洪武初從北征  
謂孫曰吾生死未可知幸有二弱息汝肯撫育乎孫曰  
君但盡忠報國吾母子弗煩憂也英果死于戰父母欲  
奪其志孫泣曰吾不忍背夫而生即欲自盡父母懼乃  
止矢志終其身

劉氏扶溝縣民張琬妻琬死劉守節終身隆慶三年旌

萬氏密縣人王佐妻佐疾亟顧萬氏曰我死後汝善事後  
人萬泣誓曰吾與汝同死豈能再緩須臾佐卒夜萬自

縊文獻通考

卷之七十七  
三十一 四百九

縊雙棺合葬洪武中旌

時氏祥符人魏安仁妻仁登進士卒時年二十三事舅姑  
至孝以女紅供養父母有遺之不受宣德中旌

于氏長葛人程黼妻黼任寧津知縣卒于官子顯在襁褓

于年二十六堅志守節顯娶王氏生子玘不踰歲顯亦

卒王年二十四家又貧或諷其他適王曰吾姑守節若

不能繼生無以見夫孀居數十年姑婦一節正統間旌

為雙節

高氏項城縣童生王大樂妻大樂未婚而卒高願以死守

隆慶元年旌

張針姑陳州人年十四許同郡孟七保未幾七保輸稅于

同村卒孟將之歸村父欲嫁之針姑曰既許孟氏  
今雖亡其母無所依願歸以養之父母重其義從之乃  
成姑請得孟母之尸還葬孟養姑終身姑卒以禮葬  
之立志愈堅年幾六旬受旌

馬氏西華縣民王泰妻夫死守節無玷隆慶元年旌

段門雙節儀封人段整妻魏氏二十三夫亡矢志自守三

子皆成立長子安亦早卒婦胡氏年十九守節如其姑

成化四年旌曰雙節

張二姐陳留縣民鄭瑁聘為妻未婚而瑁卒竟以死殉隆

慶三年旌

于氏儀封人李嵩妻嵩隨父任南京副都未至而卒于年

續文獻通考

卷之七十七  
三十一 四百九

十九郡公憐之欲改配于乃以死自誓居孀四十餘年

鄉里不識其面成化五年旌

吳氏封丘人庠生彭儀妻儀卒守志不三載而姑亡子死

其母欲改適吳即更衣沐體潛行至夫墓以手扒墓側

土崩尺餘欲進不得飲泣淚竭血繼衣有痕漬自縊于

棠樹而死時仲冬棠復生花盛寒不隕人謂貞烈所致

成化中受旌

趙氏鄭州人李讓妻讓蚤逝遺腹生子名福舅姑欲奪其

志誓不再適成化六年受旌

鄭氏太康人年十六適人趙泰越一年趙役京師卒舅

姑欲奪其志趙泰妻誓曰生為趙氏婦死為趙氏鬼及

辛墓樹有雙鳩來巢成化庚寅受旌

王氏太康人王傑女贅郭浩為婿浩卒王年二十哀毀骨立遺子果幼後果與妻繼逝僅一孫王教之成立成化庚寅旌

李氏太康縣民劉謙妻謙死守節以壽終隆慶二年旌

裴氏陳州趙璧妻璧貢入監囑裴曰爾為我奉父母撫小兒未幾趙卒舅姑欲嫁之裴曰許夫以諾而不能信則狗彘不若終養舅姑成其子 詔旌之

張氏太康人晉高妻生女甫一歲嵩病革曰我死後寡守何如張痛哭不言私命匠人造大棺殮畢竟自縊合棺而葬旌之

續文獻通考 卷之七十七

三十九

京

李氏項城人趙二妻二病曰吾死後汝不宜守李泣曰夫死謂之未亡人若有異志他日何以相見于地下未幾遺腹生子曰妾不幸不得事夫今得撫孤成立不墜趙氏幸矣後受旌

許氏雙節裏城人兵部尚書許橫二女長淑貞贅盛全次淑英贅尉善盛尉俱早亡時長年二十三次年二十皆以死誓守旌曰許氏雙節

苗子榮妻張氏歸德人元末夫亡事姑撫幼歷兵變中以節自勵洪武中旌

曹氏歸德人張琮妻琮卒曹給匠曰夫嘗囑我作棺必寬大匠如其言是夕竟自縊合棺而葬景泰中旌

宋氏陝西咸寧人父暉知歸德州宋適歸德衛千戶趙琳琳卒宋年十九繼其子遜教之甚嚴事姑謹姑病疽宋日舐之竟愈成化初旌

黃氏睢州人張贊妻夫卒守節成化初旌

程氏睢陽衛人百戶姚通妻通以疾卒于京程自縊以殉成化初旌

石氏虞城人范俊妻俊舉鄉進士早卒石誓節撫孤子賢仕至順天通判成化七年旌

潘氏睢州人曹文道妻文道領鄉薦不第而卒于途喪至潘出已所服衣盡焚之自縊而死又州學生皇甫廸妻潘氏廸卒潘亦自縊俱成化二十二年旌表

續文獻通考 卷之七十七

三十九

京

丁氏虞城人吳曙妻夫死守節成化末旌表

楚氏睢州人御史高安妻安病卒楚泣引刀割其右耳誓不二志正德中旌

李氏睢州人王應妻應貢士卒李守節不二又考城盛訥妻李氏夫死守節正德十六年旌

閻氏鹿邑人李浩妻夫亡守節嘉靖初旌

孫氏鹿邑人夫卒自縊又史綸妻樊氏考城劉遵妻馮氏俱嘉靖二十年旌

范氏字蟾香歸德人郡二王聘妻輔疾范顧天願以身代及卒從容自縊于柩側遂同塋提學楊維聰扁曰貞節

蔡氏睢州人天祐孫女適湯希富富病革蔡自製新衣一

襲着之謂富曰萬一君不諱願永此偕行富曰如此吾  
瞑目矣及卒蔡自縊旌之

李氏寧陵人舉人黃嘉猷妻猷病卒李自縊恻嘉靖中  
旌

鄧氏惠汝賢妻張氏能威妻俱睢州人賀氏虞城人段鑑  
妻解氏寧陵人喬文光妻俱夫死自縊嘉靖二十二年  
同旌

張氏柘城縣生員翟思榮妻夫亡以死殉節隆慶五年旌  
為烈婦

孫氏考城人孫同之妻同死自縊嘉靖二十五年旌

談氏夏邑人曾泰妻又考城人董諧妻李氏俱夫死自縊  
續文獻通考卷之七十七

嘉靖二十六年旌

趙氏考城縣義官馮期魁妻夫故守節終身隆慶元年旌  
馬氏臨漳人王從義妻夫亡子二歲善養舅姑洪武十六  
年旌

高氏安陽人名巽陸鑰妻適不一載鑰任滄州學正以文  
忤時法當隕身高欲衽前曰夫之不幸妾之不幸夫死  
妻何適遂返室自縊遺子鶴齡甫五歲

郝氏磁州守禦所旗軍袁昇妻昇北征陣亡生男先卒舅  
姑欲嫁之郝以死自誓踰三十年不改成化十七年旌  
秦氏修武人汪彥深妻夫早逝誓不再離洪武二十八年  
旌

鄭氏溫縣人孟景妻年十七適景二十三夫亡二子俱幼

家貧甘于守節父母欲再適之乃截髮自誓躬勤績紡  
以養舅姑撫育二子守節四十九年天順庚辰旌

杜氏宜陽人陳忠妻年二十夫死遺腹子復禮杜誓死不  
嫁奉姑甚謹復禮舉孝弟任湖廣宣城縣知縣洪武十  
二年旌

屈氏靈寶人蘇六妻夫卒屈年二十二截髮矢志不嫁洪  
武末旌

李氏靈寶人呂材妻年二十二而夫卒孝養翁姑守節終  
身洪武末旌

孫氏永寧人趙三妻年二十三子甫三歲夫病劇孀孫曰  
續文獻通考卷之七十七

幼兒無可托者汝寧撫之令成立乎孫氏感其言誓死  
靡他孀居三十五年永樂初旌

牛氏洛陽人及笄父母贅偃師李保兒為壻未期夫歿牛  
奉柩歸誓不他適守志三十二年永樂四年旌

樊氏偃師人汪德深妻歸三年夫亡生一子駒兒樊誓不  
二志壬辰兵亂樊偕舅姑居山西之潞州紡績以養洪  
武三年還教子成立正統四年旌

劉氏宜陽人馬瓊妻年二十一夫亡守節始終不渝正統  
八年旌

馬氏宜陽人蔡致中妻歸四載夫亡甘貧守節不二正統  
八年旌

陳氏孟津人劉安妻年二十一夫亡生子三歲守節終身  
化二年旌

孫氏孟津縣生員李濟妻濟疾歿孫誓死守節隆慶  
三年旌

匡氏雒陽人董雄妻生二子長威方四歲次武甫半週雄  
病篤曰吾死若肯善撫二子乎不則任所適匡泣曰生  
則同室死則同穴矧有子可恃安敢有他雄沒匡守節  
二孤亦克成立成化九年旌

高氏五節婦俱固始人高希鳳妻劉氏希鳳在遼東與劉  
俱被掠希鳳死劉被虜罵不絕口被殺仲弟葉師奴妻  
李氏早寡移子姪避亂高麗 本朝初復挈家歸守夫

續文獻通考

卷之七十七

天

京

鄭氏羅山人元平章政事李思齊妾元末汝穎兵起思齊  
率兵復郡縣授汝寧知府 天兵至即內附授江西右  
丞陞中書卒鄭氏自經死事聞追贈淑人謚曰貞烈

范氏汝陽縣民莊十一妻夫亡范年二十七舅姑老子幼  
家貧所親勸之他適遂截髮自誓年八十受旌

周氏固始縣夏維舜聘為妻未婚而維舜死竟以死殉隆  
慶三年旌

李氏上蔡人吳景和妻和疾李每夜拜北辰願以身代和

卒極力營葬遺腹生子呼天矢曰不幸夫逝今幸有子  
吳氏宗祀可托矣守節終身事聞旌表

沈氏光州人郝昂妻夫亡沈年十九生男文宿甫一歲鄉  
人憐其年少子幼勸其改適沈焚香額天斷左手一指  
誓不再醮四十七年始終一節受旌

袁氏汝州醫士馬元吉妻永樂初元吉卒于京師袁攜幼  
子負骨歸葬養舅姑以天年終子亦成立守節四十餘  
年正統間旌

陝西

李氏延安衛生員張世勛妻世勛蚤故李誓不再適隆慶  
元年旌

續文獻通考

卷之七十七

十九

三百六十三京

殷氏 本朝寧夏衛軍餘胡勗妻年十六適勗勗得風疾  
殷每夕祝天求以身代疾革語曰歿後幸無他適殷曰  
諾夫歿之夕自縊極前事聞旌表

王氏涇陽縣民任盡孝妻夫死守節隆慶元年旌

李寡婦寧夏人李承恩叛勾引達酋著力免助惡括城中  
美婦獻之寡婦罵賊不從子母五口悉自縊

王氏高陵縣民蕭憲妻憲亡王矢志不二憲子生員韶亦  
早卒妻高氏同姑守節隆慶三年春上聞旌為一門雙  
節婦

張氏階州文縣監生李含章妻陳氏生員李含美妻高氏  
係含章子生員李恒妻一家三婦守節不渝隆慶三年

旌爲一門三節

景氏邠州民池鳳鳴妻鳳鳴疾卒景氏矢志不貳以壽終

隆慶四年旌

謝氏平虜堡家丁孫時順妻賊亂死節萬曆二十一年立表烈祠以旌之

續文獻通考卷之七十七終

續文獻通考

卷之七十七

三

八十二

續文獻通考卷之七十八

皇明進士雲間王圻纂輯

節義考 節婦六

湖廣

馮氏梅福妻江夏人年二十八福歿于兵爲力貧孝養舅姑守節洪武中旌

陳氏曾養吾妻江夏人夫歿于兵陳守節孝事舅姑洪武中旌

任氏李仲富妻嘉魚人二十夫亡守節終身洪武中旌

張氏陳得顯妻江夏人年二十七顯卒一子幼張勤儉治家養姑宣德中旌

馮氏蔡洙妻武昌人洙以明經授廬陵主簿卒于官馮年二十九抱孤扶櫬歸葬斷髮自誓苦節四十餘年有司以聞正統中旌

朱氏郭英妻武昌護衛人年二十五守節終身成化中旌

楊氏丘達妻江夏人達爲諸生天亡楊守節三十五年成化中旌

康氏陳王妻武昌護衛人夫亡年少撫幼子力貧守節年八十五成化中旌

吳氏劉思中妻江夏人年二十三守節成化中旌

彭氏陳志妻武昌衛人志任千戶彭年十八歸甫數月志卒遺腹生子世其官成化中旌



郭氏陳鑑妻江夏人鑑爲諸生死時郭年二十六正德中旌

寧氏吳傑妻江夏人年二十傑卒寧號泣幾絕母戚欲奪其志寧刺面自垢持節五十七年正德中旌

易氏周子倫妻武昌人倫爲諸生卒易年十九正德中旌

趙氏謝存憲妻浦圻人趙年二十五憲卒撫孤三誥又卒

趙借簪婦龔氏紡績甘貧誓死守節嘉靖中旌

陳氏劉壽遲妻興國人遲亡無子遺兩妾陳禮嫁之苦節四十餘年知州戴大理以聞旌之

馮氏江夏人危景福妻適景福年方穉事舅姑孝敬二十五歲夫卒馮撫孤鳳翔成立未幾而鳳翔亦卒馮貧苦

續文獻通考卷之七十八 三十四

無依孫昂甫二歲馮又撫之孀居六十餘年壽九十一

萬曆三年奉聞旌表

廖氏漢陽人年十三嫁鄭必直越三年而必直卒姑哀其無子而少寡欲更嫁之廖剪髮誓不嫁奉姑至老不衰

洪武中旌

龔氏馮天慶妻漢川人夫卒年十五子方歲餘家貧紡績

養姑撫孤成立洪武中旌

黃氏李貞妻漢陽人貞卒黃年二十八家貧極力盡孝以事舅姑遺子暹就學發身科目孀居四十三年景泰中旌

周氏李純妻漢陽人夫亡年甚少事姑盡孝殯葬以禮教

子烈歷官府同知守節五十餘年成化中旌

王氏馬把攬妻沔陽人年二十五夫亡力貧守節永樂中旌

任氏吳景妻沔陽人景卒任年二十有五誓以死守躬自訓子欽十年不出戶姑病痿痺抱持左右寢處必偕每夜焚香籲天願以身代姑歿竟絕葷蔬食比葬得二白鬼人以爲孝感弘治中旌

熊氏袁子傑妻沔陽人年二十四孀居至老一節弘治中旌

高氏吳紋妻沔陽人紋卒無子高守節四十餘年正德中旌

續文獻通考卷之七十八 三百四

曹氏盧友傑妻當陽人弘治十六年夫卒守節嘉靖二十年旌

胡氏唐與言妻京山人與言爲邑諸生胡歸一歲而卒無子守節四十餘年嘉靖中旌

何氏景陵人夫亡守節隆慶二年知縣萬梁以聞旌之

王氏李謙妻均州人謙爲諸生卒王年二十守節成化中旌

潘氏曹文妻襄陽人文爲諸生死時潘年二十五無子守節受旌

張氏孫通妻襄陽護衛人孀時年二十五受旌

胡氏劉鐸妻襄陽人鐸任百戶立時胡年十九養姑撫遺

誓死不變以貞白終受旌

陳氏黎仕溫妻上津人年二十八溫卒段以死守孀居四十餘年成化中旌

許氏劉顯清妻保康人十九顯清溺水死許尋骸骨不獲尋亦赴水死成化中旌

王氏太學生鄧仁妻鄭人仁卒王年二十八矢志守節孀居五十餘年隆慶元年旌

尤氏楊仁妻竹山人年二十夫亡甚貧矢志撫男楊順高成立娶媳鄭氏生孫男楊璽順高亦故鄭氏亦隨姑守節萬曆元年旌

楊氏陳政三妻孝感人年十四適政三生男甫九歲翁姑續文獻通考卷之七十八 四百七十五

夫相繼歿楊年二十六家極貧變衣物以置棺衾竟裹大事撫孤成立始終守節不二正統中有司上其事

詔旌表之

劉氏朱昱妻隨人昱早卒道腹生一子劉守志撫孤成立成化中旌

江氏周伏受妻孝感人伏受家漢陽比卒楚藩人林寬令魏富聘為妾江冒富甚厲寬遺悅巾江乃整衣折簪

走哭夫墓沉漳河死撫都朱廷聲御史張祿嘉其節知府劉本用取兩骸同棺葬之表曰江節婦墓

黎氏張璠妻孝感人璠國子生喪時黎年二十六家貧慈饑訓子守節正德中旌

彭氏王鸞妻雲夢人撫孤矢志不渝正德中旌

周氏楊琬妻應城人無子苦節終身嘉靖中旌

章氏朱璵妻隨人璵為諸生死時章年甚少守節不二嘉靖中旌

王氏張楚妻孝感人楚英為都御史璵之孫卒而家貧王孀居惟女工自給恒日絕炊子或出負耻乞鄰火第

掩門卧嘉靖中旌

趙氏翟軾妻德安所千戶趙威女軾卒時年二十一無子依母居性純靜寡言笑不踰閭閻即女夫不得面年踰六十病家人勸視脉曰吾手平生未嘗近人不樂卒嘉靖

中旌

續文獻通考卷之七十八 五 三百八十五

方氏劉廷相妻孝感人家於郡年二十五廷相死貧不能振二子伯生伯燮未成童苦節教之隆慶中旌

魏氏熊谷貞妻黃岡人夫亡一子在襁褓而貧依父母織

衽自給年踰八十以節終洪武中旌

王氏甘原禮妻蘄水人年二十四歸甘甫二年禮卒孀居

二十三年洪武中旌

朱氏徐宗妻廣濟人年二十守節不移洪武中旌

張氏劉漢妻麻城人漢任商水知縣流賊至城陷張同女

鸞山縊死正統中旌

戚氏鄧鑑妻黃陂人鑑任光祿署丞以土木之難殺于陣

咸年二十七矢節撫孤瓊後以恩錄仕爲裕州守盛年九十餘卒有司旌表之

張氏何儀妻廣濟人守節無玷正統中旌

盧氏劉鵬妻黃岡人夫卒痛哭嘔血遂自經死嘉靖中旌

劉氏靳水人馬廷實妻廷實儒生貧甚劉紡績奉姑年甫

二十廷實死遺孤溺死孫甫三週劉同媳潘氏撫之以

主祀事萬曆中旌

杜氏王善妻江陵人夫卒生子倫甫二歲姑以年少家貧

密勸之嫁杜曰夫以老母孤兒托我所不死者以此耳

遂痛哭以死自誓姑年八十卒以禮歛葬教子成立孀

居四十餘年正統中旌

續文獻通考卷之七十八

六

三百九十一

姚氏張原泰妻石首人守節不渝姑病目眇之愈比姑歿

工女事以給殯塋三年不食肉正統中旌

魏氏周鑄妻石首人鑄卒魏年二十四家貧誓守四十餘

年景泰中旌

尹氏張蘭妻石首人蘭爲太學生卒尹年二十五姑老子

幼家貧尹躬勤紡績以給衣食養姑九十而卒教子讀

書孀居五十餘年天順中旌

于氏沈彥清妻江陵人清卒于年二十八而貧養姑撫子

守節四十餘年成化中旌

楊氏何清妻枝江人清爲太學生卒楊年二十四子存中

時在襁褓楊撫孤孀節至九十嘉靖中旌

翁氏周通妻江陵人通卒斷髮守節以死自誓嘉靖中旌

汪寶妻張氏冷銜妻鄧氏俱安遠人二節婦俱嘉靖二十

二年知縣田時雍奏聞旌表

董氏周宗義妻石首人宗義卒董年二十八生子尚尚在

懷乳中以死自誓紡績養舅姑教子讀書成名事聞旌

表

劉氏周懋妻公安人年二十四夫卒誓不再醮撫遺孤文

昌貢人太學劉守節垂三十年有司表旌之

駱氏余鳳儀妻宜都人年二十八鳳儀卒無嗣鄉人勸之

更適拔刀自剄而止日勤紡績以養翁姑年六十有司

表旌之

續文獻通考卷之七十八

七

三百九十六

藍氏黎受三妻巴陵人適黎未幾天卒無子依弟榮誓不

再嫁孀居五十年洪武中旌

程氏王谷樹妻澧人夫病篤割股啖之夫遺命適人程剪

髮誓無他終身足不踰閭洪武中旌

凌氏吳伏顯妻平江人永樂中以節旌

易氏方志通妻巴陵人年二十而寡力貧養姑姑疾篤易

氏籲天求以身代病瘥奉養惟謹孀居四十餘年成化

中旌

黎氏毛瑤妻華容人適毛甫二載夫卒誓無他志教子向

學規度肅然成化中旌

張氏陳學明妻巴陵人年二十而寡無子或勸其改節張

義不從以兄之子爲後辛勤撫養居孀五十餘年成

化中旌

方氏梅紀妻臨湘人年二十三而寡杜門却掃矢志不渝

成化中旌

黃氏余勝妻臨湘人二十二而寡撫孤守節始終如一成

化中旌

李氏謝紀妻巴陵人年二十四夫亡日夜慟哭不輟屢死

復甦遺腹生子梅鞠育成立皓首一節成化中旌

陳氏朱宣妻岳州衛人宣任指揮死于陣陳年二十二孀

居四十餘年弘治中旌

靳水烈婦陳氏甫十四適鐵匠周世文姑寡贅夫蔡鳳鳴

續文獻通考卷之七十八

八

四百

旁又通於僧嗔婦不肯已令鳳鳴及僧百計誘之而身

作威力搖撼不已鳳鳴遂強持婦婦力拒堅不從歸以

語其父東陽冀助已父反謂當從其家俗于是自誓必

死謂太姑曰兒不能爲狗彘必死太姑慰諭給以不死

是夜竟自縊死七日姑暴死鳳鳴避走英山中不踰月

亦死始婦死鄰黨喧傳觀者如市無不揮涕烈日中面

色如生者儒謝朝宣皮子恕摘文祭奠而何文興進士

爲作傳時萬曆壬辰也

袁氏五開衛舍人王言妻言十四歲聘袁未婚以父指揮

戴侵用官銀亡命言坐繫獄二十年袁誓不再適有司

憐其節縱言成婚復繫言瘐死獄中袁守節終身陰履

四年旌

周氏王昇妻岳州衛人昇任千戶死于兵周哀之幾殞而

魁杜門守節弘治中旌

徐氏李信妻岳州衛人年十七適信生一子英甫三歲信

調征靖州歿于戍所徐年二十四清苦自勵孝養其姑

弘治中旌

陳氏王萬爵妻平江人年二十餘夫亡無子陳厲節自守

孀居四十餘年嘉靖間旌

劉氏吳紀妻臨湘人年二十一夫亡矢志不再醮遺子植

撫子稍長遣令就學舉于鄉嘉靖三十六年旌

鄧氏梁尚志妻邵陽人早寡姑以家貧欲奪其志鄧指天

續文獻通考卷之七十八

九

二百七十五

泣誓撫幼養姑終其身正統中旌

段氏劉陽陳忠妻年二十三夫亡誓不改節孀居三十六

年節行無瑕天順初旌

洪氏諸生龍天衢妻攸人年十七歸龍期年病故無子塋

夫之日即築墳夫側以死自誓隆慶間旌

羅氏諸生曹道妻益陽人年二十四而道亡羅誓不再適

守節五十餘年雖至親相見不踰閭閻萬曆元年旌表

鄒氏武岡人段思禮妻孀時年二十四撫子肅領鄉薦景

泰中旌

董氏邵陽人夏寅妻寅舉鄉試卒時董年二十無子妾劉

氏年十八遺腹生子同心撫之成立以壽終

楊氏武岡人李錄妻錄為諸生楊歸甫八月錄病額天割股比歿楊年十九矢心以守有司歲以官租贍之

王氏衡陽人朱衡妻宣德中衡舉進士卒于京王年二十五剪髮歛棺中誓死堅守

梁氏蔣志泰妻衡山人年二十適蔣生一子甫七月泰卒家貧守節事姑盡禮天順初旌

張氏武陵人林德成妻夫亡斷指自誓守節宣德中旌

孫氏龍陽人史源齊妻年二十五而寡誓死守節宣德中旌

史氏龍陽人袁奎妻年二十二守節貧甚紡績奉姑撫幼成立成化中旌

續文獻通考卷之七十八  
梅氏龍陽人伍景妻梅十八適景明年景卒又明年姑舅俱亡梅父憐其少且貧欲改嫁之梅守節不變成化中旌

王氏龍陽人曾義妻年十九義卒遺腹三月生子撫孤厲節隆慶二年旌

廉氏諸生熊富秋妻龍陽人年二十秋卒廉甘貧矢志奉姑終餘年撫子成立隆慶中旌

張氏字妙真上元人辰州衛指揮舍人王泰妻泰未襲廕卒張年十九生子英始逾歲剪髮自誓事舅姑甚謹成化三年旌後子英以軍功累官至都指揮使誥封夫人

陳氏張弘道妻沅人無子堅志守節洪武中旌

賈氏潘耀卿妻沅陵人為諸生正德中挈賈省父于南京至湖口卿卒賈即赴水女奴持之既見舅姑入室自縊以救免自是減食凡四十餘日絕食者累日竟自勿應天尹以事聞受旌

陳氏馬祥妻沅人夫亡時年十九子在襁褓有武臣以媒通欲娶之陳痛哭詬媒誓死無他志撫子成立嘉靖中旌

郝氏祁陽張伯通妻年十七歸伯通不五載夫歿誓不再離其舅姑繼歿無伯叔子嗣依父家守節四十九年貞潔無瑕洪武十六年旌

尚氏零陵人鄧璉妻年十九璉故孀居六十四年絕無瑕續文獻通考卷之七十八

玷正德中旌表

成氏祁陽蔣克恭妻恭卒氏年二十三誓死守孤有司以聞旌之

曹氏東安林德賓妻年二十四夫故矢志撫孤踰九十嘉靖改元 賜采帛

向氏本朝靖州衛軍陳均保之妻年及笄歸陳不半年均保以疾卒向哀毀既殯恐父母奪其志遂自經事聞旌表

薛氏靖州衛武生蔣頴妻年二十二其夫領湖廣已邕科鄉試赴京溺死于途薛聞訃悲號竟日自經而死天順間旌

劉氏陳儁妻靖州人偶任指揮同知陣亡劉以節聞成化中旌

方氏王恣妻靖州人嘉靖八年方年二十五恣卒守節五十餘年隆慶六年旌

陶氏史斌妻靖州衛人年二十一夫亡守節被旌

陳氏黃流妻靖州人年二十一夫亡撫幼子以守節被旌

郴州

鄧氏桂陽朱守良妻弘治中有強賊毆執欲強凌之鄧呼天罵賊不屈而死

李氏興寧何冲平妻嘉靖中倭寇逼之罵賊見殺

文璋妻宋氏郴人年三十而寡撫子悅娶黃氏亦寡無子

續文獻通考卷之七十八

十二

三

家貧姑婦相守世稱雙節

周氏施州衛陳瀛妻陳爲監生卒周年二十二無子父母

不能奪以節終身

四川

蹇氏叙州慶符人王伯英妻洪武初夫死時年二十男姑

以其無子早寡欲嫁之蹇以死自誓守節終身旌曰貞

節

袁氏龍安人嚴庸妻事舅姑孝姑疾侍湯藥永樂間庸補

州學生因歸省墜與文棧道溺死表年十八亟趨夫溺

處尋屍不見大哭亦投水死兩月不得屍後漁人於沙

回頭河得二屍同處人以爲節義所感事聞旌爲貞烈

田氏楊讓妻播州人永樂間護固自北京卒于途田聞之哭泣不食極至自經死旌曰貞烈

福建

林以德妻長樂人姓王氏年二十三而孀養老姑守幼子

無二志後子亦夭婦戴氏同守節洪武中受旌

王氏福清人御史郝孟妻孟死于非命王自經以殉永樂

間旌

魯縉妻趙氏古田人縉卒趙不再醮姑病常刲股以療正

統間旌

楊和生妻王氏閩縣人和生卒王年二十八子永幼家窘

守志愈勵後永登進士拜御史王受旌

續文獻通考卷之七十八

十三

三

陳啓妻潘氏閩縣人年二十九啓卒勵志守節教子傳舉

進士爲刑科給事受旌

劉氏閩縣人李岳妻岳卒劉年二十八撫子成立終始一

節受旌

林濬妻黃氏閩縣人孀居二十九年孝事舅姑撫男女各

成立事聞旌表

許氏梅同安人本朝宣德中適宋隱山子夫得痼疾梅

奉之怡然夫死誓不二事姑愈孝父憐其少逼之他適

臨遣梅投水死

張氏高浦千戶原榮妻榮卒張年二十四姑與兄強之再

適陽諾之至夕自縊死

曾氏晉江人適莊允祥祥卒以死自誓育子成家受旌

朱氏泉州衛指揮僉事張盛妻歸一年而盛卒甫十七遺

腹六月生子昱奉事盛母及祖母俱紡績以供既卒躬

治三喪撫夫之三弟乃家益窘抱子昱依外祖蔣氏以

居外祖母欲奪其志朱竊入室自經家人覺而解之良

又方魁自是人不敢言後昱襲官朱垂老雖親戚罕見

其面事聞旌表

林氏晉江人適阮天從生子智宗三歲而阮卒家貧養姑

志益厲事聞旌之

續文獻通考卷之七十八

十四

四百〇八

莊氏南安人適黃欽祥五年祥卒莊恐人奪其志遂頭垢

面絕外事撫二子長厥初十九而天次厥仲娶陳生孫

密未踰月仲亦夭婦姑相依以守俱受旌

林氏安溪人適邑庠生詹進生子清方在襁褓而進卒遺

腹子源方五月矢志自守撫子源登第官副使受旌

蔡氏晉江人蔡虛齋妹適南安王逸逸總邑賦赴部没于

途蔡年二十五僅一子尚幼屏膏沐茹淡苦嫠居三十

餘年子成立且見諸孫受旌

徐妙善永寧衛人年十八適百戶梁福福以襲官卒于途

徐年二十一斷髮誓不再醮勤針指養祖姑王王殁殯

葬如禮守節五十年

許氏同安人生員洪伯大妻數年無子勸伯大娶妾陳生

二子伯大遭疾許水漿不入口數日泣誓曰君不起妾

寧獨生及卒許為歛畢收遺書付陳囑以善撫幼穉陳

初不覺許遂潛入卧內自縊而死

林氏惠安何伯瑾妻瑾死林二十四撫子公陽成立公陽

又死無子守至七十餘歲受旌

林氏惠安人湖州通判莊政繼室生一女而政卒林方二

十二撫前妻之子尤有恩及資送已女不與前妻女等

婦居四十餘年始終無玷

盛氏永春人顏兆榮妻嘉靖元年流賊掠境榮隨民兵禦

之盛携子女避安林為賊所獲不從遇害養女陳珠年

續文獻通考卷之七十八

十五

四百〇九

十五亦不受賊污賊殺之邑侯為殯葬

林氏浦城人張伯成妻年二十而寡孤幼弱遭世亂舅姑

繼没乃携子女依其兄十餘年洪武間始寧居紹復先

業年八十餘卒鄉人謂婦道毋儀無愧古人

劉氏建陽人年十八適熊剛中逾年中卒以死自誓求夫

之猶子為後洪武中旌

朱氏建陽人文公七世孫女適劉潭生子三歲潭卒矢心

不二有司奏乞旌異

章氏建安人魏壽孫之妻年二十八夫亡生一子守志四

十餘年宣德間旌

黃氏崇安人鄧文燦妻年二十八燦卒男任濂生始九月



黃氏泣曰是兒長成繼宗祀可無憾矣弟欲迎歸亦不

無任憐爲邑庠生受旌

周氏建安楊仕儀妻兵部員外周炫女踰年而寡遺腹生子撫教登進士弘治中旌

張氏建安人適楊士倫倫邁疾張百方求禱割股肉和粥以進疾瘳復作不可治比卒悲慟幾絕誓不二志撫二子皆成立

倪氏政和陳受榮妻古田寇掠縣境虐其夫倪不受辱投溪水而死

張氏尤溪人彭積妻洪武中積溺死張年十七誓不二志舅姑欲奪之投水而死

續文獻通考卷之七十八 十一 三百六十四 蕭貢才妻顏氏順昌人二十七夫亡撫子守節終其身洪武間旌

林茂正莆田王崇貴妻夫亡年二十二子穰方二歲教成爲高唐州訓導守志四十餘年受旌

鄭淑慎莆田莊季妻季亡鄭二十五紡績終身守節終身與妹淑潔同聞于朝俱受旌

鄭淑清莆田周則用妻夫亡年二十二無子以夫之兄子越爲嗣越亦夭孫軫方九歲教之薦于鄉鄭年八十二

猶及見焉 詔褒之

陳淑慧柳廷茂妻年二十五夫亡子六歲與其夫之叔母林孟貞弟婦林玉清皆妙年守志不渝人號柳氏三貞

節

林氏莆田黃子厚妻年二十六而寡遺腹子季興教之補庠生成化己亥旌

王氏仙遊人適張琳年十七琳卒子炯甫三年姑季氏患風疾王養姑育子不二其心孀居四十餘年閨門肅如成化己亥旌

楊靖娥莆田顧文嘉妻禮部員外瑛之女年二十五夫亡無子厲志守孀斷髮自誓成化中旌

吳淑貞年二十二歸黃大廣閱月廣亡斷髮矢志遺腹子宜補郡庠生受旌

余淑玉吳師舜妻年二十一夫亡父母不能奪矢志事姑續文獻通考卷之七十八 十七 三百六十五 莖祭如禮成化間旌

丘氏邵武陳文清妻永樂初隨文清從戎福州文清病卒丘年十七生子永宗方四月遂歸矢志不再適後永宗以國子生爲縣令事聞受旌

鄒氏泰寧人適李祥正統中避寇爲所執欲犯之給曰吾從汝須就崖穴隱僻處及崖間奮身即投下賊亦援而下俱死焉

趙氏泰寧人適陳顯生二子紡績以養舅姑孀居六十餘年成化初旌

徐氏二婦建寧人一王氏徐存妻一江氏徐忠妻正統間

同避寇千里之掃帝寨賊至王抱女投崖江繼之俱死  
惟江子福昭懸崖樹得不死賊退收二屍歸葬

江氏泰寧鄧勝達妻年二十六而寡生一女尚幼以死自  
誓終其身成化四年旌

應氏建寧人歸丘伯春年二十夫卒號天願同死自投池  
中鄰婦援出之氣息奄奄忽斷左手中指置夫懷中既

葬旦夕慟哭未幾亦卒與夫合葬

雍氏長泰人黃伯英妻年二十七夫亡守節終身嘗携幼  
子負豆至水濱置磨磨之有廖姓者奪其磨雍氏號天

磨爲不轉廖驚還之洪武中旌

續文獻通考卷之七十八

十八

四百三

陳氏龍溪人李德淵妻父母兄弟俱天獨依于嫂十六適  
德淵即家誓不他適三喪在堂辛苦萬狀終喪大事孀

居三十年不玷洪武丁丑旌

黃妙觀龍溪蔡安繼室安拜潮陽令便道還家時陳有定  
兵陷漳被擒不還黃年二十七誓志守節洪武末旌

連新玉龍巖張王妻二十二寡養姑莊氏易暴而慈終

身無他宣德中旌

楊氏漳浦人適李夫亡義不再適正統間賊亂被執至南  
馬場罵不絕口賊手刃之

林淑瑤龍溪莊同妻同領景泰癸酉鄉薦會試卒于途瑞  
年二十五子弼周歲舅姑有季女贅督于家偏愛之逼

瑤他適且奉其子乳于他人又嘗使獨爨飲苦二十餘  
年後季女及笄暴亡無後舅姑相繼亡瑤母子乃即安  
壽八十有五

黃坤貞南鄭林輝祥妻二十二夫亡撫子惟聰官至推官  
次惟惠亦成立年七十終始一節成化中旌

林氏龍溪鄭景政妻年二十五寡子名中後領鄉薦守六  
十六年無玷正德二年旌

徐雙節漳浦人姑林氏歸舉人徐輔越八年北上道卒生  
子藻七歲林飲痛撫育娶婦周氏年十八六載而藻又

亡孫棟方三歲林周貞志相守姑慈婦孝嘉靖四年旌

鄭氏龍溪顏波妻年二十四寡舅姑繼歿門有五喪鄭變

續文獻通考卷之七十八

十九

三百三

產產之年七十餘節操不改嘉靖十四年旌  
黃相漳浦人年二十一適鄭承惠早寡額天欲以死從七

日後潛自縊死嘉靖中旌

陳氏漳浦陳德昌女適康起鳴一月夫亡陳潛入寢室自  
縊而死嘉靖二十一年旌

蔡貞烈鎮海衛人歸儒士郭道膏夫歿入寢室自縊表曰

貞烈

許氏漳浦沈同訓妻三月而寡即托疾閉室服衰經自縊  
死嘉靖二十八年旌

權氏泉州衛世襲自戶鄧炳妻十九歲炳故甘貧撫孤守  
節四十八載學道方應選題旌

俞氏權之孫鄧銓妻歸五年而銓沒于處賊撫抵中潯中

淵成立守節三十一載學道方應選題旌

林氏鄧中潯妻年二十六潯卒于官水漿不入口者二十

日而死學道方應選題旌

蔡氏鄧華清妻歸未一年清故剪髮斷紵納柩中遂絕粒

七日而死學道方應選題旌

陳氏莆田縣民吳王器妻年二十六器故矢志守節紡績

塋夫及翁姑壽一百一歲學道方應選題旌

黃氏吳天與妻年二十三歲夫亡割股以愈姑疾中節四

十九年學道方應選題旌

鄭氏莆田縣民林永芳妻嘉靖四十年被倭掠夫以掠夫

續文獻通考卷之七十八

二十

四百三

遇害氏號泣罵賊賊怒割其耳鼻倒地舍之賊去復甦

孑然無依苦守四十年學道方應選題旌

蔡氏南安縣生員傅廷雅妻歸二年夫故內艱外侮拮据

萬狀課子入泮守節四十六年學道方應選題旌

張雪娘浦城縣民徐珊妻歸一年珊故有富人黃淵圖娶

之張閉戶自縊始饒氏毀牆入救得免年七十八而終

學道方應選題旌

危氏邵武縣人謝源貴妻年二十九夫故抱宗子為嗣孀

居四十一年學道方應選題旌

王氏福州府學生員馮謹安年二十四謹故茹苦矢守五

十七年學道方應選題旌

林氏政和縣民范灼妻十八歲歸灼未幾夫故守節十二

年倭陷城被執罵拒甚堅延頸就斃時同難人吳加誥

連文政親見咸為墮淚學道方應選題旌

陳永娘莆田縣民許有容妻年十八歸有容因夫病瘵未

婚不二十日夫故即自經賴姑救免守節二十三年父

母勸更適遂縊死學道方應選題旌

陳二娘龍溪縣民王從彞妻歸七日而夫病十六日而夫

死扃戶自縊學道方應選題旌

李八姑壽寧縣民周騫妻歸三月夫故當日沐浴自縊與

審合塋學道方應選題旌

陳莊卿侯官縣民陳藻女許配周大樂年十八未婚而夫

續文獻通考卷之七十八

二十一

三百九

亡哀毀奔喪自誓守節學道方應選題旌

廣東

張氏瓊山縣舉人王栢林妻栢林死誓死堅守隆慶五年

旌

萬氏南海人王受祖妻洪武中蘇友輕作亂萬為官軍所

獲獻于衛指揮盧諸諸愛其才美欲納之萬號泣投衣

于火諸怒以刃試之萬嚙罵不輟就死于南門外聞者

流涕

劉氏番禺縣儒士李天錫妻錫死守節無議隆慶四年旌

廣西

龍氏藤縣人夫王克讓以疾卒龍紡績奉養舅姑舅卒殯

妾以禮姑憐其少欲更嫁之龍曰既為王氏婦豈可再適他人誓以死守永樂間旌

貴州

楊氏鎮寧州十二營長官司人 本朝洪武中安陸侯

吳復妻未幾復卒哀痛切至明日於靈几後自縊事聞贈貞烈淑人仍于父家旌表

朱氏貴州前衛生員林之桂妻之桂早亡朱氏誓死堅守終身隆慶二年旌

陳氏威清縣生員曾松妻松亡陳守節無玷隆慶五年有司以聞受旌

續文獻通考卷之七十八

七十八

七十八

續文獻通考卷之七十八終



續文獻通考卷之七十九

皇明進士

節義考

貞女順孫孝女孝婦

貞女

春秋衛宣夫人齊侯之女嫁于衛至城門而衛君死保母曰可以還矣女不聽遂入持三年之喪畢弟立請曰衛小國也不容二庖請願同庖終不聽衛君懇于齊使人告女女亦不聽乃賦我心匪石之詩以自誓

晉

靳康女美姿容有志操劉曜誅靳氏將納女為妻靳曰陛下既滅其父母兄弟復何用妾為妾聞逆人之誅也尚

續文獻通考卷之七十九

九 三百五十二

子 汙官伐樹而况其子女乎因號泣請死曜哀之免康一

尹虞二女長沙人並有國色虞嘗為始興太守至是杜弢至長沙掠其二女將妻之女曰我父二千石終不能為賊作婦有死而已遂自殺

北魏 涇州貞女倪氏許嫁彭老生為妻辭聘既畢未及成禮倪氏居貧常自春汲以養父母老生輒往逼之女曰與君聘命雖畢二門多故未及相見何由不稟父母擅見凌辱若苟行非禮政可身死耳遂不肯從老生恣而殺之太和七年有司劾老生以死罪尋有詔標女墓號曰貞女

隋 杜氏二貞女仙居人太業末二女家鬻湯餅甬箒喪父母庖人挑之二女憤激殺庖人去隱孟溪會溪盜俱死

唐

竇氏伯仲二女奉天人永泰中群盜剽掠其村落二女俱有容色為賊所獲驅之前二女相繼投崖死京兆尹第五琦嘉二女之貞烈奏旌表其閭永蠲其家丁役河北貞女五代時為梁將所俘不敢犯及卒葬于縣北號貞女墓後漢王仁裕為撰墓碑

石氏二女長名月華次名雪英羅源人涉獵書史父母俱早喪五代時處州青巾賊起二女皆妙年有姿色被俘

續文獻通考卷之七十九

二

卷之七十九

偶行臨深淵月華曰我誓不受辱遂投之而死雪英亦繼焉

何氏女江陰人為江賊所掠厲聲罵賊赴水死邑人義之為立祠

宋

露筋女高郵人不知何姓氏舊傳與嫂夜行時天陰蚊盛有耕夫田舍在焉其嫂止宿女曰吾寧就死不可失節遂被蚊咬死其筋見焉後人立廟祠之米芾作碑記

龔氏二女慎儀女也開寶初慎儀以不從盧絳之亂舉家遇害獨二女被虜以行至縣之王堂香巖寺絳恣飲以二女幼不防其二女遂縊于寺後之小阜後人名其死

所謂烈女臺

郝節娥嘉州娼家女五歲母賣良家始笄奪歸欲世其娼娥曰組織可以給母願終為良母因祠泰叢時先令邑少年具酒乃與娥徐往娥見之倉皇驚走母挽掣不使去強飲之則嘔噦滿地少年終不得犯暮歸投江而死鄉人號節娥

程淑清女歙人時方臘寇亂女年十七過賊賊善誘之女奮罵不屈賊斷其髻文罵不已遂過害

杜氏女金華人年二十未擇配宣和間里有悍賊謁杜門大言曰以女遺我否即族矣舉家驚泣因密諭其女女即應曰捨一女寬一家易為不可少須我浴更衣以出

續文獻通考卷之七十九

三

卷之七十九

遂趣浴具賊相懼笑以俟女浴畢盛飾登几而立繫帛于梁縊死毋惶遽號呼屋瓦皆鳴賊驚駭相視舍去

師驥二女眉山入驥任為右正言靖康中避亂還蜀至唐州方城驛二女為賊朱顯忠所執欲污之伯罵曰宜速殺我仲抱其姊亦助而罵賊忿害之土人收葬號曰正女伯女乃范孝純妻也

徐氏崇仁田家女建炎初王世雄叛犯崇仁徐年甫笄有容色賊得之抗聲大罵剗剔鬻割而死

董氏女沂州滕縣人許適劉氏子建炎中為盜李昱所執悅其色欲亂之女不為屈遂斷其首劉氏子大慟收葬之為立祠以祀

之為立祠以祀

晏氏女丞相殊之曾孫建炎間金虜至揚父孝廣爲尉死  
難女年十五有美色虜得欲妻之女即延頸求死虜殺  
之

舒氏二女王山人紹興間值苗傅亂被執二女行至崖側  
俱投而死

李氏顯忠族妹顯忠南奔家屬悉遇害李氏國色也金人  
欲私之不從乃縛樹下命左右射其臍罵賊不已而死  
張氏女嘉定中強寇蔡六剽掠鄉邑獲女欲犯之不屈而  
死潭州題其墓曰烈女張氏之墓

樂氏二女南豐人父以賣菜果爲業紹定初寇入境掠二  
女悅而逼之俱不從一赴水一見殺

續文獻通考

卷之七十九

四

三頁上中半

葉氏二女泰寧人紹定己丑寇犯邑二女與嫂義不受辱  
迺以衣裾相結投溪而死邑人鄒應博爲立祠額曰葉  
氏三潔

徐氏二女建德人長清次淳年及笄元兵下嚴州父師顏  
携避薛山父適出而寇奄至清謂淳曰吾家世清白寧  
死不受汚辱遂相率投崖而死鄉人爲之立廟學士程  
鉅夫賦詩美之

林老女永春人年及笄未嫁嘉定庚寅寇犯邑入山以  
避卒遇掠欲汙之不從度不脫結曰有金帛埋于家同  
歸取之甫入門大呼曰吾寧死于家决不辱于賊賊怒  
殺之越三日面如生

鄭氏女名貞福寧人貞少端莊不妄言動未笄許嫁里人  
林森德祐元年貞年十八元兵南下竟徙四起俘掠鄉  
邑一日忽寇至貞獨居一室懼其汙已取剃刀自刎而  
死

陳氏女婺州人年十九美姿容有盜執之植白刃於女傍  
曰從我爲婦否則頸血染此鋒女厲聲請受刃盜因殺  
之頭墮地轉動血逆流面如生怒目不瞑于是浮雲晝  
暝白日無光狂風震林木

遼 耶律氏太師適魯之妹小字常哥幼與秀有成人風  
及長自誓不嫁咸雍間作文述時政上稱善後隨兄魯  
哥謫鎮州常蔬食布衣人間何自苦如此對曰皇儲無

續文獻通考

卷之七十九

五

三頁上中半

罪遭廢我輩豈可美食安寢及太子被害不勝哀痛年  
七十卒于家

元

王氏女名安哥偃師人天曆間從父避兵邙山丁家洞兵  
搜得之見安哥色美驅使出欲汙之安哥不從遂投澗  
死有司言狀表其廬

揭貞女廣昌人至元丁丑之亂爲邏卒所得悅其貌甘言  
誘之罵聲不絕遂受刃而死

王妙璘海康王谷榮女年及笄有姿色至元間徭蠻寇雷  
州執妙璘將犯之妙璘誓不受辱乘間投水死有司嘉  
其貞烈立石志之

趙氏二女江陰由里山民二女頗姝麗至正壬辰冬廣德寇剽掠閩郡長女抗節自縊至十五年四方盜起次女亦縊死鄉人王逢賦雙珠詞以哀之

李氏女名順兒許州人父讓儒士順兒性聰慧頗涉經傳年十八未嫁至正中賊陷鈞州其父母愛曰此女必累我女聞之泣曰父母可自逃難勿以我爲憂須臾于後園自縊死

趙恭女官奴晉州人年十七見恭與父弘毅俱死國難方大泣適隣嫗數輩來相率出避曰我未適人避將安之嫗欲力挽之曰人生世間便百歲亦須一死乃潛入中堂解衣帶自縊死

續文獻通考卷之七十九

木

四百十四華

錢氏二女嘉興人錢子順之二妹至正末紅巾賊至相與結裙投河內死賊驚舍去其後子順妻俞氏亦守節得旌鄉人稱其家二貞一節

韓氏二女文昌韓良可女長年十八次年十六俱美姿色至正中鄉民搆亂母兄俱死二女避草莽中姊顧其妹曰寇至且逼吾寧死不受辱妹曰姊誓不生我焉往乃攜手赴水死

唐丑妹瓊山唐伯壽女也至正甲辰陳子珣寇乾寧丑妹及從小妹被獲載舟中丑妹時年十八給賊曰乞釋我縛永以相從賊信之解其縛急赴水死小妹乃得歸劉貞女名懿文新淦人及笄父許婚趙國祥子未嫁夫卒

父將他適文曰最許趙氏義不可再投井死

胡氏女年色方盛賊攻城時胡預剪髮自毀及城陷果爲徐先鋒所獲劫令共騎而出胡號泣不從徐抱愈急胡嚙徐指斷徐怒殺之

林娥古田儒家女也時邑有建寇之警民皆避地山間娥爲強暴所迫露刃臨之欲加汗辱娥毅然不屈遂遇害張氏女高郵人元末兵亂賊知女有姿艷叩其家索之女聞賊將害其父母乃出拜賊即伏地拜其父母而以女行女忻然從之過河橋投水死

朱四女平湖朱柄少女年十六許姚氏未及笄柄卒無子女依寡母盡孝養惡少丘鍾乃其姊夫謀欲私之強附

續文獻通考卷之七十九

七

四百華

同居數挑以言女即大聲詈罵痛哭于庭自嘆無父之女爲人所凌如此至夜縊死父極之傷

周如砥女如砥爲新昌典史女年十九未適人至正中鄉民作亂如砥與女避于客僧嶺女被執賊曰吾未娶當以汝爲妻女曰我周典史女即死豈能從汝耶賊遂殺之

紀氏女名催弟宣城人紀吉甫之女及笄未適人元末長鎗軍陷城爲所虜催弟以首觸墻曰寧死于此遂見殺其同縣胡氏女亦被虜不從而死

皇明

黃氏女名千金潛山人許嫁張生大中未嫁而大中卒父



欲改議千金曰天有二日乎父卒事母孝邑中有求聘者毋許之千金再拜而起伏父木主前號泣以簪刺目逾三月而卒時年十九旌之

實氏女丹徒人父母俱亡許嫁之人乃家舊僕也成婚日始識之遂投井死郡守義之爲立石于釜鑿山前以旌之

程烈女婺源人已嫁歸寧里有強暴欲私其母女大罵強暴恚毆殺之復以危言懼其母令勿洩時郡廳前夜有聞悲號如怨訴者太守孫遇疑之未幾御史行郡詢其畧令遇鞠治強暴伏罪乃爲文以祭之

黃善聰成化中南京淮清橋女子年十二失母有姊已適續文獻通考卷之七十九

人其父販線香爲業往來廬鳳間憐其幼且無母不可寄食於姊乃令爲男服携之旅遊者數年後父死於客女詭姓名爲張勝有李英自故鄉來亦販賣線香勝遂與結爲人伴同寢食踰年恒稱病不脫衣襪洩溺必以夜弘治辛亥正月乃與英偕還南京時已年二十突然裁冠往見其姊姊謂我本無弟惟一女弟隨父在外耳胡爲來乃笑曰我即善聰也泣語之故姊惡之曰男女同處何以自明汝辱我家矣因拒不納善聰不勝其憤謂曰妹此身要分明苟有污死未晚也姊亟求穩便視之果處子始返初服明日英來候善聰出見英大驚愕遂歸快快如有所失飲食頓減姊曰無憂也以英猶未

娶且年相方爲求婚善聰執不從曰此身若竟歸英人其謂我何隣里強之竟不肯事聞三厥皆驚異遂勒爲夫婦人有歌之者以爲木蘭復見于今

凌氏女高淳人父許聘里人王純姪早卒純慕其色謀爲妾父欲許之女覺即自縊死救之得免誓不適人年六十卒成化間旌表

趙氏寧遠趙龍之女爲賊所執欲犯之大罵曰我身如玉可碎不可污也賊奴我有死而已賊怒殺之

蕭氏河內峽州人父母以貧流徙上津成化七年官軍逐流民流民中強梁者見女姿色詐稱官軍執而繫之五顯廟聲言欲以爲妻蕭氏自度不免自縊于神香案前續文獻通考卷之七十九

時年十九都御史王信奏聞旌表

倪氏歸安人許聘陳陳從征不返遙以死聞倪守志不嫁踰五十年而陳歸竟成婚姻之禮俱年六十歲有奇世號白髮新婚

陳淑貞撫州陳壁之女七歲能誦詩鼓琴陳友諒寇隆興淑貞取琴鼓之曲終泣然流涕曰吾絕弦于斯乎父母恠問之曰城陷必遭辱不如早死明日賊至遂投東湖死之時同郡李宗願妻夏氏亦以賊至投井死

劉氏二女江西龍興人長曰貞年十九次曰孫年十七皆未許嫁陳友諒寇至毋泣曰城或破置汝何所二女曰寧死不辱父母城陷二女登樓自縊

高烈女寧縣人年十七有美色盜起匿巖穴中盜詰其弟得之高曰我在室女未受父母命豈可擅事人盜甘言誘之再三高曰吾寧死不屈盜強之高大骂不服及提刀欲殺高忻然受刃遂遇害

葉貞女名兆姚南昌人聘新建李光庭未娶而光庭卒女年十三先期夢光庭騎白馬衣素入其室相携補綴覺以告媼毋越數日計聞傷之誓不改節父母憐其幼強爲轉聘女聞之即于密室衣裝自縊而死

易妹貞聘儀賓子楊鑑未婚鑑卒妹貞聞訃墜樓幾死誓不再夫奔吊楊氏舟至河索夫神主成親迎禮用小竹簪把主入柩前行合卺禮朝夕哭奠及暮年夜焚香畢

續文獻通考

卷之七十九

十一

四百十四

自縊于夫柩前事聞旌表

張烈女名桂秀浮梁小民張啓明女有殊色聘凌氏子凌日貧落女父母欲解盟會祁門少年鄭天祐以星術止其家未有室父母私許以女妻之懼女素剛不可動乃俱伴出屬天祐逼近女覺紿天祐曰俟沐浴以從浴竟執父所業打綿槌奮擊天祐中其顙昏眩仆地女自縊死

張氏女字王蘭歸德衛人指揮金之女正德中賊破城王蘭爲賊所執欲犯之不屈乃裂其屍旌曰烈女

張祿女永城人正德中賊陷城女投井死賊怒出其屍磔於市旌曰貞烈

熊烈女名貴真高安熊奇雅之女年十八爲華林賊所執女投河以死事聞正德初旌表

胡烈女貴真樂平人父母生欲不舉隣會母陳氏鞠爲養子天福配同乳之甫長天福父母與陳繼亡家益寥落女父欲奪爲富家配女曰我鞠於曾氏婦於曾氏分姑媳恩母子豈可以饑寒去仍死依從姑以居雖華舍單淺外未嘗識其面正德丁丑女兄乘其未婚撻曳以歸出示求聘者金銀并飾卜日以行女知不可免潛浴更衣入房縊死時年十八邑大夫張文應禮葬之以事聞張玘女名仙貞繁昌人正德七年流賊剽掠仙貞年十七以護母疾不走群盜劫之去至江潯抱樹哭義不受辱

續文獻通考

卷之七十九

十一

四百十五

賊不能奪乃衆磔之

俞氏孝綉年十八湖口俞志通女家貧未受聘正德七年流賊劫縣女與隣婦俱被虜至舟賊欲污之女獨投河而死

井清秀星子人甘孟珊女年十五正德間值逆濠變賊入境清秀隨母逃避賊據其母清秀義不辱即投王京潭而死賊退屍浮水如生里人收葬於山前

楊氏女名桃兒鹿邑人嘉靖元年賊至境桃兒年十六從兄世威避之遇賊被執逼令上馬不從且厲罵不絕賊怒殺之兄亦被害受旌

張氏安陸人許聘朱北未娶北死女自縊以殉嘉靖六年

旌

熊氏女許聘劉康未歸而康卒女往哭之觸柱而死事聞  
旌表仍復其家

雙貞女不知其姓所何惟育爲已女正德辛未歲饑惟  
欲鬻于娼以賈厚利二女知之一夕以巾聯兩臂投淮

河而死嘉靖十年 詔立廟祀之 賜額雙貞

汪氏女婺源人許配邑人葉天燾未歸而天燾卒女聞訃  
即易服往夫家誓死不二嘉靖十二年旌表

姚貞女孝感縣庠生姚禎之女聘鄭一德未笄而一德卒  
即痛哭欲躬視衾殮其家不從潛取鼠藥自啞母覺急

灌以水得甦屢自縊皆以防護不遂然而目霍然已血

續文獻通考

卷之七十九

十二

四百六十五

潰矣竟往會葬盤礴墓間悲號不休草土爲濕自是歸  
翁姑稿容蓬首足不出閫外十有五載如一日始鄰媼

解之曰汝未醮何苦執婦義女曰義自盟始即未醮將  
路人其夫耶如媼言何用盟爲里以聞于當道核得實

錄其楣曰貞邑侯將公以化爲立傳

溫州樂清章文寶聘金氏未成婚納妾包氏有娠而文寶  
得疾且死金氏聞請往視父母不許金氏爲棺歛之撫

妾生子給親課讀通四書大義後遣就外傳竟第正  
統元年進士官禮部主事先欲疏請復儲恐貽母憂未

果金氏聞之謂曰吾平日教爾何爲汝能諫死職我雖  
爲官婢無恨也綸遂以疏入忤旨杖幾死禁錮詔獄金

氏怡然天順二年綸復官終養金氏嘗自爲詩見志詩

曰誰云妾無夫妾猶及見夫方祖誰云妾無子側室生

兒與夫似兒讀書妾辟繡空房夜夜聞啼鳥兒能成名

妾不嫁良人瞋目黃泉下後綸官至禮侍

順孫附義姪

東漢 虞詡陳國武平人早孤孝養祖母縣舉順孫國相

奇之欲以爲吏詡辭曰祖母九十非詡不養相乃止位  
至尚書令

晉

李密字令伯犍爲武陽人父早亡母何氏改醮密時年數

歲感戀彌至遂以成疾祖母劉氏躬自撫養密奉侍以

續文獻通考

卷之七十九

十三

三百六十五

孝謹聞劉氏有疾則涕泣侍側未嘗解衣飲膳湯藥必  
先嘗後晉武帝泰始初徵爲太子洗馬密以祖母年高

無人奉養乃上表陳情遂停召

孔愉會稽人年十三而孤事祖母以孝聞

應詹字思遠南頓人璉之曾孫幼孤爲祖母所養年十餘

歲祖母又終居喪毀頓杖而後起遂以孝聞元帝時位

平南將軍

劉殷字長盛新興人七歲喪父哀毀過禮曾祖母王氏感

冬思片而不言食不飽者一旬矣殷知其故時年九歲

乃於澤中慟哭聲不絕者半月忽若有人云止殷止聲

收淚視地便有芹生因得斛餘而歸食至時芹生乃盡

又嘗夜夢人謂之曰西籬下有粟竈而掘之得粟十五  
鍾銘曰七年粟百石以賜孝子劉殷自是食之七歲方  
盡妻張氏事王氏以孝聞及王卒夫婦哀毀幾至滅性  
有二百餘里其庭樹太傅楊駿表其行於朝勅有司供  
其衣食蠲其徭賦賜帛二百疋穀五斛

許昭先義興人叔父肇之坐事繫獄七年不判子姪二十  
餘人昭先少最貧薄專獨科詎無日在家餉饋肇之莫  
非珍饈又產既盡賣宅以充之肇之諸子倦怠昭先無  
有懈息如是七載尚書沈寘嘉其操行肇之由此得釋  
南齊江敬字叔文濟陽考城人爲中書郎庶祖母王氏  
老疾敬視膳嘗藥七十餘日不解衣每以侍養陳請太  
續文獻通考卷之七十九 十四 四百五十五

梁

宗元卿字希蔣南陽人有至行早孤爲祖母所養祖母病  
元卿在遠輒心痛即奔還救之大病則大痛小病則小  
痛以此爲常鄉里崇事之號曰宗曾子

裴子野聞喜人生而孤爲祖母所養年九歲祖母亡泣血  
三年哀動家人

陳

謝貞字元正陳郡人蘭之子也幼有至性祖母阮氏  
先苦風眩每餐便一二日不能飲食貞時年七歲祖母  
不食貞亦不食往往如此十四丁父艱號頓于地絕而  
復蘇初貞在周與母相隔晝夜涕泣天建五年因遣驛

國未幾母卒哀毀羸瘠竟以是卒  
北魏

辛少雍狄道人有孝行尤爲祖父紹先所愛紹先嗜羊肝  
常呼少雍共食及紹先卒少雍終身不食羊肝

文愛汲郡山陽人早孤供養伯父母以孝謹聞伯父亡服  
未終伯母又亡文愛持服六年哀毀骨立鄉人魏仲賢  
等相與標其孝義

周

張元字孝始河北蒗城人年十六祖喪明三年元嘗憂泣  
晝夜誦經禮佛以祈福祐嘗誦藥師經見盲者得視之  
言遂請七僧燃七燈七日夜夢見一老翁以金線療其  
續文獻通考卷之七十九 十五 三百五十五

左目夢中喜躍居三日祖目果明其後祖卧席再周元  
恒隨祖所食多少衣冠不解旦夕扶持及祖沒號慟絕  
而復蘇水漿不入口三日鄉里咸嘆之共以狀聞有詔  
表其門閭

盧柔字子剛清河人少孤爲叔母所養撫視如子柔盡心  
溫清亦同已親

唐

劉審禮刑部尚書德威之子少喪母爲祖母元氏所養隋  
末天下亂審禮負元氏渡江避之及天下定始西入長  
安元氏若有疾審禮必親嘗湯藥元氏謂諸孫曰我兒  
孝順貫徹幽顯吾一顧念宿疾頓輕貞觀中歷左驍衛

即將丁父憂去職及筵跣足隨車流血灑地行路稱之  
父歿雖久猶悲慕不已每見父時家舊必嗚咽流涕母  
鄭氏早亡事繼母平壽縣主又以孝聞縣主稍有疾輒  
憂懼形於容色朝夕不寐撫繼母弟延景交愛甚篤所  
得俸皆送母處以資延景之費而審禮妻子自處饑寒  
晏然未嘗介意

殷踐猷字伯起長平人玄宗時麗正殿學士以叔父喪慟  
嘔血而卒子寅病且死以母前老不忍訣及殮其子亮  
斷指剪髮置棺中誓事祖母如父在後侍蕭不脫衣者  
數年有白燕巢其棺

王瞿雲華州人事親以孝聞墓祖父母及伯父皆負土成  
續文獻通考卷之七十九 十本

墳三年乃畢母終亦如之晝夜悲號哀感行路頭髮盡  
落形體枯悴墓門三年不捨常寢于棺側服終之後仍  
不離墓焉

田伯明涇陽人少孤伯母劉氏撫育及卒伯明廬于墓側  
負土成墳齋居蔬食

談英曲陽人大中六年居祖喪服髮跣足廬于墓側晨夜  
哀號郡守秦閭方有勅降而卒

宋

林願壽字懷世晉江人祖母楊氏病背瘍潰爛徑數寸願  
壽曰敗膿在中安能傷肉若杖拭則不堪痛楚乃俟其  
熟寐潛砥去傳藥而愈廬父墓有芝產之瑞事繼母

謹繼母卒廬墓有白鵲數十往來廬上人以為孝感  
上官損字益之恢從曾孫少孤事祖母以孝聞

戚同又滑縣人幼孤養祖母以孝聞

唐傑東安人生兩歲繼祖母蔣氏病目失明傑以舌舐之  
目輒有見劇賊孔彥舟犯邑傑號泣負蔣冒賊以出賊  
義而捨之母病割肉和藥以進即愈父亡以舌舐屍廬  
墓哀震林谷紹興間郡守以聞詔付史館賜以束帛

張伯威大安軍人紹熙元年武舉進士調神泉尉大母黃  
年九十八不忍之官黃得疾瀕殆伯威割左臂肉食之  
遂愈繼母楊因姑病篤驚而成疾伯威復剔臂肉作粥  
以進疾亦愈伯威妹嫁崔均亦嘗剔左臂肉以愈姑疾

續文獻通考卷之七十九 十七

郡縣為立純孝及孝婦坊詔倍加褒贈

金 何從義洛州人祖父母亡從義廬于墓側事父母孝  
養至伯叔祖父母伯叔祖母皆無子從義咸為治墓

元

葉雋字良弼松溪人有孝行祖母年高足疾不能動履與  
姊如壽早而起卧者五年至正乙未間父景仁死于賊  
傾家貲募壯士入賊境殺其渠魁載父屍以還事聞授

南豐州同知力辭不拜廬于墓側旦夕悲泣芝生隧道  
楊一懷孟人至元間憐其叔清家貧密以分契詣神祠焚  
之與清同居者三十年無間言事聞詔旌其家

張本東昌在平人篤孝事伯父叔父皆甚謹伯父嘗病本

晝夜不去側後載以巾車步挽詣岳禱之事聞詔旌其家

張慶其家人善事繼母伯父泰異居河南慶聞其貧迎歸養之供億豐備過于所生事聞詔旌其家

汪俊德飲人元季侍祖父避亂途遇群賊欲刃之俊德懇曰我幼孤非祖無我殺我以活祖必爲良鬼以報君賊義而釋之

扈鐸蘭陽人早孤育于伯父及長事伯父如所生伯父無嗣鐸爲買妾及伯父卒遺腹生一男鐸嘗抱哺與同起卧十年不少怠弟病鐸夜禱于天曰天降罰余家鐸父子可間去一人勿喪吾弟使伯父無後也明旦弟愈及續文獻通考卷之七十九 十八 四百十五

毋卒鐸廬于墓側歲饑多盜宗族勸之歸鐸竟勿從皇明

程通字彥亨徽州績溪人洪武乙丑以童入太學時年二

十二遭父喪歸廬墓下三年哀慟毀形妻子至不相識

戊辰復入太學時祖平謫戍延安年已及耄通上書言

臣壯而無父祖猶父也祖老而無子孫猶子也更相爲

命人遠徵戍卒如林顧豈少臣祖者辭極懇切書奏

高皇憐之持其章不下私命兵部檄召平至乃召

通東西立石陛下顧通曰汝識此人否祖孫相持哽

咽不能仰視高皇嘆曰孝哉若人命兵部除其籍

驛送平歸鄉後授遼府紀善居荊州進左長史建文朝

上封事數千言皆藩府事文皇入正大統詔械赴京抵罪

孝女附女孫

秦羅氏女父均用令武陵以運鐵溺洞庭女求父骸不獲亦赴水死世祀長沙宋贈孝烈靈妃

西漢

緡繁臨淄人太倉令淳于意之少女父有罪當刑怒罵其五女曰生女不生男緩急無可恃于是繁隨父至長安上書言妾父爲吏齊中稱廉平今坐法當刑妾傷死者不可復生斷者不可復續雖欲改過自新其道無繇願沒身爲官婢以贖父刑文帝憐之爲免父死因除肉刑

續文獻通考卷之七十九 十九 三百七十六

郝聖姑字女君其父年四十無子惟生女君及笄欲嫁之

女君曰無昆季倘養一旦適人反貽其憂堅辭不許事

父母多有孝行

東漢

梁夫人嫗梁竦女樊調之妻孝和帝之姨恭懷后之同產

姊也恭懷生和帝梁氏相慶實后怒乃誣梁氏殺竦家

屬移九真及和帝立實后崩諸實以罪誅放嫗從民間

上書自訟天子感悟引見稱梁夫人權樊調爲郎中改

葬恭懷于西陵追封竦爲侯徵還家屬

酒泉龐涪母趙氏之女也字娥父爲同縣人所殺而娥

兄弟三人俱物故仇害而自賀以爲莫已報也娥乃潛

備刀兵常帷車以候仇家十餘年不能得後遇于都亭  
刺殺之因詣縣自首福祿長尹嘉義之解印綬欲與俱  
亡娥不肯去後遇赦得免州郡表其閭太常張魚嘉歎  
以東帛禮之

叔先雄者犍爲人也父泥和永建初爲縣功曹乘船墮湍  
水物故尸喪不歸雄感念悲痛號哭晝夜常有自沈之  
計所生男女二人並數歲雄乃各作囊盛珠環以繫兒  
數爲訣別之辭家人每防閑之經百餘日稍懈雄因乘  
小船於父墮處慟哭遂自投水死其夕弟賢憂雄告之  
曰後六日當共父同出至期伺之果與父相持浮于水  
上郡縣表上爲立碑圖像其形焉

續文獻通考卷之七十九

二十四

四百四

張雨壽張人張明之女早喪父年五十不嫁有弟二人雨  
教之讀書爲之娶婦縣令謝夷吾請于上復其家

曹娥上虞曹肝女也肝以五月五日弄潮而死娥時年十  
四哭于江邊即投江死越數日負父屍同浮水面上虞  
令度尚上其事于朝爲立廟祀之耶鄭淳作碑文蔡邕  
題云黃絹幼婦外孫壻白廟側有墓宋治平來以朱娥  
配享

吳

孝娥吳大帝時娥父爲鐵官冶鑄不流娥憂父刑遂投爐  
中鉄乃鎔父見後出爐上乃知

浣紗女永嘉人居蜆川莫知姓名家貧踰笄不嫁事母孝

常紡績爲養人每見其夜浣紗而旦成布易以供母及  
母卒遂抱石自沉里人爲立祠并建浣紗坊以表之

荀崧小女淮幼有奇節崧任襄城太守爲杜曾所圍力弱  
食盡欲求救于故吏平南將軍石覽計無從出淮時年  
十三乃率勇士數十人踰城突圍夜出賊追甚急淮督  
厲將士且戰且前自詣覽乞師又爲崧書與南中郎將  
周訪請援仍結爲兄弟訪即遣子撫率兵三千會石覽  
俱救崧賊聞兵至散走淮之力也

王廣女廣仕劉聰爲西揚州刺史蠻帥梅芳攻陷揚州而  
廣被害女時年十五芳納之俄於閨室擊芳不中芳驚  
起曰何故及邪女罵曰蠻畜我欲誅及賊何謂及乎汝  
續文獻通考卷之七十九

二十一

四百四

及逆無狀害人父母而復以無禮陵人吾所不即死者  
欲誅汝耳今死自吾分但恨不得梟汝有於通達以塞  
大耻乃自殺

齊 佩任羊緝女也烏程人隨母還舅氏母亡晝夜號哭  
不飲食三日而亡鄉里號曰女表

趙氏父亡弟幼遇歲饑母老病篤趙從鄉里告乞言辭哀  
苦鄉里憐之各分升斗遂得免及嫁少時夫亡家欲更  
嫁誓死不貳

陳氏三女會稽人也陳無男祖父母年八十九父篤癯病  
毋不安其室遇歲饑三女相率於西湖採菱專更日至  
市貨賣未嘗虧急鄉里稱爲義門多欲娶爲婦長女自



傷戰獨誓不肯行祖父母尋相繼卒三女自營殯塋爲庵舍居墓側

王氏女永興概中里人也年五歲得毒病兩目皆盲性至孝年二十父死臨尸一叫眼皆血出小妹娥舐其血左目即開時人稱爲孝感

屠氏女諸暨東灣里人也父失明母憫疾親戚相棄隣里不容女移父母遠住紆舍晝採樵夜紡績以供養父母俱卒親營殯塋負土成墳忽空中有聲云汝至性可重山神欲相驅使汝可爲人療病必得大富女謂是魃魅弗敢從遂得病積時隣舍人有溪蟻毒者女試療之自覺病便差遂以巫道爲人療疾無不愈家產日益鄉里

續文獻通考

卷之七十九

二十二

多欲娶之女以無兄弟誓死守墳不嫁

鮮于文英文宗姊也適荀氏七日而夫亡執節不嫁及母卒晝夜哭泣遂喪明

梁羊氏名淑樟蘭陵人蕭矯妻性至孝父喪哭輒吐血母嘗有病淑禱終夜祈禱忽見一人在樹下自稱枯桑君曰若母無患今洩氣在亥南求白石鎮之言訖不見明日如言而疾愈

宣城宛陵女子天監中與母同牀眠母爲猛虎所取女啼號隨聲猛虎行數十里獸毛落盡虎乃置其母而去抱母猶有氣息經時乃絕太守蕭琮表上詔表門閭

北魏

女勝河東姚氏女也少喪父無兄弟母憐而守養年六七歲便有孝性聞人言其父輒垂泣正光中母死女勝年十五哭不絕聲水漿不入口數日不勝哀遂死太守崔遊申請爲營墓立碑自爲製文表其門閭比之曹娥改其里曰上虞里

盧元禮妻李氏趙郡太守李叔胤之女性至孝父卒號慟幾絕迫母卒號踊而卒有司以狀聞詔曰孔子稱毀不滅性蓋爲其廢養絕類也李非嫡子而孝不勝哀雖乖俯就而志厲義遠若不加旌異則無以勸勵澆淳可追號曰貞孝女易其里爲孝德里標李盧二門以傳風俗

續文獻通考

卷之七十九

二十二

劉和女河南人適長孫氏之子昶與文帝有舊以其子居士恣橫破其家產昶奉養甚薄女時寡居哀昶如此每歸寧躬耕紡績以致其肥鮮後居士坐告不遜誅昶亦下獄女每親調飲食詣大理餉父見獄卒跪而進之獻欸鳴咽見者酸鼻及昶賜死于家詔百寮臨視時女絕而復蘇者數矣公卿慰諭之女言父無罪坐子以及禍情詞哀切人皆不忍聞見遂布衣蔬食以終其身帝聞嘆曰吾聞哀宗之女與門之男固不虛也

南陽公主煬帝長女也嫁宇文士及士及兄化及弒煬帝爲竇建德所誅時主有一子名禪師年且十歲建德遣武貴郎將于士澄謂主曰宇文文化及躬行弒逆禪師還

當割愛亦聽賢之主泣曰武賁既是隋室貴臣此事何須見問建德乃殺之公主尋請爲尼終身不與士及相見

王孝女名舜趙人父子春被從兄長忻夫妻所害無子時女甫七歲與二妹寄食親戚家及笄不肯適人與二妹中夜持刀入長忻家殺其夫婦以告父墓因詣縣請罪姊妹爭爲謀首州縣不能決文帝聞之特原其罪

唐

劉寂妻夏侯氏名碎金滑州胙城人父長雲爲鹽城縣丞因疾喪明碎金乃求離其夫以終侍養經十五年無事後母以至孝聞及父卒毀瘠殆不勝喪被髮徒跣負土

續文獻通考

卷之七十九

二十四

何

成墳廬于墓側每日一食如此者積年貞觀中有制表其門閭賜以粟帛後其女居母喪亦如母行官又賜粟帛表其門

衛孝女絳州夏人字無忌父爲鄉人衛長則所殺無忌甫六歲無兄弟母改嫁遠長志復仇會從父大延客長則在坐無忌抵以甓殺之詣吏稱父冤已報請就刑巡察使褚遂良以聞太宗免其罪給驛徒雍州賜田宅州縣以禮嫁之

賈孝女濮州鄆城人年十五父爲族人玄基所殺弟疆仁尚幼孝女不肯嫁撫之能自立教伺玄基殺之取其心告父墓疆仁詣有司言狀論死女請代弟高宗憫歎命

兄之徒洛陽

于敏直妻張者皖城公儉女也生三歲每父母病已能晝夜省視顏色如成人及長愈恭順仁孝儉病篤聞之號泣幾絕儉死一慟遂卒高宗懿其行賜物百段以狀屬史官

李氏女汴人年八歲父亡殯于堂十年朝夕哀臨及笄母欲嫁之斷髮丐終養居母喪哀號過人自營塋具州里送塋千餘人廬于墓蓬頭跣足而負土以完園塋蔣松數百武后時旌其門閭

楊紹宗妻王氏華陰人在襁而母亡繼母鞠愛之父征遼沒繼母又卒王年十五乃舉二母柩而立父像招魂以

續文獻通考

卷之七十九

二十五

高

荏廬墓左永徽中詔楊氏婦在隋時父沒遼西能招魂克塋至祖父母塋陰親服版築哀感行路因賜物百段分粟以旌表門

鄭孝女兗州瑕丘人早喪母父神祚爲官兵死于慶州終鮮兄弟女年二十四即剪髮毀服護喪還鄉與母合塋廬墓下初許嫁李玄慶至是謝不嫁大中時詔旌其門章氏二女歛入章預之女也與母程氏登山採桑母爲虎所攫二女號呼搏虎虎捨去母獲免刺史劉瓚爲復其家表其鄉曰孝女

李孝女名妙法瀛州傳野人安祿山亂被劫徙他州聞父亡欲問道奔喪一子不忍去割一乳啗之既至父已塋

號踊請開父墓以視宗族不許復持刀刺心乃為開見棺刮去塵垢治拭之結廬墓左手植松栢有異鳥至後母病或不食飲女終日未嘗視七箸及亡刺血書于母臂而葬廬墓終身

程氏女德興人肅宗時女之父兄為盜所殺因掠女去隱忍十餘年後以計脫告于刺史顏直卿捕磔于市女剗其肝心以祭其父兄宋程迥取春秋復仇之義表之曰程英孝烈女

盧南妻李氏秦州成紀人父瀾永泰初為斬令諭降劇賊數千人刺史曹昇襲賊敗之賊疑瀾賣已執瀾及弟渤兄弟爭相代死李見父被執亦請代父遂皆遇害贈李續文獻通考卷之七十九

孝昌縣君瀾渤皆贈官

丁氏女永嘉人居象浦性至孝及笄不嫁日紡績夜釣魚以給母衣食一夕遇暴風甚雨淫漲溺死鄉人立祠浦傍以旌表其孝

王孝女徐州人字和子元和中父兄皆防秋屯涇州吐蕃寇邊並戰死和子年十七單身被髮徒跣縶裳抵涇七日丐貨護二喪還葬于柳植松栢剪髮環容廬墓所節度使王知興白狀詔旌其門

高愍女名妹妹父彥昭事李正己及納拒命貨其妻子僕守濮陽建中二年挈城歸河南都統劉玄佐納屑其家時女七歲毋李憐其幼請免死為婢許之女不肯曰毋

兄皆不免何賴而生母兄將被刑徧拜四方女問故荅曰神可祈也女曰我家以忠義誅神尚何知而拜之間父所在西嚮哭再拜就死德宗駭嘆詔謚曰愍

馮孝女穆宗時人居錢塘少孤母子相依及長不嫁以養母母病篤思肉因割股為糜以進後母死號慟嘔血既葬結草廬墓下日焚香蔬食刺臂血寫佛經仍捨宅為寺以薦母長慶三年詔賜粟帛

蕭氏女父歷為撫州長史父母俱卒蕭年十六與女弟毀貌載二喪歸貧不能給舟傭次宣州戰馬山舟人委柩去蕭結廬水濱與婢穿墻而墓朝夕哀臨人高其行或請婚女曰有能為我致柩墓故里請事之高安尉楊合續文獻通考卷之七十九

為載二喪歸蕭乃釋服而嫁楊氏

謝小娥豫章人嫁歷陽段居正居正與小娥父作賈江湖為盜所殺小娥夢父與夫告曰殺汝父者申蘭殺汝夫者申春小娥詣申家村尋訪得之乃跪服為男子托傭蘭家一日乘蘭醉斬其首大呼捕盜鄉人踰牆擒春并其黨抵死小娥還豫章人爭聘之不許祝髮為尼

饒娥樂平人字瓊直生小家父勸漁于江溺死娥年十四哭水上不食三日死俄雷電父屍浮出鄉人具禮葬之縣令魏仲光碣其墓建中初黜陟使鄭叔則表旌其閭河東柳宗元為立碑

趙氏女山陽人父盜盜當論死女詣官訴曰迫饑而盜救

死耳情有可原能原之耶否則請與俱死有司義之許  
戚父死女曰身今爲官所賜願毀服依浮圖以報即截  
耳自誓侍父病卒不肯嫁

南唐 聶氏當塗貧家也年十三隨母採薪母爲虎攫去  
女持刃跳登虎背抱虎頸極力刺之虎奮擲咆哮而斃  
女走報家收母屍葬之

宋

彭氏女分寧人嘉祐中年十九從父入山採樵父爲虎所  
攫女挺身亂斫虎父得不死事聞詔賜粟帛仍命有司  
歲時存問

孟氏延安人父戍永樂戍人攻城陷之父死孟呼號徒步  
續文獻通考卷之七十九

二十八 三百八十八  
巫入城中獲父屍大慟而斃戍人憐之并其父瘞焉

張氏羅江士人女寡母楊氏携之同赴烟會暨歸則典庫  
雍乙被殺死莫知主名提點張文饒疑楊有私殺乙以  
滅口酷加拷掠辭終不服女謂母曰母以清潔聞寧死  
箠楚不可自誣吾將死訴于天言終而絕于是石泉連  
三日地大震有聲如雷天雨雪屋瓦皆落理官李志寧  
禱於天恍見猿墜于前乃執張氏饋食之夫袁犬一問  
遂服曰適盜庫金會雍歸乃殺之楊乃得免勝其所居  
曰孝感坊

唐氏紹興初淮寇破蕪湖女年十七歲賊至欲殺父兄女  
趨前曰妾雖婬陋願事將軍以贖父兄命賊從之釋父

兄縛女隨行數里過市東橋躍水死之

夏氏女高淳人母有疾女割股取肝療之淳熙中縣令表  
其里曰昭孝

林氏楊氏周氏女母病皆禱而割股煮粥以啖母病遂痊  
嘉定中堅立三孝感坊旌之

盧氏女永嘉人居盧與一日與母同行遇虎將噬母女即  
以身當之虎得女母乃免後有人見其跨虎而行里人  
爲建祠於永寧鄉至理宗朝封曰孝祐

呂仲洙女名良子晉江人父得疾瀕殆女焚香祝天請以  
身代時夜群鵲繞屋飛噪仰視空中太星燁煜如月者  
三翌日父瘳妹細良亦相從拜禱良子卻之細良曰豈  
續文獻通考卷之七十九

二十九 四百三十一  
姊能之兒不能耶真德秀嘉之表其居曰懿孝

陳氏龍溪田家女事父母孝實慶間父病藥不能愈女年  
方十有三默禱于神剔取其肝爲餌以進父服之愈郡  
倅林有宗立石名其所居里曰旌孝坊

劉氏二女南海人母病一女割股一女割肝以救之鄉間  
感動經畧使龔茂良上其事詔旌表其門倍給粟帛

曹小娥黃巖人嘉熙二年同其母范及隣母二十人採筍  
范爲虎所得娥執母手推虎而呼范知不免替督然命  
之去娥叫執愈疾虎掉尾拂娥踞坐熟視娥以身翼母  
推之下山幸而完屍里人吊之娥曰恨不代吾母死

夏孝女小字阿九黃巖人時年十五一日隨父推於山父

前與虎遇女見父陷虎口叫號直前執鞭鞭虎踰數十步虎棄其父而啖之。

焦花女定陶人母病思食鮮麥時隆冬女哭于郊其麥即穗取以奉母而疾愈。

馮氏諱素金星子人父病割股療之疾遂愈郡守陸德興表其墓。

童八娜鄆人虎啣其大母女手曳虎尾所以身代虎爲釋其大母啣女以去郡守林栗以聞于朝立祠祀之。

朱娥上虞人朱回女也母早亡養於祖媼里中惡少朱顏與媼競持刃欲殺媼娥年十歲號呼突前曰寧殺我毋殺媼也媼得脫娥被數十刃以死事聞賜其家累帛會

續文獻通考卷之七十九 三十 三司全錄

稽令董楷爲娥立像於曹娥廟歲時配享焉。

金 聶天驥女名舜英五臺人天驥爲衛州行尚書六部事哀宗遷歸德天驥留汴中崔立之變天驥被創甚舜英救療不治堊之明日亦自縊。

元

王氏女建德人至大間其父出芸舍傍遇豹爲所噬曳之升山父大呼女識父聲驚趨救以父所棄鋤擊豹腦殺之乃得生。

朱壽至元末台寇楊英鎮龍反既獲賊壽有奴在械中奴嘗怨壽父環揭傷詞連環環視壽泣壽乃走告法曹馮耿賢馮怒壽哀祈益切馮爲之惻然遂得釋。

唐 王爲四墳手植松栢廬墓終身。

武備要太原人年十七未嫁至正中避兵山峒其父被執女奔至父所謂兵勿殺我父請以身代衆乃釋其父父已逝去又言我有金帛瘞井邊衆往掘得之方爭取女即投井死。

李智貞浦城女也九歲母卒哀慟欲絕不茹葷三年。

袁氏女溧水人年十五母嚴氏孀居極貧病篤于牀女事母極孝至正中兵火延其里隣婦強擄女出避泣曰我何忍舍母去乎遂入室抱母共焚而死。

徐氏名彩鸞字叔和浦城人適邑士李文景畧通經史元續文獻通考卷之七十九 三十 四司全錄

末青田寇寇浦城彩鸞從父嗣源逃山谷間賊欲害嗣源彩鸞前曰寧殺我賊舍其父彩鸞語父曰兒義不受辱今必死父可速去賊驅彩鸞至桂林橋題詩壁間有惟有桂林橋下水千年照見妾心清之句乃厲聲罵賊竟投水而死。

姚氏餘杭人居山谷間夫出刈麥姚居家執爨母何氏往汲澗水久而不返俄聞覆水聲亟出視之則虎啣其母姚倉卒往逐即以手毆虎脇隣人因執器械以從虎乃置之去姚負母歸求藥療之得不死。

朱妙淨山陰人其母名淑信少寡誓不嫁妙淨幼哭父喪明無擇偶者士人王士貴重其孝乃求娶焉。

葛妙真宣城民家女年九歲聞街者言母年五十當死即啼泣請禱誓不復嫁終身茹素祈延母壽母後年八十一卒詔褒異之

金良女鄧縣人名汝安父母多疾汝安侍養惟謹及笄大家爭求聘汝安自謂父母老且病雖有兄弟馳驅門戶朝夕乏養奈何自是絕葷茹素夜焚香籲天祈親壽後父母俱八十餘而汝安居喪六年遂不復嫁鄉人以孝稱前太史危素為之贊

秦氏二女宜陽人父嘗有危疾醫云不可治姊閉戶默禱鑿已腦和藥進飲遂愈父後復病欲絕妹割股肉置甗中父少啜即甦事聞褒美之

續文獻通考卷之七十九 三十二 四百五十五

孫氏女河間人父病癰十年女禱於天求以身代且吮其膿血旬月而愈

許氏女安豐人父疾割股啖之乃痊

湯綺龍泉人有姿容賊殺其父母不勝悲憤以頭觸刃賊亦殺之其妹亦死

張氏高郵人賊叩其家索之不得欲殺其父母乃自出拜

賊賊即呼其父母為夫人媼而以女行過橋女投水死

張氏女廬州人嫁為高屋妻母目喪明女歸省抱母泣以

舌舐之目忽能視州縣以狀聞褒異之

畏吾氏三女家錢塘諸兄遠仕不歸母思之疾三女欲慰母意乃共斷髮誓終身不嫁以養母同力侍護四十餘

年皆以壽終後人為之立祠  
閔本二女河內人長曰真次曰文二女見父死國難呼天號泣自剄其旁

皇明

劉氏女名美玉博平人生員劉俊女正德十六年同父遇賊賊殺俊女以身翼之賊脅女以行女罵曰恨不殺汝豈同汝行遂死之有司給葬祭立石旌表

張氏女含山人正德初父誠貧而無子疾將革張痛切且恨以女子不能為父後遂籲天割股和藥以進請以身代

康孝女 本朝濟源人父友賢年老無子贅王珏為婿康續文獻通考卷之七十九 三十三 三百五十五

勸母納妾生子而乏乳康亦生女遂捨之乳其弟曰吾父老矣女可得弟不可再得也母嘗病康嘗棄夫早沒誓不再適時人稱之

雷氏女桂陽人雷廷惠妻名毛姑天順中猺獍攻破藍城人民奔竄女父目疾不能行女獨侍父側哀哭被執欲汚之罵賊不屈而死

孝婦 孫婦 姪婦附

周 頤文姜齊人適李氏事姑至孝常踰歷山險汲新泉以供姑忽感泉湧于室遂流成河故人名其里曰顏神河曰孝婦立廟祀之

漢

陳少寡婦年十六適陳無子夫當行戍囑養其姑夫死不還婦奉姑不衰父母哀其少將嫁之婦誓死不從養姑二十八年姑終以禮殯葬漢孝文帝高其義賜黃金四十斤復其終身號曰孝婦

東海有孝婦養姑甚謹姑欲嫁之不肯姑自縊死姑女告婦殺母捕驗治孝婦誣服具獄上府太守論殺之枯旱三年後太守殺牛自祭因表其墓天乃雨

沈伯陽妻顧氏字昭君早寡無嗣盡禮養姑父陰以許人姑聞之哭昭君驚問其故乃鬻髮以明已志

晉 陝婦不詳氏族年十九劉曜時發居陝縣事叔姑甚謹其家欲嫁之婦毀面自誓叔姑病死其叔姑有女在續文獻通考卷之七十九 三十四 四百三十四

夫家先從此婦乞假不得因誣殺其母有司不能察而誅之時有群鳥悲鳴尸上其聲甚哀盛夏暴尸十日不腐亦不爲蟲獸所敗後縣境經歲不雨曜還呼延謨爲太守既知其冤乃斬叔姑之女以少牢祭其墓謚曰孝烈貞婦其日大雨

齊 林貞婦方氏名友弟寧海人年二十八夫卒守節姑多病方善事之及卒行喪奠哭如儀

北魏 樂部郎胡長命妻張氏事姑王氏甚謹大安中京師禁酒張氏以姑老且患病私爲醢之爲有司所糾王氏詣曹自首由已私釀張氏曰姑老抱患張主家事姑不知讓主司不知所處平原王陸麗以狀奏文成閔而

藏之

唐 覃氏者上郡鍾氏婦也與夫相見未幾而夫死時年十八後事姑以孝聞數年間姑及伯叔皆相繼死覃氏家貧無以葬躬自儉約晝夜紡績十年而葬八喪高祖聞而賜米百石表其門閭

唐

鄭義宗妻盧者范陽士族也涉書史事舅姑恭順夜有盜持兵劫其家人皆竄匿惟姑不能去盧冒刃立姑側爲賊梓樨斃死賊去人問何爲不懼荅曰人所以異禽獸者以其有仁義也今隣里急難尚相赴况姑可委棄耶若百有一危我不得獨生姑曰歲寒然後知松栢後凋

續文獻通考卷之七十九 三十五 三百九十四

吾乃今見婦之心

唐夫人山南西道節度使崔瑗之祖母也事姑孝姑長孫夫人年高無齒每旦櫛沐縱并拜階下即升堂乳其姑長孫夫人不糧食數年而康寧一日疾病長幼咸萃宣言無以報新婦恩願新婦有子有孫皆得如新婦孝敬後其子孫之盛鄉族罕比

范氏宜春人夫與舅俱亡事姑孝謹姑病徧求醫不効忽聞肉香欲食之甚急村野莫能得乃割左膊肉煎以奉姑病遂愈鄉里稱其孝以割骨名村

何氏於潛人莫氏之婦夫死年猶盛年不嫁養姑至孝黃巢亂隣里皆奔徙何氏以姑羸卧疾不可俱抱姑涕泣



賊至號慟丐賊曰吾數年寡居以有姑耳今願代姑死賊乃掠何氏去將汗之植刃使懼何氏詭請櫛沐更衣因解襦自縊賊義而瘞之

宋

盛氏昌化民章瓊妻也姑何氏性急盛伺顏色終日侍立無惰容姑病盛鬻簪珥供醫甘旨費姑病劇乃閉門剝脇取肝爲膳以進長姒潘氏化其孝亦刲股爲政和六年州上其事詔旌表之

王氏進士張庭燮妻壽光人宣和間賊邢員執其翁王以金帛贖之又欲逼其從王大罵遂被害事聞旌表

朱雲孫妻劉氏安福人姑病雲孫刲股作糜以進而愈姑

續文獻通考

卷之七十九

三十六

四百八十八

復病劉亦刲股以進病亦愈尚書謝諤爲賦孝婦詩

史氏顏少保之婦克盡孝道姑嘗病史氏憂形于色不離

左右湯藥必親奉衣裳垢必自浣濯姑卒極其哀慟妻

崔悉如禮景定元年事聞于朝特封孺人號曰孝婦

謝天與妻鄧氏武進人夫卒其姑以哭于喪明鄧氏竭力

侍養德祐乙亥元兵猝至鄧氏抱姑避牛舍兵至火其

廬急扶姑匿後園鄧氏被獲繫而驅之行遇漕渠潛脫

所繫赴水死

魏挺妻劉氏寧國人姑性嚴峻劉事之極得惟心姑卧疾

五載劉日夜侍疾衣不解帶晨興必焚香禱天姑卒脫

簪珥助夫營墓茹素三年哀動隣里

丘氏寧德人陳晏妻也性慈孝姑病篤丘氏刺血寫經以祈庇佑姑果感慶而愈

胡淑修宿之女嫁李之儀讀書善屬文之儀母死淑修躬自負土封穴哭泣不輟手植松栢遂成茂林

陳氏名莊寧德人年二十適進士何晉之事姑孝謹甫再暮晉之卒一女尚幼陳氏方有娠因默禱于天曰若何

氏有後死不悔矣後果生男遂屏去脂澤閉門獨居親戚罕見其面夜課子讀書率漏下三鼓子卒以文學名

翁氏莆田人林昭度妻也昭度以計偕卒于舒城翁氏時年二十一守志不可奪事舅姑以孝聞教督二子擢第

成名郡以翁氏有至行聞于朝且名其坊曰孝義

續文獻通考

卷之七十九

三十七

四百三十八

葉氏女名女童婺源人未醮而婿歿女聞訃請于父往哭

之誓不再適以夫從子爲嗣經紀其家事舅姑以孝聞

表其里爲烈女坊

顧德謙妻張氏益官人夢天神謂曰汝某日當震死至期

雷電交作張氏恐驚其姑乃遠適山下聽震恍聞空中

語曰汝一念孝心天宥汝矣雨霽而歸

王氏二女膠州人靖康中金人南寇二女從姑避難俱爲

虜所獲二女給賊曰釋我姑吾當從汝賊信之姑既去

俱溺海死親屬收其屍埋之曰雙女塚

潘樹妻張氏海門人年二十六夫亡事姑教子爲鄉間法

孀居三十年中志不易旌以節孝之門

朱節婦蔡氏黃巖人朱仕龍之妻也歸五年而仕龍卒節婦年方二十一常平使者黃唐聞其賢固請納幣節婦慟曰婦無二夫縱彼卿相我何顏事之終身蓬頭垢面奉舅姑以教其子

王氏涇陽人進士武師古妻師古早卒竟以守節奉舅姑如初後旌表其門

金師氏年十八適澄城雷氏至二十四歲未有子而夫亡誓不再嫁篤養舅姑姑病革藥不効師氏潛剖股肉雜飲食以進姑病乃瘥後舅姑俱逝又二十餘年其兄師達欲利其產業私許楊琮婚訟于官師氏度其難免投井而死明昌三年采訪使以事聞特旌貞潔

續文獻通考

卷之七十九

三十八

四頁六

元

汪宗臣妻戴氏旌德人逮事祖姑年二十二夫亡二姑繼歿治喪營葬執禮無愆至元中詔旌表

徐德妻董法王諸城人德卒董年二十子二尚在襁褓情苦萬狀未幾舅姑相繼亡王備棺衾不失禮家貧三喪歷二十年未舉大德初王泣訴于鄉好義者憐之皆厚助遺遂得葬題其墓曰董法王墓親之所

俞新之妻聞氏紹興人大德四年新之歿斷髮自誓不復嫁姑久病瘋且失明聞氏手滌溷穢不怠時漱口上堂舐其目目爲復明及姑家貧無資傭工與子親負土塋之朝夕悲號鄉里嘉其孝爲之語曰欲學孝婦當問俞

母

廖氏龍溪人其夫希顏早卒子興嗣孤幼姑方氏年老廖年甫二十有四遭宋末亂離扶姑攜子以避難饑寒不給里閭或導其改適廖感泣截髮自誓力織紉以奉姑鞠幼艱苦萬狀大德間詔旌表之

趙孝婦應城人傭織得美羹食必持歸奉姑鬻子得姑棺而火將及亟扶姑出撫棺大哭火轉而息人稱孝感

劉氏耀州季子和妻夫年十九死劉誓不再嫁至大元年旌表其門事姑極孝後名其里曰孝姑里

盧敬妻時氏輝縣人敬早亡時年二十四自誓不踐二庭撫育幼子時祖姑八十餘竭力奉養不怠至大三年旌

續文獻通考

卷之七十九

三十九

三頁八

表其門

忽都妻只魯花真蒙古人年二十餘夫卒誓不再醮孝養舅姑逾二十五年舅姑沒塵衣垢面廬墓終身

宋仲容妻梁氏翼城人舅沒負土爲墳

廖氏名妙祿建陽人歸爲吳氏婦年二十其夫亡事舅姑至謹舅卒奉其姑不少怠仁宗時特封貞節宜人樹坊旌之永蠲其家徭役

鄭文伯妻丁氏新建人夫歿孝事舅姑旌門

井氏蒲城人任輝妻夫亡時年二十一養姑育子孝慈兼盡延祐五年旌表

傅君用母黎氏邵武人平居事姑甚謹定省必察其饑寒

夜則侍寢如是者四十餘年天曆初姑年九十九黎病革姑問之黎曰老人善自養越三日則百歲矣即時卒其姑戚然三日亦卒縣令爲立冢塋坊旌之

任仲文妻林氏寧海人早寡甚貧姑患瘋疾扶持甚謹撫育三子皆有成年一百三歲而卒

鮑琪妻吳氏歙人至正十六年官軍復郡城遊卒哨掠人皆避之吳氏獨以姑疾侍不去姑忽思覓乃懷幼兒出采覓遇遊卒欲汗之不屈後大罵以走卒怒斬之跳屍入澗中猶抱其兒不置

馮英妻劉氏杞縣人夫亡年甫二十八哀毀喪明生遺腹子通字養踰歲目復明紡織奉姑教子守節四十六年續文獻通考卷之七十九

至正間事聞旌表

李午妻張氏鄒平人事翁姑孝夫以戍死直走其地尋夫屍獲之至正間旌表

姚臨妻金氏宜興人聰慧知書事姑孝謹元末兵起臨挈老父入太湖遊兵迫之金度不免乃與夫訣曰汝有老父宜善保我誓不受辱即抱幼女赴水死

李氏名妙嚴晉江人歸于同邑尤惠繼姑雷甚妙嚴曲盡孝養遂爲姑所愛惠早卒男女凡七俱幼妙嚴惡衣蔬食辛勤以營家計及諸孤皆成立有司以聞旌其居曰節孝

劉珍之妻趙氏安陽人年十八歸劉氏四年而夫亡一子

始生舅姑垂老趙仰事俯育久之累無怠色紡績自給舅姑歿依禮塋祭教子讀書年六十八以疾終有司奏聞旌表其門閭

何氏懷孟人夫歿守志養舅姑以孝壽終親負土成墳高三丈餘

顏顯卿妻溫廸罕氏女直人居相之聞善坊未十年而夫亡有子一人方襁褓舅姑在堂遂蓬首垢面不踰閭者累年家漸衰替姑亦隨亡與一老婢爲人澣濯補綴以奉舅舅亡典所居以塋之

林貞婦方氏諱友弟寧海人年二十嫁同邑林可企之父某越八載生四子夫以疾亡諸子皆幼貞婦養欲無生續文獻通考卷之七十九

恐傷姑心乃忍死吞聲泣有里豪乘其瘠而凌之者貞婦盛氣叱之姑年八十餘貞婦敬之如鬼神保之如嬰兒

郭三妻楊氏事舅姑以孝聞夫死戍所母欲奪嫁號慟自矢後竟自縊死

陳寬甫妻胡氏武陟人年十五適陳氏孝順舅姑克盡婦道年二十三夫亡一子時在襁褓撫育以底成立年九十而終詔旌其門

李祐妻劉氏渤海人早寡父母使再醮不從舅患疽劉爲吮血既愈親挽小車載舅詣在祠奠謝

白氏太原人夫棄家爲僧白氏年二十留養姑不去服勤

續經以供租賦夫一日還迫使他適白斷髮誓不從姑  
年九十卒竭力營葬盡姑像祀之終身

方氏諱迎越之諸暨人也事姑何氏左右就養惟恐違其  
志姑病腑道澁不能親御廁溷孝婦以指探出之歲久  
未嘗有難色宋濂表其墓

黃氏字集義黃巖人歸同里楊戴至既歸而舅姑皆歿時  
大舅在大耋之年馭下甚嚴黃事之益謹定省無違禮  
日供調飲膳隨所需以進或思異味雖遠百里必力致  
之如是者十載如一日大舅喜曰吾家新婦能善事我  
真孝婦也由是鄉里皆稱為孝婦

金陵劉祐妻馬氏

句容曹興裕母王氏

續文獻通考卷之七十九

四十三

王成烈

新喻談某妻廖淑貞

金陵李成妻周氏

金陵劉英傑妻吳氏

輝縣陳克敬妻趙氏

貴溪徐肇仲妻宋以順

鄞縣周鏗妻王氏

咸寧李安適妻王氏

昌樂尚成妻劉氏

湯陰劉貞妻高氏

餘干程植妻王氏

臨江楊仕寧妻錫陽陳氏

武林施水坊王常妻湯氏

金鄉霍氏高溫妻姚氏高王妻岳氏高翁妻馬氏高珪妻

韓氏

吉安朱甲妻郎氏

東平鄭氏

大寧杜氏

安西楊氏

以上二十三人內郎氏鄭氏杜氏楊氏俱以割股愈姑

餘事未詳然皆蒙旌表故備著姓名於右

皇明

劉氏新樂韓太初妻太初仕元為顯官洪武七年徙和州  
劉奉姑嘗氏以從至南宮姑仆地傷腰劉刺血和湯以  
進乃愈至氏州姑疾再進再愈至和州鬻蔬供養無違  
禮姑患風疾時盛暑劉晝夜驅蚊不怠後姑病危嚙  
劉小指意與之永訣劉不悟斬指滴血和粥以進姑卒  
殯之淺土欲歸葬五年弗果哀號常如袒括之日事聞  
召至京厚賜之官為送寧氏喪歸葬新樂旌表其閭  
甄氏無極人嫁樂城李大舅早卒事姑甚孝大與其弟異  
居一日姑出往次子家甄隨侍不忍去姑命之還甬三

續文獻通考卷之七十九

四十三

王成烈

日忽心動舉身流汗少頃果有來告其姑病篤者甄沿  
途拜禱往至姑側侍疾數日而愈後姑年九十一卒合  
葬舅墓甄廬墓側三年旦夕悲慟不輟里人稱為孝婦  
洪武中旌表其門

何氏永嘉人王木叔妻王氏家淡泊何佐夫起家資用遂  
饒一日語夫曰子可出仕奈子之弟妹貧寒何橐中餘  
資久藏奚益夫曰此吾素志旦日盡散簪珥不遺木叔  
既出仕又曰子之弟尚困有田若干曷不畀之夫曰此  
尤吾志也遂以田與弟時稱賢婦

朱氏上饒人歸歐陽福祐年二十三而寡姑難其少且貧  
飢使更適矢死不從姑病革刲股療之比卒哭之甚慟

遇異人指以地始厝人謂孝感所致

毛氏玉山詹清妻年二十二清歿遺腹生子杓毛垢容惡服誓不再嫁姑徐久癰瘕毛與共寢浣滌穢惡孝謹備至

陳氏邵武副都陳泰女適吳成成卒目不瞑陳仰天自誓願終養其母成爲瞑目自是孝養躬勤紡績不厭事聞受旌

丁氏定州李英妻年二十生子八月英死舅亦早亡事姑張氏孝謹隣嫗諭其再嫁丁泣曰妾不幸舅亡夫歿今子幼姑老無他侍養寧死誓不嫁隣嫗愧止孀居幾五十年始終一節事聞旌表

續文獻通考

卷之七十九

四十四

三

王氏饒陽趙彥良妻年二十二生男方一歲夫卒以禮塋之兄憐其少欲奪其志王曰生爲趙家妻死爲趙家鬼况有公姑無人侍養豈可他適固拒而止躬事蠶績以供舅姑及卒以禮殯塋年至七十守節五十一年事聞旌表

方氏婺源胡亨華妻嫁未幾而夫卒及塋獨工爲虛壙於右去容飾孝事其姑姑塋之日告夫墓曰吾事畢矣遂自縊

董淑真海鹽董鎮女贅朱士廉年少夫亡誓不更嫁迎姑終養洪武中旌

楊氏衢州鄭儼妻儼早卒子儋甫周歲守志養姑百艱不

實成化間旌表

周氏遂昌人永樂間許聘蘇仲善爲繼室未行而仲善死周遂號慟至夫家服哀麻撫夫前室子事姑以孝年七十餘而卒鄉里稱爲蘇老安人

陳驥妻王氏景寧人年二十一驥死生遺腹子名達家貧甚日紡績事姑撫幼營塋其夫孀居三十九年成化初旌之

莫潤妻沈氏紹興人歸潤家貧甚潤役暴悍不能治生沈勤苦紡績辛善事之養其姑甚孝而身則凍餒既生子益不給潤賜以非義沈不從潤乃陰與富者約改嫁之沈懼不免自縊死

續文獻通考

卷之七十九

四十五

熊氏南昌劉天瑞妻年二十三而寡生子仲高娶喻氏年二十六寡生子觀方四歲熊自念孀居艱難諷喻曰此乳竈四歲兒安可冀望喻泣曰姑能不負所天吾獨不能乎前途明暗一聽命于是婦姑紡績自給觀竟有成立孫曹不下二十餘人熊歿年九十一喻八十二人以爲天道之報有雙節集行于世

余睿昭妻游氏睿昭卒無嗣撫姪銘爲子孀居三十年非廟祀不接宗族紡績以供舅姑躬勤艱苦終身不渝弘治十一年旌表

屈氏南昌徐鍾妻年二十鍾客死聞訃閉門自縊姑覺而破門救之撫孤守節自誓其母憐之欲奪其志乃剪髮

以示復欲奪之耶欲自殺毋乃止孤患疫幾危掌心燒香願天顧身代子以昌夫後事姑孝姑死紡績供塋旌以貞節

朱氏南豐人謝勝華妻年二十六而夫卒子幼家貧躬績紉以養老姑壬辰兵亂歷艱危不少變姑歿號慟喪明正統三年旌表

李氏廣昌人何承孚妻孀時年十四越二年孚卒何弛容釋粧每欲與俱柩前設一木櫬坐而哭櫬爲之利姑病朝夕祝告請以身代哭曰吾所以不死者爲姑在也姑既逝吾何生爲哀慟嘔血不一月而死

葉氏臨川朱希軾妻軾亡葉奉姑以孝子昇以明經爲儒續文獻通考卷之七十九 四十六 三百六十五

官景泰中旌

元氏樂安王德修妻德修卒元年二十有五遺腹三月而生子家貧紡績以事舅姑撫孤成立孝慈節義俱至成化間旌表

劉氏順貞安福伍希憲妻年二十八憲卒劉以老母與孤在自誓守節養姑教子如夫言弘治間旌

武志賢妻蘇氏太原徐溝人年十九夫亡子甫周家貧勤紡績養姑以孝永樂間旌

劉氏太原人適楊素素染疾不起劉號泣拔髮自誓比歿親理喪事姑克盡婦道三子皆有成立景泰初旌

侯氏繁峙人廣嚴妻夫歿侯焚香自誓居五十餘年養子

姑撫孤幼年百狀卒全其節天順間旌

吳氏大同人王玘妻玘卒吳年二十六養舅姑無違禮育遺幼令就學永樂庚子鄉薦正統間旌

張氏利津人安智妻智卒張以補紉備奉養舅姑撫孤煥及長娶王氏煥亦早卒王中節如姑正德七年表曰純孝貞節

王氏恩縣人張安住妻洪武十三年夫卒王誓不再適孝養翁姑撫幼子緣由及長娶畢氏畢亦早寡矢節如姑旌曰雙節

寧氏安丘縣人許嫁同里劉真見真死寧氏年方十六聞訃甚哀謂父母曰烈女不更二夫請往事舅姑至真續文獻通考卷之七十九 四十七 四百五

兒家爲服衰麻晝夜勤女紅以養舅姑及歿賣衾珥以葬節行完美洪武末旌

張德瑜妻姚氏華亭人嘉靖中年二十四夫亡屏食待斃及葬嚙棺號慟聲震里巷結廬墓側抱痛終天姑宋氏老病不解襟帶而侍奉湯藥者經年子亦以孝聞每按部使者至並以節孝旌異從子以誠辛丑鼎元及第稱德門云

路氏汜水人趙三妻年二十五夫亡誓不再嫁孀居四十餘年孝養舅姑撫子安成立入太學安以狀聞受旌

陳氏安陽人李諒妻年十九生一子旻夫歿于役聞訃哀慟絕粒三日不死乃復食織紉以養舅姑姑患疽吮之

愈撫旻成立孀居五十餘年成化十五年旌

王氏洛陽人董安妻年二十六夫亡無子紡績以養舅姑

守節四十七年成化七年旌

楊煥妻王氏鄒平人寡無子甘貧守節墓其祖翁姑及夫  
凡四喪旌表

續文獻通考卷之七十九終

四六

一百三

續文獻通考卷之八十

皇明進士雲間王圻纂輯

節義考 義士

春秋

召忽齊公子糾家臣也齊襄公無道公子小白奔莒公子糾奔魯後魯伐齊納子糾而小白已先入使鮑叔殺子糾于生竇召忽死之

鉏麇晉人晉靈公惡趙宣子使鉏麇賊之晨往寢門闕矣盛服將朝尚早坐而假寐麇退而嘆曰不忘恭敬民之主也賊民之主不忠棄君之命不信有一于此不如死也遂觸槐而死

續文獻通考卷之八十

三、七十九終

曹子臧曹諸公子也晉侯執曹伯將見子臧于王而立之辭曰前志有之聖達節次守節下失節爲君非吾節也雖不能聖敢失節乎遂逃奔宋

季札吳王壽夢第四子壽夢賢季札欲立爲後札辭之乃立長子諸樊諸樊又賢季札欲立爲後札又辭之樊乃傳位餘祭餘祭傳夷昧以次及札使不得辭札終辭而去初札有寶劍徐君欲之而口不言札亦心許之矣及再適徐徐君已薨乃拜其墓懸劍于樹而去

北郭騷齊人捆葦織屨以養母晏子分倉粟府金遺之及晏子見疑于景公出奔過北郭騷辭之郭語其友曰吾悅晏子之義而嘗乞所以養母者吾聞養其親者身仇



其難今晏子見疑于君吾將以身白之造于君庭曰晏子天下之賢者也今去齊國必侵矣不如死乃自刎其友曰北郭子爲國故死吾將爲北郭子死又自刎景公聞之亟追晏子反

靈轍晉人趙宣子田于首山舍于翳桑見轍饑食之轍舍其半曰請以遺毋宣子因與之簞食與肉後靈公伏甲攻宣子轍倒戟以禦公徒而免之問其故曰余翳桑餓人也問其名不告而退

程嬰公孫杵臼晉趙氏家臣也下宮之難趙氏盡滅朔妻趙姬有遺腹子屠岸賈令人索之姬置襦中祝不啼得免而賈猶索之不已公孫杵臼謂程嬰曰立孤與死孰

續文獻通考卷之六十

四十七

難嬰曰立孤難杵臼曰子爲其難我爲其易嬰乃以已子易趙孤令杵臼負之匿山中出曰誰能與吾千金者吾告趙氏孤處屠岸賈與之千金乃從山中索得杵臼與孤杵臼佯罵曰小人哉程嬰也利人之財而滅主之嗣遂與孤俱見殺而真孤固在也嬰撫育之十五年愬于韓魏二家復立趙後盡歸其田土是爲趙武趙武既立嬰乃自殺以報杵臼

魯仲連齊人秦圍趙急趙求救于魏魏使新垣衍約趙欲共尊秦爲帝仲連義不帝秦欲蹈東海死適魏救至秦師乃退平原君以千金贈連連曰所貴乎士者爲人排難解紛而無取也棄之而去後爲田單下聊城齊王欲

尉之逃于海上曰吾與富貴而屈于人寧貧賤而輕世肆志焉

漢

樂布梁彭越大夫也布爲越使他國返而越被誅乃奏事越頭下終其使命高帝使人捕至命烹之布曰願一言而死昔陛下與楚戰于滎陽梁王左顧則左勝右顧則右勝不以此時反今天下已定梁王得分土亦欲傳之子孫世世無窮也而枉以讒言受誅臣恐功臣人人自危矣今梁王已誅臣生不如死願就烹帝釋之任安字少卿滎陽人嘗爲大將軍衛青門客後青日衰故客多歸霍去病安獨不往

續文獻通考卷之六十

三十一

郁越太原人舉孝廉以病去官越散其先人貲千餘萬分給九族州里顯名于世樓護齊人舉方正爲諫大夫上先人塚過齊會宗族故人各以親疎與束帛一日散百金有故人呂公無子護養之終身

東漢

劉平楚郡太守孫萌更也萌將爲龐萌所殺平伏太守身上號泣請代身被七創龐萌曰此義士也釋之太守已絕復蘇渴求飲平傾創血以飲之

鄭雲字仲興四明人與梁宏俱爲吳郡太守尹興主簿興以楚王英謀反事覺并宏下洛陽獄雲始終明興無辜

下以考掠誣服竟下獄死宏亦肌肉消盡終無異詞後  
陸績事放興還田里表雲門閭而宏亦釋放  
朱瞻宛人少遊太學見張堪妻子貧因以金贈之人稱其  
義

所輔平原小吏也賊入境縣令劉雄帥眾追戰為賊所執  
將刺之輔以身代令死賊縱令而刺輔事聞詔書追傷  
之

孫賓碩桓帝時人趙岐聞家有唐衡之變因從官舍逃走  
之河間變姓名又轉詣北海常於市中販胡餅孫賓碩  
時年二十餘乘犢車將騎入市見趙岐疑其非常人也  
因問之曰自有餅耶販之耶岐曰販之賓碩曰買幾錢  
續文獻通考卷之八十

賣幾錢岐曰買三十賣亦三十賓碩曰視處士之望非  
似賣餅者始有故乃開車後戶所將兩騎下馬扶升之  
岐以為唐氏耳目也甚怖賓碩閉車後戶下前檐謂之  
曰視處士狀貌既非販餅者今面色變動不有重恐則  
當亡命我北海孫賓碩也闔門百口又有百歲老母勢  
能相度者也終不相負岐乃具告之賓碩遂載岐驅歸  
椎牛醢酒快相娛樂一二日因載往別田舍藏置復壁  
中後數歲唐衡死乃出還本郡

王忱廣漢新都人嘗詣京師見一書生病困憊而視之書  
生曰我床頭有金十斤願相贈死乞藏骸骨忱方欲詢  
其名而已絕即鬻一斤營其殯餘悉置棺下後有馬一

匹并風捲紅帔入其庭有老父曰此我家物卿何陰德  
而致是忱因述墓書生事老父泣曰此我子也姓名  
彥向不知死所乃煩君為墓之因共詣其所發瘞金故  
在也

楊匡陳留人初為杜喬掾喬與李固坐黨錮死匡衛其尸  
都君從事執詣梁太后太后義之因上書乞送二人骸  
骨歸葬遂隱不仕

劉虞漢宗室也以太司馬牧幽州時天下大亂羣盜並起  
關東諸將欲奉虞為天子虞堅拒不受欲奔匈奴以自  
絕乃止尋為公孫瓚所害人咸惜之

劉翊字子相潁陰人家世豐產常能周施而不有其惠獻  
續文獻通考卷之八十

帝時舉上計掾累遷陳留太守及歸道遇士大夫病亡  
輒以馬易棺葬之又逢知故困乏因殺所駕牛以救眾  
止之翊曰視歿不救非義士也遂俱餓死

任光字景升鄆人光為縣主簿海賊作孽縣長朱嘉部眾  
出戰為流矢所傷賊突嘉前欲刃之光乃以身捍嘉力  
戰而死嘉獲免歸治出俸厚葬之

承宮姑幕人嘗闢地數十畝種禾已有人來認曰此吾禾  
也宮遂與之

田疇右北平人幽州牧劉虞欲遣使詣京師難其人或言  
田疇雖少有奇才虞乃請為掾遣之至長安以為騎都  
尉不受比還虞已為公孫瓚所殺乃謁祭虞墓陳發喪

章痛哭而去。瓚怒購求獲之。謂曰：汝不送章報我何也？瓚曰：漢室衰頹，惟劉公不夫忠節。章報所言於將軍，未美恐非所樂聞。且將軍既無罪之君，又警守義之士，恐燕趙之人皆蹈東海而死耳。瓚釋之，歸率宗族及他附從數百人掃地而盟曰：君仇不報，吾不可立于世。遂入徐無山中躬耕以養父母。歸者至五千餘家，乃爲約束三十餘條，至道不捨，遺北邊，翕然服其威信。

關羽字雲長，本字長生，河東解人也。好左氏傳，亡命奔劉先主於涿郡，與張飛三人結爲兄弟。而先主爲平原相，羽飛分統部曲周旋，不避艱險。建安五年，曹操東征，先主奔袁紹，操禽羽以歸。拜偏將軍，禮待甚厚。袁紹遣大

續文獻通考

卷之八十

六

西

七

京

將軍顏良攻東郡太守劉延于白馬，曹操使張遼與羽擊之。羽刺良于萬衆之中，遂解白馬圍。操即表羽爲壽亭侯。因遣張遼、操、羽去，留之意。羽嘆曰：吾極知曹公待我厚，然吾受劉將軍厚恩，誓以共死，當立效以報曹公，乃去耳。操聞之曰：事君不忘其本，天下義士也。及羽殺顏良，盡封所賜拜書告辭，而奔先主于袁軍左右。請追之。操曰：彼各爲其主，勿追也。自是佐先主收江南諸郡。拜襄陽太守，盪寇將軍。西定益州，拜羽董督荊州事。二十四年，先主爲漢中王，拜羽前將軍，假鉞威鎮華夏。操議徙許都，以避其銳。用司馬懿計，陰結孫權，乘羽圍樊城，而權引兵據江陵，盡擄羽士衆妻子。羽軍遂散，權禽

羽欲留之以敵曹操，左右不可，乃斬羽及其子平于臨沮。追諡曰壯繆侯。

陳容射陽人，隨臧洪爲東都丞。洪被執于袁紹，將死，容曰：將軍舉大事而先殺忠義，可乎？紹慙，使人牽出。容顧曰：仁義豈有常蹈之則君子，背之則小人。今日寧與臧洪同日而死，不與將軍同日而生。遂見殺。

曹魏

龐涓，酒泉人。初以涼州從事守破菟，長會武威太守張猛反，殺刺史邯鄲商，棄官奔突，喪所訖。徐詣猛門，裹匕首欲殺猛。猛知其義士，勅遣不殺。後太守徐揖請爲主簿。郡人黃昂反，圍城。涓冒圍出告急于張掖，燉煌二郡

續文獻通考

卷之八十

七

四

京

軍未至而城陷，揖死。涓乃收斂揖喪，送還本郡。曹操聞之，辟爲掾屬。

向雄，河內山陽人。高貴鄉公時爲鍾會功曹，會以反誅雄，收葬。會司馬昭召而責之曰：往者王經之死，卿哭於東市，而我不得問。今又收葬會者，復相容其如王法何？雄曰：昔先王掩骼埋胔，仁流朽骨，當時豈先卜其功罪而後葬哉？今王旣加刑戮於法，已備雄感義收葬，教亦無缺。法立於上，教弘於下，以此訓物，雄曰可矣。何必使雄背死違生，以立于時哉？昭悅，與宴而遣之。

任昭，先初名瑕，樂安人。比鄰擅耕其地數十畝，種之人以語瑕，瑕曰：我自借之耳。耕者聞之，慙謝還地。

吳 陸瑀字子璋吳郡人與同郡徐厚素不相識厚臨死遺書託以孤弱瑀爲起墳收養其子從父績早亡一子一女皆數歲瑀迎養咸使成立

晉

李義鄆縣人盜起荆湖義傾家貲市兵器率鄉人擊破之闔境以安陶侃召至麾下分兵使擊賊後民立祠故居太尉廟側

王道蓋東莞人晉大明八年東土饑歉道蓋以私穀五百餘斛助官賑恤

桓雄長沙人爲譙王承主簿及承被王敦黨魏乂執送武昌雄與西曹書佐韓階從事武延並毀服爲僮豎不離續文獻通考卷之八十

承左右乂見雄姿貌長者因害之階延執志愈堅旣遣其黨王廙殺譙王于道階延親營殯殮送柩還都早夕哭奠葬畢乃還

劉宋

范叔孫錢塘人性仁厚周窮濟急里中大疫躬往撫療貧者給藥餌有里人父母兄弟同時死者數家尸腐經旬人莫敢過其門叔孫具棺槨皆親往殯葬之鄉人重其義呼曰范義嘗辟竟陵王參軍不就

張進之永嘉安固人家世富足經荒年散財救贍鄉里全濟者甚多時劫掠充斥至進之門輒相約勒不得侵犯其信義所感如此文帝元嘉初詔綱其後

嚴世期會稽山陰人性好施同里張邁等三人妻各產子歲饑欲棄而不舉世期分食解衣以贍其乏同縣俞楊妻莊年九十莊女蘭七十並老病無所倚世期怡養二十年死並殯葬宗親嚴弘鄉人潘伯等十五人荒年並餓死露骸不收世期買棺殯埋及存育其幼孩元嘉四年有司奏榜曰義行嚴氏之門復其身

釋曇遷與范蔚宗王曇首遊歛後蔚宗被誅門有十二喪交知亡敢近者曇遷罄貨衣物悉營葬送孝武聞而嘆賞語徐爰曰卿著宋書勿遺此士

齊 韓係伯襄陽人事父母孝謹與隣人居種桑地上爲界係伯以桑之陰妨他地遷境上縮數尺隣畔隨侵之續文獻通考卷之八十

係伯輒改種久之隣人慚愧還所侵地謝過建元中表其閭

梁 嚴植之字孝源秣歸人性慈仁好陰德嘗山行見一病者問其姓名不能答載與俱歸爲營醫藥六日而死遂殮殯之又嘗見患人臥塘側下車問其故云姓黃氏家本荊州爲人傭賃疾旣危駕船主將發棄之于崖植之心惻然載還治之經年而瘥請終身充奴婢以報植之不受遺以資糧遣之其義行多如此

北朝

張安祖河陽人襲世爵山北侯時有元承貴出爲河陽令家曾赴尚書求選逢天寒甚凍死路側一子年幼停尸

門巷無託安祖悲哭盡禮買木為棺身自營作殮  
賓周給朝野嘉嘆尚書聞奏標其門閭

馬八龍輕財重義友人武遂縣尹靈哲在軍喪亡八龍聞  
卽奔赴有屍而歸以家財殯葬為制總麻撫其孤遺恩  
如所生州郡表列詔表其閭

甄密字叔雍鄉人蘇良嘗沒賊中密盡私財以贖之良歸  
傾貲報密密皆不受曰濟君之時本不求貨今受君報  
豈相贖意耶

汲固東郡梁城人為兗州從事刺史李式坐事被收時式  
子憲始生滿月固潛抱匿尋泄固乃攜憲逃遇赦始  
還

續文獻通考卷之八十

十一 言五

京

李士謙趙郡平棘人家故富實值歲歉出粟千石以貸貧  
者明年又歉人無以償士謙卽對衆焚券曰已償矣明  
年大稔人爭還之一無所受明年又歉散粟賑貧合粟  
救疾羣大生子交相乳之人謂仁心所感比卒趙郡士  
女聞而流涕相與樹碑于墓

北齊 宋游道文襄時為諮議領書侍御史兼司徒右長  
史文襄疑溫子昇知元瓘之謀繫諸獄而餓之食弊襦  
而死棄屍路旁游道收而葬之文襄謂曰子昇吾本不  
殺之卿葬之何所憚天下人代卿怖者是知吾心也

唐

孔璋許州人開元中李邕為陳州刺史坐事下獄罪當死

璋初不識邕以布衣上書救之謂邕往者張易之用權  
人畏其口而邕折其角韋氏勢盛言出禍應而邕挫其  
鋒雖身受屈奸謀終損此邕有大造于國家今聞小吏  
鞠訊將至極刑臣願六尺之軀甘受膏斧以代邕死疏  
入邕得減死貶遷化縣尉璋亦配流嶺表而死

吳保安字永固魏州人郭仲翔為蠻所執求千緡始許贖  
歸保安始由仲翔薦于李蒙為掌書記至是仍棄家力  
居貨十年得緡七百都督楊安居助之遂贖仲翔以歸  
仲翔後官代州戶曹遭母喪服除喟然曰吾賴吳公免  
吾死今親歿可行其志乃求保安時保安以彭山丞客  
死其妻亦歿喪不克歸仲翔為服衰經囊其骨徒跣負  
之歸葬魏州廬墓三年乃去後為嵐州長史迎保安子  
為娶而讓以官

續文獻通考卷之八十

十一 言五

京

段秀實字成公汧陽人天寶中署懷州長史時安慶緒奔  
鄴西安節度使李嗣業圍之後嗣業中流失死秀實發  
卒護喪親與將吏迎諸境傾私財葬之元禮高其義奏  
擢試光祿少卿

李汧公名勉字玄卿少貧客梁宋與諸生共逆旅諸生病  
且死出白金語汧公曰左右無知者幸君以此葬我餘  
君可自取汧公許之既葬密置餘金棺下後其家來謁  
公啟金付焉

李約汧公子也嘗江行與一商胡舟楫相次商胡病篤同

約相見以二女托之皆有異色又遺一大珠約悉  
商胡時密以夜光舍之後親屬來理資物約請官司發  
棺驗之夜光果在

于令儀曹州人夜獲一盜乃隣人也濟以十千盜欲拜謝  
而去儀曰汝夜中持此去恐爲捕者所獲奈何乃留至  
天明使去後子姪皆登進士

郭元振魏州人在太學時家人送資錢四十萬會有綴服  
叩門者言五世未葬願假治喪元振悉與之無吝亦不  
質姓氏

裴度字中立聞喜人有相者謂當餓死他日出遊香山寺  
續文獻通考卷之八十

十一 四十七

見一婦人置綆稍于僧伽欄上祈祝良久忘取而去少  
頃度方知料追付弗及遂收取以待日暮竟不至挈歸  
逆旅詰旦攜往寺門一婦疾趨至曰阿父無罪被繫昨  
告人假得玉帶一犀帶二以賂要津不幸失此老父不  
測之禍無避矣度即舉還之尋遇相者驚嘆陰德及物  
前程萬里非其所知後果爲相白敏中事類此

劉弘敬字元溥世居淮淝間資財巨萬有女將適人抵維  
揚求女奴資行用錢八十萬得兩人焉內一人名蘭蓀  
者風骨姿態殊非賤類弘敬詰之久乃對曰先代官淮  
西不幸遭吳寇陸梁因姓與國同疑爲近屬身委鋒刃  
家乃沒入官以此沈湮無所告訴弘敬嘆息久之乃曰

此女雖家族喪亡實衣冠之後不可爲婢遂焚其券收  
爲甥以家財五十萬先其女嫁之

范元之衢州人素貧篤志讀書盛暑浴於水邊得金銀一  
袋于岸歸謂其子曰世人以財爲命萬一失此者自經  
于溝瀆枉喪性命將如之何翌日父子攜金于岸待之  
果有一婦悲號至元之詰其故曰夫坐獄當死易田得  
金至此失之夫將死矣元之即以金還之婦願分謝力  
辭不受

朱承逸居雪之城東門爲本州孔目樂善好施嘗五鼓趨  
郡過一橋閣橋下哭聲甚哀視之有男子及妻攜小兒  
在焉叩其故云負勢家錢三百千督索無償將併命于  
續文獻通考卷之八十

十一 四十七

此朱惻然遣僕護歸且自往其家見債家悍僕立坐于  
門朱因奸言諭之曰汝主以三百千錢之故將使四人  
死于水於汝安乎急歸告若主吾爲代還債家惶懼聽  
命其人感泣願終身爲奴婢不許復以二百千資給之  
而去

徐晦憲宗時櫟陽尉也中丞李夷簡彈楊憑貪污貶爲臨  
賀尉親友無敢送者晦獨至藍田與別權德輿曰厚矣  
無乃爲累乎對曰晦自布衣蒙楊公知獎豈得不與之  
別借如明公爲讒人所逐晦敢自同路人乎德輿嗟嘆  
稱之于朝後數日李夷簡奏爲監察御史謂之曰君不  
負楊臨賀肯負國乎

雷樞咸通中人嘗以含忍教子孫十一世未嘗訟人于官  
後孫字登進士官至太子太傅

劉鄴句容人父三復以善文章名爲李德裕所知表爲掌  
書記歷弘文館學士鄴六七歲能屬詞德裕憐之使與  
其子共學德裕既斥鄴無所依去客江湖後賜進士第  
遷承旨傷德裕抱誣死海上乃伸直其寃復官爵世高  
其義

五代

鍾離瑾合肥人舉進士知德化縣與隣縣許令爲姻女將  
出適買一婢從嫁其婢一日治地堂前熟視窺處惻然  
淚下瑾怪問之婢曰幼時我父於此穴地爲毬窩導我  
續文獻通考卷之八十

十四

戲歲久而穴猶不改今昔在懷是以悲耳君問父爲誰  
婢曰父乃前縣令某身死家破我遂落民間更賣爲婢  
瑾乃以書抵縣令曰吾買婢得前令之女義不可久辱  
當輟奩篋先求婿嫁之更一年別爲吾女營辦許答書  
曰遽伯玉耻獨爲君子君何自專仁義願以前令之女  
配吾子君女當別求良姻於是遂歸許氏

趙玉漁陽人嘗客滄州依節度使呂克光破滄州盡滅  
交族子琦年十四玉竊負以逃變姓名丐衣食以給琦  
琦仕南唐至兵部尚書燕趙間以玉能存孤翁然稱之  
寶禹鈞范陽人爲人素長者家僮盜用房錢二百千慮事  
覺有女年十三寫券繫女臂云永賣此女償所負錢日

是遠道禹鈞憐之即焚券以女屬妻曰可善撫養既笄  
復以二百千擇良配後僕歸伏罪禹鈞不問宗黨有喪  
不能舉者爲出錢葬之凡二十七家孤女貧不能嫁者  
爲出錢嫁之凡二十八人歲所入自伏臘供給外皆以  
濟人之急嘗建書院四十餘間聚書數千卷擇文行之  
儒爲師四方孤寒之士有志爲學者聽其自至由禹鈞  
之門登貴仕者前後接踵

宋

鄧咸湘陰人天禧間縣未有學咸創義學於縣西南置書  
招師訓族子弟及從學之士馮京鄭獬皆肄業焉姪珙  
爲豐城主簿夜中庫丁聚哭問之曰失官錢三百貫恐  
續文獻通考卷之八十

十五

獲罪珙盡以錢代爲還官其人感惠以二女獻不納時  
論高之

查道字湛然歙州人淳化中赴舉不能行親族哀錢三萬  
遺之道出滑臺過父友呂翁家翁死貧無以葬母兄將  
鬻女以襄事道傾囊錢與之且爲其女擇婿捐財資送  
饒延年崇仁人居鄉樂施歲遇艱糴延年出粟平糶米斗  
之直舉斗粟量得錢六十五立爲定直終身行之積米  
之家多怨延年曰爾家歲入可計若以其餘出糶高價  
亦不過數十千遂計數還其直由是鄉黨無敢責糶者  
咸以長者稱之

楊燧開封人善騎射仁宗時從征貝州穴城以入燧初穴



其家甚至故人妻子貧不能活者皆收養之人推其義

錢戢澤陽人居父憂有少年數人來曰而父通我金數百萬錢戢與之不吝夜有盜入戢知之呼與一鋌白金使速去終不語人後其子至顯官人以爲陰德之報

韓魏公琦字穉圭相州安陽人在政府時以錢三十萬買一女奴券成忽泣下問其故曰妾郭守義妻也守義前歲官湖南部使者挾私劾罷官今值歲儉養無所資恐盡室餓死故身役於人以活守義兒女公惻然憫之遺錢三十萬遣還舍

續文獻通考卷之八十

十六

京

王曾字孝先益都人居京師時過甜水巷閭子母二人哀哭曾詢其隣云其家少官逋四萬錢計無所出乃易女以償旦夕分離所以悲耳曾乃訪其家詢之無異因謂其母曰汝女可賣與我仕宦往來時得相見遂與白金令其償官約三日娶逾期不至其母復訪曾館曾已行矣

范仲淹在睢陽遣其子堯夫於姑蘇取麥五百斛堯夫還次丹陽見石曼卿問寄此久近曼卿言已兩月三喪在淺土欲葬之北歸時無郭元振無可與謀者堯夫因以麥舟與之單騎而歸文正問曰東吳見故舊乎曰曼卿爲三喪未舉留滯丹陽文正曰何不以麥舟付之堯夫

曰已付之矣

許規貴池人嘗適宣州客邸旁舍客有病者乃建康人規爲請醫終不愈其人因以橐中金百兩付規托以後事規爲棺殮並以餘金還其家曾孫元官至天童閣待制知揚越二州

曾公亮字明仲晉江人布衣時遊京師舍於市側聞旁舍泣聲甚悲公亮問之旁舍生曰僕官於某所以某事用官錢若干吏督之急家無以償以女鬻於商人今與父母訣此所以悲也公亮曰商人轉徙不常且無義我士人也孰若與我即與錢四十萬約後三日以其女來至則公亮已行矣

續文獻通考卷之八十

十七

四十二

京

郭叔和蘭溪富家平生樂善好施忽山崩溪發沿溪居民盡皆漂流屍骸蔽溪叔和憐之盡其家貲脩棺以塋名曰叢塚山時田亦多荒叔和助穀種不責償人稱其義馮商江夏人嘗求婢生子得一女問之曰妾父主綱運損根無以償官不得已鬻妾耳商乃亟還其女其父母泣曰聘物已廢無可還商并不求而去後其人既完賦往發配所賣酒商自京還夜宿其店主欲以妻身報厚恩自托他事出外留妻與居妻言其情商嚴拒之明燭達旦比曉即行京即其子也

劉留臺未第時于旅舍復白金一袋共八十片盡以還其主蕭然歸家鄉里共鄰之曰得金不能取將復來千人

也未幾登第子孫相繼貴顯

王文亮奉化人嘗渡浙江得白金百斤留守三日竟歸其主後以壽終王荆公誌其墓

鮮于侁字子駿閬州人知揚州時蘇軾自湖州赴獄親朋皆絕獨侁往見臺吏不許通或曰公與軾相知久其所往來書文宜焚之不然且獲罪侁曰欺君負友吾不忍為以忠義負譴則所願也

秦憲深陽人為人長者歲收萬斛租鄉民輸粟者令自行繫當熙寧元豐間頻歲饑作粥活人甚衆

曾安强大和人肅之子也以進士提舉成都路常平嘗墓暴露不收者三十餘柩

續文獻通考

卷之八十

邵靈甫宜興人倜儻好施嘗歲歛發儲得五千餘斛自縣至湖汭除道四十里渡蠡河等水路八十餘里通番盡溪入太湖邑人爭受役遂賴以活後子梁登進士孫剛壯南省人以爲積善之報

劉永一夏縣人熙寧初巫咸水溢民多溺死永一持竿立門首視他人物流入者輒摘去之鄉人負責不能償永一立焚其券人皆以爲義

蘇軾眉山入嘗上章乞居陽羨託邵民贍買宅一區爲繕錢五百將徙居矣偶與邵步月村落聞老嫗哭聲甚哀軾詢之以舊居故也因對嫗焚券竟不索直

呂伯南德州人遇一倡舉止不類儕輩怪問之對以夫病

負人錢不得已至此耳因泣涕不止伯南問所負幾何

曰約可千金伯南即如數與之復給貲使別營業馮制字公道慈谿人舉天聖中進士康定間里中大饑民相食乃貸家穀數千斛濟之嘗逾錢塘會故知錢寺丞

負子錢家數百緡索之甚急悉代爲償其誨子弟務中規矩後相繼登進士

徐之翰字憲之鄞人初鄉人嘗從貸黃金後攜以償時在汴舟因給曰金誤墜水之翰不疑也後其人自悔疾且死遣其子來謝償之徐即以所償助其喪塋

蔣員外定海人失其名有子姓不類驚其產者必隨直給之久度其無以自資舉以相還不責其償雖至數四卒

續文獻通考

卷之八十

無厭意後嘗渡海爲回風所激溺水有一物如蓬籍其足竟不死

陳大雅象山入嘗舍逆旅遇客病將死司舍皆散大雅晨夕相守躬治湯藥傾囊中裝給之俟愈始去人服其義彭思永廬陵人微時嘗拾金叙有婢號泣而至思永即還之家中嘗召客出寶叙傳玩良久失其一思永無言第令奴持篋入已叙從一友袖中遺諸人相駭舉以貽思永思永曰非吾叙也卒與友持歸

汪思溫鄞人政和初進士累官至太府少卿鄉之士族有喪不能舉孤貧不婚嫁者思溫割田給助爲鄉里倡吳方家非甚豐而樂於振乏蔡港務官虧稅錢將鬻女以

償方為代輸其入請以女備使令拒弗納遇官有受代死無所歸乃輟已壽藏葬之

黃汝楫諸暨人宣和中方賊犯境出財物二萬緡贖賊所掠士女千人夜夢神告曰上帝以汝活人多賜五子科第後果然

豐有俊字宅之鄞人稷四世孫也登青樓見小倡疑故人女累目之詢得其實因以白京尹王佐且曰某僅有錢八千從公更貸二千嫁之尹嘉其義即取入府厚奩具擇良士嫁焉王佐山陰人

李猷字嘉仲鄞人建炎初以婦翁沒王事自京師請行在所遇友人陳東再上書不報有榜通衢斥附會李綱者續文獻通考卷之六

猷知為東將勸之歸而東已赴市朝矣猷哭且祈曰少陽以忠諫死當不與草木同腐吾欲收屍靈其啓我心越日得其屍又一日得其元合而殮之方買舟東下會其友人胡中行欲親護東柩遂付之猷竟不暇問婦翁事而還

貢祖文大名人與岳武穆友善岳氏被禍祖文潛匿其宗亂於別墅

陳軌字元則密州安丘人紹興中知廬州為女求從婢得一婦甚閑雅怪而詢之乃雲夢張貢士女也亂離夫死無所托鬻身求活軌即輟女奩嫁之聞者感泣

袁昇鄞人初為小吏給事通判廳勤謹無失近五旬無子

往臨安置妾既得察知其為四川故趙知府女也即奉還其母母泣曰計君聘財猶未足以給歸費用且破矣將何以酬君昇徐曰賤吏不敢當此願以聘財相助聞其家尚不給又聲索以贈歸告其妻妻亦喜曰君設心如是行當有子矣明年生詔官至叅知政事贈太師越國公

金彥邵陽人喜賑貧窘郡人號義門金氏胡寅嘗記其事吳奎字長文北海人初與鄉人王彭年善彭年客死京師奎使長子主其喪周恤其家嫁其二女焉他姻族有不存者為畢嫁娶又以錢二十萬買田北海名曰義庄以周貧乏

續文獻通考卷之六  
桑澤浙人嘗遇大水有粟二廩將以舟載之見百姓有走避水者遂棄其粟而載之得皆不死歲饑聚人食其粟盡乃已

李明吉水人途中偶拾金釵適見一婢倉皇至江欲投水明問其故即以釵還之後婢嫁為人婦而明以公事欲渡江婢適見堅留欸飲則報先渡江舟為大風覆矣張孝基為富人家婿富人子不肖斥逐在外臨死盡以家產與孝基後其子乞丐孝基呼問肯務農否其子曰幸甚種園甚勤又問能管庫否其子承之愈益勤謹孝基遂盡以家產付之

王必正尤溪人紹定間累官朝請大夫嘗置義田五百餘

畝以資族人冠婚喪祭之費又開義學以訓族里子弟  
子慈恭勤恪皆登進士第

林是南劍人少時入京至蔡州息旅邸既臥覺床第間有  
物遺其方揭視之見一囊囊中北珠數百顆明日詢主  
人知潯陽周仲津所遺乃謂主人曰其人來可令上庠  
相訪數日仲津果至積悉歸之仲津選珠數十顆為報  
積固辭不受

徐斌衢人因轉移執事隸建之十三指揮端平二年翼虎  
軍黃勇等叛欲殺太守守衛者宿與約夜漏下三鼓突  
入郡治斌時適在郡閫戶拒之賊不得入因誘以利斌  
不為動賊乃斬關而入斌遂遇害入室則太守已覺而  
續文獻通考卷之八十

先避矣明年後守姚瑤為立祠塑像祀之

施全杭州人靖康中為殿司小校憤秦檜倡和議殺岳飛  
乃伺其出挾刃刺之不中為檜所執詰其所以曰舉天  
下皆欲殺虜人汝獨不欲所以刺汝檜命磔于市後人  
立廟于吳山之麓曰施公廟

鍾門上猶人慕范仲淹義田事與姪日新置義莊建書院  
以教鄉族子弟子三傑亦化其德

聶致堯邵陽人事親孝臨財廉周給貧乏邦人德之列舉  
孝行節義十事守臣以聞詔旌其門張栻為題其額

衛公佐華亭人少業舉子以親老棄去旋被命授將仕郎  
守楊州助教母郁蚤卒事繼母陳盡孝族人女有長而

貧不能嫁者雖疎遠必為擇婿歸之縣未有學捐世業  
地為之基且獨任禮殿之役無寧末大疫且饑死者相  
枕公佐施粥給藥瘞屍無慮萬數邑大夫嘉其義將  
奏言之公佐力辭乃止其後子孫蕃盛終宋世宦學不  
絕膚敏仲達文節皆其後也

唐珏字玉潛會稽山陰人家貧舉從授經營參隨以養其  
母歲戊寅有總江南浮圖者揚鞭真加怙恩橫肆于十  
二月十有二日帥徒從頓蕭山發宋帝諸陵寢至斷殘  
支牀攫珠襦玉柙焚其齒葉草莽唐時年三十二歲聞  
之痛憤亟貨家具得白金百星執券行貨又得百星乃  
具酒醪市羊豕邀里中少年若干輩狎坐轟飲酒且酣  
續文獻通考卷之八十

少年起請曰君儒者若是將何為唐慘然具以告願收  
遺骸共葬之眾請曰諾中一少年曰事露奈何唐曰余  
同籌矣今四郊多暴骨取窳以易誰復知之乃斲文本  
為置復黃絹為囊各署其表曰某陵其陵分委而散遺  
之掘地以藏為文而告詰旦事訖來集出白金羨餘相  
酬戒勿泄越七日總浮圖下令夏陵骨雜置牛馬骨酪  
中築一塔壓之名曰鎮南杭人悲泣不忍仰視不知陵  
骨之猶存也唐葬骨後又于宋常朝殿掘冬青樹植於  
所幽土堆上作冬青行二首曰馬箠間饒形南面欲起  
語野屬尚屯來何物敢盜取餘花拾飄蕩白日哀后土  
六合忽怪事蛟龍掛茅宇老天鑒區區千載護風雨又

曰冬青花不可折南風吹涼積香雪遲遲翠蓋萬年枝  
上有鳳巢下龍穴君不見犬之年羊之月霹靂一聲天  
地裂復有夢中詩四首曰珠亡忽震蛟龍睡軒奩寧忘  
犬馬情親拾寒瓊出幽草四山風雨鬼神驚一杯自築  
珠丘土雙匣親傳竺國經只有春風知此意年年杜宇  
哭冬青昭陵玉匣走天涯金粟堆寒起暮鴉水到蘭亭  
轉鳴咽不知真帖落誰家珠鳬玉鴈又成埃班竹臨江  
首重回猶憶年時寒食節天家一騎奉香來

林德陽字景曦號霽山宋太學生遂昌鄭元祐所書林義  
士事蹟云當楊兒發掘諸陵時林故為杭丐者背竹羅  
手持竹夾遇物即夾投羅中林鑄印作兩許小牌百十

續文獻通考

卷之八十

主

四十一

繫腰間取賄西番僧曰余不敢望收某骨得高家孝家  
斯足矣番僧左右之果得高孝兩陵骨為兩函貯之歸  
塋于永嘉墓後亦掘宋常朝殿冬青一株置于所函土  
堆上又有冬青花一首曰冬青花花時一日腸九折隔  
江風雨清影空五月深山落微雪石根雲氣龍所藏尋  
常蝶螳不敢穴移來此種非人間曾識萬年觴底月蜀  
魂飛繞百鳥臣夜半一聲山竹裂亦有夢中詩一絕其  
四絕與前所錄語句微不同

右一事係兩人其真偽不可究詰然皆義士不可泯滅  
並錄之以待參攷

時又有中官陵使羅銑者守陵不去與之極力爭執為揚

尼道者皆之以刃令人逐去大哭而出遂先發寧宗理  
宗度宗楊后四陵却取寶玉事竟羅中官買棺製衣收  
殮大槨垂絕降里為之感泣至十一月復發微欽高孝  
光五帝陵五輩吳謝四后陵微欽二陵無一物微欽有  
朽木一段欽陵有木燈檠一枚已耳高宗陵骨髮盡化  
孝陵亦蛻化無餘止頂骨小片若光寧與諸后儼然如  
生羅中官亦如前棺殮後悉從火化可謂忠且義矣

金

游完嶧州人大定初饑完日賑三百餘口冬給窮民衣服  
五百套春秋以家財募人平治道路二百五十里北至  
太和嶺南至忻口及其老也以仁愛二字勉勵子孫

續文獻通考

卷之八十

主

四十一

王去非平陰人常督妻孥耕織以給伏臘家居教授東修  
有餘輒分惠人弟子班忱貧不能朝夕一女及笄去非  
為辦資粧嫁之比隣有喪忌東出西北皆人居南則去  
非家去非塋墓室使南出

元

章金字子丹郵人家素饒裕至元間以才能薦授進義校  
尉築堤濬澤興水利于鄉仲父鞠拙于治生服食咸資  
之終其身不急即先廬側築室百餘楹為義塾割腴田  
四頃延師以淑來學別置田二頃代鄉鄰之輸及給貧  
不能養死不能殮者大德中歲饑流半相望金發粟以  
貸全活者眾有司奏旌其門

時紹字（音）紹人豪饒而衣不重裘食不兼味有金姓者囊甚紹密于暮夜持錢投其家時邑治缺官舍令富德庸王其家紹每告以急撫字令終任一介不取適長女死紹爲之殮且出所積以助其歸

樂大原字君道定海人大德丁未東浙大侵大原發巨艘販泉南廣東之粟平價使人就糴活者甚衆父占籍清泉鹽場亭戶凶歲官不降本亭戶失業大原發貲視官本增三之一以貸諸戶隨其力之所及而收其入被惠者德之有持舊書易米濟饑者輒應之遂畜書至數千卷曰吾子孫必有能讀是者後孫良果能讀其祖所藏書國初爲本縣教諭

續文獻通考卷之八十  
主末  
四州一

賈進大同人大德中地震居民多傷且乏食進給酒藥炭米濟之每歲冬製木綿裘數百襲衣寒者買地爲義阡墓無墓者有司以聞旌其門

夏椿華亭人大德中大饑隣境民攜持老幼歸夏氏椿闢廬舍具粥藥視其羸壯而食飲之生則贖之歸死者給棺以瘞凡施鏹若干緡米若干石全活甚衆有司以聞旌其門

吳森嘉興人家饒于貲施子不吝嘗捐田二頃建義塾以淑鄉人子弟至大開廉訪使以名聞表其門曰義士  
孫良臣弟正臣蔡九反攻賴城良臣昆弟竭資財募丁壯禦之甚力卒保障鄉閭泰定初召正臣賜衣帶歸以壽

終贈淮東元帥旌其門曰義門

倪天淵字震亨鄞人家饒性儉好施予有負逋者即焚券不責其償歲大疫手制藥施之至元戊寅漕舟多沒于風天淵舟漂高難上衆欲舍舟天淵不從拜且祈俄神炬見桅端光輝燭人風回獲濟後旌爲高年耆德之門薛通字德明自鄞徙定海好善樂施人告以不給輒損所餘賑之又對衆焚券迄今國人呼爲薛外公

曹華魏縣民天曆二年華輸粟賑陝以西饑詔旌其廬段祺邢臺民也創義塾訓子及村民仍撥良田供贍至順元年中書禮部移總管府旌表補爲義門

王彬字世儒壽光人幼好讀書爲監司吏弟亡乞歸養父續文獻通考卷之八十  
主七  
四州一

嘗有貸其錢百餘緡者未償而死彬遂焚券不索北海縣界有蓮花澤每值霖雨潦水傷田鄉人患之彬出貲修治至正初旌表

朱景初樂安人克敦孝友樂賑施遇歲歉發粟以濟鄉黨至正六年旌表

湯望處之龍泉人湯氏自宋發國公載人傳至望望生鏞鏞生濱三世皆以尚義著稱至正間下令旌表爲義門趙深道晉江人樂善好施至正甲午歲饑餓殍載路深道于中和堂設粥令餓者列坐供之所活甚衆旣而大疫死者相枕藉深道造舟施輪其下會衆僧以長繩挽之沿街搜索或遇閉門輒以舟入挽各城門外埋瘞之日

不下數次有司以聞旌表其門曰義士

張汝卿恩州人好舊經史四方賢士有來假閱其書者則館于其堂詔旌其門

李珪滑縣人嘗收羣族人無依者而撫遺孤叅議脫脫聞而義之薦為通事及脫脫竄死南海不遠萬里哀號收殮廉訪使以聞旌表之

李子敬字泰甫三原人質謹孝友好賑窮乏宗族鄉黨因其資而葬者三十餘家婚者八十餘姓買驢為良者九人舉貸不能償者毀其券關中饑田罕賤售子敬所買數頃後聽以原直贖即不能亦昇還之里巷火毀數百家近其宅火自息復捐錢二百五十緡恤被災者創三

續文獻通考

卷之八十

五

四百卅三字

皇廟及學古書院割田以供釋奠師生學士蕭軒日詣其家以相其事行省上其議詔旌表其門

董龍整屋人家貧與里人共祀社衆買牲牢龍撰文以祭祭畢分胙久之不平逐出龍龍造泥飯以祭祭畢泣于樹下將焚文有白鼠銜文入地穴掘之得白金一斗龍不自私率衆首官縣令賢之奏聞旌表其閭曰義夫

容城民魏敬益買田千畝後見鬻田者二十家不能自生以田券還之危素請旌其門以敦廉讓

吳份高陵人嘗畜牛牛善識人意每耕任不煩人策人策之輒觸人死子弟欲鬻之份曰是嫁毒也他日份出子弟鬻之份追客以牛性語客遂還牛取直而去份又善

折鬪訟不煩辭而閭閻咸服人有鬪若訟不之官而解官問之朝廼旌其門曰耆德吳份門

葉以清華亭人貧而尚氣節有古義俠風同門友胡方死無子躬為歛藏籍遺物歸其家弟妹

沈仲說姑蘇人年四十未有子其妻鄒氏候其他適為置一少艾及歸命出拜以薦寢仲說詢其鄉貫祖父來歷始不肯言詢之再泣曰妾范復初女也父喪家貧老母見鬻于此仲說惻然淚下因囑妻曰此女父吳中名士乃我故人豈可以為妾當如已子視之即尋其母使擇壻仲說具奩資嫁之邦人稱之至今不置

周仁榮字本心臨海人築一室纔落成友人楊公道興疾續文獻通考

卷之八十

五

四百卅五字

至門曰願假君新宅以死榮讓正寢居之妻子咸不然榮弗顧未幾楊死箱財莫有主者楊之弟詣先生求分財先生曰若兄寄死于我意固在是喪事之費自已出終不利其一毫對衆封籍自平陽呼其子來悉付與之王天爵字仁傑夏縣人家饒于財素有善行以粟貸人不圖重息年豐僅取十之二三稍饑但收其本大凶則皆已之鄉里不知名宇咸稱義士每值生身之辰寢告一月以報父母

顧仲庸泰和人以財雄一鄉僑儻好義與保定張文友交文友任岷縣尹秩滿僑居江陰一日暴卒時仲庸留京師友人以計告戒勿泄友問其故曰文友賢而貧在下



品義人中吾將與其子爲地卽走告當路者曰張文友  
族致仕因代入狀中書遂獲以奉政大夫嘉定州知  
州致仕既領宣命數月又代文友之子告蔭尋注常州  
晉陵縣尉便其養母也其家悉無所知仲庸南歸遣人  
致聘莫奉宣勅以授其子聞者驚嘆

姚文公燧爲翰林學士承旨日玉堂設燕歌妓羅列中有  
一人秀麗閑雅微操閩音公問其履歷至再泣而訴曰  
妾乃建寧人真西山之後也父官朔方時祿薄不足以  
給侵費公帑無償遂賣入倡家流落至此公命之坐仍  
遣使詣丞相三寶奴請爲落籍既得報語一小史曰我  
以此女爲汝妻女卽以我爲父也史忻然從命京師之  
續文獻通考卷之八十

人相傳以爲盛事

手 四百五十一

王壽延杭州人出家爲道士受知晉邸後以弘文輔道粹  
德真人管領郡之開元宮浙省都事劉君致者海內名  
士也旣卒貧無以爲墓躬往吊哭周其遺孤舉其柩葬  
于德清縣與已之壽穴相近春秋祭掃不怠

王薦福寧人兄孟軻早世嫂林氏更適劉仲山仲山嘗以  
田鬻于薦死不克葬且無子族以其貧莫爲後薦以田  
還之使置後且治塋焉州禁民死不葬者民貧畏令悉  
焚柩棄骨薦以地爲義阡有死不能殮者復買棺以贈  
至大四年民親糴薦出粟賑之有施福等十一家饑飲  
死以已田易粟百石分給之福等每月朔會佛寺爲薦

祈福

孫秀實大寧人里人王仲和嘗托秀實資富人鈔二千錠  
貧不能償逃數年其親思之成疾秀實日饋薪米存問  
終不樂秀實乃悉爲代償取其券還之復命奴訪仲和  
使歸父子歡聚聞者莫不嗟美又懷玉貸秀實鈔一千  
五百錠度其無償盡還券不徵事聞旌表

張庭瑞字天表臨潢全州人官澶州路總管家有愛妾一  
日見老人與之語乃其父也妾以告庭瑞召視之其貌  
甚似問欲得汝女歸耶其人以爲幸侍左右非敢求與  
歸庭瑞曰汝女居吾家不過羣婢歸嫁則良人矣盡取  
奩裝書券還之時人以爲難

續文獻通考卷之今

手

四百五十三

李子敬陝西三原人嫁不能嫁者五十餘人塋不能塋者  
五十餘喪焚通券四萬餘貫事聞旌表

管汝道齊河人鄉人劉顯等貧無以爲生各割已田授之  
使食其租終身里中大疫有食瓜得汗而愈者汝道多  
市瓜及攜米歷戶饋之或以厲氣染人戒勿入不聽有  
死者復贈以棺槨又嘗出麥粟貸人至秋蝗食稼人無  
以償聚券焚之縣令李讓爲請復其家

魏敬益字士友容城人性好施與有男女失時者出貨財  
爲嫁娶歲凶老弱之饑者爲糜以食之敬益有田僅十  
六頃一日語其子曰自吾買四莊村之田十頃環村之  
民皆不能自給吾深憫焉今將以田歸其人汝謹守餘

田可無餒也乃呼四莊村民請以田歸衆皆愕然不敢受與之乃受而言諸有司請加旌表丞相賀太平嘆曰世乃有斯人哉

昔班帖木兒爲趙王位下同知怯忪口總管府事其妻嘗保育趙王至正十八年部落滅里叛欲殺王昔班帖木兒與其妻謀以其子觀音奴服王平日衣冠居王宮夜半夫妻衛趙王微服遁去比賊至遂殺觀音奴趙王得免事聞授昔班帖木兒同知河東宣慰司事其妻刺八哈敦雲中郡夫人子觀音奴贈同知大同路事仍旌表其門

錢壁郡人端重清慎且邃于學至治壬申鄉貢家嘗置一續文獻通考卷之八十

女婢甚有色其妻勸納之壁正色答曰置此侍巾櫛耳豈有他意哉卽具貲嫁之果處子也

河南高顏和

台州程遠大

潭州湯居恭李孔英

建陽湯大有

吉州劉如翁嚴用文

高唐孟恭

松江管仲德章夢賢

江陵陳一寧

中興傅文鼎

永州唐必榮

濟南李恭

平夏何惠月

常山汪林

以上十三人皆散財周急朝廷表其閭或復其家因事未詳故附見于末

皇明

浦江鄭氏浙江金華之浦江人其先世祖綺有純德父照坐死罪綺上疏郡守錢端禮請以身代竟白其誣母張氏病風縶綺抱持若嬰兒三十年不懈嘗教子孫勿異譽傳至文嗣已六世同居二百年咸如綺在時元至大四年詔旌其門文嗣沒大和司家事益嚴肅有恩凜如公府子弟小有過頒白者猶鞭之每歲時大和坐堂上羣從子皆盛衣冠鴈行立左序下以次進拜跪稱觴上壽畢歛容自右趨出人稱其家有三代風云太和孝行尤謹執親喪哀甚三年不御酒肉治家凡食貨田賦之屬各有所司無敢私諸婦惟事女紅不得與家事男女續文獻通考卷之八十

內外極嚴家畜兩馬一馬出則一爲之不食人以爲行義所感有家範二卷行世入國朝曰淵曰洧曰濂曰湜皆以行誼聞時傳十一世矣族蕃產多郡中推爲糧長屢以事入覲太祖識之後有人指其家與胡惟庸行販戶部陳員外指與郭桓糴倉糧有司逮濂及弟湜至京上曰鄭氏義家焉肯與人行財糴官糧顯是誣害追到鈔貫命給還仍着人送到家摧湜爲福建布政司參議因詢所以治家長久之道濂具以對上深喜之其家僮施慶居親喪哀泣不輟亦三年不視酒肉人稱其家德云洪武癸酉尚書嚴震直述其家世孝友以聞上命簡其子弟年三十以上者二十四人赴

京授之官有曰濟者最有文學除左春坊左庶子侍

講官其從子幹拜御史楷蜀府教授辛巳夏四月

詔旌其門閭決以宗長詣 闕謝 恩陞辭日 上御

奉天門 親書孝義家三大字題其傍曰 賜浦江鄭

漢而識以精一執中之重縉紳咸爲詩文以頌之

王半軒先生止仲嘗主同鄉趙澤民家塾澤民富而愛賢

命厨人每食必具一單詣先生求判方敢進食先生雅

喜啖蛙至冬澤民以蛙蟄不忍令數日一進先生以主

人有慢意明日遂行主人勸之曰將何之曰第往金陵

耳時 高皇帝造邦法制嚴峻又復痛沮之先生大聲

曰虎穴中好歇息也迤邐至京久無知者偶會於藍都

續文獻通考

卷之今

辛酉

四百五十六

京

督第旁藍有家人子肄業先生一日歸藍取其學課以

觀重加稱賞因延見先生先生所談皆輟畧無一語及

文藍驚喜曰先生文武才相見晚矣遂徙置府中以師

事之未幾藍氏禍作或勸曰可以行矣先生曰臨難無

苟免遂被執先生亦俠士也

王賓字仲光性峭嚴遠于俗學無不通駁形容異衣服箕

踞道旁人不測也與韓奕俱屬風軌郡守姚公善折節

下士聞而造之賓避去他日守乃屏人直入其室始肯

見之受謁納贊爲弟子禮所告皆大事中欲薦之 朝

終不敢發言其奉母篤孝病革母呼之絕而復蘇也又

聞其聲若在左右猶稱兒不忍舍母者良久乃減其所

著書有吳名賢記古跡詩等姚公廣孝既貴歸見之掩

面定姚守勅王賓爲爲決策云

韓奕者宋忠獻魏王琦之後其先自安陽徙吳幼而矜莊

有威動止不妄鄉里皆嚴憚之乃舍去游行山水間行

歌並進若狂焉遇野廬踞坐累日不言笑人叩之終無

所對或興至爲詩下筆不役覺工洪武間乃與王賓俱

以醫浮沈於俗姚守聞而造焉不得前又欲因賓致之

亦竟不能一日與賓至其所奕走廬中守嘆謂古稱名

可聞而身不可見者韓先生之謂耶

張介福字子祺自單懷來徙家于吳少從許衡爲學以道

德自命福遂操軌廵踐制行無或斥越自以不及養親

續文獻通考

卷之今

三十五

四百四十五

京

不爲祿仕家故貧寒不能具夾襦或以紵絮遺之不受

雖纖介必以禮之死不移張士誠亂兵入其家危坐不

爲起令導之他所發其藏不應以刀砍其面傷仆地醒

復取冠戴之坐自若兵怪以爲畫乃見鬼物驚走去又

恐或發其墓往廬焉士誠聞而欲致之不可使其弟往

問語以無樂亂無貪天禍無忘國家有饋之力辭焉病

且死猶夷然謂其友曰吾志慕古未能萬一惟毋汚於

時庶幾哉

郡文信吳郡人喪父時當元季之亂母唐氏守節不嫁艱

難保育底於成立文信爲人讀書好古尤善楷字里人

有徐佑之者富而好禮知其賢因贊爲壻文信小心謹

慎視之若父徐甚樂之洪武戊寅以江南大家爲窩主許相訐告徐在告中文信曰我受徐厚恩今且有子生何爲哉徐將治裝文信易已名潛先行抵京下刑部獄病甚出獄而死時年三十有五徐痛文信之沒終其身不蓄婢妾竟以無嗣及卒文信二子震異買地墓之歲時祀焉

劉端王高俱南昌人同年進士同官大理寺丞靖難後治方孝孺獄憤憤不平暑月縱孝孺息樹陰下俱劓而卒無怨色隆慶初恤之

陳儀南京教坊司樂官有溧陽徐尚書建文末 文皇怒其潛匿六龍縱教坊子弟羣亂其妻致死止遺一女十續文獻通考卷之八十

三歲俾屬樂籍儀陰眷其女不令汙玷洪熙初遇赦儀擇嫁良家尚童夫儀爲倡藉而能執義如此亦可貴也徐孟晞江陰人性謙慎有容初充江陰縣吏三考皆兵房有戍絕勾丁而誤及者其人欲祈脫貧而無力乃具酒食令妻爲壽而出避之妻有麗色晞絕裾而走然憫其無辜受累潛具文移爲之分免及後爲郎有同官一主事每向胥曹輒罵意在晞也晞不爲動後主事沒晞爲舉殮送之歸後又爲殿試讀卷官刻錄惟書江陰人而已其人品事功亦卓卓在人耳目

楊翥字仲舉吳郡人楊文貞薦之官至尚書爲人清謹毫髮不苟吳中士大夫皆下之嘗一夜夢誤入鄰園食其

二卒既寤深自咎曰吾必旦晝義心不明以致于此竟三日不餐其平居行義可知

楊文貞公士奇初名立可永樂年間任學官以失印避罪走武昌流落不偶變名立可一日途行阻雨因投楊仲舉翥家宿見其方爲童子句讀與談有契仲舉下拜願留之文貞遂許諾焉文貞以無資爲言仲舉卽讓館與之而自教授于他處往返日十餘里不以爲勞文貞深德仲舉宣德間文貞入相拔仲舉官至尚書後文貞相第初成設中門未行人亟請仲舉先生至此門須有德之人先踐也

成器餘姚人正統中劉球以直諫死器聞之卽邑中龍泉續文獻通考卷之八十

山頂爲壇祭之祭畢以餒頒諸同志其祭文歷述古今權奸之禍凡二千餘言人謂之祭忠文今其地爲祭忠壇此與謝翱祭文山之西臺事同皆義士也

陳完天台人舉鄉薦任涇縣教諭有清節嘗與同僚及諸生分膳夫銀內一生多取一錢而去旣而少者來告完曰多在此遂封一錢與之其人曰多者在某人皆知之先生本不多今以與某其安敢受完曰吾實偶多汝若不受盡棄諸水乎遂棄諸涇完之意不欲顯多者之過耳已而縣官送白金修學完詢其所由來知爲賍罰遂却之曰吾聖人有靈決不欲以此物修其宮况廟學亦不大壞不修可也卒返之士論咸服凡諸生家有訟不

之有司但赴明倫堂口白得完一言而折後以風憲召擢國子博士終河南藩府長史

張御醫豫字至和長洲人天順中居官御醫術既精於貧薄尤薦救不取藥費或更予薪米人疑市名御醫曰義自應如此且凍餒嬰心疾亦難解耳

徐孝祥吳人一日徐步後園見樹根一次以石爲麓啓視皆白金亟掩之垂三十年人無知者及歲大歉民不聊生乃曰是物其當出乎遂啟石取數錠糴粟散貧物盡乃已全活甚衆後其子發科官翰林壽九十七而終

張飯吉水人進士爲涪州知州時刑曹林俊以忠諫下錦衣獄飯獨上章救之言甚懇切亦下獄得不死

續文獻通考

卷之八十

三八

四十三、京

徐汝輝湖州一富民也先是杭城戒壇焚燬詔浙江布按兩司重建所費不貲因召汝輝及嘉興曹良等數人勸助汝輝入見請問幾何方伯曰度得銀萬兩則可汝輝曰願一力當之憲長楊繼亦曰何易若此得無強耶汝輝曰民有一子不肖雖有所積身後必他人所取何如奉成勝事時兩司官皆在聞之稱嘆既而汝輝以十木匣裝銀千錠詣獻于司憲長特設席于後堂邀同僚宴之復以絲帳親送之歸僉曰汝輝可謂達矣

徐昂泰州人登弘治丙辰進士初無嗣因赴試遇京有相士王姓者言多中士大夫皆神其術昂往問嗣王曰君相不容嗣爲之奈何徐初亦不爲念又登第出守西安

因途納一雙頗妍徐詰其姓要詳告之曰子某地人父名某作某官喪於某年向以歲饑爲賊暴掠售於此徐閱其爲故家女也卽焚券不令爲妾及之任擇郡民行修者出簪服配之秩滿復入京王見之驚曰君相異矣子星滿容詎非培德所致乎後徐氏庶妾一歲而育五子咸磊落越人

孫以忠蘇之長洲人性行誠惻一日有郡吏官佐醉至其家遺囊金百兩而去以忠與妻龔藏之已而官倉惶來迎謂曰得無亡金乎卽持還之官欲分謝以忠曰若利此還非本意也卻之不受後以忠與龔皆享上壽子孫滿前疊見四世乃陰隲之報云

續文獻通考

卷之八十

三八

四十六、京

黎太僕淳世居岳之華容性耿介重倫尚節兄嫂卒其姪名獻民女皆幼育爲已子山東副使董國器妻死而董使邊未返太僕展省至臨清使攜其柩以歸太常卿孟亨卒家貧不能舉太僕倡諸鄉宦合購俾襄墓事鄉吏鄧祿寓銀數十兩後祿死藏所寓物十年後其子長乃還之居官儉朴不受私餽常慮風俗奢侈則自裁婚葬宴飲之儀稍示節儉咸視法之所居黃洋渡積潦病涉私帑築堤四十丈民甚利焉官至禮部尚書

王廷禮吳人廷禮嘗與金陵陸通交陸貸人白金五十兩其券詭書廷禮名未幾索金人至知陸所貸曰陸吾故人也卽以簪珥之屬爲之代償不令家人知之

丁恕南陵人仗義輕財嘗於鄰居壞垣得白金首飾一囊詢其實還之鄉人皆稱其有德子鉉官兩浙都轉運鹽司使陞刑部右侍郎

高中丞玘號玉華德安人嘉靖乙酉冬以孝廉計偕次磁州夙發邸舍距州三十里許始拂曙值道有遺棄命從者舉之纍纍然重也公下馬坐樹下待遺者至北風獵獵刺人入肌從者不能堪促行玘不可頃之有蒙袂而來者髮垂蔽面徒跣呼失金玘曰夫夫其亡金者耶金在是是人曰天旱負地租督急鬻子女得金五十五晨而輸之夙夜倉皇不覺亡失其死矣始發封與數合即還之其人泣拜欲分其半相報玘益不受其人控馬行續文獻通考卷之八十

數十里不肯去私得公名姓日尸祝之明年丙戌玘舉進士由浙參藩歷大中丞丈夫子四人三為郎季子祚二千石年皆至大耋諸係仕籍者又數人

京師魏孝廉琦與山東毛相國東堂交最歡富東堂歸寄二箱于魏琦即命置堂廡下亦不知所貯何物至十四五年東堂卒孫來襲廕始索之問箱在何處孝廉指廡下視之孫意棄擲若此必無長物既發內貯金千餘亦有劄紀其數並謂出俸賜之餘琦曰若知內有此即置秘室吾卧不穩矣一時聞者多孝廉之義而又頌相國之知人

南陽李翁某乃大學士文達公大父故商也載綿花一大

漏抵湖湘寄賣有臨江客三人醵金三百兩易花在邸舍不戒於火盡為煨燼三人擊膺大慟曰本盡赤手難歸非死則行乞耳李復來唁笑曰公等何憂至是我即失價貧不至死可忍為公禍乎即持金盡還之而垂橐歸三人德翁徧禱神廟是時翁尚在途而家已夢二緋衣神稱翁陰德錫以玉璽明年文達公生中宣德癸丑進士天順末進位首揆

徐伯淮江山縣人其舅永豐楊湖且死裂絹作血書屬以二子湖弟楊獅楊琴遂孤而毆死其妾產盡有之兇狡莫敢誰何淮憤棄家攜二孤寓江西撫育長成稍復故業上官嘉之旌其門後老且貧恬淡自守一不利孤所

續文獻通考卷之八十

內二

有人謂志節可侔嬰粹王賢江陵人為監生與友王讓同居讓往江南以故人所贈銀十兩故衣一篋托賢收之未幾賢除鹽城尹讓回除泌陽令尋卒後十餘年賢致仕還家即以所寄物與讓子不受曰吾父存時安有此物賢白于官拘其子付之

張繡武威祖厲人鞠勝襲殺祖厲長時繡為縣吏伺間殺勝郡邑義之

王遜山西蒲州人嘉靖四十四年楊繼盛臨刑人畏嚴嵩親知莫敢近惟王世貞吳國倫徐中行王世懋執手泣訣經紀其喪遜以女許配其次子應箕尤人所難

不知何許人嘉靖三十四年為刑部吏楊繼盛在獄

應生頗為周旋尚書屢禁之勿為動又欲自具草申救

繼盛嘗曰藏予血三年而碧即地下必有以報應生

顧正心字仲循華亭人裔出侍郎希馮之後少忝中立季

子注慈介有敏幹少拾遺金亡金者已去台而還之允

里中婚予禽喪予轉饑予糜罪予緩版費粟米萬餘石

以為常每嘆曰吾松重疲於後力能賑賑不可久所在

受役者各按田計役繁省以權多寡先後出精鑷計十

萬四千七百有奇錯置良田以贍翠青兩縣民受其利

郡邑上其事御史中丞為奏請一特命嘉之授以官然

雅不欲仕進好陰行善事不可一二記如文僖公故宅

續文獻通考卷之八十

贖賄公子孫二巡檢死鬻女于某家為指百緡出其女母

為之感泣旅櫬留滯不能遠歸者贈贈頗厚皆得歸喪

諸如此類行義甚高即古稱殊絕人物何以加焉

義女附

春秋史氏女深陽黃山里人楚伍子胥奔吳至深陽見女

擊綿瀨水上子胥乞食女以簞食靈漿與之子胥食訖

曰掩子壺漿勿令其露女曰行矣子胥既行還顧女已

自沈水中唐李白有貞義女碑

宋 曹修古女修古知興化軍卒貧不能歸養

五十萬女泣告其母曰奈何以是累吾先人也

續文獻通考卷之八十一

皇明進士

節義考 友行

虞舜之弟象日以殺舜為事謀取其弓矢琴張使二嫂治

朕棲象往入舜宮舜見其來而喜之曰惟茲臣庶汝其

于予治及為天子封之有庠使吏代之治而納其貢稅

欲常常而見之故源源而來

周

泰伯王季兄也王季生昌有聖德太王欲傳位季歷以及

昌泰伯乃託為採藥去之荊蠻

伯夷叔齊孤竹君之二子孤竹君欲立叔齊為後及父卒

齊讓于兄逃而去夷曰父命不可違亦逃而去國人立

其中子

周公武王弟也武王有疾周公為壇告于太王王季文王

願以身代卜神許之武王疾愈而周公亦無恙

春秋 衛世子伋公子壽俱衛宣公初宣公娶夷姜生

世子伋為子娶于齊聞其美自取之是為宣姜生壽及

朔朔有寵乃與宣姜惡伋于公公令伋如齊使盜先待

于隘而殺之壽知之以告伋曰君命也不可以逃壽竊

其節而先往盜殺之伋至曰君命殺我壽何罪盜又殺

之國人傷之而賦棄舟

宋 目夷字子魚襄公庶兄初桓公疾襄公為太子固請



東長且仁君其立之公命目夷目夷辭曰能以國  
諫仁孰大焉臣不及也且又不順遂退而避焉

漢

劉紆宣帝之曾孫紆早失母同產弟原鄉侯平尚幼紆親  
自鞠養常與其母起飲食及成人未嘗離左右平病卒  
紆哭泣嘔血數月亦歿

韋玄成扶陽侯韋賢子也賢薨長子弘有罪下獄家人矯  
貴令以次子玄成爲後玄成深知非賢雅意卽佯狂不  
應詔宣帝乃用爲河南太守

兒萌齊人兄弟並見執于赤眉將殺食之萌叩頭乞以身  
代兄賊哀之咸釋去

續文獻通考卷之八十一

二

三十一

京

淳于恭北海淳于人王莽末歲饑兵起恭兄崇將爲盜所  
烹恭請代得與俱免

車成字子威梁郡人也兄弟並見執於赤眉將殺食之成  
叩頭乞以身代賊哀兩釋之

王琳字巨尉汝南人年十餘歲父母俱喪遭大亂鄉里逃  
竄惟琳兄弟獨守塚廬號泣不絕弟季出遇赤眉將殺  
之琳自縛請先季死賊矜而放遣

趙孝字長平沛國蕭人子莽末天下亂人相食孝弟禮爲  
饑賊所得孝聞之卽自縛詣賊曰禮久餓羸瘦不如孝  
肥賊大驚並放之顯宗聞其行詔拜諫議大夫遷長樂  
縣尉

東漢

光武兄劉縯字伯升爲更始所殺光武時爲蕭王枕席常  
有涕泣處後卽帝位傷縯功業不就撫育二子章與恩  
愛甚篤以其少貴欲令親吏事使章試守平陰令與緱  
氏令後章遷梁郡太守興遷弘農太守

薛苞字孟嘗汝南人也弟子求分財異居苞不能止乃中  
分其財奴婢引其老者曰與我共事久若不能使也田  
廬取其荒頓者曰吾少時所理意所戀也器物取朽敗  
者曰吾素所服食身口所安也弟子數破其產輒復給  
之建武中公車特徵至拜侍中稱疾不起有詔賜告歸  
加禮如毛義

續文獻通考卷之八十一

三

四〇五

京

劉平字公字楚郡彭城人也本名曠顯宗時改爲平更始  
時天下亂平弟仲爲賊所殺仲遺腹女始一歲平抱仲  
女而棄其子母欲還取之平不聽曰力不能兩活仲不  
可以絕類遂去不顧與母俱匿野澤中平朝出求食逢  
餓賊將烹之平叩頭曰今旦爲老母求菜老母待曠爲  
命願得必歸食母畢還就死因涕泣賊見其至誠哀而  
遣之食母畢謂母曰與賊期死不可不往遂復詣賊請  
死賊驚駭放歸顯宗初鍾離意上書薦平詔徵平特賜  
辦裝錢至拜議郎  
姜肱字伯淮彭城人兄弟三人爲長枕大被共相寢處不  
入私室

韓校字伯師舞陽人少孤養母弟以孝友稱及壯推父餘財數百萬與從昆弟鄉里益高之章帝朝累官司空

劉愷字伯豫故居巢侯般子也愷當襲爵固讓與弟憲遁逃避封和帝時詔聽憲嗣爵徵愷拜爲郎

郭賀父鎮順帝初以定策功封定類侯父歿當嗣爵讓小弟時而逃積數年詔大鴻臚下州郡追之賀不得已乃出受封

孔融字文舉魯人幼時與諸兄食菓恒取小者兄問之曰我小兒法當取小者後張儉投其兄褒褒適他出融匿之事覺融曰保匿舍亡者融也當任其罪褒曰本來求我非弟之過吏問其母曰家事任長妾當其辜一門爭

續文獻通考卷之八十一

死後竟坐褒死

李充字大遜陳留人家貧兄弟同居妻挾其私欲分異充乃白母言其妻離間之罪遂黜之

繆彤召陵人少孤兄弟四人皆同財產及各娶婦遂求分異且數有鬭爭之言彤深懷憤歎捨戶自撾曰繆彤汝修身謹行學聖人之道將以整齊風俗奈何不能正其家弟及諸婦聞之悉叩頭謝罪遂更爲敦睦之行

丁鴻字孝公定陵人父琳從光武以功封陵陽侯父歿當襲爵讓于弟教授里中

韓元長潁川人身處卿佐八十而終兄弟同居至于沒齒晉陶潛嘗以訓其子

許武陽美入初舉孝廉以二弟宴普未顯欲令成名乃析貲產爲之自取膏腴二弟所得皆瘠鄉人鄙其貧稱二弟克遜宴普並荷選舉武立謂忠淵曰向以二弟年長未預榮祿故分財取譏今殖產數倍悉以推二弟郡中翕然稱譽

許荆武之孫兄子世報仇殺人怨者操兵攻之荆出跪曰世無狀咎在荆不能訓導兄止一子死卽滅絕願代之怨者扶荆起曰許掾郡中稱賢吾何敢犯遂舍之

王覽臨沂人母朱氏遇其兄祥無道覽年數歲見祥被楚撻輒涕泣抱持至于成童每諫其母其母少止克虐朱屢以非理使祥覽與祥俱又虐使祥妻覽妻亦趨而共

續文獻通考卷之八十一

之朱患之乃止

鄧攸字伯道襄陵人永嘉末沒于石勒過泗水攸以牛馬負妻子而逃又遇賊掠其牛馬步走擔其兒及弟子緩度不能兩全乃謂其妻曰吾弟早亡惟有一息理不可絕止應自棄吾兒耳幸而得存後當有子妻泣從之乃棄其子而去卒以無嗣官至太尉時人哀之爲之語曰天道無知使鄧伯道無兒弟子緩服攸喪三年

友姊者邵陽任延壽之妻也字季兒有三子季兒兄季宗與延壽爭葬父事延壽與其友田建陰殺季宗建獨坐死延壽會赦乃以告季兒季兒曰嘻今乃語我遂振衣欲去問曰所與共殺吾兄者爲誰延壽曰田建建已

死獨我當坐汝殺我而已季兒曰殺夫不義事兄之仇亦不義延壽曰吾不敢留汝願以車馬及家財盡送汝聽汝所之季兒曰吾當安之與子同枕席而使殺吾兄何面目以生而戴大履地乎乃告其大女曰汝父殺吾兄義不可以留又終不復嫁矣吾去汝而死善視汝兩弟遂自縊而死馬翊王讓聞之令縣復其三子而表其墓

晉

庾家字叔褒父世作官賣以養母母終服喪居於墓側武帝咸寧中大疫二兄俱亡次兄毗復殆瀕氣方熾諸父母兄弟皆出處於外家獨留不去諸父兄強之乃曰家

續文獻通考

卷之八十一

六

六

性不畏病遂親自扶持晝夜不眠復撫亡者柩哀臨不輟如此十有餘旬疫勢既歇家人乃反毗病得痊家亦無恙父老咸曰異哉此子行人所不能行始知癘疫之不能染人也

丘景質字彥光吳興人性孝友父卒悉讓產與兄甘于淡泊以終其身

荀崧字景猷或之玄孫朝廷以臨淮公顗胤絕詔令崧子襲封崧京從弟旭之子序孤微乃讓封論者稱焉

劉宋 孫棘彭城人宋發三五丁弟薩應充行坐違期不至當刑棘乞以身代薩薩又引太守張岱疑其不實以棘薩各置一處報之聽其相代顏色並悅甘心赴死

妻許又寄語屬棘君當門戶豈可委罪小郎且大家臨亡以小郎屬君尚未與娶君已有二兒死復何恨俗依事表上孝武詔特原罪州加辟命并賜帛二十四匹

顏含字弘都琅邪人少以孝聞親終兩兄繼沒次嫂樊氏失明含課勵家人盡心奉養醫人疏方須蛭蛇膽徧求不可得含憂歎累時嘗晝獨坐忽有一青衣童子持青囊授含開視乃蛇膽也童子逡巡出戶化青鳥飛去得瞻藥成嫂病即愈由是著名官累遷侍中以年老遜位成帝美其素行就加右光祿大夫

袁彖字緯才仕宋為武陵內史兄顗見誅明帝投屍于江彖與舊奴一人微服求屍四十餘日乃得密瘞石頭後

續文獻通考

卷之八十一

七

四十三

京

岡尋敗藥焉

褚普字蔚先父淵封南唐郡公昇明六年普當襲爵上表讓封與弟纂奏讓封還普于濟詔許之

齊 吳欣之江陰利城人宋元嘉末弟慰之隨王誕起義兵會華欽軍至眾皆駭散慰之獨留被執將殺欣之詣欽請代辭甚哀切兄弟皆見原建元初詔旌之

吳達之義興人嫂亡傭直給喪具從弟欽伯夫婦歲凶被略達之有田數畝售以贖之還共財產郡縣辟為簿固遜于兄又以先世舊田讓與族弟弟不受棄為閒田建元初表其門閭

蕭梁 陶子鐸字海育丹陽林陵人兄尚為倖臣所怨被

公松緣訴流血稽顙行路嗟傷兄卒得釋母終  
居喪盡禮與范雲隣雲每聞其哭聲必動容改色母嗜  
尊母歿後恒以供奠武帝義師初至是年冬營尊不得  
子猶痛恨慟哭而絕久之乃蘇遂長斷尊菜  
張松建康人兄坐罪松與弟各請代其死縣以謝上武帝  
以其孝義特免之

韋鸞其先杜陵人侯景之亂鸞兄昂于京口戰死負屍求  
棺無所得哀憤慟哭見江中有物流至往視乃新棺也  
因以充殮元帝歎其為積誠所感云

北魏 楊播華陰人家世淳厚並敦義讓昆季相事有如  
父子與弟津橋旦則聚于廳堂終日相對未嘗入內有

續文獻通考

卷之六十一

四十九

京

一美味不集不食廳堂間往往幙幙隔障為寢息之所  
時就休偃還共談笑播既卒椿年老曾他處醉歸津扶  
持還室假寢閣前承候安否椿津年過六十並登台輔  
而津常旦暮參問子姪羅階下椿不命坐津不敢坐椿  
每近出或日斜不至津不先飯椿還然後共食食則津  
親授匙箸味皆先嘗椿命食然後食津為肆州椿在京  
兆每有四時嘉味輒因使次第附之若或未寄不先入  
口一家之內男女百口總服同爨庭無間言

劉渢南陽人與弟渢極友愛渢為遙光諮議求出為丹陽  
丞及遙光敗渢曰吾為人作吏不避死渢曰我何忍獨  
生俱見殺

周 杜叔毘字子弼其先京兆杜陵人早歲而孤事母以  
孝聞兄君錫為曹策所害叔毘內懷憤惋志在復讐然  
恐坐及其母沉吟積時母知其意謂叔毘曰曹策早死  
吾以夕歿亦所甘心叔毘遂白日手刃策于京城斷首  
剝腹解其肢體然後縛請就戮文帝嘉其志氣特命舍  
之遭母憂哀毀骨立殆不勝喪

隋 郎方貴高祖開皇時人常於淮水津所寄渡舟人怒  
之撻方貴臂折至家從弟雙貴問知之恚恨遂向津毆  
殺船人津者執送之縣以方貴為首當死雙貴從坐當  
流兄弟爭為首坐縣司不能斷送詣州兄弟各引死州  
不能定二人爭欲赴水死州以狀聞上異之特原其罪

續文獻通考

卷之六十一

九

四十九

表其門間賜物百段

李知本元氏人事親篤孝與弟知隱雍順子孫百數庭無  
間言大業末盜賊過閭不入且相戒曰無犯義門往依  
者五百餘家皆免患

牛弘鵠人隋時為吏部尚書弟弼好酒而酣嘗醉射殺  
弘駕車牛弘還宅其子迎謂弘曰叔射殺牛弘聞無所  
怪問直答曰作脯坐定其妻又曰叔射殺牛大是異事  
弘曰已知顏色自若讀書不輟

田真醴泉人兄弟三人曰田廣田悅田產及各娶妻諸  
婦遂求分異堂前有一棠樹樹茂其議分為三忽一夕  
枯死真驚謂弟曰木猶如此况兄弟乎更合如初紫荊

復元

唐玄宗名隆基睿宗第三子初封楚王長兄宋王成器次申王撝弟岐王隆範次薛王隆業次隋王隆禧睿宗將立成器爲太子成器辭曰臣平則先嫡長世亂則先有功楚王有定難功臣以死請乃立楚王爲太子太子嘗製長枕大被將與諸王共之睿宗聞其喜及卽位賜五王宅環列宮側天子于宮西南置樓西曰花萼相輝之樓南曰勤政務本之樓間諸王作樂必亟召升樓與同榻坐或就幸弟賦詩宴嬉賜金帛侑歡時有鵲鴝千數集麟德殿廷樹翔棲浹日左清道率府長史魏光乘作頌以爲天子友悌之祥帝喜亦爲作頌又嘗爲薛王煮續文獻通考卷之八十一

十一

四百四十四

藥風回燕巖左右驚政帝曰但使王飲此藥而愈巖何足惜論者謂帝之友愛近世帝王莫及也

趙弘智新安人性篤孝太宗時累官黃門侍郎兼弘文館學士出爲萊州刺史事兄弘安如父兄卒慟哀過期撫兄子慈均所生玄孫來章以孝聞

元魯山字紫芝河南人爲魯山令以不及親在而娶遂不肯婚曰兄有子先人得祀吾何娶焉乃自乳其姪乳爲生液

李勣字懋功曹州離狐人貴爲僕射其姊病必親爲燃火煮粥火燎其鬚姊曰僕妾多矣何自苦如是勣曰豈爲無人耶顧姊年老勣亦老雖欲數爲姊煮粥復可得乎

王通字仲淹人肅宗時與弟遐同行中道爲賊所執兄弟爭死賊感其誼縱之

陸南金吳人仕爲太常奉禮郎開元初少卿盧崇道以罪亡命南金納之事泄詔侍御史王旭按捕南金當重法弟趙璧詣旭自言匿崇道者我也請死南金固言弟自誣不情旭怪之趙璧曰母未葬妹未歸兄能辦之我生無益不如死旭驚上狀玄宗兩宥之

李渭趙州蕭山縣人文宗太和七年三月浙江東道奏渭幼失父母與兄二人同居兄病渭割股療之因瘞後兩兄俱死奉寡嫂孤姪二十餘年衣食無偏在田租稅渭自主辦資財筭鑰寡嫂掌之孤姪婦孫共三十三人其續文獻通考卷之八十一

十一

四百四十四

家類生芝草詔旌表之

陳饒奴饒州人年十二父母俱亡值歲大饑或教其分弟妹可全性命饒奴流涕再三曰丐於市以相全養刺史李復異之給以資儲署其門曰孝友童子

韋嗣立字延構與兄承慶異母性友悌母每笞承慶輒解衣求代母不聽卽遣奴自捶母感悟爲均愛世比晉王覽云

章全益梓州涪城人少孤爲兄全啓所鞠母病全啟割股膳母而愈及全啟亡全益服斬衰斷手一指以報人號章孝子卒年九十八

悌女 李氏妻王阿足深州鹿城人早孤無兄弟歸李氏

數歲夫死無子以孀姊高年無供養乃不忍嫁晝耕夜績能辦生事餘二十年姊亡棄送如禮鄉人服其義爭遣妻女師其風訓以壽終于家

宋 徐鉉廣陵人與弟錯極友愛鉉以直諫被逐錯思念涕泣至于失心其母爲請于李主曰願令錯與鉉俱貶以緩其疾李主哀之召鉉還而錯已病昏聩不識人猶自記兄背有黑痣發衣驗之遂抱噬其痣號哭幾絕

宋 太祖性友愛嘗稱弟晉王光義龍行虎步他日必爲太平天子晉王有疾灸之覺痛帝亦取艾自灸以分其痛

王德聰婺源人孝友信義有田百頃家食數百人同居七續文獻通考卷之八十一

十餘年縣宰劉定上其事仁宗賜扁曰孝友信義之門趙唐兄弟五人同居家口六十人共一爨父母相繼而歿唐哀毀殯塋以禮歲時祭祀如事生旌表其門

王旦字子明封魏國公洛人弟旭傲不可訓一日遇冬至祠家廟列百壺于堂弟皆擊破之家人惶駭魏公忽自外至見酒流徧地不可行公無一言但攝衣步入弟因感悟爲善

張存舉進士天禧中累官侍御史積至禮戶尚書性孝友收恤宗族不使一人失所卒謚恭安司馬光其婿也

韓琦安陽人合族百口衣食均等無異嫁孤女十餘人養育諸姪比于已子所得恩例先及旁族逮其終子有褐

永未官者

朱壽昌天長人尋母既得迎其同母弟妹以歸母卒撫其弟妹益篤爲買田居之其餘宗族尤盡恩意嫁兄弟之孤女二人葬其不能葬者十餘喪

司馬溫公夏縣人與其兄伯康友愛尤篤伯康年將八十公奉之如嚴父保之如嬰兒食少頃則問曰得無饑乎天少冷則撫其背曰衣得無薄乎

趙抃字閱道西安人官至太子少師平生不治貲產不畜聲伎嫁兄弟之女十數撫孤女二十餘人施德俾貧不可勝數

杜衍字世昌山陰人前母有二子不孝弟其母改適河陽續文獻通考卷之八十一

錢氏祖母卒衍年十五六二兄遇之無狀至引劒斫之傷腦出血數升其姑匿之僅而得免乃詣河陽歸其母繼父不之容往來孟洛間貧甚傭書自資後舉進士及貴顯其長兄猶存待遇甚厚二兄及錢氏姑子孫

受衍蔭補官者數人仍皆爲之嫁娶俸祿所入給宗族賙人難至其歸日無屋以居寓南京驛舍者久之

范仲淹字希文蘇州人爲參政時告諸子曰吾貧時與汝母養吾親汝母躬執爨而吾親甘旨未嘗克也今得厚祿欲以養親親不在矣吾所恨者忍令若曹享富貴之樂于是俸祿常均于族人並置義田貽後

徐亨桐廬人宣和初方臘寇起亨兄爲賊所執亨叩頭告

曰家有老母兄能養請代其死賊舍其兄而殺亨鄉人義之

李悅葵之東陽人宣和庚子方臘叛其黨冠縣悅與兄匿灌莽中爲盜所執欲兵之悅亟趨出願以身代昆弟爭相就死寇義之爲荷戈而去

陸時雍淳安人幼孤貧與兄力樵以養母稍長補郡學生念母兄食不給語掌膳曰吾日飯勿盡炊願輟一膳遺母自以一膳分爲晨午其苦節孝養如此後登宣和三年進士第仕至知建昌軍復請以恩官其兄子

張恪金壇人性孝友母喪祥禪逾年猶不御酒肉兄有奇疾或云人肉可療乃割股以進姪有緣役破家及坐事續文獻通考卷之八十一

沒產者皆贖還以居之

市 三八五京

湯從彥金壇人天性友悌念兄以使事得罪而卒推已田以益之得任子恩卽與其孫徹子裝以嫁其幼女時皆高之

丁公億醴陵人靖康間公億與兄公萬避寇于鄉賊遇公萬縛之將就炮烙公億號呼願以身代賊義而舍之一家獲全

黃甫南安人與弟旦友恭交至每有疾病相與盡誠叩天以祈保祐後皆登第

許元如阜人世有孝德其父歿子當得一官兄弟相讓久之卒以讓元愛撫兄弟諸子歲當上計京師弟之子病

元不忍去遂以俱行家素貧罄貲走四方求醫藥憂戚不自勝

祝確歙人親喪廬墓終制而歸一弟一兄繼死熙河不憚萬里徒步以歸其喪所舍輒悲哀上食如禮歲大疫親舊有舉室病財者每旦必携粥藥遍飲食之日以爲常曾輩字子固南豐人性孝友撫四弟九妹于委廢單弱之中宦學婚嫁一出其力

譚煥始與人嘗預薦書當父任力辭遜于弟後舉八行首大觀中復登進士第官至朝散大夫

許遂宣城人早孤事母以孝聞弟逃亦孝謹衣食必推其兄遂子瑜逃子元並以孝友稱

續文獻通考卷之八十一

十五 四四

黃居仁字安懿鄞人紹興中進士性孝友其在官奉叔父及甥妹以行析田二頃爲義莊以贍宗姻

單煦平原人舉進士官至光祿卿兄熙嘗毆人至死煦曰家貧親老仰熙以養義當代死卽趨闕所待捕已而死者甦驚問之煦以情告其人感嘆遂輟訟

許儉字幼度閩福清人不畜私財不置私器三世不分異庭無間言鄭性之嘗大書孝友二字以扁其堂

鄭德珪德璋浦江人孝友天至德璋爲仇家陷以死罪當會逮揚州德珪哀弟之見誣乃陽謂曰彼欲害我也何預爾事我往則姦狀白卽治行德璋追至諸暨道中兄弟相持頓足哭爭欲就死德珪遂給以無往夜將半從



聞道逸去德璋復追至廣陵德璋已斃于獄璋慟絕者數日負骨歸葬廬墓再拜每一悲號鳥鳥皆翔集不食鄭清之字德源鄞人母胡氏將就蓐三日旣鳴甫生嫡母欲不舉丘嫂遂氏請于舅姑願已乳之旣貴奉丘嫂如母卒爲服基以報

余天錫字純父昌國人兄弟友恭方貧時率更衣以出終歲同衾及晚貴感復約以昭穆同葬

王士奇字永叔福安人初以鄉薦赴省試聞弟計不赴卽往蜀護其喪以歸凡六年而後就試嘗得官以母老丐祠當國者高其行畀以堂除凡二十三考方注莆田法曹真德秀語當路曰王法曹文行俱美尤孝于親當于

續文獻通考

卷之六十一

七十一

古人中求之後以奉議郎賜緋衣致仕

項充龍泉人幼承兄洵美訓誨成立當析產充言于有司願盡以遜兄荅其教育之恩知郡王洋上其事詔旌其門

汪宗臣婺源人入元不仕孝友天至子姓同居庭無間言

章夢賢上海人至元中薦授管田提舉以父母蚤亡伯兄多疾卽棄官歸終身不仕事其兄如父兄歿撫其孤如子闔門二百餘口無間言

楊仁廣州廬江人至元中兀朮兵南下仁家爲所掠父被殺母及兄弟皆散去仁年七歲鬻爲汴人李子安奴力

作二十餘年子安憐之縱爲良仁蹤跡得母于潁州兄于睢州弟于邯鄲皆爲役尚無恙乃徧懇親故貸鈔百錠歷詣諸所求贖之大小二十餘口復聚居爲良孝友其篤大德二年旌其家

陳忠壽光人兄弟四人同居孝友大德八年旌

吳傑博興人兄弟四人同居五十年又建義塾延師教鄉閭子弟知州郭克以聞旌表

元善大名人兄弟五人因貧流散江淮久之客死至大四年善往尋其骸骨父兄弟姪等一十五喪而歸改葬祖父母以諸喪序列附塋次有司以聞詔旌其廬

續文獻通考

卷之六十一

七十一

四十二

王榮句容人爲人孝友五世同居時歲荒有饑者出粟以賑死者置棺以殮延祐間旌其門

吳好直蒲城人父歿事繼母孝兄弟求分財好直勸諭不能止卽以已所當得悉推與之出從師澹泊三十年無悔詔加旌表

劉德泉杞縣人早喪母父榮再娶王氏生二子居敬居元德泉甚撫之及王氏卒益相友爱至元末歲饑父欲使析居德泉泣止乃各受其業以去久之父卒兄弟相約同爨和好如初郡守以聞詔表其閭

朱顯直定人至元間祖父已分財至顯念姪彥冲等年幼無恃謂弟耀曰父子兄弟本同一氣可異處乎乃會拜祖墓下取分券焚之復同居

劉廷讓大寧武平人至順初北方兵起廷讓挈家避山中  
有幼弟方孔母王氏置干懷兵急廷讓乃棄已子一手  
抱幼弟一手扶母疾驅得免事聞旌之

長壽父帖任官平章政事生五子長山壽早卒次即長壽  
次永壽福壽作古海牙元統間帖任沒長壽哀毀盡禮  
服闋當廕叙與弟羅拜母前願以職讓永壽永壽讓福  
壽福壽曰二兄能讓吾獨不能耶以讓忙古海牙母從  
之

梁外僧河中人至六間外僧親喪廬墓兄那海為與舉官  
自以嘗遠仕不得養親即棄職舉外僧代之人稱外僧  
能孝那海能義又有畏吾氏秋秋及濠州高中嘉定武  
續文獻通考卷之八十一

進皆以待親不願仕以祖父廕讓叔父昆弟云

皆汝道齊河人居父喪盡孝道母高氏疾晝夜不去側一  
日母私授以金珠令勿使兄弟知汝道泣拜曰父母艱  
難成家今田宅牛羊已多汝道恨無以報大恩尚敢受  
此以重不孝之罪乎竟辭之母卒哀毀不御肉酒二弟  
將析居悉以美田廬讓之二弟早世撫諸孤如已子  
甄城柴郁陳舜咨俱蒲城人皆能孝友以已產分讓兄弟  
縣令言狀均蒙旌表

吳思達蔚州人仕為開平主簿兄弟六人常以父命析居  
延祐間父卒治墓畢泣告其母曰吾兄弟別處十餘年  
今多破產以一母所生忍使苦樂不均耶即以家財代

償其通更復其居事聞表其閭

吳淳字伯善兄枕席幾二十年吳中被兵家人奔潰淳獨  
侍兄不去復遇亂兵淳以身蔽兄被三十餘鎗昏臥于  
地兄竟死淳稍甦遂入餘杭山鬻墨以終

陳謙字子平父病革思鰥父歿遂終身不食鰥事兄訓甚  
謹訓為張士誠兵逼拜不屈遂刃其胷謙以身翼蔽之  
并被害

諸汝諧濮州人父嘗命汝諧與兄汝弼別產後弼廢其產  
諧泣請共居仲父子昭子玉貧病汝諧迎養甚謹事聞  
有詔旌表其門

劉德奉元人事繼母何氏如所生傭工取直寸錢尺帛皆  
續文獻通考卷之八十一

上之四弟並何出撫愛尤篤年五十未娶稱貸得錢先  
為弟求婦諸弟亦化其德一門藹然鄉里稱劉佛子  
皇明

盛逮字景華吳江人自其父時以間右徙郡中洪武初

詔求賢才得對稱一旨一賜冠服使預論議與陳寧忤  
乞歸及寧來為蘇欲甘心焉乃令衡籍於里中俾以較  
入雖他所通必登之以滿其額逮為竭力畢輸其友唐  
當入金二百不能償逮又為輸寧無以加罪而弟坐鹽  
筴方見錄父憐其少逮逸之而身出就吏論徙夏州初  
逮游秦晉間遇異人授方試之輒效年九十餘子寅以  
賢顯

張甫明易州人父在時與叔鏞既異產三十餘年後鏞食不自支貨帛以給甫明日我家自足給人何貸他人物乎遂盡以家資是鏞簿籍送叔及兄收掌畧無難色鄉人高其義

劉鈍上海人永樂間兄銳以會計事坐法繫京師鈍婚二日即趣裝護行兄四年餘思歸鈍陰乞守者代兄兄既歸乃詣父母曰弟窘病道卒父母悲哀不已時刑部訪善字書者錄古文辭獄官知鈍能書以名上試之大稱意爲出其罪而禮遣焉比歸值夜午家人驚以爲鬼曰而飯欲求食吾當醮祭之鈍具言非鬼父母開門視之乃對泣道故兄自愧從後實逸去然鈍亦不明兄之詒續文獻通考卷之八十一

已也後說有二子皆天鈍生四子名與者以明易中已卯鄉試累官建寧知府

梁崑星子人家常罹疫舉家逃避弟病危衆諭使棄之出避崑曰如崑去弟誰視湯藥竟不去病亦不染人以友義稱之

續文獻通考卷之八十二

皇明進士雲間王圻纂輯

節義考 義居 義徒 義友

義居

漢

蔡邕陳留人三世同居

崔挺清河人三世同居

晉

祁榮興武陵漢壽人與文獻叔八世同居後旌表門閭

汜雅春濟北人七世同財家人無怨色陶潛以訓其子

宋 吳元嗣江都人子孫壽皆百歲一門前後義聚不分

續文獻通考卷之八十二

齊

封延伯字仲建濟渤海人三世同財爲北州所宗附

范安祖武陵人五世同居建元中旌其閭

陳玄子義興人四世同居百有七十口建元三年表其門

閭 又東海徐生之武陵李聖伯范道根五世同居零

陵譚弘實衡陽何弘華陽楊黑頭四世同居蜀郡王績

祖華陽赫道福並累世同慶建武三年表門闕調

北魏

李凡安平人七世同居家有二十二房一百九十八口長

幼濟濟風化著聞表其門閭

辛威隴西人五世同居

石文德中山人五世同居

王開北海密人數世同居百口共財產家門雍睦鄉里敬異有司申奏表門閭

王澤成縣人一門數千口六世同居

隋郭雋太原人家門雍睦七葉共居大豕同乳鳥鵲同巢時人以爲義感之應州縣上其事高祖遣宇文昌平

公請其家勞問之

唐

劉君良饒陽人四世同居族兄弟猶同產門內斗粟尺帛無私隋大業末饑饉妻勸其異居因易置庭樹鳥雛令

聞且鳴家人恠之妻曰天下亂禽鳥不相容况人耶君

續文獻通考卷之八十二

二

三百七十八

良即與兄弟別處月餘密知其計因斥去妻曰爾破吾

家召兄弟流涕以告更復同居天下亂鄉人多依之武

德中深州別駕楊弘業至其居見六院共一庖子弟皆

有禮嘆悵而去貞觀六年表其間

榮鉞河南濟源人開元二十四年河南尹崔尹甫奏壁兩

代同居凡四十餘口嘗割右股肉以療母疾及刺頂血

寫佛經母疾以瘳

張公藝善張人九世同居齊隋梁皆旌表其門高宗封泰

山還幸其宅問曰何以能九世不分公藝書忍字百餘

以對

萬敬儒合肥人三世同居親喪廬墓大中間詔表其門州

改所居曰成孝鄉宋大中祥符間又旌異之

萬晏涇縣人以孝弟稱朝廷以數世同居表其門里分復其家

趙祚相州人八世同居詔賜旌表

高霞寓幽州人五世不異爨以孝謹稱

張珪衛州人七世同居詔賜旌表

崔郊武城人父時三世同居當時言治家者推其法

黃美蔡州人十世同居詔賜旌表仍蠲其課調

宋練高安人以孝聞四世同居咸通九年詔旌其門

王丕繁昌人數世同居里閭高其義睦聞于朝旌表其門

賜粟帛州縣歲存問仍復賦稅

續文獻通考卷之八十二

三

三百八

鄧文瑞高安人四世同居五百餘口朝廷嘉之表其居曰

旌義

萬年宋興貴

奉先張孚

澧陽張仁興

博陵崔儒

濮州杜暹

標陽董思寵

湖城閻旻閻鄭

高平雍仙高

正平周思藝張子英

曲沃張君密秦德方馬玄操

李君則

太平趙德儼

隴西陳嗣

經城宋洸之

單父劉九江

無棣徐文亮

吳陵吳正表

河間劉宣董永

安邑任君義衛開

鄭縣王元緒寇元童

龍門梁神義賀見涉張奇異

晉城徐行周

睦州方良現

桐廬戴元益

弋陽李植

以上皆數世同居天子旌表門閭賜粟帛州縣存問復賦役有授以官者因無事實故特因地著名

五代

王仲昭六世同居旌表其門

李自倫深州人自高祖訓生繁榮生則則生忠忠生自倫

倫生光厚六世同居晉天福四年旌表門閭

王陶密州人五世同居世傳孝友

續文獻通考卷之八十二

四

三百五

呂光簡北海人數世同居天子旌其門賜粟帛有司存問

何千齡浦江人貞明初四代同居

韓德潞州屯留人兄弟累世同居

潘子直大庾人事父孝六世同居

南唐 張垆家繁昌千口同居

宋

徐承珪掖縣人與兄弟三人及其族三千口同居歷四十

年如一日所居里中木生連理瓜異蔓同實乾德間詔

名其鄉曰義感里曰和順

李昉深州人治家有法子孫守之數世不衰二百餘口同

居共慶田園邸舍所收及有官者俸祿皆聚之于庫計

口日給餉婚姻喪葬所費皆有定數分命子孫掌其事

陳兢江州德安人伯宣之後唐僖宗時已六世不分南唐

復其家至昉之世宗族七百餘口太平興國初仍復其

家至兢之世子孫益衆淳化初詔每歲貸粟二千斛至

從弟旭旭弟蘊總家事仁宗賜爲本州助教同居十八

世家有百犬同牢食一犬不至諸犬皆不食

許祚德化人八世同居至祚七百八十餘口太宗時詔旌

表其門

田祚貝州人十世同居太平興國三年詔旌其門閭復其

家

李罕澄阜城人七世同居漢乾祐三年詔改鄉里名及旌

續文獻通考卷之八十二

五

三百五

其門閭太平興國六年復旌表之

胡仲堯奉新人累世聚居數百口雍熙二年詔旌其門閭

張文裕陝州人六世同居淳化間詔表門閭

趙廣八世同居淳化中詔旌其門

汪文諒旌德人與兄文政俱尚義輕利聚族千三百口天

禧中旌其門

洪文撫建昌人事親至孝六世同居至道中賜御書百軸

文撫遣弟文舉詣闕謝太宗飛帛一軸曰義居人以賜

之命所司舉爲江州助教旌表其門

王美蔡州人十七世同居咸平中旌表

楊榮麟州人七世同居咸平時旌表仍蠲課調

李宗祐大名入累世聚居至七百口咸平時臣下請加旌表從之仍蠲其課

曹遷趙州人六世同居咸平中詔旌表之仍蠲其課調

方綱青陽人八世同居家屬七百口居室六百區每旦鳴

鼓會食嘗出稻五千賑貸貧民景德中轉運使馮亮以

聞詔旌其門

褒承詢會稽人居雲門山前十九世無異爨子弟習弦誦

鄉里稱其敦睦大中祥符間優賜粟帛

丁雋醴陵人兄弟十七人義聚三百口家無間言大中祥

符間表其門咸平後有常定軍孫浦襄州常元紹解

州董孝章並十世同居莫州高珪永定軍朱仁貴潞州

續文獻通考卷之八十二

六

四百五十二

邢濟相趙祚並八世同居隰州趙友開封亨居正穎州

趙可象衛州張珪滄州崔諒並七世同居邢州王覺六

世同居兗州董升京兆元守全平定軍段德並五世同

居亳州王子上四世同居大名陳宗祐宣州汪政潭州

季耕或聚居至七百口累數千百年並旌表之

東野宣曲阜人竇益乾封人各合居五六世有節行真宗

東封泰山時判兗州王欽若上言其義詔優賜粟帛

張化基閬州和楊忠義俱陝州人真宗祀汾陰時考制度

使馬起言化基等皆聚族累世孝弟可稱並降詔褒美

仍優賜粟帛

姚宗明河中永樂人自唐栖雲至德十六世同居自慶曆

以迄又五十餘年而其家孝睦不衰

錢文卿樂清人方數歲執父喪如成人時三舍法行文卿

方冠領鄉學正諸生肅然敬之奉母居白石山闔族同

居三十餘年無間言

張崇登熙寧進士自祖父以來義不析居內外千口閨門

肅然言嘉祐中楊傑過其家大書義居二字遺之

俞樾人范道中寧國府上言其義居累世不析詔旌

其門

吳志與楊子人世篤孝義歷七世三百年不分異積善好

施鄉人稱為吳善士高宗時為進功郎年九十三卒

周欽若鉛山人數世同居慶元中旌表其門

續文獻通考卷之八十二

七

三百九十一

張昌中漢陽人處家以義歷八世不分馮京有詩曰一水

滌澗繞池村子房齒裔此間存同居八世三千口可惜

君恩未表門嘉定間事聞表曰義門

張仁遇開封人四世同居

樊可行劉閨俱陳州人王世及河陰人俱聚居至七百口

累數千百年所在請加旌表詔從之仍蠲其課調

陳芳河南人仕至大理丞一門十四世同居三百年孝義

為時所重詔旌其門

顏詡吉州永新人真卿之役事繼母以孝聞一門千指家

法嚴肅

徐國和豐城人兄弟義居率木連理子定孫頤世盡孝道

宇文百之新井人性孝友數世不異居庭前六燕同巢紫  
荆異本合幹人以爲孝友之感

瞿元肅南豐人四世同居家百五十餘口父歿兄弟六人  
廬墓盡哀有司聞于朝詔旌表召元肅入見賜御書六

十二軸復其家

范英軒德化人五世同居事聞旌褒錫役

阮鍾儒銅陵人十一世同居朝廷嘉之

茅信卿泰州人四世同居家百餘口治家有法不率教者

輒笞之卒無怨言表爲四世孝義之門

徐行周舒城人數世同居詔旌其門賜粟帛州縣存問復  
其賦稅

續文獻通考

卷之八十二

四百七

陸九韶金谿人累世同居家法嚴肅每旦家長率衆子弟

一人長者爲家長一家之事聽命焉逐年差選子弟分

任家事或主田疇或主租稅或主出納或主廚爨或主

賓客公堂之田僅足給一歲之食家人計口打飯自辦

蔬肉不合食私房婢僕各自供給許以米附炊每清曉

附炊之米交至掌廚爨者置曆交收飯熟按曆給散賓

至則掌賓者先見之然後白家長出見款以五酌但隨

堂飯食夜則卮酒杯羹雖久宿不厭每晨興家長率衆

子弟致恭于祖禰祠堂聚揖于廳婦女道萬福于堂暮

安置亦如之子弟有過家長會衆子弟責而訓之不改

則撻之終不改度不可容則告于官屏之遠方晨揖擊

鼓三疊子弟一人唱曰聽聰聽勞我以生天理定若還

懶惰必饑寒莫到饑寒方怨命虛空自有神明聽又唱

云聽聰聽衣食生身天付定酒肉貪多折人壽經營太

甚違天命定定

薛朋龜定海人祖父五世同居號爲義門至其孫通亦復

如是

薛觀字景荀鄞人聚族千指同居合食者五世人稱義門

薛氏

李庚字祥甫其先汴人十二世同居號義門李氏

毛仁魏縣人李文綱臨河人皆數世同居奉詔旌表門閭

賜粟州縣存問復其賦稅

續文獻通考

卷之八十二

九

徐文震金華人尚禮好義數世同慶德祐間丞相留夢炎

署其門曰金華孝友

余起銅陵人一門義聚千三百餘口

張評事涇陽人五世同居男女百口總服同慶宋金兩朝

勅命築義門臺旌表宅里

迹

張廷美前遼州錄事六世同居

劉興胤儀坤州人四世同居聖宗開泰元年各給復三年

靳文貴慶州人八世同居詔賜職

達魯奚人三世同居咸雍十年賜官旌之

張寶錦州民四世同居太康四年命諸子三班院祇候



田世樂天德軍民三世同居壽隆六年詔官之命一子三班院祿候

元

向遜宜都人九世同居人無間言稱義門其十世孫存仁存禮早卒二妻俱守節至元中旌其門曰節義

楊一懷孟人至元間憐其叔清貧密以分契詣神祠焚之與清同居者三十年無間言有可以快聞詔旌其家

張閨延長縣人八世不異爨家人百餘口無間言諸婦女聚一室爲女工工畢歛貯一庫無私藏幼稚啼泣諸母

見者即抱哺一婦歸寧留其子衆婦共乳不問孰爲己兒兒亦不知孰爲己母也閨兄顯卒即以家事付姪聚

續文獻通考

卷之八十二

十

四百三十一

聚辭曰叔父行也叔宜主之閨曰姪宗子也姪宜主之相讓既久卒以付聚至元二十八年旌表其門

趙毓管城人其先居唐州三世同爨毓官福州司獄滿歸以母老不後仕一日會諸弟泣申遺訓願世世無異處

自是大小百口略無間言毓長兄瑞早卒嫂劉氏守志毓率家人事之甚恭次兄選繼殺嫂王氏毓毋以其年

少命嫁之王氏泣曰婦無再嫁之理願終事姑毓妹贅王佑佑卒妹念佑毋無子請歸養之孝友節義萃毓一

門元貞初旌之

劉讓陽艾口人六世同居閨門四十餘口懽然無間大德

元年表其門

王顯政蒲城縣民五世同居文宗天曆二年詔旌其門在天祐武安人躬履忠信子孫七十餘人無敢積蓄四世同居泰定三年表其門

王理蒲城人七世同居延祐天曆中表其門

鄭綺浦陽感德鄉人綺事父母孝綺生聞聞生運運生改改生德珪德璋極友愛德珪生文嗣自綺至文嗣凡同

居六世歷二百年咸如綺在時至大四年旌表其間至元元年太常博士柳貫又上狀請如故事復其家從之

德璋子太和司家事嚴而有恩雖家庭凜如公府自大丞相及臺院諸公卿多賦詩美其行部使者余闕行縣

以其孝友七郡莫之先書東浙第一家以褒美之皇太續文獻通考

卷之八十二

十一

三百九十五

子聞其事曰國家之祥瑞也親御翰墨昇以鳳麟二大宇勒石以傳家有二馬一馬出則一馬不食人以爲行

義所感

張政臨漳人六世同居家口四十餘人各守禮法族黨稱其孝義有司以狀聞詔旌其家

田韋臯累世同居詔旌爲義門

李恭讓安平人累代同居旌其門曰義門

同山周氏金陵人自紹興至順帝時同居者九世歷二百餘年老幼千指功總以降幾至親盡朝夕聚處

王子覺浦江人四世同居

員從政葭州人累世同居

吳起孫而安人九世同居

陰幼遇奉新人五世同居

陳伯宣江州德安人子孫同居十餘世旌表為義門

丁煦汴梁人八世同居

陳成字公美晉江人敦行孝友四世同居六葉相見監郡

僕王立表其門曰高年耆德扁其居曰衍慶

方時發青陽人綱之後十一世同居至時發克世其家以

孝義被旌起為潮徽二州教授

張弘毅修武人七世同居一門孝友敦睦財無私蓄有連

理樹生焉詔旌其門所居之地名孝義鄉

羅世華字明遠慈谿人與弟世英弘惠天錫世昌一氣偕

續文獻通考

卷之八十二

十三

三百三十六

老五世同居至正二十四年旌曰同居耆德羅氏之門

辛世顯字伯榮臨朐人年踰七旬日與弟宴集怡怡如也

老稚百餘口閨門肅雅人無間言同居五世人稱美之

休寧朱震雷

河南李福

直定杜良

建寧王貴甫

句容王容周成

鄆陵夏全

保定成珪

開平溫義

大同王瑞之

平陽湯文英

江州范士奇

涇州李子才

宿州王真

蕪湖蒯世通

陝州向存義

八世

曹州劉環

八世

以上皆元時累世同居者朝廷嘗表其閭或復其家  
皇明

蕭與賢世家吉水聚族而同釜爨以居五世矣兄弟三人

伯曰與賢仲曰與權季曰與恭雖遭值變故家日以削

而孝友之風彌久益著諸子才皆克肖善守家法朝夕

與諸孫力田服賈共子弟之職而與賢教之以禮即冠

婚喪祭行之內外數百指莫不唯唯致謹邦之大夫士

嘉之名其堂曰友恭

何執中南陵人洪武初襲父爵民兵萬戶與弟時中聚族

同居九世不分

韓錦潞城人六世同居家衆凡四十餘人庭無間言同邑

續文獻通考

卷之八十二

十三

三百七十四

李昇亦同居六世成化六年同受旌異

張嵩十世同居嵩宿遷順德鄉人其家自元時有始祖張

榮凡八世同居成化七年有司上其事 詔表其閭逮

今凡十世二百餘口云

虞訥樂平人五世同居有家範人無間言

廖秉綏廣昌人性友愛五世同堂婦入門無敢言分異者

有司旌其門曰雍睦

李玘蒲圻人敦孝義子孫七世同居成化間表其門

王肅蘄水人七世同居少長三百餘口庭無間言 詔旌

其門曰孝義

王宗義石首人五世同居長幼二百餘人藹然雍睦 詔

未其門

談錄武陵人自祖子隆以下曰文亮曰興曰惟福曰志貴曰仲旻至錄十世不分居成化間事閔旌之今子孫數傳猶守家規不變

石瑗武陵人祖庭河嘗著家訓約子孫同爨傳至邦達興權應鳳子明和至瑗家益蕃衍人無間言孫偉鼎益守其訓悖尚禮讓後知府陸瑯大書十世同居遺之家受旌表

襄陵王五世同居嘉靖十一年 韓王聞于朝 命撰勅遣官旌其門

義徒

續文獻通考

卷之八十二

十四

三百五

漢

云敞字幼孺師事同縣吳章及章為王莽所誅弟子千餘人盡更名他師時敞為大司徒掾獨自劾吳章弟子收抱章屍歸殮葬之

王成太尉李固門生也初固知不免遣子基茲爨歸鄉里爨年十二姊文姬為趙伯英妻密與二兄謀豫匿爨託言還京難作基茲皆死文姬乃告王成曰君執義先公有古人之節今委君以六尺之孤李氏存歿其在君矣成乃將爨入徐州界變姓各為酒家傭而成賣卜于市陰相往來梁冀誅乃還鄉追行喪服及成卒爨以禮葬之四時則設上賓之位祠焉固死時又有弟子郭亮未

冠上書乞收固尸不報與董班俱往哭臨不去會杜喬故探陳留楊匡號泣星行至洛托為夏門亭吏守護尸積十二日上書乞二公骸骨太后許之得歸葬

禮震平原人其師歐陽欽字正思樂安人坐賊下獄諸生為求哀者千餘人至有自髡剔者震年十七聞欽當斷馳之京師行至河南獲嘉縣上書求代欽死而欽已死獄中聞者義之

景毅蜀郡人靈帝時李膺坐鉤黨請詔獄考死門生故吏並被禁錮毅子碩為膺門徒未及錄毅慨然曰本為膺賢遣子師之豈可漏名遂自表免歸時人稱之

任末奔師喪於道物故臨命勅兄子造曰必致我尸於師

續文獻通考

卷之八十二

十五

四百十

門使死而有知魂靈不慙如其無知得土而已

吳 費慈率意俱孫拯門人拯為陸機司馬機為孟玖等所誣收拯考掠兩踝骨見終不變辭慈意二人請獄明拯冤拯譬遣之曰吾義不可誣枉知故卿何宜復爾二人曰僕亦安得負君拯死獄中二人亦死焉

晉 許孜字季義東陽吳寧人師事豫章太守會稽孔冲受詩書禮易及孝經論語學竟還鄉里冲在郡亡夜聞之盡哀負擔奔其喪送還會稽疏食執役制服三年

宋 游酢楊時俱程伊川門人一日侍伊川瞑目坐良久而覺命之出二子乃出則門外雪深三尺

元 顧德玉字潤之橋李人自幼從寧國路儒學教授俞

觀光學觀光無子嘗語人曰吾昔寢疾于杭潤之侍湯藥情至切若父子醫爲之感動弗肯受金今我行且老必託之以死既而訪醫吳中病且革趣舟歸潤之進次尹山卒明日乃至攜李潤之奉其屍斂于家衰經就位邦人士爲潤之來吊者潤之拜之越明年葬于海鹽近顧氏之先塋歲時祭享惟謹以上係師弟

### 義友

春秋 鮑叔牙與管仲相善仲嘗言曰吾嘗仕而見逐鮑叔不以我爲不才知我時不遇也吾嘗與鮑叔買分財多自取鮑叔不以我爲貪知我貧也吾嘗三戰三北鮑叔不以我爲怯知我有老母在也生我者父母知我者續文獻通考卷之八十二 十六 三百九十三 鮑叔也

### 戰國

左伯桃羊角哀皆燕人聞楚王善待士乃同入楚值雨雪糧少桃自以能不如哀乃分糧與哀令往事楚自餓死于空樹中哀至楚爲上大夫乃言於楚王備禮以葬伯桃

青井趙人趙襄子游於囿中至於梁馬却不進青井爲參乘襄子進視梁下有人青井視梁下豫讓却寢佯爲死人叱青井曰去長者吾且有事青井曰少而與子友子且爲大事而吾言之是失相與之道子將賊吾君而我

### 殺

### 漢

范式字巨卿山陽金鄉人少遊太學與汝南張元伯劬爲友並告歸鄉里式謂元伯曰後二年當還將過拜尊親乃共赴期至期元伯具以白母請設饌以俟之母曰二年之別千里結言爾何相信之深耶曰巨卿信士必不相違巨卿果至升堂飲酒盡歡而別後忽夢劬呼曰巨卿吾以某日死某時塋豈能相及耶式恍然覺悟悲嘆泣下素車白馬馳往赴之未至而喪已發柩不前進母曰此必爲巨卿耳巨卿既至叩喪車言曰行矣元伯死生異路未從此辭執紼引柩於是乃前巨卿至墓爲修續文獻通考卷之八十二 十七 三百九十六 塚樹乃去

雷義字仲弓豫章人順帝時舉茂才讓與友人陳重刺史不聽義遂佯狂被髮走不應命鄉里爲之語曰膠漆自謂堅不如雷與陳

范丹字史雲陳留人與同郡尹苞友善二人居貧出入共一單衣到入戶外尹年長常先着衣入須臾出解衣史雲終無間言

習脂京兆人與孔融善每戒其剛直太過及融爲曹操所害舉族皆夷許下莫敢收者習往撫尸曰文舉舍我死吾何用生爲遂收葬焉操欲殺脂既而赦之

吳 吳範字文則孫權時拜騎都尉素與魏滕同邑相善

滕嘗有罪孫權責怒甚嚴令敢有諫者死範謂滕曰與子當死滕曰死而無益何用死爲範曰安能慮此坐觀汝耶乃髡頭自縛請門使鈴下以聞鈴下曰死不敢白範曰汝有子耶口有曰使汝爲吳範死子以屬我鈴下乃排闥入言未卒權大怒欲投以戟遽巡走出範因突入叩頭流血言與涕並良久權意乃釋免滕滕見範謝曰父母能生長我不能免我於死丈夫相知如汝足矣何用多爲

劉宋 蔡興宗宋孝武踐祚累遷尚書吏部侍郎竟陵王誕據廣陵爲逆事平興宗奉旨慰勞廣陵州別駕范義與興宗素善在城內同誅興宗至躬自收殮致喪還豫續文獻通考卷之八十一 十八 四十四

章上聞謂曰卿何敢故爾觸網興宗抗言答曰陛下自殺賊臣自莖范義既犯嚴制終當并於斧鉞耳帝有慙色

唐

狄仁傑字懷英太原人爲并州法曹參軍同府參軍鄭崇質當使絕域母老且疾仁傑謂曰君可貽親萬里憂乎請長史藺仁基請代行仁基咨美其誼時方與司馬李孝廉不平相語曰吾等可少愧矣遂相待如初

柳宗元字子厚河東人與劉禹錫相善及以罪同貶宗元得郴州司馬禹錫得播州司馬播州非人所居而禹錫親老宗元草疏將以柳易播會裴度請于上得改連州

乃止

道琮蒲州人慷慨尚義貞觀末徙嶺南有友人同斥者死荆襄間臨終泣曰人生有死獨委骨異壤可恨耳道琮曰吾若還終不使君獨留此瘞路左去歲餘遇赦歸以積潦失殯處道琮痛哭諸野波中忽若盆沸道琮曰若屍在再沸祝已水復沸乃得屍載還鄉

宋

韓億靈壽人與龍眠李若谷爲友億登進士選縣尹將之任億自推毋車若谷推其妻車將近縣吏卒來迎乃止億割敝褥分半余餘金與之涕泣而別兩家子弟繼好不絕若谷明年登第

續文獻通考卷之八十二

十九

四百七十四

侯可字無可華州華陰人隨計入京里中醵金贖行比還悉散同舉者曰此金鄉里所以資應詔者不可爲他利將行聞鄉人病念曰吾歸則彼死矣遂留不去病者愈以已馬載之徒步而歸可與申頤爲友頤病重千里求醫未歸而頤卒目不瞑人曰其侍侯君耳既殮而可至撫之乃瞑頤無子不克莖可辛勤百計鬻衣相助卒葬之方天寒單衣以居有饋白金者頤頤之妹處室舉以佐其奩具一日自遠歸家以箋告適友人郭行叩門曰吾父病醫邀錢百千賣吾廬而不售可惻然計橐中紫畧當其數盡與之關中稱其賢

巢谷眉山入舉進士學古兵法游西邊與河州將韓存寶

善言實坐罪死谷遂江淮會赦乃出紹聖時蘇軾及弟  
轍既嶺海谷徒步往訪時年已七十餘矣見轍握手道  
平生將復見軾于海南轍止之不從又自循至僖至新  
遂病而死轍聞哭之曰谷于朋友之義無愧高恭惜不  
遇襄子而前遇存實後遇余兄弟也

蔣緯零陵人少辭家入太學後歸隱黃庭堅在宜州病革  
緯往見馬庭堅委以身後事及卒為棺殮具舟送歸鄉  
浩謫永州緯從之游浩有昭州之行緯又為經紀其家  
田畫王回曾誕皆鄉浩友也浩諫立劉后事被謫畫逖之  
浩流涕畫正色責曰使志完隱默不言官京師遇塞病  
五日不汗死矣豈獨嶺海之外能死人哉願君毋以此  
續文獻通考卷之八十二 二十一 四百六十九

舉自滿士所當為者未止此也浩謝之初浩將諫告于  
王回回曰事有大于此者乎子雖有母然移孝為忠亦  
太夫人素志也及浩南還人莫敢顧回欽交遊錢為浩  
治裝且慰安其母還者以聞逮詣詔獄曾誕嘗三以書  
勸浩論孟后事浩不報及浩廢誕作玉山主人對客問  
以譏浩不能諫孟后之廢而俟過舉乃言為不知幾云  
錢應高溧陽人景炎中虜陷建康時故人趙淮宿于其家  
為虜所執應高聞淮死追悔不及乃哀號投荆溪中死  
張毅文字子載廬陵人丞相文公友也公貴顯時屢以官  
辟不就江南既屬元公自廣還過吉州城下毅文來見  
曰今日丞相起北吾當偕行既至燕寓于公囚所側近

日以美饌餽凡三載始終如一且潛製一橫公刑日即  
以鐵其首復訪求公之室于俘虜中俾出焚其屍收拾  
骸骨裝重囊與先所函檣負之南歸赴公家塋焉

元

陳旅莆田人初至京師感虞集為知己及提舉浙江儒學  
時集歸田已數載歲且大比請于行省叅知政事李木  
魯狎親奉書幣請集主文鄉闈欲為問候計乃衝冒炎  
暑千里訪集于臨川集感其來徂旬日而別惓惓以斯  
文相勉惓惓然若將永訣焉集每與學者語必以旅為平  
生益友也一日夢旅舉杯相向曰旅甚思公亦知公之  
不忘旅也但不得見耳已而旅果卒集慟之不置

續文獻通考卷之八十二

二十一

四百五十五

皇明

陳汝同號古菴為國子祭酒致仕與翰林修撰梁稹稹永  
居同年陳汝同心地好且有家法孤子女可托也及稹  
病篤先生往視之已不能言惟指以手左右具述其言  
古菴垂泣諾之及稹卒凡子女居第嫁娶等事皆先生  
經理之始終如一冒物議不計也稹女得適黃瑜瑜為  
肇慶太守以其事告葉文莊公嘆曰友道彫喪久矣如  
陳先生可多得也哉

雍泰字世雍陝西咸寧人性廉厲凜不可犯正統天順間  
為山西副使至都御史巡撫宣府泰既貴過家往訪同

窓舊友王生時生已棄士業農矣遇諸塗謂曰雍泰乃  
念貧賤之交乎倘不棄予約期訪汝奉敬諾而歸至期  
冠帶以俟生布衣毳毳背隻鷄持瓢酒至據正席而坐  
泰以兄事之與飲必跪生亦直受之不辭蓋中原西北  
士大夫長幼之禮甚嚴年長者每呼姓名或獻酬幼者  
必跪初不計貴賤吁西土風俗亦厚矣哉

陳循與高穀俱景泰間學士穀娶夫人性極妬悍長而無  
出及置一妾禁不容入寢一日循過留酌因談及此夫  
人屏後聞之即出詬陳公陳公掀案怒起以一棒撲夫  
人仆地至不能興高力勸乃止因數之曰汝無子法當  
黜今不黜汝而置妾汝復聞之是欲絕其後也汝不改

續文獻通考

卷之八十二

二十二

三百六十八

吾當奏聞 朝廷置汝于法自是如少衰其後高公得  
御妾生于岫廬中書舍人皆陳公一怒之力亦義舉也

續文獻通考卷之八十三

皇明進士雲間王圻纂輯

節義考 義母 明經婦 義夫 義婦

義妾 義僕 義物

義母

周 魏芒慈母者魏孟陽氏之女芒郊之後妻也有三子  
前妻之子五人皆不愛繼母繼母遇之加厚猶不愛繼  
母乃令其三子不得與前妻子齊衣服飲食起居進退  
前妻子猶不愛於是前妻中子犯魏王令當死繼母憂  
戚悲哀帶圍臧尺朝夕勤勞以救其罪人謂繼母曰人  
不愛母至甚也何為勤勞憂懼如此繼母曰如妾親子

續文獻通考

卷之八十三

一

三百九十三

雖不愛妾猶救其禍而除其害獨於假子而不為何以  
異于凡母其父為其孤也而使妾為其母繼母如母為  
人母而不能愛其子可謂慈乎親其親而偏其愛可為  
義乎不慈且無義何以立于世彼雖不愛妾安可以忘  
義乎安釐王聞之高其義曰繼母如此可不救其子乎  
乃赦其子復其家

魯 義保孝公保母臧氏之寡妻也後號為義保初孝公  
父武公與其長子括中子戲朝宣王王立戲為魯太子  
武公薨戲立是為懿公孝公時號公子稱最少義保與  
其子俱入官養公子稱括之子伯御與魯人作亂攻殺  
懿公而自立求公子稱於官將殺之義保乃衣其子以



稱之衣卧於稱之處伯御殺之義保遂抱稱逃免

魏

節乳母者魏公子乳母也秦攻魏破之殺魏王瑕誅

諸公子而一公子不得令魏國曰得公子者賜金千鎰

匿之者罪夷族乳母與公子俱逃魏之故臣見乳母而

識之曰乳母無恙乎乳母曰嗟乎吾奈公子何故臣曰

今公子安在吾聞秦令得公子者賜金千鎰匿之者罪

至夷族乳母僞言之可以得千金知而不言則見弟無

咎類乳母曰吁吾不知公子之處故臣曰吾聞公子與

乳母俱逃毋曰吾雖知之亦不可以言故臣曰今魏國

已破亡族已滅子匿之尚誰爲乎毋吁而言曰夫見利

而反上者逆也畏死而棄義者亂也今持逆亂而以求

續文獻通考

卷之八十三

二

四百三十五

利吾不爲也且夫凡爲人養子者務生之非爲殺之也

豈可以利賞畏誅之故廢正義而行逆節哉遂抱公子

逃于深澤之中故臣以告秦軍軍追見爭射之乳母以

身爲公子蔽矢着身者數十與公子俱死秦王聞之貴

其守忠死義乃以卿禮葬之祠以太牢寵其兄爲五大

夫賜金百鎰君子謂節乳母

齊

義母者齊二子之母也當宣王時有人闖死于道者

二子立其傍更問之兄曰我殺之弟曰非兄也乃我殺

之期年更不能決乃言于王王曰今皆赦之是縱有罪

也皆殺之是誅無辜也寡人度其母能知子善惡試問

其母聽其所欲生死乃召問其母母泣而對曰殺其少

者曰少子人之所愛也今欲殺之何也母對曰少者美

之子也長者前妻之子也其母疾且死時屬之于妾曰

善養視之妾曰諾今既許人以諾豈可忘人之托而不

信其諾耶且殺兄活弟是以私愛廢公義也背言忘信

是欺死者也子雖痛獨謂行何泣下沾襟王美其義皆

赦不殺而尊其母號曰義母

漢

二義者珠崖令之後妻及前妻之女也女名初年十

三珠崖多珠繼母連大珠爲繫臂及令死當送喪歸法

珠入關者死繼母棄其繫臂珠其于男年九歲好而取

之置母鏡奩中皆莫之知遂奉喪歸至關關吏搜得珠

十枚於繼母鏡奩中曰噫此犯法無可奈何誰當坐者

續文獻通考

卷之八十三

三

四百三十六

初心恐母置鏡奩中乃曰初當坐先君不幸夫人解繫

臂棄之初心惜之取而置夫人鏡奩中夫人不知也母

意亦以初爲實然憐之乃謂吏曰幸無劾兒兒誠不知

也妾當坐初固曰實初取之繼母又曰兒但讓耳實妾

取之因涕泣不能自禁女亦曰夫人哀初之孤欲強活

初身夫人實不知也因又哭泣涕下交頤關吏垂泣終

日不能自決乃曰母子有義如此吾寧坐之不忍加文

且又相讓安知孰是遂棄珠而遣之既去後乃知爲男

所取也

晉

陶侃母湛氏豫章新淦人初侃父聘爲婦而陶氏貧賤湛

氏每紡織資給之使交結勝已仇少爲潯陽縣吏嘗盜魚梁以一鮓鮮遺母湛氏封鮓及書責仇曰爾爲吏以官物遺我非惟不能益我乃增我憂矣鄱陽孝廉范達寓宿于仇時大雪湛氏乃徹所卧新薦自剉給其馬又密截髮賣與隣人供餼饌達聞之嘆曰非此母不生此子

程文矩妻者同郡李法之姊也字穆姜有二男而前妻有四子文矩爲安衆令喪於官四子以母非所生憎毀日積而穆姜慈愛溫仁撫字益隆衣食資供皆兼倍所生前妻長子興遇疾困篤母惻隱自然親調藥膳與疾父乃瘞呼三弟謂曰繼母慈仁出自天愛吾兄弟不識恩

續文獻通考

卷之八十三

四

四百三十七所

養禽獸其心雖母道益隆吾曹過惡亦已甚矣遂將三弟詣南鄭獄陳母之德狀已之過乞就刑辟郡守表異其母蠲除之

隋

陸讓母馮氏上黨人性仁愛有母儀讓即其孽子也

開皇末爲播州刺史賊貨狼籍爲司馬所奏案實將就刑馮氏遂首垢面詣朝堂訴讓罪於是流涕嗚咽親持盂粥勸讓食既而上表求哀詞情甚切上愍然爲之敗容獻皇后甚奇其意致情於上治書侍御史柳彧進曰馮氏母至德有感行路如或戮之何以爲勸上於是集京城士庶於朱雀門遣舍人宣詔曰馮氏以嫡母之德足爲世範慈愛之道義感人神特宜矜免用獎風俗讓

可減死除名復下詔褒美之賜物五百段集命婦與馮相識以旌寵異

唐

王蘭英者獨孤師仁之母師仁父武都謀歸唐王世充殺之師仁始三歲免死禁錮蘭英請髡髮緝得保養許之時喪亂餓死者籍籍游丐道路以食師仁後詐爲採薪竊師仁歸京師高祖嘉其義詔封蘭英永壽鄉君

李禽母者失其氏禽爲監察御史得廩米量之三斛而靡問于吏曰御史米不槩也又問車傭有幾曰御史不償也母怒勃歸餘米償其傭因切責禽禽乃劾倉官自言狀諸御史聞之有慙色

續文獻通考

卷之八十三

五

三、六十三

宋

余楚妻建陽人姓陳氏生子翼三歲楚卒陳氏盡以其產遺前妻二子翼年十五使游學四方在外十五年以進士歸王安石誌其墓

王氏利州路常平司幹辦公事劉當可之母也紹定五年就養興元常以義勉其子令事不避難後元兵屠興元王氏義不辱大罵投江而死其婦杜氏及婢僕五人咸及于難詔贈和義郡太夫人

元

姚里氏北邊千戶耶律留哥妻也留哥卒令善哥襲其父爵姚里拜且泣曰薛闊者留哥前妻所出嫡子也善哥

老婢子所出若立之是私已而蔑天倫婢子竊爲不可  
太祖嘆其賢

柴氏襄陵秦閨夫繼妻也前妻遺一幼子未幾柴亦有子  
閨夫死柴辛勤紡績遺二子就學至正末長子被累法  
當誅柴詣官泣訴曰吾次子往從惡非長子也次子亦  
自以爲罪鞫之至死不易言官訊之得其情義柴之行  
遂釋其長子而次子亦得不死事聞旌表復其家

附明經婦

戰國 孟子母仇氏以經訓子婦嘗袒而在室孟子勃然  
不悅婦辭于姑曰妾聞夫婦之禮私室不與焉今妾竊  
情在室而夫子不悅是客妾也婦人之義蓋不客處孟

續文獻通考

卷之八十三

六

三八六

母乃呼孟子而命之曰禮云將上堂聲必揚將入戶視  
必下今汝掩人之失而以責人不亦難乎遂留婦如初

漢

伏生女義娥傳尚書于晁錯

崔篆母師氏通九經百家之言王莽寵以殊禮賜號義成  
夫人

曹大家扶風曹世叔妻班彪女名昭字惠姬博學高才世  
叔早亡有節行法度兄固著漢書其八表及天文志未  
及竟而卒和帝詔就東觀踵成之數召入宮令后及諸  
貴人師事焉號曰大家有女誠七章

符秦 韋逞母宋氏家世以儒學稱宋氏幼喪母其父躬

自參之及長授以周官音義謂之曰吾家世學周官傳  
業相繼今無男可傳汝可受之勿令絕世屬天下喪亂  
宋氏諷誦不輟教其子逞學成名立仕符堅爲太常堅  
常幸太學問博士經典乃憫禮樂遺闕時博士盧壺對  
曰廢學既久書傳零落比年綴撰正經粗集惟周官禮  
注未有其師竊見太常韋逞母宋氏世學家女傳其父  
業得周官音義自非此母無可以傳授後生于是就宋  
氏家立講堂置生員百二十人隔絳紗幔而受業號宋  
氏爲宣文君賜侍婢十人周官學復行於世

宋

歐陽修母鄭氏廬陵人年二十九而寡親教其子家貧無  
續文獻通考

卷之八十三

七

四百五

紙以荻作筆畫地爲書後修卒成大儒

蒲氏母任氏南宮人知書里中號任五經自教其子自中

元豐間進士累官中大夫

蘇軾母程氏眉山人嘗夜讀漢史至范滂傳喟然而嘆軾  
時幼侍側謂母曰某若爲滂夫人許之乎母曰汝能爲  
滂吾獨不能爲滂母哉

二程先生母向氏河南人明于經術親教其子嘗令學書  
署伯子曰殿撰叔子曰處士蓋預有以知其終矣

遼 邢簡妻陳氏營州人父陞五代時累官司徒陳氏甫  
笄涉通經義凡覽詩賦輒能誦尤好吟咏時以女秀才  
目之年二十歸於簡孝舅姑閨門雍睦有六子陳氏親

教以經後二子抱朴抱質皆以賢位宰相贈陳氏魯國夫人

金 蘇嗣之母白氏許州人宋尚書蘇轍五世孫婦也年二十餘即寡居服除外家迎歸兄嫂議改醮白微聞之牽車徑歸曰我爲蘇學士家婦又有子乃欲使我失身乎自是外家非有大故不往天興元年許州被兵嗣子爲汴京廂官白曰兒子往京師老婦死無恨矣即自縊于室側家人舁其屋焚之

元

虞集母楊氏國子祭酒文仲女也文仲世以春秋名家而族弟參知政事棟明于性理之學楊氏在室即盡通其續文獻通考卷之八十三

八

三百七十

說集與弟槃隨父汲趨嶺外于戈中無書籍可携楊氏口授論語孟子左氏傳歐蘇文聞輒成誦比還長沙就外傳始得刻本則已盡讀諸經通其大義矣

賈氏幼讀書通大義家貧而寡設教女館授書自給閨門肅然事聞旌之

陳櫟祖母吳氏休寧人櫟三歲吳氏口授孝經論語成誦義夫

漢

宋弘長安人光武姊湖陽公主新寡帝與共論群臣公主曰宋弘威容德器臣妾及帝乃令主坐屏風後呼弘論曰諺言貴易交富易妻人情乎弘對曰臣聞貧賤之

交不可忘糟糠之妻不下堂帝顧主曰事不諧矣

楊喬桓帝時人竇武薦舉于朝儀容偉麗數言政事帝愛其才貌欲妻以公主喬固辭不聽遂不食而死

宋

馮京字當世江夏人鄉選廷對皆第一張堯佐倚外戚欲妻以女使掇入其家示以奩具豐盛無比京以曾娶克力辭不受

周世南祁陽人少好學遊上庠已聘董氏女未婚而女失明女父請改婚世南父貽書問之世南曰人生配偶自有定分始全終廢天也既第成婚士論高之後官至駕部郎中以少卿致仕

續文獻通考卷之八十三

九

四百十四

鄭叔通初定夏氏女爲婚及登第歸而女已啞矣其伯欲別擇配叔通堅不可曰此女吾若不娶終身無所歸况以無恙而成婚因疾而遂棄豈人情哉

周恭叔幼議母黨之婚登科後其女雙瞽恭叔娶之篤愛過於常人伊川曰某未三十時亦做不得此事

劉廷式字得之濟州人未第時議娶鄉人之女既約未納幣廷式及第女以病失明家貧甚不敢復言婚或勸納其幼女廷式笑曰吾心已許之矣豈可背吾心哉卒娶之生數子後死廷式哀之踰年不肯復娶蘇軾問之曰哀生於愛愛生於色今君愛何從生哀何從出乎廷式曰吾知哀吾妻而已若綠色而生愛緣愛而生哀已

他書亦忘則凡揚眉倚市目挑而心招者皆可

呂氏返縣人未第時聘里女及舉進士婦家言女故無疾  
今盲請改娶黃曰既聘而贅汝不爲欺卒娶之生五子  
大臨大防大鈞大忠皆妻出俱登甲第其一即丞相汲  
公

張漢英奉化人幼聘呂氏女及請期呂以女瞽辭漢英曰  
此命也遂娶之度宗時守樊城死節

王漢英字彥古奉化人登淳祐元年進士少聘徐氏女女  
病臍腐且貌醜其父母辭曰公盛年高科不患無良配  
不敢以辱公漢英曰女有疾非漢英誰適既婚相敬如

續文獻通考卷之八十三 十一 三百七十五

賓後爲國錄妻沒終身不畜婢

金 郭丙進士海陵王南遷避亂居杞元兵渡河婦王氏  
被虜恐被辱投河死及亂定丙還鄉里感其義終身鰥

居

皇明

李宗頤靖安人幼穎異年十三以能詩聞陳友諒陷南昌  
妻裴氏自溺井宗頤義之不再娶 國初擢國子學正  
後拜御史累官禮部尚書表爲義夫

陳鏜祥符人家貧孤立妻死不再娶躬執爨以養父  
裴汝賢字用卿號龍陽華亭人中年失偶不再娶不畜  
婢登隆慶戊辰進士出入仕途二十餘年止以一二老

僕自隨里人稱爲真義夫

義婦

魯 義姑齊攻魯郊見一婦人抱姪棄子以避軍齊將問  
其故婦曰棄子割私愛抱姪存公義齊將曰魯未可伐  
也遂班師而還魯君知之賜束帛百端旌爲義姑

秦 嬴氏晉圉質於秦穆公以女懷嬴妻之六年圉將逃

歸謂嬴氏曰吾去國數年子父之接怠而秦晉之交不  
加親也夫狐死首丘我其首晉而死子其與我行乎嬴  
氏對曰子晉太子也辱於秦子之欲去不亦宜乎雖然  
寡君使婢子侍執巾櫛以固子也今吾不足以結子是  
吾不肖也從子而歸是棄君也言子之謀是負妻之義

續文獻通考卷之八十三 十一 三百六十八

也三者無一可行雖然子行矣吾不敢泄言亦不敢從  
矣子固途逃歸

楚 越姬者勾踐女也昭王與蔡姬越姬遊雲夢曰吾願  
與子生若此死亦若此蔡姬許之越姬不許曰妾聞婦  
人以死彰君之善不聞苟從其闇死爲榮及昭王救陳  
病在軍中有赤雲夾日如飛鳥史謂可移子將相王不  
忍越姬曰大哉君王之德請先驅狐狸于地下卒死之  
而蔡姬不能死楚人立越姬之子

晉

齊姜齊桓公之宗女晉文公之夫人也文公初避驪姬難  
奔齊齊以姜妻之遇之甚善文公曰人生安樂而已誰

如子他子也知文公之安齊也欲行而患之與從者謀  
于下泰之在焉姜告姜氏姜殺之而言于公子曰從  
之則以子行聞者吾已除之矣公子必從不可以貳天  
未亡晉有晉國者非子而誰公子不聽姜與舅犯謀醉  
公子而載之以行公子復國以姜為夫人

趙姬晉文公女也勃文公為公子與趙衰奔狄以狄女叔  
隗妻衰生盾及返國又以姬妻衰生原同屏括樓嬰姬  
請迎盾與其母既至姬請立盾為嫡子使三子下之以  
叔隗為內子而已下之

梁節姑者梁婦人也因失火兄子與其子在內欲取兄  
子輒得其子獨不得兄子火盛不得復入婦人將自趨

續文獻通考

卷之八十三

十二

四百三十三

火人止之曰爾本欲取兄之子皇恐卒誤得爾子中心  
謂何何至自赴火婦人曰梁國豈可戶告人曉也被不  
義之名何面目以見兄弟國人哉吾欲復投吾子為失  
母之恩吾勢不可以生遂赴火而死

漢

樂羊子妻不知何氏女羊子嘗拾遺金妻勸令還之後遊  
學一年而歸妻跪問其故羊子曰久行懷思無他異也  
妻乃引刀斷機曰夫子積學當知所無以就懿德若  
中道而歸何異于斷斯織乎羊子感其言七年不返遂  
成大儒其姑每饒鄰鷄為饌婦不食泣曰恨家貧不能  
自力使盤中有不義之物其姑遂止饒後因賊剽掠欲

汚之先却其姑謂曰從我則釋汝姑不然則殺之婦即  
自刎盜亦釋其姑太守聞而以禮葬之號曰貞婦

捷為盛道妻同郡趙氏女字媛姜建安五年益部亂道聚  
衆起兵事敗夫妻執繫當死媛姜夜中告道曰法有常  
刑必無生望君可速逃建立門戶妾自留獄代君塞咎  
子翔時年五歲使道携持而走度道亡遠乃以實告吏  
應時見殺道父子會赦得免道感其義終身不娶

京師節女者長安大昌里人妻也其夫有仇人欲報其夫  
而無道徑聞其妻之仁孝有義乃却其妻之父使要其  
女為中詞父呼其女告之女計念不聽之則殺父不孝  
聽之則殺夫不義不孝不義皆不可以行于世欲以身

續文獻通考

卷之八十三

十三

四百三十三

當之乃伴許諾曰旦日在樓上新沐東首卧則是矣妾  
請開戶牖待之乃告其夫使卧他所因自沐居樓上東  
首開戶牖而卧夜半仇家果至斷頭持去明而視之乃  
其妻之頭也仇人哀痛之以為有義遂不殺其夫

吳

孫翊妻徐氏翊為丹陽太守御下過嚴督兵矯覽刺  
殺之謀狀徐徐給以晦日設祭除服聽命覽許之徐潛  
遣使訴于翊舊將孫高傳嬰合謀斬之徐乃衰經奉覽  
首祭翊墓

晉

張茂妻陸氏茂為吳國內史與三子俱為沈充所害陸傾  
家業率茂部曲討充克敗詣闕上書為茂謝不克之罪

殷敬仲即吏部時爲酷吏所陷其妻顧率二女割耳爲敬

仲相愛竟得減死

鄭表妻曹氏魯國薛人也表先娶孫氏早亡聘之爲繼室事舅姑盡孝叔妹群姊咸得惟心及表爲司空子默等又顯列而曹氏愈挹損分俸給宗姻家無餘貲孫氏瘞于黎陽及表薨議者以久喪難舉欲不合葬曹氏曰孫氏元配理當從葬不可使孤魂無依於是備吉凶導從之儀迎之具衣衾几筵親執雁行之禮人謂趙姬下叔隗不足稱也

鄭休妻石氏不知何許人幼有德操既歸鄭氏爲九族所

續文獻通考

卷之八十三

十四

四百五十四

重休前妻女既幼又休父布臨終有庶子沉生命棄之石氏曰奈何使舅之胤不存遂養沉及前妻女力不燕舉九年之中三不舉子

北魏 孫氏男王者平原鄆縣女子也夫爲零陵縣人所殺男王追執仇人欲自殺之其弟止而不聽男王曰女人出適以夫爲天當親自復雪云何假人之手遂以杖毆殺之有司處死以聞獻文詔曰男王重節輕身以義犯法緣情定罪理有可原其特恕之

隋 楊慶妻王氏世充女兄也慶本隋鄭王陷于世充故世充妻之用爲管州刺史太宗攻洛陽慶謀與王歸唐王謝曰鄭以我奉箕帚者以結公之心也今負恩背義

願送我歸東都慶不聽王謂左右曰唐勝則鄭滅鄭安則吾夫死若是生亦何益乃飲藥死

唐

畢某妻竇氏河南人初畢爲朝邑令會同州軍亂令匿望仙里不知所舍乃仇家也夜半盜入捽令首欲殺之竇泣蔽捍持賊袂至中得不解令得脫走不死賊亦去京兆聞之賜酒帛醫藥死而愈

李湍妻某氏湍籍吳元濟軍元和中自拔歸烏重胤妻爲賊縛而饑食之將死猶號湍曰善事烏僕射觀者嘆泣重胤請以其事付史官

韋雍妻蕭氏雍在張弘靖幕府以未克融亂被劫暨臨丹

續文獻通考

卷之八十三

十五

四百五十四

蕭呼曰我苟生無益願今日死君前刑者斷其臂乃殺雍蕭意象晏然觀者哀嘆是夕死太和中贈蘭陵縣君雍字和叔擢進士第

衛方厚妾程氏太和中方厚爲邕州錄事參軍招討使董昌齡治無狀方厚數爭昌齡將執付吏乃卧棺中以死告昌齡知之使閹宦甚牢方厚閉久以爪攫棺爪盡乃絕程徒行至闕下叩右銀臺門自刎陳寃下御史鞠治有實昌齡乃得罪詔封武昌縣君賜一子九品正員官周迪妻某氏唐末揚行密圍揚州軍士殺人而賣其肉迪饑將絕妻曰今欲歸不兩全君有老母不可並死願爲妾以備行資迪不忍妻固與詣屠肆得白金一錠使歸



迺至門與守者金語之故不信共詣肆相驗其妻之首已汪矣矣廼累餘體歸葬之

蔡高妻程氏仙遊人高爲太康主簿卒于官時程年二十有四縣人哀其貧以錢百二十千爲購程氏泣曰吾家世廉吏不可以此污吾夫却不受既歸鄉里以冰雪自持終其身高襲之弟也

宋

王表妻趙氏韶州樂平人建炎中表監上高酒稅爲金人縛其夫婦于劉氏門而入虜掠趙宛轉解縛并解表令速去俄而金人出問表安在趙他指以誤之金人追之不得怒趙欺已殺之表方伏叢薄間望之悲痛歸刻像

續文獻通考

卷之八十三

十六

四百六

以堊

丁國賓妻東安縣人建炎中盜祝衣聚衆于滁之襲家滅掠人爲糧國賓及妻俱爲所掠妻泣謂盜曰丁氏族流亡已盡願存夫以續丁祀盜殺之而存其夫

章侯妻應氏永康人與其姒周處家親愛如同胞宣和間方臘作亂應氏病足與十歲兒居不能避周亦歎歎不忍去應曰姒無病宜急避周曰死生同之何避焉既而賊入肆威迫休周扶應氏相與罵賊義不受辱兒亦泣謂賊曰寧殺我無殺二母賊怒并刃之

楊允妻柳氏海州人家富寡居二子皆幼時用兵燕雲厚賦縉錢一日柳氏語子曰國家用兵歛及下戶官司督

責甚峻吾家私錢列屋鄉黨受罪于心安乎遂請于官以錢百萬充下戶之糧于是貧民免害官吏亦得逃責後子爲太僕卿

王木叔妻何氏永嘉人遇夫之貧衣至必極力營辦供奉遇貧士必因而濟之一日語夫曰子爲官人當不餓死然無如子之季及子之群妹何我橐中尚有餘貲久蓄矣益夫嘆曰此吾素志旦日盡給散無遺木叔既登仕籍後語夫曰子改秩信不餓矣子季尚困場屋何以能立先公有田若干畝盡悉畀之夫曰此尤吾志也遂與之

陳安節妻漢州洛佳縣王氏女歸同縣陳安節夫死堅守之

續文獻通考

卷之八十三

十七

四百七

教子日新孫綱綬咸有聞嘗育夫之妹厚嫁之妹財爲夫所罄復爲置產撫諸甥如已子宗親貧者收養嫁娶至百數有故家甘氏以貧質女酒家爲出金贖之子孫遵其遺訓五世同居乾道九年旌表其門閭

曾婦晏氏汀洲寧化人夫死不嫁紹定間寇破寧化晏依山爲岩賊遣人索婦女金帛晏召田丁諭曰汝曹衣食我家汝念主母當各用命不勝即殺我因解首飾悉與之田丁感激思奮晏自撻鼓使諸婢鳴金賊退敗鄉人挈家依者甚衆晏助不給者以家糧又折若爲五使相應援賊弗能攻凡存活老幼數萬人詔封恭人賜霞帔

元

程鵬舉在宋季被虜千與元張萬戶家爲奴張以虜到宦  
家女某氏妻之既婚之三日即竊謂其夫曰觀君才貌  
非久在人後者何不爲去計而甘心于此乎夫疑其試  
已也訴于張張命箠之越三日復告曰君若去必可成  
大器否則終爲人奴耳夫愈疑之又訴于張張命出之  
遂鬻于市人家妻臨行以所穿綉鞋一易程一履泣而  
曰期執此相見矣程感悟奔歸宋時年十七八以廕補  
入官迨元統一海內程爲陝西行省叅知政事自與妻  
別三十餘年義其爲人未嘗再娶至是遣人携向之鞋  
往與元訪求之市家云此婦到吾家執作甚勤夜寢未  
嘗解衣每紡績達旦毅然莫可犯吾妻異之視如已女

續文獻通考

卷之八十三

十八

四百五十四

將半載以所成布疋償元鬻蝨物乞身爲尼吾妻施貲  
以成其志見居城南某庵中所遣人即往尋之見以曝  
衣爲由故遺鞋在地尼見之詢所從來曰吾主翁程叅  
政使尋其偶耳尼出履示之合亟拜曰主母也尼曰鞋  
履復全吾願畢矣歸見程相公與夫人爲道意竟不再  
出告以參政未娶終不出旋報程移文本省遣使檄與  
元路官爲具禮委幃屬李克復防護軍輿至陝重爲夫  
婦

胡烈婦渤海劉平妻也至元七年平當戍襄陽車載其家  
以行夜宿沙河旁有虎至銜平去胡覺起追及之持虎  
足顙呼車中見取刀殺虎虎死扶平還至季陽城求醫

以傷卒縣官言狀命恤其母子仍旌異之

方寧妻官勝娘建寧人寧藉田勝娘餉之見一虎方攫其  
夫勝娘即棄體奮挺連擊之虎舍去勝娘負夫至途中  
而死有司以聞爲旌復其家

郝戴妻聶氏石州定胡人寧舅姑盡孝戴篤學苦節而不  
仕姻族語聶使勸戴聶曰吾不德無以助君子矧敢強  
其所不欲以累其高哉

李伍妻張氏鄒平人夫死戍所孝養舅姑凡四割股肉舅  
姑沒臨積水誓曰天若許妾取天骨當得不死踰月竟  
不死鄉人異之乃相率贈以錢至福寧壑地不可識忽  
一童子言動如其夫指示骨所發得之張曰信吾夫骨

續文獻通考

卷之八十三

十九

四百五十六

者入口當如水雪粘如膠已而果然官義之使護喪歸  
葬官給以錢仍旌其門復其役

萬昱妻范氏杞縣人至正間昱奉親與兄弟避難母亡于  
道繼而父兄亦亡會丞相泰不華總戎昱從事左右奉  
命他所行且語范曰吾兄已亡惟餘一息苟不得已棄  
已子耳范許諾尋果兵變范如夫所云棄子存姪累無  
一毫不平意亂後得一子人以爲義感所致因名其子  
曰義

蘇氏真定人徙家京師夫武用安疾蘇氏刲股爲粥以進  
疾即愈生子德政四歲而寡夫兄利其貴欲逼嫁之不  
聽未幾夫兄舉家死惟餘二弱息蘇氏取育之

淮陰王陽大義鄉人李氏富商妻也有姿色邑人同商者悅之因道殺其夫厚爲棺殮持其喪以歸給云溺死且盡歸其財伺其除喪講爲婚姻且自陳有義于其夫婦亦感泣許嫁之生二子矣一日家有暴水水有浮漚夫輒顧而笑義婦問之未應固問之即以實告曰前夫之溺我所爲也溺時有浮漚指謂可鳴吾冤今見之殊不爾故笑義婦默然即日伺便奔告有司正其獄又自念以色累夫以身事仇二子仇人之子也即縛投之淮已亦自投焉

戴復古未遇時流寓江右武寧有富家翁愛其才以女妻之居二三年忽欲作歸計妻問其故告以曾娶妻白之續文獻通考卷之八十三 二十 四百四十一

父父怒妻宛曲解釋盡以奩具贈夫仍餞以詞云惜多才憐薄命無計可留汝揉碎花牋忍寫斷腸句道傍楊柳依依千絲萬縷抵不住一分愁緒捉月盟言不是夢中語後迴君若重來不相忘處把杯酒澆奴墳土夫既別遂赴水死

莊居敬妻徐氏海州人元季夫爲河南平章死于禦寇徐收殮竟復其仇率所部兵携幼子歸至正九年徐負喪居京師大臣上其事詔歸葬海州旌表其門

阿蘊雲南梁王女段功妻也功有功于梁王王陽德之而心實忌之密召阿蘊付之孔雀膽一具令毒之曰脫無平章猶有他平章不失富貴也阿蘊潛然不受命乃私

語功曰我父忌奴願與阿奴西歸出毒具示之功曰汝何造言至此終不聽明日梁王使人殺功阿蘊悲傷作詩竟死焉

皇明

劉氏名翠哥房山人季仲義妻元末邑大饑官兵執仲義欲烹之食劉氏奔救不從乃曰吾聞婦人肥黑者味美願就烹以代夫兵遂釋其夫而烹劉氏聞者莫不哀之乙氏武人于伯婦美姿容歲大侵伯不能生活以婦鬻娼家婦曰此豈人所爲死不亦易耶誓不往絕食已旬日所着裳布齧盡竟卒

義妾

續文獻通考卷之八十三 二十一 三百九十一

周主父妾者周大夫勝妾也大夫號主父自衛仕周其妻通于隣人及主父歸妻置毒酒令妾進之妾念進之則殺主父不進而言之則殺主母乃佯僵仆而覆其酒主母以他過笞之幾死不言主父之弟知其實告于主父主父乃殺其妻而欲以妾爲正室妾力辭不受主父厚資嫁之

衛

二順者衛宗室靈王之夫人及其傳妾也靈王死夫人無子而守寡傳妾有子傳妾事夫人八年不衰供養愈謹夫人謂傳妾曰孺子養吾甚謹子奉祀而妾事我我不堪也且吾聞主君之母不妾事人今我無子於禮斤紬之人也而得留以盡其節是吾幸也今又煩孺子

不改故節我甚內慙吾願出居外以時相見傳妾泣而對曰夫人欲使靈氏受不祥耶不幸早終是一不祥也夫人無子而婢妾有子是二不祥也夫人欲出居外使婢子居內是三不祥也妾聞忠臣事君無懈倦時孝子養親患無日也妾豈敢以少貴之故變妾之節哉供養固妾之職也夫人又何勤乎夫人曰無子之人而辱主君之母雖子欲爾衆人謂我不知禮也吾終願居外而已傳妾退而謂其子曰吾聞君子處順奉上下之儀修先古之禮此順道也今夫人難我將欲居外使吾居內此逆也處逆而生豈若守順而死哉遽欲自殺其子泣而守之不聽夫人懼遂許傳妾留焉

續文獻通考

卷之八十三

二十二

四百五十六

金 郭斌女奴者斌守會州城破同妻子自焚死女奴自火中抱兒出授人曰將軍盡忠忍死絕嗣此其兒也幸哀而收之言畢復投火死元將聞之惻然爲保其孤

元

吳興二妾趙公碧瀾宋宗室也老而益貧二妾方少艾慮無以安其心因遣之去咸弗肯嫁數獻酒肴致殷勤公于卒也覆諸水曰慎毋再見昔吾割情忍愛以去爾爾弗我忘祇攪我心耳既而各與其父母俱至泣而曰妾家每歲請給足可養贍願執事終身爲尼以報主恩公遂復留之他日公死果如所言公有寡女復資育之

朵那者杭城東偉兀氏之女奴也年十九主卒朵那奉主

婦日謹至正壬辰秋七月初十寇陷杭劫官民庫至偉兀氏家不得物乃反接主婦柱下拔刀礪頸上諸婢皆散走朵那獨以身覆主婦請代死且告曰將軍利吾財豈利殺人哉若免主母我當悉與將軍寇解縛朵那乃探金玉珠銀幣帛等散置堂上寇爭奪之竟又欲犯朵那朵那持刀欲自屠寇驚異捨而去朵那泣拜主婦曰棄主貨全主命權也妾受命主鑄今失貨而全身非義也請從此死遂自殺時人莫不稱之曰義烈云

宋

春娘蘇子瞻婢也子瞻居黃州臨行蔣運使餞之公命春娘行酒蔣問春娘去否公曰欲還父母家蔣曰公行必

續文獻通考

卷之八十三

二十三

四百五十七

須馬願以白馬易春娘可乎公諾之春娘飲衽前曰景公斬廐吏而晏子諫之夫子廐焚而不問馬皆貴人賤畜也學士以人換馬則貴畜賤人矣遂下堦觸槐而死翠蓮綠雲皆趙淮妾淮爲江東轉運與元兵戰死瓜州二妾俱年少元將欲納之妾紿之曰必焚骨乃可既而同抱骨投急流中而死

皇明

直奴黃巖符松妾松死妻鍾氏歸母家欲有他志直奴泣諫鍾怒捶之必逼以去直奴潛歸慟哭遂縊于松柩上春香劉昌妾歛人昌卒妾少艾昌父欲嫁之春香不從自縊昌妻洪氏亦絕縊十日死

章氏涇縣人童寬濟妾寬濟令萬載卒于官章年二十扶  
棺歸舟中坐卧不離棺側及抵涇遣人報嫡嫡至悉取  
宦囊付之束髮易衣伺昇棺起即自投河而死

高三京師娼女自幼美姿容昌平侯楊俊見之屬意因與  
之狎猶處子也昌平去備北邊者數載高閉門謝客天  
順中昌平為石亨所忌奏以正統十四年大駕陷土  
木昌平坐視不救為不忠朝廷命斬於市親戚故吏  
無一往者獨高素服往哭親吮其血仍以絲連其首買  
棺殮之遂縊而死

陳氏牛氏高邑人為許顥妾顥拜監察御史病卒二妾皆  
經死事聞旌為雙節

續文獻通考卷之八十三

二十四

四、廿三

義僕

龔 本善字次孫清陽人本同縣李元蒼頭元家且疫死  
惟孤兒續始生數旬而貲財千萬諸奴婢欲殺續分其  
財產善潛負續逃亡隱山陽瑕丘界中親自哺養備嘗  
艱勤雖在孩抱奉之不異長君有事輒長跪請白行之  
閭里感其行皆相率修義及續長奉歸本縣修理舊業  
時鍾離意為瑕丘令上書薦之光武詔拜善及續並為  
舍人後補日南太守還過主墓解衣拔草泣拜而去

晉 祖逖有胡奴曰王安遣歸石勒逖弟約從蘇峻反敗  
而奔趙勒以既成劉曜當顯明順逆乃誅約夷其族安  
恨曰豈可使祖士雅無後乃竊逖庶子道重匿之及石

氏亡復歸江南

元

符守信總管符翁僕也本姓郎氏符翁愛其謹信字之若  
子符翁得痺疾家貧虞廢守信日久營致微利以養凡  
二十年翁卒守信卜安陽西原塋之又事主母凡三年  
卒合塋治墳樹表

劉信甫揚州人郡富商曹氏奴曹溺死以孤托之孤漸長  
孤之叔利孤財害訴于府曰某家資產未曾分析今悉  
為姪所據郡守劉察其詐直之叔之子以父訟不勝慙  
且憤毒父死而復訴于府曰弟挾怨殺吾父適達魯花  
赤馬火者受署之初與守不和竟欲置孤法弁得以中

續文獻通考卷之八十三

二十五

四百八十八

守引致百餘人皆抑使誣服曰孤俾某等殺叔守受孤  
賄若干鞠信甫甫曰殺人者某也孤實不知守亦無賄  
既被鍛鍊無完膚終無兩辭初信甫先遣人密送孤過  
京師避一達官家囑之曰慎毋出至是乃厚以金帛賄  
達魯花赤孤得無預而信甫減死既而叩蹕陳告達魯  
花赤以罪罷去守復官凡獄訟道里費蓋巨萬計孤歸  
悉篋償信甫曰奴之富皆主翁之廩也今主有難奴救  
之分內事耳寧望報哉力辭不受

趙一德龍興新建人至元十二年被俘至燕為鄭留守家  
奴歷事三世號忠幹至大元年一日拜其主鄭阿思蘭  
及其母澤國太夫人求歸省父母因伏地涕泣不能起

阿思蘭母子感動許之期一歲而返一德至家父兄已  
沒惟母在年八十餘爲卜地塋二柩畢欲少留事母懼  
得罪如期還燕阿思蘭母子見其孝裂袂縱爲良一德  
將歸歸會阿思蘭以冤被誅詔簿錄其家群奴各亡去  
一德曰吾忍同路人耶爲諸中書訴在狀得昭雪還其  
所籍太夫人稱爲疾風勁草因分美田廬遺之一德堅  
辭不受曰得歸侍養老母主之恩已厚矣皇慶元年旌  
其門

楊不花文宗時除通政院判將行遇陝西諸軍見殺二僕  
亦見執曰吾主既爲國死吾縱爲人奴今苟得生他日  
何以見吾主于地下不若死從吾主欲起殺仇仇要斬  
續文獻通考卷之八十三 二十七 四目三共

胡忠新金富人胡制機僕也制機初無子養張順孫爲子  
後自生子而死順孫利其貲與弟珪謀殺之賂郡縣吏  
獲免後順孫爲參政忠訴主之冤于官乃誅順孫及其  
弟珪其貲悉還胡氏時元貞四年也

楊兒穎川人淮南叅知政事趙璉之僕璉爲張士誠所執  
罵賊而死楊兒以身蔽璉并殺之

皇明

范信崑山龔泰家奴泰家貧信夫婦於蘇州夏雉濱某  
家數年不通正德初泰貧益甚無依遇信於途信泣拜  
于地懇延至新生家謂新主曰此信故主今流落在此

心不忍欲望容留夫婦願早暮傭力報主燕園供養故  
主新主義而聽之信即背負小販往來村落市賣以給  
久而不衰

施慶浦江人鄭浚家僮浚喪哀泣不輟三年不御酒肉人  
稱爲義僮

金鑄遼陽健兒事其長王世勳率衆禦虜被圍衆且盡鑄

獨破圍出顧見世勳尚困圍中奮死入重圍與俱出世  
勳馬爲虜所奪即以已馬乘世勳身獨步戰援不至竟

死焉

金祥武昌熊中丞公梓門卒也梓始守太倉以倭亂奉

旨討賊自效祥十餘人從偶戰敗皆散獨祥不去公曰

續文獻通考卷之八十三 二十七 四目三共

四目三共

我死 國分也爾何爲乎祥曰公死 國小人死公亦

分也竟殿公後公過橋而寇已登橋祥慮公必不免奮

死下橋肩而摧之橋壞寇墮水死者六人公得免已而

屢捷進公郡丞討賊如故一日與僑軍酌於郊寺中祥

忽大呼曰寇至矣蓋其公氣見也衆驚騎從皆失忽有

乘馬過者祥推墮其人以馬乘公而親執其銜馳躍如

雲人馬足皆不在地及抵城祥嘔血數升他馳者迷道

皆遇寇死祥識道故又得免一日與寇對壘寇悉銳攻

我軍鋒少却公堅壁而祥又常翼公寇不得進已因晝

擊得大捷又一日傳餐舟中公忽心動曰寇至矣祥佐

公登小舟走未交睫而大舟爲虜擒矣祥又以識避地

得免而他走者又多遇寇死公在海上大小三十餘戰斬首虜三千二百有奇祥未嘗不從屢經險得脫祥力居多事平以爲郡掾公橐常無饒而未嘗不與共有無後以大中丞爲國平三大難語及輒垂涕念之祥真義士而才力亦足相副較之任安馮驩失勢不去其難十倍未可以細小人忽之亦可覩公之善撫士卒能得人死力有古名將風矣

義物

孫供奉 唐昭宗時有猴號供奉能隨班起居朱溫篡位欲猴起居不從徑趨溫所奮擊溫殺之平陽林景熙謂李陵事虜馮道濫祿不若此物也

續文獻通考

卷之八十三

二十八

四百四

義蜂 楊遂菴名一清官閣老嘉靖初年致政歸林一日遊鎮江之北固山偶見群蜂擁蜂王出遊遇鷲鳥攫蜂王殺之群蜂環守不去數日俱死之遂菴令其家僮瘞馬表其封曰義蜂塚親作文祭之夫忠義者人之良心縉紳罹君父之難而不卒所事者避害之私障之也然爲士君子不早見決幾至于危迫而又甘心事仇豈其蜂之不若哉

金絲犬 沈處士恒吉吳郡人嘗畜一金絲犬長不過尺甚馴處士日宴客犬必卧几下後三載處士病犬即不食數日處士卒殮于正寢犬盤旋而號竟夕方罷停柩者期年犬日夜卧其側將葬遂一觸而斃物之義如此

白犬

秦邦家畜也永樂初邦家饒裕一子尚幼好貨殖至四十將買舟貿易于京卜之不利妻許氏苦諫不聽邦家畜一白犬數年相隨出入甚有靈性是日解纜犬忽呼號躑躅躍入舟中叩邦衣裾若阻行者邦不悟遂挈之偕行舟次張家灣夜邦與舟人卧于蓬底有寇王甲王乙者率兇徒各執利刃登舟俱被刺死于水惟白犬從後艙躍出嚙乙右手幾殞王乙持刃逐犬犬赴水遁二賊悉擄舟貫埋邦屍于水濱而去犬潛尾二賊到家默認其處盡則乞食夜伏水次守邦如是數月人皆異之未幾巡河御史呂希聖駐節見白犬號呼岸傍狀如泣訴希聖異之曰此處必有冤令吏卒從犬足爬地

續文獻通考

卷之八十三

二十九

四百七十

處掘之果見邦屍犬悲號屍傍不去希望曰此必故主被人謀害但不知竟身何在犬能指其處乎犬搖首遂行命吏卒隨之里許至一室二賊方與衆親會飲犬徑入先街王甲衣裾次嚙王乙足履吏卒執縛二賊至御史案前拷掠未服希望狐疑之際忽一人啼哭而至訴曰某乃秦邦僕也吾主貿易于此被二賊劫財殺至某亦被刺落水幸而不死此屍即吾主也二賊遂伏罪希望問成案牘奏聞處斬尋追賊給主還邇神之其僕扶昇至柩還鄉白犬亦隨到家晝夜踰伏柩側時或悲號見者墮淚許氏卜宅兆安厝白犬隨柩至墳管塋甫畢犬忽顛狂觸樹而死許氏義之埋犬塚傍許氏一貞自



史記 萬曆初蘇之游聖關王序三家養一猪有年一日

泰吉了 瀘南人所畜鳥也能作人言夷曾欲買以錢十萬貫其人告以貧欲賣汝泰吉了曰我漢也不願入蠻夷遂不食而死

義猴 山西督學汪公可受黃梅人嘗令金華有丐者作猴藏乞錢遂飽所欲旁一丐者忌且羨之因醉丐者以酒誘至空室內推殺之絕其猴從已亦作戲乞錢而公呼逆聲至猴即嚙絕斷脫走赴公前作訴冤狀公令人隨之至破窰內得屍又令人行捕得後丐者鞠問伏辜杖之死方焚前丐者屍烈焰始發猴又號鳴赴火抱屍

續文獻通考

卷之八十三

三十

四四七

共爲煨燼 紹興郡丞張公佐治擢金華守去郡至一處見蜊蚌無數夾道鳴噪皆昂首若有訴公異之下與步視而蜊蚌皆跳躍爲前導至田間三屍疊焉公有力手挈二屍起其下一屍微動湯灌之遂巡間復活曰我商也道見二人肩兩筐適市皆蜊蚌也意傷之購以放生二人復曰此皆淺水雖放人必後獲前有清淵乃放生地也我從之至此不虞舍出遂被害二僕有腰纏求之不獲必解金與購而鬻者見故誘至此并殺而奪金也丞命急捕之人全皆得以屬其守石公崑玉一訊皆吐實抵死腰纏歸商

義猪 萬曆初蘇之游聖關王序三家養一猪有年一日啣其主衣裙行異之隨其所往以嘴掀土出瘞金千兩家遂大饒自是德猪飼以香飯澡以淨泉衣綿簾穗一十年大可比牛遠近皆來借觀而稱其家金爲猪金後死棺殮祭奠如人又里中江一家父亡而猪生尋夢父稱言此猪即汝父其子倍加愛養不忍殺宰至八年肥大不可行人競觀之丁酉始死

義猪 姑蘇齊門外陸墓一小民負官租空室出避家獨一猫催租者持去賣與閭門微舖客頗愛玩之已及年餘忽小民過其地人叢嘈雜中猫躍入其懷爲舖中人見奪之而去輒悲鳴顧視不已至夜小民卧舟中聞蓬

續文獻通考

卷之八十三

三十一

四四七

間有聲視之猫也口啣一綾院內有金五兩餘小民貧甚得金大喜適有賣魚者買以飼猫不已遂傷腹以死人謂是義猫或償前世債償完死耳 義猪 肝胎有商乘蹇驅蹇者隨其後見二鴉爭枝墜地偶攫其一商曰是不足當一鸞可縱之去吾以一鸞資給汝可乎曰然商發蹇而金見頗饒其人遂生盜心前途近夜僻寂推商墮地用鞭鞭撞其喉死倒置之深窰中挈蹇去明發鴉噪邑令堂上如有所訴令遣健卒隨之往得穿屍取鞭以歸然莫知誰何鴉復導至驅蹇者家其人甫歸金尚未發見鞭色阻吐實令以抵死而養鴉籠中每就讞諸大吏鴉皆從以背距示意焉

義犬 鐵嶺劉家所畜出入必從劉常以一馬負薪山中犬亦從至是獨歸向劉子國歎鳴躍不已歟異之隨其所往見劉爲盜所殺棄屍石間取其馬去歟爲營壘畢人皆罷歸犬獨守塚不去日夜悲泣淚濕草土數日扶土及棺死其旁

獵犬 遼人錢良用家所畜每獲之出獵所獲必多黠夜忽躍起啣良用衣引入至林薄間亦自伏無聲已而虜騎至惟良用以匿免蓋虜騎氣動而犬先覺也有蕭氏愛是犬重賞購得之經年犬不爲用復以返良用良用貧貨廢不能償以語犬令隨之去犬始爲蕭氏用仍多獲馬

續文獻通考

卷之八十三

三十三

四百十

黃壯 乃鐵嶺人陳甫家養馬也甫嗜酒嘗乘以出醉卧道上則馬爲守禦人稍近輒蹄齧之如此者十數年如一日甫常後衆客歸人憂之衆客曰無傷甫有馬代僕也馬卒甫哭之慟

義駒 隨州村人養馬也有牝馬生一駒駒長使交其牝駒嘶鳴奔走百計強之不從養馬者知其識母遂赭牝馬之色宜諸暗室迫脅之交焉旦而洗其赭駒始覺輒悲鳴數日不食而死里中人聞且見者咸義之聞之州守戴州志中

高犬 浙西某子甲與某子乙隣居甲擁官勢張甚貪殘無已乙席父產稱饒甲常朵願會甲失盜因誣乙爲竊

主指其所有皆爲已賊悉乾沒之而乙亦斃獄中先是乙有高犬頗善鳴噬乙憐愛之自是嘗往甲家就食甲亦善畜之而夜則歸故宅垂首悲泣又復作詬聲人無不異之者年餘甲有疾方卧牀犬忽跳躍上牀噬其頭斷其喉家人驚救加刃斷犬首而其齒切切猶有聲

續文獻通考

卷之八十三

三十三



續文獻通考卷之八十四

皇明進士

職官考

官制

官數

請

官制

宋

理宗淳祐五年十二月杜範入相首論事其五欲惜名器

如文臣貼職武臣閣衛不當爲徇私市恩之地

時許應龍奏建故事畧曰臣聞爲官擇人則官雖簡而

常若有餘爲人擇官則官雖繁而常若不足今日之官

其冗尤甚倖貳添差大藩方置今則或創於列郡議幕

優閑絕無職掌今則或增爲兩員諸司之屬添辟無已

續文獻通考

卷之八十四

十

官制

制領之官同正並置不釐務者或給以正官之俸創策

闕者多徇其親故之私至若軍功尤爲濫泛不歷行陣

以議事爲名而推賞初無寸功乃倖冒得官而注關乃

若左選入仕自有成式不應陞等者妄冀陞等法當待

効者免求待効試銓不中則增年而注授京削尙欠則

減員而改秩自陳勞績未經覈實而濫叨遷秩牽合弊

例巧於經營而苟獲循資僥倖之門既開奔競之風滋

熾求而不予恐拂人情執而不行必犯衆怨夫食位慕

祿誰無倖得之心毀法爲通適啟無厭之請爲政者斷

之以至公律之以定法則宛轉營求者自然息念况州

縣之吏勞於從事而廩給微薄無用之官反安坐而事

重祿此又所當察者伏讀開寶詔書有曰吏員冗多而

求其治誠難也俸祿鮮薄而責以廉無能也與其員冗

而費重不若省官而益俸州縣以戶口爲率差減其員

而舊俸之外悉與增給大哉王言今日所當取法也矧

今之楮幣折閱已甚以鑄計之不及原俸三分之一何

以養廉若開曹冗局可併者併之添差創闕可省者省

之冒濫得官者澄汰之振援妄求者杜絕之一遵公法

不徇私情則當得者免需久次奸巧者莫敢攘奪尙何

舊弊之難革哉邇者邊功皆倖從軍冒授功賞嚴行追

究欺僞轉官者綴而不行妄求陞等者抑而不予固足

以明示意向息絕僥倖矣尤願守之以堅行之以必爲

續文獻通考

卷之八十四

十

官制

官擇人而不爲人擇官則各稱其職事罔不舉冗濫之

弊既除俸給之費可省惟陛下與大臣亟圖之應龍

又上劄曰臣聞量能而授官此古者用人之要術也夫

人之才不能皆全或純於道德或善於才幹優於器

者將略未必長精於心計者法律未必審校短量長惟

器是適則事無不舉後世用人不問德之宜否才之稱

否既使之治兵又使之理財方使之理財又使之典獄

禮樂之任付之若而人工技之司付之若而人以一人

之身而責之以百官之所爲備固有才稱其職得以究

其所長者至於遷擢或又移之他職矣所職之事苟非

其所素習則不得不委之吏故吏得以容其奸然則爲

官擇人者其可無以處之乎昔司馬光屢言於祖宗之朝欲博選在位之士使德行者掌教化政術者爲守長勇畧者爲將帥明法者典法明禮者典禮此正量能授官之意在今日所當講明者而或者又曰雖量其能當久其任善於其職者增秩加賞而不徙其官苟數遷數易則心懷去就事復苟且是固然爾然好進者常情之所不免倘積歲不遷將有十年不調之嗟從事獨賢之嘆怠惰之心必生廢事之弊猶故是則久任之說固未易以遂行也爲今之策惟精於財計者必使之理財追其遷也復以精於財計者代之長於銓綜者必使之典銓迨其遷也復以長於銓綜者代之至於典禮典兵莫不皆然雖不久其任而前後相繼者莫非其才之所長則何事之不舉何職之不稱哉

遼

國俗事簡職專官制朴實太祖神冊六年詔正班爵至太宗無制中國乃分南面北面北面治官帳部族屬國之政南面治漢人州縣稅賦軍馬之事因俗而治得其宜矣初太祖分迭剌夷離堇爲南北二大王謂之南北院宰相樞密宣徽林牙下至郎君護衛皆分南北其實所治皆北面之事北樞密視兵部南樞密視吏部南北二王視戶部夷離堇視刑部宣徽視工部敵麻烈都視禮部以南北府宰相總之惕隱治宗室林牙修文告于越

坐而議論以象三公朝廷之上事簡職專此遼之所以興也

遼本契丹國自唐太宗置都督刺史武后加以王封玄宗置經畧使始有唐官爵矣其後習聞河北藩鎮受唐官名于是太師太保司徒司空施于部族太祖因之太宗大同元年始置北院樞密使明年以高勲爲南面樞密則樞密之設自太宗入汴始矣天祿四年建政省事于是南面官僚可得而書其始漢人樞密院兼尙書更兵刑有丞書戶工有主事書省兼禮部別有戶部使司以營州之地加幽薊之半用是適足矣中葉彌文耶律楊六爲太傅知有三師矣忽古質爲太尉知有三公

續文獻通考卷之八

中

卷之八

矣韓古得爲常侍衛涇爲禮部尙書知有門下尙書省矣庫部倉部虞部員外出使則知備郎官列宿之員奎監監修則知國史有院程彥舍人則知起居有注刑卿朴承古王言數學士則知有翰林內制張幹政事舍人則知有中書外制大理司農有卿國子少府有監九卿列監見矣金吾千牛有大將十六列衛見矣太子上有師保下有府率東宮傳官也節度觀察防禦團練刺史咸在方州同于唐制五京之制上京爲皇都朝官京官皆有之餘四京隨宜設官爲制不一大抵西京多邊防官南京中京多財賦官而五京並置者寡

太祖四年七月以后兄蕭敵烈爲北府宰相后族爲相始此神冊六年以皇弟蘇爲南府宰相自諸弟構亂南府名族各羅其禍故宰相位久虛以鋤得部轄里得只里古攝之府中數請擇任宗室上以舊制不可輒變請不已乃告於宗廟而後授之宗室爲南府宰相始此五月詔正班爵

太宗會同元年十月詔陞南北二院及乙室夷離董爲王以主簿爲令爲刺史刺史爲節度使二部梯里已爲司徒達刺于爲副使麻都不爲縣令馬達刺于爲馬步置宣徽閣門使控鶴客省御史大夫中丞侍御判官文班牙署諸官院世燭馬群選輩世燭南北府國舅帳郎

續文獻通考卷之八十四

五

四

君爲敝史諸部宰相節度使帳爲司空二室韋闡林爲僕射鷹坊監治等局官長爲詳穩時石敬瑭新獻十六州故也是年詔群臣及高年凡授大臣爵秩皆賜錦袍金帶白馬金飾鞍勒著于令

世宗天祿八年奚和朔奴奏曰臣見太宗時奚六部二宰相二常衮誥命大常衮班在酋長左右副常衮總知酋長五房族屬二宰相匡輔酋長建明善事今宰相如故二常衮乞依舊制從之

聖宗統和二年三月割離部請今後詳穩止從本部選授爲宜上曰諸部官惟在得人豈得定以所部爲限不允四年八月置先離闡覽官二員領于骨里女直迪烈等

諸部之隸官籍者 太平八年十二月詔兩國舅及南北王府乃國之貴族不得以賤庶任本部官

興宗重熙九年十二月詔諸犯法者不得爲官諸職官非婚祭不得沉酣廢事 時北王府布偶帳郎君自言

先世與國聯姻許置敝史詔以本帳蕭胡奴爲之 十二年二月北樞密院言北南二王府洎諸部節度侍衛祇候郎君皆出族帳旣免與成邊其祇候事情亦得以部曲代行詔從其請 二十年十一月命東宮留守司總

領戶部省事罷中丞記錄職官過犯令丞肯總之 二十二年十一月詔諸職官以禮受代及罪去者置籍歲

申樞密院十二月詔回紇部副使以契丹人充

續文獻通考卷之八十四

木

四

道宗清寧二年正月詔二女古部世預宰相節度使之選者免皮室軍 三年十一月禁職官部內假貨貿易

咸雍五年十一月詔四方館副使止以契丹人充 太康九年十一月定諸令史譯史遷叙等級 十年四月

降國舅詳穩班位在敝穩之下 大定元年十一月詔外官因譽進秩民受其害後皆以資給還轉 二年六月詔高墩以下縣令錄事兄弟及子悉許叙用

金

金自景祖始建官屬統諸部以專征伐巖然自爲一國其官長皆稱曰勃極烈故太祖以都勃極烈嗣位太宗以諸班勃極烈居守諸班尊大之稱也其次曰國論忽魯

勃極烈國論言貴忽魯言總帥也又有國論勃極烈或  
左右置所謂國相也其次諸勃極烈之上則有國論乙  
室勿魯移齊阿買阿舍之號為升拜宗室功臣之序其  
部長曰孛董統數部者曰忽魯凡此至熙宗定官制皆  
廢其後惟鎮撫邊民之官曰禿里烏魯國之下有掃穩  
脫朶詳穩之下有摩忽習尼昆此則具于官志而不廢  
皆踵遼官名也漢官之制自平州人不樂為猛安謀克  
之官始置長吏以下 天輔七年以左企弓行樞密院  
于廣寧尚踵遼南院之舊 天會四年建尚書省遂有  
三省之制至熙宗頒新官制及換官格除拜內外官始  
定勳封食邑入銜而後其制定然大率皆循遼宋之舊

續文獻通考

卷之八十四

七

四百五十四

海陵正隆元年罷中書門下省止置尚書省自省而  
下官司之別曰院曰臺曰府曰司曰寺曰監曰局曰署  
曰所各統其屬以修其職職有定位具有常數紀綱明  
庶務舉是以終金之世守而不變焉

太宗天會二年二月詔諭南京官僚大小之事必關白軍  
帥毋得專達朝廷又命宗望凡南京留守及諸關員可  
選勳賢有人望者就位擬之具姓名官階以聞 六年  
五月以官稱及俸給因革詔中外 十一年八月詔曰  
此以軍旅未定命帥府自擇人授官今並從朝廷選注

十四年七月汰兵興濫爵

時熙宗即位

熙宗天眷三年八月初定公主郡主縣主及駙馬官品

八年十一月左丞相魯石承稟等言州郡長吏當並用  
本國人上曰四海之內皆朕臣子若分別待之豈能致  
一語乎疑人勿使人勿疑自今本國及諸色人  
量才通用 皇統五年以古官曰牧曰長各有總名今  
庶官不分類為名于文移未便遂定名焉 京府尹牧  
留守知州縣令詳穩郡牧為長官 同知簽院副使  
尹通判丞曰佐貳官 判官推官掌書記主簿縣尉為  
幕職官 兵馬司及它司軍者曰軍職官 警巡市冷  
錄事司候諸參軍知律勘事勘判為釐務官 管倉庫  
務院者曰監當官 知事孔目以下行文書者為吏  
凡除拜尚書令左右丞相以下品不同者則帶守字左

續文獻通考

卷之八十四

八

四百五十一

右丞則帶行守字 凡臺官御史部官京尹少尹守令  
簿丞尉錄事諸卿少至協律評事諫官國子監學官諸  
監至丞郎符寶郎東官詹事率府僕正副令丞王府官  
散官高子職事者帶行字職官高子散官一品者帶守  
字二品者帶試字品同者皆否 猛安謀克翰林待制  
修撰判推勘事官都事典事知事內承奉押班通事舍  
人通進編修勾當頓舍部役廂官受給管勾巡河官直  
省直院長副諸檢法知法司正教授司獄司候東官諭  
德贊善掌寶典儀以下王府文學記事參軍並帶充字  
樞密宣徽勸農諸軍都指揮統軍轉運使招討提刑  
節度群牧防禦使省引進四方館閣門太醫教坊鷹坊

警巡檢諸司局倉庫務使副皆帶充字及知某事凡帶知判簽書字者則不帶行守試字以上所帶字品同者則否自三師三公平章政事元帥以下至監軍東宮三師三少點檢至振肅承旨學士王傳副統招及前所不載者皆不帶行守試知充字

海陵天德二年十二月命外官去所屬百里外者不許參謂百里內者往返不得過三日 三年閏四月詔朝官稱疾不視事者尚書省令監察御史同太醫診視無實者坐之 正隆元年正月罷中書門下省平章政事張暉罷并罷平章政事三月如定職事官朝參等格仍罷兵衛五月頒行正隆官制

續文獻通考

九

卷之八十四

世宗大定二年八月詔曰祖宗時有功勞未曾遷賞者五品以上奏聞六品以下及無職事者尚書省量給陞除四年勅隨朝六品以繁劇局分官有缺者省不得注擬令具關及人以聞 六年制官至三品除授朝廷敘量勞績歲月特恩遷官 七年九月詔吏人但犯贓罪雖會赦非特旨不叙 又制內外三品官遇擬注其歷過成考以上月日不曾遷加或經革撥可于除目內備書以聞六品以下官命尚書省擬定而後奏 八年三月命以職官子補令史 十二年二月詔自今官長不法其僚佐不能糾正又不上言者並坐又詔自今除名人子孫有在仕者並取奏裁三月詔尚書省職污之官

已經廉問遣使即日罷之 十六年勅宰臣選調注擬

之際須引外路求仕人至尚書省堂量才授職 十七

年二月詔朝官嫁娶給假三月不須回告 二十二年

四月行監臨院務官食直法 二十四年以舊資考太

滯各減一任臨時量人才辛苦資歷以次奏稟 二十

五年十月戒護衛年老出職臨民 命學士院諫官秘

書監司天臺著作局閤門通進拱衛直武器署等官凡

直官中午前許退 二十八年三月命應赴部求仕人

老病昏昧者勒令致仕止給半俸更不遷官十月復戒

尚書除授勿拘資格 二十九年七月已時章宗勅近侍

官拔外任四品三品十一月制職官轉遞文字法 又

續文獻通考

十

卷之八十四

定制自正七品而上皆以兩任後陞

章宗明昌元年三月制內外官并諸局承應人遇祖父母

父母忌日給假一日十月有司言登聞鼓院并起居注

院勿有所隸從之 三年十二月定到任告致仕格

四年七月制三品以上官有故者若親賢數舊尚書省

即與聞奏議加追贈十一月詔諸職官以贓污不職被

罪以廉能獲陞者令隨路京府州縣列其姓名揭之公

署以示勸懲 又以前制有職官已帶三品者不許告

遷有司因之不舉以致無由遷叙遂定制已帶三品散

官實歷五十月從有司照勘格前進官一階格後為始

再算 六年十月命隨朝五品之要職及外路三品官



皆具人關進呈以聽制授 七年勅隨朝除授必欲至  
三十月如右急關則具關及人奏稟尋復令不須待考  
滿後當通算其所歷而已 承安二年正月勅職官犯  
賊罪不得訴于同官二月勅職官犯賊每削一格殿一  
年十一月初設講議所官十員共議錢穀 四年二月  
諭有司自三月二日為始每旬三品至五品官各一人  
轉對六品亦以次對臺諫勿與有應奏事與轉對官相  
見難面對者上章亦聽三月諭尚書省官員必須改除  
者議之其日月淺者毋數改易 時參知政事僕散揆  
等請罷諸州提點刑獄從之 五年正月曲宴群臣定  
五品以上文武官侍坐員為定制十一月初定品官過  
關則下制 以六品從五品闕少勅命歷三任正七品  
方陞六品 泰和元年正月初命文武官職俱至三品  
者許贈其祖七月諭刑部官凡上書人言及宰相者不  
得申省 二年二月初置內侍寄祿官三月初置官苑  
司都同監各一員四月定遷三品官格十一月初命外  
官三品以上到任進謝表 三年五月汰隨朝冗官六  
月罷惠川高三州秀巖陽徽川咸寧恭安利民六縣  
及北京官苑使諸群牧提舉居庸紫荆通會三關使西  
北路鎮防十三千戶諸路醫學博士八月更定閣門祗  
候出職格十一月定收補承應人格 四年四月定隨  
路轉運使及府官每司報謝于太廟七月勅宣徽院官

天壽節凡致仕宰執召與宴十月初定百官休假  
六年正月命左右司五日一轉奏事 八年十二月初  
設三司使掌判鹽鐵度支勸農事

衛紹王大安元年定文資本職出身內有至一品職事官  
應選一品散官者實歷五十月方許告遷二品三品職  
事官應告本品循遷者亦歷五十月不得過本品外四  
品以下職事官如遷三品者亦歷五十月止許告遷三  
品一資六品以下職事官歷六十月告遷帶至三品更  
不許告犯選格者皆不許如已至三品以上職事者六  
十月亦聽凡遷三品官資及致仕并橫遷三品者則具  
行止以聞四品則六十月告遷雜班則否

宣宗貞祐元年九月設京城鎮撫彈壓官置招賢所 三  
年二月尚書省以南遷後吏部秋冬置選南京春夏置  
選中都赴調者不便請併選于南京從之四月罷行六  
部令各路運司兼之又減戶部幹辦官四員及差委官  
有差九月戶部侍郎與屯阿虎言國家多故職官往往  
不仕乞限以兩季違者勿復任用上嫌其太重違限者  
止奪三官降職三等仍永不陞注 三年九月以空名  
宣勅付宣撫司凡夏人入寇有能臨陣立功者並聽遷  
授 興定元年正月東平行省言調兵以來吏卒因勞  
進爵多至五品例復封贈及民年七十例該軍恩若人  
往自陳公私俱憂請令東路為制誥勅類付朝廷以求

印署使受命者量輸諸物而給之人力不勞兵食少濟從之是月議減庶官冗員二月詔定州縣官雖階至三品坐乏軍儲者聽行部決十月定職官不求仕及規避不起任法二年三月御史以北兵退請汰各處行樞密院元帥冗官尚書以爲非便而止四月詔河南路行總管府節鎮以上官充宣差捕盜使以防禦刺史以上長貳官及世襲猛安之才武者爲之副九月設隨處行六部官以京府節鎮長官充尚書次侍郎郎中員外郎防刺長官充侍郎次郎中員外郎主事勾當官聽所屬任使州府官並充勸農事防刺長官及京府節鎮同知以下充副使三年正月勅尚書省自今六部稟議常事但可再送不得趣召辯正餘應入法寺定斷而再送猶未當者具以聞下吏治之宰相執政以下皆不得召部寺官部寺官亦不得詣省犯者論違制二月詔陝西行省從七品以下聽注擬有罪許決罰丁憂待闋隨軍任使軍官徒以上罪及軍事怠惰者巡按御史治之四月詔河北州縣官止令土著推其所愛者充六月詔付遼東等處行省金銀符及空名宣勅聽便宜處置七月置東西南三路行三司四年五月立二品至三品立功遷賞格五年五月詔州府及軍官捕盜慢職四品以下宣慰司決之三品以上奏裁十月尚書省奏行院帥府幕職雖無部衆亦常贊畫戎功而推賞止進一階

聽至將保奏第功行賞從之元光元年四月定監當官選法哀宗正大元年設司農司自卿而下迭出巡察吏治臧否以陞黜之三年八月詔設益政院于內廷置說書官日二人備直顧問天興二年四月設蔡州四隅機察官元太祖起自朔土統有其衆部落野處非有城郭之制國俗淳厚非有庶事之繁惟以萬戶統軍旅以斷事官治刑政任用者不過一二親貴重臣耳及取中原太宗始立十路宣課司選儒臣用之金人來歸者因其故官若行省若元帥則以行省元帥授之世祖即位大新制作遂命劉秉忠許衡酌古今之宜定內外之官其總政務者曰中書省秉兵柄者曰樞密院司黜陟者曰御史臺其次在內者則有寺有監有衛有府在外者則有行省有行臺有宣慰司有廉訪司其牧民者則曰路曰府曰州曰縣官有常職位有常員其長則蒙古人爲之而漢人南人貳焉於是一代之制始備大德後僥倖之門開方正之途閑官冗於上吏肆於下言事者屢疏論列而朝廷訖莫正之勢固使之然也按陶宗儀曰元朝故事正六品以下奉勅署牒以命之牒具中書官位最尊者令也署牒者自丞相以下而不

敢以煩令惟皇太子立必帶中書令樞密使太子既受冊即中書上日獨署一牒明日省臣以其名聞天子即以宣拜超授五品官其人非素親近有譽望取信于群臣者不得也

元初輔相之臣與凡百執事惟上所命其各官皆因其事而命之方事征討重在軍旅之事故有萬戶千戶之目而治政刑則有斷事之官可謂簡要者矣既取中原定四方豪傑之來歸者或因其舊而命官若行省領省大元帥副元帥之屬是也或以上旨命之或諸王大臣總兵政者承制以命之若郡縣兵民賦稅之事外諸侯亦得自辟用蓋隨事創立未有定制世祖中統以來始採

續文獻通考

卷之八十四

十五

四百七

取故老諸儒之言考求前代之典立朝廷而建官府輔相者曰中書省本兵者曰樞密院主彈劾者曰御史臺以次建置內外百司庶府各因其事而舉矣其在內者廢置升降之不同因革政治之所係也若夫宗戚之重莫重於宗正府今宗正所隸特重於奸盜詐僞之刑稼穡之本莫重於司農今勸樹藝者歲受其成自宣政總佛事而西城邊事之重係焉至於內廷東宮之官屬若國史翰林集賢之治文章宣徽之治王食將作之治管繕如此之類皆以重臣領之蓋國家盛大庶事浩繁其職掌之事視古昔幾至倍蓰故其官府之陞至於重大而其屬亦已煩多日益月增其勢然也其後頗以官冗

吏繁爲言數有詔裁減而卒未遑及亦有不得已者夫外之郡縣其去朝廷遠者則鎮之以行中書省郡縣又遠於省者有邊檄之事者則制宣慰司以達之鹽鐵之類又別置官有軍旅之事分布於外者則置萬戶府有大征討則置行樞密院無則廢舉刺之事則有行御史臺領監察御史肅政廉訪司以治之此其大凡也

元初任人惟其材能卒獲豪傑之用及得中原損益古今之制度而行之而用人之途不一親近莫若禁衛之臣所謂怯薛者然而任使有親疎職事有難易歷時有久近門第有貴賤材器有大小故其得官也或大而宰輔或小而冗散不齊也國人之備宿衛者其屬則以內貴

續文獻通考

卷之八十四

十六

四百七

不以外官爲達方天下未定軍旅方興介冑之士莫先焉故攻取有功之士皆世有其軍而官之事在樞府不統於吏部惟簿書期會金穀營造之事供給應對習於刀筆者爲適用於當時故自宰相百執事皆由此起而一時號稱人才者亦出於其間而政治係之矣擇吏之初頗由於儒而所謂儒者始貴其名而存之爾其自學校爲教官顯達者益鮮獨國學初以貴近就學而用之無常制其後歲有貢法而寢失初意矣其以文學見用於朝廷則時有尊異者不皆然也至元以來數欲以科舉取進士議輒中止延祐初乃置進士科三年一取不及百人耳世祖皇帝置國字以通語言其用人畧如儒

學之制而加達矣至於奉一官之任使奔走服役歲月既久亦皆得官雖細大有殊要皆爲正途矣乃宗王之有分地官府而保任之者與夫治酒漿飲食者執樂伎者爲弓矢衣甲車廬者治曆數陰陽醫藥者出納財賦者遠夷掌其部落者或身終其官或世守其業不得遷他官而有恩幸遭遇驟至貴近者有之非有司所得制而陳言獻策納粟捕盜與勳舊之後裔權要之引進者皆有其人焉而不常也凡入官之途大槩如此

世祖時朝廷錄平宋功遷至宰相執政者二十餘人因議更定官制太常少卿王磐奏疏曰歷代制度有官品有爵號有職位官爵所以示榮寵職位所以委事權臣下

續文獻通考

卷之八十四

十七

四百六十八

有功有勞隨其大小酬以官爵有才有能稱其所堪處以職位人君御下之術也臣以爲有功者宜加遷散官或賜五品爵號如漢唐封侯之制可也不宜任以職位中統時朝議汰冗官權近私以按察司不便欲并省之王磐又上疏言各路州郡去京師遙遠貪官污吏侵害小民無所控告惟賴按察司爲之申理若指爲冗官一例罷去則小民冤死而無所訴矣若曰京師有御史臺糾察四方之事是大不然御史臺糾察朝廷百官京畿州縣尚有弗及況能周徧外路千百城之事乎若欲并入運司運司專以營利增課爲職與管民官常分彼此豈暇顧細民之冤抑哉由是按察司得不罷至元

二年并六部爲四以麥木丁爲吏禮部尚書馬亨爲戶部尚書嚴忠範爲兵刑部尚書別魯丁爲工部尚書又詔以蒙古人充達魯花赤漢人充總管同回人充同知永爲定制七年趙天麟上策請汰冗官其略曰臣聞設紀張綱莫如清簡建官置吏切戒煩多夫爵者官之尊也階者官之次也品者官之序也職者官之掌也位者官之居也祿者官之給也吏者官之佐也雖則事非位立而不辦亦有事因位多而益生此聖王所以貴寡而不貴多欲靜而不欲躁也漢光廢四百縣而下民業定隋文廢五百郡而天下政行皆以官不用多而在乎得賢政不在煩而貴乎省事也今國家立制自王及國

續文獻通考

卷之八十四

十八

四百七十一

王郡王國公以下爲爵自特進崇進至將軍大夫校尉郎爲階自正一至從九爲品掌典當行爲職各職所居爲位各位養廉之資爲祿各司贊佐行文之吏爲吏其制亦已詳矣然而京師不急之司院無用之局署及隨朝臺省部院以下諸有司官吏可兼不兼可併不併亦已有之矣畿外行省隨省諸有司宜撫廉訪等司路府州縣倉庫局監等諸衙門及合衙門官吏亦有冗者武臣萬戶所管不滿萬人千戶所管不滿千人之類亦有之臣竊以冗官之大弊有三一曰選法之弊二曰政事之弊三曰軍民之弊夫文武官吏員數既多當考滿之時近春秋之選資格之簿擾攘紛紜保薦之文交錯旁

午有司行文猶且未暇奚暇顧孰果有才孰果有德而  
考校之哉既不遑考校則取準於籍文薦書之所陳布  
者矣如此而欲雜流之人不進貨賂之門不開豈可得  
乎雜流行賄者得志則人皆可以仕矣以致員多缺少  
無如之何經營者早得遷除養高者坐淹歲月此選法  
之弊也其文武官吏員數既多有當決之事而不決有  
當行之政而不行問其職則曰我非此職問其施爲則  
曰僚屬非一豈我之所能獨主混齊竿而難辨受王命  
而自安及朝廷聞之遂立稽違期限之罰不亦晚與此  
政事之弊也夫文武官吏員數既多國家用人路廣浮  
濫亦升遂使臨蒞在下豈能敷政化哉政教不敷而刻  
續文獻通考

於前刻而民業定矣夫民者天下之本也民業既定而  
天下自太平矣十五年詔汰江南冗官江南原設淮  
東湖南隆興福建四省以隆興併入福建其宣慰司十  
一道除額設員數外餘並罷去仍削去各官舊帶相銜  
罷茶運司及營田司以其事隸本道宣慰司罷漕運司  
以其事隸行中書省各路總管府依驗戶數多少以上  
中下三等設官故宋官應入仕者付吏部銓用二十  
三年七月清冗職詔曰惟我祖宗肇造區夏雖中書已  
嘗建立而官制未暇舉行迨予圖大以宅中思欲繼志  
而述事集儒臣之公議法前代之彛章爰立省部院臺  
以正朝廷綱紀自疆土極照臨之遠而省臺有內外之  
分日益月增官冗人濫當勅有司而澄汰意能舊制之  
導承比聞近侍之言謂益曩時之弊彼不勝重任有瘞  
上聞苟尚蹈匪曩時惟予咎其清冗職用復前規於戲  
官不必備惟其人朕恪守已成之憲爾尚克勤于乃事  
尚永肩圖報之心由是銓定省院臺部官屬中書省令  
外左右丞相並一員平章二員左右丞並一員參政食  
省並二員樞密院除院使外知院一員副使僉院並二  
員院判二員御史臺大夫一員中丞侍御史治書並二  
員行臺同六部尚書侍郎郎中員外郎並二員其餘衙  
門並委都省斟酌裁減仍詔諭中外  
胡粹中曰元之官名最爲不正中書政本既有中書令

矣復立左右丞相則丞相特中書令之佐職耳既以令爲虛設左右丞爲正宰相而復設平章政事則又以平章爲宰相貳矣然平章政事非宰相而何名之不正莫此爲甚至其末流丞相而遙授焉則冗濫極矣又冗員數之多乎

二十四年麥木丁言制國用使司改尚書省頗有成效今仍分兩省爲便從之各設官六員尚書有平章政事二員左右丞二員參知政事二員中書宜設丞相二員平章政事二員參知政事二員省隴右河西道提刑按察司分置鞏昌者并入甘州設官五員以鞏昌改隸京兆提刑按察司設官六員省太原提刑按察司分置西

續文獻通考

卷之八十四

二十一

四、五十三

京者入太原遂以復置尚書省詔天下除行省與中書議行餘並聽尚書省從便以聞三十年汰冗官凡省內外官府共二百五十五所官六百六十九員

成宗元貞元年詔選官專令中書擬奏省臣言樞密院御史臺例應舉奏官屬其餘諸司不宜奏請今皆請之非便詔自今以後專令中書擬奏時改皇太后所居舊太子府爲隆福宮詹事院爲徽政院司議曰中議府正曰宮正家令曰內宰典醫署曰掌醫典寶曰掌調典儀曰掌儀典膳曰掌膳仍增控鶴至三百人大德元年四月省臺議上風憲事宜省臺臣僚奏阿老瓦丁及崔或陳臺憲事宜臣等議乞依舊御史臺不立選其用人

則于常調官選之惟監察御史及本臺首領官許自舉用各道廉訪司必擇蒙古人爲使或缺則以色目世臣子孫爲之其次參用色目漢人各省文案聽行臺委官檢覈有宿衛近侍奉特旨令憲臺擢用者必須明奏然後任之行臺御史秩滿而有效者或遷內臺或呈中書省遷調廉訪司亦如之不稱者省臺擇人代之未歷有司者授任牧民經省臺同選者聽臺自調中書或用臺察之人亦宜與臺臣同議各官有事風憲官毋得輒入體察制曰可

續文獻通考

卷之八十四

二十一

四、四十一

六年定赴任程限凡赴任官在家束裝假限二千里內三十日三千里內四十日遠不過五十日馬日行七十里車日行四十里乘驛者日兩驛百里以上止一驛舟行上水日八十里下水百二十里職當急赴者不拘此例違限百日外依例作缺赴任參官法上司百里之內者公參百里之外者申到任月日上司官不得非理勾擾失誤公事七年省臣言內外官員年至七十者精力衰耗例應致仕三品以下於應授品級加散官一品令致仕

世祖至元初立封贈之制惟一二勳舊之家以特恩見褒雖畧有成法未悉行之又制考課雖以五事責辦管民

官爲無激勸之方徒示虛文竟無實效自今每歲終考  
課官民官五事備具內外諸司官職任內各有成效者  
爲中考第一考對官品加妻封號第二考令子弟承廕  
叙任第三考封贈祖父母父母品格不及封贈者量遷  
官職其有政績殊異者不次陞擢仰中書參酌舊制出  
給誥命

按陶宗儀云大德七年詔內外官年及七十並聽致仕  
時郭守敬知太史院事以舊臣且熟朝廷所施爲獨不  
許其請翰林太史司天官不致仕者自郭守敬始

二月奉使宣撫奏罷職污官吏凡七道罷官吏一萬八  
千四百七十三人 十一年七月時武宗已即位省臺奏銓選

續文獻通考卷之八十四

二十五

四百五十五

非法省臣言內降旨與官者八百八十餘人已除三百  
未除者猶五百請自今越奏者勿與上曰然又言外任  
官帶相銜非宜而臺臣亦言省院臺得自選官具有成  
憲今監察御史廉訪司官非本臺公選而從諸臣所請  
降內旨用之非祖宗成憲上曰若此者卿等皆當執而  
勿與 時以教坊司達魯花赤沙的選授平章政事仍  
領王宸樂院事未幾樂工有犯法者刑部逮之沙的以  
王宸與刑部秩皆三品官皆榮祿大夫留不遣中書以  
聞帝曰凡諸司視其資級授之散官不可越超其閒冗  
職名官高者宜遵舊制降之

武宗至大元年七月初行省宣慰等官非宣召毋得赴闕

以多來結托故禁之 二年中書省臣言世祖時省院

臺及諸司皆有定員邇者諸司通陞一級四品者三品

三品者二品二品者一品一司甚至三三員事不改

舊而官日增請依大德十年已定員數冗濫者悉加減

汰從之 三年正月減省中書官吏自客省司而下三

百八十一員又增減省院臺官員令中書省官吏如安

童居中書時例存設其已汰者尚書省選叙減樞密院

官存知樞密院七員同知樞密院事二員樞密副使二

員僉樞密院事二員同僉樞密院事一員增御史臺官

二員御史大夫御史中丞侍御史治書侍御史各二員

省通政院官六員存十二員二月尚書省臣言官階差

續文獻通考卷之八十四

二十四

四百五十四

等已有定制近奉聖旨懿旨令旨要索官階者率多躐  
等顧依世祖皇帝舊制次第給之制可九月初諸司濫  
設者毋給月俸詔諭三寶奴等去歲中書省奏諸司官  
員違大德十年舊制濫者汰之今聞冗員如故有不以  
聞而徑之任者有肯不奏而擅令之任及之任者並捕  
逮之朕不輕釋

時馬祖常建白數事一言中書省樞密院御史臺三府

掾史雖職掌文書亦日佐文臣決理政務伏請聞奏設

立律學算學博士命隨朝二品三品正流衙門吏人欲

求轉補三府掾史者就其所業於律學算學博士之前

應試依科舉例監察御史監試吏禮部官知舉每一周



歲試舉一次則三府有得人之實下無躁進營求之私  
試中之人不必限以出身之高下不中者發下本役考  
滿不得過從七品仍預照會施行一言諸道宣慰司除  
吐蕃南詔兩廣福建外如淮東淮西荆南山東四道並  
爲無用徒月費俸廩坐養官吏而已如依準前代制就  
令一道重鎮路分總管達魯花赤帶受本道宣慰使等  
職名鈐轄數路上不煩朝廷虛設職官人吏下不使數  
路官府牽制煩複無益於事一言諸翼軍官自萬戶下  
至百戶子弟承襲父兄之職者合參酌古今之宜設立  
武舉並須習學兵法武藝如蒙古色目人只試以武藝  
如願試兵法中者陞階漢人兼試兵法武藝中式者方  
續文獻通考卷之八十四

二十五

許承襲如布衣之士願試及中者於各翼或不叙或力  
絕等歇空相應名關內擢用如此庶使武備不弛軍政  
稍嚴保大定功之事爲體不輕必若今日難於更張則  
四方宣力老將既已病死承襲驕脆子弟但知酒色裘  
馬爲華好一旦直欲冒矢石執干戈以犯敵不惟本  
人自取肝腦塗地從軍將吏死復何辜卑職屢觀前古  
之迹其禍患弊病未有不生於太平之世竊慮及此伏  
乞施行

英宗治二年九月初百司凡授官遵世祖制惟樞密院  
御史臺宣政院宣徽院得自奏聞餘悉由中書

泰定帝泰定元年三月監察御史宋本李嘉賓傳起嚴言

太尉司徒司空三公之職濫假僧人及會福殊祥二院  
並廢名爵請罷之不報

太宗天曆元年九月時帝爲懷王宣諭中外曰昔在世祖  
以及列聖咸命中書省綱維百司總裁庶務凡錢穀銓  
選刑罪興造罔不司之自今除樞密院御史臺其餘諸  
司及左右近侍敢有隔越中書奏請政務者以違制論  
監察御史其糾言之 至順二年十二月河北河南道  
廉訪使僧家奴言自古諸職官父母在三百里外三年  
聽一給定省假二十日無父母者五年聽一給拜墓假  
十日以此推之父母在三百里至萬里宜計遠近定立  
假限其應省覲匿而不省覲者坐以罪若詐冒假期與  
續文獻通考卷之八十四

二十六

詐奔喪者同科臺臣以聞命議之

太祖初下建康立中書省 上以中書省右丞相總省事  
李善長宋思顏爲參議李夢祥郭景祥爲左右司郎中  
侯原善楊原果陶安阮弘道爲員外郎孔克仁陳養吾  
王愷爲都事王疇爲照磨繼鳳爲管勾夏煜韓子魯爲  
博士善長進參政徐達爲右丞邵榮俞通海爲平章政  
事 上卽是王位善長爲右相國政左徐達爲左相國  
政右常遇春爲平章張景揚憲爲參政 上卽大位善  
長爲左丞相達爲右丞相遇春爲平章軍國重事湯和  
廖永忠李伯昇李思齊王溥爲平章不治事汪廣洋自

參政爲右丞謫楊憲爲右丞遷左丞誅汪廣洋再爲右丞相謫胡惟庸由參政爲左丞進右丞相遷左丞相廣洋復爲右丞相汰平章參政等官 十三年惟庸族廣洋賜死罷中書省散其職六部置四輔官告 太廟以耆儒王本杜祐龔穀爲春官杜敷趙民望吳源爲夏官勅之曰昔之耕莘者爲宰杜稷永安築嚴者在朝君仁民康二臣繼出于殷商致君六百年之大業是賢者雖處同出異其忠君濟民之道則一朕今 召爾等來朝 命爲四輔官兼 太子賓客位列公侯都督之次必欲德合天人均調四時以臻至治其敬慎之居三日復 勅謂人主以一身統御天下不可無輔臣而輔臣

續文獻通考

卷之八十四

二十七

四百六十二

必擇乎正士堯舜以得賢而昌辛受以棄賢而亡卿等受斯重任宜體朕懷心常履道佐理贊化以安生民且卿等昨爲庶民今輔朕以掌民命出類拔萃顯揚先親天人交慶於戲盛哉又十日 勅本等曰自胡惟庸不法之後特 召天下賢才而有司又從泛舉尚書范敏獨能薦卿等以輔朕朕視卿等皆高年篤厚故九月告於 太廟議立四輔以王本杜祐龔穀爲春官杜敷趙民望吳源爲夏官惟秋冬官缺以本等攝之通年自春徂秋天災疊見維秋之暮天氣尚暄當 諭本等沐浴致齋精勤國務以均調四時本等奉命且誠逮立冬朔風驟寒以成冬令嗚呼天其兆吉人乎感應之機如響

斯答古者三公四輔論道經邦理陰陽順四時其或有爭戾則曰公輔失職蓋人事有不齊則天應之有如此者卿等尚當竭忠誠以勤厥職庶幾感格天心 御集中又有與本等同游唱和詩多不載 明年 命刑官議獄送四輔及諫院給事中覆覈無碍奏行之有疑獄四輔官封駁之尋 召左御史中丞安然爲四輔官龔穀致仕復起爲國子監司業尋以星變 勅諭王本等本尋坐法磔於市又明年罷不復設 置大宗正院改爲宗人府置宗人令左右宗人正左右宗人以 泰晉燕周齊五王爲之俱正一品後本府以駙馬都尉領之 置 皇太子左右率府都督同知康茂才張興祖兼

續文獻通考

卷之八十四

二十八

四百六十五

左右率府使顧時孫興祖同知 王府事僉事吳禎耿炳文兼左右副使 置諫議大夫以唐鐸爲之 置諫院左右司諫以耆儒劉瑄關賢爲左右正言以耆儒趙肅何顯周爲之 置執法議理司以前元工部尚書濂爲之乃李韓公之女弟壻也 置審刑司左右審刑正六品左右詳議正七品凡大理寺平允法司囚犯皆得詳駁之 置考功承勅司文三監每監設令一人正六品丞二人從六品監察御史馬亮張迥等五十六人爲之 命中書省兵部定給武官 誥勅之制其特授陞除者大都督府同承 勅監官以 上旨附籍其初入仕者具年籍父祖已身功蹟其已入仕及陞除者具所

歷功過年籍大都督府咨于中書省送兵部覆奏貼黃  
考功監叅攷同奏附籍部擬散官移文翰林院撰文付  
司文監校勘奏付中書舍人書寫署名用印轉付承勅  
考功二監并還本部以次署名用印齎赴省府臺官署  
名仍付司文監對同署名用印方付各部給授如襲職  
降用者大都督府勘驗具年籍祖父功蹟降用者具其  
罪名奏 旨處分承 勅監官附籍具咨省送部覆奏  
貼黃叅攷對同擬官撰文署名用印給授如前 置平  
駁諸司 命翰林院編檢以下春坊司直以下贊讀考  
駁諸司奏啓如平允則署其銜曰翰林院兼平駁諸事  
其官某押 置磨勘司令以 太子伴讀高暉爲之

續文獻通考

卷之八十四

二十九

四〇五五

置內正司司正一員正七品司副一員從七品專糾內  
臣之失儀者尋改曰典禮司又改曰典禮紀察司陞正  
六品尋止稱紀察司以李彬言等爲之 置繩頑司令  
丞各一員 置稽疑司正一員正六品左右丞各一員  
從六品屬官曰司筮無品 置 東宮通事司令一員  
從八品丞一員正九品榮鉉鄭肅爲之 置 東宮文  
學趙晉爲之 置城門都尉一員以死事指揮劉廣子  
昇爲之 置君子衛居文官子姓舍人衛居武官子姓  
以指揮使李諒安子忠領之 置侍儀引進使正五品  
閣門使從五品以故誠意伯劉基子仲璟爲之 置尚  
書大使儒學從舉提舉司校理侍禮郎奉天門待詔俱

章 改樞密院爲大都督府又爲中左右前後五軍都  
督府使知院從一品爲左右都督陞正一品副使同知  
陞正二品爲都督同知從一品僉院從二品判官從三  
品今爲僉事正二品 上初下太平自稱太平興國翼  
大帥下建康立天興建康翼大元帥府廖永安爲大  
元帥常遇春爲行中書省馬步水軍都督大元帥尋  
改行樞密院湯和同僉院事徐達廖永安同知院  
事改院爲大都督府朱文正爲大都督品如知院李善  
長兼府司馬宋思顏兼參軍後以李文忠湯和爲左都  
督馮國用鄧愈爲右都督永樂以後五府職名如故而  
樞密歸兵部有副使在僉事之上尋革復置大都督叅

續文獻通考

卷之八十四

三十

四〇五九

議一員正三品戶部尚書樊思民爲之又置掌判官品  
同叅議吏部尚書陳銘爲之 五斷事司下各設稽仁  
稽義稽禮稽智稽信今俱革而其職爲經歷都事 御  
史臺左右御史大夫從一品中丞正二品侍御史正三  
品殿中侍御史正五品 太祖爲吳王始設臺臣以湯  
和鄧愈爲左右大夫劉基章溢爲中丞文原吉爲治書  
安然爲中丞基實幹臺事復省治書殿中不置而汪廣  
洋自左大夫入中書陳寧代之安然爲右大夫中丞涂  
節告變而臺以中丞爲長官安然任之後改爲都察院  
都御史僅七品御史九品尋復陞正三品俄以左右都  
御史代大夫爲正二品副都代中丞爲正三品僉都代

續文獻通考

卷之八十四

三十一

四百五十一

侍御爲正四品與六部韻類 翰林院初設學士正三品講讀學士正四品直學士正五品待制從五品應奉正七品尋設學士承旨正三品學士從三品承旨則詹同宋濂爲之學士則陶安朱升爲之直學士陳桎范常爲之待制秦裕伯王禕爲之應奉趙震殷哲爲之後罷承旨直學士待制應奉不設而降學士正五品講讀學士爲從五品 建文初改講讀學士爲文學博士方孝孺任之參預機務如內相復置檢閱一員從九品 設華蓋殿謹身殿文華殿武英殿文淵閣東閣大學士俱正五品 洪武末華蓋以劉仲質邵質文華以全思誠鮑恂余鈐張長年武英以吳伯宗文淵以朱善宋訥東閣以吳沉爲之而無所領惟從容備顧問而已其後罷不設 建文中華大學士止設學士而以謹身爲正心然亦竟無授官 永樂始以胡廣楊榮金幼孜爲文淵閣大學士領閣務 洪熙進楊士奇華蓋楊榮兼謹身黃淮金幼孜兼武英獨以光祿署丞權謹身爲文華殿大學士無兼官亦不預閣務謹身去後文華至今不設大學士得非以 皇太子講讀之所故耶 嘉靖末以華蓋殿爲中極殿謹身殿爲建極殿首以徐階表燁充建極殿大學士而中極自 隆慶初始補李春芳 洪武初設弘文館學士不言品秩以劉基危素雖稼胡鉉王大中羅復仁爲之尋革至 章皇帝初復建弘文閣于思

續文獻通考

卷之八十四

三十二

四百五十二

善門右以儲經史備顧問翰林學士楊溥掌閣印 帝手授之侍讀王璉五經博士陳繼史科給事中王榮叅共事不久併閣務入文淵閣溥亦辦文淵閣事 左右春坊大學士與正學士同品建文中以任董倫 永樂立東宮李至剛爲左解縉胡廣楊士奇因之解縉爲右黃淮因之 洪熙中曾榮爲左王英爲右 景泰中商輅爲左彭時呂原倪謙因之劉儼爲右劉定之因之逾五十年而 弘治癸亥會典成以左春坊學士無侍讀學士遷中允楊廷和 上疑問之內閣其實對乃已廷和竟遷不設贊善大夫正五品宋濂嘗爲之後止爲贊善從六品司直以下亦不常設 置將作卿正三品單安仁爲之後并入其事于工部而名尚存後改爲營繕正 置司農卿正三品楊思義爲之後入戶部 置京畿都漕運使正四品專治京師軍儲單安仁薛祥爲之 置宣徽院使正三品阮崇禮爲之後爲光祿司卿徐興祖爲之最後爲光祿寺從三品 置太史院正三品劉基爲之改院爲監使爲令通判食事各一員後爲司天監定爲欽天監正五品有正副等官 置回回監正副以下同欽天監後革 置醫藥提舉司改太醫院監正三品少監正四品孫守貞爲之後改爲太醫院使正五品院判正六品 置滁陽牧監從三品後爲太僕寺置儀禮司正副後爲鴻臚寺卿 置信寶提舉司正四

品後爲尚寶司正五品 置營田使專董墾近畿田大  
都督府副使康茂才爲之 至嘉靖中設三都御史清  
屯尋革 置帳前總制親軍都指揮使馮國用國勝爲  
都指揮使朱文忠康茂才爲左右副都指揮 置金吾  
侍衛軍都護 又置都鎮撫司孫養浩爲鎮撫 又置  
都尉府正三品蓋即今錦衣旗手衛也 又置兵馬司  
都指揮使副都指揮等官後改文職降至六品而猶冒  
故銜

初置江南行中書省以後平浙江湖廣江西河南山東  
等處俱設行省其品秩一如內省惟不設丞相袁國公  
歐普祥者因僞漢故官而已後改行省爲布政使司布

續文獻通考

卷之八十四

三十三

四百六十八

政使視平章爲從二品左右叅政從三品叅議從四品  
行樞密院爲都司都指揮使正二品同知從二品僉事  
正三品初下太平興國翼大元帥李善長爲都事潘廷  
堅爲教授汪廣洋爲令史下建康諸路廖永安徐達常  
遇春湯和俞通海鄧愈邵榮耿炳文爲大元帥後改翼  
爲衛置指揮使司同知僉事等官事實品祿如故 置  
詹事院詹事則右都督馮勝領之同知則平章胡廷瑞  
廖永忠李伯昇領之副詹事則左右丞趙庸王溥領之  
後併爲少詹事 置諸王府左右相各一員正二品左  
右傳各一員從二品以鄭九成王克復汪河文原吉朱  
復爲相桂彥良熊鼎爲傳而別設長史官爲正五品若

相屬官者尋以耿炳文吳良謝成等爲武相傳位居文

臣上其後革相傳併入長史見任者皆降秩五品而武

相傳事亦入護衛 十八年 命進士觀政六科承

勅考功諸監者曰庶吉士取庶常吉士之義也以楊靖

沈潛等爲之 二十八年改六科給事中曰元士以見

在人數正得八十一也復改曰士源以政源所自出也

續文獻通考

卷之八十四

三十四

四百六十八

建文君建文元年更定官制 六部尚書陞正一品增左  
右侍中正二品侍郎如故省戶部十四司爲民部度支  
部金帛部倉庾部省刑部十四司爲詳憲部比議部職  
門部都官部諸司俱去清吏二字 都察院左右都御  
史去左右二字後改御史府都御史爲御史大夫 通  
政司使改爲卿 通政叅議爲少卿丞增其屬左右補  
闕拾遺各二員 大理寺卿止稱大理卿左右寺正爲  
都評事副爲副都評事司務爲都典簿 太常光祿太  
僕鴻臚尚寶俱止稱卿其少卿丞分左右祠祭署之稱  
天壇者曰南郊泗洲者曰泗濱宿州者曰新豐增鍾山  
祠祭署及司園所 光祿少卿陞從四品 太僕增少  
卿丞各一員及典廐典牧二署驢驘十五群逐生三群  
分隸之 詹事府詹事曰詹事卿少詹事曰少卿增賓  
客二員 設資德院資德一員資善二員其屬贊讀贊  
書著作郎各二員掌籍典簿各一員 國子監增司業  
爲二員省博士學正學錄增助教爲十七員翰林院增

承旨一員文學博士一員省講讀學士置文翰文史二  
館文翰設侍書中書舍人職歸之文史館修撰以下  
如故 殿閣學士俱去大字謹身殿大學士為正心殿  
學士 六科省左右給事中 五城兵馬指揮曰兵馬  
副兵馬 布政使陞為正二品止一員去左右字 提  
刑按察司為肅政按察司 陞廣東鹽課司為都轉運  
鹽使司 華五府斷事及稽仁稽義等官 親王府增  
賓輔二員正三品左右長史上增長史一員正四品增  
伴讀伴講伴書各一員審理典膳奉祠良醫典寶各去  
正字 郡王賓友二員正四品教授一員紀室二員直  
史一員左右史各一員吏目一員典印典祠典禮三署  
續文獻通考卷之八十四 三十五 四百五十一

各一員典饌典樂三署各二員引禮舍人二員儀仗司  
吏目一員凡賓輔三件賓友教授進對侍坐稱名不稱  
臣至 永樂初俱改正從 洪武之舊 更定勲階尚  
書曰特進資政上卿侍中曰資政卿二品如之侍郎曰  
資政亞卿卿三品如之即中曰資政中大夫員外郎曰  
資政大夫給事中曰嘉政中士 又遣戶部左侍郎夏  
原吉給事中徐思勉等二十四人充採訪使分巡天下  
問民疾苦旌廉斥貪得以便宜行事  
南京百官守備參贊機務為要重守備以公侯伯兼領  
南京中軍都督府事協同守備以侯伯都督得領五府  
事 孝陵奉祀禮或守備或協同守備大抵威嚴勲舊

止參贊機務以南京兵部尚書治所在中府 成祖初  
以北平為北京往來巡守 仁宗時為 皇太子監國  
南京 宣宗為 皇太孫撫軍從行 成祖出塞監國  
於北 永樂二十二年秋 皇太子即位 命襄城伯  
李隆鎮守南京駙馬都尉沐昕同鎮守 洪熙元年又  
以內臣守備南京是年南京地三月九震特遣 太子  
往南京以祭告 皇陵 孝陵為名實有監國之 命  
四月發北京六月還京師即 帝位 宣德五年改鎮  
守為守備 命 宋駙馬西寧侯琥守備南京 景泰  
元年又以都督僉事趙倫協同守備琥後豐城侯賢寧  
遠伯禮平江侯豫魏國公承宗成國公儀魏國公備成  
續文獻通考卷之八十四 三十六 四百三十一

國公輔魏國公鵬舉撫寧侯麒鎮遠侯寰相繼守備不  
必魏國公也 宣德十年 英宗即位 命少保南京  
戶部尚書黃福參贊機務參贊機務自福始黃公後南  
京兵部左侍郎徐琦參贊機務歷十年而陞尚書理部  
事靖遠伯王驥兼南京兵部尚書稱總督機務代琦  
成化十一年南京吏部尚書崔恭十三年南京右都御  
史王恕相繼參贊機務不專用兵部尚書也十五年南  
京兵部尚書薛遠代恕參贊機務 嘉靖初王守仁以  
新建伯兼南京兵部尚書參贊機務不得稱總督如靖  
遠伯  
南京參贊機務守備文武大臣掌 皇城京城畿甸留

守之事以時行視 陵廟凡大小教場練將士新江口  
肄水軍神機營習火器以時督察之官軍騎數歲一報  
地圖文冊二歲一報諸江關浦口歲再遣人行視之軍  
器歲製貢舟均其差遣而嚴緝之武學課業旗役併鎗  
程督而監視焉盜賊歲更官行緝屯田請專官巡視凡  
便宜事會九卿五府議請上又有操江都御史一人巡  
江御史二人專職江防

南京宗人府經歷司經歷一人

吏部尚書一人侍郎一人郎中四人主事四人司務一  
人

戶部尚書一人侍郎一人郎中十三人員外郎十人主  
續文獻通考卷之八十四 三十七 三百五十五

事十七人司務一人照磨一人

禮部尚書一人侍郎一人郎中四人主事二人司務一  
人

兵部尚書一人侍郎一人郎中四人員外郎二人主事  
五人司務一人

刑部尚書一人侍郎一人郎中十三人主事五人主  
事十四人司務一人照磨一人司獄二人

工部尚書一人侍郎一人郎中四人員外郎二人主事  
八人司務一人

都察院右都御史一人右副都御史一人右僉都御史  
一人監察御史三十二人經歷一人都事一人司務一

人 第一司獄二人

通政司右通政一人右叅議一人經歷一人

大理寺卿一人右寺丞一人左右寺正各一人左右評  
事各三人司務一人

太常寺卿一人少卿一人典簿一人博士一人協律郎  
二人贊禮郎七人司樂二人奉祀三人祀丞三人

光祿寺卿一人少卿一人典簿一人署正四人署丞四  
人

太僕寺卿一人少卿二人寺丞二人主簿一人寺在滁  
州

詹事府主簿一人  
續文獻通考卷之八十四 三十六 三百五十五

國子監祭酒一人司業一人監丞一人典簿一人博士  
三人助教六人學正五人學錄二人典籍一人掌饌一  
人

應天府府尹一人府丞一人治中一人通判二人推官  
一人

鴻臚寺卿一人主簿一人署正二人鳴贊二人序班九  
人

翰林院學士或侍講讀一人孔目一人

尚寶司卿一人

六科給事中六人管冊戶科給事中一人

太醫院院判一人吏目一人



欽天監監正一人主簿一人

行人司司副一人

五城兵馬司指揮五人副指揮八人吏目五人

設官事例

太祖吳元年選郡縣官三百三十四人賞綺布道里費及

其父母妻子有差著為令曰以養汝廉奉公無漁民也

洪武元年 詔中書省自今除府州縣官 賜銀十

兩布六尺徵天下賢才為守令厚 賜而遣之 三年

上幸後苑見巢鵲卵翼嘆曰誰無母子令群臣親老

得歸養是年 賜朝臣袍帶 賜廉吏嵩縣劉典史布

帛擇文儒性行清潔者充學官 賜文武官朝服公服

續文獻通考卷之八十四

三十九

四百五

又 賜冬衣 四年中書省上府州縣一千二百三十

九凡官五千四百八十八人令官吏犯賊者勿赦 六

年令京官三十月一考考陞一等外官三歲一考考陞

一階 勅按察司舉察有司官 七年汰北方府州縣

官三百八人增公侯伯都督丞相御史大夫等官祿有

差 八年增尚書行省叅政公田祿各百石 十年制

賜百官公田租充祿俸初給典史祿有差是年併省

州縣 十一年 命考績殿最分三等稱職無過為上

賜坐宴有過稱職中宴而不坐有過不職下不預宴

叙立於門宴者出然後退廣西布政使臧哲母憂去

賜米鈔令喪去官並有 賜 十二年著令給丁憂官

俸有差 十三年置判祿司頒臣戒錄 上既誅胡丞

相 命儒士纂歷代侯王宗戚文武宦官悖逆不道者

凡二百十二人為是錄云 詔復京官家 勅守令恤

民 十四年 詔有司遺替閑釋放官赴京叙用定考

覈殿最法禁有司差遣學官 十五年 賜六部尚書

馬 十六年廣東布政司請慶賀班秩 上曰禮行於

藩司班以秩叙 十七年吏部尚書俞熾上更定吏員

資格申薦冒濫考課失實之禁熾上考績法著為令令

方面勿侵郡縣之職 十九年選應天諸府富民子弟

補吏凡千四百人 二十年選南方學官有學者教

北方 二十四年 賜有司方面官馬 諭兵部試尚

續文獻通考卷之八十四

四十

四百五

書茹瑞曰布按二司官方面重臣府州縣官民之師帥

踰驢出入非所以示民或假馬部民因被浸潤不能舉

職甚乖治體其官為市馬司二十四府半之州縣又半

之馬一率十戶食之歲一更定儒學訓導位雜職上

二十五年頒醒會簡要錄 上以中外文武百司職名

沿革品秩崇卑勳階陞轉俸祿損益歷年屢更無以示

成憲於後世 命侍臣重定其制頒天下 二十六年

頒諸司職掌定學官考課法初 命儒學訓導冠帶上

名吏部附選貼黃 頒世臣總錄 二十八年頒 祖

訓條章 勅禮部有言改 祖法者以好臣論無赦是

年罷百官朝參 賜食 二十九年始定外官三年一

朝觀 三十年須爲政要錄 三十一年定吏員出身

資格 建文中更官制 文皇盡復故惟存大理寺

仁宗即位之歲 命吏兵二部尚書襄義李慶書都布

按三司官姓名履歷於武英殿西序曰 皇考嘗書中

外官姓名於武英殿南廊便覽觀也 宣德五年五月

令追奪賊官 誥勅 七年大學士張瑄乞增南北兩

京七品以下官俸 正統元年副都御史吳訥言洪武

開京官俸全支後因營造減省遂爲例近來小官多不

能贍如廣西道御史劉準由進士授官月支俸米一石

五斗不能養其母妻子女貧同道御史王裕等刑部王

事廖謨等俸米三十餘石去年病死竟負無還乞下廷

議增俸 國初是隸力役當是時百官俸全支已乃折

鈔鈔法不行小臣不能給遂有柴薪之名徵其銀月一

兩 宣德中都御史顧佐以柴薪事被訐 上問楊士

奇對曰京官月俸一石薪炭馬芻咸資皂隸遺半取直

籍其用彼得歸耕人情爲便京官皆然臣亦然自是遂

爲例 巡撫官者永樂間設於要害處洪熙宣德初年

添設漸多用都御史侍郎通政卿丞景泰中悉用都御

史 參贊軍務者始於洪熙元年以武臣疎於文墨選

方面官於各總兵處整理文書商確機密遂名參贊參

謀軍務總督邊備 景泰中大同參政丹陽沈固宣府

參政崑山劉璉山東參議會稽周願廣西副使劉紹如

劉清輩又以郎中給事中稱參贊軍務也 景泰初御

史張子初等言洪武永樂間方面郡守缺聽吏部推訪

內外官賢能而又久於其任者請授御史有缺從吏部

於進士監生中選用 宣德中始有會官舉保之例行

之既久奔競成風所舉非人况御史若從大臣舉保得

任大臣有過彼必鉗口卷舌而不言大臣有囑彼必俯

首貼耳以聽命願停保舉之新例而復洪武永樂之舊

制下禮部會議曰御史言是 制曰可御史陳綱亦以

爲言三年冬吏部尚書王直何文淵言洪武永樂間銓

選專隸吏部宣德正統以來始令大臣舉保景泰初御

史陳綱等言保官徇私 廷議奏乞仍歸吏部今綱等

續文獻通考 卷之八十四 四十二

又言吏部選授私請復行保舉臣等謹議上繼今方

面府正員缺吏部具奏移文各該保官大臣書所保姓

名材行歷官緣由奏下部銓 制曰朕期方面郡守得

人共安養天民令大臣舉保吏部推選已乃彼此相蒙

官不得人民其奈何今後惟布政使按察使缺令三品

上官會保餘還吏部訪求未幾吏科都給事中林聰復

以爲言著爲令 四年御史左鼎言國初建官有常近

年因事添設甚至一部有兩尚書而爲侍郎者倍於原

額爲都御史者率以數十計在外添設撫民管屯等官

如河南參議二員今則添而爲四僉事三員今則增而

爲七若夫巡撫鎮守之官則尤有可言者方岳各司十

餘人不爲少矣每歲又差御史巡視立法可謂詳矣不擇方面以責成不選御史以督察乃復設官以巡撫鎮守往往多出於方面御史則今之方面御史蓋亦他日之巡撫鎮守也豈有爲方面御史則合衆人之長而不足爲巡撫鎮守則任一人之智而有餘耶乞將內外官凡非洪武之舊者參酌裁罷庶民力可紓國用可省委任專而事功可立 七年春令吏員冠帶引入 內府會官考試 成化中太監張敏死姪太常寺丞苗傾貲獻上乞侍郎上曰苗本由承差若侍郎六部執政不可可授南京三品左右急持官制請上竟得南京通政使是時四方自丁錢虜商販技藝輩職之流以及

士夫子弟率夤緣近侍內臣進獻珍玩輒得 賜太常

少卿通政寺丞郎署中書司務序班不復由吏部謂之

傳奉官至於閤老之子若孫南髻亂已授中書冠帶牙

牌支俸給隸但不署事朝參大抵多出於梁方之門

弘治間馬文升言京官額一千二百餘人今傳奉官八

百餘人內實支薪俸者九十一人冗官莫甚於今日請

因災汰罷 正德間亦有附權倖得文階者 嘉靖初

盡革諸傳奉乞陞官 八年又裁冗官二千員後南京

六部正貳卿往往停推土木之役起匠人而官至九卿

者諸富人貴游子獨吏竄名營建籍得官者不啻千

人

太祖洪武二年令功臣子弟入學初製鐵券 三年存恤先鋒府十元帥府戰沒將校家定五等勳爵定武臣世襲之制 四年禮官崔亮定外官慶賀禮以武臣爲班首 五年申定武選法作鐵榜申戒公侯 六年定教練軍士律是歲計武官一萬二千九百八十人 九年擇功臣子耿璘等一百四人爲散騎舍人 十一年選武臣子弟入國子學讀書 十四年令公侯武臣皆遣子弟入國子學受業 二十一年 頒武臣大誥又頒八條 勅諭武臣又 頒武臣訓戒錄又 賜武臣保身 勅 二十二年禁武臣預民事 二十三年 賜

公侯伯屯戍百戶 二十六年 頒稽制錄於諸功臣

二十九年大賚致仕武臣各陞一級銓於甘肅大同

北平大寧遼東諸衛所凡千五百人 永樂元年冬定

軍功襲替例自洪武永樂宣德年軍職絕不論堂兄弟

姪並襲 成化十七年以都御史何喬新言凡軍職絕

非立功人子孫不得襲 弘治十八年又稍許立功人

親姪孫已襲者得沿襲 正德十四年兵部尚書王瓊

又請堂兄弟姪並得襲 十六年兵部尚書彭澤言瓊

議非是復不許襲會兵部火群失職者流言得復襲

嘉靖十年兵部尚書王憲酌議立功人絕同時親弟姪

得襲其姪孫以下及堂兄弟姪除親祖例前相沿人自

立有軍功者扣襲其無功姪孫以下至堂兄弟姪等

沿襲後別無立功者不許襲旁子孫軍職者俱收總旗

天順成化及弘治初年錦衣指揮門達袁斌朱驥等

提督緝捕每至十年或十一年方一類奏下兵部定

議陞者不過五七人多止十人賞或以布絹鈔錠無功

者撻而斥之已而有拏獲妖言陞襲一輩之例於是人

競貪功肆行羅織弘治十八年特詔嚴禁正德

元年錦衣指揮趙鑑葉廣東廠太監王岳鄭旺一時更

代不及數月官校四奏陞賞二年又復類奏已而奸

倖相繼用事廠衛無賴之徒鱗集蟻附辦事之員日增

獲功之奏漸數始則三年一奏或二年一奏後至一年

續文獻通考卷之八十四

一奏或一年兩奏遂有年終類奏之名往往以妖言為

首張皇賊狀無非倚撫之詞連署姓名不辨獲功之數

含糊奏請朦朧擬陞奏一人則陞一人奏百人則陞百

人市井庸流立陞朝籍權門厮役驟至顯榮且其假種

妖書陰為陷穽買同番手誣執平民加以酷法慘刑煨

煉成獄凡經廠衛奏送法司莫敢平反弘治元年

孝宗有拏獲妖言不陞止照成化十四年例給賞之

旨今一切撓廢矣大抵正德年間軍功冒濫其弊

有三秦帶越額也紀驗失實也選法變亂也以故寧夏

陝西甘肅大同應州雲貴江西湖廣山東河南虜賊之

役陞擢極濫嘉靖改元詔革罷凡三千一百九十

九人而在外者又倍之殆不止於廠衛也乃若流官不許世襲著職止加實授今則流官以流得襲著職以署通陞甚至納粟虛銜遂以軍功累授已而諸所革者往往得復故官

官數

遼官數無考

金大定二十八年任仕官一萬九千七百員四季赴選者

千餘歲數監差者三千明昌四年奏周歲官死及事

故者六百七十新入仕者五百一十見在官萬一千四

百九十九內女直四千七百五員漢人六千七百九十

四員至泰和七年在仕官四萬七千餘四季部擬授

續文獻通考卷之八十四

者千七百監官到部者七千二百九十餘則三倍世宗

之時矣

元至元三年總計官府大小共二千七百三十三處

皇明內外官共二萬四千六百八十三人京師一千四百

十六人南京五百五十八人在外二萬二千七百九人

按洪武四年正月申書省臣上天下府州縣官數府州

縣凡一千二百三十九官五千四百八十八員以今觀

之數不啻浮四倍矣

請告事例

凡京官患病嘉靖六年令京官告病者吏部查驗的實

照例放回若託故詐病扶同勘保及病痊不赴任者一

體罷職 隆慶五年奏准京官患病先呈本衙門掌印  
官查勘的確取具同鄉同僚官結狀代奏方准題覆  
萬曆元年奏准凡京官中途養病及先養病在籍未痊  
者須所在與原籍撫按官覈實具奏方與准理 十年  
題准京官告病三年限滿又稱患病者不拘在籍在途  
行所在撫按官查勘如有詐托據實叅處 十一年題  
准京官患病危篤不能久待者掌印官勘實即與代奏  
不拘注門籍三月 十三年題准京官再奏養病者准  
與題覆再告違限者雖起文在二年之內亦不准理徑  
行叅究若請告至三止許告休不許轉假如有材難終  
棄者致仕之後聽撫按科道從公薦舉起用 凡各邊

續文獻通考

卷之八十四

四十七

四十七

督撫兵備等官患病 隆慶三年奏准不許自奏聽巡  
按御史勘明轉奏如有托疾避難者該科及巡按御史  
叅奏處治 凡御史患病 嘉靖七年令各處御史有  
告病者該部查勘是實方准放回若係推避就令致仕  
八年令御史養病三年以上者革職冠帶閑住 二  
十一年題准巡按并別差御史如果患病不支許地方  
官員具實奏聞不許徑自具奏 二十七年令巡按告  
病巡撫官代奏者不准着回道自行具奏聽勘 三十  
三年題准御史在差患病有撫按官代奏者仍准回籍  
調理 萬曆六年令巡按御史養病撫按官代題者行  
都察院勘實咨部方准題覆 凡兵馬患病 隆慶五

年奏准五城兵馬患病照序班例不分正副指揮俱准  
養病痊日起文赴部 進士有疾 萬曆二年題准在  
京調理三月之後如果真病令各該辦事衙門掌印官  
親自驗實方與具題 京官陞外告病 隆慶二年議  
准患病在先推陞在後比外官已到任者不同准令回  
籍養病痊日給文赴部 五年題准今後京官陞外告  
病乞休者俱令致仕不許病痊起用 丁憂患病 嘉  
靖八年議准各官養病限內丁憂及起文在三年之內  
者與違限情似不同進士未經受職亦難與各官彙論  
許吏部催取聽選 十二年令以後進士養病但違限  
三年以上者一體查革 隆慶四年題准但到部在三

續文獻通考

卷之八十四

四十八

四十八

年之外者不論起文日期俱照違限革職其三年赴部  
而又稱中途患病者照有疾例致仕 六年題准養病  
官員起文在三年之內到部在三年之外者該司查驗  
果有本處官司印信保結照例收選 外官告病 嘉  
靖四年令有假託患病致仕者不准方面官六十以上  
方准致仕外官有不奏棄官及奏不候命而去者該部  
科道及撫按官糾舉 二十二年奏准外官在任患病  
務由撫按官題允查明方許回籍如不候擅回者革職  
爲民同僚官一併治罪 萬曆三年令外官有疾照例  
致仕不許撫按官更爲議調以啓規避 九年題准倉  
官巡檢考滿及在籍服闋呈告起送者撫按官查已老

疾不堪即令致仕 凡外官陞京職未任患病 隆慶五年議准行彼處撫按勘實放回調理

官員致仕事例

孝宗弘治十一年題准兩京五品以下官乞致仕者本部查其曾經三六年考滿稱職擬陞相應職銜具奏令其致仕不稱者仍照原職致仕 十五年奏准在外衙門七品以上官有三年或六年曾經到部考稱及任內曾有旌異例該陞擢自願致仕者本部擬陞職銜或加散官服色令其致仕如布政使無官可陞者另行奏請定奪 嘉靖十年題准內外官願告致仕者京官部院考稱職外官撫按有旌異及無所規避者方許陞職如考績未獻通考卷之八十四 四十九 萬曆十一年語含糊僅保無過雖歷三年六年考滿止以原官致仕 四十二年議准 王親布政使乞休查係三年之外致仕者准以正二品初授散官六年之外致仕者准以正二品陞授散官九年之外致仕者准以正二品加授散官 四十四年議准各衙門乞休官員如果勞績又著輿論僉等者照進階陞職例如尋常守官謹愿無過者照原職例或晚節不終有所規避者止令冠帶閒住不准致仕 嘉靖十年奏准凡大小官員陞遷未到任告致仕者只許以原職致仕 萬曆十一年題准在外官員中途患病願告致仕者許令差人自奏先行准覆後行撫按官查覈有詐託者徑自參究 十二年題准

京官陞外職告病者以原任京官致仕外官陞京職告病者止以原任外官致仕陞授長史者以新銜致仕 十三年題准陞除未任及公差考滿官員在于原籍官司告乞致仕者查驗文憑執照明白即與轉申上司達之撫按應題請者照例題請應報缺者類本報缺毋以官非統屬故有留難 凡兩京考察被劾聽降聽調官奏要以原職致仕者聽外官朝覲來京考察不及調用改教官員告乞以原職致仕者取結類題

續文獻通考卷之八十四  
續文獻通考卷之八十四終

五十  
丁亥三

續文獻通考卷之八十五

皇明進士雲間王圻纂輯

職官考 三公 宰相

三公 三孤附

遼北而于越府有大千越無職掌班百僚之上非有大軍  
功者不授遼國最尊之官猶南面之有三公也太祖以  
遙輦氏于越受禪終遼之世以于越得重名者三人耶  
律曷魯屋質仁先謂之三于越 南面置三師府太師  
太傅太保少師少傅少保又有三公府太尉司徒司空  
此皆南面朝官之長 公師府有掌印官一人  
金三師太師太傅太保各一員皆正一品師範一人儀刑  
續文獻通考 卷之八十五

四海三公太尉司徒司空各一員皆正一品論道經邦  
燮理陰陽

元三公太師太傅太保各一員正一品銀印以道燮陰陽  
經理邦國特示尊崇 太祖十二年以國王置太師一  
員 太宗即位建三公其拜罷歲月皆不可考 世祖  
之世其職常缺而僅置太保一員至成宗武宗而後三  
公並建無虛位矣又有所謂大司徒大司空太尉之屬  
或置或不置其置者或開府或不開府而東官管置三  
師二少蓋亦不恒有也 馬祖常上言司徒司空皆古  
三公之流人臣名爵無如此極比者聖上踐祚之初沙  
汰冗濫尤慎此官僅歲暮有閒雜人等如沈宗攝注元

局輦亦受司空司徒竊恐天下後世傳為口實非便

仁宗延祐五年監察御史言比年名爵濫冒太尉司徒國  
公接迹于朝昔奉詔裁罷中外莫不忻悅近聞禮部奉  
旨錄太尉司徒司空等印二十有九此輩無功於國載  
在史冊貽笑將來請自今閑閑貴重勲業昭著存留一  
二餘並革去制曰可

皇明

國初設三公府正一品府罷而李善長徐達以丞相兼太  
師太傅常遇春以上公贈太保三孤無兼領者

太祖高皇帝下江左因勝國之舊為五等爵以贈勲臣及  
文武之死綬者其後有王公侯伯之典而罷于男至公  
續文獻通考 卷之八十五

孤絕不以為贈

太宗文皇帝罷公孤官

仁宗洪熙中復設太師太傅太保曰三公少師少傅少保  
曰三孤侍 上左右備顧問咨幾務無定員無專授為  
勲戚文武大臣兼官加官贈文官惟贈得三公 嘉靖  
初楊廷和一品十二年加太傅辭不受 時置公孤官  
以居英國公張輔尚書蹇義等於是加贈姚廣孝胡廣  
得少師馬京少傅墨麟得少保文臣之贈三孤自廣  
孝等始

宣宗宣德中寵夏原吉其卒也欲爵之而不果故特崇以  
太師而寒義因之文臣之贈三公自原吉始嗣黔公沐



越之薨欲王之則無功欲母贈則不容已故特優以太師勲臣之贈三公自黔公斌始周太保尚文之卒岳都督懋之戰歿宜伯而靳之一崇以太傅一崇以少師武弁之贈公孤自尚文懋始少詹鄒濟贊善王汝玉爲仁廟舊宮臣故即位而贈太子少保賓客文臣之得贈東宮大僚自濟汝王始王一宰侍郎也以閣臣而得太子太師三品之職得三太自一宰始

太子太師 太子太傅 太子太保從一品 太子少師 太子少傅 太子少保正二品 太子賓客正三品皆東宮大臣而不列於詹事府無定員無專授爲勲戚文武大臣兼官加官贈官或曰東宮公孤初蒞

續文獻通考卷之八十五

三 四百九十九

詹事府 洪武元年李善長徐達兼太子少師太子少傅治書侍御史文原吉范顯祖皆兼太子賓客

二十五年立皇太孫始以宋國公馮勝穎國公傅友德兼太子太師曹國公李景隆涼國公藍王太子太傅開國公常昇全寧侯孫恪太子太保詹徽爲太子少傅兼吏部尚書茹瑋爲太子少保兵部尚書

太子太師 太子太傅 太子太保以道德輔教太子而謹護翼之太子少師 太子少傅 太子少保奉太子以觀三公之道德而教諭焉太子賓客侍太子規誨贊相禮儀而先後之

太子規誨贊相禮儀而先後之

宰相

遂凡面北宰相府掌佐理軍國之大政皇族四帳世預其選南宰相府掌佐理軍國之大政國舅五帳世預其選各有左右宰相二人下有總知軍國事知國事南面有大丞相左丞相右丞相平章事叅知政事等官列于中書令下有左僕射右僕射等官列于尚書令下

遠有五京聖宗時設東京中京南京宰相府各有左右相左右平章政事統和二十一年七月召北府宰相蕭塔烈葛南府宰相漢王貼不及南北院樞密使等賜坐論古今治道

金左丞相右丞相各一員從一品平章政事二員從一品

續文獻通考卷之八十五

四 四百五十五

爲宰相掌承天子平章萬幾左丞右丞各一員正二品叅知政事二員從二品爲執政官爲宰相之貳俱列于尚書令下

海陵天德三年五月以戒勅宰相以下官詔中外

世宗大定二十四年閏十一月制外任官嘗爲宰相者凡吏牘上省部依親王例免書名二十五年十月以宰臣年老艱于久立命左右置小榻廊下使少休息

章宗明昌三年尚書府奏知河南府程嶧乞進封父祖權尚書禮部堂懷英言宰執除外任長官其佐官以下相見禮儀皆與他長官不同其子亦得試補省令史且祖父封贈禮當不同合與宰執一例封贈從之承安

三年四月諭有司宰相遇雨可循廊廡出入

宣宗與定三年四月以天暑詔宰相四日一奏事

元宰相正一品銀印統百官宰百司居中書令之次令缺

則總省事佐天子理萬幾初職官未初 太宗始置右

丞相一員左丞相一員 世祖至元後尚書省與中書

省更變不一丞相增減無定 武宗至大四年尚書省

仍歸中書丞相凡二員自後用之不易 至正間復有

添設左丞與右丞之名

平章政事四員從一品掌機務丞相凡軍國重事無

不由之 文宗至順元年定置自後因之至順帝時復

有添設第三平章之名 至元十五上諭昂吉兒曰

續文獻通考

卷之八十五

五

高

四

宰相明天道察地理盡人事兼此三者乃為稱職爾縱

皇明

太祖即吳王位首建百司官遂以李善長為中書省右相

國徐達為左相國仍元制常遇春俞通海為平章政事

汪廣洋為右司郎中張瑄為左司都事因 諭善長等

曰卿等為生民計以推戴予 然建 國之初當先正

紀綱元民昏亂紀綱不立主荒臣專威福下移由是法

度不行人心渙散遂致天下騷亂今將相大臣當鑒其

失宜協心為治以成功業毋苟且因循取充位而已又

禮法國之紀綱禮法立則人志定上下安建 國之

初此為先務爾等為吾輔相當守此道毋謹於始而忽

於終也 吳元年黜中書省參議李欽冰楊希聖先是

李善長劾奏二人弄權不由執政 太祖命黜其面云

姦狡百端詭譎萬狀 洪武戊申春改中書省左右相

國為左右丞相左右丞各一人參知政事二人以宣國

公李善長為中書左丞相兼少師徐達為丞相統六部

事已酉冬 太祖以事詰責丞相李善長劉基謂善長

勳舊且能和輯諸將 上曰是數欲害汝汝乃為之地

耶 太祖又欲以楊憲為丞相基素厚憲對不可 上

恠之基對曰憲有相才無相器夫宰相者持心如水以

續文獻通考

卷之八十五

六

高

四

義為權衡而已無與焉者也今憲不然能無敗耶 太

祖曰汪廣洋如何對曰褊淺觀其人可知又問胡惟庸

如何對曰此小獷將債轅而破犁矣 太祖曰吾之相

無踰于先生對曰臣非不自知但臣疾惡太深又不柰

煩為之且孤 大恩天下何患無才願 明主悉心求

之如目前諸人臣誠未見其可也 庚戌召山西參政

楊憲為右丞陝西參政汪廣洋為左丞憲尋被誅 辛

亥春正月太師右丞相韓國公李善長致仕以左丞汪

廣洋為左丞相參知政事胡惟庸為右丞相 癸丑春

正月黜丞相汪廣洋為廣東參政以柔佞怠政也七月

以胡惟庸為左丞相陳寧為御史大夫 惟庸濠州定

命爲丞相 丁巳夏五月以太師韓國公李善長

曾國公李文忠共議軍國重事總中書省都督府御史

臺是年召汪廣洋復爲丞相 己未冬十二月汪廣洋

謫海南至太平暴卒 庚申胡惟庸伏誅遂罷丞相

時監察御史許士應請復三公府 太祖不聽然藍玉

以涼國公常領太傅當是時翰林春坊官看詳諸司奏

啓署翰林院兼平駁諸司文章事某官某雖設 殿閣

大學士如宋訥吳伯宗皆侍左右以備顧問不得平章

國事 壬戌冬十一月戊午倣宋制置 殿閣學士以

禮部尚書劉仲質爲 華蓋殿大學士翰林院學士宋

訥爲 文淵閣大學士檢討吳伯宗爲 武英殿大學

士時未有 內閣掌機務者仲質等尋以事降試監察

御史

成祖靖難後復開 內閣于東角門名 文淵閣 命吏

部及翰林院文學行誼材識之士入直贊襄時得待詔

解繙修撰胡靖編修楊榮吳府審理副楊士奇侍書黃

淮給事中金幼孜桐城知縣胡儼入居閣中 諭以委

任腹心至意專典機密雖學士王景華不得與焉 內

閣自此始矣是冬陞解繙爲翰林侍讀學士胡廣黃淮

胡儼皆侍讀楊榮楊士奇金幼孜皆侍講

仁宗正位 東宮皆轉春坊官凡草制纂修等事惟翰林

院掌之無 內閣掌管之說如永樂十三年纂修性理

大全書成翰林院學士兼左春坊大學士奉政大夫胡

廣文政大夫右春坊右庶子兼翰林院侍講楊榮奉直

大夫右春坊右諭德兼翰林院侍講金幼孜上表進呈

蓋雖春坊官必須兼翰林院職銜方得預纂修之事未

有 殿閣大學士而獨任纂修之事者也然胡廣所兼

不過春坊大學士則是時 殿閣大學士不設已久矣

今尚書在 內閣辦事六部請 勅手本只云合用手

本前去翰林院寫 勅施行則舊意猶存可考也終永

樂之世二楊官止五品蓋爲衙門所拘初未有衙門小

官大之例 仁宗登極始以 東宮舊臣陞士奇爲禮

部侍郎尋陞少保兼 華蓋殿大學士楊榮爲太常卿

進 太子少傅兼 謹身殿大學士又陞工部尚書在

內閣辦事楊溥永樂間繫獄十年釋出擢翰林院學

士尋陞太常卿兼學士 內閣辦事此三人皆以 龍

飛超陞委任不可以例論也後楊溥丁憂起復不入閣

宣德間因九年三品考滿方陞禮部尚書學士如故

正統中復 命入 內閣四年修 宣廟實錄成進

少保楊士奇楊榮俱進少師號三楊初楊榮陞尚書不

過工部則不敢以兼官壓六卿之意可見然自官制一

變之後遂使雜流出身在 內閣書辦年久者亦得陞

至尚書至于序班道士亦以年資陞至尚書掌鴻臚寺

太常寺事皆三楊開其端也由是 內閣之權漸重無

異宰相而六部之權漸輕凡事多稟受 內閣風旨而後行卒使 祖宗官制額定之員得以增置而日久因襲遂不可改瑣綴錄有云 國初革中書省不設宰相永樂初乃設 內閣選翰林院六七儒臣居之職知制誥日備顧問參決政機隱然相職而官不過學士洪熙中始陞孤卿 又黃氏瑜云永樂初 命侍讀解縉等七人入掌密勿凡行移稱翰林院 內閣官傳旨條 旨則與尚書兼義夏原吉同事而學士王景華不與焉時閣老皆躋保傅參預機務宣德初臨視至再始設庖廚不復退食于外而出掌部者不再入正統初開經筵于 文華殿 聖駕自是罕至傳 旨則中官續文獻通考 卷之八十五

九 四百三十九

專之惟條 旨墨書小票司禮監用硃批出間有依違而他官不與迨徐武功李文達掌 文淵閣事始以政府視之人亦稱為宰相矣殿閣詞林亦云 內閣參贊機務自成祖始然惟大學士暨學士而已即所謂入內閣辦事也至於閣臣罷任多以禮待甚重而削奪者亦不過於批旨內行遣而已

世宗嘉靖中寵任輔臣無過於張夏而二公罷相皆有勅諭群臣八年八月十五日 諭朕本藩服以我 皇兄武宗毅皇帝青宮未建上賓之日 遺詔命朕入繼大統以奉 天地社稷之祀君主臣民當是時楊廷和等懷貪天之功襲用宋濮安懿王之陋事以朕比擬

英宗 繼入子之親敗亂天倫之正朕方在冲年蒙昧致彼僉為欺侮其時幸賴 皇天垂鑒 祖宗默佑以今輔臣張璁首倡正議忘身捐命不下鋒鏑之間遂致人倫潰而復叙父子散而復完厥功具載莫可泯遠朕念璁等忠 王事授以重職擢居輔導欲其全 君臣始終之義之美柰何璁等自居官以來不思圖終之難頓忘謹始之志自用自恣負 君負國所為事端昭然眾見而桂萼尤甚近以言官屢劾朕不敢私論法本當置諸刑典特從寬貸璁令還家愴悟以資後用萼奪其散官併學士職銜回籍致仕其餘黨分別區處庶幾仁之中義之公兩盡焉又照給事中孫應奎王準陸粲居續文獻通考 卷之八十五

十

言官之列有耳目之寄既知大臣若斯却乃坐觀至此方行舉劾實非忠愛之本心亦負 朝廷之委任者也應奎首為進言姑免究陸粲已究外王準也著法司提了問茲特 諭爾文武群臣庶令咸知朕意其璁等既已處置了他每罪固不可掩而功尤不可掩內外大小官員軍民人等不許乘此挾私離奏擾取有違的決行重治不宥尚賴文武群臣協心同力匡朕不逮凡近日所行事務有未當者都着條奏更正可行的不許一槩混開勿得罔 上縱私効倣為事事或敗露法典具在必罪治之爾禮部便轉行都察院刻布天下悉使知之故諭 十年某月日 勅諭三法司薛侃以猖狂之生

發不諱之言據其言似忠謀遠慮但朕非宋仁宗向暮之年原其心實懷欺罔忍於言 君終無建嗣之期妄生異議致惹事端法司擬罪來看彭澤質非有用性本無良小人狡詐之資奸邪譎詭之行往來構禍搬弄是非致薛侃招稱有干 宗室傷朕親親之情俾輔臣急於攻擊害朕 君臣之義罪犯深重法當處死姑從寬宥發邊遠地面充軍輔臣張孚敬初以建言大禮朕特不次進用既而被人彈劾有 旨令其省改却乃不慎於思罔悛於性朕心腹是托奚止股肱而已望以伊傳之任豈惟待遇是隆乃昧休休有容之量犯戚戚媚嫉之科殊非朕所倚賴專於忌惡甚夫丞弼之任難以優

工二道裁理天下非求仙用夷荒昧之爲止是一早朝終不下一耳然 君逸臣勞務本抑末失小顧大先賢用之朕雖失此早一臨門視多命攝愛此身愈是父母遺我者宗禮帝神加志天下不曾色荒聲迷於不省人事之地無一時不思天下付民上賴爲人君之職所當懼者奈何世降人浮求一人才夾輔卒不可得昨夏言測 東宮遷移無故稱改慈慶爲 東宮府夫廢 母后悖制以縱奉子朕必不爲言前稱朕意爲正駁郭勛爲非今何一用勛言若今謂爲忠正前亦忠正前謂爲非則今亦非也夫嫉人賢已必欲美皆已出惡亦無歸夫何謂郭勛以不領 勅下獄矣猶千羅百織如何自擬 君旨謂不必用 勅言官係 朝廷耳目一大不如專一聽受主使逆 君沽譽傾人取位以奉所悅或戕人一家以代報復吁是人爲乎又凡工作例有內官監官作撰 大享殿興工何無高忠 勅稿前歲忠代言進玉器 祝壽朕已疑其與彼同計矣今果通泄朕言不具 勅稿果無例耶果不通謀耶昨又聞乘轎苑中次日朕以香葉束髮巾用皮帛鞋以便跪起彼謂不可失無 賜而自乘轎也有 命而抗違非禮也且朕不早朝彼亦不入 內閣軍國重事徑自私家而專裁之 王言要密豈宜人臣視如戲具如此大事言官豈無一人知見不聞一言片疏糾發徒知欺謗 君主

弄法肆文排擠忠直貪生媚竈今日神鬼皆怒雨甚傷禾卿等布 諭俾中外知之時言待罪於家又十五日降 口宣召入拜 皇考諱辰御仍直候內苑禮成言具疏謝罪留中至七月朔奉 御批言始因朕 諭亨敬令上疏論郊禮漸階寵用出群臣之首累次放恣欺慢全無驚懼面諛退諱深負朕恩遇優禮之甚屬當日食太重正坐下慢上之召令革職閑住已乃降 勅諭禮部曰今日仰 天心下眷本朕不才累及太陽正坐臣子欺逼 君父外陰侵犯內陽之咎夫 天子者有臣道焉豈可居母位以匹天是一失厥當退處本位夏言以臣欺凌 君上作威作福不下郭勛之罪但卿五

續文獻通考

卷之八十五

十三

五十五

六人累年供事 內苑讚誠左右獨因此切軫朕心故免死去之用仰承 天戒是二失中華陽外夷陰令夷犯華若蹈荒原可見此時內外臣工通不愛民如身視國如家是三失若是三咎厥災甚大伏荷 皇天降示朕丕感弗勝即於明日為始修省三月初五日躬祇告于 玄極殿內外大小百工宜各洗淨乃心修舉乃職目即戎務為急司其事者盡心圖濟用保吾民禮部刊刻頒布天下敬哉敬哉 詳夏之得罪每以偃蹇傲惰見咎而不知肯以致敗慘 先是十八年五月已巳上幸大峪山閣視 陵工 內閣以居守 初稿進覽遲緩 上不悅因責輔臣夏言欺慢狀言具疏引罪

上大恚曰言自微官朕 命張孚敬示令建贊郊禮之儀遂不次進官其所倚任皆 朝廷恩養自當益勵公勤盡忠事 主乃每每怠慢不恭昨所選擬宮僚多不稱用密疏既不遵式却借封皮以便私情既不遵奉 原賜印記并歷年 御帖可即進繳 御前雖無稿其數尚可查考無得隱匿取罪空痛自省改以供職業言復自陳臣一介凡庸遭逢 聖明在上追惟 郊禮之議雖小有論贊寔首發自 淵衷成以 睿斷臣實何知何能遂蒙顯拔不次進用臣非犬馬草木敢不思感 恩圖報於萬一昨 扈從南巡偶以疾昏迷時典禮方殷因勉強赴閣供事至於錄進舊文併撰居守

續文獻通考

卷之八十五

十四

五十四

初稿既失稽遲而密疏之陳又屢違 欽式不意聖度優弘勉之省改使得自新臣於此惟有感激流涕痛自悔省而已復欽奉 聖諭令以 原賜印記并歷年 諭帖進繳臣於恐懼待罪之餘尚有意外祈 恩之望蓋印記之文乃 特賜嘉獎 聖諭諸帖皆 親灑宸翰比隆於典謨訓誥已編之 御集當傳之萬世惟是臣之家藏實臣一時遭遇之榮為子孫百世之寶今一旦追取臣忍舍之伏望重加矜念仍以 賜臣或別加罰治則臣死且不朽矣疏入 上曰言既實 君命手澤可見其實有 旨追取數日不繳必有殘壞禮部即取進繳姑念昔日贊議 郊典革其勳階少師官

職其以少保兼尚書學士致仕言乃檢 手勅 諭帖

自嘉靖九年起到十八年共四百餘道爲十二匣銀印

記一顆具疏上之 上諭吏部閣臣夏言初出朕簡用

首因奉祀建贊 比郊茲典至大言知之真正克贊成

之朕嘗曰昔孚敬爲綱常立論正吾父子之名言不忌

禍患能贊吾復 皇祖初禮二臣於我有功不意言以

惰慢之資起進丞弼之任身居是位猶不警勵昨已令

去之然朕復念言建助大儀力贊 陵議復他少傳燕

太子太傅禮部尚書 武英殿大學士還閣辦事贊

終喪禮宜省思盡忠未可怨尤其君上也即日任事初

言既罷政將行詣 闕辭 上遣司禮官止之 命還

續文獻通考

卷之八十五

十五

四百五十一

家候 旨隨降是 諭言即進閣上疏謝 上報曰覽

卿已起閣朕知悅已卿宜益勵初忠盡心輔政事秉公

持正不惟副朕任亦免衆忿也卿其思之言復疏謝且

言自處不敢後於他人一志孤立爲衆所忌 上覽之

不悅隨詰責之并殊塗疏中洗改字數處言乃惶恐引

罪得 旨報聞亡何 上以 奉先殿雷震召大學士

夏言領昌臣往視時暑已移辰矣而言等尚未入政府

上不悅曰輔臣朕所憑倚恣逸若是何以表率群工

命禮部劾之言等請罪 上曰朕每寬言過非爲言

爲左右義重也言乃飲憤成疾遂不知儆其何以表率

百僚萬臣亦相效既已知罪姑宥之自後諸司敢踵過

蹈非者禮部都察院奏相黨護者連坐 十九年五

月始給還進繳一御書四百三道銀記一刻 手勅一

道二十年八月言久疾在告 上以慈壽皇駕 皇太

子服制議示言具疏對誤寫字號被 旨切責令從實

陳狀言引咎謝罪并乞假還鄉治疾 上怒曰言初以

言職朕 命孚敬傳示 令上言 郊禮自是異擢崇

遷春出群臣上何肆意放恣一至於此茲方 廟災修

省之初 皇伯母大喪之際邊圉未靖屬 主憂之時

乃罔思體念居出任意病已將平敢於求逸大負倚注

本當遣問第念往勞落職令致仕去因盡削其階勳職

秩止令以禮書帶 武英殿學士而已言初測知 上

續文獻通考

卷之八十五

十六

四百五十二

怒奏傳虜事室 上答曰言既蘊忠謀何乃堅於自愛

負朕眷倚姑不究 又五日九月朔 諭禮部今古異

時縱孔子生未必不與我同朕自十三年受病重咳六

十日餘昨冬復得奇疾非熱非寒臥三旬乃起早朝遂

廢百司盡怠不知 君父本心非放恣聲色大抵生長

南方多脆非北地比奈夏言首輔先懈群臣効尤姑令

罷去今在位者務思忠勞之實勿慢天欺 君曠職自

肆又六日壬辰言入詣 迎和門辭 賜酒饌 無逸

殿仍不還寢室調理以候後 命至九月丁卯一月餘

乃 詔以少傅 太子太師禮部尚書 武英殿大學

士赴閣仍 賜假調理令於十一月 廷謝履任至壬



寅之詔凡三禡矣 戊申兵部議復三邊侍郎曾銑復  
河套疏 上以言主議銜之下問 內閣露意大學士  
嚴嵩遂攻言 上批謂言於銑疏初至時乃密疏稱人  
臣未有如銑忠者朕已燭其私但知肆其所為不顧  
國安危民生死惟徇曾銑之欲云云言懼自辯 上批  
答爾等 朝廷倚政之本自宜先以邦民為心如何專  
徇私情強 君脇眾昔密奏未允乃詐稱 上意必行  
茲所奏又無引罪詞吏禮二部會都察院叅看以聞部  
院叅言事惟任意跡涉強 君 上曰爾等奉 旨議  
奏猶謂跡涉此非媚即畏是何國體姑不究夏言創奪  
餘官以尚書致仕尋捕曾銑子淳及言翁婦下獄得其  
續文獻通考 卷之八十五 十一 四百五十五

交通事狀 詔夏言着錦衣衛差官校逮繫來京問三  
法司謂言法固當新以直侍多年効有勞勩據律有議  
能議貴之條請自 上裁 上怒曰爾等任曰執法豈  
不知 恩威當自 上出乃敢借意朋護朕視言為腹  
心言則視 君為何方銑疏上時即密奏強 君朕何  
嘗一言諭答敢動稱有 密諭主行及事敗止令致仕  
又不知引罪故作怨語曰前去因不帶香巾為 朝廷  
計非以身家是入臣禮與彼正以 西內二三月直候  
不得見蘇綱為辭爾等又為言直侍 內苑堅恣朋護  
之私是何法理其更擬奏遂同銑原坐交結近侍官員  
紊亂 朝政律斬妻子流三千里及秋竟不免

隆慶三年五月吏部缺尚書方奉 旨會推忽傳  
中旨起高拱以少傳兼 太子太師吏部尚書 武英  
殿大學士入閣預機務掌吏部事明年二月 諭免奏  
事承 旨故事 召內閣輔臣必遣行人以示優眷時  
吏部不以例請而移咨兵部遣一指揮往拱衙之遂與  
閣僚漸不相能 四年二月都御史王廷去位以禮部  
尚書 文淵閣大學士趙貞吉掌都察院事 六年六  
月傳 皇后懿旨 皇貴妃令旨 皇帝聖旨說與內  
閣五府六部等衙門官員 大行皇帝賓天光一日召  
內閣三臣在 御榻前同我母子三人親受遺囑就  
東宮年小要你們輔佐今有大學士高拱專權擅政  
續文獻通考 卷之八十五 十八 四百五十五

朝廷威福都強奪自專通不許 皇帝主事  
要何為我母子三人驚懼不寧高拱便着回  
許停留你每大臣受 國家厚恩當思竭忠  
何只阿附權臣蔑視 幼主姑且不究今後  
務慮用心辦事如再有這等的處以典刑

續文獻通考卷之八十六

皇明進士

職官考 四輔 宰相屬官

翰林院 史官

四輔

皇明

太祖吳元年置四輔官尋罷之先是雷震謹身殿 太祖

感天變因置是官時龔敦字文達江西南昌人學博行淳卿里推

重以明經辟為教授尋以御史葉孟芳薦被徵及杜敦

趙民望吳源兼 太子賓客位列公侯都督之次秩正

三品告子 太廟必欲德合天人均調四時以臻至治

續文獻通考 卷之八十六

杜敦字文達江西南昌人勤慎力學精易書詩又者儒王本李佑安邑人

皆至 太祖坐武英殿西廡 召見使言志皆對曰不

敢上負 聖明自棄明時遂擢本佑龔敦為春官杜敦

民望源為夏官秋冬官缺以本等攝之嘗 諭令沐浴

致齋精勤 國務或 賜勅獎之每 賜坐講治道且

各圖像 賜衣三襲又 賜待漏院記未幾龔敦致仕

再起為國子司業陞祭酒因監生告假不奏聞 上怒

其賣放坐罪免杜敦疾卒本犯極刑 召前御史安然

代之然穎川人又云祥符仕元為左丞守萊州大將軍

下山東然來授起居注改給事中尋擢山東行省叅政

洪武二年擢為工部尚書五年拜河南行省叅政九

年改擢江浙布政使十二年 召為御史臺右大夫明

年改左中丞五月坐事免至是 召為四輔官每論事

賜坐多所裨益卒年五十八 上親製文遣官祭之

源先為興化府教授後以中書舍人林廷綱薦被徵尋

皆坐黜惟李佑以老疾還鄉此職遂廢

宰相屬官

宋寧宗嘉定九年袁燮請增置宰屬疏畧曰臣聞人主不

能躬親庶政故必擇忠賢以為之屬然宰屬者朝廷政

事靡不關焉顧不重與故神宗皇帝嘗謂左右司所以

學為宰相洋洋乎帝王之格言也臣嘗觀周禮天官冢

宰之職雖有百官羣有司無所不統而獨於其為宰屬

續文獻通考 卷之八十六

者表而出之故其序官曰太宰卿一人小宰卿中大夫

二人宰夫下大夫四人上士八人中士十六人下士三

十二人自小宰以至旅下士合六十有二人皆宰屬也

其品秩雖不侔然與開國政足以裨太宰之所不逮者

均焉耳太宰以輔佐人主為職而為屬者又以彌縫太

宰為職合眾多之謀智諱國家之利害豈復有所闕哉

今之宰相古太宰之職也太宰之屬至於六十二人而

今之為宰屬者不過數人何其多寡之甚相遠哉蓋自

漢而下寢不如古所謂宰屬者惟曰長史曰司直曰公

府掾而已去古益遠法制益靡而堂後官始得以用事

我藝祖皇帝知堂吏之好賄也開寶五年詔選令錄簿

尉爲堂後官以士人代之取其究心儒學通知古今足以爲宰屬之助與吏胥固不侔也自時厥後任吏如故蔡京兼政陰與交結更相表裏而紀綱日廢矣今陛下更化以來垂意宰屬精選才能之士以戢堂後官之奸可謂盛舉然政事不勝其多而宰屬不過數人耳目不能徧察思慮不能周知速則鹵莽緩則壅滯甚非所以彌縫宰輔也而况邊境未寧干戈未息正國家多事之秋有大議論有大更張必得人以共圖之自從臣以下謁見宰輔不過一再耳豈能如宰屬之無時不見疑密無間哉當世所切不容少緩伏惟陛下明詔二三大臣增置宰屬雖未能復成周之制亦宜求賢俊秉心公正

續文獻通考

卷之八十六

三

皇朝

者共濟國事則所補者多矣惟聖主垂圖之

遼宰相屬官有堂後官有守堂官有令史

金元無考

皇明 國初設立相國平章左右丞叅政卽古宰相之職故置左右司郎中都事等官爲之屬至 洪武十三年革丞相餘官皆革後設殿閣大學士備顧問並不預政故不置屬景順以後機務繁重而 內閣 制 誥兩中書舍人以書辦供事朝夕卽古之宰相屬也選用或由進士或由舉人監生儒士以纂修劬勞者亦得入始稱清華之秩矣

內八府宰相附

宋遼金無

元制內八府宰相掌諸王朝聘償价之事遇有詔令則與蒙古翰林院官同譯寫而潤色之謂之宰相者其貴似侍中其近似門下故特寵之以是名雖有是名而無授受宣命品秩則視二品

按輟耕錄曰內八府宰相視二品秩而不降受宣命特中書照會之任而已寄位於翰林之埽隣埽隣者官門外院官會集處也所職視草制若詔赦之文則非其掌也至于院之公事亦不得與焉例以國戚與勳貴之子弟充之

皇明不設

續文獻通考

卷之八十六

四

皇朝

中書省

宋度宗咸淳九年三月置機速房於中書襄城既失賈似道復上書言事勢如此非臣下馳驅聯絡氣勢將有大可慮者帝曰師相豈可一日離左右似道乃建機速房以革樞密院漏泄兵事稽遲違報之弊

舊宰相繼以門下省而主封駁之事其給事中諫議大夫起居注補闕拾遺與典儀城門符寶皆屬官也宋自紹興中廢門下省而元因之故今繼以中書省及其屬官而給事中等官仍附於中書省掾屬之後通事舍人之上其間以門下省者遼所置也

遼南面中書省初名政事省太祖置 世宗天祿四年建

政事省十二年改中書省

金初置中書省海陵正隆元年與門下省同罷

元世祖至元七年議立三省侍御史高鳴上言臣聞三省

設自近古其法由中書出政移門下議不合則有駁正

或封還詔書議合則還移中書中書移尚書尚書乃下

六部郡國方今天下大於古而事益煩取決一省猶曰

有壅況三省乎且多置官者求免失政也但使賢俊萃

于一堂連署參決自免失政豈必別官異坐而後無失

政乎故曰政貴得人而貴多官世祖深然之

中書令

遼南面中書省置中書令太祖時韓延徽韓知古及趙延

續文獻通考卷之八十六

五

單八

壽皆嘗爲之其次有大丞相左丞相右丞相相視而繼

以知中書省事中書侍郎中書平章事中書參知政事

元

初置中書令一員銀印典領百官會決庶務太宗以相臣

爲之世祖以皇太子兼之至元十年立皇太子行中

書令大德七年定中書省官員數自左右丞相而下

平章二員左右丞各一員秩正二品副宰相裁成庶務

號左右轄參政二員秩從二品副宰相參大政十一

年以皇太子領中書令八月時武宗時又定中書省臣

員數省臣言比年議省官員數有旨依舊制定爲十二

員右丞相塔刺海左丞相塔思不花平章床木兒乞台

普濟如故餘令臣等議請以阿沙不花塔失海牙爲平

章孛羅答失劉正爲右丞相天挺也先帖木兒爲左丞

于璋烏伯都刺爲參政其班朝諸司冗員並宜簡汰從

之延祐二年復以皇太子行中書令置屬監印二人

至正間復有添設參知政事添設參政之格

趙天麟上策曰臣聞宋宜輕舉者四海之宗不可常空

者三台之位是以貞臣守道虞人違析羽之招明主防

微漢帝拒郎官之請斯皆小節尚實大經矧此國基係

乎太子方其幼也但可齒學而振風及其長也但可安

心而行孝奚暇守他事哉今國家鋪張治具整頓條綱

內焉三公九卿外焉庶彞諸尹例皆舉賢推德使擇高

續文獻通考卷之八十六

六

單八

下之員務撥本司嚴糾傾邪之類蓋欲有生皆樂無物

不安旁推惻隱之心迂續文明之治至於中書一令樞

密一使嘗使東宮領之連旬累月望儲闈銅轡之來臨

虛櫺空帷設銀架金墀之大坐事雖專于副相政實衆

於同僚臣以爲中書者機務之關津天門之鎖鑰翠四

海蒼生之命掌萬春皇闕之委任之而當則奠枕磐石

任之未當則瘵官病政此實國家股肱心膂之臣也樞

密者疆場之守衛熊虎之維綱武臣効力而有所歸依

強寇寒心而潛消變故良才司令則坐撫塵清昧者持

衡則多生僻事此實國家爪牙統領之臣也由觀之

軍民一柄治亂所關具其員而非其才尚恐難行設禁

位而曠其官如何可治且太子正名之後雖諸王莫得而制有三師三少之徒立詹事屬官之院凡在臣民而咸仰但惟父母之常尊君行則守有守則從從自撫軍守曰監國為天子之元子任天下之副君又何須銀章玉帶輝一品之華階有府都堂占大臣之上位名為重之實所以輕之也東宮之領此職非臣之所獲知若謂籍其重以鎮之耶則朝廷政事無不奏聞是天威已鎮之矣何須太子哉若謂他人不可為此職耶則太師太保國王暨列公為之矣太傅司徒亦有為之者矣觀彼四職不下於此皆令異姓為之何獨人不敢為此職哉況耶律令已嘗作中書令乎太子之道春誦夏弦秋習

續文獻通考卷之八十六

七

居正

禮冬讀書研磨往古之攸行爰証當今之所務龍樓間寢懇勤乎內豎之前甲館尊師懇側于春官之側以徽柔為本以仁孝為先及其既冠則有記過之史徹膳之宰進善之旌敢諫之鼓習與智長故幼而不媿化與心成故中道若性三代之胤祚長久者以輔導太子有此具也太子之善在于早諭教教得而左右正則太子正矣太子正而天下定矣此所以周公示法於成王賈子忠告於漢文也以陛下之聖猶立保傅在太子之側以疑伏望陛下慎選碩人輔導太子無令降居臣職以輕其身當使益增聖明以成其孝如此則乾符永握黔黎知大本之安震德維新天地有長男之象更望陛下近擇

宋室旁及嚴穴舉大賢元令父之官即聖王錫軍民之福也

按元中書令為極尊次則左右丞相平章政事左右丞叅政叅議中書省事左右司郎中皆叅贊中書者成宗元貞元年六月勅上書者令中書開視以聞

叅議中書省事

元世祖中統元年置叅議中書省事秩正四品典左右司文牘為六曹之管轄軍國重事咸與決焉員數自大德元年改定為四員其治曰叅議府順帝至正七年又置中書議事平章四人

按叅政與叅議古無其官唐太宗時杜淹以吏部尚書

續文獻通考卷之八十六

八

四百

叅議朝政魏徵以秘書監叅預朝政其後或曰叅議得失叅知政事皆宰相之職設府自元始

左右司郎中

元世祖中統元年中書置郎中至元十五年分置右司左司郎中二員正五品員外郎二員正六品都事二員正七品右司亦如之左司所掌禮吏房之科有九一曰南吏二曰北吏三曰貼黃四曰保舉五曰議禮六曰時政記七曰封贈八曰牌印九曰好事知除房之科有五

一曰資品二曰常選三曰臺院選四曰見闕選五曰別里哥選戶雜房之科有七一曰定俸二曰衣裳三曰羊馬四曰置計五曰田土六曰太府監七曰會總戶糧房

之科有六一曰海運二曰饋運三曰邊遠四曰賑濟五  
曰事故六曰軍匠銀鈔房之科有二一曰鈔法二曰課  
程應辦房有二一曰飲餼二曰草料令史二人蒙古書  
寫一十八人漢人書寫七人典史十五人右司所掌其  
房之科有五一日邊關二曰站赤三曰舖戶四曰屯田  
五曰牧地刑房之科有六一曰法令二曰彈盜三曰功  
賞四曰禁治五曰枉勘六曰鬪訟工房之科有六一曰  
饋造軍器二曰常課段匹三曰歲賜四曰營造五曰應  
辦六曰河道令史以下畧同上

中書省掾屬

元中書省監印二人掌監視省印有中書令則置知印四  
續文獻通考卷之八十六

九

四百三

人掌執用省印怯里馬赤四人蒙古必闕赤二十二  
人左司十六人右司六人漢人省掾六十八人左司三十九  
人右司二十一人回回省掾十四人左司九人右司五  
人宣使五十人省醫三人王典赤四十一人

斷事官秩三品掌刑政之屬元初嘗以相臣任其名甚  
重其員數增損不常其人則皆御位下及中宮東宮諸  
王各授下怯薛丹等人爲之 至元八年始給印二十  
七年分立二省斷事官隨省並置首領官經歷知事各  
一員吏屬蒙古必闕赤二人令史一十二人回回令史  
一人怯里馬赤二人知印二人奏差八人典史一人客  
省使秩正五品四員副使二員正六品令史一人掌直

省舍人宣使等員選舉差遣之事至元七年始置直省  
舍人二員後增至三十三員掌奏事給使差遣之役  
檢校官四員正七品掌檢校左右司六部公事程期文  
牘稽失之事書吏六人大德元年置

照磨一員正八品掌磨勘左右司錢穀出納營繕料例  
凡數計文牘簿籍之事中統元年置二員後省爲一典  
吏八人

管勾一員正八品掌出納四方文移緘牒啟札之事郵  
遞之呈期曹局之承管兼主之中統元年置二員後定  
爲一典吏八人

架閣庫管勾二員正八品掌藏省府籍帳案牘凡備稽  
考之文即掌故之任也至順初定爲二員典吏二人蒙  
古回回二架閣庫各管勾一員典吏一人

續文獻通考卷之八十六

十

四百五

世祖至元七年趙天麟奏論都省行省職掌其略曰臣聞  
車輿之樞要在於管轄衣裳之提綱係於要領要領不  
可以無樞袂之資管轄不可以兼輶衛之用蓋器殊緩  
急則一無爲焉有之宗名限重輕則一貴乃群卑之仰  
軒轅置六相而以風后等爲之天乙立二相而以伊尹  
等充之是時爵分萬國建諸侯及羸秦罷侯而丞相  
號起自是以來累朝相效其增損之制難以勝言其高  
下之秩例皆極品儀刑端禁總領紀綱掌一人家事之  
張皇作四海士民之倡率金章紫綬黃閣沙堤非惟詭

殊異之丰儀所以示尊榮而委重也既資厚望當據清風我國家內立中書外立行省行省以革藩鎮諸侯之專中書以分公卿大臣之任防微之理亦已至矣樹治之法可謂盛矣然猶有未盡輒敢妄陳竊見中書內省密通皇宮統餘省於上游弼聖躬於中域但當坐而論道據槐府以秉鈞寬以宅心守台司而助化今也汴梁以北北京以南西界長安東窮遼海瑩毫細務靡不相煩升斗微官亦來取決豈非管轄輻輳之用要領兼樞袂之貨乎伏望陛下裁崇都省中以大名諫院隸馬六部隸焉自烏臺和府所統之外隨朝九品以上亦皆隸焉選才德無玷地望極清者為大中書令其丞相平

續文獻通考卷之八十六  
十一

章丞轄叅政以至府之叅議院之諫官暨郎官都事之司成冠以左右之號凡宰執朝會商確萬幾常以諫官班於厥次有闕斯補有遺斯拾如此而聖德加明治具畢張矣凡都省移文於行省以咨付付之行省移文於都省以咨呈呈之凡都省事關行省行省一切合稟事務咨呈於都省都省判送六部擬而呈之轉咨行省以行凡隨朝九品以上及外路受宣命以上官都省注之如此而宰執蓋崇政事益簡矣更望陛下於腹內取中別立一省謂之燕南等處行中書省以汴梁北京遼陽安西省之間凡外路受勅牒以下官行省注之然後咨呈都省乞頒勅牒可也凡隨朝諸有司當受付身者委

都省出之凡外路諸有司當受付身者行省出之如此則上燕遠地而堂陛愈高都省增崇而天王益重矣或者以為國家因四遠及蠻荆之新附故立行省以鎮之厥內不煩立也殊不知汴梁有省豈汴梁亦新附之域哉事在不疑惟陛下察其可否而行之

門下省

遼南面設門下省 元不設

金初亦設正隆時廢

侍中

遼南面門下省有侍中 太宗會同時趙思溫嘗居此職

金廢門下省無侍中 元亦無

續文獻通考卷之八十六  
十二

門下侍郎

遼南面門下省有門下侍郎 清寧時楊哲居此職

金元不置

散騎常侍

遼南面門下省有常侍常侍之下有散騎常侍 天祚時馬人望居此職

金中常侍乃內侍之職屬宣徽院 元無

皇明

國初設中書省正一品有左右相國 洪武元年改左右丞相各一人左右丞各一人叅知政事二人總領眾職分錢糧禮儀刑名營造四部其屬左右司郎中各一人



員外郎各一人都事各一人中書舍人二十人是年始  
置吏戶禮兵刑工六部正三品設尚書侍郎即中員外  
郎主事統於中書省以滕毅楊士義錢用壬陳寔周禎  
單安仁爲六部尚書入見奉天殿諭曰朕肇基江左  
軍務方殷官制未備今以卿等分任六部國家之事總  
之中書分理六部至爲要職凡諸政務宜竭心爲朕經  
理或有垂繆患及天下不可不慎五年定六部職掌  
歲終考績以行黜陟九年增戶部爲五科刑科四科  
工科四科設尚書一人侍郎一人郎中二人員外郎二  
人主事五人十一年禁六部奏事不得關白中書省  
十三年誅右丞相胡惟庸詔罷中書省止存中書舍  
人

續文獻通考卷之八十六

十三

四百五

按周六官廢而秦及列國皆設丞相其重者曰相國掌  
丞天子佐理萬幾漢設一丞相以御史大夫副之後改  
曰大司徒東漢因立司空而權移於尚書令僕自漢以  
至宋其省或尚書門下中書其長或令或僕或僕射其  
佐或叅知政事或左右丞或侍郎皆爲人主理庶務無  
所不統攝蓋真爲相而名避之三公爲貴官以加其資  
格之重者而南渡以後至孝宗正其名曰左右丞相其  
佐仍曰叅知政事元因之署中書省令一員正一品以  
皇太子爲之左右丞相同品同令平章政事從一品左  
右丞正一品叅知政事從二品叅議正四品

高皇帝即大位仍置中書省罷令不設餘俱如故洪武  
三年革平章政事十三年以丞相胡惟庸專僭誅之  
因罷中書省散其柄於六尚書而係之甲令曰後有請  
立丞相者文武群臣劾奏其人凌遲處死嗚呼聖矣  
百餘年來天子不能獨斷事權必有所寄不能不歸  
之內閣而至嘉靖中遂操丞相之柄萬曆初幾並人主  
之尊數年以來半歸內侍而閣臣拱手受成勢極矣不  
可不變而通也見弇州集

中書舍人

遼南面中書省設中書舍人院有中書舍人景宗時見  
室旺道宗時見馬鉉金元無

續文獻通考卷之八十六

十四

三百五

皇明

國初丙辰始定中書舍人凡二十員正七品先是屬中書  
省後革七年改直省舍人從八品九年始定爲中  
書舍人正七品隸承勅監監省革改從七品凡恩蔭  
寄錄及文華殿門東房內閣誥勅制勅房分直  
者無定員建文中改侍書入文翰館靖難後復故  
按楊一清曰此官存古制也所典司天子辭命親  
王郡王并妃初膺封號合受金銀冊則書之自郡王以  
下至奉國中尉自王夫人以下鄉君合給誥命則書  
之凡公侯伯初受封爵合給鐵券凡勳戚内外文武官  
應給誥命勅命則書之其職掌至重也每大朝會

則擬四員與翰林史官上殿東西班對立凡 東宮節  
令朝賀定擬二員文華殿導 駕侍班 凡會試一員  
入場收掌試卷日給大官酒饌與翰林官坊尚寶司六  
科同爲侍從之臣諸司無相並者其地勢至清也其選  
用自進士外舉人與纂修書成被 恩典者乃得之監  
生儒士有勲勞大臣暨 官僚講官有子孫宜承廕叙  
奉 特旨者乃得之用之亦非輕矣  
穆宗隆慶四年吏部覆郭諫臣奏 制 誥兩房中書官  
不得陞列九卿

按中書舍人無正貳印屬之年深者掌書 誥勅 冊  
符鐵券凡草請翰林院實請諸 內府左券寶籍歸諸  
續文獻通考卷之八十六 十五 二百七十五

古今通集庫凡 誥勅勘合籍以急就章爲號凡 誥  
勅之號四曰仁曰十二支曰文行忠信曰千字文字以  
千號爲滿滿則續

給事中  
遼南面門下省有給事中次于散騎常侍 聖宗時郭蝦  
居此職

金給事中從五品屬宣徽院給事局使正七品副使正八  
品屬衛尉司

元世祖至元六年始置起居注左右補闕掌隨朝臺省院  
諸司凡奏聞之事悉紀錄之 十五年改陞給事中兼  
修起居注左右補闕改爲左右侍儀奉御兼修起居注

奉符同修起居注一員令史一人譯史一人通事兼知  
印一人

皇明  
國初設給事中正五品 洪武四年改正七品 六年  
始分爲六科各設給事凡八十一人從七品 十年隸  
承勅監 十二年改隸通政司 十三年置諫院左右

司諫各一人左右正言各二人 十五年以兵部尚書  
唐鐸爲諫議大夫 二十二年改給事中數符元士改  
爲元士後又以六科政事本源改爲士源未幾復爲給  
事中 二十四年每科增都給事中一人正八品左右

續文獻通考卷之八十六 十六 四百七十六  
給事中從八品改給事中正九品尋又改都給事中正  
七品左右給事中給事中並從七品 建文中革左右

給事中 靖難後復故 景泰三年命都左右給事中  
坐御史上吏戶禮兵刑工科各都給事中一人左右給  
事中各一人給事中吏科四人戶科八人禮科六人兵

科十人刑科八人工科四人監生六科四十人 萬曆  
中戶科革給事中二員禮科革一員兵科革二員刑科

革二員  
六科掌侍從規諫補闕拾遺分察六部之事而糾其弊  
誤凡臣民題奏下讀而署之駁正其違失凡 制勅宣

行大事覆奏小事署而頒之有失執奏封還凡百司官

非其人政失其理露章班劾或封章奏劾凡日朝六科輸一人侍殿廷左右執筆記 旨凡大事廷議大臣廷推大獄廷鞫掌科預焉凡 旨下東科類吏科西科類兵科日早朝進揭帖凡諸司題奏日附科籍五日一銷註覈稽緩朝參門籍六科流掌馬內官傳 旨下補奏得 旨而施行之

吏科事例

凡各衙門大小官員不由吏部銓選推舉徑自朦朧奏請乞 恩傳 旨陞除等項本科恭出施行 凡雜流

異途出身及年遠遺例妄行陳乞錄廢者本科恭奏治罪 凡內外衙門及巡撫巡按等官保舉官員未當或

續文獻通考

卷之八十六

交通囑託濫保官員本科俱恭出施行 凡各處領

勅力面官員嘉靖二十六年令撫按官不許輒放離任

違者本科糾奏

兵科事例

凡午門外直宿將軍於夜間或因祭祀通出輪匙或以物投下試驗警急將軍即赴科來報早朝本科官引至

御前奏知 凡嚴衛獲功人員每三年一次類奏覈

實遵照格例陞賞嘉靖二十五年令凡違例者本科劾奏

六科通事例

凡內官內使傳 旨各該衙門補本覆奏再得 旨然

後施行 凡文武官員違例乘輜及武官上馬用交牀出入乘小轎者嘉靖五年題准聽六科糾劾從重罰治降調 凡開朝每月定委給事中二員分東西班與糾儀御史會同鴻臚寺錦衣衛清查以革詐偽

丘文莊曰我朝如分六科設都給事中左右給事中隨其科事煩簡而設員凡奏章出入咸必經由有所遺佚

牴牾更易紊亂皆有封駁不特此也凡朝政之得失百官之賢佞皆許聯署以聞實兼前代諫議補缺拾遺之

職 祖宗設官不以諫諍名官欲人人得以盡其言也而又專寓其責於科道呼四海無不可言之人百官無

不當言之職於泛然散處之中而寓隱然專責之意設官之意微矣

續文獻通考

卷之八十六

十八

兵部

葉盛曰六科衙門專在磚城內尚寶司西永樂中災燬于 午門外直房署事遂至今仍之

世宗嘉靖庚寅秋給事中夏言疏云六科額設都左右給事中給事共五十八員中間事有煩簡故員有增損然

以司諫諍備獻納則六科之職均也 祖宗以來額員俱備後來乃有不盡補者然遇都左右給事中缺五員

以上則必奏請陞補各科給事缺十五六員以上則必奏請選補亦為著例在 先朝五十八員一時補足當

時侈為美談蓋增置諫垣自是盛代之事今六科在任止二十一員不及額數之半吏科缺左給事中一員給

事中四員戶科缺給事中七員禮科五員兵科九員刑科七員工科四員共缺三十七員六科除都左右給事中之外惟給事中四員而已供事趨走日不暇給欲求優游侍從以盡文墨論思之長從容退食以致寅恭謀議之實下可得已然其間言事者連輒被斥忤時者又多外遷歲清月減以至于今莫可復也考之祖宗舊規凡給事中有缺止于進士年三十以上者考選奏補弘治間始以行人博士兼選正德間始以在外推官知縣照御史例選補正德末年大臣畏忌新進敢言乃始盡廢進士考選之例陛下登極之詔命今後照依舊例給事中有缺于進士內考選奏補御史有續文獻通考卷之八十六十九

缺進士與行取人員相兼考選然應詔止于一行而旋復寢吏部亦嘗奏請廟堂大臣陰行格沮往往以未嘗經歷世故藉口是不過欲得脂膏媼愛身固祿之流取其不為已害而已司馬光曰凡擇言事官當以三事為先一不愛富貴次則重惜名節次則曉知治體今當用光言以為取人之則將見在各衙門辦事進士及歷俸二年之上行人博士并推官知縣三年考滿到部者查照舊規及見行事例具奏從公考選奏入世宗嘉納

穆宗隆慶元年令給事中係近侍封駁之臣例無考語諫議大夫

金諫院無所屬設在諫議大夫右諫議大夫皆正四品左司諫右司諫皆從五品

元時馬祖常疏人為諫議大夫然不見用

皇明諫議屬臺省不設此官

起居注

遼南面門下省屬有起居舍人院其官曰起居舍人曰知起居注曰起居郎

金特設記注院修起居注掌記言動明昌元年詔毋令諫官兼或以左右衛將軍兼貞祐三年以左右司首領官兼為定制

元世祖至元五年中書省臣言前代朝廷必有起居注故續文獻通考卷之八十六二十

善政嘉謨不致遺失即以和禮霍孫獨胡刺充翰林侍制兼起居注詳見給事中門

英宗至治二年十一月御史言朝廷雖設起居注所錄皆臣下開奏事目上之言動宜悉書以付史館從之

皇明

國初甲辰年設起居注乙巳年設太史監後俱裁革而史職悉屬翰林院

拾遺補闕

遼南面門下省左諫院有左補闕左拾遺二員中書省右諫院有右補闕右拾遺二員

金諫院有左補闕右補闕左拾遺右拾遺皆正七品

元世祖至元六年始置左右補闕十五年改為侍儀奉御

兼修起居注

詳見給事中門

皇明俱屬掌者不設

典儀

遼北面敵烈麻都司掌禮儀其官有敵烈麻都有總知朝廷禮儀有總禮儀事已為禮部之職南面自禮部外不設典儀

金無

元世祖至元八年勅元正聖節朝會凡百官表章外國進獻使臣陛見朝辭禮儀皆隸典儀司

皇明典儀俱屬鴻臚寺惟外國使臣譯字官生則別設四

續文獻通考

卷之八十六

主

言學五

夷館翻譯文字凡以達夷情重國體也自永樂五年

因四夷朝貢言語文字不通特設八館為鞮鞞為女直

為西番為西天為回回為百夷為高昌為緬甸及正德

七年八百夷入蘭者哥進貢又增八百館凡九先是選

國子監生習譯宣德元年兼選官民子弟委官為教師

命翰林院學士稽考課程至正統九年又諭寺副

姚本主事于禮提督至弘治七年內閣大臣懼法又

人玩無以稱上旨又請建置太常寺卿少卿各一員

為提督蓋視昔益加嚴矣

城門即

遼無考

金京城門有收支器物使貞祐元年置每城一面設一

員五年南京隨門添設舊有小都監後省正八品十四

員戶部辟舉凡十有四門曰開陽曰宣仁曰安利曰平

化曰通遠曰宜照曰利川曰崇德曰迎秋曰廣澤曰順

義曰迎朔曰順常曰廣智各門尉副尉從七品副正九

品

元大都城門尉秩正六品尉二員副尉二員掌門禁啓閉

管鑰之事二十四年復以六衛親軍叅掌凡十有一門

曰麗正曰文明曰順承曰平則曰和義曰肅清曰安貞

曰建德曰光熙曰崇仁曰齊化每門設官如上諫大都

留守

續文獻通考

卷之八十六

主

言學五

皇明不設前職京城各門置守門千戶所

符寶郎

遼南面符寶司屬門下省其官有符寶郎重熙初耶律玞

為之

金設符寶郎四員掌御寶及金銀等牌屬殿前都點檢司

舊名牌郎依侯大定二年改為符寶郎

元世祖至元初立符寶局後改典瑞監大德十一年改

監為院秩正二品掌寶璽金銀符牌置院使四員同知

僉院同僉院判各二員經歷都事各二員照磨兼管勾

承發架閣庫一員所屬小吏有差因中書省臣言舊制

金虎符及金銀符典瑞院掌之給則由中書事已則復

歸興瑞院今出入多不由中書下至商人結托近侍奏請以至汎濫出而無歸請自後除官及奉使應給者非由中書勿給遂爲制

皇明尚寶司即國初符璽郎也正七品後置尚寶司正三品洪武元年改正五品

本司卿一人少卿一人司丞三人恩廕寄祿無常員監生六人

卿職在禁廷守寶璽符牌印章而辨其所用有事請於內既事奉而藏之少卿司丞爲之貳凡寶十四曰

奉天之寶以鎮萬國祀天地曰皇帝之寶以冊封賜勞曰皇帝信寶以徵召軍旅曰天子之寶以

續文獻通考卷之八十六

二十三

四百三

祭享鬼神曰天子行寶以封賜夷蠻曰天子信寶

以調發番兵曰制誥之寶以識誥命曰勅命之寶以識勅命曰廣運之寶以識黃選勘籍曰御前

之寶以進御座從卑駕曰皇帝尊親之寶答賜宗人曰敬天勤民之寶以訓迪有司凡用寶捧

寶從寶洗寶與印綬監俱凡扈守侍衛命牌之號六曰申曰木曰土曰金水以警夜巡金牌之號五曰仁

曰義曰禮曰智曰信以嚴守衛凡半字銅符之號四曰承曰東曰西曰北巡者左半守者右半合契而從事焉

凡銅牌之號一曰勇以稽守卒凡牙牌之號五曰勲曰親曰文曰武曰樂以察朝參凡祭牌之號三曰陪曰供

曰執以謹祀事凡雙魚銅牌之號二曰嚴以肅直衛曰善以崇祀壇凡符驗之號五曰馬曰水曰達曰通曰信以給侍御通制命

通事舍人

遼南面通事舍人院屬門下省官置通事舍人

金閣門通事舍人屬宣徽院官二員從七品掌通班贊唱承奏勞問之事

元不設以其事歸典儀

皇明設翰林院提督四夷館內有各國通事少卿一員主之詳見土貢下

弘文館

續文獻通考卷之八十六

三

三百三

遼不設

金改弘文館爲弘文院知院從五品同知弘文院事從六品校理正八品掌校譯經史

元文宗天曆二年置藝文監所掌與弘文館同領于翰林院官秩詳本監

集賢院

遼無

金貞祐五年設知集賢院從四品正大元年授馬瑋同知領外館吏部郎中集賢院從五品同議官正八品諮議官正九品俱不限員

元集賢院秩從五品掌提調學校徵求隱逸召集賢良凡國子監玄門道教陰陽祭祀占卜祭遁之事悉隸焉初

置集賢院 至元二十年併入翰林同一官署二十二  
年分置兩院皇慶後定置集賢院大學士五員從一品  
學士二員正二品侍讀學士二員侍講學士二員並從  
二品直學士二員從三品經歷一員從五品都事二員  
從七品侍制一員正五品修撰一員從六品兼管勾承  
發架閣庫一員正八品所屬三

興文署秩從六品署令一員以翰林修撰兼之署丞一  
員以翰林應奉兼之 至治二年罷置典簿一員從七  
品掌提調諸生飲膳與凡文牘簿書之事仍置典吏一  
人

皇明

續文獻通考

卷之八十六

七十五

太祖吳元年五月己亥初置禮賢館尋設翰林院學士正  
三品侍講讀學士正四品直學士正五品修撰典簿正  
七品編修正八品 洪武二年正月戊申定學士承旨  
正三品學士從三品侍講學士正四品侍讀學士從四  
品直學士正五品典簿正七品待制從五品修撰正六  
品應奉正七品編修正八品典籍從八品 三年置弘  
文館學士九年罷閣九月癸巳 詔定百官品級承旨  
與六部尚書俱正三品班在其上學士從三品侍讀學  
士正四品侍講學士從四品 十三年八月己卯增設  
檢閱從九品 十四年五月癸未革承旨直學士改翰  
林院正五品衙門設學士一人侍講學士二人侍讀學

士二人孔目一人屬官侍講二人侍讀二人侍詔二人  
史官修撰三人編修四人檢討四人革承旨直學士侍  
制應奉檢閱典簿 十五年做宋殿閣大學士之制設  
華蓋武英文淵文華東閣諸大學士然官不過五品職  
不過備顧問而已 十八年三月丁丑 命吏部定正  
翰林院官學士一人正五品侍讀學士侍講學士各二  
人從五品首領官孔目一人未入流屬官侍讀侍講各  
二人正六品五經博士五人正八品典籍二人從八品  
侍書二人正九品侍詔六人從九品又史官修撰三人  
從六品編修四人正七品檢討四人從七品俱屬本院  
簡用取 聖裁官無定員而侍讀先侍講則始於此

續文獻通考

卷之八十六

七十六

建文年間更易官制仍設翰林院正官學士承旨一員  
在學士之上改侍讀學士侍講學士俱為文學博士該  
文史二館文翰館以居侍讀侍講侍書五經博士典籍  
侍詔其侍書陞正七品文史館以居脩撰編修檢閱改  
孔目為典籍創置典簿廳而革中書舍人改為侍書以  
隸翰林又增設文淵閣待詔及拾遺補闕等官 永樂  
初皆復洪武十八年舊制又增建千東閣角門內以編  
修解縉等七人入 內閣恭預機務典給繕謂之閣臣  
然本院印信自王景去後猶以 內閣學士解縉胡廣  
楊榮等相繼署院 洪熙以後添設謹身殿大學士而  
楊士奇等加至師保於是禮絕百僚隱然有鈞衡之重



不復署掌院事矣然文淵閣本內署非衙門名故凡朝廷之召宣諸司之文移雖事關機務亦止稱翰林初不以內閣名及正統七年本院落成掌院事學士錢習禮不設西楊南楊公座曰此非三公府也至期二楊以聞乃命工部具椅案禮部尚書胡濙定位次以楊所職固翰林也而近來文移動稱會同內閣大臣豈其未聞前制矣乎第文淵內署諸曹異文移往復猶以翰林行之今雖稍稍變革而猶有一二存者如史成焚草中貴傳旨猶傳大學士為翰林學士翰林公署中左設大學士三座學士一座而講讀學士東西對列是學士秩雖卑而職與內閣相表裏本院續文獻通考卷之八十六

二十七 四〇四

自永樂十九年定鼎北京遂設衙門於此以留都為南京翰林院止設學士一員掌之遇有員缺從內閣推舉其後侍講以上官皆得掌院事仍設孔目一人國初稱庶吉士者初稱中書六科庶吉士十八年又有翰林院承勅監庶吉士永樂二年始定為翰林庶吉士選進士教養之無定員試而留者二甲為編修三甲檢討不得留者為給事中御史主事或出為州縣官本院學士一人侍讀學士二人侍講學士二人其屬官侍讀二人侍講二人五經博士五人典籍二人侍書二人侍詔六人孔目一人史官修撰三人編修四人檢討四人吏四人

學士堂詞翰文章誥初備顧問詳正圖書考議制度凡經筵日講修書之事皆承受而統領焉講讀職專講讀經史五經博士專經講義以佐學士講讀典籍勾輯圖書以時什襲而歲之侍書以字書侍上待詔應對孔目典文移出入史官掌修國史凡天文地理宗禮樂兵刑諸大政上所下詔勅書檄批荅王言皆謹籍而記之以備實錄凡學士講讀史官為上所簡注皆得入內閣預機務京府鄉試充考試官禮部會試充考試同考試官詹事府坊局亦如之英宗天順中大學士李賢建議請專選進士科充翰林院官遂為制先是景泰間陳循軍私其所舉以雜流員

續文獻通考卷之八十六

二十八 四〇五

銓一時翰苑多委靡昏鈍浮薄之流吏部不敢別調至是有旨重修大明一統志制曰惟擇進士出身者為之於是諸輩多乞改職李賢因言于上命吏部別除之翰林為之一清且請著為制從之自後非進士起家不得居翰林為孤卿非翰苑出身不得入內閣居宥密雙溪雜記云自來陞用六部堂官不拘出身何衙門如天順間以布政蕭昉為禮部尚書無禮部必用翰林出身之例又如楊士奇以儒士由齊府審理副胡儼由知縣又李賢由吏部主事薛瑄御史皆得入閣亦無內閣必用翰林出身之拘成化弘治以來南北吏部每部必選用翰林一人南北禮部非翰林出身者

不得陞入

史官

宋

寧宗嘉定二年秘書郎真德秀奏請命國史實錄院所修事節朝廷看詳允當即頒下王牒會要所參照重行修纂其畧曰恭惟陛下賢聖仁孝自昔著聞甲寅之秋肇履大位蓋出於先皇付托之誠憲聖擁佑之力而大臣實奉行之授受之間燦然明白秉史筆者固宜鋪張其美以詔萬世而臣伏觀王牒會要所書大抵承迎佞臣之意而誇大其功欺天罔人莫此為甚昔紹聖中奸臣用事被宣仁以牽嫡之謗加蔡確以定策之功顛倒是

續文獻通考

卷之八十六

子九

四四四

非終危宗社今陛下躬膺祖宗神器之重而簡冊所記顧歸一擯相之小臣傳之萬世何以爲法况且受恩之人豈無報復之念倘不亟加辯正異時或得籍口以逞其私紹聖崇寧之禍可鑒也臣側聞嘉定元年二月議臣有請命史官取紹聖五年以後至開禧三年以前史院文字并日曆時政記凡涉誣罔悉行改正陛下既俞之矣歷時歲久必已成書臣願特降睿旨命國史實錄院其所修事節上之朝廷看詳允當即頒下王牒會要所參照重行修纂上以光聖朝揖遜之美下以杜奸黨窺覷之漸天下幸甚

十五年司封郎中魏了翁論實錄闕文其畧曰臣竊者

滋員東觀蓋嘗伏讀金匱玉板之藏每惟祖宗實錄自東都以前凡一百六十八年不過一千餘卷而南渡以後高宗孝宗皇帝兩朝實錄僅六十餘年遂至一千卷以三十六年事爲五百卷猶之可也而二十七年爲卷亦如之意其廣記備言無所脫遺而臣偶因常時所遭隨事檢閱則有不盡然往往一月而釐爲二三卷往往州縣細故亦動千餘言至事關大體顧及脫畧且如開禧元年虜使趙之傑要陛下起受國書臣時以館職獲陪朝署之後偶記乾道六年虞允文爲相虜使烏林荅天錫倨慢與此相似時則允文前奏大駕還內放仗罷朝臣與在列誦言其事所冀連達有頃聞陛下徑還禁

續文獻通考

卷之八十六

三十一

四七十一

中一如乾道故事臣謂宰執必有援此以開陳者乃聞韓侂胄爲宰執言此謝廓然爲之不知廓然秉政尚後此十餘年也臣既還朝即取乾道國史實錄會要聖朝日曆諸編徧加披閱則於此事或全無所載或畧及一二而實錄則仍循常比書垂拱殿賜茶酒不知是日茶酒未嘗設也又書知閣事王抃上疏詔明日引使人朝見乃似專美於抃而抃詞止議受書之儀亦不及放仗罷朝事此實錄之闕文有如此者是歲蘇師旦除安遠軍節度使明年六月師旦抵罪詞臣以章制罷去或謂內制未有封駁故事臣因記乾道七年三月己卯張說除樞樞張栻等言其不可旋即反汗八年二月乙卯申

命則周必大以直學士院繳還批詔且乞以宣徽令說  
臣即檢閱實錄諸書則已知事無所載止於是月戊子  
書節度使萬壽觀制不書事始已當脩正至八年乙卯  
事則又逸去矣夫主聖則臣直此最是先朝美事而前  
後皆不書此又見實錄之缺文有如此者開禧二年三  
月倪思與李壁爭論明堂嚴大配天事朝論莫知所決  
臣因記淳熙三年三月丙午朔秘書監李燾奏乞舉行  
宗祀明堂之禮歷引神宗皇帝聖語及錢公輔司馬光  
李受諸儒之說嘗下群臣議雖不果行然實錄不當全  
脫其事至淳熙六年趙雄爲相竟白行之實錄亦所不  
書元降明堂詔書亦未嘗登載而閱樂等事亦皆失實

續文獻通考卷之八十六

三十一

四百五十二

又見實錄之闕文有如此者臣因是三事每嘆孝宗皇  
帝明謨偉斷卓乎前代者不可勝記而臣偶記所聞輒  
逢脫畧夫卷帙猥煩若此而記載脫畧乃爾若不及今  
距乾淳未遠文字未盡淪失老師宿儒故家遺裔尚可  
訪問亟與搜羅會粹否則因循浸久必致是非失實無  
以傳示將來臣伏覩實錄院見連詔旨改修孝宗光宗  
兩朝實錄增入列傳臣愚欲望睿旨併下本院令史官  
將兩朝實錄重加點檢儻有缺失如上所陳者即採訪  
增入其冗濫重複及史文不經去處悉與刪削庶幾文  
省而事詳足以垂憲貽後仰副陛下寅念列祖之意

理宗淳祐二年秘書少監蕪修起居注官高斯得進修史

故事其畧曰臣嘗伏讀國史竊見祖宗修書故事帝紀  
志傳必一書成乃修一書未嘗有並修兩書者蓋國家  
大典關係至重非專心致志爲之則不能紀載得實傳  
信後世且以神哲徽欽四朝正史言之乾道中史官李  
燾上帝紀既而補外及再還朝乃命修列傳故壽初至  
有此三項奏請列傳垂成而壽卒所謂展限來年春李  
者竟不果就遂召洪邁卒成之十三年十一月乃克登  
進曰紀曰志曰傳次第而修首尾二十七年四朝大典  
始孝宗皇帝豈不欲其速且哉而責成有漸如此以燾  
良史之才無出其右亦不敢自詭並修志傳而二書之  
進先後相距其遠又如此以是言之崇成巨典其可以

續文獻通考卷之八十六

三十一

四百五十三

易言哉臣伏見國史院被旨修纂高孝光寧四朝志傳  
限來年三月登進臣叨與載筆苟有管見不敢默已且  
詔修四朝志傳爲日久矣趙以夫始專其事不知亟加  
纂輯乃欲先令九朝正史爲一而後以四朝續之用力  
舛差遂墮汗漫迄以夫之去四朝志傳竟無一字沈騰  
繼之當其任矣而乃引樵力辭尤靖又繼之亦復控避  
久乃就職更三史官虛曠歲月幾及兩載實爲可惜九  
月以來乃方分命僚屬然規模不立人情渙散既不照  
舊例奏請先立年限又不考故事分志傳爲兩次以百  
餘年間歷史官二百八十餘人所不能成之書自詭速  
成於數月之內抑何其輕易乎夫神哲徽欽諸臣列傳

至肅之時已經四修三修兩修一修可謂易於成書矣猶且踰四年而後奏進今高孝光寧諸臣當立傳者人數猶未能定雜探疎漏絕無倫次院史所供初草大抵徒具私家所供誌狀全未經史官考校增入他書又安得有所謂四修三修兩修一修者乃欲取辦於四五月之間臣知其苟且滅裂務應期限希恩賞而不足傳信決矣雖然列傳粗有張本者也乃若諸志則從前未有片紙纂次今始創爲其間天文地理選舉禮樂之屬猶可編類綴緝惟兵財二者乃百餘年建國之實政本末閎闊功力浩漸非可鑒空爲之者豈數月之所能辦乎且史院官例多兼職往往一時煩劇之任叢於厥身有續文獻通考卷之八十六

如憲所謂精力有限詳彼畧此者而望其專力總領速成大典難矣臣非倡爲異論苟欲遷延以逃殫曠蓋考諸故實昭然不誣乃敢援據以爲陛下告欲望聖慈宣諭提舉官及此編摩未定之初檢照孝宗皇帝修書故事改命史院官專一編纂四朝正史諸志候奏篇畢續行纂次列傳庶幾脩書次第既合舊典又使諸史官不分成篇可準不至苟且滅裂貽笑後世

遼

南面有國史院其設官曰監修國史曰史館學士曰脩撰曰修國史

太宗會同四年詔有司編始祖首可汗事迹

式

昇平寶寧八年諭史館學士皇后言亦稱朕暨予著爲定聖宗統和八年北府宰相室旺進所撰實錄二十卷十九年正月詔曰歷官毋書細事二十九年詔已奏事附日曆

興宗重熙中耶律谷欲奏詔與林牙耶律庶成蕭韓家奴編遼國上世事蹟及諸帝實錄

韓家奴見帝獵未嘗不諫會有司奏獵秋山熊虎傷死數十人韓家奴書于冊帝見命去之韓家奴既出復書他日帝見之曰史筆當如是

道宗太康初史臣進七帝實錄清寧二年六月詔罷史

續文獻通考卷之八十六

三帝

四百七十一

官與聞朝議俾聞宰相乃書五年五月監修國史耶

律白請編次御制詩賦仍命自序先耶律孟簡詣闕上

疏曰本朝之興幾二百年宜有國史以垂後世乃編耶

律昌魯屋質休哥三人行事以進上命置局編修孟簡

謂餘官曰史筆天下之大信一言當否百世從之苟無

明識好惡徇情則天禍不測可不慎哉時上欲觀起居

注修注即不顯突忽重不進各杖二百罷之壽隆

二年太子洗馬劉輝上疏曰宋歐陽修編五代史附載

朝于四夷妄加貶訾且宋人賴我朝寬大許通和好得

盡兄弟之禮今及令臣下妄意作史恬不經意臣請以

趙氏初起事蹟詳附國史上嘉其言天祚初命纂實

金

初國史院嘗以諫官無職明昌元年詔諫官不得兼恐于  
奏章私濫已美故也其官曰監脩國史曰脩國史皆一  
員曰同修國史二員女直漢人各一員曰編修官正八品八員  
女直漢人各四人檢閱官從九品十員女直漢人各五員脩遼史刊脩  
官一員編修官三員太和四年增設國史院女直漢人  
同修史各一人

世宗大定十二年十一月上昇侍臣與宰臣議事記注官  
亦退上曰史官記人君善惡朕之言動及與卿等所議  
皆當與其於記錄無或有隱可以朕意諭之 十八  
續文獻通考卷之八十六 三五 三百六

年正月修起居注移刺傑上書言每屏人議事雖史官  
亦不得與聞無由紀錄上以問平章政事石琚左丞唐  
括安禮對曰古者置史官于左右言動必書所以儆戒  
人君庶幾有所畏也

章宗太和六年二月尚書省奏右補闕楊廷秀言乞令官  
編次日曆封送史院上令付著作局潤色付之

元

元以翰林兼國史其官秩詳具學士院順帝時常以右丞  
相統之

仁宗皇慶元年上謂省臣曰翰林集賢儒臣須朕自選用  
毋輒擬奏人言御史臺任重朕謂國史院其任尤重蓋

御史臺是一時公論國史院是萬世公論於是陞翰林  
國史院為從一品

胡粹中曰元諸君雖不習為文字之學其所稟風氣完  
固天質淳厚故發言往往時合理道如仁宗嘗言人言  
御史臺重任朕謂國史院任尤重御史臺是一時公論  
國史院是萬世公論至哉言乎雖知道之君不是過也  
雖然持萬世之公論者苟不詢一時之公論則其所立  
言必非公論矣

英宗至治三年國史院進仁宗實錄先一日拜住詣國史  
院聽讀首卷書大德十一年事不書左丞相哈剌孫  
定策功惟書越王禿剌勇決從容謂史官曰無左丞相  
續文獻通考卷之八十六 三五 四百三

雖百越王何益書鷹犬微勞而畧發縱指示之人可乎  
立命書之他筆削未盡者悉令補正人服其識

文宗至順二年正月御制奎章閣記上嘗至閣中命取國  
史閱之左右昇匱以往院長戴無敢言者編修官呂思  
誠獨跪奏曰國史記當代八君善惡自古無天子取觀  
之理遂止

胡粹中曰古人有言守道不如守官呂思誠抗言執奏  
可謂能守官矣文宗聞諫而止不亦尤賢乎哉

順帝至正三年詔修遼金宋三史以右丞相脫脫為都總  
裁平章鉄木兒塔識右丞賀惟一中丞張起巖翰林學  
士歐陽玄侍御史呂思誠翰林侍講學士揭傒斯為總

裁官丞相問修史以何爲本揭傒斯曰用人爲本有文學而不知史事者不可與有文學知史事而心術不正者不可與用人之道又當以心術爲本傒斯又言作史之法須求作史之意故事得夫人材賢否一律以是非之公至於物論不齊必反覆辯論求歸於至當而後可

皇明

本朝史官即翰苑諸臣之職

按前代修史左史紀言右史記動宮中有起居注如晉續文獻通考卷之八十六

三七

四百五十五

董狐齊南史皆以死守職司馬遷班固皆世史官故通知典故親見在廷君臣言動而書之後世讀之如親見當時之事皇明初設起居注尋設翰林編檢等官皆充史官立班雖近螭頭亦遠在殿下成化以來君不復與臣下接朝事亦無可紀凡修史則取諸司前後奏牘分爲吏戶禮兵刑工爲十館事繁者爲二館分派諸人以年月編次雜合成之副總裁刪削之內閣大臣總裁潤色之其三品以上乃得立傳亦多紀出身官階遷擢間有褒貶亦未必盡公

今上萬曆二十二年三月大學士王錫爵等請勅儒臣開書局纂修本朝正史以垂萬世看得正史之纂修

雖稱創議準稽先代咸有舊章如漢史成于班馬二氏宋史評于真仁二宗凡皆以本朝之史紀本朝之事故聞見真而傳信遠也明興二百餘年治化蒸隆遠超千古正史未脩後嗣何觀切惟制書凡載之大者無若累朝實錄大明會典二書顧實錄取編年而事蹟不相聯貫會典止載條例而議論未及詳收各有體裁初非史法即欲考一事之顛末求一人之始終浩瀚難周披尋不易方今家乘野記勦塗說而傳訛名德嘉猷散遺文而勿顯誠爲闕典據所請前項正史一節委宜及時纂修以垂不朽之傳以彰勅諭以重其事况茲正史之纂尤爲創起之規必須裁自聖心特頒

續文獻通考卷之八十六

三十八

四百六十三

明訓議得先年纂修其總裁用閣臣充之副總裁用翰林等官謄錄正稿用史館中書等官抄寫草稿收藏掌管吏部選取吏員充役今史冊浩繁編摩難竟設官宜備求才宜廣查得翰林各官給假在家假滿未來者尚多宜令吏部行人催取赴京至于海內博學洽聞之士或官別署或淹外僚容臣等咨訪文行兼優者不論品流員數量改京銜入館供事或有間佳官員山林隱逸行義無虧文學可取者還令吏部訪薦一體錄用庶吏才畢集而編摩不患乏人矣又議正史傳信聞見宜博書籍不備考究何資本朝制書元與史法相關見貯內閣者暫令各館取看其志記紀事等書有欲

俗查考而無從措處者待闕館設官後容令備細開具  
款目其制書行內府衙門印刷領給此外一切諸  
書宜行禮部都察院移文兩京各衙門及各巡按御史  
提學官多方購求解進以備查考采擇又議事有專  
任則用心不分人有分授則勤惰易考令依原奏所定  
先修大志大紀年表次之別傳又次之分類別款各授  
一事庶條理不紊而功叙可稽又議史以精核為主  
固不貴速成然非立程限難責成功合無將各官分授  
編纂者視其繁簡限以月日各送總裁刪定如志紀表  
傳之類依限驗完逐件繕寫再照自古編輯大書常經  
一人之手庶精神聯屬首尾貫串今宜專屬副總裁畢  
力為之允纂修等官毋得轉易討差給假即有遷轉亦  
必將原派纂修條款候撰完交送方行庶專供職業早  
成鉅典可免頭白汗青之譏上是之二十三年九  
月禮部覆累朝闕典究竟難湮看得給事中楊天民  
御史牛應元各稱建文年號向奉革除累代因循未  
經議覆先是太祖高皇帝在位懿文太子薨逝即  
立太孫至洪武三十一年太孫嗣位改元建文  
御宇凡有四載暨成祖文皇帝以靖難登極遂削  
去其年號而高廟實錄於是有三十五年之稱夫  
太祖在位實惟三十一年而三十二年以後安得尚蒙  
洪武之號建文既已負宸臨朝薄海內外奉有正

朔矣一旦削而除之無乃非所以示信于天下乎方今  
聖明善繼善述表揚祖功宗德以彰大孝臣等  
亦不敢以妄生意見別議更張而建文位號在當年  
無削去之文今亦無憑議復惟及此纂修之時特命  
秉史局者於高廟實錄之中摘洪武三十二年以  
逮三十五年遺事復叙建文元年二十三年以存其  
年號仍修葺為少帝本紀示不泯沒而其間疵政過  
舉自不能曲為隱諱成祖靖難之烈固為奕世而有  
光而建文在位之績亦同殷監而不爽慰幽魂於九  
原昭大義於天下微顯闡幽信今傳後其裨益國體  
而增光聖德非眇小者奉旨建文事蹟着附載



職官考 尚書總叙 吏部堂屬

尚書

宋度宗咸淳八年起居舍人高斯得奏六曹尚書選用宜在得人其畧曰尚書猶天之有北斗為天喉舌斟酌元氣運乎四時信乎其為天下樞要也其長官則有令有僕射漢或以大將軍領尚書事其下有左右丞有六曹尚書蓋以萬機之繁故衆建官屬以綜理之章宗時韋彪上疏謂天下樞要在於尚書間者多從即官超陞此位彪特指六曹尚書耳若錄公及令僕乃百僚之長非續文獻通考卷之八十七

乙 四庫全書

彪之所指也是時諸尚書多以苛刻為能故又云天下樞要在尚書令超陞此位者徒曉習文法察察小慧而無大能夫樞要之地必忠厚純實知國家大體者然後可以綜理萬務補偏救弊為國家輯安靜和平之福消苛澆刻覈之風也今之彌綸省局者固亦得人然韋彪所言或尚有之又徘徊觀望不敢割決使樞要之地壅塞不通此今日之大患也聖問所及敢不吐其狂愚伏乞 辱照

遼南面尚書省太祖嘗有左右尚書其後更設曰尚書令曰左僕射曰右僕射親睦曰左丞曰右丞曰左司郎中曰右司郎中曰左司員外郎曰右司員外郎

初尚書省設尚書令一員正一品總領紀綱儀刑端揆左丞相右丞相各一員從一品平章政事二員從一品為宰相掌承天子平章萬機親睦左丞右丞各一員正二品參知政事二員從二品為執政官為宰相之貳佐治省事親睦左司郎中一員正五品員外郎一員正六品掌本司奏事總察吏戶禮三部受事付事兼帶修起居注官迴避其間記述之事每月朔朝則先集是月滿者為簿名曰關本及行止簿貼黃簿并官制同進呈御覽畢則受而藏之每有除拜凡尚書省所不敢擬注者則一關具二三人以聽制授都事二員正七品掌本司受續文獻通考卷之八十七

二 四庫全書

事付事檢勾稽失省署文牘兼知省內宿直檢校架閣等事右司郎中一員正五品員外郎一員正六品掌本司奏事總察兵刑工三部受事付事兼帶修起居注官迴避其間記述之事都事二員正七品所掌同左司初入朝時執政官親執奏目 天德二年詔以付左右郎中為定制

尚書省祇候郎君管勾官從七品掌祇候郎君謹其出入及差遣之事 架閣庫大定二十一年六月管勾員正八品同管勾大省一員正八品總掌察左右司大程官追付文牘并提控小都監給發紙筆餘管勾同女直省令史三十五人漢今史三十五人省譯史十四人女直譯史同通事八人高麗夏國回紇譯

史四人諸部通事六人吏刺提點歲賜所左右司郎中  
員外郎兼之掌提點歲賜出入錢幣之事堂食公使  
酒庫使一員從八品掌受給歲賜錢總領庫事副一員  
正九品掌貳使事直省局局長從八品掌都堂之禮  
及官僚參謝之儀副局長正九品掌貳局長管勾尚  
書省樂工從九品

廢帝正隆二年九月罷尚書省直省令史出爲外官

元世祖至元七年立尚書省八年併入中書二十四

年復置詔天下除行省與中書議行餘並聽尚書省從  
便以聞二十八年復罷武宗至大二年復立四

年復罷入中書省左右部架閣庫管勾二員典史十

續文獻通考卷之八十七

三 四百五十四

二人掌六部文卷簿籍架閣之事中統元年左右部  
各置二十三年并爲左右部架閣庫

皇明

國初置六尚書非古也自秦變周法天下之事皆決丞相  
府置尚書于禁中有令丞掌通章奏而已漢初因之職  
屬少府自武帝游燕後庭時用宦者至宣元之後稍干  
委任于是弘恭石顯相繼爲中書令專權邪僻三公特  
受成事而已成帝時始置尚書五人一人爲僕射四人  
爲四曹曰常侍曹三千石曹民曹客曹後又置三公曹  
是爲五曹及後漢光武親總吏職天下事皆上尚書與  
人主參決乃下三府尚書今爲端揆之官又分爲六曹

凡庶務皆會而決之然尚書雖有曹名不以號迫羣帝  
以侍中梁鵠爲選部尚書而曹名始見以後職權益重  
部分日詳魏有吏部左民客曹五兵度支五尚書並有  
吏部三公客曹駕部屯田度支六尚書渡江以來定爲  
吏部祠部五兵左民度支凡五尚書歷宋齊梁陳又加  
都官凡六尚書類隨宜建置無有常典惟隋制準爲吏  
戶禮兵刑工六部尚書歷唐宋相因不改然較之周官  
六典猶有未盡協者蓋周典六卿分職不相混壓而隋  
唐宋則爲尚書省之屬官故結銜云尚書某部某官其  
稱尚書者省名也國初因前代之制置中書省設左  
右丞相等官天下政事皆由之出其屬有四部分治錢  
續文獻通考卷之八十七

四 四百五十四

穀禮儀刑名營造之務

太祖洪武元年始置吏戶禮兵刑工六部俱正三品衙門  
定尚書正三品侍郎正四品每部設郎中員外郎主事  
仍屬中書省至十三年鑒丞相胡惟庸等壅蔽宜法革  
中書省陞六部爲正二品衙門尚書正二品侍郎正三  
品每部分四子部子部各設郎中員外郎主事于是中  
書之政分于六部建文元年改六部爲正一品衙門  
尚書正一品添設左右侍郎各一員正二品所屬諸司  
僅有清吏二字皆除去成祖即位悉復洪武舊制  
永樂元年陞北平爲北京總置行部設尚書二員侍  
郎四員所屬吏戶禮兵刑工六曹清吏司郎中員外郎

主事各一員後既遷都又分置六部各稱行在其部  
十八年 詔定都于北京除行在二字又革行部其舊  
在南京者加南京二字 洪熙元年復稱行在仍設行  
部于南京六部悉去南京二字 宣德三年仍革行部  
正統六年于北京復除行在二字于南京仍加南京  
二字至今遂為定制兩京建置悉同但大政悉歸于北  
其在南京官員悉從裁省

高皇帝下江南即置行中書省自領之即吳王位改置中  
書省而於六尚書勢不遑設 洪武元年始備六尚書  
皆正三品而侍郎正四品即中以下品秩有差而皆隸  
中書省一仍元舊獨戶部事煩設三四科尚書尋亦罷  
續文獻通考卷之八十七 五 四百九十四

十三年丞相胡惟庸以專擅蒙蔽誅分其職於吏戶  
禮兵刑工又分大都督府為五而攝其樞要於兵部陞  
尚書正二品左右侍郎正三品雖並稱政府而名位不  
極事權不專 天子之威福無下移蓋隱然周世六官  
之繼而獨家宰不制國用司徒不掌邦教以此小異耳  
建文朝歸重左班以故進尚書正一品增設侍中正  
二品侍郎品如故欲以擬五都督之上而權輕位崇遷  
拜太驟識者以為未然至 文皇即 大位而悉更從  
洪武之舊矣是時改北平故 燕國為北京設行部尚  
書以總布按二司事行都督府總都司事 永樂四年  
上狩北京討北虜經畧定鼎之業雖備行在九卿印

以從然 皇太子以元良監國大小庶務悉以委之唯  
封爵大辟及除拜三品文武職六科都給事中以聞而  
戶部主糧餉兵部主軍旅禮部主朝儀始以行在尚書  
夏原吉方賓呂震扈從而九卿印務往往令原吉兼攝  
是時六部政本猶在南 十七年而 皇太子歸 青  
宮以 皇太孫留守南京六部政悉移而北 十八年  
行在六部落行在字諸九卿大小省署之留者皆稱南  
京 洪熙元年 天子留意豐鎬九卿大小之在南者  
皆落南京字而六部復稱行在 宣德三年始定如永  
樂 弘正以還內閣日益重而六尚書日益輕然老臣  
勲業稍重加三孤 東宮三師若吏兵之長猶能與之  
續文獻通考卷之八十七 六 四百九十五

抗至分宜之得政江陵之當國則部臣唯唯聽命矣  
初六部之屬吏部曰總部司封司勲考功後改文選驗  
封稽勲考功 洪武二十九年并五部屬皆稱清吏司  
建文去清吏字靖難後復故戶部曰民度支金倉四部  
二十三年改十二部浙江江西湖廣陝西廣東山東  
福建北平河南山西四川廣西量其繁簡兼領京畿而  
以雲南隸陝西建文改民度支金帛倉庾四司靖難後  
復故 永樂元年改北平司為北京司十九年革北京  
司增雲南貴州交趾三司 宣德十年革交趾司禮部  
曰儀祠膳主客四部改儀制祠祭精膳主客兵部曰司  
馬職方駕庫四部改武選軍駕武庫職方刑部曰憲比

司門都官四部洪武二十三年改十二部如戶部建文  
為詳憲比議職門都官四司靖難後復故比平雲南貴  
州交趾改置如戶部工部曰營廣水屯四部改營繕廣  
衛都水屯田又改將作司為營繕所隸工部

洪武祖訓有曰自古三公論道六卿分職並不曾設立  
丞相自秦始置丞相不旋踵而亡漢唐宋因之雖有賢  
相然其間用者多有小人專權亂政今我朝罷丞相  
設五府六部都察院通政司大理寺等衙門分理天下  
庶務彼此頡頏不致相壓事皆朝廷總之所以穩當  
以後子孫做皇帝時並不許立丞相臣下敢有奏請  
設立者文武群臣即時劾奏將犯人凌遲全家處死

續文獻通考卷之八十七

七

李夢陽曰國制文極六曹天造不論夏原古寒義經綸  
惴惴文皇北征國是全屬三楊士奇榮壽熙結蒙省坐臻  
太平君佚臣勞所謂代天之相英廟之遇文達李賢密  
畫顯斷萬幾精覈局體一變成化間三原王經河州王瑄  
縣蘇封丘居則岳屹動則雷擊大事斧斷小細海蓄  
帷幄倭幸請劍必極使見之者畏聞之者懾斯其人死  
生富貴足動之然較之天順以前則殊矣時與位不  
同耶委任權力殊耶弘治中華容鄧洪洞韓釣陽馬  
升靈寶謝陽曲盧氏金陵顧安福王咸稱名卿然  
志存納約行在精審苟濟其事小枉安焉局體又一變  
矣雖形迹罔異義遵矯直亦運歎然歟

吏部官屬

吏部有南樞密院掌文銓視吏部而部族丁賦之政亦  
與焉蓋不專於吏部也南面吏部置官曰尚書曰侍  
郎曰郎中曰員外郎其下屬官未詳

金吏部尚書一員正三品侍郎一員正四品郎中二員從  
五品員外郎二員從六品掌文武選授封勳考課出給  
制誥之政以賢行效勞比任者之賢否以行止文冊貼  
黃簿制名闕之機要正七品以上以上名省聽授從七  
品以下每至季月則循資格而擬注自八品以上則奏  
以下則否侍郎以下皆為尚書之貳郎中一員掌文武  
選流外選用官吏差使行止名簿封爵制誥一員掌封  
爵文獻通考卷之八十七

八 溫憲

給酬賞承襲用廢循遷致仕考課議謚之事員外郎分  
判曹務及參議事所掌與郎中同主事四員從七品掌  
知管差除校勘行止分掌封勳資考之事惟選事則通  
署及掌受事付事檢勾稽失省署文牘兼知本部宿直  
檢校架閣餘部主事自受事付事以下所掌並同此  
四年六部主事始用漢七人太定三年用進士非特  
不得擬吏人如掌批擬奏人并不得入常例承安五年增  
女直王事一員今史六十九人內女直二十九人譯史  
五人通事二人與今史同泰和八年令史增十人  
架閣庫大定二十一年六月設之管勾正八品掌吏兵兩部  
架閣兼檢校吏部行止以識女直契同管勾一員官  
誥院提舉二員掌署院事以吏部郎中翰林審官院不  
屬吏部承安四年設大安二年罷之若知院一員從三

品掌奏駁除授失當事通制六品外路五品以上官除授送本院審之補闕拾遺監同知審官院事一員從四品掌書四

吏部選授之制自太宗天會十二年始法古立官至天

眷元年頒新官制及天德四年始以河南北選人並赴

中京吏部各置局銓注又命吏部尚書蕭願定河南北

官通注格以諸司橫班大解并大將軍合注差人依年

例一就銓注餘求仕人分四季擬授遂爲定制貞元

二年命擬注時依舊令求仕官明數調面不許就本鄉

若衰病年老者毋授繁劇處世宗元年勅從八品以

下授除不須奏聞又制求仕官毋入權門違者追一官

續文獻通考卷之八十七

九 四百五十五

降除有所覲獻而受者奏之二年詔隨季選人如無

過或有功酬者依格銓注有廉能及汙濫量約陞降呈

省七年命有司自今每季求仕人到部今本部體問

政跡出衆者及賊汙者申實以聞量約陞擢懲斷年老

者勿授縣令又謂宰臣曰隨朝官能否大率可知若外

路轉運司幕官以至縣令但驗資考其中縱有忠勤廉

絜者無路而進是此人終身不敢望三品矣豈進賢退

不肖之道自今通考視其能否以定陞降爲格又曰今

用人之法其弊其有不求聞達者入仕雖久至三四十

年官不離七品而新進者結朝貴致顯達此豈示激勸

之道卿等當審于用人以革此弊時青州防禦使常德

輝上言吏部格法止叙年勞是以雖有才能拘于法而

不得陞以致人才多滯下位又刺史縣令親民之職多

不得人乞加體察然後公行廉問庶使有懼心且今酒

稅使尚選能者况承流宣化之官可不擇乎自今宜以

能吏當任酒使者任親民之職從之十年上謂宰臣

曰守令以下小官得民不能徧知聞百姓或請留者類

皆不聽凡小官得民悅上官多惡之能承事上官者必

不得民悅自今民願留者許直赴部告呈省遣使覆實

其績果善可超陞之如丞簿陞縣令之類以示激勸

二十六年以闕官勅見行格法合降資歷內三降兩降

各免一降一降者勿降省令譯史合得縣令資歷內免

續文獻通考卷之八十七

十 四百五十六

錄事及下縣令各一任密院令史三考以下者同前免

之臺部宗正府統軍司令譯史合歷縣令任數免下今

一任外今右職文資諸科合歷縣令亦免一任當過檢

法知法三考得錄事者已後兩除一差明昌三年止

曰舊制每季到部求仕人識字者試以書判不識者問

以疑難二事體察言行相副者其令自今隨季部人並

今依條試驗宰臣奏曰既體察知與所舉相同又試中

書判若不量與陞除無以示勸遂定制若隨朝及外路

六品以上官則隨長任用外路正七品官擬陞六品縣

令一等除授任滿合降者免降從七品以下於各等資

歷內減兩任擬注以後體察相同即依已陞任使若體

察不同者本等除授若見任縣令陞中上令者并掌錢穀及丁憂去者候解田到部諸局分人亦候將來出職日準上擬注送安謀克擬依前提刑司保舉到陞任例施行時嘗令隨門戶減一資歷七年勅復令如舊泰和元年上以縣令見守闕近者十四月遠者十六月又以縣令簿丞員缺不相副勅省臣右選官見格散官至明威者注縣令宣武者注丞簿雖曾犯選格及虧朮者亦注是無別也遂定制曾犯選格及虧朮者廣威注令明威注簿丞衛紹王大安元年以上以縣令闕少令初上中下令者與其闕可令再注簿丞一任俟員闕相副則當復舊宣宗貞祐二年以播越流離官多闕權命河朔

續文獻通考

卷之六十七

十一 四庫全書

諸道宣撫司得擬七品以下尋以所注吏部不知李放之闕多至重復乃奏罷之時李英言兵興以來百務煩冗政在用人舊雖有四善十七最之法而拔擢薦聞幾為徒設大定間以監察御史及審錄官分詣諸路考覈以擬號為得人可依已試之効庶幾使人自勵詔從之三年戶部郎中與屯阿虎言諸色遷官並與女直一體而有司不奉妄生分別以至上下相疑詔以違制禁之初宣宗之南遷也詔吏部以秋冬於南京春夏於中都置選而赴調者憚于北行率皆南來遂併於南京設之三年命汰不勝官者令五品以上官舉今季赴部人內先擇才幹者量緩急易之與定元年詔有司議減

冗員又詔自今吏部每季銓選差女直漢人監察各一員監視又盡罷前紀罪降除截罷及承應未滿解去而復為隨處官司委使者又定制權依劇縣例俱作正六品令隨朝七品外路六品以上職事官舉正七品以下職事官年未六十無公私罪堪任使者歲一人仍令兼領樞密院彈壓之職以鎮軍人凡有司不得差占及凌辱決罰到任半年委巡撫體訪具申籍記又半年覆察考滿日分等陞用如六事備為上等陞職一等四事為中等減二資歷其次下等減一資歷不稱者截罷凡省選之制皇統八年以上京僻遠始命詣燕京擬注歲以為常貞元遷都始罷是制其常調制正七品兩任

續文獻通考

卷之六十七

十一 四庫全書

陞六品六品三任陞從五品從五品兩任陞正五品正五品三任陞刺史凡內外官皆以三十月為考隨朝官以三十月為任陞職一等自非制授尚書選在外官命左司移文勾取承安三年始命置簿勾取大定十五年制凡二品官及宰執樞密使不理任每及三十月則書于貼黃不及則附于缺滿簿內外三品官以五十月為任泰和三年制凡文資右職官應選三品職事者五品以上歷五十月六品以下及門廕雜流職事至四品以上而散官應至三品者皆歷六十月方許告遷七月自按察使副依舊三十月理考外內四品以四十月理考通十月遷三品泰和八年詔以門廕官職事至四品

有差步自今至刺史而散官應至三品者即許告遷三品此皆選資考之制也

元吏部尚書掌天下官更選授之政凡職官銓綜之典吏員調補之格勲封爵邑之制考課殿最之法皆屬焉

世祖中統元年以吏戶禮爲左三部尚書二員至元年以吏禮自爲一部七年始列尚書六部十三年

分置吏部尚書後定置尚書三員正三品侍郎二員正四品郎中二員從五品員外郎二員從六品主事爲吏

部首領三員正七品僞吏有令史知印秦差等人

順帝至元三年伯顏太師等奏准吏部考功郎中員外郎主事各設一員至正元年吏部又置司績一人正七

續文獻通考卷之八十七

十三

四

子

品掌百官行止以憑叙用襲歷

呈明

本朝置吏部郎古選部也自秦置尚書以來漢成帝設常

侍曹主公卿事後漢光武改爲吏曹主選舉祠祀至靈

帝又改爲選部及魏更漢命又改爲吏部專主選事拜

陳群爲吏部尚書建九品官人之法其制益詳歷晉宋

梁陳凡選舉皆尚書主之迨隋置侍郎貳尚書之事則

六品以下銓補多歸之唐承隋制吏部統總部司封司

勲考功四曹沿及趙宋相因不革然皆爲尚書省屬官

與周官冢宰掌邦治之意固有間矣國初遠稽唐宋

置六部衙門並屬中書省洪武十三年革中書省罷

丞相使政歸六部分理每部分四子部各設郎中員外

郎主事如周官六卿各率其屬而治吏部四子部曰總部曰司封曰司勲曰考功二十二年改總部爲選部

二十九年又改選部爲文選司封爲驗封司勲爲稽勲考功仍舊俱稱清吏司未爲定制凡天下官吏選授

勲封考課之政令俱吏部掌之而吏部尚書之蒙簡命禮數特異其勲勞茂著則三孤是加及其卒也往往

三公是贈而申之以易名之典自罷丞相以後而統百官均四海之責在吏部固甚重也未樂初肇建內

閣選翰林官入直然皆講讀纂修備顧問而已比後楊士奇等加至三孤領尚書職猶不得專制外事而品叙

續文獻通考卷之八十七

十四

四

子

列憲義夏原吉之下其參謀密勿商確大政憲夏居多

則不以內閣歷六部之意明矣况吏部爲百官之首

而內閣自景泰以前未有加兼吏部尚書者自王文

以易儲由左都御史陞吏部尚書兼學士入閣遂爲後

例然皆以資勞叙遷亦未有陞至吏部尚書理部事而

又入內閣者故弘治初年南臺薦王恕可入內

閣上曰朕用憲義王直故事委恕吏部若有謀議亦

無不聽則官至尚書不可復入內閣固定制也至

正德初年逆瑾用事吏部尚書焦芳交結逆瑾取入

內閣而劉宇輩各以附瑾相繼由尚書入直自是遂以

尚書爲入內閣階梯至今沿而不變勢則然也



本部尚書一人左右侍郎各一人其屬司務二人文選  
驗封稽勲考功四清吏司文選郎中一人員外郎一人  
主事二人驗封郎中一人員外郎一人主事一人稽勲  
郎中一人員外郎一人主事一人考功郎中一人員外  
郎一人主事二人吏四十五人監生六十七人

尚書掌官吏選授勲封考課之政令侍郎爲之貳凡  
制命敷奏率其屬奉其職以贊天子倡百司康兆民

司務省署抄目受發文移五日一奏上三月引監生勤

奏登選諸司務皆如之文選掌官吏選陞改調之事以  
贊尚書凡選歲引選六類選亦如之遠方選二朝覲之

歲棟選一歲貢選教職者無常期選庶吉士會翰林院

續文獻通考

卷之八十七

五

四

子

禮部御史會都察院凡陞必滿考不能久任不待考滿

曰推陞類推上一人取旨單推上二人三品以上九

卿及僉都御史祭酒廷推上二人或三人內閣吏

部尚書勅推上二人或三四人皆請旨以署職試

職實授真年資以裁革并省兼攝添設註選量繁簡以

薦舉起廢徵召連雋異以帶俸添注寄恩冗以降調除

名馭罪過以官程勸吏治以寧假息人情其入選賢良

方正聰明正直孝悌力田經明行修博學宏詞孝廉人

材秀才皆民稅戶諸科並革曰進士曰舉人曰歲貢曰

官生恩生功生曰吏員承差知印書篆篆文譯字醫藥

天文地理匠人畫士僧道咸登簿籍其流品平其注

擢不得相先後王官不外調王姻不內除大臣之

族不得任科道族有僚屬者下避上傳陞者執不可奏

其弊也有納粟馬銀乞遠方之例遠方不得銓府佐州

縣正驗封掌封爵襲蔭褒贈吏弄之事以贊尚書凡公

侯伯開國靖難討虜捕倭擒及者外戚恩澤闕里太宗

徵其誥券嫡孽功罪封號祿爵第其世流降除之等

請上裁以土流馭夷官以誥勅授封贈進階貤

封加贈追奪勳愆良以廢叙錄任子以等級給散官以

考撥差胥弄以須知訓入官稽勳掌勳級名籍養養之

事以贊尚書凡五品上文官再考授勳凡百官黃類登

續文獻通考

卷之八十七

六

四

子

內府有故除之凡三年喪解職糾奪喪禁短喪謫匪

喪欽天監奔喪三月復凡父母老七十鮮兄弟得終養

更名有諱復姓姓無漏名姓更復必登版考功掌官

吏考課黜陟之事以贊尚書凡內外官給由三年初考

六年再考並引請九年通考奏請綜其稱職平常不稱

職而黜陟之陟無過二等大臣不註考倉場庫官一年

考巡檢三年考教官及流外冗官九年考覈其功過而

黜陟之陟無過一等惟舉人教官得引選陞陞陞無等

遠省府同知下三六年省考九年部考京官五品下已

亥年考察不職者除名調降致仕有差四品上自陳去

留聽上外官辰戌丑未年考察不職者亦如之內外

官有劾章下品其良不肖擬去留請大臣自陳下亦如

之王官長史審理紀善考察如京官南京庶官初考引復再考南京吏部類報大臣再考亦引請外官九年僅一考即稱陞減一等吏二考數冊移驗封承差數冊移文選吏三考及知印考第其資格引選凡乞致仕者不限年聽京官七十外官六十五致仕大臣奏聽上文官請葬祭贈謚者按其滿考被劾與否報所司必傳公議以閒劇量殿最以旌異廉政績以貢舉搜遺逸以保留達民情以紀錄懲過以謫戍糾罷閒官吏

英宗天順年間 召大學士李賢 諭曰如今各邊革去

文武巡撫十分狼狽軍官縱肆貪暴士卒疲憊卿爲

朕舉進才能者用之賢因請曰遼東宣府大同延綏寧

續文獻通考

卷之八十七

十七

四百五十一

子

夏其肅要人最急 上復曰卿與王翱馬昂商議推選

務在得人且曰多舉數人擇而用之賢退明日議推十

二人以進 上遂定浙江布政白圭在遼東山東布政

王宇在宣府僉都御史李秉在大同監察御史徐瑄在

延綏山西布政陳翌在寧夏陝西布政芮劍在甘肅俱

以京官巡撫其地又吏部左侍郎孫弘聞喪 上召賢

曰孫弘豈勝吏部賢口誠如 聖諭蓋弘以知縣考滿

赴京爲忠國公石亨鄉里囑囑京官又以奉迎功陞工

部侍郎復極力謀得今職士林耻之 上又恐其謀奪

情即令守制復 召賢曰吏部侍郎乃天下人物權衡

非他部可比必得其人先生以爲誰可賢曰以在朝觀

之無如禮部二人可擇一人用之 上復問其優劣賢

曰鄒幹爲人端謹但規模稍狹姚夔表裡俱稱有大臣

之量 上曰然遂用之士皆稱悅有禮部郎中李和託

一釋子囑權近求爲侍郎議論紛然 上以問賢賢對

不知 上悟其意復問吏部尚書王翱亦不甚許他日

以學士李紹對 上復問賢賢曰此公論也 上意遂

決明日 奉天門朝畢 召吏部諭令除紹爲禮部右

侍郎 英廟留心親擢用如此則吏部不得專而亦不

敢有所私矣

世宗嘉靖四年七月吏部奏御史孫元席春皆當路子弟

宜改官 上命爲僉事春兄書邀張聰桂萼排費宏而

續文獻通考

卷之八十七

大

四百五十一

子

乞授館職遂 命春爲修撰夔爲編修科臣鄭一鵬劾

奏 上切責之九年御史胡効才以父璉爲都御史

乞避職 上曰大臣子弟避臺諫輒改翰林陰私積弊

也今後止與京職著爲令

穆宗隆慶元年吏部尚書楊博題爲天下郡邑衝僻煩簡

不同有逸而得譽有勞而速謗既乖黜陟之宜遂啟趨

避之徑今品第上中下三等推陞選補量材授任不惟

視等以爲歲月之遲速仍視第以爲官資之高下每省

摠括數語以陳其隱細列等差以盡其詳庶實政修而

成功可課 上詔銓曹奉行 五年吏部言國家用人

不得官于本省以其有民社之責也若學倉驛通關壩

等官其所司者不過訓誨出納之常供應啟閉之役初無民社之寄而又其官甚卑其家甚貧一授遠地或棄官而不能赴或去任而不能歸零丁萬狀其情可矜近例教官係遠人者得授本省地方甚以爲便乞令前項雜流得視此爲例酌量隔府近地銓補從之

今上萬曆二十六年科臣曹大成奏尚書孫丕揚創立掣籤之法人服其公第舉省而分東西南北則啓侍寶擇籤而定用舍予奪則開私門職以爲倣會試例設爲南北中三等其福建廣東廣西雲南貴州地方在南省屬南籤其北直山東山西河南陝西地方在北者屬北籤南直浙江江西湖廣四川地方在中央者屬中籤南人

續文獻通考

卷之六十七

十九

四

子

掣南北人掣北中人掣中則土俗民情既無扞格而卑官下吏又免跋涉亦云當矣乃進士而當科貢之缺科貢而當進士之缺又覺不便當權南上南下北上北下中上中下六箇就中斟酌才品分別議取如科貢有才望者亦令掣上箇如進士有物議者亦令掣下箇如偶遇本省之籤不妨稟明另掣又如府首領州縣佐貳官秩卑俸薄情爲可念即如教職近例雖偶掣本省之籤亦聽其便者漢時州郡徵辟從事宋時太守自置寮屬皆在境內前事足師率而行之可使民俗亦可以弭選司之謗矣 六月吏部覆言三等未便合分籤爲東西南北四箇東北則北直山東爲主而以河南之汝彰歸

歸南直之應鳳淮揚附之爲一箇東南則南直隸浙江福建廣東爲主而以廣西之梧州平樂桂林三府附之爲一箇西北則陝西山西是已而中州之懷慶開封河南南陽湖廣之鄖陽一府勢屬西偏應附之爲一箇西南則湖廣四川雲南貴州是已而廣西之柳州南寧慶遠潯州太平五府悉屬南土應附之爲一箇或有起復調簡或值地僻缺孤或一時人浮于缺不妨于四箇之中量借附近地方以通掣籤之窮科貢考選前三名使得與進士同掣優缺其餘舉監仍與有議進士一槩抽選則民情土俗無扞格之患卑官下秩無跋涉之虞矣至于首領佐貳咸有錢穀詞訟之責除授本省易起嫌

續文獻通考

卷之六十七

十九

四

子

疑似難以教職照例 上從之 四月 上諭吏部司官近來營幹濫入作弊多端但源既不清流豈能潔以致選舉非人病國殃民傷和召災實由此輩着本部堂上官會同都察院將在任在家人數俱甄別去留及應陞應調的都寫來看後司員缺今各部院掌印官擇舉中外堪用的數員俱聽吏部選用吏部官員待朕親自點用茲著爲今未遠遵守 十一月吏部申明會推之法 上曰用人卿部專職宜詳加斟酌品第以俟 朕裁科道官職司彈劾不許會舉若九卿有推舉不當的着他每從實糾正不許徇私欺罔

續文獻通考

卷之八十七終

續文獻通考卷之八十八

皇明進士雲間王圻纂輯

職官考 戶部 禮部 兵部 刑部

戶部堂屬

述北面有北南大王二院分掌部族軍民之政視戶部其  
官北院曰北院大王曰知北院大王事曰北院太師曰  
北院太保曰北院司徒曰北院司空曰北院郎君南院  
同其屬有北院都統軍司掌北院從政之軍令官曰北  
院統軍使曰北院副統軍使曰北院統軍都監有北院  
詳穩司掌北院部族軍馬之政令官曰北院詳穩監治  
日詳穩曰北院都監曰北院將軍曰北院小將軍有北  
院文獻通考卷之八十八

院都部署司掌北院部署軍民之事官曰北院都部署

曰北院副部署南院並同 南面戶部尚書下侍郎郎

中員外郎並同吏部

舊戶部有度支郎中而遼南面中京設度支使司官曰

度支使曰知度支使事曰度支副使曰同度支使事曰

度支判官不屬戶部以其職同附此

金戶部尚書一員正三品侍郎二員正四品郎中二員從

五品員從六品員外郎三員從六品郎中而下皆以

一員掌戶籍物力婚姻繼嗣田宅財產鹽鈔酒麵香茶

礬錫丹粉坑冶權場市易等事一員掌度支國用俸祿

恩賜錢帛寶貨貢賦租稅府庫倉廩積儲權衡度量法

式給授職田拘收官物并照磨計帳等事員數增主事

五員從七品女直司二員通掌戶度金倉等事漢人司

三員同員外郎分掌曹事員數增兼提控編附條格管

勾架閣等事架閣庫管勾一員正八品掌戶禮兩部架

閣大安以主同管勾從八品檢法從八品勾當官五員

各八品貞元二年設幹辦官十員從七品三年置四員

尋罷之四年更設為勾當官專提控支納管勾覆勘經

歷交鈔及香茶鹽引照磨文帳等事員數增

元戶部尚書三人階三品掌天下戶口錢糧田土之政令

九貢賦出納之經金幣轉通之法府藏委積之實物貨

貴賤之直欵散堆駁之宜悉以任之 中統元年以吏

續文獻通考卷之八十八

戶禮為左三部 至元元年分立戶部尚書三人 二

十二年定六部尚書以二員為額明年以戶部所掌視

他部特煩增置二人後復省一人侍郎二人郎中二人

員外郎三人品秩與吏部同主事八人比他部獨多以

戶部事煩也司計官四人至正中以戶部事煩後增置

二人諸吏不錄所屬附見後

都提舉萬億寶源庫掌寶鈔玉器至元二十五年始置

都提舉一員正四品提舉一員正五品同提舉一員從

五品副提舉一員從六品知事從八品提控案牘一員

吏下不錄

都提舉萬億廣源庫掌香藥紙劄諸物設官同多提控

案牘一員

都提舉萬億綺源庫掌諸色段匹設官同多副提舉一員

都提舉萬億賦源庫掌絲綿布帛諸物設官同多提控案牘一員

四庫照磨兼架閣庫管勾一員從九品世祖至元二十八年以四庫錢帛事煩始置仍給印

提舉富寧庫至元二十七年始創提舉一員從五品同提舉一員從六品副提舉一員從七品分掌萬億寶源庫出納金銀之事

諸路寶鈔提舉司達魯花赤都提舉各一員正四品副提舉各一員從五品同提舉一員從六品副提舉一員從七品分掌萬億寶源庫出納金銀之事

續文獻通考卷之八十八

三

三百八十八

達魯花赤提舉各一員正五品同提舉一員從五品副提舉二員從六品知事一員從八品照磨一員從九品提控案牘各一員官皆至元以後所定

寶鈔總庫達魯花赤一員從五品大使一員從五品副使三員正七品至元二十五年改元寶庫爲寶鈔庫秩

正六品二十六年陞從五品增大使副使設司庫

印造寶鈔庫達魯花赤一員正七品大使二員從七品副使二員正八品中統四年始置秩從八品至元二十

四年陞從七品達魯花赤一人

燒鈔東西二庫達魯花赤一員正八品大使一員從八品副使一員從九品至元元年始置緡鈔庫用正九品

印置監收緡鈔官二十四年分立燒鈔東西二庫

行用六庫中統元年初置提領二員從七品大使一員

從八品副使一員從九品至元二十四年京師改置庫

三曰光熙曰文明曰順承二十八年又置三庫曰建德

曰和義曰崇仁並因城門爲名

大都宣課提舉司掌諸色課程併領京城各市提舉二

員從五品同提舉一員從六品副提舉一員從七品提

控案牘一員司吏六人至元十九年并大都舊城兩稅

務爲大都稅課提舉司武宗至大元年改宣課提舉司

其屬四

馬市猪羊市提領一員從七品大使一員從八品副使

續文獻通考卷之八十八

四

三百九十一

一員從九品至元三十年置

牛驢市果木市品秩設官同上

魚鱗市大使一員副使二員至大元年置

煤木所提領一員從八品大使二員從九品副使一員

至元二十一年置

大都酒課提舉司掌酒醋權酤之事至元十九年置提

舉一員從五品同提舉二員從六品副提舉二員從七

品提控案牘二員二十八年省同提舉一員副提舉一

員餘如故

抄紙坊提領一員正八品大使一員從八品副使二員

從九品中統二年始置用九品印止設大使副使各一

員至元二十七年陞正八品增置提領副使各一員  
印造鹽茶等引局大使一員副使一員至元二十四年  
置掌印造腹裏行省鹽茶礬鉄等引仍置攢典庫子各  
一人

右以上俱屬戶部其萬億四庫元初以太府掌內帑之  
出納既設左藏等庫而國計之領在戶部仍置萬億等  
庫爲收藏之所中統元年置庫官六員而未有品秩俸  
給至元十六年始爲提舉萬億庫秩正五品二十四年  
改陞都提舉萬億庫秩正四品二十五年分立四庫以  
分掌出納至二十七年又別立富寧庫

度支監掌給馬駟芻粟卿三員正三品太監二員從三

續文獻通考卷之八十八

五 四百十一

品少監三員從四品監丞二員從五品經歷二員知事  
一員提控案牘一員照磨兼管勾一員國初置字可孫  
至元八年以重臣領之十三年省字可孫以宣徽兼其  
任至大二年改立度支院四年改爲監此不屬戶部以  
度支附焉

皇明

本朝置戶部尚書非古制也自漢成帝置尚書五曹其三  
爲民曹主財帛委輸并吏人上書事至魏文帝置度支  
尚書專掌軍國支計吳有戶部晉有度支皆主筭也宋  
及齊梁度支尚書領度支金部倉部起部四曹隋開皇  
三年改度支爲民部統度支民部金部倉部四曹唐承

隋制不改永徽初年避廟諱改民部爲戶部顯慶元年  
又改爲度支龍朔二年又改爲司元太常伯咸亨元年  
復舊光宅元年又改爲地官龍朔元年復舊沿宋及元  
相因不改然皆爲尚書省屬官與周官大司徒掌邦教  
之任固不同矣至我朝太祖高皇帝定鼎之初  
猶沿唐制設戶部尚書侍郎之職掌天下戶口田糧政  
令仍屬中書省洪武十三年革中書省陞六部每部  
分四子部各設郎中員外郎主事于是戶部其屬有四  
曰民部曰度支曰金部曰倉部二十三年爲天下之  
庶務浩繁欽改爲十二部曰浙江江西湖廣陝西廣  
東山東福建北平河南山西四川廣西各令清理一布

續文獻通考卷之八十八

六 四百五十七

政司戶口錢糧等事仍量其繁簡帶管直隸府州每一  
部內仍分爲民度金倉四科以領其事二十九年又  
改十二部爲十二清吏司永樂元年改比  
平爲北京清吏司十九年定鼎北京革北京清吏司  
增雲南貴州交趾三清吏司宣德十年革交趾清吏  
司附十三司帶管凡十三司所屬布政司府州縣地理  
人物圖志所載古今沿革山川險易戶口多寡與凡徭  
役職貢之方經費調給之筭藏貨贏儲之准悉咨尚書  
侍郎而奉行其制命是罷丞相以後戶部之職雖沿  
襲于度支而掌建邦土地之圖與其人民之數固隱然  
大司徒之任矣歷永樂洪熙宣德間夏原吉以

戶部尚書恭謀密勿加至少保領尚書事即成周三公  
領六卿之職之遺也 正統以來委任日隆凡戶部尚  
書加至宮保者後先相望第承平既久國家多事加之  
水旱頻仍邊儲告乏其所以酌盈濟虛類非有心計者  
不足勝此而一二壞事之臣侵軋沒其間其甚也輕變  
成法使百十餘年遺計廢于一旦猶爲國有賴乎惟戶  
部改置北京肇自永樂辛丑其總督京都及通州諸處  
倉場初 命司馬理之而柄持內豎自宣德五年 命  
李昶爲戶部尚書專督倉糧遂爲定制以後不拘尚書  
侍郎惟資秩相應者 命之 嘉靖十五年 世宗垂  
意農事又 命兼督西苑農事而委任視昔尤加重

萬曆二年題准特戶部空閑主事另委一員陪庫每日  
公同管庫主事收放銀兩季終更替毋得仍委京倉主  
事致妨倉務  
戶部尚書一人左右侍郎各一人提督倉場侍郎或尚  
書一人其屬司務二人浙江江西湖廣陝西廣東山東  
福建河南山西四川廣西貴州雲南十三清吏司各郎  
中一人員外郎一人主事一人添設浙江湖廣廣東福  
建河南四川廣西貴州司各主事三人山東司郎中一  
人主事三人陝西司郎中二人主事三人山西司郎中  
三人主事四人雲南司主事四人照磨所照磨一人檢  
校一人監生六十三人吏百七十八人所屬衙門寶鈔

提舉司一人副提舉一人典史一人抄紙局廣積庫承  
運庫廣盈庫太倉銀庫各大使一人節慎庫印鈔局寶  
盈局御馬倉張家灣檢校批驗所各大使一人副使一  
人寶鈔庫惠庫賦稅庫各大使一人副使二人甲乙丙  
丁戊午庫大使五人副使六人吏四十八人外承運庫  
行用庫軍儲倉大使一人副使一人  
尚書掌戶口田賦貢役經費之政令而侍郎爲之貳凡  
制命敷奏率其屬奉其職業以贊 天子倡百司康  
兆民照磨檢校典磨勘俸糧同其計筭 十三司各掌  
其分省及兼領京師直隸之事以贊尚書條爲四科曰  
民曰支曰金曰倉類理之以周知其地理古今沿革山  
川險易肥瘠寬狹民生物力多寡登耗之數凡賦役稽  
版籍一歲會實徵十歲攢黃冊冊有丁有田丁有役田  
有租田曰官田曰民田凡二等租曰夏稅曰秋糧凡二  
等丁曰成丁曰未成丁凡二等役曰甲役曰徭役曰雜  
役凡三等皆有力役有催役計其丁田爲差凡鹽存積  
十二常股十八召商輸芻粟佐邊十八次支十二見支  
商毋銀輸龜毋銀賦私鹽毋連盜公鹽毋歸豪有力者  
凡頒祿俸糧廩兼本折色本色毋過十六折色毋過十  
五凡漕運曰支兌曰改兌支兌十八改兌十二凡貯粟  
曰京倉曰通倉京倉十八通倉十二凡歲銀曰內帑曰  
太倉內帑十二太倉十八其沒貲也太倉十一內帑十



九凡蠲征曰恩蠲曰災蠲恩蠲十一災蠲十九凡兵農  
曰屯田曰營田屯田十八營田十二凡賑濟曰出帑曰  
發倉出帑十一發倉十九凡邊儲曰田賦曰鹽賦田賦  
十六鹽賦十四主兵常支客兵乍支其贏也曰糴熟誦  
也曰預借曰空運邊有行即中曰邊即掌出納邊儲五  
歲勅科道各一人覈糾乾沒以墾荒業貧民以占籍附  
流民以畸零寄細民以馴野馭羈縻之民以圖帳抑無  
弁之民以折銀劑米值以平米均田耗以布帛歛庸調  
以桑棗課農官以芻地給馬牧以里老攝鄉社以律法  
嚴訓防以給除差優復以珍異儲上供以鈔錠給公賞  
以限田裁異端以賜田懷降虜以封閉密砂磧以金穀

續文獻通考

卷之八十八

九

四百四十一

累賊罰以課程攔雜物以開樵市船材以引由嚴茶政  
以權量和市易以時估約均輸凡獻產漏產詭產朋戶  
析戶逃戶必罰毋亂宗類毋淆良賤毋遊手食毋毀鈔  
毋遺錢諸王大臣毋得請常課乞閒田提舉倉庫大副  
便各程其出納簿錄其行蹟聽戶部

禮部堂屬

遼北而以敵烈麻都司掌禮儀視禮部其設官見典儀下  
南面有禮部尚書下侍郎郎中員外郎並同吏部

金禮部尚書一員正三品侍郎一員正四品郎中一員從  
五品員外郎一員從六品掌禮樂祭祀燕享學校貢舉  
儀式制度符印表疏圖書冊命祥瑞天文漏刻國忌廟

諸醫卜釋道四方便客諸國進貢犒勞張設之事主事  
二員從七品

左三部檢法司司正二員正八品掌批詳法狀

與定三平三部

及掌法司司正檢法二十二員從八品掌檢斷各司取  
法文字

惠民司今從六品掌修合發賣湯藥且長正八品都監

正九品屬禮部

元禮部尚書三員侍郎二員郎中二員員外郎六員品秩

與吏部同掌天下禮樂祭祀朝會燕享貢舉之政令凡

儀制損益之文符印簡冊之信神人封謚之法忠孝貞

義之褒送迎聘好之節文學僧道之事婚姻繼續之辨

續文獻通考

卷之八十八

十

四百四十二

音藝膳供之物悉以任之

世宗中統元年以吏戶禮

為左三部置尚書三員侍郎二員郎中二員員外郎六

員總領三部之事

十三年始別為禮部

二十三年

六部尚書侍郎郎中員外郎定以二員為額

成宗元

貞元年後增尚書一員領會同館事主事二員諸吏不

錄所屬附見

右三部照磨所秩正八品照磨一員掌吏戶禮三部錢

糧計帳之事與吏八人

侍儀司秩正四品掌凡朝會即位冊后建儲奉上尊號

及外國朝覲之禮至治前官員改置不一後定制侍儀

使四員正三品引進使知侍儀事二員正四品首領官

典簿一員從七品屬官承奉班都知一員正七品通事  
舍人一十六員從七品侍儀舍人十四員從九品吏屬  
令史譯史通事知印其屬法物庫秩五品掌大禮法物  
提點一員從五品大使一員從六品副使一員從七品  
直長二員正八品

拱衛直都指揮使司秩從四品掌控鶴六百餘戶及儀  
衛之事至元三年始置都指揮使一員副使一員鈐轄  
一員提控案牘一員 十六年陞正三品降虎符增置  
達魯花赤一員隸宣徽院 二十年復爲從四品 二  
十五年歸隸禮部 元貞元年復陞正三品 皇慶元  
年置經歷一員二年改鈐轄爲僉事 至順二年撥隸

續文獻通考

卷之八十八

十一

四百八

侍正府定置達魯花赤一員正三品都指揮使四員正  
三品副指揮使二員從三品僉事二員正四品首領宣  
經歷一員從七品知事一員從八品吏屬令史譯史通  
事知印奏差不一其屬控鶴百戶所秩從七品色目百  
戶一十三員漢人百戶一十三員總十三所

儀從庫秩從七品掌收儀衛器仗大使一員從七品副  
使一員從八品

儀鳳司秩正四品掌樂工供奉祭享之事 至元八年  
立玉宸院置樂長樂副樂判各一員 二十年改置儀  
鳳司隸宣徽院後更名設官不一 至大四年復爲儀  
鳳司秩正三品 延祐七年降從三品定置大使五員

從三品副使四員從四品首領官經歷一員從七品知  
事一員從八品吏屬令史譯史通事知印不一所屬五  
雲和署秩正七品掌樂工調音律部籍更番之事 至  
元十二年置 至大二年撥隸王宸樂院署令署丞管  
勾各二員協音協律各一員書史書吏教師提控不一  
安和署秩正七品職掌與雲和同 至元十三年置  
皇慶二年陞從五品令以下置官同上  
常和署初名管勾司秩正九品管領回回樂人 皇慶  
元年置 延祐三年陞從六品令以下置官同上無協  
音協律書史書吏

續文獻通考

卷之八十八

十二

四百四

天樂署初名昭和署秩從六品管領河西樂人 至元  
十七年置 大德十六年陞正六品 至大四年改天  
樂署 皇慶元年陞從五品置官與雲和同  
廣樂庫秩從九品掌樂器等物大使副使各一員 皇  
慶元年置

教坊司秩從五品掌承應樂人及管領興和等署五百  
戶 中統二年始置初改提點教坊司隸宣徽院後隸  
禮部定置達魯花赤一員正四品大使三人品同副使  
四員正五品知事一員從八品令史以下不錄所屬三  
興和署秩從六品署令署丞勾管各二員  
祥和署秩從六品署令署丞勾管各一員  
廣樂庫秩從九品大使副使各一員

武宗初即位遙授教坊司達魯花赤沙的儀鳳司大使火失海牙鉄木兒不花並爲平章

胡粹中評曰平章政事經國大臣之任也始則馬謀沙以角觝屢勝得居其官及是沙的等以教坊伶官遙授是職名爵冒濫如此烏足貴哉且以御史大夫任泰虎人微兒怯思以丞相寵宦者李邦寧以翰林承旨授西僧瓦教班武宗用人如此其爲政不言可知也

會同館秩從四品掌接伴引見諸番蠻夷峒官之來朝貢者至元中建罷不一元貞元年以禮部尚書一員

領館事正三品大使二員正四品副使二員從六品提控案牘一員掌書四人蒙古必闡亦一人典給官八人

續文獻通考卷之八十八

十三

三百六十六

止屬有收支諸物庫秩從九品大使一員副使一員

至元二十九年以四賓庫改置

鑄印局秩正八品掌凡刻印銷印之事大使副使直長各一員至元五年置

白紙坊秩從八品掌造詔旨宣勅紙劄大使副使各一員至元九年置

掌薪司秩正七品司令一員正七品司丞二員正八品典吏一人

皇明

本朝置禮部尚書非古也自漢置尚書五曹以來其四爲客曹主外國夷狄事後漢光武分六曹吏曹主選舉無

尚書禮部尚書有祠部曹及晉江左特重祠部尚書掌廟祀之禮常與右僕射通職不常置以右僕射攝之宋齊梁陳皆號祠部尚書後周置春官卿又有禮部而不言職事後改禮部爲宗伯又春官之屬有典命爲大司禮儀改大司禮爲禮部謂之禮部大夫至隋開皇三年定置禮部尚書統禮部祠部主客膳部四曹唐承隋制不改龍朔二年改爲司禮太常伯咸亨元年復舊光宅元年又改爲春官神龍元年復舊沿及宋元相因不改然皆爲尚書省屬官與周官大宗伯掌邦禮之任固有間矣

國初沿習唐宋之制設禮部尚書侍郎之職掌天下禮儀祭祀宴享貢舉之政令仍屬中書省洪武十三年

續文獻通考卷之八十八

十四

四百十九

革中書省陞六部每部分四子部各設郎中員外郎主事於是禮部其屬有四曰儀部曰祠部曰膳部曰主客部二十九年改儀部爲儀制祠部爲祠祭膳部爲精膳主客仍舊俱稱清吏司未爲定制然成周宗伯之職則專主鬼神之祀至合典樂與教內而宗國外而裔夷上而天官下逮醫師膳夫伶人之屬靡不兼總自我朝罷丞相以後改歸六部而國家稽古右文敷典察倫類非博雅崇古道藝德行備具者莫稱茲任故成化弘治以來率以翰林儒臣爲之迄由此登公孤任輔導使學未明道而欲其秉持國是舉明主於三代之隆不

亦難哉惟禮部改置北京肇自永樂辛丑若夏原吉以七年無行在禮部事趙挺以七年扈行在然大政出於留都故不叙云

禮部尚書一人左右侍郎各一人其屬司務二人儀制祠祭主客精膳四清吏司各郎中一人員外郎一人主事二人提督四夷館主客主事一人監生六十一人吏四十八人所屬衙門鑄印局大使一人副使二人教坊司奉鑾一人左右韶舞各一人左右司樂各一人

尚書掌禮樂貢舉封建朝貢祭祀宴享術藝通佛之政令侍郎爲之貳九制命敷奏率其屬奉其職業以贊

天子倡百司康兆民儀制掌禮文宗封學校科貢之續文獻通考卷之八十八

事以贊尚書天子即位立東宮冊皇后妃嬪上

慈宮徽號皆擬上其儀以令於諸司歲元旦長至

萬壽聖節大朝賀之禮三月朔望殿朝之禮二日早午

晚門朝之禮三凡經筵日講御文華殿初即位

請耕籍田視太學釋奠先師皇帝諭百官曰詔曰

制曰勅曰誥曰書太皇太后皇太后曰誥百官陳

事於皇帝曰表曰奏曰題太皇太后皇太后亦

如之於皇太子曰箋曰啓皇后亦如之皇帝批

荅曰聖旨皇太子曰令旨太皇太后皇太后

皇后曰懿旨東宮出閣監國節令百官朝賀太子

諸王讀書東宮皇后令節受冊外命婦朝賀

皇太后太皇太后皆知之凡歲一封宗室王郡王

將軍中尉妃主君各以其親疎爲等百官於宗王稱

宗室名不得稱臣王官各稱臣於其王凡監學條其規

約而時申之司府州縣衛學皆有歲貢貢以次子午卯

酉歲歲省試生儒易詩書春秋禮記人占一經中式曰

舉人名有額辰戌丑未歲歲試天下舉人額上請中

式者請上策試賜進士及第出身有差諸司相移

文上下曰照會曰劄付曰故牒曰帖下上曰咨呈曰牒

呈曰呈曰申啟曰咨曰關曰牒皆以印識通上下防奸

偽凡印文四等文淵閣王簪篆將軍掛印柳葉篆一品

至九品九疊篆賜關防若未入流條記亦如之監察御

續文獻通考卷之八十八

史八疊篆夷王印三等曰金曰鑲金曰銀凡宴禮三曰

大宴曰中宴曰小宴如宴最大凡射禮二曰大射曰宴

射皆酌古禮而殺其儀凡冠婚天子至於庶人參

諸三禮而登殺其儀凡官民公私服舍皆有式無相踰

僭凡巡狩親征班師策勳行賞第其禮儀移有司

凡祥瑞辨其物名類奏大瑞特奏無請封禪以卿飲酒

讀律誥訓禮讓以養老尊高年以卹貧周仁政以旌表

章勸勵以建言議利病以連坐謫戍禁祠祭堂祭享獻

薦天文國卹廟諱術藝遊佛之事以贊尚書凡祭

有三曰天神曰地祇曰人鬼辯其大祀中祀小祀而敬

供之飭其壇廟陸寢數省閱之蠲其牢醴王帛案焚水

陸燧燦之品第其配飾從食功德上下凡 王國司府  
衛所州縣祀典神祇稽諸令甲播有司以時謹其祀事  
品官庶人家祭亦如之督日官欽若昊天而曆象之筭  
大統曆御覽天象錄七政經度曆回四七政經緯度曆  
占日月交食月五星凌犯日月旁雲氣品調壺漏有變  
密奏上日月食預移內外諸司救之凡天下大災異即  
開火類聞並乞修省凡喪服五曰斬衰齊衰曰期曰大  
功曰小功曰緦麻辯其同姓九族異姓母族妻族親疎  
之等而爲三年期九月五月三月之等凡國有喪若品  
官庶人喪皆傳古喪禮損益行之凡謚 皇帝十七字  
皇后十三字 皇妃 東宮東宮妃二字 親王一  
字郡王二字勲戚文武大臣請祭祭贈謚移諸司覈行  
能請上祭祭有差謚皆二字官品未高而侍從有勞動  
事死義夷王若使得特賜凡 先帝后愍忌祀於 陵  
輟朝不廢務凡藝術天文地理醫藥卜筮師巫音樂並  
籍其人母以術越境興妖妄藏識圖玄象凡僧道咸設  
官領之三年一度度必通經母貴度以周知冊檢其偽  
冒而嚴其禁令凡樂曰中和韶樂曰堂下樂曰丹陛樂  
曰侑食樂曰大樂其雅樂備八音五聲十二律九奏萬  
舞之節俗樂有百戲承應隊舞承應謳歌承應祭祀用  
雅樂太常領之宴享朝會兼用俗樂領於伶人奉鑾部  
舞俳長色長歌工樂工舞人各專其業而籍用之 慈

中書省 樂鑾諸官妻五人提調主客掌華夷朝貢  
宴賜之事以贊尚書凡番夷辨其五年三年二年  
比年焉至之貢及其貢物貢途貢使置約遙徑多寡之  
數王若使至賓待之差其迎送宴勞賞賚廬室幕帳食  
料之等請嗣王封者使二人頒 冊於其國諸大酋渠  
有保塞功授 冊印封之以信符徵勘合以金勅諭差  
發以通事譯夷情以開市平交易以計折收番貨以刑  
典禁交通凡 賜均賞特賞皆有差凡域中歲徵其方  
物有常精膳掌宴饗牲豆酒膳之事以贊尚書凡膳羞  
珍品酒醴光祿領之會其數程其出納凡筵宴視其品  
秩凡三等凡番夷土官辦其下程之等曰常例曰 欽  
賜若宴食料多寡各有差凡 皇邸若在途及其使人  
欽賜厨料亦如之凡厨役僉諸民久次銓 王府典  
膳凡歲藏冰出水移所司謹察之  
兵部堂屬  
遼北面有北樞密院掌兵機武銓群牧之政視兵部 南  
面兵部尚書下侍郎郎中員外郎並同吏部  
金兵部尚書一員正三品侍郎一員正四品郎中一員從  
五品員外郎二員從六品掌兵籍軍器城隍鎮戍廩牧  
鋪驛車輦儀仗郊國圖志險阻障塞遠人歸化之事主  
事二員從七品  
四方館法物庫舊皆屬兵部又承發司管勾從七品同

管勾從八品掌受發省部及外路文字亦屬兵部

元制兵部尚書三員正三品掌天下郡邑郵驛屯牧之政令凡城池廢置之故山川險易之圖兵站屯田之藉遠方歸化之人官私易牧之地馳馬牛羊鷹隼羽毛皮革之徵驛乘郵運祇應公廨皂隸之制悉以任之世祖中統元年以兵刑工為右三部置尚書二員總領三部事至元元年別置工部以兵刑自為一部二十三年定尚書以二員為額至治三年復增一員侍郎二員郎中二員員外郎二員主事二員品秩與吏部同所屬附見大都陸運提舉司提舉二人從五品副提舉一人從七品掌兩都陸運糧斛之事至元十六年始置

續文獻通考

卷之八十八

十九

四庫全書

運糧提舉司延祐四年改陸運各提舉二員從五品

副提舉一員從七品吏目一人又海王庄七里庄魏家

庄臘八庄四所提領一人從九品

管領隨路打捕鷹房民匠總管府秩從三品達魯花赤

一員總管一員副總管一員經歷知事提控案牘各一

員中統二年置初本隸旭烈大王位下至元十年

阿八合大王奏歸朝廷乃隸兵部

管領本位下大都等路打捕鷹房諸色人匠都總管府

秩正三品掌哈贊大王位下事大德八年置官吏皆

王選用至大四年省併衙門不廢定置府官達魯花

赤等所屬有東局織染提舉司秩從五品達魯花赤及

副二員提舉及副二員提控案牘一員

隨路諸色民匠打捕鷹房等戶都總管府秩從三品掌別吉大營盤事及管領大都路打捕鷹房等戶至元三十年置延祐四年陞正三品二府設官俱與上同但多同知一員

管領本位下打捕鷹房民匠等戶都總管府品秩設官俱同上掌別吉大營盤城池阿吟探馬兒一應差發薛徽于定王位下事泰定元年始置

通政院所掌乃兵部事也今附于此蓋國初置驛以給使傳設脫脫禾孫以辯奸偽至元七年初立諸站都統領使司以總之設官六員十三年改通政院十

續文獻通考

卷之八十八

二十

四庫全書

四年分置大都上都兩院二十九年又置江南分院

大德七年罷至大元年陞正二品四年罷以其

事歸兵部是年兩都仍置止管達達站赤延祐四年

復從二品仍兼領漢人站赤大都院使四員從二品同

知二員正三品副使二員從三品僉院一員正四品同

僉一員從四品院判一員正五品經歷一員從五品都

事一員從七品照磨兼管勾承發架閣一員正八品令

史以下不錄上都院使同知副使各一員僉院以下並

同大都品秩亦同

廩給司秩從七品掌諸王諸番各省四方邊遠使客飲食供帳等事至元十九年置提領司令司丞各一員

皇明

本朝置兵部尚書非古也自漢制尚書五曹未有主兵之任至魏置五兵尚書謂中兵外兵騎兵別兵都兵也晉大始中省五兵尚書大康中又置七兵尚書以中兵外兵各分爲左右東晉及宋齊梁陳又爲五兵尚書後周署大司馬其屬有兵部中大夫小兵部下大夫其職並闕至隋開皇三年乃有兵部尚書統兵部職方駕部庫部四曹唐承隋制不改龍朔二年改爲司戎太常伯咸亨元年復舊光宅元年又改爲夏官神龍元年復舊天寶十一年又改爲武官至德元年復舊沿及宋元相因不改然皆爲尚書省屬官與周官大司馬掌邦政之意續文獻通考卷之八十八

固有間矣

國初沿唐宋之制設兵部尚書侍郎之職掌天下軍衛武官選授之政令仍屬中書省洪武十三年革中書省陞六部每部分四子部各設郎中員外郎主事於是兵部其屬有四曰司馬曰職方曰駕部曰庫部二十九年司馬爲武選駕部爲車駕庫部爲武庫職方仍舊俱稱清吏承爲定制然國家罷相以來政歸六部而兵部尚書侍郎即大小司馬之職及計勞叙資往往三孤是加有若大征伐大簡練有若武官勳祿品命有若而志鎮戍烽堠有若鑾輿車乘傳驛廬牧戍器儀仗之廢務靡有不統矧此狄鷙桀南蟻蜚集所期制變弭患

以爲九一者是惟奮忠秉義振滌頽竊用保又於有慶  
其有能重正六師以佐王國者哉惟兵部改置北京肇  
自永樂辛丑其提督團營初總於世勲宿將自正  
統十四年土木之變命兵部尚書于謙不妨部事統  
督軍務景泰三年該于謙會同武靖伯石亨等議於  
五軍三千神機營練選精銳馬步軍一十五萬分爲六  
營仍命于謙提督天順元年又命都察院右都  
御史羅通不妨院事提督本年以邊方寧靖十營罷立  
總官亦不復設八年尚書王竑奏復置成化元年  
又罷之三年該司禮監太監懷恩具奏該本部議擬  
續文獻通考卷之八十八

復增立十二團營

命兵部尚書白圭不妨部事提督

十一年白圭病故又命都察院左都御史王越不  
妨院事提督弘治元年又命都察院左都御史馬  
文昇不妨院事提督二年馬文昇改兵部尚書仍不  
妨部事提督於是劉大夏以後俱以兵部尚書不妨部  
事提督矣正德十一年給事中翟璜奏要添設尚書  
侍郎都御史一員提督該部尚書王瓊奏係干事體重  
大奉旨不必添設至嘉靖六年大學士楊一清奏  
命兵部尚書兼都察院左都御史李承勲不妨院事  
提督於是汪欽以後俱以都御史不妨院事提督矣  
二十年以提督事重將改劉天和爲兵部尚書專一



營操練不妨以他務及二十一年劉天和致仕奉旨  
勅兵部尚書張瓚不妨部事提督於是毛伯溫以後俱  
以尚書提督矣 二十九年北虜犯京師復改吏部侍郎  
王邦瑞為兵部左侍郎協理戎政專一操練遂定為  
常制歷年提督不同但其要在於得人楊一清謂非于  
謙不能定亦非于謙不能行其意微矣

兵部尚書一人左右侍郎各一人其屬司務二人武選  
車駕職方武庫四清吏司各郎中一人員外郎一人主  
事一人添設武選郎中一人主事四人車駕郎中一人  
主事二人職方郎中一人主事四人武庫主事二人守  
山海關職方主事一人監生三百二十五人吏一百六

續文獻通考

卷之八十八

兵部

十七人所屬衙門京衛武學教授一人訓導六人會同  
館大使一人副使一人大勝關大使一人副使一人  
尚書掌武衛官軍選授簡練鎮戍廐牧傳郵輿皂之政  
令侍郎為之貳凡 制命敷奏率其屬奉其職業以贊  
天子倡百司康兆民武選堂武官選陞襲替功賞之  
事以贊尚書凡世武官九等曰指揮使同知僉事正副  
千戶衛鎮撫實授試百戶所鎮撫凡流官都督三等都  
指揮三等不得世即有世者出特恩凡歲六選官二等  
曰舊官曰新官皆有流有世世曰襲職曰替職其幼者  
曰優給不得世者曰咸章曰通革非真授者曰試職曰  
署職曰納職凡首功四等曰北虜曰遼東女直曰西番

苗蠻口內地及賊凡戰功二等曰奇功曰頭功凡賞三  
等曰加賞曰給賞曰量賞凡推陞勲臣若武舉薦舉會  
舉二人上請凡土官六等曰宣慰宣撫招討安撫長官  
千夫長其子弟族屬若妻壻女甥皆得從其俗凡夷官  
自都督至於鎮撫凡十四等皆以 誥勅辭冒偽凡傳  
陞乞陞非軍功陞者得執奏以考選比試併鎗達材而  
程力以部功課將領以遞降練卒徒以貼黃正圖狀以  
初績徵 誥勅以褒卹勵死戰以優養恩故絕以引類  
登選簿以殺降失陷避敵激叛肅軍機以典刑敗倫行  
劫退陣斷世祿以寄祿馭 恩倖以覈訊糾捕緝真駕  
掌 輦乘衛守廐牧傳郵之事以贊尚書凡大朝賀天

續文獻通考

卷之八十八

兵部

禮儀陳鹵簿 大駕常朝設丹陛駕有差皆辭其物數  
而序次之凡侍衛陞殿全直常朝番直凡守衛視聽衛  
畫前左右後四行日夜巡警之皆有圍伍定其籍之多  
寡而第其番之上下凡衛直有勲戚武官動衛散騎舍  
人將軍力士校尉凡馬政三曰民牧曰衛牧曰京府寄  
牧凡牧官兩京太僕寺山西陝西甘肅行太僕寺遼東  
陝西苑馬寺受其籍帳而時程督其登耗閑逸之數以  
營牧節芻秣以印俵防欺冒以色齒覈抵謾以糧馬征  
南夷以茶馬通西番以市馬摩東虜官以足軍實京營  
邊鎮毋乏馬凡傳郵二曰驛口遞運所在京師曰會同  
館皆以符驗關券行之凡黃馬快船以練水軍致貢獻

九 東宮儀仗侍衛 慈宮 中宮園簿皆籍其數有差職方掌地圖軍制城隍鎮戍簡練征討關津之事以贊尚書凡地圖諸邊腹疆界地里遠近險易三歲一報官軍車騎之數亦如之凡軍制內外相維武官不得輒下符行軍凡設官都督府五都指揮使司二十一留守司二衛四百九十一守禦屯田羣牧千戶所三百十一儀衛司三十三宣撫招討宣慰安撫長官司九十五番夷都司衛所四百七各統其官軍及部落聽征調守衛朝貢保塞之職凡城隍以時築濬閱視之凡鎮戍防虜禦暴陜險要屯兵統之凡將校五等曰鎮守曰協守曰分守曰守備曰備倭其官稱曰總兵曰副總兵曰叅將

續文獻通考卷之八十八

曰遊佐擊將軍曰都指揮曰行都指揮事凡六等監以都御史曰贊理軍務凡簡練三營曰五軍將士曰神樞司旗纛曰神機習火器三營各練之神樞馬隊神機步隊五軍無馬步隊統以文武大臣曰總督京營戎政曰協理京營戎政其屬曰副將曰叅將曰遊擊將軍曰佐擊將軍科道官巡視之若將軍營練將軍四衛營練更士幼官舍人營練京衛幼官及應募舍人殫心効義營練報効舍餘別為營領之皆專一藝程其閑否稽其什伍存逸騎械精頓之數教以坐作進退疾徐疏數之節金鼓麾旗之號凡將材三歲武舉六歲會舉歲薦舉籍而用之凡有征討 命將出師請 命文武大臣曰提

督曰總督曰總制懸賞罰調兵食紀功各移所司請凡軍有功聽御史覈移武選陞賞有差以堡寨障遠微以烽墩傳聲息以冊勾驗補收以塚間發冒漏以除豁覈冊籍以存恤優初役以壯快簡鄉民以開津詰奸盜武庫掌戎器符勘尺籍武學新隸之事以贊尚書凡戎器守衛邊鎮若征行堆諸司行工部請給火器請內府凡使人出邊關必驗勘令凡 制勅調邊兵必比勘令勘合皆出內府凡尺籍衛所上缺伍圖冊府縣上軍戶文冊並下諸省按勾衛所即去府縣近不得輒相移凡清軍司府州縣設專官或監以御史歲集里老覈其招募採集罪謫改調營丁籍戶之數以跟捕紀錄開伍結除

續文獻通考卷之八十八

停勾嚴稽其冒漏而寬其恩復凡武學教武職幼官及子弟未嗣官者籍其功能歲終檢奏六年一會舉應文武舉者聰怠不卒教者罰黜有差凡皂隸直衙柴薪二等辯其官品而多寡其數並雇役

刑部堂屬

遼北面有夷離畢院掌刑獄之事視刑部其官曰夷離畢曰左夷離畢曰右夷離畢曰知左夷離畢事曰知右夷離畢事曰敝史曰選底掌獄 南面刑部尚書下侍郎郎中員外郎並同吏部

金刑部尚書一員正三品侍郎一員正四品郎中一員從五品員外郎二員從六品一員掌律令格式審定刑名

開津議察放詔勘追徵給設等事一員掌監戶官戶  
配隸計良賊城門啟閉官吏正功賞捕亡等事主事二  
員從七品今史五十二人內女直二十二員史五十二  
架閣庫管勾一員掌刑工兩部架閣大安以手同管勾  
一員從八品

元制刑部尚書三員正三品掌天下刑名法律之政凡  
大辟之按覆繫囚之詳讞收斂產沒之籍捕獲功賞之  
式冤訟疑罪之辯獄具之制度律令之擬議悉以任之  
世祖中統元年以兵刑工為右三部至元元年析  
置工部而兵刑仍為一部七年始別置刑部尚書  
二十三年定六部尚書以二員為額大德四年增置

續文獻通考

卷之八十八

二十七

四百八

一員侍郎二員郎中二員員外郎五員內二員專署刑  
部事至元七年省為二後因之品秩與吏部同主事  
大德三年置司程官四人所屬附見

司獄司司獄一員正八品獄丞一員正九品獄典一人  
初以右三部照磨兼刑部繫獄之事大德七年始置  
專官部醫一人專調治病囚

司籍所提領同提領各一員初為大都等路斷沒提領  
所至元二十年改名隸刑部

皇明

本朝沿唐宋之制設刑部尚書侍郎之職掌天下刑名及  
徒隸勾覆開禁之政令仍屬中書省洪武十三年章

中書省六部每部分四子部各設郎中員外郎主事  
於其門部其屬有四曰憲部曰比部曰司門部曰都官  
部二十三年因天下庶務浩繁欽改為十二部曰浙  
江江西福建山西山東北平四川湖廣河南陝西廣東  
廣西各令清理一布政司刑部事其雲南布政司隸

陝西仍量其繁簡帶管直隸府州并在京衙門每部  
仍分憲比司門都官四科以領其事二十九年又改  
為十三清吏司永樂元年改北平為北京清吏司  
十九年定鼎北京革北京清吏司增置雲南貴州交趾  
三清吏司宣德十年革交趾清吏司附浙江司帶管  
永為定制然國家自罷丞相以來大政悉歸六部而

續文獻通考

卷之八十八

主八

四百八

刑部尚書侍郎即大小司寇之職及計勞叙資往往三  
孤官保是加如其刑暴亂除邪說誅背逆黜貪濫弼教  
輔治使刑期無刑類非公明敬密者不足勝此不然法  
例未諳欽恤未孚而欲其比條原情使天下無冤民不  
亦難哉惟刑部改置北京肇自永樂辛丑其間如夏  
原吉兼行在刑部事大政尚出于南故不叙云

刑部尚書一人左右侍郎各一人其屬司務二人浙江  
江西湖廣陝西廣東山東福建河南山西四川廣西貴  
州雲南十三清吏司各郎中一人主事二人添設司主  
事一人漕運理刑主事一人照磨一人檢校一人司獄  
司司獄六人監生八十四人吏一百八十四人

尚書堂刑名徒隸引優開禁之政令侍郎爲之二凡制命敕奏率其屬奉其職業以贊天子倡百司康兆民照磨校照例文卷計銀贖司獄守獄十三司各掌其分省及兼領京府直隸之事以贊尚書凡宗室勲戚官吏軍民蠻夷麗於法者詰其詞察其情僞而比其罪之重輕必傳律例律凡六百有六條例凡三百七十有六條例所不及者比而議請焉凡象刑之名五曰笞曰杖曰徒曰流曰死死二等流三等徒杖笞並五等死刑最重者凌遲徒流之重者曰遷徙曰克軍凡懲惡之戮十曰謀反曰謀大逆曰謀叛曰惡逆曰不道曰大不敬曰不孝曰不睦曰不義曰內亂凡原宥之議八曰親曰故曰功曰賢曰能曰勤曰貴曰賓凡食墨之贓六曰監守盜曰常人盜曰竊盜曰枉法曰不枉法曰坐贓凡獄具七曰笞曰杖曰訊曰枷曰杻曰索曰鐐凡兩畿十三省死刑歲獻平之奏上凡詔獄必傳律例請上裁凡應減者下就輕二死三流一減者上就重重不得至死凡律例外有殊旨別勅語例榜例非輕議請著令者不得引比凡死刑即決及秋決並三覆奏濫戮於市凡贖罪有力者視罪輕重爲差斬絞雜犯亦贖從末減者收贖凡簿錄停囚配沒給賜官私奴婢必籍知之凡籍產不得及其先墳塋凡贓罰諸物本直時估參計之易銀歲抄類入內府凡徒杖留者有大誥減一等

續文獻通考卷之八十八

刑考

凡獄成移大理寺獄問詳焉囚服乃已否駁再問有照駁察駁追駁審異圖審及請制決者必服乃已凡訴冤者外而內皆自下上急擊發聞鼓九重囚京師歲霜降會三府九卿科道獄之上請情真者決矜疑者成邊有詞者調司再問比律者監候五歲請勅遣官出京府兩畿十三省審錄或釋冤濫者凡夏月錄囚免笞刑減徒流以下刑辯重刑凡提牢月更主事一人葺囹圄固械繫而時其食飲有病醫藥之凡官有過紀錄之兩京歲抄勅滿除紀過凡大祭祀止刑凡四方有大獄則受命而往成之以名例攝科條以八字括詞義以五服參情法以墨涅識盜竊宗人不卽市官人不卽

續文獻通考卷之八十八

刑考

獄悼老癯殘不卽訊

續文獻通考卷之八十八



續文獻通考卷之八十九

職官考 工部 行中書省

工部堂屬

遼北而以宣徽北南二院掌御前祗應之事視工部 南

面工部尚書下侍郎郎中員外郎並同吏部

金工部尚書一員正三品侍郎一員正四品郎中一員從

五品掌修造營建法武諸作工匠也田山林川澤之禁

江河隄岸道路橋梁之事員外郎一員從六品貞祐五年

實司官天德三年增二員主事二員從七品今史十八人內女直人通事

續文獻通考卷之八十九

覆實司管勾一員從七品隸戶工部掌覆實營造材物

工匠價等事

右三部檢法司司正二員正八品檢法從八品二十四

員職事與左三部檢法同先受割付大定四年命給勅

元制工部尚書三員正三品掌天下營造百工之政令凡

城池之修濬土木之繕葺財物之給受工匠之程式銓

注屬院司匠之官悉以任之世祖中統元年右三部置

尚書二員至元元年始分立工部尚書二十三年

定尚書以二員為額明年以漕務煩冗增尚書二員

三十八年省一員侍郎二員郎中二員員外郎二員品

秩與吏部同主事五員所屬附見

諸色人匠總管府秩正三品掌百工之技藝定置達魯

花赤一員總管一員同知副總管各二員經歷知事提

控案牘各一員又有令史奏差等人所屬十一 梵像

提舉司提舉一員從五品同提舉副提舉吏目各一員

董繪畫佛像及土木刻削之工初為梵像局延祐三年

改名 出蠟局提舉司官秩俱同上掌出蠟鑄造之工

至元十二年置局延祐三年陞提舉司 鑄瀉等銅局

大使一員從七品副使一員掌鑄瀉之工至元十年始

置初有管勾一員後省 銀局大使一員從七品直長

一員掌金銀之工 鑄鐵局大使一員從八品掌鑄鐵

之工 瑪瑙玉局直長一員從八品掌琢磨之工 石

局大使一員從七品管勾一員董攻石之工 木局大

使一員從七品直長一員董攻木之工 油漆局副使

一員用從七品印董髹漆之工 諸物庫提領一員正

九品副使一員掌出納諸物之事管領隨路人匠都提

領所提領一員大使一員俱受省檄掌工匠詞訟之事

已上俱至元十二年始置

諸司局人匠總管府秩正三品其官有達魯花赤副達

魯花赤總管同知各一員經歷等員俱與諸色人匠總

管府同領兩都金銀器及符牌等一十四局事至元十

四年置二十四年以八局改隸工部及金王府止領五

局一庫掌毯等事所屬六 政支庫大使一員秩正

九品掌出納之物。大都總局大使一員秩從七品副使一員管人匠一百二十有五戶。大都染局大使一員秩從九品管人匠六千有三戶。總局大使一員秩從九品副使一員管人匠九十七戶。隆興總局大使一員副使一員管人匠一百戶。剪毛花毯蠟布局大使副使各一員管人匠一百十有八戶。提舉右八作司提舉二員秩正六品同提舉副提舉各一員掌出納內府漆器紅氈梢隻等并在都局院造作鑲鐵銅鋼鎗石東南簡鐵兩都支持皮毛雜色羊毛生熟料皮馬牛等皮駝尾雜行沙里陀等物初置提領八作司至元二十五年改提舉二十九年以出納委積分爲左右兩司

續文獻通考卷之八十九 四庫全書

諸路雜造總管府秩正三品至元十四年置達魯花赤一員總管同知副總管各一員知事提控案牘各一員所屬二 蕪網局大使副使各一員並受省劄至元元年置 收支庫大使副使各一員至元三十年置 茶迭兒局總管府秩正三品管領諸色人匠造作等事初至元十六年始置總管一員二十七年又置同知一員後定置府官達魯花赤一員總管一員同知如舊知事與提控案牘各一員所屬二 諸司局提領一員用從七品印相副官二員中統三年置 收支庫提領一員大使副使各一員掌造作出納之物俱隸茶迭兒局大都人匠總管府秩正三品設官俱與茶迭兒局同所

屬四 繡局大使一員用從七品印副使一員掌繡造諸王百官毼疋 文錦總院提領大使副使各一員掌織諸王百官毼疋涿州羅局提領大使各一員掌織造紗羅毼疋 尚方庫提領大使副使各一員掌出納絲金顏料

隨路諸色民匠都總管府秩正三品掌仁宗潛邸諸色人匠延祐六年撥隸崇祥院後又屬將作院至治三年歸隸工部設官與大都人匠總管府同時多副總官一員經歷一員照磨一員所屬五 織染人匠提舉司秩從七品至大二年設達魯花赤一員提舉同提舉副提舉吏目各一員 雜造人匠提舉司品秩設官同上

續文獻通考卷之八十九 四庫全書

大都諸色人匠提舉司秩從五品設置官屬俱同織染人匠提舉司 大都等處織造提舉司品秩官屬俱同上掌阿難荅王位下人匠一千三百九十八人 收支諸物庫提領一員秩從七品大使副使各一員又庫子二人 提舉都城所提舉二員秩從五品同提舉副提舉各二員吏目一員掌繕修都城內外倉庫事至元三年置其屬左右廂官四員用從九品印至元十三年置 受給庫秩正八品提舉大使副使各一員掌京城內外營造木石等事至元十三年置 符牌局品秩設官俱與受給庫同時多直長一員掌造虎符等至元十七年置 旋匠提舉司秩從五品提舉副提舉各一員至

元九年置撒答刺欺提舉司秩正五品設官同上多提  
控案續一員初造撒答刺欺與絲綢同局造作遂改組  
練人匠提舉司爲撒答刺欺提舉司別失八里局秩  
從七品大使副使各一員掌織造御用領袖納失失等  
段疋至元十三年置忽丹八里局大使一員給從七  
品印至元十三年置平則門密場提領大使副使各  
一員至元十三年置給從六品印光熙門密場其設官  
同上特秩從八品至元二十五年置大都皮貨所至元  
二十九年置通州皮貨所延祐六年置設官俱與平則  
門等同特秩從九品晉寧路織染提舉司提舉一員  
所屬提領所一匠局十一各提領副提領一員冀寧  
續文獻通考  
真定織染提舉司各置提舉同提舉副提舉一員所屬  
開除局與真定紗羅兼雜造局各大使副使一員  
南宮中山織染提舉司中山劉元帥局中山察魯局深  
州趙良局弘州人匠提舉司納失失毛段二局朔州毛  
子句恩州東昌局保真織染提舉司大名人匠提舉司  
永平路紋錦等局提舉司雲州織染提舉司別失八里  
局宣德府織染提舉司宣德八魯局東平路疋局與和  
路尋麻林人匠提舉司巡河提領所深州雲內州大同  
恩州大寧路順德路彰德路懷慶路東聖州陽門天城  
各織染局已上皆屬工部設官止一二員  
仁虞院即虞部武宗至大元年改鷹坊爲仁虞院秩正

二品命右丞相脫脫等爲院使領其事至是築呼鷹臺  
於濟州澤中此不屬工部以其事同故附

皇明

本朝置工部尚書非古也自漢文帝置尚書有民曹主九  
吏民上書後漢光武改民曹主繕修工作鹽池園苑魏  
署左民尚書亦領其職晉宋齊梁陳營宗廟宮室則權  
置起部尚書事畢則省後周有冬官大司空卿其屬工  
部中大夫二人至隋開皇三年乃有工部尚書統工部  
也田二曹唐承隋制不改龍朔二年改爲司平太常伯  
咸亨元年復舊光宅元年又改爲冬官神龍元年復舊  
總判工部也田虞部水部事沿及趙宋相因不改然皆  
爲尚書省屬官與周官大司空掌邦土之任固有間矣  
國初沿唐宋之制設工部尚書侍郎之職掌天下百工  
山澤之政令仍屬中書省洪武十三年革中書省陞  
六部每部分四子部各設郎中員外郎主事於是工部  
其屬有四曰營部曰虞部曰水部曰屯部二十九年  
改營部爲營繕虞部爲虞衡水部爲都水屯部爲屯田  
俱稱清吏司永爲定制然國家自罷相以來工部尚  
書侍郎即大小司空之職歷洪熙宣德正統間  
吳中以工部尚書加至少師領尚書事固隱然三公領  
六卿之任矣景泰以後凡工部尚書加至三孤宮保  
者後先相望第國家多事土木日興加之川貴具楚



生意消鑠民力竭于採辦極矣而當時之臣復肆侵牟不復爲生民遠慮於是題詠紛出不能任怨裁抑國家何賴于斯官哉惟工部改置北京肇自 末樂辛丑其總督易州山礮肇自 宣德五年初以都御史李儀重之立礮于平山 正統初年改置沙魚口陳恭王末壽相繼以工部尚書侍郎督礮事及 景泰四年又改礮于清縣 天順元年又改礮于易州率以爲常其間雖有通政等官督礮事而尚書侍郎主事實多至 嘉靖六年尚書劉麟議題裁革不設

工部尚書一人左右侍郎各一人易州礮侍郎一人其屬司務二人營繕虞衡都水屯田四清吏司各郎中一

續文獻通考卷之八十九

七十一

人員外郎一人主事二人添設郎中虞衡二人都水四人都水八人監生九十七人所屬衙門營繕所所正一人副二人丞四人文思院大使一人副使四人軍器局皮作局各大使一人副使二人寶源局鞍轡局廣積通積通州白河抽分竹木局織染所雜造局各大使一人副使一人蘆溝橋抽分竹木局大使一人副使三人大通關提舉一人典史一人吏一百四十九人

尚書掌工役農田山川澤數河渠之政令侍郎爲之貳凡制命敷奏率其屬奉其職業以贊天子倡百司康兆民營繕掌經營興造之事以贊尚書凡內府宮

殿殿寢城壕壇場祠廟廨署倉庫營房之役鳩力會財以時省之 王即亦如之郡王將軍中尉主君與卿貴有九內簿儀仗樂器移內府及下諸屬各以其職治之省其堅潔而重其祿濫凡置獄具必如律凡工匠三等曰輪班曰住坐凡工囚二等曰正工曰雜工雜工三日當正工一日凡撮工歇工視役煩省節其財力凡會書凡採捕禽獸及革骨羽毛以供祭祀賓客膳羞禮器之用水課禽十八獸十二陸課獸十八禽十二凡軍器軍裝移內府及下諸屬歲一造或三歲一造必堅繕諸省亦如之凡火器曰火車曰火傘曰神鎗曰將軍四等

續文獻通考卷之八十九

八十一

曰銃六等曰箭三等曰砲十二等並 內府製之給邊鎮凡獵畋以時冬春之交置羅不施川澤春夏之交毒藥不施原野苗盛禁蹂躪穀登禁焚燎若害獸聽爲檻牢獲之賞有差凡諸陵山麓不得入斧斤開塞治置墓墳凡帝王聖賢忠義名山嶽鎮陵墓祠廟有功德於民者禁其樵牧凡山場園林之利聽民取而薄征之凡陶冶甃甃籍其常造乍造之數計其入慎歲之無輒毀以頌民財力凡鑄造審其模範計其銅鐵而鎔之金牌信符鑄之內府凡鑄錢當十當五當三折二小錢凡五等鼓鑄於京師進於內府而頒之諸省亦如之凡顏料徵土產不強其所無否徵其直都水掌川濟陂池泉澤洪

淺道路橋梁舟車織造券器衡量之事以贊尚書凡水利曰轉漕曰灌田歲儲其金石木竹卷掃以時修其閘壩洪淺堰圩隄防謹其畜洩以備旱潦無使壞田廬墾墾禾稼舟楫磴礮者不得與灌田爭利灌田者不得與轉漕爭利凡水役以農隙急則驟理之而轉漕之役最大歲費財力百萬計凡水要會京朝官專領之以督有司凡鱗介萑蒲之利聽民取而薄征之凡道路塞其坑坎巡幸若大喪大禮治而新之凡橋梁曰舟梁曰石梁鉅工創修之大津不能梁官給舟人量其大小難易而食之凡舟七等曰董船曰馬快船曰海運船曰鮮船曰備倭船曰戰船曰糧船糧船之用最急費最大皆會其

續文獻通考

卷之八十九

九

工部

財用下諸司酌其多寡又近勞逸而均劑之凡車三等曰大車曰小車曰戰車亦如之凡織造 冕服誥勅制帛祭服淨衣諸幣布 內府南京諸省供之周知其數而慎節之凡公侯伯鐵券差其廣高公二等侯三等伯二等凡祭器 冊寶東輿牌符雜器會則於 內府凡衡量謹其校勘而頒之懸式於市屯田掌屯農墾墾抽分薪炭夫役之事以贊尚書凡屯田腹邊公田閒田沒田給衛所耕劑其地力人力而徵其子粒贍官軍省餉餉凡在邊半軍諸器官給之凡墳塋宗室勳戚文武官各有差堂碑碣獸亦如之凡抽分征諸商率三十分取十五取六取五取四取三取二取一凡七等凡薪炭南

耶洲汀北取山麓墾或徵諸民有本折色酌其多寡而博節之凡夫役伐柴轉柴皆催役周知其數而時蠲之行中書省 即行尚書省

遼不設

金宣宗貞祐二年置行省于陝西

元制行中書省凡十秩從一品掌國庶務統郡縣鎮遠鄙與都省為表裏初有征伐之役分任軍旅之事皆稱行省未有定制中統至元開始分立行中書省因事設官官不必備皆以省官出領其事其丞相皆以宰執行某處省事係銜其後嫌於外重改為某處行中書省凡錢糧丘甲屯種漕運軍國重事無不領之 至元二十四

續文獻通考

卷之八十九

十

百官

年改行尚書省尋復如舊 至大二年又改行尚書省二年復如故每省丞相一員從一品平章二員從二品一員左丞一員右丞正二品叅知政事二員從二品甘肅嶺北二省各減一員郎中二員從五品員外郎二員從六品都事二員從七品掾吏蒙古必闡赤回回令史通事知印宣使各省設員有差 至治二年正月詔行省平章後兼軍政重者以聞輕者遂決舊制叅政之下有叅省有同叅之屬後罷不置丞相或置或不置尤慎于擇人故往往缺焉

河南江北等處行中書省至元五年罷隨路與魯官詔叅政阿里斡行省事於河南等路立省二十八年以河

南江北係衝要之地又新入版圖宜於汴梁立省以控治之遂署其地統有河南十二路七府 浙江等處行中書省至元十三年初置江淮行省治揚州二十一年以地里民事非便遷於杭州二十二年割江北諸郡隸河南牧曰浙江行省統有三十路一府 江西等處行中書省至元十四年置十五年併入福建行省十七年仍置省于龍興府而福建自為行省治泉州二十二年以福建行省併入江西二十三年又以福建省併入江浙本省統有十八路 成宗元貞三年尋罷嗣後武宗至大以迄泰定不常設 湖廣等處行中書省至元十一年右丞相伯顏伐宋置行中書省於襄陽尋以別將分省鄂州為荆湖等路行中書省十三年取潭州即置省治之十八年復徙置鄂州統有三十路三府 陝西等處行中書省中統元年以商挺領秦蜀五路四川行省事三年改立陝西四川行中書省治京兆至元三年移治利州十七年復還京兆十八年分省四川尋改立四川宣慰司二十年仍合為陝西四川行省二十三年四川立行樞密院本省所轄之地惟陝西四路五府 中書分省四川二十三年始置四川行省治成都統有九路五府元貞三年罷四川行省七年復立以雲南平章脫脫湖廣平章程鵬飛並為平章 遼陽等處行中

書省至元二十四年始置治遼陽路統有七路一府 甘肅等處行中書省中統二年立行省於中興十年罷之十八年復立二十二年復罷改立宣慰司二十三年徙置中興省于甘肅立甘肅行省三十一年分省按治寧夏尋併歸之本省治甘肅路統有七路二州 嶺北等處行中書省初太祖定都於哈刺和林河之西因名其城曰和林立元昌路中統元年世祖遷都中興始置宣慰司都元帥府大德十一年改立和林等處行中書省右丞相左丞相各一員至大四年省右丞相皇慶元年改嶺北等處行中書省設官如上治和寧統有北邊等處 雲南等處行中書省即古南詔之地初世祖征取以為郡縣曾封建宗王鎮撫其軍民至元十一年始置行省治中慶路統有三十七路五府 征東等處行中書省至元二十年以征日本國命高麗王置省典軍典之務師還而罷成宗元貞三年復立哈散言王昨不能服其人宜官共理之遂立征東行省以濶里吉思為平章元貞五年罷大德三年復立以中國之法治之既而王言其非便詔罷行省從其國俗至治元年復置以高麗王兼領丞相得旨奏選屬官治瀋陽統二府一司五道 至正十二年又置淮南江北等處行中書省於揚州以准西宣慰司兩淮鹽運司及揚州淮安徐州唐州安豐蘄黃皆隸焉除平章二人左右丞各一人叅

政二人首領官屬共二十五人平章無提調淮南王

等處行中書省印給之十六年又置福建等處行中書

省於福州二十六年又置福建江西等處行中書省十

八年又立行中書省於占城以唆都為右丞到深為左

丞也里迷失忒知政事

先是延祐七年三月罷設行省丞相於是河南行省也

先帖木兒河南丞相孛兒只斤並降本省平章惟征

東丞相高麗王不降

行省官屬  
元置檢校所檢校一人照磨所照磨一人架閣庫管勾一

人理問所理問二人副理問一人知事提控案牘各一

人續文獻通考卷之八十九  
十  
三十九十六  
人都鎮撫司都鎮撫一人副都鎮撫一人

中書分省

元

至正十一年置中書分省於濟寧以松壽為叅知政事置

兵刑戶工四部十二年以中書左右丞相分省於彰德

是後嘗置右丞以守禦十五年彰德分省除右丞左丞

各一人十七年又以平章叅知政事立於教分省陵

州又以平章臧卜分省冀寧後擴廓帖木兒兵至冀寧

分省遂罷二十七年復以添設平章蠻子兼知院分省

保定以太保左丞相也速里領軍馬分省山東沙藍答

里仍中書左丞相知樞密院分省大同又置分省於冀

寧等處為叅政鑄印給之凡事必咨大同分省而後行

馬天祥又置分省於真定

元史評曰自唐有三省中書為政本門下主封駁至尚

書省而施行焉是謂南牙皆宰相所居以出政令之所

歷代因之今江淮有省則是以宰相行藩鎮之事矣宰

相而行藩鎮之事則是內外政權皆歸之矣且天子元

首也宰相股肱也都督置左右相而十二行省復置十

二丞相何股肱如是之多也使一人之身而股肱以十

數則將何所從令乎元之政權不歸於上而終以覆亡

者蓋權輿於此

皇明洪武丙辰秋八月改浙江等行中書省為承宣布政

使司及設都指揮使司提刑按察使司于各省遂定官

制先是仍元為行中書省或分中書省六部尚書往往

出為叅知政事叅政入為尚書至是始改為布政使司

左右布政各一人從二品左右叅政各一人從三品左

右叅議各一人從四品叅政叅議因事添設無定員其

屬經歷一人從六品都事各一人從七品照磨一人從

八品檢校正九品司獄正九品理問一人從六品副理

問一人從七品按察司按察使一人正三品副使正四

品僉事正五品副使僉事因事添設無定員其屬經歷

一人正七品知事一人正八品司獄從九品照磨一人

正九品檢校一人從九品都司都指揮使正二品都指

程同知從二品都指揮僉事正三品經歷正六品都事  
正七品斷事正六品副斷事正七品司獄從九品亦設  
武學教授從九品訓導吏目俱未入流是謂三司官並  
治省城又置各衛指揮使正三品指揮同知從三品指  
揮僉事正四品經歷從七品知事正九品鎮撫正六品  
各所正千戶正五品副千戶從五品百戶正六品各所  
鎮撫從六品吏目從九品分設各省要害以防禦云又  
置各省市舶提舉河渠提舉俱從五品副皆從六品吏  
目從九品衛河提舉清江提舉俱正八品副皆正九品  
典史未入流

### 御史臺

續文獻通考卷之八十九

十五

四

遼南面有御史臺太宗會同元年置其官曰御史大夫曰  
御史中丞曰侍御史

金御史臺置御史大夫從二品掌糾察朝儀彈劾官邪勘  
鞠官府公事凡內外刑獄所屬理斷不當有陳訴者付  
臺治之御史中丞一員從三品侍御史二員從五品以  
上官品皆大定十二年通陞掌臺事判臺事治書侍御  
史二員正七品每遇朝對立于龍墀之下專劾朝者儀  
矩凡百僚假告事具奏日進呈監察御史十二員正七  
品掌糾察內外非違刷磨諸司宗帳并監察禮及出使  
之事典事二員從七品登聞鼓院隸焉 架閣庫管勾一  
員檢法四員俱從八品獄丞二員從九品

海陵天德三年謂御史大夫趙賢德曰汝等多徇私情未  
聞彈劾朕甚不取自今百官有不法者必當舉劾無憚  
權貴

世宗大定二年正月勅御史臺檢察六部文移稽而不行  
行而失當者皆舉劾 十七年八月上謂御史中丞紇  
石烈邁曰臺臣糾察吏治之能否務去其擾民且冀其  
得賢也今所至輒受訟牒聽其妄告使爲政者如何則  
可 十九年三月制糾彈之官知有犯法而不舉者臧  
犯人一等科之開親者許回避 二十九年二月勅御  
史臺自今監察令本臺辟舉任內不稱職者亦從奏罷  
十一月御史臺奏臺官不得與人相見蓋爲親王宰執

續文獻通考卷之八十九

十五

四

怙勢之家恐有私徇則無以訪知民間利病官吏善惡  
詔自今許與四品以下相見三品以上如故

章宗明昌四年三月勅自今御史臺奏事修起居注並令  
迴避承安二年十二月勅御史臺糾察諂佞超走有實  
跡者泰和二年四月諭御史臺諸訴事于臺當以實聞  
不得輒稱察知

元

初制御史臺掌糾察百官善惡政治得失 世祖至元五  
年始立臺諫官改侍書爲治書侍御史 皇慶後定置  
御史大夫二員從二品經歷一員從五品都事二員正  
七品照磨一員正八品承發管勾兼獄丞一員正八品

架閣庫管勾兼承發一員正九品

世祖至元七年趙天麟上策請更定憲臺品秩策畧曰方今御史臺官內有監察院以隸之外有廉訪司以承之所以儆肅百僚風憲萬姓張理上下整齊人遵也御史之職非天子親聽之官而何哉是以霜蘭露車栢林石室昭其清也授以立秋象以榮感昭其嚴也鷹擊之諭勇冠之服昭其威也干步清道王公遜避昭其重也中書門下並爲三司昭其貴也五者備矣然後能觸倭指邪彰善癉惡使雄奸巨媚膽破聲消封豕長蛇骨寒心顫則狐狸眇害蠹蠹微毒將不治而自息矣今國家令御史臺九百官之非違諸司之案牘朝會祭祀之事理

續文獻通考卷之八十九

十七

卷之八十九

斷失宜之類以至於該載不盡應合糾察者並行糾察之其制可謂恢而不漏矣然阿合馬擅政於前桑哥弄權於後雖牛馬走亦知側耳而憎也而臺官以下察院之屬閉口吞聲見如不見宴居高坐聞若不聞此由省府之職秩懸隔而不敢抗衡故也伏望陛下厲憲臺之風采俾行省以齊階首之以御史大夫一員使與行省首官品秩相同其餘員位以次陞之又宜命監察御史與六部侍郎品秩相同又宜立繡衣使者八員於中丞之下秩同侍御史使之分使天下專糾行臺及廉訪司之不如法者又內臺或有愆違宜命天下皆得舉法如罪狀明白委爲故犯重則投諸四裔以禦魑魅輕則免

官禁錮放歸里間如或妄舉及坐其人聖王之御下也臣下自以其罪加乎身也幸從臣言則邪伎難蔽而中外永清矣

元立憲臺時阿合馬曰庶務責成各路錢穀付之轉運必繩治之事何由辨蕭希憲曰立臺察內則彈劾奸邪外則察視非常訪求民瘼裨益國政事無大於此者阿合馬語塞乃止至元十六年二月詔議省臺事宜先是阿合馬奏自今御史臺非白于省毋得擅召倉庫吏亦毋究錢穀數及集議中書不至者罪之於是行省因請考核行臺文卷不從阿里伯復請行臺呈行省比內

續文獻通考卷之八十九

十八

卷之八十九

臺呈都省例詔集朝臣議之董文用曰御史臺譬如虎虎雖未噬人人猶畏其爲虎虛名僅存綱紀猶不振一旦摧抑之則風采藹然無復望矣御史大夫王昔帖木兒亦言其不可事就寢十九年十一月勅御史臺得選用御史中丞崔彥言國政得失生民休戚百官邪正雖王公將相亦宜糾察今惟御史有言臣以爲臺官皆當建白又選用臺察若由中書必有偏徇今從本臺擇選御史初用漢人十六員今用蒙古十六員相參巡歷從之二十五年以董文用爲御史中丞文用曰中丞不當理細務宜舉用賢才乃舉胡祜適王惲雷膺荆幼紀許棬孔從道等十餘人爲按察使徐瑛魏初爲行臺

中丞當時以為極選

仁宗皇慶元年正月勅振舉臺綱上諭御史大夫塔思不花曰凡大臣不法卿等劾奏毋避朕自裁之

順帝至正三年三月詔作新風憲在內之官有不法者監察御史劾之在外之官有不法者行臺監察御史劾之歲以八月終出巡次年四月中還司

殿中侍御史

元制殿中侍御史二員正四品至元五年始置秩正七品後陞正四品凡大朝會百官班序其失儀失列則糾罰之在京百官到任假告事故出三日不報者則糾舉之大臣入內奏事則隨以入凡不可與聞之人則糾避之

續文獻通考卷之八十九

十九

監察御史

金選監察御史尚書省具才能者疏名進呈以聽制候任滿御史臺奏其能否仍視其所察公事具書于解由以送尚書省如所察事皆無謬戾為稱則有陞擢庸常者臨期取旨不稱者降除任未滿者不許政除大定二十七年前嘗令六十以上者為之後臺官以年老者多廢事為言乃勅尚書省六品七品內取六十以下庶幹者備選二十九年令臺官得自辟舉明昌三年復命尚書省擬注每一缺則具三人或五人之名取旨授之承安三年勅監察給由必經部而後呈省泰和元年制猛安謀克並隸按察司監察御史止按部提

舉有罪則并坐監臨之官又御史臺奏在制按察司官

比任終遣官考覈然後尚書省命官覆察之今監察御史添設員多宜分路巡行女直漢人各一人同往仍分

為四路四年制以給由其所察事之大小多寡定其優劣七年勅尚書省自今初受監察者令進利害帖子

以待召見八年定制事有失糾察者以怠慢治事

貞祐元年減定監察御史為十二員二年定監察御

史黜陟格以所察大事至五小事至十為稱職數不及且無切務者為庸常數內有二事不實者為不稱職

四年命臺官辟舉以名申省定其可否興定元年以縣官或非才監察御史一過不能備知遂令每歲兩遣

續文獻通考卷之八十九

二十

監察御史巡察

三年定御史上下半月勾檢省中制

勅文字四年減監察御史四員五年勅監察御史所

彈事同列不得與聞著為令

御史秩正七品司耳目之寄任刺舉之事至元五年

始置御史十一員悉以漢人為之八年增置六員

十九年增至一十六員始參用蒙古人為之二十二

年參用南儒二人書史二十三人

元世祖時立御史臺以姚天福為監察御史每廷折權臣

上嘉其直賜名已見恩謂其不畏強禦猶虎也仍厚賜

以旌之天福曰臣職居糾彈惟尸祿是懼敢貪厚賞以

重臣罪乎時置二大夫綱紀無統天福言于上曰古稱



一蛇九尾首動尾隨一蛇二首不能寸進今臺綱不掇  
有二首之患不急拯之久將不可理矣上召王昔帖木  
兒李羅諭之李羅以年幼自効

### 行御史臺

金熙宗皇統二年定行臺官品皆下中臺一等

元世祖至元十四年始置江南行御史臺於揚州尋徙杭  
州又徙江州二十三年遷於建康以監臨東南諸省  
統制各道憲司總諸內臺初置大夫中丞侍御史治書  
侍御史各一員統淮東淮西湖北浙東浙西江東江西  
湖南八道提刑按察司十五年增江南湖北嶺南廣  
西福建廣東三道二十三年以淮東淮西山南三道

續文獻通考卷之八十九

二二 四百三十七

撥隸內臺三十年增海北海南一道大德元年定  
爲江南諸道行御史臺官九員以監浙江江西湖廣三  
省統江東江西浙東浙西湖南湖北廣東廣西福建海  
南十道大夫一員中丞二員侍御史二員治書侍御史  
二員經歷一員都督二員照磨一員架閣庫管勾一員  
承發管勾兼獄丞一員二十三年正月罷行御史臺  
二月復立行臺官近中書奏罷行臺改按察司爲  
提刑轉運司使兼發敕而糾彈之職遂廢請丞相安重  
與老臣議於是安重亦言江南盜賊屢起行臺鎮遏居  
多然與行省並治杭州地甚遠僻江州居江浙湖南江  
西三省之間徙之爲便從之已而復還杭州 陝西諸

道行御史臺設官品秩同內臺監察御史如內察院

至元二十三年增蒙古御史與漢人御史共二十八人

二十七年始置雲南諸路行御史臺官止四員大

德元年移雲南行臺於京兆爲陝西行臺而雲南改立

廉訪司延祐元年罷二年復立統漢中隴北四川雲

南四道定制大夫一員御史中丞二員侍御史二員治

書侍御史二員經歷一員大德元年改雲南行臺定

天下爲二十二道內八道隸中臺山東河東道濟南置

司河東山西道太原置司燕南河北道真定置司江北

江南道汴梁置司淮西江北道廬州置司山南北道

荊州置司江北淮東道揚州置司山北遼東道大寧置

續文獻通考卷之八十九

二二 四百三十五

司河南十道隸南臺江東建康道寧國置司江西湖東

道隆興置司江南浙西道杭州置司浙東海右道婺州

置司嶺北湖南道潭州置司嶺南廣西道靜江置司海

北海南道雷州置司福建閩海道福州置司江南湖北

道武昌置司陝西四道隸西臺陝西漢中道鳳翔置司

河西隴北道甘州置司西蜀四川道成都置司雲南諸

道中慶置司至元二十三年集賢直學士程文海言

省院諸司皆以南人參之惟御史臺按察司無之江南

風俗南人所諳惟參用之乃詔文海仍集賢院學士兼

侍御史臺事

皇明

本朝初置諫院左右司諫各一人左右正言各一人

太祖吳元年設御史臺從一品湯和鄧愈為左右御史大夫劉基章溢御史中丞又有侍御史治書侍御史殿中侍御史及經歷都事照磨管勾監察御史譯事引進使

洪武十年七月 詔遣監察御史巡按州縣 十三

年改正二品設左右中丞是年罷御史臺 十五年改

都察院正七品設監察御史八人以秀才李原明詹

徽等為監察御史又分設浙江江西福建北平廣西四

川山東廣東河南陝西湖廣山西十二道監察御史正

九品鑄監察御史印文曰繩愆糾繆 十六年陞正三

品設司務 十七年陞正二品定設都御史一人副都

御史左右各一人僉都御史左右各一人經歷一人都

事一人十二道各設監察御史以詹徽為左都御史

建文元年罷左右都御史設都御史一人副僉都御史

各一人二年改為御史府設御史大夫正二品革十二

道置察院一御史二十八人改諸御史為拾遺補闕靖

難後復故其北平貴州交趾雲南改置如刑部若巡撫

之名本始於文太子巡撫陝西取巡守撫軍之義

永樂中乃以文臣巡撫尚書侍郎通政叅議少卿寺丞

皆得奉 勅行事 景泰中耿九疇以侍郎出守陝西

始改憲職自後凡巡撫總督必以都御史尚書侍郎必

兼都御史無定員

都察院左右都御史各一人左右副都御史各一人左

右僉都御史各一人其屬經歷司經歷都事各一人司

務二人照磨所照磨一人檢校一人司獄一人十三道

監察御史河南浙江江西山東各十人福建廣東廣西

四川貴州各七人陝西湖廣山西各八人雲南十一人

司獄六人在外都御史或副僉都御史總督陝西軍務

一人總督宣大一人總督遼薊一人總督漕運兼巡撫

江北一人總督糧儲兼巡撫江南一人總督南京糧儲

一人提督兩廣軍務兼巡撫一人提督南贛汀漳軍務

兼巡撫一人提督紫荆三關巡撫保定等府一人提督

鳳門三關巡撫山西一人總理河道一人贊理軍務兼

巡撫陝西一人提督軍務兼巡撫浙江一人提督軍務

兼巡撫福建一人甘肅一人寧夏一人延綏一人大同

一人宣府一人遼東一人湖廣一人四川一人雲南一

人貴州一人整飭薊州邊備巡撫順天等府一人撫治

鄖陽等處一人巡撫河南一人山東一人江西一人鹽

法屯田督餉採木討賊禦虜總制經畧巡視無常員監

生二百五十人吏三百三十二人

左右都御史掌風紀副僉都御史為之貳凡大臣奸邪

小人構黨作威福亂朝政則劾凡百冗費革貪冒則劾

凡學術不正上書陳言變亂成憲希求進用或才德無

聞挺身自拔則劾以憲綱督監察御史凡監察御史出

巡復命覈其稱職不稱職開上凡考察內外百官會於吏部選用風憲亦如之凡職罪囚鞫大獄會於外朝若京畿道凡有冤抑與雪理凡制訊囚徒會刑部大理寺凡職省死刑獻平奏上凡勅差者各奉勅行事大抵內地專職拊循邊鎮軍務為重其有事暫設者事畢而罷即遣尚書侍郎必兼都御史經歷初事典出入文移叙差御史司務典叅謁受事照磨檢校典磨勘卷宗十三道監察御史有分道無專官一人嘗兼數道河南道獨掌內外官考察之事十三道各奉其職監察內外百司糾劾官邪大班露章面劾或封章奏劾凡差在內京畿道刷卷及巡視京營提學巡倉巡庫巡視光祿巡

青恤軍監課在外巡按清軍刷卷巡撫巡河巡關巡茶印馬屯田捕盜盤糧勘事征行則監軍紀功各以其事審功而糾過凡差三等點差上二人奏差上一人劉差不請上諸差巡按為要凡朝會糾儀祭祀監禮凡政令得失軍民利病得直言凡出巡得舉劾諸司官凡罪目巡按審錄有故出入理辯之凡獄勅下臺推按奏上常獄擬罪移評大理寺不當再訊三訊至終處穴訊心之乃已凡有大政集關廷預議焉凡犯罪加三等有贓重論按國初制一循元舊當是時左右大夫湯和鄧愈數庸斧缺寄外出而中丞劉基章溢理臺事其後汪廣洋陳

寧輩俱遷大夫洪武十三年胡惟庸事發而御史臺僅設左右中丞俱正二品侍御史正四品而已十四年始改為都察院然僅正七品其官有御史而無都御史十六年仍為正三品明年為正二品於是定設左右都御史正二品左右副都御史正三品左右僉都御史正四品職糾劾官邪申辯冤抑而御史分為十三道御史巡按以至他公委出則奏請還則考覈然御史獨不係都察院以示得相糾察之意建文初改為御史府設都御史一員左右副都御史各一員品如故十三道御史曰左右兩院監察御史永樂鼎革悉復洪武之制其後移都察院於北京而留都曰南京都察院

太祖洪武戊申黜御史論劾不實者時陶安為江西參政有御史言安隱微之過太祖曰朕素知安豈宜有此且爾何由知之對曰臣聞之道路太祖曰御史但取道路之言以毀譽人以此為盡職乎命黜其人中書省臣進曰御史職當言路有失乞容之太祖曰不然夫植嘉禾者必去蟬蟪蠹長良田者必芟狼莠任正人者必絕邪人凡邪人之事君必先結以小信然後逞其

大詩此人嘗有言朕不疑而聽之故今日乃為此妄言  
夫小人當如撲火及其未盛而撲之則易為力不然  
則害滋大竟黜之是年春正月以浙東按察使事章  
為御史中丞蓋之居憲臺也務存大體不屑屑于細  
故人或以為言蓋曰憲臺百司之表儀居其職者當先  
養人以廉耻使人避而不犯豈宜恃博擊為能哉自是  
臺聲藉藉未幾以母憂去任太祖惻然曰吾固知其  
情不可奪但朕憲臺缺人耳

宣宗宣德中都御史祁玘蘭溪人掌南京都察院事嘗奉

命考察御史黜其不肖者二十餘人人服其公明與顧  
佐齊聲價玘少孤力學嘗侵晨赴館遇厲壇聞其中秋

續文獻通考卷之八十九

三七

四四

嗽驟馳一鬼叱曰祁都堂來矣尚擾攘耶心竊識之又  
一日渡西門河大風沒舟獨為水漂至岸而免甫起時  
有物負其足比登岸視之一屍也收而瘞之其人夜夢  
未謝曰感都堂厚恩及我也玘益心自異永樂丙戌  
登進士為御史歷官至今職

黃氏瑜曰玘居母憂哀毀盡禮所居產芝再歷官藩臬  
有聲蓋孝廉人也瑛觀誅後人猶效尤成風賊穢狼籍  
至玘憲臺為之一清蓋陳瑛為左都御史以酷誅劉觀  
為右都御史以貪誅

謝文粹字元吉湖廣人登成化丙戌進士選庶吉士改  
御史性峭直數上封事直氣動臺端謫南縣丞李文

正劉忠宣俱壯其節以詩贈之陳白沙有詩云湖南桂  
史不可當八尺長驅滿面霜平生契合羅與莊忠言快  
死驚廟堂天子置之淮南郭何事不上湖南航淮南木  
落終悲傷年三十七即掛冠歸吁身雖隱而節彌彰是  
以後之君子有聞於元吉之賢也

何氏孟春曰高皇帝稽古定制改前代御史大夫中  
丞為都御史臺為察院是以察而統公署之號也以監  
察御史分設十三道革去侍御史殿中侍諸名銜而糾  
劾巡按照刷問擬之任一切責之監察是以察而統為  
憲臣之號也御史從前代重矣監察之尤重未有如我  
朝者也任是職者欲無負一朝廷耳目之所寄則凡

續文獻通考卷之八十九

三八

三四

事無所不當察官吏之賢否察之得為之激揚兵民之  
利病察之得為之興除風俗之美惡察之得為之移易  
刑賞之輕重察之得為之勸沮變故之隱伏察之獄訟  
之冤抑察之得為之消弭清雪察事之中又皆得言事

續文獻通考卷之九十

皇明進士雲間王圻纂輯

職官考 御史分臺行臺省學士院至太常寺

御史分臺

元 世祖至元二十五年御史大夫完者帖木兒奏江南

諸道行御史臺衙門常奉旨於紹興路開設近因道梗

湖南北廣東西海北江西福建等處凡有文書北至南

臺風信不便徑申內臺未委事情虛實宜於福建置分

臺給降印信俾湖南諸道文書由分臺以達內臺於事

體爲便從之凡省臺院吏曰掾史獨江南行臺作令史

者蓋因至元十四年初立行臺曰御史大夫授三品秩

續文獻通考卷之九十

三百五十六

故也後雖陞一品而樂因循者不爲申明改正西臺立

視南臺已陞品秩則曰掾史焉

行臺省

遼 南面官東丹國有中臺省太宗天顯六年四月置聖

宗初年罷

金熙宗天會十五年罷劉豫置行臺尚書省于汴天眷元

年以河南地與宋遂改燕京樞密爲行臺尚書省三年

復移置于汴京

元無

皇明

總督漕運初 太祖有天下漕東南粟於海以管遼東

五年屬靖海侯吳祿後卒乃遣都督朱壽張赫領之

二十年冬十月享 太廟封壽舳艫侯赫航海侯又嘗

建漕運使尋罷 成祖始 命平江伯陳瑄治漕河內

地瞻北京 景泰二年特 命都御史王竑總督與總

兵叅將同理其事尋令淮揚廬鳳四府徐和滁三州屬

竑巡撫監督常盈倉以淮爲治所至 成化八年改巡

撫總漕各設一員明年復舊 正德十三年又各設一

員 十六年復 嘉靖三十六年又改各設一員 四

十年復巡撫自 永樂十九年 命吏部尚書蹇義巡

行南畿考察官吏至 宣德五年始 命刑部右侍郎

曹弘巡撫 正統八年又 命工部右侍郎王永和巡

續文獻通考卷之九十

二

四百五十五

撫 十三年又 命刑部右侍郎薛希璉吏部尚書趙

新相繼巡撫然未奉漕 命

總理漕運兼提督軍務巡撫鳳陽等處兼管河道一員

永樂間設漕運武臣 景泰二年因漕運不繼 命

都御史總督與總兵叅將同理其事因兼巡撫淮揚廬

鳳四府徐和滁三州 成化八年分巡撫總漕各設一

員 九年復舊 正德十三年又各設 十六年復舊

嘉靖三十六年以倭警添設提督軍務巡撫鳳陽都

御史 四十年會議歸併改總督漕運兼督軍務巡撫

鳳陽等處地方 萬曆七年加兼管河道

總督劉遵保定等處軍務兼理糧餉一員 先年蒞遼

有警間遣重臣巡視或稱提督 嘉靖二十九年以虜患改爲總督薊州保定遼東軍務鎮巡以下悉聽節制 三十三年以密雲咫尺 陵京接連黃花渤海去石塘嶺古北口牆子嶺各不滿百里移總督駐密雲巡撫駐薊州防秋之日改駐昌平而總督遂定設 萬曆九年加兼巡撫順天等府地方 十一年除巡撫如舊 總督宣大山西等處地方軍務兼理糧餉一員 正統元年遣都御史巡撫宣大 景泰二年宣大各設巡撫而遣尚書總理宣大軍務 成弘間有警則遣 正德八年設總制一員鎮巡以下兼管糧餉中俱聽節制 嘉靖間 命總督官兼督偏保及理糧餉時設時革至 續文獻通考 卷之九十 三 四百三十

二十九年始定設去偏保改山西 三十八年令防秋日總督領標兵駐宣府東路巡撫領標兵車遊兵駐岔山道 四十三年 命宣大山西總督移駐懷來以備南山一帶宣府鎮巡官移駐延慶山西鎮巡官移駐廣昌 隆慶四年令總督移駐陽和 六年 命防秋畢日各兵備副叅以下文武官悉聽總督官查覈功罪舉劾

總督陝西三邊軍務一員 弘治十年議遣重臣總制陝西甘肅延綏寧夏軍務 十五年以後或設或革 嘉靖四年始定設四鎮兵馬錢糧一應軍務從宜處置鎮巡以下悉聽節制軍前不用 命者都指揮以下聽

以軍法從事 七年易三邊總督軍務 勅書開防初原衙稱總制至是 上以制非臣子所宜總更曰督令指揮知府以下違令者聽自收訊 十六年奏准三邊總督於五六月間親臨花馬池調集延寧奇遊等兵赴平虜城等處併力防禦其陝西巡撫亦于五六月間往固原調度兵食候探無大勢虜情及秋盡冬初邊腹收成俱畢方許照常居中調度巡撫官仍還本鎮 總督兩廣軍務兼理糧餉帶管鹽法兼巡撫廣東地方一員 永樂初遣官巡視廣西 十九年遣官巡撫廣東 正統 景泰間以兩廣宜協濟應援始設總制 成化元年 命兼巡撫定于梧州駐劄處置猺獞流賊 續文獻通考 卷之九十 四 四百四十五

一應事務聽便宜行事各該將官并三司官悉聽節制 正德十一年改總督爲提督 嘉靖四十五年以廣東有警 命總督止兼巡撫廣西駐肇慶而于廣東另設巡撫駐惠州 隆慶三年添設廣西巡撫除兼職四年復革廣東巡撫改爲提督兩廣軍務兼理糧餉巡撫廣東其廣西新設巡撫與兩廣總兵參遊守備并三司等官俱聽節制 萬曆二年以惠潮有寇暫移提督駐潮州事平復歸肇慶 三年改總督加帶管鹽法總理糧儲提督軍務兼巡撫應天等府地方一員 永樂初遣尚書往江南治水患兼理農務 十九年 勅尚書巡撫畿甸然未專設 宣德五年 命侍郎總督

稅糧兼巡撫應天等府始有專職 景泰四年定遣都御史 嘉靖三十三年以倭警令應天巡撫都御史提督軍務當風汛時駐劄蘇州嚴督防守 萬曆間以道里不均題准駐劄句容

提督軍務巡撫浙江等處地方一員 永樂初遣尚書治兩浙農事以後或巡視或督餉有事則遣無定設

嘉靖二十六年以海警始 命都御史巡撫浙江兼管福建福興建寧漳泉海道地方提督軍務 二十七年

改巡撫為巡視 二十八年停遣 三十一年復遣

都提督軍務巡視浙江兼管福興泉漳地方 三十三年倭夷入犯杭州 命尚書提督浙江福建南直隸軍

續文獻通考

卷之九十

五

四百六

續信

務又專設都御史提督軍務巡撫浙江兼福興泉漳地方其提督三省者改總督至兼節制江西後罷至四十年止設提督軍務巡撫浙江都御史

提督軍務兼巡撫福建地方一員 永樂間遣侍郎巡

視以後或鎮守或督軍以事間遣 嘉靖二十六年始

命都御史巡撫浙江兼管福興泉漳等處 三十五

年以閩浙道遠專設提督軍務兼巡視福興泉漳福寧

海道都御史仍聽總督節制後改巡撫福建地方統轄

全省 四十年總督亦罷其南贛軍門所轄汀州一府

仍兩屬

巡撫江西地方兼理軍務一員 永樂十九年 勅工

部侍郎巡視以後間遣鎮守巡撫 成化末始定巡撫或時革 嘉靖六年始定設 四十年定今銜

巡撫南贛汀韶等處地方提督軍務一員 弘治十年

閩廣湖湘多盜始設巡撫所轄則江南之西安贛州建

昌福建之汀州廣東之潮州南雄湖廣之郴州四省三

司皆聽節制駐劄贛州尋增隸韶州漳州除建昌 正

德十一年改提督軍務 嘉靖八年以吉安之萬安龍

泉泰和永豐永寧撫州之樂安增轄 四十五年福建

廣東並設巡撫以惠潮漳州三府還隸本處定今名所

轄南安贛州南雄韶州汀州并郴州地方

巡撫湖廣等處地方兼提督軍務一員 正統三年

續文獻通考

卷之九十

六

四百三十一

續信

命都御史鎮守以後或侍郎大理卿出撫 景泰元年

定設都御史巡撫兼贊理軍務 萬曆八年改贊理為

提督 十二年復為贊理

提督軍務兼撫治鄖陽等處地方一員 成化十二年

以鄖襄流民屢叛遣都御史安撫因奏立鄖陽行都司

并府衛割陝西之漢中商州河南之南陽唐鄧四川之

夔慶湖廣之荆襄安沔設都御史提督撫治之 萬曆

二年以本鎮所轄四省撫治事權不專添提督軍務兼

撫治鄖陽等處地方職銜 九年裁革 命湖廣巡撫

兼理 十一年復設

巡撫河南等處地方兼管河道兼提督軍務一員 宣



德五年遣侍郎巡撫山西河南 正統十四年 命都御史巡撫河南湖廣 景泰元年專設河南巡撫 萬曆七年加兼管河道 八年加提督軍務 巡撫山東等處地方督理營田兼管河道提督軍務一員 正統五年遣大理少卿巡撫山東地方 十三年始定設都御史 嘉靖四十二年加督理營田 萬曆七年加兼管河道 八年加提督軍務 整飭薊州等處邊備兼巡撫順天等府地方一員 永樂十九年 命侍郎等官巡行畿甸 正統十四年 命都御史提督軍務總督糧儲兼巡撫順天永平二府 紫荊倒馬二關然未專設 成化二年始設都御史 續文獻通考 卷之九十 七 四百三十一 理軍務巡撫順永二府後兼撫河間真保定凡五府 七年兼理八府 八年以畿輔地廣從居庸關中分爲二巡撫其東爲整飭薊州等處邊備巡撫順永二府都御史以居庸等關隸之駐邊化遂定設 嘉靖二十九年增設通州昌平易州三都御史旋議華惟薊州仍舊 萬曆九年革 十一年復設 巡撫保定等府提督紫荊等關兼管河道一員 正統十年 命侍郎巡撫保定等處未有專設 成化八年始從居庸關中分爲二巡撫遂專設都御史巡撫保定真定河間順德大名廣平六府提督倒馬紫荊龍泉等關駐真定 萬曆七年加兼管河道

巡撫遼東地方督理軍務一員 正統元年遣都御史巡撫遼寧爲定制後加督理軍務 巡撫宣府地方督理軍務一員 正統元年 命都御史出巡塞北凡兵糧邊備並聽釐正巡撫之設自此始 然或兼理大同不專一鎮 成化十四年始定設後加督理軍務 巡撫大同地方督理軍務一員 永樂六年 命都御史出鎮大同旋罷 正德元年始與宣府共設巡撫 景泰三年大同始專設後復兼理 成化十年復設加督理軍務 提督鴈門等關兼巡撫山西地方一員 宣德五年 續文獻通考 卷之九十 八 三百三十一 命兵部侍郎巡撫河南山西 正統十三年始 命都御史專撫山西鎮守鴈門 天順 成化間暫革尋復置 嘉靖間給旗牌四面副 隆慶三年令秋冬暫駐寧武關就近調度定爲巡撫山西提督鴈門等關都御史 巡撫延綏等處督理軍務一員 宣德十年遣都御史出鎮而無專設 景泰元年以都御史叅贊軍務遂爲定制 成化九年從鎮榆林 隆慶六年加督理軍務 巡撫寧夏地方督理軍務一員 宣德六年 命侍郎理陝西甘肅寧夏屯政 十年 命都御史鎮守陝西延綏寧夏等處未有專職 正統元年以都御史鎮撫

寧夏地方參贊軍務整飭邊備遂為定制 天順元年  
革 二年復設去參贊軍務 隆慶六年加贊理軍務  
巡撫陝西地方贊理軍務一員 宣德間 命尚書侍  
郎出鎮 正統間 命右都御史出入更代鎮守 景  
泰三年改替理軍務

巡撫甘肅等處地方贊理軍務一員 宣德十年 命  
侍郎鎮守甘肅地方 正統元年甘涼多事 命侍郎  
參贊軍務出鎮于是甘肅以文臣參贊遂為定制 景  
泰元年定為巡撫都御史 隆慶六年改替理軍務

提督軍務巡撫四川等處地方一員 宣德五年 命  
都御史撫鎮事寧停遣 正統十四年遣都御史巡撫  
續文獻通考 卷之九十 九 四十五

四川遂定設 萬曆十一年加提督軍務

巡撫雲南兼建昌畢節等處地方贊理軍務兼督川貴  
糧餉一員 正統九年 命侍郎參贊軍務 十年始

命侍郎鎮撫 天順元年革 成化十二年復設  
嘉靖三十年加兼理軍務 四十三年改贊理 隆慶

二年加兼建昌畢節等處地方

巡撫貴州兼督理湖比川東等處地方提督軍務一員

正統四年 命都御史出鎮 十四年以土苗亂

命侍郎總督軍務鎮守其地 景泰元年 命大理寺  
丞巡撫始專設 成化八年革 十一年復設 正德

二年革 五年復設 嘉靖七年設雲貴四川湖廣等

處總制撫勦苗蠻土夷事平革 二十七年復設沅州  
駐劄 四十二年復革令貴州巡撫兼督河北川東提  
督軍務

巡撫廣西地方一員廣西舊有巡撫沿革不常 隆慶  
元年改總督兩廣都御史兼巡撫廣西地方 三年復  
設廣西巡撫 以上俱見在巡撫

總制宣大偏關保定等處軍務一員

總督湖廣川貴軍務一員

巡撫鳳陽等處地方一員

總理河漕兼提督軍務一員 永樂九年遣尚書治河  
後間遣侍郎或都御史 成化 弘治間始稱總督河

續文獻通考 卷之九十 十 三四三十二

道 正德四年始定設都御史提督駐濟寧凡漕河事

悉聽區處 嘉靖二十年以都御史加工部職銜提督

河南山東直隸三省河患 隆慶四年加提督軍務

萬曆五年改總理河漕兼提督軍務 八年革

總督南京糧儲一員

整飭北直隸山西河南等處軍務糧餉一員

巡撫廣東地方兼督理軍務一員 以上俱嘉靖二十  
年前設陸續任補

總督宣大山西偏堡等處軍餉一員

勘處湖廣貴州夷情一員

督理承天工務一員

巡撫浙江兼管福建福興建寧漳泉等處海道地方提督軍務一員

巡視浙江兼制隣境福建沿海地方一員

採木左副都御史一員右副都御史一員

經畧居庸山海東西二路關一員

清理兩淮兩浙山東長蘆等處鹽法都御史一員

淮徐兗州等處地方招撫營田一員

北直隸地方督理屯政一員

山西宣大地方督理屯政一員

經畧易州地方一員

駐守昌平州地方一員

續文獻通考

卷之九十

十一

宋

通州駐劄右僉都御史一員

總理江南等處屯鹽副都御史一員

總理江北等處屯鹽僉都御史一員

總理山西等處屯鹽副都御史一員

山西宣大等處行邊侍郎一員

陝西延綏寧夏固原甘肅等處行邊侍郎一員

以上俱嘉靖中因事題設事畢住補

興革事例

世宗嘉靖三年

令各巡撫都御史遇有遷秩或以憂去者

必候代離任代者亦宜亟往如違言官劾奏 三十二

年吏部尚書李默言江南軍興調兵轉餉非一巡撫所能兼請設提督軍務大臣專剿賊而巡撫專主餉上

曰督撫兩設事權得無掣肘乎其與兵部僉謀以聞於是奏設一官如浙例以屠大山為兵侍兼僉都御史總

督軍務糧儲巡撫應天 三十九年嚴嵩令鄉人鄔懋卿以都御史總理天下鹽法威勢熏灼有司漁獵以供

廚傳海內騷然益法大壞 是年倭寇浙福按臣各疏請趣胡宗憲督師剿寇至是進宗憲尚書即巡撫亦聽

節制而體統如三邊勦臣總兵亦由按門通謁 四十五年復設廣西巡撫初兩廣各置巡撫 成化五年以

事體不一更設總督大臣而罷巡撫韓雍為督撫開府

續文獻通考

卷之九十

十一

宋

梧州居中節制 正德十一年以體統太重改為提督

已而惠湖二府山寇時發梧州在二千里外文檄往來

徵調為難遂以總督撫廣東而更設巡撫于廣西

穆宗隆慶元年五月壬申戶部請遣御史四人分行天下

奉 勅查盤各倉庫所積多寡有無登記文冊一進

御覽一備戶部稽查其冒破營私一切弊政勿問官之

大小歲之遠近從實劾治從之乃 命譚格往南直隸

浙江馬明謨往江西福建廣東廣西張問明往湖廣四

川雲南貴州趙岩往北直隸山東河南山西陝西各

賜之 勅 二年 題准凡遇推補督撫員缺吏部咨

移兵部差人齎文前去如以別官陞遷巡撫及在原籍

起用者限文到五日以巡撫陞總督者限交代次日即  
各起程赴任仍將起程日期于所在衙門申報各巡按  
具奏如咨文已到不即起程或已交代未便離任或未  
交代擅自回籍者並參治 四年三月裁革總督南京  
糧儲都御史以其事屬之南京戶部侍郎仍設巡倉御  
史一員佐之 五月裁革廣東巡撫官改兩廣總督李  
遷為提督兼廣東巡撫事 六年閏二月工部覆直隸  
巡按劉曰睿疏請以蘇松嘉湖水利 勅應天浙江撫  
臣兼督報可

今上萬曆二十五年兵部覆大學士沈一貫題保定山東  
適中處所立巡撫專管海務查得天津登萊旅順梟時  
續文獻通考 卷之九十 十三

海嶼順天天津相隣適中去處開府其間外而大沽大  
居神堂俱為總兵結寨安營之所隨遇擇便住劄俱聽  
督臣節制第新撫臣專理戰務由旅順而東則策應朝  
鮮由登萊而南則策應淮揚若遼東保定山東撫鎮自  
有地方責任便難以新設推諉一切戰守水陸器具照  
舊上緊料理接濟協用庶彼此有益如遇出兵仍各移  
鎮策應沿海司道衛所新撫臣俱得調遣管轄經理雖  
遠在朝鮮而海上兵機撫鎮實相關涉全責乎救援屬  
國奇正迭施相為表裏撫鎮既設其添置參遊等官俟  
兵漸集次第修舉各得先後調募官兵除陸兵盡發出  
關征進水兵悉聽新撫鎮分布營伍總督臣調遣沿海

士卒豈無操舟識水之人亟應召募從優鼓舞聞登萊  
見造船隻而天津海口有舊船可改有舟有人宜擇教  
練舟師遠兵急難就至合無于浙江水營抽調三千并  
催吳淞三千上緊取道前來以備急用臣等非不知各  
處守禦委難空缺而本地兵數自可以募補足擁護  
京畿於諸臣又所不得辭也廣兵五千已起用陳璘統  
領但彼中船兵頗勁合加調三千或幟福或蒼山聽閩  
廣督臣便宜簡發所有題議應行事理委曲纖悉總候  
撫鎮設後通行遵依亦應載入 勅書行事 二十六  
年十一月都察院奏臺臣缺人不敷 上曰朕前因科  
道官喜事沽名襲尚浮薄負 君取譽結黨行私故久

續文獻通考 卷之九十

十四

四十六

不許行取近來此風頗覺移易詢嘉納讜乃朕本心覽  
卿等奏既各官多缺特准行取仍須博詢老成端練體  
國奉公之士精加選擇不必太多考選既定仍一一開  
具歷履考語待朕親自點用毋得仍前採訪虛浮及濫  
徇請託以孤慎重求賢之意 二十八年二月兵部酌  
議偏鎮彈丸一隅已有總兵駐劄今撫臣原為督兵理  
餉而設題奏 欽依令湖廣撫臣移駐沅州城謂沅州  
距偏橋不遠為該省轉運必由之區可以就近策應今  
既專設撫臣一意防備似應酌令駐劄沅州經理調度  
仍不時往來平清偏鎮之間整飭戎務簡閱兵馬督同  
總兵一體行事若遇應兵須移駐偏鎮以資彈壓以籍

運籌又議分轄黔州界在楚蜀之間地壤錯趾湖北川東貴州撫臣得以兼制亦犬牙相制之義也今偏沅撫臣似宜倣此例湖廣通省并川貴附近等處地方該經理撫臣俱得分轄川廣畫地分防事有專責又議節制湖廣各處兵馬副參遊守等官撫臣應會同總兵分布調發或合營夾攻或出奇取勝偏鎮比壤隨宜應援一切固守防禦事體與總兵計議而行仍聽總督節制其各該將領遇有征勦酌量緩急遠近悉聽調遣不得執拗逗留如有抗違不用命者以軍法從事有應與貴湖巡撫會議者各須披肝露膽共濟時艱征播事情本官竭精料理不可推諉誤事凡軍民詞訟關係議兵調餉

續文獻通考

卷之九十一

十五

四百六十九條

者令其聽理以便督催其餘一切詞訟並聽各該撫臣管理本官不得干預以淆專職而滋侵越其合用符驗旗牌關防容本部通行各該衙門請給齎付本官欽遵任事庶節制既明事無掣肘、又議偏沅地方當播賊入犯衝區而巡撫有防勦重責中軍之官似不可少合于所屬地方挑選一萬八千兵添設中軍遊擊一員統領以資護衛而便承宣本部查舉相應官員請 旨簡用事寧之日一併裁革又議新推偏沅撫臣江鐸見任易州道參政由茲入楚刻燭可至若枉道回籍反從容束裝乞 天語嚴加申飭務令以地方為重星馳蒞任料理軍事諸臣應行事宜應上方畧不妨于途次條列

上請又議巡撫開府一方其事權既重供億必煩則探下雜流員役與夫廩給紙薪犒賞等費皆勢之必不可免者今設撫臣行將視事前項供應似不可緩合行湖廣督撫衙門將偏橋撫臣一切諸費悉心計處派解聽用無致臨時缺乏隨奉 聖旨偏沅用兵原是湖廣巡撫之責 朝廷念其地廣難偏設經理以分其勞除征勦軍機係專責外一切合用兵馬錢糧取給通省着該巡撫與督理同心上緊催趨接濟功成同賞不許有分彼此竟推經理以致不便責有所歸所轄文武官吏如有抗違着不時叅來重處

學士院

續文獻通考

卷之九十一

十六

四百七十條

遼北面有大林牙院掌文翰之事其官曰北面都林牙曰北面林牙承旨曰北面林牙曰左林牙曰右林牙而又有文班未詳所掌其官曰文班太保曰文班林牙曰文班牙署曰文班吏 南面有翰林院掌天子文翰之事其官曰翰林都林牙曰南面林牙曰翰林學士承旨曰翰林學士曰翰林祭酒曰知制誥 翰林書院有翰林書待詔 翰林醫院有翰林醫官 金 翰林學士院 天德三年命翰林學士院印侍讀學士 翰林學士承旨正三品掌制撰詞命凡應奉文字 街內帶知制誥以上同 貞祐三年陞從二品翰林學士正三品翰林侍讀學士從三品翰林侍講學士從三

品翰林直學士從四品不限翰林待制正五品不限分掌詞命文字分判院事街內帶知制誥翰林修撰從六品不限掌與待制同應奉翰林文字從七品

章宗泰和六年二月有司奏應奉翰林文字溫迪罕天興與其兄直學士思齊同撰制誥文字合無迴避詔不須避仍著為令

元 制翰林兼國史院秩正二品 世祖中統初以王鶚為翰林學士未立官署 至元元年始置二十年省并集賢院為翰林國史集賢院 二十一年增學士二員

二十二年復分立集賢院 延祐以後定置翰林承旨六員從一品學士二員正二品侍讀學士二員從二品續文獻通考卷之九十 十七

品侍講學士二員從二品直學士二員從三品屬官待制五員正五品修撰三員從六品應奉翰林文字五員從七品編修官本為樞密院官元始為翰林之屬十員

正八品檢閱本宋樞密院檢詳之職置四員正八品典籍籍二員正八品經歷初為典簿已改司直又改經歷秩從五品所領監一 藝文監文宗天曆二年置階從三

品設大監兼檢校書籍事二員少監同檢校書籍事二員監丞參檢校書籍事二員或有兼經筵官者 以國語譯儒書及儒書合校讐者俾兼治之典簿照磨各一

員令史四人典史二人 順帝至元六年改為崇文監令翰林國史院領之所屬三時以宋本為大監歐陽玄為少監 監書

博士階正五品專一鑒辨書畫擇朝臣博識者為之

藝林監階從六品大使副使各一員掌長時書籍 廣

成局階從七品大使副使各一員直長二人掌刻經籍

及印造之事 授經郎兼經筵譯文官二員階正七品

掌教訓怯薛大臣子孫 蒙古翰林院至正八年始立

新字國學于國史院十二年別立翰林院設官品秩並

同國史院掌譯寫一切文字及頒降璽書並用蒙古新

字仍各以其國字副之

崇政殿說書附 金 哀帝正大三年置益政院于內庭以學問該博議論

宏遠者數人兼之日以二人上直備顧問講尚書通鑑

續文獻通考卷之九十 十八

貞觀政要名則經筵實內相也

元 置端本堂說書 至元十一年徵建寧處士彭炳為

之不至

馬祖常曰夫經筵之設將以講明正學培養君德所謂

經筵侍講與今翰林侍講侍讀名同而實異自漢唐以

來人君聽講經史者多矣至唐穆宗始召韋處厚路隋

為侍讀命講詩書至宋司馬光程頤嘗充是選此即經

筵侍講崇政殿說書也

文宗天曆二年賜潛邸說書劉道衡等四人從七品薛允

等十六人從八品

順帝至正三年四月勅經筵講官月三進講 七年左丞

相太平請賜經筵講官坐以崇聖學

學士待制

宋理宗寶慶十二年十月甲申詔仍置學士待制以才德並稱者爲之明著令甲

殿館閣學士

遼

南面有宣政殿學士應曆時李濟嘗拜是職有觀書

殿學士壽隆時王鼎嘗拜是職有昭文館直學士楊遵

勗子晦嘗拜是職有崇文館大學士韓延徽嘗拜是職

有乾文閣學士王觀嘗拜是職

金不置

元 有昭文館大學士 世祖至元中以實默爲之 成

續文獻通考

卷之九十

十九

三百九十一

宗大德中以不忽木爲之有煥章閣學士 文宗天曆

二年命翰林煥章閣諸儒臣采輯本朝典故著經世大

典有奎章閣學士建奎章閣于西宮與聖殿之西廊爲

屋三間南間以藏物中間諸臣入直北間設御座進儒

臣集經史之書考帝王之治左右列珍玩命群王內司

掌之閣官係銜初名奎章閣置大學士二員正三品隸

東宮屬官後文宗復位陞爲奎章閣學士院階正二品

置大學士二員並知經筵事侍書學士從二品承制學

士正三品供奉學士正四品並二員兼經筵官職 至

順元年增大學士二員共四員侍書承制供奉學士俱

增二員首領置叅書二員典籤二員照磨一員內掾四

人宣使四人知印二人譯史二人典書五人屬官授經

郎二員 順帝至元六年罷奎章閣學士院立宣文閣

惟授經郎及鑑書博士以宣文閣係銜時虞集爲奎章閣侍書學士

後斯爲奎章閣供奉學士 群王內司階正三品置監司司尉各一

員從三品亞尉食司各二員從四品司丞二員正五品

典簿一員正七品吏屬有差掌奎章圖書寶玩及凡常

御之物時以禮部尚書巖巖兼監司

陶宗儀曰元初特恩初制象齒小牌五十上書奎章閣

三字一面篆字一面蒙古字與畏吾兒字分散各官懸

佩出入宮門無禁學士院凡與諸司往覆惟制送中書

廳行移而已

續文獻通考

卷之九十

二十

四百四十二

文宗至順元年二月奎章閣學士忽都魯都兒迷失撒昶

虞集辭職詔諭之曰昔我祖宗睿智聰明於致理之道

自然生知朕以早歲跋涉艱阻既乏生知之明惜於治

體故立奎章閣置學士員日以祖宗明訓古今治亂得

失陳說於前使朕樂於聽聞卿等當推所學以稱朕意

其勿復辭

順帝至正元年六月復舊奎章閣爲宣文閣時大臣議

罷先朝閣監官屬翰林承旨巖巖言于上曰民有千金

之產尚設家塾以延館客堂堂天子富有四海而學房

乃不能容耶上然之即日改奎章閣爲宣文閣藝文監

爲崇文監設官如初就令猗猗董治因請置檢討等官



十六員以備進講達官有不欲者變曰昔先皇以儒道敘治命裕宗學于贊善王恂今經書所藏倣書當時裕宗於學生之下親署御名習書謹呈其敬重若此世祖嘗召我先人陳說四書及古史治亂至丙夜不寐喜曰朕令卿從許平仲學正欲以嘉言入告朕耳其向學又如此今汝不好儒寧不念聖祖神宗篤好之意乎且儒者之道君仁臣忠父慈子孝從之則人倫咸得國家咸治違之則亂爾欲亂而家吾不汝禁慎勿以斯言亂吾國也達官有慙色

胡粹中評曰王恂爲贊善而令裕宗于學生之下親書御名習書謹呈其尊敬師傅奚讓于前王嗚呼賢矣

續文獻通考

卷之九十

二十二

四百五十二

皇明

國朝稽古右文設翰林院職官以文學承顧問出入侍從因得參謀議納諫諍其職清而地禁至 洪武三年又法唐永徽之制設弘文館學士 十三年又法古四輔之義設四輔官 十五年又倣宋殿閣大學士之制設大學士凡一時耆舊乘運而奮或拔自科甲或徵自薦舉或錄自亡國類以所學利見于世

太祖已亥年置禮賢館 命陶安劉基章溢宋濂葉琛王禕等居之甲辰年設起居注乙巳年設大史監 吳元年設翰林院俱爲侍臣 洪武二年定翰林官制承旨正三品學士從三品侍讀學士正四品侍講學士從四

品直學士正五品 三年又置弘文館學士改劉基與羅復仁危素胡鉉雖稼王大中居之 九年罷不設

十四年革承旨直學士定學士爲正五品講讀學士爲

從五品 十五年十一月倣宋殿閣大學士之制以劉

仲質爲 華蓋殿大學士吳伯宗爲 武英殿大學士

宋訥爲 文淵閣大學士吳沉爲 東閣大學士 十

六年禮部主事劉庸薦鮑恂俞銓張長年張紳等明經

通達治體遣使徵之恂銓長年先至俱 命爲 文華

殿大學士皆辭不拜而全思誠亦以耆儒拜前職然大

學士之職階不過五品特以崇重文儒備顧問而已况

國朝監前代廢蔽之禍革中書省罷丞相使政歸六

續文獻通考

卷之九十

二十二

四百五十二

卿分理不相混壓所以垂之 祖訓者甚嚴而殿閣大

學士亦不久設故未有相道之責 壬午年七月 文

廟入正大統注意文學肇建 內閣於東角門內 召

翰林待詔解縉編修黃淮處其中又選胡廣胡儼楊士

奇楊榮金幼孜與之同事雖令講讀纂修與議幾務然

七人始以翰林史職入直陞講讀等官及 仁廟正位

東官又陞春坊等官以後解縉以罪訕則謫廣西參

議胡儼以國學缺人則推陞祭酒而楊士奇等五人終

永樂之世亦官止大學士蓋爲衙門所拘 洪熙初

年以 東官舊臣特加超擢又添設 謹身殿大學士

於是楊士奇陞禮部侍郎兼 華蓋殿大學士楊榮陞

大常寺卿兼 謹身殿大學士黃淮陞通政使金幼孜  
陞戶部侍郎俱兼 武英殿大學士楊溥陞太常寺卿  
仍兼翰林院學士暨後委任日隆置三公三孤之官又  
加至三孤領尚書職隱然有鈞衡之重禮與百僚殊矣  
自此官制一變陳山以左庶子張瑛以洗馬各陞侍郎  
兼大學士入閣然 龍飛殊恩非可爲例亦未有由蒞  
部事而復入者自正統年間陳循高穀苗衷馬愉曹鼐  
以學士入張益彭時商輅以修撰入則舊意猶存自  
景泰初年俞剛江淵王一寧以侍郎改兼學士入蕭鉉  
以祭酒陞侍郎兼學士入王文以左都御史陞吏部尚  
書兼大學士入於是 天順 成化 弘治以來由侍  
郎陞尚書入閣者日久因襲不可復改矣然計資敘遷  
亦未有陞至尚書已理部事而復入內閣者自 正德  
初年逆豎劉瑾用事吏部尚書焦芳首以附瑾取入內  
閣於是楊廷和由南京戶部尚書入劉宇由吏部尚書  
入曹元由兵部尚書入及逆瑾伏誅而莫之改正者何  
哉夫罷丞相分任六卿無偏聽獨斷之弊此 太祖垂  
訓立法高出千古者也但政權必有所屬則設 內閣  
而政歸六部惟在 人主歷 列聖如一日使居 內  
閣者仰體 聖祖之心輸忠宣力守憲奉法於六部有  
違失密裁抑之與天下順流而治萬世無弊矣  
內閣乃翰林學士任也始 高皇帝渡江剪荆棘日不

經而稍從諸儒生受經是時弘文學士劉基最貴幸  
當帷中寄丞相以下罔敢望之已益勅馬上業進學士  
承古宋漁漁又最幸得偕 上坐起其職大抵紀注言  
動解顧問云而 上時時授以 旨使爲 詔草漁獨  
多所當意久之 上倣宋制益置 華蓋 謹身 文  
華 武英四 文淵 東閣二俱大學士秩正五品徵  
諸明經長者以次代擢而會丞相惟庸敗析中書爲六  
尚書寄天下任而大學士稱近臣不爲置僚屬無所治  
天子方自操威福亦無所寄裁至 文皇帝繼 大  
位始即 文淵閣 召侍講等七人日入直左右已益  
親重 上所與謀群臣甚秘稍遷至大學士歲時養子  
同尚書矣 仁宣朝用 太子經師恩累加至三孤益  
尊而 宣皇帝右文遏殺內柄無大小悉下大學士士  
奇等取報行而吏部蹇義戶部夏原吉以不時 召得  
迭入故六尚書事與士奇均而大學士陳山等或鮮所  
關預豈非無顯職歟 上輕重裁耶論道之體創尊  
仁 宣迨 景及 憲大權始集今視之赫然真相矣  
其喜忌借 上意故 上不嫌逼也威福間已意故下  
屏息也剝白由六曹故難不與也取以 詔行故衆無  
敢訾也賢者當之不見跡而治不肖者當之不及亂而  
敗此在 人主擇所任而已矣  
按內閣臣不由甲第者楊文貞以薦辟胡若思陳汝靜

張子玉以鄉舉其初不由翰林者黃文簡以中書舍人楊文貞以審理副副若思以桐城知縣金文敏以給事中俞綱以審理正王毅愍薛文清俱以御史李文達以吏部主事劉宇曹元俱以知縣袁榮襄以長史張文忠以南刑部主事桂文襄以知縣方文襄以禮部主事夏文愍以行人其入閣之先不帶翰林銜者王毅愍以左都御史江世用以刑部右侍郎俞綱以兵部右侍郎徐元玉以左副都御史許道中以太常卿薛文清以大理卿尹文和以兵部左侍郎焦孟陽以吏部尚書王文恪以右侍郎楊文忠以南京戶部尚書劉至大以吏部尚書曹文貞以兵部尚書楊文襄許文簡俱以吏部尚書

續文獻通考

卷之九十

二十五

四十五

入若毅愍文清文襄文貞終始不由翰林尤為特異俞綱劉至大僅一履任而已解大紳出為廣西右叅議張子玉出理南部猶帶殿銜俞綱出佐兵部以南禮部終江世用出為工部尚書許道中出為陝西叅政以南禮部侍郎致仕徐元玉出為福建叅政尋就逮戊岳文肅出為欽州同知以興化知府致仕自岳後無下遷者矣又按內閣臣職在司內外制而已未有所謂調旨也自宣德中大學士二楊公與尚書寒夏始有調旨之說而二楊公復以位尊惡煩特奏以少詹事兼講讀學士曾榮王直王英專知誥勅然內閣實總之後榮卒直英遷禮部侍郎仍司內制直出理部事

遷吏書英出理部事而以侍講學士陳循馬愉侍講曹鶴代之尋華併入內閣弘治甲寅復奏以學士李東陽兼禮部右侍郎掌誥勅說者以為為李公入閣地也李入閣太常卿程敏政代敏政以禮侍致仕禮侍傅瀚遷尚書吏侍吳寬代以尚書卒太常卿張元禎代元禎以吏侍卒詹事楊廷和代廷和改南京戶部左侍郎吏部尚書梁儲代儲改南京吏部尚書劉忠代忠入閣禮部尚書白鉞代鉞卒吏部侍郎靳貴代貴以禮書入閣吏部侍郎蔣冕代冕遷禮書入閣禮部尚書毛紀代紀入閣禮部尚書劉春代春卒禮部尚書李遂學代遂學卒吏部尚書石瑄代瑄入閣吏部侍郎賈詠代詠入閣禮部尚書吳一鵬代鵬出理部事吏部侍郎溫仁和代以憂歸自是大學士張桂等密疏不宜設而旨報罷矣

續文獻通考

卷之九十

二十六

四十六

又按東閣在左順門廊接史館雖有大學士官其職在文淵閣而司誥勅官多坐東閣為侍從之長故總謂之閣老然不參預政務非真相也嘉靖末內閣以其南制官不文始奏設翰林講讀史官分掌外制而武官誥勅仍用其屬之能文者理之若詔赦勅草之類仍自閣至翰林諸臣不得與又按文淵閣在午門內文華殿南諸學士日有大政會議則居之天順丁丑冬十月始置先師孔子

等像于閣中先是學士每入以東西兩凳相對坐向無公座至是李賢自吏部入欲循品秩設公座如部堂之儀彭時不可曰宣宗駕常幸此中坐故至今不敢南面賢曰事久矣今設何妨對曰禁中亦不宜南面坐賢駭曰烏有居是官而不正其位者時曰正位在外諸衙門則可禁內則不可也欲正坐則華蓋武英諸殿大學士當何如耶蓋殿閣皆至尊臨幸之處設官之意止有侍坐備顧問決無正坐之理賢語塞意未釋已而英宗遣太監侍恭送銅範飾金孔子并四配像一龕置閣中賢乃止自是閣老每晨入對像一揖遇朔望率翰林官行四拜禮乃東西對坐載誦

宣廟御制文淵閣銘有序曰古昔帝王之有天下既建朝堂以聽政則必有怡神養性之所幸天下之書延天下之士相與講論道德而資啓沃焉我太祖皇帝始創官殿于南京即于奉天殿之東建文淵閣盡貯古今載籍置大學士員而凡翰林之臣皆集焉萬幾之暇輒臨閣中命儒臣進講經史躬自披閱終日忘倦以天縱之資加日新之學道德之懿仁義之實充然洽于天下成祖肇建比京亦開閣于東廡之南爲屋若干楹高亢明爽清嚴邃密仍榜曰文淵設官一如舊制分南京所藏之書實其中自六經之外諸史百家靡不畢備其所以明道興治以繼先聖而裕後嗣者規

模弘遠矣予承皇考仁宗昭皇帝丕緒嗣守列聖洪業夙夜兢惕罔敢怠遑思惟經以載道史以載事百氏之文亦所以羽翼斯道者也於是聽政餘閒數臨于此進諸儒講論折衷宣昭大猷緝熙問學庶幾日就月將造乎其極上可以承祖考付托之重下可以安黎庶仰戴之心而斯閣之傑然者亦遠有耀矣誦此則知文淵爲講讀之所非政府也其亦上古衢室總章之遺意歟然雖非政府而祖宗朝特此以緝熙聖學則所以端出政之本者在是矣

成祖定華蓋武英文華三殿及文淵閣東閣各學士一人正五品班翰林院學士之上各置閣門使

正六品承天右順門待詔俱從七品洪熙初添

謹身殿大學士

內閣之名始自洪武先是洪武十五年冬始倣宋制置殿閣學士吏部尚書邵質華蓋殿學士宋訥文淵閣檢討吳伯宗武英殿典籍吳沉東閣並爲大學士是年召耆儒鮑恂張長年俞詮至命爲文華殿大學士三人辭不就時特侍左右備顧問未典機務建文四年七月成祖簡用翰林待詔解縉編修黃淮尋又用修撰胡靖編修楊榮楊士奇檢討胡儼金幼孜七人入內閣各直文淵閣預幾務

永樂五年十一月上諭吏部廣等侍朕日久繼今考

滿多改外任廣即胡靖也 仁宗又設 謹身殿大學士有 華蓋 謹身 武英三殿及 文淵東閣皆在內閣曰辦事避丞相名若 東閣 文淵閣大學士不得竟入 內閣亦不得預幾務也 嘉靖壬戌九月新建 三殿成 詔改 奉天殿為 皇極殿 華蓋殿為 中極殿 謹身殿為 建極殿始有 建極殿大學士

內閣之官翰林院檢討編修撰侍講侍讀學士詹事府左右春坊司經局官官不得過五品或九卿正丞兼翰林學士 東閣 文淵閣 武英 謹身 華蓋殿大學士已而加官至領 東官公孤帶三孤者或

續文獻通考卷之九十

二十九 四百一十

止一二人多或止六七人 宣德初張瑄陳山始以侍即入閣未幾以干請出瑄為南京禮部尚書山教內使書 景泰中王文始以 宮保尚書入閣西東楊最久皆不得領吏部尚書領吏部尚書亦自文始其屬 制勅房 誥勅房皆以中書舍人諸司寺或卿貳之官至太常卿止即有年勞加俸不得帶九卿堂上執政官內閣之職入 內閣預幾務出納 帝命奉陳規誨獻告謨猷點檢題奏擬議批答以備顧問平庶政不得專制九卿事九卿奏事亦不得相關白凡上所下一曰詔二曰 誥三曰 制四曰 勅五曰 冊文六曰 諭七曰 書八曰 符九曰 令十曰 檄皆審置中

續文獻通考卷之九十

二十九 四百一十

覆而調劑焉平允乃行之凡下所 上一曰題二曰奏啓三曰表箋四曰講章五曰書狀六曰文冊七曰揭帖八曰制對九曰露布十曰譯皆審置申覆而修畫焉平允乃行之凡 經筵知經筵事或同知看定其講章日講亦如之凡 東官出閣講讀領其事叙其官而授之職業凡修 實錄史志諸書文總裁官 實錄成呈上焚其草凡 宗室請名請封諸臣請謚並擬上焉凡圖書繕寫讐校皆課而察之凡 郊祀 巡狩 親行扈從凡 累朝 御文 實錄 寶訓 王牒之副古今書皆籍而藏之凡會 勅稽其由狀而叙述上請焉凡禮部會試 廷試貢士國子生月課歲貢生 廷試四夷館譯生皆總領之 制勅房書辦 制勅 詔旨 誥命 冊表 寶文 王牒講章碑額題奏揭帖凡一應機密文書及 王府 勅符底簿 誥勅房書辦文官 誥勅番譯 勅書并夷書揭帖紀功勅合皆稽按典故起草進書若漏洩稽緩遺失妄誤皆有罰鄭曉曰自徐有貞來係二十人惟萬安丘濬以卿孤入內閣餘皆修撰贊善通議少卿少詹事侍郎自焦芳至于今非孤卿則六卿惟翟鑾以侍郎無學士以故內閣職業重于中書省體統尊于三公府省府之名雖廢而 內閣之權益隆矣前此入 內閣者亦未必盡出翰林西楊 齊府審理也文簡中書舍人也文靖戶

科給事中也文清監察御史也李文達賢吏部主事也  
近日丹徒斬貴永嘉張平敬安仁桂萼南海方獻夫貴  
溪夏言亦中書舍人主事給事中列聖嚴于防奸  
而廣于求賢以故內閣諸臣類多效職三楊參合歷  
事四朝鎮定危疑消弭譏隙文經武緯內戢外寧四  
十餘年號稱平治昭后張太既崩裕陵正統親政  
一時五相馬愉曹鼎陳循苗衷高穀才器尋常權歸閣振國社幾  
搖景泰諸臣因人碌碌強者恣睢弱者韜默或陰主  
邪謀或曲從密旨儲宮易位宦貴紛然天順復  
辟誅竄削逐臺閣一空成化間文憲文毅事關綱常  
扣關力諫時值佞幸請劊行誅弘治初年大奸距脫  
海內欣然宜興徐溥洛陽劉吉端清寬綽長沙李東陽  
餘姚謝遷文雅諒直泰陵孝宗晝接再三虛懷霽  
色勵精訪治將大有爲而諸君子志在包荒意存裕體  
多思少斷坐失良期然十八年間財以足民爲富兵以  
薄伐爲威刑以緩死爲恩仕以驟進爲耻可謂與民休  
息培植元氣者正德初逆瑾用事盡逐方正大臣焦  
芳劉宇本衣冠之盜廁跡禁扉數年之間濁亂天下新  
都楊廷和守正應變綽有餘才雖大禮之議未協宸  
闈而救時之功卓冠一時矣

太常寺

遼南面太常寺官曰太常寺卿曰太常少卿曰太常寺

丞曰太常寺主簿其下有博士贊引太祝奉禮郎協律  
郎其所屬大樂署有署令署丞鼓吹署亦有署令署丞  
法物庫掌圖籍有法物庫使法物庫副使

金太常寺皇統三年正月始置太廟虞犧郊社諸陵大  
樂等署隸焉卿一員從三品少卿一員正五品丞一員  
正六品掌禮樂郊廟社稷祠祀之事博士二員正七品  
掌檢討典禮閱官一員從九品檢討二員從九品太祝  
從八品掌奉祀神主奉禮郎從八品掌設版位執儀行  
事協律郎從八品掌以麾節樂調和律呂監視音調  
太廟署皇統八年太廟成設署置令丞仍兼提舉慶元  
明德永祚三宮令一員從六品掌太廟衍慶坤寧官殿

神御諸物及提控諸門關鍵掃除守衛兼虞犧等事丞  
一員從七品兼虞犧署丞直長明昌三年罷虞犧署  
令丞以太廟令丞兼掌犧牲及養飼等事宋以前太廟  
令皆屬宗正寺郊社署承安三年設祝史齋郎百六  
十人作班祗僕使周年一替大安元年奏兼武成王  
廟署令一員從六品丞一員從七品掌社稷祠祀祈禱  
并廳舍祭器等物直長正八品武成王廟署大安元  
年置令從六品丞從七品掌春秋祭享以郊社令丞兼  
之諸陵署提點山陵正五品涿州刺史兼令從六品  
丞一員從七品掌守山陵直長正八品漢屬太常唐宋屬宗正  
園陵署令宛平縣丞兼貞祐二年以園陵遷大興縣境

遂以大興縣令丞兼 大樂署兼鼓吹署樂工百人令  
一員從六品丞從七品掌調和律品教習音聲并施用  
之法樂工部籍直長一員正八品大樂正從九品掌祠  
祀及行禮陳設樂縣大樂副正從九品 法物庫初兼  
管大樂隸兵部 元貞二年改屬太常寺使從六品副  
使從七品掌鹵簿儀仗車輅法服等事直長正八品  
慶元宮小都監三員掌鋪陳祭器諸物餘官同 東京  
西京御容殿閣門各二員掌享祀禮數鋪陳祭器東京  
萬寧宮小都監一員

續文獻通考 卷之九十

三十三

四百五十九

元置太常禮儀院秩正二品掌大禮樂祭享宗廟社稷封  
贈諡號等事仁宗復太常禮儀院為太常正三品天曆  
二年復陞正二品定置院使二員正二品同知二員正  
三品僉院二員從三品同僉官二員正四品院判二員  
正五品經歷一員從五品都事一員從七品照磨兼管  
勾承發架閣一員正八品屬官博士二員正七品奉禮  
郎二員奉禮兼檢討一員並從八品協律郎二員從八  
品大祝十員從八品禮直管勾一員從九品所屬四  
太廟署即太廟令也古屬宗正寺元屬太常秩從六品  
掌宗廟行禮兼虞虞署事至元三年始置令二員從六  
品丞一員從七品 郊祀署屬太常秩從六品 大德  
元年始置令二員從六品丞一員從七品 大樂署屬  
太常秩從六品中統五年始置令一員從六品丞一員

從七品掌管禮生樂工四百七十九戶

皇明

國初設太常寺即秦奉常也漢景德初更名太常主郊廟  
禮樂之事職列九卿歷唐設卿一人少卿為之貳宋因  
唐制俱居九寺之先 國初置太常司正三品設卿少  
卿司丞共屬有博士典簿協律郎贊禮郎司樂大祝等  
官職專祭祀之事 洪武三十年改司為寺 永樂十  
九年定鼎北京在留都省加南京二字但在留都正卿  
少卿多用科目出身者推陞北寺自 列聖間用樂舞  
生累資陞至卿寺甚或加禮部侍郎尚書掌寺事而因  
循相沿遂襲為例至 隆慶改元乃重推甲科出身者  
續文獻通考 卷之九十

三十四

四百九十九

補任非百世所當遵守者耶  
太祖吳元年置太常稱司正三品 洪武二年置神牲所  
設虞儀令大使副使 四年革神牲所 十二年置神  
樂觀 二十四年設各祠祭署奉祀祀丞 三十年改  
司為寺 建文中改卿為太常卿少卿寺丞分左右  
天壇祠祭署為南郊祠祭署泗州祠祭署為泗濱祠祭  
署宿州祠祭署為新豐祠祭署 孝陵置鍾山祠祭署  
及司園所增神樂觀知觀一人 靖難後改鍾山祠祭  
署為 孝陵祠祭署 南郊祠祭署為郊壇祠祭署已  
又改為 天地壇祠祭署餘如故 嘉靖中釐祀典改  
天地壇祠祭署為天壇別為地壇各設祠祭署又改



山川壇籍田祠祭署爲先農壇祠祭署大祀殿奉祀爲  
祈穀殿祠祭署又增朝日夕月二壇祠祭署

太常寺卿一人少卿二人提督四夷館少卿一人其屬

典簿二人博士二人神樂觀提點一人知觀二人協律

郎二人贊禮郎九人司樂二十人天壇祠祭署奉祀

一人祀丞二人地壇祠祭署奉祀一人祀丞一人朝日

壇祠祭署奉祀一人祀丞一人夕月壇祠祭署奉祀一

人祀丞一人祈穀殿祠祭署奉祀一人祀丞一人祖

陵 皇陵 孝陵 長陵 獻陵 景陵 裕陵 茂

陵 太陵 康陵 永陵 昭陵 十二祠祭署各奉

祀一人祀丞一人楊王徐王墳各有奉祀儀牲所吏目

續文獻通考

卷之九十

三十五

四百三十一

一人吏十一人

太常卿掌祭祀禮樂之事總其官屬籍其政令以聽禮

部少卿寺丞爲之貳凡天神地祇人鬼歲祭有常先歲

孟冬進明年祭日 上御奉天殿受之頒諸司凡 上

祭贊相禮儀大臣攝事亦如之若祭先期請省牲大祀

上先省大臣繼省之進版銅人上殿奏齋戒示諸司

凡薦新品物移光祿寺凡 國有冊封冠婚營繕出師

歲時旱澇大災難請告 郊廟社稷凡 新王之國若

朝天子辭於 寢廟凡祭滌器饗理香燭玉帛整拂神

幄必恭潔凡玉三等曰蒼玉曰黃琮曰玉制帛五等曰

郊祀曰泰先日展親曰禮神曰報功凡牲四等曰犢曰

牛曰太牢曰少牢凡樂四等曰九奏曰八奏曰七奏曰

六奏凡舞二曰文舞曰武舞凡樂器不從凡 陵園之

祭無樂凡祭掌燎看燎讀祝素禮對引司香進俎舉麾

陳設收支導引設位典儀通贊奉帛執爵司尊司鬯洗

卿貳屬各共其事凡宴會率其屬奏樂提督四夷館少

卿掌譯書之事以聽於翰林院凡八館曰鞮鞻女直西

番西天回回百夷高昌緬甸以國子生充譯字兼官民

子弟時時校其業裁倖進焉典簿典勾校金穀察視禮

數省署文移博士講習禮文請 上填名祝版大禮導

贊其儀神樂觀提點知樂領樂生舞生而時教肄之進

退其考贊禮即設 君臣之位以奉祭祀之禮拜跪之

續文獻通考

卷之九十

三十六

四百三十一

節皆贊導焉而承傳之協律郎司樂考協雅樂凡舞人

韻聲人籍數其名數而審肄之凡淫聲過聲凶聲慢聲

舞失節者皆禁糾之凡 上至祀所夜盥晨嚴凡祭先

期演樂太和殿凡大祀樂生七十二人舞生一百三十

二人凡壇署典守壇場殿宇廚庫林木時灑掃之以共

其祀事 陵署亦如之牲犧所凡三祀牲牢咸有數養

而滌之籍田收穀納於神倉供五齋三酒之用穰藿飼

牲

穆宗隆慶中華太常寺協律郎等官四十八員有者二十

九員從禮部疏爲該寺定擬執事或兼攝或參用樂舞

生不得守師宗記所奏事例濫設冗員寺卿陳慶以禮

部疏引宗記爲喻疑有刺議又以祠司移文不署名謂爲輕已乃上疏固爭以郊壇典禮煩重今槩擬裁革未免闕人廢事請下禮部熟計部議復持前說上報可于是吏部奏革協律郎等官悉如禮部奏既議革慶內益不能平乃上疏請申明部寺職掌謂本寺非部所屬何得擅主裁革司官公移安得不署名因指禮部護短飾說無師師相讓之風禮部亦言國家設六部分理天下諸務爲政事根抵今以本部理太常之事爲侵擾則戶部之於錢糧兵部之於士馬皆爲侵擾矣惟聖明獨斷以一政體疏並下吏部吏部覆太常所掌乃祠部一事固不可槩謂部屬亦難謂全無統屬其公移續文獻通考卷之九十

三十七

三百五十九

往來宜各仍舊上從之

續文獻通考卷之九十一

皇明進士雲間王圻纂輯

職官考 光祿寺 太醫院 衛尉卿 宗正卿

崇玄署

光祿寺

遼南面初設光祿寺後以太宗諱改崇祿寺其官曰崇祿寺卿曰崇祿寺少卿曰崇祿寺丞曰崇祿寺主簿

金燕享御膳之事皆掌于宣徽院而光祿寺不設

元光祿寺隸宣徽院秩正三品掌起運米麵諸事領尚

飲尚醞局沿路酒坊各路布種事至元十五年罷都提點置寺二十年改尚醞監正四品二十三年復

續文獻通考卷之九十一

三百五十九

爲光祿寺延祐七年定置卿四員正三品少卿二員

從四品丞二員從五品主事二員從七品珍羞署世

祖至元十三年始立尚珍署後罷入有司二十五年

復置掌收濟寧等處田土子粒以供酒材設達魯花赤

一員令一員並從五品丞一員正七品吏目一人尚

飲局中統四年置設大使副使各一員俱帶金符掌醞

造上用細酒後定置提點一員從五品大使一員正六

品副使二員正七品有上都大都二局在上都者皇慶

中始置少副使一員品秩同醴源倉至元中始置掌

管香河蘇門等酒材糯米鄉貢麵藥以供上醞及歲賜

諸王百官者設提舉一員從六品大使一員從七品副

使一員正八品大都上都各署上都掌受大都轉輸米  
麵并醞造車駕臨幸次舍供給之酒止設大使直長各  
一人秩從九品 良醞署中統四年立御酒庫設金符  
宣差 至元十一年始設提點 十六年改尚醞局掌  
醞造諸王百官酒醴提點一人從五品大使一人正六  
品副使二人正七品直長一人正八品有大都上都二  
局上都少副使一人品秩同珍羞尚飲醴源良醞舊本  
光祿所屬元與光祿並隸  
徽 供醴源倉稻田提領所安豐懷慶等處設秩從九  
品掌稻田布種歲收子粒轉輸醴源倉定置提領二員  
亦隸宣徽院

皇明

續文獻通考

卷之九十一

二

四百四十

國初吳元年置光祿寺并置宣徽院尚食尚禮二局設院  
使同知院判典簿統二局 明年改光祿寺正四品移  
太常司供需庫隸之 洪武四年置法酒庫設內酒房  
大使副使 八年改寺爲司陞從三品置大官珍羞良  
醞掌醴四署署設令丞監事又設掌牧所局庫俱革  
三十年復爲寺改署令爲署正又設司牲局改掌牧所  
爲司牧局 建文中改卿爲光祿卿少卿寺丞分左右  
陞少卿從四品省署丞二人增監事二人靖難後復故  
本寺卿一人從三品少卿二人正五品寺正二人從六  
品其屬典簿二人從七品錄事一人從八品大官珍羞  
良醞掌醴四署各署正二人俱從六品署丞四人從七

續文獻通考

卷之九十一

三

四百三十九

品監事四人司牲局司牧局各大使一人吏二十五人  
本卿掌祭享宴勞酒醴膳羞之事辨其名數會其出入  
量其豐約以聽於禮部少卿寺丞爲之貳凡祭祀請省  
牲進飲福酒胙凡薦新移太常寺凡喪祭供其祭物凡  
牲果菜雜物取之上林苑不給市諸民視時估十加一  
凡市直季支天財庫錢鈔凡貢獻果鮮廚料省受之凡  
器皿移工部及募工兼作之歲省其成敗凡筵宴酒飯  
番夷貢使降人茶飯物料下程差其等而供之凡廚役  
久得爲王典膳移吏部凡傳奉宣索籍記覆奏之監以  
科道官各一人察其出入而糾禁其奸弊大官供祭祀  
官膳節筵給夷濟貧之事珍羞供官膳茶飯之事良醞  
供獻殿官膳均給內外官人夷匠之事掌醴供祭祀茶  
飯齋禱之事司牲養牲視其肥瘠而蠲滌之司牧亦如  
之

世宗嘉靖三十七年初 命歲遣御史查刷光祿錢穀次  
年二月閣臣嚴嵩言自設御史查刷之後本寺歲省錢  
穀二萬一千有奇在直諸臣酒饌每日二金乞寢之  
上曰法行自近日裁三之二

穆宗隆慶二年光祿寺上言永樂時尚膳監有羊房 景  
泰中移之西琉璃廠牧地十三頃司牲官吏軍士歲費  
數千金今請以羊入本司而裁其冗費大監孟冲爭之  
上從冲言 四年正月吏部覆戶科楊銘奏請以舉

人出身知縣... 廉能素著者入補光祿寺署正而間以例貢叅之優其超擢或徑于聽選舉人中除補從之

按元太醫院不屬太常而別為一衙故另書附見

元 世祖中統元年置宣差提點太醫院事給銀印掌醫事製奉御藥物領各屬醫職不隸太常院 至元二十二年改為尚醫監秩正四品 二十二年復為太醫院給銀印署提點四員院使副使判官各二員 大德五年陞秩正二品設官十六員 至治二年定制院使十二員正二品同知僉院同僉院判各二員經歷都事各一員照磨兼承發架閣庫一員吏不錄所屬八 廣惠司

續文獻通考 卷之九十一

四

四百三十八

卿四員少卿二員司丞二員掌修製御用回回藥物及和劑以療宿衛士及在京孤寒者經歷知事照磨各一員所屬上都大都回回藥物二院秩從五品掌回回藥物 至元十九年置 至治二年撥屬廣惠司置達魯花赤一員大使二員副使一員 御藥院達魯花赤一員大使副使各一員直長一員都監二員掌管各路鄉貢諸番進獻珍貴藥品修造湯劑 御藥局至元十年始置掌兩都行篋藥餌 大德九年間分立行御藥局掌行篋藥物本局但掌上都藥倉之事置達魯花赤一員局使副使各二員 御香局提點一員司令一員掌修合御用諸香至大元年置 大都惠民局世祖中統

二年置受太醫院劉秩從五品掌收官錢經營出息市藥修劑以惠貧民 上都惠民局中統四年置提點司令各一員品秩同上 諸路惠民藥局 成宗元貞三年置初太祖於燕京等十路置局官給銀五百錠為本月營子錢以備藥物擇良醫主之以療貧民世祖末年以失陷官本罷之至是依舊例復置皆令各路正官提調

胡粹中評曰給醫藥以療貧民之有疾者此愛民之仁濟物之義也而出銀為本月營子錢以備藥物則與民爭利而有害于仁政矣

醫學提舉司秩從五品 至元九年置十三年罷十四

續文獻通考 卷之九十一

五

四百三十七

年復置掌考校諸路醫生課藝試驗太醫教官校勘名醫選述文字辨驗藥材訓誨太醫子弟領各處醫學提舉一員副提舉一員所屬四 官醫提舉司秩從五品掌醫戶差役詞訟至元二十五年置 大都保定彰德東平四路提舉司同提舉副提舉各一員 河間大名晉寧大同濟寧廣平冀寧濟南遼陽興和十路設提舉副提舉各一員 衛輝懷慶大寧設提舉一員 掌醫監秩正五品領監官一員達魯花赤一員卿四員少卿五員太監五員少監六員丞二員 至元三十一年改典醫為掌醫署秩五品 至大元年陞監至治三年罷修合同 藥正司皆秩從五品達魯花赤一員副使

直長各二員掌藥六人掌修合御用藥餌至治三年罷  
行篋司藥局秩從五品達魯花赤一員大使副使各  
二員掌供奉御用藥餌 至治三年罷已上一監一司  
一局俱隸宣徽院 典醫監秩正三品領東宮大醫修  
合供進藥餌 至正十九年置達魯花赤二員卿三員  
太監少監丞各二員經歷知事各一員吏屬凡十八人  
隸詹事府所屬三 廣濟提舉司達魯花赤一員提舉  
同提舉副提舉各一員掌修合藥餌以施貧民 典藥  
局達魯花赤一員大使副使直長各二員掌修製東宮  
藥餌 行典藥局達魯花赤大使副使各二員掌供奉  
東宮藥餌

續文獻通考

卷之九十一

六

四百一

皇明

初置醫學提舉司改太醫監又改太醫院設院使同知  
典簿 洪武十四年定爲正五品更設太醫院令丞吏  
目御醫如文職授散官 二十二年復院令爲院使丞  
院判 內府又有 御藥房 嘉靖中改爲 聖濟殿  
本院院使一人院判二人其屬吏目一人御醫十八人  
所屬衙門 惠民藥局大使一人副使一人 生藥庫  
大使一人副使一人吏九人  
院使掌醫療之法院判爲之貳凡醫術十三科醫官醫  
士醫生專科習業曰大方脉曰小方脉曰婦人曰瘡瘍  
曰鍼灸曰眼曰口齒曰接骨曰傷寒曰咽喉曰金鎖曰

按唐曰凡由人 聖濟殿者直擇行業精通者供事

凡醫家子弟擇師而教之三年試之或五年試之再試  
三試而熟諳之 凡藥材辨其土所宜擇其良者而進  
馬按摩以消息導引之法除人八疾祝由以咒禁祓除  
邪寇之爲厲者二科今無傳

世宗嘉靖十五年建 聖濟殿祭先醫之神

寺制

凡本院院使判御醫日於 內府 御藥房分兩班輪  
直供事

凡醫士俱以父祖世業代補或令在外訪保醫官醫士  
以充其精通醫術者本院奏進 御藥房供事

續文獻通考

卷之九十一

七

三百五十五

凡收受四方進貢及儲蓄 上用藥品俱於 內府收  
掌供用藥餌 國初令醫官就內局修製本院官診視  
御脉御醫參看校同會內臣就內局合藥將藥貼連  
名封記具本開寫本方藥性治證之法於日用之下醫  
官內臣書名以進置簿層用中書省印合縫進藥奏本  
既具隨即附簿年月下書名臣某收掌以憑稽考  
凡烹調 御藥本院官與內臣監視每二服合爲一服  
候熟分爲二器其一器 御醫先嘗次院判等次內臣  
嘗其一器進 御  
凡各 王府差人請醫視疾本院奉 旨差官或醫士  
往若文武大臣及外夷酋長有疾亦奉 旨往視其治

寧省各官其本覆奏或軍中缺醫亦憑總兵巡撫官奏請撥用

凡醫家子弟舊例選入本院教習醫術弘治五年奏復行之推堪任教師者二人教習每季考試三年或五年堂上官一員同醫官二員考試通曉本科者收充醫士食糧當差未通曉者聽令習學一年再試三試不中者黜之若五年考試成材者多其教師奏請量加陞授

凡醫士醫生 洪武間各有額數其後增減不一俱於本院修合藥餌若醫官醫士仍差委各處用藥

續文獻通考卷之九十一

八

三百七十九共析

乾明門醫士三名

浣衣局醫士二名

天壽山醫士二名

松林靈臺醫士三名

圍房醫士十二名

神機營醫士四名

五軍營醫士三名

三千營醫士四名

錦衣衛醫士三名

府軍前衛醫士三名

惠民局醫士三名

會同館醫士三名

大慈恩寺醫士三名

宣府醫士一名

紫荊閣醫士二名

居庸關醫士一名

龍門千戶所醫士一名

萬全右衛醫士一名

懷來衛醫士一名

山海關醫士一名

廣寧衛醫士二名

寺子峪醫士一名

開原醫士一名

永寧衛醫士一名

獨石醫士一名

倒馬關醫士一名

白羊口醫士一名

凡醫士食糧月支七斗醫士月支四斗醫官先年月支二石弘治間照醫士例正支七斗凡各王府缺良醫從本院推舉醫士送吏部選用

凡本院取充醫役者洪武以來例免原籍民差弘治二年令御藥房供事者免二丁本院應役者免一丁

凡醫生殘疾及年七十以上不堪應役者放免

凡天下歲游藥材俱於出產地分派納永樂以後例共五萬五千四百七十四斤成化以來其數漸增今

續文獻通考卷之九十一

九

四百十六

共計一十六萬三千五百五十七斤有零蜈蚣蛇六十

四條蛤蚧天雄二十一對虫蛭木瓜二十箇浙江布

政司三萬一千八百五十一斤七兩金箔一百八貼銀

箔七十二貼江西布政司七千五百五十六斤一十

二兩湖廣布政司四千八百四十九斤七兩七錢二

分六釐白花蛇九條烏蛇十條福建布政司二千七

百六十五斤一兩九錢一分四川布政司一萬六千

四百二十斤八兩天雄四對廣東布政司九千九百

二十九斤三兩四錢蛤蚧二十七對廣西布政司九

千七百二十三斤一十兩山西布政司八千九百五

十五斤四錢五分山東布政司八千七百三十八斤

六兩 河南布政司八千六百四十九斤四兩 陝西  
布政司一萬一千七百四十四斤七兩 遼東都司八  
百斤 應天府三千六百五十八斤八兩 鎮江府三  
千七百一十七斤六兩六錢赤頭蜈蚣四十五條 蘇  
州府一萬八百七十九斤三兩 松江府一千四百四  
十斤 徽州府九百四十九斤八兩 寧國府四千九  
百九十四斤一十兩二錢烏爛虫蛙下木瓜二十箇  
太平府二百八十一斤七兩六錢 池州府六百一十  
三斤 鳳陽府二千七斤 揚州府七百四十五斤三  
兩二錢 淮安府三千一百二十七斤八兩 廬州府  
八十五斤一十二兩五錢九分 安慶府四百五十八  
斤七兩 廣德州六百三十斤 滁州一千五百九十  
二斤一十一兩二錢五分 徐州六十三斤六兩二錢  
三分 和州二百二十三斤一十四兩 永平府二百  
一十五斤 隆慶州七百斤 保安州七百斤 大名  
府一千五十斤 河間府二千一百七十七斤 保定  
府五百斤 真定府七百六十五斤  
凡天下解納藥材俱貯本院生藥庫以御醫二員與大  
使一員辨驗收放禮部仍委官一員監收至年終照例  
造冊二本一留本院備照一送禮部查考  
凡藥材如丹砂鹿茸等項先用在外鎮守等官額外進  
貢沿途害人成化二十三年 詔禁止勿進

凡軍中馬病本院給與藥餌  
凡天下府州縣舉到醫士堪任醫官者俱從禮部送本  
院考試仍委該司官一員會考中者送吏部選用不中  
者發回原籍為民原保官吏治罪  
凡本院合用紙劄俱令府州縣舉到醫士考中者量納  
應用後不行成化十八年奏准仍照舊例  
南京太醫院事例  
凡本院藥餌俱南京禮部收到湖廣等布政司解來生  
藥製造  
凡南京各營該用藥餌俱撥醫士隨病供應  
凡醫士醫生俱以世業子弟習學考選分撥各科  
續文獻通考卷之九十一 十一 三十三  
凡醫士醫生月糧照太醫院例  
衛尉卿  
遼之先世未有城郭溝池宮室之固輿車為營硬寨為官  
御帳之官不得不謹出于貴戚為侍衛者帳為近侍北  
南部族為護衛武臣為宿衛親軍為禁衛百官番宿為  
宿直奉宸以司供御三班以肅朝會而硬寨則以嚴晨  
夜馬  
北面侍御司掌御帳親衛之事其官曰侍衛太師曰侍  
衛太保曰侍衛司徒曰侍衛司空曰侍衛皆貴戚為之  
其所屬有近侍局官曰近侍直長曰近侍曰小底有近  
侍詳穩司官曰近侍詳穩曰都監曰將軍曰小將軍



北院護衛之事皇太后宮有左右護衛官曰北

院大師曰北護衛太保曰北護衛司徒其所属有總

領左右護衛司官曰總領左右護衛有左護衛司官曰

左護衛太保曰左護衛有右護衛司官曰右護衛太保

曰右護衛北面南護衛府掌南院護衛之事官屬皆同

北護衛府奉宸司掌供奉宸御之事官名未詳三班

院掌左右寄班之事官曰左班都知曰右班都知曰

寄班都知曰三班抵候宿衛司掌宿衛之事官曰

總宿衛事曰總知宿衛事曰同掌宿衛事曰宿衛官

禁衛局掌禁衛之事官曰總禁衛事曰禁衛長宿直

司掌輪直官員宿直之事官曰宿直詳穩曰都監曰將

續文獻通考卷之九十一十二

軍曰小將軍曰宿直官曰宿直護衛硬寨司禁園檢

寨下鋪傳鈴之事官曰硬寨太保

南面衛尉寺官曰衛尉寺卿曰衛尉寺少卿曰衛尉寺

丞曰衛尉寺主簿

金衛尉司大安元年擬定中衛尉從三品掌總中宮事

務副尉從四品左常侍從五品掌周護道從儀仗之事

右常侍從五品常侍官護衛三十人同京奉引八十人

銅控執旗二人同儀給事局使正七品副使正八品

內謁者兼司寶二員從六品內直奉閣一十人同東閣

庶閣直二十人同官校庭局令從九品內直掌皇后

宮事務丞從九品內直官令官苑司儀食官尚食飲官

尚書省尚書省大主藏內藏典主庫太倉

元世祖至元二十年立衛尉院改軍器監為武備監隸衛

尉院二十四年罷院立太僕寺遂不置

皇明

凡供奉儀仗導從諸務俱屬錦衣衛不設此官而中官

內謁等職則詳于內侍省

宗正卿

宋寧宗嘉定九年十二月以宗學隸宗正寺

理宗寶祐三年二月詔令宗正少卿歲舉宗學官選入一

員六年四月詔與苗判大宗正寺

遼北面大惕隱司太祖神冊二年置掌皇族之政教官名

續文獻通考卷之九十三

曰惕隱又名梯曰知惕隱司事曰惕隱都監興宗重

熙二十二年耶律義先拜惕隱戒族人曰國家三父房

最為貴族天下風化所自出不孝不義雖小不可為其

妻晉國長公主之女每見中表必具禮服義以身率先

國族化之南面宗正寺職在大惕隱司

金大宗正府泰和六年避唐宗諱改為大睦親府判大

宗正事一員從一品以皇族中屬親者充掌敦睦糾率

宗屬欽奉王命焉泰和六年改為大睦親寺同判大宗

正事一員從二品泰和六年改為同判大睦親寺同簽

大宗正事一員正三品宗室充之大安元年泰和六年改

同簽大睦親寺大宗正丞三員從四品一員選宗室中

不限親疎分司上京長成兼管治臨潢以  
品檢法從八品諸宗室將軍正七品上京東溫武二處  
皆言之世宗時始命遷官其戶凡百二十明昌二年更  
名曰司屬設令丞承安二年以令同隨朝司令正七  
品承正八品中都上京北里瓜合右西南梅堅寒蒲與  
臨潢泰州金山等處置屬大宗正府

元 大宗正府秩從一品初未有官制首置斷事官會決  
庶務凡諸王駙馬投下蒙古色目人等應犯一切公事  
及漢人奸盜詐偽蠱毒魔魅誘掠逃驅輕重罪囚及邊  
遠出征官吏每歲從駕分司上都有留住冬諸事悉掌

續文獻通考

卷之九十一

十四

四百五十五

之 至元二年置十員三年置八員九年降從一品銀  
印止理蒙古公事以諸王為府長餘悉御位下及諸王  
有國封者又有怯薛人員奉旨署事別無頒受宣命十  
四年置十四員二十一年置二十一員二十二年增至  
三十四員二十八年增至四十六員 大德四年省五  
員 皇慶元年省二員以漢人刑名歸刑部 泰定元  
年復命兼理置札魯忽赤四十二員令史改為掾史  
致和元年以上都所屬蒙古人并怯薛軍站色目與漢  
人相犯者歸宗正府處斷其餘路府州縣漢人蒙古色  
目詞訟悉歸有司

按世祖至元二十二年哈剌哈孫由掌宿衛拜大宗正

用法平允時欲以江南獄隸宗正哈剌哈孫曰江南新  
附敕令未孚且相去數千里欲遙制其刑獄得無冤乎  
事遂止

趙天麟上言國家既立宗正府又立國子監蓋欲申邦  
憲以公滅私崇德化以文飾質然其宗室罕篤於學或  
月誦而年閑或春集而秋散以馳馬試劍為至樂以獲  
弓射鴻為常事迹其生於深宮之中長於婦人之手太  
倉精粒為之食御局綾錦為之衣左庫之錢供其費用  
下民之力給其役使夏不知暑冬不知寒不知稼穡之  
艱難不聞小人之勞苦願指氣使而左右趨風叱咤攝  
詞而鬼神驚懼視公侯之爵輕若纖塵俯望重之賢皆

續文獻通考

卷之九十一

十五

四百五十五

出已下有酒如澠有肉如陵目厭於姬姜之豔耳喧於  
絲竹之聲真堯率之天人蓬萊之仙子處貴而不自知  
其貴宣驕而不自知其驕中人以下鮮有弗移其性者  
伏望陛下導宗室以學問激宗室以榮名嚴宗室之師  
重宗室之友庶使貴人之志各懷希聖之明心母令博  
士之流設作在公之虛號若然則東平最樂克廣於今  
河間道術不能專美矣

皇明

太祖洪武己巳春正月丙戌改大宗正院為 宗人府遂  
定官制初洪武三年置大宗正院正一品至是改為宗  
人府設令一人正一品左右宗正左右宗人俱各一人

從一品其屬經歷一人正五品是年命秦王為宗  
人令 晉王 燕王為左右宗正 周王 楚王為左  
右宗人故至今署府者不由中門後以勳戚大臣攝府  
事不備官會典云本府所領 宗室重事故品秩特序  
文職之首

按孫清 宗人府題名記云 太祖高皇帝建 宗人  
府以至睦宗親族之事制以 親王之長領府事其次  
則 宗人令左右宗人正左右宗人皆正一品以勳舊  
大臣佐之 王牒派演金枝廣疎立嫡請名章奏文移  
必關歷而後行焉故 宗人府列諸司之首載在 祖  
訓及 大明官制甚詳 洪武年間沿革不可備考

續文獻通考

卷之九十一

十六

四百五十五

永樂初 太宗文皇帝建都北京 宗人府為行在  
命駙馬都尉永春侯王寧署府事而宗人正宗人諸員  
皆設 洪熙宣德間 皇親武定侯郭玘專署事 正  
統三年始建府治吏部之北在東公生門之南華去行  
在二字以駙馬都尉西寧侯宋瑛掌之自是遂為定  
制宗人令掌 皇九族六親之屬籍以時修其 王牒  
書 宗室子女適庶名封生卒婚嫁謚葬凡 宗室陳  
請為之上達及定其才能罪過以聞左右宗正宗人為  
之試經歷典出納文移

宗玄署 宗玄者比齊初掌傳教唐玄宗祀老子以尊  
其祖而後世因以崇道教然猶諱之宗正者  
始不以崇祖也元人崇釋事  
附之以其事象故特列于此

元 北太乙官管勾一員正八品掌守官繕修之事

世祖至元十七年立都功德使司掌奏帝師所統僧人秩  
從二品 二十一年立衍福司職四品使同知副使各  
一員 二十六年立崇福司掌領馬兒哈昔列班也里  
可溫十字寺祭享等事 仁宗延祐二年改為院置領  
院事一人省併天下掌教司七十二所以其事歸之  
七年復為司置司使四人從二品同知二人從三品副  
使一人從四品司丞二人從五品經歷知事照磨各一  
人

王宗沐曰佛之入中國其害政害民甚矣崇奉而信之  
續文獻通考 卷之九十一 一七 四百五十六

者莫如蕭梁姚秦之間議者猶為其足以自亡然亦何  
嘗至此極哉元人本以夷狄入主中原其政治純夷固  
無足憾至帝師之設則壞亂極矣取番僧一人最黠者  
奉以為師其令命與帝勅並行于西土雖帝后妃主皆  
因受戒而為之膜拜正衙朝會百官班列而帝師亦或  
專席于坐隅且每帝即位之始降詔褒護必勅章佩監  
絡珠為字以賜其未至而迎之則中書大臣馳驛累百  
騎以往所過供億送迎比至京師則勅大臣假法駕半  
仗以導前導諸省臺院官以及百司庶府並服銀鼠質  
孫周每歲二月八日迎佛威儀往迓且命禮部尚書郎  
中專督迎接及其卒而歸葬舍利又命百官出郭祭錢

大德九年專遣平章政事鐵木兒兼傳護送贈金五百兩銀千兩幣帛萬疋鈔五千錠 皇慶二年加至購金五千兩銀一萬五千兩錦綺雜彩共一萬七千疋雖其昆弟子姓之往來有司亦供億無乏泰定間以帝師弟公哥亦思監將至詔中書持羊酒郊勞而其兄璦南藏卜遂尚公主封白蘭王賜金印給員符其弟子之號司空司徒國公佩金玉印章者前後相望為其徒者怙勢恣睢日新月盛氣焰薰灼延于四方為害不可勝言而前後諸臣剛如伯顏廉希憲正如許衡春如劉秉忠諸人卒無一人敢言其非者豈天子崇信之過使之操生殺禍福番掌之間而諸臣亦各保身全家不敢救藥乎終元之世夷風薰塞于宇內天厭腥穢以速其亡生人之阨天道之喪將爾適然其亦有開焉以為之資乎宣政院古無之元立掌釋教僧徒及吐蕃之境而隸治之遇吐蕃有事則為分院往鎮亦別有印如大征伐則會樞府議其用人則自為選其為選則軍民俱攝僧俗並用 至元初立總制院而領以國師世祖至元二十五年因唐制吐蕃來朝見於宣政殿故更名宣政院置院使十員從一品同知二員正二品副使二員從二品金院二員正三品同僉三員正四品院判三員正五品叅議二員正五品經歷二員從五品都事三員從七品照磨一員管勾一員並正八品吏史不一其屬九其理吐

舊有元帥府安撫招討宣慰司等別具 斷事官四人經歷知事各一人至元二十五年置 客省使大使二人副使一人置同 大都規運提點所達魯花赤一人提點一人大使副使各一人 上都規運提點所設官同俱至元二十八年置 大都提舉資善庫達魯花赤一人提舉同提舉副提舉各一人掌錢帛之事至元二十六年置 上都利貞庫提領一人副使一人掌飲膳等事金銀諸物元貞元年置 廣濟倉監支納大使各一人 崇教寺營房提領一人 行宣政院順帝元統二年革罷廣教總管府十六處置行宣政院於杭州除院使同知副使各二人同僉院判各一人 至元二年西番寇起又置行宣政院以也先帖木兒為院使往討之 至正二年江浙行宣政院又設崇教所擬行中書省理問官以理僧民之事 大禧宗禪院古無元置秩從一品掌神御殿歲時朔望諱忌日辰禋享禮典 天曆元年罷會福殊祥二院改置大禧院以總制之初院官秩正二品陞從一品置叅議二員改今史為掾史二年改大禧宗禪殿置院使六員增副使二員立諸總管府為之屬凡錢糧之出納管轄之作報承統之定置院使都典制神御殿事六員同知無佐儀神御殿事二員副使無奉贊神御殿事二員僉院無祇承神御殿事二員同僉無肅治神御殿事二員

院判供應神御殿事二員參議二員經歷二員都事二員管勾照磨各一員所轄五

隆德總管府秩正三品 武宗至大元年初建南鎮國寺立規運提點所後改所為隆禧總管府置達魯花赤一員副達魯花赤一員同知一員治中一員判官一員經歷一員知事照磨各一員所屬七 福元營繕司秩正五品達魯花赤一員司令一員大使一員副使一員吏目一員司吏一人 天曆二年以南鎮國寺所立法憐口事產提舉司改為崇恩福元提點所三年又改福元營繕司 普安智全營繕司秩五品設官同上 天曆元年以大玉山普安寺大智全寺兩規運提點所并

續文獻通考

卷之九十一

二十四

為一置提點二員至三年又改為營繕司 祐國營繕

都司秩五品設官同上惟增知事一員提控案牘一員

天曆元年初置萬聖祐國營繕提點所至三年又改

為營繕都司 平松等處福元田賦提舉司秩五品置

達魯花赤一員提舉一員同提舉副提舉各一員 田

賦提舉司秩五品設官同上但無達魯花赤 資用庫

提領一員大使一員 萬聖庫提領一員大使副使各

一員

命福總管府秩正三品 至元十一年建大護國仁王

及昭應宮始置財用規運所秩正四品十六年改運所

為總管府 至大元年改都總管府從二品尋陞會福

院置院使五員 延祐三年陞正二品 天曆元年改

為會福總管府正三品定置達魯花赤一員總管一員

同知一員治中一員府判一員經歷知事提控案牘各

一員所屬五 仁王營繕司正五品 至元八年立護

國仁王寺鎮遏提舉司十九年改鎮遏所二十八年并

三提領所為諸色人匠提領所 天曆元年改為鎮遏

民匠提領所三年改為仁王營繕司置達魯花赤一員

司令一員大使副使各一員 會福財用所秩從七品

掌大護國仁王寺糧草諸物 至元十七年始立財用

庫二十六年立盈益庫 天曆元年并財用盈益為所

置提領一員大使一員副使二員

續文獻通考

卷之九十一

二十四

崇祥總管府秩正三品 至大元年始立大承華普慶

寺都總管府二年改延禧監尋改崇祥監四年陞崇祥

院秩二品 泰定四年復改為大承華普慶寺總管府

天曆元年改崇祥總管府定置達魯花赤總管副達

魯花赤同知治中府判各一員經歷知事提控案牘兼

照磨各一員所屬八 永福營繕司秩正五品 延祐

三年以起建新寺始置營繕提點所 天曆元年改永

福營繕提點所三年改營繕司設達魯花赤司令大使

副使都目各一員 昭孝營繕司秩正五品 天曆元

年立壽安山規運提點所三年改昭孝營繕司定置達

魯花赤司令大使副使各一員 普慶營繕司 天曆

元祐元年慶營繕提點所三年改營繕司置官同上

崇寧財用所 至大二年始置諸物庫四年置普贍倉

天曆二年併諸物庫普贍倉改為崇寧財用所設提

領大使副使各一員 永福財用所掌出納顏料諸物

延祐三年始置諸物庫又置永積倉 天曆二年以

諸物庫永積倉併改置為所設提領大使副使各一員

隆祥使司秩正三品 天曆二年中宮建大承天護聖

寺立隆祥總管府設官八員 至順二年陞為隆祥使

司秩從二品置官司使四員同知副使司丞各二員經

歷一員都事二員照磨兼架閣一員令史十人所屬十

普明營繕都司秩正四品 天曆元年初大龍興普

續文獻通考卷之九十一 四百五十五

明寺于海南置規運提點所設官六員二年檢隸隆祥

總管府三年改為都司品秩仍舊以掌營繕出納錢糧

之事定置達魯花赤司令大使副使各一員知事二員

提控案牘一員 集慶萬壽營繕都司秩正四品 天

曆二年建龍翔萬壽寺于建康立龍翔萬壽營繕提點

所為隆祥總管府屬三年改為營繕都司秩仍舊以掌

營造錢糧之事設官同上 元興營繕都司秩正四品

掌營造錢糧之事 天曆元年始置 大元興規運提

點所置官五員三年改都司置官同上 宣農提舉司

秩從五品達魯花赤提舉同提舉副提舉各一員掌徵

收田賦子粒之事 天曆二年以大都等處田賦提舉

司隸隆祥總管府三年改提舉司 護聖營繕司秩正

五品達魯花赤司令大使副使各一員掌營造工匠寺

僧衣糧收徵房課之事 天曆二年始立大承天護聖

營繕提點所三年改為司 平江善農提舉司秩從五

品達魯花赤提舉同提舉副提舉各一員 天曆二年

立田賦提舉司設官四員二年改為善農提舉司 善

盈庫天曆二年隸隆祥總管府置提領一員大使副使

各一員掌全銀錢糧之事 荆襄等處濟農香戶提舉

司秩正五品 天曆三年以荆襄提舉司所領河南湖

廣田土為大承天護聖寺常住改為荆襄濟農香戶提

舉司隸隆祥總管府置達魯花赤司令同提舉副提舉

續文獻通考卷之九十一 四百五十六

各一員 天曆二年置掌隆慶州所有土田歲賦 平

江集慶崇禧田賦提領所提領同提領副提領各一員

天曆三年置 集慶崇禧財用所大使副使各一員天

曆三年置

壽福總管府掌祭供錢糧之事秩正三品 至大四年

因建大聖壽萬安寺置萬安規運提點所秩正五品

延祐二年陞都總管府秩正三品尋陞為壽福院正二

品 天曆元年改立總管府仍正三品定置達魯花赤

總管副達魯花赤同知治中府判各一員經歷知事案

牘照磨各一員所屬五 萬寧營繕司秩正四品 大

德十年始置萬寧規運提點所 天曆元年改營繕司

定直達花赤司令大使副使都目各一員 收支庫  
提領一員大使一員 延聖營繕司秩正五品初立天  
源營繕提點所 天曆三年改營繕司設官同萬寧司  
諸物庫提領一員大使一員

順帝至元六年罷大禧宗禪院隆祥使司中書奏以宗禪  
院所轄會福崇祥隆禧壽福四總管府併隆祥使司俱  
改為規運提點所正五品仍添萬壽提點所並隸宣政  
院 至正元年依世祖故事復立司禪監給四品印掌  
師翁祭祀祈禳之事置內監少監二人監丞二人知事  
一人後復置為三品

皇明

續文獻通考

卷之九十一

二十四

四百二十七

國初不設崇玄宣政等院但置僧錄司道錄司官 洪武  
元年置善世院以僧慧曇掌釋教事置玄教院以道士  
經善悅為真人領道教事四年華明年改僧錄為司僧  
凡三等曰禪曰講曰教設左右善世左右闡教左右講  
經左右覺義各一人司置于天界寺道凡二等曰全真  
曰正一設左右正一左右演法左右至靈左右言義司  
置于朝天宮二司官俱正六品又天下府置僧綱司都  
綱道紀司都紀皆從九品副皆未入流州置僧正司僧  
正道正司道正縣置僧會司僧會道會司道會俱未入  
流並朝除不給俸凡該處僧道各統於所司在京二司  
屬禮部其僧道常住不許典賣著為令道錄凡 朝朔

班 西壇慶賀頒 詔班 東壇祭祀不得預三茅

山又有靈官副靈官龍虎山有真人洪武初張天師四  
十二代孫正常以正一主教天師來朝 太祖曰 天

豈有師乎 賜正一嗣教道合無為闡祖光範真人領

道教事秩正二品仍 賜以正一玄壇之印印如二品

制凡高士道士以術幸者 賜號高士真人 五年度

僧道五萬七千二百人禮部言往代度牒鬻錢資 國

用名免丁錢 上命罷之著為令 七年禁度尼姑女

冠 二十四年 勅清理釋道曰佛本異教漢時至自

西域當時士民崇敬後有去類髮令兒童出家者其修

行去色相絕嗜慾潔身為善道教始老子至漢張道陵

續文獻通考

卷之九十一

二十五

四百九十三

以異術役召鬼神禦災捍患二教立世久不磨滅者以  
此今學佛老者皆不循其本俗妨教敗行為害甚大自  
今天下僧道凡各府州縣寺觀雖多但有一寬大所併  
居之毋滄處民間願還俗者聽佛經番譯已定毋得增  
減道士設齋醮毋拜奏青詞為孝子慈孫演誦經典報  
祖父母父母者各遵 頒降科儀毋妄立條章索民財  
民有做瑜珈教稱善友假張其人私造符籙者並重治  
二十八平今天下僧道赴京考試不通經典者黜之  
今上萬曆元年 詔禁革萬壽廣善二壇僧人戒法 四  
年題准道士差遣各 陵寢祭告者止穿本等服色不  
許假稱太常寺擅乘轎輿及簪帛木匣之外多用人夫



致揚驛遞 五年仍准復真人名號

續文獻通考卷之九十一終



續文獻通考卷之九十二

皇明進士

職官考

太僕大理鴻臚司

太僕寺

附行太僕寺苑馬寺

遼南面太僕寺官曰太僕寺卿曰太僕寺少卿曰太僕寺

丞曰太僕寺主簿 南面有乘黃署 北面有飛黃院

官曰飛龍使曰飛龍副使 典廐署北面有尚廐司官

曰尚廐使曰尚廐副使有總領內外廐馬司官曰總領

廐馬 諸牧監北面有西路群牧使司有倒塔嶺西路

群牧使司有渾河北馬群司有漠南馬群司有漠北滑

水馬群司有牛群司其設官曰其群太保曰其群侍中

續文獻通考卷之九十二

曰其群敝史皆同又有總典群牧使司其官曰總典群

牧部籍使曰群牧都林牙所屬有群牧司其官曰群牧

使曰群牧副使

金不置太僕寺而尚廐局屬殿前都提點司提點正五品

使從五品副使從六品掌御馬調習牧養以奉其事

二十九添副使 直長一員司馬牛群掌廐都轄正九

品不限副轄從九品數不限諸群牧所國言謂焉魯古

提控諸焉魯古一員正四品明昌四年置是年以安速

局使石林貞燕慶州刺史為之設一人使一人從四品

女直司吏三人譯一人通事一人使一人從四品

官一員正八品掌僉判本所事知法一員從八品典

按司貞祐時置使正七品副從八品判官正九品 圍  
牧司興定二年置使正七品副正八品判官正九品  
提舉圍牧所泰和三年隸各路統軍司 河南東路河  
南西路陝西路皆設提舉同提舉山東路止設提舉  
元制太僕寺秩從二品掌阿塔思馬匹受給造作鞍轡之  
事世祖中統四年設群牧所至元十六年改尚牧監十  
九年又改太僕院二十年改衛尉院二十四年罷院立  
太僕寺又別置尚乘寺以管鞍轡而本寺止管阿塔思  
馬匹二十五年隸中書置提調官二員武宗大德十一  
年復改太僕院武宗至大四年仍爲寺卿二員從二品  
少卿二員從四品丞二員從五品經歷知事照磨管勾  
續文獻通考 卷之九十二

各一員 典牧監文宗天曆二年置秩正三品卿二員  
太監二員少監二員丞二員經歷知事照磨各一員吏  
屬凡十二人掌羣畜之事屬詹事院 群牧監秩正二  
品掌中宮位下羣畜隸徽政院卿二員太卿少卿監丞  
各二員至大四年立至治三年罷

皇明

國初倣古置太僕寺以江北諸郡縣限于長江馬至京難  
又滁介江淮多山下故多曠土饒薦草莽水泉利可  
牧故于 洪武六年設寺于滁卿品從三又置少卿二  
人正四品分寺丞等官專掌牧馬之事領滁陽等八監  
驢騾等十八羣 二十八年省牧監屬有司置管馬官

于是各處馬匹印烙點視悉至滁及 永樂十九年定  
鼎北京設太僕寺于滁去南京二字 洪熙元年于北  
京仍稱行在于滁去南京二字 正統六年復永樂十  
九年之舊于是順天等府及山東河南馬政悉屬于北  
惟兩淮及江南北仍屬南京 弘治四年屬于南者印  
烙不至滁而悉總于北

太祖洪武初定太僕寺官秩名群牧所至是始定正卿一  
人從三品少卿三人正四品寺丞八人正六品監正正  
七品監副正八品主簿一人從七品苑囿長從九品錄  
事未入流掌牧馬之事衙門設於滁州 永樂元年改  
北平行太僕寺爲北京行太僕寺 四年置苑馬寺于  
續文獻通考 卷之九十二

陝西甘肅遼東正卿一人正三品少卿二人正四品寺  
丞無定員正六品其屬主簿監牧監正監副錄事園長  
各一人 六年又設北京苑馬寺領六監二十四苑十  
六年革馬歸北京行太僕寺牧民間凡領府衛州縣三  
百六十 八年改太僕寺 洪熙元年復稱北京行太  
僕寺 正統六年復定爲太僕寺云初 建文中改卿  
爲太僕卿增典廐典牧二署設驢騾十五群遂生三群  
分隸二署靖難後復故

太僕寺卿一人少卿三人寺丞八人其屬主簿一人常  
盈庫大使一人吏二十二人

卿掌牧馬之政令而聽於兵部少卿寺丞爲之貳少卿

一人佐寺事一人督管馬一人督畿馬寺丞分理京衛  
畿府及山東河南六郡孳牧寄牧三年更凡牧人皆視  
其丁產而授馬焉蠲其役賦之則凡孳牧軍民皆有種  
馬馬有牝牡十二牝十八五歲徵馬一曰備用馬齊  
其馬力以給京邊將士將士足寄牧於畿府土非所宜  
及人民耗散或征馬金輸兵部市馬凡馬肥瘠登耗籍  
其毛齒而時省之三歲徵御史一人印烙選其良健而  
汰其羸劣凡草場歲徵其租金災蠲不得恩蠲即蠲必轉  
租金恩蠲或災蠲馬及馬金災蠲不得恩蠲即蠲必轉  
移相抵不得虧軍賦主簿勾省文移常盈庫貯馬金  
行太僕寺 洪武三十年置山西北平陝西遼東三處

續文獻通考卷之九十二

四

四百五十五

寺置卿一人少卿一人寺丞無定員其屬主簿一人  
卿掌馬牧之事而聽於兵部少卿寺丞爲之貳凡邊衛  
營堡府州縣軍民壯騎操馬印烙課校孳牧以時督察  
之凡馬種壯十二牝十八馬金地畝十七椿朋十三凡  
馬瘠耗罰俸罰馬降級出革懲董之藩臬不得預馬事  
考馬官苑馬寺亦如之主簿典守籍牒  
苑馬寺 永樂四年置於陝西甘肅六年又置於北平  
十六年并入行太僕寺遼東亦有苑馬寺  
寺置卿一人少卿一人寺丞無定員其屬主簿一人各  
監牧監正一人監副一人錄事一人圍長一人  
卿掌馬牧之事而聽於兵部少卿寺丞爲之貳凡馬種

上苑萬匹中苑七千下苑四千不及則以銀市茶易馬  
凡牧地曰草場曰荒地曰熟地嚴其禁令而封表之凡  
牧人曰恩軍曰隊軍曰改緇之軍曰充祭之軍曰召募  
之軍曰抽選之軍皆藉而食之凡馬駒二年一科十八  
年而免定駒頭駒重駒籍而報之有常期凡虧駒有罰  
主簿如行太僕寺監正領苑監之事監副佐之錄事守  
籍牒圍長率群長而修牧事

事例

穆宗隆慶二年七月吏部議陝西撫臣張祉言苑馬寺  
行太僕寺均有圍牧之責二寺正卿往自叅政陞補今  
則叅政有自二寺卿遷轉者惟是一倒置之間而事權  
續文獻通考卷之九十二

五

四百五十六

日輕人心懈弛馬政日趨于廢乞自今仍以叅政及年  
深副使推補果有異績亦照先年都御史車震事例擢  
之不次以重事權報可 五年六月掌吏部事高拱言  
行太僕寺苑馬寺專理馬政鹽運司專理鹽政皆國家  
要務所關非閑局也而近來視之甚輕卿卿與使類以  
考不稱職有物議者充之夫既不稱職有物議矣則黜  
退可也奈何以是爲安置之所哉遂至奸貪苟且政務  
廢弛殊非 祖宗設官初意今宜破除常套凡卿員缺  
必以庶謹有才望者推補而又定其階格卿視布政司  
叅政視按察司副使俟政成之後一體陞選若有卓  
異即當超擢如 先朝故事 上亦以馬政益法國家

重務必重其官乃可以責實効 命如拱議舉行 九月吏部覆御史褚鈇奏請裁革陝西行太僕寺苑馬寺寺丞各增設少卿一員與本寺卿俱兼按察司僉事職銜分理中東西三路以藩臬有才望者充之長樂靈武監正以舉人選補錄事圍長亦當授北方諸于養馬者令其專心問政止聽巡茶御史鈐束其他撫按衙門毋得干預從之

### 大理寺

遼南面大理寺官曰大理寺卿曰大理寺少卿曰大理寺丞曰大理寺主簿外有提點大理寺有大理正

全大理寺天德二年置自少卿至評事漢人通設六員女

續文獻通考卷之九十二

六

四百六

直契丹各四員卿正四品少卿從五品大理正正六品

丞從六品掌審斷天下奏案詳獄疑獄司直四員正七

品掌參議疑獄披詳法狀舊有契丹司直一員評事三員

正八品掌同司直明昌二年省契丹評事二員知法十一

員從八品女直司直五員漢人司直六員掌檢斷刑名事明法二員從八

品興定二年置同

元世祖至正二十二年陞大理寺為都護府秩正二品至

大四年置經正監掌營盤納鉢及標檢投下草地有詞

訟則治之本卿二員正三品太監二員從三品少監二

員從四品監丞二員正五品經歷知事各一員卿太監

少監並奴都赤為之監丞派官為之

### 皇明

太祖吳元年初置大理寺正三品衙門設卿少卿丞評事

洪武元年革 三年置磨勘司有令左右丞凡諸司

刑名錢糧有冤濫隱匿者稽其功過以聞 十四年復

置大理寺始改為正五品衙門其屬置二寺設左右寺

正左右寺副左右評事時翰林待制吳沉言刑冤濫請

增審獄官於是又設審刑司屬寺凡刑部十三道五軍

斷事官按囚覆問移審刑司評駁是非 十七年改建

刑部都察院大理寺審刑司五軍斷事官署於太平門

外名其所曰貫城 十九年罷審刑司 二十三年復

陞正卿三品與六部都察院通政司並 二十六年設

續文獻通考卷之九十二

七

四百六

司務 二十九年復革案牘盡移後湖 三十一年九

月建文君復置改寺為司卿為大理卿左右寺正為都

評事寺副為副都評事司務為都典簿靖難後盡革建

文官制 永樂初復為寺設官仍舊 十九年定鼎北

京革行在於留都加南京二字 洪熙元年復稱行在

於留都革南京二字 正統六年復永樂十九年之舊

仍革行在二字定為大理寺於留都仍加南京二字以

別之然大理寺自永樂十九年以後凡天下刑名罪有

出入者審駁悉歸於此委任視南尤重

成祖永樂中定設大理寺卿一人左右少卿各一人左右

寺丞各一人其屬司務二人左右二寺各寺正一人寺

副一人評事四人監生三十二人吏三十五人

卿掌審讞允反刑獄之政令少卿寺丞爲之貳凡刑部十三道推問刑名按律例讞而復問其狀款服則決之否則駁訊必服乃決每歲會九卿朝審重囚凡錄囚徒會刑部都察院司務典出納文移左右寺分理京畿十三省刑名之事凡刑部十三道問理刑名據其由狀訊其人合律例若囚服准擬若否駁再擬改正曰照駁三擬不當糾問官曰參駁牾律寃甚者移調問曰番異再異則請下九卿會問曰圓審凡已評允而尤未當者移再問曰追駁凡屢駁不改者徑請祭落曰制決凡各省三司直隸死刑並讞已乃聽決按察司巡按巡撫惟死續文獻通考卷之九十二

八

四書

刑呈部院轉讞凡笞杖罪移審徒流以上奏審凡律例無正條上下比請曰類奏平反刑獄狀南京有重囚平審而類奏亦如之  
卿一人正三品左右少卿各一人正四品左右寺丞各一人正五品其屬左右寺正各一人正六品左右寺副各一人從六品左右評事四人正七品司務二人從九品掌審錄天下刑名有冤枉者丘文莊曰刑部都察院大理寺主執法又謂之三法司大理之設則自兩法司所聽斷日抱成案引囚徒諸寺詳讞寃者疑者情輕重者皆得一一據律參駁必求之當然後月報歲聞於上請施行之其職亦重且要哉

鴻臚寺 典客署

遼南面有鴻臚寺官曰鴻臚寺卿曰鴻臚寺少卿曰鴻臚寺丞曰鴻臚寺主簿

北面客省局官曰客省局使曰客省局副使總器物人局設都南面客省局大宗會同元年置官曰都客省口客省使曰左客省使曰右客省使曰客省副使所屬有四方館官曰四方館使曰四方館副使有引進使司官曰引進使有點簽司官曰同點簽使事有禮信司官曰勾當禮信司有禮賓使司官曰禮賓使其上京東京各置客省司官曰省使曰省副使

金以鴻臚寺分屬宣徽院客省引進閣門諸使而鴻臚寺續文獻通考卷之九十二

九

四書

不設外有四方館使正五品副使從六品掌提控諸路驛舍驛馬并陳設器皿等事屬尚書兵部  
元以禮部會同館掌接待引見諸蕃蠻夷峒夷之來朝貢者以通政院廩給司掌諸王諸番各省四方邊遠使客飲食供張等事而鴻臚寺不設

皇明

國初置侍儀司爲從六品衙門職事朝儀宣贊等事洪武九年改爲殿庭禮儀司設使副承奉鳴贊序班三十年始改鴻臚寺陞正四品衙門定設卿少卿丞首領爲主簿其屬有司賓署丞司儀署

承鳴贊序班後又設外夷通事亦隸焉 永樂十九年定鼎北京在留都者加南京二字但南京正卿類用科目出身而在北者多以監生選鳴贊出身累資陞正卿

隆慶元年例正卿仍用科目出身者推陞

鴻臚寺卿一人左右少卿各一人左右寺丞各一人其屬主簿一人司賓司儀署各署丞一人鳥贊八人序班五十四人吏八人

卿掌朝會賓客吉凶禮儀之事少卿寺丞爲之貳凡日

朝朔望朝大朝會宴享經筵進曆進春 冊封祭祀傳

制奏捷百官四夷見謝辭率其屬而供事焉主簿典

出納文移司賓典四夷朝貢首渠領從辨其等而教其

續文獻通考

卷之九十二

十

四百五

拜跪之節司儀典陳設引奏禮儀皆丞領之鳴贊贊禮

凡內贊通贊對贊接贊傳贊各供其事序班侍班齊班

糾儀引人舉案及傳贊

穆宗隆慶四年吏部覆郭諫臣奏太常鴻臚禮樂之司今

正卿宜仍用進士令其參酌禮儀約束官屬其別途出

身者太常寺至少卿而止鴻臚寺至左少卿而止秩滿

之日止許加俸

司農卿

遼南面有司農寺官曰司農卿曰司農少卿曰司農丞曰

司農主簿 上林署遼北面有監鳥獸詳穩司官曰監

某鳥獸詳穩曰監某鳥獸都監曰監某鳥人曰監某獸

人

金勸農使司泰和八年罷貞祐間復置興定六年罷勸農

司改立司農司使一員正三品副使一員正五品掌勸

課天下力田之事其司農司兼採公事者大司農一員

正二品卿三員正四品少卿三員正五品知事二員陝

西并河南三路置行司農司設官五員正大元年歸德

許州河南陝西各置卿一員正四品少卿一員正五品

丞一員正六品卿以下迭出巡按察官吏臧否而黜陟

之使節所過奸吏屏息十年之間民政修舉實賴其力

上林署屬工部官曰上林署提點從五品泰和八年

初大安二年省令從六品掌諸苑池沼種植花木菓蔬

續文獻通考

卷之九十二

十一

四百五

及承奉行幸舟船事丞從七品大定七年增一員分司南京以勾辦兼之

三年後直長二員正八品

元

世祖至元七年始置大司農司秩正二品凡農桑水利學

校饑荒之事悉掌之置官五員 十四年罷以按察司

兼領勸農事 十八年改立農正院置官六員 二十

年又改立務農司秩從三品 二十三年仍爲大司農

司秩仍正二品 仁宗皇慶二年陞從一品定置大司

農四員從一品大司農卿二員正二品少卿二員從二

品大司農丞二員從二品經歷一員從五品都事二員

從七品架閣庫管勾一員照磨一員並正八品

上林署秩從七品 至元二十四年置署令署丞各一員直長一員掌官苑栽植花卉供進蔬菜苜蓿以飼駝馬備燂炭以給營繕隸大都留守所屬有養種園花園首宿園等職

道官署元之供膳司署同秩從五品掌供給應需貨買百色生料并桑哥籍入貢產 至元二十二年始置隸司農置達魯花赤提點各一人司令一人丞一人所隸官司三 輔用庫秩正九品掌規運息錢以給供需置大使副使各一人 與中州等處油戶提領所秩從九品 至元二十九年置歲辦油十萬斤以供內庖置提領一人使同輔用庫 蔚州趙戶提領所掌辦白麵悉續文獻通考卷之九十二 十二 四百五

萊以給應辦歲計十萬餘斤置提領副使各一人 諸屯監元世祖至元十八年置屯田打捕總管府于延安設達魯花赤一人秩從三品管析居放良人戶并元思吉思田地比來蒙古人戶總管同知各一員屬官一十二人又置屯田打捕所于北京設達魯花赤一人秩從七品掌平灤等路析居放良不關遺等戶長官一人蒙古教授儒學教授各一人 至元二十四年立屯田總管府于永平路置達魯花赤一人總管同知知事各一人所轄昌國濟民豐贍三署各置令丞直長各一人 順帝至元四年陞兩淮屯田打捕總管府爲正三品 至正十年置河北江南都總制府田使司其屬有屯田總

管府凡五 十五年置軍民屯田使司于沛縣正三品各路又有屯田萬戶府所置不一所領亦不專司農卿也 籍田令世祖至元七年始立秩從六品掌耕種籍田以奉宗廟祭祀隸大司農 十四年罷司農隸太常寺 二十三年復立大司農司仍復隸焉署令一員從六品署丞一員從七品司吏一人 時趙天麟上言聖朝若稽古道既立司農司又令臨民官兼管內勸農事凡以當務之爲急也伏望陛下軫於慮慮重此農桑躬耕籍田后親蠶以先之凡農家之孝弟力田者卿三老具實舉之免其人當年所耕田租稅之半凡民恃富無他故而有田不耕有桑不蠶者鄉三老具實舉之就於續文獻通考卷之九十二 十三 四百五十五

當年倍科其閑田之租稅凡民老幼有田不能耕有桑不能蠶者令下之後限一年須要顧停客戶完置牛具違限者如無故不耕蠶之例凡勸農官管內有田桑無故不耕蠶者委廉訪司察勸農官而罰之凡逃戶田桑令下之後限一年官爲召人耕蠶違限則委廉訪司察勸農官而罰之凡勸農官皆可自具飲食若以後復有騷擾農家者委廉訪司察之如受賄之罪罪之如是則官皆慎勸民皆力耕男有餘粟女有餘帛矣 行大司農司秩二品設勸農營田司六秩四品使副各二員隸行大司農司 分司農司元順帝至正十三年立 先是脫脫言京畿



近水地利召募江南人耕種粟麥可收歲百萬餘石不煩海運京師足食於是立分司農司以右丞悟良哈台左丞烏古孫良積兼大司農卿給分司農司印西自西山南自保定河間北抵檀順東及遷民鎮凡官地及屯管各屯田悉從分司農司立法佃種給鈔五百萬錠以供工費牛具農器穀種用之又畧倣前集賢學士虞集議於江淮召募能種水田及修築圍堰之人各千人爲農師降名勅牒十二道募農民百人者授正九品秩二百人者正八品三百人者從七品就以領其所募之人所募農夫入給鈔十錠期年散歸

皇明

續文獻通考

卷之九十二

十四

四百五十五

司農之職總于戶部不設司農卿及行司農等官惟上林苑監仍舊 洪武二十五年議開上林苑比圖上上曰妨民業不可遂止 永樂五年始設今上林苑監正五品其屬良牧蕃育嘉蔬林衡水鑑典察左右前後十署各設典署署丞錄事 洪熙元年以蕃育蕪良牧林衡嘉蔬蕪水鑑林衡典察四署皆分蕃育嘉蔬 宣德十年定蕃育嘉蔬良牧林衡四署  
上林苑監左右監正各一人左右監副各一人左右監丞各一人其屬典簿一人良牧蕃育林衡嘉蔬四署各典署一人署丞一人錄事二人吏六人監正掌苑園圃池牧畜種樹之事副丞爲之丞凡禽獸草木蔬菓率其

屬督其養戶裁戶以時經理其養地栽地而畜植之以供祭祀賓客 官府之膳羞凡苑地東至白河西至西山南至武清北至居庸關西南至渾河並禁圍獵典簿勾校文移良牧牧牛羊豕蕃育育養鷄鷄皆籍其牝牡之數而課孳卵焉林衡典果實花木嘉蔬典時藝瓜菜皆計其畦町樹植之數而以時苞進焉

太府卿

遼南面太府監官曰太府太監曰太府少監曰太府監丞曰太府監主簿

金太府監左右藏支應所太倉酒坊典給署市買司隸馬監正四品少監從五品丞二員從六品掌出納邦國財

續文獻通考

卷之九十二

十五

四百五十六

用錢穀之事 左藏庫使從六品副使從七品興定三年增一員 員掌金銀珠玉寶貨錢幣本把 右藏庫使從六品副使從七品興定三年增一員 掌錦帛絲綿毛褐諸道常課諸色雜物本把 支應所承所 都監二員正九品掌官中出入御前支賜金銀幣帛大安三年省 太倉使從六品掌九穀廩藏內出之事御除 副使從七品 酒坊部 使從八品副使正九品掌釀造御酒及支用諸色酒醴 典給署本鈞府署明昌三年更令從六品舊曰鈞府使丞從七品舊曰鈞府副使掌官中所用薪炭冰燭并管官戶直長一員正八品鈞府署古 市買司天德二年更爲市買局使從八品副使正九品掌收買官中所用果

實生料諸物 平準務使從六品副使從七品勾當官  
六員元光二年五月設十月罷

元制大府監秩正三品領左右藏等庫堂錢帛出納之數  
太卿六員正三品太監六員從三品少監五員從四品  
丞五員正五品經歷知事照磨各一員 中統四年置  
至元四年為宜徽太府監凡內府藏庫悉隸焉十九年  
九月分三庫二十二年立規措所主經營錢穀以善賈  
為之秩從五品二十二年立泉府司秩從二品二十四  
年陞萬億庫官秩四品 內藏庫提點四人使副各二  
人掌出納御用諸王段疋納失失紗羅絨錦南錦香貨  
諸物又主御用寶王遠方珍異 右藏提點四人使副  
續文獻通考卷之九十二 十六 四十五

各二人掌收支金銀寶鈔紵絲段疋只孫水晶瑪瑙玉  
璞諸物 左藏提點四人使副各二人掌收支常課和  
買紗羅布絹絲綿絨錦木棉舖陳衣服諸物  
利用監與大府並列 至元十年置掌出納皮貨衣物  
之事監卿八人太監五人少監五人監丞四人經歷知  
事照磨管勾各一人所隸官司十 資用庫提點二人  
大使三人副使五人 怯憐所皮局人匠提舉司提舉  
二人同提舉提控各一人 雜造雙線局大使副使直  
長典史各一人造內府皮貨鷹帽等物 熟皮局大使  
副使直長各一人掌每歲熟造野獸皮貨等物 軟皮  
局大使副使直長各一人掌內府細色銀鼠野獸皮貨

等物 斜皮局副使二人掌每歲熟造內府各色野馬  
皮袴 貂鼠局提舉司提舉一人同提舉副提舉各一  
人 貂鼠局副使二人直長一人 染局副使一人直  
長一人管勾一人掌每歲變染皮貨 熟皮局使副各  
一人典史一人

皇明酒醕掌之光祿金王諸貨掌之十庫不設此官

### 秘書監

遼南面秘書監官曰秘書監曰秘書少監曰秘書監丞曰  
秘書監主簿外有秘書郎有秘書郎正字所屬著作局  
有校書郎統和中楊侗嘗居此職下有校書正字

金秘書監著作局筆硯局書畫局司天臺隸焉監一員從  
續文獻通考卷之九十二 十七 四十八

三品少監一員正五品丞一員正六品秘書郎二員正  
七品泰和三年通掌經籍圖書校書郎一員從七品以  
翰林官兼掌學校勸在監文籍 筆硯局直長二員正

八品掌御用筆墨等事 泰和七年以女直應奉兼  
筆硯局直長二員正八品掌御用筆墨等事 泰和七年以女直應奉兼  
筆硯局直長二員正八品掌御用筆墨等事 泰和七年以女直應奉兼

品掌御用書畫紙札都監正九品二員或一員 著作  
局著作郎一員從六品著作佐郎一員從七品掌修日  
曆皇統二年著作局設郎與佐  
郎各二員以學士院無領之

元制秘書監秩正三品掌歷代圖籍分陰陽禁書卿四員  
正三品太監二員從三品少監二員從四品監丞二員  
從五品典簿一員從七品屬官著作郎二員從六品著

作佐郎二員正七品秘書郎二員正七品校書郎二員  
正八品判書監直長一員正八品 至元九年置其  
監丞皆用大臣奏薦選世家名臣子弟爲之大德九年  
置正三品給銀印 延祐元年定置卿四員參用宦者  
二人 順帝至元九年刻小玉印以至正珍秘爲文凡  
秘書監所掌書畫皆識之

皇明不設圖籍禁書藏之 內府

太史局令

遼太史令屬司天監

金不設

元特置太史院秩正二品掌天文曆數之事置院使五員

續文獻通考卷之九十二

十八

三十七

正二品同知二員正三品僉院二員從三品同僉二員

正四品院判二員正五品經歷一員從五品都事一員

從七品管勾一員從九品 春官正兼夏官正一人正

五品 秋官正兼冬官中官正一人品同 保章正五

人正七品 保章副五人正八品 掌曆二人正八品

腹裏印曆管勾一人從九品 各省司曆十二人正

九品 印曆管勾二人從九品 雲臺郎一人正七品

監候六人從八品 監候六人正九品 星曆生

四十四人 望遠正一人從八品 司辰郎二人正九

品 燈漏直長一人 教授一人從八品 學正一人

從九品 校書郎二人正八品

司天監

遼南面司天監有太史令其下曰司曆曰雲臺郎曰觀臺

正曰五官正曰五官丞曰五官主簿曰五官雲臺郎曰

保章正曰司曆監候曰司辰刻漏博士曰典鍾曰典鼓

金司天臺隸秘書監提點正五品監從五品掌天文曆數

風雲氣色密以奏聞少監從六品判官從八品教授舊

設二員正大初省一員係諸學生七十六人漢人五十

司天管勾從九品不限資考員數隨利十人試補長行

十人未授職事者天文科女直漢人各六人奚律科八

人三式科四人測驗科八人漏刻科二十五人銅儀法

法物庫貞元二

年始付本臺

續文獻通考卷之九十二

十九

四百七十二

元初因金人舊制立司天臺設官屬 至元八年以上都

承應闕官增置行司天監 十五年別置太史院與臺

並立頒曆之政歸院學校之設隸臺後改臺爲監置司

天監三人掌凡曆象之事少監五人丞四人知事一人

通事兼知印一人官屬有提舉二人教授二人學正二

人天文科管勾二人算曆科管勾二人三式科管勾二

人測驗科管勾二人漏刻科管勾二人陰陽管勾一人

押宿官二人司辰官八人天文生七十五人 回回司

天監初元世祖在潛邸有旨徵回回爲星學官以其藝

進未有官署 至元八年始置司天臺後改爲監命秘

書卿提調監事已別置提點一人司天監三人少監監

丞各二人掌觀象衍曆知事通事兼知印各一人官屬  
有教授一人天文科管勾一人算曆科管勾一人三式  
科管勾一人測驗科管勾一人漏刻科管勾一人陰陽  
生十八人 十二年春用王恂薦以許衡領太史院事  
初承用金大明曆歲久震踈欲釐正之乃命王恂及楊  
恭懿郭守敬測驗改正而以張文謙張易董之恂言曆  
家知曆數不知曆理宜得許衡總之遂命衡領太史院  
事 十六年二月太史令王恂請建司天臺于大都儀  
象圭表皆銅爲之增銅表至四十尺測影長而直又請  
上都洛陽等五處分置儀表各選監候官從之因勅郭  
守敬由上都抵南海測影具訪通天文曆數者

續文獻通考

卷之九十二

二十

曆考

皇明

國初置欽天監正五品初名太史令通判僉判校事郎五  
官正劉基爲太史令兼太子率更令後改爲院設院使  
同知院判五官正典簿兩場司時序郎紀候郎基又爲  
院使洪武元年改爲司天監設監令少監監丞主簿主  
事五官正副監候司景滿刻博士又置回回司天監設  
監令少監監丞三年始改欽天監四年改監令爲正儀  
大夫少監分朔大夫五官正司玄大夫監丞靈臺郎五  
官保章正平秩郎五官學士郎司正即挈壺正挈壺郎  
諸散官十四年再定品員散官給授如文官二十二年  
改監令監丞爲監正監副三十一年革回回監回回曆

注隸於欽天監

欽天監監正一人監副二人其屬主簿一人春夏中秋  
冬官正各一人五官靈臺郎四人五官保章正二人五  
官挈壺正一人五官監候二人五官司曆二人五官司  
辰二人漏刻博士二人吏四人

監正掌察天文定曆數監副爲之貳凡日月星辰風雲  
氣色之變異率其屬而占候焉密疏上凡玄象圖書非  
其職不得預凡習業者分爲四科曰天文曰漏刻曰回  
回曰曆自五官正下至天文生陰陽人各專科肄焉凡  
觀象登靈臺四面面四人凡歲大統曆御覽月令曆七  
政躔度曆六壬遁甲曆並先期奏行下凡曆註上曆三  
續文獻通考 卷之九十二 二十 曆考  
十事民曆三十二事壬遁曆六十七事凡歲祭日先一  
歲會選奏上凡營建師旅冠婚 陵寢選地擇日凡立  
春先期候氣於東郊凡大朝賀設定時鼓於文樓報時  
鷄唱擊鼓各共其事凡四季天象占驗曆 御覽天象  
錄以時奏上凡疇人世業立師而教之乏人移禮部訪  
取試用之五官正專理曆法造曆司曆監候佐之靈臺  
郎辨日月星辰之躔次分野以占候天文之變凡瑞星  
妖星瑞氣妖氣考諸雜占保章正專志天文之變辨其  
吉凶之占挈壺正知漏刻孔壺爲漏洋箭爲刻以考中  
星昏明之候漏刻博士定時更時報更警晨昏皆鍾鼓  
司佐之

事例

凡天文如日月星辰風雲霾霧本監各委官生晝夜占候或有變異舊例自具白本占奏 正統後始會堂上官僉書同奏其觀象臺分定四面每面天文生四人專視 凡本監觀星有盤係 洪武十七年造又渾天璿璣王衡簡儀俱 正統四年造十一年奏准簡儀修刻黃道等度圭表壺漏俱如南京舊制又造晷影堂以便窺測調品 景泰六年又造簡儀銅壺 凡定時刻有漏換時有牌報更有鼓警晨昏有鍾鼓其器皆設於譙樓初皆屬順天府 正統六年改屬本監輪金漏刻博士提調陰陽人如法調壺換牌其陰陽人仍從順天府

續文獻通考卷之九十二

二十二

四〇三

各縣僉充鍾鼓改屬旗手衛撥軍擊撞 凡推算日月交食本監先期備開分秒時刻弁起復方位具奏禮部通行內外諸司臨時救護食畢本監仍按占書具奏如食不及一分與回回曆雖食一分以上俱不行救護至救護時本監官專報時候不隨班行禮 凡歲造大統曆先期二月初一日進呈來歲曆樣然後刊造一十五本送禮部差人齎至南京并各布政司照樣刊印 凡每歲進 御覽月令曆大統曆七政躔度曆 洪武間以九月初一日進後以十一月初一日進當日以大統曆給 賜百官頒行天下 東宮曆同日於 文華殿進其儀注俱見禮部祠祭司 太皇太后 皇太后

續文獻通考卷之九十二

二十三

四〇四

中宮曆俱司禮監官捧進本監仍具本奏知凡頒曆後各 王府差人於 內府司禮監關領其 內府各衙門亦於司禮監給散如琉球占城等外國正 以前俱因朝貢每國給與王曆一本民曆十本今常給者惟朝鮮國王曆一本民曆一百本 凡造曆以 洪武甲子為曆元仍依舊法推算不用捷法 洪武九年 欽定曆註永為遵守 上曆註三十事 東宮親王曆同民曆註三十二事 永樂七年 欽定王遁曆註六十二事 凡進用諸曆俱以紅墨字分辨各各有尺寸裁造親王諸曆及民曆亦各依式裁造其黃藍綾絹及黃紙裹造者俱有定式 凡頒曆 洪武初有司徵歛工本錢十四年免徵 永樂後合用各色綾絹紙劄顏料俱先二年十二月內會計有無閏月合用若干奏行山東等布政司直定等七府買辦 凡選郊祀時享等項日期每歲十一月中本監堂上官擇日率曆科官午後沐浴更衣於本衙門齋宿次日早會選具副本請 旨仍具例行 內府中路并設案題本得 旨次日早掌印官捧正本照例行至 奉天門案前跪進候 御覽畢叩頭由東門出後班仍具揭帖差官齎赴禮部太常寺知會 凡營造出師等事奉 旨選擇年月日時方位進呈若 陵寢及各 王府安葬選擇吉地奏用其差委官生各有次第不許紊亂 凡每歲立春日本監

差官二員往順天府候氣回監具呈依書占奏 凡立  
春前期候氣官同順天府官赴東直門外導引芒神春  
牛至府 凡遇 聖節正旦冬至及頒 詔大禮先期  
本監官面奏設定時鼓於文樓至期定時漏刻博士一  
員報時五官司辰一員立 御道東鷄唱五官司辰一  
員擊鼓漏刻博士一員登文樓候 上陸殿鳴鞭已畢  
報時官捧時牌報卯時鷄唱官唱日出卯照萬方光四  
表畢擊鼓五聲 凡本監人員 洪武六年令永遠不  
許遷動子孫只習學天文曆算不許習他業其不習學  
者發海南充軍 凡本監官犯罪 成化十三年奏准  
應為民者仍充天文生應役應祭充軍者奏請處治

凡本監官生有父母喪例免丁憂 凡天文生除本身  
外再免一丁充當民差陰陽人止免本身其各衙門不  
係應免者不惟 凡天文生食糧月支七斗陰陽人四  
斗俱照醫士醫生例其雜糧陰陽人正支三斗 凡天  
文生俱以父祖世業代補有缺舊例天下訪取仍會禮  
部考驗收用後或有投充及收用義男女婿者禮部議  
准不許止選世業子弟立教師教習有成遇天文生缺  
於內選用其教師亦量陞授 弘治十一年令訪取世  
業原籍子孫分山林隱逸之士及致仕退閑等項官吏  
分監生生員軍民人等有能精通天文曆數陰陽地理  
及五星子平遁甲大定分六壬占課灼龜等術者每府

不過一二人試中收充供役 凡觀象臺議樓合用燈  
油木炭等及祭祀齋宮調品壺漏亦有油炭俱行禮部  
坐派順天府送用 凡天下府州縣舉到陰陽人堪任  
正術等官者俱從吏部送本監考中送回選用不中者  
發回原籍為民原保官吏治罪 凡本監合用紙劄  
成化間奏准照例遇吏部送考陰陽生中式者令其量  
出應用 凡天文生有犯 弘治十三年奏准徒派照  
舊例決杖一百餘罪收贖笞杖有力納鈔無力的決其  
犯竊盜掏摸搶奪等項亦刺字充警弁雜犯死罪俱做  
工不在收贖之限 凡本監俸糧初於禮部支給後從  
戶部撥本監自行收放

凡本監造曆每年六月內從禮部發到曆樣印完給散  
南京各衙門令直隸各府州縣 凡本監造曆紙分派  
應天寧國二府令浙江解納俱限六月以裏至京 凡  
占候天象本監自 洪武以來設觀星臺於鷄鳴山上  
令天文生分班晝夜觀望或有變異開具揭帖呈堂上  
官奏聞者隨即具奏 凡天文生俱以世業子弟習學  
考選食糧分撥各科 凡天文生月糧照欽天監例  
殿中監

遼北面有著帳郎君院官曰著帳郎君節度使曰司徒  
韓德望可汗以滿古只等二族害于越室曾以其家  
屬送入毛里應天皇太后知國政析出之以為著帳郎

唐制每加於世也。悉免之。其後內族外戚及世官。  
百大。皆著。其。諸。局。數。逆。家。屬。執。  
中。其。此。遠。所。以。多。受。起。附。股。也。

祇候郎君班詳穩司官曰祇候郎君班詳穩曰直長曰

開撒絨曰祇候郎君曰祇候郎君拽刺走卒外又有左

右祇候郎君班詳穩司官屬各同上筆硯局牌印

局 衲褥局 燈燭局 牀帽局 殿惶局 車輿局

御蓋局 本班局八局並設祇候郎君與吏 皇太

后祇應司 皇太妃祇應司 皇后祇應司 近位祇

應司 皇太子祇應司 親王祇應司並設領局事

與知諸司事 著帳戶司官曰著帳節度使曰著帳殿

中 著帳戶司本諸幹魯朵戶折出及諸色人犯罪沒入

凡御帳皇太后皇太妃皇后皇太子親王祇從伶官

續文獻通考卷之九十二 二十六 四百八十

其役 承應小底局 筆硯小底 寢殿小底 佛殿

小底 司藏小底 習馬小底 鷹坊小底 藥湯小

底 尚飲小底 盥漱小底 尚膳小底 尚衣小底

裁造小底 南面殿中司隸于御史臺官曰殿中曰

殿中丞其屬有尚舍局奉御尚乘局奉御尚輦局奉御

尚食局奉御尚衣局奉御

金殿中監事多領于殿前都點檢司其官屬載于殿前司

目下其分領符寶郎宿直將軍振肅官籍監近侍等諸

局署鷹坊頓舍官載于此 符寶郎四員見前門下

左右宿直將軍從五品掌總領親軍凡宮城諸門衛禁

分行從宿衛之事八員 左右振肅正七品掌妃嬪出

入總領護衛導從 官籍監提點正五品監從五品副

監從六品丞從七品掌內外監戶及地土錢帛大小金

發直長二員正八品同 近侍局提點正五品泰和

八年朔設使從五品副使從六品掌侍從承勅令轉奏

進帖直長正八品大定十八年增二員奉御十六人舊

帳小底大定 器物局提點正五品使從五品副使從

六品掌進御器械鞍轡諸物直長正八品監都正九品

用昌二 同監從九品泰和四 尚廐局官見前太僕

下 尚輦局使從五品副使從六品掌承奉輿輦等事

直長正八品資考典與都轄從九品 收支都監

正九品大定二年設掌給受之事同監從九品 泰和四 本把

續文獻通考卷之九十二 二十七 四百七十五

四人 鷹坊提點見前司農寺 武庫署令從六品掌

收貯諸路常課甲仗以曉軍器丞從七品直長二員正

八品大定二年 武器署提點從五品令從六品丞從

七品掌祭祀朝會巡幸及公卿婚葬國簿儀仗旗鼓笛

角之事直長正八品員或二 頓舍官二員泰和令總

品 正八

元

元初殿中監事皆領於四怯薛而兼宿衛四怯薛者太祖

功臣博爾忽博爾木木華黎赤老溫四族也號撥里班

曲律猶華言四傑也命其世領怯薛之長怯薛云者猶

言番直宿衛也凡宿衛三日一更申酉戌日博爾忽領



之爲第一亥子丑日博爾木領之爲第二寅卯辰日木  
華黎領之爲第三巳午未日赤老溫領之爲第四博爾  
忽早絕太祖命別速部代之而非功臣之類因自領名  
曰也可怯薛也可者言天子自領也赤老溫後亦絕常  
以丞相兼領凡怯薛內其執事之名不一具列于後  
主弓矢鷹隼者曰火兒赤昔實赤怯憐赤 主書寫聖  
旨者曰札里赤 主文書者曰必閣赤 主奉烹膳者  
曰博爾赤 主司閹者曰八刺哈赤 主掌酒者曰答  
刺赤 主典車馬者曰兀刺赤 主衣服者曰速古兒  
赤 主牧駱駝者曰帖麥赤 主牧羊者曰火爾赤  
主捕盜者曰忽刺罕赤 主奏樂者曰虎火赤 忠勇  
續文獻通考卷之九十二 二十八

者曰霸魯都 勇敢無敵者曰拔突長以上怯薛悉世  
守之年勞既久即擢爲一品官其預怯薛者或以才能  
任使貴盛雖極然一日歸至內庭則執事如故其後怯  
薛累增至萬四千八百而累朝幹耳朶怯薛尤多國家  
大費每糜於此云  
文宗至順元年八月沙汰衛士省院臺官奏定擬大內四  
宿衛每衛不過四百人累朝宿衛各不過二百人鷹坊  
萬四千二十四人當城四千人內養九十九人及怯薛  
當留者各百人累朝舊邸官分養人三千二百二十四  
人當留者一千一百二十人隱臣怯薛口共萬人當留  
者六千人其汰斥者歸本部著籍應役有容匿濫充者

怯薛官與其長杖五十七沒家貲之半賞告者令監察  
御史常察之制曰可

陶宗儀曰元朝有四怯薛大官怯薛者分宿衛供奉之  
士爲四番番三晝夜凡上之起居飲食諸服御之政令  
怯薛之長皆總焉中有云都赤乃侍御之至親近者雖  
官隨朝諸司亦三日一次輪流入直負骨朶于背佩環  
刀于腰或三人四人多至八人時若上御控鶴則在墀  
陛之下蓋所以虞奸回也雖宰輔之日親清光然有所  
奏請無云都赤亦在則不敢進今中書移咨各省或有須  
備錄奏文字者內必有云都赤某等以此之故又究骨  
朶字義嘗記宋景文筆記曰關中人以腹大爲胠朶

續文獻通考卷之九十二

二十九

胠朶俗音謂杖頭大者亦曰胠朶後說爲骨朶

二年置侍正府即殿中監職也秩正二品侍正十四人  
同知二人僉府二人侍判二人掌內庭近侍之事領速  
古兒赤四百人奉御二十四人拱衛直都指揮使司爲  
其屬首領官有經歷都事照磨餘小吏有差 奉御二  
十四員秩五品 尚冠奉御二員從五品 尚冠副奉  
御二員從六品 尚衣奉御二員從五品 尚衣副奉  
御二員從六品 尚鞞奉御二員從五品 尚鞞副奉  
御二員從六品 尚沐奉御二員從五品 尚沐副奉  
御二員從六品 尚餼兼尚輦二員正六品 尚餼兼  
尚輦副奉御二員正七品 奉御掌簿四員從七品

尚乘之職舊本隸殿中監而元特立尚乘寺秩從三品  
掌上御鞍轡輿輦阿塔思群牧駟馬驢騾及領隨路局  
院鞍轡等造作收支行省歲造鞍轡理四怯薛阿赤詞  
訟起取南北遠方馬匹等事卿四員正三品少卿二員  
從四品丞二員從五品經歷知事昭磨管勾各一員至  
元二十四年罷衛尉院始設尚乘寺領資乘庫大德十  
一年升為院秩從二品至大四年復為寺延祐四年降  
從三品 資乘庫提點四人大使三人副使四人掌牧  
支等物

皇明奉御諸事俱屬內侍此官不設

少府監

續文獻通考

卷之九十二

三十

四百七

遼南面少府事寄于殿中司而少府監不設

金少府監尚方織染文思裁造文繡等署隸焉泰和四年  
遷能幹官

兼隸鑄局 監正四品少監從五品丞二員從六品泰和  
近上官

年省二十 掌邦國百官營造之事 尚方署令從六品

丞從七品掌造金銀器物亭帳車輿牀榻簾席鞍轡傘

扇及裝釘之事大定二十年令不  
事除人令人兼 直長正八品 圖畫

署明昌七年省  
入祇應司 令從六品丞從七品掌圖畫鏤金 匠

直長正八品明昌三年  
年省 裁造署令從六品丞從七品掌

造龍鳳車具亭帳舖陳諸物宮中隨位牀榻屏風簾額

條結等及陵廟諸物分臺省部內所用物泰和  
繪畫之事 直

長從八品明昌三年省裁造匠六  
人針工婦人三十七人 文繡署令從六品

丞從七品掌繡造御用弁妃嬪等服飾及燭籠照道花  
弁明昌二年止  
設官一員 直長正八品繡工一人  
繡頭一人  
繡頭一人  
女四百九十六  
人內上頭七十八人  
等凡四百二十六人 織染局令從六品丞從七品直

長正八品掌織絳色染諸供御及宮中錦綺幣帛紗縠

文思署明昌七年省  
入祇應司 令從六品丞從七品掌造內外

局分印合傘浮圖金銀等尚華儀駕局車具亭帳之物

并三國生日等禮物繡染文繡兩署金線直長正八品

明昌三年  
年省

元世祖至元十九年以大都留守兼知少府監事二十一

年并少府監歸留守司皇慶元年別置少府監延祐七

年罷少府監復以留守兼監事其屬多詳于留守司而

續文獻通考

卷之九十二

三十一

四百七

中尚監乃特立者外又勅章佩監皆少府事 中尚監

掌大幹耳朶位下怯伶口諸務及領資成庫種作供內

府陳設帳房帟幘車輿雨衣之用監卿八員正三品太

監二員從三品少監二員從四品監丞二員正五品經

歷知事照磨各一員 至元十五年置尚用監二十四

年收置中尚監三十年分置兩都灤河三庫怯伶口雜

造等九司局而總領之 至大元年陞為院四年復為

監參用宦者三人 資成庫掌造種貨提點三員從五

品大使三員正六品副使三員正七品 至元二年罷

置太府二十三年始歸于監 章佩監掌宦者速古兒

赤所收御服寶帶監卿五員正三品太監四員從三品

少監二員從四品監丞二員正五品經歷知事照磨各一員 至元二十二年置 至大元年陞為院四年復為監 御帶庫掌繫腰偏束等物并條環諸物供奉御用以備賜予提點三員大使三員副使二員品秩同資成 至元二十八年置 以中官為之元貞元年增二員兼署上都之事 異珍庫掌御用珍寶后妃公主首飾寶貝官員品秩俱同上至元二十八年置

將作監

遼北面器物局 有局使局副使又總客省大醫獸醫置四局都林牙 南面將作監官曰太監曰少監曰監丞曰監主簿

續文獻通考

卷之九十二

三十二

四百三十七

金將作監不設屬工部者有修內司大定七年設使從五品副使從六品掌官中營造事兵匠一千六百五十人其夫二千八百人仍命少府監長官提控直長二員正八品部役官四員正八品掌監督工役受給官二員正八品掌支納諸物 都城所提舉從六品同提舉從七品掌修完廟社及城隍門鑰百司公廨係官舍并栽植樹木工役等事左右廂官各二員正八品掌監督工役受給官二員正八品掌支納諸物及埏埴等事 祗應司提點從五品令從六品丞從七品掌給官中諸色工作直長正八品收支庫都監同監泰和元年置甄官署令從六品丞從七品直長正八品掌剡石及埏埴之事

元將作院掌成造金玉珠翠犀象寶貝冠佩器皿織造刺繡段匹異樣百色造作定置院使七員正二品同知二員正三品同僉二員正四品院判二員正五品經歷一員從五品都事一員從七品照磨管勾一員正八品令史六人譯史知印各二人宣使四人其修建官殿等事務中統二年立官殿府專職管繕事 至元十九年罷官殿府以其事屬大都留守司將作所屬附見

諸路金玉工匠總管府掌寶貝金玉冠帽繫腰束帶金銀器皿并總諸司局事總諫將作院定置達魯花赤二員正二品總管二員從三品副達魯花赤二員正四品同知二員從四品副總管二員正五品經歷一員從七品

續文獻通考

卷之九十二

三十三

四百三十八

知事一員從八品照磨管勾各一員 王局提舉司提舉一員正七品同提舉一員從七品副提舉一員正八品 中統二年以和林人匠置局造作始設直長 至元三年立王匠局用七品印十五年改提舉司 金銀器皿提舉司官員品秩俱同上 瑪瑙提舉司提舉一員同提舉一員吏目一員 至元九年置大都等處瑪瑙局秩從七品管領瑪瑙匠戶五百有奇置提舉三員受金王府劄十五年改立提舉司領大都弘州兩處造作陞從五品三十年減副提舉一員定置如上 陽山瑪瑙提舉司至元十五年置提舉同副共三員品秩如前 金絲子局大使一員從五品副使一員正七品直

大員一員 中統二年設二局二十四年併 韉帶斜皮  
石大使一員從八品副使一員正九品至元十五年置  
璫玉局大使一員從八品至元十五年置 浮梁磁  
局掌燒造磁器并漆造馬尾樓藤笠帽等事大使一員  
正九品副使一員至元十五年置 畫局掌描造諸色  
樣製大使一員從八品至元十五年置 管領珠子民  
匠官掌採撈蛤珠於楊村直沽等處 中統二年立管  
領官正七品子孫世襲 裝釘局大使一員從八品至  
元十五年置 大小雕木局大使一員從八品至元十  
五年置 宣德隆興等處馬腦人匠提舉司提舉一員  
從七品副提舉一員從八品至元十五年置 溫犀玳  
續文獻通考 卷之九十二 辛酉 四百五十四

管一員從五品經歷一員從七品知事一員從八品提  
控按牘一員  
異樣局總管府中統二年立提點所至元六年改總管  
府定置達魯花赤一員總管一員並正三品同知一員  
從四品副總管一員從五品經歷一員從七品知事一  
員從八品 異樣紋繡提舉司中統二年立局至元十  
四年改提舉司提舉一員從五品同提舉一員正七品  
副提舉一員正八品 綾錦織染提舉司至元二十四  
年改局置提舉司官數品秩俱同上 紗羅提舉司至  
元十二年改局置提舉司官數品秩俱同上 紗金顏  
料總庫中統二年置大使一員從九品副使一員  
續文獻通考 卷之九十二 三十五 四百五十六

大都等路民匠總管府總管一員正三品同知一員正  
五品副總管一員從五品經歷一員從七品知事一員  
從八品提控案牘一員 備章總院大使一員正六品  
副使一員從六品至元十三年省併楊蘭等八局為總  
局 尚衣局達魯花赤提舉各一員從五品同提舉一  
員正七品副提舉一員正八品都目一人 御衣局設  
官同上皆至元二年置 御衣史道安局秩從六品至  
元二年置以史道安掌其職因以名之 高麗提舉司  
從五品至元二十二年置提舉一員 織佛像提舉司  
秩五品延祐四年改提領所為提舉司提舉副提舉各  
二員

皇門設文思院等衙門屬工部專掌造作諸事不設少卿

文思院大使一員副使二員 洪熙元年添設大使副

使共六員分管院事後裁革 巾帽局設于 內府大

使一員副使一員後俱革 針工局設于 內府大使

一員副使一員後俱革 營繕所所正二員後革副

二員所丞二員後添設二員管器皮作局大使一員

副使二員革顏料局大使一員 寶源局大使一員

員副使一員嘉靖四十鞍轡局大使一員副使一員

隆慶元年軍器局大使一員副使二員後革節慎庫

嘉靖八年大使一員 廣積抽分竹木局後添大使一員

副使一員隆慶五年通積抽分竹木局後添大使一員

續文獻通考卷之九十二

三十六

四百二十四

後副使一員廣濟白河織染所雜造局後添大使一

員副使一員 盧溝橋通州白河三處抽分竹木局添

大使各一員副使各一員後正統九年添設盧溝橋副

使二員後大通關提舉司提舉一員萬曆二年副提舉

二員後典史一員革柴炭司大使一員副使一員

龍江提舉司提舉一員副提舉二員典史一員 龍江

抽分竹木局後大使一員副使二員後又添設二員

續文獻通考卷之九十二終

續文獻通考卷之九十三

皇明進士雲間王圻纂輯

職官考 國子監宗學軍器監都水監內侍省

國子監

遼南面國子監太祖置於上京中京國子學隸焉官曰祭

酒曰司業曰監丞曰主簿

金海陵天德三年初置國子監國子學太學皆隸焉官祭

酒正四品司業正五品掌學校丞二員從六品明昌二

年增一員兼提控方直學

元世祖至元初以許衡為集賢館大學士國子祭酒教國

子與蒙古大姓四怯薛人員選七品以上朝官子孫為

續文獻通考卷之九十三

一

三十九

國子生隨朝三品以上官得舉凡民之俊秀者入學為

陪堂生伴讀至元二十四年始置監祭酒一員從三品

司業二員正五品掌學之教令皆德尊望重者為之監

丞一員正六品專領監務典簿一員令史二人譯史知

印典吏各一人皇慶二年置崇文閣于國子監外別有

國子學 蒙古國子監世祖至元十四年始立至二十

九年准漢人國子監例置祭酒司業監丞秩亦同外有

蒙古國子學世祖至元八年置掌教習諸生於隨朝百

官怯薛台蒙古漢兒官員家選子弟俊秀者入學

國子博士

遼南面五京各設國子學有博士有助教其在南京者曰

大學

金國子學博士二員正七品分掌教授生員考藝業太學同明

四年減大安二年並罷助教二員正八品女直漢人各一員

教授四員正八品分掌教授諸生明昌二年小學各添一員

國子校勘從八品掌校勘文字國子書寫官從八品

掌書寫實錄 太學博士四員正七品大安二年助教

四員正八品明昌二年除一員國子學與太學皆隸國

子監

元國子學秩正七品置博士二員掌教授生徒考校儒人

著述教官所業文字助教四員分教各齋生員大德八

年爲分職上都增置助教二員學正二員學錄二員督

續文獻通考

卷之九十三

二

四百三十三

習課業典給一員掌生員膳食國子監與國子學皆隸

集賢院 興文署秩從六品署令一員以翰林修撰兼

之署丞一員以翰林應奉兼之至治二年罷置典簿一

員從七品掌提調諸生飲膳與凡文牘簿書之事隸集

賢院

蒙古國子學初置博士教授助教官五員後以每歲從

駕上都教習事煩增學正學錄各二人三十一年又增

助教一人與蒙古國子監俱隸蒙古翰林院

皇明

太祖乙巳歲置國子學以元故集慶路儒學爲之設博士

助教學正學錄典簿典書典膳等官 吳元年定國子

學官制添設祭酒正四品司業正五品博士正七品典

簿正八品助教從八品學正正九品學錄從九品典膳

省註十年置中都國子學十四年更祭酒一人從四品

司業二人正六品其屬監丞二人正八品博士五人助

教十五人典簿一人俱從八品學正十人正九品學錄

七人典膳一人俱從九品掌饌二人雜職十五年相地

于都城之北改國子學爲國子監頒教條及禁例于天

下二十六年革中都國子監三十一年壽州學訓導劉

亨疏國子祭酒品位不當在太僕寺卿下 上頗納其

說後惟陞監丞爲堂上官 成祖即位詔復洪武官制

監丞仍舊屬官 永樂元年設北京國子監列爲二監

續文獻通考

卷之九十三

三

四百五十五

至十九年定鼎北京于舊都加南京二字 宣德元年

省司業至 弘治十五年復置然二監雖並列而治法

本原實始于南

國初爲國子學正四品設博士助教學正學錄典簿典書

典膳乙巳秋以許存仁爲博士吳元年添設祭酒司業

典簿改典膳爲掌饌陞存仁爲祭酒劉永直司業蘇伯

衡學正洪武六年增廣國子生 諭禮部祭酒乏人其

詢天下名士通今博古才德堪爲人師者以名聞八年

又置中都國子學十五年始改國子學爲國子監從四

品十六年宋訥代吳願爲祭酒 命曹國公李文忠領

國子監事 車駕時時臨視以故監官不得中廳而坐

中門而行二十六年章中郡國子學建文中陸監丞爲堂上官增司業二人省博士學正學錄增助教十七人靖難後復故

祭酒掌國學舉人貢生官生恩生功生例生喪生年幼勲臣訓教之事司業爲之貳凡訓教諸臣奉監規而損益焉要在明體適用以孝弟忠信禮義廉耻爲本隆師親友讀書寫字爲業有不率者朴之不俊徙謫之其率教者有升堂積分及超格叙用之法凡課業做書季呈翰林院文冊歲奏上凡歲仲春秋上丁遣大臣祀先師則總其禮儀上謁先師幸太學及司業執經講義凡授經以易書詩春秋禮記人占一經大學中庸論語

續文獻通考卷之九十三

四

四百三十六

孟子兼習之以廩餼膳師生以力役給廚膳以賜予示恩養以寧假悉人情以撥歷練吏事以考選汰冗濫監丞坐繩愆廳參領監事凡師生怠教不率教及廩膳不潔並糾懲之而堅明其約束師生有過書而識之博士坐博士廳五人分經訓教助教學正學錄坐正義崇志廣業修道誠心率性堂專職教誨嚴程課講解經義文字約之規矩典簿典出納文移受支金錢季報課業典籍收掌經史子集及制書掌饌飲食師生太祖親製條規十八款于監即今之監規云仍令天下各學勒刻碑以示諸生詳見學校下

宗學 內小學

宋寧宗嘉定七年復建宗學置博士學諭各一人遼金元無其職

理宗淳祐七年以皇姪孟啓開講於內小學置直講贊講二人遼金元不設

皇明不設此官別有宗學一欵見學校門

軍器監

遼北面有五台官設太師未詳所司大率掌治軍器

金承安二年設軍器監泰和四年罷復併甲坊利器兩署

爲軍器署置令丞直長直隸兵部至寧元年復爲軍器

監軍器庫利器署隸焉舊稱甲坊利器兩署監從五品少監從六

品丞從七品掌修治邦國戎器之事直長正八品軍

續文獻通考卷之九十三

五

四百五十五

器局至寧元年隸太興府貞祐三年改屬本監使正八

品副使正九品省擬掌收支河南一路併在京所造常

課橫添和買軍器年設甲坊署泰和四年廢舊置令

丞直長利器署本部作院興定二年更今名令從六

品丞從七品掌修弓弩刀樂之屬直長正八品八作

左右院使從五品副使從六品掌收軍須軍器此不隸

軍器監軍器庫使一員正八品副使一員從九品掌

甲冑兵仗司史二人庫子掌出納之數看守巡邏中都

八作使南京依此置西京省副使北京省副使仍隸

器庫及防刺都則直都監一員以軍資監者如舊此

不隸軍器監作院使一員副使一員掌監造軍器無

管因徒判院事都監一員掌收支之事中長監管四使及差故率了



都南京依此置仍加都字南京省都監一員東京西京  
置使或副一員上京並省隨府節餉作院使副並以軍  
器使尉燕之其或置一員或以軍資庫燕之右 此不隸  
元設甲院都監處蘇州專設使尉者並仍舊

### 軍器監

元爲武備寺掌繕治戎器兼典受給卿四員正三品同判  
六員從三品少卿四員從四品丞四員從五品經歷知  
事各一員照磨兼提控案牘一員承發架閣庫管勾一  
員辨驗弓官二員辨驗箭翎翎毛等官二員令史十有  
三人 至元五年始立軍器監秩四品十九年陞正三  
品二十年立衛尉院改軍器監爲武備監秩正四品隸  
衛尉院二十一年改監爲寺與衛尉並立 大德十一  
年陞爲院 至大四年復爲寺設官如舊其所轄屬官

續文獻通考

卷之九十三

六

○員七十

則自爲選擇其匠戶之能者任之 壽武庫提點二員  
從五品大使二員正六品副使四員正七品庫子十人  
至元十年以衣甲監改置 利器庫提點三員大使  
二員副使三員品秩同壽武庫庫子十人 至元五年  
始立軍器庫十年通掌隨路軍器改利器庫 廣勝庫  
掌平陽太原等處歲造兵器以給北邊征戍軍需達魯  
花赤一員大使副使各一員品秩同上 大同平陽太  
原保定真定蔚州宣德東平大寧遼河各路軍器人匠  
提舉司通州薊州各甲局提舉司大都等處提舉司各  
置達魯花赤提舉同提舉副提舉各一員或有無達魯  
花赤者品秩自從五品至六品不一 懷孟河南汴梁

彰德大名咸平隆興等路各軍器人匠局並都濟南箭  
局秩皆正七品或從七品各設局使局副一員箭局無  
副咸平隆興有達魯花赤與州松州及廣平路諸甲局  
各院長一員其與州松州屬上都甲局奉聖縣德汝寧  
陳州各軍器局院長一員奉聖文州許州平澤各軍器  
局大都箭局絃局各大使副使一員 上都雜造局秩  
止七品大使副使各一員 大都雜造局提領一員  
豐州雜造局秩正六品達魯花赤大使副使各一員  
皇明製造軍器等事俱屬軍器局及虞衡司隸工部不設  
監

### 都水監

續文獻通考

卷之九十三

七

○員十五

遼南面都水監設官曰都水太監曰都水少監曰都水監  
丞曰都水監主簿

金都水監街道司隸馬分治監專規措黃沁河衛州置司  
監正四品掌川澤津梁舟楫河渠之事興定五年兼管  
勾沿河漕運事作從五品少監正六品以下皆同兼漕  
事少監從五品 明昌二年增一丞二員正七品內一員  
外監分治貞元元年置掾正八品掌與丞同外監分治  
大定二十七年添一員明昌二年增一員勾當官四員准備分治監  
三年併罷之六年復置二員 街道司管勾正九品掌酒  
金委明昌五年以罷罷設二員 街道司管勾正九品掌酒  
掃街道修治溝渠 都巡河官從七品掌巡河河道修  
完堤堰栽植榆柳凡河防之事分治監巡河官同此其

遼清崇福上下埽都巡河燕石橋使通濟河都巡河燕  
建春宮地分河道諸都巡河官掌提控諸埽巡河官  
五年設以人得縣令年六十者選 黃汴都巡河官  
死大定二年設濟沁河巡河官二員 黃汴都巡河官  
下六處河陰雄武炭澤原武陽武延津各設散巡河官  
一員于諸局及至簿應舉人并見勾當人六十以下者充 黃沁都巡河官下四  
處懷州孟津孟州城北設黃沁散巡河官各一員 衛  
南都巡河官下四處新鄉崇福上崇福下衛南淇上散  
巡河官各一員 滑濟都巡河官下四處武城白馬書  
城教城散巡河官各一員 曹甸都巡河官下四處東  
明西佳孟華陵城散巡河官各一員 曹濟都巡河官  
下四處定陶濟北寒山金山散巡河官各一員凡二十埽埽  
**續文獻通考** 卷之九十三 八 四八三  
兵萬二 諸埽物料場官掌受給本場物料分治監物  
料場官同此惟崇福上下埽物料場官與當界官通管  
收支 南京延津渡河橋官兼議事管勾一員同管勾  
一員掌橋船渡口議察濟渡給受本橋諸物等事內議  
察事隸衛守司餘浮橋官同此 皇統三年四月懷州  
置黃沁河堤六勾管司後罷  
元置都水監秩從三品掌治河渠并隄防水利橋梁牐堰  
之事都水監二員從三品少監一員正五品監丞二員  
正六品經歷知事各一員 至元二十八年置二十九  
年領河道提舉司 大德六年陞正三品延祐七年仍  
從三品 大都河道提舉司提舉一員從五品同提舉

一員從六品副提舉一員從七品 河南山東都水監  
至正六年以連年河決為患置專疏塞之任設官品秩  
同行都水監至正八年二月河水為患詔於濟寧鄆  
城立行都水監九年又立河南山東等處行都水監十  
一年十二月立河防提舉隸行都水監掌巡視河道從  
五品十二年正月行都水監添設判官二員十六年正  
月又添設少監監丞知事各一員 都水庸田使司  
順帝至元二年正月置司平江尋罷五年十二月復立  
皇明設都水司官專掌河道一切事屬工部

內侍省

遼北面近侍局設于侍御司官制見前 南面內省官曰  
**續文獻通考** 卷之九十三 九 四八四  
內省使曰內省副使所屬有內藏庫官曰內藏庫提點  
其內侍省官曰黃門令曰內謁者曰內侍省押班曰內  
侍左廂押班曰內侍右廂押班曰契丹漢兒渤海內侍  
都知曰左承宣使曰右承宣使所屬有內庫官曰都提  
點內庫有尚水庫官曰尚衣庫使有湯藥局官曰都提  
點勾當湯藥其上京東京各有內省司各置省使與省  
副使東京大內無宮嬪惟以省副判官守之  
金內侍職見于衛尉司內內侍局中常侍見于宣徽使內  
其事多分領于宣徽使而內侍省不設  
元內侍省亦不設其職不專宮禁事即文階亦授之  
按世祖始授宦者李邦寧御帶庫提點後漸遷禮部尚

皇明

續文獻通考

十

四百三

爲大患今雖未能復古亦當爲防微之計古時此輩正治酒漿醢醢司服守桃事今朕亦不過以備使令非別有委任可斟酌其宜毋令過多又顧侍臣曰此輩自古以來求其善良千百中不一二見若用爲耳目即耳目蔽矣用爲腹心即腹心疾矣馭之道但常戒勅之畏法不可使之有功有功則驕恣畏法則檢束檢束則自不敢爲非乃定置內使監奉御凡六十人尚寶一人尚乳七人尚衣十人尚佩九人尚履八人尚藥七人紀事二人執膳四人司脯二人司香四人太廟司香四人涓潔一人尚酒尚醋尚麵尚染回局局正一人副二人御馬御用二司司正一人副二人內府庫大使

典璽典膳典服典藥典兵典乘六局各局卽一人丞一人又置門官午門東華門西華門玄武門奉天門左右

順門左右紅門  
皇宮門坤寧宮左門宮右門各門正

一人副一人 東宮春和門宮後門宮左門宮右門各  
門正一人副一人 上因謂侍臣曰古之宦豎在官

禁不過司晨昏供役使而已自漢鄧太后以女主稱制不接公卿乃以閹人爲常侍小黃門通命自此以來權

傾人主及其爲患如城狐社鼠不可去脰謂此輩但當服事宮禁豈可假以權勢縱其狂亂吾所以防之極

嚴但犯法者必斥去之不令在左右戒履霜堅冰之意

續文獻通考

十

三百六十一

也 三年八月定倉庫官品級設監令從五品丞從六品庫設提點從六品大使從六品副使從七品乙巳

命改內使監 御用監秩皆從三品其官令從三品承  
正四品 皇門官秩從四品門正從四品副正五品

東宮門官正副同十月壬戌重定內使服飾之制上諭宰臣凡內使監未有職名者當別置衣帽以別監官

禮部定擬內使監官凡遇朝會照依品級具朝服公服行禮其常服葵花胸背團領衫不拘顏色烏紗帽犀角

帶其內使無品從者常服團領衫無胸背花不拘顏色  
鳥角束帶烏紗帽垂軟帶年十五以下者惟帶烏紗小

頂帽從之 四年閏三月 命吏部定內監等官秩品

內使監令正五品授中衛大夫丞從五品侍直大夫  
皇門宮門正正六品授內侍郎門副尚寶奉御俱從六  
品授內直郎尚冠等奉御 內府庫大使內倉監令俱  
正七品授正奉郎庫副使倉丞俱從七品授正衛郎局  
正司正俱正六品授內侍郎局副司副俱從六品授內  
直郎 東宮門正局正俱正六品授內侍郎門副局丞  
俱從六品授內直郎 王府承奉門正所正俱從六品  
授內直郎承奉副門副所副俱正七品授正奉郎 五  
年六月丙子定宦官禁令凡內使於 宮城內相罵其  
先發而理屈者笞後罵而理直者不坐其不服本管鈐  
束而詆罵者杖內使罵奉御者杖罵門官監官者杖內  
使等於 宮城內鬪毆先鬪而理屈者杖毆傷者加一  
等後應理直而無傷者笞其有不服本管鈐束而毆之  
者杖毆傷者加一等毆奉御者杖毆門官監官者杖傷  
者各加一等其內使等有心懷惡逆出不道之言者凌  
遲處死有知情而蔽之者同罪知其事而不首者斬首  
者賞銀三百兩 是年令禮部議考糾劾內官之法置  
內正司司正司副各一人正從七品專糾內官失儀不  
法者尋改爲典禮司又改典禮紀察司 六年六月已  
酉更倉監爲 內府倉以 內倉監令爲大使監丞爲  
副使 內府庫爲承運庫仍設大使副使皆以內官爲  
之 乙卯以內官金麗淵爲 奉府承奉李清爲承奉

副劉壽吳祥劉旺潘亨爲 晉燕楚靖江府承奉副  
八年二月壬申以 內府鈔庫爲寶鈔庫秩正七品設  
大使副使各一人以內官爲之 九年五月庚子以內  
侍宗亮等七十四人爲司香尚冠尚衣等職又置 王  
府典膳典珍二所以中官流官爲之 十年十一月置  
神宮內使監掌 太廟灑掃陳設之事設監令正五品  
丞從五品司香奉御正七品典簿從九品 天地壇祠  
祭署神壇署各設署令正七品丞從七品司香奉御正  
八品 甲乙丙丁戊五庫庫設大使正七品副使從七  
品及置 皇城門官端門承天門東長安門西長安門  
東安門東上門東上南門東上北門西安門西上門西  
上南門西上北門北安門北上門北上東門北上西門  
門設正正七品副從七品 庚戌以內使金吉爲園丘  
署令洪斌杜慶爲司香奉御 十二年四月置 內府  
尚衣尚冠尚履三監針工皮作巾帽三局甲乙丙丁四  
庫改尚珮局爲尚珮監 十六年三月乙卯置 內府  
寶鈔廣源庫大使一人正九品用流官副使一人從九  
品用內官 內府寶鈔廣惠庫大使二人正九品副使  
二人從九品俱以流官內官兼之職掌出納楮帛入則  
廣源庫掌之出則廣惠庫掌之 十七年四月更定內  
官諸監庫局及外承運等庫局品職 尚宮局尚宮一  
人正五品司記司言司簿司闈正六品掌記掌言掌簿

掌閣正七品女使六人 尚衣局尚儀一人正五品司  
籍司樂司賓司贊正六品掌籍掌樂掌贊正七品  
女使二人 尚服局尚服一人正五品司賓司仗司衣  
司飾正六品掌寶掌衣掌仗掌飾正七品女使二人  
尚食局尚食一人正五品司膳司醢司藥司儲正六品  
掌膳掌醢掌藥掌儲正七品女使二人 尚寢局尚寢  
一人正五品司設司與司燈正六品掌設掌與掌  
苑掌燈正七品女使二人 正功局尚功一人正五品  
司制司珍司絲司計正六品掌制掌珍掌絲掌計正七  
品女使二人 宮正司宮正一人正五品司正一人正  
六品女使二人 內官監通掌內史名籍總督各職凡  
續文獻通考卷之九十三 十四 四百五十三  
差遣及缺員具名奏請設令一人正六品丞二人從六  
品典籍一人正九品所掌文籍以通書美小內使爲之  
神宮監掌 太廟祭器及祭祀灑掃設令一人正七  
品丞一人從七品奉御一人正八品 尚寶監掌 御  
寶圖書凡用 御寶則奏請然後付尚寶司官用之畢  
則捧入設令一人正七品丞一人從七品 尚衣監掌  
御用冠冕衣服靴履設令一人正七品丞一人從七  
品奉御四人正八品 尚膳監掌 御膳設令一人正  
七品丞一人從七品 司設監掌 御用儀仗輦轎衾  
帳褥褥張設令一人正七品丞一人從七品奉御四  
人正八品 司禮監掌 宮庭禮儀凡正旦冬至等節

命婦朝賀等禮則定其班位儀注及糾察內官人員  
違犯禮法者設令一人正七品丞一人從七品 御馬  
監掌 御廐馬匹設令一人正七品丞一人從七品  
直殿監掌各殿灑掃陳設設令一人正七品丞四人從  
七品小內使一十五人 宮門承 制掌傳奉宜召設  
奉御五人正八品 宮門守門官掌宮門灑掃時其開  
闔議察出入設門正一人正八品副四人從八品 內  
承運庫掌 宮御金銀段疋等物設大使一人正九品  
副使二人從九品 司鑄庫掌 皇城各門管鑰設大  
使一人正九品副使四人從九品 巾帽局掌造 內  
府冠帽設大使一人正九品副使一人從九品 針工  
局掌造 內府衣服設大使一人正九品副使從九品  
織染局掌織染段疋設大使一人正九品副使一人  
從九品 顏料局掌燒造銀硃等項顏料設大使一人  
正九品 司苑局掌種蒔蔬果大使一人正九品 司  
牧局掌牧養孳牲設大使一人正九品皆於內官內選  
用 外承運庫掌收金銀段疋等物 甲字庫掌收銅  
錢布疋顏料 乙字庫掌收衣服衾帳紙劄等物 丙  
字庫掌收絲綿紗線 丁字庫掌收銅鉄錫香茶蠟諸  
物 戊字庫掌收毡衫胡椒弁支收軍器 廣源庫掌  
收貯寶鈔 廣惠庫掌收支寶鈔每庫設大使一人正  
九品副使一人從九品皆於流官內選用隸戶部 皮

作局掌硝熟皮張成造靴鞋鞍轡 兵仗局掌造各項  
軍器 寶源局掌鼓鑄銅器每局設大使一人正九品  
副使一人從九品皆於流官內選用隸工部 時公  
主府初設家令司令丞錄事 二十三年改中使司  
二十五年二月遣尚膳太監而再司禮太監慶童齋  
勅往諭陝西河州等衛所屬番族令其輸馬以茶給之  
再等至河州召必里諸番族以 勅諭之諸族皆感恩  
意爭出馬以獻於是得馬萬三百四十餘匹以茶三十  
餘萬斤給之諸族大悅而再遣使入奏 命以馬分給  
河南山西陝西衛所騎士按此內臣奉使行事之始  
二十八年九月重定內官監司庫局與諸門官分 東

續文獻通考

卷之九十三

十六

四百五十五

宮六局 王府承奉等官職秩 頌 皇明祖訓遂為  
定制內官監十一曰神宮曰 尚寶曰 孝陵神宮曰  
尚膳曰尚衣曰司設曰內官曰司禮曰 御馬曰印綬  
曰直殿監皆設太監一人秩四品左右少監各一人秩  
從四品左右監丞各一人秩正六品 神宮監掌灑掃  
太廟殿庭廊廡尚寶監掌 御寶璽勅符將軍印信  
孝陵神宮監掌灑掃殿庭及栽種果木蔬菜之事尚  
膳監掌供養 奉先殿分 御膳與 宮內食用之物  
又督光祿司供奉 宮內諸筵宴飲食之事尚衣監掌  
御用冠冕袍服履舄靴帶之事司設監掌 御用車  
輦床榻衾褥帳幔諸事內官監掌成造婚禮裝奩冠冕

傘扇余褥帳幔儀仗及內官內使貼黃諸造作并 宮  
內器用首飾與架閣文書諸事司禮監掌冠婚喪祭禮  
儀制帛與 御前勘合賞賜筆墨書畫并長隨當差內  
使人等出門馬牌等事及督光祿司供應諸筵宴之事  
御馬監掌 御馬及諸進貢并典牧所關收付內官  
監收用及造內官諸人衣服鋪蓋諸事巾帽局掌造內  
官諸人紗帽靴襪及預備賞賜巾帽之事司苑局掌  
官內諸處蔬果及種田之事酒醋麵局掌內官諸人食  
用酒醋麵糖諸物內承運庫掌收支段疋金銀珠玉象  
牙諸寶貨之物及同司鑰庫掌鈔之數司鑰庫掌各門  
鎖鑰及收支錢鈔之事 內府供用庫掌 御用香米  
續文獻通考

卷之九十三

十七

四百五十六

及 內用香燭油米并內官諸人飲食果實之類其  
東宮典璽典藥典膳典服典兵典乘六局各設局郎一  
人秩正五品局丞二人秩從五品惟典璽局增設紀事  
奉御秩正六品典璽局掌 璽寶翰墨諸事典藥局掌  
同 御醫修合藥餌供進湯液之事典膳局掌供進膳  
羞典服局掌是弁冠帽袍服佩刀靴襪諸物典兵局掌  
甲冑戈矛矢刃劍諸物典乘局掌車馬之事其 親  
王府承奉司掌 王府諸事凡事則呈長史司并護衛  
指揮使司行之與內官衙門不相統攝意承奉正秩正  
六品承奉副秩從六品所三曰典寶曰典膳曰典服典  
寶掌 王之寶設典寶正一人秩正六品副一人秩從

六品典膳典服掌飲膳衣服之事各設正一人秩正六品副一人從六品門官二人掌王城宮殿門啓閉關防出入設門正秩正六品門副從六品設內使十人司冠一人司衣三人司佩一人司履一人司藥二人司矢二人又各公主位下設中使司掌府中諸事司正司副各一人皆雜職三十年七月庚戌置都知監秩正四品掌內府各監行移一應開支勘合設太監一人正四品左右少監各一人從四品左右監丞各一人正五品典簿一人正六品又置銀作局掌造內府金銀需用設大使一人正五品副一人從五品

成祖永樂元年九月遣內官李興等齎勅勞暹羅國王續文獻通考卷之九十三

十八

四百三十五

昭祿群廣陵囉誦刺分賜王文綺帛及銅錢麝香諸物與其貢使偕行按此內臣奉使外夷之始三年七月內使王琮同給事中畢進封故直隸國王長子參烈昭平牙爲王按此內臣封夷王之始是年三月命太監鄭和等率兵二萬七千人行賞賜西洋古里滿刺諸國按此內臣將兵之始五年三月辛巳復改上林署爲上林苑監秩正五品有左右副丞典簿之屬凡設十署秩正七品俱以內臣及文職相兼爲之後革內臣八年都督譚青等營有內官王安王彥之三保脫脫按此內臣監軍之始然各次青等後是年勅內官馬靖往甘肅巡視如鎮守西寧侯宋琥處事有未到處

客與之商議務要停當爾却來回話按此內臣出鎮之始然尚止巡視事畢回京十八年立東廠命內官一人主之專刺訪大小事情以聞二十二年六月辛卯上崩於榆木川太監馬雲等以六師在遠外秘不發喪與大學士楊榮金幼孜議含斂畢載以龍輦所至御幄朝夕上食如常儀壬辰次雙筆峰大學士榮御馬少監海壽馳計皇太子

仁宗洪熙元年正月丁未命內官監太監鄭和領下番官軍備南京在內與太監王景弘朱卜花唐觀保協同管事遇外有事同襄城伯李隆駙馬都尉沐昕計議而行按此南京守備之始是年二月勅甘肅總兵官續文獻通考卷之九十三

十九

四百三十五

都督費瑄鎮守太監王安按此鎮守之始見者宣宗宣德元年七月上以漢王及遣指揮譚順內官黃讓內使陳錦助平江伯陳瑄鎮守淮安是時內臣尚列于指揮之下七年賜司禮監太監金英范弘等免死詔弘略云克勤夙夜靡一事之後期致謹言行惟一心之在國退不忍于欺蔽進必務于忠誠免爾死罪於將來著朕至意於久遠見弘墓誌按宣宗賜免死罪詔於光祿卿并泉張泌皆有之則英亦所必有者又賜御用太監王瑾銀記四曰忠肝義膽曰金貂貴客曰忠誠自勵曰心跡雙清見水東日記於司禮太監金英范弘各有銀記之賜見墓



誌 景廟於興安王誠舒良輩亦各有 賜 憲廟  
賜司禮監太監譚昌牙記二曰忠誠不怠曰謙亨忠敬  
銀記一曰才華明敏石記一曰補衮宣化 世廟 賜  
司禮監太監張佐銀記四曰集謀補德曰端忠誠慎曰  
輔忠曰勵忠麥福銀記一曰公勤端慎右皆見墓碑  
按宣德末年京通二倉設總督內臣一人居中瑞館漕  
輓者不堪其擾臨徐淮德各設督監內臣紛擾更劇至  
嘉靖元年從戶部尚書孫交言悉取還京裁革館印中  
外便之

英宗正統元年遣太監阮安同都督沈清少保吳中督造  
三殿按此內臣督工之始 四年遣太監吳誠吉祥監  
續文獻通考卷之九十三 二十一 四百四十一

督諸軍討麓川宣慰司任發敗績按此內臣總兵之始  
六年三殿工完太監阮安錢僧保各 賜黃金五十  
兩白金一百兩絲段八表裏鈔一萬貫按此內臣功賞  
之至厚者 七年陞太監王振姪千戶山爲錦衣衛世  
襲指揮同知尋 命山侍經筵 九年 命太監曹吉  
祥出喜峰口劉永誠出界嶺口成國公朱勇等出劉家  
口各率精騎萬人征兀良哈陞賞有差 是年 賜遼  
東鎮守太監亦失哈歲米四十石按此內臣加祿之始  
十年 賜司禮監太監王振各監太監錢僧保高讓  
曹吉祥蔡忠白金寶楮絲幣諸物仍 命振姪林爲錦  
衣衛世襲指揮僉事僧保姪亮讓姪王吉祥弟整忠姪

英俱爲錦衣衛世襲副千戶 勅振曰朕惟旌德報功  
帝王大典忠君報國臣子至情此恩義之蕪隆古今之  
通誼也爾振性資忠厚度量宏深昔在 皇會祖時特  
以內臣選拔事我 皇祖深見眷愛系以詩書王成令  
器委用既隆勤誠益至肆我 皇考念爾爲 先帝所  
器重特簡置朕左右朕自 春宮至登大位前後幾二  
十年而爾夙夜在側寢食弗違保衛調護克盡乃心贊  
翊維持靡所不至正言忠告裨益實多茲特 勅賜給  
賞擢爲爾後者以官詩曰無德不報書曰謹終惟始朕  
眷念爾賢勞斯夕不忘爾尚體至意始終如一致我

國家有無疆之休爾亦有無窮之聞 十二年遼東鎮  
續文獻通考卷之九十三 二十一 四百四十一

守太監亦失哈楊宣以征討功給歲祿三十六石亦失  
哈給七十六石蓋十二石爲一級 十三年寧陽侯陳  
懋爲總兵官率師討鄧茂七等太監曹吉祥王瑾監督  
神機火器按此內臣監器之始 十四年大理寺卿俞  
士悅等以春夏二時不用恐刑獄不清所致請會審刑  
部都察院獄以消天變 上命太監金英同三法司堂  
上官審之按此內臣審錄之始出則齋 勅張黃蓋騎  
導於大理寺爲三尺壇中坐尚書以下俱左右列坐  
是年虜入寇德勝門外 勅太監與安李永昌往同武  
清伯石亨尚書于謙整理軍務按此內臣總京營兵之  
始

等議選精兵十五萬分爲十營太監阮讓都督楊俊提督四營太監陳瑄盧永都督郭震馮宗各提督三營俱聽謙亨及太監劉永誠吉祥節制按此內臣坐營之始英宗天順元年正月以迎駕功陞太監曹吉祥嗣子錦衣衛帶体指揮僉事欽爲都督同知姪鉉及太監劉永誠姪孫聚蔣晃弟成葉達兄成俱爲錦衣衛世襲指揮僉事且賜吉祥等勅書褒諭之是年封司禮監太監曹吉祥姪欽爲昭武伯按此內臣子弟封爵之始欽自以戰功及從奪門封後反誅是年詔復司禮監太監王振官爵立祠賜額曰旌忠按此內臣立祠

續文獻通考

卷之九十三

二十二

四十五

之始八年命太監周中於奮武營右少監王亨耀武營太監唐順練武營右少監林貴奉顯武營太監張溫敢勇營右少監趙永果勇營奉御鄭達效勇營右少監米童鼓勇營左副使高齋立威營奉御王璇伸威營右副使張璘揚威營奉御張紳振威營監神鎗仍聽太監劉永誠節制按此內臣分坐十二營之始

憲宗成化三年御馬監太監葉達奏以長河峒功蒙

賜寶鈔幣帛辭之而陞兄錦衣衛千戶官兵部執以無例不許詔特陞爲指揮僉事此內臣辭賞乞陞之始

十二年命御馬監太監汪直立西廠鎮勅刺事按此立西廠之始雖與東廠倖而勢出其上十三年

以御史戴綱言華西廠尋復之

按內臣恩寵至公加祿建祠所可考者如天順中

御馬監汪直初以緝事功加歲米二十四石以建州

功加三十六石以威寧海功加四十八石以黑石崖功

加三百石後累至四百八十石至正德中司禮監太監

張永初以恩加歲米十二石以平寧夏逆瑾功加四

十八石以獲妖人功加一百二十石後累至三百餘石

大約米至七十二石則視文武官爲正一品而儀從衣

料亦累增益不可勝計蓋又王振劉瑾之所無也自永

後谷大用魏彬張雄張銳張忠輩亦及之又張司禮佐

初加歲米四十八石其後復加祿十有七皆十二石黃

續文獻通考

卷之九十三

二十三

四十三

司禮錦至五百石皆在嘉靖間具神道碑成化初援

王振例賜御馬監太監劉永誠特祠額曰褒功賜

司禮監太監懷恩特祠額曰顯忠恩之後有覃昌其賢

亦相等自是請乞日繁不可勝紀然永誠以功恩以德

與王振不同時寧晉伯劉聚係永誠從子從永誠積戰

功至左都督自以破西虜功封襲

武宗正德元年春正月太監陳寬傳旨神機營中軍二

司內官監太監劉瑾管五千營御用監太監張永管

神機營分顯武營神機營右掖御馬監徐智調中軍

頭司管奮武營而以司設監太監馬永誠代智御馬

監太監王潤代理五月以御馬監太監魏彬管神

機中軍頭司令奮武營此八虎之初見也 二年太監李榮傳 旨邊關隘口等處切近京師舊設守備內官仍舊添補薊州黃崖口等營以都知監左少監屈讓莖頭營以都知監右少監王鑑永太平寨青山營以司設監左少監萬劍遵化灤陽等關以印綬監右少監劉唐劉家口營以都知監右少監丞高永薊州鮎魚口等處以印綬監右少監李準峨眉山等營以 御馬監左少監馮旺黃花鎮以都知監左監丞張鼎天城善管神銳以 御馬監左監丞張仁淮安衛等處以都知監右少監孟山各守衛萬全左衛等處以都知監右少監畢安分守蓋自是諸邊無餘地矣又增提督團營太監

薪厥爲之以太監谷大用領焉 其年添設內辦事殿於 榮府舊倉地以司禮監太監劉瑾領之無察兩殿及內諸司事 太監劉瑾傳 旨谷奉張友俱陞都督同知復贈劉瑾父三代俱爲都督同知 四年太監劉瑾奏疏通蓋法四事奉 旨經畫周詳防範嚴密誠爲國家重務既多官會議戶部查算明白經久通行軍民戶口食鹽仍舊餘俱永遵行之司禮監立碑在側時常省察按司禮監立碑始此 五年兵科給事中屈銓疏奏請刊定正德元年以後見行事例編集成書頒布中外 詔許之按此皆劉瑾所變更者國子祭酒王雲鳳時亦有請 是年太監張永提督三千神機二營兼掌十二團營掌 乾清官事兼掌 御用監提督尚膳尚衣司設內官諸監整容禮儀群食諸房分豹房浣衣局混堂司南海子事按內臣兼職之多無踰于此 是年 命御用監太監張永總督寧夏等處軍務 御馬監太監陸閭管領神鎗選京營精兵三萬討安化王寘鐸兵部言舊無總督軍務太監關防特造給之時楊一清爲永嘉志云特給金關防金爪剛斧楊與永同事所見必真永之西征及還師 上皆幸東安門戎服送迎 是年以寧夏功加張永祿米歲四十八石賞銀五百兩紵絲五十表裏時兵部尚書王敞等會英國公張懋尚書劉機等議以仇鉞功止一方已封伯爵世襲永輯寧

中外兩建奇功又非鉞止於是永兄富弟容俱封伯給  
誥券助號尋加司禮監太監溫祥賴義李清秦文范  
宣張欽祿米歲各十二石賞銀一百兩絲幣四表裏太  
監谷大用兄大寬馬永成兄山魏彬弟英伯爵如容富  
例 十一月贊皇知縣王鑾疏稱太監張永功言今歲  
五月赤旱千里禾黍辭西征遇真定大雨隨澍百姓稽  
首曰天上雨露張公帶來也永不坐乘不張蓋不作威  
福真今之臯虞伊傳先後數千言極其諛媚 上覽素  
褒永亦百餘言再 賜勅獎諭 六年太監張永掃薊  
州男子王多足淫罷能文及人王字以為妖異兵部尚書  
何鑑請加永 恩典下廷臣議永疏辭 詔以永有功  
續文獻通考 卷之九十三 二十六

固讓再加祿米歲百二十石 賜勅褒獎 七年以山  
東河南賊平總督太監谷大用陸閣歲加祿米四十八  
石廕弟姪各一人錦衣衛世襲指揮使監鎗張忠尹生  
歲加祿米二十四石廕弟錦衣衛世襲正千戶 御馬  
監太監丘聚祿米如張忠大用弟閭姪尋進封伯如永  
九年起太監張忠掌 御用監仍總制提督宜府大  
同延綏等處軍務發京營兵二萬人禦虜後發京兵六  
千人使太監張忠監督之聽永節制忠請自為一軍不  
許 是年 贈司禮太監張淮父全為錦衣衛都指揮  
使母李為夫人廖鑾父文應母張亦如之皆予祭葬  
贈都指揮之有祭葬自全文應始 贈御馬監太監于

經父母亦如之并 賜香山寺祠額護 勅授司禮監  
太監張雄父千戶銳為後府都督支俸朝奉 賜鎮守  
浙江太監劉璟生祠額護 勅尋 賜代璟者王堂亦  
如之 十年兵部上打魚王山等處禦虜功內批司禮  
監太監蕭敬歲加祿米二十四石溫祥賴義秦文張雄  
張欽蔣貴韋霏張淮弁 御馬等監太監谷大用張永  
魏彬張銳俱歲祿十二石各廕弟姪錦衣衛世襲正千  
戶 十三年以應州功太監張永魏彬張忠各歲加祿  
米二十四石廕弟姪一人為錦衣衛正千戶佛保馬英  
趙林蘇進馬睿許全李睿劉祥各歲祿十二石廕錦衣  
衛百戶又加司禮監太監蕭敬溫祥賴義秦文張欽蔣  
續文獻通考 卷之九十三 二十七

貴韋霏張淮李英團營太監谷大用東廠太監張銳歲  
祿廕官如張永等 十四年以營建 乾清宮定礮廕  
總理提督 御用太監張永東廠太監張銳內官監太  
監劉養 御馬太監孫和團營太監谷大用司禮太監  
蕭敬魏彬溫祥賴義秦文張欽韋霏張淮李英弟姪各  
一人為錦衣衛正千戶管工內官監太監劉祥劉永趙  
俊王銳班浩汪俊趙銳崔文王富溫璽周永各副千戶  
世襲 是年又命 御馬太監張忠提督軍務同威武  
副將軍安邊伯朱泰平賊將軍右都督朱暉討寧王宸  
濠 命鎮守撫按等官悉聽節制 上尋以太師威武  
大將軍鎮國公總督軍務 命太監張永率團營及宣

府北路官軍提督賈畫機密重務平虜伯朱彬亦如之  
以捕獲妖賊加太監張忠歲祿米二百二十石仍陞蔭  
弟姪三級

世宗嘉靖元年三月 勅吏兵二部朕入繼大統賴爾內  
外文武勲戚大臣定策弁迎立各宜忠悃保安 社稷  
今 山陵及 徽稱大禮事畢宜加殊恩以荅元功大  
學士楊廷和蔣冕毛紀首先定策忠義大節功尤顯著  
俱進封伯爵給與 誥券子孫世襲食祿一千石餘官  
如故俱仍在內閣辦事大學士費宏蔭他一子錦衣衛  
指揮使世襲親捧信符迎立等官駙馬都尉崔元進封  
侯爵給與券誥子孫世承襲食祿一千五百石 皇

續文獻通考

卷之九十三

二十八

四百五十二

親太傅壽寧侯張鶴齡加太師祿米三百石禮部尚書  
毛澄加 太子太傅蔭他一子為錦衣衛世襲指揮同  
知太監張錦蔭他弟姪一人錦衣衛世襲指揮僉事定  
國公徐文祚中途有疾先已賞了罷司禮監各能同心  
贊襄大計太監扶安溫祥賴義秦文張欽張淮各歲加  
祿米三十六石蔭他弟姪一人為錦衣衛世襲指揮同  
知蕭敬歲加祿米三十六石蔭他弟姪一人錦衣衛世  
襲指揮使黃偉鮑忠各歲加祿米二十四石蔭他弟姪  
一人為錦衣衛世襲指揮僉事從朕藩邸勤勞年久左  
右朕躬各有功績張佐歲加祿米四十八石蔭他弟姪  
一人為錦衣衛世襲指揮使一人為世襲正千戶黃英

歲加祿米三十六石蔭他弟姪一人為錦衣衛世襲指  
揮同知一人世襲正千戶戴永歲加祿米三十四石蔭  
他弟姪一人為錦衣衛世襲指揮僉事一人為世襲百  
戶張忠歲加祿米二十四石蔭他弟姪一人為錦衣衛  
世襲指揮僉事刁永馬俊賈友陳宜國洪趙山黃錦李  
清王埈孫端各蔭他弟姪一人為錦衣衛世襲正千戶  
趙霖李堂李云張陞蘇瑾郭紳趙林張曷劉臣劉銳丁  
王劉榮各蔭他弟姪一人為錦衣衛世襲百戶賁兵迎  
駕道路惠安伯張偉歲加祿米三十石鄭宗仁趙瑛  
各陞俸一級當時在朝 宗人府五府六部都察院太  
理寺通政司等衙門掌印官各賞紵絲二表裏銀二十

續文獻通考

卷之九十三

二十九

四百五十七

兩科道官各賞紵絲一表裏銀十兩 皇親太保建昌  
侯張延齡加太傅祿米一百石指揮邵嘉進封伯爵副  
千戶邵輔陞指揮僉事百戶邵佐陞正千戶指揮蔣輪  
進封伯爵壽陞錦衣衛世襲正千戶慶陽伯夏臣加  
散官一階合人夏勲陞錦衣衛世襲正千戶如 勅奉  
行 六年大學士費宏等言 皇考實錄成其於 聖  
謨睿德紀載頗為詳實然臣等不敢自以為功也蓋  
累朝實錄皆有章奏可據若今 憲皇帝三十餘年之  
事臣等所賴以考據者則有司禮監太監張佐黃英戴  
永綬實錄一冊載 憲皇帝睿製序文及各年章奏為  
詳功當首論後又得司禮監太監楊保陳清錦衣衛正

千戶翟裕陸松爲纂修之助功當份論伏惟 上裁  
上從其言 命蔭佐等各弟姪一人以酬其勞佐指揮  
僉事黃英戴永俱正千戶楊保百戶陳清總旗俱錦衣  
衛世襲翟裕陸松俱陞指揮僉事時佐英永已用扈  
駕功 賜蔭心不自安上疏辭 上嘉其誠懇許之仍  
令原蔭指揮使張琦於錦衣衛堂上管事指揮同知黃  
壽陞指揮使僉事戴仁陞指揮同知 八年革鎮守內  
臣景泰初中官用事始設各省鎮守內臣相沿九十餘  
年莫能釐正至是閣臣張璁柄政極力陳懇 上蓋革  
之百年大患一旦蠲滌遠近鼓舞若更生永嘉相業此  
爲稱首 十四年正月科臣管懷理言各倉內臣初蒙  
續文獻通考

晉選用第勿作威喜事耳監收允令罷之 二十五年  
承天守 陵太監廖斌與巡按包節相構 上命逮節  
詔獄諸戍窮邊  
穆宗隆慶元年二月 上加恩內臣歲加司禮監太監黃  
錦祿米二十四石蔭弟姪一人錦衣衛指揮僉事王本  
馮保各弟姪一人錦衣衛正千戶胡明喬朗曹憲各弟  
姪一人錦衣衛百戶從 龍太監梁鈿李芳歲加祿米  
三十六石蔭弟姪一人錦衣衛指揮同知張仲舉翟廷  
玉陳鈿陶金呂用崔王高相楊義張恩各蔭弟姪一人  
錦衣衛正千戶宋朝用張潤楊添爵馮明夏雲嚴用李  
佑各蔭弟姪一人錦衣衛副千戶張廷周保王榮李忠  
李鑾趙朝郭陽李惠趙忠陳忠李祿各蔭弟姪一人錦  
衣衛百戶于銳劉用各蔭弟姪一人錦衣衛所鎮撫俱  
世襲 五月司禮監太監黃錦蔭姪黃浦爲錦衣衛都  
督僉事尋以罪革後復當蔭其弟姪爲錦衣衛指揮乃  
辭 新命而爲浦乞復用會錦死事寢至是太監滕祥  
復爲浦請及其族黃保六人以錦衣官守墓黃斌等三  
人爲勇士允之科道官交論其不可 上曰錦効勞年  
久素著誠慎黃浦特准起用 七月湖廣巡按劾太和  
山守備太監呂祥七罪乞徵還罷其官勿設兵部覆言  
太和山內臣始于成化止以提督道流不預民事罷之  
便從之祥還司禮監復令劉進往科臣言進即劉俊一

先朝守 顯陵以貪酷遺戾 孝陵者也今避籍易名  
徵求復用退飽虎而復進餓虎可乎 上悟 命擇其  
代者更議以柳朝往兼分守如故兵部郭乾力爭之  
上乃 命朝止督道流勿預民事 二年正月 命太  
監李佑督織造于蘇杭部臣言初奉 明詔取回督造  
內臣中外傳頌 聖德 詔墨未乾 制使復出殊駭  
觀聽乞罷佑勿遣第令所司如式以進 上曰有 戍  
命矣趣予佑 勅科臣復奏乞如部議不聽 七月內  
使許義拔乃嚇財御史李學道執而笞之一日 朝罷  
內使百餘梓學道共毆幾斃舉 朝相顧錯愕科臣以  
聞 上命緹騎執首禍十餘人杖之百遣戍南裔餘皆  
杖發 孝陵從部臣王廷言也 三年十二月 乾清  
宮尚衣少監黃雄以番休日私出徵子錢于市因而相  
毆兵馬司繫之以白巡城御史楊松既而內監令校尉  
趣雄入直校詆以 旨召松驗無實乃劾雄暴橫矯  
詔雄亦入辯 上以楊松誣奏貶外司官黜為編氓雄  
發南京司香 是年直隸巡按劾鳳陽守備太監趙芬  
貪酷驕僭乞下吏記裁其員勿更設兵部覆請下御史  
先繫治其黨會議去留從之 十二月 上諭災變頻  
仍多緣部院政事不調信人濫訟假公營私致傷和氣  
厥衛暗訪以聞科道交章言其不便尋亦罷之 五年  
二月太監陳洪弟陳都以廕為錦衣衛千戶科臣疏劾

不聽 六年六月十日 穆宗即位高拱既授 顧命  
欲復百官總已之義中人為之側目又與二次輔謀去  
馮保以清 宮禁張居正陰洩于保保遂矯 中旨以  
去拱六月十一日味爽傳 皇后懿旨 皇貴妃令旨  
皇帝聖旨曰 大行皇帝密天先一日 召內閣三  
臣受 遺命 東宮冲年賴三先生竭忠輔佐以安  
社稷今大學士高拱攬權擅政 朝廷威福輒敢自專  
不復知有 主上罔測其意欲何為吾母子驚懼不安  
高拱令以少師中極殿大學士即日在京回籍其諸大  
臣受 國厚恩不知竭忠報主乃阿附權臣蔑視幼君  
自今各宜洗心滌慮毋蹈此轍校尉兵番共相迫逐一  
夕過行自昔大臣去 國未聞有狼籍如是者拱去而  
居正為首輔保掌司禮  
今上萬曆八年閣臣張居正疏言該文書官丘得用傳奉  
聖諭孫海客用凡事引誘無所不為着降小火者發  
去 孝陵種萊爾等司禮監分管事牌子既受 朝廷  
爵祿我一時昏迷以致有錯爾等就該力諫方可爾等  
圖我一時歡喜不言我今奉 聖母 聖諭教誨我我  
今改過奸邪已去今後但有奸邪的小人爾等司禮監  
分管事牌子一同舉名來奏該衙門知道傳示到閣臣  
等看得孫海客用奸邪不忠引誘蠱惑以致虧損 聖  
德舉動差錯上違 聖母慈訓下失臣民仰望之心謹



祖宗法度宜正典刑罪在不赦 皇上心雖惱恨猶不忍加刑薄從降斥燭奸之明等于日月宥罪之仁同於天地矣但臣等查得舊例 孝陵種菜皆軍人爲之二犯既發令着役不宜止降火者須充做淨軍乃爲正法 上從之 居正又疏伏蒙 聖諭有先生等既知此事就該諫朕教朕爲堯舜之君卿等也爲堯舜之臣等語 皇上幡然改悔進去奸邪引咎自責又 宣諭臣等盡心輔導此蓋 九廟 列聖之靈默啓我 聖母之心形之譴責陰佑我 皇上之心自悔前非也聞近日引誘之人在孫海客用固爲尤甚而其中誦倭希寵放肆無忌者尚不止如二人如司禮監太監孫德秀德之累伏望 皇上大奮乾斷將孫德秀等一體降黜以彰 日月之明其司禮監管事牌子等官平日爲忠爲佞諒莫逃於 聖鑒合無俱令自陳請自 聖斷老成庶謹者照舊管事諂佞放肆者悉加汰黜且近日 皇考母喪建芒掃宦者之星亦宜大行掃除以應天變以光 聖德此 皇上修德改過之實政也臣等又聞漢唐諸帝宮中府中俱爲一體陟罰臧否不宜異同 等待罪輔弼 宮中之事皆宜與聞臣居正又親

承 先帝遺命輔保 聖躬比之二臣責任尤重今乃徒避内外之嫌不行直言匡救以致 皇上有此過舉辜負 先帝付託之言萬死不足以自贖除痛自省勵以圖報稱外既蒙 皇上明察德音昭示 聖意臣等此後亦不敢復以外臣自限凡 皇上起居及 宮壺內事但有聞即竭忠敷奏及左右近習有邪佞不忠如孫海客用等者亦不避嫌怨必舉 祖宗之法奏請處治仍望 俯允施行 皇上亦宜仰遵 聖母慈訓痛自改悔戒遊宴以重 起居專精神以廣胤嗣節賞罰以省浮費却珍玩以端好尚親萬幾以明庶政勤講學以資治理庶今日之悔過不爲虛言將來之 聖德愈爲光顯矣奉 旨司禮監太監孫德秀溫泰兵仗局掌印周海都降三級着外私家閑住永不叙用其司禮監及管事牌子等都着自陳 十一年奏准小民犯禁私割致傷和氣者都察院行五城御史及通行各省直撫按衙門嚴加禁約自今五年以後民間有四五子以上願以一子報官闕割者聽有司造冊送部候收補之日選用如有私割者照例重治隣右不舉者一併治罪不宥 按 祖制內侍主傳 命掃除不通章泰隆慶以來疏辯謝辭與公卿埒而溫 旨踰溢矣 世宗時前朝門無權稅者至萬曆二十五年以後畿外各省或以征植

或以開礦或以採木奉 委四出矣 太廟尊嚴而  
上上行 內府亦皆冠進賢服祭服以從 內府有事  
于中書 亦少異焉

二十九年八月司禮監傳奉 聖旨 乾清宮司禮監  
太監田義孫隆陳矩成敬管事沈金崔文升劉進孫成  
周臣張祥牌子馬進田詔劉進忠楊科各陞二級歲加  
祿米十二石趙朝歲賞祿米十二石 御藥房提督內  
官監太監王永賞銀五兩紵絲一表裏近侍 御馬監  
太監孫順歲加祿米十二石煖閣內答應 御馬監太  
監董果閔梅李進谷朝何朝邵進內官監太監侯金尚  
續文獻通考 卷之九十三 三十七

衣監左監丞李吉祥各賞銀五兩紵絲一表裏 御馬  
監太監劉統尚膳監太監劉震趙昇內官監太監鹿成  
御馬監太監黃榮司設監太監趙楷俱着內府騎馬  
太監王臣 御用監太監武祥都賞玉帶近侍尚膳監  
太監任進殷着本監僉押尚膳監太監張友于忠張全  
左尤魏受趙忠尚衣監太監王昇陳忠費德黃林芳內  
官監太監陳憲楊順溫成王坤張思司設監太監趙相  
張玉王惠 御馬監太監陳進徐志諸明各賞銀五兩  
紵絲一表裏內官監左少監盧潤陞太監奉 御蔣升  
陞 御用監右監丞管櫃子尚膳監太監王奉李中寧

都賞蟒衣人數司房內官監太監韋仁賞銀五兩紵絲  
一表裏尚衣監左監丞任時 御用監左監丞殷良弼  
俱陞右少監尚膳監右監丞白吉祥陞左監丞奉御李  
宗仁陞 御用監右監丞小火者楊進朝賞牙牌帶管  
司房 御馬監太監袁福賞銀五兩紵絲一表裏 御  
用監太監黃佩賞飛魚尚衣監左少監羅俊陞太監尚  
膳監左監丞劉進忠周尚德劉忠李進朝俱陞左少監  
又司禮監傳奉 聖旨各處礦稅天津等處督征廣安  
店租 御用監右少監馬堂陞左少監廣東抽稅兼管  
珠池內官監太監李鳳賞蟒衣福建開礦兼抽稅 御  
馬監右少監高案陞左少監雲南開礦兼抽稅尚膳監  
續文獻通考 卷之九十三 三十七

太監楊榮賞斗牛遼東等處開礦征收稅課馬市方物  
尚膳監右少監高淮陞左少監管理通灣廣和店租帶  
管蘆溝橋抽稅名馬 御馬監太監張燁賞斗牛江西  
湖口征收船稅 御馬監左監丞李道陞右少監總理  
兩淮鹽法 御用監太監魯保賞斗牛儀真等處抽稅  
御馬監左少監暨祿陞太監浙江抽稅兼開礦劉成  
陞少監四川礦稅 御馬監太監丘乘雲賞銀五兩紵  
絲一表裏陝西抽稅名馬 御馬監右少監梁永陞左  
少監山西太原府等處抽稅兼採木尚衣監右監丞孫  
朝陞左監丞廣西等處水路通御弁土產貨物稅課及  
開採礦稅 御馬監右少監沈永壽陞左少監南京

牧房租帶管池州等處開採南京中備司禮監太監邢隆劉朝用各歲加祿米十二石 外有王虎張忠嘗銀五兩紵絲一表裏胡濱季敬每陞右少監俱在近侍例內又司禮監副蘇松織造太監孫隆進到秋運龍袍漆器織造的好奉 肯歲加祿米十二石 又傳奉 上肯司禮監太監孫隆着在內坐撈

按中貴柄司禮則王振劉瑾數將大兵則曹吉祥汪直然皆不克令終惟張永初自 春宮得幸於 上累加提督三千神機二營兼掌十二團營 乾清宮掌事兼掌 御用監提督尚衣司設內官二監整容禮儀甜食諸房并豹房浣衣局混堂司南海子出總督寧夏等處

續文獻通考

卷之九十三

三十八

四百年

軍務特 給金關防金氏鋼劍還改司禮監太監堂監事再起掌 御用總制提督宜大延固等處軍務還總理 乾清大工再督國營兵馬從 上禦虜應州為監督機務從 上征寧廣人為提督贊畫重務罷閑復起掌 御用提督團營凡一縮司禮三縮 御用綬三督團營再總大兵再扈 上領樞密出許便宜行事及撫鎮聽制父友科都督同知兄泰安伯富弟安定伯容右都督家餘官復十餘人貴勢傾一時而名位不衰又國初內官監太監鄭和以永樂四年率師二萬七千人駕海舶齎 勅諭金帛行賚西洋瑣里邏邏等三十餘國皆隨使入朝所奉獻及互市採取未名之寶以巨萬

計凡一破國都再虜逆 命王一擒大盜酋凡二十年而首 命提督南京守備至宣德八年復齎 詔由陸路 諭西番諸國今西南夷及世所稱三寶太監者鄭和也西北所稱劉馬太監者則 英廟時劉永誠也皆本朝中貴之翹楚云

續文獻通考

卷之九十三

三十九

一千

續文獻通考

卷之九十三終

續文獻通考卷之九十四

皇明進士

職官考

樞密院宣徽院至

樞密院

宋寧宗嘉定八年置三省樞密院主骨架閣文字

理宗寶祐四年十一月以張礪同知樞密院事丁大全簽

書院事馬天驥同簽書院事

遼北而北樞密院掌兵機武銓羣牧之政見兵部凡契丹軍

馬皆屬焉以其牙帳居於內帳殿之北故名北院元好

問所謂北衙不理民是也南樞密院掌文銓部族丁賦

之政見吏部凡契丹人民皆屬焉以其牙帳居於大內帳殿

續文獻通考卷之九十四

一四七

之南故名南院元好問所謂南衙不主兵是也設官在

北院者加北院二字在南院者加南院二字曰樞密使

曰知樞密使事曰知樞密院事曰樞密副使曰知樞密

副使事曰同知樞密使事曰簽書樞密院事曰都丞

曰副丞見曰林牙曰知院貼黃曰給事知聖旨頭子事

曰掌院頭子曰樞密院敕史曰樞密院郎君曰樞密院

通事曰樞密院掾史其分屬有樞密院中丞司官曰樞

密院檢點中丞司事曰總知中丞司事曰左中丞曰右

中丞曰同知中丞司事曰樞密院侍御以上設官北南

二院並同世宗天祿元年始置北院樞密使以安搏為

之又行軍時有行樞密院官曰左右林牙曰參政南

而太祖初置樞密院司韓知古總知漢兒司是也太宗入

汴因晉置樞密院掌漢人兵馬之政初兼尚書省後止

官曰樞密使曰知樞密使事曰知樞密院事曰樞密副

使曰同知樞密院事曰知樞密院副使事曰樞密直學

士曰樞密都丞見曰樞密副丞見曰吏禮房丞見曰兵

刑房丞見曰戶房主事曰廳房主事即工部也遼初有

只所掌未詳乃遼軍故

興宗重熙二十一年詔南北樞密院日再奏事時蕭孝忠

奏樞密有二風俗所以不同若併為一天下甚便未及

行而薨

金樞密院天輔七年始置于廣寧府 天會三年下燕山

續文獻通考卷之九十四

一四七

初以左企弓為使後以劉彥宗初猶如遼南院之制後

則否 泰和六年嘗改為元帥府樞密使一員從一品

掌凡武備機密之事樞密副使一員從二品簽書樞密

院事一員正三品同簽書樞密院事一員正四品後增一員經

歷一員從五品都事一員正七品掌受軍府事檢勾稽

失省署文牘兼知宿直之事 貞祐三年置行樞密院

于歸德 架閣庫管勾一員正八品知法二員從八品

掌檢斷各司刑法之事餘檢法同樞密院女直十二人

金制凡樞密院上下所倚任者名奏事官其目有三一曰

承受聖旨二曰奏事三曰省院議事皆以一人主之承

受聖旨者凡院官奏事或上處分獨召奏事官付之多至一二百言或直傳上旨辭多者卽與近侍局官批寫奏事者謂事有區處當取奏裁者殿奏其奏每嫌費辭必欲言簡而意明退而奉行卽立文字謂之檢目省院官殿上議事則默記之議定歸院亦立檢目呈覆有疑則復稟無則掾史施行其赴省議者議既定留奏事官與省左右司官同立章奏圖覆諸無相異同則右司奏上此三者之外又有難者曰備顧問如軍馬糧草器械軍帥部曲名數與夫屯駐地里扼塞遠近之類凡省院一切事務顧問之際一不能應輒以不用心被譴其職爲甚難正大中以白華居其任

續文獻通考卷之九十四

三

熙宗天眷元年八月改燕京樞密院爲行臺尚書省

宣宗貞祐三年置行樞密院于徐州歸德府

元制樞密院秩從一品掌天下兵甲機密之務凡宮禁宿

衛邊庭軍翼征討戍守簡閱差遣舉功轉官節制調度

無不由之世祖中統四年置樞密副使二員僉書樞

密事一員至元七年置同知樞密院事一員院判一

員二十八年始置知院一員增院判一員又以中書平

章商置院事成宗大德十年革去議事平章仁宗

延祐四年以分鎮北邊增知院一員五年增同知一員

後定置知院六員從一品同知四員正二品副樞密二

員從二品僉院二員正三品同僉二員正四品院判二

員正五品參議二員正五品至正間復置議事平章二人添設僉院一人院判一人經歷二員從五品都事四員正七品承發兼照磨二員正八品架閣庫管勾一員正九品客省使至元十四年置大使一員後增一員二十一年置副使一員延祐五年增一員至天曆中又定置大使二員從五品副使二員從六品令史二人內斷事官掌處決軍府之獄訟至元元年置二員後定置八員正三品經歷一員從七品有令史譯史等人武宗至大元年七月汰省樞密院官世祖時樞臣止六員成宗增至十三員至是署事者三十二員樞臣乞省之勅罷塔思帶等十餘人

續文獻通考卷之九十四

四

樞密所屬右衛左衛中衛前衛後衛武衛親軍都指揮

使司隆鎮衛親軍都指揮使司左右翼屯田萬戶府左

右衛率府河南淮北蒙古軍都萬戶府八撒兒萬戶府

札忽兒台萬戶府脫烈都萬戶府和尚萬戶府左右阿

速衛親軍都指揮使司回回砲手軍匠上萬戶府唐兀

衛親軍都指揮使司貴赤衛親軍都指揮使司延安屯

田打捕總管府大寧海陽屯田打捕所忠翊侍衛親軍

都指揮使司俱分別別具

皇明不設樞密官凡軍旅諸務一歸于兵部

行樞密院

元初有征伐之事置行樞密院大征伐則止曰行院爲一

方一事而設則稱某處行樞密院或與行省代設事已則罷 四川行樞密院中統四年始置設官二員管四川軍民課稅交鈔打捕鷹房人匠及各投下應管公事節制官吏諸色人等并軍官遷授征進等事始置于成都 至元十年又於重慶別置東川行樞密院設官一員十六年罷兩川行院二十四年復立四川行院于成都 江南行樞密院掌調度軍馬之事 至元十九年詔于揚州岳州俱立行院各設官五員二十一年立沿江行院二十二年立江西行院馬軍戍江州步軍戍撫州二十八年徙岳州行院于鄂州徙江淮行院于建康其後行院悉併歸行省 甘肅行樞密院武宗至大四年置行院於甘州為甘肅等處行樞密院設官四員提調西路軍馬後以甘肅省丞相提調遂罷行院 河南行樞密院泰定帝致和元年分置專官調遣之事文宗天曆初罷 嶺北行樞密院天曆間置知院一員同知二員副樞密一員僉院二員同僉一員院判二員經歷一員都事二員宣使四人掌邊庭軍務凡大小事宜悉從裁決 湖廣江西行樞密院世祖時置 成宗即位罷之以其事歸行省 順帝至元三年右丞相伯顏奏准於四川及湖廣江西之境江浙凡三處各置行樞密院以鎮遏奸亂之民四年俱罷 至正十五年又置淮南江北等處行樞密院於揚州十六年又置江浙行樞

密院於杭州二十六年置福建江西等處行樞密院雲南行樞密院 文宗至順元年以雲南諸王禿堅叛詔發諸道兵討之立雲南行樞密院以撒里帖木兒知院事探馬赤為同知教化為副使發朵甘思朵思麻及鞏昌諸處軍萬三千人分道進兵

樞密分院

順帝至元三年分樞密院鎮北邊 至正十五年置樞密分院於衛輝彰德直沽又置於沂州以指揮使司隸焉按元世祖至元七年許衡上疏曰兵之於國在古已重在後世為尤重故樞密之設特與中書對持號為二府兵興則宰相主之事寧則樞密任事蓋宰相平章軍國兵事可知也而兵之籍則不與樞密兼總兵馬兵籍可知也而兵之符則不在體統相維無有偏失制雖近代而意實倣古或者謂樞密併於中書為合古宰相總百官之意殊不知古者冢宰止一人而今之為宰相者動輒數十人此而不古而謂樞密者獨可以古耶國家切務止在得人人苟未得徒紛更於此無益也 皇明不設行院分院遇有軍興征發則用兵尚書兵侍郎帶銜以出事畢仍回部

太子宰相兼樞密使

元世祖中統四年以皇太子守中書令兼判樞密院事至正十三年今皇太子領樞密使 十八年以參政崔

敬爲山東等處行樞密院副使分院於鄆州兼領屯田事 十九年四月以察罕帖木兒爲河南行省平章政事兼河南山東等處行樞密院知院

皇明國初置大都督府因樞密院而改建之也樞密院之職實古太尉大司馬諸將軍而其名則循唐宦官之舊五季托肺腑之權據宰相上宋顯兵政稍與宰相次而號兩府然皆縉紳大夫爲之至元而用其國人與漢人之以武功顯者第往往參一二縉紳以贊其舉蓋至明興而截然屬之武弁矣初 高皇帝之下集慶置中書省卽置行樞密院而自領之功臣宿將得序遷爲同知僉院同僉判官其品秩皆仍元舊至四年辛丑之三

續文獻通考卷之九十四

七 四十三

月改置大都督府 拜皇姪爲大都督節制中外諸軍尋增置左右都督同知副使僉事官以中書參議李善長兼司馬宋思顏爲參軍經歷都事皆極一時之選而同知僉院之在軍行者尚仍其故不改吳元年甲辰正月卽位定大都督從一品左右都督正二品同知從二品副使正三品僉事從三品尋大都督李文正坐罪廢罷不設以左右都督爲長官十月進階俱正一品同知從一品副使正二品僉事從二品三年革副使陞僉事正二品凡天下將士兵馬大數廕授遷除與征討進止機宜皆屬之十三年分大都督爲五軍都督府若以爲品秩如其故者而兵部陰移之其權漸分矣至永樂而

盡歸之兵部所謂五都督者不過守空名與虛數而已其左右都督以下至同知皆以加邊將之有功者其僉事以待序遷者而掌印僉書之類必以屬公侯伯間有屬老將之實爲都督者不能什一也

宣徽院

遼

北院有宣徽北院掌北院祗應御前之事有宣徽南院掌南院祗應御前之事皆太宗會同元年置其官在北院者加北院二字在南院者加南院二字曰宣徽使曰知宣徽事曰宣徽副使曰同知宣徽事北南二院並同北面宮官以建諸宮幹魯朵部族蕃多故以官統之有諸

續文獻通考卷之九十四

八 四十九

行宮都部署院總契丹漢人諸行宮之事官曰諸行宮都部署曰知行宮諸部署司事曰諸行宮副部署曰諸行宮判官有契丹行宮諸部署司總行在行軍諸幹魯朵之政令官曰契丹行宮都部署曰知契丹行宮都部署事曰契丹行宮副部署曰契丹行宮判官有行宮諸部署司掌行在諸宮之政令官曰行宮都部署曰行宮副部署其官十二曰太祖弘義官曰太宗永興官曰景宗積慶官曰應天皇帝太后長寧官曰穆宗延昌官曰景宗彰愍官曰承天皇帝太后崇德官曰聖宗興聖官曰興宗延慶官曰道宗太和官曰天祚皇帝官曰孝文皇帝弟敦睦官曰文忠王府其各官府設官曰宮使曰宮副



使曰宮太師曰宮太保曰宮太尉中亦各世屬其分屬有  
其宮都部署司掌本宮契丹軍民之事官曰某宮都部  
署曰某宮判官有某官提轄司官制未詳有某官馬羣  
司官曰侍中曰敕史 南面宣徽院亦太宗會同元年  
置官曰宣徽使曰知宣徽院事曰宣徽副使曰同知宣  
徽使事曰同知宣徽院事南京宣徽院宣徽使下多知  
宣徽院使事一員而無同知宣徽使事 南面官官有  
漢兒行宮都部署院亦曰南面行宮都部署司聖官曰  
漢兒行宮都部署曰漢兒行宮副部署曰知南面行宮  
副部署曰同知漢兒行宮副部署曰同知漢兒行宮司事曰  
都部署判官每十二官設官曰某宮漢人行宮都部署  
續文獻通考卷之九十四 九十一

曰某宮南面副都部署曰某宮同知漢人都部署  
聖宗開泰八年置勃海承奉宮都知班押

金

宣徽院左宣徽使正三品右宣徽使正三品同知宣徽院  
事正四品同知宣徽院事正五品宣徽判官從六品掌  
朝會燕享凡殿庭禮儀及監知御膳所隸等字傘子二  
百拱衛直使司威捷軍隸焉舊名龍翔軍 正隆  
二年更爲神衛軍 大定二年更名拱衛司都指揮使  
從四品副都指揮使從五品掌總統本直謹嚴儀仗舊  
止曰使曰副使五年加指揮號什將長行威捷軍永安  
二年  
簽等手千人泰和  
四年以之備邊事鈴轄正六品都轄從九品 客省使

正五品副使從六品掌接伴人使見辭之事 引進使  
正五品副使從六品掌進外方人使貢獻禮物事 閤  
門明昌五年閤門官  
以次排轉除授東上閤門使正五品明昌六年省  
一員作從五  
品西上閤門使正五品明昌六年省  
一員作從五  
品西上閤門使正五品  
掌簽判閤門事以西同明昌六年  
以減副使置西上閤門使二員正五  
品副使二員正六品簽事一員從六品掌贊道殿庭禮  
儀西同明昌六年  
以減副使置閤門祇候二十五人正大間三  
十二人閤門通事  
舍人二員見通事  
舍人日從七品掌通班贊唱承奏勞問之事  
承奉班都知正七品掌率本班承奉之事舊置判官後  
罷 內承奉班押班正七品掌總率本班承奉之事  
御院通進四員從七品掌諸進獻禮物及薦享編次位  
續文獻通考卷之九十四 九十一

序一尚衣局提點正五品使從五品副使從六品掌御  
用衣服冠帶等事都監正九品直長正八品同監從九  
品 儀駕局泰和四年或以少府監  
官兼或兼少府監官提點正五品使從  
五品副使從六品掌殿庭鋪設帳幕香燭等事直長四  
員正八品收支都監正九品二員一員掌給受鋪陳諸  
物一員掌萬寧宮收支庫同監二員從九品司吏二人  
如內藏庫  
知書尚食局元光二年參用  
近侍奉御奉職提點正五品使從五品  
副使從六品掌總知御膳進食先嘗兼管從食官直長  
一員正八品不限  
資考都監三員正九品不限  
資考生料庫都  
監同監各一員掌給受生料物色 收支庫都監同監  
各一員掌給受金銀裘諸色器皿以外路差除  
人內選充 尚藥

局提點正五品使從五品出職官副使從六品掌進湯藥茶果直長正八品都監正九品果子都監同監各一員掌給受進御果子本局本太醫院古屬太常寺金屬宣徽提點正五品使從五品副使從六品判官從八品掌諸醫藥總判院事管勾從九品隨科至十人設一員以術精者充如不至十人併至十人置不限正奉上天醫一百二十副奉上天醫月日長行太醫月日十科額五十人御藥院提點從五品直長正八品掌進御湯藥明昌五年設以都監正九品不限同監從九品常除教坊提點正五品使從五品副使從六品判官從八品掌殿庭音樂總判院事諧音郎從九品不限考員數

續文獻通考卷之九十四

十一 五十五 京

內藏庫大定二年使從五品副使從六品掌內府珍寶財物率隨器都監等供奉其事直長一員頭面庫都監正九品同監從九品本把七人大定二年定出段疋庫都監正九品同監從九品本把十人金銀庫都監正九品本把八人雜物庫都監正九品同監從九品本把八人每庫知書宮闈局舊名宮闈司大定二年改提點正五品使從五品副使從六品掌宮中閤門之禁率隨位都監同監及內直各給其事直長正八品內直一百七十人內侍局令二員從八品與定五年丞二員從九品與定五年掌正位閤門之禁率殿位都監同監及御直各給其事局長二員從九品與定五年內直共六十四

人明昌元年分宮闈局正東門都監同監諸隨殿位內直置少監宮闈局承應都監同監掌各位承應及門禁管鑰昭明殿都監同監大定二十九年隆徽殿都監同監本隆和殿承輝殿都監同監承輝殿鸞翔殿都監同監係皇后位都監同監迎暉殿都監同監七妃充容太藥珠殿都監同監瑞寧殿都監同監回春殿都監同監芸香殿都監同監瑞像殿都監同監係佛凝福温芳二位都監同監瑞華柔則二位都監同監嘉福等殿位都監同監廣仁殿都監同監睿思殿都監同監滋福殿都監同監慶改杏政殿都監同監通英殿都監同監長慶院都監同監仙韶院都監

續文獻通考卷之九十四

十一 五十五 京

同監貞和門都監同監錢帛經此出明右昇平門都監同監長樂門都監同監瓊林苑都監同監各員廣樂園都監同監順儀位提控都監同監舊實瑞華門都監一員同監三員舊各太師位提控都監同監寶昌門都監同監會昌門都監同監東京孝寧宮都監同監崇妃位提控都監同監世宗夫惠妃位提控都監同監裕陵明昌溫妃位提控都監同監明昌四年報德寺提控都監同監世宗御容報恩寺提控都監同監明昌三年設三員寧福殿都監同監在南京安宣宗御容改與國感誠寺寧福殿都監同監三純和殿都監同監三仁安殿都監同

監三 真妃位都監同監 麗妃位都監同監 宣  
儀位都監同監 莊獻妃位都監同監 三廟都監同  
監 西華門都監同監 京後園都監同監 內侍奇  
祿官 泰和二年設初祿官 所以陞用內侍局御直內具  
有年勞者 中常侍 正五品 給事中 從五品 內殿通直 正六品  
名內殿 黃門郎 從六品 內謁者 正七品 內侍殿頭 從七品 內侍  
給使 高品 正八品 內侍高班 從八品 典衛司 大定二十九年  
位各設泰和五年閏八月以崇妃薨罷興定元年 令正  
復設世宗紀才人寶林位各設防衛軍導從人 七品丞從七品 孝靖宮 有監同無總領者故設 令  
從八品丞正九品端妃位同監 真妃位 慧妃位同監 真妃位  
從單 真妃位同監 柔妃唐 靚儀位同監 昭儀 才媛位  
氏 續文獻通考卷之九十四 十三 五百四十五

品左典禁右典禁從五品奉令正七品奉丞正八品太  
僕正六品副僕正七品門衛二員正六品典寶二員正  
六品謁者二員從六品閣正從七品閣丞從八品食官  
令正八品宮令正八品宮丞正九品醫令正八品醫丞  
正九品飲官令正八品飲官丞正九品主藏從八品副  
主藏從九品主廩從八品副主廩從九品 此不屬宣徽院附載于此  
元置宣徽院秩正三品掌供玉食凡稻粱牲牢酒醴蔬果  
庶品之物燕享宗戚賓客之事及諸王宿衛怯憐口糧  
食蒙古萬戶千戶合納差發係官抽分牧養孳畜歲支  
芻草粟菽羊馬價直收受關遺等事與尚食尚藥尚醢  
續文獻通考卷之九十四 十四 四百五十一  
三局皆隸焉所轄內外司屬用人則自為選定置使六  
員從一品同知一員正二品副使二員從二品僉院二  
員正三品同僉二員正四品院判二員正五品經歷二  
員從五品都事三員從七品照磨一員承發架閣庫一  
員並正八品其屬附見 大都尚飲局 上都尚飲局  
大都尚醢局 上都尚醢局 大都醴源倉 尚珍  
署掌收濟寧等處田土子粒以供酒材以上俱至元二  
十三年定置達魯花赤一員令一員並從五品丞二員  
正七品吏目二員 安豐懷遠等處糧田提領所 尚  
舍等掌行在帷幙帳房陳設之事供養駱駝供進愛蘭  
乳酪定置太監二員正四品少監監丞各二員知事一

員 諸物庫秩從七品掌出納大德四年置設提領大使副使各一員 闕遺監掌闕遺人口頭足諸物延祐七年定置大監一員正四品少監二員正五品監丞二員正六品知事一員從八品提控案牘一員從九品 尚食局掌供御膳及出納油麵酥蜜諸物至元二年置提點領進納百色生料二十年省併尚藥局為尚食局別置生料庫本局定置提點一員從五品大使一員正六品副使一員正七品直長一員正八品尚食尚藥古大都生料庫至元十一年置生料野物庫隸殿中監尚食局二十年別置庫置提點二員從五品大使二員正六品副使三員正七品 上都生料庫堂受弘州大同虎賁司農等歲辦油麵大都起運諸物供奉內府放支宮人宦者飲膳提點一員大使一員副使二員品秩同上 大都上都大倉各一掌內府支持米豆及酒材米麵藥物至元五年初立設官三員俱受制國用司使割付十二年改立提舉大倉設官三員隸宣徽後定置二倉各提舉一員正六品大使一員從六品副使一員從七品 大都上都柴炭局各一置達魯花赤各一員正七品大都大使一員上都大使二員各正七品副使各二員正八品直長各一人掌葦場典史各一人 尚牧所至大四年置設提舉二員從五品同提舉一員從六品副提舉一員從七品吏目一員 沙糖局掌沙糖蜂蜜煎造

及方貢果木至元十三年置十九年定置達魯花赤一員從五品提點一員從五品大使一員正六品副使一員正七品 永備倉掌受兩都倉庫起運省部計置油麵諸物及雲需府所辦羊物以備車駕行幸膳羞至元十四年置二十四年置提點一員從五品大使一員正六品副使一員正七品 豐儲倉掌出納車駕行幸支持膳羞大使一員從九品 淮東淮西屯田打捕總管府掌獻田歲入以供內府及湖泊山場漁獵以供內膳至元十四年始立總管府并管連海高郵湖泊提舉司沂州等處提舉司事十六年置揚州鷹房打捕達魯花赤總管府二十二年省并為淮東淮西屯田打捕總管府二十五年以兩淮新附手號軍千戶所隸本府及提舉司一十處定置達魯花赤一員正三品總管一員正三品同知一員正五品府判一員正六品經歷一員從七品知事一員從八品提控案牘一員從九品司吏六人 淮安州屯田打捕提舉司高郵屯田打捕提舉司招泗屯田打捕提舉司安東海州屯田打捕提舉司揚州通泰屯田打捕提舉司安豐廬州等處打捕提舉司鎮巢等處打捕提舉司塔山徐邳沂州等處山場屯田提舉司凡九處各設達魯花赤一員提舉一員並從五品同提舉一員從六品副提舉一員從七品吏目三人 抽分場提領所凡十處曰柴墟東西口曰海州新壩

曰北砂太倉曰安河桃源曰太湖東西口曰時堡興化  
曰高郵寶應曰汶湖等處曰雲山白水曰安東州每所  
各設提領一員同提領一員副提領一員俱受宣徽院  
劄付 洪武 掌收受各處子粒米麵等物以待轉輸  
京師至元二十五年置設大使一員正八品副使一員  
正九品 同 宗親子局軟皮局各置提領一員同提領  
一員副提領一員俱受宣徽院劄付 手號軍人打捕千  
戶所管軍人打捕野物皮貨至元二十五年置設達魯  
花赤一員從四品上千戶一員上副千戶一員彈壓一  
員 龍慶栽種提舉司管領縉山歲輸梁米并易州龍  
門爭邊官園瓜果桃李等物以奉上供至元十七年置  
續文獻通考

其職定置達魯花赤一員提舉一員俱從五品同提舉  
一員從六品副提舉一員從七品提控案牘一員都目  
一員 烏程武康德清長興安吉歸安湖汶宜興提領  
所七處每所各設正同副提領各一員俱受宣徽院劄  
付掌九品印 建康北苑武夷茶場提領所提領一員  
受宣徽院劄掌歲貢茶芽直隸宣徽  
中政院 古無此供奉中宮之  
職故附于宣徽院後  
成宗元貞二年立中御府以脫忽伯唐突並為府卿四年  
改中御府為中政院院使七員正二品同知二員正三  
品僉院二員從三品同僉二員正四品院判二員正五  
品掌中宮財賦營造供給并番衛之士湯沐之邑其幕  
職司議二員從五品長史二員正六品照磨兼管勾承  
發架閣一員正八品所屬附見 中瑞司掌奉寶冊卿  
五員正三品丞二員正四品典簿一員從七品 內正  
司掌百工營繕之役地產孳畜之儲以供膳服備賜于  
卿四員正三品少卿二員正四品丞二員從五品典簿  
二員從七品照磨兼管勾一員從九品領署二提領局  
一及其司屬凡十有六歲賦之額工作之程歲終則會  
其數以達 尚工署令一員從五品丞二員從六品掌  
營繕雜作之役凡百工名數興造程式與其財物皆經  
度之而責其成 皇慶元  
年置 列赤局秩從七品提領大使

副使各一員直長二員掌裁製縫紵之事延祐六年置贊儀署秩正五品提領大使副使各一員直長二員掌車輿器備繕造之事皇慶二年置

管領六磐山等處怯憐口民匠都提舉司秩正四品達魯花赤一員都提舉一員同提舉副提舉各二員知事提控案牘各一員初未有官署賦無所稽至大中遣使覈實始置稽設司所屬附見 奉元等路平涼等處甘肅寧夏等路察罕腦兒等處長官司凡五處秩正五品各設達魯花赤一員長官一員副長官一員提控案牘一員都目一員吏十人 延祐二年以民匠提領司所領地里濶遠人戶散處于政不便乃酌遠近聚募立長

續文獻通考

卷之九十四

九

百四十八

京

官司提領所以分理之提領所凡十並正七品奉元等路鳳翔等處平涼寧環等處開城等處察罕腦兒等處甘州等路沙肅等路永昌寧夏等路長城等路各設提領同提領副提領一員典史一人分掌怯憐口地方隸各長官司

翊正司令五員正三品丞四員正四品典簿二員從七品照磨一員從八品掌怯憐口民匠五千餘戶歲辦錢糧造作以供公上至元三十一年始置御位下管領隨路民匠打捕鷹房納綿等戶總管府正三品復隸正官位下延祐六年改明正司歲終會其出納以達于院而糾其弊領提舉司二提領所一管領上都等處諸色

人等及門達魯花赤一員提舉一員從五品同提舉一員從六品副提舉一員從七品直長都目吏目各一員元貞元年置管戶二千五百有奇 管領隨路打捕鷹房納綿等戶提舉司設官同上 管領歸德亳州等處管民提領所秩從七品提領同提領副提領典史各一員初平江南收附歸德楚通等三百五十六戶令脫忽伯管領大德二年始置提領所 典飲局秩正七品大使副使各二員典史一員贊典二人掌醞造酒醴以供內府及祭祀燕享賓客頒賜之給初置嘉醞局秩六品隸家令至大二年改典飲兩都分置皇慶元年檢隸中宮

續文獻通考

卷之九十四

千

四四十八

京

官領大都等路打捕民匠等戶總管府達魯花赤一員總管一員並正三品同知二員正四品副總管一員正五品經歷一員從七品知事一員從八品提控案牘照磨一員掌錢帛造作之事初平定河南諸郡收聚人戶一萬五千有奇置官管領至元二十年改隸中尚監二十六年始置總管府後屬中政領提舉司十有一提領所二十有五 在京提舉司二涿州保定真定冀寧河南大名東平東昌濟南等路提舉司凡九秩俱從七品各設達魯花赤一員提舉同提舉副提舉都目各一員提領所二十五處大都等路東安州濟寧曹州沂州完州河間濟南濟陽大同元氏冀寧管寧歸德南陽

孟汝寧衛輝曹州涿州真定中山平山大名高唐等處  
各設提領同提領副提領典史各一員

管領諸路打捕鷹房民匠等戶總管府達魯花赤一員  
總管一員正三品同知一員正五品副總管二員從五  
品經歷一員從七品知事一員從八品提控案牘照磨  
各一員以下掌錢糧造作之事大德三年始置元貞  
元年撥隸中官位下領提舉司四提領所十有一管  
民提舉司大都等路冀寧等路南陽唐州等處河南路  
府等處凡四司秩從五品每司設達魯花赤一員提舉  
同提舉副提舉都目各一員 提領所十有一大都保  
定河間真定南陽鄆州濟南高汝汴梁裕州汝濟陳州  
續文獻通考卷之九十四

唐州沁陽襄陽湖陽晉寧冀寧等處各設所秩正七品  
每所提領二員同提領副提領典史各一員

江浙等處賦財都總管府置官與諸路打捕鷹房總管  
府同掌江南沒入貨產課其所賦以供內儲領提舉司  
三庫局各一 平江松江建康等處提舉司凡三處秩  
並正五品每司各設達魯花赤一員提舉同提舉副提  
舉都目吏目各一員司吏六人 豐盈庫提領一員大  
使副使各一員典史一人掌收本府錢帛 織染局局  
使一員典史一人掌織局歲造設匹

管領種田打捕鷹房民匠等戶萬戶府秩正三品掌歸  
德亳州永宿二十餘城各蒙古漢軍種田戶差稅初隸

塔察兒王位下其後改屬中官萬戶經歷知事提控案

牘各一員令吏四人領司屬凡十處 管領大名等處

種田諸色戶總管府秩正五品總管副總管都目各一

員 管領本投下大都等處諸色戶都達魯花赤秩正

五品達魯花赤與提控案牘都目各一員 管領大都

河間等路打捕鷹房總管府秩正五品總管副總管都

目各一員 管領東平等路管民官秩正五品總管副

總管都目各一員 管領大名等路宜撫司 燕京路

管民千戶所秩從五品提領副提領各一員 管領曹

州等處本投下民戶 管領東明等處本投下戶計

管領蒲城等處本投下諸色戶計 管領汴梁等路本  
續文獻通考卷之九十四

投下種田打捕驅戶四提領所秩正七品提領各二員

同提領副提領各一員典史司吏各一人

海西遼東哈思罕等處鷹房諸色人匠怯憐口萬戶府

秩正三品達魯花赤一員萬戶副萬戶經歷知事各一

員提控案牘兼照磨一員譯史一人掌錢糧造作之事

管領哈思罕等處肇州朵因溫都兒諸色人匠四千戶

仍領鎮撫所千戶所 鎮撫司鎮撫一員吏一人 哈

思罕等處打捕鷹戶怯憐口千戶所秩從五品達魯花

赤千戶副千戶吏目各一員司吏四人彈壓一人部役

二人至大三年置提舉司延祐六年改千戶所 諸色  
人匠怯憐口千戶所秩從五品設官同上吏目為都目



無彈壓初爲提舉司後改千戶所 肇州等處女直千戶所 朵因溫都兒乃良哈千戶所 仄赤兒等處怯憐口千戶所 開元等處怯憐口千戶所 石州等處怯憐口千戶所 潘陽等處怯憐口千戶所 遼陽等處怯憐口千戶所 蓋州等處怯憐口千戶所 盤旋等處怯憐口千戶所

遼陽等處金銀鐵冶都提舉司秩正四品都提舉同提舉副提舉案牘提控各一員譯史一人吏六人奏差二人掌辦金銀砑鐵等課分納中書省及中政院七年盡歸中宮 寶昌庫提領一員大使一員掌受金銀砑鐵之課以待儲運 金銀場提領所凡七梁家寨銀場明

續文獻通考卷之九十四

主三十九

世銀場密務銀場寶山銀場燒炭峪銀場胡寶峪金場一七寶山砑炭金場俱從七品每所各設提領同提領副提領各一員 鐵冶管勾所凡二處各設管勾同管勾副管勾一員 奉宸庫秩五品提點四員副使二員提控案牘一員庫子六人掌中藏寶貨錢帛給納之事 廣禧庫達魯花赤一員提舉一員大使一員副使二員提控案牘一員庫子四人大德八年掌收支御膳野物職視生料庫 已上皆屬中政院又有諸路怯憐口民匠以善造作屬中宮者詳總管下

皇明

國朝不設宣徽中正二院 國初設承天門侍詔一員閤門使四員觀察使十員後皆裁凡事涉 宮闈如尚衣尚膳等皆統于內侍所掌見內侍省下而酒膳等別立光祿寺所掌見光祿寺下醫藥等項別立太醫院所掌見太醫院下其錢帛製造等事則有寶鈔提舉諸司及承運等庫御馬等倉俱屬戶部亦有與內侍同事者今列于后

寶鈔提舉司

提舉一員

副提舉一員

典史一員

鈔紙局

大使一員

副使一員

續文獻通考卷之九十四

主三十三

印鈔局

大使一員

副使一員

寶盈庫

後添設

大使一員

副使一員

寶鈔廣惠庫

大使一員

副使二員

廣積庫

大使一員

副使一員

典史一員

嘉靖三十一年革

贓罰庫

大使一員

副使二員

承運庫

大使一員

副使一員

嘉靖三十  
六年革

外承運庫

後革

大使一員

副使一員

甲乙丙丁戊字庫

大使各一員

副使六員

今止甲丙丁  
副使一員

行用庫

後革

大使一員

副使一員

御馬倉

後添設

大使一員

副使一員

太倉銀庫

續文獻通考卷之九十四

五十八

大使一員

軍儲倉

後革

大使一員

副使一員

長安西安北安東安門倉

副使各一員

張家灣檢校批驗所

大使一員

副使一員

俱隆慶  
六年革

龍江鹽倉檢校批驗所

南京

大使一員

副使一員

長信寺

古無

元成宗大德五年置長信寺秩正三品領大幹耳朵怯憐

口諸事卿四人少卿二人丞二人經歷知事各一人以

宦者爲之所屬三怯憐口諸色人匠提舉司領大都

上都二鐵局并怯憐人匠所材木鐵炭皮貨諸色備幹

耳朵各支房帳之需置達魯花赤提舉同提舉副提舉

各一人大都鐵局掌幹耳朵上下往來粧釘房車

上都鐵局職掌同

長秋寺

古無

元文宗皇慶元年立長秋寺秩正三品掌武宗五幹耳朵

戶口錢糧營繕諸事寺卿五人少卿二人丞二人經歷

知事各一人其屬二怯憐口諸色人匠提舉司其一

掌正官造作之役一掌武宗軍士北來人匠

至大元年  
幹耳朵三

續文獻通考卷之九十四

五十八

位下撥到人匠五百九十三戶始

置提舉司隸中政院後屬長信寺

承徽寺

古無

元英宗至治二年置承徽寺秩正三品掌答兒麻失里皇

后位下錢糧營繕等事寺卿五員正三品少卿二員從

四品寺丞二員從五品經歷知事各一員其屬二怯

憐口諸色人匠提舉司二秩正五品各設達魯花赤一

員提舉同提舉副提舉各一員

長寧寺

古無

元英宗至治三年立長寧寺秩正三品掌速哥八剌皇后

位下戶口錢糧營繕等事寺卿六員正三品少卿二員

正四品寺丞二員正五品經歷知事各一員

長慶寺 古無

元泰定帝元年立長慶寺秩正三品掌成宗幹耳朶及常歲管辦禾失房子行幸怯薛台人等衣糧之事寺卿六員少卿二員寺丞二員品秩同長寧寺經歷知事各一員

寧徽寺 古無

元文宗天曆二年立寧徽寺秩正八品隸八不沙皇后位下寺卿六員少卿四員丞二員品秩同長慶寺經歷知事各一員

徽政院 古無

元順帝元統元年依太皇太后故事爲皇太后置設立官

續文獻通考卷之九十四

三十七

京

屬三百六十有六人 掌謁司秩正三品卿四員少卿

四員丞二員典簿二員至元二十三年改典寶署爲掌

謁司 三庫監秩正三品卿三員太監少監丞各二員

經歷知事照磨各一員掌供須文成藏珍三庫出納之

事 典收司秩正三品令丞各四員照磨一員掌供帳

及扈從蓋造之人大德十一年後改入羣牧監 章慶

使司秩正三品司使四員同知副使司丞各二員經歷

都事各二員照磨管勾各二員 奉徽庫秩從五品提

點大使各二員副使四員庫子六人掌內庫供給至治

三年罷併入文成等庫 壽和著秩正五品署令四員

署丞六員舊隸儀鳳司皇慶元年改隸徽政院遂爲軍

慶使司之屬後罷 上都掌設署秩正五品署令五員

署丞二員後罷 掌醫監詳見太醫署 修合同藥正

司詳見太醫署 行篋司藥局廣濟提舉司詳見太醫

署 羣牧監詳見太僕寺 掌儀署秩正五品令丞各

二員掌戶口房舍等泰定元年改典設局上都掌儀署

官秩職掌同至治三年罷 江西財賦提舉司秩從五

品達魯花赤一員提舉同提舉副提舉各一員掌事產

戶口錢糧造作事至元二十七年立至治二年罷 織

染局局使副使局副各一員相副官一員 桑落娥眉

洲管民提領所提領副提領各一員 龍興打捕提領

所提領副提領各一員 鄂州等處民戶水陸事產提

續文獻通考卷之九十四

三十八

京

舉司達魯花赤一員提舉同提舉副提舉各一員掌太

子位下江南園囿田土莊宅人戶至元二十一年立

瑞州上高縣戶計長官司秩從五品達魯花赤長官副

長官各一員領本處戶八千 已上俱隸徽政院 管

貢大都等路打捕鷹房膳服人戶總管府詳都總管下

資正院 古無

元順帝至元六年爲完者忽都皇后置後又改崇政院秩

正二品院使六人同知僉院同僉院判各二人經歷都

事管勾照磨各一人

皇明不設長信寺以下諸職其事悉分統二十四監見內

侍省門

續文獻通考卷之九十五

皇明進士雲間王圻纂輯

職官考 將軍都尉錦衣閣門京尹歷朝東官官  
將軍總目

遼南面各衛有大將軍聖宗開泰七年皇子宗簡為右衛

大將軍 又有上將軍統和二十二年王繼忠為左武

衛上將軍 次有將軍之職太平四年蕭順為千牛衛

將軍下有折衝都尉果毅都尉二職

金諸衛有上將軍正三品大將軍從三品次將軍正四品

元多稱指揮使惟有鎮殿者稱將軍

大將軍

續文獻通考卷之九十五

一 三百八十一

遼北面大將軍府統所治軍之政令官曰大將軍曰上將

軍曰將軍曰小將軍外有大詳穩司與大將軍府並官

曰大詳穩曰都監曰將軍曰小將軍曰軍校曰隊帥所

屬有護軍司官曰護軍司徒有衛軍司官曰衛軍司徒

有諸路兵馬統署司官曰諸路兵馬都統署曰諸路兵

馬副統署屬大將軍府下有東都省分掌軍馬之政官曰東都

省太師有西都省分掌軍馬之政官曰西都省太師屬大將軍府下

詳穩司

金章宗泰和六年伐宋權設平南撫軍上將軍正三品平

南冠軍大將軍從三品次平南龍驤將軍平南虎威將

軍平南盪江將軍殄寇中郎將殄寇郎將殄寇折衝都

續文獻通考九十四卷終

三九 三



詳穩司詳見兵制 南面有親衛有勳衛有翊衛而後

有左右衛設官曰大將軍曰上將軍曰將軍曰折衝都

尉曰果毅都尉

金以舊合扎猛安為侍衛親軍立侍衛親軍司以統之

其左右衛將軍領于殿前都點檢

元

左右衛隸樞密院秩正三品中統三年初置武衛至元二

年改為侍衛八年改為左右中三衛掌宿衛屯從教屯

田國有大事則調度之定置都指揮使三員正三品副

都指揮使二員從三品僉事二員正四品經歷二員從

七品知事二員照磨二員俱從八品所屬十有五

續文獻通考卷之九十五

四

二十

撫所鎮撫二員 行軍千戶所十秩正五品達魯花赤

十員副達魯花赤十員千戶十員副千戶十員彈壓二

十員百戶二百員知事十員 弩軍千戶所一秩正三

品達魯花赤一員千戶一員彈壓二員百戶十員 屯

田千戶所二秩正五品達魯花赤二員千戶二員彈壓

二員百戶十員 教官二蒙古字教訓一員儒學教授

一員掌諸屯衛行伍耕戰之暇使之習國字通曉書記

初由樞府選舉後歸吏部

左衛前衛中衛後衛職掌官秩並同右衛俱隸樞密院

前衛所屬冬門尉二平則門尉一員順承門尉一員

衛所屬少屯田千戶一所

唐元衛親軍都指揮使司至元十八年立隸樞密院總

領河西軍三千人以備征討定置都指揮使三員正三

品副都指揮使二員從三品僉事二員正四品經歷一

員從七品知事照磨各一員俱從八品鎮撫二員與管

官正副各一員 千戶所九翼正千戶副千戶俱九員

百戶七十二員彈壓九員與管官正副各九員 門尉

三建德門一和義門一肅清門一

貴赤衛親軍都指揮使司至元二十四年立隸樞密院

定置達魯花赤一員正三品都指揮使二員從三品副

都指揮使二員從三品僉事二員正四品經歷二員從

七品知事二員照磨一員鎮撫二員 千戶所八翼每

續文獻通考卷之九十五

五

四百卅一

所置達魯花赤一員千戶一十六員百戶八十員彈壓

八員門尉二員

西域親軍都指揮使司元貞元年依貴赤唐元二衛例

而立隸樞密院定置達魯花赤一員正三品都指揮使

二員正三品副都指揮使二員從三品僉事二員正四

品經歷二員從七品知事二員承發架閣兼照磨一員

並從八品鎮撫二員 行軍千戶所千戶一十三員百

戶二十九員 把門千戶二員百戶八員門尉一員

教官儒學教授一員

宗仁蒙古侍衛親軍都指揮使司隸樞密院至治三年

以亦乞列思人氏一百戶與所收蒙古子女通三千戶

及屯田漢軍二千戶立宗仁衛以統之定置都指揮使  
三員正三品副都指揮使二員從三品僉事二員正四  
品經歷二員從七品知事二員照磨一員俱從八品鎮  
撫二員 蒙古軍千戶所一十翼千戶二十員百戶一  
百員彈壓一十員 屯田千戶所千戶四員百戶四十  
員彈壓四員 教官二儒學教授一員蒙古教授一員  
隆鎮衛親軍都指揮使司隸樞密院秩正三品掌屯軍  
徵巡盜賊于居庸關南北口統領欽察阿速護軍三千  
六百九十三人屯駐東西四十三處皇慶元年陞隆鎮  
萬戶府為隆鎮衛置都指揮使三員正三品副指揮使  
二員從三品僉事二員正四品經歷二員從七品承發  
兼照磨一員俱從八品其屬十有二 鎮撫所鎮撫二  
員 北口千戶所秩正五品達魯花赤一員千戶一員  
百戶七員于上都路龍慶州東口置司 南口千戶所  
秩正五品達魯花赤一員千戶百戶各一員彈壓一員  
于大都路昌平縣居庸關置司 白羊口千戶所設官  
同上多百戶一員于大都路昌平縣東口置司 牌樓  
口千戶所設官同上于應州金城縣東口置司 古北  
口千戶所設官同上多百戶五員于檀州北面東口置  
司 遷民鎮千戶所設官同上多百戶五員于大寧路  
東口置司 黃花鎮千戶所設官同上于昌平縣東口  
置司 蘆花嶺千戶所設官同上于昌平縣本口置司

大和嶺千戶所設官同上于大同路昌邑縣本監置  
司 紫荊關千戶所設官同上于易縣本監置司 隆  
鎮千戶所設官同上多百戶八員于龍慶州北口置司  
左右翼屯田萬戶府二隸樞密院秩從三品分掌幹端  
別十八里廻還漢軍及大名衛輝新附之軍并迤東廻  
軍合為屯田至元二十六年置延祐五年隸詹事院併  
入衛率府復改隸樞密院定置兩府達魯花赤各一員  
萬戶副萬戶經歷知事提控案牘各一員 千戶八所  
達魯花赤八員千戶八員副千戶八員百戶五十九員  
彈壓一十六員 千戶四所達魯花赤四員千戶四員  
副千戶四員百戶五十二員彈壓八員  
左翊蒙古侍衛親軍都指揮使司隸山東河北蒙古軍  
大都督府至元二十三年以蒙古侍衛總管府依五衛  
例而立定置都指揮使三員正三品副都指揮使二員  
從三品僉事二員正四品經歷二員從七品知事二員  
承發架閣兼照磨一員並從八品鎮撫二員 千戶所  
七翼正千戶副千戶知事彈壓各七員百戶六十二員  
右翊蒙古侍衛親軍都指揮使司設官同上 千戶所  
一十二翼正千戶副千戶知事彈壓各一十二員百戶  
一百九員 教官蒙古字教官二員儒學教授一員  
虎賁親軍都指揮使司隸山東河北蒙古軍大都督府  
至元十六年立管領上都路元籍軍人兼與魯之事定



置都指揮使三員正三品副都指揮使二員從三品僉事二員正四品經歷二員從七品知事照磨兼承發各一員並從八品鎮撫一員都目一員 撒的亦千戶翼正達魯花赤一員副達魯花赤一員正千戶一員副千戶一員百戶二十二員彈壓二員 不花千戶翼 脫脫木千戶翼 大忽都魯千戶翼 楊千戶翼 迷里火者千戶翼以上設官皆同只百戶有多寡耳

### 左右驍衛

遼南面有左右驍衛設官曰大將軍曰上將軍曰將軍曰折衝都尉果毅都尉

金海陵正隆五年罷親軍司以所掌付大興府置左右驍衛

續文獻通考卷之九十五

入

衛所謂從駕軍也

元無考

### 左右武衛

遼南面有左右武衛設官與驍衛同

金武衛軍都指揮使隸尚書兵部設官都指揮使從三品

大定二十九年以武衛軍六十八人兵馬一員副都指揮使二員從四品副都一員從四品

一員從三品掌防衛都城警捕盜賊 鈐轄司鈐轄十員正六品

二十員從九品 掌管轄軍人防衛警捕之事

承安元年設萬人內軍八千九百人 十九人忠衛二百人

元世祖中統三年初置武衛 至元元年改為侍衛八年改為左右中前後五衛二十六年樞密院以六衛六千人入大都屯田三千人近路迤南萬戶府一千人總一萬人立武衛親軍都指揮使司掌修治城隍及京師內外工役兼大都屯田等事設達魯花赤一員都指揮使一員俱正三品副都指揮使二員從三品僉事二員正四品經歷二員從七品知事照磨各二員俱從八品所屬鎮撫所一行軍千戶所七屯田千戶所六教官二其設官俱與左右中前後衛同

### 左右威衛

遼南面有左右威衛設官與驍衛同

續文獻通考卷之九十五

九

金制無考

元

初制左都威衛使司秩正三品使三員副使二員僉事二員經歷知事照磨各一員 至元十六年以侍衛親軍一萬戶撥屬東宮立侍衛親軍都指揮使司三十一年改隆福宮左都威衛使司隸中宮右都威衛使司設官同 中統三年以世祖五投下探馬赤立總管府秩四品設總管一員二十一年撥屬東宮二十二年改隆福宮侍衛親軍都指揮使司秩正三品三十一年改隆福宮右都威衛使司秩仍舊 左都威衛屬 鎮撫所鎮撫二員都目一員 行軍千

戶所千戶二員副千戶二員知事彈壓各一員百戶二員  
屯田左右千戶二所千戶二員都目一員彈壓  
一員百戶每所二十員 弩軍千戶所千戶二員都目  
一員彈壓一員 資食倉大使一員副使一員  
右都威衛屬 鎮撫司同左 行軍千戶凡五所秩正  
四品千戶五員副千戶五員知事五員百戶五十員彈  
壓五員 屯田千戶所秩正五品千戶二員彈壓一員  
百戶七員都目一人 廣貯倉秩從九品大使一員副  
使一員攢典一人

忠翊侍衛親軍都指揮使司 至元二十九年立屯田  
府 大德十一年增軍數立為大同等處指揮使司後  
續文獻通考卷之九十五 十一 三十四京

改中都威衛使司隸徽政院尋改隸樞密 至治元年  
改為忠翊侍衛置都指揮使等官與左右中前後衛同  
左右領軍衛

遼南面有左右領軍衛設官與驍衛武衛威衛同  
金元制無考

左右金吾衛

遼南面有左右金吾衛設官與領軍衛同

金制無考

元世祖至元九年初立阿速拔都達魯花赤置屬官二十

三年遂名為阿速之軍 至大二年改立左右阿速衛

親軍都指揮使司掌扈從車駕宿衛城禁兼營潮河縣

沽兩川屯田供給軍儲設官與武衛同左阿速衛屬五  
右阿速衛屬四 行軍千戶所千戶七員百戶九員  
把門千戶二員百戶五員門尉一員 本把下達魯花  
赤一員長官一員副長官一員 廬江縣達魯花赤一  
員主簿一員 教官儒學教授一員以上屬左阿速衛  
本把下達魯花赤二員長官二員 鎮巢縣達魯花  
赤二員主簿二員 圍宿把門千戶所一十三翼千戶  
二十六員百戶一百三十員彈壓一十三員 教官儒  
學教授一員以上屬右阿速衛

皇明京衛武學 洪武二十年禮部請立武學開武舉不  
許日是岐文武為二道也 建文四年始置京衛武學  
續文獻通考卷之九十五 十一 三十七京

教授一人啟忠等十齋各訓導二人 靖難後革 正  
統中復設教授一人訓導六人掌教京衛幼官及應襲  
舍人以待科舉而聽於兵部

左右監門衛

遼南面有左右監門衛設官與金吾衛同

金無考

元有塔剌魯萬戶府掌守禁門等處應直宿衛其職與監  
門同屬大都督府官職詳本府

左右千牛衛

遼南面有左右千牛衛設官與金吾同

金元無考

左右羽林衛

遼南面有左右羽林軍設官與千牛同

金無考

元仁宗延祐四年改東宮衛率府為中翊府又改為御臨親軍都指揮使司後以御臨非古典改為羽林六年復隸東宮仍為左衛率府見東宮屬

左右龍虎軍

遼南面有左右龍虎軍設官同羽林軍

金制無考

元有龍翊侍衛親軍都指揮使司 天曆元年立隸大都

督府設官見本府下

續文獻通考卷之五十五

十二 六京

左右神策軍

遼南面有左右神策軍設官與龍虎軍同外又有左右神武軍有左右神威軍皆因古制而增者

金元無

皇明

在京上直二十二衛曰錦衣曰旗手曰金吾前曰金吾後曰羽林左曰羽林右曰府軍曰府軍右曰府軍左曰府軍前曰府軍後曰虎賁左是為上十二衛曰金吾左曰金吾右曰羽林前本比平三護衛曰燕山左曰燕山右曰燕山前曰大興左曰濟川曰通州本比平都司衛是為上十衛凡二十二衛各親軍指揮使司曰騰驤左曰

騰驤右曰武驤左曰武驤右是為四衛亦曰親軍指揮

使司曰武功中曰武功左曰武功右以匠故隸工部曰永清左曰永清右曰彭城三衛長陵景陵獻陵裕陵茂陵泰陵康陵永陵昭陵九衛為陵衛並不隸督府亦不稱親軍曰留守左藩陽左藩陽右驍騎右鎮南龍虎六衛隸左府留守右虎賁右武德三衛隸右府留守中神策和陽應天四衛牧馬千戶所隸中府留守前龍驤豹韜三衛隸前府留守後武成中神策後忠義左忠義右忠義前忠義後義勇前義勇右大寧前大寧中蔚州左會州富峪寬河興武鷹揚神武左十九衛隸後府留守

五衛專巡察守衛

續文獻通考卷之九十五

十三 四六京

京衛皆有指揮使指揮同知指揮僉事衛鎮撫所統千戶所有正千戶副千戶實授百戶試百戶所鎮撫五年一廢置之曰考選軍政衛三人所二人百戶不能皆賢一人兼數印凡總領庶務曰掌印僉書分理屯田驗軍存恤管操守衛皆曰見任管事選使同知僉事正副千戶任之充營官者亦如之不足任事入隊曰帶俸差操凡官有定員功陞日衆視原額增不啻十九凡世流襲替優給優養隸都督府者上府移兵部親軍衛直達兵部凡入營者聽京營文武大臣督理衛有經歷一人收馬千戶所蕃牧千戶所募靖千戶所各有吏目一人經歷吏目典出納文移或有收糧經歷一人倉大使副使

各人於京倉通倉收支漕粟凡吏若干人南京五軍都督府用公侯伯都督同知僉事府三人經歷都事各一人孝陵衛親軍錦衣等衛隸府留守中等衛各有指揮使同知僉事衛鎮撫正千戶副千戶所鎮撫百戶試百戶無常員經歷各一人所或有吏目一人

錦衣衛本國初儀鑾司先是甲辰設拱衛司領校尉隸都督府尋改拱衛指揮使司又以拱衛司類古衛尉寺改都尉司 洪武二年定爲親軍都尉府統中左右前後五衛軍士而儀鑾司隸焉十五年罷府及司置錦衣衛親軍指揮使司鎮撫司理衛中刑名如列衛而兼管軍匠謂之南鎮撫司北鎮撫司本添設專理 詔獄 成

續文獻通考

卷之九十五

化十四年始給印分司得直達 洪武二十年焚衛刑

具盡出其繫囚送刑部審理二十六年又申鞠刑之禁

永樂時紀綱幸用事任遇漸異衛凡十八所錦衣中

左右前後五所領軍士五所各分鑾輿擎蓋扇子旌節

旛旗班劍斧鉞戈戟弓矢馴馬十司分領將軍校尉上

中上左右上上前上後中後親軍分領將軍力士軍匠

馴象所領象奴養象

本衛掌侍衛之事恩功寄祿無常員恒以都指揮都督

領之凡大漢將軍力士校尉分番護 駕直宿巡察凡

大朝 駕出入督設鹵簿儀仗凡 皇城四門日夜番

直巡警凡盜賊奸宄街塗溝渠密緝而時省之凡奉

旨鞫獄錄囚勘事與三法司從事凡北試併鎗監視焉鎮撫司掌衛刑名兼理軍匠添設鎮撫二人別印分司專理 詔獄獄成直達上下法司覆擬經歷一人典出納文移鎮撫二員成化十四年始增鑄印信分理刑管軍匠各爲一司 凡問刑悉照舊例徑自奏請不經本

衛有事送問問畢仍自具奏俱不呈堂 凡鞫問姦惡重情得實具奏請 旨發落內外官員有犯送問亦如之舊制俱不用參語 成化元年始令覆奏用參語凡獄情 宣德六年令看監千百戶等有透漏獄情者斬 成化二十年令一應大小獄情俱要嚴密關防不許透漏及受人囑託本衛堂上官不許干預有故違者

續文獻通考

卷之九十五

指實奏 聞治以重罪 凡東廠及本衛各處送到囚

犯 弘治十三年令本司從公審察究問務得真情若

有冤枉卽與辨理不許拘定成案濫及無辜

世宗嘉靖元年六月禁庵人弟姪勿得陳乞錦衣官以撓

國是著爲 令從彭澤議也 二年司禮監太監鮑忠

傳 旨莊奉夫人弟福海及肅奉夫人弟錦衣旗校顧

錦俱授世千戶後復乞蒞官治事科官夏言御史屠儔

等爭之不報甲子 命太監黃錦蔭弟姪一人錦衣衛

百戶 是年秋八月以洪壇大素二殿成工部具奏乞

恩 上悅命太監王錫蔭弟姪一人徐杲係木工匠工廕

一子錦衣衛百戶太監張琮賈胤各廕弟姪一人錦衣

所撫

今上萬曆二十三年三月兵部接出揭帖 聖諭 御前

診視進藥效有微勞聖濟殿提督 御馬監孫成廕弟

一人與做錦衣正千戶內官太監王永廕弟姪一人

與做錦衣衛冠帶總旗 又 聖諭 御前答應效勞

御馬監魏學顏司設太監楊朝尚膳監趙升 御馬

監王榮谷朝各廕弟姪一人與做錦衣衛總旗 又

聖諭 御前侍衛問安效有勤勞 乾清宮近侍司禮

監太監田義孫隆陳矩成敬管事 御馬監周臣張臣

高貴牌子 御用太監田詔胡進 御馬監楊科胡忠

各廕弟姪一人與做錦衣衛實授百戶 又 聖諭禮

儀房管事掌房錦衣衛指揮僉事陳胤征陞三級正千

戶鄭國賢實授百戶宋萬言各一級都仍舊本房供事

又 聖諭禮儀房醫婦陳氏男錦衣衛總旗李經沈

氏夫宛平縣民石奉各陞一級兵部知道

殿前司

遼南面有黥檢司有殿前都點檢司有黥檢侍衛親軍馬

步司官曰某都點檢曰某副點檢曰同知某副點檢外

別有指揮使司侍衛親軍馬步軍都指揮使司設官南

京亦置司官同 侍衛控鶴兵馬都指揮使司 侍衛

漢軍兵馬都指揮使司 四軍兵馬都指揮使司 歸

聖軍兵馬都指揮使司聖宗統和五年以宋降軍置七

歸聖軍左廂兵馬都指揮使司 歸聖軍右廂

兵馬都指揮使司 第一左廂兵馬都指揮使司右廂

兵馬都指揮使司 第二左廂兵馬都指揮使司右廂

兵馬都指揮使司 第三左廂兵馬都指揮使司右廂

兵馬都指揮使司 第四左廂兵馬都指揮使司右廂

兵馬都指揮使司 第五左廂兵馬都指揮使司右廂

兵馬都指揮使司 第六左廂兵馬都指揮使司右廂

兵馬都指揮使司 第七左廂兵馬都指揮使司右廂

兵馬都指揮使司 宣力軍都指揮使司 天聖軍都

指揮使司 四捷軍都指揮使司 漢軍都指揮使司

以上各設官曰某軍都指揮使某軍副指揮使某軍

都監又五京各設都虞候司官曰都虞候亦殿前司職

也

金殿前都點檢司天眷元年掌親軍總領左右衛將軍官曰

殿前都點檢正三品兼侍衛將軍都指揮使掌行從宿

衛關防門禁督攝隊仗總判司事殿前左副都點檢從

三品兼侍衛將軍副都指揮使殿前右副都點檢從三

品兼侍衛親軍副都指揮使掌官掖及行從宿衛殿前

都點檢判官從六品知事一員從七品殿前左衛將軍

殿前右衛將軍殿前左衛副將軍殿前右衛副將軍掌

官禁及行從警嚴仍總領左右護衛同左右衛別 正

隆五年置副都指揮使隸點檢司

元符殿將軍莫選身軀長大異常者克之凡有所請給名曰大漢衣糧年過五十方許出官

### 侍衛馬軍司

遼南面有侍衛親軍馬步軍都指揮使司官曰馬步軍都指揮使曰馬步軍副指揮使曰馬步軍都監而其分屬有侍衛親軍 馬軍都指揮使司官曰馬軍都指揮使曰馬軍副指揮使曰馬軍都監 南京設官同 黃龍府設官亦同

金海陵時于侍衛親軍內選三十以下千六百人騎兵曰龍翔以備宿衛 哀宗時凡征進馬軍大于步軍改立隊伍鞍勒甲兵一切更新其官制未詳

續文獻通考卷之九十五

太

三月

元無考

### 侍衛步軍司

遼南面有侍衛親軍步軍指揮使司設官與馬軍司同

南京亦置

金海陵時與騎兵同選備宿衛號曰虎步軍時置步軍都副指揮使隸宣徽院 哀宗時以馬軍所選未精加閱試得三千人外悉罷歸為步軍其設官未詳

元無考

皇明

掌領侍衛侯伯駙馬等官六員二員管錦衣衛大漢將軍及勦衛散騎舍人府軍前衛帶刀官四員管三千營紅

盛將軍營又刀官軍 錦衣衛大漢將軍一千五百七員各府軍前衛帶刀官四十員三千營紅盛將軍一千五百員各把總指揮十六員明甲將軍五百二員各把總指揮四員大漢將軍八員五軍營又刀圍子手三千名把總指揮八員

勦衛散騎舍人無定員 旗手等二十衛帶刀官一百八十員

憲宗成化初令侍衛二十年退閒者冠帶榮身十五年令侍 經筵八年者授試百戶五年實授凡千百戶照品給俸其餘月支米二石身故而子孫願代及投充者驗

中方許

續文獻通考卷之九十五

十九

三十一

### 守衛事例

凡各門守衛官員照依分定 皇城四門等處地方各領銅符收掌守衛遇巡城官到來將銅符比驗相同方許點聞

憲宗成化十二年奏准每日 長安左右門初開先放常朝見辭等項官吏盡絕方許驗牌放進各監局工役人等有攙越混進及挾帶財物入內買賣者守衛官具奏治罪

孝宗弘治三年題准大漢將軍并金吾等二十衛守衛等官各督所屬軍士凡遇北虜小王子并瓦剌使臣朝見辭謝進入之時各要部伍齊肅甲仗鮮整不許諠譁

錯亂違者叅問 十四年令各門進納錢糧所在守門軍士及門吏邀索財物者聽點城及巡視科道官叅提問罪

武宗正德四年題准朝叅官員跟隨人役照例大臣三人餘者一人其供應人等務候朝畢驗進若故違并數外多帶及先期闖入者守衛官軍即時阻退如軍有緊閑代替官有賣放私占辦納網巾菜蔬等項俱聽巡視科儀科道等官叅奏重治

中郎將

金章宗泰和時伐宋置武臣九階中有殄寇中郎將見前

遼元無

都尉

遼無

金章宗泰和中伐宋置武臣九階未有殄寇折衝都尉殄寇果毅都尉見前 元光間招義軍置總領使從五品副

使從六品訓練官從八品 正大元年更總領名都尉

陸秩四品四年又陞爲從三品有建威折衝振武盪寇

果毅殄寇虎賁鷹揚破虜之名

元無

皇明無

駙馬都尉

遼北面有駙馬都尉府掌公主宅帳之事官曰駙馬都尉

金駙馬都尉正四品

元尚公主者皆稱駙馬都尉封王爵

皇明駙馬都尉位次於侯凡尚公主長公主大長公主並稱駙馬都尉尚郡主縣主郡君縣君鄉君並稱儀賓食祿有差皆不得預政事國初駙馬或典兵鎮守李堅副總兵封樂城侯自後多署宗人府事嘉靖初崔元以迎駕封京山侯 二年 憲宗妹永福長公主歸祭震禮部上儀狀謂駙馬當四拜 公主坐受其二科臣安磐言 孝惠太后几筵未徹不宜行婚禮駙馬雖賤而公主坐受爭夫婦之禮不聽

知閣門事

續文獻通考卷之九十五

主 三 聖 宗

遼南面有東上西上二閣門司屬門下省 太宗會同元

年置官曰東上閣門使曰東上閣門副使其西司設官

並同次有東頭西頭承奉二班官曰承奉官東西並同

各屬門下省

金閣門使屬宣徽院官職見前

元無考

皇明國初暫置見殿閣學士中後革

京尹

遼南面五京尹俱以留守行事

金大興府尹一員正三品掌宣風導俗肅清所部總判府事餘府尹同兼領本路兵馬都總管府事車駕巡幸則



置留守同知少尹判官惟留判不別置以總判兼之同知一員從四品掌通判府事餘府同知同此少尹一員正五品掌同同知總管判官一員從五品掌紀綱總府衆務分判兵案之事府判一員從五品掌諮議參佐糾正非違紀綱衆務分判吏部工案事推官二員從六品掌同府判分判戶刑案事內戶推掌通檢推排簿籍員大定五年增一員知事正八品掌付事勾稽省置文牘總錄諸案之事都孔目官女直司一員漢人司一員職同知事掌監印監受案牘餘都孔目官同此不常置省則吏目攝知法二員從八品女直一員漢人一員掌律令格式審斷刑名東京北京上京河東東西路山東東西路大名咸平臨瀛文獻道考卷之九十五 三 四 五十八京

漢陝西統軍司西南招討司西北路招討司遼東路曷懶路速頻蒲與胡里改隆州秦州蓋州並同此

元初立燕京路總管 至元二十七年改大都路都總管府置達魯花赤二人都總管二人秩正三品即京尹之職也副達魯花赤同知治中判官推官各二人經歷知事各二人提控案牘各四人照磨兼管勾一人領府一州十一凡本府官吏惟達魯花赤一人及總管推官專治路政餘皆分任供需之事故又號曰供需府

按治中之職漢于定國條州大小設吏員治中秩中二千石舊州職也隋爲郡司馬唐爲州司馬元爲路佐

皇明

京師古設內史漢景帝分置左右內史武帝改京兆尹服銀章紫綬佩水蒼玉歷魏晉唐宋以來並置尹丞司筆轄尹或以親王爲之小事專決大事則稟奏受成者刑部御史臺鈇輒駁異蓋肅清京師鎮撫畿邑自古重之 國初改集慶路爲應天府設知府同知通判等與外府同品尋以應天京府欲崇其秩改知府爲 正三品 賜銀印遂擢知府蘭以權爲之同知爲府丞正四品專掌親民凡禮遇視在外諸府特異治中正五品通判正六品推官經歷從六品知事從八品照磨從九品上元江寧二縣知縣正六品縣丞正七品主簿正八品順天府即舊北平府 洪武二年置北平行省於北平

續文獻通考卷之九十五 三 四 五十八京

府已而改行省爲布政司北平爲會府 靖難初改爲順天府 永樂十年陞正三品如應天府

本府府尹一人府丞一人治中一人通判六人推官一人其屬經歷司經歷一人知事一人照磨所照磨一人檢校一人庫大使一人所屬衙門宛平大興二縣各知縣一人縣丞二人主簿二人典史一人府學教授一人訓導六人陰陽學正術一人醫學正科一人司獄司司獄一人都稅司大副使各一人宣課司四各大使一人或大副使一人稅課司二各大使一人分司二各副使一人巡檢司四各巡檢一人大興縣遞運所大使一人批驗茶引所大使一人鐵冶所大使一人開官三人倉

草場大副使五十人吏三百四十八人

府尹掌京府事宜化和人勸農問俗均貢賦節征徭護  
祭祀閱戶口糾豪強恤窮困錄罪囚務知百姓之疾苦  
府丞治中通判推官爲之貳歲撥實徵十歲造黃冊冊  
有民數田數凡賦役皆按冊丁產爲多寡煩簡之差歲  
貢學生一人三歲合試諸曹六館圻府諸生而貢士焉  
月朔奏老人坊廂聽宣諭歲立春迎春進春耕籍田  
奉青箱隨播種於後歲春冬行鄉飲酒禮三月一上勲  
戚家人引帳國有市易平其價召商而時給之凡學校  
軍匠積貯牧馬薪炭河渠堤徐僧道醫藥之事率其餘  
而分理焉經歷典出入文移知事佐之昭磨磨勘卷宗  
續文獻通考卷之九十五

子四

卷之九十五

檢校佐之

幹辦皇城司

遼南面有上京城隍使司官曰上京城隍使 景宗時韓  
德讓管居此職

金上京提舉皇城司提舉一員從六品同提舉一員從七  
品 南京提舉京城所提舉一員正七品同提舉一員  
從七品掌本京城壁及繕修等事不常置上京同此管  
勾一員掌佐繕治受給官一員掌收支之事壕寨官一  
員掌監督修造 皇城使一員正八品副使一員正九  
品掌宮闕繕修之事

元以修治城隍及京師內外工役事屬武衛親軍都指揮

使司而幹辦皇城之職不立

皇明一切營造俱統於工部不設此官

東宮官 師傳

遼南面東宮三師曰太子太師曰太子太傅曰太  
子太保三少曰太子少師曰太子少傅曰太子少保  
金東宮官師府太子太師太子太傅太子太保正二品太  
子少師太子少傅太子少保正三品掌保護東宮道以  
德義 海陵天德四年始定制官師府三師三少詹事  
院詹事三寺十率府皆隸焉左右諭德爲東宮僚屬  
元成宗大德十一年六月<sup>時武宗</sup>置官師府立太子太師  
少師太傅少傅太保少保等官 泰定帝元年二月江  
續文獻通考卷之九十五

主

三十八

浙行省左丞趙簡請開經筵及擇師傅令太子及諸王  
大臣子孫受學遂命平章政事張珪翰林學士承旨忽  
都魯都兒迷失失學士吳澄集賢直學士鄧文原以帝範  
資治通鑑大學衍義貞觀政要等書進講

太子賓客

遼南面有太子賓客院官曰太子賓客

金不設

元世祖至元十九年詹事院外別置宮臣賓客二員及設  
左右諭德左右贊善校書郎中庶子中允後改設儲政  
院宮臣賓客諸員皆廢 至正十三年冊立皇太子復  
置皇太子賓客三人

太子詹事

宋理宗景定四年十二月己酉詔皇太子宮詹事以下講讀外日輪一員辰入西出以備咨問以稱輔導之實帝家教甚嚴初立忠王祫為皇太子太子鷄初鳴問安再鳴回宮三鳴往會議所參決庶事退入講堂講經史將晡復至榻前起居今日講何經答之是則賜坐賜茶否則為之反復剖析又不通則繼以怒明日須更覆講率為常例

遼北面有皇太子惕隱司掌皇太子宮帳之事官曰皇太子惕隱南面有太子詹事院官曰太子詹事曰少詹事曰詹事丞曰詹事主簿

續文獻通考

卷之九十五

金詹事院太子詹事從三品少詹事從四品掌總統東宮內外庶務世宗時詔太子詹事曰東宮官屬尤當選用正人如行檢不修及不稱職者具以實聞

元

世祖至元十五年初立詹事院以完澤為右詹事賽陽為左詹事備左右輔翼皇太子之任置左右詹事各一員副詹事詹事丞院判各二員別置官臣賓客二員左右諭德左右贊善各一員校書郎二員中庶子中允各一員三十一年太子薨乃以院之錢糧選法工役悉歸太后位下改為徽政院以掌之泰定元年廢徽政院復立詹事如前天曆元年改為儲慶使司未幾改為

儲政院置院使六人同知二人僉院二人同僉二人院判二人司議長史各二人照磨管勾各二人至正十三年復立詹事院置詹事三人同知詹事二人副詹事二人詹事丞二人司議改為中議餘如故十七年入置分署事院詹事一人同知副使各二人詹事丞二人經歷一人都事二人照磨兼架閣一人斷事一人知事一人

成宗大德二年初裕宗崩朝議欲罷詹事院張九思時為詹事丞抗言曰皇孫宗社人心所屬詹事正所以輔成道德者奈何罷之遂止十一年六月<sup>時武宗已即位</sup>立詹事院以趙仁榮為詹事王約副詹事時太子承制立左衛

續文獻通考

卷之九十五

率府欲署軍官約持不可曰皇太子事不敢不為天子事不敢為太子悟竟罷又欲取西安兵器約謂詹事王澤曰千里取兵器人必驚疑主上聞之奈何澤愧謝曰實慮不及此又欲取福建繡工童男女六人約以為動擾不宜乃止家令薛居敬言陝西分地事因被命往理之約不肯署曰太子潛龍也為飛龍之事可乎遂寢不行

仁宗延祐六年正月監察御史李木魯翀等言皇太子位正東宮改立詹事院以總家政宜擇年德老成道義崇重者為師保質贊俾盡心輔導以廣緝熙之學從之所屬附見

家令司別具 典帳署掌太子供帳令丞各二員書史  
書吏各二人 府正司 資武庫 翼用庫以上俱見  
太子僕下 延慶司秩正三品掌修建佛事使二員同  
知一員副使典簿各二員照磨一員 三庫監卿四員  
太監二員少監二員丞二員經歷知事各一員照磨一  
員掌供須文成藏珍三庫內供給段匹寶貨等物 典  
醫監詳太常寺太醫署 典牧監詳太僕寺 儲膳司  
秩正三品卿四員少卿二員丞二員主事二員照磨一  
員掌皇太子飲膳之事 典寶監秩正三品卿太監少  
監丞各二員經歷知事各二員以上俱屬詹事院 受命  
司糾皮局輪子局詳部總管  
續文獻通考卷之九十五 太子庶子 天  
遼南面左春坊長官曰太子右庶子 金無  
元始置中庶子一人後改置詳見太子賓客篇  
順帝至正十三年復置中庶子一人  
中允  
遼右春坊內有太子中允位次庶子之下 金無  
元始置中允一人後改置  
順帝至正十三年冊立皇太子復置中允一人  
司議郎  
遼左春坊內有太子司議郎位次中允之下 金無  
元立儲政院置司議二人

中舍人舍人  
遼右春坊內有太子中舍人太子舍人位次右庶子下  
金元皆無  
通事舍人  
遼右春坊內有太子通事舍人位次贊善大夫下  
金元皆無  
諭德  
遼左右春坊內各有太子諭德亦分左右位次司議郎太  
子舍人下  
金左諭德右諭德正五品掌諭太子以道德之事  
元始置左右諭德各一人後改置  
續文獻通考卷之九十五 順帝至正九年立瑞本堂復置諭德一人正二品 十三  
年冊立皇太子定置左右諭德各一人秩從二品  
贊善  
遼左右春坊內各有太子贊善大夫位次諭德下通事上  
金左贊善右贊善正六品掌贊太子以道德事  
哀宗爲太子時春官所擬師保贊諭之官多非其人完顏  
素蘭上言太子天下之本臣聞欲治天下先正其本正  
本之道無他在選人以輔導之耳夫生于齊者能齊言  
不能楚語不習故也人之性亦在習之而已昔成王在  
襁褓中卽命周召爲師保戒其逸豫之心告以持守之  
道終之功光文武垂休無窮欽惟陛下順天人之心豫

建春宮皇太子仁慈聰明出于天資總制樞密固已綽然有餘儻更選賢如周召之徒者使之夾輔則成周之治不足侔矣上善之

元置左右贊善各一人後改置

順帝至正九年復置贊善二人正三品 十三年定置左右贊善各一人改從二品

洗馬

遼南面司經局有太子洗馬 太安末劉輝嘗居此職屬

左春坊次曰太子文學曰太子校書郎曰太子正字

金司經正八品副正九品掌經史圖籍筆硯等事

崇文館學士

續文獻通考卷之九十五

辛

百七

遼文學館亦屬左春坊官曰崇文館學士曰崇文館直學

士曰太子校書郎 金元皆無

文學

遼太子文學見前 金無

元順帝至正七年立端本堂爲太子學宮置文學二人正

五品 十三年改從五品

校書

遼文學館有太子校書郎司經局亦有太子校書郎見前

金無

元始置校書郎二人後不置

宮門等郎

遼有太子宮門等局屬左春坊官曰宮門郎 金元皆無

正字

遼太子正字見司經局 金無

元順帝至正七年端本堂置正字二人正七品

典膳

遼無考

金有典食令正八品丞正九品承奉膳羞屬詹事院外有掌飲令正八品丞正九品承奉湯藥及酒菓之事屬官

師府

元典膳署嘉醞局皆屬家令詳見本司 天曆二年立儲

膳司見詹事府下

續文獻通考卷之九十五

三

二百六

藥藏

遼無考

金侍藥正八品奉藥正九品掌奉醫藥屬官師府

元典醫署領廣濟提舉司典藥局行典藥局俱隸儲政院

類附于太醫署

內直

遼北面有著帳郎君院內設皇太子祗應司官曰領皇太子諸局事曰知皇太子宮諸司事南面有太子司直司

官曰太子司直

金內直郎正七品屬官師府 元無考

典設

遼有典設局屬左春坊官曰典設郎

金典設事領千家令不別置官外有典儀從六品替儀從七品司贊禮儀侍正正七品侍丞正八品掌冠帶衣服左右給使之事屬宮師府又有掌寶二人從六品掌奉寶謹其出入亦屬宮師府

元以掌儀改典設署秩正五品令丞各二員掌戶口房舍等事

世祖至元二十年立隸儲政院

順帝至正七年十月開端本堂以李好文為太子諭德歸

賜為贊善張仲為文學皇太子以是日入肄業脫脫領

端本堂事端本堂虛中以俟至尊臨幸太子與師傅分

續文獻通考

卷之九十五

三

三百八十九

東西向坐授書其下僚屬以次列坐

太子家令

遼南有太子家令寺屬右春坊官曰太子家令曰太子家令丞曰太子家令主簿

金家令正八品家丞正九品掌管繕栽植鋪設及燈燭之事屬宮師府

元世祖至元三十一年立徽政院即儲政院改家令為內

宰司 泰定元年復為家令司 天曆二年復改內宰

司置內宰六人司丞二人典簿二人照磨一人至正時

復家令司置家令家丞各二人餘如故 典膳署令丞

各二人掌內府飲膳之事所轄洪濟鎮提領三人掌辦

制屬隻 珍藏文成供須三庫至元二十七年立分掌

金銀珠玉寶貨段匹絲綿皮氈鞍轡等物各設提點大

使副使二人 柴炭局秩從七品提領一員大使副使

各一員 至元二十年以東宮位下民一百戶燒炭二

月軍一百人採薪二月供內府歲用立局以主其出納

設官三員俱受詹事院劄 大德十一年隸徽政院

提舉備用庫秩從五品達魯花赤一員提舉大使提控

案牘各一員掌出納田賦財賦差發課程一切錢糧規

運等事 嘉熙局秩正四品提點大使副使各二員

西山煤窑場提領大使各一員副使二員俱受徽政院

劄領馬鞍山大峪等石炭煤窑辦課奉皇太后位下

續文獻通考

卷之九十五

三

三百八十九

保定等路打捕提領所秩從七品提領四員典史一員

至元十一年收集人戶為打捕戶計及招到管絃銀

差發稅糧等戶立提領所 廣平彰德課麥提領所秩

從七品 至元三十年以二路渡江時駐蹕之地召民

佃種遂立所置官統之 廣惠庫大使一員副使一員

至元三十年以鈔本五千錠立庫放典收息納于備

用庫 以上皆元家令司屬

典倉署 遼無 金司倉從八品副從九品掌出納新

炭等事屬宮師府 元豐裕倉秩從七品收貯東宮位

下糯米置監支納倉使各一員攢典二人屬家令司

司藏署 遼無 金司藏從八品副從九品掌庫藏財

貨出入之事屬官師府 元備物庫秩從七品掌東官

遼正司計雜諸等物大使副使各二員庫子攢典各二

人屬家令司又儲政院所屬有總管諸府詳總管門

太子率更令

遼南面有太子率更寺官曰太子僕曰太子僕丞曰太子僕

更主簿 金元皆不設

太子僕

遼南面有太子僕寺官曰太子僕曰太子僕丞曰太子僕

主簿

金有僕正正六品副僕正七品僕丞正九品掌車馬廐牧

弓箭鞍轡器物等事屬官師府

續文獻通考

卷之九十五

幸四

元府正司秩從三品掌鞍轡弓矢等物 至元二十年置

府正府丞各二員典簿一員照磨一員後更改不一

資武庫掌軍器提點一員大使一員 兼用庫掌鞍轡

提點一員大使一員皆屬詹事院 典牧監亦屬詹事

院詳見于太僕寺

太子左右衛率府

遼南面有太子左右衛率府官曰某衛率府率

金左右衛率府從五品掌周衛道從儀仗屬官師府

元制左衛率府秩正三品 至大元年撥江南行省萬戶

府精粹漢軍為東宮衛軍立衛率府設官十一員 延

祐四年始改為中翊府又改為御臨親軍都指揮使司

又以御臨非古典改為羽林 六年復隸東宮仍為左

衛率府 率使三員正三品副使二員從三品僉事二

員正四品經歷一員從七品知事一員照磨一員俱從

八品令史七人譯使通事知印各二人所屬鎮撫所一

行軍千戶所十弩軍千戶所一屯田千戶所三教官三

員 右衛率府秩正三品 延祐五年以速法那兒萬

戶府迤東女直兩萬戶府右翼屯田萬戶府兵合為右

翼率府置官十二員後定置率使二員正三品副使二

員從三品僉事二員正四品經歷二員從七品知事二

員照磨一員俱從八品令史七人譯使通事知印各一

人俱隸樞密 左都威衛使 至元十六年以侍衛親

續文獻通考

卷之九十五

幸五

軍一萬戶撥屬東宮立侍衛都指揮使司建置官秩俱

詳左右威衛 右都威衛使 中統三年以世祖五投

下探馬赤立總管府設總管一人 二十一年撥隸東

宮建置官秩詳左右威衛 衛候直都指揮使司 至

元二十年以控鶴一百三十五人隸府正司 三十一

年增控鶴六十五人立衛候司以領之兼管東宮儀從

金銀器物置衛候副衛候 大德十一年復增懷孟從

行控鶴二百人陞都指揮使司 至治三年罷 泰定

四年復立置達魯花赤二人佩三珠虎符都指揮使二

人佩三珠虎符副指揮使二人佩雙珠虎符知事一人

提控案牘一人所轄百戶所儀從庫各一 儀衛司至



正時置除指揮二人副二人知事一人隸詹事院

太子左右司禦率府

遼南面有太子左右司禦率府官曰某司禦率府率其次有太子左右清道率府有太子左右監門率府有太子左右內率府設官與禦率府同

金左右衛率府外有左右監門正六品掌門衛禁鑰俱屬宮師府又中侍局都監正九品同監從九品掌東閣門之禁令察宮人廬賜給納諸物轄侍人等亦古無此官

續文獻通考卷之九十五終

續文獻通考卷之九十六

皇明進

職官考 國朝東宮官王府

司隸 都督 元帥 宣慰 宣撫

東宮官

皇明

詹事府建置 洪武初置大本堂取古今圖書充其中

召四方名儒教太子親王諸儒專經面授分晝夜直已而太子居文華堂諸儒臣迭班侍從又選才俊之士入充伴讀時賜宴賦詩商確今古評論文學當是時東宮官有同知詹事院事副詹事左右詹事

續文獻通考卷之九十六

丞左右率更令率府使副使同知左右率府事諭德齊善文學中舍正字侍正洗馬庶子皆勳舊大臣兼之不別設府僚已又改贊善為替善大夫設贊讀十年置通事司設司令司丞十四年設左右司直郎左右清紀郎十五年置左右春坊各設大學士又置司經局設洗馬校書正字二十二年以官聯無統始置詹事院二十五年改院為府正三品左右春坊正五品司經局從五品皆列署府中而事皆總于詹事府時春坊翰林院日二人進講尚書春秋資治通鑑大學衍義員觀政要諸書纂述始終直陳大義輯成篇章呈上覽已乃赴文華殿講說三師三少詹事府鴻臚寺官各

一人給事中一人侍講畢同辭而出 召問則諸侍官  
同入有獨進及獨身者給事中鴻臚寺司直清紀郎劾  
奏 二十六年選秀才張宗濟等隨詹事春坊官分直  
文華殿侍講畢進說民間利害田里稼穡古今孝弟忠  
信文學材藝故事 命廷臣舉孝義篤行之士爲 東  
宮官屬遂以鄭濟王懃爲左右庶子 建文中增少卿  
寺丞各一人賓客二人又置資德院設資德一人資善  
二人其屬贊讀贊書著作郎各二人掌籍典 各一人  
靖難後復故 仁宗在 東宮侍官臣有恩禮燕勞  
慰問如家人父子然然官臣亦爲 宗藩所讒時時得  
罪繫獄或殞命 英宗初大臣上講讀儀大抵尊君卑  
續文獻通考卷之九十六

臣非復 祖宗之舊

本府詹事一人少詹事二人府丞二人其屬主簿一人  
錄事一人通事舍人二人吏四人左春坊大學士一人  
左庶子一人左諭德一人左中允一人左贊善一人左  
司直郎一人左清紀郎一人左司諫一人吏一人右春  
坊亦如之司經局洗馬一人校書二人正字二人吏一  
人

詹事以輔導 東宮爲職少詹事寺丞爲之貳凡侍  
東宮講讀暨坊局翰林院番直凡講讀畢又奉 上所  
處分府部軍政要務及撫諭四夷恩義率其僚屬暨坊  
局陳說於 東官府院官得互燕凡試士修書皆與焉

坊局亦如之主簿典勾會文移檢稽脫失錄事佐之通  
事舍人典 東朝參謁辭見之禮及承令勞問之事

左右春坊大學士典 東宮上奏請及下收箋講讀之  
事審慎而監省之庶子諭德中允贊善各奉其職而從  
焉凡 東宮監國撫軍出狩及朝會出入覆啟畫諾審  
署移詹事凡諸祥青若伶僕改變新聲導途非禮者必  
陳古義申典制糾正而請遠斥之凡內外庶政可爲規  
諷者隨事贊諭焉司直郎掌彈劾宮僚糾舉職事清紀  
郎叅佐之司諫掌箴誨鑒誡之事以拾遺而補過焉洗  
馬掌經史子集制典圖書刊緝之事立正本副本貯本  
以備進覽凡天下圖冊上 東宮者皆受而藏之校書  
續文獻通考卷之九十六

### 事例

太祖洪武元年春正月以李善長等無 東宮官先是劉  
基陶安皆奏適聞中書及都督府議倣元制設中書令  
欲奏以 太子爲之請勿聽 太祖曰取法于古必擇  
其善者而從之元氏胡人事不師古設官不以任賢惟  
其類是與豈可取法且吾子年未長學問未充更事未  
多所宜尊禮師傳講習經傳博通古今識達機密他日  
軍國重務皆令啟聞何必效彼作中書令乎乃 命詹  
同取 東宮官制觀之謂同等曰 朕今立 東宮官

取 廷臣勲德老成者兼其職老成舊人勲有典則若  
新進賢者亦選擇參用同對曰 陛下立法垂憲之意  
實深遠矣於是以左丞相李善長爲 太子少師右丞  
相徐達爲 太子太傅俱詹事中書平章錄軍國重事  
馮勝蕭石詹事胡廷瑞廖永忠李伯昇兼同知詹院事  
趙榮王溥同知副詹事楊憲傅璈兼府丞常遇春兼  
太子少保鄧愈湯和兼 太子諭德劉基張瑄兼 太  
子贊善大夫文原吉范顯祖兼 太子賓客 上諭善  
長等曰朕於 東宮官不別設府僚而以卿等兼之者  
蓋軍旅未息 朕若有事于外必留太子監國若設府  
僚卿等在內事當啟聞 太子或有聰斷不明而與卿  
等意見不合卿等必謂府僚導之嫌疑由是而生 朕  
所以特置賓客諭德等官以輔成 太子德性且妙選  
名儒爲之賓友昔周公教成王告以克詰戎兵召公教  
康王告以張皇六師此居安慮危不忘武備蓋繼世之  
君生長富貴溺于安逸軍旅之事多忽而不務一有緩  
急固知所措二公所言不可忽也 五年冬十二月丁  
酉擢宋濂爲 太子贊善大夫時濂授 太子經相待  
日久濂亦忠誠備篤 太子一言一動皆以禮法諷諭  
使率于道義每讀經史至有關係政教及前代興亡之  
故必手正對曰 君國子民之道當如是不當如彼  
且推極于人情物理 太子每歛容嘉納之久之敬禮

永嘗少衰有言則曰師父師父云  
仁宗洪熙元年春贈故宮僚左贊善徐善述 浙江天台人  
謚仍 命有司歲春秋祭之又贈贊善王汝玉 蘇州人  
太子賓客謚文靖遣官祭之 帝在東宮父宮僚極其  
禮遇而善述被詩文賓翰之 賜尤多善述遂于經學  
且工爲詩以薦授桂陽州學正秩滿陞國子助教時同  
官侯復性最褊急 善述婉曲諭之復自是忿戾消沮  
每遇善述輒嘆曰我見公心輒歡如陶飲今吾之叔度  
也至是簡入 宮僚爲左春坊左司直郎 帝遇之厚  
尋陞右贊善一日降 令旨云說與好古爾將選詩內  
取易入手解意的分類賦比興二字每字要十六句八  
首十二句八首八句八首爾爲選擇明早進看又聞卿  
染病可稍得痊否乃冬寒善加湯藥順時將息 旨不  
多及又一日致書云余今欲學作表卿可一如詩題立  
例意思余爲之構文請益好古具詩題與表題間日封  
進以廣琢磨今晨覽卿爲余所改之詩甚是手采清雅  
真有益于日新但卿疾不痊未及存問日見煩擾豈尚  
古優待老年才望之士乎然優待之心豈忘朝夕但卿  
今年邁恐余爲學有日似卿朴直苦口者百無一二面  
諛順顏者比比有之故特相爲觀縷者爲卿才德直寒  
趨卿康健篤于其事卿無憚勞弼余成業望藥石之言  
日甚一日無負犯麟觸諱之慮若余成學報答之禮豈

得志之春暖猶寒當善爲湯藥順時將息以慰余懷  
旨不多及冬至又賜以詩云清朝盛文治輔德資儒  
耆念彼筋力倦趁朝諒非宜賦詩有嘉致納誨多良規  
起予得深趣歡懷浩無涯新陽值初復况此承平時酬  
勞見尊酒庶以勞期順永樂己亥冬十月卒帝感之  
慟手爲文祭之有卿偉量宏淵博覽古今正宜佑余文  
學匡余政治豈期一疾遽然而逝哀哉痛哉不復聞卿  
贊益之言諸語及卽位元年贈太子少師諡文肅金  
實叙文肅公誄辭稱公以純粹博雅之學勁正脩潔之  
行和而不可同謙而不可踰所謂有德有言者矣雖不  
及柄用以大其施而當儲君毓德之日能以聖賢治心  
續文獻通考卷之九十六

六十四百六十五

脩身之道引翼取信卒光身後之名奚負所學哉  
王鏊論東宮官云昔者成王幼在襁褓召公爲太保周  
公爲太傅太公爲太師所以保其身體傳之德義道之  
教訓此三公之職也又置三少曰少保曰少傅曰少師  
與太子宴遊者也又選天下端正孝悌博聞有道術者  
以翼衛之所以與居處出入者也遂去邪人不得見惡  
行故太子生見正事聞正言行正道前後左右皆正人  
也其身有不正者乎古之教太子者其制如此今國家  
之東宮官以序進夫必皆天下之選學之日晨而授  
書授畢而退日中進講講畢而退况御寒暑雨雪皆間  
歇問歇之日所與進講者誰歟所與居處出入者誰歟

不可得而知也又近世之弊患在上下不交然爲太  
子亦且未同於爲君今也則已儼然端默有言且不敢  
進又况爲君之日乎求上下交而德業成胡可得也昔  
者三王之教世子必齒于學國人觀之曰將君我而與  
我齒讓何也曰有父在則禮然然而衆知父子之道矣  
其二曰將君我而與我齒讓何也曰有君在則禮然然  
而衆知君臣之義矣其三曰將君我而與我齒讓何也  
曰長長也然而衆知長幼之節矣此所以學爲父子君  
臣長幼之道而與人同如此下至漢唐此意泯矣然明  
帝受尚書于桓榮及爲天子執轡而饋執爵而酌唐劉  
洎今文本馬周逝日往東宮談論治道李泌與肅宗爲  
續文獻通考卷之九十六

七

四百六十五

布衣交出則聯轡寢則對榻國朝洪武初建大本堂  
取古今圖書充其中延四方名儒教太子親王分  
番夜直才俊之士充伴讀時賜宴賦詩商確古今  
詳論文學無虛日仁宗于潛邸臣嘗伏覩其教令長  
至宴勞東宮之臣如家人父子有從學詩學表至有  
以暗逐明之喻則本朝之初亦未嘗如今制也英  
宗幼冲當時大臣無深識遠慮阿時所好名爲導君卑  
臣非祖宗之法不然今雖未能如古之制亦宜稍畧  
君臣之儀敦師友之分使官僚日侍左右從容誦讀  
講讀之暇宴飲出入起居皆得周旋其間至暮乃退或  
有剪桐之戲隨事諫止官僚有失從三師糾正之甚

者斥逐邪人不使得預其間如此所謂一人元良萬邦以貞三代所以長久者用其道也

本府堂上官與翰林院官互兼職事而凡講讀纂脩考試等官皆與本院同坊局雖各有印然事則詹事統之自永樂十九年定鼎北京以後南京詹事府不設官止設主簿一員然詹之爲言省也給也省給太子之家詹事之職於內外衆務無所不掌少詹事則貳之丞則掌文書以贊之通事舍人掌通謁賓贊禁令之事主簿掌勾稽錄事傳通其詹事輔導旨聖祖首取廷臣勲德老成兼其職且諭老成人動有典則舉用賢才立國之本崇德尚齒尊賢之道輔導得賢人各盡職故連抱續文獻通考卷之九十六

八 四十一

之水必以授大匠萬金之璧不以付拙工蓋見聖謨宏遠昭如日月

國初以兵部尚書唐鐸爲諫議大夫者儒劉靜關賢爲左右司諫兼春坊左右庶子趙肅何顯周爲左右諭德洪武壬申始定爲詹事府而諫院專屬之六科十三道云

世宗嘉靖二十三年南給事中游震得上疏云古之元子皆齒于學所以教讓也皇祖制禮意本諸此臣以爲東宮官屬莫非人臣似不可以當答拜之禮欲延聘德望素著致仕大臣年八十或七十以上者數人賦之廩餼不復授官任事但取其體貌老成儀度莊重足爲

皇太子賓禮使之入侍左右蓋致仕乃事外之臣官老無官守之寄優之拜禮稍似相宜

按尊師之禮在宋朝亦有故事若大學焉而後臣之古聖王已然矣今東宮答拜所謂學也他日嗣統君臣禮儀自存所謂臣之也正合帝王威節若以臣言則市井草莽皆臣也可以致仕而謂其非臣乎

穆宗隆慶六年二月以東宮出閣講學命太子少

保禮部尚書兼翰林院學士高儀吏部左侍郎兼翰林院學士張四維司經局洗馬兼翰林院修撰余有丁右春坊右贊善兼翰林院編脩陳棟充侍班官詹事府少詹事兼翰林院侍讀學士馬自強陶大臨翰林院編脩

續文獻通考卷之九十六

九 四十七

陳經邦何洛文檢討沈鯉張秩充講讀官檢討沈淵許國充校書官制勅房辦事大理寺左寺正馬繼文徐申充侍書官先是大學士高拱等請選東宮輔導官僚會同吏部推舉有旨宜加慎選不必備員于是拱等疏名以聞上從之仍輪拱居正提調各官講讀

今上萬曆二十五年禮部題據會典所開再爲參酌其每日講讀俱應照常惟新春第一次出講當照累朝已行事例備東宮出閣之儀是日早侍衛如常儀內侍先設皇太子座于文華殿之東廂房正中西向設書案于座之左禮部鴻臚寺官候皇太子出閣導引至東廂房升座提調輔臣并侍班講讀等官以次序

立丹墀行四拜禮畢各官以次入東廂房分班相向立  
鴻臚寺官贊起案通事舍人以講案進內侍展書侍讀  
官進讀讀畢通事舍人徹案賜酒飯各官叩頭而退  
上是之三十年正月二十四日內閣推詹事郭  
正斌周應賓充皇太子侍班官原任祭酒方從哲量  
陞詹事充講讀官侍讀史繼偕編脩楊繼禮充授書官  
其見任侍郎曾朝節歷任八年自合加銜奉旨東  
宮開講講讀侍班等官照隆慶六年例行內方從哲原  
係告病去任還着另推見任的一員供事其卿等提調  
十日一輪侍吏部知道

王府官僚前考無

續文獻通考卷之九十六

一四六六

宋寧宗嘉定十四年復置諸王官大小學教授

遼肅祖長子洽脊之族在五院司叔子葛刺季子洽禮及  
懿祖仲子帖刺季子表古直之族皆在六院司此五房  
者謂之二院皇族玄祖伯麻魯無後次子巖木之後曰  
孟父房叔子釋魯曰仲父房季子爲德祖德祖之元子  
爲太祖天皇帝謂之橫帳次曰刺葛曰迭刺曰貫底石  
曰安端曰穆曰季父房此一帳三房謂之四帳皇族  
二院治之以北南二王四帳治之以大內惕隱皆統于  
大惕隱司大內惕隱司掌皇族四帳之政教官曰大內  
惕隱曰知大內惕隱事曰大內惕隱都監大橫帳常  
衮司掌太祖後九帳皇族之事官曰橫帳常衮曰太師

曰太保曰司空曰郎君曰知事孟父族帳常衮司掌

蜀國王巖木房族之事仲父族帳常衮司掌隋國王

釋魯房族之事季父族帳常衮司掌德祖皇帝三房

族之事四帳都詳穩司掌四帳車馬之事官曰都詳

穩曰都監曰將軍曰小將軍分橫帳孟父帳仲父帳季

父帳四詳穩司舍利司掌皇族之軍政納半馬得親

利官曰舍利詳穩曰都監曰將軍曰小將軍曰舍利曰

梅里親王國官制未詳下有王府近侍王府抵候

大東丹國中臺省太祖天顯元年置官曰左大相曰右

大相曰左次相曰右次相王子院掌王子各帳之事

官曰王子太師曰王子太保曰王子司徒曰王子司空

續文獻通考卷之九十六

一四六六

曰王子班郎君皆北面官南面王傳府官曰王傳

親王內史府官曰內史曰長史曰叅軍諸王文學館

官曰諸王教授曰諸王伴讀

金親王府屬官傳正四品掌師範輔導叅議可否若親王

在外亦兼本京節鎮同知府尉從四品本府長史從五

品明昌三年改掌警嚴侍從兼總統本府之事司馬

從六品同檢校門禁總統府事文學二人從七品掌贊

導禮儀資廣學問記室叅軍正八品掌表箋書啟之事

大定七年八月始置二十年不專除令文學兼之

提舉衛紹王家屬提舉從六品同提舉從七品舊爲東

海郡侯邑令丞提舉錫薦王家屬提舉同提舉以

天興元年  
始置

提控華國公家屬提控同提控

元凡四十五王每位下各設王傳尉司馬三員傳尉惟

三王有之自此以下皆稱府尉別于王傳之下司馬之

上知事照磨各一人所領官相膳工等司 官相都總

管府至順二年罷官相府并鶴駟司改怯憐口錢糧總

管府為公相府官秩與所轄諸司詳見總管府 膳工

司卿二人少卿二人丞二人掌人匠營造之事所領金

玉珠翠提舉司大都織染提舉司大都雜造提舉司共

三富昌庫一 內史府至元二十九年封晉王于濟南

王傳為內史置官十四人給印分司京師并分置官屬

凡內史九人正二品中尉二人正三品司馬四人正四

續文獻通考卷之九十六

上

品諮議二人從五品記室二人從六品照磨兼管勾承

發架閣從八品小吏有差 延慶司掌王府祈禳之事

使二人正三品同知二人正四品典簿一人從七品

斷事官理王府詞訟之事斷事官一十六人正三品經

歷知事各一人 典軍司秩從七品掌控鶴百二十有

六人典軍二員副使二員

皇明

國朝 王府官屬 洪武二年設 王相府左右相各一

人正二品左右傳各一人從二品參軍一人錄事二人

紀善一人未幾申定官制相傳如故其參軍司參軍錄

事儀衛正副審理典籤典祠典膳典服典工典醫典牧

紀善並有正副又有引禮舍人 八年改參軍為長史

九年罷王傳府左右相二人武相一人文相一人左

右傳二人武傳一人文傳一人長史二人錄事二人及

典籤司諮議官其議軍府增伴讀四人侍講四人選明

經慎行之士任之是年 秦王府武傳耿炳文兼陝西

行省右丞郭子興兼陝西行都督府僉事 晉王府武

傳汪興祖兼山西行都督府同知位武傳謝德成之上

華雲龍為 燕相府左相顧時為 秦相府右相 十

三年罷諸王相府設長史司左右長史各一人正五品

審理正一人正六品副一人正七品紀善正一人典寶

正一人俱正八品副俱從八品典膳正一人奉祀正一

續文獻通考卷之九十六

主

四百六十

人俱正八品副俱從八品典簿典樂典儀各一人俱正

九品典儀副一人教授一人伴讀一人俱從九品引禮

舍人倉大使副使庫大使副使俱未入流 郡王府典

膳正八品 二十八年置靖江 王府諮議所尋亦改

為長史司 建文中增 親王官賓輔二人正三品伴

講伴讀伴書各一人長史一人左右長史各一人審理

正典膳正奉祠正良醫正典寶正並去正字審理副等

改為副審理等 郡王賓友二人正四品教授一人記

室二人直史一人左右直史各一人吏目一人典印與

祠典禮典饌典樂五署典印典祠典禮典饌典樂各一

人典儀二人引禮舍人二人儀仗司吏目一人



伴講伴讀伴書賓友教授進對俱侍坐稱名不稱臣見禮如賓師靖難後復故

祖訓云王府長史等曾經過犯之人不許選用其親王之父原無官者授兵馬指揮郡王妃父授副兵馬指揮職銜俱不任事文職并族屬有女爲王妃或夫人及爲儀賓等見在及有子孫者不許除京職已故其無子孫者一體陞授

王府左長史一人右長史一人其屬典簿一人所屬衙門審理所審理正一人審理副一人典膳所典膳正一人典膳副一人奉祠所奉祠正一人奉祠副一人典樂一人典寶所典寶正一人典寶副一人紀善所紀善正

續文獻通考

卷之九十六

志

四百六十六

京

人良醫所良醫正一人良醫副一人典儀所典儀正一人典儀副一人引禮舍人一人工正所工正一人工副一人倉大使一人副使一人伴讀一人教授一人典膳一人

郡王府教授一人典膳一人 鎮國將軍教授一人

長史掌 王府之政令輔相規諷以匡 王失 王府

請名請封請婚及諸乞恩澤若陳謝進獻表啟書疏長史爲奏上下禮部議請 王有過詰長史凡府寮皆統

於長史紀綱其職務典簿典出納文移審理正掌推按

刑獄禁諸暴橫無干 國憲典膳正掌祭祀賓客 王

妃膳羞之事奉祀正掌祭祀之事典寶正掌 王寶及

符牌並副爲之貳紀善堂諷導禮法開諭古誼及國家恩義大節以詔 王善長醫正掌療治疾病典儀正掌

陳儀式文物之事工正掌 官邸厨舍繕造修葺工役之事並副爲之貳伴讀侍從起居陳說經史教授訓迪德誼警校典籍引禮舍人接對賓客贊相威儀倉掌祿俸糧廩庫掌收藏金帛錢貨 郡王教授典膳將軍教授如 王教授典膳

護衛指揮使司使同知僉事衛鎮撫所正副千戶所鎮撫百戶並如衛掌儀從 王邸防禦非常凡有征行必聽命於 朝廷

儀衛司儀衛正一人儀衛副二人典仗六人儀衛正掌

續文獻通考

卷之九十六

五

四百六十六

京

侍衛儀仗之事副爲之貳典仗聽命焉

國朝 親王就封必擇翰林二員輪講之國即以長史從

故預選者多不悅 宣德中周文襄忱自刑部主事陞

越府長史未幾 越國絕逐陞侍郎巡撫南畿 正

統中推 郡府講讀相楊東里欲舉侍讀儀銘恐其怨

已乃以故人侍讀楊翥同進後 郡王入繼大統銘等

皆以從龍恩官至 官保

太祖洪武中 命選儒士授翰林院博士等官令于各

王府讀書 永樂中亦妙簡官僚輔導諸王如以詹事

府丞周孟簡爲 襄王府左長史司直郎金寶爲 衛

王府左長史俾侍讀其後 親王出閣止選進士中老

歷有學者除檢討及就封卽拜長史

孝宗弘治三年進士選長史者悉言怨詈吏部黜之然自是人薄長史多不以進士選除矣十五年題准各府長史等官但有年踰七十不肯告老或未及七十有病願告致仕者該府徑自具奏照依詔書恩例俱加陞本府相應官員職銜行令致仕如無職銜可陞者授以該陞品級散官致仕

世宗嘉靖十二年題准王府長史等官今後非真能輔導有功賢能可錄者不許請加服色品級其曾經提問有過者雖歷有年俸止照原銜供職衰老者只着致仕今上萬曆九年題准王府各官不拘見任候缺巡按御

續文獻通考卷之九十六

六

四十七

史查其年六十五至七十八十歲以上納銀人員歷任十年以上原由醫士樂舞生厨役出身歷任二十年以上悉令致仕

鄭端簡公曉云王府官不得外調陞不知起於何時或曰靖難後事也然宣德中周忱以越府長史陞侍郎巡撫江西鄭府長史王淪政行在戶部郎中洪熙中淮府長史王榮政吏科左給事荆府長史曹曼齡政翰林脩撰嘉靖八年大學士楊一清言楊士奇以審理副選翰林編脩周忱亦自長史累陞尚書成化年雷霖以德府長史爲山西提學副史又言布政使雅泰泰府有姻亦陞巡撫都御史乞容王官與別官

一體陞用王親亦選京官疏下吏部議云此祖宗

微意近年江西婁性足爲監戒況王親縱不得京任得仕至左右布政使官與尚書等使非區區重內輕外之心則展布才猷亦足自見一清請再議吏部執不可遂已嘉靖二十二年蜀府長史高鵬九年考滿至吏部吏部請奪職遂請王府官凡稱病乞改用者並勒致仕輔導失職調者不得授府州縣親民官以故今人一拜王官遂視爲禁錮而落魄矣

太孫官屬

遼道宗以太子爲盜所害太康六年設旗鼓拽刺六人護衛王太孫延禧十年三月命知制誥王師儒牌印

續文獻通考卷之九十六

七

三十八

康

郎君耶律固傳導燕國王延禧壽隆六年十二月詔

燕國王延禧擬注大將軍以下官

金元無考

皇明

皇太孫輔導講讀在洪武時具載集禮成祖時以東宮官僚兼之永樂六年七月命內閣胡廣等輔導皇長孫勅曰朕惟令德所成本於天性養性之學實弘聖功故有聰明純一之資必有詩書禮樂之教所以充德性而廣器識也朕嫡長孫天章日表玉質龍資孝友英明寬仁大度年未一紀體具志寧動必中規言必合道好道之篤日夜孜孜日誦萬言心領要義朕嘗

試之以事輒能裁決得中斯實 宗廟之靈 上天賜  
慶篤生異質以福祐天下而基 命於無窮然宏材之  
建必由匠石之功圭瓚之成必假琢磨之力卿等皆茂  
簡德藝職輔 東宮 東宮之子必資兼弱宜協同心  
志輔導於成推廣仁義道德之源開陳二帝三王之治  
與 高皇帝之大經大法凡創業守成之難生民稼穡  
之事朝夕講論以涵養本源恢弘智量充其威大之器  
以爲 宗社生民之福 國家有無窮之休卿等亦有  
無窮之聞欽哉九年九月 皇太子 命楊榮等侍  
諸皇孫讀書 文華後殿且諭 諸皇孫曰此 皇祖  
近臣汝輩當加禮敬又謂榮等曰他日學成卽汝訓迪  
續文獻通考

力也後 皇太子復傳 上命召翰林院吏部官令舉

老成正大儒者侍 皇太孫講讀明日 東宮特召尚

書蹇義及楊士奇問得人否義對曰臣兩人共舉禮部

侍郎儀智然衆鮮知之議尚未決 東宮曰往者曾舉

奎繼鼎大誤後悔不及智甚端正但覺老矣士奇對曰

智雖老然起家學官道理明執守正精神不衰 廷臣

老成未見其比是日午朝 上喜曰此得人矣雖年耄

識 朝廷大體能直言不阿向之元正日食呂震等皆

欲行賀禮惟此老與楊士奇言宜免賀朕從之智誠可

用遂 召禮部翰林諸臣 諭曰儀智甚好朕知之矣

今侍 太孫講讀令右贊善陳濟等充講官教訓林長

懋張英陳山戴倫等授給事中使侍 太孫已而俱授  
春坊左右中允

六院四轄

登聞鼓院

遼南面有登聞鼓院官曰知登聞鼓使屬門下省

金設官隸御史臺知登聞鼓院從五品同知登聞鼓院正

六品掌奏御進告尚書省御史臺理斷不當事知法從

八品女直漢人各一員 章宗太和四年右補闕楊廷

秀言自轉對官外復令隨朝八品以上外路五品以上

及出使外有可言者並許移檢院以聞則時政得失民

間利病庶可周知從之

續文獻通考

卷之九十六

十九

三

元無

登聞鼓院

遼南面有登聞鼓院官曰登聞鼓使屬門下省景宗保寧

二年始置

金海陵正隆二年始置登聞鼓院官曰知登聞鼓院從五

品同知登聞鼓院事正六品掌奏進告御史臺登聞鼓

院理斷不當事 承安二年以諫官兼知法二員

冬從八品

元順帝至元十八年四月立登聞鼓院

皇明

太祖洪武元年置 登聞鼓于 午門外日令監察御史

一人監之凡民間詞訟皆須自下而上或府州縣省官及按察司官不爲伸理及有冤抑機密重情許擊登聞鼓監察御史隨即引奏其戶婚田土闕限相爭軍役等項具狀赴通政司并當該衙門告理不許徑自擊鼓守鼓官不許受狀後又移置於長安右門外令六科給事中并錦衣衛官各一員輪流直鼓收狀類進候 旨意一出卽差該直校尉領 駕帖備批 旨意於上連狀并原告押送各該衙門問理其有軍民人等故自傷殘恐嚇受奏者聽錦衣衛守鼓官校執奏追究教唆主使寫狀之人治罪所奏事情立案不行 七年議准重囚家屬於臨決前一日卽訴鼓狀該科簿幕封進凡有應續文獻通考卷之九十六

二十

三

決應留囚數姓名次日午前傳出午後不須覆奏卽便行刑 十年議准重囚家屬俱于二覆奏 命下之日投遞鼓狀該科參詳與三覆本一同封進取 旨行刑進奏院

遼南面有通進司官曰左通進曰右通進屬門下省

金御院通進屬宣徽院官屬見前

元順帝至正十七年置四方獻言使司階正三品掌考所陳之言擇其善者以聞于上而舉行之詳定使二人副使二人掌書記二人中書官提調之

皇明置通政司卽古納言之遺也歷唐宋爲銀臺司

太祖洪武三年置察言司設司令尋革 十年始置通政

使司正三品設通政使左右叅議經歷知事以曹秉正爲通政使 建文中改司爲寺通政使爲通政卿通政叅議爲少卿寺丞增置左右補缺左右拾遺各一人靖難後復故

成祖永樂十九年定鼎北京其在留都者加南京二字官員裁削而大政悉出於此

本司通政使一人左右通政各一人左右叅議各一人膳黃右通政一人其屬經歷司經歷一人知事一人監生九人吏二十五人

通政使掌出納 帝命通達下情關防諸司出入移狀奏報四方臣民實封及軍情聲息災異皆審署奏覆而

續文獻通考卷之九十六

三十

三

上下焉通政叅議爲之貳凡日常朝引奏人凡事月類奏歲杪通奏凡四方雨澤歲杪 面奏凡有錯誤籍而類請之凡在京詞狀判送法司推問凡出入文移以驗正之記日照之記記之膳黃通政錄武官黃於 內府覈其歸附征克陞轉衛所世流襲替之故以徵選事經歷知事典勘封題奏移狀

通政司月奏事例

凡內外各衙門一應公事用題本其雖係公事而循例奏報奉 賀若乞 恩認罪繳 勅謝 恩并軍民人等陳情建言伸訴等事俱用奏本

官誥院

遼南面有誥院官曰誥院給事重熙末耶律鐸幹嘗居此職

金官誥院提舉二員掌署院事以吏部郎中翰林修撰各一人充屬于吏部見前

元無

皇明設 誥勅二房屬 內閣

審計院 掌錢穀出入之政

遼南面有鹽鐵使司東京有戶部使司中原有度支

使司南京有三司使司而西京有計司其設官曰使曰

知使事曰副使曰同知使事曰判官外有長春路錢帛

司有遼西路錢帛司有平州路錢帛司其官各置錢帛

續文獻通考 卷之九十六

十三 官制

都點檢

金章宗太和八年省戶部官員置三司謂兼勸農鹽鐵度

支戶部三科也 貞祐中罷之其官使一員從二品副

使一員正三品簽三司事一員正四品同簽三司事一

員正五品掌勸農鹽鐵度支判官三員從六品本參幹

官 大安元年更參議規措審計官三員正七品掌同

參幹官知事二員從七品勾當官二員正八品管勾架

閣庫一員正八品知法三員從八品

元錢穀出納事掌于戶部分屬于總管府而審計院不設

皇明亦統于戶部

糧料院 掌諸軍糧料事

遼無考

金京東西南三路置檢察司使從六品副使正七品掌檢

察支散軍糧驗軍戶實給均軍戶差役勸農種母犯私

殺馬牛私鹽酒麴

元度支掌馬馳芻粟事領于度支院其掌軍糧事止運糧

屬兵部餘無考

皇明皆統于戶兵二部

權貨務都茶場 附 流泉務 店宅務

遼無考

金權貨務 在京諸稅係中運司使從六品副使從七品掌

發賣給隨路香茶鹽鈔引屬尚書戶部 南京權貨務

續文獻通考 卷之九十六

十三 官制

提舉從六品 中都都商稅務司使一員正八品副使

一員正九品掌從實辦課以佐國用都監一員從九品

掌簽署文簿巡察匿稅 又中都置流泉務 大定十

三年上謂宰臣曰聞民間質典利息重者至五七分或

以利為本小民之困官為設庫務十中取一為息以

助官吏廉給之費似可便民卿等其議以聞有司奏于

中都南京東平真定等處并置質庫以流泉為名各

設使副一員凡典質物使副親評價直許典七分月利

一分不及一月者以日計之經二周年外又踰月不贖

即聽下架出賣出帖子為作質物人姓名物之特色金

銀等第分兩及所典年月日錢貫下架年月之類若亡

失者收贖日勒合千人驗元典官本并合該利息倍償  
入官外更勒庫子驗與物日上等時估價之物雖故舊  
係新價償仍委運司佐貳幕官議漢字者提控若有違  
犯則究治每月具數申報上司 大定二十八年十月  
京府節度州添設流泉務凡二十八 明昌元年皆罷  
之二年在都依舊存設使一員正八品副使一員正九  
品掌解典諸物流通貨泉勾當官一員此務古所無也  
又中都設店宅務管勾四員正九品各以二員分左  
右廂掌官房地基徵收官錢檢料修造摧毀房舍南京  
有店宅務舊屬太府 又中都有都趙使司使從六  
品副使正七品掌監知人戶醢造趙辦課以佐國用

續文獻通考

卷之九十六

五十四

五

餘酒使監醢辦課同此都監二員正八品掌簽署文簿  
檢視醢造凡京都及真定皆爲都趙酒使司設官吏同  
此他處置酒使司課及十萬貫以上者設使副小都監  
各一員五萬貫以上者設使副各一員一萬貫以上者  
設使及都監各一員不及二萬貫者爲院務設都監同  
監各一員不及千貫之院務止設都監一員其他稅醋  
使司及權場與酒稅相兼者視課簽署官吏皆同此  
諸酒稅使三萬貫以上者正八品諸酒權場使從七品  
五萬貫以上副使正八品

京都別院及倉場使

金中都左右廂別貯院使一員從八品副使一員正九品

判官從九品掌拘收退材等物及出納之事 中都木  
場使一員從八品副使一員判官一員皆正九品掌拘  
收材木諸物及出納之事 諸倉使正八品副使正九  
品掌倉廩畜積受納租稅支給廩祿之事 草場使副  
使掌儲積受給之事 諸典二人場子掌積聚出納看守  
巡護之事歲收五萬以上設二人中都南京歸德河南  
京兆鳳翔依此置西京省副使餘京節鎮科設使副一  
員防刺仍舊置都監一員 南京諸倉監支納官草場  
監支納官正八品 南京提控規運柴炭使從五品副  
使正六品 京師規運柴炭場使正八品副使從八品  
元稅務提領大使副使各一員領于各路總管府

續文獻通考

卷之九十六

五十五

雜買雜賣務

遼不設

金有市買司 天德二年更市買局屬太府監官制見前  
又買物司使一員從八品副使一員正九品掌收買官  
中所用諸物都監四員從九品掌支應等事

元有廣議司總和領和買事屬留守司官秩見本司

文思院

諸錄詳院附

遼南面中京置文思院官曰中京文思使馬人望父倫嘗

居此職

金文思署隸于少府監官制見前 諸綾錦院置千戶

河州使一員正八品副使一員正九品掌織造官

殿之事

元織造織染等事皆屬于工部而文思院不設

左藏庫

遼南面內藏庫屬內省內庫屬內侍省官制皆見前

金左藏庫右藏庫皆屬太府監官制見前 交鈔庫使一

員正八品掌諸路交鈔及檢看鈔鈔換易收支之事副

使從八品掌書押印合同判官正九品都監二員 印

造鈔引庫使一員從八品副正九品判正九品掌監視

印造勘覆諸路交鈔益引兼提控抄造鈔引紙 鈔紙

坊使從八品副正九品判從九品 交鈔庫物料場場

官一員正九品掌收支交鈔物料隨處交鈔庫抄紙坊

續文獻通考卷之九十六

三十六

使從八品以上皆屬尚書戶部 法物庫使從六品副

使從七品掌鹵簿儀仗車輅法服等事直長正八品此

屬尚書兵部 外有中都廣備庫使一員從七品副使

一員從八品判官一員正九品掌足帛顏色油漆諸物

出納之事 又有永豐庫鑄鐵院都監隸焉使一員從

七品副使一員從八品判官一員正九品掌貨泉金銀

珠玉出納之事其鑄鐵院都監二員管勾生熟鐵釘線

南京交鈔庫使一員正八品副使一員正九品掌出入

錢鈔兌便之事 南京豐衍東西庫始隸運司員祐二年同濟朝使

正八品副使從八品判二員正九品監支納各一員正

八品

元中藏庫左藏庫右藏庫皆屬太府監官制見前

皇明審計糧料倉場俱屬戶部權務雜賣俱戶工二部分

理

司隸校尉

遼無司隸校尉之名五京各置警巡院官曰警巡使東京

別置軍巡院官曰東京軍巡使中京別置巡邏司官曰

中京巡邏使所掌皆司隸校尉事也 興宗重熙十三

年又置契丹警巡院

金諸京置警巡院使一員正六品掌平理獄訟警察別部

總判院事副一員從七品掌警巡之事判官二員正九

品掌檢稽失簽判院事一員

續文獻通考卷之九十六

二十七

按司隸校尉惟漢有之掌巡察奸猾之事唐以後俱不

設而採訪一職近之遼金有諸京警巡院古無是官其

所掌畧與司隸同故附其下

元上都留守司屬有警巡院秩正六品達魯花赤一員警

巡使一員副使二員判官二員司吏八人 大都兵馬

都指揮使司屬有左右警巡院秩正六品達魯花赤各

一員使各一員副使判官各三員典史各三人司吏各

二十五人 至元六年置領民事及供需視上都 大

都警巡院品職分置如左右院達魯花赤一員使一員

副使一員判官二員典史二員司吏二十人 大德九

年置以治都城之南其所職微與遼不同且總不如司



隸之持節而權重也

皇明巡警收置中東西南北城兵馬指揮司國初設兵馬指揮司都指揮副都指揮知事尋改兵馬指揮司指揮使副指揮知事城門設兵馬洪武十年改為指揮副指揮革知事二十三年定為兵馬指揮司正六品建文中改為五城兵馬司指揮副指揮為兵馬副兵馬靖難後復故

本司各指揮一人副指揮五人其屬吏目一人吏六人指揮掌巡捕盜賊街道溝渠囚犯火禁之事副指揮為之貳吏目受事發展

穆宗隆慶四年九月御史趙可懷言五城掌印兵馬宜取續文獻通考卷之六十六

科貢正途年壯有志行者任之職檢死傷理盜賊刑各而一切奔走瑣務則屬副兵馬各上官接遇之禮及陞轉之格視兩京知縣如不職者聽巡城御史不時糾劾仍候五年大察各城御史交代時第其考語送部以備查考

### 都督

遼南遼陽大都督府 太宗會同二年置官曰遼陽大都督以易魯泊為之關防遼陽東都

金海陵南伐時立左右領軍大都督將三十二總管元初有山東河北蒙古軍大都督府秩從二品掌各路軍民科差進征及調遣總攝軍馬公事 至元二十一年

罷統軍司統元帥府立蒙古軍都萬戶府 大德七年改山東河北蒙古軍都萬戶府 延祐五年罷 天曆

二年改立為大都督府定置大都督三員正二品同知一員正三品副都督三員從三品僉都督事二員正四

品經歷二員從六品都事二員從七品管勾一員照磨一員俱正八品所屬附見

左手萬戶府萬戶一員副萬戶一員經歷一員知事一員提控案牘一員鎮撫一員千戶九翼千戶一十一員百戶七十二員彈壓一十

一員 右手萬戶府設官如左手 千戶九翼千戶九員百戶六十三員彈壓九員 振都萬戶府達魯花赤

一員萬戶以下同上 千戶六翼千戶七員百戶四十員彈壓五員 哈答萬戶府達魯花赤一員萬戶一

員經歷以下同上 千戶八翼達魯花赤二員千戶六員百戶四十六員彈壓九員 玘都哥萬戶府達魯花

赤一員萬戶以下同上 千戶七翼外有哈必赤千戶翼洪澤屯田千戶趙國宏翼設官大畧皆同一翼直隸

大都督府 左翊蒙古侍衛親軍都指揮使司 右翊蒙古侍衛親軍都指揮使司 虎賁親軍都指揮使司

三司官秩詳具左右衛門 以上俱屬山東河北蒙古軍大都督府

左欽察衛秩正三品 至元二十三年依河西等衛例立欽察衛設官十員 至治二年分為左右衛 天曆

二年撥祿大都督府定置達魯花赤一員正三品都指揮二員正三品副使二員從三品僉事二員正四品經歷二員從七品知事照磨各二員並從八品鎮撫一員行軍千戶十八所達魯花赤各一員千戶三十六員百戶一百八十員彈壓一十八員屯田千戶所二達魯花赤二員千戶二員百戶二十員彈壓二員門尉二員儒學教授一員

右欽察衛分撥同左都指揮使三員正三品副都指揮二員從三品僉事二員經歷二員從七品知事二員照磨一員從八品鎮撫二員行軍千戶所二十翼千戶一十員百戶八十二員彈壓九員與魯官四員守城

續文獻通考

卷之六十六

三

七

守城

千戶所一翼達魯花赤一員千戶一員百戶九員彈壓一員屯田千戶所一翼達魯花赤一員千戶一員百

戶十員彈壓一員教官儒學教授一員

龍翊侍衛親軍都指揮使司秩正三品天曆元年始

立都指揮使二員從三品僉事二員正四品經歷一員

從七品知事一員照磨一員並從八品鎮撫二員行

軍千戶所九翼達魯花赤一員千戶六員副千戶一員

百戶四十五員彈壓五員屯田一翼欽察千戶所達

魯花赤一員千戶一員百戶二十二員彈壓二員教

官蒙古字教授二員儒學教授一員

哈刺魯萬戶府掌守禁門等處應直宿衛至元二十

三年招集哈刺魯軍人立萬戶府大德二年置司南陽天曆二年奏祿大都督府定置達魯花赤一員萬戶一員副萬戶一員經歷知事各一員提控案牘一員鎮撫一員吏目一員千戶所三翼千戶三員百戶九員彈壓三員

大都督分府至正十八年以東安柳州柳林日有警報京師備禦四隅俱立大都督分府其官吏視都城減半都督之職順帝至元四年立紹熙府軍民都總使司以御史大夫脫脫兼充使治書侍御史吉當普為副使世襲其職

續文獻通考

卷之九十六

三

十一

守城

大都督兵農司至元十九年置于西京以李羅帖木兒領之從其所請也仍置分司十道專掌屯種之事

皇明

五軍都督府建置國初置統軍大元帥府樞密院甲辰

革樞密總管萬戶定為指揮千百戶總小旗又革都護

統軍元帥萬戶府辛丑立大都督府正一品以朱文

正為大都督節制中外諸軍事又設左右都督都督同

知都督僉事及斷事官洪武十三年分中左右前後

五軍都督府正二品尋改正一品又設左右斷事官

十五年置五軍十衛參軍府二十三年置五軍斷事

司樞密義稽禮稽智稽信建文中革斷事官及五司

官又令武官襲替兵部同五府取旨靖難後復舊

官前斷事五司遂不復設 永樂元年置行後軍都督府於北京已而分五府稱行在某軍都督府罷行後軍都督府 十八年除行在在應天者加南京字 洪熙元年復稱行在仍設行後軍都督府 宣德三年又革行後軍都督府 正統六年復除行在凡公侯伯及三等直署都督並得充總兵副總兵

中左右前後五軍都督府每府左右都督各一人都督同知二人都督僉事二人 恩功寄祿無常員其屬經歷司經歷一人都事一人

都督掌軍旅公侯伯及三等都督領之貳亦如之各領其都司衛所以達於兵部凡武職流官世官土官襲替

續文獻通考

卷之九十六

兵考

優給優養所衛都司上府引奏送兵部請選既選移府下都司衛所凡首領官聽吏部者選授給由亦如之凡武職 誥勅旗役併鎗水陸步騎操練俸糧屯種器械舟車賞賜慰息軍情清勾替補邊腹盡圖貼說薪炭荆葦之事分移所司而綜理之經歷典出納文移都事佐之

元帥

宣慰司

遼北固有天下兵馬大元帥府以太子親王總軍政官曰天下兵馬大元帥曰副元帥有大元帥府以大臣總軍馬之政官曰大元帥曰副元帥有都元帥府以大將總軍馬之政官曰兵馬都元帥曰副元帥曰同知元帥府

事 興宗重熙四年改南京總管府為元帥又有便宜從事府官曰便宜從事

金元帥府天會三年伐宋更西南西北兩路都統府為元帥府官曰元帥從一品曰左副元帥正二品曰右副元帥正二品曰左監軍正三品曰右監軍正三品曰左都監從三品曰右都監從三品其都元帥必以諸班勃極烈為之恒居守不出 泰和時每行軍則樞密院更為元帥府罷則復舊員祐時沿河諸路設行元帥府大者有便宜之號小者有從宜之名 元光時招義軍設總領提控故時皆稱元帥為總領下有經歷一員都事一員知事一員正七品檢法一員從八品

續文獻通考

卷之九十六

兵考

元

初於北庭曲先塔林蒙古軍征東等四處立都元帥府於李店文州帖城河裏脫洋朵甘思當陽岷州洮州十八族脫思馬積石州等九處立元帥府都元帥府置都元帥二人副元帥二人元帥府置達魯花赤一人元帥一人李店文州增置同知副元帥各一人又有吐蕃宣慰司元帥府所屬有脫思麻路軍民萬戶府有西夏中興河州等處軍民總管府其烏思藏納里速古魯孫等三路宣慰使司都元帥府所屬凡二十餘所皆夷地不具錄俱隸宣政院

宣慰司掌軍民之務分道以總郡縣行省有政令則布

續文獻通考卷之九十六

州置

大理金齒等處

蒙慶等處

少使一人同知副使各一人

廣西兩江道

靜江路置

海北海南道

福建道

蔡

罕腦兒等

八番順元等處五府多宣慰使都元帥三人副都元帥僉都元帥事各二人至正間復立湖南

山東東西荆湖北諸道與邦牙永昌淮東興元江州諸

處八宣慰使司都元帥府在邦牙者以其酋長來貢方

物故立官府以獎異永昌以其地連西蕃為其所擾故

置可以治之山東山西掌屯駐軍馬之事淮東統制義

兵萬戶府并洪澤等處義兵招誘富民出丁壯五千名

者為萬戶五百名者為千戶一百名者為百戶降宣勅

牌面與之置司泗州天長縣江州宣慰使都元帥廷授

於下郡縣有請則為達於省有邊郵軍旅之事則兼都

元帥府品秩員數各有等差宣慰使司使三員從二

品同知一員從三品副使一員正四品經歷都事照磨

兼架閣管勾各一員正九品凡六道山東西道益都

路置河東山西道大同路置淮東道揚州置東

道慶元路置荆湖北道中興路置南道天臨路置

按世祖至元十三年平宋置五道宣慰使浙東西江東

西湖南也十八年置安南宣慰司二十九年以汪惟和

為華昌二十四處都總帥亦元帥職也

宣慰使司都元帥府使三人同知副使各二人經歷知

事各二人照磨兼架閣管勾一人凡八府廣東道廣

皇明

續文獻通考卷之九十六

國初設元帥府有翼元帥都元帥副元帥等官後改五軍

都督府以統戎事遂革元帥之職

本朝宣慰使司皆土官世襲有使有同知有副使有僉

事而經歷都事則用流官

太祖洪武二十九年六月戊子朔己丑置思南宣慰使

司時思南宣慰使曰仁智遣其都事楊深來歸款并納

元所授宣慰使等身土曰仁智辭處遐荒世長溪河

乃能識天命率先來歸可嘉也俾仍為思南道宣慰使

授深思州等處軍民宣撫使兼新軍萬戶以三品銀印

給授之

宣撫

佐貳僚屬江西行省平章政事承制署之

宣慰使兼管軍萬戶府宣慰使三員同知副使各一員

經歷一員都事二員照磨兼管勾一員凡三府曲靖

等路羅羅斯臨安廣西道元江等處

分元帥府至正八年以福建盜起命汀漳二州立分元

帥府以討捕之又置於沂州以鎮禦東海盜十一

年又置於湖南寶慶路與寶武又置山東分元帥府於

登州提調登萊寧海三州三十六處海口事十二年

又置安東安豐八處分元帥府水軍元帥府至正

二十六年置河淮水軍元帥府於孟津

皇明

續文獻通考卷之九十六

三十五三十七京

國初設元帥府有翼元帥都元帥副元帥等官後改五軍

都督府以統戎事遂革元帥之職

本朝宣慰使司皆土官世襲有使有同知有副使有僉

事而經歷都事則用流官

太祖洪武二十九年六月戊子朔己丑置思南宣慰使

司時思南宣慰使曰仁智遣其都事楊深來歸款并納

元所授宣慰使等身土曰仁智辭處遐荒世長溪河

乃能識天命率先來歸可嘉也俾仍為思南道宣慰使

授深思州等處軍民宣撫使兼新軍萬戶以三品銀印

給授之

宣撫

元

遼金無宣撫之職 元宣撫司秩正三品每司達魯花赤

一員宣撫一員同知副使各二員僉事一員計議經歷

知事各一員提控案牘架閣一員損益不同者各附見

于下 廣西西道不置副使僉事 麗江路以上隸雲南省 順元等

處 梧州 思州以上隸湖廣省 敘州等處隸四川省不置僉事計議

世祖中統元年立十路宣撫司以審典赤李德輝為燕京

路宣撫使徐世隆副之宋子貞為益都濟南等路宣撫

使王磐副之河南路經畧使史天澤為河南宣撫使楊

果為北京等路宣撫使趙昞副之張德輝為平陽太原

等路宣撫使謝瑄副之李魯海牙劉肅並為真定路宣

撫使姚樞為東平路宣撫使張蕭副之中書左丞張文

謙為大名彰德等路宣撫使游顯副之粘合南合為西

京路宣撫使崔巨濟副之廉希憲為京兆等路宣撫使

二年四月乙卯詔十路宣撫使量免民間課程勸農

桑抑游惰禮高年問民疾苦舉文學才識可以從政及

茂才異等者列名上聞以聽擢用其職官汚濫及民不

孝弟者量輕重議罰

成宗大德七年詔遣奉使宣撫循行諸道以郝天挺搭出

往江南江北石珪往燕南山東耶律希逸劉賡往河南

陝西鉄里脫歡戎益往兩浙江東趙仁榮岳叔漢往江

南湖廣木八刺陳英往江西福建塔斥海牙劉敏中往

山北遼東並給二品銀印仍降詔戒飭之 是年十一

月七道奉使宣撫所罷職汚官吏凡一萬八千四百七

十三人賊四萬五千八百六十五錠審冤獄五千一百

七十六事

泰定帝二年九月分天下為十八道遣使宣撫按問官吏

不法詢民疾病審理冤滯凡可以興利除害從便舉行

續文獻通考卷之九十六

七十七

書朱賁往河南河北樞密院同知阿吉刺御史中丞曹

立往燕南山東太子詹事別刺木兒宣徽院判韓讓往

河東陝西吏部尚書納答出重訥往山北遼東中書斷

事官韓廷茂陝西運事僧家奴往雲南湖廣宣慰使寒

食箕寧路總管劉文往甘肅山東宣慰使禿思帖木兒

陝西右丞廉倬往四川翰林侍講學士帖木兒不花秘

書郎吳義道往京畿

順帝至元四年因監察御史言四川在宋時有紹熙一府

統六州二十縣一百五十二鎮近年雍梁淮甸人民見

彼中田疇廣闊開墾成業者凡二十餘萬戶省部定議

遂奏置紹熙等處軍民宣撫司正官六人宣撫使同知

子 186-692

副使各二人首領官二人經歷知事提控案牘各一人  
司獄蒙古儒學教授各一人所轄下州四下縣五巡檢  
司十三六年因臺臣言裁減冗官遂罷之 至正五年  
冬十月遣使宣撫巡行天下命江西左丞忽都丁吏  
部尚書何執禮巡兩浙江東雲南右丞散散將作院使  
王士弘巡江西福建大都路達魯花赤拔實江浙叅政  
惠從德巡江西湖廣吏部尚書定僧宣政院魏景道  
巡河南河北資政院使蠻子兵部尚書李獻巡燕南山  
東兵部尚書不花樞密院判斬義巡河東陝西宣政院  
同知伯家奴宣徽院王也速迭兒巡山北遼東湖北  
宣慰使阿乞刺兩淮運使杜德遠巡雲南上都留守阿  
續文獻通考卷之七十六

子中

牙赤陝西左丞王紳巡甘肅大都留守答爾麻失里河  
南叅政王守誠巡四川前西臺中丞永定集賢學士蘇  
天爵巡京畿平江路達魯花赤左納答失里都水監賈  
惟貞巡廣海皆使布宣德意詢民疾苦疏滯冤滯蠲除  
煩苛體察官吏賢否明加黜陟有罪者四品以上停職  
申請五品以下就便處決民間一切興利除害之事悉  
聽舉行其餘必合上聞者條具入告十一年以承順安  
撫司改承順宣撫司 十五年以雲南降置平緬宣撫  
司以羈縻之 十七年又詔以中書左丞也先不花御  
史中丞成遵奉使宣撫彰德大名廣平東昌東平曹濮  
等處獎勵將帥

按唐宋宣撫皆大將軍之任以武臣爲之宋間有一二  
文臣任者元之宣撫職在詢民疾苦體察官吏賢否以  
行省官或諸部尚書與諸院使充之此即唐巡察按察  
巡撫等使且至元元和之間亦有諸道宣撫使審此則  
不宜入宣撫類矣至正時復置平緬宣撫使則其職又  
似宋之招撫使故附於其後云

皇明倣元制設宣撫司皆土官世襲其正官有宣撫有同  
知有副使有僉事其經歷司有經歷有知事則用流官  
亦不常設

太祖洪武元年六月癸巳朔 戊戌湖廣安定等處宣撫  
使何思明等遣其溪洞長官硬徹津等以元所授宣撫  
續文獻通考卷之七十六

子中

勅及印章來上請改授官 命仍置安定等處宣撫司  
設宣撫使二以思明及其弟思勝爲之又置懷德軍民  
宣撫司宣撫使一以向大旺什用爲之統軍元帥二以  
南木什用潘仲玉爲之抽攔不夜 石三洞各置長官  
一以沒業什用大重什用硬徹津爲之以幹坪洞元帥  
府設元帥一以向顯祖爲之梅梓麻寮二洞各置長官  
以向志明唐漢明爲之

大撫軍院

元至元二十七年命皇太子總天下軍馬置大撫軍院從  
一品知院四員同知二員副使一員同僉一員首領官  
有經歷都事各二員照磨兼管勾一員明年詔罷之

皇明無

監軍

遼樞密院都統下有監軍行軍時又有監戰又有行軍都  
監其北而分制諸路者諸部署司諸指揮使司諸統軍  
司皆有都監南而指揮使亦有都監西北路招討司亦  
有監軍一員俱見各衙門下 聖宗統和十二年復置  
南京統軍都監十四年東邊諸軍各置都監 興宗重  
熙十二年置同跋部詳穩都監十九年置倒場嶺都監  
蓋皆古監軍職也

金天會三年以伐宋更都督府爲元帥府自元帥副元帥  
而下置左右監左右都監 天德二年九月置統軍司  
續文獻通考卷之九十七

于山西河南陝西三路以元帥府都監監軍爲使

元無考

皇明無定員惟用兵則設或以御史或以按察司官領勅  
行事

續文獻通考卷之九十七

續文獻通考卷之九十七

皇明進士雲間王圻纂輯

職官考 留守都護巡察使轉運使安撫使

留守

遼南面五京留守司俱兼府尹職官曰某京留守行某府  
尹事曰某京副留守曰知某京留守事曰某京少尹曰  
同知某京留守事曰同簽某京留守事曰某京留守判  
官曰某京留守推官

金諸京留守司留守一員正三品帶本府尹兼本路兵馬  
都總管副留守一員從四品帶各府少尹兼本路兵馬  
副都總管留守判官一員從五品都總管判官一員從  
續文獻通考卷之九十七

五品掌紀綱總府衆務分判兵案之事推官一員從六  
品掌同府判分判刑案之事上京兼管林木事司獄一  
員正八品 正隆二年八月罷上京留守同

元大都留守司秩正二品掌守衛宮闕都城調度本路供  
億諸務兼理營繕內府諸邸都宮原廟尚方車服殿廡  
供帳內苑花木及行幸湯沐宴遊之所門禁關鑰啟閉  
之事留守五員正二品同知二員正三品副留守二員  
正四品判官二員正五品經歷一員從六品都事二員  
從七品管勾承發架閣庫一員正八品 至元十九年  
罷宮殿府行工部置大都留守司兼本路都總管知少  
府監事 二十一年別置大都路總管府治民事并少



府監歸留守司 皇慶元年別置少府監 延祐七年  
罷少府監復以留守兼監事所屬附見

修內司秩從五品領十四局人匠四百五十戶掌修建  
直長五員吏日照磨各一員 中統二年置至元中增  
工匠計一千二百七十有二戶 大木局提領一員管  
勾三員掌殿閣營繕之事 小木局提領二員同提領  
一員副提領三員管勾二員提控四員 泥厦局提領  
八員管勾二員 車局提領二員管勾一員 粧釘局  
提領二員同提領二員 銅局提領同提領各一員管  
勾一員 竹作局提領二員提控一員 繩局提領二  
員

續文獻通考卷之九十七

工部

祇應司秩從五品掌內府諸王邸第異巧工作修護應  
辦寺觀營繕領工匠七百戶大使一員從五品副使一  
員正七品直長三員正八品初建兩京殿宇始置司以  
備工役其屬附見 油漆局提領五員同提領副提領  
各一員掌兩都宮殿髹漆之工 畫局提領五員管勾  
一員掌諸殿宇藻繪之工 銷金局提領一員管勾二  
員掌諸殿裝璜之工 裱糊局提領一員掌諸殿宇裝  
潢之工 燒紅局提領二員掌諸宮殿所用心紅顏料  
器物局秩從五品掌內府宮殿京城門戶寺觀公廨營  
繕及御物各位下鞍轡忽哥轎子帳房車輛金寶器物  
凡精巧之藝雜作工匠無不隸焉大使一員從五品副

續文獻通考卷之九十七

工部

內府殿宇寺觀橋牌石材之役

大都城門尉詳見中書省城門部下 犀象牙局秩從  
六品大使副使直長各一員司吏一人掌兩都宮殿營  
繕犀象龍床卓器繫腰等事管匠戶一百有六十其屬  
附見 雕木局提領一員掌宮殿香閣營繕之事 牙  
局提領管勾各一員掌宮殿象牙龍床之工  
大都四室場秩從六品提領大使副使各一員領匠夫  
三百餘戶營造素白琉璃磚瓦其屬三 南窪場西窪  
場琉璃場大使副使俱各一員 凡山採木提舉司秩  
從五品掌採伐車輛等雜作木植及造只孫繫腰刀把  
諸物達魯花赤提舉各一員並從五品同提舉一員正

七品副提舉一員正八品吏目一員司吏一人 上都  
採山提領所秩從八品提領副提領提控各一員 至  
元九年以採伐材木鍊石爲灰徵發夫匠一百六十三  
戶置官以統之 凡山宛平等處管夫匠所提領同提  
領各二員管領催車材戶提領一員 器備庫提點一  
員從五品大使一員從六品副使一員正七品直長四  
員正八品堂閣殿金銀寶器二千餘事 甸皮局大使  
一員正七品歲辦熟造紅甸羊皮二千有奇 上林署  
并所屬詳見司農卿 儀鸞局掌殿庭燈燭張設之事  
及殿閣浴室門戶鎖鑰苑中龍舟園檻珍異禽獸給用  
內府諸宮太廟等處祭祀庭燎縫簾幘灑掃掖庭領燭  
刺赤水手樂人禁蛇人等二百三十餘戶輪直怯薛大  
使四員正五品副使二員從六品直長二員正八品  
延祐七年增大使二員以官者爲之領燭刺赤水手針  
工臘燭四提領所 木場提領大使副使各一員掌受  
給營造宮殿材木 大都路管領諸色人匠提舉司掌  
大都諸色匠戶理斷婚姻田詞訟事提舉一員從五品同  
提舉一員正七品副提舉一員正八品 直定東平保  
定宣德大名管軍翼寧大同河間諸路各路設管匠官  
大使副使不等 收支庫諸色庫太廟收支諸物庫南  
寺北寺收支諸物二庫各置大使副使或多提點提領  
等官不等 廣誼司總和顧和買賣繕織造供億工役

物色之務司令二員正三品同知二員正四品副使二  
員正五品判官二員正六品經歷知事各二員照磨一  
員  
上都留守司兼本路都總管府品秩職掌如大都留守  
司而兼治民事車駕還大都則領上倉諸倉庫之事留  
守六員正二品同知二員正三品副留守二員正四品  
判官二員正五品經歷二員都事四員照磨兼管勾一  
員初置開平府 中統四年改上都路總管府 至元  
二年又給留守司印十九年併爲上都留守司兼本路  
都總管府其屬附見 修內司大使一人副使三人直  
長三人掌營修內府之事 祇應司掌粧鑿油漆裱糊  
之事設官同上少副使一人 器物局掌造鐵器內府  
營造釘線之事使副各一人直長二人 儀鸞局大使  
二人副使三人直長二人 兵馬司指揮使三人副指  
揮使二人知事提控各一人 警巡院設官詳司隸校  
尉目下 平盈庫使副各一人 萬盈庫達魯花赤監  
支納大使副使各一人 廣積倉設官同上 萬億庫  
達魯花赤提舉同提舉副提舉各一人提控一人 行  
用庫使副各一人 稅課提舉司提舉二人同提舉副  
提舉提控各一人 八作司達魯花赤提領大使副使  
各一人 儀禮司使副各一人掌諸王駙馬使客飲食  
皇明置留守司正留守一人副留守二人指揮同知二人

其屬經歷司經歷一人都事一人斷事司斷事一人副斷事一人吏目一人司獄司司獄一人其提領提舉儀鸞祇應等官則分統于六部諸衙門詳見後

留守掌中都興都守護防禦之事副留守指揮同知爲之貳凡諸政務如都指揮使司經歷斷事司獄亦如之

都廂

遼金無考

元世祖至元二十一年置東關廂巡檢司秩從九品巡檢三員司吏一人掌巡捕盜賊奸宄之事西北南關廂兩巡檢司設置並同上隸管領諸路打捕鷹房總管府

皇明不設其緝捕諸務皆統于五城兵馬司

都護

遼金皆不設

元世祖至元十七年置鎮北庭都護府于畏吾境以脫脫才兒等領其事秩從二品掌領舊州城及畏吾兒之居漢地者有詞訟則聽之大都護四員從二品同知二員從三品副都護二員從四品經歷一員從六品都事一員從七品至元十一年初置畏吾兒斷事官秩三品十七年改領北庭都護府秩二品置官十二員二十年改大理寺秩正三品二十二年復爲大都護品秩如舊

皇明不設惟世宗幸承天以郭勳爲都護大將軍

巡察按察巡撫等使

宋寧宗嘉定九年彭龜年請併省監司官其畧曰臣竊考監司之官蓋源流於秦以御史監郡然漢初猶惡其繁遂以丞相長史分刺諸州不立常員逮世宗時始置十二部刺史亦不過一部一人而已本朝遵之其始逐路止置轉運使一人惟京東西河東北淮南兩浙乃有使副若糾察刑獄則命轉運司一常參官掌之自淳化而後逐路置提刑之官然或置或不置猶不爲常廕豐以來朝廷命使紛紛矣蘇軾嘗論其弊譬之立厩長而馬益羶蓋善論也紹興間雖未嘗大有所更革然所在監司多不備置或以一員而兼領亦不聞有所闕敗則

續文獻通考卷之九十七

七

天下之治亂係乎監司之賢否不係乎多寡可槩見矣臣竊觀近日監司皆無關員間有一事而分爲兩司一司而轄以二人者其間職掌不同好惡亦異外假舉刺內示趨向同一訟也而有是非焉同一吏也而有能否焉號令難於奉行往來疲于迎送蓋不止如蘇軾之所論其爲害豈細哉臣欲望陛下考祖宗創立之規監紹興權宜之意將所任監司或有或併間總于一員或文或武不必於並置庶幾簡易於趨向朝廷政令有所總一而員數不多尤易選賢如姚崇所謂今止擇十使猶患未盡得人此尤當深察也

理宗寶祐二年正月詔工部尚書陳德毅訪察官吏於荆

蜀江淮於是被黜者凡百十七人

遼南面有按察諸道刑獄使有分決諸道刑獄使官不常設有詔則選才望官充之

金按察使本提刑司 大定二十九年章宗命提刑司除後于便殿聽旨每十日使副內一人入見議事如止一員則令判官入見八月定提刑司三十三條 明昌二年勅提刑司五日一朝三年宰臣請罷提刑司不聽復定提刑司條制 承安三年以上京東京等提刑司并爲一提刑使兼宣撫使勸農採訪事爲官稱副使判官以兼宣撫副使判官爲各復改宣撫爲安撫各設安撫判官一員提刑一員通判四員安撫使掌鎮撫人民議續文獻通考卷之九十七

八 四 卒

察邊防軍旅審錄軍刑事安撫判官則街內不帶勸農採訪事今專管千戶謀克安撫使副內差一員于咸平一員于上京分司四年罷咸平分司使在上京副在東京各設簽事一員四月改提刑司爲按察司 貞祐三年罷止委監察採訪使一員正三品掌審察刑獄照制案牘糾察濫官汚吏豪猾之人私鹽酒麴並應禁之事兼勸農桑與副使簽事更出巡按副使正四品兼勸農事簽按察司事正五品四年又設判官二員從六品 明昌元年以陝西地潤添一員知事正八品三年十一月改提刑司令史爲書史上京者兼經歷安撫司使 泰和八年十一月省議以轉運使權輕州縣不畏不能

規措錢穀遂詔中都轉運依舊專管錢穀事自餘諸路按察使並兼轉運使副使兼同知簽按察並兼轉運副添按察判官一員爲從六品中都西京路按察司官止兼西京路轉運司事遼東路惟上京按察安撫使及簽事依舊署本司事遼東轉運使兼按察副使同知轉運使兼簽按察司事轉運副使兼按察判官添知事一員知法二員從八品右中都西京並依此置陝西上京兩路設簽按察司事二員上京簽安撫司事上京東京等路按察司并安撫司使正三品鎮撫人民議察邊防軍旅之事仍專管猛安謀克教習武藝及令本土純愿風俗不致改易副使二員正四品簽安撫司事正五品續文獻通考卷之九十七

九 四 卒

元

初立提刑按察司四道曰山東山西道曰山北東西道曰河東陝西道曰河北河南道 至元六年以提刑按察司兼勸農事 十三年以省併衙門罷按察司 十四年復置增立八道曰河北淮東道曰淮西江北道曰山南江北道曰浙東海右道曰江南浙西道曰江東建康道曰江西湖廣道曰嶺北湖南道 十五年復增三道

曰江南湖北道曰嶺南廣西道曰福建廣東道 十九年增西蜀四川道 二十年增海北廣東道改福建廣東道曰福建閩海道以雲南七路置雲南道以女直之地置海西遼東道 二十三年以淮東淮西山南三道隸內臺 二十四年增河西隴右道是年罷雲南道 二十八年改按察司曰肅政廉訪司 道設八員除二使留司以總制一道餘六人分臨所部如民事錢糧官吏一切奸弊悉委之歲終省臺遣官考其功效 大德元年徙雲南行臺於陝西復立雲南道其後遂定為二十道每道廉訪使二員正三品副使二員正四品僉事四員兩廣海南止二員正五品經歷一員從七品知

續文獻通考卷之九十七

十一

事一員正八品照磨兼管勾一員正九品

內八道隸御史臺

山東東西道濟南路置司 山南北道中興路置司  
河東山西道冀寧路置司 淮西北道廬州路置司  
燕南河北道真定路置司 江北淮東道揚州路置司  
江北河南道汴梁路置司 山北遼東道大寧路置司  
江南十道隸江南行臺  
江東建康道寧國路置司 嶺北湖南道天臨路置司  
江西湖東道龍興路置司 嶺南廣西道靜江路置司  
江南浙西道杭州路置司 海北廣東道廣州路置司  
浙東海右道婺州路置司 海北海南道雷州路置司

江南湖北道武昌路置司 福建閩海道福州路置司  
陝西四道隸陝西行臺

陝西漢中道鳳翔路置司 西蜀四川道成都路置司  
河南隴北道甘州路置司 雲南諸路道中慶路置司  
按閩志曰廉訪之職與臺察相表裏詢民瘼察冤滯糾劾諸不職者案置提刑司設提點刑獄官其職與此畧同然任分而權輕元至元二十年改提刑按察司二十八年改按察司為肅政廉訪司按治帥府漕司軍民司屬兼照例諸司文卷遲錯責違慢官吏運司官吏年終按問劄卷亦如之每司廉訪使二員長曰監司次曰大使監司守司次官每年九月分司次年四月還司獨大

續文獻通考卷之九十七

十一

使於西廳置分司按治本路司屬關則次官代之副使以下分按夏六月冬十二月二次審囚就刷所按路分司屬上下半年文卷餘不係分按審囚時月安坐視事元史云至元二十三年立按察司巡行郡縣法除使二員留司副使以下每歲二月分按十月還司與此稍不同

順帝至正五年遣使巡行天下時諸道奉使者皆與臺諫交相掩蔽惟巡京畿道西臺中丞定集賢侍讀學士蘇天爵糾舉無所避凡興革者七百八十三事糾劾九百四十三人都人稱天爵為包拯天爵亦竟以忤時罷去

胡梓中曰御史糾正百官者而為宣撫所奏罷臺綱陵夷可知矣夫宣撫之設是為宣撫猶漢繡衣直指之類耳今諸道宣撫又與臺憲互相掩蔽則天下庶官舉不足任矣其何以為國哉舉京畿道與華七十二事糾劾九百四十九人而諸道無聞焉吏弊之多民瘼之滋又不可言可知也

成宗大德七年遣使宣撫循行諸道並給二品銀印

皇明不專設在內都察院御史分按在外按察司各道分理詳見各衙門

### 採訪處置使

遼南回採訪使不常設有詔則選才望官為之其五京各

續文獻通考卷之九十七

十三

言十

設處置使司官曰其京處置使惟南京曰燕京管內處

置使開泰中秦王隆慶嘗居此職又太宗時平灤營三州設處置使司

金有勸農採訪使以按察使兼之見前

世宗大定十一年上謂宰臣曰朕欲遍知天下官吏善惡故每使採訪其彼黜者多宜知勸也若常設訪察恐任非其人易至生弊是以姑罷之

宣宗承安四年以按察使不兼採訪遂罷平倒別路除授之制

元不設

皇明不設惟永樂中遣使採訪民間疾苦尋停罷後另

設巡撫以提督軍務及糧儲營田等事見都察院下

### 度支營田使

遼金不設

元世祖中統二年初立勸農司以陳遂崔斌陳仲寬栾合從中為濱棣平陽濟南河間勸農使李士勉陳天錫陳膺武忙古帶為邢洛河南東平涿州勸農使至元十九年置大都督兵農司于西京

順帝至元六年置都水庸田使司于平江既而罷之至

正五年復立十年置河南江北等處都總制庸田使司

使二人副使二人僉司六人經歷都事各二人照磨兼勾管承發架閣一人所轄軍民屯田總管府五又有農

續文獻通考卷之九十七

十三

正司置農正一人農丞一人提領一人豐盈庫提領大

使副使各一人十二年因海運不通京師缺食詔河

南窪下水泊之地置屯田八處于汴梁添立都水庸田

使司秋正三品掌種植稻田之事置營田使二人副使

二人僉事二人首領官經歷知事照磨各一人又詔于

水田去處置大兵農司招誘夫丁有事則乘機招討無

事則栽植播種所置司之處曰保定等處大兵農使司

曰河間等處大兵農使司曰武清等處大兵農使司曰

景縣等處大兵農使司其屬有兵農千戶所共二十四

處百戶所共四十八處鎮撫司各一

皇明不設度支統于戶部及諸司營田統于兵工二部而

分理于外者或以巡撫兼或守道都司專管

租庸兩稅戶口使

遼金不設

元至元二十五年置徵理司專治合追錢穀以甘肅叅政  
禿烈羊呵僉省吳誠並為徵理司使 至二十八年罷  
皇明不設其租稅戶口俱統于戶部在外藩司守道分理  
之

轉運使

遼南面有山西路都轉運使司有奉聖州轉運使司有蔚  
州轉運使司有應州轉運使司有朔州轉運使司有保  
州轉運使司有西山轉運使司官曰某轉運使曰某轉  
運使

續文獻通考卷之九十七

十四

運副使曰同知某轉運使曰轉運判官

聖宗開泰  
二年置

金初設轉運司後詔中外惟都轉運依舊專管錢穀自餘

諸路轉運皆兼于按察其都轉運司使正三品掌稅賦  
錢穀倉庫出納權衡度量之制同知從四品副使正五

品都勾判官從六品紀綱衆務分判勾案惟南京勾判  
兼上林署丞戶籍判官二員從六品

舊止一員承安  
二年增一員

許別差專管拘收徵尅等事度支判官二員從六品掌  
勾判分判支度案事鹽鐵判官一員從六品都孔目官

二員勾稽文牘知法二員從八品

與定四年以河南路  
轉運司為都轉運使

中都增  
置官史

元

初置兩淮都轉運鹽使司秩正三品兩淮內附以提舉馬  
兒范章專掌鹽課之事 至元十四年始置司於揚州  
使二員正三品同知一員正四品副使一員正五品運  
判二員正六品經歷一員從七品知事一員從八品照  
磨一員從九品 三十年悉罷所轄鹽司以其屬置場  
官 大德四年復置批驗所於真州米石等處 鹽場  
二十九所每場司倉一員從七品司丞一員從八品管  
勾一員從九品辦鹽各有差 呂四場 餘東場 餘  
中場 餘西場 西亭場 金沙場 石港場 掘港  
場 豐利場 馬漕場 拼茶場 角斜場 富安場

續文獻通考卷之九十七

十五

安豐場 梁垛場 東臺場 河梁場 丁奚場

小海場 草堰場 白駒場 劉莊場 五祐場 新

興場 廟灣場 莞瀆場 板浦場 臨洪場 徐濱

浦場 批驗所每所提領一員正七品大使一員正八

品副使一員正九品掌批驗鹽引

兩浙都轉運鹽使司秩正三品使二員同知二員運判

二員經歷知事各一員照磨一員 至元十四年置司

杭州 大德三年定其產鹽之地立場有差仍於杭州

嘉興紹興溫台等處設檢校四所專驗袋毋過常廣

鹽場三十四所每所司令一員從七品司丞一員從八

品管勾一員從九品 仁和場 許村場 西路場



下沙場 青村場 衣部場 浦東場 橫浦場 蘆  
 瀝場 海沙場 鮑郎場 西興場 錢清場 三江  
 場 曹娥場 石堰場 鳴鶴場 清泉場 長山場  
 穿山場 袋山場 玉泉場 蘆花場 大嵩場  
 昌國場 永嘉場 雙穗場 長林場 黃岩場 杜  
 瀆場 長亭場 龍頭場 天富南監 天富北監  
 福建等處都轉運鹽使司秩正三品使二員同知二員  
 運判二員經歷知事各一員照磨一員 至元十四年  
 始置市舶司領煎鹽徵課之事 二十四年改立鹽運  
 司 二十九年罷立提舉司 大德四年復為運司徑  
 隸行省凡置鹽場七所每所司令一員從七品司丞一  
 員從八品管勾一員從九品 海口場 牛田場 上  
 里場 惠安場 澤美場 涪州場 泗州場  
 四川茶鹽轉運司成都鹽井九十五處散在諸郡山中  
 至元二年置興化四川轉運司專掌煎熬辦課之事  
 八年罷之 十六年復立轉運司通轄諸課程事 二  
 十二年置四川茶鹽運司秩從三品使一員同知副使  
 運判各一員經歷知事照磨各一員置鹽場一十二所  
 每所司令一員從七品司丞一員從八品管勾一員從  
 九品 簡鹽場 隆鹽場 綿鹽場 潼川場 遂寧  
 場 順慶場 保寧場 嘉定場 長寧場 紹慶場  
 雲安場 大寧場

大都河間等路山東東路都轉運鹽使司設官與兩淮  
 等處同大都常以戶部尚書充使山東以中書左右部  
 兼使俱頒分符印巡行郡邑以防私鹽之弊 大都河  
 間等路鹽場二十二所設官與前同 利國場 利民  
 場 海豐場 阜民場 阜財場 益民場 潤國場  
 海阜場 海鹽場 海潤場 嚴鎮場 富國場  
 興國場 厚財場 豐財場 蘆臺場 越支場 石  
 碑場 濟民場 惠民場 富民場 三义沽場 山  
 東東路鹽場一十九所設官與前同 永利場 寧海  
 場 官臺場 豐國場 新鎮場 豐民場 富國場  
 永阜場 利國場 固堤場 信陽場 濤洛場  
 石河場 海滄場 行村場 登寧場 西由場 高  
 家港場 王家岡場 河東陝西等處鹽司所屬 解  
 鹽場管勾一員正九品同管勾一員從九品 河東等  
 處解鹽提領所正提領一員從八品副提領一員從九  
 品 安邑等處解鹽管民提領所設官同前 檢校批  
 驗所 至正二年中書省講究鹽法奏准于杭州嘉興  
 紹興台溫四處各置檢校批驗所直隸運司專掌批驗  
 鹽商引目均平袋法稱盤等事每所置檢校批驗官一  
 人相副官一人 權茶都轉運使司 元統二年于湖  
 廣江西置司  
 皇明

太祖丙午年初置都轉運使司於兩淮吳元年置於兩浙洪武二年置於河東陝西河間長蘆福建五年置四川納谿白渡二鹽馬司及四川茶鹽都轉運司又明年革茶鹽都轉運司十二年定都轉運司正四品後改提三品臨課提舉司國初已漸增設建文中改廣東鹽課司為都轉運鹽使司又有煎鹽提舉司制如府都轉運使司都轉運使一人同知一人副使一人判官無定員其屬經歷司經歷一人知事一人庫大使一人副使一人所屬衙門鹽課司批驗所鹽倉各大使一人副使一人

都轉運使掌鹽事以聽於戶部同知副使判官為之貳續文獻通考卷之九十七 大凡常股存積之鹽以時征而貯之以待商人種支以供邊儲京帑之用凡分司鹽課司鹽倉批驗所各以僚屬分任其事而都轉運使總領之糾禁私煎私買賣竊買窩諸奸弊謹受巡鹽御史之政令而申勵焉經歷典出納文移知事佐之

臨課提舉司提舉一人同提舉一人副提舉無定員其屬吏目一人庫大使一人副使一人所屬衙門鹽課司批驗所鹽倉各大使一人副使一人

提舉掌鹽課之事以聽於戶部其職如都轉運使僚屬亦如之

安撫使

宋安撫使設立之詳見實與考然僚屬有不盡載茲并存之 參議官一員添差參議官一員紹興間置釐務隆興間省軋道間復置不釐務 主管機宜文字幹辦公事各一員主管書寫機宜文字一員 建炎三年置後省 准備差遣五員紹興初置八年改一員作幹辦公事後盡省准備差使五員紹興初置後盡省 措置招捉盜賊官一員紹興十五年置後省

遼北面邊防官控制西夏者有西南面安撫使司官曰西南面安撫使控制東路者有九水諸夷安撫司官曰九水諸夷安撫使俱見前諸路將官內南面東京有安撫使司官曰東京安撫使

續文獻通考卷之九十七 元 金初各宜撫後改宜撫為安撫以按察司官兼領詳見按察使內 承安四年罷宜撫使詠議官

元松潘容巒威茂州等處有軍民安撫使司隸宣政院秩正三品達魯花赤一員安撫使一員同知一員僉事一員經歷知事昭磨各一員鎮撫一員威州保寧縣茂州文山縣文川縣皆隸焉 靜州茶上必里溪安鄉等二十六族軍民千戶所達魯花赤一員千戶一員 龍木頭都留等處二十二族軍民千戶所達魯花赤一員千戶一員 岳希蓬蘿蘭村等處二十二族軍民千戶官同上 折藏萬戶府達魯花赤一員萬戶一員 碯門魚通黎雅長河河西寧遠等處軍民安撫使亦隸

宣政院秩正三品達魯花赤一員安撫使一員同知一員副使一員經歷知事昭磨各一員鎮撫二員至元二十九年廣西安撫使賽甫丁有罪誅之各處安撫使官秩大畧皆同師壁洞不置達魯花赤永順等處散毛洞以上隸四川省羅番過蠻軍不置達魯花赤程番武盛軍金石番太平軍臥龍番南寧州小龍番靜蠻軍不置達魯花赤同知大龍番應天府洪番永盛軍方番河中府盧番靜海軍不置達魯花赤新添葛蠻以上隸湖廣省忠義軍民安撫司至正十五年四月罷四川羊母申洞吳南王洞長官司置忠義軍民安撫司又罷盤順府置盤順軍民安撫司又罷四川省所轄大奴管勾等洞

續文獻通考卷之九十七

長官司立忠孝軍民安撫司

團練安撫勸農使司至正十八年置奉元延安等處置司於耀州鞏昌等處置司於邠州以行省丞相參政行臺大夫完者帖木兒領之各設參謀一人每道置使二人同知副使各二人檢督六人經歷知事昭磨各一人

皇明國初設安撫司正官有安撫同知副使僉事各一員首領官有知事一員皆係土官襲替

續文獻通考卷之九十七終

續文獻通考卷之九十八

皇明進士雲間王圻纂輯

職官考 都提舉 諸提舉 經歷使 發運使 總制使 鎮撫使 節度使

都提舉

遼金無

元有都提舉萬億寶源庫 都提舉萬億廣源庫 都提舉萬億綺源庫 都提舉萬億賦源庫四庫俱置都提舉正四品提舉同副提舉知事提控等官職掌詳見戶部之屬 諸路寶鈔都提舉司置達魯花赤都提舉俱正四品副達魯花赤提舉同副提舉等員更置知事照

續文獻通考卷之九十八

乙

磨錄戶部

諸路寶泉都提舉司至正十年置掌鼓鑄至正銅錢印造交鈔設官未詳其屬有鼓鑄局永利庫 常湖等處茶園都提舉司正四品設官視諸路寶鈔少副達魯花赤都提舉別置提控都目隸宣徽院 管領六盤山等處怯憐口民匠都提舉司置達魯花赤都提舉同副提舉知事提控等員隸中政院秩正四品

遼陽等處金銀鐵冶都提舉司正四品設官同上少達魯花赤知事提控等員隸中政院 檀黃等處採金鐵冶都提舉司秩四品置提舉同副提舉錄戶部

諸提舉

遼無提舉職官

金提舉南京路推貨事提舉從五品同提舉從六品勾當  
官三員正九品貞祐五年置提舉倉場司使從五品副  
便從六品掌出納公平及毋致虧販監支納官八品十  
六員以年六十以下庶幹人充女直漢人各一 廣盈  
倉 豐盈倉 永豐倉 儲用倉 富國倉 廣衍倉  
三登倉 常盈倉 西一場 西二場 西三場  
東一場 東二場 南一場 北二場 通濟倉與在  
京倉置監支納使副各一員 豐脩倉 豐贍倉 潼  
關倉與定五年初置潼關倉監支納一員兼樞密彈壓  
陳州倉四員 佑川倉二員 提舉議察使正五品  
續文獻通考 卷之九十八 二 四百六十八

副使從五品陝西一員河南一員

秦藍兩關提舉從五品同提舉正六品南遷後置

規措京兆府耀州三白渠公事規措官正七品掌灌漑

民田點檢渠堰官一員掌點檢啓閉涇陽等縣渠堰司

人又三門集津南北岸提舉一員正六品南遷後置

山東鹽使司與寶坻洽解遼東西京北京凡七司使一

員正五品他司皆同副使二員正六品他司皆同判官三

員正七品掌幹鹽利以佐國用管勾二十二員正九品

寶坻解西京六員北京遼東秦掌分管諸場發買收納

恢辦之事同管勾五員都監八員監同各七員知法一

員

元隨處隨事皆立提舉司長官設達魯花赤或不置有都

提舉提舉同提舉副提舉不俱置秩高者四品至五品  
早者六品七品至八品餘更置知事提控照磨吏目都  
目亦不俱置或轄諸司或更隸別衙門別隸者既詳著  
本門茲復以其類彙爲篇俾覽者得便於考云 新運  
糧提舉司置達魯花赤都提舉俱正五品同副提舉吏  
目各一人 提舉富寧庫從五品提舉左右八作司從  
五品提舉都城所正六品各置提舉同副提舉八作多  
吏目都城多吏目照磨富寧隸戶部餘隸工部 提舉  
備用庫置達魯花赤提舉大使提控等員隸內宰司大  
都宣課酒課二提舉司品秩設官俱同提舉富寧庫隸  
續文獻通考 卷之九十八 二 四百六十八

戶部職掌詳見本屬 大都陸運提舉司從五品置提

舉并副吏目等員隸兵部職掌見本屬 諸織染人匠

提舉司從七品置達魯花赤提舉同提舉副提舉吏目

等員 諸織染提舉司從五品設官同上或不置達魯

花赤或止設提舉或設照略案牘 諸雜造人匠提舉

司 諸色人匠提舉司從五品設官俱與諸織染人匠

提舉司同 梵像提舉司品秩設官俱與富寧庫同

出蠟局提舉司設官與佛像司同 旋匠提舉司從五

品撒答刺斯提舉司正五品各置提舉副提舉旋匠少

提控以上俱隸工部 各處屯田打捕提舉司從五品

設官與織造人匠同隸准東西屯田打捕總管府 龍

慶義種提舉司品秩設官同上少吏目 弘州種田提舉司從六品設官同上有直長無吏目俱隸宣徽院  
諸田賦提舉司正五品置達魯花赤或不置提舉同副提舉等員 諸稻田提舉司 宣農提舉司平江善農提舉司俱從五品 荆襄等處濟農香戶提舉司正五品設官俱同田賦提舉司荆襄多司今俱隸隆禧等總管府 醫學提舉司從五品置提舉副提舉等員職掌詳見本局 官醫提舉司視醫學多同提舉隸太醫院職掌詳見本局 玉局正七品 金銀器盒局 陽山瑪瑙局俱從五品各置提舉同副提舉陽山少副 宣德隆興等處瑪瑙工匠提舉司置提舉副提舉正六品

浙江西湖廣行省各一所所轄有銅冶場凡三各置提領大使副使一人掌浸銅事  
廣東鹽課提舉司至元十三年始從廣州煎辦鹽課十六年隸江西鹽鐵茶都轉運司二十二年併入宣慰司二十三年置市舶提舉司 大德四年改廣東鹽課司提舉一員從五品同提舉一員從六品副提舉一員從七品鹽場十三所每所司令一員從七品司丞一員從八品管勾一員從九品典史一員 靖康場 歸德場 東莞場 黃田場 香山場 姓峒場 雙恩場 咸水場 漆水場 石橋場 隆井場 招收場 小江場

蔚州宣德東平等路軍器人匠各提舉司 上都大都  
通州薊州甲匠各提舉司 大都弓匠提舉司以上俱  
隸軍器監 怯憐口皮局人匠提舉司隸利用監 大  
都河道提舉司隸都水監 上都稅課提舉司隸上都  
留守 上都萬億庫提舉司隸上都留守

皇明

戶部設寶鈔提舉司提舉 工部設大通關提舉司提  
舉 南戶部設龍江提舉司提舉 各布政司設 河  
渠提舉司提舉同提舉副提舉 衛河提舉司提舉副  
提舉 清江提舉司提舉副提舉 鹽課提舉司提舉  
副提舉吏目 市舶提舉司提舉吏目

續文獻通考

卷之九十八

六

三百三

都大提舉茶馬

遼金無

元置常湖等處茶園都提舉秩正四品堂常湖二路茶園

戶二萬三千有奇採摘茶芽以供內府隸宣徽院建置  
官秩俱見本院 提領所七俱受宣徽院劄付掌九品  
印詳見宣徽院 建寧北苑武夷茶場提領所直隸宣  
徽詳見宣徽院

皇明設茶馬司批驗茶引所官見征權下

都大提舉坑冶

遼金無

元置遼陽等處金銀鐵冶都提舉司秩正四品都提舉一

自同提舉一員副提舉一員提控案牘一員譯史一八  
吏六人秦差二人掌辦金銀砗鐵等課分納中書省及  
中政院七年以其職盡歸中宮 檀景等處採金鐵冶  
都提舉司提舉一人餘同上少提控案牘一人掌各冶  
採金煉鐵權債以資國用隸戶部

皇明不設遇開採時另差內使或撫按二司官管理見征  
權下

提舉市舶

遼金無

元至元二十三年立鹽課市舶提舉司隸廣東宣慰司三  
十年立海南傳易提舉司 至大四年罷之禁下番船  
續文獻通考

卷之九十八

七

三百三

隻 延祐元年弛其禁改立泉州廣東慶元三市舶提  
舉司每司提舉二員從五品同提舉二員從六品副提  
舉二員從七品知事一員

皇明置市舶提舉司 洪武初設太倉黃渡市舶司尋罷  
又設於福建浙江廣東七年九月罷後復設  
市舶提舉司提舉一人副提舉二人其屬吏目一人所  
屬衙門驛丞一人

提舉掌海夷朝貢市易之事副提舉為之貳辨其使人  
表文勘合之偽禁通番征私貨閑其出入而慎館穀之  
吏目典出納文移驛丞寓夷使僕豐其食餽帳幕而上  
下其等必周防之

提舉學事司

遼金無

元大都路提舉學校所隸大都路兵馬都指揮使司秩正

六品提舉一員教授二員學正二員學錄一員至元

二十四年既立國學以故孔子廟爲京學而提舉學事

者仍以國子祭酒繫銜其各處行省所署之地皆置儒

學提舉司統諸路府州縣學校祭祀教養錢糧之事及

考校呈進著述文字每司置提舉副提舉各一人吏屬

吏目一人司吏二人

蒙古提舉學校官

元惟江浙湖廣江西三省有之餘省不置提舉同提舉各

續文獻通考卷之九十八

八  
三十五  
朱山

一人

皇明初以御史提舉學校後改按察司官專督而兩京用

御史如故遂爲定例詳見按察司

官醫提舉司

元惟河南江浙江西湖廣陝西五省各立一司餘省不置

提舉同副提舉各一人掌醫戶差役詞訟至元二十

五年立

皇明不設其事皆統于太醫院及在外醫學

提舉弓箭手

遼金無

元世祖中統五年驗郡邑民衆寡置馬步弓手夜遊巡禁

人出違者有罪皆以防盜也而京師南北兩兵馬司各  
至千人郡邑相距遠村落有邸舍可居停者亦置之每  
百戶取中產者一人以充盜發期一月獲不獲期兩月  
三月一不獲則笞之至再至三則笞加多官有綱運若  
流徙者至則執兵仗導從以轉授受外此則不敢役示  
專其捕盜職

制置使

宋寧宗嘉定十四年五月甲寅朔初置沿江制置副使於

鄂州秋七月戊戌以京東河北諸州守臣告付京東河

北節制司

遼聖宗時南面邊防設制置司于建霸宜泉錦五州謂之

續文獻通考卷之九十八

九  
三十五  
朱山

五州制置使司金元無

皇明不設

經略使

遼金無

元至正十八年九月初六日命經畧使問民疾苦招諭叛

逆果有怙終不悛者罪之總督大小官吏治兵哀粟精

練士卒審用成筭申明紀律先定江西湖廣江浙福建

諸處併力犄角務收平復之效不尚屠戮之威江南各

省義民忠君親上姓名不能上達者優加撫存量才驗

功授以官爵旌表孝子順孫義夫節婦高年耆德常令

有司存恤鰥寡孤獨選官二員爲經畧使參謀官辟各



士一人掌案牘設行軍司馬一員秩正五品掌軍律  
皇明不專設有兵事則暫 勅行事

世宗嘉靖中以易州昌平州州為三輔各置經畧使一員  
以文臣領之尋罷

今上萬曆中倭侵高麗上表請援 上命都御史以經畧  
往督兵事事平今回院管事

### 發運使

遼無

金漕運司提舉一員正五品景州刺史兼領掌河倉漕運

之事同提舉一員正六品勾當官從八品掌催督起運

綱船司吏六人押綱景州依此置肇州以提舉兼本州

續文獻通考卷之九十八

十

同知同提舉兼州判

元世祖中統二年初立軍儲所尋改漕運所 至元五年

改漕運司秩五品 十二年改都漕司秩四品 十九

年改京畿都漕運使司秩正三品掌凡漕運之事至二

十四年分立都漕運司於河西務乃止領在京諸倉出

納糧斛及新運糧提舉司站車撥運公事其在河西務

者掌御河上下至直沽河西務李二寺通州等處饋運

糧斛各置運使二入正三品同知二入正四品副使二

入正五品判官二入正六品又 至正二年添設提調

官運副運判各一人 至正九年添設海道巡防官給

降正七品印信掌統領軍人水手防護糧船巡防官二

人相副官二人首領經歷知事各一人提控案牘二人

其吏屬今史等入不一 新運糧提舉司 至元十六

年始置管站軍二百五十輛初隸兵部開設運糧填河

改隸戶部仍屬京畿漕運使置達魯花赤提舉同提舉

副提舉各一人吏目一人 京師二十一倉秩正七品

各置監支納一人大使副使一人 通惠河運糧千戶

所秩正五品掌漕運之事 至元三十一年始置中千

戶一員中副千戶二員

分立都漕運司所屬七十有五 河西務十四倉秩正

七品 通州十三倉秩正七品 河倉一十有七用從

七品印直沽廣通倉秩正七品 榮陽等綱凡三十押

續文獻通考卷之九十八

十一

綱官二員計六十員秩正八品每編船三十隻為一綱

船九百餘隻運糧三百餘萬石船戶八千餘戶綱官以

常選正八品為之

海道運糧萬戶府 至元二十一年置掌每歲海道運

糧供給大都達魯花赤萬戶各一員副萬戶四員經歷

知事照磨各一員領撫二員 海運千戶所達魯花赤

一員千戶二員副千戶二員置溫台慶元紹興杭州嘉

興崑山崇明常熟江陰等處凡五所而平江又有海運

香沙糯米千戶所隸萬戶府

防禦海道運糧萬戶府 至元十五年以台州海道巡

防千戶所陞置分府于平江

皇明

國朝漕運不設提舉特置總督都御史專理其事總兵官  
催餉而把總等官分任運務其僭運舊用戶部郎中今  
用御史三月奏差押運舊用參將協同今以叅政領之  
各府州縣監兌則用戶部主事每歲千漕運議事畢選  
差請 勅分詣山東河南直隸浙江江西湖廣督軍民  
有司依期交兌催餉起程南運督至儀真與僭運官交  
接明白即將各兌完起程并交接日期報部查考回日  
仍將兌完日期具奏又差刑部主事一員理刑三歲一  
代以至管倉管閘管河各差戶工二部郎中主事分駐  
委理無常員

續文獻通考

卷之九十八

十二

晉二十九卷

欽差總督漕運都御史一人總兵官一人監兌戶部主事  
五人僭運監察御史一人押運布政司叅政一人理刑  
刑部主事一人分運把總官十三人 南京把總官二  
員所轄衛三十四指揮二十五員千百戶一百四十二  
員 湖廣把總官一員所轄衛一十三指揮一十一員  
千百戶八十七員 江西把總官一員所轄衛所一十  
一指揮四員千百戶五十八員 浙江把總官一員所  
轄衛所一十三指揮八員百戶七十九員鎮撫四員  
中都把總官一員所轄衛所一十二鎮撫二員千百戶  
八十三員 江北把總官二員所轄衛所一十八指揮  
一十五員千百戶一百七十六員 江南把總官二員

上江一員所轄衛所一十一指揮九員千百戶九十九  
員下江一員所轄衛九指揮二員千百戶十九員 山  
東把總官一員所轄衛所七指揮七員千百戶四十七  
員 遮洋把總官一員所轄衛一十六指揮十二員千  
百戶四十五員

太祖洪武二年至三十年漕東南粟於海以給遼東官軍  
初屬靖海侯吳禎後卒遣都督朱壽張赫領之

成祖永樂中遣平江伯陳瑄往湖廣江西等處造船二千  
艘以從河運

景皇帝景泰二年始置 欽差總督漕運都御史一員駐  
淮安府 命王竑與總兵叅將同理其事

續文獻通考

卷之九十八

十三

四百六十六

英宗天順二年始設理刑主事一員駐淮安管厰主事二  
員駐清江浦監倉主事四員分駐淮安臨清徐州德州  
管河郎中二員分駐安平鎮高郵州管洪主事二員分  
駐徐州呂梁二洪

憲宗成化二十年始設管閘主事二員分駐浦縣濟寧管  
泉主事一員駐南旺清江浦提舉一員臨清衛河提舉

一員僭運糧儲兼鎮守總兵官一員協同漕運叅將一  
員俱駐淮安 二十一年差戶部官五員領 勅督同

該管糧官依期徵兌

武宗正德六年差侍郎一員僭運 七年改委戶部屬官  
四員分往南直隸江西浙江湖廣地方監兌 十五年

差郎中一員自通州沿河一帶直抵儀真等處嚴督軍  
衛有司催備供用白糧并漕運京儲等項 又題准天  
津兵備副使帶管白河漕運

世宗嘉靖七年議准淮安清江浦管廠指揮聽漕運衙門  
填註賢否送戶兵二部與漕運官一體考察 九年題  
准運糧官員聽漕運衙門坐名調取不許擅自補換  
十四年題准運糧把總衛所總等官每三年一次戶兵  
二部會同考察分別去留等第奏請定奪十百戶鎮撫  
等官亦三年一次漕運衙門考察南京兵部及各省撫  
按衙門遇有申告運官一切患病年老緣事等項必須  
會行漕運衙門勘實方許替換各該運官如有侵欺科

續文獻通考

卷之九十八

十四

四百四十四

擾等項實跡悉聽漕運衙門監兌官并巡按御史指實  
參究黜罰 二十一年議准凡各總官三年以上果有  
廉能幹濟依期完糧不至借債者准今于實職上陞一  
級 四十四年題准南直隸浙江江西湖廣等處監兌  
官各給關防一顆

穆宗隆慶元年科臣何起鳴言南直隸浙江杭嘉湖添差  
御史一員給之 制書令專理漕運其濟寧以河南道  
舊屬承准巡鹽御史帶管者并委之 十月漕運都御  
史張瀚奏兩浙漕運近多失期乞將東西把總合而為  
一每歲更番一員領運一員預備次年運務戶部覆浙  
江將漕視別省倍加煩劇兩總分任似難變更准浙江

都司僉書職事頗閒宜委一員 賜之專 勅督理運  
務 又漕運總兵等官李廷竹方思馬森張瀚等議裁

革遼洋運糧把總而以所屬淮安大河泗州三衛分屬  
江北淮安總高郵揚州二衛屬江北揚州總長淮一衛  
屬中都總俱兌運南糧以在比德州等九衛與江北淮  
安總所屬徐州歸德三衛俱併入山東一總兌運山東  
河南之糧德州九衛與臨清平山三衛撥運薊州倉糧  
徐州等三衛與山東各衛撥運京通天津倉糧其山東  
把總每歲將京糧催至白河復督運至薊州 三年題  
准兩浙巡鹽御史兼督浙江杭嘉湖三府直隸蘇松常  
鎮四府漕務革監兌官 四年議准南京巡屯御史兼

續文獻通考

卷之九十八

十五

四百四十五

督應天太平寧國安慶池州五府及廣德州糧務 五  
年差御史備運 又裁革叅將設叅政一員經理糧船  
過關過壩管押到京 又今兩淮巡鹽御史兼督廬鳳  
淮揚四府及滁徐和三州糧務 六年議准徵寧池太  
兵備兼管糧務

今上萬曆五年仍差主事一員往蘇松常鎮監兌 六年  
停差備運郎中 又今南京二總各衛運官俱與軍政  
僉書更番領運責成掌印官先期了理仍差南京兵部  
主事一員兼管選補軍旗事務 九年復差主事一員  
往浙江監兌 十二年今兩浙巡鹽御史仍帶管漕糧  
止行文催督免其押送鎮江 二十八年巡漕御史

准申飭押空糧船漕運儲道選完糧才力指揮一二員  
填寫長坐委令隨幫押回不許問道潛歸及在途貿易  
諸提領所

元制有油戶麵戶稻田抽分場茶場民佃田賦管民管佃  
管夫匠採木萬聖廟寶昌庫大都上都與魯各處打捕  
鷹房納綿等戶圓米棋子局軟皮局諸提領所置提領  
同提領副提領大使副使等員然有提領與同副提領  
並置者有止置提領者有與大使副使並置者秩自七  
品至九品分隸諸司詳見本屬

皇明不設

經總制使

續文獻通考卷之九十八

十六

三百六十五

遼金無

元世祖至元三年立制國用使司以阿合馬為使以中書  
右丞張易同知制國用使司事叅知政事張惠為制國  
用副使

皇明不設諸國用經制悉統于戶兵工三部

招討招撫宣諭撫諭諸使

遼北而邊防官有西南面都招討司太祖神冊元年置招  
討使一員選有功者領之有西南面五押招討司置五  
押招討大將軍一員有西北路招討司置招討使監軍  
一員有西北部鎮撫司兼掌西北部軍民置鎮撫事官  
有西路招討使司置招討使官俱見前諸路將官內南

面雲州設宣諭招撫使司其官曰雲州管內宣諭招撫  
使二員 統和四年韓毗哥那抱質管居此職其邊防  
官有易州飛狐招安使司有易州飛狐招撫司有西南  
面招安使司俱見前諸路將官內

金招討司置于西北路西南路東北路三處使一員正三  
品副使一員從四品招懷降附征討携離判官一員從  
六品紀綱職務簽判司事勘事官一員從七品知事一  
員正八品知法二員從八品女直漢人各一

元招討司秩正三品達魯花赤一員招討使一員經歷一  
員 土蕃 刺馬剛等處 天全 倭不思 沿邊溪

洞以下各置副使一

咬尼

諸番

征沔

續文獻通考卷之九十八

十七

四百六十五

長河西裏管軍 檐裏管軍 脫思馬田地

吐番招討司隸宣政院所屬附見 脫思麻探馬軍四

萬戶府秩正三品萬戶五員千戶八員經歷一員鎮撫

一員 脫思麻路新附軍千戶所秩從五品達魯花赤

一員千戶一員副千戶一員 文扶州西路南路底牙

等處萬戶府秩從三品達魯花赤一員萬戶二員 鳳

翔等處千戶所秩從五品達魯花赤一員千戶一員百

戶一員 慶陽寧環等處管軍把總一員 文州課程

倉糧官一員 岷州十八族巡迴捕盜官二員 常陽

帖城阿不籠等處萬戶府秩從三品達魯花赤一員千

戶一員 階文扶州等處番漢軍上千戶所秩正五品

達魯花赤一員千戶二員 貴德州達魯花赤知州各

一員同知州判各一員脫脫禾孫一員捕盜官一員

必呈萬戶府達魯花赤二員萬戶四員

招討軍民萬戶府 至正二十年置鞏縣招討軍民萬

戶府二十六年又置嵩州軍民招討萬戶府 軍民府

至正十五年命於四川置宣化鎮南五路軍民府立提

調軍民鎮撫所蠻夷軍民千戶所

皇明止設招討軍民等職以待土官詳見下

### 鎮撫使

宋中興時假權宜置鎮撫使以招收群盜故劇盜李成桑

仲郭威輩俱就其所在以爲鎮撫使其餘或以處歸朝

續文獻通考

卷之九十八

十八

三言失所

之人有大功特與世襲後罷不置

遼金皆無

元行中書省設都鎮撫司置都鎮撫副都鎮撫官又樞密

院各萬戶府諸衛立鎮撫所置鎮撫以蒙古漢人叅任

幕官則有都目

皇明設土官始于洪武七年西南諸蠻夷來朝貢者多因

元官授之稍與約束定糧徭差發曰宣慰使司十一曰

招討使司一曰宣撫使司九曰安撫司二十曰長官司

百七十三及府州縣正貳幕屬並見夷官考番夷都指

揮使司三指揮使司三百三十五宣慰使三招討司六

萬戶府四千戶所四十一站七地面七寨一

宣慰使司宣慰使一人同知一人副使一人僉事一人

其屬經歷司經歷一人知事一人宣撫司宣撫使一人

同知一人副使一人僉事一人其屬經歷司經歷一人

知事一人安撫司安撫使一人副使一人僉事一人其

屬吏目一人招討司招討使一人其屬吏目一人長官

司長官一人副長官一人其屬吏目一人蠻夷長官司

長官副長官皆謂之土官撫輯諸蠻謹守疆土修其職

貢而供其差發無敢携貳有相讐者疏上聽于天子

有流官者銓於吏部又有蠻夷官苗民官千夫長副千

夫長百夫長軍民萬戶府經歷司經歷知事並係銓司

有儒學制如府

續文獻通考

卷之九十八

十九

置官新

### 節度使

遼北面著帳郎君有節度使見殿中所掌非軍民事南面

節度使設官甚衆遼二百餘年城郭相望田野益闢冠

以節度承以觀察防禦團練等使分以刺史縣令大畧

採用唐制其間宗室外戚大臣之家築城賜額謂之頭

下州軍惟節度使朝廷命之後往往皆歸王府

上京道

懷州奉陵軍節度使司 慶州玄宰軍節度使司

泰州德昌軍節度使司 長春州韶陽軍節度使司

儀坤州啓聖軍節度使司 龍化州興國軍節度使司

饒州匡義軍節度使司 徽州宣德軍節度使司

成州長慶軍節度使司	懿州廣順軍節度使司
渭州高陽軍節度使司	鎮州建安軍節度使司
東京道	
開州鎮國軍節度使司	保州宣義軍節度使司
辰州奉國軍節度使司	興州中興軍節度使司
海州南海軍節度使司	涿州鴨綠軍節度使司
顯州奉先軍節度使司	乾州廣德軍節度使司
貴德州寧遠軍節度使司	瀋州昭德軍節度使司
遼州始平軍節度使司	通州安遠軍節度使司
雙州保安軍節度使司	同州鎮安軍節度使司
咸州安東軍節度使司	信州彰信軍節度使司
續文獻通考卷之九十八	
賓州懷化軍節度使司	懿州寧昌軍節度使司
蘇州安復軍節度使司	復州懷德軍節度使司
祥州瑞聖軍節度使司	
中京道	
成州興府軍節度使司	興中府彰武軍節度使司
宜州崇義軍節度使司	錦州臨海軍節度使司
川州長寧軍節度使司	建州保靜軍節度使司
來州歸德軍節度使司	
南京道	
幽州盧龍軍節度使司	平州遼興軍節度使司
西京道	

雲中大同軍節度使司	雲內州開遠軍節度使司
奉聖州武定軍節度使司	蔚州忠順軍節度使司
應州彰國軍節度使司	朔州順義軍節度使司
以上每司設官曰節度使曰節度副使曰同知節度使	
事曰行軍司馬曰軍事判官曰掌書記曰衙官	
太祖天贊元年分北大濃兀爲二部立兩節度使統之	
二年以平州爲盧龍軍置節度使後分幽州平州	
聖宗統和二年五國烏隈于厥節度使耶律隗注以所轄	
諸部難治乞賜詔給劍便宜行事從之 十四年改諸	
部令穩爲節度使 二十九年置阻卜諸部節度使太	
平六年党項別部塌西設契丹節度使領之 八年九	
續文獻通考卷之九十八	
月北敵烈部節度使耶律延壽請視諸部賜旗鼓從之	
興宗重熙六年北樞密院言越棘部民苦其酋帥閭長不	
法多流亡詔罷越棘等五國酋帥以契丹節度使一員	
領之	
道宗清寧三年置倒塌嶺節度使 統和五年涅刺部節	
度使撒葛里有惠政民請留從之 十二年武定軍節	
度使韓德冲秩滿民請留從之 十三年長寧軍節度	
使蕭斛里秩滿民請留從之 啓聖軍節度使劉繼琛秩	
滿民請留從之 十五年廣德軍節度使韓德疑有善	
政民請留從之 開泰九年迭烈德部言節度使韓留	
有善政請留命進其治狀	

金天會六年詔諸州鎮置節度使一員從三品掌鎮撫諸軍防刺總判本鎮兵馬之事兼本州管内觀察使事其觀察使所掌並同府尹兼軍事管内觀察使同知節度使一員正五品通判節度使事兼州事者仍帶同知管内觀察使副使一員從五品節度判官一員正七品掌紀綱節鎮衆務僉判兵馬之事兼制兵刑工案事觀察判官一員正七品掌紀綱觀察衆務僉判吏戶禮案事通檢推排簿籍知法一員州教授一員正八品又諸部族亦有節度使一員從三品統制各部鎮撫諸軍餘同州節度副使一員從五品判官一員知法一員元都總管之職蓋節度使也所掌事各不同

續文獻通考

卷之九十八

二五

置軍節

皇明置承宣布政使司國初爲行中書省或分中書省六部尚書往往出爲叅知政事叅政入爲尚書洪武九年八月詔改浙江江西福建北平廣西四川山東廣東河南陝西朔廣山西諸省爲承宣布政使司正二品十三年改正三品十五年置雲南布政司二十二年改從二品建文中革左右布政使設布政使一人堂上官各陞品一級靖難後復故永樂五年置交趾布政司十一年置貴州布政司宣德三年罷交趾布政司本司左右布政使各一人左右叅政各一人左右叅議各一人叅政叅議因事添設無定員其屬經歷司經歷

一人都事一人照磨所照磨一人檢校一人理問所理問副理問二人提控案牘一人庫局各大使一人副使一人四川有茶馬司大使一人副使一人

布政使掌一省之政叅政叅議爲之貳朝廷有德澤禁令承而播之以先有司三年率府州縣掌印及首領官朝覲於京師陳其屬吏之臧否而聽去留焉十年造戶版以登民數田數歲貢學生府州縣衛有差三歲鄉試貢士宗室官軍師生以時班祿俸廩糧祀典神祇謹其時祀水旱疾疫災傷請免田租賑貧乏孝弟行義貞烈請表揚之鰥寡孤獨有養凡供邦國之用曰貢曰賦貢有二曰常貢曰暫貢賦有二曰本色曰折色凡

續文獻通考

卷之九十八

二十三

置官節

役二曰力役曰顧役皆視其土地豐瘠人民多寡而會計之下府州縣必均乃已凡出納錢穀必平凡制用必節凡僚屬文武官歲察其臧否而上下其考以報於撫按以達於吏部兵部都察院凡諸政務議定而請於撫按有總督提督亦如之曰清軍曰分守曰督糧曰邊備曰撫民各專事焉官不脩則無領之凡萬壽聖節一人朝賀於京師大婚大喪立東宮亦如之天子即位則左布政使來見經歷典出納文移都事佐之照磨典磨勘卷宗檢校佐之理問典刑名凡囚出入謹籍其數以聽於司凡囚必審輕重別其寢處病與餒必報司療而飼之獄之曲直疑允上官下理問則得辯而請焉



日嚴局鑰察械繫副理問提控案牘佐之庫大使副使  
典守庫藏局大副使典營繕茶馬司典茶馬交易之事



續文獻通考卷之九十九

皇明進士

職官考

觀察等使

諸路

都統

都監

巡檢

郡守

觀察使

遼南面觀察使司

中京道

高州利州

上京道永州永昌軍

東京道

益州寧州

皆設觀察使司

以上諸司官曰觀察使曰觀察副使曰觀察判官隸州

學曰博士曰助教

聖宗統和二十九年六月升蔚州利州為觀察使

開泰

續文獻通考卷之九十九

乙

王云

元年以蔚州觀察不隸武定軍

金觀察使兼于節度使官制見前

元以其事寄于宣撫而觀察使不設

皇明設按察司即觀察之職詳見後

防禦使

遼太祖神冊四年置東平郡防禦使後增設于東京道

廣州防禦使司 鎮海府防禦使司 冀州防禦使司

衍州安廣軍防禦使司

以上諸司官曰某州防禦使曰某州防禦副使曰某州

防禦判官所隸學官曰博士曰助教

金太宗天會六年詔沿遼州置防禦司防禦使一員從四

品掌防捍不虞御制盜賊餘同府尹同知防禦使事一

員正六品掌通判防禦使事判官一員正八品堂簽判

州事專掌通檢推排簿籍知法從九品州教授一員司

軍從九品軍轄兼巡捕使從九品司吏女直一人漢人

人以率而試譯史一人通事一人抄字一人州有置

猛安者職從四品掌修理軍務訓練武藝勸課農桑餘

同防禦

元順帝至正十七年正月准山東分省咨團結義兵每州

添設州判一員每縣添設主簿一員詔有司正官俱兼

防禦使事聽宣慰使司節制

皇明不設防禦使其事統于按察司兵備道而各府州縣

續文獻通考

卷之九十九

十一

三百七十五

則有巡捕官即古防禦之職詳見後

團練使

遼南面有漢軍都團練使司官曰漢軍都團練使太祖

神冊二年趙思溫嘗居此職次曰漢軍團練副使曰漢

軍團練判官

金不置

元順帝至正十八年九月置奉元延安等處團練安撫勸

農使司於耀州華昌等處團練安撫勸農使司於邠州

以行省丞相桑瑄行臺大夫完者帖木兒領之各設參

謀一人每道置使二人同知副使各二人檢督六人經

歷知事照磨各一人

皇明

國初團練諸務專設按察司分巡兵備道以統之

太祖甲辰年十一月初置湖廣道提刑按察使丙午今僉

事周湏等定議按察事宜條具憲綱洪武元年浙江

江西湖廣三提刑按察使李祥潘黼滕毅充議律官上

大明令十年改為正四品十三年罷各道按察

司明年復遂定各道按察分司以儒士王存忠等五百

三十一人為試僉事人按二縣諭之曰治吏之弊莫

甚於貪墨而庸鄙者次之今天下府州縣官於斯二者

往往有之是以弊政日滋民受其害故命爾等按治

其地凡官吏賢否軍民利病皆得廉問糾舉二十年

續文獻通考

卷之九十九

三

四百七十五

改按察分司為四十一道二十二年復為正三品

三十年始置雲南按察司建文中改按察司為十三

道肅政按察司靖難後復故永樂五年置交趾按察

司後罷

本司按察使一人副使二人因事添設無定員僉事亦

如之其屬經歷司經歷一人知事一人照磨所照磨一

人檢校一人司獄司司獄一人

按察使掌一省刑名按劾之事糾察官邪擒治貪酷禁

詰強暴平讞刑獄雪理冤枉以振揚風紀副使僉事為

之貳凡僚屬文武官歲察臧否而上下其考以告撫按

以達於吏兵二部都察院凡省大事暨都布二司參議

焉凡 朝覲慶賀吊祭之禮視布政司副使僉事分巡  
提學兵備撫民巡海清軍屯田水利沿河驛傳各專事  
焉官不備則兼領之凡分巡浙江二道浙東浙西江西  
五道南昌湖東湖西九江嶺北福建四道福建寧武  
平漳南湖廣五道武昌湖南湖北荆南荆西河南四道  
大梁河北河南汝南山東三道濟南東充海右山西四  
道冀寧冀南冀北河東陝西六道關內河西關南隴右  
西寧關西四川四道川東川西川南川北廣東五道嶺  
南嶺東嶺西海南海北廣西四道桂林蒼梧左江右江  
雲南四道普安臨沅金滄洱海貴州四道貴寧新鎮安  
平思仁經歷典出納文移知事佐之照磨典磨勘卷宗  
續文獻通考卷之九十九

四 四百五十五

檢校佐之司獄守獄

成祖永樂中陞按察司僉事位長史上

世宗嘉靖十二年張孚敬撫都察院申明御史糾彈諸司  
其御史不法亦聽按察司糾彈臺諫不得挾私報復王  
朝相掌院請如手敬議 上曰此 祖制也掌院多事  
姑息巡按放縱抗違按察司因循畏怯殊非政體令通  
諭行之勿違

穆宗隆慶元年八月撫臣楊巍以陝西一省八府道路遼  
濶非一人能周題革督糧驛傳而以分守道兼管糧餉  
清軍道兼管鹽糧水利 十一月加山東布政司左布  
政使李夢承一級以 王親不得推陞京職時六年

秩滿撫按官奏其治績故優之 三年十一月吏部議  
覆四川撫按嚴清等奏請以四川按察司屯鹽水利茶  
法二道合為一道建昌兵備道改為兵糧道叙瀘兵備  
道改為下川南兵備道俱兼管分巡上川南分守道當  
移駐雅州分守道當移駐嘉定州從之 四年吏部覆  
主事郭諫臣奏一兩司方面員缺宜於本省及鄰省就  
近遷轉今刻期赴任一府縣官員能者宜行久任之法  
其治行卓異者知府歷二三考得陞參政以上知縣歷  
二三考得陞左右給事中以上奉 旨允行 四月從  
廣東撫按官議裁革屯鹽僉事併其事于清軍副使南  
韶兵備副使仍改設僉事如故 七月始註選河南山  
續文獻通考卷之九十九

五 四百六十六

東二省京糧道參議先是總督京糧道有缺降闕防行  
文書而無註選官歲屬奉表官邇管又遷代不常視如  
傳舍至是河南撫臣李邦珍請註選專官吏部覆可仍  
調湖廣參議吳兌于河南及山東督糧左參議馮謙註  
選管理自是以為常 五年二月陝西布政司左布政  
曹金言關中司務煩劇勢難兼攝擬選轉不一多至曠  
廢乞於布政司設左參議一員分守關內道其督糧驛  
傳事務更左參政管理按察司復設僉事一員管理屯  
田水利其糧斛事務令清軍副使攝理諸州縣佐貳及  
儒學教官亦乞量徵數員吏部覆皆如金言從之 九  
月從御史吳從憲請復設山東布政司參政一員專理

蘇松常鎮稅糧今浙江按察司僉事兼轄蘇松諸郡縣水利六年閏二月兩廣督撫殷正茂奏信地當分言守巡兵備各官移徙不常故董治靡及百務廢弛宜令廣東巡視海道駐東莞南頭城分守嶺南道駐省城分守嶺東道駐惠州府城往來海豐分守嶺西道駐高州府城分守海北道駐雷州府城廣州兵備兼分巡道駐新會縣城嶺西兵備兼分巡道駐肇慶府城往來德慶瀧水南韶兵備分巡道駐韶州府城惠廉兵備分巡道駐長樂縣城海防兵備分巡潮州道駐潮州府海南兵備分巡道駐瓊州府城海北兵備分巡道駐廉州府城監運道調度自後推補各道員缺即於文憑內明註各續文獻通考卷之九十九

木 四百里

分駐地方使便行事部覆允行

諸路將官

遼北面上海路控制諸奚有諸軍都虞候司官曰都虞候有奚王府有大惕隱有大國舅司有大常衮司有五院司有大院司有沓溫司未詳其義其設官皆未詳遼陽路諸司控制高麗有東官兵馬都部署司官曰兵馬都部署曰兵馬副部署有契丹奚漢渤海四軍都指揮使司有契丹奚軍都指揮使司有奚軍都指揮使司有漢軍都指揮使司有渤海軍都指揮使司有東京都統軍使司有東京都詳穩司有保州都統軍司有湯河詳穩司有柵窰司有金吾營屬南有銅川北兵馬都

指揮使司有涇州南兵馬指揮使司有長春路諸司控制東北諸路有黃龍府兵馬都部署司有黃龍府鐵驪軍詳穩司有咸州兵馬詳穩司有知咸州路兵馬事同知糾將有東北路都統軍使司置掌法官道宗大安六年置南京諸司並隸元帥府備禦宋國有南京都元帥府南面兵馬都統管府馬步軍都指揮使侍御控鶴都指揮使皆屬焉有燕京禁軍詳穩司有南京都統軍司有牛欄都統領司有拒馬河戍長司聖宗開泰八年燕京留守蕭敵烈乞置沿拒馬河宋界東西七百餘里特置戍長一員巡察有監軍寨統領司有石門統領司有南皮室軍詳穩司有北皮室軍詳穩司有猛搜刺詳穩司有管押平州甲馬司西京諸司控制續文獻通考卷之九十九

七

四月十三日

西夏有西南面安撫使司官曰西南面安撫使有西南面都招討司官曰西南面招討使有西南邊大詳穩司有西南路詳穩司有西南面五押招討司官曰五押招討大將軍有西南路巡察司官曰西南路巡察將軍有西南面巡檢司官曰西南面巡檢曰西南面同巡檢有西南面搜討詳穩司有山北路都部署司有知山北路邊境事官有金肅軍都部署司有南王府有北王府有乙室王府有山金司一作山陰司在金山之北西北路諸司控制西北諸國有西北路招討使司官曰知西北路招討使曰監軍有西北路管押詳穩司有西北路總領司有領西北路十二班軍使司有契丹軍詳穩司有吐渾軍詳

穩司有述律軍詳穩司有燕軍詳穩司有契丹王府舍利軍詳穩司有大室韋軍詳穩司有小室韋軍詳穩司有北王府軍詳穩司有持滿軍詳穩司有郡牧軍詳穩司有官分軍詳穩司有西北路金吾軍屬南甯有西北路兵馬都部署司有西北路阻卜都部署司有西北路統軍司有西北路戍長司有西北路禁軍都統司有西北路巡檢司有西北路鎮撫司兼掌西北部軍民設鎮撫西北部官有黑水河提轄司 東北路諸司控制東北諸國有東北路兵馬詳穩司有東北路監軍馬司設東北路監軍馬使又管押東北路軍馬官有東北路女直詳穩司有北女直兵馬司 東路諸司有東路兵馬都總管府設東路兵馬都總管又同知東路兵馬官有東路都統軍使司有遙里等十軍都詳穩司有九水諸夷安撫使聖宗統和十四年東邊諸軍各置都監 西南邊諸司有西南面節制諸司節制西南面諸軍事有西南面都統軍司 西路諸司有山西兵馬都統軍司有西路招討使司有西邊大詳穩司有西番都軍所有夏州管内番落使有倒場節度使司有倒場鎮統軍司有賜西節度使司有賜母城節度使司以上設官在諸部署者曰其兵馬都部署曰其兵馬副部署曰其馬軍都監在諸指揮使司者曰其軍都指揮使曰其軍副指揮使曰其軍都監在諸統軍使司者曰其軍都統軍使

曰其軍副統軍使曰統軍都監並同其詳穩司節度使司見前

南面有南京兵馬都總管府官曰兵馬都總管曰總領南面邊事曰總領南面軍務曰總領南面戍兵官有南京馬步軍都指揮使有侍御控鶴都指揮使司有易州飛狐招安使司有易州飛狐兵馬司有易州飛狐招撫司有西南面招安使司有西南面巡檢使司有五州都總管府有山後五州都總管府有五州制置使司有三州處置使司有霸州處置使司

聖宗統和二十九年耶律瑤質拜西番部詳穩居總管順的下表言先朝舊臣今已年老乞得常侍左右帝曰朕

不使汝久處是任乃命無隸總管事得專奏

史臣曰宋以文勝然遼之邊防猶重于南面直以其地大民衆故耳卒之親仁善鄰梓鼓不鳴幾百餘年此遼所以爲美歟又曰遼境東接高麗南與梁唐晉漢周宋五代爲敵敵北鄰阻卜本不姑大國以十數西制西夏黨項吐渾回鶻等強國以百數居四戰之區虎踞其間莫敢與掣制之有術故耳觀于遼防之官遼祖之雄圖見矣

金諸邊將正將一員正七品掌提控部保將輪番巡守邊境副將一員正八品部將一員正九品輪番巡守邊境隊將正九品 鄒延九將 慶陽十將 臨洮十四將

鳳翔十六將 河東三將並依前置

諸弘詳穩一員從五品掌守戍邊保餘同謀克皇統八年六月設本班左右詳穩定爲從五品磨忽一員從八品掌貳詳穩 諸移里董司移里董一員從八品分掌部族村寨事 諸禿里禿里一員從七品掌部落詞訟察訪違背等事

元立諸路萬戶府管軍七千戶以上爲上萬戶府達魯花赤一員萬戶一員俱正三品副萬戶一員從三品俱佩虎符五千之上爲中萬戶府三千之上爲下萬戶府其萬戶從三品佩虎符副萬戶則佩金牌中正四品下從四品其官皆世襲有功則陞之每府設經歷知事提控

續文獻通考 卷之九十九

四百五十五

案牘各一人所屬鎮撫司秩正五品鎮撫二人上中萬戶府俱金牌下萬戶府銀牌上千戶所秩正四品中千戶所秩正五品達魯花赤千戶副千戶俱金牌下千戶所秩從五品副千戶則銀牌彈壓二人在上千戶所從八品中下二所正九品從九品內銓注上百戶所秩從六品下百戶所從七品百戶俱銀牌

河南雍北蒙古軍都萬戶府隸樞密院秩正三品定置都萬戶一員正三品副都萬戶一員從三品經歷一員從七品知事一員提控案牘一員俱從八品屬官鎮撫二員

八撒兒萬戶府隸樞密院萬戶副萬戶經歷知事提控

案牘各一員 千戶所一十翼達魯花赤一十員千戶十員副千戶一員百戶七十三員彈壓一十員

札忽兒台萬戶府隸樞密院萬戶經歷知事提控案牘鎮撫各一員 千戶所七翼千戶七員百戶三十八員彈壓七員 脫烈都萬戶府隸樞密院萬戶副萬戶經歷知事提控案牘鎮撫各一員 千戶所九翼千戶九員百戶六十二員彈壓九員 和尚萬戶府隸樞密院設官同上 千戶所六翼達魯花赤四員千戶六員副千戶四員百戶四十七員彈壓六員 砲平千戶所一翼千戶一員百戶六員彈壓六員 哨馬千戶所一翼達魯花赤一員千戶一員副千戶一員彈壓二員百戶

續文獻通考 卷之九十九

十一

四百五十六

九員與魯官二員

回回砲手軍匠上萬戶府隸樞密院秩正三品定置達魯花赤一員萬戶副萬戶經歷知事提控案牘各一員鎮撫二員 千戶所三翼達魯花赤千戶副千戶各三員百戶三十二員彈壓三員 黎兵萬戶府順帝元統二年湖廣行省咨海南僻在極邊南接占城西隣交趾環海四千餘里中盤百洞黎徭雜居宜立萬戶府以鎮之遂依廣西屯田萬戶府例置府設萬戶三人千戶所十三每所領百戶所八 水軍萬戶府至正十三年置水軍都萬戶於崑山州十四年立鎮江水軍萬戶府命江浙行省右丞佛家閭領之十五年又置於黃河小清

河 義兵萬戶府至正十四年詔河南淮南兩省並立  
義兵萬戶府置南陽鄧州等處毛葫蘆義兵萬戶府募  
土人為軍免其差役令討賊自效十五年又置汴梁等  
處義兵萬戶府并忠義忠勤萬戶府於宿州及武安州  
置義兵千戶所至正十年中書奏於廣西平樂等古城  
竹山院桑江陸草化鄉刺場嶺湖南道州路武岡路湖  
北靖州路等處置義兵千戶所每所置千戶裨壓各一  
人百戶十人仍於義兵內推選才勇功能充千戶裨壓  
百戶之職首領官都目各一人於本省都吏目選內洋  
授並從本道帥官節制湖南道州二處千戶所於帥府  
分司處設立本司調遣湖北靖州一處從本省標撥鎮  
守調遣總定九十六員給降官勅牌回印信十三年又  
立義兵千戶水軍千戶所於江西 添設兵馬司至正  
十年十月中書省奏東南千里外妖氛見合立兵馬司  
四處掌防禦之職遂置大名兵馬司東平兵馬司濟南  
兵馬司徐州兵馬司每司置都指揮指揮各二員副指  
揮各四員經歷知事提控案牘各一員 至正十三年  
又命南北兵馬司各分官一員就領通州涿州直沽等  
處巡捕官兵往來巡邏給分司印一同署事半載一更  
皇明  
國朝置都指揮使司初為翼元帥府又改為行都督府省  
城或稱都衛都鎮撫司 洪武八年改都衛及行都督

府為都指揮使司 二十年置大寧都指揮使司 二  
十一年改為北平行都指揮使司 永樂元年復為大  
寧都指揮使司移之保定而棄其地界朵顏諸戎 五  
年置交趾都指揮使司 宣德二年棄與安南今都指  
揮使司十六日浙江江西福建廣東廣西湖南山  
東山西陝西四川貴州雲南大寧萬全遼東行都指揮  
使司五四川陝西湖南福建山西留守司二日中都日  
興都中都領 皇陵衛即 英陵興都領 顯陵衛外  
衛及護衛三百七十五守禦屯田耕牧千戶所三百七  
十儀衛司三十二  
本司都指揮使一人都指揮同知二人都指揮僉事四  
人其屬經歷司經歷一人都事一人斷事一人副斷事  
一人吏目一人司獄司司獄一人行都指揮使司亦如  
之  
都指揮使司掌官軍之政令各率其衛所以隸於五府  
而聽於兵部凡都司並派官或得世官歲撫按察其賢  
否五歲考選軍政而廢置之使同知僉事常以一人統  
司事日軍政掌印一人練兵一人屯田日軍政僉事巡  
捕軍器漕運京操備禦諸雜務並選充之曰見任管事  
否日帶俸凡備係行都指揮事者不得升牙公座  
凡朝廷吉凶之禮視布政司經歷典出納文移都事為  
之貳斷事理刑獄副斷事為之貳吏目佐之司獄守獄



外衛指揮使司指揮使一人指揮同知二人指揮僉事  
四人衛鎮撫二人陞授改調增置無定員其屬經歷司  
經歷一人知事一人有衛學者教授一人訓導一人或  
二人有驛遞運所陰陽醫學僧綱道紀司者設官視府  
指揮使司掌軍旅防禦之事使同知僉事考選掌管衛  
事凡世派襲替優給報都指揮使司達所隸都督府移  
兵部每歲藩臬撫按察其賢否五歲一考選軍政廢置  
之一人統衛事曰軍政掌印一人練兵一人屯田曰軍  
政僉書京操巡捕出哨備禦軍器漕運諸雜務曰見任  
管事編諸行伍曰帶俸差操凡撥軍補軍替軍選軍募  
軍並統於掌印凡城池時葺浚之度其財力軍十三民

續文獻通考卷之九十九

十四

四百六十五

十七鎮撫掌刑獄經歷典出納文移知事佐之軍民指  
揮使司亦如之千戶所正千戶一人副千戶二人所鎮  
撫二人百戶十人陞授改調增置無定員

正副千戶選一人掌印一人僉書曰管軍千戶百戶不  
能皆賢一人常攝數印並選充如衛凡治軍之政必聽  
於衛衛下千戶所千戶督百戶百戶下總旗小旗率其  
伍卒以聽所鎮撫無獄事管軍百戶缺則代之守禦千  
戶所軍民千戶所並如之其屬吏目一人

穆宗隆慶元年正月兵部上勘遼總督劉燾議因言南山  
爲景陵藩籬關係甚重設有虜警則令昌平總兵與  
南山叅將互相東應從之二月巡按御史李叔和言

遼東總兵宜以隆冬之時移鎮遼陽以援海州瀋陽水  
解回軍廣寧以防土蠻東西皆有備兵部覆奏從之  
六月兵部覆應天撫臣謝登之奏往者大江南北以  
倭寇故募兵增餉萬非得已今地方稍寧宜將水陸軍  
兵量爲汰革歲省糧費八萬有奇其常鎮二府各設重  
兵無所統轄宜令清軍同知改註海防分地駐守仍兼  
理清軍事從之十月御史郝杰言邇年以來賞每濫  
加罰每曲餽威行於文臣而寬於武弁刑及於主帥而  
畧於福禪士不用命臨敵奔潰率由於此請必正法以  
振國威報可二年正月甲子給事中孫枝言協理戎  
政大臣今未及一載而更代者五人即超世之才不能

續文獻通考卷之九十九

十五

四百六十六

於旬月間指揮訓練整齊約束使將士服習宜審擇其  
人即不能久任亦必假以歲月今得從容展布毋數遷  
易以增煩擾吏部覆議從之兵部覆浙江撫按趙孔  
昭等奏浙江水陸官兵應革者八千人歲減兵餉銀十  
四萬餘兩止徵銀二十二萬兩有奇以給存留官兵寧  
波既設海道副使兵備事可以兼攝其紹興兵備可省  
今寧紹台分守叅議移駐總鎮台州兵備僉事兼分巡  
三府至於寧紹台叅將各防禦信地仍聽總兵官居中  
調度上皆從之五月庚午兵部言山西一鎮舊以  
大同爲藩籬警備差少自嘉靖壬寅失事之後大同棄  
牆不守遂與虜隣三關邊隘皆虜必犯之地矣然此鎮

尚在內地虜必糾合諸部乃敢深入故在關南則憂大舉偏頭一帶逼近虜巢居常則有遊騎出入之苦遇冬又有套虜乘冰之備故在關外則慮寇今寧武在忻代偏計之中既有總兵官駐之東西有警便於策應至如老營堡遊擊將軍宜移駐馬站河曲守備宜改為參將駐灰溝營水泉營保守宜改為守備以便防禦其募軍買馬費請發太僕銀三萬五千兩給之報可 兵部覆薊遼撫臣譚綸疏請 命戚繼光仍以署都督同知總理薊昌保定練兵事務該鎮總參遊等官凡受總督節制者并受繼光節制本官仍受都督節制府州縣官不得阻撓違者聽論參奏處治給以 勅書符驗關防

續文獻通考

卷之九十九

十六

四百九十九

旗牌 又請遣錦衣衛官二人往浙江募寧紹台溫金衢等處鳥銃手三千人給善器恤其家屬優其資用付杭嘉湖參將胡守仁原任參將李超將之而北無誤防秋至鎮之日人給衣鞋銀一兩日給銀五分費暫出太僕寺以後戶部更議其分立三營事令繼光會譚綸熟計以聞得 旨以繼光原職總理練兵事務秋防已過所取南兵今巡撫趙孔昭責令守仁超選募督發不得違怠致誤軍機各兵在途錦衣官稽督守仁等嚴行鈐束所過不得騷擾 薊遼總督譚綸條上分立三營事宜請於薊昌十路練兵三萬人列為三大營以遵化求平遊兵二枝合巡撫標兵一枝為遵化一營巡撫都御

史劉應節提督之以建昌遊兵一枝合鎮守標兵二枝為三屯一營鎮守總兵官郭琥提督之以振武石匣二營合總督標兵二枝為密雲一營練兵都督戚繼光提督之各以兵備監督其遵化三屯二營仍聽戚繼光往來總理而悉受制於總督不得矛盾異同當春秋兩防之時各屯要地如永平一區有警則遵化一營禦之三屯出二哨應之密雲出一哨應之薊州一區有警則三屯一營禦之遵化出二哨應之密雲出一哨應之密雲一區有警則密雲一營禦之三屯出二哨應之遵化出一哨應之兵皆據城為戰以拒虜不入為上功其或一面失守致虜潰入則令三營之兵併力奮擊務收全捷

續文獻通考

卷之九十九

十七

四百九十九

又言薊鎮補練主兵將以罷調客兵今行之已踰十年主兵竟不能充客兵終不可罷何者任之未專而行之未實也今宜責之臣綸與繼光使得專任其事勿使巡按巡關御史撓與其間俟三年補練有成然後遣官閱視補得主兵二枝即罷調客兵一枝補得主兵一萬即罷調客兵五千責任既專功效自著比之頻年補練迄今無績不可同日語矣疏入報可已而撫臣劉應節言薊昌十路惟永平一區最為單弱宜厚集兵以圖固守不當以其去京稍遠而秦越視之以臣愚計宜於振武營改設副總兵一員駐劄密雲統領總督標下各營兵馬建昌營改設副總兵一員就彼駐劄統領鎮巡標下

都總管

續文獻通考

太

✓ Page 3

遼都總管之職北面有東路兵馬都總管府其管曰東路  
兵馬都總管曰同知東路兵馬司見諸路南面五京各

將見諸下路

有都總管府官曰其京都總管知某府事曰同知某府

事有諸軍兵馬都總管府有歸聖軍兵馬都總管府官

曰某兵馬都總管曰某兵馬副總管曰同知某兵馬事

曰其兵馬判官其南京兵馬都總管府與五州都總管

府山後五州都總管府俱見諸路將官下  
興宗重熙

四年改南京總管府爲元帥

金天會六年伐宋畢詔還西南西北二帥以鎮方面諸路

各設兵馬都總管府

兵馬都部署司爲本路總管府又以婆速路統軍司爲

神威神捷神銳神毅神翼神勇神果神略神鋒武勝武  
定武威武安武捷武平武成武毅武銳武揚武翼武震  
威定威震威勝威信威捷威烈威毅威略威果威勇之  
號

諸總管府節鎮兵馬司都指揮使一員正五品巡捕盜

賊提控禁夜糾察諸博徒屠辛牛馬總判司事副都指

擇使二員正六品貳使職通判司事分管內外巡捕盜

賊指揮使員從六品鈐轄四都之兵以屬都指揮使

專署本指揮使事軍使一員正七品指揮之職左右什

將各一人共管都三百人止設指揮使一百人止設軍使一百人止

續文獻通考 卷之九十九

一九

01.04.18 - 20

百人設什將承局押官各一總管而下諸府鎮有都

百人設

什將承局押官

各一

總管而下諸府鎮有者

軍司設都指揮使一員正七品掌軍帥差役巡捕盜賊

總判軍事仍與領事同管城隍

元立都總管府與總管府各因其所司之事爲名皆無典

兵之責設官秩高者三品或四品卑者五品六品員數

多寡視其事之煩簡俱置首領官各轄諸司亦有隸別

衙門者今悉著於篇

管領怯憐口諸色民匠都總管府 至大三年立領怯

憐口人匠造作等事置達魯花赤總管各一人俱正三

品同知一人副總管二人經歷知事提控照磨各

一人諸小吏有羨熱儲政院所轄官司五管領大者

上都怯憐口諸色人匠提舉司秩五品各置達魯花赤  
提舉同提舉副提舉各一人首領官一人 雜造人匠  
提舉司秩從四品設官同所異者都目一人典製局秩  
從七品大使副使各一人直長二人 典設署秩從五  
品令丞各四人 雜造人匠提舉司秩從四品達魯花  
赤一員提舉同提舉副提舉各一員 雜造局秩正九  
品院長直長管勾各一人

隨路諸色人匠都總管府 中統五年命招集析居放  
良還俗僧道等戶習諸色匠藝立管領怯憐口總管府  
以司其造作後改爲繕珍司又爲徽儀使司 至治三  
年復改都總管府設官品秩與上同多總管一人所轄  
續文獻通考卷之九十九 二十 四百五十八

官司二十三 上都諸色民匠提舉司秩從五品提舉  
同提舉副提舉吏目各一人 金銀器盒局秩從八品  
染局秩正八品 雜造局正八品 泥瓦局 鐵局  
上都葫蘆局以上俱大使副使各一人 器物局副  
使一人 研金局 鞍子局俱大使一人 雲州管納  
色提領所提領一員掌納色人戶 大都等路諸色人  
匠提舉司設官品秩與上都同少吏目亦各有轄 雙  
綠局提領一人副使一人受詹事院劄 大小木局受  
詹事院劄并領皇后位下水局 金鉢局俱大使副使  
直長各一人惟金鉢局受府劄管納色提領一人受府  
劄 管銅局助局鎖兒局粧釘局雕木局 成製器舉

司掌縫製之事設管品秩俱與管領大都上都諸色人  
匠提舉司同 上都大都都魯軟皮等局提領所提領  
二人定給從六品印受省劄 大都軟皮局 斜皮局  
上都軟皮局俱局使一人副使一人 牛皮局大使  
一人 金絲子局掌金絲子匠造作之事 畫油局俱  
大使副使直長各一人畫油局受詹事院劄 璉局多  
提領一餘同 材木局掌造作材木大使副使各二人  
瑪瑙玉局大使副使各一人直長二人 大都與魯  
提領所提領一人掌理人匠詞訟受詹事院劄上都同  
上都異樣毛子局 上都璉局大使副使俱各一人  
璉局多直長一人俱受詹事院劄 上都斜皮等局大  
續文獻通考卷之九十九 三十一 四百五十八

使副使各一人受詹事院劄 蔚州定安等處山場草  
木提領所提領一人大使一人副使二人 上都隆興  
等路雜造鞍子局提領大使各一人直長二人受詹事  
院劄  
真定路冀州雜造局大使副使各一人掌造作之事  
珠翠局大使副使直長各一人  
管領大都等路打捕鷹房臘粉人戶總管府 至元二  
十九年因招集平瀼散逸人戶立總管府秩正四品置  
達魯花赤總管首領官各一人隸皇太后位下  
管領本授下大都等路怯憐口民匠總管府 中統元  
年立掌戶口錢帛差發等事置達魯花赤總管各一人

俱受御寶聖旨同知副總管各一人俱受安西王令旨知事一人隸儲政院所領官司六 織染提舉司掌織造段疋置提舉一人本府擬人受安西王令旨副提舉都目各一人俱受安西王割付 管民提領所三大都路兼奉聖州提領六人曹州二人河間路三人受本府割 管北提領所二奉聖州提領三人東安州三人受本府割

管領諸路怯憐口民匠總管府 至元七年招集析居從良還俗僧道編籍人戶為怯憐口立總管府以領之十四年以所隸戶口善造作屬中官 十六年立織染雜造二局以司造作立提領所以司徭役設官品秩

續文獻通考卷之九十九

主

四百五十六

與前都總管府同所轄官司二十六 各處管民提領所置提領同提領副提領相副官等官多寡不一 河間等處九所汴梁等處八所大都等處三所 織染局雜造局俱大使副使相副官各一人 弘州永錦院大使副使直長各一人 豐州毛子局大使副使各一人 縉山毛子旋局大使一人 徐邳提舉司提舉同提舉各一人 廣備庫大使副使各一員俱受院割汴梁等路管民總管府掌各屯田戶差發子粒隸儲政院置達魯花赤總管同知府判各一人經歷知事提控各一人所轄庫一提領所八管佃提領十二江淮等處財賦都總管府 至元十六年以宋謝太師

福王所獻事產及賈似道地土劉整等田立總管府以治之 大德四年罷命有司掌其賦 天曆二年復立其賦復歸焉設官品秩與前都總管府同所轄官司十一 儲用庫提領大使副使各一人 杭州織染局大使副使相副官各一人 建康黃池二局設官同 揚州等處財賦提舉司達魯花赤提舉同副提舉各一人 提控都目各一人所屬一 安慶等處河泊所提領大使副使各一人 建寧等處財賦提舉司與平江杭州等處二提舉司設官俱與揚州同 建康等處三河河泊所提領大使副使相副官各一人 池州等處河泊所少相副官餘同 平江等處財賦提舉司達魯花赤

續文獻通考卷之九十九

三

四百五十六

提舉同提舉副提舉各一人提控案牘都目各一人 杭州等處財賦提舉司設官同上 陝西等處管領毛子匠提舉司達魯花赤提舉各一人官皆世襲官相都總管府至順二年領文宗潛邸扈從臣因設昭功萬戶都總使司其屬有官相都總管府置達魯花赤二員副一員都總管一員副二員同知二員所轄都總管府一總管府一 織染雜造人匠都總管府設官品秩與上都總管府略同所轄官司十 織染局秩從七品大使副使各一員 綾錦局秩從七品大使副使各一員以招收析居放良還俗僧道為匠教習織造之事置官以領之 紋錦局秩從七品大使副使各一員領

送納絲銀物料織造段疋 中山局秩從七品大使副  
使各一員管領教習織造 真定局秩從七品大使一  
員掌織染造作以上三局順帝時賜東宮 弘州尋麻  
林納失失二局秩從七品二局各設大使副使一員各  
領招收折居放良等戶教習織造 大名織染雜造兩  
提舉司秩正六品達魯花赤一員提舉同提舉副提舉  
各一員掌大名路民戶內織造人匠一千五百四十有  
奇 供用庫秩從九品大使副使各一員受徵政院割  
管領諸路打捕鷹房納綿等戶總管府秩正三品掌  
人匠一萬三千有奇歲辦稅糧皮貨採捕野物鷹鷂以  
供內府置達魯花赤都總管同知治中府判各一員

續文獻通考

卷之九十九

子部

職官考

官相府所轄官司二十五 管領上都等處打捕鷹房  
納綿等戶大使副使各一員 管領順德冀寧大德中  
山濟南德州益都大同濟寧興和晉寧檀州太寧蘇州  
真定趙州保定冀州汴梁二十處打捕鷹房納綿等戶  
各提領副提領各一員 管領順州懷慶稻田各提領  
所官同上 廣衍庫大使一員 管領滑山炭場所  
隨路諸色民匠打捕鷹房都總管府總四幹耳朵位下  
戶計民匠造作之事設官品秩與都總管府同多達魯  
花赤副總管各一人官吏不入常調凡幹耳朵之事復  
置四總管府以分掌之  
管領保定等路阿合探馬兒諸色人匠總管掌太祖大

幹耳朵一切事務秩從三品設官同總管府

管領打捕鷹房民匠達魯花赤總管府掌二皇后幹耳  
朵位下歲賜財物造作等事務秩從四品設官同

管領隨路諸色民匠打捕鷹房等戶總管府掌太祖大  
幹耳朵四季行營一切事務品秩設官俱同上

管領隨路打捕鷹房諸色民匠怯憐口總管府掌太祖  
四皇后位下四季行營并歲賜造作之事秩從三品設

官同 隨路打捕鷹房諸色匠總管府掌北安王位下  
歲賜錢糧之事秩正四品設官同

尚供總管府掌守護東涼亭行宮及遊獵供需之事秩  
正三品設官同上所轄三 香河等處巡檢司巡檢一

續文獻通考

卷之九十九

三十五

置官文

人 景運倉提點一人從五品大使一員正六品副使  
一員正七品至元二十一年置 法物庫使副各一人

至元二十九年置  
雲需總管府掌守護罕察腦兒行宮及行營供辦之事  
秩正三品設官同

大都路總管府秩從三品達魯花赤二員都總管一員  
副達魯花赤二員同知二員治中二員判官二員推官

二員經歷二員知事二員提控案牘四員照磨兼管勾  
一員初為燕京路總管大興府 中統五年稱中都路

至元九年改號大都 二十一年始專置大都路總  
管府秩從三品置都達魯花赤都總管等官 二十七

年陞為都總管府進秩正三品領府一州十有一凡本府官吏惟達魯花赤一員及總管推官專治路政其餘皆分任供需之事故又號供需府其屬為兵馬都指揮使司

管領諸路打捕鷹房總管府秩正三品達魯花赤一員總管一員副達魯花赤一員同知一員副總管一員經歷知事各一員宛平縣秩正六品達魯花赤尹各一員丞主簿各三員尉一員典史三員至元十一年置治大都麗正門以西大興縣秩正六品達魯花赤尹丞各一員主簿二員尉一員典史三員至元十一年置治大都麗正門以東東關廂巡檢司秩從九品巡檢續文獻通考卷之九十九

二十六 四百三十一

三員掌巡捕盜賊奸宄之事西北南關廂兩巡檢司設置並同上

管領隨路打捕鷹房民匠總管府隸兵部管領本投下大都等路打捕鷹房諸色人匠都總管府隸兵部

隨路諸色民匠打捕鷹房等戶都總管府隸兵部品秩職掌詳見本部下同管領本位下打捕鷹房民匠等戶都總管府隸兵部諸色人匠總管府隸工部

諸司局人匠總管府隸工部諸路雜造總管府隸工部茶迭兒局總管府隸工部大都人匠總管府隸工部

隨路諸色民匠都總管府隸工部永平屯田總管府隸大司農司

淮東淮西屯田打捕總管府隸宣

徽院隆禧會福崇祥壽福四總管府俱隸大禧宗理院

諸路金玉人匠總管府隸將作院行諸路金玉人匠總管府隸將作院

異儀局總管府隸將作院大都等路民匠總管府隸將作院

管領大都等路打捕民匠等戶總管府領提舉司十有一提領所二十五隸中尚監

管領諸路打捕鷹房民匠等戶總管府領提舉司四提領所十一隸中官位下二府俱掌錢糧造作之事品秩

設官俱與前總管府同江浙等處財賦都總管府品秩設官俱同但總管曰都

總管掌江南沒入貨產課其所賦以供內儲領提舉司續文獻通考卷之九十九

三庫一局一管領大名等處種田諸色戶總管府

管領大都河間等路打捕鷹房總管府二府皆正五品置總管副總管都目各一人

管領本位下怯憐口隨路諸色民匠打捕鷹房都總管府品秩設官與江浙同掌怯憐口二萬九千戶田一萬

五千餘頃出賦以備供奉營繕之事皇明兵民錢穀俱統於布按都司及府州縣以上總管等

官俱不設都副鈐轄遼北面控制西北夷者有黑水河提轄司蓋即鈐轄之職

子 186—729



見前

金都統之外設總領提控見前諸防刺州軍轄一員掌

同都軍兼巡捕仍與司候同管城壁諸府州兵馬鈐

轄一員掌巡捕盜賊若有盜則總押隨處巡尉併力擒

捕司吏二人京兆咸平濟南鳳翔秦州皆依此置惟京兆咸平府置兵馬都鈐轄餘並省

元無考

皇明不設止于府州縣下置巡捕官一員詳見後

都統

遼北面行樞密院下有都統所其官曰監軍曰行軍諸部

曰監戰曰行軍都統曰行軍副都統曰行軍都監其分

列有行軍都押司官曰都押曰副押有行軍都部署司

續文獻通考卷之九十九

二天

有左翼軍都統所有右翼軍都統所有中軍都統所有

御營都統所其遠探軍曰小校曰搜刺其候騎曰偵候

曰候人曰搜刺有東征都統所亦號東面行軍都統所

又號東路行軍都統所有東征統軍司有東征先鋒使

司蓋皆為高麗而設也有南征都統所亦號南面行軍

都統所有南征統軍司有南面行營總管府有南面行

營都部署司有河南道行軍都統所蓋皆為宋而設也

外此又有北道行軍都統所有東北面行軍都統所有

西北面行軍都統所有西南面行軍都統所其設皆皆

同史臣稱遼行軍官樞密都統部署之司上下相維先

鋒兩翼嚴重中軍于遠探偵候為尤謹臨陣委重于監

戰司存有常秩然整暇所以為制勝之道也

金收國元年置南都統司以討張殺天輔五年襲遼

主始有內外諸軍都統之名時以奚未平又置奚路都

統司後改為六部路都統司以遙輦九營為九猛安隸

焉與上京及泰州凡六處置每司統五六萬人又以渤

海軍為八猛安凡猛安之上置軍帥軍帥之上置萬戶

萬戶之上置都統天會元年以上置軍帥軍帥之上置萬戶

府為西北西南兩路都統府後伐宋更為元帥府即此

也十年改南京都統司為東南都統司治東京以鎮多

高麗後又置統軍司于大名府天德二年罷大名統

軍司而置統軍司于河南山西陝西三路以元帥府都

續文獻通考卷之九十九

二天

監監軍為使分統天下之兵又改烏古迪烈路統軍司

為招討司以婆連路統軍司為總管府正隆未復陝

西統軍司為都統府又設三道都統制府及左右領軍

大都督將三十二總管以伐宋大定五年復罷府降

為統軍司元光特招義兵以四萬戶為一副統兩副統

為一都統統軍司河南山東使一員正三品督領軍

馬銀指封侯分營衛觀察奸副統軍一員正四品判官

統軍五品統軍總管察判司事軼定九知事一員從

七品知法二員從八品文直漢人各一員直八人漢人五

人掌行署文牘上名監印守當官四人譯書四人通事

府知法兼之

皇明不設

兵馬都監

遼金諸司府有都監之職皆監本司府軍旅事非若宋之  
兵馬都監分掌本路禁旅屯戍邊防訓練之政令以肅  
清所部也故皆置之監軍而此不列

元有大都路兵馬都指揮使司凡二秩正四品堂京城盜賊奸僞捕鞠之事都指揮使二員副指揮使五員知事續文獻通考

卷之九十九

三十

宣大

續文獻通考

三

清大

一貞提控案牘一貞 王元九年改千戶所爲兵馬司  
隸大都路而刑部尚書一貞提調司事 二十九年置  
都指揮使司二分守于城之內北

皇明南北二京俱設五城兵馬司以掌緝捕房號等事不

設都監

巡檢

遼北面控制西夏者有西南路巡察司西南面巡檢司控  
制西北諸國者有西北路巡檢司官制見前南面邊防有

巡檢使司保寧中耶律合住嘗授巡檢使

金中都東北都巡檢使一員正七品通州置司分轄大興

遡陰昌平通順薊盈州界盜賊事  
司吏一人掌行署文書馬軍十五人干戈

衛馬軍內選少壯  
熟閑弓馬人充

西南都巡檢一員正七品良鄉縣

置司分管良鄉宛平安次永清縣并涿易州界盜賊事

諸州都巡檢使各一員正七品副都巡檢使各一員正

八品宿遷唐鄧崇臺陳毅德華河隴泰等州并西北路皆依此置兼不加使字散巡檢正

九品內泗州以勾管排岸兼之皆設副巡檢爲之佐除地

要處置司唐鄆宿沔鎮壽榮等州及綠邊二十處置  
大定二十二年廣寧府大斧山置巡檢司明昌五年七

又有譏察之職所掌事畧與巡檢相似

所置有數處詳見各關津類 南遷後置議察使從七

品副使從八品陝西者置于秦州河南者置于唐鄧息

壽泗五州 沿淮議察使從五品

置巡檢司秩從九品掌巡捕盜賊姦宄之事俱見各司

文獻通考 卷之九十九

三

四十六

明在內不設在外府州縣地方關津要害處所各設巡檢司巡檢一員俱從九品率領徭編弓兵或二十人或三十人專主巡緝盤詰諸務

郡守

理宗時詔免諸州守臣上殿奏事右丞相葉夢圓言祖宗雖重牧守之計將赴官必令奏事蓋欲察其人品及面諭以庶得已受會百姓其至郡廷見吏民宣上德意庶幾民無怨聽違之心今不遠數千里而來咫尺天顏而不得見非立法之本意

知黃龍府通判與中府設官同

金諸府非兼總管府事者尹一員正三品同知一員正四品少尹一員正五品府判一員從六品掌紀綱案務分判吏戶禮案事專管通檢推排簿籍推官一員正七品掌同府判兵刑工案事知法一員

元世祖至元初置諸路總管府二十年定十萬戶之上者為上路十萬戶之下者為下路當衝要者雖不及十萬戶亦為上路上路秩正三品達魯花赤一人總管一人兼管勸農事江北則兼諸軍與魯同知治中判官各一人下路秩從三品不置治中而同知如治中之秩二十三年又置推官二人專治刑獄下路一人經歷知事或一人或二人照磨兼承發架閣一人司吏無定制隨事續文獻通考卷之九十九

煩簡以為多寡又散府秩正四品達魯花赤一人知府或府尹一人領勸農與魯諸路同同知判官推官知事提控案牘各一人所在有隸諸路及宣慰司行省者有直隸省部者有統州縣者有不統縣者其制各有差等所屬附見司獄司司獄一人丞一人平準行用庫提領大使副使各一人織染局局使一人副使一人府倉大使一人副使一人惠民藥局提領一人稅務提領一人大使副使各一人

草木子曰元路州縣各立長官曰達魯花赤掌印信以總一府一縣之治判署則用正官在府則總管在縣則縣尹達魯花猶華言衙也亦壓口榛子也亦猶古言總

轄之比

皇明

國初罷各路總管府於兩京置直隸府各省分置諸府洪武六年定為三等賦二十萬石上為上府從三品二十萬下中府正四品十萬下下府從四品已而並為正四品

知府一人同知一人通判一人推官一人因事添設同知推官或二人通判至五人其屬經歷司經歷一人知事一人照磨所照磨一人檢校一人司獄司司獄一人所屬衙門儒學教授一人訓導四人倉稅課司分司雜造織染局各大使一人副使一人陰陽學正術一人醫續文獻通考卷之九十九

學正科一人僧綱司都綱一人副都綱一人道紀司都紀一人副都紀一人有巡檢司批驗茶鹽引所水馬驛運所河泊所草場等司巡檢一人批驗所大使一人驛驛丞一人遞運所大使一人河泊所所官一人草場大使一人

知府掌教養部民之事同知通判推官為之貳貲興科貢均平賦役崇慎祀典禁誥奸頑表異良善訊聽刑獄審達冤滯存恤困窮糾察吏治上下其考以告於撫按藩臬上於吏部務知百姓之疾苦若籍帳軍匠驛驛馬牧倉庫盜賊河渠藩防道路之事雖有專官皆知府領之而總督焉凡朝覲慶賀帛祭直隸府等直達省府視

布政司凡 詔赦例令勘劄至謹受以下於屬凡屬之  
政皆受約束於府府劑量重輕爲之出令大者白於撫  
按及藩臬議允而行之同知清軍匠或無巡捕通判管  
糧緝盜治農修河牧馬推官理刑名分職任事經歷典  
出納文移知事佐之照磨典磨勘卷宗檢校佐之司獄  
典獄教授掌教生徒訓導佐之凡生徒廩膳增廣各四  
十人附學無數凡學政遵卧碑提學憲臣申飭之責提  
調於府教授訓導必謹受之凡學官視鄉舉人爲嚴最  
凡郡禮儀事學官司之稅課司典稅凡商僧屠市皆有  
常征以時惟之而輪直於府凡民間買田宅操券契出  
直百之三請印而藏之庫守藏凡縣歲輸及雜賦若諸  
續文獻通考 卷之九十九 三百五十五

贖金悉登籍倉典粟凡民賦軍屯之入及諸司贖穀俸  
祿糧米並收支焉織造局典織造凡錢幣有常數絲與  
練染之費並給於府會其數而籍之幣成覆於府而納  
於內帑若宣索非局所長業者府市之以供上巡檢控  
要害讞察異常姦宄竊發則應時捕擊以聽巡捕之令  
三年計其捕僞印強竊盜逃軍囚以爲上下考批驗茶  
鹽引所典茶鹽引由稽其奸冒而慎防之驛遞典傳郵  
迎送之事凡舟車夫馬廩糗庖饌稠帳皆取給於丁田  
受於府而藉其出入之數河泊所典魚課草場受牧馬  
芻粟陰陽學司占候天文啓漏日月食則供救事醫學  
司方藥診療人民僧綱領僧人道紀領道士凡救日月

食請兩請罷祀屬壇綱紀則謹率其徒施其教事凡奉  
秋奏樂於先師則以道童充樂舞生

### 教授

理宗慶曆四年詔諸路州軍監各立學學生二百人以上  
許更立縣學又置教授以經術衍義訓導諸生

遼南面黃龍府學官曰博士曰助教興中府學設官同縣  
亦設學有博士助教

金諸府並設教授一員大興府設女直教授一員東京北  
京上京河東東西路山東東西路大名咸平臨漢陝西  
統軍司西南招討司西北路招討司遼東路曷懶路速  
頻蒲與胡里改隆州泰州蓋州並同外又設醫院有醫  
續文獻通考 卷之九十九 三百五十六

### 正一人醫工八人

元諸路儒學蒙古學醫學陰陽學俱設教授正八品員數  
多寡不同儒學又增置學正學錄各一人訓導六人有  
學吏一人蒙古學又增置必闡赤各縣儒學則置教諭  
又各處書院置山長一人

### 府錄事參軍

遼南面官諸州有錄事參軍位次同知州事之下見前  
金諸府節錄錄事司錄事一員正八品判官一員正九品  
掌同掌院

元置錄事司秩正八品凡路府所治置一司以掌城中戶  
民之事 中統二年詔驗民戶定爲元數二千戶以上

設錄事司候判官各一員二千戶以下省判官不置

至元二十年置達魯花赤一員省司候以判官兼捕盜之事典史一員若城市民少則不置司跡之倚郭縣在兩京則爲警巡院獨杭州置四司後省爲左右兩司

督郵

遼金不設

元驛傳之制有府寺通政院兵部脫有符節調驛理有次

舍有供頓驛馬車牛驛傳之在漢地者兵部領之在北地

者蒞以通政院郡邑之都會道路之衝要則設脫脫禾

孫之官以檢使客防奸非驛各有主者以典其事此其

府寺使者銜密命以出或急遽不能待有司文移則典

續文獻通考卷之九十九

三六 一百天

瑞院徑自御前出金字圓符付之即佩以行次有銀字

者以常事遣則省部給御寶聖旨水行者給船劄此其

符節驛中有堂有室有庖福兩驛相距道修則道半別

置官舍以慰號邀驛此其次舍使者宿驛中則給米酒

酒各一升麵泊肉各一斤曰全食不宿而過者給半食

冬之炭夏之冰雨之製備焉僕從子米他不給陸行馬

微者或給驢闊廣馬少或代以牛水行舟山行輻倦者

給卧轎綱運以車馬直險則丁夫負荷以過險海則以

大曳小輿載使者行水上此其供頓其馬舟車之數視

官崇卑事大小爲多寡民之役驛中者役其地四頃不

輸租與兵士同然出馬供使客馬死輒買補之有正焉

副焉或久而貧不能爲役別取可者代之使者不得枉

道行杖館人擇善馬囊橐重不勝載非警急而疾馳馬

致斃者皆有罪此又其事之大槩也進奏之郎在京師

者曰會同館而綱運則號陸運提舉司云

急遞鋪

金章宗泰和六年十二月初設都控急遞鋪官

元制轉送朝廷及方面郡邑文書往來十里或十五里二

十五里設一急遞鋪十鋪設一郵長鋪設卒五人文書

至則紀於曆視早晏標至時於封因以絹囊貯而版夾

之又裹以小漆絹卒腰革帶帶懸鈴手鎗挾檢懷實文

書以行夜則持火炬焉道狹車馬者有荷者聞鈴則遙

續文獻通考卷之九十九

三七 三百五

避諸旁夜亦以驚虎狼前鋪聞之則出以俟其至囊版

以護文書不破碎不廢積摺小漆絹襪襪以禦雨雪不

濡濕鎗以脩不虞定制一晝夜走四百里郵長治其稽

滯者郡邑官復督察加詳焉而勤惰有賞罰京師則設

總急遞鋪提領所秩九品銅印官三員又有號牌鎖匣

印帖長引隔眼之法可謂密矣

刺史

遼南面諸州各有州刺史與古之州牧刺史大小頗異

上京道五州

烏

降聖 維 防 招

東京道三十七州

穆	賀	盧	鐵	崇	耀	嬪
遼	西	康	宗	海	北	岩
遼	韓	銀	安	遠	威	雍
遼	郢	銅	率	賓	涑	定
清	麓	荆	滕	順	化	連
安	吉					速
中京道十三州						
恩	惠	榆	澤	北	安	潭
安	德	黔	嚴	熙	遷	閏
南京道八州						
順	檀	泳	易	薊	景	營
續文獻通考卷之九十九						
三十八						
三十七						
遼						
西京道八州						
弘	德	寧	遠	歸	化	可
東	勝					汗
以上皆設官曰刺史曰同知州事曰錄事參軍州學官						
曰博士助教						
聖宗統和八年四月嚴州刺史李壽英有惠政民請留從						
之						
道宗清寧四年正月知易州事耶律頗得秩滿民請留從						
之						
金州名不同設防禦者謂之防禦州職具防禦使下設刺						

史者謂之刺史州其官刺史一員正五品掌同府尹兼  
治州事同知一員正七品通判州事判官一員從八品  
簽判州事專掌通檢推排簿籍司軍從九品知法一員  
軍轄兼巡捕使司候司司候一員正九品司判一員從  
九品  
世宗大定七年以蠡州同知移刺延壽在官汚濫詢其出  
身乃正隆時鷹房孑勅自今鷹房厨人之類不得委臨  
民職任  
元以州次于郡刺史不設其官仍詳于州下 中統五年  
併立州縣未有等差 至元三年定一萬五千戶之上  
者為上州六千戶之上者為中州六千戶之下者為下  
續文獻通考卷之九十九 三十九 四十七  
州江南既平 二十年又定其地五萬戶之上者為上  
州三萬戶之上者為中州不及三萬戶者為下州於是  
陞縣為州者四十有四縣戶雖多附路府者不改上州  
達魯花赤州尹秩從四品同知秩正六品判官秩正七  
品中州達魯花赤知州並正五品同知從六品判官從  
七品下州達魯花赤知州並從五品同知正七品判官  
正八品兼捕盜之事參佐官上州知州提控案牘各一  
人中州吏目提控案牘各一人下州吏目一人或二人  
邊遠之地有諸軍各統屬縣其秩如下州其設官置  
吏亦如之 又諸蠻夷長官司于西南夷諸溪洞各置  
秩如下州達魯花赤長官副長官參用土人為之附見

皇明不設州刺史而州次于府各置官屬

州官凡直隸畿府各省及屬府者並從五品佐貳首領品有差

知州一人同知一人判官一人里不及三十而無屬縣者裁同知判官有屬縣者裁同知因事添設專設無定負其屬吏目一人所屬衙門儒學學正一人訓導三人陰陽學典術一人醫學典科一人僧正司僧正一人道正司道正一人稅課局大使一人副使一人有巡檢司驛遞開壩批驗所河泊所倉草場者設官如府吏

知州掌教養州民之事同知判官爲之貳凡諸州務上視府下視縣以月計上府以歲計上省以三歲之計上

續文獻通考

卷之九十九

四十一

三百三十一

吏部同知清軍匠或兼巡捕判官督糧管馬捕盜治農管河分職任事而領於知州吏目典出納文移或分領州事儒學生徒廩膳增廣各三十人附學無數學正訓導職如府學閭官主啓閉蓄洩壩官典守隄防各率其役以通舟楫之利諸所屬衙門如府者職亦如之

續文獻通考卷之九十九終

續文獻通考卷之一百

皇明進士雲間王圻纂輯

職官考 縣令 驛傳 散官 爵秩

縣令

遼五京諸州屬縣各有縣令縣丞主簿尉

金赤縣謂大興宛平縣令一員從六品掌養百姓按察所部宣導

風化勸課農桑平理獄訟捕除盜賊禁止游惰兼管常

平倉及通檢推排簿籍總判縣事縣丞一員從八品主

簿一員正九品與丞同掌貳縣事尉四員正八品掌巡

捕盜賊次赤縣又曰尉縣令一員正七品丞一員正九

品簿一員品同上尉一員正八品諸縣令一員從七品

續文獻通考

卷之一百

一

四〇二

丞一員正九品簿一員品同上尉一員正九品間有四員者同赤縣八品中縣而下以至簿與尉通領巡捕事下縣則不置尉以至簿兼之凡縣二萬五千戶以上爲次赤爲尉二萬以上爲次尉在京倚郭者曰京縣自京縣而下以萬戶以上爲上縣三千戶以上爲中縣不滿三千爲下縣

世宗大定四年詔監當官遷散官至三品尚任縣令者與省除 十三年九月詔年老之人毋注縣令其佐亦擇壯者參用 十六年十二月詔諸科出身人四十年方注縣令年歲太遠今後仕及三十二年別無負犯賊案追奪便與縣令 二十年十月更定銓注縣令永簿格



二十三年五月命應部除官嘗以罪罷而再叙者遣使按其治迹如有善政方許授以縣令無治狀者不論任數多少並不得授

章宗泰和元年更定右選注縣令丞簿格自第一等缺外

第二等缺滿合注縣令者陞上令少一任與中令少二

任與下令少三任以上者與錄事軍防判仍減一資注

令少五任以上者注丞簿第三等任滿合注縣令者陞

中令少一任與下令少二任以上者與錄事軍防判亦

減一資注令少四任以上者並注丞簿已入縣令者秩

滿日與上令仍依各等資考內通減兩任呈省已任七

品六品者減一資注授經保充縣令明問相同依資考

續文獻通考

卷之二

二

四十九

不待滿陞除見隨朝者考滿陞注既陞除後將來覆察

公正廉能者不降

縣有置謀克者隸于猛安之下職從五品掌撫輯軍戶

訓練武藝惟不管常平倉餘同縣令

元世祖至元三年合併江北州縣六千戶之上者為上縣

二千戶之上者為中縣不及二千戶者為下縣二十年

又定江淮以南三萬戶之上者為上縣二萬戶之上者

為中縣一萬戶之上者為下縣上縣秩從六品達魯花

赤一人尹一人丞簿尉各一人典史二人中縣秩正七

品不置丞下縣秩從七品設官如中縣民少事簡之地

以簿蕪尉後又別置尉主捕盜之事別有印典史一人

馬祖常曰親民之官守令為急然守令者緣係朝廷遷除之人才或不良心亦知懼而行省所差府州司縣提

控案牘都事吏目典史之徒往往恃其名役之細微縱

其姦猾舞文弄法操制官長傾詐庶民蓋自此徒出而

貼書小吏數十年間轉充其後卑職項居田畝嘗聞此

等言曰我等身無品級子無廕叙原此初心謂之無賴

而令竊弄府州司縣之權剝刻單弱以肥其帑良可憫

嘆如蒙聞奏命中書省除各路存留官經歷知事照磨

外其餘革去請參酌古制令各州判官僉書州事各縣

主簿勾稽本縣文簿實為官制不奈體統稍均人既有

名事自不苟為係於民不細

續文獻通考

卷之二

三

四十五

皇明

太祖吳元年定縣三等賦十萬石以下為上縣知縣從六

品六萬以下為中縣正七品三萬以下為下縣從七品

已而並改正七品京縣正六品

知縣一人縣丞一人主簿一人不及二十里者縣丞主

簿因事添設無定員其屬典史一人所屬衙門儒學教

諭一人訓導二人陰陽學訓術一人醫學訓科一人僧

會司僧會一人道會司道會一人有巡檢司稅課局驛

遞開壩批驗所河泊所倉草場者設官如州

知縣掌教養縣民之事縣丞主簿為之貳凡諸縣務如

州而縣尤親民歲貢學生聽試於提學憲臣三歲貢士

聽選於鄉試歲積實徵十歲造黃冊民之賦役視丁與產爲差賦歲二征役歲一徵賦有累賦金賦布帛及諸貨物之賦後有力役僱役借債不時之役皆視其天時休咎地利豐耗人力貧富必調劑而均節之若歲大歉請于府於省於撫按藩臬而時蠲減焉無幸富強苦貧約凡詞訟必詢其情理考諸律例而決之有不服聽陳於上爲雪理焉凡養老祀神表善賑饑恤窮通貨之事時省而敷行之凡山海澤藪之產資國用者按籍而登焉凡庶人在官者常賦青糧頭大戶追攝若雜徭貢里長教讀教鄉塾老人勾勘民間細事總甲選察市里弓兵民壯執防捕之後縣丞管馬管河管糧主簿巡捕分

職任事而領於知縣典史典出納文移或分領縣事備學生徒廩膳增廣各二十人附學無數教諭訓導職如州學諸所屬衙門如州者職亦如之庶人在官者縣亦如州  
穆宗隆慶二年七月吏部覆禮科宋良佐言沿邊州縣正官當掄選甲科中有才識者仍銓注久任俟其諳練軍機長於韜略然後加之顯擢以充兵備之用從之  
四年六月掌吏部事大學士高拱請自今各邊有司必擇年力精強才氣超邁者除補或查治有成績兼通武藝者調用而又議其賞罰有能保惠困窮俾皆樂業者以三年爲率比內地之官加等陞遷有能捍患禦敵特

奇績者以軍功論不次擢用如其才略恢弘可當大用卽由此爲兵備爲巡撫爲總督無不可者惟以治効爲準不必論其出身資格若用之不効無益地方者降三級別用若觀望推諉以致悞事者輕則罷黜重則軍法治罪夫旣開功名之路以歆之於前則不肯不盡其心又有嚴罰以繩之於後則不敢不盡其力庶乎脩職者多而邊方有賴也然臣又思功名之路旣開則又有本是腹裏而借邊方省分之名以圖倖進者亦不可不預爲一定之說查得薊遼則昌平順義密雲懷柔玉田豐潤遵化平谷遷安撫寧昌黎樂亭延慶永寧保安自在安樂等州縣山西河西曲臨縣忻州崞縣代州五臺繁峙永寧寧鄉岢嵐嵐縣興縣靜樂保德大同懷仁渾源應州山陰朔州馬邑蔚州廣靈仁等州縣陝西則固原靜寧隆德安定會寧蘭州環縣安塞安定保安清澗綏德米脂葭州吳堡神木府谷等州縣此六十一處乃是邊方其他雖係薊遼山陝所屬不得禁以邊稱徒資倖路其各府衛或在邊任事者賞罰亦同疏入  
上  
口邊方有司防守攸賴誠宜加意擇人悉如議行  
九  
月御史趙可學言甘肅知縣不擇賢能禁除世職於事體非宜查州府縣官僅三十里清軍同知職務簡不若付以典章使蒞其土曲阜知縣第支俸給專管林廟而縣事母有所與有缺則撫按官公舉一人送部銓選更

部復如議從之

鎮戍關市

遼東面備禦宋國者有距馬河戍長司聖宗開泰七年沿距馬河宋界西東七百餘里特置戍長一員巡察控制西北諸國者有西北路戍長司亦置戍長一員皆見前諸路將官內

金潼關關使兼議察官正七品掌關禁議察姦偽及管鑰啟閉副議察正九品掌任使之事居庸關紫荆關通會關會安關及他關皆設使從七品大慶關管勾河橋官兼議察事一員掌解繫浮橋濟渡舟楫巡視河道脩完埽岸兼率埽兵四時工役栽植榆柳豫備物料議察

續文獻通考

卷之三百

大

四十六

京

奸偽等事同管勾一員孟津渡議察一員正八品掌議察奸偽副議察一員正九品秦藍兩關置提舉官品秩詳提舉市令司惟中都置令一員正八品南選使右警丞一員正九品掌平物價察度量權衡之違式百貨之沽直其諸知鎮知城知堡知寨皆從七品

元世祖至元二十七年十一月增至萬戶府分戍江南江淮行省平章不憐吉帶言福建盜賊已平惟浙東一道地極險惡賊所巢穴向伯顏魯於各路置戍後為忙古解更易之今乞復還三萬戶府以合喇帶一軍戍沿海明台亦怯烈一軍戍溫處札忽帶一軍戍紹興其後寧初用土兵後皆與賊通今以高郵泰兩萬戶添軍其地

而戍揚州建康鎮江三城踰據大江人民煩眾宜置七萬戶府杭州行省諸司府庫所在宜置四萬戶府至

元二十四年移濟南東平萬戶戍福建後為臺州上翼二十七年復設福新萬戶翼轄新軍復令二翼官屬相參署事曰福興鎮守萬戶大德四年定何興化路止令千戶鎮守亳州與福新輪委萬戶一員分鎮一年一更其汀泉漳等路並委百戶至大元年又以沿海俱通番邦亳州與福新輪委萬戶一員沿海上下三流巡防半年一更上隸閩帥下轄鎮撫千戶彈壓百戶並得世襲幕官則有更代或軍民交訟則委官會議裁決其員為達魯花赤萬戶副萬戶經歷知事提控案牘皆

續文獻通考

卷之三百

七

四十五

京

幕官也又有鎮遏司司有千戶百戶照略等員又立河渡官八員以察奸偽又大都廣議司總和顧和買事有司令二員正三品詳見大都督守司皇明不設戍守萬戶府等官其議察諸務則有府州縣衛所巡捕官及巡檢

司獄

司獄古無其名金匱司獄司司獄一員正九品提控獄囚司獄一八公使二八典獄二八防守獄內設千刑部外設千諸路總管府見前

皇明在內南京刑部都察院順天府在外各布政司按察司各都司各府俱設司獄司司獄官一員俱從九品

驛傳事例

皇明

太祖洪武元年設水馬站及遞運所卽古督郵之職後改站爲驛驛設驛丞一員所設大使一員俱未入流八年定馬夫免糧則例自京至宿州十三驛馬夫田租全免自百善道至鄭州免三分之二自滎陽至陝西山西北平二百二十一驛免三分之一十六年令僉蘇松嘉湖四府民占田四十頃之上者出上馬一疋三十頃之上出中馬一疋二十頃之上出下馬一疋弘治三年議准各處徵收馬價銀係會同館者解兵部係在外驛分者解該管官司照例支給每夫一馬歲給工食

續文獻通考

卷之二百

四十三

草料銀二十五兩買補上馬一疋上鋪陳一副各給銀十五兩中馬一疋中鋪陳一副各給銀十三兩下馬一疋下鋪陳一副各給銀十兩仍督令如法買補七年定協濟水夫則例每船一號夫十名歲徵工食過關銀一百二十兩每三年加修理船隻鋪陳銀四十兩每十年加置造船隻鋪陳銀八十八兩其水夫從該驛僱倩本處誠實土民應當十一年議准各處水驛驛船每隻歲減水夫二名扣銀二十四兩收積在官遇脩理置造之年量數支用更不加徵修理置造銀兩十四年題准揚州迤北裏河一帶往來使客頗多船隻不敷倒換每驛站五七十里者打過站船每隻止許貼過關米

二斗遞運所一二百里紅船止許貼過關米五升輪流於走通水夫出辦如願出雜糧照依時值從便但無過二斗五升所值若係長馬快船隻及無關文俱不許升合支貼違者申呈撫按察究

遞運所設置船隻不等如六百料者每隻水夫十三名五百料者每隻水夫十二名四百料者每隻水夫十一名二百料者每隻水夫十名其水夫皆於五石以下糧戶內點差每所設置車輛不等如大車一輛載米十石者人夫三名牛三頭布袋十條小車一輛載米三石者人夫一名牛一頭每天一名辦牛一頭於十五石糧戶內點充如無相應人戶許眾戶湊糧共當

續文獻通考

卷之百

四十四

市民馬戶俱係浙江井直隸蘇松等府市居人民編發鳳陽河南陝西北平等處緊要驛分當站每上馬一疋一百三十八戶中馬一疋一百十八戶下馬一疋九十八戶每馬各就原定戶內選丁多者四戶充馬頭在驛走通如馬頭戶絕體勘明白仍於本馬原編戶內僉補世宗嘉靖八年題准進貢內臣回還本身照例准支廩給陸路馬疋水路快船跟用稟戶伴當人等准二名陸路脚力口糧水路止支口糧同本官於快船隨住不許再討紅船其有順帶官物者本部查驗多少撥船裝載人夫數目照舊例給撥九年議准尚膳監採打銀魚止許帶書辦六名應付廩給口糧馬疋其車輛船隻巡按

御史羅秀風力官一員照扛撥付裝載鹽課司原非接  
遞衙門不許需索應付

### 馬快船事例

英宗正統六年令編排南京馬快船以五十號為一班輪  
赴北京聽用半年一替合用口糧於南京倉總領凡該  
班馬快船前班以四月初到後班以十月初到本部拘  
收勘合發後府轉發通州守備官收堂點視限滿得替  
或遇差撥仍齎勘合赴本部批廻

憲宗成化四年奏准馬快船不許附帶私鹽客貨若干關  
文外多索一夫一軍及分關前驅逼取錢物者巡河御  
史按察司官將隨從人役并附船各商拿問民解口外  
續文獻通考卷之百

十四

軍發邊衛鹽價入官 六年奏准馬快船附載私貨者  
本船小甲并附船之人俱發口外充軍其空身附搭者  
以違制論

孝宗弘治十三年凡黃船附搭客貨及夾帶私物者小甲  
客商人等俱問發極邊衛所永遠充軍貨物入官客商  
人等止是空身附搭者亦連小甲俱發附近充軍其馬  
快船隻附搭客貨及夾帶私物者小甲客商人等俱發  
口外充軍貨物亦入官若客商人等止是空身附搭者  
照常發落

武宗正德十六年 詔南京駕到各樣船隻勞人看守日  
久損壞無用着內官監工部會看除年例黃船照常存

留聽候外其餘烏龍船發送南京兵部改作擺江船黃  
船發送南京工部照舊聽差黑樓等船發送杭州等府  
聽候進鮮進 龍衣公用免派民間修造魚船等項爰  
賣價銀收貯監部以備修造正支

世宗嘉靖二十一年議准南京兵部差撥快船照例差官  
同科道官驗扛儘船裝載不許違例夾帶私貨合用人  
夫除水鮮緊急等差酌量加增外其餘一遵舊例撥給  
逐項於開報箱扛咨內填寫船隻人夫廩給口糧各數  
目咨本部知會仍填給該司印信空白勘合一紙付該  
船小甲收執自儀真起將前單投入該縣驛遞填寫奉  
到日時應付過廩糧人夫實數用鈐印蓋仍付收執沿

續文獻通考卷之百

土

途州縣驛遞一體填印到京之日將前勘合送司查對  
若有司阿諛奉承及應付稽遲一體究治進貢事畢順  
差撥船回還本部該司仍給印信勘合沿途填寫到車  
駕司收查稽考 又議准南京一應進貢該用黃馬快  
船先期半月行文南京兵部撥船裝扛之後限五日以  
裏起程如停船招商攬貨許驗裝科道及巡城御史等  
官先將招商前站起船人等拿送法司連小甲客商俱  
照例問發充軍所搭貨物盡數入官若非應捕之人捕  
獲着貨物給賞仍將管運內官奏奉定奪

### 文散官

遼無考

金文官九品階凡四十有二

從一品上曰開府儀同三司中曰儀同三司中次曰特進下曰崇進崇進古無金所增

正二品上曰金紫光祿大夫下曰銀青光祿大夫

從二品上曰光祿大夫下曰榮祿大夫榮祿大夫古無金所增

正三品上曰資德大夫中曰資政大夫下曰資善大夫

三階皆金增置

從三品上曰正奉大夫中曰通奉大夫下曰中奉大夫

古中奉大夫在中大夫之下

正四品上曰正議大夫中曰通議大夫下曰嘉議大夫

嘉議大夫金增置

續文獻通考卷之二

三十五

從四品上曰大中大夫中曰中大夫下曰少中大夫

金增置

正五品上曰中議大夫中曰中憲大夫下曰中順大夫

古有中憲而三品並無

從五品上曰朝請大夫中曰朝散大夫下曰朝列大夫

舊曰奉德大夫天德二年改朝列大夫有奉直大夫在朝請之後朝請之前

正六品上曰奉政大夫下曰奉議大夫

從六品上曰奉直大夫下曰奉訓大夫

正七品上曰承德郎下曰承直郎

從七品上曰承務郎下曰儒林郎

正八品上曰文林郎下曰承事郎

從八品上曰徵事郎下曰從仕郎

正九品上曰登仕郎下曰將仕郎

從九品上曰登仕佐郎下曰將仕佐郎

此二階大定十四年增

郎階比舊少朝議朝請朝散朝奉承議奉議通直宣教

宣義徵事給事承奉從事從政脩職典功諸名而承德

承直承務承事徵事從仕登仕將仕皆金所更定也

元置文職散官四十有二階

開府儀同三司

正一品

特進

正一品

金紫光祿大夫

正一品

光祿大夫

從一品

資德大夫

從一品

資善大夫

從二品

正奉大夫

從二品

正議大夫

從二品

嘉議大夫

從二品

中大夫

從二品

資政大夫

從二品

通奉大夫

從二品

中奉大夫

從二品

通議大夫

從二品

中憲大夫

從二品

朝請大夫

從二品

朝散大夫

從二品

奉議大夫

從二品

奉直大夫

從二品

奉訓大夫

從二品

朝列大夫

從二品

朝散大夫

從二品

奉直大夫

從二品

奉直大夫

從二品

不德郎

承直郎俱正六品

儒林郎

承務郎俱從六品

文林郎

承事郎俱正七品

徵事郎

從事郎俱從七品

登仕郎

將仕郎

登仕佐郎

將仕佐郎俱從八品

右四十二階自一品至五品為宣授六品至九品為勅授勅授則中書署牒宣授則以制命之一品至五品者服紫六品至七品者服緋八品至九品者服綠武官以下皆如之其官常對品惟九品無散官則但舉其職而已武官雜職皆如之

續文獻通考

卷之二

南

二百九十九

武散官

遼無考

金武職凡仕至從二品以上至從一品者皆用文資自正

三品而下階與文資異

正三品上曰龍虎衛上將軍中曰金吾衛上將軍下曰

驃騎衛上將軍

從三品上曰奉國上將軍中曰輔國上將軍下曰鎮國

上將軍

正四品上曰昭武上將軍中曰昭毅大將軍下曰昭勇

大將軍

從四品上曰安遠大將軍中曰定遠大將軍下曰懷遠

大將軍

正五品上曰廣威將軍中曰宣威將軍下曰明威將軍

從五品上曰信武將軍中曰顯武將軍下曰宣武將軍

正六品上曰武節將軍下曰武德將軍

從六品上曰武義將軍下曰武畧將軍

正七品上曰承信校尉下曰昭信校尉

從七品上曰忠武校尉下曰忠顯校尉

正八品上曰忠勇校尉下曰忠翊校尉

從八品上曰修武校尉下曰敦武校尉

正九品上曰保義校尉下曰進義校尉

從九品上曰保義副尉下曰進義副尉

續文獻通考

卷之二

十五

三百〇九

武散官與舊制甚異金所劾也

元置武職三十四階

龍虎衛上將軍

金吾衛上將軍

驃騎衛上將軍俱正二品

輔國上將軍俱從二品

鎮國上將軍

奉國上將軍

昭武大將軍

昭勇大將軍

昭毅大將軍俱正三品

安遠大將軍

定遠大將軍

懷遠大將軍俱從三品

廣威將軍

宣威將軍

明威將軍俱正四品

信武將軍

顯武將軍

宣武將軍俱從四品



武節將軍	武德將軍 <small>俱正五品</small>
武義將軍	武畧將軍 <small>俱從五品</small>
承信校尉	昭信校尉 <small>正六品</small>
忠武校尉	忠顯校尉 <small>從六品</small>
忠勇校尉	忠翊校尉 <small>正七品</small>
脩武校尉	敦武校尉 <small>從七品</small>
保義校尉	進義校尉 <small>正八品</small>
保義副尉	進義副尉 <small>從八品</small>
右三十四階自正二品至正八品其餘授具前	
司天散官	
遼無考古原無之	
續文獻通考卷之百	太 <small>三自九京</small>
金熙宗天眷中定制自從四品而下立爲二十五階	
從四品上曰欽象大夫中曰正儀大夫下曰欽授大夫	
正五品上曰靈憲大夫中曰明時大夫下曰頒朔大夫	
從五品上曰雲紀大夫中曰協紀大夫下曰保章大夫	
正六品上曰紀和大夫下曰司玄大夫	
從六品上曰探賸郎下曰授時郎	
正七品上曰究微郎下曰靈臺郎	
從七品上曰明緯郎下曰候儀郎	
正八品上曰推策郎下曰司正郎	
從八品上曰校景郎下曰平秩郎	
正九品上曰正紀郎下曰挈壺郎	

從九品上曰司曆郎下曰司辰郎	
元制欽象大夫	正儀大夫 <small>元史不載此階見輟耕錄</small>
明時大夫	頒朔大夫 <small>俱正四品</small>
保章大夫 <small>從四品</small>	司玄大夫 <small>正五品</small>
授時郎 <small>從五品</small>	靈臺郎 <small>正六品</small>
候儀郎 <small>從六品</small>	司正郎 <small>正七品</small>
平秩郎 <small>從七品</small>	正紀郎
挈壺郎 <small>俱正八品</small>	司曆郎
司辰郎 <small>俱從八品</small>	
右十五階自從三品至從八品其餘授具前	
太醫官階	
遼無考	七 <small>三自九京</small>
續文獻通考卷之百	
金初脩舊制自從六品而下止七階 天眷中增自從四品而下爲二十五階	
從四品上曰保宜大夫中曰保康大夫下曰保平大夫	
正五品上曰保順大夫中曰保安大夫下曰保和大夫	
從五品上曰保善大夫中曰保嘉大夫下曰保順大夫	
正六品上曰保合大夫中曰保冲大夫	
從六品上曰保愈郎下曰保全郎	
正七品上曰成正郎下曰成安郎	
從七品上曰成順郎下曰成和郎	
正八品上曰成愈郎下曰成全郎	

從八品上曰醫全郎下曰醫正郎	<small>宋置翰林醫正 金改醫正郎</small>
正九品上曰醫効郎下曰醫候郎	
從九品上曰醫痊郎下曰醫愈郎	
元制保宜大夫	保康大夫 <small>二階 從三品</small>
保安大夫	保和大夫 <small>二階 從四品</small>
保順大夫	保冲大夫 <small>正五品</small>
保全郎 <small>從五品</small>	成安郎 <small>正六品</small>
成和郎 <small>從六品</small>	成全郎 <small>正七品</small>
醫正郎 <small>從七品</small>	醫効郎
醫候郎 <small>從八品</small>	醫痊郎
醫愈郎 <small>從八品</small>	
續文獻通考卷之三百	
右十五階自從三品至從八品其餘授具前	大 <small>言主家</small>
內侍階	
遼無考	
金天德中勅制自從四品以下二十五階	
從四品上曰中散大夫中曰中尹大夫下曰中侍大夫	
正五品上曰中列大夫中曰中御大夫下曰中儀大夫	
從五品上曰中常大夫中曰中益大夫下曰中衛大夫	
正六品上曰中良大夫 <small>天德作中亮</small> 下曰中洵大夫	
從六品上曰通禁郎下曰通侍郎	
正七品上曰通掖郎下曰通御郎	
從七品上曰禁直郎下曰侍直郎	

正八品上曰掖直郎下曰內直郎	
從八品上曰司贊郎下曰司謁郎	
正九品上曰司關郎下曰司僕郎	
從九品上曰司奉郎下曰司引郎	
元制中散大夫 <small>王莽所置後漢齊梁隋及唐皆有之然不在內侍之列階正二品</small>	
中尹大夫 <small>從二品</small>	中儀大夫 <small>正三品</small>
中御大夫 <small>從三品</small>	中衛大夫 <small>正四品</small>
中治大夫 <small>從四品</small>	通侍郎 <small>正五品</small>
通衛郎 <small>從五品</small>	侍正郎 <small>從六品</small>
司謁郎 <small>正七品</small>	司關郎 <small>從七品</small>
司僕郎 <small>正八品</small>	司奉郎
續文獻通考卷之三百	
右十四階由正二品至從八品其餘授具前	九 <small>言主家</small>
教坊階	
遼無考古原無之	
金教坊舊用武散官大定二十九年以爲不稱乃創定二十五階	
從四品上曰雲韶大夫中曰仙韶大夫下曰成韶大夫	
正五品上曰章德大夫中曰長寧大夫下曰德和大夫	
從五品上曰景雲大夫中曰雲和大夫下曰協律大夫	
正六品上曰慶喜大夫中曰嘉成大夫	
從六品上曰肅和郎下曰純和郎	

正七品上曰舒和郎下曰調音郎	從七品上曰比音郎下曰司樂郎	正八品上曰典樂郎下曰協樂郎	從八品上曰掌樂郎下曰和樂郎	正九品上曰司音郎下曰司律郎	從九品上曰和聲郎下曰和節郎	元制雲韶大夫	長寧大夫	協律大夫 <small>從四品</small>	純和郎 <small>從五品</small>	司樂郎 <small>從六品</small>	續文獻通考卷之二百	和樂郎 <small>從七品</small>	司律郎 <small>從八品</small>	和節郎 <small>從八品</small>	右十五階自從三品至從八品其餘授具前	勳級	遼無考	金制上柱國正二品	上護軍正三品	上輕車都尉正四品	上騎都尉正五品	驍騎尉正六品
						仙韶大夫 <small>俱從三品</small>	德和大夫 <small>俱正四品</small>	嘉成大夫 <small>正五品</small>	調音郎 <small>正六品</small>	協樂郎 <small>正七品</small>	言大五京	司音郎	和聲郎					柱國從二品	護軍從三品	輕車都尉從四品	騎都尉從五品	飛騎尉從六品

雲騎尉正七品	武騎尉從七品	元制上柱國正一品	柱國從一品	上護國正二品	護軍從二品	上輕車都尉正三品	輕車都尉從三品	上騎都尉正四品	騎都尉從四品	驍騎尉正五品	飛騎尉從五品	爵秩	遼金無考	元制王正一品	郡王從一品	國公正二品	郡公從二品	國侯正三品	郡伯從三品	續文獻通考卷之二百	國伯正四品	郡伯從四品	縣子正五品	縣男從五品	右勳爵若上柱國郡王國公時有除拜者餘則止于封贈用之	皇明	太祖洪武二十五年	上以中外文武百司職名之沿革	品秩之崇卑勳階之陞轉俸祿之損益歷年滋久屢有	不同無以示成憲於後世迺命儒臣重定其品階勳	祿之制以示天下正一品	宗人府宗人令左右宗正	左右宗人都督府左右都督文武勳俱左右柱國階俱	初授特進榮祿大夫陞授特進光祿大夫祿月米八十
--------	--------	----------	-------	--------	-------	----------	---------	---------	--------	--------	--------	----	------	--------	-------	-------	-------	-------	-------	-----------	-------	-------	-------	-------	--------------------------	----	----------	---------------	-----------------------	----------------------	------------	------------	-----------------------	-----------------------

主  
四七十四京

主  
四七十四京

三十一

三十一

長官副招討宜撫司僉事安撫司同知各所百戶文階  
初授承直郎陞授承德郎武勳雲騎尉階初授昭信校  
尉陞授承信校尉祿月米一十石從六品大理寺左右  
寺副左右春坊左右贊善左右司直郎翰林院脩撰光  
祿寺丞應天府推官光祿寺各署正僧錄司左右闡教  
道錄司左右演法鹽運司判官布政司經歷理問所理  
問各州同知鹽課提舉司副提舉安撫司副使長官司  
副長官所鎮撫文階初授承務郎陞授儒林郎吏材幹  
宣德郎武勳武騎尉階初授忠顯校尉陞授忠武校尉  
祿月米八石正七品監察御史五軍都督府都事太常  
博士典簿京縣丞通政司經歷大理寺左右評事兵馬  
副指揮都察院都事翰林院編脩營繕所正按察司經  
歷五軍斷事官五司稽仁稽義稽禮稽智稽信 王府  
審理副煎鹽提舉司提舉各府推官各縣知縣中都督  
守司并都司副斷事安撫司僉事蠻夷長官司長官文  
階初授承事郎陞授文林郎吏材幹宣義郎祿月米七  
石五斗從七品中書舍人太僕寺主簿應天府經歷光  
祿寺典簿各署丞翰林院檢討太常寺各祠祭等署奉  
祀各州判官欽天監回回監五官靈臺郎詹事府主簿  
鹽運司經歷鹽課提舉司副提舉布政司都事宣慰司  
經歷理問所副理問蠻夷長官司副長官階初授從仕  
郎陞授徵仕郎祿月米七石正八品六科都給事中翰

林院五經博士通政司各衛知事京縣主簿國子中郎  
二監丞戶部刑部照磨寶鈔龍江提舉司提舉欽天監  
回回監主簿五官保章正太常寺協律郎典牧所提領  
太醫院御醫僧錄司左右講經道錄司左右至靈煎鹽  
提舉司同提舉 王府典寶正奉祠正良醫正典膳正  
紀膳元符宮崇真宮靈官營膳所副各府經歷各縣丞  
按察司知事宣慰司都事階初授迪功郎陞授脩職郎  
祿月米六石五斗從八品六科左右給事中鹽運司應  
天府知事欽天監回回監五官挈壺正光祿寺錄事各  
署監事儀禮司正翰林院典籍神樂觀知觀僧錄司左  
右覺義道錄司左右玄義 王府典膳副奉祠副典寶  
副良醫副國子監博士助教典簿宣撫司經歷太常寺  
各祠祭等署祀丞布政司照磨宗真宮副靈官階初授  
迪功郎陞授脩職佐郎祿月米六石正九品六科給事  
中儀禮司左右司副左右司丞太常寺贊禮郎詹事府  
錄事各府知事各縣主簿國子監學正行人司正戶刑  
二部檢校司經局校書翰林院侍書典牧所大使各牧  
監正欽天監回回監五官司曆五官監候龍江寶鈔提  
舉司副提舉 王府長史司典簿正奉祀所典樂  
會同館茶鹽馬司承運庫寶鈔廣惠庫積貯司甲乙丙  
丁戊字庫皮作較饗寶源顏料局應天府織染局文思  
院等大使煎鹽提舉司副提舉教坊司奉樂宣撫安撫

司知事管膳所丞附初授將仕郎陞授登仕郎祿月米五石五斗從九品翰林院承天門待詔都稅司大使國子監學錄典簿司經局正字欽天監五官司辰漏刻博士各牧監副儀禮司鳴贊序班軍儲倉大使茶課馬司副使寶鈔庫惠積惠贖甲乙丙丁戊字庫副使宣課司大使太常寺司樂典牧所副使府學教授行人司副會同館副使布政司庫寶泉軍器各府雜造織染局稅課司并倉大使 王府典儀副典牧司大使承運庫皮作鞍轡寶源局文思院副使觀察使太醫院千戶所鹽課提舉司各州吏目五軍斷事官提控案牘巡檢司獄陰陽學正術醫學正科僧綱司都綱道紀司都紀應天府織染局副使教坊司左右韶舞左右司樂階初授將仕佐郎陞授登仕郎祿月米五石未入流各部司務州學正縣典史教諭行人國子監掌饌牧監錄事群長翰林院孔目 王府引禮舍人河泊所庫塹官阜民司稅課分司茶鹽課司慶遠裕民司揚州府邵伯瓜州稅課司茶鹽批驗所長官所司倉庫州縣衛倉生藥庫巾帽針局稅課抄紙印抄鑄印惠民銀場抽分竹等局并開大使副使通運所鐵冶所司竹局鹽運司衛撫州庫河州軍民指揮司遼陽青州府樂安三稅課司大使軍儲京衛府倉都稅宣課司牲稅課等司工部軍器局布政司庫寶泉軍器各府織染雜造局副使斷事兵馬指

揮長官司吏目理問所提控案牘驛丞祿月米有差醫學典科訓科陰陽學典術訓術僧綱司副都綱僧正司僧正僧會司僧會道紀司副都紀道正司道正道會司道會與僧道錄司僧綱道紀醫學正科陰陽學正術俱不給祿

皇明復定階比前少異

凡文職官員一品至五品應合授勳者照依散官定擬奏聞給授京堂單題其餘上下半年類題

正一品左柱國從一品左柱國正二品左柱國從二品左柱國正三品左柱國從三品左柱國正四品左柱國從四品左柱國正五品左柱國從五品左柱國

正一品右柱國從一品右柱國正二品右柱國從二品右柱國正三品右柱國從三品右柱國正四品右柱國從四品右柱國正五品右柱國從五品右柱國

續文獻通考

凡武職官員一品至六品應合授勳者照依散官定擬奏聞給授

奏聞給授

正一品左柱國從一品左柱國正二品左柱國從二品左柱國正三品左柱國從三品左柱國正四品左柱國從四品左柱國正五品左柱國從五品左柱國

正一品右柱國從一品右柱國正二品右柱國從二品右柱國正三品右柱國從三品右柱國正四品右柱國從四品右柱國正五品右柱國從五品右柱國

凡官職後有增減者既見於文選官制項下今於資格下亦備書之其有陞降者依見制為定

正一品

太師 太傅 太保以上宗人府宗人令

左右宗正 左右宗人

從一品

少師	少傅	少保	太子太師
太子太傅	太子太保	太子太保	太子太保
正二品			
太子少師	太子少傅	太子少保	太子少保
都察院左右都御史	襲封衍聖公	真入	
從二品			
左右布政使			
正三品			
太子賓客	六部侍郎	左右副都御史	
通政司使	大理寺卿	太常司卿	
詹事府詹事	應天府尹		
順天府尹	按察使		
從三品			
光祿司卿	太僕寺卿	行太僕寺卿	
布政司左右叅政	宣慰使	苑馬寺卿	
正四品			
左右僉都御史	大理寺少卿	左右通政	
太常司少卿	少詹事	太僕寺少卿	
行太僕寺少卿	鴻臚寺卿	應天府丞	
順天府丞	宣慰司同知	按察司副使	
苑馬寺少卿	各府知府		
從四品			

國子監祭酒	中都國子監祭酒	鹽運司同知	宣慰司副使	宣撫司宣撫	布政司左右叅議
正五品					
翰林院學士	左右春坊大學士	尚寶司卿			
華蓋殿大學士	今改中樞殿	六部郎中			
謹身殿大學士	後添設今應天府治中	各府同知			
文淵閣大學士	順天府治中	欽天監監正			
東閣大學士	左右春坊左右庶子	太醫院使			
文華殿大學士	通政司左右叅議	宗人府經歷			
武英殿大學士	光祿司少卿	按察司僉事			
大理寺左右寺丞	宗人府經歷	上林院監正			
五軍都督府斷事官	王府長史司左右長史				
宣慰司僉事	宣撫司同知				
從五品					
五軍都督府經歷	左右斷事官	六部員外郎			
尚寶司少卿	司經局洗馬	左右春坊左右諭德			
翰林院侍讀學士	侍講學士	鹽運司副使			
鴻臚寺左右少卿	鹽課提舉司提舉	知州			
招討司招討	宣撫司副使	安撫司安撫			
正六品					
尚寶司丞	六部主事	太常司丞			



京縣知縣	太醫院判	欽天監副	王府審理正
閤門使	後革	行太僕寺丞	後添
都察院經歷	翰林院侍讀侍講	詹事府丞	後添
國子監司業	中都國子監司業	欽天監五官正	後革
神樂觀提點	大理寺左右寺正	太和山提點	
上林院監左右監副	後添	左右春坊左右中允	
僧錄司左右善世	中都留守司經歷	斷事	
道錄司左右正一	各府通判	都司經歷	斷事
長官司長官	副招討	宣撫司僉事	安撫司同知
應天府通判	順天府通判	後添	
從六品			
續入獻通考	卷之一百	三十	三十五
大理寺左右寺副	左右春坊左右贊善		
翰林院修撰	左右春坊左右司直郎	光祿司丞	後添
寺鴻臚寺左右寺丞	舊為儀禮司	應天府推官	
順天府推官	後添	光祿司各署正	後添
僧錄司左右闡教	道錄司左右演法	布政司經歷	
理問所理問	各州同知	鹽課提舉司同提舉	
安撫司副使	長官司副長官		
正七品			
五軍都督府都事	六科都給事中	舊正八品	
監察御史	太常司博士典簿	後添	
兵馬副指揮	都察院都事	通政司經歷	京縣

丞	營繕所正	翰林院編修	行人司正	舊正九品
按察司經歷	上林苑監左右監丞	都司副斷事		
五軍斷事官	五司稽仁稽義稽禮稽智稽信	後俱革		
王府審理副	蕃育嘉蔬二署典署	安撫司僉事		
苑馬寺各監監正	煎鹽提舉司提舉	後革		
各府推官	各縣知縣	中都留守司都事副斷事		
安撫司僉事	蠻夷長官司長官			
從七品				
中書舍人	六科左右給事中	舊從八品	給事中	舊正九品
行人司副	舊從九品	太僕寺主簿	應天府經歷	
順天府經歷	後添	詹事府主簿	後添	
翰林院檢討				
續入獻通考	卷之一百	三十一	三十六	
光祿司典簿	各署丞	後添	欽天監五官靈臺郎	後革
太常司各處祠祭等署奉祀	後添	各州判官		
錦衣衛經歷	各衛經歷	苑馬寺主簿		
鹽運司經歷	鹽課提舉司副提舉	布政司都事		
王府護衛經歷	宣慰司經歷	招討使經歷		
理問所副理問	蠻夷長官司副長官			
正八品				
六科都給事中	後添	各衛知事	都察院照磨	
中都國子監丞	後革	典牧所提領	通政司知事	
大通關提舉司提舉	後添	京縣主簿	國子監丞	
寶鈔提舉司提舉	欽天監主簿	五官保章正	後添	

龍江提舉司提舉	清江提舉	戶刑部照磨
太常司協律郎 <small>後為寺</small>	行人司行人 <small>舊未入流</small>	
僧錄司左右講經	道錄司左右至靈	太醫院御醫
翰林院五經博士	煎鹽提舉司同提舉	
王府典寶正	奉祠正	良醫正
典膳正	紀善	
上林苑監署丞	苑馬寺監副	營繕所副
元符宮崇真宮靈官	各府經歷	各縣丞
按察司知事	宣慰司都事	天全六番招討司都事
從八品		
六科左右給事中 <small>後陞從七品</small>	鹽運司知事	應天府知事
順天府知事 <small>後添設</small>	欽天監五官掌壺正	<small>後革</small>
續文獻通考卷之二百		
光祿司錄事 <small>後為寺</small>	各署監事	左右春坊清紀郎
儀禮司正 <small>後陞為鴻臚寺卿</small>	鴻臚寺主簿 <small>後添設</small>	翰林院典
籍神樂觀知觀	僧錄司左右覺義	道錄司左右
玄義	王府典膳副	奉祠副
典寶副	良醫副	
國子監助教	典簿	博士
宣撫司經歷		
太常司各祠祭等署祀丞 <small>後為寺</small>	布政司照磨	
元符崇真宮副靈官		
正九品		
六科給事中 <small>後陞從七品</small>	儀禮司左右司副 <small>後陞為鴻臚寺少卿</small>	
鴻臚寺署丞	太常司贊禮郎 <small>後為寺</small>	各府知事
國子監學正	都察院檢校	各縣主簿

行人司正 <small>後陞正七品</small>	戶刑部檢校	布政司檢校
司經局校書	按察司照磨	苑馬寺監正
典牧所大使	各牧監正	茶鹽馬司大使
鴻臚寺司賓署司儀署署丞 <small>後添設</small>	承運庫大使	
欽天監五官司曆 <small>後革</small>	五官監候	翰林院侍書
大通龍江寶鈔提舉司副提舉	文思院大使	
王府長史司典簿	典儀正	奉祠所典樂
會同館大使	皮作鞍轡寶源顏料局大使	
寶鈔廣運廣積贖罰甲乙丙丁戊字庫大使		
應天府織染局大使	煎鹽提舉司副提舉 <small>後革</small>	
順天府織染局大使 <small>後添設</small>	宣撫司安撫司知事	
續文獻通考卷之二百		
教坊司奉鑾	宣慰知事	營繕所丞
上林院典簿	錄事	
從九品		
司務 <small>舊未入流</small>	詹事府錄事	左右春坊司諫
國子監學錄	典籍	司經局正字
通字舍人		
欽天監五官司晨	漏刻博士	各牧監副
儀禮司鳴贊	序班 <small>後陞為鴻臚寺</small>	京府照磨 <small>後添設</small>
各府照磨	軍儲倉大使	御馬倉大使
京府草場大使	廣盈倉大使	都司庫大使
茶鹽馬司副使	按察司檢校	宣課司大使
茶馬司倉庫局大使		典牧所副使

寶鈔廣運庫積賦罰甲乙丙丁戊字庫副使	宣慰司畢節倉大使	太常司樂 <small>後為太常寺司樂</small>	府學教授	行人司副 <small>後陞從七品</small>	布政司庫寶泉雜造織染軍器局大使 <small>寶泉局大使後革</small>	布政司倉大使	承運庫副使	王府典儀副伴讀教授	犧牲所吏目	皮作鞍轡寶源局副使	續文獻通考 <small>卷之三百</small>	各府織染雜造局大使	觀察使 <small>後革</small>	安撫司吏目	宣撫司吏目	陰陽學正術	道紀司都紀	河渠提舉司吏目	應天府織染局副使	教坊司左右韶舞	應天府織染局副使	杭州府城南院課司大使
京衛武學教授	宣慰司教授	都督府草場大使	府倉大使	各府稅課司大使	顏料局副使	節慎庫大使	司牲司大使	翰林院待詔	翰林院副使	文思院副使	承天門待詔 <small>後革</small>	柴炭司大使	招討司吏目	各州吏目	巡檢司獄	千戶所吏目	僧綱司都綱	鹽課提舉司吏目	太平門稅課司大使	安定崇文門稅課司大使 <small>後添設</small>	左右司樂	順天府織染局副使 <small>後添設</small>

未入流	苑馬寺各苑園長	遞運所大使	各州學正	教諭	軍儲倉副使	州縣衛倉大使副使	醫學典科	吏目	都紀	宣課司副使	鹽運司衛所州庫大使	布政司寶泉軍器織染雜造局副使	長史司倉庫大使副使	布政司理問所提控按牘	鐵冶所大使	目	京衛倉副使
	司務 <small>後陞從九品</small>	河泊所官	各縣典史	訓導	軍器局副使	稅課局副使	訓科	王府引禮舍人	僧正司僧正	茶鹽課司大使副使	廣西慶路裕民司大使副使	茶鹽批驗所大使副使	巾帽針工二局大使副使	都司倉庫副使	各府織染雜造局副使	太平門稅課司副使	宣德倉大使副使
	阜民大使	關大使	關大使	孔顏孟學錄	府倉副使	翰林院孔目	廣積庫典	僧綱司副都綱	道正司道正	司竹局大使	司竹局大使	寶泉局副使	兵馬指揮司吏目	兵馬指揮司吏目	長官司吏目	德勝崇文門稅課司副使	工部軍器司
	副使	副使	副使	太倉銀庫大使	牧監錄事	廣積庫典	斷事司	道紀司副	僧會	都稅司副使	司竹局大使	寶泉局副使	兵馬指揮司吏目	兵馬指揮司吏目	長官司吏目	德勝崇文門稅課司副使	工部軍器司



使 河州衛軍民指揮使司稅課局大使 御馬倉副	使 揚州府邵伯瓜洲稅課司大使副使 <small>後華府檢校</small>	遼陽稅課司大使 青州府樂安稅課司大使	杭州府城南稅課司副使 鹽倉大使副使 茶倉大	使副使 稅課司大使副使 抄紙局大使副使	印鈔局大使副使 抽分竹木局大使副使	鑄印局大使副使 生藥庫大使副使 京衛檢校	惠民局大使副使 銀場局大使副使 京衛武學訓	導 長安東安西安北安門倉副使 張家灣監倉檢	校 宣慰宣撫稅課局大使 清江龍江提舉司典史	前鹽提舉司典史 州織染局大使	續文獻通考卷之一百 三六 三百十五京	命婦資品	遼金無考	元國夫人 <small>正一品</small> 郡國夫人 <small>正二品</small> 郡侯夫人 <small>正三品</small>	郡君 <small>正四品</small> 縣君 <small>正五品</small> 恭人 <small>正六品</small>	宜人 <small>正七品</small>	一品夫人 二品夫人 三品夫人	四品恭人 五品宜人 六品安人	七品孺人	右七階封贈皆同但父歿母存則加太字	續文獻通考卷之一百終
-----------------------	---------------------------------------	--------------------	-----------------------	---------------------	-------------------	----------------------	-----------------------	-----------------------	-----------------------	----------------	--------------------	------	------	---	---	-----------------------	----------------	----------------	------	------------------	------------